



XLIX

5

~~17~~ 18

BIBLIOTECA NAZ.  
Vittorio Emanuele II

XLIX

G

18

NAPOLI



7X











FLORES  
SERAPHICI.  
SIVE  
ICONES.  
VITAE. ET GESTA  
VIRORVM ILLVSTRIVM  
ORDINIS FRATRVM MINORVM  
S. FRANCISCI CAPVCINORVM.  
*AUCTORE,*  
R. P. CAROLO de AREMBERGH;  
BRUXELLENSI, EIVSDEM ORDINIS  
PRÆDICATORE.



FLORES

ERRAPHIC

ICONES

ATLANTICA



LIBRARY

UNIVERSITY OF CHICAGO

PHOTOGRAPHIC

LIBRARY

UNIVERSITY OF CHICAGO

PHOTOGRAPHIC

LIBRARY





**FLORES  
SERAPHICI**

Ex amoenis Annalium hortis

Adm: R.P.F. Zacharie Bouerij

Ord. FF. Minorum

**S. FRANCISCI**

Capucinorum Definitoris

Generalis collecti

SIVE

**ICONES.  
VITÆ ET GESTA  
VIRORVM ILLVSTRVM.**

*(quæ ab Anno 1580 vsque ad Annum 1612 fm.  
eodem Ordine, Meritis, & ab eisdem sanctissimis  
narratis, & iudicij de scripta.*

Auctore

**R.P.F. CAROLO DE AREMBERG**

Bruxellens, eiusdem Ord. Prædicatore

*Flores apparuerunt in terra nostra, Candelæ u.*

**CONSTITVTIO**

**COLONIA AGRIPPINA.  
Apud CONSTANTINUM MVNICH.**  
Anno 1642.



DEO VNI VERO,  
IN DEO. ET EX DEO  
REGI SÆCVLORVM  
IMMORTALI AC INVISIBILI,  
SPIRITVI SANCTO

SPIRITVI DOMINI, AG DOMINO IPSI

Secundum vnicam eminentiam DEITATIS

Simplici, recto, Principali,

Naturâ, non gratiâ

Ineffabili Patris, & Filij Communioni,

Vtriusque Dono, non nato,

Sed Dato

Igni, vt DE O, Sanctificantî, non sanctificato;

Metienti; non contento; Glorificato;

Spiritui Paraclito

Adoptionis, veritatis, libertatis;

Spiritui Intellectili,

Aperto, Multiplici, claro, incontaminato;

Spiritui Altissimo

Sapientiæ, Prudentiæ, Consilij, Fortitudinis, Scientiæ,

Pietatis, ac timoris DEI.

Omnium efficienti,

Spiritualis regenerationis Authori,

Pauperum Patri,

Munerum cœlestium Datori, Cordium lumini,

Diuino Amatori,

*Epheſ. 1.* Qui est pignus hæreditatis nostræ, in redemptionem  
acquisitionis, & laudem gloriæ ipsius. Ipsi gloria,

*Ep. Can. Iud.* & magnificentia, imperium & potestas, ante omne  
sæculum, & nunc, & in omnia sæcula sæculorum.

A M E N.



MARIE MATRI MAGNE. AVSTRIACORVM TVTRICI, PASSAVIENSIVM  
PROTECTRICI, SINGVLARI SVÆ BENEFACTRICI OMNIVM ADVOCATÆ  
*D. D. Fr. Carolus de Arenbergh Bruxellensis capucinus.*



## MARIAE DEI MATRI.

Matri integræ, Virgini fecundæ,  
Matri Virgini.

Cuius viscera intacta virum claudunt,  
Cuius venter virum nescit,  
Cuius vterus, factus Templum Spiritus Sancti,  
Peperit Dominum Templi.

Rerum omnium conditarum mensuræ,  
Diuini Archetypi descriptæ Imagini,  
Diuinitatis Cœlo, Solio, Templo, Throno,  
Dei formæ.

Humani Generis Patronæ, Minorum Matri,  
Capucinatorum, & Matri, & Nutritiæ Parenti,  
Peregrinationis nostræ Aduocatæ,  
Periclitantium Adiutorio,  
Omnium Mediatriçi.

Vnde captius redemptionem, æger curationem,  
Tristis consolationem.

Iustus gratiam, Angelus lætitiâ  
Gloriam accipiunt Vniuersi.  
Misericordiæ cumulo, Cœli repletioni,  
Inferni euacuationi  
Cœlestis Hierusalem ruinæ  
Instaurationi.

Parentum reparatrici, Posterorum viuificatrici,  
Hominis naturam supra immortales spiritus  
exaltanti.

Angelorum regulæ, & mensuræ,  
Humanæ curationis consilio,  
Omnis creaturæ decori.

Diuinæ Pietatis abyssi clauis,  
Stellæ sine sui corruptione lumen emittenti,  
Salutis antidotum humano generi  
propinanti.

Corporis Christi umbræ obumbratæ,  
Gloria Maiestatis vestitæ,  
In meridie sempiterno, in secretis Filij sui amplexibus  
recubanti.

Austriacorum Tutrici, Passauiensium Proteſtrici,  
Singulari suæ Benefactrici,  
Hosce Flores Seraphicos  
Vouet, Dedicat, Consecratque

*Humillimus, ac deuotissimus cliens  
& seruus*

Fr. C. B. C. I.

ADMODVM REVERENDO  
in Christo Patri

P. IOANNI A MONTE CALERIO  
TOTIVS ORDINIS FRATRVM MINORVM  
S. FRANCISCI CAPVCINORVM MINISTRO GENERALI  
DIGNISSIMO, &c.



OMPERTVM est, Admodum Reuerende Pater, Numæ libros licet chartaceos, & terræ infossos ad Annos 15xxv. durâsse, vt Author est Plinius, quod Cedrafi essent. Ea quippe Cedri vis est, quæ tineam, cariem, cossos, & similes vermium pestes, ab ijs, quæ delinit, diuturno tempore propellat. Consultum itaq; censui hisce Seraphicis floribus Ordinis nostri, si tuo in sinu eos collocarem. Cedrum inquam, vbi non Aquilæ tantum altissimæ contemplationis, sed & passeris cuiusuis etiam infimæ actionis, scilicet fratres & filij subditi nidificabunt. Nec mihi deliberandum diu fuit, cui offerrem. Exigebat opus, & amor, vt tibi. Opus; quo reuereor, & repeto Auos, & Patres, quorum nos exemplum moueat. Ab Imaginibus, insurgit animus, ab actis maiorum, studium sequelæ. Vt quid lateret virtus in ordine? absit. Alij quidem sileant, Si interroget, quid sentiam. Ego nostrum patrocinium loquar. Laudati, & beati Maiores nostri, nos Electi & relictî sumus, quos scētemur. Porro & erga te meus exigit amor, qui filium in Patrē decet. *Leuit. 2.* Si obtuleris munus primitiarum tuarum Domino, de spicis adhuc virentibus torrebis igni. Obruli quidem flores illos, qui iam dudum dati sunt, Deo, & Deiparæ; nec ideo tamen tui sinit obliuisci filialis affectus. Antiochus olim Asiæ Princeps, Philosopho sibi de Iustitiâ libellum deferenti, donum dedignatus, putasne, inquit, placebit mihi tuus de Iustitiâ liber, qui hoc vnum curo, vt quæ alij iustè habent, mea sint omnia. Malè quidem. Meliore ego sensu Seraphicos flores, id est, Ordinis nostri Patres, offero

tibi, vt Patri, qui illos possides, qui illos pectore foues, prædicas, suspicis, & tanquam viua Imago nobis reproducis; Eam enim morum integritatem, eum Religionis zelum, pietatem, & candorem in regimine profers, vt hæc (quæ antecessorum fuerunt) ornamenta virtutum, hæreditario Iure, & legitimo Patrimonio longe antè tibi debita censenda sint. Silco cætera. Considerandum enim mihi est, quid humilitas, & modestia tua pati possit, & quid tuis virtutibus debeatur. Reliquum est, vt hosce postremos flores, qui ex me veniunt, benigne excipias; quia de manu filij, & subditi sunt, quicunque producti sunt.

Illos igitur Ordinis nostri flores, qui odor Christi sunt, Virorum nempe Illustrium Vitas, & Gesta, quibus quasi in firmamento luminibus Religio nostra collucet, adspectu foueas, & splendore illustres. Sic fiet, vt tanti Patrocinijs aurâ fecundatus hortus Seraphicus noster, eò vberiora in dies proferat florum, ac fructuum incrementa. Vale ex nostro Conuentu Colonienfi.  
Anno 1642. Mensè Ianuar. die 11.

*Admod. Reuerend. P. V.*

Humillimus in Christo filius  
& subditus.

Fr. C. B. C. I.



# PRÆFATIO AD LECTOREM.



*Altitudini firmamentum, inquit Ecclesiast. 43. c. pulchritudo eius est, specier cœli in visione Gloriæ. Sol in aspectu amunians, in exitu vas admirabile opus Excelli. Firmamentum Ecclesia est, Sol iustitiæ ex alto oriens, Christus. Vel paulo aliter. Sol in Ecclesiæ Firmamento, Seraphicus Ordo Fratrum Minorum S. Francisci Capucinorum est. Quasi Sol refulgens, sic ille effulsit in templo*  
 DEI. Nec impedire hunc Solem valent mundi, & carnis nebulae, non terrenarum cupiditatum vapores, non vitiorum noctes. Lucet, & ardet, & Orationis, ac Charitatis spiritu Professorum animos, quasi venis auri terræ viscera, quasi vnconibus Abyssum, quasi floribus suaueolentibus agros fœcundat. Viri illius Illustres sunt. Quasi flos rosarum in diebus vernis, & quasi lilia, quæ sunt in transitu aquæ, & quasi thus redolens in diebus ætatis. Et licet fortasse quasi par ætate sim, impar tamen virtutibus, ac moribus hos Viros prosequor, celebri generationem hanc sanctam, genus electum, pretiosas nostri temporis margaritas. Restant innumera, quæ à principio Anni 1613. ad hanc vsque diem peracta sunt, & præsertim præstantissima Virorum, qui adhuc viuunt opera, quæ post eorum obitum propalare, & laudare sat erit. Ne vero in tantis Ordinis radijs cæcutire videar, id velut manu ob oculos positâ, caueo, & præmoneo. Cum Sanctissimus D. N. D. VRBANVS Papa VIII. die 13. Martij Anno 1625. in Sacrâ Congregatione S. R. & Vniuersalis Inquisitionis decretum ediderit, idemq; confirmari die 5. Iulij, Anno 1634. quo inhiuit imprimi libros hominum, qui sanctitate seu martyrii famâ celebres è vitâ migrauerunt, gesta miracula, vel reuelationes seu quacumque beneficia tamquam eorum intercessionibus à DEO accepta continentes, sine recognitione atque approbatione Ordinarij & quæ hæctenus sine eâ impressa sunt, nullo modo vult censeri approbata. Idem autem Sanctissimus die 5. Iunij, Anno 1631. ita explicuerit, vt himirum non admittantur Elogia Sancti, vel Beati absolutè, & quæ cadunt super personam, bene tamen ea, quæ cadunt supra mores, & opinionem cum protestatione in principio, quod ijs nulla adsit auctoritas ab Ecclesiâ Romanâ; sed fides tantum sit penes Auctorem. Huic decreto, eiusque confirmationi, & declarationi, obseruantia & reuerentia, quæ par est insistendo, profiteor

PRÆFATIO AD LECTOREM.

me haud alio sensu quicquid in hoc Catalogo refero, accipere, aut accipi ab vilo velle; quam quo ea solent, quæ humanâ dumtaxat auctoritate, non autem in diuinâ Catholicæ Romanæ Ecclesiæ, aut Sanctæ Sedis Apostolicæ, nituntur, ijs tantummodo exceptis, quos eadem Sancta Sedes Sanctorum Beatorum, aut Martyrum Catalogo adscripsit. Cæterum Amice Lector, habes, quæ mentis, & voti mei sunt, & quæ in principio, & fine huiusce Florum Seraphicorum posterioris Tomi apposui, fideliter lege, virtutes elige & in æternum viue.

\* \*



FVLGITE ME FLO-  
RIBVS QVIA AMORE  
LANGVEO.

REVERENDO IN CHRISTO PATRI  
CAROLO DE AREMBERGH.  
FLORES SERAPHICOS  
ORDINIS CAPVCINORVM EDENTI.



AVDATVR alti Confilij parens,  
Interminatâ qui sapientiâ,  
Telluris, & Cœli, marisq;  
Vnus opus facit, & gubernat.  
Nec vllus est, qui sit similis Deo,  
Nemo secundus, condere vel velit,  
Non ante cuiquam exordia orbi  
Visa, vel imposuisse finem.  
Miramur aras (CAROLE) & altiùs  
Parata magnis templa laboribus,  
Lucosq;, totq; ducta Diuûm  
Innumeris simulachra formis.  
Ast ex humanis, cui dabo te parem,  
Longos Parentum sanguine Principum,  
Qui Ducis ortus, hosq; spernens  
Patre Deo, ac Duce gloriaris?  
Res pro me. Clarum te pietas facit,  
Virtusq; sacro pectore condita;  
Mens nata Cœlis, portioq;  
Numinis, ingenijq; pondus.  
Munus Deorum est. Fana penatibus  
Aptare, Cœlum iungere cum solo,  
Rursusq; mortuos beatiss  
Germinibus renouare flores.  
Munus Deorum est. Dum modicâ manu  
Trophæa Patrum Seraphici Ordinis,  
Imagines, vitasq;, & acta  
Claudis honoribus æuiternis.

Pangebatur.

FR. BENED. LEOD. CAPUC.

## APPROBATIONES.



Go Fr. Benedicteus Leodius Ordinis FF. Minorum S. Francisci Capucinorum Guardianus Bonnenlis, & Lector &c. Ex Mandato Admodum Reuerendi P. Ioannis à Monte Calerio dicti Ordinis nostri Ministri Generalis Librum (cui titulus, *Flores Seraphici ex amaris Anallibus horum Adm. R. P. Zachariae Bouerij Ordinis FF. Minorum S. Francisci Capucinorum Diffinitionum Generalium collecti, sine Icone, Vita & Gesta Virorum Illustrium, qui ab Anno 1580. vsque ad Annum 1612. in eodem Ordine, Miraculis, ac virtutibus claruerunt, compendiose descripti Tom. 2. auctore R. P. F. Catalo de Aremburgh Braxelensi eiusdem Ordinis Predicatore*) vidi, accuratè legi, & perlegi in quo omnia Fidei Catholice, & bonis moribus consona reperi, vera spectacula Deo. Angelis & hominibus facta, passim admirabilia, vt plurimum non Religiosis tantum, sed etiam reliquis Christi fidelibus imitabilia, eoque vel diuina, vel iucunda, & digna singula, quæ in lucem prodiant. Actum Bonox 28. Octobris, Anno Domini 1640.

*Fr. Benedicteus Leodius Or.  
quis supra*



lates Seraphicus sine Icone, Vita, & Gesta Virorum Illustrium, qui in Ordine FF. Minorum S. Francisci Capucinorum, ab Anno 1580. vsque ad Annum duodecesimum, virtutibus, signis, miraculis, ac virtutibus claruerunt, à R. P. Fr. Carolo de Aremburgh, ex Annalibus Ordinis Hierarchico, conuinctos: de Mandato Adm. R. Patris Ioannis à Monte Calerio, Ordinis nostri Generalis Ministri perlegi: & in eis non tantum nihil contra Fidem, & bonos mores: sed Illustri viro dignum opus inueni: quodque in omni loco bonum odorem Christi & filiorum S. P. nostri Francisci, secundum puritatem Regule & ad litteram viucentium, diffundat: reperi, eoque dignissimum censeo vt imprimatur. Datum Coloniæ Agrippinæ 30. Octobris, 1640.

*Fr. Vultus Treuerensis  
Diffinitor Castell Capucinus Ind.*



Os Fr. Ioannes à Monte Calerio Generalis Ministri totius Ordinis Fratrum Minorum S. Francisci Capucinorum. Cum opus cui titulus est: *Flores Seraphici, sine Icone, Vita, & Gesta Virorum Illustrium à R. P. F. Carolo de Aremburgh composuit*: à pluribus Theologis d-cti nostri Ordinis, quibus id commissimus, recognitum, & approbatum fuerit: vt typis mandari possit seruatim seruandis, tenore præsentium cooedimus. In quorum fidem his sigillo nostro municiis subscripsimus. Datum Spoleti die 11. Decembris, 1640.

*F. Ioannes d-cti Gen.*



X commissione Adm. Reuerendi & Eximij P. F. Ioannis Philippi d-cti Ord. Præd. Sacrosanctæ Theologix Magistri, in alimâ Vniuersitate Colonienfi Professoris publici, & hæreticæ prauitatis Inquisitoris Apostolici, *Flores* hocce Seraphicus ex amcenis Annalium horum Adm. Reuerendi P. F. Zachariae Bouerij Ordinis FF. Minorum S. Francisci Capucinorum definitoris Generalis, operâ R. P. F. Caroli de Aremburgh accuratissimè collectos, non sive animi oblectatione tuolui, & cum nâl Fidei orthodoxæ seu bonis moribus diffonum redolent, sed suauissimum præstantissimam virtutum spirant odorem & Illustrium virorum prodigia mirè expriment non solum deuotis hætarum leonum amatoribus verum etiam singulis, quos Sanctorum Virorum gesta expressa videre delectat, præsens opus utilissimum, & iucundissimum futurum spondeo: vnde & merito typis mandandum censeo, vt Flores appareant in terrâ nostrâ, ex quibus quilibet gratum libi possit & decerpere, & colligere fasciculum. Datum Coloniæ in Conuento S. Crucis Ord. Præd. 22. Ianuarij 1642.

*Fr. Rudolphus Râlen.  
SS. Theolog. Baccalaureus  
& Lector.*

Placet vt Tomus II. Anoalium R. P. F. Caroli de Aremburgh imprimatur, Signatum Colon. die 21. Ianuarij Anno 1642.

*P. Ioannes Philippus Frider Ord. Præd. SS. Theol. Doctus, per Anfratum  
& vniuersam Germaniam Prior Provincialis. Generalis Apostolicus  
Inquisitor, archidiaconus Colonienfis & pastorem amezarum, in pr.*



Ape sis, *Flores* hocce Seraphicus viuis Imaginibus expressos eorumque suauissimâ odore secutus perspicere: nullus latet angustia in herbâ: Collectus enim est, operâ & studio R. P. F. Caroli de Aremburgh, Ordinis FF. Minorum S. Francisci Capucinorum Predicatorum, ex purgatissimis eiusdem Familie Viridarij, Annalibus in quibus R. P. F. Zachariae Bouerij, dicti Ordinis Definitore, supremâ Censurâ Romanâ approbata: prout manu, relatuque eorum didici, quibus penicillatè ventiliatus fuit, & accuratè excussus, Coloniz 21. Ianuarij, 1642.

*Herr. Frankhen Surstorfius  
SS. Th. D. Regens Laurentianus  
librum Censor ordinarius.*



En tunc Deigara Virgo, hosce Illustres Vires  
Ordinis nostri Seraphici Præcipua Flores.  
quos vultu tuo viuos reuocasti, nunc amara  
mea vberibus redituos præfero, et fieri  
suis præmitto, quæ capitis mei amicus.  
Eius eorum qui sequuntur gratia  
habitus, et accepta rediantur spectacula



VOTVM AVCTORIS  
BEATÆ VIRGINI DEI GENITRICI,  
PRIORUMque ORDINIS CAPVCINORVM PARENTI.

Verus est sermo tuus, quem audiui in terrâ meâ super sermonibus tuis, & super sapientiâ tuâ, & non credebam narrantibus mihi, donec veni, & vidi oculis meis, & probaui, quod media pars mihi nuntiata non fuerit. Maior est sapientia, & opera tua, quam rumor, quem audiui. Beati viri tui, & beati serui tui, qui stant coram te semper, & audiunt sapientiam tuam. Sit Dominus DEVS tuus Benedictus, cui complacuiisti. 3. Reg. 10.

**M**IRARI neminem velui, quod à Sanctissimæ DEI Matri apparitionibus operis huiusce mei sumam exordium. Præmitto utrum virginem, vnde Illustres fluxere viri, & corpus lucidum primò insequor, à quo tot fulgent producta lumina. Nec alium Ordinis nostri Seraphici veneror Electum Solem; non aliam Consurgentem Aurora; non aliam Pulchram Lunam, quàm Deiparam. Præmitto Diuinum hunc ignem, à quo omnis Entheus emanat calor; & puritatis argentum, aurumque dilectionis requiro in venis suis, vnde sumitur. Habet argentum venarum suarum principia, & auro locus est in quo conflatur. Job 28. Quin etiam dulciores ex ipso fonte bibuntur aquæ salientes in vitam æternam, de quibus Isaia 35. Scissæ sunt in deserto aquæ, & torrentes in solitudine, & quæ erat arida, erit in stagnum, & sitientes in fontes aquarum.

Ad te igitur conuerto opus meum, ô facunda Virgo, ad cellaria, & torcularia tua, quibus gregem tuum toties paui, satiasti ab ubertate tuâ. O liceat vbera illa tua sugere iusto diuinitatis plena, ut nobis eueniat illud, Ps. 35. Inebriabuntur ab ubertate domus tuæ, & torrente voluptatis tuæ potabis eos; quoniam apud te est fons vitæ, & in lumine tuo videbimus lumen.

O utinam replear, ego prostritæ terræ pulvis hoc spiritu Desisco, hisce Diuæ Genitricis aquis salutaribus, quibus mærores deterguntur, nocivæ carnis illecebæ solvuntur, noxiæ fugatur æstus, exultat servilis timor, mens ad cœlestia rapitur, constantia in bono firmatur, animus in aduersis roboratur, an prosperus temperatur, castitas cum pietate fructificat, ira cum superbiâ reprimitur, humilitas exaltatur, fides & spes augentur, & charitas in cordibus nostris dilatatur.

Age igitur, ô Virgo Sacratissima, ut his aquis exsatiæ. Respice vineam nostram, & perfice eam, quam plantavit dextera tua. Et fac vineam electam, ut cœlestes emittat propages. Diffundat per te Spiritus Sancti gratia, ô gratia plena, diffundatque Filij tui amoribus, ut illis in æternum fruatur, ac tecum fruatur. Amen.



I. FR. ANDREAS AGANDESA .DEFIN. 2.FR. VRBANVS  
 PANORMITANVS. PRÖLIS. 3. FR. AVGVSTINVS AB ALBINTEMI.  
 IO COMM. GNER. 4. FR. HIERONYMVS AS MARTIANO DIFF. 6.



## I.

## APPARITIO.



**F**RATER ANDREAS à GANDESA, Cathalonix Prouinciæ Sacerdos, anno 1583. ex Obseruantium gremio, ad Capucinos aduolans, præclarum virtutum cursum, quem in priori Ordine instituerat, tanto studio apud nostros prosequutus est; vt vitæ austeritate, abstinentiâ, paupertate, humilitate, mansuetudine, oratione, ac demum regularis obseruantix perfectione insignis fuerit. Virginitatem, quam à naturâ tulit, hanc tantâ morum honestate excoluit, vt mulierum omnium studiosè aspectum, & confortia fugiens, perpetui cuiusdam pudoris, qui virginitatis color esse solet, in vultu insignia tulerit. Maiores in Prouinciâ dignitates suâ virtute assecutus, in his tantâ prudentiâ, moderatione, ac humilitate versatus est, vt neque eum dignitas extolleret, neque humilitas dignitatis grauitatem minueret. Tyronum quoque cum per aliquot annos educationem sibi commissam suscepisset; ijs ita verbo, & exemplo præluxit, vt Cathaloniensem Prouinciâ bono Virorum semine fecundauerit. Perpetuâ, ac singulari Beatissimam cœlorum Reginam cum religione prosequeretur; eò factum est, vt plerumque etiam eius aspectu, ac colloquio potiretur. Postremò meritis, ac virtutibus diues, cum in Conuentu Montis Caluariæ Barcinæ ad immortales concessisset, ipsius anima à Seraphinâ quâdam, insigni Muliere, quæ Monialium Capucinarum apud Barcionenses fundatrix fuit, rectâ, absque vllâ purgatoriâ poenâ in cœlum ferri visa fuit.

Anno 1605.



## II.

## APPARITIO.

**R**ATER VRBANVS PANORMITANVS, Prouincialis, virtute, prudentiâ, ac Euangelicæ prædicationis dono præcelluit. Hic cùm Panormitanam, ac Messanenſem Prouinciâ per aliquot annos præclarè adminiſtrâſſet, magnoque cum animarum fructu, Dei verbum in illuſterioribus Italiæ urbibus diſſeminâſſet, Beatiffimæ Virginis in mortè aſpectu dignatus, felix è vitâ migravit. Anno 1611.

## III.

## APPARITIO.

**R**ATER AVGVSTINVS ab ALBINTEMILIO, Commiſſarius Generalis, Genuenſis Prouinciæ Concionator, in eâ prouinciâ, virtute, ac prudentiâ floruit, paupertatis propugnator acerrimus fuit. Hic propter inſignem Viri prudentiam, ac regularis obſervantiæ zelum, ſæpè tum Genuenſem, tum Hetruſcam Prouinciâ, ſub Prouincialis, ac Commiſſarij Generalis titulo adminiſtrauit; quo in munere tam præclaris æquitatis, temperantiæ, humanitatis, auſteritatis, ac cæterarum virtutum exemplis præluxit, vt magnam, & immortalẽ ſibi laudis famam apud omnes comparauerit. Hoc virtutum omnium curſu, cùm ad canos vſq; perueniſſet, Saxonæ febre, ac diſſenteria correptus. Non diu poſt ad vitæ exitum properabat Vir optimus, cùm repenti Dæmonum turbam irruentem cernit: quâ perterrefactus, cùm ſtatim exclamaſſet: Deus, in adiutorium meum intende. eâ voce, atq; Beatiffimâ Virgine è cœlo apparente, tota illa Dæmonum nubes protinus diſperſa, atque effugata fuit. Is verò mente integrâ, optimèque cum Deo compoſitâ, haud ſine ſanctimonie opinione vitam piè in Domino concludit. An. 1585.

## IV.

## APPARITIO.

**F**RATER HIERONYMVS à S. Martino, Definitor, prudentiâ, & vitæ integritate ita præcelluit, vt maiores suâ virtute in eâ Prouinciâ honores consequutus fuerit. Hic dùm ardentius Dei verbum Carmagnoliæ, Salutiensis Marchionatus oppido, diffeminat, lethali morbo correptus, quatruiduo ante mortem cum Dæmone conflictatur: quo in agone diuinam sibi opem implorans, cœlestem vocem sibi dicentem percipit: Hieronyme ne timeas: iam enim tibi cedit Satan. Quo ex tempore summâ quiete donatus, Beatissimæ Virginis, S. P. N. Francisci, atque aliorum Beatorum aspectu fruitur, & sui obitus die præsignificatâ, vitam cum morte commutat. Anno 1603.





FR. PACIFICVS A SESTINO GVARD. 2. FR. AVGVSTINVS GENVENSIS  
 VARD. 3. FR. MICHAELA EORO CORNELV PRAED. 4. FR. ANGEIVS A  
 FOR. LIVIO PRAED.

## I.

## APPARITIO.



**E**RATER PACIFICVS à SESTINO, Picentis Prouinciæ Guardianus, cùm in sæculo regulam Tertij Ordinis S.P.N. Francisci profiteretur, tandem inter Capucinos adscriptus, tam cœleste vitæ genus instituit, vt potius inter Angelos, quàm inter homines versari videretur, cœlestesque raptus, & ectases pateretur. Cæterùm, cùm tam illustria huius Viri sanctitatis argumenta essent, vt in Picenti Prouinciâ, etiamnum viuus, ac superstes Viri Sancti nomen adeptus esset; illud tamen luculentius rem ipsam demonstrat, quòd eo, Tipherni Metaurensis Conuentum aliquandò regente, dùm cellâ inclusus erat, præfulgens quædam stella ex eâ rumpere visa, quæ locum vndique suis radijs illustrabat. Porro Andreas Beneuentanus, sacerdos, qui eam se proprijs oculis vidisse testatur, communem tunc inter Fratres famam diffusam refert, Beatissimam illam Deiparam fuisse, quæ cùm Pacificum sibi deuotissimum suâ præsentia consolata esset, ab eo, sub lucidissimi syderis formâ discesserit. Cùm verò vitæ finem sibi à Domino prænunciari audisset, sexagenarius ad Dominum migrat. Anno 1584.

## II.

## APPARITIO.



**E**RATER AVGVSTINVS GENVENSIS, Guardianus, Vir omni virtutum genere florens, nec non prophetico spiritu clarus. ad Saonenfis Conuentus regimen vocatus, cùm publicæ supplicationi, quæ in die Apparitionis Beatissimæ Virginis Antonio Bottæ, pio Viro, anno 1536. factæ, vsque ad sacram eiusdem Virginis Ædem, quæ per quatuor circiter millia

passuum

passuum ab vrbe distat, die duo de vigesimâ Martij quottannis celebrari solet, cum suâ Conuentus Familiâ interfeset; Sacram Deiparam cœlesti luce perfusam, in proximo colle, Saonensem populum, qui aderat, benigno vultu aspectantem, ac cœlesti dexterâ benedicientem intuetur. Hic igitur visionibus illustris (vt in vitâ ipsius habetur) cûm podagræ morbo diù vexatus fuisset, in quo perferendo, singularis semper eius patientia eluxit; eo tandem consumptus, octogenarius, probatæ patientiæ à Deo remunerationem accipit. Anno 1606.

## III.

## APPARITIO.

**R**ATER MICHAEL à FORO CORNELII, Barcionensis Prouinciæ Concionator, humilitatis potissimùm, quâ honores summoperè fugiebat, paupertatis, simplicitatis, atque in Beatissim. Virginem deuotionis commendatur: cuius aspectu, ac solatio in morte potitus; vbi germano Fratri futurum Religionis amplexum, quem Beatâ Virgine reuelante didicerat, prænunciavit, in Patriæ vrbis Conuentu, mortalem cûm immortali, vitam commutat. 1586.

## IV.

## APPARITIO.

**R**ATER ANGELVS FOROLIVIENSIS, Bononiensis Prouinciæ Prædicator, Angelicus Vir, vitæ candore, ac integritate præstans. Cûm elegantiori formâ præditus, in paternâ domo Adolescentens versaretur, sæpè à mulieribus incontinentiæ tentatus, inter tot sæculi spinas virginittatis lilium candidum, ac immaculatum ita semper custodiuit, vt nullo vnquam tempore illud labefactauerit. At ne tam cœlestem thesaurum, quem in vase fictili gestabat, stygij illi latrunculi ali-

quando deprædarentur, tutiori loco reponendum curat, religiosamque inter Capucinos vitam sibi instituendam eligit: vbi virtutum omnium studia tam incenso animo prosequutus est, vt Angelici nominis rem, ac laudem sibi planè comparauerit: Impurus tamen ille spiritus, immunditiæ pater, qui Angeli pudicitiae, iam ab exordio bellum indixerat, mulierem, ad Angelum ad turpia pelliciendum prouocat, at ille durius increpatam, turpi consilio frustratam, relinquit. Ad Concionatorium munus vocatus, vnus inter omnes Algerium ad Capucinorum redemptionem destinatur. Denique cum totius vitæ cursum præclaris virtutum exemplis exornasset, Florentiæ in supremum morbum incidit, cumque ad vitæ finem accederet, paulò antequàm Deo animam redderet, ad Stephanum Foroliuiensem, socium astantem, conuersus ait: Festina Frater, profer sedes. Cui socius: at nemo est, (inquit) qui sedeat. An non (addit ille) sacram Deiparam, S. Iosephum, ac B. P. Franciscum stantes cernis? exiguo deinde temporis spatio elapso: eia, Frater, quid cunctaris? citò sedilia affer, huc enim gloriosa Vrsula innumeris stipata Virginibus modò accedit. Hæc inter dicta; cum plurima lætitiæ signa ederet, mortalem cum immortali vitam commutat. Anno 1585.





1. FRATER QUIDAM PRAED. 2. FR. IOANNES A COLLEMATO GUARD.  
 3. FR. FRANCISCUS ARELATENSIS PRAED. 4. FR. CHRISTOPHORVS  
 ALBIDONENSIS SAC.

## I.

## APPARITIO.

**D**VM aliquandò Bitunti, anno 1602. Prouinciale Capitulum celebratur, quàm Beatissim. Virgini sermo gratus sit, qui de ipsius laudibus instituitur, cœlesti testimonio proditum fuit: dùm enim quidam ex nostris Concionator, themate sibi de Beatissimæ Virginis excellentiâ assumpto, plura de illius laudibus præclare pro Concione dicit, ipsa Virgo Virginum sæpiùs in eâdem Concione conspicitur, à Concionatoris dextris librum proferens, qui ea continebat, quæ à Concionatore prædicabantur.

## II.

## APPARITIO.

**F**RATER IOANNES à COLLEAMATO, Sacerdos, cùm primùm è sæculi pelago ad Religionis portum euasit, tam perfectam rationem instituit; vt omnium virtutum choros, ad se vnum attraxisse videretur. Candidissimæ namque mentis puritati, quam sibi, velut cæterarum ducem, elegerat, pudicitia; pudicitia morum honestas, morum honestati, exteriorum hominis compositio; externæ compositioni, sensuum omnium mortificatio, huic singularis animi simplicitas; modestia, mansuetudo, patientia, humilitas, regularis disciplina rigor, paupertas, abstinentia, ac perpetuæ orationis studium, ita coniuncta erant; vt cùm his æquè stipatus incederet, quænam perfectius in eo virtus eluceret, haud faciliè dignosci posset. A mulierum conspectu summopere abhorrebat. Cùm enim is, & facie decorus, & vultu verecundus esset, cui & ipsa morum elegantia venustatem addebat; bis à mulieribus incontinentiæ tentatus, tam strenuè aduersus illas pro castitate pugnavit,



uit, vt victor tandem in vtroque certamine euaserit. Tantâ præterea in Deum fiduciâ præcellebat, vt, cum in Mandauij conuentu, in quo is Guardiani munus sustinebat, ob magnam niuis copiam, necessariâ Fratres annonâ laborarent; copiosa, ipsius oratione, à Deo ministrata fuerit. A Dæmone varijs infestationibus oppetitus, dum vehementius orationi incumbit, ipsius astum deludit. neque illi in extremo mortis agone cum Tartareo hoste certamina defuere, at Inclytâ cælorum Reginâ in ipsius opem accurrente; Dæmonum agmina effugata, isque læto rerum successu exultans, dum ter Beatissimam Virginem præsentem salutat; eâdem comite ex hac luce migrat. Anno 1591.

## III.

## APPARITIO.



RATER FRANCISCVS ARELATENSIS, Pro-  
uinciæ S. Ludouici Concionator, cum genere  
nobilissimus, spretis amplissimis nuptijs, meliori  
sefe connubio Religioni copulasset, in eâ tot vir-  
tutibus effulsit, vt sexto ante obitum mense, certum sibi  
mortis diuinâ reuelatione acceptum præsignificau-  
erit; ac puerum Iesum simul cum Virgine Matre in morte  
sibi præsentem conspexerit. Anno 1597.

## IV.

## APPARITIO.



RATER CHRYSOSTOMVS ALBIDONENSIS,  
Sacerdos. Huius vitæ cursus, perpetuus cum Tar-  
tareo hoste conflictus, ac virtutum omnium dis-  
ciplina fuit. Breue quidem vitæ curriculum, at  
longa meritorum series; non annorum, sed virtutum nu-  
mero computata: quam tanta vitæ innocentia, tantusque  
animi candor exornauit, vt peruigil hostis, nihil in morte,  
quod in eo carperet, sibi vindicare potuerit, præterquam

quod à sacrarum litterarum studijs, mentem, animumque reuocauerit, quibus plerisque prædicando prodesse potuisset: Hæc cum tentatione grauiter illum in morte pulsasset, ab eâ tandem diuinâ virtute liber, Beatissimæ Virginis, & SS. Ioannis Baptistæ, ac R. P. N. Francisci aspectu, & consolatione potitur: dumque extremo agone cum morte luctatur, cœlestis in morientis cellâ melodia percipitur; quo tempore Chrysostomus Deo animam reddit.

Ann. 1593.





J. FR. EVGENIVS A VALLECAMONICA SAC. 2. FR. AVGVSTINVS  
 MEDIOLANENSIS PRAED. 3. FR. VINCENTIVS ANDRIENSIS SAC.  
 4. FR. ANSELMVS ROSCINIANSIS PRAED.

## IV.

## APPARITIO.



RATER VINCENTIUS ANDRIENSIS, Sacerdos, eius tanta fuit sanctitas, ut inter sue Conuersionis initia, Cosmas à Martinà, Nouitiorum Magister, eo tempore è viuis excedens, post aliquot dies sæpè eidem apparuerit, ab eoq; preces postulauerit, quo à purgatorijs pœnis, liberari valeret. Id verò cum omni pietate peregisset, Cosmæ anima à pœnis libera; in cœlum euolat. His itaque, cum crebra ieiunia, chori frequentiam, orationis assiduitatem, linguæ custodiam, quam nec in otiosum quidem verbum elabi patiebatur, profundam mentis humilitatem, paupertatis amorem, ac totius regularis obseruantie studiũ, ac præsertim ardentissimum in Beatiss. Virginis cultu animum adnecteret, Euangelicum planè, ac Seraphicum Virum se induisse, indicabat. Quamobrem cum tot virtutibus exornatus, ad extremam vitæ metam peruenisset, serpens ille Tartareus, ægrè ferens, quòd tam ardentè is in Beatissim. Virginis venerationem ferretur, eidem visibilis apparens, persuadere nititur, haud maiori Virginem, quàm reliquas cœlestium animas dignitate. atque orationis potentiã excellere. Quod dum is velut horrendum, & diabolicum commentum detestatione prosequitur; ille è cubiculo tractum, per dormitorij viam vix semiuiuum reptat, quo tempore Beatiss. Virgo luce vndiq; perfusa adsans, Dæmonem abigit, suumque athletam suauissimis verbis recreans, certum illi gloriæ præmium pollicetur, seque in ipso sue Annunciationis die, qui proximus erat, redituram; atque in ipsius sinum animam excepturam spondet. Quod & reipsa præstat: nam eà ipsa die, dum Vincentius Beatiss. Virginem lætis vocibus inclamat, ex hac luce migrat. An. 1592.



1 FR. PAVLVS AMORELLA CVM DVOBVS SOCYS SAC. 2 FR. DOMINICVS  
VERONENSIS SAC. 3 FR. LIBERATVS MEYLENSIS SAC. 4 FR. FVLGENTIVS  
ASCVLANVS SACERDOS.

## I.

## APPARITIO.

**F**RATER MARCVS à MORELLA, Sacerdos  
 Valentinx Prouinciæ, à puero in Dei timore  
 enutritus, omni virtutum genere ornatus, ad  
 Capucinos accedit: inter quos tam cœlestem  
 vitam duxit, vt cum Deo magis, quàm cum ho-  
 minibus conuersaretur. Cum duobus alijs Fratribus orans,  
 Sacram Deiparam conspicit, filium Iesum ijs inter manus  
 porrigentem: eo dùm is se dono indignum reputat, lar-  
 gius is quoque eo perfruitur: Prænunciato denique sui o-  
 bitus die Alenæ, claris post mortem suæ gloriæ signis reli-  
 ctis, mortales corpõis exuuias deponit. vultus enim ri-  
 dentis instar, ac illius membra non pallentia, sed ita candi-  
 da, mollia, ac flexibilia apparuere, vt spectantes maximè ex-  
 hilararent, cœlestisque ipsius gloriæ ijs opinionem confir-  
 marent. Obijt anno 1608.

## II.

## APPARITIO.

**F**RATER DOMINICVS VERONENSIS, Sacerdos  
 Venetæ Prouinciæ, ob assiduum orationis stu-  
 dium multas à Dæmone infestationes patitur. Do-  
 lium vino vacuum suâ oratione plenum reddit: &  
 in morte Beatissimam Virginem, cum B. Clarâ sibi occur-  
 rentem cernit. Anno 1600.

## III.

## APPARITIO.

**F**RATER LIBERATVS MEYLENSIS, Sacerdos,  
 perfectus Regulæ cultor, maximèque in Sacram  
 Deiparam religione feruens; cum ab eâ sui obi-  
 tus diem, & horam accepisset, eâdem vitam cum  
 morte commutat. Anno 1606.

## IV.

## APPARITIO.



RATER FVLGENTIVS ASCVLANVS, Pincensis Prouinciæ Sacerdos, ex Parisianorum familiâ progenitus, miraculis illustris, ac vitæ sanctimoniâ clarus. Vix trigessimũ quartum ætatis annum attingerat, cum e monte Vlmi, ad S. Ginesij Conuentum missus, supremum, qui ei imminabat, diem diuinâ reuelatione percipit, ac paulò post in morbum incidit. Multiplex porrò virtus, quæ ipsius vitam velut cœlestibus gemmis exornauerat, clariùs in morte effulsit: etenim post mentem pœnitentiæ Sacramento expiatam, ac cœlesti Pane resectam, tanta suauitate Deo laudes cœpit occinere, totque præconijs diuinam Maiestatem excolere, vt ante carnis occasum, tam cœlesti Angelorum, ac superũ choris interesse videretur. Inter hæc Deiparæ Virginis, quàm singulari pietate, ac religione prosequeretur, hymnos: *O gloriosa Domina.* &c. & *Aue Maris stella* &c. decantans; cùm illius ante mortem aspectu dignatus esset, lætus in hæc verba exclamat: *ò flos Virginum Maria, te nulla pulchrior, nulla magis pia: iam te sequar cœlesti viâ.* Hæc etiamnum verba in illius ore versabantur, cùm puram ad Deum animam efflat. Anno 1584.







1 FR. FEDERICVS ATIPHERNO SAC. 2 FR. ANGELVS AVISSO  
SAC. 3 FR. ANTONIVS EANESTRIS. SAC. 4 FR. ANTONIVS A CORIOLANO  
LAICVS



## I.

## APPARITIO.



RATREM FRIDERICVM à TIPHERNO METAVRENSI Sacerdotem, Piceni Prouincia pluribus virtutum laudibus extollit, qui cùm ob summam vitæ innocentiam, Beatissimæ Virginis, ac S. Antonij Vlyssipponensis haud semel in vitâ aspectu dignatus fuisset, eorundem quoque in morte, ac præterea S. P. N. Francisci præsentia fruitur, à quibus certa illi cælestis gloriæ possessio promittitur, Anno 1602.

## II.

## APPARITIO.



RATER ANGELVS à VISSO, Sacerdos, Vir immortalis memoriâ dignus, tam admirabili vitæ innocentia clarus erat, vt Angeli nomine, angelica facies, mores, vitæque ratio responderent. Huius cùm potissimum studium esset, vtriusque, & corporis, & animi munditiem illibatam seruare, immundus spiritus varijs, ac diris tentationibus corporis illius honestatem aggredi cœpit. Reluctabatur strenuè nomine, & virtute Angelus, quare deuictus Satan orantem aliquando ita premit, vt penè præfocare videretur: quo tempore viribus, ac sensibus omnibus destitutus, Sacram Deiparam luce clarissimâ circumfusam cernit, quæ cùm aureâ illum virgâ attigisset, protinùs in pristinum statum vendicauit, atque ab omni deinceps huiusmodi carnis tentatione liberum præstitit. Prophetici tandem spiritus, ac miraculorum donis (vt fufius in vitâ ipsius) illustris, in Tridentino Conuentu, octogenarius obdormiuit in Domino.

Anno 1608.

## III.

## APPARITIO.

**P**ICENS Prouincia FRATREM ANTONIVM FANESTREM, Sacerdotem, Virum omni virtutum genere ornatum commemorat: qui cùm multas à Deo visitationes, ac reuelationes accepisset, postremâ tandem sui obitus horâ à Beatissima Virgine admonitus, vt suum ipsi officium persolueret, adhuc Virginis laudes in eius ore personabant, cùm à terrenis ad cœlestes Deo decantandas euocatur. Anno 1588.

## IV.

## APPARITIO.

**F**RATER ANTONIVS à CORIOLANO, Laicus Consentinæ Prouinciæ, dùm strenuam in effodiendis altiùs fundamentis operam nauat, Dæmonis arte contigit, vt tellure, quæ viginti palmorum altitudine altiùs à fundamentis eminebat, cadente, ab eâ repente obrueretur. Protinùs fratres ad terræ cadentis strepitum accurrentes, cùm Antonium, quem paulò antè ei operi insudantem reliquerant, nullibi conspicerent, procul dubio humo sepultum suspicantur: verùm, cùm humo longè latèque prolapsâ locum ignorarent, in quo foderent, ac sepulto suppetias ferrent; en puer ignotus extemplò apprens, fratribus mente perplexis locum indiget, in quo fodere debeant: illi statim pueri dicto acquiescentes terram effodiunt, & quem post integram horam immenso illo terræ pondere præfocatum, atque extinctum putabant, viuum, ac incolumem recipiunt. Mox cuncti in Dei laudes erumpunt: Antonius verò, vbi è terræ visceribus euasit, tensis ad sydera palmis Deo, ac Beatissimæ Virgini gratias reddit, narratque cùm primum eo terræ pondere obrutus fuit, Beatissimam sibi Virginem, albis vestibus indutam, sibi ad-

fuisse,

fuisse, quæ illi animum addens, ait : Ne timeas Antoni, nihil tibi hic telluris casus officiet. Post hæc quasi in molli culcitrâ collocatum, tutum se inter ea terræ pondera quieuisse refert. Quapropter rursus vniuersi in Beatissimæ Virginis laudes vocem extollentes, cum eâ diuinam quoque benignitatem laudibus efferunt.

Anno 1581.





1. FR. VINCENTIVS A SALDVICIO SAC. 2. FR. PLACIDVS A TYRACENO CLER.  
3. FR. REYNERVS A BURGO S.<sup>o</sup> SEPVLCRI LAICVS 4. FRATER ALEXIVS  
AVIGLEBANO LAICVS.

## I.

## APPARITIO.

**F**RATER VINCENTIVS à SALEDVCIO, Sacerdos, omnium virtutum genere ornatissimus; ex quibus in eius animo quædam, potissimum in ægrotos, charitas pullulauerat, quæ cum infirmos quosdam, suæ curæ commissos, ardentè aliquandò prosequutus esset, ea diuinis oculis ita grata fuit, vt postmodum oranti Virgo Deipara, & B. P. N. Franciscus apparuerint, piumque charitatis opus ab eo ægrotis exhibitum commendantes, cœlesti cohortatione in eo illius magis animum confirmauerunt, atque vt frequentiores pro ijs, qui purgatorias pœnas luunt, preces ad Deum funderet, commendarunt. Posthæc cum Lutetiæ Parisiorum peste laborantibus ministrasset, tandem Nouariæ supremâ ægritudine correptus, cui nunquam intermissa comes oratio fuit, simul & orationis, & vitæ cursum confecit. Anno 1592.

## II.

## APPARITIO.

**F**RATER PLACIDVS à TYRACENO, Syracusanæ Prouinciæ Clericus, tantâ vitæ innocentia, mentis puritate, morum honestate, atque in Beatissimam Virginem potissimum pietate, ac religione floruit; vt in morte eiusdem præsentia frui, atque in eius sinum animam efflare promeruerit. Anno 1600.

## III.

## APPARITIO.

**F**RATER REYNERIVS à BVRGO S. SEPVLCHRI, cum aliquandò in Paulæ Benedictoniæ, honestissimæ foeminæ domo Tuderti, ante quandam Beatissimæ Virginis imaginem, quæ Dominum infantulum

tulum in sinu gestabat, seorsim oraret: totâ spectante Familia. in mentis excessum per integræ horæ spatium rapitur; post hæc ab excessu rediens, Paulam monet, vt illam Beatissimæ Virginis imaginem summâ diligentia custodiat: eo quòd ad verum Deiparæ prototypon, quem Vir quidam (se ipsum reticens) præsentem conspexerat, propius accederet. Ex quo facile colligi potest, sæpius illum, iuxta communem omnium vocem, Sacræ Deiparæ præsentia potitum fuisse. Obijce anno 1589.

IV.

APPARITIO.

**R**ATER ALEXIVS à VIGLEBANO Vir plurimâ vir-  
tute, ac sanctimonia clarus. Hic in humili Laico-  
rum statu Domino deseruiens, cùm tandem con-  
sensisset, illustriorisquæ vitæ cursus, tot præcla-  
ris (vt in vitâ ipsius fusiùs exaratur) virtutibus consummatus,  
ad iustitiæ coronam vocaretur, animæ domicilio Pœnitentia  
scopis mundato, & ad Domini aduentum Sacrosanctæ  
Eucharistiæ Sacramento, atquæ ardentioribus cœlestis patriæ  
desiderijs adornato, cùm ad vitæ occasum properaret, non-  
nullas sibi in cellâ rogat faces accendi. Cuius rei, cùm ab eo  
causa quæreretur: quàm primum (inquit) huc Beatissima  
Deipara, ac S. Ioseph accessuri sunt, quos digna veneratione  
prosequi oportet. Vix hæc effatus fuerat, cùm extemplò cla-  
mare cœpit: En cœlorum Regina, ac S. Ioseph adsunt. Af-  
surgite, Fratres, genu flectite, & dignis illos honoribus  
excipite. Hæc vbi in strato assurgens deuotissimè protulit,  
iterum caput in puluinum declinans, Anno 1581. ipsâ  
die, quæ S. Iosepho sacra erat, quem per totum  
vitæ curriculum multâ semper veneratione  
prosecutus fuerat, extremum Deo  
spiritum reddit.



1. FR. IACOBVS A VILLANOVA SAC. 2. FR. MICHAEL GALLVS LAI. 3. FR. VINCENTIVS A NOROMANO LAI. 4. FR. ANTONIVS BERGOMAS LAICVS

## I.

## APPARITIO.



RATER IACOBVS à VILLA NOVA, Sacerdos inter Illustres Aquitanix Prouinciæ Viros, haud immeritò annumeratur: tam enim insigni sanctimoniâ floruit, vt in Sancto Pentecostes die Conuentus hortum flammis exundantem viderit; atquæ in ipso Assumptionis Deiparæ festo, dum illa Antiphona, Quæ est ista, quæ descendit de deserto, &c. in choro decantatur; eandem in cœlum ascendentem conspexerit; Blitam radicem fursùm versâ plantam, suâ oratione ad germen prouocat, ac tandem die obitus prædicto, ad perennem vitam concedit. Anno 1592.

## II.

## APPARITIO.



RATER MICHAEL GALLVS, Laicus, in Parisiensi Prouinciâ, plurimis naturæ, & gratiæ donis insignitus, animique candore, & simplicitate inter cæteros omnes clarus, cùm varijs virtutum, & sanctitatis cumulis vitam suam ad finem vsquæ adornasset, meritis tandem diues, cœlestes sæpè visiones, Deo dante, habuit; inter quas, & Deiparæ Matris præsentiam paulò ante obitum recreatus, in hæc verba ad eiusdem conspectum erupit: O quàm pulchra! ô quàm decora es, Maria! & his dictis sanctissimam animam efflauit. Anno 1598.

## III.

## APPARITIO.



RATER VINCENTIUS à NOROMANO, Consentinae Prouinciæ Laicus Nouitius, Ordinem Fratrum Minorum Capucinorum vix ingressus, sicut apud optimam puritatem vitæ, obedi-



tiam, humilitatem, orationem, & alios virtutum flores, sancti Spiritus charismata, tanquam mella colligebat; unde non Religionis, aut ætatis annis, sed morum gravitate, & plurimis sanctimonie meritis senex (sunt enim sæpissimè nouissimi primi, nec ætas, sed virtus apud Deum in pretio est) necdum peracto probationis anno, magnâ cum laude ad supremam vitæ metam peruenit. Ac in extremis existens priusquàm vitam breuem cum cœlesti commutaret, sanctissimis Reginae cœlorum, & S. P. N. Francisci, conspectibus dignatus, naturæ suæ iura persoluit. Anno 1594.

## IV.

## APPARITIO.

**P**ATER ANTONIVS BERGOMAS, Laicus, cùm ad finem properaret, illum confessarius plus solito hilarem offendens; quænam nouæ illius lætitiæ causa sit, percunctatur. Cui Antonius: Quid? an non mihi (ait) maximè lætandum, quandò ad peregrinationis meæ iam finem accedo, patriamque haud procul distantem saluto? Proximus enim Sabbathi dies me Conditori meo, ac Supremo auctori reddet. At Confessarius: Haud semper mi Antoni, optata contingunt: diuturnior, si Deo placet, tibi vita erit. Cui mox Antonius: erras Pater (inquit) non animus, aut æternorum cupiditas tantummodò hanc mihi vocem extorsit, sed cœlestium hæc vox est, quæ neminem fallit. Etenim Beatissima Virgo Deipara, S. P. Franciscus, S. Antonius, & F. Alexius, nuper defunctus, qui hæc mihi nocte apparuere, proximum hunc Sabbathi diem mihi supremum fore, prænuciarunt. Confessario verò Satanæ dolum latere suspicante: En iterum vobis (inquit Antonius) Beatissimæ Virginis, S. Francisci, S. Antonij, ac F. Alexij præsentiam: en hic præsentibus adsunt: iam illos vobis licet conspiciere. Cùm autem eâ die summâ cum mentis voluptate transactâ, nocte succedente, pluribus Dæmonis

monis prælijs exagitatus fuisset, inter hæc Beatissima Virgo, iisdem Beatis, videlicet S. P. Francisco, S. Antonio, & Alexio stipata, Antonio apparens, vniuersam illam Dæmonum turbam suâ præsentia fugans, eum cœlestibus verbis consolatur: quæ is Fratribus narrans, summâ voluptate afficit. Antonius igitur optatâ tandem de hostibus victoriâ potitus, cum totum Veneris diem in Dei laudibus, ac Fratrum cohortatione, dato Angelicæ Salutationis signo, quasi abundi signum accepisset; quemadmodum antea præsignificauerat, ex hoc sæculo migrat, cum Iustis (vt creditur) in æternum victurus.

Anno 1586.





1. FR. ANTONIVS A FRANCICA SAC. 2. FR. IOANNES A CASTRO BARONIAE  
 3. FR. PETRVS VFFGENSIS LAI 4. FR. CONSTANTINVS A PATRICO LAICVS

## I.

## APPARITIO.



RATER ANTONIVS à FRANCIA , Rhèginæ Prouinciæ Sacerdos , nobili prosapia natus , vix trigefimum ætatis annum expleuerat , cum Polisteni acutâ febre correptus , supremum ægrotare cœpit . Mente igitur Sacramento expiâtâ , atque ad Domini occursum præparâtâ , pridie quàm è vitâ migraret , dum Fratres circa illum nocturnas excubias obseruant , in mentis excessum raptus , diuinâ hac visione potitur , quam Fratribus qui excubias obseruabant , postulantis , his ille verbis narrat . Videbar mihi , inquit , cœmentarium fabrum conspiciere , qui celerrimè scalas suis gradibus distinctas , ad cœlum vsquè pertingentes construeret : quibus festinatò absolutis , Angelus mei Custos , manu apprehensum , me per eas ducens , in cœlum vsquè perduxit : atquè in Dei , Beatissimæ Virginis , B. P. Francisci , ac multorum Angelorum conspectu statuit , quorum mihi videbar gloria frui . Hoc me gloriæ dono cum collocationem cernerem , protinus exclamo : Heu me ! quia homo peccator sum . Vnde tanta mihi gloria , cui potius pœna , quàm gloria debetur ? At mihi Beatissima Virgo Fili ( inquit ) æquo animo esto : iam pœnas in corpore exiisti , nunc te gloria manet . Mox Dominus à B. P. Francisco , num me inter filios suos coaptat : in agnoscat , per cunctatur . Cui ille : utiquè Domine : quandoquidem pauperulus semper fuit , ac paupertatis amator . Tunc mihi inter Martyres , & Confessores sedes collocata fuit . His ita Dei decreto sancitis , huc ab Angelo iterum reductus sum , eò breui reuersurus . Hæc Dei , ac Beatissimæ Virginis iussu vobis aperui : vos ea donec spiritum egerim continete . Post hæc in quandam Beatissimæ Virginis imaginem oculos defigens , inter Crucis amplexum , & B. Virg. aspectum , Deo spiritum reddit . Anno 1603.

## II.

## APPARITIO.



RATER IOANNES à CASTRO BARONLÆ, Laicus, grauissimè in Conuentu Immaculatæ Conceptionis vrbs Neapolitanæ ægrotabat, appropinquante vitæ fine, cum Dæmonis præsentia aliquandiu terrefactus fuisset, mox aufugisse Dæmonem clamat, Beatissimamque Virginem, vnà cum B. P. Francisco (vir probatissimæ vitæ erat) accedentem, exclamans, puram animam efflat. Anno 1598.

## III.

## APPARITIO.



RATER PETRVS VEFVGENSIS, Laicus, incredibili inter alias virtutes, quarum ornatissimus erat, patientiâ emicuit. Hic cum obitum suum longè ante prædixisset, inclytam in morte Cælorum Reginam sibi occurrentem cernens, ex humanis migrat. Anno 1598.

## IV.

## APPARITIO.



RATER CONSTANTINVS à PATRICO, Vmbriæ Prouinciæ Laicus, Vir simplex, humilis, ac plurimâ virtute ornatus, tam incredibili hic erga Beatissimam Dei Matrem amore, ac veneratione ferebatur, vt cum sua ad eam, vt plurimum in oratione vota dirigeret; illius quoque aspectu, ac colloquio positum, communi inter fratres famâ traditum fuerit. Hic cum diem mortis diuinâ reuelatione accepisset; in eo quoque vitæ cursum confecit.

Anno 1586.



1 FR. FRANCISCVS NARENSIS CLER. 2 FR. IOANNES GERVDEN CLER.  
3 FR. PETRVS PETACIENSIS NOMI 4 FR. RUFFINVS GALERATENSIS LAICVS

## I.

## APPARITIO.



**FRATER** FRANCISCVS NARENSIS, Clericus, tantâ in Beatissimam Virginem deuotione efferbuit, vt cùm de eâ aliquid sibi narrari audiret, præ amoris æstu, animo quodammodo liquefieri videretur. Huic tam ardenti in Beatiss. Virg. pietati, cùm Virginitatis, & reliquarum virtutum, quibus omni studio, trium annorum spatio, insudauerat, cumulus accederet; vberiùs à Beatiss. Virgine præmium accipit: extremo enim morbo correptus, triduo, antequam è vitâ excederet, Beatiss. Virginem albâ veste indutam, regioque, duodecim stellarum diademate coronatam, quam multa virginum agmina sequebantur, ad se venientem cernens; Fratres, qui lecto adstabant, mox admonet, vt inclytam cœlorum Reginam, ac Dei Matrem magnâ reuerentiâ excipiant: cumque sæpius in eo triduo appareret, atque ita familiariter cum eo conuersaretur, vt pleraque etiam eum cœlestia doceret; tandem suâ, ac duorum Fratrum obitus horâ prænuntiata, eadem ipse, atque alij quoque sua morti tributa persoluunt. Obijt Franciscus A. 1599.

## II.

## APPARITIO.



**FRATER** IOANNES GERVNDIENSIS, Clericus Nouitius, Cathalonie Prouinciæ dato aliquandò Completorii signo, cùm ab his verbis: *Iube Domine, Benedicere*: Horam inchoaturus esset, cæteris de more surgentibus, is genuflexus manens, tam suauiter in hæc verba (prætermisiss illis) erumpere cœpit: Benedicant te Angeli, ô Maria sanctissima: Benedicant te cœlestes spiritus, ô Virgo virginum Deipara. vt eum Fratres, vel spiritum ebrium, vel diuinâ aliquâ Beatissimæ Virginis visione potitum

tum existimarent. At Vicarius Prouincialis, qui factò præfens erat, seorsum in cellam vocatum interrogat, quid eum ad insolita verba in Choro pronuntianda compulerit. At Ioannes oculis in cœlum sublati, repentè in ecstasi rapitur. Lateralis quoquè semel pleuritidis morbo correptus, cùm ægrotare cœpisset, accidit, vt Fr. Antonius à Neapoli Laicus, qui sedulò illi ministrabat, dùm in cellæ illius angulo facie ad fenestram versâ, orationi vacaret, alterum cum Ioanne colloquentem audiret: Quâ re obstupescens, cùm neminem sibi præsentem adesse sciret, vultum repentè ad ægrotum conuertere, & quis cum eo colloqueretur, agnoscere curat. At quantâcunquè vi sibi adhibitâ, in id adniteretur; nunquam tamen, virtute quâdam diuinâ obistente, aut loco dimoueri, aut faciem ad ægrotum conuertere potuit, donec communis Oratio, quæ de more tunc post Completorium fiebat, absolueretur. Porro Oratione peractâ, Antonius à Ioanne percunctatur, quisnam is esset, qui cum eo nuper sermones miscuisset? Cui ille: dummodò rem, ait, silentio tegas, aperiâ Adfuit, inquit, hic cœlorum Regina, multis virginum stipata choris: quæ cùm plurimis consolationis verbis ægrum prosequuta fuisset; tandem velocioris me meæ dissolutionis admonuit, quæ crastinâ die horâ sextâ procul dubio futura est. Post hæc cùm se ad extremum vitæ cursum deuotissimâ Sacramentorum susceptione, ac oratione parâisset, Religionis professione ante orbitum emissâ, quâ prædixerat horâ, purus ex hoc sæculo migrat. Anno 1581.

(. . .)



## III.

## APPARITIO.



RATER PETRVS PETACIENSIS, Siculus Nouitius, cum plurimâ vitæ innocentia, mentis puritate, animi simplicitate, humilitate, obedientia, mundi contemptu, atque omnium virtutum studio præclarum vitæ tyrocinium inchoasset, anno Probationis necdum peracto, morbo correptus, Beatiss. Virginem in morte sibi occurrentem, his verbis excipiens: ô dulce bonum meum, ô vnica spes mea, ô Virgo beatissima, ter milliesque benedicta, iam me in sinum tuum suscipe, purum Deo spiritum reddidit, Anno 1600.

## IV.

## APPARITIO.




RATER RVFFINVS GALLERATENSIS, Mediolanensis Prouinciæ Laicus, Vir sanctimoniâ, prophetiæ spiritu, ac miraculis clarus. Cum septem tantum annos natus, cum paruulâ sorore aliquandò in vineam proficisceretur; Lupo aduentante, soror cœpit pauescere. Cui ille: Ne expauescas, inquit, Salutationem tantum angelicam, quam à matre didicimus, deuotè persoluamus; nihilque nobis Lupus nocebit. Cumque genuflexi Angelicam Salutationem recitassent, mox Beatissima Virgo inter eos media apparet, quæ metum omnem ab illis propulsans, Lupum fugat, saluosque domum reducit: Minorum tandem Conuentualium albo inscriptus, postmodum ad Capucinos migrat. Hunc plerisque à Deo donis, ac præsertim Beatissimæ Virginis visione, ac colloquio, dum orat, cohonestatum fuisse, communis olim fama fuit. Orans tandem genuflexus spiritum Deo reddit. Anno 1587.



1. FR. FRANCISC<sup>9</sup> ARELATENSIS LAI. 2. FR. ANGELVS AB ERATVERTIO LAI  
3. FR. BARTHOLOM AB ALEXANDRIA LAICVS.


## I.

## APPARITIO.

RATER FRANCISCVS ARELATENSIS, Parisiensis Prouinciæ Laicus, maximis virtutibus emicans, Beatissimæ Virginis, nec non pueruli Iesu nonnunquam aspectu dignatur: Deniquè obitu suo longè ante Fratribus prænunciato, felicius in Domino obdormit. Anno 1589.


## II.

## APPARITIO.

Ariensis Prouincia Fratrem ANGELVM ab ERAVERTIO, Laicum, magnæ virtutis Virum celebrat: cuius tanta fuit vitæ sanctimonia, vt aqua, in quam lapillum è Sanctissimæ Trinitatis monte, qui Caietæ cernitur, immerferat, ac signo Crucis benedixerat, pleraque curatoris signa patrauerit. Cui tandem in morte, cum prius S. Catharina Martyr, tum verò Beatissima cœlorum Regina apparuisset, in posterioris sinu animam efflauit. Anno 1606.

## III.

## APPARITIO.

RATER BARTHOLOMÆVS ab ALEXANDRIA STATIELLORVM, Prouinciæ Genuensis Laicus, Regularis disciplinæ obseruantissimus, charitate insignis, pleraque à Deo dona, tum in vitâ, tum etiam in morte accepit. Futurorum haud ignarus, quædam post mortem sibi euentura præsignificauit. Beatissim. Virginis in morte aspectu dignatus, Sauelliani apud Pedemon-tanos, magnâ ad illius funera populi frequentiâ confluente, extremum Deo spiritum reddit. Anno 1608.



1. FR. EVSEBIUS A VENAFRO LAIC 2. FR. PAVLVS A CALAVELLO LAIC 3. FR. ANDREAS S. RIMANENSIS LAIC 4. FR. PETRVS A MARTINA LAICVS

## I.

## APPARITIO.



RATRIS EVSEBII à VENAFRO, Laici, celebris in S. Angeli Prouinciâ floret memoria : qui cùm obedientiâ , charitate , ac patientiâ eximius , diuinis Beatissimæ Virginis interdum colloquijs frueretur; orans quoque vultu splendidoprehenditur. Deniquè dùm supremum ægrotat, clarâ luce ipsius cella perfunditur, multaque apud Fratres virtutum laude clarus, ad Dominum migrat. Anno 1600.

## II.

## APPARITIO.



RATER PAVLVS à CALAVELLO, Hidruntinæ Prouinciæ Laicus, summæ tum austeritatis , tum despicientiæ Vir , plerasque cœlestes visiones à Deo accepit. Dùm aliquandò in Ecclesiâ oraret, Virgo Deipara, quam is præcipuâ deuotione colebat, è cœlo tenui nubeculâ ad ipsum euecta, seruum suum cœlesti præsentia, ac verbis consolabatur; quo tempore is ægrotum Fratrem, cuius à Guardiano illi cura commissâ fuerat, clamantem audiens, statim Virgine relictâ, ad ipsum festinat : cui vbi debita obsequia exsoluit, ad Ecclesiam rediens ; Sacram Deiparam, etiamnum expectantem, reperit : cui Paulus : Beatissima Virginum ( inquit ) ne indigno famulo tuo succenseas, quòd te prætermisâ, ad infirmum accesserim. Cui illa: ne te, Fili, facti pœniteat: rem mihi tantoperè gratam fecisti, vt gratiorem nunquam: charitatis enim, & obedientiæ opus, quo ægrotum Fratrem prosequutus es, in maximum meum, ac filij mei amorem redundat. Idcirco perge viriliter, cœptis insiste, & cœlesti coronâ te dignum præsta: non enim deerit, qui operi tuo mercedem reddat. His cùm inclyta cœlorum Regina seruum suum dictis solata

lata fuisset, velox in cœlum redijt. Paulus verò cùm plurimos in Religione annos ( prout fusiùs in ipsius vitâ continetur ) omni cum iustitiâ, ac virtute traduxisset, Neapoli in Conuentu Immaculatæ Conceptionis Beatiss. Virginis, corruptibilem corporis sarcinam deponit. Anno 1583.

## III.

## APPARITIO.

**F**RATER ANDREAS STRIMANENSIS, Hetruſciæ Prouinciæ Laicus, cùm plurima vitæ austeritate, atquæ orationis studio præcelleret, virtutibus diues, Christum Dominum, Beatiss. Virginem, ac B.P. Franciscum sibi in morte occurrentes intuetur, ac beato fine quiescit. Anno 1586.

## IV.

## APPARITIO.

**F**RATER PETRVS à MARTINA, Hidruntinæ Prouinciæ Laicus, ex Marafforum familiâ natus, Deum ita ab infantiâ timere didicit, vt secum pietas orta, atquæ aucta videretur. Verùm, cùm tardioris esset ingenij, duabus sororibus Symbolum Apostolorum faciliè addiscentibus, cùm nequæ is illud addiscere, nequæ vllâ ratione memoriâ retinere posset, puerulus ad Beatissimæ Virginis opem confugit, atquæ ab eâ supplex doceri postulat. Quæ pueruli vocem exaudiens, sub candidæ mulieris specie mox coram ipso adstat, & Nicenum Symbolum, quale in Mifsâ decantari solet, eius memoriæ instillat. Protinus Petrus præ gaudio exultans ad parentes properat, & Beatissimæ Virginis visionem referens, Nicenum Symbolum, quod à Sacrà Deiparâ didicerat, abſquæ errore recitat. Tandem Capucinorum militiæ adscriptus, donisquæ cœlestibus illustratus ( vti fusiùs in ipsius gestis exaratur ) Tarentum proficiscitur, cumque sorori

suæ obitum suum tertiâ die futurum prædixisset, acutâ feбри corripitur: & post tertiam diem, vt prædixerat, ad Deum migrat. Extremum verò spiritum redditurus, cùm Sacram cœlorum Reginam sibi occurrentem cerneret, Iam, inquit, valete Fratres: Virgo me Beatissima expectat. Moxque anima è corpore soluta, in Sacræ Deiparæ sinum aduolat, cœlestibus, vt putatur, inferenda choris. Anno

1590.







1. F. IGNATIUS AGRIGENTINUS. LAICUS. 2. F. MATTHÆUS SALI-  
SENSIS. NOVI. 3. F. FRANCISCUS a CÉPHALODIO.



## I.

## APPARITIO.



RATER IGNATIVS AGRIGENTINVS, Laicus Panormitanæ Prouinciæ, ardentissimâ febre correptus, siti plurimum æstuabat: qui cùm à medico aquæ potum, quo sitim sedaret, impetrare non potuisset, animo ad Beatissimam Virginem conuerso, eius in eâ necessitate auxilium exposcit: quæ ægroto apparens, cùm ei vas aquæ pellicidæ potandum porrexisset; eo epoto statim incolumis euasit. Anno 1600.

## II.

## APPARITIO.



RATER MATTHÆVS SALINENSIS, Lugdunensis Prouinciæ Nouitius, cùm purus, & innocens ad Religionem; purior, & innocentior, ante exactum Probationis annum, inde emergens; in morte, Christi Domini, Beatissimæ Virginis, & S. P. N. Francisci præsentia fruitur. Anno 1597.

## III.

## APPARITIO.



RATER FRANCISCVS à CEPHALODIO, in Messanenfi Prouinciâ, cùm multa virtute floreret, diuturnâ patientiâ à Domino probatus, in morte Beatissimæ Virginis aspectu, & consolatione dignatus, Deo spiritum reddit.


Anno 1606.



1. F. IVNIPERVS a GVSSACO LAICVS. 2. F. MICHAEL a VENAFRO  
LAICVS. 3. F. QUIDAM. 4. F. IOANNES a MANFREDONIA.


## I.

## APPARITIO.

 RATER IVNIPERVS à GVSSACO, Laicus, Vir virtute præclarus, huius præter cæteras animi virtutes, quibus abundè præditus erat; tanta erat erga Sacrosanctum Missæ Sacrificium religio; vt ne in sacro Altaris Ministerio quisquam ei anteferreretur, pacto se Sacristæ obstrinxerit, perpetuum se Ecclesiæ Scopatorem fore; dummodò Sacerdotibus, qui ad Sacræ Eucharistiæ Altare diuina Mysteria celebrarent, is solus ministerium exhiberet. Porro in eo Altaris ministerio tantâ interdum cœlesti voluptate perfundebatur, vt dum aliquandò Sacerdoti celebranti ministrat, mente excedere visus fuerit: ita vt ex Patribus alterum, qui Missæ sacrificio intererat, pro eo, ministerio fungi opus fuerit. Incredibili verò cùm Beatiss. Virginem veneratione prosequeretur, ab eâ tandem sui obitus diem, qui in ipsius Natiuitatis solemnitatem incidit, certum accipit, à quâ etiam ante mortem verbis recreatus, ac rosarum floribus donatus, piè in Domino obdormit. Anno 1599.


## II.

## APPARITIO.

 RATER MICHAEL à VENAËRO, Sancti Angeli Prouinciæ Laicus, virtute clarus, in morte Beatissimæ Virginis aspectu fruitur. Anno 1590.

## III.

## APPARITIO.

 RATER Quidam in Conuentu Spoletano, propter abundantioris catharri descensum, qui in faucibus consistens, putridum in his apostema genuerat, demptâ fermè respiratione ad interitum properabat;

rabat; cùm ad Fratris Raynerij ex nostris pridem defuncti opem confugerit, noctu B. Virum simul cum Beatissimâ Virgine, ac B.P.N. Francisco ad se accedentem cernit: qui, cùm manu ipsius fauces attigisset, mox incolumem reddidit; ita vt mane ad communia Conuentus ministeria conueniret. Anno 1589.

## IV.

## APPARITIO.

**F**RATRIS IOANNIS à MANFREDONIA memoria apud Apulos etiamnum celebris viget, qui à muliere incontinentiæ tentatus, aufugit: cumque virginitatem, & vitæ austeritatem virginitatis custodem, cæterasque perfecti hominis virtutes, impigrè vsque ad canos prosequutus esset; in morte, cœlestium supplicationem Beatissimæ Virginis præsentia illustratam cernens, Deo spiritum reddit.

Anno 1592.





AVDEMVS VIROS GLORIOSOS, & PARENTES nostros in generatione suâ. Homines diuites in virtute, pulchritudinis studium habentes: pacificantes in domibus suis. Omnes isti in generationibus gentis suæ gloriam adepti sunt, & in diebus suis habentur in laudibus. Qui de illis nati sunt, reliquerunt nomen narrandi laudes eorum: Illi Viri misericordiæ sunt, quorum pietates non defuerunt, cum semine eorum permanent bona, hereditas sancta nepotes eorum: & filij eorum propter illos vsque in æternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum viuit in generationem & generationem. Sapientiam ipsorum narrent populi, & laudem eorum nunciet Ecclesia. *Ecclesiast. 44.*



ACTVRVS MIHI OPERÆ PRETIVM VIDEOR, si vitas Sanctissimorum Virorum, exemplo alijs mox futuras, perscripsero: quò vtiquè ad veram Sapientiam, & cœlestem Militiam, diuinamque virtutem legentes incitabuntur, in quo ità nostri quoque rationem commodi duximus, vt non inanem ab hominibus memoriam; sed æternum à Deo præmium expectemus: quia etsi ipsi non ità viximus, vt alijs exemplo esse possimus: dedimus tamèn operam, ne ij laterent, qui essent imitandi. *Sulpitius Seuerus de B. Mart.*

*Vita in Prolog.*

(··)



FRATER MARIUS A FOROSARZINIO FRATRUM  
CAPUCINORVM GENERALIS.



# FRATRIS MARII à FOROSARZINIO FRATRVM CAPVCINORVM

VICARII GENERALIS

*VITA, ET GESTA.*

**I**RATER MARIUS à FOROSARZINIO, Picentis Prouinciæ, ex honestâ Fabianorum familiâ progenitus, prima in D. Augustini Ordine Religiosæ vitæ tyrocinia posuit: in quo, cùm plures annos Philosophicis, ac Theologicis studijs vacasset; Doctoratus tandem lauream consequitur. Verùm Patre luminum inspirante, qui eum ad noui gregis custodiam parauerat, Anno 1536. Capucinis adiungitur. Mira in hoc viro, cùm primùm inter nos versari cœpit, morum disciplina eluxit; mira exterioris hominis compositio; mira ad omne virtutis studium cupiditas; mira animi mansuetudo; ac moderatio; admiranda quoque mentis prudentia, atque integritas. Vnde factum est, vt cum ad cæterorum normam, ac magisterium datus videretur; facilè tùm in suâ Piceni Prouinciâ, tùm in alijs ad dignitates, ac Prouinciarum gubernacula vocaretur: donec singulari illius virtute perspectâ, primùm ad Definitorium Generalis Capituli, tum ad Procuratorium munus assumptus; demum ad Generalatus apicem conscendit. In victu, ac vestitu, cæterisq; rebus, ita ab omni tùm superfluitate, tùm copiâ abhorrebat, vt necessaria sibi tantum vendicans nunquam ab arctæ paupertatis lege exorbitaret, sed virtutis perfectum teneret. Nihil eo humilius, nihil mitius, ac mansuetius; in oratione feruens, atq; assiduus, cuncta temporis momenta, ac loca, velut auarus captabat, quæ rerum diuinarum contemplationi daret: cuius suauitate ita affici videbatur, vt in eâ non paruam dici, ac noctis partem studiosè insumeret. Hinc pleraque Dei dona, quæ perfectè orantibus concedi solent, à Deo accepit: in quibus illud enumeratur, quod Nouitio cuidam oranti

tres è Cœlo coronas aliquando allatas viderit ; quæ tres à Dæmone tentatore ab eo reueltas victorias indicarent. Totum huius viri studium fuit, animam veris, ac solidis virtutibus imbueret. Inde præclarum perfectissimæ obedientiæ aliquando testimonium exhibuisse legitur, diuino planè miraculo commendatum: cùm enim iam annorum numero grauis, ac febre continuâ laborans, Anconæ aliquando in lecto iaceret, à Generali Vicario ei litteræ redduntur, quibus ei præcipitur, vt sub Generalis Vicarij titulo, Siculam Prouinciã visitet. Vix Marius Generalis Vicarij litteras legit, cùm è strato surgens, sibi statim parendum statuit. Reluctabatur Medicus: dissuadebant quoque Fratres, qui eum in sene statum deprehendebant, vt absque vitæ periculo iter illud aggredi non posset; at ille non corporis statum, non morbi grauitatem, non virium imbecillitatem, non denique vitæ periculum cogitat; sed obedientiæ propositum omnibus vitæ periculis anteponebat se ad iter accingit. Tam verò Diuinæ Maiestati grata hæc Viri obedientia fuit; vt cùm primùm iter est aggressus, febris, quæ Physicorum iudicio ob violentum corporis motum augeri debuit, protinus mitescere cœperit; ac breuioris temporis spatio, quàm aut morbi natura, aut naturæ leges præscriberent, ab eo prorsus abscesserit. Virginitatem perpetuò coluisse, constans apud Fratres fama fuit; quam ipse quoque Fr. Iuliano Maceratenſi, cùm mortis iam propinquus esset, inter cetera dona, quæ sibi à Deo benignè collata fuerant, enumerans, pro eâ impensius Deo gratias egit. Maxima quoque eius in Deum confidentia Diuino miraculo comprobata enituit: Cùm enim in Piceni Prouinciã Prouincialis Vicarij munere fungeretur, accidit vt in Conuentu Tiferni Metaurenſi, quò tunc visitaturus accesserat, nulla in crastinum esset panis, ac vini annonæ: quo tempore tam alta è cœlo nix delapsa est, vt absq; periculo Oppidum ad mendicandum adiri non posset. Guardianus tamen, ne eam diem, quæ Prouincialis aduentu iucunda erat, Fratres iciuni, ac impasti transigerent; robustiores aliquot ex Fratribus eligit, qui niue disiectâ, viam ad Oppidum parent: At Marius Guardianum modicè fidei arguens, Prophetæ vocibus B. P. N. Francisco familiaribus *Facta super Dominum curam tuam, & ipse te eruet*, cunctos in Deum sperare monet, ad Ecclesiam ducit, Diuinamque liberalitatem vniuersi, magnâ in eam, ob Patris verba, conceptâ fiduciâ, impensius exorant. Nec vana eorum expectatio fuit; adhuc enim orationi vacabant, cùm ianuæ tintinnabulum pulsari audiunt, Ianitorq; annosum, ac barbatum senem, in ostij limine offendit, qui saccum pane ad os



vsque refertum, ac vini cadum illi vltro benignè erogat. Denique Ianitor pro officio Marium, & Guardianum, vt tanto benefactori gratias reddat, velox accessit: Cum ijs verò ad ianuam rediens, Senem nullo loco consistere, neque vlla eius in niue vestigia deprehendit. Quo ineffabilis illa Dei Maiestas declarare voluit, quàm gratum illud Marij consilium, integramque fiduciam gratam habuerit. Tanta autem fuit ipsius vitæ probitas, & sanctimonix splendor, quibus tam præclare, inter pastorales curas in Religione effulsit, vt instar igneæ columnæ, gregem præcederet, atque omnium in se virtutum facem præferret. Quàm verò in Religioso grege curando, tuendo, atque à persequentium infestatione liberando vigilans, ac sollicitus fuerit, satis superq; manifestum fuit; cum Anno 1568. falsò de Capucinatorum vnione cum Fratribus de Obseruantia nuncupatis, rumore diffusò, è Sicilia Romam aduolat, Pontificem adit, rumorem aperit, eidemque antiquam Ordinis libertatem, hætenus priorum Pontificum benignitate, à Minorum Obseruantium iugo immunem (vnde totius Regularis Obseruantix summa pendet) impensius commendat. Pontifex verò, cui nihil vnquam huiusmodi in mentem venerat, æquo animo esse iubet; nihil in Capucinis non modò immutandum fore pollicetur; quin etiam id apud se stabile, ac fixum statuit, illorum ita incolumitati, ac stabilitati incumbere, ac Religionis radices tam altè plantare, vt nullo vnquam deinceps persequentium flatu euelli, aut mutari queant. Interim in regulari obseruantia vbique sartà tectà seruandà, ac illustrandà, Marius egregiam operam nauans, tantà temperantià, ac animi moderatione pollebat; vt neque irà, neque odio, nec amore commotus, iudicium vnquam ferret, sed in delictis puniendis æquitas, & erga lapsos clementia plurimùm eluceret. Cæterùm illius prudentiam multarum rerum vsu exercitatissimam, consilium, doctrinam, animi magnitudinem, constantiam, fidem, quibus Religionem ad sextum vsque annum præclare administrauit, prætereo: dixisse sufficiat; vetusta omnia nostræ Religionis M. S. ipsius, tùm in Generalatu, tùm in alijs Officijs, quibus sapissimè functus est, administrandis, ita prudentiam, ac sollicitudinem laudare, vt nulli secundum prædicent. Præclaram hanc vitæ sanctimoniam, tot virtutibus exornatam, haud D. O. M. cœlesti testimonio vacuam esse voluit. Cùm enim aliquando Macerata ægrotaret, Britius quidam Cursorum Magister, vinum illi ex quodam dolio supeditabat, quod cùm ante ipsum ægritudinis exordium iam penè

exhaustum esset ; ita vt vinum ex epistomio guttatim deflueret, cum primùm illud Mario ministrare cœpit , ita diuinâ virtute in dolio auctum fuit , vt & Mario , donec is ex eo morbo perfectè conualuit , ac toti Britij familiæ toto eo tempore abundè sufficeret. Miraculum porrò omnibus notum , absque vllâ dubitatione Marij sanctimonix adscriptum fuit. Hac in ægritudine in extasim raptus , vbi post longioris temporis moram ad sensus redijt , Fr. Laurentio Vrbinati , qui illi à Confessionibus erat, Beatam Mariam Magdalenam , in quam is præcipuâ deuotione ferebatur , eo tempore sibi apparuisse , ac multa de rebus celestibus secum collocutam fuisse significat. His , & illud accedit. Cum Siculam Prouinciam Marius Generalis pedester aliquando cum Socijs visitaret , sextâ quâdam feriâ , omnes longo itinere fatigati , acrioribusque solis ardoribus penè consumpti , siti æstuebant ; nihil verò Socij , aut vini , aut aquæ , quo sitim extinguerent , secum tulerant : Deus Clementissimus , qui suorum in necessitate non obliuiscitur , ijs fontem eo in itinere parat ; dum enim languidiores in viâ procedunt , cuiusdam velut pueri procul plangentis vocem audiunt , eoque Marius cum Socijs gressus dirigit , vnde fletus clamorem erumpere sibi persuaaserat : paululum cum è viâ digressi fuissent , puerum ouium custodem , fonti insidentem , ac plorantem conspiciunt ; à quo cum causam fletus quaererent , respondit is : an non iusta mihi lachrymarum causa est , cum hac die Dei Filium in Cruce sitientem , potumque aquæ ei denegatum reminiscor ; cum tamen hic ego supra fontem sedeam , qui tam abundè mihi aquas subministrat ? Quo dicto , confestim ex eorum oculis euanuit. Hæc Angeli è Cœlo delapsi proculdubio vox fuit , qui ita sitientibus venam fontis aperuit , vt Saluatoris in Cruce sitientis exemplum ad mentem reuocare voluerit , quo deinceps iucundius sitis molestiam sustinerent. Accidit quoque , vt inter ipsa suscepti habitus primordia , cum Marius in Picenti Prouinciâ ad Nobilem quandam virum , qui vitam plurimis vitijs labefactatam vsque ad mortem duxerat , supremo morbo ægrotantem consolator accessisset ; eo morte sublato , defuncti vxor , quæ erga Religionem plurimâ deuotione ferebatur , à Capucinorum superiore Religionis habitum postulat , quo defuncti coniugis cadauer indutum , cum eo post mortem tumuletur. Familia illustis erat ; nec facîle ob Mulieris in nostros beneuolentiam id illi denegari poterat ; quapropter allato habitu,

cùm eo mortui corpus contactum fuisset, eidem Mario, & alteri socio excubiæ noctu circa defuncti cadauer obseruandæ præscribuntur, &c. (horribile dictu) dum cæteris quiescentibus, Marius cum socio pias pro defuncti animâ ad Deum orationes fundunt; en duo ingentis, ac horrendæ magnitudinis molossi cubiculum ingressi rectâ ad defuncti lectum feruntur. Eodem porrò temporis momento vox in aëre personantis auditur: Quid cunctamini? nostra huius anima est. Cur corpus illud, quod nostrum quoque est, non rapitis? Cui altera vox: non possumus, ait: Prohibet Francisci habitus, quo tegitur. Hæc Marius audiens, cùm Dæmonum voces esse percepisset, qui defuncti animam, iusto Dei iudicio ad Tartara condemnatam indicabant; indignum planè iudicans, vt qui à Beatorum consortio expunctus fuerat, Sanctorum habitu frueretur, defuncti cadauer habitu expoliat. Mox corpus à molossis rapitur, atq; ingenti ibi foetore relicto, inuisibiliter asportatur. Idem ferè & alteri in Apuliâ contigit, cùm Marius Generalis eam Prouinciam visitando peragraret: dum enim per pagum quendam iter facit, diues quidam agricola in eo graui morbo laborabat; quem cùm nullâ ratione propinqui ad scelerum suorum poenitentiam, & Sacramenta suscipienda adducere valerent; Marium prætereuntem precibus compellunt, vt suam ad illius animæ curationem operam præstet. Haud renuit Generalis, pium opus assumit, ægrotantisque cubiculum ingressus varijs illum hortationibus, ac persuasionibus, tùm ad peccatorum contritionem, tùm ad poenitentiae Sacramentum prouocat. Interea canem quendam ingentem pecuarium Marius sub lecto latentem animaduertit; cuius aspectu territus, propinquos interogat; num domesticus ille canis sit? Cui propinqui: Nobis (inquiunt) neque canis iste domesticus est, neque vllò vnquam tempore hic visus, quin etiam, eum tibi familiarem esse, arbitrati sumus. Rem quidem tunc Marius silentio obtexit; sed cùm sub eâ formâ Dæmonem latere agnosceret, ægrum acrioribus diuinorum iudiciorum stimulis, ac terroribus ad poenitentiam, ac delictorum confessionem excitat: quibus cùm se æger durum præberet, canis, prioribus vngulis ad lectum erectis, stratum ægri conscendere nitebatur. At Marius, manu canis ceruici impositâ, illum compescens aiebat: Siste parumper; ne ascendas: necdum enim tempus est. Canis verò, quasi illius verbis mitesceret, è lecto recedens subsidebat. Interea is nullum non lapidem mouet, quo tum blandis sermonibus, ac diuinæ clementiæ pollicitatione, tum necis æternæ minis,

ac diuini iudicij terroribus ægrotantis duritiem, ac pertinaciam emolliret. Cumque ter, quaterque canem, stratum conscendere volentem, compescuisset; extremâ tandem ægri obstinatione compertâ, ad astantes conuersus ait: iam, quod in nobiserat, præstitimus: ægrum curare voluimus; diuinorum pharmaca adhibuimus; at omnia frustra: is omnem prorsus curationem reiicit. Vos quidem canem hunc cernitis; canemque esse arbitramini: at certè non canis, sed Diabolus est, qui huius animam iam iam deuoraturus expectat. Hactenus illius famem repressimus; at quandoquidem æger se illi suâ impoenitentiâ deuorandum præbet, frustra aduersus ipsius impietatem admittimur: quapropter eum Diuino iudicio committimus. Vix Marius hæc protulerat, cum Tartareus ille canis, vento velocior in lectum exiit, osque ægroti petens, illius animam, quasi qui oui luteum absorberet, ex intimo, secum in auerni barathrum trahit. Vir hic illustris Prophetico spiritu clarus, Iacobum à Forosarzinio in tenerâ ætate, sacris Capucinorum castris militaturum prædicit. Quod ipse rei euentus certo certius comprobauit, cum ad Capucinorum Religionem aduolans, in ea ob præclara virtutum merita, Generalis Ministri dignitatem adeptus fuit. Postremò, laborum suorum finem ac præmium accepturus, Anconâ ad ad Generalia Comitia discedens, obitum suum prædicit. Tolentini, mulieri morbo tunc oppressæ in lecto iacenti, antequam Tolentinû appelleret, per nuncium mortem prænunciat, his verbis: Tu quidem soror prior, ego posterior; vnâ tamen die vitæ huius ærumnosæ curriculum proculdubio confecturi sumus; oremus pro inuicem, vt saluemur. Marius verò, cum Tolentinum peruenisset, in morbum incidit, moxque ad Fratres conuersus, obitum suum prædicens: Hic ait ab omnibus abstinens, Religionis stadium olim ingressus sum; hic etiam rebus omnibus valedictò, meus vitæ cursus finem accipiet. Tandem Sacramentis omnibus ritè munitus, & ad vitæ occasum properans, diuinâ reuelatione nonnulla prædicit. Denique cum extremo iam prælio cum morte conflictaretur, mulieris illius, cuius obitum prædixerat, animam, quæ Cœlum rectâ conscendebat, conspiciens, lætus exclamat: Expecta, soror, expecta, vt me quoque comitem habeas. Mox oculis in mortis somnum oclusis, mortali vitæ colophonem imponit: Quo verò tempore is cum morte conflictaretur, hæc ipsa mulier, extremum spiritum agens, paratam Mario gloriam Deo reuelante conspicit repenteque multis præsentibus exclamans: An non videtis (inquit) amici, an non videtis

Beatissimam Cœlorum Reginam, B. Mariam Magdalenam, ac co-  
biosissimam Sanctorum multitudinem, qui ad Marium Capuci-  
num pergunt, ut illius animam, quæ breui è corpore soluenda est,  
ecum in Cœlum vehant. Admirabantur viri, mulieris id sæpe re-  
petentis verba; cumque plerique ad Marij hospitium conuolassent,  
illum tunc primùm res humanas deseruisse comperiunt. Obijt Vir  
illustis, atq; omni memoriâ dignus iam septuagenarius Anno 1581.  
cùm multa in sacræ Deiparæ, ac B. Mariæ Magdalenæ, quas præ-  
cipuâ religione colebat, laudem metro (quo plurimum præstabat)  
conscripsisset. Egregium quoque volumen M. S. edidit, in quo  
Religionis nostræ primordia, & quæ in ea grauiora acci-  
dère, vsque ad Annum 1570. satis accuratè  
perstrinxit.





FRATER IOANNES MARIA TISSANENSIS FRATRUM  
CAPUCINORVM GENERALIS.

FR. IOANNIS Mariæ TISSANENSIS.  
FRATRVM CAPVCINORVM

VICARII GENERALIS

*VITA, ET GESTA.*

**I**NTER RATER IOANNES MARIA TISSANENSIS, ex honestâ familiâ stirpem, ac originem trahens, cum post aliquot annos in sæculo transactos, diuino spiritu afflatus, sæculum cum Capucinatorum Religione mutasset, ita animum cum virtute composuit, totq; Religiosæ vitæ ornamentis eluxit; vt in eum tanquam magnarum quoddam virtutum speculum, omnium, tum Fratrum, tum sæcularium virorum oculi conuerterentur. Primam itaque sibi Obedientiâ, ac perfectâ propriæ voluntatis resignatione viam ad profectum strauit. Quapropter haud malè stultorum victimas appellabat, qui maximum in illis laborem impendentes, nullo fructu seipsos propriæ voluntati immolarent: Obedientiam verò non qualemcunque, sed integram, atque perfectam studiosius æmulabatur, quamobrem ita Superioris imperio subdebatur; vt haud secus, quam exanime quoddam corpus, nullum in rebus delectum haberet, sed Superioris tantummodò nutum pro voluntate sibi vendicaret. Obedientiam sequebatur Humilitas; non quâ humilis haberi, quæ occulta quædam superbia est; sed quâ vilis, & inutilis ab omnibus iudicari appetebat, vt etiam Religionis habitu se indignum iudicaret. Porro Humilitatem inuictâ quædam Patientia commendabat; tantâ enim magnitudine præditus erat; vt nullam vnquam sibi contumeliam illatam iudicaret: quocirca nemo iratum, nemo vnquam turbatum vidit. Hanc sequebatur altissima Minorum Paupertas, quam Ioannes Maria tam ardentè, quoad vixit, adamauit; vt cum nihil, præter ea, quæ dura necessitas exposceret, vel Regulæ præscriptum exigeret, sibi habendum decerneret; hanc quoque alijs, cum Superior esset, legem seuerè obseruandam præscriberet. Quod deuoto cuidam, Fratri in Ecclesiâ oranti, cœlesti visione eo tempore demonstratum fuit, quo Siculæ Prouinciæ habenas moderabatur. Is namque in mentis excessum raptus, duobus ingentia, ac rapidissima flumina præcipiti cursu in Panormitanum Monasterium ferri cernebat, quæ supremum illi excidium, ac

ruinam



ruinam minarentur. Mox verò ex aduerso Ioannem Mariam Prouincialem venientem intuetur, qui arrepto ligone, cùm ab vtroque Monasterij latere alueos, per quos aquæ fluerent, fodere cœpisset, tantam in ijs sollicitudinem impendit, vt fluminum impetus nihil prorsus Conuentui damni intulerit. Hæc Ioannis Mariæ in eâ Prouinciâ administrandâ studium, ac diligentiam declarabant: in qua cum nonnulla in priscas illius Prouinciæ consuetudines, atque austerioris paupertatis Regulas, quas à Patribus acceperant, passim vitia irruerent; ijs partim suo consilio, ac prudentiâ, partim spectatissimæ vitæ exemplis, quibus cæteris prælucebat, opportunè occurrit, resq; in pristinum statum restituit. Paupertati verò ita abstinentiam coniunctam habuit; & ipsa vitæ necessaria tam seuerâ victus lege perstringebat; vt maiorem anni partem ad panis, & aquæ ieiunium extenderet: reliquo verò tempore, cùm famelicus ad mensam accederet, nunquam satur ab eâ recedebat; ita vt abstinentiæ famem perpetuam comitem haberet. Orationem verò tam indiuiduam sibi sociam assumpserat; vt cùm somni parcissimus esset, maiorem noctis partem, in rerum diuinarum contemplatione impenderet, nihilque iucundiùs existimaret, quàm fletibus exefas ieiunijs genas irrigare, diuinisq; amplexibus diutius inhærere. Huic ille orationis studio semper genuflexus ante Sacrosanctum Eucharistiæ altare, vel coram Virginis Deiparæ, quam singulari, quoad vita ei comes fuit, religione coluit imagine, tam incenso mentis ardore vacare consueuerat; vt cùm in Sancti Angeli Prouinciâ Prouincialis Ministri munus gereret, cò aduentante Hieronymo à Monte Florum, viro præclarissimo, tunc Ordinis Generali (dum vterque nocturnæ precationi in Ecclesiâ incumbit) ardens quædam flamma ab oppidi illius viris ex Ecclesiæ tecto erumpere visa fuerit; qui cùm Monasterium conflagrare existimarent, agminatim confluentes suam Fratribus, ac extinguendum incendium, opem & operam offerunt. Stupent Fratres, nullum ignis vestigium, aut odorem persentientes; at illi: ingentem flammam (aiunt) ex Ecclesiæ culmine exurgentem conspeximus, quæ incendium indicat. Confestim ad Ecclesiam itur; eaque perlustrata cùm præter Hieronymum, & Ioannem Mariam, ignitorum lapidum instar orantes, neminem reperiissent, aut vllam alterius ignis flammam percepissent, cœlestem illam flammam fuisse animaduertunt, quæ ex incenso vtriusque animo erumpens, cœlum peteret, ac diuinæ in his charitatis incendium significaret. Hac itaq; Ioannes Maria cœlesti flammâ succensus, tantam è cœlo ad



commouendos, demulcendosque animos, vim haurire visus est; vt cum primum ad disseminandum Dei verbum, ipsius in aliquam Urbem aduentus præsenteretur; Episcopus Clero, ac magnâ populi turbâ stipatus, eidem obuiam procederet. cumque omnes quasi Apostolum in Urbem reciperent. Tot ergo virtutibus claro cum magna doctrinæ laus, atque admirabilis ingenij prudentia, ac celeritas accederent, primum in Siculâ Prouinciâ; quæ adhuc integra erat, tum in eâ, quæ S. Angeli nuncupatur, ad Prouincialis honorem, tametsi inuitus, rapitur. Quo in munere cum multam sibi suo consilio, ac prudentiâ, nec non illustrissimis vitæ austerioris exemplis, apud omnes gloriam comparasset; ad Generalis Procuratoris in Romana Curia munus assumitur Anno 1578. ac denique in sequentibus Comitij Annis 1581. totius Ordinis Vicarius Generalis creatur. Prophetico Spiritu clarus plurima prænunciat. Antiquam simplicitatem mirabiliter propugnat. Admirabilis quoque erat in hoc sancto Viro, ac penè incredibilis summâ cum morum seueritate naturæ benignitas, æquabilitasque coniuncta; quâ fiebat, vt cum præter ægri Fratris incolumitatem nihil animo versaret, ita correptionem lenitate, ac mansuetudine temperabat, vt ab eo correpti semper meliores fierent. Castitatis verò virtutem, quam ceteris diligentissimè custodiendam, ac tuendam prædicabat, is tanto studio in seipso prosequeretur; vt rarò cum Fratribus, rarissimè cum mulieribus conuersaretur: Et si interdum cum ijs loquendum esset, aspectus grauis, demissi oculi, atque in humum defixi, manus, membra, verba ad omnem honestatem composita, honestissimum illi inesse animum testabantur. Humilitatem, quam à primo virtutum tyrocinio complexus fuerat, in maximis dignitatibus, tam arcto sibi necessitudinis vinculo copulauit, vt Gregor. Summo Pontifici, apud quem magna vigeat illius existimatio, sibi aliquando, dum Generalis esset, dicenti, se in eo caput Cardinalatio Galero aptum conspiceri, protinus responderit: Pace tua Beatiss. Pater: Deus siquidem, ac B. P. Franciscus illud mihi tantum Capucio aptum dedere. Cum autem vigilantissimus Pastor salubrioribus monitis, ac melioribus vitæ exemplis, sæpius commissum sibi gregem ad virtutes prouocaret, ad vltimam tandem triennalis muneris metam peruenit, Generalique Capitulo Romæ indicto, dum aduentantibus Capituli Patribus futura Comitia parantur; is in eodem Romano Conuentu morbo correptus, grauius ægrotare cœpit. Porro eius ægritudinis famâ ad Pontificem, à quo magno in honore habe-

batur,

batur, perlatâ, Pontifex plenam illi peccatorum remissionem, benedictione per Nuncium impertitâ, contulit; quâ summa cum reuerentia ab eo acceptâ, ac mente cœlesti Sacramentorum gratiâ expiatâ, atque ad Domini aduentum crebrioribus orationibus paratâ, dum Ludouicus à Catania, Messanenſis olim Prouinciæ Miniſter extremo illi in agone cum morte colluctanti, ſuprema officia morientibus debita exoluit ( qui ſenſibus in mortis ſoporem reſolutis, iam iam è vita exceſſurus credebatur ) extemplò reſumptis viribus, facieque cœleſti quadam iucunditate perſuſâ, cœlum intuens exclamat: Quid, Fratres? An non Patrem noſtrum S. Franciſcum, & S. Antonium cernitis, qui me in ſuam Societatem vocant? Iam in Domino valete. Ac ſtatim his dictis, Deo animam reddidit, huius Viri occaſum totâ Capucinatorum Religione maximo luctu proſequentem. De illius verò poſt mortem apud Deum gloriâ, quædam in noſtris M.S. viſio ita accidiſſe refertur. Petrus quidam Florentinus Sacerdos, qui ſæpe in Siculâ Prouinciâ Guardianni, ac Magiſtri Nouitiorum officio functus fuerat, dum in Monafterio Ceptialodeniſi, S. Mariæ ſacro, moras trahit; audito Ioannis Mariæ Generalis obitu, cui plurimùm mutui amoris titulo debebat, ſedulas pro eo Domino preces offerens, quo apud Deum in ſtatu verſaretur, certior fieri optabat. Cumque orationem, ac piæ mentis poſtulationem, ad ſeptimum uſque diem produxiſſet; nocte quadam ardentius orans, Ioannem Mariam à tergo Eccleſiam ingredientem, & ad Sacrum Eucharistiæ altare flexis genibus accedentem ſpectat; mox verò Deiparam Virginem veſte multis coloribus interſtinctâ amiſctam, è cœlo dilabentem cernit; quæ cum Ioanni Mariæ cœleſte cingulum, iſſdem coloribus variegatum, porrexit; illum ad ſe euectum, ſecum ſtatim in Cœlum duxit. Quamobrem Petrus Ioannem Mariam cœleſti gloriâ donatum fuiſſe certior eâ viſione factus, ubi ſummas Deo, ac Beatiffimæ Virgini pro collatâ Patri gloriâ gratias perſoluit, rem Fratribus, quemadmodum exarata fuit, enarrat.

Obijt Vir ſanctus Anno 1584.

\* \* \*



FRATER HIERONYMVS A MONTE FLORVM FF.  
CAPVCINORVM GENERALIS.

## FR. HIERONYMI à MONTE FLORVM

## FRATRVM CAPVCINORVM

## VICARII GENERALIS

## VITA, ET GESTA.



**H**IERATER HIERONYMVS à MONTE FLORVM ; cuius  
vita tot præclarissimarum virtutum odoribus con-  
spersa , tantisque à Deo cœlestium donorum orna-  
mentis illustrata fuit ; vt cui integritate , sapientiâ ,  
consilio , doctrinâ , & rerum gestarum splendore se-  
cundus fuerit , difficile inuenire queas : quibus tamen  
virtute , ingenio , ac morum sanctimoniâ præcelluerit , multos repe-  
rias. Hic Adolescens Minorum Conuentualium vnâ cum Francisco  
vterino Fratre , numero adscriptus , vbi in Scholasticæ disciplinæ viâ  
inter præstantissimos primus euasit , ita vt scientiarum mons ab  
omnibus ferè nuncuparetur. Magistralem itaque Hieronymus inter  
Conuentuales , ob egregiam doctrinæ laudem , cathedram adeptus ,  
eam quoque vitæ integritatem , ac maximarum virtutum studium  
complexus est ; vt Fœlix Perettus Cardinalis à Monte alto , prius  
eiusdem Ordinis Magister , qui ad supremum deinde Pontificatus  
apicem assumptus , Sixtus V. appellatus fuit , vbi Hieronymum ad  
Capucinos emigrasse intellexit , id nostris de eo affirmare soleret ,  
Hieronymum iam inter Conuentuales Capucinum fuisse ; quippe  
qui inter eos iam ab eo tempore Capucinorum vitam ageret , pa-  
trixque appellatione alludens : Vtinam (aiebat) ex huiusmodi flori-  
bus plurimos in vestro Religionis horto consitos haberetis. Hic ad  
Capucinorum gremium admirabili planè ratione , diuinæ sapientiæ  
haud incongruâ , à D. O. M. adducitur. In Narniensi enim Vrbe  
pia quædam ac nobilis Virgo à Cacodæmone obsessa , dirissimè ab  
eo vexabatur ; eas tamen molestias tam æquo animo tolerabat ; vt  
mente , quæ illi à Dæmonis potestate libera relicta fuerat , Dei assidue  
maiestatem laudans , cœlestibus quoque ab eo vicissim donis , ac vi-  
sionibus illustraretur. Hanc Hieronymus cùm per biennium pijs  
obsecrationibus , ac exorcismis prosecutus esset , semel accidit ; vt  
dum obsidentem Dæmonem sacris imprecationibus insectaretur ,  
eundem corporeis oculis , teterrimâ formâ præditum cerneret , im-  
mensa Virgini tormenta inferentem ; eo is aspectu perterritus , ita

secum animo ratiocinari cœpit: Si hæc Dæmon iustis etiamnum viventibus, quorum corpora audet attingere, tam dira tormenta irrogat; quænam illa supplicia erunt, quibus impiorum, ac damnatorum animas, post hanc vitam apud inferos affecturus est? Hæc dum sapienter secum Hieronymus ratiocinatur, periculumque præcavere cogitat, D. O. M. qui virum pusillo Capucinatorum gregi Pastorem decreuerat, huius quoque Religionis amorem ipsius animo instillat; quo fit, ut parvâ posthæc interpositâ morâ, Religionis albo conscriptus, inter Capucinos adnumeratus fuerit. Erat Hieronymus, antequam ad Capucinos accederet, Vir gravis, prudens, atque ingenij magnitudine, doctrinâ, ac eruditione clarus: Inter Capucinos autem tantis virtutibus floruit, ut haud alio quàm Monte Florum nomine nuncuparetur. In hoc etiam Florum Monte, in primis florentem humilitatis vitam, humi serpentem cernas, maioremque indes ex se odorem suavitatis effundentem. Neque enim primis duntaxat instituti ab eo tyrocinij annis; verum & cùm Provincialis, aut Generalis Vicarij munere fungeretur, coquinæ magistro ministerium quotidie exhibebat: Hortulano in fodienda terra: Sacristæ in verrenda Ecclesia: omnibus Fratribus in tunicis, ac minoribus pannis emundandis, ac refarciendis: ægrotis in eorum matulis, & scaphijs expurgandis, sedulam operam præstabat. Denique, cùm tam perfecta mentis humilitas ita hominem possideret, ut in suum integrè imperium transfulisset, hinc tantus in eo humilitatis decor elucebat, ut perfectum, ac coeleste quoddam humilitatis simulachrum Orbi expositum esse videretur. Florebât quoque ex alterâ huius montis parte, propriæ mortificationis myrrha; quæ cùm nullis terminis occludebatur, totius myrrha, ac mortificationis montem conscendisse videbatur. Id verò vno exemplo luculentius patefit. Tale enim is oculis frænum iniecerat, ut nullius vnquam, aut mulieris, aut alterius vultum aspectaret, nullius rei, tametsi speciosæ, aspectu delectaretur, nihilq; in Orbe, præter Cœlum, hominis obtutu dignum esse putaret. Tam arctam quoque linguæ custodiam adhibuit, ut nullius vnquam verbi perperam, aut abs re prolati, reprehendi potuerit; quare etiam omnium colloquia, ac familiaritates fugere, & ad solitaria loca, silentij amica, ut plurimum secedere didicerat; in quibus se plura, quàm in hominum frequentia addiscere affirmabat. Gulam verò, quæ luxuriæ, ac omnium penè vitiorum est seminarium, tam severâ abstinentiæ lege compescuit, ut frequenter solum panem, & aquam sibi ad vitæ sustenta-

tionem adhiberet. Quanquam verò præter consueta Ordinis ieiunia, quadragesimalem in honorem Archangeli Michaëlis inediam; interdum quoque alias Sancti Spiritus, ac Beatiss. Virginis quadragenas ieiunio celebraret, tamque perpetuum cum ventre bellum gereret, vt vix illi in quotidiano victu vitæ necessaria præberet; haud tamen sibi vnquam satisfacere videbatur: corpore siquidem carere voluisset, vt nullum ventri obsequium præstare compelleretur. Quàm verò carnem intestino bello infectaretur, illius macerationes declarant; communi enim panno, qui rudis esse solet, non contentus, ex eo qui in triremibus captiuus seruis distribui solet, habitu sibi confecto, tunicam ac pallium, inter ipsas quoque brumalis tempestatis glacies, perpetuò respuebat. Verùm, ne his quidem contentus, asperrimum cilicium addebat; cilicio verò tam immania flagella associabat, vt non proprium, aut carneum; sed marmoreum, aut ligneum corpus cedere videretur; tamq; diuturna, vt ad duarum horarum tempus flagellationem produceret. Semeletiam, cum Generalis officio fungens, aliquando Fanum (alij Gradaram sentiunt) ad Conuentus visitationem appulisset; cùm primùm ad pedum ablutionem ventum est, aqua in labello tam feruens effusa fuit, vt tolerari minimè posset; is tamen opportunam patiendi occasionem naëctus, (dies enim maioris Hebdomadæ Dominicæ Passionis memoriæ consecratus agebatur) tam immotos in ea pedes, haud sine maximo dolore, continuit, quod ex hoc tam graui deinde pedum nerui, doloris sensu affecti fuerint, vt cùm ad sacra mysteria celebranda accederet, ita immaniter cruciaretur, vt toto corpore tremens, vix altari innixus ea peragere posset. Myrrhæ affinis, ac cognata paupertas, suos hic quoque flores germinat; vitæ enim ipsius contextus perpetuus, ac nunquam intermissus paupertatis cursus fuit. Hinc cùm in Religionis visitatione, dum Generalis munus obiret, serotinâ dici horâ ad quoddam nostrorum Cœnobium appulisset, nunciatumque illi esset, nihil penitus, aut panis, aut obsonij in domo superesse, quo in mensâ exciperetur, mirum in modum animo exhilaratus, in has mox voces erupit: O quales Deo meo habeo gratias, qui in illud me aliquando Monasterium perduxit, in quo rerum omnium penuriam abundare, atque altissimam paupertatem regnum tenere conspicerem! Quapropter, dum inter Conuentuales adhuc versaretur egregiam quandam pecuniarum summam, quam germanus Frater apud eum custodiendam deposuerat, ne diutiùs apud se maneret, in pauperes erogauit:

quam cum ab eo Frater deinde repeteret: Quid (inquit) pecuniam apud me quæris, quæ mihi imprimis inimica est? Apud pauperes quære: melius enim inter pauperum, quàm inter Minorum manus versatur. At neque florido huic monti suauissimi orationis, ac diuinæ contemplationis flores, quos solitudo pullulare solet, defuere: Nisi enim graui aliquo negotio premeretur, ternas & quaternas in rerum diuinarum contemplatione noctu horas insumere, vt plurimum illi familiare erat; in quâ frequenter illum & raptus, & extases passum esse, inter alios testis aliquando oculatus fuit Frater quidam Laicus: qui cum in Conuentu Camerini, in quem Hieronymus, post expletum Generalatus Officium, secesserat, ante Matutinas Horas in Ecclesiam oraturus concessisset, Hieronymum ante Sacrosanctum Eucharistiæ Altare expansis manibus orantem, geminisque è solo cubitis eleuatum conspicit. Eundem quoque Frater Hilarius Ameriensis, qui ipsius sæpe comes fuit, in oratione extra sensus raptum, atque in sublimem aërem elatum vidisse, haud semel testatus est. Tertius ibidem Frater Bonifacius Calliensis, cum eum in Conuentu Montis Veteris, dum Prouincialis munere fungeretur, nocte in Ecclesia mente excedentem diu conspiciatus esset; inde tandem obstupefactus recessit. Postremus denique Frater Vitalis Vrbinas, dum in Vrbinensi Cœnobio, quod tunc Hieronymus Prouincialis appulerat, Ianitoris munus agit; cum eundem, ob quorundam Nobilium Virorum aduentum perquireret, eum in Ecclesia orantem, atque adeo vi extaticâ correptum, ac sensu omni carentem offendit; vt etsi præsentem alloqueretur, ac veste arreptâ vi plurimâ ad se attraheret, haud tamen sensibus reddere potuerit, quoad is, paulò post spontè ab excessu redijt. Huc quoque spectat, quod de flammarum globo, qui eo orante in Ecclesiæ tecto erumpere visus est, in Ioannis Marij Tisfensis vitâ superius exaratum fuit. Cum autem semel in suo Montis Florum oppido Dei verbum quadragesimali tempore disseminaturus esset, hunc sibi vitæ ordinem præstituerat, vt primâ noctis horâ se ad breuem somni quietem conferret; ex qua post duas, vel ad summum tres horas surgens, per posticum in coniunctum Fanum pergere solebat; in quo cum per totum ferè reliquum noctis spatium orationi incumberet, Socius lachrymosos illum sonitus edentem, atque ardentiora ex imo pectore suspiria sæpe ducentem animaduertebat: semel verò cum eum intempestâ nocte orantem attentius obseruaret, clarissimum prope illum splendorem è Cœlo delapsum cernit; intra cuius sphaeram,

tamen si



tametsi alterius vocem cum Hieronymo colloquentis audiret; haud tamen illi, aut personam, aut vocis articulos vlllo modo percipere licuit: Verùm hæc tantum Hieronymum verba promentem audiebat: O Mater mea dulcissima! Hæc cum verba sæpe repeteret, totus lachrymarum imbribus perfusus animo liquefieri videbatur. Ex his ille facile agnouit, hæc illi sacra cum Virgine Deipara colloquia fuisse, quæ clarissimâ illa luce circumfusa orantem consolabatur, ac cœlestes illi supernarum deliciarum flores plenis manibus migistrabat. Hieronymus itaq; cum tantâ, tamque insigni animi magnitudine, doctrinæ præstantiâ, ac vitæ integritate in Ordine excelleret; inde factum est, vt cum decimum, aut vndecimum in Religione annum attingeret, in sua primùm Picenti Prouincia, ad Prælationis munus vocaretur: in quo cum maximam prudentiæ, atque integritatis laudem adeptus esset; ad Generalis Definitoris, tum Procuratoris officium Anno salutis 1570. assumitur: quo in munere cum præstantissimè se gessisset, iterum anno 1573. primus Capituli Generalis Definitor eligitur. At Vincentio à Monte Vlmi Generali immaturâ morte sublato, Hieronymus Religionis gubernacula moderanda suscipit. Deinde verò in Comitijs Romæ coactis An. 1575. Generalis Vicarius omnium penè suffragijs creatur. Tot denique ex hac suæ directionis virgâ flores erumpere visi sunt; vt Religio suâ tempestate maximè virtutibus, ac Regulari obseruantia floruerit. At neq; huic monti cœlestes Prophetici spiritus rosæ, ac miraculorum lilia, quibus tandem sanctimonia illustris redderetur, defuere; Inprimis enim Castrodurantij, Horatij Benedicti filium, vix natum, inter Domini Sacerdotes aliquando recensendum prænunciat. Cumque Picentis Prouinciæ Comitia mense Ianuario celebrarentur, quo tempore Cœlum vndique nubilosum, flante præsertim Aquilone, imbrium, ac niuium copiam minabatur, Prouinciæ Patribus, vt finem Comitij imposeret, sollicitantibus, felicem Cœli faciem futuram donec quisque ad destinata recesserit, repromittit. Occultas quoque aliorum cogitationes diuinitus rimatur. Pleraque etiam de suis, ac quorundam aliorum Fratrum obitu futura ab eo præsignificata legimus, quæ omnia rei euentus vera probauit. Ad cœlestia miraculorum lilia venio. Fratrem Hilarium Ameriensem qui Messanæ in grauem febrem inciderat; quâ ad Medicorum desperationem excrecente, cum is in certo mortis articulo versaretur Hieronymus signo Crucis benedicit. Ægrotus verò post hæc vix quartâ horæ parte elapsâ à febre liber breui incolumitarem adipisci



tur. Puellam quandam Petri Marcianensis Comitis propinquam extremo cum morte conflictu, extra sensus luctantem, signo Crucis munit; & puella, repente sibi reddita, intra paucarum horarum tempus perfectam corporis valetudinem assequitur. Eodem quoque Crucis signo, dum in Romano Conuentu Procuratoris Generalis munus agit, Fratrem, cui vena perfracta tam copiosum sanguinem effundebat, ut nullo remedio sisti valeret, à sanguinis profluvio liberat, venâ, solâ Dei virtute occlusâ. Ab eodem quoque sanguinis profluvio Stephanum Tyraceniensem, Crucis illi signo adhibito, curat. In eodem Romano Nosocomio Frater quidam, varijs languoribus correptus, diu ægrotauerat; quibus aded imbecillis euaserat, ut vix se ipsum à lecto dimouere posset. Ad hunc cum Generalis Hieronymus accessisset: Quid (inquit) hic tam diu iaces, Frater? an non te pudet otiosam tot annis in Nosocomio vitam agere? cumque illius capiti manum imposuisset, nonnullaque Crucis signa membris adhibuisset, confestim integræ illum sanitati restituit; ac præcepto cauit, ne alicui factum, dum illi vita comes esset, declararet. Plurimos quoque Dæmones ab obsessis corporibus eodem viuifico Crucis signo, eum expulisse constans traditio est. Illud quoque, dum Romæ Hieronymus Generalis moram trahit, accidit, ut Ariani Marchionissæ tenellus infans à nutrice in lecto nocte oppressus, animam egisset; quæ fide plena, primâ luce mortuum infantem assumens ad Conuentum pergit; Hieronymo præsentat; ac profusis lachrymis poscit, ut suâ apud Deum oratione, illum sibi rediuium reddat. Reluctatur Hieronymus: at tandem is eius lachrymis commotus, in Ecclesiam secedit: atque ubi tantisper pro puero Dominum rogauit, ad eam reuersus, mortuum puerum ad vitam reuocatum offendit. Iterum defunctum hominem (Fr. Hilario Ameriensi Sacerdote, ac Concionatore teste) signo Crucis munit; cuius virtute mox defunctus ad viuos reuocatur. Firmi in Piceno, cum Horologij rotæ ut plurimum in medio cursu consisterent: quo fiebat, ut sæpe elapso Matutinarum Horarum tempore, Chori, & Officiorum ordo perturbaretur. Eo audito, Hieronymus vnâ cum Sacristâ ad horologium pergit; cumque illud immotum stare cerneret, nullam remorati cursus causam animaduertens; Horologium increpans, ad destinatum cursum præcepto compellit. Vix Hieronymus affatus fuerat, cum Horologium perinde, ac si rationis particeps eâ increpatione erubesceret; nemine mouente, mox iusto rotarum fluxu

ita cursum auspicatur, ut ab eo deinceps tempore, præter Sacristæ voluntatem, nunquam à cursu desierit. Dum Hilarius Hieronymi socius, cum eo Nouariâ digressus, per Picenum iter faceret; ac post longum itineris spatium penè fame confectus deficeret, id is Hieronymo significat; qui cum oculis in Cœlum erectis, paulisper orasset, panem candidum Socio languenti è Cœlo suâ oratione impetrat; quo ille refectus, pristinas protinùs vires sibi restitutas sensit. Iterum, cum Spoletò quadam die cum Socijs proficisceretur, ijque longo, ac limosò itinere fessi, ac ieiunio confecti, elanguescerent, Hieronymus ad Deum, egenorum penum, oratione confugiens ab eo opem implorat. Nec frustra: nam vix absolutâ oratione, cum tres numero essent, tres quoque è Cœlo ante eos panes dilabuntur: ex quibus cum quisque buccellam gustasset, id sibi roboris accessisse sentiunt, perinde ac si opiparè eâ die refecti essent. Præter illa, aliud quoque Clerici cuiusdam exemplum accedat; qui cum Hieronymo iter faciens, cum ob inedia, & corporis defatigationem ita langueret, ut coeptum iter prosequi non posset, panem illi suâ oratione è Cœlo impetrauit, quo vires recrearet. Neque illud silentio prætereundum, quod Socijs rursus secum per campestria, ac deserta quædam loca itinerantibus, nullâque rerum prouisione suffultis, id suâ prece à Deo obtinet, ut Angelus sub adolescentis specie, quatuor ijs panes candidissimos, ac geminos turdos assos è Cœlo attulerit, vixque his oblati, actutum se ex eorum oculis eripuerit. Post hæc Siculâ visitatione institutâ, dum æstiuo tempore regiones solis ardoribus expositas permeat, Socij tum itineris laboribus, tum nimio calore fatigati, ardentiori siti æstuabant; quos pius Pater verbis consolatus, alacres iubet procedere: futurum enim ait, ut fonti quamprimùm occurrant, quo sitim extinguere valeant. Nullus eo in itinere fons illis obuius erat, neque vlla sedandæ sitis spes animo affulgebat, cum flentis Pueri vocem haud procul percipiunt; quæ cum paulatim excreveret, ac vehementius illorum aures verberaret, eos proximum collem conscendere compulsi; ut quid ea vox præferret, facilius intelligerent. Porro, colle conscenso, Socij Puerum formâ præstantissimum, in agro acerbè plorantem conspiciunt; ad quem propius accedentes, fletus causam perquirunt. Quibus ille: Siti (inquit) cum magnopere crucier, tam profunda est huius fontis aqua, ut eam attingere non valeam. Admirabantur Socij Pueri gratiam, ac formam, quâ præstantio-

rem se nunquam vidisse meminerant: dumque, num ea Diuini quicquam potius, quam humani præferret, animo volutarent, ea mox suspicio ijs certo testimonio confirmatur. Nam, cum primum illum verbis demulcere parant, is repente ex eorum oculis euanscens, certum diuinæ erga illos benignitatis argumentum reliquit, quæ sitientibus cœlestem è superum sedibus Angelum misit, qui fontis illis aquam ostenderet. Veruntamen, cum & fons tam altus esset, ut nullo modo ad venam pertingere valerent; & ipsis vna, quâ aquam attingerent, non suppeteret, Socios Hieronymus hortatur, ut ad Dei liberalitatem fidentiùs confugiant; certò enim futurum dicebat, ut qui cœlesti beneficio aquæ illis fontem aperuerat, eo quoque potiri tribueret. Ijs igitur orantibus, adfuit extemplo diuina virtus, suorum, ac præfertim Hieronymi precibus exorata; quæ profundam fontis aquam tam altè iussit conscendere, ut ad fontis usque labrum pertingeret: ex quâ cum vniuersi sitis ardorem extinxissent, quod luculentior Dei in eos beneficentia appareret, aqua ad pristinam fontis profunditatem redijt. Huc quoque accedit admirabile illud exemplum. Cum æstiuo tempore è Perusino Conuentu cum Socijs digressus Assisium pergeret, siti omnes æstuabant: quo tempore Hieronymus, colloquio cum Socijs de Beatiss. V. instituto, eo sitis ardorem extinguere conabatur. Vix paululum post hæc in viâ processerant, cum in ea domunculam offendent, ex qua Matronam quandam grauem prodire cernunt; quæ offam panis vino dilutam in lœtidi poculo gestans Hieronymo offert: duæ quoque eam pedissequæ sequebantur, quæ geminos calices, eodem modo instructos, Socijs præbent; illos Matrona his verbis compellante: Recreamini, Patres, exiguumque potum sumite; scio enim, quod siti æstuat. Hieronymus verò cum factum admirans, altius animo ageretur, Matronamque fixè contemplaretur; in eâ, diuinum quid elucere sibi videbatur. Neque eum opinio fefellit: cum enim post hæc actis Matronæ gratijs, pedetentim viam proficeretur; sæpeque oculos Hieronymus ad Matronam conuerteret; vix eam cum pedissequis domum redijssè animaduertit, quum domum, Matronam, ac pedissequas, inde omnes euaniuisse cernit; nec vlla eo in loco domus vestigia deinceps agnoscit. Facto vniuersi obstupère: At Hieronymo deinde oranti diuinitus reuelatum fuit, singularem illam Deipara in eos munificentiam fuisse, eo quod pios inter se, eo tempore, de illâ sermones miscerent. Haud absimile prioribus, tametsi modo, ac

ratione dissimili, eidem in Grottariæ Conuentu contigit; in quo puteo effosso, tam fecunda aquæ vena inde effluerat, vt eâ ad os putei excrecente, cum plurima hominum, ac mulierum multitudo ad eam quotidie ventitaret; ita vt maxima Conuentus familiæ molestia, tum rerum perturbatio oriretur. Re Hieronymo Prouinciali, qui eò familiam inspecturus accesserat, significatâ, atque ab ipso certo rei experimento comprobatâ, cùm is ad puteum venisset, aquæ in Dei nomine imperat, vt tam profundè ad putei infima descendat, vt non nisi improbo labore hauriri queat. Paruit mox viri Dei præcepto vnda; atq; ad ima recedens hauſtu ita deinceps se difficilem præbuit, vt multitudinis ob id confluentiâ cessante, familia ea molestiâ caruerit. Caterum, vt quæ ad vitæ eius occasum spectant, breuius prosequamur; alterum in Generalatus munere Hieronymus triennium exegerat, cum in Picentem Prouinciã reuersus, in Anconæ Conuentu sedem fixit; ibique tantâ posteriorem, post depositam Generalatus dignitatem, vitam humilitatis gloriâ accumulât, vt nullo magis, quàm sui contemptu, ac despicientiâ gauderet. Inter tot verò Dei dona, quibus D. O. M. seruum suum abundè cumulauerat, mirum planè, quo pacto Hieronymi animum perpetua quædam Diuini Iudicij formido ac metus lancinaret: Hoc porrò aliquando timore, atque animi sollicitudine ductus, Ætnam montem, ex quo nonnulli os Inferni patefieri existimant, rem adhuc cunctis incertam explorare volens, cum Anselmo Theanensi conscendit; ascensuque licet perdifficili, ad cacumen pertingit, vnde Mons diurno tempore fumum, nocturno ignem euomit: atque inde introspectans horridam quandam voraginem, ac montis hiatum cernit; ex quo cùm tres validissimos, quasi anei tormenti ictus tunc primùm emissos percepisset; post hos ecce ante illum crebri flammæ globi, de barathro ascendentes, rursusque in idem relabentes apparent: vnde mixti hominum, mulierumque ploratus, ac eiulatus, quasi quos dira vis tormentorum exagitet, aut incendia exurant, inter præaltas illas voragines personantes audiuntur, qui pietatem simul, ac terrorem illius animo incuterent. Intuebatur diligentius Hieronymus, vtrum inter ea flammæ volumina, quæ modò alta petebant, modò in ima barathri relabebantur, hominum animas animaduerneret. At cùm præter gemitus, ac ploratus, nihil se illius oculis conspiciendum obijceret, id quidem illi velut certum fuit, in ijs animas Diuino iudicio, ac virtute cruciari: num verò ibi temporali pœnâ à sceleribus purgentur; vel perpetua Inferorum supplicia

luant,

luant, penitus incertum. Sexagesimum quartum iam ætatis annum; Religionis verò trigesimum quintum, Hieronymus agebat, cum Diuino inter orandum oraculo edoctus, supremum iam sibi innere diem, id non semel nonnullis familiaribus indicat. Erat in Nouariæ Conuentu simul cum Hieronymo Fr. Benedictus à Colleamato, & Fr. Anselmus Theanensis, antiqui Viri socij, quos in familiari colloquio his aliquando verbis affatus: Ignoratis (inquit) Fratres, quod breui tempore longum nobis iter conficiendum sit, quamobrem, quæ vobis necessaria sunt, parate. Ij verò, cum Patris dictum de Romanâ profectione intelligerent, sandalia instaurant, seque ad profectionem accingunt: Verùm cum plerisque iam diebus elapsis, nulla ab Hieronymo de profectione mentio fieret; sed is potius in cella oclusus assiduæ tantum orationi vacaret, vno illum animo adeunt, ab eoque, quid de concepto itinere statueret, exquirunt. Quibus ille subridens: Nondum (inquit) maturum est tempus. At ij sub his verbis altius mysterium latere suspicati, cum studiosius rem ab eo quærerent, eam tandem palàm his verbis aperit: Filioli mei, ne vos vllus eorum, quæ audituri estis, metus percellat. Iter cum primùm profectò aggressuri sumus, quod extremam huic nostræ peregrinationi metam constituat. Tu quidem, Benedicte, decimo me die anteibis. Ego enim die post sanctum Paschæ festum octauo; tu in sacro Parasceues die, prior vitæ cursum perficies. Tu verò, Anselme, postremus gradiens; cum primùm ex Romana Vrbe, quò profecturus es, rediens, Picenum attinges, ibi mortalem corporis sarcinam depones. Hæc ad amussim, vti ab Hieronymo prædicta sunt, euenire. Post hæc enim accidit, vt iuxta sancti Patris vaticinium, die sacro Parasceues, Fr. Benedictus à Colleamato, ipsius Socius, in eodem Conuentu extremum Deo spiritum redderet: qui cum post iusta exoluta in sepulchro conderetur, Hieronymus, qui cum reliqua illius Conuentus familiâ illius funeri interfuerat, sepelientibus ait: Amabo, Fratres, tantum loci spatium iuxta defunctum Socium vacuum relinquire, quod alterius corpus capere queat; breuissimum namque tempus huc me haud inuitum rapiet. Vix autem post hæc dicta dies effluxit, cum Hieronymus repentinâ febris correptus grauitè ægrotare cœpit. Quo tempore cum omnibus Ecclesiæ Sacramentis ritè munitus esset, totum in psalmodia, ac Dei laudibus tempus infumit. Illud verò sæpius ore repetere audiebatur: *Domine, ne in furore tuo arguas me.* Interdum vero: *Æternâ fac cum Sanctis tuis gloriâ munerari.* Cumque Vir Dei ad vitæ occasum

properaret, haud defuit Satan, qui eum varijs tentationibus aggreditur; ab eo tamen victus, ac profligatus abscedit: cuius illud testimonium fuit, quod cum post pleraque duri certaminis signa, Salutationem Angelicam protulisset, totus extemplò animo, ac vultu hilarescens, victoriam se de hoste reuexisse declarauit; atque hac cœlesti lætitiâ perfructus, dum Dei laudes in ore versat, inter has fœlicem effudit animam, quam Fr. Bernardinus Hispanus Cathalonix Prouincialis Vicarius, Vir omni virtute florens, dum Romæ sacris Missæ mysterijs incumbit, in Cœlum euehi conspexit. Post eius verò obitum, tum sæculares, tum Fratres, qui ipsius vitam, ac sanctitatem nouerant, nihil magis quam re aliquâ, quæ eius aliquando vsui deseruiisset, frui optant. Franciscus Celsus Vrbis Nouariæ Ciuis, qui Viri Dei morti interfuit, pluribus sub asseueratione affirmauit, se tam suauem odoris fragrantiam in Hieronymi cellâ post ipsius obitum persensisse, vt nulla myropolia ei comparari valerent. Frater Michaël, Hispanus Concionator, qui Lectoris officio in Firmano Conuentu aliquando functus fuit, cum audito Hieronymi obitu pro eo preces funderet, quidve de illo in Dei iudicio actum esset, nosse optaret, post diuturnas preces Deo oblatas, tandem in oratione Hieronymum conspicit, læuâ manu librum; dextrâ verò aureum gladium gestantem: quibus cœlestia illi præmia à Deo collata significabantur; liber namque doctrinam, atque Euangelicæ prædicationis verbum, quod viuens magno cum fructu disseminauerat; gladius verò directionis, atque æquitatis virgam quâ Religionem magno cum Iustitiæ zelo administrauerat, non obscurè indicabant. Eodem ferè tempore (teste Anselmo Theanensi, cuius hæc visio fuisse putatur) Fratri cuidam oranti Hieronymus inter Fratrem Benedictum à Colleamato, qui paulò ante Hieronymum diem suum cum Sanctimonix fama obierat, & Fr. Mauritium à Monte montanario, vtrumque cœlesti gloriâ donatum, medius & ipse gloriâ ornatus apparet. His & alter eiusdem Picentis Prouinciæ Frater accedat; qui cum plurimæ virtutis Vir esset, orationi vacans in mentis excessum rapitur; in quo Altissimum Dei Filium, cuiusdam defuncti Fratris animæ, quæ ad Diuinum tunc primùm iudicium accesserat, subitatum cernit: dumque iudicium penderet, Hieronymum Christi pedibus prouolutum, ac pro Fratre interpellantem conspicit. Porro eodem tempore durum leonis, & draconis certamen animaduertit; qui cum acerbè inter se pugnarent, leo tandem, draconis capite vnguibus amputato, victor euasit. Ceterum hæc Hieronymi,

& Tartarei Draconis proculdubio pugna erat, in qua de defuncti  
Fratris salute vtrunque certabatur : at Hieronymo pro illo apud  
Deum interpellante, defuncto salus, ipsi victoria cessit; vt quanto-  
perè illius post mortem apud Altissimum intercessio valeret, non  
obscurè indicaretur. Anno verò ab ipsius obitu elapso, cùm Fra-  
tres Hieronymi corpus explorant, habitum quidem putrem repe-  
riunt; at corpus ita integrum, atque incorruptum aspectant, vt nec  
vlla membrorum pars è viuentis statu immutata appareret: quodque  
vim omnem naturæ superat, tam suavis ex eo odor erumpebat, vt  
omnem vnguentorum, atque aromatum fragrantiam excederet.  
ita quippe decebat, vt qui instar Libani, ac Montis florum, tot vir-  
tutibus, ac donis cœlestibus floruerat, suauissimos post vitalis  
lucis occasum odores efflaret. Obijt Vir Sanctus  
Anno 1584.







FRATER IACOBVS A FOROSARZINIO FRATRVM  
CAPVCINORVM GENRALIS.



## Fr. IACOBI à FOROSARZINIO

## FRATRVM CAPVCINORVM

## VICARII GENERALIS

## VITA, ET GESTA.



**FRATREM IACOBVM à FOROSARZINIO B. P. N.** Francisco potius, quàm parentibus, ac sæculo natum, prima ipsius vitæ auspicia non obscurè indicant. Etenim Marius à Forosarzinio, qui inter Ordinis nostri Generales octauus fuit, cum puerum ab ineunte ætate, in parentum domo, pijs ante annos rerum diuinarum studijs occupatum offenderet; plurimis eum blanditijs demulcens, parentibus ait: studiosè puerum educate: maior enim mundo est: non Sæculo, sed Deo, ac B. P. Francisco in Capucinorum Ordine consecrandus. Nec res Marij dictum fefellit: vix enim puer ad adolescentiam peruenit, cum maturè Religionis iugo colla subdit, ac tantâ vitæ innocentia, ac virtutum studio primum Religiosæ vitæ tyrocinium amplexus est, vt nequam ille spiritus, & Cacoangelus, ab his illum abstertere conatus fuerit. Dum enim in Conuentu Foroliuij, vbi is probationis annum agebat, Horarum Matutinarum tempore Acolythi munus gerit; atque in B. V. Officio, quo tempore nulla ante legile lampas ardebat, solus Inuitatorium decantat, ater ille tenebrarum pater, tam trucem, atque horribilem se illi aspectandum præbet, vt nouus tyro eo aspectu ferè exanimatus, ingentem mox clamorem edere compulsus fuerit. At cum primum inter fixos B. P. N. Francisci filios adnumeratus est; corpus abstinentiâ, ac vigilijs macerat, laboribus fatigat, duris extenuat; nulla denique illi carnis commoda, ac oblectamenta indulgens, domesticum hostem tam dirè premit, vexat, vrget, insequitur, vt Ministri Prouincialis in Bononiensi Prouinciâ munus gerens, cum aliquando brumali tempore in oppidum Meldolæ longo itinere, vsque ad virium deliquium defatigatus appulisset, à familiari quodam Viro domo exceptus, dum ad membra itinere fessa recreanda, molle illi stratum paratur, is lecto recusato, ligneam arcam sibi ad quietem elegerit. Nihil Iacobus, tametsi aut Prouincialis, aut Generalis Minister esset, speciale in mensa sibi vnquam ministrari permisit, sed communi duntaxat cibo contentus, cæteros recusare consueuerat.

uerat. Hoc pacto Iacobus, cum carnem animi perduellem generose subijcit, puritatis prælum illi aliquando à muliere intentatum deuincens, gloriosum castitatis trophæum refert. Orationis studio, & voluptate ad eò afficitur, vt complures in ea quotidie horas infumat; ac ferè semper nocturnum tempus, quod à Vespero vsque ad Matutinas Horas interfluit, sacris vigilijs, atque orationi consecret; vnde fit, vt sæpè ab oratione stupefactus, atque à sensibus alienatus surgat: nonnunquam etiam in ecstasim raptus, ac toto corpore in sublime elatus conspiciatur. Cùm verò semel orationi vacans, Raphaëlem socium anteiret; illum Raphaël inter duo lumina à dextris, & à sinistris emicantia incedentem cernens, gressum festinat, vt quænam illa lumina sint, propius agnoscat: at his, cùm propius accederet, euanescentibus, haud ille alia, quàm coelestes Angelos fuisse, qui orantem comitarentur, sibi certò persuasit. Denique orationis studium, quam donorum Dei conuiciam appellare solebat, tanti aestimabat, vt quanquam præclaro ad Dei verbum disseminandum dono præditus esset; nunquam tamen ad prædicationem accederet, quin eam vnus saltem horæ oratione præcurreret. Hinc tam ingens ac copiosus ex ea fructus in audientes redundare videbatur, vt auersi, ac rebelles quique animi ad poenitentiam, ac meliorem vitæ frugem conuerterentur. Bononiæ quoque dum in Metropolitana Ecclesia illa Euangelij verba: *Q. Pater meus agricola est; Ioan. 15. 1.* pro suggesto edisserit, oculis in Cælum sublatis, in hæc verba exclamare cœpit: O coelestis agricola! quæ, tantà spiritus virtute protulit, vt coelesti impetu actus sursum corpore efferri conspectus fuerit. Patuij quoque, dum verbum Dei publicè pro suggesto proponit, mulier à Dæmone obsessa, tot cœpit clamoribus obstrepere, vt verbum Dei inturbaret: at Iacobus ad Dæmonem conuersus, eidem in Dei virtute silentium imperat, cui Dæmon tam perfectè obtemperat, vt utroque labio digitis compresso, toto illo quadragesimali tempore, ne verbum quidem ore missauerit. Bononiæ cùm semel foeminam quandam, genere Nobilem, à Dæmone arreptam, ac dirè cruciatam, quæ plures Exorcistas experta fuerat, triduanò ieiunio, oratione, & lachrymis armatus exorcizandam accederet, muliere à vinculis solutâ, protinus spiritus in Iacobum irruens, ingenti eum colapho petit. Cui Vir Euangelicus, nequaquam commotus, mox genu flectit, alteramque illi genam præbens, ait: Iam hunc pro amore Dei libens accepi, alterum, si vis, impingito. At Dæmon, cùm huiusmodi Euangelicæ humilitatis, ac patientiæ actum ferre non

posset, oppidò à muliere erumpens, eam prorsus liberam relinquit. Porro, cùm ob colaphum illi à Dæmone impactum, qui aderant, Virum Dei grauius læsum existimarent, his ille: Vos vestra (ait) fallit opinio, amici: nihil mihi spiritus eo colapho nocuit; is enim mihi perinde fuit, ac si stupæ mollioris massa genam attigisset. Haud absimile rursus in Genuensi Vrbe, contigisse, nostra M. S. ferunt. Quo fit, vt nunquam satis in Viro Dei humilitatis, ac patientiæ virtus laudari posset, quæ, quod sacra interdum verba difficilius efficiunt, facillimè à Deo impetret. Cùm igitur Vir præclarus tot, ac tantis in Religione virtutibus prælucet, vt clarissimum sibi apud omnes nomen comparasset, post plures dignitatum gradus, ad supremum Generalis Ministri munus, omnium ferè Electorum suffragijs eligitur: quo in munere tantâ prudentiæ laude, tamque præclaris vitæ exemplis excelluit, vt nominis immortalitatem, ac perpetuæ gloriæ memoriam suâ virtute, ac rebus sapientissimè gestis adeptus fuerit. Vitæ enim austeritatem, quam ab exordio instituerat, non tam minuit, quàm ipso honoris incremento auxit. Oratio quoque, ac rerum diuinarum contemplatio potissimum illi inter itinerum salebras solatium erat: quo tempore nonnunquam etiam inter extases, ac raptus diuinis complexibus potitum fuisse, nostra Ordinis monumenta tradunt. Hoc tempore, cum Feroiulij aliquando digressus Bononiam proficisceretur, prope ædiculam quandam B. V. dicatam, quæ ferè medium iter interfecat, consistens, Angelos in eâ suauissimè concinentes audit. Quod illi planè argumentum fuit, vt eo in loco Deiparæ Virginis gloriam manifestandam fore prænunciaret. Quod res ipsa nonnullo post tempore cunctis declarauit: tot enim miracula eo in delubro, Beatiss. V. merito, patrata fuere, vt delubrum in amplum deinde templum euaserit. Vitam igitur cùm Iacobus tot virtutibus illustrem ageret, eundem quoque D. O. M. diuinis signorum testimonijs commendare voluit; ex quibus nonnulla referre libet. Placentiæ primùm Sororem quandam, Iustinam nomine, quæ in conuersarum familiam conscripta erat, à diutino capitis languore, quò præter modum cruciabatur, signo Crucis tam perfectè diuinâ virtute curat, vt eo nunquam deinceps conflictata fuerit. Gasparem Luxium Syluanie Gubernatorem, usque ad Medicorum desperationem ægrotantem sanat, dum sacrum numisma à Gregorio XIII. benedictum, atque Indulgentia donatum ipsius collo appendens, signo Crucis obsignat: vix enim ad Conuentum redierat, cum nuncius Gasparem à febre dimissum


renunciat. Porro sacer ille nummus, qui ægrotantis collo appensus fuerat, tantam post hæc virtutem à Deo consecutus est, ut ægrotis adhibitus, plerisque à varijs morbis liberauerit. Fr. Isaiam Sacerdotem Mediolanensem, ac Nouitiorum Magistrum, Virum omni virtute ornatum, extremo cum morte agone colluctantem reperiens, cum iam deperditis sensibus, illum ad finem vitæ properantem cerneret, ter Crucis signo circa cordis ipsius Regionem manu efformato abscedit. Ægrotus verò paulò post, velut è graui somno excitatus, apertisque oculis adstantes fratres interpellans ait: Quis ille est, qui ter in Crucis modum cor meum incidit? Tamque repente, morbo recedente, conualescere cœpit, ut breui perfectam valetudinem adeptus fuerit. His Ioannes Franciscus, Luganensis Medicus accedat, qui pestilenti febre correptus, cum à Iacobo Generali inuiseretur, illius duntaxat benedictione potitus, post exiguum tempus ab eâ perfectè conualuit: Eiusdemque benedictione Æmilia eius Vxor peculiarem se gratiam assecutam affirmavit. Neque illud silentio prætereundum, quod Ioanni Baptistæ cuidam, Lugani incolæ accidit: qui cum in Heluetiam Nobiles quosdam adolescentes duceret, in Iacobum Generalem fortè incidit: quem cum ex fama agnosceret, mox cum adolescentibus ex equo defiliens, à Generali benedictionem postulat; omnes verò pius Pater, cum ante se genuflexos tenerrimè amplexatus fuit, benedictione suâ munitos dimittit. Accidit verò eâdem die, ut dum hi per montem S. Gotardi pedestri itinere descendunt, ex equis vnus per loca quædam petrosa, vnde ruiturus timebatur, viam carperet; quem dum Ioannes Baptista à lapsu reuocare properat, per montis crepidinem, vnde altissimum sese præcipitium offerebat, temerè excurrans, in tam certum sese lapsus periculum iniecit, ut capite, ac toto ferè corpore in præcipitium penderet. Quo in periculo cum Iacobi benedictio illi in mentem venisset, eâ maximè fretus, diuinam sibi opem implorat; moxque velut à vehementi quodam venti flatu in alteram partem se impelli sentiens, à periculo liberum se cernit. Quare Deo inprimis gratias agens, tum Iacobi se benedictione seruatum vbique prædicauit. Idem ferè ex his adolescentibus alteri contigit; qui cum pontem, infra quem rapidus amnis fluebat, eodem die transmearet, mulorum quorundam, qui eò pertransibant, inter se calcitrantium impulsu, iam cum è quo è ponte diuulsus, in flumen ferebatur; cum se ab inuisibili manu attolli, ac in pontem rursus cum equo referri percipit:

quod

quod diuinę prorsus virtutis miraculo tributum fuit, quę per Viri Dei benedictionem, à certo illum mortis periculo liberauit. Ple-rosque etiam à Dęmone obsessos, diuinā virtute ab eo liberatos fuisse, certis testimonijs comprobatum fuit. Inter hos quidam admirabili planè modo curatus legitur. Cum enim iter faciens in oppidum quoddam diuertisset, in quo Ecclesię Parochus Dęmonem in obfessa muliere sacris precationibus frustra exagitans, piam ipsius operam efflagitauerat; accedens Iacobus, ac S. P. N. Francisci Regulę codicem è manica expromptum manu gestans, his Dęmonem verbis adoritur: Tibi, ô Dęmon, in huius sanctę Regulę virtute, ac verorum ipsius obseruatorum merito, ac imperio præcipio, vt ex hoc mulieris domicilio actutū recedas. Res proculdubio admiranda tunc visa: Dęmon namque hac voce impulsus, horrendum in modum exclamat: O durum Imperium! atque è muliere protinus erumpit. Alios quoque tum Parmę, tum Placentiæ à Dęmonum potestate, diuinā virtute ab eo liberatos, Religionis nostrę monumenta tradunt. Cęterū neque illum Prophetiæ dono caruisse, quo futuros rerum euentus prænosceret, plurima, perspicuąque exempla demonstrarunt. His, & alijs illustrioribus Dei donis, melioribusque virtutibus ornatus, necdum tertium muneris sui annum expleuerat, cū Genuensem Prouinciam inspecturus, Genuam ap- pulit; ibique in S. Barnabę Conuentu, acutā feбри laborare cœpit cui pleuriticus morbus succedens, Virum Dei in supremum tandem vitę discrimen adduxit. Morbo autem ingrauescente, cū pius Pater se à Domino vocari, atque ad vitę finem properare intel- ligeret, sacris Ecclesię Sacramentis munitus, prænunciatq; sui obi- tus horā, quā in Solis occasu sibi supremam fore dixerat, tandem vitę huius fabulam absoluit, immortalemque (vti credimus) coro- nam à Domino consequitur. Nonnullis post ipsius obitum annis, Ioannes Baptista Reumius, Polupicenis (vulgò Finariensis) erga Capucinorum Ordinem beneuolus, qui à Iacobo Generali Reli- gioni aggregatus fuerat, grauissimè ad mortem ægrotabat; cū in ipso noctis profundo, Iacobum de cœlo ad se descendentem videt: à quo cum is benedictionem postulasset, & Iacobus optatam illi benedictionem contulisset, statim ad cœlestia remeat; Ægrotus verò Iacobi benedictione potitus, grato somno consopitur, ex quo cū manè euigilasset, ab omni se ægritudine liberum cernens,

gratias D. O. M. ac suo liberatori refert.

Obijt Vir Sanctus Anno 1586.



FRATER EVANGELISTA CANOBIO FRATRUM  
CAPVCINORVM GENERALIS.

## FR. EVANGELISTÆ à CANOBIO

## FRATRVM CAPVCINORVM

## VICARII GENERALIS

## VITA, ET GESTA.



**E**RATER EVANGELISTA à CANOBIO, septimus Ordinis Generalis, Vir prudentiâ, virtute, & austeritate clarus, cùm in sæculari Clero sacris initatus, post Philosophica studia sese ad sacrarum Legum disciplinam contulisset, tantam in eâ, ob ingenij excellentiam, laudem consecutus est; vt inter primos sacri Iuris Consultos consultissimus haberetur: ex quo magnum eum in Ecclesia Dei futurum, in omnium animis opinio alebatur. At verò D.O.M. qui hunc tenellæ Capucinatorum Congregationi, quæ tunc inter grauissimas tempestates fluctuabat, Doctorem, ac Moderatorem decreuerat, eum à Clero sæculari ad Sacræ huius Religionis gremium transfert. Ab ipso verò probationis anno, tam coeleste Euangelicæ perfectionis tyrocinium instituit, vt silentio, ac solitudine, rerum omnium contemptu, paupertate, humilitate, obedientiâ, austeritate, atque omnium Apostolicarum virtutum studio Virum planè Euangelicum sese ostenderet. Huic vitæ morumque excellentiæ, cùm admirabilis quædam animi prudentia, quâ in rebus agendis præditus erat, ac multarum rerum peritia accederent, id facile assecutus est, vt tantâ, tamque conglobatâ Viri virtute apud omnes euulgatâ, tam in Umbriæ, quàm in alijs ple-risque Ordinis Prouincijs ad supremos honores vocatus, magnam inde laudem ac nominis celebritatem sibi suâ prudentiâ, & virtute comparauerit: Atque eò factum est, vt cùm primùm de illustrioribus Ordinis Viris, ad Tridentinum Concilium transmittendis, à Thoma Tifernate, Generali Ministro ageretur, is ob singularem doctrinam, & summam in rebus arduis pertractandis dexteritatem, inter alios potissimùm electus fuerit, qui sacro Oecumenico Concilio interesset. Hinc cùm in difficillimis illis Concilij rebus, præsertim aduersus hæreticos enodandis, ac decernendis, in quibus Concilij Patres plurimùm suâ doctrinâ, & consilio iuuit; tùm etiam in grauissimis Religionis negotijs pro dignitate pertractandis, perspecta illius prudentia fuisset; Anno 1564. summo omnium consensu



Generalis eligitur. Quanta verò in hoc Viro, cum primùm Religio-  
nis gubernacula regenda suscepit, fuerit in eo munere obeundo in-  
tegritas, in iudicando æquitas, in puniendo mansuetudo, in agendo  
prudencia, in præcauendis consilium, in prospiciendis sapientia, in  
arduis fortitudo, atque in omnibus rebus moderatio: quibus si præ-  
claram vitæ rationem, quâ se omnium virtutum formam gregi ex-  
hibuit, summamque in Regulari obseruantia ubique seruanda, &  
amplificanda sollicitudinem addas, Euangelici Pastoris integrum  
habeas simulacrum. Quo fiebat, vt supremam in Religione digni-  
tatem amplioris virtutis gloriâ cumularet. Hinc cum in maximis,  
grauissimisque causis spectata sæpe ipsius prudentia fuisset, magno  
apud Gregorium XIII. Pontificem in honore habitus fuit. Vir tum  
vitæ austeritate, tum oratione eximius, cum triennio in Generala-  
tus munere expleto, in Porcaria, seu Aquaspartæ se Conuentum  
contulisset, integrum Quadragesimæ ieiunium, in antro quodam  
ibi in monte exciso, quo austeriori panis, & vini inediâ celebrat, eo  
suauiori rerum diuinarum contemplatione demulcet. Hinc cum  
iam octogenarius, ac penè senio confectus esset, à primâ noctis  
hora, vsque ad Matutinas in Ecclesiâ orans, rerum cœlestium medi-  
tationi vacabat: quò tempore haud Demonum molestijs caruit;  
qui, vt eum à nocturna prece auocarent, spectra, ac rerum turpium  
illi simulacra spectanda offerebant. Porro, vt paucis plura perstrin-  
gam, semel institutam à carnibus, & piscibus, tanquam à lautiori-  
bus cibis abstinentiam, ad vltimam vsque decrepitam senectam  
apud se inuiolatam seruat. Nunquam ad peccatorum tamen le-  
uium, confessionem; nunquam ad sacra Mysteria celebranda absque  
lachrymis accedit. Perpetuò, ac singulari Beatiss. V. cultu, ac deu-  
otione prosequitur. Hominem, qui quatuordecim annorum spatio,  
diabolicæ Magiæ operam dederat, ad Christum reuocauit: cuius  
etiam Magicos libros comburens, ab ijs foetor olidissimus per aëra  
diffusus fuit. Prophetico spiritu clarus, Illustris cuiusdam Viri ne-  
cem prænunciat. Fratres quoque ab eo ad Generalem missi, dum se  
absenti commendant, à certo vitæ periculo diuinâ virtute liberan-  
tur. Denique octogenario maior, cum plurimis pro Religione la-  
boribus functus, ad eam vitæ innocentiam, quæ puerorum esse  
solet, tanquam postliminio rediisset, Perusiæ quasi dormiens,  
in Domino quiescit, laborumq; præmia assequitur.

Anno 1595.





FRATER FRANCISCVS MEDIOLANENSIS FF. <sup>1691</sup> CAP. <sup>1691</sup>  
IN CVRIA ROMANA PROCVRATOR G<sup>EN</sup>LIS et PRO<sup>TE</sup>CTOR MEDIOL<sup>AN</sup> PR<sup>IN</sup>CIPALIS

FR. FRANCISCI MEDIOLANENSIS.  
FRATRVM CAPVCINORVM IN ROMANA  
CVRIA PROCVRATORIS GENERALIS, ET MEDIOLANENSIS  
PROVINCIE PROVINCIALIS  
*VITA, ET GESTA.*

**F**RATER FRANCISCVS MEDIOLANENSIS SACERDOS, inter illustriores, non modò Mediolanensis Prouinciæ; verùm & totius Religionis Viros haud immeritò enumeratur. Hic patre Arconio Cretensi, Nobili Iurisperito natus. Puer ingenio præstans, cum ad litterarum studia se contulisset, in ijsque haud asperandos progressus fecisset; vix duodevigesimum annum attingit, Patre luminum intus docente, Religiosum vitæ genus sibi apud Capucinos amplectendum proponit. Nouus ergò Religionis discipulus, ad virtutum tyrocinium vocatus, primum in humilitate gradum fixit: omnibusq; officijs, quæ vilissima existimari solent, vsque adeò oblectabatur; vt ab ijs, tametsi prædicationi incumberet, vel Superioris munus gereret, ægrè diuelli posset. Tantâ præterea lenitate, & patientiâ præditus erat, vt illatas contumelias non solum æquo animo ferret; verùm & contumeliosis ipsis gratiam redderet. Sæpius ob eximiam Viri prudentiam in Mediolanensi Prouincia, ad Prouincialis Ministri munus electus, cum aliquando à Generali quodam Visitatore de Prouincialis muneris dignitate immeritò (vt putabatur) pulsus esset, rem tam æquo animo tulit, vt neque vllum sibi ipse patrociniū præstare, neque ab alio adhiberi permiserit. Euangelicam Minorum margaritam, Paupertatem nimirum, tam auidè complectebatur, vt nihil habendum, nulloque sibi vtendum putaret, quo carere posset. Hoc pacto, vno duntaxat calamo ad conciones conscribendas per decennium vsus, alium, quamdiu is integer fuit, sibi nunquam quæsiuit. Victus frugalitatem & parsimoniam castitati amicam summoperè coluit; Castitatem verò, quam in seipso semper inuiolatam custodiuit, in alijs quoque seruari omni studio curabat. Quamobrem Collegium erigendum statuit, in quo pauperum filiæ suis parentibus orbatae (quarum virginitas ob rerum inopiam in discrimen adducebatur) publico Urbis ære aleren-

tur. Pretiosi temporis iacturam, velut irreparabile animi damnum summopere fugiebat : Nihil tamen æquè, ac orationis studium Francisci animum afficere videbatur ; quapropter extra geminum illud orationis tempus apud Capucinos receptum, priuata sibi orationum tempora, ac loca seligebat, in quibus supra terrena omnia assurgens, cum Domino familiariter versaretur. Orabat aliquando in Conuentu S. Victoris Urbis Mediolanensis, intra cellam inclusus, atque ab omnium conspectu semotus ; cum ex Fratribus quidam cellam ingressus, illum protensis brachijs, oculisque in Cælum erectis, extra sensus raptum cernit. Foroliuij quoque cum Dominici Aduentus tempore, Dei verbum prædicaret, tam animo, ac sensibus excedere visus est, vt corpore etiam in aëra per duorum cubitorum spatia efferretur. Apostolico spiritu verbum Dei disseminans, vniuersas ferè Italiae Vrbes percurrrens, admirabiles ubique ad poenitentiam motus excitabat, ac præsertim Brixiae, vbi tanta, eo predicante, tamque communis ad Deum animorum conuersio accidit, vt illius Urbis haud immerito Apostolus appellatus fuerit. Cremonam profectus, tantâ coelestis gratiæ vbertate, in eâ Vrbe verbum Dei disseminat, tantaque illius populi, ad propria scelera poenitentiae Sacramento expurganda, frequentia fuit, vt ad Sacramentales poenitentium confessiones excipiendas constituti Urbis Sacerdotes non sufficerent : à puero totius vitæ piaculars confessiones institutæ vbiq; personabant ; filebant negotia ; tacebat Forensium strepitus, solusque poenitentium pectora tundentium passim per domos, per vias, per Ecclesias gemitus exaudiebantur. Denique, tam ingens de vitæ illius sanctitate apud populos fama percrebuerat, vt angustiora essent Ecclesiarum spatia, quàm confluentes ad audiendum turbas capere possent. Prophetico spiritu præcellens, plurima prænuñciauit. Bergomi publicas choreas, dum verbum Dei annunciabat, instituentibus imminentem Dei vindictam prædicit. Ibidem futuram eadem denunciat. Francisci Meatia, huius serui Dei ex fratre nepotis, duorum annorum pueri incolumitatem futuram prænuñciat, eamque suis precibus à Deo obtinet. Aliorum quoque conscientias peruadens, Fr. Theodorico Rhegiensi Clerico occulta conscientiae aperit, ac futuram mortem, priusquam Sacerdotio inungeretur, præsignificat. His quoque pleraque miracula accessere, quibus D. O. M. serui sui merita, ac sanctimoniam illustrare, omnibusque perspectam esse voluit : quorum etsi magna ex parte memoriâ perierit,

quorundam tamen adhuc manet superstes, certâ veritate comprobata. Nouitios, si qui interdum tentationibus pulsarentur, manus impositione à tentatione liberos dimittebat. Placentiæ in Conuentu, cum ante Matutinas Horas semel extinctâ lampade, quæ ante Sanctiss. Eucharistiæ Altare ardere solet, sulphuratis omnibus consumptis, nullus excitandi ignis modus, aut spes Fratribus relicta esset, Franciscus lampadem suâ oratione accendit. Dum in eodem Conuentu cum Nouitijs versatur, à vicinis sæpe fulgentia quædam lumina supra Monasterij tecta emicare conspecta fuere. Hac ipsâ in Placentiæ Vrbe Paulæ cuiusdam ex Lampugnatorum familia, nobilis fœminæ filia, desperatâ iam salute, cum morte colluctabatur; cuius casum cum Franciscus miseratus esset, eam Crucis signo consignat, moxque dilabentem vitam ad perfectam incolumitatem instaurat. Huic Paulæ aliquando grauius ægrotanti, atque illius apud Deum preces efflagitanti, futurum prædixit, vt ex ea quidem infirmitate conualesceret; verum mulieri futuras ærumnas prædicit, quæ illi haud secus quam prænunciata fuerant, contigere. Mediolanensis Prouinciæ Ministri Prouincialis munus agens, Celsum Mediolanensem Dei virtute quartanâ febre diu laborantem, ab infirmitate liberat. Flaminiam, Massæi Capitanei nobilis Brixiani filiam, graui, ac periculoso oculorum morbo correptam, signo Crucis incolumitati restituit. Huius Flaminie sororem, Elisabetham nomine, graui apostemate, quod febrem illi superinducebat, laborantem, Sacrosancto Crucis caractere consignans, vix illud absoluerat, cum ægra eo ipso mane à lecto surgens, tum à febre, tum etiam ab apostemate, se omnino liberam agnoscit. Harum sororum pedisequam, Franciscam nomine, quæ pedis pollicem infausto lapidis casu grauius læserat, acerbissimoque illius dolore excruciabatur, signo Crucis muniens, digitum pristinae sanitati restituit. Inter huius Nobilissimæ Capitaneorum familiæ fœminas Margaretha quædam enumeratur; cui cum quatuor filie nobiles essent, natu maximæ Franciscus vber corruptum sanat; secundæ, cui digitus tabe computruerat, tabem expellit, ac digitum incolumem reddit; tertiam verò, quæ faucium anginâ periculosè laborabat, signo Crucis gutturi adhibiti confestim curat. Quartam denique graui febre correptam, cum eodem Crucis signo communisset, statim à febre liberam dimittit. Post hæc Cremonâ digressus, cum Mediolanum proficisceretur, à Nobili quodam Viro hospitio excipitur qui ex Vxore tres tantum filias procreauerat: hæc vbi ad nubilem ætatem perue-

nère , à Dēmonibus arreptæ , ab his miserandum in modum excruciantur ; cū autem Pater varios ad eas liberandas frustra Exorcistas defatigasset , vniuersas ad Franciscum adduxit ; cuius operâ , ac precibus nefarij illi spiritus inde erumpentes semimortuas puellas deferunt. In eadem Prouincia Fratrem quendam graui sanguinis fluxu laborantem , à sanguinis profluuiō liberat. Franciscus igitur certâ ac diuturnâ virtute probatus , in Generalibus Comitij , quæ Anno 1581. Romæ celebrata fuere , totius Ordinis Generalis Procurator eligitur. Biennium in eo munere necdum integrum , magnâ cū prudentiæ , ac sanctimonix laude exegerat , cū ad extremam laborum suorum metam à Domino vocatus , graui Romæ ægritudine corripitur ; in qua cū plurima patientiæ , ac cæterarum virtutum exempla alijs imitanda reliquisset , id maximè veræ tunc animi puritatis testimonium commendauit , quo D.O.M. iam iam moribundus his verbis gratias egit : Deo primū , velut bonorum omnium fonti , tum Virgini Deiparæ gratias immortales habeo : cuius id præsertim patrociniō tuli . vt à primo susceptæ Religionis exordio , in hunc vsque diem nullius vnquam mortalis culpæ aculeus animum pupugerit : veruntamen , quanquam nihil mihi conscius sim , haud tamen in hoc iustificatus sum. His dictis , cum iam Ecclesiæ Sacramentis , animam ad Domini occursum parasset ; vitæ finem magna cum pietatis laude tandem imponit. Porro hominem tam præclarum , tantâque virtute præditum , haud absque cœlesti testimonio Deus hinc abire voluit : caro enim illius post mortem tam tenera , & mollis ; artus quoque tam flexiles apparuere , vt viuentis potius , quam vitæ functi esse viderentur. At illud mirabile , quod dum illi iusta funebria persoluuntur , puerorum multitudo mox feretro , præter morem circumfundi , ac innocentix coronam defuncto corpori contexere visa est : quin & ipsi infantes , qui in matrum gremijs gestabantur , tot lætitiæ eo tempore edere signa cœperunt , vt è matrum sinu exilire , & ad defuncti corpus properare velle viderentur. Diuinum eo præmium significatum fuisse , sacræ Virginis suffragio , Francisco ob id præsertim collatum , nonnulli existimarunt , quod acerrimus Immaculatę Virginis Conceptionis propugnator extiterit : alij ob eximiam mentis puritatem à Deo illi adiudicatum sensere. At quacunque id ratione factum fuerit , id planè certum est , rem non ab homine , sed à diuino duntaxat consilio , ac virtute profectam : quo tanti Viri sanctitas cœlesti testimonio cunctis manifestaretur. His & alia quoq; è Cœlo testimonia

accessere. Tertio namque post huius sancti Viri obitum anno, ipsius corpus in sepulchro tam integrum, & incorruptum repertum fuit, perinde ac si illud ipsâ die tumulo conditum fuisset; ita vt in pedes erectum seipso staret. Atque hoc ipso tempore Frater quidam Cæsenas, qui, quo tempore Franciscus Placentiæ moras trahebat, eo in Conuentu annum probationis agens, sæpe manus impositione ab eo varijs à tentationibus liberatus fuerat; Romæ graui capitis languore afflictabatur: cui Fr. Ioannes Mediolanensis, qui tunc Romæ versabatur, Francisci defuncti manus imponens, illum his verbis compellat: Euge, Frater, si Franciscus adhuc inter viuos agens hanc tuo manum capiti imponens, te olim à tentationibus liberum reddidit: quidni te à capitis nunc dolore liberare queat? Vix hæc dixerat, manuque languentis caput contigerat; cum is integram capitis incolumitatem adipiscitur. Id Ioannes ipse, qui diu Ischiâ laborauerat, cum factum vidisset; eandem Francisci manum femori suo admouens, eodem quoque temporis momento curationis beneficium consequitur. Alter quoque Romani Conuentus Frater, qui graui dextri humeri dolore afficiebatur, ad Cœmeterium accedens, vbi defuncti Francisci manum humero suo imposuit, fidei, perfectâ mox sanitate impetratâ, præmium tulit, Deo serui sui sanctimoniam signis, ac miraculis illustrante. Mulier sanguinis fluuio laborans cum semel Patris habitum induisset; ab eo statim curata fuit. Varias quoque alias morborum curationes prætereo, quæ ægrotantibus ex illius contactu diuinâ virtute obuenerê, quibus

D. O. M. serui sui merita apud homines haud ignota  
esse voluit. Obijt Vir Sanctus

Anno 1583.





FRATER SYLVESTER ROSCIANENSIS FF. <sup>1789</sup> CAP. <sup>1789</sup>  
IN CVRIA ROMANA PROCVRATOR. GN'LIS.



## FR. SYLVESTRI ROSCIANENSIS.

## ORDINIS IN ROMANA CVRIA

## PROCVRATORIS GENERALIS

## VITA, ET GESTA.

**E**RATER SYLVESTER ROSCIANENSIS, Concionator, Vir Dei spiritu, & sanctimoniâ illustris, atque inter clarissimos Religionis Viros meritò collocandus. Huius cùm mater, Margaretha nomine, adhuc se grauidam ignoraret, in somnis senem quendam vultu venerabilem, & habitu Religiosum spectat; qui his illam verbis alloquitur: Margaretha, iam masculum in utero geris. Huic, cùm primùm natus fuerit, cura. vt Nicolai nomen imponas, quo sub B. Nicolai, cui huius Parochiæ Ecclesia dedicata est, tutela permaneat. Hic cùm iam quartum ætatis annum attingeret, è domus gradibus dilabitur: quo casu ita alterum illius brachium contractum fuit, vt nullo id remedio instaurari posset. Quamobrem illum pia mater ad Capucinorum Conuentum ductum, eorum precibus commendat. Erat tunc in Roscianensi Conuentu Sacerdos, plurimâ apud Deum virtute præstans, Hieronymus Padulensis nomine; qui cùm puerum attentius conspexisset, contractum brachium benedictione instaurat, matremque his verbis monet: Mulier, puerum hunc omni studio in timore Dei educandum, atque optimis moribus instruendum cura; Dei enim aliquando frugi seruus futurus est. Puer igitur à matre omni pietate instructus, cùm primùm adoleuit, vtrò ad Clericalem statum accedens, in eo magnâ cum morum honestate, atq; pietatis laude, vsq; ad duodecimum annum versatus fuit. Deo verò illum ad præstantiora vocante, ad Capucinos migrat, Syluestriq; nomen sortitur. Vix Seraphicæ militiæ nomen dederat, cùm velut bonus Christi miles, tot sibi virtutum spolia comparauit, vt cùm his onustus priùs ad Sacrarum litterarum studia, tum verò ad Euangelizandi munus accessisset, in eo tam insignis euasit, vt admirabiles animarum fructus referret. Cuius rei testes fuere Roma, Venetiæ, Neapolis, Panormus, Mellana, atque aliæ Italiæ vrbes, in quibus is verbum Dei disseminans, pleraq; vitiorum, ac discordiarum ziza-



nia, Xenodochijs institutis, & pietatis domibus crectis, euulsit. Florentiæ verbum Dei prædicans, Confraternitatem Sanguinis Christi, tanto omnium applausu in ea Vrbe fundat, vt primus, qui in eâ conscribi voluerit, Magnus ipse Hetruriæ Dux Franciscus fuerit: quem Nobilium deinde turba sequuta, maximè Confraternitatem illam suâ pietate illustrarunt. Eo prædicante sæpè tum à Iacobo à Manfredonia eius Socio, tum ab alijs plerisque, candida columba, quæ Spiritus S. gratiam præferret, ipsius capiti insidere visa est. Mateolæ in Dei verbo laborans, à Nobili quadam Viduâ, quæ eum hospitio exceperat, ad turpia pellectus, mirâ animi constantiâ pellicem reijcit. Erga egenos mirâ charitate ferebatur. Vir denique tantâ prudentiâ, & consilio præditus fuit, vt ad maiores tum Picentis Prouinciæ, tum Ordinis dignitates prouectus fuerit: cum enim sæpè Guardiani, Definitoris, & Prouincialis Vicarij officio in ea Prouincia functus esset, ad Procuratorium tandem munus in Romana Vrbe assumitur. Quo tempore Gregorio XIII. Pontifici ita charus fuit; vt eum ad Urbis Melitensis Episcopatum promouendum decreuisset, nisi Viri humilitas Pontificem à proposito reuocasset. His cum assiduum orationis studium accederet, plerisque à Deo, tum in vita, tum etiam in morte signis cohonestatur. Cum Inniæ Capucinorum Conuentus fundamenta ponerentur, ac solemni totius Oppidi supplicatione, Crux in Monasterij signum erigenda esset; Dæmon, cui res prorsus odiosa erat, rixam ob prioris loci dignitatem inter ciues excitat; etiam partes inter se discordes ad mutuam se cædem parabant; quo tempore Syluester lustrali peniculo Crucis signum in Dæmones vibrat: quo ijs in fugam conuersis, mox armorum strepitus sedatur, pax inter ciues conciliatur, Cruxque vnâ omnium consensione erigitur. Rubiliani Dianæ cuidam futurum masculi foetum prædicit: qui cum in lucem editus assiduo vagitu matris somnum interciperet, à Syluestro benedictus, deinceps à vagitu abstinere. Hoc ipso Prophetico spiritu alteri quoque Deianiræ Alimenæ, quæ post foetus abortum diu prole caruerat, futuram liberorum procreationem prænunciat. Adhæc Romæ, dum Procuratorio munere fungitur, sacris Mysterijs incumbens, matrem Rosciani animam agentem in spiritu cernit, quam duo Capucini Fratres ad Deum proficiscentem Ecclesiastico ritu prosequuntur. Postremò, cum per 40. circiter annorum spatium in Dei vinea excolenda, multos impigrè labores exantlasset, dum Anno 1596. Vffugi multa cum audientium vtilitate, Dei verbum

Quadragesimali tempore disseminat, ad quietem, atque inde ad mercedem vocatur, Urbis Clero, & populo ad sancti Viri funus haud sine luctu confluyente. Porro, hac ipsâ sui obitus horâ, Mansuetus à Corilliano ex nostris Laicus, qui in Blandæ Conuentu moras trahebat, dum horâ antelucanâ orat, splendidam Beatorum Capucinatorum vndiquaque emicantium supplicationem intuetur. Hi verò, cum omnes stolis albis amicti, Coelum versus incederent, Sylvestrum medium secum, graui vultus specie gradientem tenebant. Cum autem visionis mysterium Fratribus narrâset, post vnum aut alterum diem, litteræ de Sylvestri obitu, atque eâdem temporis horâ, quâ Mansueto visio demonstrata fuerat, perferuntur. Tertio itaque post sancti Viri obitum anno, cum Ioannes Petrus Græcus, ciuis Roscianensis, tam grauiter ægrotaret, vt minimam de illius vita Medici spem reliquam haberent; en Sylvester intempestâ nocte ante cubiculi fores apparens, Iuliam vxorem vocat, eamque his verbis affatur: Equo animo esto, ô Iulia: iam ex Dei clementia, tibi Viri vita condonata est. Satage, vt te erga Capucinatorum Ordinem piam, ac deuotam serues. His verbis dictis abscessit, atque eodem tempore summâ Physicorum admiratione, ægrotus à febre, omni que morbo liber euadit. His accedat, quod cum tanta, & tam constans, non modò apud sæculares homines, verum & apud Fratres de Sylvestri sanctimoniâ, fama etiamnum post mortem peruulgata esset, vt habitus particulas, vngulas, digitorum articulos, atque alia huiusmodi corporis frustula, sibi velut sacras Reliquias seponerent: Marcus Dubilianensis ex nostris Laicus, Vffugensi mulieri, quæ transuersum foetum in vtero à Physicis morti adiudicatum gerebat, Sylvestri habitus particulam adhibens, illicò prægnans salua saluum masculum parit. Extremi quoque digitus articulus, ac ipsius vngula à Fratribus religiosè asseruata tam suauiter olent, vt moschi pastillos, atque aromatum omnium fragrantiam suo odore superarent. Ipsius quoque merita Nobilis quidam Vffugensis ante Patyci portum inuocans, ab imminente naufragio liberatur.

\*\*\*



FRATER LUDOVICVS A IVENACIO FRATRVM  
CAPVC<sup>VM</sup> PR<sup>OE</sup> BARIENSIS PROVINCIALIS.

FR. LVDOVICI à IUVENACIO  
 DEFINITORIS GENERALIS,  
 NEC NON IN DIVERSIS PROVINCIIS  
 VICARII PROVINCIALIS  
*VITA, ET GESTA.*



**P**ATER LVDOVICVS à IUVENACIO, Vir illustris, ac aternâ memoriâ dignus, ex Nobili Merulorum familia ortus, tam præclara in ipsa ineunte ætate, tum Dei testimonia, tum virtutum præludia habuit, vt ex his, quanta illius vitæ præstantia futura esset, facile ab omnibus conijci posset. Infans namque cùm matris sinu gestaretur, ab Eremita, cuius nec antea, nec post quisquam deinceps vultum agnouit, inter vlnas acceptus illud inter alia prouectioris ætatis præconium accipit; magnum illum, ac sanctum Virum in Dei Ecclesia futurum. Nec inanè dictum. Puer enim cum Bitunti primis litterarum studijs operam daret, ita vanas, ac pueriles illius ætatis cupiditates respuere visus est, vt quotidiano Missæ Sacrificio deuotè interesset, sacra Mystéria celebrantibus omni pietate ministraret: Sæpe ab omni, præterquam panis, & aquæ cibo abstinens, ciliciumq; sub veste gerens, quotidie in loca eiusdem Ecclesiæ subterranea secederet, geminisque ante Crucifixi imaginem ibi horarum spatijs orando consumptis, se ipsum flagris vsque ad sanguinem cæderet. Triennio verò, in Legum disciplina, summâ cum ingenij laude peracto; cum Pater sponsalibus iam de futuro conceptis, illum Virgini coningio copulare vellet: qui suam Deo virginitatem consecrare decreuerat, ad Capucinos fugiens Religionis sinu excipitur. Cæterùm inter Nouitios adscriptus; mirum est, quanto virtutum omnium studio vitam instituere cœperit. At à Dæmone, sub virtutis specie deceptus, ad Eremum secedit. Veruntamen cum ibi nullo spiritali ductore fretus, indiscretâ corporis castigatione eò imbecillitatis deuenisset, vt pelle vix ossibus herente, quo diutius subsisteret, non haberet; suo periculo edoctus, ac meliori spiritu ductus, ad priorem Religionis vocationem animum reuocat; iterumq; Nouitiorum albo inscribitur. Nullus porrò inter Nouitios illo humilior, nullus ad obedientiam

promptior, nullus ad omnium virtutum studia, ac præsertim voluntatis abnegationem paratior. Hoc pacto cum antiquâ vitij suspiratione abstersâ, nouæ testimonium virtutis reddidisset, ad solemnem votorum nuncupationem admissus, lucidum virtutum omnium exemplar in seipso prætulit. Post Theologica studia ad prædicationis munus assumptus, maximis, quæ Euangelicum decent concionatorem, virtutibus florere cœpit. Apostolicâ namque dicendi libertate fretus, cum in publica vitia acrius inueheretur, plerumque accidit, vt qui asperas huiusmodi correptiones molestius ferēbant, eidem sæpe insidias in via struerent, quod cum è medio tollerent. Quibus dum ille impauido animo occurrit, ij haud semel diuinâ virtute perterriti, fugâ, nullo persequente sibi consulunt. Post hæc, cum singulari eius prudentiâ, ac Regularis obseruantia zelo perspectis, ad supremas S. Nicolai, ac nonnullarum Prouinciarum dignitates euectus esset; in his administrandis præclarissimè Pastoris munus obit. Prouincialis Vicarij aliquando in Bariensi Prouincia munere fungens, ex sæcularibus nonnullis in eius necem conspirantibus, neque id ipse ignorans; sed sæpe Psalmographi verba ore versans: *Dominus illuminatio mea, & salus mea, quem timebo? Dominus protector vite meæ, à quo trepidabo?* Ps. 26. 2. dum è cuiusdam collis decliui descendit saltibus obsito; en armati è saltu erumpunt; quibus quo nomine nuncupetur interrogantibus, ore impanido: Ludouicus, inquit, appellor, & officio Capucinatorum Prouincialis: Vix hæc Ludoicus protulerat, cum ij repente diuinâ virtute attoniti, ac immobiles subsistunt; arma è manibus cadunt; tantoque intus terrore exagitantur, vt protinus sese in fugam dederint, ac paulò post laqueo vitæ finem imposuerint. Rursus, cum gemini Nouitij, Religioni minus apti, ab Ordine dimissi, simul in ipsius necem conspirant, nullâque temporis morâ armis septi Ludoicum haud longè à Martinæ oppido aggredi parant; ille impavidus accedens, familiaria sibi Vatis verba cœpit occinere: *Dominus illuminatio mea, & salus mea, quem timebo?* Ps. 26. 2. quibus & posteriora addens: *Diui appropiant super me nocentes, vt edant carnes meas: qui tribulant me inimici mei, ipsi infirmati sunt, & ceciderunt.* Mirabile visu: illi ad arma, & facinus parati, diuinâ virtute repente adeò stolidi, imbecilles, ac viribus destituti conspiciuntur, vt neque seipsos agnoscerent; neque vbi essent, aut quò se verterent, vllatenus intelligerent. Quapropter ad eos Ludouicus: Vos, inquit, perperam huc armati venistis, vt innocentem perimeretis: Dominus autem de cælo vestros conatus irritis, ac delusit. Iam verò hic tam

diu immobiles permanete, donec ad Conuentum, quò proficiscor, appulero. Mira præcipientis vis: Diuina siquidem virtus vtrumque repentè tam fixum, ac immobilem reddidit, vt ne quidem pedem loco amouere potuerint, donec is ad Monasterium peruenisset. Hoc ipso tempore, quo is Ordinis cuiusdam, cuius appellationem consultò prætereo, Concionatorem, Virum præclarum, Religionis gremio exceperat, rem nonnulli ægrè ferentes, in Ludouici damnum coniurant: qui cùm viam, quâ is iter facturus erat, obfedisset; cùm primùm Ludouicum venientem cernunt, splendidum illius vultum, ac solis instar, radios vndique euibrantem conspicientes, tanto terrore afficiuntur; vt volentes, nolentes, ab iniquo scelere abstinerint. Gemini quoque alij, cùm illum Martinam proficiscentem armati expectarent, vt eum è medio tollerent; is diuinâ virtute inuisibilis inter eos iter suum prosequitur; neque vllatenus ab ipsis, licet adspectantibus conspicitur. Postremò, Faber quidam, Paulus nomine, Bariensis Vrbis incola, dum eum aliquando ferro in viâ aggreditur, strictoq̃ue ense primum Ludouico vulnus intentat; mox humi semimortuus prolabitur: quapropter sceleris pœnitens ab eo veniam postulat. Hic porrò à nostris deinde interrogatus, quid eum ad scelus paratum tam repentè exterruerit: Tot, inquit, Ludoico circumstantes armatos Viros conspiebam, qui indubiam mihi necem comminabantur; vt terrore penè exanimatus, vix eorum manus effugere mihi posse viderer. Sic Ludouicus Angelorum tutelâ à periculo liberatur. Cùm autem inter densas noctis tenebras, per deserta loca à viâ aberrasset, ab Angelis hospitio excipitur: at mane illucescente, vix è domo digressus, domum cum domesticis euauissè comperit. Tarento etiam aliquando æstiuo tempore proficiscens, siti grauiter æstuebat; cùm sibi ante pedes aquæ fontem oriri cernit: ex quo vbi sitim extinxit, ita ex oculis euauit, vt ne vestigium quidem in puluere reliquerit. Rursus, cùm ex itinere fessus, acetum illi, per errorem pro vino propinatum fuisset; illud cibens, non acetum, sed vinum diuinâ virtute ex aceto factum gustat. Postremò, cùm graui animi deliquio in itinere affectus, vbi iacens pedem vltèrius efferre non posset, longiusq̃ue à Conuentu abesset; extemplo Vir equo insidens, cunctis ignotus conspicitur, qui ad eum accedens ait: Eia, Pater, quandoquidem tibi vires deficiunt. equum conscende: cumq̃ue eum equi tergo excēpisset, vsque ad Conuentus fores aduectum vix ex equo deposuit, cùm terga

vertit, & ex omnium oculis sublatus simul cum equo euanescit. Vir præterea tam singularis abſtinentiæ fuit, vt verbum Dei Quadrageſimali tempore diſſeminans, nullo, præterquam pane & aquâ, quibus crudas duntaxat herbas adhibebat, cibo veſceretur. Orationis verò ſtudio ita addiçtus fuit, vt cùm prolixas noctu orando vigilas duceret; raptus, & ecſtaſes pateretur, ac pleriſque in his Dei donis frueretur. Prouincialis Vicarij munere fungens, quo tempore in Martiniæ familiâ, cum Matutinis Horis in Choro (quod illi ſemper familiare fuit) cum alijs intereſſet; dum in paruo Beatiffimæ Virg. Officio Hymnus, O glorioſa Domina, à Choro cantatur: is in mentis exceſſum raptus, altius à terra elatus conſpicitur. Hoc modo ſæpiſſimè, dum vel in Eccleſia orat, vel in Choro pſallit, immobilis, ac à ſenſibus planè abſtractus videtur. Denique tañtus in hoc viro fulgebat omnium virtutum decor, vt haud facile alterum reperiſſes, in quo tam abundè tot perfectionum ſplendor emicaret. Spiritu quoque Prophetico, nec non miraculorum gratiâ illuſtrîs fuit. Dynaſtæ cuiuſdam, qui Neapoli in Sanctæ Inquiſitionis domo detinebatur, coniugi, poſt tertium diem cum liberum futurum prædicit. Vinum ſuâ oratione aduenis Fratribus impe-  
trat. Diem ſui obitus prænunciat. Peragrata igitur Lucaniæ Prouinciâ, ac multis virtutum exemplis illuſtratâ, cùm Acirim fluuium tranſuadere nititur; à profluente vnda raptus, ac penè demerſus, maximo in vitæ discrimine verſabatur; cùm extemplò Vir facie ignotus, atque albâ veſte indutus apparet, qui illum ad ripam pertractum à ſubmerſione liberat. Hinc Turſum profeçtus, cùm primùm Conuentus fores attigit, Fratribus ait: Ite, filij, ac ſepulchri os quamprimùm recludite, vt breui Patrem veſtrum ſuo excipiat ſinu. Pleuritide itaque correptus, cùm morbo ingraueſcente ſibi finem imminere non ignoraret, lachrymoſâ peccatorum confeſſione expiatus, Sacroſancto Domini Corpore reſci poſtulat: quod cùm in cellæ oſtio pronus adorafſet, eoſque potitus eſſet; ſacro tandem oleo inunctus, die quâ prædixerat, deuotiſſimè Deo ſpiritum reddidit. Anno 1587. plurimâ ſançtimoniæ famâ tam apud Fratres, quam ſæculares Viros poſt ſe reliçtâ. Rumore verò de ipſius obitu per oppidum diſſeminato, multa vtriuſque ſexus turba, ipſius ſançtitalis opinione commota, ad funera confluit, & deſunçti corpus veneratur. Neque illud prætereundum, quod poſt quartum ab obitu annum; eiſdem corpus, quod cæterorum more in ſepulchro conditum fuerat, tam integrum atque incorruptum apparuit, vt ne



quidem vestes illius detritæ , aut putrefactæ essent. Facies verò  
instar viuentis colorata , barba hærens , lucentes oculi , omnesque  
corporis partes incorruptæ ; quidni illum apud Deum viuen-  
tem , ac perpetuâ animæ incorruptione , si minùs

Canonicâ , piâ saltem fide donatum  
ostendunt?







FRATER IACOBVS SUPERATENSIS FRATRVM  
CAPVCINORVM DEFINITOR. GENERALIS

# FR. IACOBI SVPERATENSIS. DEFINITORIS

GENERALIS

*VITA, ET GESTA.*

**I**RATER IACOBVS SVPERATENSIS, CONCIONATOR, prudentiâ, virtute, doctrinâ, ac miraculis illustris; à teneris anhis; futurâ sanctitatis specimen edens; in puerili corpore senilem animum præseferēbat. At verò adolefcente ætate, cū simul cum eo pietas adolesceret, corpusculum inediâ afficit; orationi serius insistit; frequentius ad Sacramenta accedit; atque ad omnia veræ pietatis officia summo studio anhelat. Humaniora literarum studia amplexus, in hieos progressus fecit; vt ætate prouectior, bonarum artium scholam aperuerit. Post hæc, diuino Numine inspirante, suis omnibus in pauperes distributis, sub Capucinatorum vexillo, Sacræ B. P. N. Francisci militiæ ascribitur: vbi tot coepit virtutibus efflorescere, vt omnibus admirabilis euaderet. Ad studia Philosophica & Theologica vocatus, tantum in his profecit, vt inter illustriores nostri Ordinis Theologos, & Theologicæ disciplinæ Professores merito adnumeratus fuerit. Vir tam singulari prudentiâ, & consilio præditus fuit, vt præcipuis in Rhagina Prouincia honoribus auctus eam multo tempore præclarè administrauerit: sæpè ad Generalia Comitia, Prouinciæ illius Custos, Romam profectus, Generalis Definitoris aliquando in Religione munus obijt. Nihil eo inter honores humilior, nihil mansuetius; neque vnquam nisi inuitus, aut cum lacrymis ad honores rapiebatur. In Dei verbo prædicando, tam cœlestis illius verbis vis indita erat, vt hominum animis quodammodo imperitaret, durioresque ad pœnitentiam compelleret. Orationis studio tantoperè afficiebatur, vt singulis diebus denas, ac plerumque duodenas horas sibi illius oratio vendicaret: in eâ tanto charitatis æstu in Deum ferebatur, vt haud rarò è sensibus excedens, quò spiritu ferebatur, eò & corpore sequi velle videretur. Hinc cū in antrum quoddam Ieracensis Conuentus aliquando oraturus secessisset; Ferrans Saccus, Nobilis Ieracensis, qui ipsius sæpè ecstáticos excessus audierat, illum obseruaturus, in hortum clam se confert: vnde Iacobum diuino amore feruentem,

nunc genuflexum, nunc prostratum; modò stantem, modò vultu in Cœlum erecto, ac tensis ad sidera palmis, tot Cœlum gemitibus pulsantem cernit, vt antrum lachrymosis ipsius vocibus vndique perfonaret. Mox eo silente, specum tanto lucis splendore coruscantem spectat, vt tota Domini gloria in eam dilapsa videretur. Idem Iacobum rursus in Choro orantem, tam altè in aëra toto corpore sublatum vidit, vt geminos non minùs palmos è solo emineret. Hoc modo cùm in oppido Flomaratinari Dei verbum euangelizaret, illius Ecclesiæ Rector, eundem in Ecclesia orantem cubito altius in sublime elatum conspicit. Pòst hæc, dum sacra Mysteria peragit, diuinâ visione potitur. At verò, quæ sequuntur miracula, præclara eiusdem apud Deum merita, & sanctimoniam testantur. Dum Theologicis studijs incumbit, Guardiano iubente, ad Nobilis cuiusdam Filiam obsessam proficiscitur: quam simul atque conspicit, sermonem ad Spiritum nequam conuertens: Audi, inquit, superbe Dæmon. Ego non sponte, aut ex animo, sed inuitus, & obedientiâ compulsus huc veni: æquum planè est, vt & tu obedientiam præstes. Cui Dæmon: Hinc me tua obedientia expellit. Cumque hæc dixisset, protinus erumpens, obsessam liberam relinquit. Quo tempore is Cryptæ aureæ Dei verbum disseminat, fame vbique inuascens, cùm pauperibus vniuersa, quæ apud eos erant, distribuisset; nouis aduenientibus, cùm nihil erogandum superesset, geminos panes calidos, ac recentes è Cœlo accipit. Franciscæ Stricueriæ Ordinis deuotissimæ confractum cyathum suâ oratione instaurat. Pòtremò, binos Hieronymi Regitani, Nobilis Ieracensis filios graui ægitudine laborantes, signo Crucis communiens, incolumes reddit. Cùm igitur Iacobus Româ rediens, Neapolim appulisset, dùm in ea Vrbe Euangelicæ prædicationi insudat, graui morbo corripitur: ex quo se à Domino vocari cognoscens, ad immaculatæ Conceptionis Conuentum se confert: vbi cùm integros octo dies absque cibo transegisset; quo tempore Sacramentis ex Ecclesiastico ritu, summâ deuotione susceptis, animum ardentissimis diuinæ charitatis flammis ad Domini aduentum parat; nudumque Christum in Cruce morientem imitari volens, è strato exilit, nudum se humi collocat; ac velut in arenam descendens, in eâ ad extremum vsque spiritum decertans, nudus de superbo hoste triumphat. Anno 1594.



FRATER ANGELVS IOSEVS FRATRVM CAPVCINORVM  
DIFFINITOR GENERALIS.

FR. ANGELI IOIOSÆI.  
 DEFINITORIS GENERALIS,  
 NEC NON PARISIENSIS PROVINCIÆ  
 VICARII PROVINCIALIS  
*VITA, ET GESTA.*



ERATER ANGELVS IOIOSÆVS, SACERDOS,  
 Patre Guilielmo Ioiofæo, Gallicorum Caſtrorum  
 Præfecto, & Occitanix Prorege, Matre verò Mariâ  
 Batameâ, Buchagij Comitiffâ, Anno 1563. natus;  
 atque Henrici in Baptifmo nomen fortitus, quaſi  
 ſtella matutina cœleſtis quædam lucis primordia,  
 quibus ad omnem animo pietatem ferebatur, iam à teneris annis  
 hauſit. Vix enim decimum ætatis annum attigerat, cùm Tolofam  
 ſtudiorum cauſâ miſſus, Fratrum Minorum, qui de Obſeruantia  
 nuncupatur, bibliothecam perluſtrans, obuium quendam librum  
 manu apprehendit; moxque vocem quandam ſibi intus in animo  
 ita loquentem percipit: Lege, & quæ legeris, ſi potes, obſerua. Hac  
 ille internâ Dei voce prouocatus, librum aperit, protinuſque hæc in  
 eo verba legit: Vita & Regula Fratrum Minorum hæc eſt, obſer-  
 uare ſanctum Domini noſtri Ieſu Chriſti Euangelium. Stupet in-  
 clytus puer: iam enim ante annum, Nobilium quorundam Ado-  
 leſcentum, qui mundo cum ſuis delicijs calcato, in Obſeruantium  
 ſinum ſe receperant, exemplo commotus, conceptum Religionis  
 propoſitum Fr. Roberto à Doqua, tunc Tolofani Conuentus Ob-  
 ſeruantium Guardiano, communicat: qui cùm Parentum indigna-  
 tionem extimeſceret, mox illum à propoſito deterret; Parentibuſque  
 per litteras religioſum filij conſilium ſignificat. Quamobrem Pa-  
 tris iuſſu Pariſios migrans, in Nauarræo Collegio, in quo Princi-  
 pum filij inſtitui ſolent, dum Humanioribus litteris operam nauat,  
 pia ſimul pietatis ſtudia enutriens, vt litteris, & ætate, ita & virtute  
 adoleſcebat. Fœlicius verò ac præſtantius ingenium fortitus, cùm  
 vix tertium decimum annum agens Philoſophica ſtudia inchôaſſet;  
 ijs breui abſolutis, aulico à parentibus Henrici III. Regis cultui ad-  
 dicitur. Inter aulæ igitur tenebras, ſtellæ inſtar relucere, atque inter  
 Aulicos ita verſari cœpit, vt cunctorum (quod rarum eſt) ſibi

amorem ac benevolentiam conciliaret. Quo factum est, ut ob hanc morum facilitatem, atque animi prudentiam, ac probitatem, Henrico Regi tam charus fuerit, ut eum regio cubiculo præficeret: quo in munere ita se pauperum, ac Religiosorum fautorem constituit, ut cum eorum nemini ad Regem aditum præcluderet, illum sæpe Rex Religiosorum Patronum appellaret. Interea Rex, quo cum perpetuò sibi alligaret, Illustrissimum Catharinæ Nogaretia, Valentini fortissimi, ac nobilissimi Viri, ( qui & Ducis Espernonij frater, & cataphractorum tunc equitum Tribunus erat, ) filiae coniugium suadet. Is verò, cui etiamnum Religionis capescendæ in animo fumabat igniculus, reluctari primùm visus: at Regis imperio, ac propinquorum consilio accedente, tandem matrimonij iugo colla subdit. Catharinæ verò sponsæ tanta inerat animo pietas, ac rerum cœlestium cupiditas; ut diuinæ charitatis flammâ in utroque crebris de rebus cœlestibus colloquijs, ac mutuis virtutum exercitationibus excrecente, mutuâ inter se pactione conuenerint, ut qui, altero è viujs erepto, superstes maneret, Deo se in monasticâ vitâ consecraret. Quapropter, ut se eatenus, si non habitu, saltem animo Religiosos ostenderent, tales eorum domus erat, ut ab eâ scurræ, mimi, periuria, blasphemiae, & obscœna verba exularent. Per, id tempus Capucinatorum Ordo prima Lutetiæ Parisiorum suæ propagationis semina iecerat: qui cum tantam apud omnes suâ virtutum luce sanctimoniae sibi famam comparassent, ut eos cuncti velut noua Christiani Orbis sidera suspicerent; Henricus, amplo palatio relicto, quo facilius, ac frequentius eorum praesentiâ, ac colloquio frui posset, mediocrem quandam apud Capucinos domum sibi pretio comparat; diuinæque cum eis officia persoluens, noctu etiam sæpè diuinis meditationibus vacabat. His dum Henricus animus pijs exercitationibus excolit, Catharina Vxor, vix vigesimum secundum annum nata, solâ filiâ, quæ duodevigesimalium mensum attigerat, relicta, ad Superos migrat. Hoc ille Vxoris sibi dilectissimæ occasu grauiter animo sauciatus, quàm vana, ac fugax mortalis vitæ vmbra sit, seriùs animo cogitare, & philosophari cœpit. Quibus cogitationibus dum aliquando vehementiùs agitur, in secretum cubiculum oraturus secedens, cum primùm B. Virginis Horarum codicem aperit, hæc sacri Vatis verba primo se illi aspectui obijciunt: *Dirupisti vincula mea: tibi sacrificabo hostiam laudis.* Verùm ab oratione interceptus, cum rursus ad eam redisset,

iterum aperto libro eadem illi verba legenda proponuntur : tertio denique cum eadem verba legisset , mox pactum cum Vxore adhuc superstite initum , voxque Tolosæ intus in animo audita , quæ ad Seraphicæ Religionis amplexum prouocabatur , illi in mentem redeunt : remque diuino consilio agitari arbitratus , secum firmæ animi deliberatione statuit , seipsum in Capucinorum Religione Deo sacrificium offerre ; nullique prorsus , præterquam Capucinorum Prouinciali Vicario , à quo in Ordinis gremium excipiendus erat , re communicata ; cum vnicam filiam simul cum Comitatu Buchagiensi , atque amplis redditibus Matri , ac Fratri commendasset , noctu ad Capucinos se confert ; & Henrici in Angelum nomine commutato , inter Seraphicos filios , annos circiter tres & viginti natus , cooptatur . Repentinâ , & inopinatâ hac Henrici conuersione in Vrbe diffusâ , protinus ad Henrici Regis aures rumor penetrat : qui cum maximâ Virum dilectione prosequeretur , vehementiori dolore oppressus , mane currum conscendens ad Conuentum aduolat , Angelum accersiri imperat , præsentemque tot persuasionibus , tot precibus , tot minis aggreditur , quod eum à Religionis proposito auocet ; vt se inde haud abscessurum iurauerit , nisi Religioso habitu exutum eum sibi Comitem haberet . At nouus Angelus tam nauai , ac cœlesti Regis iram eloquio demulsit , totque argumentis illius animum conuicit , vt ab eo lachrymans discesserit . At neque sterilis hæc Henrici in Angelum mutatio fuit : etenim , vt ea ab Excellsi dextrâ profecta crederetur , plurimos ex Nobilium Ordine , Deo seruos peperit , atque in Religionis sinum compulit . Admirabilem quoque huius Viri conuersionem , religiosa quædam forma , vitæ sanctimoniâ in Vrbe conspicua , quæ noto nomine , Mater Belgica , appellabatur ; antequam contingeret , visione quâdam præuidit . Cum enim in Capucinorum Ecclesia , sacris aliquando Missæ mysterijs interesset , quo tempore Nouitij ad sacram Synaxim accedebant , inter eos & Angelum , etiamnum in sæculo agentem , eodem Nouitiorum habitu contactum conspicit . Angelus igitur probationis annum cœlestibus hisce auspicijs aggressus ; vix tertium in Religione mensem exegerat , cum variâ ac graui tentatione à Deo probari cœpit : eo namque tempore germanus ipsius Frater , magnus rei maritimæ in Gallia Præfectus , fatis cedit ; Deoque permittente , Satan plura illum in sæculo , quàm in Religione bona patrare posse , occultâ tentatione persuadet . Quod si aliqua illi Religio amplectenda sit , Carthusianorum Ordinem illi Capucinorum Religioni præferen-

dum



dum suggerit. At Angelus tametsi profundo mœstitiæ gurgite absorptus, haud tamen animum deponit, aut à Religione alienat: sed cum lachrymis orans à Deo misericordiam expectabat. Aliquando igitur in Ecclesia illi post Matutinas Horas, ante Augustissimum Eucharistiæ Sacramentum oranti, tantam animo, ac cœlestem voluptatem Deus indidit, vt vniuersæ illę mentis tenebræ disiectæ fuerint; tantaq; animo illius inde fortitudo, ac rerum diuinarum sapor accesserit; vt quæ antea dura, ac difficilia credebantur, leuia deinceps, ac iucunda illi fuerint. Hac igitur post tentationem deuictam, mentis serenitate potitus, cum solemnia Religionis Vota nuncupasset; mirum planè, quantā humilitate vilissima quæque domus ministeria præstaret; quantā obedientiâ seipsum Superioris nutui subijceret; quantā sensuum mortificatione, quantā patientiâ, quantā denique charitate inter alios præcelleret. Anno post illius Professionem exacto, in Italiam studiorum causâ missus, Venetijs primùm; deinde Mediolani Theologiæ operam dat: atque inde ad Prædicationis munus assumptus, in Galliam redit; vbi Tolosæ Guardianus constitutus, dum animarum lucra tum prædicando, tum præsidendo admirabili charitatis æstu prosequitur; Scipio Ioiosæus, germanus Angeli Frater, qui toti Occitaniæ Regiâ autoritate præsidebat, infausto bello decertans, clade acceptâ, diem extremum claudit. Hoc tam infortunio nuncio Tolosana plebs, atque Vrbis Proceres consternati; cùm belli Ducem non haberent, qui Hæreticorum furori obfisteret; Franciscum Ioiosæum, S. R. E. Cardinalem Archiepiscopum Tolosanum adeunt, ad arma prouocant, atq; vt cœptum aduersus Hæreticos bellum prosequatur, summis precibus pulsant. At Cardinalis, qui nunquam bello, aut armis assuetus fuerat, oblatam sibi prouinciam recusat. Angelum verò Capucinum, germanum Fratrem, magis ad arma administranda idoneum proponit. In Angelum ergò mox cuncti conspirant: tantusque populi, Angelum sibi Regis nomine Præfectum deposcentis ardor fuit; vt in Conuentum ruens, nisi Cardinalis prudentiâ sedatus fuisset, iam vi illum rapere, & ex Cœnobio extrahere pararet. Interea Cardinalis, congregato omnium ferè Doctorem, & Theologorum, qui eo tempore Tolosæ aderant, Conuentu, id Concilio discutiendum proponit: An Sacerdos, alicuius Ordinis Professus, in summo Fidei, ac Patriæ euerfionis periculo; cum aliud remedium non superest, Ordinem, ac habitum deserere, armis incumbere, & cadenti Patriæ subuenire possit, aut debeat. Re vltro, citroque inter



eos maturè exagitât; tandem omnium sententiâ, ac consensu stabilitum; fidei, ac Patriæ periculum, Ordini, ac Sacerdotio præferendum esse: ac proinde Angelum, tametsi Sacerdotem, & Capucinorum Ordinis Professum, hoc tunc periculo vrgente, & arma sumere, & bellum aduersus Hæreticos instaurare, atque ad depositam Patriam accedere, & posse, & debere decernunt. Re ita definitâ, Cardinalis per celerem tabellarium, omnium certiozem Pontificem reddit: qui Romæ iterum Cardinalium, ac Theologorum congregatione coactâ, Roberti Bellarmini, & Cæsaris Baronij potissimum iudicio, Tolosatum Theologorum sententiam confirmat: quæ Pontificiâ deinde Bullâ, quâ Angelus ab Ordine dimissus, inter S. Ioannis Hierosolymitani Equites adnumeratur, à Clemente VIII. roborata fuit. Hoc Cardinalium consensu ad Franciscum Cardinalem perlato, quandoquidem hostibus Tolosanum agrum incurfantibus res moras non patiebantur; statim Angelus è Cœnobio rapitur: mœrensque ac lachrymans à germano Cardinali in Episcopium ducitur. Postridie verò, Vrbis Proceribus, ac maximâ populi multitudine in Archiepiscopali Aulâ congregatis; Angelus Capucinorum habitu, in atram, ac lugubrem sæcularis Viri vestem, vt internum animi mœrorem testaretur, mutato apparet; vbi à Cardinale Fratre gladio illis verbis præcinctus: *Accipe gladium sanctum, munus à Deo, in quo deicies aduersarios populi mei*; mox à Nobilium turbâ summo omnium applausu Princeps salutatur: indeque in communem Vrbis plateam deductus, tam ingenti ibi plebis lætitiâ excipitur, vt palam illum Pacis Angelum acclamaret. Hæc verò haud absque singulari Dei consilio accidisse, duplici testimonio diuinitus declaratum fuit: cum enim ante aliquot dies Tolosæ aliquando in lecto suo quiesceret; quo tempore ne vlla quidem rei suspicio illi in animo oriri poterat, ingenti strepitu in cellâ edito, à somno excitatur; moxque Capucinum Fratrem, cuius non agnoscebat vultum, amaro animo lachrymantem cernit; qui cum à nonnullis circumstantibus sacro habitu expoliatus; ac molli indusio, ceterisque sæcularibus vestibus indutus fuisset, è cellâ expellebatur. Hoc quoque tempore Virgo quædam Mediolanensis, Isabella nomine, vita sanctimoniâ in eâ Vrbe insignis, ad eum epistolam scribit; in quâ vbi illum rerum omnium, quæ illi in hac habitus mutatione deinceps acciderunt, præmonuit; ne propter huiusmodi vllâ animi tristitiâ afficiatur: Hoc Dei consilium esse aperit, diuinâ sibi reuelatione patefactum, quo depositis Occitaniæ rebus prospicere

decreuerat. Verùm Dei opere expleto, iterum illum ad Capucinos rediturum; extremumque apud eos gloriosè diem clausurum prænunciat. Hac Virginis epistolâ utcunq̃ue consolatus, alacriori animo res publicas administrare, atque alia, quæ ad rectam militiæ directionem spectant, peragere exorsus: animum verò potissimùm ad quietem aliquam populo conciliandam contulit. Hac de causâ cum Annæo Momoranceo triennij inducias paciscitur. Interea Henricus IV. Gallorum Rex, cùm heresi abiuratâ, pacificè Regno potitus esset; Angelus Lutetiam profectus, cum eo res ita componit; vt integra tandem Occitaniæ pax reddita fuerit: is verò à Rege multis honoribus affectus, ab eo Dux, & Marescallus Franciæ, & Occitaniæ Prorex pronuntiatur. Pace itaque Occitaniæ redditâ, Angelus tametsi liberâ Pontificis dispensatione frueretur, quâ in sæculo tutâ conscientiam versari posset, votis tandem potitus, ad Hieronymum Sorbum, Capucinorum Generalem litteras scribit; quibus ab eo iterum in Religionis sinum admitti postulat. Sed cùm Generalis, ipsius licet consilio approbato, id inconsulto Pontifice ab eo fieri non posse, rescripsisset; Angelus Romam familiarem confestim cum litteris ad Pontificem mittit: Pontifex verò Viri in Religione repetendâ constantiam admiratus, cùm rem prudentum consilio adhibito, secum seriùs discussisset, tandem postulatis annuit; Angelusque hac Pontificis licentiâ munitus, ac Generalis obedientialibus litteris instructus: quibus rursus, velut professum, Ordini adnectendum, omniaque illi, perinde ac si nunquam ab Ordine excessisset, integrâ restituenda præcipit; vt Occitani populi impedimenta, quæ verebatur, effugeret, Lutetiam proficiscitur: vbi post iusta Henrico Regi obsequia reddita, quo tempore nemo id vnquam, neque ex domesticis suspicari poterat, exaratis ad Regem litteris, quibus sui ad Capucinos reditus certior fieret; vnde cùm noctis horâ, depositis mundanæ vestis exuijs, quarto circiter post suum ab Ordine excessum anno, sacrum iterum habitum induit; manequè ex Prorege tantâ omnium admiratione Capucinus conspicitur, vt plerique Nobiles, qui inter mundi delicias versabantur, illius odore attracti, post eum ad Religionis sinum confluxerint. Tantâ porrò Angelus post reditum, in Religione deinceps virtute floruit, vt prior ille ab Ordine excessus, maiores illi ad omnem pietatem stimulos addiderit. Ab eo siquidem tempore, tam seuerè paupertatis cultor fuit, vt obsoleto, ac detrito habitu contentus, in solâ rerum paupertate gloriari videretur. Prouincialis Minister in

Parisiensi Prouinciâ creatus, tantâ vitæ austeritate, ac Regularis obseruantia zelo, tamquæ præclaris virtutum exemplis eam Prouinciam administravit, vt forma factus gregis, vniuersos ad præstantiora virtutum studia attraheret. Prædicationis verò officium hoc tempore tam ardenti spiritus æstu exercere visus, vt velut nouus Gallia Apostolus admirabiles in omnium animis mutationes ederet. Multa de illius humilitate; plura de inuictâ patientiâ exempla referri possent; at illud vnum enarrare sufficiat, quod illi, Prouincialis munus agenti, aliquando accidit. Dum enim aliquot Gallia Conuentus inspectans iter facit; sub vespertinum ad quoddam Nobilis Viri castrum accedens, ab eo hospitium humillimè postulat: qui dum Caluinianâ hæresi infectus esset, non modò illi hospitium denegat; sed & illum diris conuiuijs prosequitur, ac deteriora minatur. His Angelus haud commotus, tectum tantummodò ob æris inclementiam ab eo sibi elargiri poscit. Cuius ille tandem, non prece, sed importunitate victus, stabulum absque tecto semidirutum indigitat. Huc cum Angelus cum Socio se noctu recepisset, noctem illam magis in Dei laudibus, quam dormiendo infumunt; maneque illucescente, dum iter prosequuntur, Nobilem quendam obuium habent, qui cum Angelum ab Hæretici castro venientem didicisset, quo pacto ab eo exceptus fuerit, percunctatur. Optimè, ait Angelus, quæ enim nobis necessaria erant, præbuit; quin etiam illum meo nomine saluta. His cum ille dictis abscessisset; in castrum pergens, Hæretico homini demandatam sibi ab Angelo salutationem reddidit. Cui Hæreticus: Quisnam hic Angelus est, inquit, quæ commemoras? At ille: Ioiofæus est, qui olim Dux, & Par Franciæ, & Occitanie Prorex fuit. Cui Hæreticus: Ludisne mecum, an seriò loqueris? Non Angelus Ioiofæus, sed duo Capucini Fratres huc hora vespertinâ ad me accessere, qui cum hospitium postulassent, eos ad stabulum misi. At is: Ille, inquit, Angelus Ioiofæus fuit cum Socio; qui cum se optimè à te exceptos affirmarent, ad te in gratitudinis signum salutationem transmittunt. Hoc ille nuncio animo lancinatus, facto erubuit, statimque consensu equo, Angelum cum Socio pedetentim gradientem attingit: cuius cum se pedibus prouoluisset, facti veniam poscit, vt in castrum redeat, rogat, ac tandem Angeli paucis, & grauioribus verbis ad Fidei veritatem perductus, paucis post diebus elapsis, hæresi abiurata, ad Catholicam Religionem accedit. Hoc modò humilis Angeli patientia Hæreticum hominem Deo peperit. Orationis tandè admodò studiosus fuit, vt ubiq; eam sibi comitè adhiberet; Deiq;

præsentiam sibi ante oculos semper constitutam habebat. Communes orationis horas, neque iter faciens, vnquam prætermittere solebat: noctem verò ita dispertiri consueuerat, vt tertiam, vel ad summum quartam horam somno tribueret; reliquas sacris vigilijs, atque orationi daret: quam cum pijs vt plurimum lachrymis perfunderet, atque ardentioribus charitatis igniculis inflammaret, ita Diuinam sibi amicitiam conciliauerat, vt plurimum apud Deum suâ oratione valeret, quod nonnullis aliquando exemplis manifestum fuit. Cum enim ad Generalia Comititia Romam profecturus, triremem sibi à Rege paratam Massiliæ conscendisset; tam sæua eâ in nauigatione tempestas orta est, vt triremis ventorum vi impulsâ, rectâ in scopulum illidenda pelleretur; sed cum nullo remedio naufragij periculum cuitari posset; re prorsus desperatâ, Angelus in genua procidens, tam ardentes ad Deum preces fundit; vt cum triremis haud longè à scopulo abesset, Diuinâ quadam vi distenta, & ab scopulo reuocata, aliò cursum direxerit. Eodem quoque in itinere, cum triremis haud longè à Portu Romano abesset, colluctantibus ventis, ita inter fluctus immobilis stetit, vt neque vltèrius progredi, neque regredi valeret. At Angelo orante, ventorum perfracta vis; secundoq; Austro flante, paulò post in Portum appulit. Hoc modo & ex nostris quendam, qui ab ipso Probationis anno à Dæmone infestari coeperat, suâ oratione ab infestatione liberat. Romæ itaque in Generalibus Comitijis Definitor electus, cum plurimum suâ prudentiâ Religioni profuisset; Pontificenique, ac S. R. E. Cardinales, mirum in modum suâ virtute ædificasset, donis à Pontifice coonestatus, in Galliam rediens; Ripoli, quod oppidum est ab Augustâ Taurinorum haud longè distans, in morbum incidit, vbi à Carolo Emmanuele Sabaudia Regulo, omnibus officijs exceptus; cum Religionis Vota in morte inter Prouincialis Vicarij Genuensis Prouinciæ manus renouare voluisset; plurimaquæ humilitatis exempla exhibuisset: extremum tandem ibi, magnâ cum virtutum laude, diem obit. Corpus verò, Caroli Emmanuelis Ducis iussu, aromatis conditum, ac plumbeo loculo inclusum, tamdiu in Capucinorum Conuentu depositum fuit, quoad Henricâ Ioiosæâ filiâ, Henrici Borbonij Ducis Mompenserij olim Vxore agente, Lutetiam translatum, ac funerali pompâ in Vrbe exceptum, in Capucinorum Ecclesiâ conditum fuit. Nonnullis D. O. M. post mortem Miraculis, quam pretiosa illius vita, ac mors fuerit, testari voluit: dum enim Angeli defuncti corpus per Camberium transfuehitur, Nobilis

quædam

quædam Mulier Camberiensis, quæ alterum brachium aridum gerebat; cùm paralyfi in lecto detenta, illius corpus præfens venerari non posset, ad eum epistolam scribit, quâ ipsius, pro incolumitate adipiscendâ, apud Deum suffragium implorat: missâque per Virum epistola vix ab eo, loculo imposita fuit, cum ea perfectâ brachij, & corporis incolumitate potitur. Inde Lutetiam deniq; transuectum, cùm primùm in Ecclesiâ Capucinorum collatum fuit; Mulier quædam, quæ hemicraniâ diu laborauerat, cùm funebrem pannum, quo feretrum operiebatur, ipsius apud Deum intercessionem efflagitans, contigisset; protinus à morbo curata fuit. Frater ex nostris, qui grauiter capitis dolore torquebatur, cum Angeli habitus particulâ sibi caput attigisset; effugato dolore incolumis euadit. Hoc modo & geminæ in Turonensi Prouinciâ puellæ, quæ fermè cum morte colluctabantur, Angeli habitus particulâ, cuiquæ impositâ conualuère. Postremò, Angeli nomen, & Reliquias Dæmones humana corpora obsidentes ita exhorrent, vt aspectu maximè exagitantur. Hanc autem Historiam haud ita mihi prosequendam statui, quasi vniuersâ rudi calamo perstringi, nedum breui hac narratione comprehendi posse existimem; sed, vt, qui in hæc fortè scripta incident, ex vngue Leonem cognoscant; cæterosque (inter alios Iacobum Brosium) qui fufius, ac luculentius Viri huius gesta enarrarunt, opportunè consulant. Obijt præclarus  
hic Vir Anno 1608.





FRATER MATTHIAS SALODIENSIS FRATRUM CAPUCINORUM  
DEFINITOR GENERALIS.

FR. MATTHIÆ SALODIENSIS,  
 DEFINITORIS GENERALIS,  
 IN GERMANIA, ET GALLIA COMMISSARII GENERALIS,  
 NEC NON MEDIOLANENSIS, ET BRIXIENSIS  
 PROVINCIÆ VICARII PROVINCIALIS  
*VITA, ET GESTA.*



MATER MATTHIAS SALODIENSIS, Concionator, ex Belintanorum Familiâ pijs parentibus ortus, vix decimum septimum annum attigit, cùm vniuersa mundi oblectamenta, velut stercore arbitratus, veras in Crucis amplexu apud Capucinos delicias sibi quærendas duxit; Matthiæq; nomen sortitus, cum eo tam præclarum Apostolicæ vitæ tyrocinium instituit, vt nulla, quæ Apostolicum hominem deceret, virtus illi deesse videretur. Hinc assiduum orationis studium ita sibi ab exordio conciliandum curauit, vt eidem post Matutinas Horas; vsque ad primam diei Horam perpetuò vacans, plerasque etiam interdiu, ijs Orationis horas adiungeret: Hinc carnis, & sensus voluptates ita coercere didicerat, vt integra quadraginta dierum ieiunia, panis & aquæ inediâ celebraret. Neq; id semel, cùm enim post Philosophica, & Theologica studia ad Concionandi officium assumptus, Salodij Dei verbum toto Aduentus tempore Anno 1581. disseminaret; quâ die Concionem ad populum haberet, solo panis vinum, quo stomachum refoueret, adhibere consueuerat: ceteris verò diebus intermedijs, sicut famem solo pane, ita sitim solâ aquâ extinguere solebat. Quadragenarium S. Michaëlis ieiunium tam singulari cultu complectebatur, vt illud aliquando panis, & vini inediâ profecutus fuerit: Neque id fatis; binos enim vt plurimum cuiuslibet hebdomadæ dies, solius panis, & aquæ refectiõne saginabat. Cum autem in fructuum esum maximè propenderet, ne sensus eâ voluptate frueretur, triginta annorum spatium ab ijs illius cupiditatem continuit. Tam sedulâ sui ipsius abnegationis exercitatione, ita immoderatos omnes, tam exterioris, quàm interioris hominis motus frenauerat; vt nemo tristem, nemo plus æquò exultantem, nemo turbatum vnquam viderit. Obedientiæ, humilitatis, patientiæ, paupertatis castimonie, ac totius Regularis obseruantiae virtutes prætereo, quibus ita abundè instructus fuit, vt earum se omnium normam præberet. Tam ardenti. ac Seraphico



Charitatis zelo ad animarum salutem ferri, tamq; Apostolico spiritu Dei verbum disseminare visus; vt cum inter illius tempestatis Cōcionatores prædicationis gratiâ plurimum excelleret. Admirabilis sibi nomen apud omnes compararet. Hinc cum illustriores Italiae Vrbes Euangelicâ prædicatione percurrisset; Mediolani Dei verbum proponens, illud à S. Carolo, tunc illius Urbis Antistite, qui illius auditor fuit, laudis encomium tulit; vt palàm eum verum Euangelici sermonis factorem, & Apostolico spiritu imbutum esse affirmaverit. Quadraginta Horarum orationem, quam Fr. Iosephus Ferenfis primus instituit; prout in præcedenti Horum Seraphicorum volumine indicauimus; Matthias ita excoluit; vt is primus, sermonibus per singulas horas distributis, eam celebrauerit; vt nouus illius institutor visus fuerit. Cum verò toto illo Quadraginta Horarum spatio, ab Altari nunquam recederet; neque somni, neque refectionis vllius, nisi fortè tenuissimæ, ab eo ratio habebatur. Tanta verò vbique ex huiusmodi sermonum pietate, animarum commotio cernebatur, vt & grauissimis criminibus irretiti, publicè peccata detestarentur; & qui diuturnis in odijs, ac simulatibus computruerant, ijs depositis spontè pacem inirent. Id Bergomi, Brixiae, Bononiae, Saonae, Perusiae, Interamnæ, Spoleti; qua in Vrbe sex supra triginta capitales inimicitiae extinctae fuerunt. Demùm vbicunque Quadraginta Horarum sermones ab eo celebrabantur, morum corruptiones, & simulates exulabant. Neque id mirum: cum enim longâ semper oratione Prædicationem anteuertret, eamq; Apostolicæ vitæ exemplis communiret; inde prædicationis Verbum ex illius ore, quasi gladius acutus procedebat, omniumq; corda penetrabat. Interamnæ, Quadragesimali tempore, quotidianum prædicationis laborem, quotidiano etiam panis, & aquae ieiunio recreabat: quo fiebat, vt plurima inde animarum lucra reportaret. Brixiae aliquando Dei verbum disseminans, Urbis illius Episcopum adduxit, vt vespertino tempore mentalis orationis horam in Ecclesiâ Cathedrali publicè agendam instituerit: quæ deinde à S. Carolo approbata, Mediolani quoq; ab eodem introducta fuit. Huius rei gratiâ Matthias tunc Libellum, qui, Prima orationis mentalis Pars, inscribitur, composuit: qui deinde prælo datus, omnium ferè manibus teritur. Vir ingenio, & doctrinâ plurimum antecelluit: quamobrem Prælectoris officio sæpenumero functus, multos in Philosophicâ & Theologica disciplina Auditores habuit; qui scientiâ, & prædicatione in Religione floruerunt.



Multa quoque volumina edidit, quæ Auctoris ingenium, ac pietatem plurimum commendant. Ex his quædam, eo adhuc superstitæ; quædam verò, post illius vitæ occasum typis euulgata fuere. Quæ illius obitum antecesserunt, hæc sunt:

*Praxis orationis Mentalis in quatuor partes diuisa, Italico Idiomate conscripta.*

*Introductiones spirituales in Sermones S. Bonauenturæ, & Euangelia à Dominica in Albis, usque ad Aduentum Domini exclusiue.*

*Sermones octo de Doloribus Christi, quatuor alijs Concionibus adiunctis.*

*Breuis Tractatus de Oratione quadraginta Horarum, & piæ quædam exercitationes de Passione Christi.*

*Oratio funebris in obitu Alexandri Lucagli, Nobilis Brixiani.*

Posthuma verò sunt:

*Theatrum Paradisi, siue Piæ Meditationes de Gloria Cælesti.*

*Meditationes, seu Coronæ de Vita Christi.*

*Confortatorium eorum, qui morte plectendi sunt.*

*Præparationes ad Missam, & Meditationes de Passione Christi.*

*Conciones Quadragesimales quadruplices iuxta ritum Ambrosianum.*

*Exaggerationes morales pro Concionatoribus.*

Alia quoque volumina supersunt, quæ propediem in lucem edenda erunt.

Duplicem Prudentiæ partem Matthias, ita scientiâ, ac diuturno rerum usu, atque experienciâ sibi comparauerat, vt cœlesti quoque sapientiæ luce, quæ ex assiduo orationis studio in eum diffundebatur, accedente, is ad ampliores Ordinis honores, ac dignitates, maioraque, ac difficiliora Religionis negotia gerenda vocaretur. Ipsi-  
us siquidem multiplici, tum in Regularis obseruantia zelo, tum in rebus agendis prudentiâ perspectâ, non modò in Mediolanensi Prouinciâ, atque in Brixien-  
si, Prouincialis Ministri officio functus fuit: sed & Definitoris Generalis gradu conscenso, tantam Prudentiæ laudem assecutus est, vt prius in Galliam ad Parisiensem Prouinciam sua auctoritate stabiliendam Commissarius Generalis destina-  
tus fuerit: tum à Laurentio Brundusio, Generali Ministro, in Germaniam eâdem cum potestate missus, nonnullos in Pragen-  
si Vrbe Illustriores Viros suâ prædicatione ad Catholicæ Ecclesiæ gremium perduxerit. Hoc porrò in itinere, cum per Danubium fluuium iter faceret, nauigium, quo vehebatur, ita arenâ infixum ad-  
hæsit, vt inde multâ nautarum vi, aut arte auelli non posset: quo tempore, vt Viri sanctitas omnibus innotesceret: Matthias verbo

viam indicans, quò nauigium progredi deberet, eò statim nauigium diuino velut præcepto compulsus ferri cœpit. Rursus, cùm sacrorum Mysteriorum celebrandorum desiderio teneretur, sēsqui horā nauigium tantum itineris confecit, quantum tribus alijs horis vix perficere consueuerat. Quot verò in vtraque, tam per Gallos, quam per Germanos peregrinatione ab Hæreticis contumelias sustulerit; quot pericula diuinitus euaserit; quantis denique laboribus, inuictō semper animo, perfunctus fuerit, haud facilè quis referre queat. Postremò, tot huius Viri virtutes fuere, vt eas quisque admirari potiùs, quam oratione assequi valeat. Virginitatem perpetuam coluit; tantoque mentis ardore præditus legitur, vt cùm Mediolanensis Prouincia à Brixiana diuidenda esset; ob eam tantummodò causam, quod is diuisioni suam duntaxat assensum præbuerit, tam illum facti huius conscientia pupugerit, vt quadraginta dierum ieiunium, quod solo pane & aquâ celebrauit, spontè sibi ad illius expiationem elegerit. Epiphaniæ ieiunium, tam singulari obseruatione profecutus est, vt tamdiu Religionem integro Regularis obseruantia statu potituram fore affirmaret, quam diu illud ritè in eâ seruaretur. Eiusque rei causam reddens, aiebat; hoc Epiphaniæ ieiunio Fratres Dei sibi benedictionem vendicare, quâ freti, Religionis obseruantia semper stabilis futura sit. Regularis obseruantia propugnator acerrimus fuit; quam ob causam varijs à Deo donis cohonestatus, orans ecstases, & raptus aliquando passus fuit. Candida quoque alijs orantis capiti columba insidere visa. Valerium Gauardensem, Laicum, calculorum morbo grauissimè afflictatum, vnus horæ oratione, effugato dolore, prorsus incolumem reddit. Spiritu quoque Prophetico, dùm Henricus IV. adhuc pro Galliæ Regno obtinendo decraret; Regnum tandem in eius potestatem deuenturum, verum post hæc ferro perimendum prædicit. Francisco Castillioneo masculam prolem, atque alia præsignificauit. Narniæ itidem Viro Ordinis deuoto, qui Vxoris sterilitatem lugebat, masculi ortum prænunciat. Tantæ præclarus hic Dei seruus apud illustriores, ac notæ Sanctimonix Viros, existimationis fuit; vt eum S. Carolus aliquando, tanquam Virum Apostolicum commendauerit. Franciscus Panicarola, Episcopus Astensis, & Concionator celeberrimus, Matthiam inter Ecclesiæ Patres adnumerari posse passim aestimabat. Federicus Borromæus, S. R. E. Cardinalis, ita Matthiæ doctrinam, & ingenium suspiciebat, vt de eo aliquando asseuerauerit, quod Augustinus de filio Adeodato dicere solebat: Ingenium illud mihi terrori

erat. Spinellus S. R. E. Cardinalis, tantoperè huius Serui Dei sanctimoniam venerabatur; vt cum apud Germanos Legati munere fungeretur, pictam ipsius imaginem suo in cubiculo gereret; seque per litteras illius orationibus commendaret. Robertus Belarminus, S. R. E. Cardinalis, doctrinâ, & vitæ integritate illustis, cum Serui Dei miracula, quæ post ipsius obitum à Deo patrata fuere, percepisset: Haud, inquit, hæc Matthiæ miracula admiror: Vir enim quasi oliua fructifera fuit in Ecclesiâ Dei. Denique Martha mulier Spoletana, quæ hac ipsâ tempestate notâ vitæ sanctimoniâ in Vmbriâ floruit, illustre Seruo Dei encomium conflans, hæc aliquando de illo asseruit: Matthiam ardentem Dei lucernam esse paucis cognitam; cuius tamen lux post ipsius obitum cunctis perspicua futura esset. Quod reipsâ deinde comprobatum fuit, quamplurimis post illius occasum signis coruscantibus, vti mox indicabitur. Cum igitur fidelis hic Dei seruus diu in vineâ Domini impigrè laborasset, Brixia acutâ febris afflicta-ri cœpit. Quâ indies ingrauescente, cum animum generali peccatorum Confessione expiallet, suprema hæc collectis Fratribus verba animo inculpanda relinquens: Fratres, inquit, extrema hæc vitæ periodus vobis semper ante oculos versetur; nihilq; actum putate, nisi hæc optimo fine claudatur. Septuagenario maior ad immortales concessit. Vixq; ipsius obitus fama per Vrbem diffusa fuit, cum innumera hominum turba ad Monasterium confluit, defunctiq; corpus in Ecclesiam delatum, quisq; attingere osculari, ac venerari contendit, cuius dum teneram carnem, artus flexibiles, vultum dormientis potius, quam mortui speciem præferentem cernunt; cuncti in habitum ruunt, totque ex eo particulas, deuotionis causâ præscindunt, vt nudatum corpus, bis, terque nouo habitu contegi opus fuerit. Iustis defuncto perfolutis, mox Prætoris auctoritate, corpus sarcophago inclusum, seorsim repositum fuit. Post huius sancti Viri mortem, plurimis D.O.M. vitæ illius sanctimoniam signis illustrare voluit: secundo enim post ipsius sepulturam die, Elisabetha Poiena, trium annorum puella, quæ frontem, ac meritum tabido vlcere corruptum gerebat; cum à Patre, Matthiæ habitus particulâ in fronte, ac mento vespere obsignata fuisset; mane ab utroque vlcere sancti Viri merito ita curata fuit, vt nec vlcere vestigia apparerent. Apollonia de Oliueris; Brixiana, cum vnus mensis spatio matricali passione afflictata fuisset; neq; ab eâ vlllo remedio leuari posset, voto ad sanctum Virum emisso, habitusque particulâ obsignata illicò sibi dolo-

rem minui, ac breuissimo temporis spatio auferri sensit. Olympia Brixiana graui stomachi dolore cruciabatur, quæ sancti Viri merita implorans, vix votum pronunciauerat; cum os stomachi sibi ab inuisibili manu refoueri sentiens, protinus à dolore liberatur. Ioannes Petrus de Zannis, Brixienfis, grauissimis doloribus cruciatus, ne minimo quidem temporis intervallo, vllâ requie frui poterat; cum Serui Dei miraculis permotus, Votum emittit, oppidoque illius dolores sedari cœpere, & vix quatuor, aut quinque horarum spatio interlapso, ab ijs liber omninò, & incolumis euasit. Iisdem ferè doloribus, ac fortè grauioribus, cum Praxedes Oliueria, Brixienfis, ad insaniam vsque vexari soleret; consuetam vexationem præsentiscens, quâ ad octauam vsque horam afflictiari consueuerat, omni pietate Matthiæ nomine inuocato, atque ipsius habitus particulâ renibus admotâ, protinus sistunt dolores ac breui vnus horæ intervallo omninò fugantur. Franciscus Astolfinus, dextri pedis dolore ita læsus, vt vix progredi valeret; Matthiæ Sanctimoniam publicâ oratione, in S. Laurentij Ecclesiâ habitâ celebrari audiens; dum illius opem implorat, illiusque habitus segmine pedem obsignat, mox à dolore liber ita incolumis surgit, quasi eo nunquam affectus fuisset. Iulia Bessania, desperatâ à Medicis valetudine ægrotabat; quo tempore Ioannes Paulus, Brixienfis; Capucinus Sacerdos, eius germanus Frater, cum Matthiæ à Cœlo opem imploraret; paulatim perfectè conualescit. Fr. Remigius Triumphinus, Ordinis Capucinorum Laicus, laterum dolore ad mortem laborans, cum habitus Matthiæ præsegmen malè affecto lateri adhibuisset, mox ad vomitum prouocatur, ac breuissimo post tempore incolumis redditur. Catharina Comenciola, vndecim annorum puella, à Dæmone obsessâ nullo exorcismorum genere adhibito leuari poterat; cum Mater Voto emisso, filiam sancti Viri sepulchrum adire iussisset: Ea dum in Ecclesiâ orat, foetida ex ore euomit; moxque à Dæmonum obsessione libera, ab ijs nunquam deinceps vexata fuit. Scholastica Monasterij sancti Spiritus Brixianæ Urbis, cum febris, & tussi ita aggrauaretur, vt nullus nocturnæ quieti locus esset, Matthiam, cuius monogramma ad lectuli pedes gerebat, sibi in præsidium inuocans, eundem sibi apparentem cernit; qui digito illius os attingens, ait: Ne dubites, filia à tussi deinceps non vexaberis. Moxque dulci sopore correpta, deinceps à tussi conualescit. Seraphina Brixiana, S. Christophori Monialis, tam graui cephalalgia laborabat, vt præ capitis dolore, neque cibum sumere, nec quiescere, imò neque

ipsâ luce frui valeret, cum Matthiæ habitus particulâ, ter vesperi caput ipsius obsignatum fuisset, obdormiens ægra, manè incolumis surrexit. Ferrariæ, Entij Bentiulij filius adhuc puer, ab alto delapsus, sibi ita corpus contriuerat, vt vnus vix horæ vita à Medicis illi præscriberetur, cum Matthiæ habitus præsemine obsignatus, voto emisso, inuocatâ quoque B. Antonij Olyssipponensis intercessionem, postridie incolumis euadit. In eadem Vrbe Hospes quidam diuersorius anginâ laborans, cuius salus à Medicis desperata erat, secundo post Votum die incolumis, sua in Vrbe negotia gessit. Iulius Cocionius, eiusdem Urbis incola, cui funera parabantur, vix habitus Matthiæ particulam collo appensam accepit, cum in vitam simul & incolumitatem, omnibus admirantibus assurgit. Bartholomæus à Turculis, in Solerani oppido, extremæ Vnctionis oleo inunctus, cum primùm Matthiæ habitus particulâ obsignatur, protinus exclamat: Bene valeo; ac postridie è strato surgit. Sanctia Taurina, diu oculorum ægritudinem tulerat, cui cum nulla Medicorum remedia, frustra tentata profuissent; simul atq; oculis, sancti Viri habitus particulam, eâ signum Crucis formans, adhibuit, ab eâ curata fuit. Eorum oculorum morbo, & Gada de Peuolis, eiusdem Habitùs particulæ contactu, repentè persanatur. Lucia de Capitaneis triduo grauissimis crurum doloribus afflictata, cum nullâ Phisicorum arte ab ijs leuari posset, Voto de adeundo Matthiæ sepulchro, ac B. Virg. corollâ ibi recitandâ factò, protinus sopore correpta fuit: ex quo experrecta, ab eo se dolore liberam sensit. Petrus Bonfadius, Salodiensis Iurisperitus, tam graui renum, ac laterum dolore afflictabatur, vt vix seipsum mouere posset: quapropter Matthiæ sepulchrum, licet ægrè, accedens, inde persanatus domum redijt. Maria Casta Sebina, cum diu graues crurum dolores passa fuisset, post varia ad eos curandos remedia frustra tentata, Matthiæ habitus particulam cruribus adhibet, repentinamque crurum curationem diuinitus assequitur. Pleraque alia sancti huius Viri intercessionem, collata ægris è Cælo beneficia referuntur: quæ cum non statim, sed tractu temporis licet breuioris, perfecta fuerint, eâ indicare potius, quàm explicare libet. Vincentiæ, Valeria, Vincentij Bertoldi vxor, Matthiæ nomine inuocato, à partus periculo liberatur. Ioannes Baptista Iacominus, Salodiensis à pedis luxatione; Francisca Patritia ab oculorum lippitudine; Catharina Taurina, & Ioannina Soletanensis, à feбри continuâ; Marci Torcoli filius, à maculâ, quam in altero oculo gerebat; Iulia Bradega, à fluxu pituitæ, quâ suffoca-

batur;

batur; Martha de Castellis, à sinistra manus dolore; Catharina Scaramucia, à febris malignâ; Fr. Simon à Canderino, Capucinus Laicus, à diuturno spenis morbo; Fr. Crescentius Brixianus Sacerdos, à laterum dolore; Fr. Symphorianus Soncinas, Laicus Capucinus, à febris, & cephalalgia; Matthiæ habitus particulâ perfanantur. Præter enumeratos, Catharina Rainera Brixienfis, à varijs corporis languoribus; Maria de Veciolis, grauissimis doloribus cruciata; Ludouicus Prægnachus, febris continuâ ægrotans; Æneæ Threnæ Comitissæ filius; malè toto corpore affectus; Iustina, Sancti Spiritus Brixianæ Urbis Monialis, continuâ febris laborans; Prudentia, sancti Christophori in eadem Vrbe Monialis, ab odontalgia; Fr. Geruasius Veronensis, Sacerdos Capucinus, ab alterius brachij languore; Frater Crescentius Brixianus, ex nostris Sacerdos, ex graui ægritudine, sancti Viri sibi merita, opemque apud Deum implorantes curantur. Postremò illud silentio non obuoluendum, quod post multos ab illius sepulturâ annos, haud absq; omnium admiratione visum fuit. Reliquo namque corpore exeso, & in arenam resolutò, lingua, ac duo dexteræ illius manus digiti, nimirum pollex, & index, tam integri, & incorrupti apparuere; vt nisi diuinâ virtute seruatos, nemo dubitare queat. Quo cunctis non obscure perspectum esset, Apostolicæ huius sancti Viri prædicationi, nec non sacrorum voluminum scriptioni, diuinum testimonium, & approbationem accedere, quorum in Cœlo præmijs inter Apostolicos Viros, & Doctores perfruitur. Obijt Anno 1611.

## FR. DIONYSII SPOLETANI. FRATRVM CAPVCINORVM IN GALLIA

COMMISSARIJ GENERALIS.

### VITA, ET GESTA.



ERATER DIONYSIVS SPOLETANVS, Aprutinæ Prouinciæ Sacerdos, & Concionator, Sanctimonie famâ clarus, cum & Regulari obseruantia, & morum honestate, præclarisque præstantioris vitæ ornamentis inter alios præcelleret, Generalis Commissarius in Galliam mittitur. Is cum nonnullos in Parisiensi Prouinciâ annos summâ cum virtutum laude versatus esset; illiusq; prudentiâ, & consilio, ac præsertim præclarissimis vitæ

exemplis, Capucinatorum Familia magna in eo Regno incrementa percepisset, in Italiam rediens, ecclestem quandam, in omnium virtutum genere, die noctuq; diligentissimè se exerecens, vitæ rationem instituit ita ab omni rerum mundanarum tumultu, & hominum consortio remotam; vt nihil præter diuina meditaretur, sæpiusq; in feruidos mentis excessus, diuino spiritu actus raperetur. Romam, eum ad Generalia Comitia proficisceretur, per Tallequitij Conuentum iter faciens, post Matutinas horas (vt mos illi erat) in Ecclesiâ orationi incumberebat: quo tempore Fr. Archangelus à Carponeto Laicus, & ipse ad orationem, circa auroræ crepusculum accedens, eum primùm in Choropedem intulit, ingentem in Ecclesiâ splendorem affulgentem, quasi plures in eâ accensæ faces arderent, animaduertit. Rem plurimum admiratus; lente ad Chori ostium, quod à latere Altaris Ecclesiam respicit, procedens; vnde fulgor ille erumperet, aperto ostio inuestigare cœpit. Mox verò Dionysium in Ecclesiæ angulo orantem, Cœlesti splendore circumfufum, quatuor circiter palmis in aëra sublatum, cernit: qui brachijs in Crucis modum expansis, ardentiora ex imo pectore suspiria edebat. Verùm haud hæc illi insueta erant; quin sæpissimè, præsertim cum Horas Canonieas in Choro persolueret, mente quoque excedere cernere: eo siquidem tempore ita ab humanis animo abstrahebatur, vt vultu in Cælum erecto, velut immobilis permaneret. Eodem quoque modo frequenter in cellâ orare, ac cœlestium contemplatione supra seipsum ferri visus fuit. Hinc ampliora Dei dona consecutus, occulta aliquando, Deo reuelante, aperire, ac Prophetico spiritu, quæ futura erant, prænunciare cœpit. Anno enim 1581. Nobili cuidam mulieri Hispanæ, Catharinæ nomine, quæ geminos natos nuper in Belgium transmissos, vnâ die interfectos acceperat, à Domino in oratione edoctus, filios suos viuos, ac superstites, & post breue tempus redituros prædicit. Nec vanum illius dictum fuit: nam mense necdum elapso, vterque natus è Belgio sospes domum redijt. Plurimos igitur hic Dei seruus, eum in virtutibus, ac perfectâ Regulæ obseruantia annos transegisset; vitæ tandem eursum Affisij, sanctimoniâ apud omnes clarus, Anno 1582. feliciter confieit.

Cuius illud eximium post ipsius obitum testimonium fuit,  
 quod eius habitus obsessæ impositus eam  
 quamprimùm à Dæmone  
 liberauit.



FR. FRANCISCI AB AQVIS BORMIIS,  
 HELVETICÆ PROVINCIÆ COMMISSARII  
 GENERALIS, NEC NON MEDIOLANENSIS PROVINCIÆ  
 VICARII PROVINCIALIS  
*VITA, ET GESTA.*



FRATER FRANCISCUS AB AQVIS BORMIIS, Prouinciæ Mediolanensis Concionator, honestis parentibus ortus, Mediolanum studiorum causâ profectus, cum in ijs aliquamdiu magnâ cum ingenij laude versatus esset, Deo afflante litterarum ludum in Religionis palæstram commutat; ad Theologica studia promotus, tales, ac tantos in ea progressus dedit, vt illustre suâ tempestate inter primos Diuini verbi Concionatores nomen sibi comparauerit. Huius rei testes fuere Mediolanum, Venetiæ, Cremona, Vercellæ, Vicentia, ac quam plurimæ aliæ Italiæ Vrbes; in quibus Dei verbum tam vbere animarum fructu disseminauit, vt nouus illarum Apostolus prædicaretur. Quædam Francisco à naturâ morum grauitas, ac prudentia insita erat; quæ cum hominem præstantem, & omnibus aspectabilem redderet, eò factum est, vt faciliè in Mediolanensi Prouinciâ ad dignitates, ac potiora munera quæreretur: quæ dum admirabili sapientiâ administrat, ad supremum tandem Prouincialis Ministri gradum euehitur. Eo tempore, Hæresum zizanijs in Rhetorum agro excrecentibus, eò Hæreticorum insolentia euaserat, vt Christum exuere, ac Luthero nomina dare populum compellerent: quapropter Francisci viscera dulci amore patriæ lancinari cœpere; & tandem annuente Greg. XIII. Pontif. Max. cum nonnullis alijs Diuini verbi præconibus in vallem Tellinam proficiscitur. Hoc igitur sacro Dei præconum agmine stipatus, alterius Machabæi instar, non hastâ aut clypeo munitus; sed Euangelico Diuini verbi gladio instructus Fidei hostes aggreditur, conturbat, persequitur; in Fide imbecilles confirmat, corruptos ad pristinam Fidei incolumitatem compellit, & ex Ministris nonnullos ad veræ Religionis sinum reuocat. Quot interea, dum hæc Fidei damna apud suos refarcienda curat, ab Hæreticis dura, atque acerbâ patiat, haud faciliè referri potest. Sæpe enim ab ijs ludibrio



habitus, luto & saxis impetitur, in altam foueam gelu constrictam demergitur, venenum illi in poculo propinatum haurit; at oratione pro antidoto vtens, nullum prorsus à veneno damnum aut molestiam patitur. Ingruente verò persecutione, Mediolanum redire compulsus, à S. Carolo Boromæo Monialium Reformationi præficitur, quod munus tam præclare ac prudenter Franciscus, pro inditâ sibi patientiâ administrat, vt breui tempore vniuersa illa Virginum Collegia, rerum omnium proprietate abdicatâ, nouam Regularis disciplinæ formam assequuta, in virtute reffloruerint. Postmodum autem eodem sancto Antistite cum Greg. XIII. seriùs per litteras agente, Commissarius Generalis ad Catholicos Heluetiorum Principatus destinatur. Fuit Franciscus Vir Regulæ obseruantissimus, ac Seraphicæ paupertatis studiosissimus; eam verò vitæ, ac victus austeritatem coluit, vt toto Quadragesimali tempore, quo verbum Dei disseminabat, nullo alio præterquam vnius pultis panariæ edulio, quotidie vesceretur. Neque vilo vnquam tempore, quantumq; ex itinere fessus (Prouincialis etiam munere fungens) cum ad Conuentus aduenteret, meliori aut vberiori victus ratione, quàm ea, quæ cæteris communis erat, in mensâ excipi patiebatur. In Conuentuum verò ædificatione, quamuis Prouincialis esset, suam quoque ceterorum operariorum instar, quotidie operam impendebat. Cum Monasterium in Damasi Oppido à nostris extrueretur, nullum adhuc Fratribus hospitium, in quod se reciperent, paratum erat: quapropter cæteris sibi ex arborum ramis cellulas construentibus, Franciscus Cupam quandam vindemialem, quam ibi fortuitò offendit, sibi in hospitium elegit: quam nocte ligneo tegumento operiens, in eâ tum orationi, tum quieti vacabat. Tanta quoque huius Viri humilitas erat, vt nullum tam humile opus in Minorum Religione esse, quod iure aspernandum esset, facto ipso doceret. Tantus verò ad animarum salutem Charitatis in eo erat ardor, tantus Fidei tuendæ zelus, vt in eo munere exequendo bis, ter, in die, vbi id necessitas ferret, verbum Dei disseminaret, ac omnes corporis molestias floccipenderet, caroque illi non humana, sed ænea aut lapidea prorsus inesse videretur. Prophetico spiritu clarus, quo tempore Fr. Sebastianus Vraniensis Clericus, Francisco ob egregias illius virtutes charissimus, Vraniæ gauissimè ad mortem ægrotabat, Vraniam versus iter aggressus, Fr. Simpliciano Socio diem obitus sui infra quindecim proximam prædicit; cum autem Vraniam appulisset, Fr. Sebastianum, iam supremum vitæ diem, tantâ cum Sanctimonie

famā egisse: deprehendit, vt plerique, qui ipsius lecto circumstabant, eo decedente, illius animam, sub candidæ columbæ specie, in Cœlum euolare conspexerint. Iustis itaque solemni more defuncto Fratris exolutis, Franciscus ardentissimā febre laborare cœpit: quo tempore Fratribus astantibus pleraque Prophetico spiritu prædicit, quæ ipse rerum euentus post hæc non obscurè comprobauit. Cùm verò morbo magis indies inualecente, ocyus ad vitæ occasum properaret, Franciscum Fabricius (cui totius Prouinciæ onus imposuerat) interrogat, num sacro oleo inungi velit. Cui ille: id equidem Fabrici; sed necdum vltima vitæ hora ad exitum compellit: cùm ea venerit, opportunè monebo. Biduo verò elapso, cùm febris ardor deferuesceret, morbiq; vis remitteretur; nonnulla recuperandæ valetudinis spes Physici animo accesserat, cum Franciscus Fabricio: Festina, inquit, Fabrici: En Dominus stat ad ostium, & pulsat: currentem inunge, vt celerius Domino aperiat. Extremæ itaque Vnctionis Sacramento munitus, cùm Christi Domini Passionem sibi legi poposcisset, vix ad ea verba peruentum: *Iesus autem exclamans voce magnâ emisit spiritum.* Cùm suam quoque ipse animam, magno virtutum apparatu stipatam, D. O. M. reddidit. Quàm verò illius vita, tot cœlestibus donis exornata, Deo grata fuerit, mox cœlesti testimonio declaratum fuit: Cum enim Fr. Bonauentura Vraniensis Clericus hoc ipso tempore, quo Francisci corpus efferebatur, tam grauiter ægrotaret, vt iam cum morte colluctaretur, audito Patris obitu, funem, quo ille præcingebatur, sibi adferri postulat. Quo præcinctus mox tam perfectè conualuit, vt è strato surgens Francisci funus prosecutus fuerit: Cùm primùm verò S. Carolus Borromæus de illius morte nuncium accepit, acerbè luxit, in hæc verba prorumpens: Magnus hodie nobis creptus est Vir: magnus Dei Seruus Ecclesiam deserit; cuius morte grauem illa hodie iacturam patitur.

Hoc itaque Dei, & hominum testimonio clarus Franciscus hinc emigrat, magna à Deo laturus meritorum præmia. Obijt Sanctus Vir

Anno 1583.

\*\*\*



FRATER HIERONYMVS MEDIOLANENSIS FE<sup>l</sup>  
 CAPVC<sup>l</sup> PROÆ PARISIENSIS COMISS<sup>us</sup> GENERALIS.

FR. HIERONYMI MEDIOLANENSIS,  
LVGDVNENSIS PROVINCIÆ  
COMMISSARIJ GENERALIS  
VITA, ET GESTA.



ERATER HIERONYMVS à MEDIOLANO, Mediolanensis Prouinciæ Concionator, Patre Laurentio, Nobili Caluschorum familiâ in Mediolanensi Vrbe claro, ortus, cum ad 20. annum sensus cupiditatibus irretitus fuisset, ad Capucinatorum aliquando Ecclesiam, Diuinâ illum impellente clementiâ, se conferens, cum inter alia sacrorum Psalmorum carmina illud percepisset: *Iniquitatem odio habui, & abominatus sum: Legem autem tuam dilexi.* Id illi tam altè animo infixum fuit, vt seipsum grauius obiurgare cœperit, quod tam diu Deo se abominabilem exhibuisset, pauloq; post, sæculo cum suis cupiditatibus relicto, Capucinatorum albo se inscribendum curarit. Primum itaq; huius stadij cursum à ieiunio auspicatus; tam seuerâ abstinentiæ lege carnem perstringere, & gustus delicias persequi cœpit; vt familiaria illi essent panis & aquæ ieiunia: si verò aliquando à ieiunijs vacaret, solis ole-ribus, aut fructibus contentus esset. Vestis rugosâ, vilis, vario præseggmine conferta illi erat: quæ nec pallium, nec tunicam sibi associa- ret; quam perpetua pedum nuditas, sandalijs abiectis, etiam inter ipsos niuium algores consecrabatur: nec minorem cum somno si- multatem gerebat; vix enim trium illi horarum tempus relinquens, reliquas noctis horas sacris vigilijs, ac diuinorum contemplationi dicabat: haud tamen in lecto de more paleis strato, vnquam decubare visus; sed vel sedens, vel strato innixus, quantuluncunq; illud erat, somni capiebat. Has porrò corporis, ac sensuum castigatio- nes, perpetuus virtutum cursus infecutus est. Nam si Humilitatem quæras, maiori studio honores, ac dignitates, cæterosq; populi applausus refugiebat, quam ambitiosus quispiam horum ambi- tu, ac cupiditate teneretur, vilissima quæque domus ministeria, tan- tâ animi alacritate exhibebat, quasi qui in his obscundis iucun- distimis epulis frueretur. Mentis puritatem, ac innocentiam tam studiosè prosequabatur, vt nemo leue, aut inutile verbum ex il- lius ore vnquam elapsum perceperit: tam enim seuerus silentij custos fuit, vt Pythagorico homine taciturnior, plurimùm secum,

minimum cum alijs sibi loquendum censeret. Erat oratio illius frequens, ardens, lachrymosa: singulis etenim noctibus binâ ante Matutinum Officium horâ è strato surgens, orationi in Ecclesiâ vacabat: neque ab eâ ante primam diei horam discedere consueverat. Plerumque verò ante Sacrosanctæ Eucharistiæ Altare (vt supremæ adorationis signum exhiberet; quæ Deo in eo Sacramento præsentī debetur) centies tantâ animi Religione genuflectere visus est, vt clam aspectantes maximè ad pietatem alliceret. Ceterùm tam ingens, ex sedulo hoc orationis studio, in eum plerumq; mentis ardor redundabat, vt iter faciens interdum rapido cursu ad arborum ac stipitum complexum, tanquam diuino amore ebrius ferretur: quo tempore nulla alia, præter hanc, illius vox audiebatur: Ah! Domine: Ah! bone IESU. Eodem quoque spiritus æstu inter Monasterij claustra agitatus, sæpe pomarij plantas complecti visus; perinde ac si Deum in plantis ipsis præsentem haberet. Hac Hieronymi virtutum fama Fr. Pacificus à sancto Geruasio, cum primum Generalis Commissarius ad Gallos destinatus fuit, Hieronymum, qui eo tempore Conuentum Mediolanensem moderabatur, inter alios sibi Socios adiungens, secum in Galliam ducit, eumque cum potestate Lugdunum destinat, vt in ea Vrbe nouam Capucinorum sobolem diffunderet. Pacifico interea è viuīs sublato, cum Matthias Salodiensis in eius locum successisset, Hieronymus ab eo Auinionem mittitur, vt S. Ludouici Prouinciam, extructo ibi Conuentu fundaret. Quo in itinere, cum ad Hæreticorum partes peruenisset, Nauicularius periculum præcauens, Hieronymum ac Socium in nauiculæ loco tabulis vndique obstructo se recipere iubet. Interea nauiculis ad ripam appulis, aduolant Hæretici: qui cum Capucinorum aduentum Hæreticorum Lugdunensium literis didicissent, armati, ac furētes nauiculam ingrediuntur; cuncta diligentissimè perlustrant, quærunt, rimantur: tabulas tandem, quibus Hieronymus cum Socio obtegebatur, è loco amouent, diuellunt, locum patefaciunt: Nec tamen, Deo illorum oculos obcœcante, illos intueri valent: sæpe locum repetunt, collustrant, ac defixâ acie, atque auidis luminibus, absque lumine tamen conspiciunt. Cernebat quidem præsens Hieronymus astantes Hæreticos, cum ipsi præsentem Hieronymum intueri non possent. Dei namque miraculo fiebat, vt quemadmodum mente, ita oculis obtenebrati, quos præsentēs habebant, videre minimè possent. Hieronymus igitur, Lugdunensi Prouinciâ à fundamentis erectâ, eiusdem Prouinciæ Generalis Commissarius

creatur : commissamque sibi Prouinciam tantâ virtute, consilio , ac prudentiâ administrat, vt omnibus humilitatis, paupertatis, patientiæ, austeritatis, ac totius Regularis obseruantiae sese formam exhiberet : abstinentiam , vigiliis , ac ceteras corporis austeritates, quas ab exordio amplexus fuerat, tanto studio prosequitur, vt eas noua dignitas potius augeret, quam minueret. Neque enim Prouinciam inspectans ; tametsi ex longo itinere fessus ad Cœnobium aliquando aduentaret ; alio , quàm qui superius explicatus fuit , quiescendi modo ac ratione ; aut sedens, aut strato innixus, nocte fatigata membra recreauit : verùm & illud, tanquam inuiolabili lege sibi sancitum obseruabat, vt nunquam à Matutinis Horis , ac communi Oratione , quocunq̃ue itineris labore fatigatus, abesset. Idipsum quoque, cùm hospitij gratiâ ad sæcularium domos diuerteret , vbiq̃ue præstare consueuerat. Rarò is brumali tempore ad ignem accedebat ; tametsi solo habitu contentus, ac nudis pedibus absque sandalijs semper incederet. Dùm verò Lugdunensem Prouinciam perlustrat , sub vesperam à pio quodam Ordinis Benefactore hospitio exceptus ; dum sub mediæ noctis tempus, sensim è stato surgens, in angulo cubiculi orat ; Fr. Columbanus Mediolanensis , qui diu ipsius Socius fuit , somno euigilans , Hieronymum clarissimâ luce vndiq̃ue circumdatum conspiciit : quo aspectu perterritus confestim exclamat : Ah ! Pater : Ah ! Pater. Sed tacepte Hieronymo, atque orationem ad diem vsque prosequente , cum eâdem luce circumseptum videt. Iterum in Oppido Cameriani Nouariensis Diœcesis , ab Ecclesiæ Rectore domo exceptus, cùm is paululum ægrotaret, Rector sub mediæ noctis tempus surgens, ad Hieronymum pergit , si quâ fortè re indigeret, exploraturus ; quem in cubiculi angulo genuflexum, miro splendore circumfusum , ac benè valentem cernit. Eodem itinere Fortunatus Hieronymi Socius, intempestæ noctis tempore experefactus , totum cubiculum lumine ab Hieronymo tunc orante emanante, illustratum animaduertit. Dum Laudense Monasterium extrueretur, fornax calcaria, cui ob nimiam imbrium copiam, certum ac irreparabile damnum immincebat, ab omni damno immunis, suâ oratione perfectum opus reddidit. Tam ingentem verò, tùm in priuatis, tùm in publicis Concionibus dicendi vim à Deo inditam acceperat ; vt vniuersos faciliè ad poenitentiae lachrymas , & fletus compelleret ; quamplurimos quoq̃ ; Hæreticos ad Catholicam Fidem pertraheret. Eo in quodam Catholicorum oppido Lugdu-

nenfis Prouinciæ, Dei verbum Italico idiomate publicè disseminante, rudes illi populi, qui Italicam linguam ignorabant, Hieronymum Gallico illis Sermone Concionantem se audisse testabantur. Fremebat Satan, tot illius virtutibus inuidens: quapropter aliquando à pio quodam Viro hospitio exceptus, Satan impudicam mulierem eum ad obscœna pellicientem impellit; at Vir castissimus è periculoso illo certamine victor euadens, plurimis ab eo tempore donis à Deo illustrari cœpit: pleraque enim, diuinâ luce perfusus, euentura prædicere, atque occulta penetrare est exorsus. Opulenti cuiusdam Mercatoris mulierem concubinam, quæ ab omnibus ipsius Vxor credebatur, diuinitus agnoscit, crimen fateri cogit; neque inde abscedit, donec eam ille sibi in coniugem copulauerit. Duobus Nouitijs, primo perseuerantiam, secundo futurum casum prænunciat. Alteri Nouitio vocationem deferenti infausta prædicit; qui in patriam reuersus cum obeliscum campanarium aliquando conscendisset, diuino iudicio ex eo prolapsus, repentino interitu vitæ lineam abruptit. Mulierem ab Hæretico Viro crudeliter vexatam, post triduum à Coniugis molestijs liberandam prænunciat; qui post tertium diem, vt Vir Sanctus prædixerat, inter maximos dolores animam fudit. Nobilis quidam Bugellensis, cui cum vnicus filius morte sublatus esset, paruoque elapso tempore Vxor mortuum filium peperisset, eò dementiæ, ac impietatis prolapsus fuerat, vt nullis Hieronymi monitis acquiescens, in peiores semper blasphemias erumperet: Huic tot infausta prænunciat; vt ærumnis attritus seueriorem in se Dei vindictam vel inuitus agnoscere compellatur, quod misero ad amissim accidit. Præter hæc plurima quoque alia, Diuino spiritu afflatus, quæ certò euenîre, Fratribus prædicit, quæ breuitatis studio prætereo. His & nonnulla, quæ viuens edidit, lubet addere miracula; vt eò illustrior huius Viri Sanctimonia appareat. Dum Mandelotius sub Regij Gubernatoris titulq̃ Lugdunensem Prouinciā moderaretur, illius Coniux, quæ diu maximis partus doloribus cruciata fuerat; nuncio ad Hieronymum misso, rogat, vt nonnihil illi sacrarum rerum impertiat, quibus celerius ac facilius à partui se doloribus expediat: mox ille funis cingulum, quo cingebatur, soluens nuncio dedit: quo cum illa præcincta fuisset, mox fœtum expulit; atque à partus doloribus liberata fuit. Cum semel Bugellam venisset, Bernardum Ferrarium, Virum sibi familiaritate coniunctissimum, ad mortem laborantem, signo Crucis ac benedictione sanat. Arelati cuiusdam Aromatopolæ, qui Nostris absque pretio



pharmaca erogabat, ægotantem filium, de cuius desperabatur vita, cum sacro Crucis signaculo profecutus esset, breuissimo temporis spatio perfectæ incolumitati restituit: quod publicâ Physicorum voce ac sententiâ diuino miraculo adscriptum fuit. Fr. Petronio Bononiensi, qui diu Hieronymi apud Gallos socius fuit, teste, canes pecuarios rapido in eum cursu erumpentes signo Crucis demulcet, ac velut agnos mansuetos reddit. Dextram aliquando ad cantantem Cicadam extendens, cum illa amicam manum præsentijt, protinus se illi captiuam dedit: is verò apprehensam Cicadam aperta in palmâ gestans, his verbis alloqui cœpit: Eia, soror Cicada, Deum communem tui, & nostrum omnium Creatorem lauda, & vt tibi datum est, voce tuâ canorâ illius Maiestatem commenda. Cui mox Cicada obtemperans, cantum attollit, Dei laudes naturæ inditas depromit; neque à cœptâ vocis modulatione cessat, aut ab ipsius manu euolat, donec à Viro Dei audit: Iam sat est: abi, Sororula mea, à Deo benedicta; libereque per hæc agrorum spatia peruolans, vbiq̃ue Deum lauda. Quo dicto, quasi facultate sibi eundi impertitâ, placido inde volatu sese eripit, atque in aëra extollit. In Lugdunensi deniq; Vrbe Medicus, qui nullo, præterquam Diuini amoris intuitu nostri Conuentus infirmos curare solitus erat, grauissimè ægotabat: cum ad eum Vir Dei accedens, iam visu, ac penè auditu præ morbi grauitate carentem offendit: cuius cum capite utrâque manu apprehenso, frontem deosculatus esset; terq̃ue ægotum signo Crucis benedixisset; ab eo cum primum abscessit. At vix Hieronymus pedem extra ægroti domum extulerat, cum æger Medicus perfectam incolumitatem adeptus è strato surgit; Deoque in Capucinatorum Ecclesiâ pro beneficio in se, sancti Viri merito collato, gratias reddit. Pleraque alia D. O. M. ad declarandam huius Viri sanctimoniam miracula patrassè haud dubium est: verùm hæc tantum enarrasse sufficiat. Hic igitur fidelis Dei Seruus, cum plurimos in virtutum stadio ætatis annos consumpsisset, Lugduni Capitulum conuocat; quo tempore morbo correptus, de corporis sui occasu, qui breui futurus erat, diuinitus admonitus; cum Fratribus his verbis præsignificat: Iam, Fratres mei dilectissimi iam nauis ad stationem properat; brevis illi nauigatio superest: haud diu vobiscum ero: dies enim, quæ huc ad Camberienfis Conuentus Guardianum adducit, ea mihi proculdubio suprema erit. Interea Capituli Patribus, qui tunc aderant ad se accitis, seruentissimum sermonem instituit. Postremò totum se ad parandam viam Domini confert: Cumque



Camberij Guardianus ad eum appulisset. vix dato, & accepto vicissim pacis osculo, antequam Comitia celebrarentur, vitæ huius statidium feliciter absoluit. Soluta verò à corpore anima, Balthasari Camerianensis Ecclesiæ Rectori, qui grauiter in lecto ægrotabat, lata apparet, hæc depromens verba: Vale, Frater: iam peractò vitæ cursu ad beatitudinis brauium conscendo: ne ægritudinem reformides, breui ab eâ conualesces. Veruntamen (vbi futurum illi ex alterâ ægritudine obitus diem indicauit) Satage, inquit, vt te in eam diem purum serues. Hæc cùm Balthasar ante obitum iuramento comprobasset, diem quoque sui obitus ab eo certam accepit. Porro huius Viri Dei obitus famâ per Vrbem euulgatâ. ingens fuit Lugdunensis populi ad Capucinos concursus: omnes beatum, omnes sanctum illum prædicant. Henricus quoque III. tanti Viri obitum luget. Corpus illius ligneâ capsulâ inclusum, in Fratrum sepulchro conditum fuit, ac post 15. annum integrum illud, nullâque ex parte corruptum repertum fuit Anno 1598. Cùm verò Anno 1609. ipsius ossa in nouam Ecclesiam transferenda essent: cæteris corporis partibus in arenæ modum resolutis, ipsius caput tam integrum apparuit; vt in eo (quod vniuersos in admirationem rapuit) sanum, ac recens cerebrum conspiceretur. Obijt Vir Sanctus  
Anno 1584.





FRATER ANSELMVS A PETRAMOLARIA FRATR  
CAPVC<sup>VS</sup> PROX. PARISIENSIS COMMISS<sup>VS</sup> GENE<sup>RA</sup>

FR. ANSELMUS à PETRA MOLARIA.  
PARISIENSIS PROVINCIÆ  
COMMISSARIUS GENERALIS

VITA, ET GESTA.



RATER ANSELMUS à PETRA MOLARIA  
Concionator, Vir illustris. Hic in sæculo inter ce-  
leres equites conscriptus, singulari quodam modo  
ac ordine à Deo ad Religionem vocatur. Dùm enim  
aliquando hastâ armatus cum alijs in Vrbe equitat;  
fasciculum quasi literarum humi iacentem animadu-  
uertens, dum summo hastæ cuspide illum configere, & ad se tra-  
here studet, is cuspidem effugit: Iterum verò Anselmus, dum vali-  
diori ictu medium fasciculum perforare aggreditur, rursus is saltu se  
in alteram partem proripit. Stupet Vir rei adhuc cœlestis ignarus;  
dum tertio fasciculum inuadens, is non modò hastæ cadenti non  
cedit: verùm quasi is hastam apprehendere vellet, altero saltu se su-  
pra cuspidem attollens, tenaciter hastæ ligno adhæret. Anselmus ve-  
rò rem supra modum admirans, hastam ad se cum fasciculo pertra-  
hit: nihilq; cunctatus, cùm fasciculum soluisset, in eo nihil, præter  
æneam Christi Crucifixi Imaginem occlusam cernit. Quapropter  
latentem in eâ diuinam virtutem suspiciens, eam pedestes colit, ve-  
neratur, adorat; sacramque Imaginem, quam Dei virtus à telo il-  
læsam seruaucrat, summâ Religione sibi repositam custodit. At  
verò necdum Anselmus, quid illa Crucifixi Imago portenderet,  
quòve illum vocaret, intelligebat, donec altero id apertius testi-  
monio illi indicatum fuit: Contigit enim aliquando, vt ad signum  
catapultæ glande attingendum is à Commilitonibus prouocaretur.  
Condicunt omnes, catapultas in scopum papyraceum, qui  
in ostio quodam procul apparebat, dirigere. Ignorabat Ansel-  
mus, quidnam illud esset, quod sibi Socij pro signo, catapultâ  
attingendo, proposuerant. Librant alij catapultas, ac certo ocu-  
lo, fixâq; manu ad scopum collineant; quem tamen glande attinge-  
re non valent. Accedit Anselmus, catapultam ad emissionem com-  
ponit, glandeque signum confodere parat: at ignarius catapultæ  
rhombulus ex pyrite ignem non elicit. Bis, ter, ille sulphu-  
rati pulueris alueolum catapultarium abstergit, nouum puluerem  
apponit, catapultarij rhombi rostrum instruit, aptat, explodit:

at frustra: nam igniarius pulvis, perinde ac si petreus, aut terreus esset, ignem refugit. Id Anselmus non nisi Diuinâ virtute fieri agnoscens, signum quale sit, explorat: mox pro signo, Christi Crucifixi Imaginem ostio affixam animaduertit; quam cum is confestim pronus in terram adorâsset, Diuinâ se Clementiâ impeditum agnoscit, quo minus tam ingens scelus, tametsi ignarus patraret: ex quo tandem id primum in animo statuit, sese ex sæculi huius periculis subducere, ac militari cingulo abiecto, ad meliorem Christi, à quo iam secundo se vocari putabat, militiam accedere. Hoc itaque consilio secum inito, paulò post militarem cum Clericali habitu commutat, ac Sacerdos inungitur. Satan verò, qui in ipsius ruinam ab exordio conspirauerat, graui eum tentatione adoritur, ac foeminæ concupiscentiâ illaqueat; at Diaboli vincula abrumpens ad Capucinos se confert. Anselmus igitur è Diaboli vinculis liber, cum primum Capucini nomen adeptus est; tantâ austeritate vitam instituit, vt ter tantum in hebdomade, matutino tempore cibum sumeret; neque vnquam vino, sed aquâ tantummodò vteretur; quæ totius illius vitæ consuetudo fuit. Quadragenaria S. P. N. Francisci ieiunia tam districtâ lege obseruare consueuerat, vt in his primum diem panis & aquæ inediâ celebraret alterum sine cibo transigeret: sicque alternatim, atque hoc ordine dies abstinentiæ consecraret. Quadagesimale verò S. Michaëlis ieiunium, dum Meudoni apud Gallos verfaretur, præter alternos inediæ dies, tantâ silentij rigiditate instituit, vt toto eo tempore cum nemine vnquam colloqueretur. Pleraque alia etiam simili modo ieiunia obseruans, frequenter ternos dies, vt orationi diutius vacaret, ab omni cibo immunis præterire consueuerat. Atque hæc, quamdiu fuit superstes, ferè quotidiana illius vitæ ratio fuit. Duras corporis flagellationes, quotidianos in horti tellure fodienda labores, nocturnas vigilias, arctissima silentia, aliasque corporis macerationes prætereo; quibus se vitiorum omnium semper hostem insensissimum præbuit. Quod verò in eo maximâ laude dignum erat, integra ipsa Regulæ obseruantia fuit; cuius tantopere zelo efferbuit, vt non modo paupertatis, obedientiæ, ac cæterarum virtutum, quibus Regularis obseruantia cultus subsistit, studiosissimus esset; verum & Constitutionum tam perfectus ac diligens cultor esset, vt ab ijs ne latum quidem vnguem abscederet. Hinc tam illustre sibi nomen in Religione comparauerat, vt cum primum post Hieronymi Pistoriensis obitum, de altero è Capucinis Fratribus, qui in nauali bello aduersus Turcam, Christiani nominis

hostem,

hostem, Pontificijs classibus, piâ opç, atque operâ, adesse deberet, præficiendo ageretur; is vnus à Mario Generali, Pio V. Pontifici oblatuſ fuerit, cui arduum ac difficile hoc onus demandaretur. Anselmus igitur fidei zelo exæſtuans, ac Martyrij inprimis cupidiffimus, cum ſuis 30. numero, Apoſtolicâ benediſtione munitus, Triremes ingreditur. Quiſque ſuam aut ligneam, aut æneam Chriſti Crucifixi Imaginem à Pontifice benediſtam, atque Indulgentiâ donatam, ſecum geſtat. Plenariam indulgentiam ante pugnam omnes prædicant; Chriſtiq; Crucifixi imaginem efferentes, noſtros ad victoriam animant. Anſelmus verò, qui in ipſo pugnæ initio Turcarum claſſem, vento illi ſecundo flante, in noſtram tanto impetu irruere conſpexerat, vt vi, armisq; præualere videretur; ſimul atque Beatiffimæ Virginis opem ad noſtrorum præſidium ardentius implorauit, Deiparam Virginem è Cœlo delapſam, in aëre ſtantem cernit; quæ cum benignos in Chriſtianorum claſſem oculos conuerſiſſet, illam ſuâ benediſtione firmat. Quo factum eſt, yt protinùs vento hoſtibus in aduerſum commutato, ac noſtris fauente, illuſtriſſimâ tandem victoriâ, multis ſæculis inauditâ Chriſtianiſ ceſſerit; Turcarum pluſquam 20. millia caſa fuerint, in quibus Aliſ Baſſa glande tranſfixus, ac capite truncatus fuit; capta hoſtium quatuor millia; Chriſtiani captiui libertate donati 15000. Triremes, quæ in Chriſtianorum poteſtatem venerunt, præter eas, quas vnda, & ignis abſorpiſit, numero centum ſupra octoginta. Neque etiam illud prætereundum, quod Anſelmus, cum Triremem ſuam vndiq; ab Infidelium Triremibus, obſeliâ, iam ab Aduerſarijs occupari, hoſtemq; magnâ noſtrorum ſtrage, ad malum vſque victorem perueniſſe conſpiceret; Chriſti Crucifixi Imagine, quâ coſq; pugnaucrat, tantisper dimiſſâ, fidei zelo alterius Matathia: inſtar accenſus Romphæam vtraque manu apprehendit; ac tantâ vi in hoſtes irruit, vt ex ijs ſeptem interſectis, cæteros à Triremi deturbauerit. Tot verò eo tempore in eum iacula emiſſa, totq; catapultæ exploſæ fuerunt, vt cum habitus, quo tegebatur, ab ijs vndique perforatus eſſet, eum Diuina virtus ita illæſum præſtitit, vt nec iaculum, nec glandis carnem eius attigerint. Sequenti verò anno, cum inſtauratâ claſſe, ſub Duce Auſtriaco noſtri Abarinum à Turcâ occupatum oppugnarent; cum eâ Anſelmus quoque proſectus, rupe conſcensâ, quæ vndique hoſtium iaculis, ac bombardis expoſita erat, æream Chriſti Crucifixi Imaginem manu geſtans, à mane vſque ad veſperam Chriſtianos milites ad pugnam hortabatur.

Quo

Quo tempore, cùm innumera propè tela, ac sagittas in eum hostes eiacularentur, ac bombardas exploderent; inter hæc Diuinâ tantum virtute armatus, summâ hostium ipforum admiratione, ita illæsus constitit, vt nec minimum quidem ab his damnum, aut molestiam tulerit. Vir hic mirâ animi fortitudine, & constantiâ præditus erat; quàm ex plurimâ vitæ innocentia, integritate, & conglobato quodam multarum virtutum cumulo; præsertim verò ex assiduo orationis studio sibi comparauerat: quo tantopere afficiebatur, vt illi quotidianum ac familiare esset, duarum saltem horarum spatio ante Matutinas Horas ad orationem surgere; totumque illud dici tempus, quod illi ex necessariâ sui muneris occupatione supererat, in cellâ, vel in syluâ solitariæ orationi consecrare. Quo tempore plerisque à Deo visionibus, ac reuelationibus illustratur. Cùm autem tam perspicua apud omnes esset Anselmi virtus, atque in omnibus rebus prudentia, Generalis Commissarius in Parisiensem Prouinciam mittitur; quam magno prudentiæ, ac Sanctimonix splendore administravit. Nec facile explicari potest, quantum Parisienses Fratres, quo tempore grauissima lues Parisiensem Urbem inuaserat, in ægrotantium ministerio, quod sponte diuinâ tantum Charitate vrgente, in Vrbe obeundum susceperant, sub Anselmi ductu, & administratione præfulserint. Anselmus itaque conuocato Parisijs Capitulo, cùm Franciscum Brigam primum in eâ Prouinciâ Ministrum Prouincialem electum, suo in munere confirmasset, in Italiam redijt. Pleraque illum futura, quæ acciderunt, Diuino spiritu prædixisse constans omnium fama est. Diem quoque, locum ac horam sui obitus cùm diuinâ reuelatione accepisset, Fratribusque præsignificasset, cùm primum Camerinum appulisset, illis Prophetæ verbis vsus, inquit: *Hæc requies mea in seculum sæculi.* Vix vno, aut altero die elapso, febre afflictari coepit. Quo tempore maximum illius studium animam tum poenitentix lachrymis, tum Sacramento diligentius expiare, mentemque ad coelestium rerum contemplationem attollere. Cùm verò eâ in ægritudine ita omni cibi appetentiâ careret, vt nec quicquam gustare posset, Deus, qui fidelem Seruum supremâ ægritudine laborantem, aliquo saltem solatio prosequi volebat, extra tempus cerasa ministrat. Denique, cùm is vitam omni virtutum genere ornatam, ad 36. vsque Annum in Religione perduxisset, Anno 1584. meritis clarus, ac sanctimoniâ apud omnes commendatus, quietem in Domino accepit.

FR. AVGVSTINI DE ALBINTEMELIO  
 GENVENSIS, AC HETRVSICÆ  
 PROVINCIÆ PROVINCIALIS, ET  
 COMMISSARIJ GENERALIS  
 VITA, ET GESTA.



RATER AVGVSTINVS DE ALBINTEMELIO  
 Genuensis Prouinciæ Concionator, Vir omni  
 virtute, ac prudentiâ florens, regularis obseruan-  
 tiæ cumprimis studiosissimus, ac præsertim pau-  
 pertatis propugnator acerrimus fuit: Chori verò,  
 psalmodiæ, ac communis Orationis tam eximius  
 cultor extitit, vt ab ijs nunquam, nisi graui necessitate præpeditus,  
 abesset: Propter insignem Viri prudentiam, ac regularis obser-  
 uantiæ zelum, sæpe tùm Genuensem, tùm Hetruscam Prouinciã,  
 sub Prouincialis, ac Commissarij Generalis titulo administrauit:  
 quo in munere, tam præclaris æquitatis, temperantiæ, humanitatis,  
 austeritatis, ac cæterarum virtutum exemplis præluxit, vt magnam  
 & immortalem sibi laudis famam apud omnes comparauerit. Hoc  
 virtutum omnium cursu, cùm ad canos vsque peruenisset, Saonæ  
 febre, ac dysenteriâ correptus, grauiter ad mortem ægrotare cœpit.  
 Iam ad vitæ exitum properabat Vir optimus, cùm repente Dæmo-  
 num turbam in se irruentem cernit; quâ perterrefactus cum statim  
 exclamâset: *Deus in adiutorium meum intende*; eâ voce, atque vt non-  
 nulla alia M. S. ferunt, Beatissimâ Virg. è Cœlo apparente, tota illa  
 Dæmonum nubes protinus dispersa, ac effugata fuit. Is verò mente  
 integrâ, oprimeque cum Deo compositâ, cùm vitam maximâ cum  
 virtute duxisset, eam quoque haud sine sanctimoniæ opinione piè  
 in Domino concludit. Cuius illud inter alia argumentum fuit, quod  
 tertio post sepulturam anno, ipsius corpus integrum, ac nullâ ex  
 parte corruptum in sepulchro conspicitur: quodque magis admi-  
 randum fuit, ipsius femoralia, quæ ceteris partibus putrefacta erant,  
 quâ parte ipsius carnem attigerant, solida, ac incorrupta cernuntur.  
 Post Augustini obitum, cum Fr. Bonauentura à Cestaciario Con-  
 cionator, ac Theologus insignis, quartanâ febre molestissimè labo-  
 raret, singulari huius Viri sanctimoniæ opinione ductus, ad ipsius  
 sepulchrum accedit; ipsiusque apud Deum suffragia implorans, vbi  
 caput intra sepulchrum declinauit, mox se à febre liberum sensit:

Obijt Vir Dei Anno 1585.





FRATER CHERVINA VICIUS PROÆ PARISIENSIS  
COMM<sup>us</sup> GNRLIS NEC NON BAIOENSIS VIC<sup>us</sup> PROLIS.



Fr. CHERVBINI à NVCIBVS,  
PARISIENSIS PROVINCIÆ

COMMISSARII GENERALIS, NEC NON

BARIENSIS PROVINCIALIS VICARIJ

*VITA, ET GESTA.*

**F**RATER CHERVBINVS à NVCIBVS, Concionator, vix decimumquintum adolescentis ætatis annum attigit, cùm in Capucinatorum Familiâ diuinæ se ipsum seruituti mancipat. Vbi Fratrum, vt plurimum, colloquia fugiens, solitudinem Innocentiæ amicam quærebat. Hinc Angelica mentis puritas, hinc honestatis candor, hinc Regularis disciplinæ rigor, hinc sensuum mortificatio, hinc gulæ præsertim interitus pullulabat: quo fiebat, vt multorum annorum spatio, à carnibus, ouis, ac lacticinijs se abstinuerit: Hinc denique tot virtutum scaturigo profluebat, vt propter insignes huius Viri virtutes, haud semel in Bariensi Prouinciâ, Vicarij Prouincialis munus obierit: indeque Lutetiam Parisiorum missus, eam quoque Prouinciam, summâ cum prudentiâ, ac Regularis obseruantia laude administrauerit. Tanto verò virtutum splendore ijs, quibus præerat, prælucebat, vt cùm rerum omnium contemptum, altissimæ paupertatis amorem, morum honestatem, orationis studium, Chori frequentiam, humilitatem, patientiam, sensuum mortificationem, Religiosam totius corporis compositionem, cæterarumque virtutum amplexum, alijs persuadere vellet; haud alio, præterquam factorum verbo, atque eloquentiori vitæ exemplo hæc illis instillaret. Ab omni rerum prouisione abhorrens, cùm semel longo itinere confecto, labore ac ieiunio defatigatus deficeret, nihilque ad vires instaurandas ei à Socio ministrari posset; arbori innixus breuem ad Deum orationem fundit: cùm ad Socium: Festina, inquit, ad proximum collem: panemque, quem ibi reperies, adfer. Properat Socius, candidumque atque etiamnum calidum panem, quasi tunc è clibano haustum reperit, Cherubino defert: quo gustato satur, ac viribus restitutus, itineris reliquum facile absoluit. Altissimam paupertatem ita colebat, ac antopere commendabat, vt cùm ab eo Frater quidam percunctatus fuisset, quædam illi ad Dei gratiam citius promerendam, res

magis

magis necessaria esset, protinus responderit: Paupertas, fili, paupertas. Quapropter etiam duplicia omnia refugiens, nunquam nisi vnicâ & obsoleta veste, obsoletis denique omnibus & interpolis vteretur. Chori verò tam diligens, & assiduus cultor fuit, ut eum neque itineris labor, neque vlla corporis defatigatio, aut muneris administratio, vnquam ab Horis Canonicis, in Choro, diu, noctuq; persoluendis reuocauerint. Tantâ autem animi attentione, ac pietate diuinis laudibus incumbibat, ut nonnunquam locum suauis odoris fragrantia redolentem relinqueret. Nec minor illi erga Sacrosanctum Missæ Sacrificium animi ardor inerat; tanto enim aliquando, dum celebrationi intendit, diuinæ Charitatis æstu rapi contingit, ut corpore fursum euecto, nec animo tantum, sed & carne in Deum transferri velle videretur. Supremum quoque orationis, ac Diuinæ contemplationis cùm attigisset; in eâ plerumque sensibus excedebat. Apostolico spiritu Verbum Dei disseminans, audientium animos vi quâdam ad poenitentiam propellebat, à Bacchanalium vsu, ad Dei verbum audiendum transferebat. Aquæviuæ etiam semel, cum aduersus Magos, ac Veneficos pro Concione exclamaret, tot illi Magicæ, ac Veneficæ artis libri, atque instrumenta allata fuere, ut scrinium impleuerint; quæ is Sacro igne publicè comburenda curat. Madurij, dum Dei verbum prædicat, bis nomine IESV inuocato, hyrundines Dæmonis opera in Ecclesiâ garrientes, ac suo garritu, quominus ab audientibus percipi posset, impediens, fugat; nec vnquam deinceps in Ecclesiâ visæ fuerunt. Post hæc Andriæ, dum Quadragesimali tempore prædicationi incumbit; illa Euangelij verba, quæ in tertiâ Dominicâ leguntur: *Erat IESV seiciens Dæmonium.* pro Concione edisserens; arreptâ Crucifixi statuâ, quæ à latere stabat, eâ Dæmones, qui Vrbeni vexabant, aggressus, eos in Christi nomine, ac potestate ex Vrbe egredi compellit: qui ipsius imperio parentes, ad Monialium Monasterium confugiunt, Monialesque varijs modis infestant: quibus cùm Beatissimæ Virg. Litanias indixisset, Dæmones protinus è Monasterio pellit. Tantâ hic Dei seruus animarum siti æstuabat, ut bis, terque in die, si opus esset, Dei verbo incumberet; Quadraginta verò Horarum Orationem celebrans, cùm nullam absque sermone horam præterlabi sineret, vix ab eâ semiuius recedebat. Cùm verò semel ex prædicatione opimis animarum spolijs onustus reuertetur, Satan nimis ægrè ferens, bellatoris formâ assumptâ, Cherubino, nisi desistat, exitium minatur: at is Crucis signo in eum vibrato,

ad fugam compellit. Nunquam Cherubinus, nisi post longam orationem ad prædicandum suggestum conscendebat; in quâ Diuinis amplexibus inhærens, plerumque corpore in aëra ferebatur. Triciani, cum nocte, quæ prædicationis diem antecederet, in cubiculo oraret, hospes eum cubito altius è solo eminentem cernit. Eo quoque fiebat, vt Diuinâ Spiritus Sancti luce illustratus, nonnunquam futura prædiceret. Nonnulla quoque ab eo miracula patrata leguntur: ex quibus vnum, aut alterum referre libet. Mulieris cuiusdam filius strumis grauitè laborabat; quæ cum Virum Dei sacra Mysteria offerentem, in sublimè elatum conspexisset, nonnullas ex ipsius Habitu fimbrias filij collo appendens, breui filius perfectam incolumitatem assequitur. Per Salentinos iter agens, Mulieri egenti, binis malogranatis coelitùs acceptis, subuenit. His cum tantam Sanctimonie famam Vir Dei, apud populos, ac Fratres comparasset, vt ab omnibus velut Vir Sanctus haberetur; cum Aquæviuæ Quadragesimale Sermonum pensum, maximo cum Audientium fletu, ac poenitentia conclusisset, obitus sui diem familiari suo prænunciat. Supremo igitur morbo correptus, cum iam Medici de illius vitâ desperassent, in ipsâ Dominicæ Resurrectionis die, vt æger ad Dominum, non Dominus ad Seruum accederet, in Ecclesiam se deferri poposcit; vbi sacro Domini Corpore, tanquam viatico reficitur. Vix autem rumor de desperatâ ipsius valetudine per oppidum diffunditur; cum plebs agminatim ad Virum Dei confluit, omnesque certatim, antequam hinc illis letho eripiat, ipsius benedictione frui contendunt. Cumque frequentia tumultum pareret, bini ad Dei seruum accedere coguntur. Cæterum Vir Sanctus cum ad octauum ægritudinis diem integris sensibus peruenisset; imminente sui transitus horâ, Christum Dominum, clarissimâ luce circumfusus, ad se venientem cernit, qui his illum verbis compellat: *Cherubine, iam veni mecum.* Cui Cherubinus confestim: En, Domine, libentissime venio. Hoc modo fidelis Dei seruus Christum comitem, ac viæ Ducem nactus, ad immortales concedit. Itaque rumore de huius Sancti Viri obitu, per Urbem, ac finitima Oppida peruulgato, tanta mox populi frequentia vndique erumpere visa est, vt multitudinem Conuentus capere non posset. Atque hoc ipso tempore lis inter Aquæviuæ Marchionissam, & Fratres de Corpore exorta, post multam disceptationem, tandem hac ratione composita est, vt defuncti funus Clerus, & Fratres vsque ad

Matricem Oppidi Ecclesiam vnà prosequerentur; vbi Inferijs defuncto corpori à Clero exolutis, illud Fratrum Ecclesiæ restituere-  
 tur. Lite itaque hoc pacto diremptâ, funus defuncto paratur:  
 tamque solemnî luminum pompâ, atque innumerâ populi multitu-  
 dine, Cherubini sibi suffragia implorante, celebratur; vt non de-  
 functi cadauer, sed pretiosæ potius Sancti alicuius Reliquiæ in  
 Ecclesiam ferri viderentur. Fœtro igitur vnà cum Corpore in Ec-  
 clesiâ collocato, dùm à Clero iusta funebria redduntur, populus  
 nullâ ratione contineri potuit, quin in sacrum Corpus, præ deu-  
 tionis impetu, irrueret, Habitum præscinderet, capitis capillos ton-  
 deret, vngues obtruncaret, omnesque illius pedes, & manus exoscu-  
 lantes, Beatum exclamarent. Post hæc verò, corpore Fratribus red-  
 dito, tanta vicinorum Oppidorum ad illud confluentium, populi  
 multitudo excreuit, vt ad quartum vsque diem inhumatum seruari  
 necesse fuerit; quo tempore suauissimus ex illius ore odor diffunde-  
 batur: caro quoque tam mollis, artusque tam flexibiles cerneban-  
 tur, vt dormientis potius, quam mortui speciem referret. Postremò,  
 ligneo Sarcophago inclusus, à tergo maioris Altaris sepelitur. Paulò  
 post Sancti Viri obitum, cùm Mulier quædam à Nucibus, Pasca  
 nomine, grauissimis partus doloribus diu cruciata, foetum eniti non  
 valeret, vix Cherubini Habitus particulam sibi collo appendit, cùm  
 protinus salua masculum peperit. Alia quoque miracula ab eo post  
 mortem patrata referuntur. Post aliquos etiam sepulturæ menses,  
 cum Ennius Caluus, Aquæuiuæ Ciuis, illius videndi studio  
 teneretur, id tandem assecutus, suauissimum ex illius  
 corpore odorem emanantem sentijt. Obijt  
 Vir Sanctus Anno 1592.





FRATER IVCAS ERATVERTENSIS PARISIENSIS  
AC LVGDVNENSIS PRÆ VIC. PRÔLIS

FR. LVCÆ ERATVERTIENSIS,  
PARISIENSIS, AC S. LVDOVICI PROVINCIÆ

COMMISSARII GENERALIS

*VITA, ET GESTA.*



**E**RATER LUCAS AB ERATVERTIO, Sacerdos, à pueropuerilia fastidians, diuinis tantum rebus oblectatur, tantâq; animi commiseratione in pauperes fertur; vt tunc tantum, cum subreptis è mensâ panibus pauperes aleret, sibi epulari videatur, sextumdecimum annum agens ad Capucinos aduolat: & Lucæ inter eos nomen sortitur. Austerissimum vitæ genus, ab suæ Professionis exordio aggressus, cum ceteris diebus cibo parcissimè vteretur, quamlibet sextam Feriam panis & aquæ ieiunio celebrabat. Quadragesimali verò tempore, tres cuiuslibet Hebdomadæ dies cibo vacuos transigebat: in maiori tandem Hebdomadâ, à Quintâ Feriâ vsque ad Dominicæ Resurrectionis diem, nullam omninò escam degustabat. Habitum verò hispidum, atque vndique confarcinatum gerebat. Denique cum prolixiores noctis vigiliæ somno tempus præriperent, breuissimum illi quietis spatium relinquebant. Abundantius autem orationi, & rerum diuinarum contemplationi vacans, haud rarò mente excedebat; ac diuinâ luce perfusus, pleraquæ occulta, atque animorum profunda perscrutabatur. In Conuentus Saluensis Familiâ aliquando conscriptus, dum sacra Mysteria ad Altare celebrat; ac ipsis Christi verbis, Panem & Vinum in eius Corpus & Sanguinem commutat; vix Consecratione peractâ, Portiâ quædam Citta, mulier Saluensis, Lucam coelestem Hostiam manibus gestantem, vnus circiter cubiti mensura, è suppedaneo in sublime efferri, eoquæ modo extra sensus raptum, ac immobilem per integrum Horæ quadrantem subsistere cernit: cum verò is sibi, ac loco redditus Sacram Eucharistiam attolleret, illam Portia tam splendidam conspicit, vt vndiquæ coelestem lucem effunderet; quo illa aspectu ita territa fuit, vt cum ab Ecclesiâ digressa in Ioannem Andream Alemannum, Lucæ, ac Capucinatorum familiarem incidisset, his eum protinus verbis compellauerit: O Andrea, quidnam illud est, quod his oculis perspexi! quàm magnum, quàm ingens, quàm mirabile! Cui Andreas: Quid istud Portiæ? cui cum illa,

quod in Luca viderat, significâſſet, mox Andreas: Tu quidem, (inquit) quod tibi nouum ac inſolitum eſt, miraris: at, cùm hæc ſape in Viro Dei à nobis conſpecta fuerint, haud ſanè tantâ rei admiratione capimur. In eodem Saluæ Oppido Dæmonum caſtra Virginum Monasterium impugnantia cernit; atque Petro à Martinâ Laico oftendit, nihil autem effectura prædicit. Magiſtri Nouitiorum cùm aliquando munere fungitur, Nouitij cuiuſdam, qui apud Fratres magnum ſibi ſanctimonię nomen comparauerat, hypo-chriſim reuelat, qui breui ad ſeculum remeans, dùm aleam ludit, à colludente pugione conſoſſus perimitur. Vt Nouitij alterius obedientiæ periculum faceret, braſſicas illi radice ad Cœlum conuerſâ, conferendas imperat: cuius cùm ille imperio promptè obtemperaret, braſſicæ, naturæ ordine immutato, ita terræ coaluère, vt in admirabilem foliorum tùm vbertatem, tùm condenſationem excreuerint. Mira Lucas, erga ægrotos potiſſimum Charitate præditus erat, quos omni pietatis officio proſequebatur; ita vt tametſi Guardianus, ac Viſitator Generalis eſſet, eorum matulas extergere, aliaq; quantumlibet vilia ijs miniſteria exhibere omni ſtudio contenderet. Hinc tanta illius orationi vis indita erat, vt facilè vniuerſa à Deo poſtulatâ impetraret. Scipionis Ariminenſis, qui ob copioſi ſanguinis vomitum ad Medicorum deſperationem ægrotabat, occultum odij peccatum aperit, vt odia deponat, monet, preces & incolumitatem pollicetur. Annuit mox æger; Antonium filium ſedatis odijs paternâ beneuolentiâ complectitur; Lucas verò ad Monasterium reuerſus, cùm pro ægro ſuas Deo preces obtuliſſet, breui illum ſuâ oratione tùm animo, tùm corpore incolumem reddit. Poſthec in Galliam miſſus, tam admirabili in S. Ludouici Prouinciâ, morum & vitæ ſanctimoniâ eſſuſit, vt tanquam Vir Sanctus ab omnibus prædicaretur. Eo Maſſilienſem Conuentum moderante, cùm Turcarum Claiſſis, quæ ſub Algerij Rege Tyrrenum mare infeſtabat, mutuo cum Gallis freta foedere, in Portu Maſſilienſi, per aliquot tempus conſediſſet, Chriſtianus quidam Chriſti Fide abnegatâ, palam ad Mahometicam ſectam ſe tranſtulit; quod ita Lucæ animum exulcerauit, vt Dei zelo, Matathia inſtar, accenſus, pro animarum ſalute pugnans, Viri facinus exaggerans iramq; Dei comminans, ab Urbis Dominatore legè ſanciri curauerit; ne cuiſpiam Chriſtiano in eâ Vrbe ad Mahometicam Sectam migrare fas eſſet. Alteri quoq; Equitum Magiſtro, qui apud Gallos duorum Episcopatuum fructibus potiebatur, perſuaſit, vt ijs renunciatis, ſolo patrimonio, & Regio ſtipendio contentus



esset. Generalis Visitatoris in Parisiensi, ac S. Ludouici Prouinciâ officio functus, maximam sibi apud omnes prudentiæ ac sanctimonîæ laudem comparauit: hoc verò in Visitationis itinere, cum Soloniensio digressus, ieiunus ac diurno itinere fatigatus, aliquando confedisset; nihilq; de more Socius, quod fatigatas Senis vires recrearet, secum haberet, ab Angelo, sub Minoris Conuentualis Fratris specie, panem, gracilisq; vuarum racemos, ac poma, potumq; ex lagenâ accipit; repenteq; ex eorum oculis eripitur, ac nullibi in totâ illâ planicie, quæ ad leucæ spatium extendebatur, conspicitur. Porro, cum multis pro Religione, tam in educandis Nouitijs, quàm in Prouincijs administrandis, piè laboribus perfunctus esset; tandem in Auenionensi Conuentu, cui Guardianus præerat, extremâ ægritudine correptus, quo propius ad vitæ metam accedebat, eò ardentius Diuinæ Charitatis flammis incalescere videbatur, ita ut sæpe è lecto exiliens Angelicum Hymnum: *Gloria in excelsis Deo*, maximâ spiritus vi raptus, altius personaret. Cumque, ne toties eo cantu repetito, morbi vis excresceret, ab eo abstinere rogaretur, hæc Fratribus respondebat: Sinite, Fratres, sinite, ut quandoquidem hæc breui carnis ora claudenda sunt, quamdiu mihi integra manent, in Dei laudes aperiā. Cum autem à Medico certum sibi vitæ occasum imminere accepisset, post immensas gratiarum actiones, totis medullis exultare coepit; moxque in hæc verba ardenti ex pectore hausta erupit: *Lætatus sum in his, quæ dicta sunt mihi: in domum Domini ibimus.* Ab eo porro tempore, cum Ecclesiæ Sacramentis se muniri curasset, animum prorsus ad cœlestia transfert; confluentesque ad eum Fratres cœlestibus monitis vberiores ad virtutes prouocat. Triduum verò, antequam è vitâ excederet, maximis corporis doloribus excruciarî coepit; in quibus, cum ea tantum vox audiretur: *Sit nomen Domini benedictum.* Primâ illius tridui die elapsâ, Fratrem Abundium Nouocomensē accersiri iubet; atque ubi sub Secreti sigillo se eatenus Purgatorias pœnas, Deo ita iudicante, luisse aperuit, ter ab eo in gratiarum actionem Deo, qui secum benignius egerat, Missæ Sacrificium offerri postulat; solemnemq; in Cœlo ab eo tempore Processionem inchoari monet, quæ breui absolui deberet: at hanc Beatorum Capucinatorum, qui illum, postquam hinc commigrasset, in Cœlum secum perducturi essent, supplicationem fuisse, omnibus persuasum fuit. Obijt tandem Auenione Viregrius, apud omnes sanctimonæ opinionē celebris

Anno 1598.



Fr. ARCHANGELI ALARCONII.  
 PROVINCIÆ CATHALONIÆ  
 COMMISSARIJ GENERALIS  
*VITA, ET GESTA.*



**E**RATER ARCHANGELVS ALARCONIVS, Concionator, in Turri Siltanâ, Hispaniæ Tarraconensis Oppido, Nobilissimo genere ortus, cùm in Italiam profectus esset, ibi generis nobilitatem meliori Dei seruitute apud Capucinos accumulauit: quam & alij duo vterini deinde secuti sunt, Ioannes videlicet, & Franciscus. Archangelus igitur in Mediolanensi Prouinciâ, Seraphicæ primùm militiæ inscriptus, cùm ex eâ paulò post, in Neapolitanam translatus esset; in vtrâque Prouinciâ tantâ cum Regularis disciplinæ, ac virtutum laude versatus est, vt Neapoli Nouitiorum Magister creatus fuerit: quo tempore Nouitium quendam à graui carnis tentatione, triduanâ oratione, nec non panis & aquæ inediâ liberat. Veruntamen cùm libidinis spiritu effugato, grauior Nouitium oculorum cœcitas occupasset, ieiunia Archangelus, & orationes congeminat, quibus tandem Nouitium ab vtrâque tentatione liberum præstat: Vir enim tantæ orationis erat, vt maiorem noctis partem in eâ tam immobilis expenderet, vt sensibus excedere videretur. Hoc ipso tempore in Neapolitanâ Vrbe, cùm Marchionis S. Crucis Filium grauissimo morbo laborantem, inuocato IESV nomine, cui deuotissimus erat, Crucis signo comunijsset, incolumem reddidit. Hic quoque libet aduertere, quod Franciscus, Archangeli germanus, cùm Neapoli ante ipsius discessum, diem extremum obijisset, eâdem sui obitus horâ, cuidam ex nostris Sacerdoti, qui in Conuentu Apici, sese ad incruenti Sacrificij oblationem parabat, apparens, ab eo, vt illius Sacrificij virtutem pro suâ à poenis Purgatorijs liberatione Deo offerat, impensius efflagitat. Quod cùm ille summâ charitate præstitisset, Franciscus à Purgatoriâ pena liber in Cœlûm euolat. Archangelus verò cùm multos in Cossettinæ Prouinciæ fundatione labores exantlasset, plurimisque virtutum, & Euangelicæ perfectionis exemplis nouam Prouinciâ exantlasset, Barcinonæ in Conuentu Montis Caluariæ vitam cum morte commutat Anno 1598. Cuius corpus communi sepulchro cum cæteris conditum, tertio, vel quarto post ipsius obitum anno, incorruptum, omniq; ex parte integrum cernitur.



FRATER MARIUS A PICELEONE FRATRUM CAPUCINORUM  
COMMISSARIUS GENERALIS.

Fr. MARI A PICELEONE.

S. LVDOVICI PROVINCIAE

COMMISSARII GENERALIS

NEC NON PROVINCIALIS

VITA, ET GESTA.



ERATER MARIUS à PICELEONE, honestis ac pijs parentibus ortus, cœlestique rore irrigatus, præcoces in ætate, quæ virtuti immatura est, Deo pietatis fructus reddidit: Diuinis namque rebus ita animum addixerat, vt passim genu flexo ante Beatiss. Virg. Imaginem orare, ac Sabbatho præsertim die cæteros quoque pueros, ante quandam Beatissimæ Virg. Iconem, quæ in paternæ domus fronte depicta erat, colligere, & cum ijs sacras Litanias Cœlorum Regina decantare soleret. Adolescens verò studia Pietatis augens, sepius mente Poenitentia Sacramento expiatâ, ad sacram Synaxin accedit, pijsque alijs operibus incumbit. Denique, cum vigesimum ætatis annum attigisset, deuicto sæculo Capucinatorum Castris adiungitur. Vix Marius Religionis palæstram ingressus, cum occultis eum tentationum telis Dæmon prosternere non posset, palàm varias illi hominum & mulierum species visibiles obijciens, à cœpto illum virtutum studio reuocare conabatur: at inuictus, licet nouus Religionis Athleta, quem nullâ humanâ vi, & conatu repellere poterat, oratione ac patientiâ deuincebat: ab his tandem post emissâ Religionis vota liber, tantâ cœpit Regularis obseruantia, ac totius Euangelicæ perfectionis luce splendere, vt in eum, velut nouum Religionis prodigium, Fratres oculos conuerterent: Corpus namque quotidiano ieiunio extenuans, sacras B. P. Francisci Quadragenas, solâ pulte contentus, quoad vixit, obseruauit. Rerum omnium paupertate diuitem, simplex habitus multis præseminibus interpolus; cella rebus omnibus, præterquam Breuiario, ac Christi Domini Cruce vacua; angustus lectulus, leui palcæstratus; animus deniq; ab omni rerum cupiditate alienus testabantur. Pudicitia tam diligens ac seuerus custos fuit, vt quam à Matris gremio acceperat, Deo in morte virginitatem reddiderit; cum Sorore,

rarò, cum cæteris mulieribus nunquam collocutus fuerit. Nihil eo aut obedientius, aut humilior extitisse, parata semper ad obediendum mens, animusq; parua de seipso sentiens indicabat. Cæteras quoque Evangelici hominis virtutes, ac præsertim orationem, Diuinarumque rerum contemplationem tanto studio profecutus est, ut cum in eâ maiorem dici, & noctis partem impenderet, nunquam tamen ab eâ vel satur, vel defessus recederet. Potissima tamen in Beatissimam Cœlorum Reginam deuotione ferebatur. Hoc virtutum splendore cum Marius in Religione clarius eluceret, Generalis Commissarius in S. Ludouici Prouinciam missus, in eâ etiam Prouincialis Vicarij munus tantâ cum prudentiâ, & præclaris vitæ exemplis administrat, ut magnam sibi in eo apud omnes gloriam comparaucrit. Cum verò eam aliquando Prouinciam inspectans, inter noctis tenebras deprehensus, per syluam quandam cum Socio incederet, atrâ tenebrarum caligine immergi, quò tenderent, ignorabant. Quapropter ad Beatiss. Virg. opem confugiens, sacras B. V. cum eo Litanias persoluit: moxque affluentem procul lucem percipit; cuius ductu, cum ad tugurium quoddam in ipso nemore constructum, cum Socio peruenisset, solum in eo lumen offendunt, nemine prorsus, qui in eo habitaret, conspecto. Maximæ tunc ab eo Deiparæ Virgini, quæ illud ijs hospitium parauerat, gratiæ redduntur; neque immeritò: cum enim nocte ibi in quiete transactâ, manè cœptum iter cum Socio prosequeretur, nunquam deinceps tugurium illud, licet diligentissimè conquisitum reperire potuerunt. Cum Herbæ Guardiani officio fungeretur, Beatissimæ Virginis intercessione Familiæ suæ annonam à Cœlo Angelico ministerio impetrat. Piceleoni quoque, dum Conuentus extruitur, Marius ædificationi præerat: quo tempore igne fornaci calcariæ admoto, cum ligna ad illum ad plênâ usque cocturam fouendum defecissent, fornacarium opus pessum ire necesse erat: quapropter Marius fornacarios omnes genuflectere iubet, atque à Deo, Beatoque P. N. Francisco opem quamprimùm efflagitare. Res profectò mira! Vix absoluta oratio fuit, cum vndique plaustra lignis onusta, quorum nulla aut spes, aut prior notitia erat, ad fornacem confluunt, summâque omnes admiratione complent. Rursus operarijs annonam à Deo suâ oratione, haud sine miraculo exorat. Prophetiæ spiritu clarus, nec non miraculis venerabundus existit. Dum enim Vir Dei Mariniani Conuentum moderatur, Caroli Tiruultij filius septem annorum puer, ægrotans, Medicorum sententiâ iam morti

adiudicatus fuerat; cùm ad eum Marius accedens, Sanctissimo IESV nomine ad collum appenso, Beatissimæ Virg. Litanias simul cum Socio genuflexus persequitur; ac demum illum signo sanctæ Crucis benedicit. Hæc cùm vesperi præstitisset, manè puer lætus, atque incolumis è lecto surgit, Medicosque stupore replet. Idem, in mulierem quandam incidens, quæ morbo correpta, velut exanimis humi iacebat: eam cùm manu subleuaret, ea protinus valetudine recuperatâ, iter suum prosequitur. Piceleonem, hoc anno, cum Guardiani autoritate profectus, graui capitis abscessu corripitur: quo cum 7. vel 8. mensium spatio grauissimè afflictatus fuisset; quo tempore suauissimus ex eo odor diffundebatur, eo cruciatus maximâ cum animi patientiâ tolerato, tandem consumptus, iustitiæ à Deo coronam tulit Anno 1603.

FR. FOELICIS à PETRA HONORII.  
PARISIENSIS PROVINCIÆ

COMMISSARI GENERALIS

*VITA, ET GESTA.*

**I**N Bononiensi Prouinciâ Fr. FOELIX à PETRA HONORII, Concionator, plurimum prudentiæ, ac virtutis commendatur; qui cùm in turbulentissimo illo rerum statu, quo Gallia, Henrico III. Rege interfecto, sub Hæreticorum armis gemebat, in Parisiensem Prouinciâ, cum Generalis Commissarij potestate, ab Hieronymo à Politio, Generali, missus esset, strenuè, ac præclarè suo Officio functus est. Marisæ Estensis filium ægotantem Crucis signo incolumitati restituit.

Demum in patrio Conuentu maximo multorum luctu, diem supremum obiit

Anno 1596.

FR. APOLLONII BRIXIENSIS  
COMMISSARII GENERALIS

*VITA, ET GESTA.*



RATER APPOLLONIVS BRIXIENSIS, Sacerdos, ex illustri Porcellagorum progenie ortus. Hic maiores suâ virtute in Ordine dignitates, ac munera assecutus, Guardiani, Definitoris, & Generalis Capituli Definitoris sæpe Officia, magnâ cum prudentiâ, ac virtutis laude subiit: ac tandem ob Iacobi à Forozarfinio mortem, Generalis totius Ordinis Commissarij munere functus; tantum abest, vt his sibi gloriam auxerit, quin potius his suâ virtute gloriam contulit. Plurimis tandem pro Religione laboribus perfunctus, Brixia res humanas deferit: carne post obitum præter morem in eo tenerâ, & palpabili renitente. Obijt 1603.

FR. BONAVENTURÆ A MONTE  
REGALI, COMMISSARII,

NEC NON PROCVRATORIS GENERALIS

*VITA, ET GESTA.*



RATER BONAVENTURA à MONTE REGALI, Oppido Samnitum, Concionator, Vir fuit omni prudentiâ, doctrinâ, ac virtutum genere instructus, atque aded Castitatis amator, vt cùm à Patre ad Coniugium compelleretur, nuptias quidem, vt Patri morem gereret, inierit: at alterius Alexij instar, intactâ sponsâ, domo relictâ ad Capucinos aufugerit. Inter quos, virtute clarus, S. Francisci Prouinciam, sex annorum spatio prudentissimè administravit. Prælectoris Generalis Neapoli onus sustinuit. Generalis Commissarij sæpe officio functus, Procuratoris tandem Generalis Romæ munus magnâ cum prudentiâ laude obiit: quo tempore Sixto V. Pontifici Maximo ægrotanti, vitæ occasum, quem alij aperire metuebant, constanter annunciat, atque opportunè animam agentis suprema exoluit. Deniquè multis pro Religione piè laboribus perfunctus, Regulari obseruantia clarus Fulgentij extremum diem claudit Anno 1604.



FRATER SEBASTIANVS ARGYRENSIS SYRACVSANA  
PROÆ VICARIVS PROVIS



FR. SEBASTIANI ARGYRENSIS.  
SYRACVSANÆ PROVINCIÆ

VICARII PROVINCIALIS

VITA, ET GESTA.



ERATER SEBASTIANVS ARGYRENSIS, seu à S. Philippo, Siculus, sacri verbi Concionator, ex honestâ illius Urbis familiâ natus; vix octauum ætatis annum attigerat, cùm coelesti gratiâ illius animum præueniente, virtuteq; ætatem præcurrente, alterius Baptistæ instar, corpusculum inediâ extenuare; puerilia membra, duris necdum assueta, ciliciolo contingere; carnem necdum petulantem, ac spiritui reluctantem flagellis domare; rebus Diuinis maximâ religione interesse; solitaria orationis loca, velut amica sibi quærere; linguam denique, quæ vix animæ sensus exprimere nouerat, ad pietatis verba, ac prædicationis formam, quasi nouus Ecclesiastes explicare cœpit. In hac puer dum maiori virtutum palæstrâ seipsum exercet, & antequam bellum intentent, hostes Tartareos vincit, fremit in eum Satan, & minis sæpe, ac terroribus, verberibusque interdum aggredi festinat. At generosus puer nihil ducens Inferorum impetum maiora indies de hoste trophæa refert. Cùm primùm ad 16. annum peruenit, bonis omnibus, quæ sibi ex matris hæreditate obtigerant, in pauperes distributis, in Religionis Capucinorum arenam descendit. Sebastianus igitur, inter Seraphica B. P. N. Francisci Castra conscriptus, bello omnibus vitijs indicto, tantarum virtutum Vir fuit, vt nihil in eo vitiosum, nihil vel Aristarchi censurâ carpendum deprehenderetur. Perpetuam illum Virginitatem coluisse, inuiolata à teneris annis custodia, tantaque illius animo indita honestas, ruborque ille virtutis color, & honestatis nuncius, qui vultum eius perfundebat, cùm verbum aliquod minus castum prolutum audiret, non obscurè testantur. Verùm ad Concionatorium munus à Deo vocatus, mirum planè, quàm feruido & Apostolico spiritu, Euangelicum opus exantlaret. Quò fiebat, vt nunquam absque spolijs opimis, atque ingenti animarum lucro à prædicatione rediret. Passionis verò Dominicæ cultu ita afficiebatur, vt in die Parasceues Concionem de eâ ad octauam



horam protraheret. Dum autem in Nettinâ Vrbe verbum Dei diffeminat, ita Ciuium animos ad ipsius venerationem accendit, vt eo authore, Vrbis decreto institutum fuerit, vt quâlibet Veneris die, sub meridiem, quâ horâ Christus Dominus in Cruce Deo Patri spiritum reddidit, publico omnium Vrbis Campanarum sonitu signum daretur, quo vniuersi admonerentur, genuflexo Orationem Dominicam, ac Salutationem Angelicam, ad Christi Domini Passionem, ac Mortis memoriam recolendam, quinquies sibi persolendam esse. Quàm verò pia huiusmodi institutio grata fuerit, Diuino paulò post miraculo confirmatum fuit. Cùm enim cæterarum Ecclesiarum Campanis signum in meridie personantibus, sola sancti Crucifixi Ecclesia ob æditui absentiam, à consueto signo abstineret; mox Dei virtute factum est, vt illius quoque Ecclesiæ Campanæ, nullo præterquam Angelo pulsante, signum ederent. Quæ res adeò Nettini Populi erga Dominicæ Passionis cultum animos permouit, vt piam hanc Sebastiani institutionem in hanc usque diem, integram esse voluerit. Vir hic, vt pietate, ita & prudentiâ & Regularis obseruantia zelo illustis fuit. Quo factum est, vt in Syracusanâ Prouinciâ non modò inferiores, Guardiani, Custodis, ac Definitoris Dignitates passim obtinuerit: verùm & primam sedem, ac totius Prouinciæ gubernacula suâ virtute assecutus fuerit. Id ille munus tametsi inuitus susceperit, in eo tamen administrando, tantâ prudentiæ, & Regularis obseruantia laude excelluit, vt magnam ex eo, tum apud Deum, tum etiam apud Fratres gloriam adeptus fuerit. Verùm cùm Martyrij desiderio flagrans, id Hieronymo à Monte florum Vicario Generali exposuisset, ac repulsam passus fuisset, domesticum Martyrium, ne Martyrij palmâ frustraretur, precibus à Deo obtinuit: Etenim post hæc Elephantia morbo à Domino affectus ad duodevigesimalum vsque mensem grauissimas, ac diuturnas illius ægritudinis molestias patientissimè tulit; & cùm inter acerbissimos illius dolores, quibus à plantâ pedis, vsque ad summum verticem tenebatur, nulla ipsius vox, præterquam Diuinæ laudis audiretur; quid in eo præter antiquas illas Martyrum coronas conspiciere licebat, qui inter equuleos & catastas Diuinum nomen personabant? Ne quis autem hanc Dei correptionem ob culpæ alicuius labem illi inustam esse existimaret, id passim præstabat Diuina virtus, vt lepræ illius squamule, quibus totum ipsius corpus scatebat, inde auulsæ, atque à pijs Viris, qui Sebastiani sanctitatem probè nouerant, varijs languoribus applicatæ, febres curarent, capitis

dolores depellerent, parturientes ad fortum prouocarent, Dæmones ab obsessis corporibus eijcerent, totquæ miracula perpetrarent, vel sola aqua, in quâ illæ demersæ fuerant, epota; vt ad Viri Dei languentis squamulas iam vniuersi confluerent, Diuinamquæ in his virtutem experirentur. Post hæc è Platiensi Conuentu, Physicorum consilio, Argyram in Capulo vectus, nubem ad Solis temperiem suâ oratione impetrat. Argyram cum primùm peruenit, totâ Vrbe, cui Viri sanctitas iam perspecta erat, ei obuiam procedente in Ecclesiam se deferri poscit; vbi sermonem tanto, Spiritus feruore conceptum è Capulo ad populum habet, vt omnes in lachrymas dissoluerentur. Mox inde ad Fratrum Nosocomium, quod in Vrbe erat, perductus D. O. M. pluribus Serui sui sanctitatem signis non obscurè testatam esse voluit: nam cum languens ad quandam Tertij Ordinis Sororem, quæ Tutia appellabatur, literas dedisset, dum illa epistolam legit ipsius Neptis, quæ Paralytica diu in lecto iacuerat, cum primùm illam sancti Viri epistolam esse audit, Amitam, vt Epistolæ illius sibi copiam faciat, obnixè rogat; fore enim sperat, vt Sancti illius merito membrorum à Deo incolumitatem assequatur. Annuit Tutia; Epistolam brachio illius dextero alligat: hac spe cum Paralytica, quæ Iosaphella vocabatur, nocte illâ obdormisset, manè surgens tam integrè à paralytici morbo conualescit, perinde ac si nunquam eo laborasset. Miraculo hoc per Vrbem euulgato, Ioanna honesti cuiusdam Viri vxor, morboſi Coniugis tibiæ, qui formiculari morbo diuexabatur, eandem Sebastiani Epistolam adhibet, ac morbo expulso postero die fidei præmium assequitur. Molestissimo igitur Sebastianus Elephantia morbo, ac tot membrorum Martyrio, duodeviginti mensium spatio, summâ animi patientiâ tolerato, postquam Fratri Illuminato Argyrensi diem obitus sui prædixisset, vniuersasquæ mentis, & corporis vires ad Diuina transtulisset, postridie morbis omnibus, ac vitæ huius ærumnis valedicens, mortalem cum immortali vitam commutat. Sebastiani obitu in Vrbe euulgato, tam ingens Populi vtriusq; sexus ad Nosocomium frequentia confluit, vt Vrbs incolis penè orbata videretur. Vniuersi, Viri Dei manus & pedes exosculari, ac piâ deuotione in eum irruere, barbæ pilos tondere, capillos, vnguesquæ obtruncare, Habitum deniquæ ita in frustra conscindere, vt alterâ illnm tunicâ contegere opus fuerit. Dies Beatiss. Virginis Purificationi sacer agebatur, quem is longè ante obitum sibi supremum fore prædixerat, cum Sebastiani corpus ex Vrbis Nosocomio ad Monasterium, quod vnius milliaris &

amplius spatium ab urbe aberat, Urbis Magnatibus, ac toto populo funus prosequente, effertur, maximoque omnium mœrore tumultatur. Mox verò huius Viri apud Deum merita perspecta esse ceperunt: cum enim præter exigua quædam frustula in Conuentu nihil panis reliquum esset, quo Familia in prandio vesceretur, Urbemque ad panes mendicandum adire, niue præsertim cadente, præsens Fratrum necessitas haud ferret, liberalissimus Deus Sebastiani merito Esurientes Angelico ministerio pavit. Posthæc, cum Frater Humilis à Noto Sacerdos, linteolum, quo Sebastianus lepræ ulcera sibi viuens extergere solebat, secum ex deuotione ferret, accidit, ut Tertiariam quandam sibi consanguineam, Cassandram nomine, visu ex nimio fletu orbatam, inuideret: quæ cum ab eo quicquam, quod Sebastiani vsui aliquando ministratum esset, exposceret, is linteolum profert; quod illa, inuocato Dei & Sebastiani nomine, cum sibi oculis admouisset, eo ipso tempore oculorum lumen recipit. Paucis inde elapsis diebus, cum Antonia Cassandræ famula graui stomachi dolore laboraret, Sebastiani linteolum ab Herâ postulat, eoque stomachum refouens, mox ab eâ molestiâ liberatur. Squamulæ verò, quæ ex huius Serui Dei adhuc viuentis leprâ scatebant, à Virgine quadam Tertij Ordinis Sorore, apud se religiosè asseruatae, plerisque quartanâ ac tertianâ laborantibus, aliisque ægrotis post illius mortem, incolumitatem contulere. Constans quoque fama est, Dæmonem ab obsesso mulieris corpore earum virtute expulsum: quamobrem spiritus illi nequam adeò illius memoriam exhorrebant, ut cum illius Caputium aliquando arreptitio cuidam impositum fuisset, eo Dæmon tam acerbè discrucietur, ut clamores, ac eiulatus in Cœlum usque efferret. Hinc semel Dæmon in obsesso corpore interrogatus, num Sebastianum agnosceret; & quonam is loco tunc degeret; respondit:

De Ulcerato illo quæris? Heu! Heu! nostras ille rapuit sedes.

Obijt autem Vir Sanctus

Anno 1583.

\*\*\*

## FR. IACOBI MEDIOLANENSIS.

EIVSDEM PROVINCIÆ

VICARII PROVINCIALIS

## VITA, ET GESTA.

**I**RATER IACOBVS MEDIOLANENSIS SACERDOS, è Nobili Tuffanorum familiâ Mediolani natus, è Scantiorum genere matrem habuit. Puer sub piâ matris educatione, optimis moribus ac literis instructus, vbi vigesimum ætatis annum attigit, fallaces mundi illecebras fugiens, Diuino afflatu ad Capucinos se contulit, florecentemq; ætatem Deo maturè consecrauit. Hic igitur omnes animi neruos in Regulæ obseruantiam intendens, eam tam integrè assecutus est, vt illi omnium opinione in Regularis obseruantia disciplinâ secundus nemo, hanc inter Fratres laudem adeptus fuerit, vt nemo illo humilior, nemo pauperior, honestior nullus haberetur. Tanta in eo morum honestas, tanta sensuum mortificatio, tamq; Religiosa in omnibus disciplina elucebat, vt vniuersos suo aspectu, ac conuersatione ad virtutem alliceret. Atq; inde factum est, vt cum maximis his virtutibus amplior quoq; prudentia responderet, maiores in Mediolanensi Prouinciâ dignitates consecutus, haud rarò quoque supremum in eâ Ministri Prouincialis munus obtinuerit. Vir hic pretiosi temporis iacturam, ac vanas Fratrum confabulationes ita exhorruit, vt nihil ex illius ore minus graue, aut virtute dignum vnquam auditum fuerit. Horas Canonicas, quæ in Choro perfoluuntur, summâ religione prosequabatur, eâ inter alias ratione, quia ex Nicephori, Calisti, & Socratis testimonio didicerat, sanctum Ignatium Martyrem (qui tertius in Ecclesiâ Antiochenâ à Petro Apostolo Hierarcha fuit, & cum Apostolis omnibus plurimo tempore vixit) Hymnos, quos ab Angelis alternatim in Cœlo decantari audierat, in Antiochenâ Ecclesiâ primùm eo modo concini iussisse. Res sacras, ac præsertim Augustissimum Eucharistiæ Sacramentum maximâ Veneratione complectebatur; & nunquam absque longâ oratione ad sacra Altaris Mysteria peragenda accedebat. Adhæc paupertatis altissimæ studiosissimus, nihil in Monasterij, cùm Superior esset, superfluum, & abundans ferebat: nihil etiam quantumlibet tenue, & exiguum deperire patiebatur. Huius Viri integerrima vitæ probitas, morum grauitas, ac prudentiæ magnitudo, cùm primùm S. Carolo Borromæo,

S. R. E. Cardinali, ac glorioso Mediolanensis Ecclesiæ Antistite perspecta fuit, mox tantum illi apud sanctum Virum gratiæ, ac beneuolentiæ conciliauit, vt is sæpe illius operâ, ac consilio in grauissimis Ecclesiæ suæ rebus vsus, vix eo carere posse videretur. Celebre in Mediolanensi Vrbe Virginum Monasterium B. Agneti dicatum, in quo Regularis obseruantiae vigor, sæcularium cupiditatum æstu incalescente, ita aruerat, vt vix Religiosæ Congregationis faciem præseferret: Iamq; fermè de earû Reformatione S. Carolus Borromeus desperauerat, cum Iacobi illius prudentiâ, pietate, patientiâ ac præsertim precibus ad perfectâ Regulæ obseruantiam illas reuocat. Hinc tantam Iacobus apud S. Antistitem prudentiæ, ac pietatis existimationem sibi comparauit, vt quo tempore lues illa grauissima Vrbem, ac totum Mediolanensem agrum occupauerat, Sanctus idem Cardinalis, tanti Viri prudentiâ, ac virtute perspectâ, illius in curandis Urbis ægrotis, opportunè consilio vsus, eundem, ac plerosquē nostrę Familiæ Fratres in partem sollicitudinis, ac laboris vocauerit: quorum magna pars, in eo Charitatis ministerio, vltro libentissimè pro Christo vitam profudit. Illud autem Iacobus hoc tempore insigne pietatis testimonium præbuit, quod S. Caroli, tum in eum, tum in Capucinorum Ordinem maximè beneuolentiâ auxit. Mediolanensi tunc is Conuentui præerat, cùm frigore inualecente ægrotorum domus, quæ Lazaretum nuncupatur, ob magnam ægrotantium copiam, stragulorum penuriâ laborabat; ex quo graue infirmis, qui frigore cruciabantur, incommodum exoriebatur: quod vbi Iacobo renunciatum fuit, is plaustrum lodicibus, quæ familiæ necessitati inserviebant, onustum, ad piam domum vehendum curat; suorum potius sibi incommodum eligens; quàm ægrotis piâ charitate deesse. Quo facto, totam ita Vrbem permouit, vt pleriquē eo exemplo adducti, deinceps abundè, quæ ægrotis necessaria erant, ministrarent. His maximis pietatis Officijs cùm Iacobus sedulò animum intenderet, eam sibi in Vrbe sanctimonix famam comparauerat, vt ab omnibus vir Sanctus haberetur: tantiq; à sancto Carolo, qui illius sepè prudentiam expertus fuerat, existimaretur, vt absque illius consilio nihil sibi arduum, ac difficile aggrediendum putaret. At neque communi huic de illo opinioni apud omnes conceptæ diuina è Cœlo confirmatio defuit: nam semel cùm inter plaustri rotas maximo, ac certo vitæ periculo dilaberetur, Diuinâ virtute bobus præter morem immotis stantibus, à mortis periculo liberatur. Dum igitur Vir hic præclarus Mediolanensem Prouin-

ciam,

ciam, quam rursus administrandam susceperat, omni studio ac diligentia curat; in Mediolanensi Conuentu laboribus atque itineribus confectus, in ægritudinem incidit; quæ cum indies grauior fieret, à S. Carolo humanissimè inuisitur: qui per duarum horarum spatia cum eo familiariter collocutus, ab eo digrediens astantibus ait: Doleo magnopere; quandoquidem magnus Dei Seruus morte nobis eripitur. Ab eo verò tempore Iacobus, cum extremam sibi vitæ metam imminere intelligeret; toto studio in supremum sese diem parat, quam aquâ sanctimonie famâ tandem absolutam claudit, cuius cum primum obitum sanctus Antistes persensit, nullâ interpositâ morâ pro eo Domino Missæ Sacrificium obtulit, vt sua defuncto apud Deum officia redderet, quem apud homines fidelissimum sibi cooperatorem habuerat. Obijt Vir præclarus Anno 1584.

FR. ZACHARIÆ A TREBIANO,  
GENVENSIS PROVINCIÆ  
VICARII PROVINCIALIS

*VITA, ET GESTA.*



**Z**RATER ZACHARIAS à TREBIANO, Prouinciæ Genuensis Sacerdos, Vir ad omnem Regularis disciplinæ normam compositus, Paupertatis cultor eximius; abstinentiâ insignis; charitate in cunctos, præsertim infirmos singularis; vitæ austeritate clarus; prudentiâ admirabilis, diuturnoque rerum vsu exercitatissimus. Hic cum honores, ac dignitates omni studio refugeret, eò magis ad honorum culmina rapiebatur. Quo factum est, vt sepe Guardiani, Definitoris, ac Prouincialis Ministri in Genuensi Prouinciâ munere magnâ cum admirationis laude functus fuerit. Cum tamen eo munere fungeretur, quantumlibet ex itinere defatigatus, ad Matutinas Horas, communes Orationes, flagellationes, ac cetera Ecclesiæ munera cum alijs conueniebat; ac præter communes cibos, nullum sibi ministrari permittebat. Cum verò deposito Prælationis onere, graui senectute varijsque morbis, ac præsertim quartanâ febre premeretur, aliquando illi ab Infirmorum Præfecto persuasum fuit, vt ad leuandas morbi molestias, hyemali tempore crepidis vteretur; vel saltem læuo panno sandaliorum aream communiri pateretur. Vtrumque præclarus hic Dei Seruus respuit, his verbis vsus: Ne me, Frater, quæso,

iam senem, & ad occasum properantem, nunc primùm, quæ prius multo labore constructa sunt, euertere cogas. Haud equidem ignoro, ob infirmum, ac imbecillum corporis mei statum, quæ persuades, necessaria fore: at quale Iunioribus exemplum relinquam, cum Zachariam Senem à vitæ austeritate ad laxiorem deflexisse, ac mollioribus sandalijs vsum esse intellexerint? An non & ipsi, quod in Seniore perspexerint, id quoque sibi licere existimabunt? Absit, Frater; vt hæc vitæ mihi macula irrogetur. Plurima huius sancti Viri gesta, ac virtutes à nostris silentio præteritas fuisse, nostra M. S. testantur: quibus eam apud Deum gratiam consecutus fuerat, vt pleaque futura prænosceret: abdita quoque quamplurima, quæ nulla præterquam Dei luce agnosci poterant, pro rerum, ac personarum exigentiâ manifestaret. Nouitium ad Physicorum desperationem agrotantem, ac Dæmonis tentatione de Dei misericordiâ desperare incipientem, imposito Professionis Caputio à tentatione penitus liberat; ac tandem Nouitius Ecclesiæ Sacramentis munitus spiritum in Dei misericordiæ sinum exhalat. Postremò Vir hic præclarus, cum multis pro Genuensi Prouinciâ pijs laboribus functus esset, Septuagenario maior in Conuentu Genuensi, haud exiguâ sanctimonix famâ post se relictâ Anno 1585. cum pietate quietem in Domino accipit. Biennio verò post mortem expleto, corpus ipsius ita integrum, & incorruptum in sepulchro reperitur, vt anima incorruptibili gloriâ donata crederetur.

FR. IOANNIS BAPTISTÆ  
PRATTENSIS, BONONIENSIS PROVINCIÆ

VICARII PROVINCIALIS

VITA, ET GESTA.



BATER IOANNES BAPTISTA PRATTENSIS, Bononiensis Prouinciæ Prædicator; Hic cum Bononiæ inter sæculares Iuuenes, Ciuiliū ac Sacrarum Legum studijs operam nauaret, sæculi vitia studiosè fugiens, dignam Religioso homine in sæculo vitam debebat, ita vt quartam, & sextam feriam cuiuslibet hebdomadæ arcto panis & vino ieiunio coleret. Hinc ad præstantiora Religionis studia à Domino euocatus, cum libros vniuersamq; domus suppellectilem, ne vestimentis quidem sibi relictis, in pauperes

crogâ-



erogasset; tantâ morum honestate, actuum moderatione, oculorum modestiâ, animi humilitate, totiusque interioris, atque exterioris hominis compositione vitam instituit; vt qui perfectum, ac numeris omnibus absolutum Religiosi hominis simulacrum expeterent, ijs vnus Ioannes Baptista satis esset: Etenim in eo vniuersa virtutum genera tam præclare elucebant, vt eum, velut Cœlestem hominem, omnes tum Fratres, tum Sæculares homines admirarentur. Inerat ei quædam naturæ grauitas, cum animi humilitate, & affabilitate coniuncta, quæ vniuersos ad sui beneuolentiam, ac reuerentiam attrahebat; grauitati, prudentia coniuncta erat. Hinc postquam ad Nouitiorum curam vocatus fuit, ad Ministri Prouincialis dignitatem euectus, tanto consilio ac prudentiâ, totque virtutum exemplis munus illud administravit, vt Bononiensis Prouincia, eo moderatore, tum in Regulari disciplinâ, tum in omni virtutum genere incrementa dederit. Nihil ex illius ore vanum, aut inane defluebat: tanta in puniendo ei mansuetudo inerat, vt cum aliquando flagellationem iniunxisset, eiusdem se flagellationis Socium adhiberet; ita vt qui aliquam ab eo correptionem tulissent, non solum meliores fierent, verum etiam singulari illum amore complecterentur; adeoq; vt nullus (quod perrarum ac insolitum est) quamdiu is Prouincialis munus gessit; neque post illius è vitâ discessum, de eo vnquam conquestus fuerit. Tantâ inimicos Charitate prosequabatur, vt aliquando, qui sibi necem machinatus fuerat, amplexatus, rem perpetuo silentio inuoluerit. Hac Cœlesti Prudentiâ Nouitium quoque Antonium nomine Fauentiæ à graui quadam Satanae tentatione liberat. Regularem obseruantiam, ac præsertim Euangelicam Paupertatem, antiquamq; Ordinis simplicitatem à Patribus traditam, quamdiu Bononiensem Prouinciam rexit, illâsam seruauit. Animum verò ab omni honorum ambitu tam alienum gerebat, vt non nisi inuitus ad dignitates raperetur. Inter eas autem tantâ humilitate infima quæque domus obsequia præstare visus est, vt coquinaria vasa ablueret, domus pauimenta verrere, Fratrum pedes lauare, aliorum tunicas refarcire, legumina cum Fratribus Laicis mundare familiare illius studium esset. Ad quendam Agricola odij sæuientem pransurus aliquando accedens, pluribus verbis, ac rationibus reconciliationem persuadere nititur; quo tamen Ioannis Baptistæ verba nihili faciente, ne quicquam cum eo commune haberet, sed neque cibos tanquam Dei amore dignos acciperet, Pallio, ac Sandalijs in prandij pretium proiectis, confestim ad Conuentum viam



carpit: quo egresso, à mulieribus, quæ Viri sanctimoniam nouerant, tot gemitus, tot eiulatus funduntur, vt Agricola animus mollescere cœperit, ac in mutuam cum hostibus pacem consenserit. Perditum quoque Virum, qui in ipso summo vitæ discrimine nihil præter in Deum blasphemias, ac Diabolica verba eruere audiebat, fusis pro eo obsecrationibus, ac communi Fratrum flagellatione institutâ, Ecclesiâque proprio sanguine conspersâ, ita eum ad poenitentiam commouit; vt cum animam, quam septimo abhinc anno in expiatam gesserat, Sacramento à peccatis expiasset, ac Dominico Corpore multis lachrymis, ac veræ poenitentiae gemitibus recreasset, sacro tandem Oleo inunctus obierit. Occultas quoque animi cogitationes Ioannes Baptista penetrans, Clericum aliquando Mercurialem nomine, ex itinere defessum; qui cum duas rubentes in vineis conspexerat, sed propter Patris rigidum ieiunium tristis ijs recreari desperaret, accitum his verbis affatur: Quid tu, Mercurialis, intus in animo cogitatione volutas? Age; citò ad Vindemia- tores illos accede; ab ijsque vtriqûe vnam postula. Quâ allatâ, ne pudorem Clerico excitaret, ex eâ paululum degustans, reliquam illi edendam tradit. Pari quoque modo in vespere, cum apud Ordinis Benefactorem lautiori mensâ, varijs carnibus instructâ, excepti fuissent, Charitati magis consentaneum existimauit, spontaneum ieiunium ipso etiam carniû esu violare, quàm necessariæ alijs refecti- onis confidentiam adimere. Quapropter, cum ciborum, qui appositi erant, nonnihil leuiter degustasset, non ieiunium soluit, sed Charitatem ieiunio prætulit, ieiuniumque fraternâ Charitate accum- ulauit. Tandem præclarus hic Vir, cum Bononiensem Prouin- ciam multis virtutum exemplis illustrasset, Fauentiae graui morbo afflicti- onis cœpit; in quo, cum admirabilis patientiæ, ac pietatis documenta ceteris præbuisset; morti tandem proximus, Regulæ codicem manu tenens, oculosque lachrymis perfusos ad Cœlum attollens, eorum, quæ in promissam Regulam fortè deliquerat, à Deo veniam postulat: Virginemque Deiparam, ac B.P. Franciscum sibi propitios inuocans, sic tandem letho oculos claudit, immortaleque post mortem apud suos nomen reliquit. Obijt Anno 1586.



FRATER IACOBVS A PETRA RVBIA FF<sup>lm</sup> CAPVC<sup>lm</sup>  
 PENAE PROAE VICARIVS PROLI

# FR. IACOBI A PETRA RVBIA, PICENÆ PROVINCIÆ

VICARII PROVINCIALIS

*VITA, ET GESTA.*



**I**RATER IACOBVS à PETRA RVBIA, Picenæ Prouinciæ Sacerdos, tametsi genere ignobilis; virtute tamen, ac rerum gestarum splendore illustrissimus, cum primùm Religionis spiritum hausit, cum vitæ austeritate exactissimam Regularis obseruantia disciplinam complexus, id suâ virtute assecutus est; vt post inferiores illius Prouinciæ dignitates præclare administratas, ad supremum Prouincialis Ministri munus, Electorum omnium consensu assumptus fuerit. Quo in munere virtutes, quas ante susceptum onus sibi comparauerat, plurimis nouis virtutibus auxit. Exteriorem namque hominem primùm ornabat Abstinentiæ virtus, quâ tam seuerâ gustus sensum lege coërcere consueuerat; vt cum pleraquæ, præter ea, quæ ab Ecclesiâ, vel Regulâ præscribuntur, ieiunia obseruaret, in his sæpissimè nullum, præterquam panis, & aquæ edulium ac potum gustaret. Verùm alteram huic seueriorem abstinentiæ legem copulans, ipsam quoque panis saturitatem sibi prohibuerat: quo fiebat, vt perpetuâ ferè inediâ vexaretur. Porro id sibi Iacobus fixum in animo statuerat, eo tantummodò cibo vti, qui ad vitæ alimentum illi satis esset: quare ab ijs omni diligentia cauebat, quæ vel gulæ appetitum irritarent, vel ex naturæ propensione peculiarem illi oblectationem afferrent. Hinc cum naturali quodam appetitu ad fructuum esum traheretur; vt sensus voluptatem iugularet, per 40. annorum spatium, vltro à cunctis fructibus sese continuit. Quadragesimale Epiphaniæ ieiunium quadraginta annorum spatio absque vllâ intermissione possedit, neque itinere, vel infirmitate, ac virium imbecillitate confectus, ab eo arceri potuit. Illustrabat præterea morum honestas; quâ Vir hic ita præditus fuit; vt cum trium annorum spatio Nobilis cuiusdam Matronæ, cui ex Ministri Generalis indulto, Anconæ Confessiones excepisset, eam nunquam ex vultu, sed ex voce tantummodò loquentem agnouerit. Exornabat denique altissimæ Paupertatis cultus, cuius sic amore afficiebatur, vt nec quicquam penitus illius

animum

animum oblectaret, nisi in eo paupertatis vestigia intueretur. Admirabilem vitæ ipsius austeritatem, carnis macerationes, corporis castigationes, ceterasque sensuum mortificationes prætereo; quibus exteriorem hominem ita ad virtutem composuerat; ut ab eo quisque ad benè, beateque viuendum documenta haurire valeret. Cæterum interiorem illius animi faciem tot præclaræ virtutes honestabant, ut quænam illarum potiorum in eo locum sibi vendicaret, haud facile dignosci posset. Fulgebat Humilitas, quæ hominem, licet dignitate conspicuum, ad vilia quæque, ac infima domus officia absque vilo discrimine obeunda prouocaret. Elucebat Mansuetudo, quâ illatas iniurias, ac contumelias tam bellè excipiebat, ut contumeliosos ipsos beneficijs oneraret, ac maiori beneuolentiâ complecteretur. Ardebat Charitas, quæ illum ad vniuersas gregis sui oves tanto studio curandas pelleret, ut pro ijs seipsum impendere non dubitaret. Neque enim ob grauioris morbi, ex quo sæpè sanguinem ex ore euomere compellebatur, afflictationem, aut alterius ægritudinis incommoda, visitationem vnquam omittebat. Flagrabat denique frequens, ac feruens orationis studium, quod cum hominem ab hominum, quoad fieri poterat, consuetudine abstractum, ad solitaria ut plurimum loca orationis amica propelleret, Diuinarum rerum contemplationi ubique tam aptum, atque assiduum præstare consueuerat, ut maiorem in eâ nocturni temporis partem infunderet. Hinc plerumque Dæmonum, qui pias illius vigilias, ac orationis studium interturbare conabantur, infestationes tulit, techas detexit, ac de eo gloriosas victorias obtinuit. Cæterum assiduum hoc feruentioris orationis studium, pleraque illi à Deo dona conciliauerat, quæ Coelestem potius quàm communem hominem indicarent. In his fuit Prophetiæ spiritus, quo imbutus multarum rerum, quæ deinde acciderunt, futurum euentum prædixit. Huius orationi adscriptum fuit, ut cum Romam Anno 1584. ad Generalia Comitia cum alijs quatuor pergeret, quinque panes illis à Coelo ministrati fuerint. Asculi quoque sancti Viri merito vas vino vacuum semiplenum redditur. Plurimæ verò Beati huius Viri reuelationes, ac gesta desiderantur, quæ suo tempore minimè conscripta, hominum nunc memoriam effugiunt. Hic tandem in Asculano Conuentu morbo oppressus, cum iam ad vitæ finem peruenisset, à Paulo Sarnanensi, quota hora noctis sit, percunctatur. Cui cum Paulus quintam imminere dixisset: Bene, (inquit,) duæ duntaxat mihi adhuc vitæ horæ supersunt. Neque eum hora præterijt:

septimâ namque noctis horâ, sensibus integris, animoque optimè cum Deo composito, inter Dei laudes ex hoc mortali domicilio migrat. Cuius post mortem gloria cuidam Fratri diuinitus declarata fuit; qui cùm in Ecclesiâ solitarius oraret, magnam Fratrum Capucinatorum turbam, consuetæ Processionis more, Ecclesiam ingredientem conspicit. Hi cùm albas vestes induti præcederent, Iacobus & ipse albis indutus, ac insuper magnificâ quadam stolâ auro texta, ex qua pretiosissimâ fimbriâ pendebant, amictus, atque in sellâ gestatoriâ à pluribus in testimonium honoris delatus sequebatur: qui cùm ad orantem Fratrem peruenisset, primùm culpæ illum cuiusdam arguit; tùm post colloqui longioris moram, tandem in Cælum concessit. Frater verò, qui hac visione fruitus est, quæ sibi dicta fuerant, silentio celans, Iacobi duntaxat gloriam velut certam cunctis prædicauit. Obijt Vir Sanctus Anno 1586.

FR. AMBROSII A CIVITATE DVCALI  
VMBRIÆ ET S. FRANCISCI PROVINCIAE

VICARII PROVINCIALIS

VITA, ET GESTA.

**I**RATER AMBROSIVS à Ciuitate Ducali Concionator prudentiâ ac virtutibus clarus, cùm summâ vitæ integritate, morum disciplinâ, Regularis obseruantia zelo, ac consilio antecelleret, S. Francisci Prouinciam tam præclare per aliquot annos administravit; vt & austerioris vitæ exemplis, & suâ virtutum luce maximè Seraphicam huius Prouinciæ Familiam illustrauerit, ac Regulari obseruantia auxerit. Hic Vmbriæ Prouinciam nudis pedibus, absque Sandalijs, toto triennij spatio collustrans, ardentioribus verbis filios suos ad virtutum perfectionem alliciebat. Feruentissimus quoque suæ tempestatis Concionator fuit; Dominicæ potissimum Passionis inculcator. Virginitatem perpetuò coluit: cui cùm Dæmon mulieris cuiusdam procacitate insidias tendit, fugatâ muliere illius technas euadit. Tantæ denique virtutis fuit, vt ad mulierem moribundam, Adrianam nomine, vocatus, quæ tum auditus, tum linguæ iam sensu carebat, cùm eam nomine suo appellâisset, illa protinus ad sensus rediens, ac rediuiua responderit, breuiq; incolumitatem assecuta fuerit. Hic tandem cùm ad 60. ætatis annum,

cœlestibus opibus diues, pertigisset, Spoleti graui morbo corripitur. Obijt verò Vir præclarus sanctimonie famâ apud omnes relictâ, Anno 1587. Cuius illud post mortem argumentum fuit, quod ipsius caro tam mollis, ac tractabilis, faciesque tam decora extitit, perinde ac si viuentem, non defunctum ostenderet: quem præterea, hac ipsa sui obitus die, Fr. Valentinus Interamnensis, Vir virtute clarus, ad Cœlestem gloriam ascendentem conspexit.





FRATER PETRVS AMVRSIO FF. CAPVC. PICENÆ  
PRÆ VICARIVS PRŌLIS.



# FR. PETRI A MVRRO.

## PICENTIS PROVINCIÆ

VICARII PROVINCIALIS

### VITA, ET GESTA.



**P**RATER PETRVS à MVRRO, Sacerdos & Concionator, Vir præclarus, cum apud sæculum Iurisperi-  
tiâ, clarus, Prætoris aliquando officio, haud sine in-  
tegritatis laude functus esset, muneris illius peri-  
culo territus, ad tutiorem vitæ statum apud Capu-  
cinos se contulit. Vbi admirabilem vitæ rationem  
instituit, tot maximarum virtutum splendore illustrem; vt cum  
primùm hæc, velut in theatrum prodire, is protinus tum ad me-  
diocres, tum ad summos in Piceni Prouinciâ dignitatum honores  
euectus fuerit. Picentem Prouinciam Vir hic aliquamdiu tantâ  
prudentiâ, consilio, Regularis obseruantia rigore, virtutum exem-  
plis, ac sanctimoniam laude administrauit; vt nihil in eo, quod ad  
optimum Religiosi Gregis Pastorem spectaret, desideraretur. Tantâ  
Vir hic illustris in vultu, in gestu, in verbis, ac totius corporis com-  
positione, pudicitia venustate fulgebat; vt qui in eum oculos conij-  
ceret, protinus illius virtutis amore caperetur. Quo fiebat, vt non  
nisi ægrè cum mulieribus colloqueretur: rarè etiam, nisi id necessi-  
tas interdum postularet, cum Fratribus conuersaretur: diutius  
enim in solitudine orare, ac diuinæ contemplationi vacare solitus  
erat. Hinc Diuinæ prædicationi insistens, cum Dei verbum prius  
cum oratione maritaret, haud mirum, quod vberes semper anima-  
rum foetus produceret, & copiosos Christo filios generaret. Cum  
semel prædicaturus per Montis S. Martini Oppidum iter faceret,  
cuiusdam nobilis tot vulneribus saucij, vt illius à Medicis salus iam  
desperata esset, cum post orationem ter vulnera signo Crucis ob-  
signasset, statim morbo mitescente æger ad pristinam incolumita-  
tem redijt. Post hæc, cum in Conuentu Urbini Guardiani munus  
ageret, mulier quædam Nobilis hydropisi laborans, Crucis signum  
instantissimè ab eo ad morbi curationem querebat. Cui Petrus,  
importunis mulieris precibus victus: Ego quidem, mulier, quo  
fungor Sacerdotis officio, Crucis signum exhibebo: tu ne malum  
Sacerdotem consideres; sed plenam in Deum fidem erige, qui



potenti hoc Crucis signo incolumitatem conferre valet. Tum Crucis signo super ægram formato, abiit. Postridie illa incolumis è lecto surgit, ad Capucinorum Ecclesiam se confert, Deo, & Petro Dei Seruo gratias actura. His & alijs Dei donis cohonestatus Vir illustis, cum suum iam vitæ finem sibi imminere intelligeret, Amendulam proficiscitur; vbi, ut extremum diem clauderet, iam pridem à Domino petierat: ibique visitationis curriculo interrupto, aduersâ valetudine correptus, ad vitæ coronam euolat Anno 1588. Post ipsius obitum Fr. Gabriel à Monte Nouo, & Vincentius à Porciâ, qui Viri sanctimoniam venerabantur, inter se condicunt, ut quid Petro post mortem in Dei iudicio acciderit, impensius in oratione à Deo postulent. Haud diu ab ijs oratum, cum vterque suâ Petri visione potitur. Prior Gabriel, cum Petrum, velut in Capitulo Fratibus prædicantem, ac valedicentem perspexit, ad se tandem conuersum, hisque verbis compellantem audit: Eia, Gabriel, meas ego partes egi: iam verò tuæ partes incipiunt. Hisque dictis euauit. Quibus, cum illum in Prouincialis munere sibi successurum prænucciaffet, res, uti prædixerat, euenit. Alter verò Vincentius Petrum hilari vultu inter splendidos quosdam Ministros consistentem cernit: qui cum Sacra Mysteria celebraturus esset Pontificalibus illum vestibus niue candidioribus ornabant: ex quo illum in cœlesti gloriâ inter optimos Ecclesiæ Pastores collocatum didicit.

\* \* \*





FRATER BERNARDVS AVXIMENSIS FF<sup>tm</sup> CAPVCINORVM  
 PRO: PARISIENSIS VIC. PROLIS

## FR. BERNARDI AVXIMENSIS.

## PROVINCIAE PARISIENSIS

## VICARII PROVINCIALIS

## VITA, ET GESTA.



**B**RATER BERNARDVS AVXIMENSIS, Concionator, tenui ex familiâ ortus, natalium obscuritatem maiori virtutum luce illustravit: Cùm enim maturâ iam ætate inter Capucinos adscriptus esset, maiori cum prudentiâ Euangelicæ perfectionis studium aggressus, breui illud virtutum culmen attigit; vt inter illustriores illius Prouinciæ Viros locum, & nomen sibi compararet. Regulæ, & Constitutionum Generalium obseruantissimus, tam ingenti paupertatis, abstinentiæ, atque austeritatis rigore excellebat; vt cum carne fœdus pepigisse videretur, ne vllâ vnquam sensus voluptate frueretur. Pauli Apostoli consilium secutus, ab omnibus se abstinens, ipsa quoque naturæ necessaria interdum exuebat. Cæterùm perpetua illi erat cum ciborum satietate lucta: Sextas quasque Férias, ac reliqua Domini Sabaoth, & Beatissimæ Virg. atque aliorum plurimorum festorum peruigilia, perpetuo panis & aquæ ieiunio celebrare consueuerat. Hyemis verò tempore, in frigore, & nuditate Domino famulabatur. Porro quàm Deo id gratum esset, Cœlesti aliquando testimonio manifestum fuit: Cùm enim brumali tempore è Galliâ Romam proficiscens, inter Auenionem & Massiliam cum Socio iter faceret, frigidissimâ aëris temperie penè gelu constringerentur; eo tempore puer quidam egregius testam prunis ardentibus plenam gerens, à tergo accedit, hisque illos gratiosè verbis affatur: Patres mei, si vos frigus cruciat, ad ignem accedite. Illi verò cùm facie ad Puerum versâ, à tergo respicerent, maximam ignis pyram in planitie mox ardentem conspiciunt: quo dum pergunt puerum cum testâ inde euasisse animaduertunt. Quapropter ad rogam accedentes, dum frigus depellunt, Diuinam Clementiam pijs laudibus extollunt. Tantâ sui ipsius despectus cupiditate flagrabat, vt tametsi dignitate superior esset, vilia tamen quæque domus ministeria iucundissimè subiret: Sæpe etiam in Capitulo seipsum genuflexus coram

Fratribus accusaret, ac flagellis caderet. Præter hæc prudentiâ, & consilio ita excelluit, vt Secundus in Parisiensi Prouinciâ Vicarius electus fuerit: quo in munere tanto virtutum splendore coruscavit; vt non modò gregarios homines, verùm & ipsos Reges ad sui admirationem, atque amorem alliceret. Quadam Natalis Domini die, cùm Henricus III. & Ludouica Regina Coniunx ad Ecclesiam nostram conuenissent; accidit, vt Vir quidam à Dæmone obsessus nimium strepitum ederet: at Bernardus vix primo Dæmonem præcepto ad exeundum compulit; cùm is præcepto obediens, hominem liberum reliquit: ex quo maiorem sibi sanctimonie famam comparauit. Parisiensem Prouinciam bis Vicarij Prouincialis in eâ munere functus, plurimùm in Regularis obseruantie perfectione, verbis, & præclaris vitæ exemplis confirmauit. Ita Orationis studio tenebatur, vt aliquando in quædam solitaria Conuentus Meudonensis Oratoria secedens, ab omni confortio remotus, prius quindenos, postea quadragenos in Oratione, & rerum Diuinarum contemplatione dies infumeret. Porro, ex frequenti Orationis studio, & diligenti sui ipsius custodiâ, cui sedulò inuigilabat; tanta in eum mentis puritas emanauerat; vt non semel, cùm ad Poenitentie Sacramentum accederet, è vultu lucis radios fulgurare visus fuerit; qui Cœlestis interni candoris testes essent. Haud rarò quoque à Nobilium pedisequis, per Capucium huc, illucque raptatus, suâ patientiâ vniuersa hominum ludibria superabat. Vir fuit omnium opinione ad miraculum pius. Cùm in Gallie Regno aliquando bellici tumultus ebullire cœpissent; numerofo Fratrum agmine Parisijs conuocato, solemnem ex his ad publicam Regni quietem à Domino impetrandam à Parisiensi Conuentu ad Carnutensem vsque, duodeviginti leucarum Gallicarum spatio, Supplicationem instituit: in qua Fr. Angelus Ioiofæus, qui superiori anno de sæculi delicijs, atque è sublimiori Ducalis Dignitatis gradu, ad Capucinos euaserat, grauiori Cruce onustus, ac spineâ Coronâ redimitus; vtpote Diuinam Christi Domini personam referens, cæteros præcedebat. Porro res noua, & pietatis plena, populos maximè permouit, vt Viri pietatem maximè commendarent. Bernardus igitur, cùm ad sextum vsque annum Parisiensem Prouinciam magnâ cum prudentiâ, & sanctimonie laude administrasset, in Picenum redit: vbi dum ardentius verbum Dei disseminat, Euangelicamque prædicationem præclarioribus virtutum exemplis exornat, nonnullis à Deo signis

illustratur. Quidam enim ex nostris Sacerdos, Ioannes Baptista nomine Anconitanus, qui à pluribus annis grauissimâ cephalalgia detinebatur, cùm à Bernardo Crucis signum postulasset, eo accepto, tam perfectè à morbo conualuit, vt nunquam deinceps eo cruciatus fuerit. Alterum quoque à Dæmone vexatum curat.

Postremò, cùm ad sexagesimum quartum ætatis annum peruenisset, vitæ cursum magnâ cum virtute expeditum,  
fine haud absimili absoluit

Anno 1591.





FRATER BARTHOLOMAEVS CAESENAS FRATREM  
CAPVC. <sup>ANT</sup> PICENTIS PROÆLVICARIVS PRÖLIS.

FR. BARTHOLOMÆI

CÆSENATIS, QVI EREMITA NVNCVPATVR,

PICENTIS PROVINCIÆ

VICARII PROVINCIALIS

*VITA, ET GESTA.*

**B**RATER BARTHOLOMÆVS CÆSENAS, Sacerdos, ex Nobili Cacciaguerræ familiâ ortus, cum primum Iuuentutis florem varijs simulatibus intricatus traderet, per quendam aliquando Cæsenæ vicum solus deambulare sibi in animo proponens, vix primum in vicum pedem intulerat, cum vocem sibi audire visus, quasi alicuius eum, ne per vicum illum incederet, monentis. At vocem ille contemnens, pedem iterum in vicum profert; rursumque se ab eadem voce absterreri percipit. Tertiò quoque, cum voci reluctans, gressum in vicum dirigeret, vi maiori se detineri, & à voce durius se increpari audiens, eidem tandem sibi parendum statuit. Quare domum rediens, certo mox nuncio, necem sibi ab hostibus, quam effugere non valeret, eo in vico paratam fuisse accipit. Quare Dei beneficium, variaque mundi pericula agnoscens, sæculo valedicit, & in Capucinorum Familiam sese transfert. Vix Bartholomæus annum probationis exegerat, cum aliquando in Ecclesiâ oranti IESVS CHRISTVS, vnà cum Matre Virgine, gloriosi apparent, eumque his Beatissima Virgo verbis compellat: Bartholomæe, quandoquidem hac te Filius meus gratiâ cumulare voluit, vt è Cœlo ad te veniret. æquum planè est, vt aliquo eum dono excipias. Cui Bartholomæus: Æquissimum sanè, ô Angelorum Domina, sed vnde illud mihi comparare queam, ignoro. Dum hæc ita fatetur, discum fructibus plenum in Choro positum animaduertit: quem vberiori lætitiâ perfusus accipiens, illum Christo Domino summâ cum animi reuerentiâ offert. At Christus fructibus, qui in disco erant, inspectis, hæc Bartholomæo respondet: Fructus hi, quandoquidem maturitatem nondum sunt adepti, nec grati, nec gustui meo suaues esse possunt. His cum Christus Bartholomæum dictis mœstum dimisisset, adfuit extemplò Beatissima Virgo, quæ eun-

dem

dem his verbis consolatur: Ne animo concidas, Bartholomæe; altera post hæc tempestas adueniet, cum fructus maturescant, atque iucundi Filio meo erunt. His cum dictis Visio terminata esset, Bartholomæus diuinitus seedoctum intelligit; vt per Pœnitentiæ, & cæterarum virtutum fructus quos in Probationis anno necdum maturos protulerat; eo nunc expleto ad perfectam maturitatem prouocet. Quapropter hac nouus Tyro doctrinâ imbutus, tam impigrè à principio carnis concupiscentias persecutus est, vt cum parùm illi videretur, eam quotidianis ieiunijs edomare, vniuersas Quadragenas B. P. N. Francisci ieiunio consecratas ( quibus si alias, quæ à Regulâ præscribuntur, coniungas, totum ferè annum absorbent ) legitimo sempiterno ieiunaret. Dies ita dispensare solitus erat, vt vnâ quidem die leuem tantùm cibum sumeret; alterâ omninò à cibo abstineret: hacque dierum alternatione, atque ieiunij formâ totum anni circulum perageret. Ieiunio haud cætera dissentanea: flagellationes namque sanguine redundabant: Somnus ad sesqui horam, vel ad tertiam ad summum extendebatur: & cum procero & gracili corpore esset; tam angustum nihilominus ex viminibus, in quo iaceret, in cellâ sibi præsepe leui paleâ stratum confecerat, vt vix illud corpus caperet; tamque breue, vt in eo iacens tibias extendere minimè valeret. Euangelico denique in se odio excandescens, Prouincialatum fugiendo declinat. Orationis verò studium Viro Dei tam assiduum erat, vt præter diei horas, quas post exoluta sui officij munera ( sæpe enim tum Guardiani, tum Magistri Nouitiorum, tum etiam Prouincialis Vicarij munere functus fuit ) quotidie orationi dedicaret, vniuersas noctis horas, tribus exceptis, in orationem, ac rerum diuinarum contemplationem infunderet. In eâ verò tantâ interdum spiritus voluptate fruebatur; vt Fr. quidam Franciscus nomine, qui clam orantem obseruabat, illum tam diuino spiritu ebrium animaduerteteret; vt vultu cœlestibus flammis ardenti Crucem quandam, quæ in horto eminebat, amplexaretur; hæcque tantùm verba promentem audiret: *Sat est, Domine, sat est.* Mentis quoque haud semel excessus patiebatur; in quibus pleraque illi Diuina pandebantur. Ex hoc Diuinæ charitatis æstu, inexplebilis quædam Diuini honoris fames in eo exoriebatur. Tanta quoque erga quoscunque, siue pauperes, siue ægrotos, siue molestiâ aliquâ affectos Charitatis flammâ ardere visus est; vt nihil Bartholomæus tam sibi necessarium esse putaret, quin ad alterius inopiam subleuandam



libentissimè non conferret. Hinc mulieri pauperculæ brumali tempore, pallium, ac præterea ampliora quædam panni præsegni-  
na, quibus habitum confarcinauerat, disfluens, absque mora largi-  
tur. Nouitium acrius à frigore vexatum, suo se habitu spolians  
induit. Alteri etiam Fratri, qui Sandalijs indigebat, propria tri-  
buit. Tertio quoque, cui pallio opus erat, proprium erogat. Per  
id tempus tam alta in Camerinenfi agro nix è Cœlo ceciderat; vt  
egeni maximâ necessitate premerentur. Quapropter mox binos  
Fratres, pane ac leguminibus onustos, in proximum pagum desti-  
nat, qui in pauperes annonam dispertiantur. Homini, qui syluam  
ingressus, castaneas furto surripiebat, in flagranti crimine depre-  
hensò, ei cibos parari, castaneasque liberè secum ferre iubet. Al-  
teri qui brassicam furtiuè ex horto surripuerat, brassicarum illi nu-  
merum addere, ligna insuper, quæ ad brassicam coquendam suffi-  
ciant, ministrare imperat; sicque semper eodem Charitatis spiri-  
tu, pauperes tametsi damnum inferentes, prosequabatur. At cum  
vera Charitas à Deo tentatione, & patientiâ probari soleat; haud  
mirum, quod illum D. O. M. tot Diaboli tentationibus exagi-  
tari voluerit; vt planè incredibile sit, quo pacto hominis imbecilli-  
tas tot Tartarei huius malleatoris tonsionibus, ac molestijs par  
esse posset. Tot enim nèquissimi illi Spiritus diu, noctuque in eum  
artes, arma, ac bella parare; tot leonum, tigrum, luporum, ac sæ-  
uissimarum ferarum velut in eum irruentium passim formas obij-  
cere; tot demum minis, terroribus, & conatibus aggredi, & op-  
pugnare visi; vt in eo Dominus perfectum constantiæ, ac toleran-  
tiæ simulacrum posteris admirandum, exhibuisse videatur. His  
itaque tentationibus diu probatus Dei seruus ad eum tandem di-  
uinæ amicitie gradum conscendit; vt & Prophetiæ spiritu futura  
prædiceret, ac Diuinis reuelationibus sæpè frueretur. Basilio enim  
à Mondauio, ex nostris Sacerdote, Frater erat in sæculo adolescens;  
cui Bartholomæus futurum aliquando prædixit, vt Deo in Castris  
Capucinorum militaret. Hieronymæ, Antoniæ Pellicanæ Mace-  
ratenfis filiæ, grauiter ægrotanti incolumitatem pollicetur, eâ con-  
ditione; vt Ordinis S. Hieronymi habitum per annum induat: Vo-  
tum incolumitas mox secuta. Alteri verò eiusdem Sorori morbo  
correptæ, mortem prædicit. Iuenculæ præterea, quæ nuptura  
erat, infaustas nuptias, re succedente, prænunciat. Alteri futuram  
claudicationem, ex morbo contrahendam præsignificat: sibi verò  
febrim, quæ iter suum ad Capitulum interciperet, Fr. Francisco à

Matelicâ prædicit, ac tandem quo loco, ac tempore supremus dies sibi futurus esset, Ioanni Baptistæ à Mercatello per litteras aperit. Cùm autem Nouitiorum educationi præesset, à Christo aliquando, ac B.P.N. Francisco sibi astantibus admonitus, Nouitium è Religione extrudere cogitur. Rursus, cum Æsij Guardiani, & Magistri Nouitiorum officio fungitur, orans mente excedit; ac in excessu Nouitij cuiusdam è Religione egressum diuinitus accipit. Aduenis Fratribus aduentantibus, cùm ne quidem buccella in penu residua esset; in Ecclesiam ad orationem secedit, in quâ ex Diuinâ reuelatione cognoscit vberem quandam volatilium, atque aliarum carniarum annonam, sub secundam noctis horam à Nobili quodam mittendam fore. Cumque secunda noctis hora immineret; necdum ianuæ tintinnabulum pulsatum fuerat; cum Vir Dei ad popinæ Præfectum: Festina, inquit, ad Conuentus fores: tenamque præ foribus expectant, qui nobis cibaria deferunt. Ad fores festinat Præfectus, ac plerosque famulos assis volatilibus, & vitulinis carnibus, aliisque edulij onustos eò aduentasse offendit; quibus Diuinæ illius reuelationis veritas comprobata fuit. His quoque nonnulla Miracula ab eo Diuinâ virtute patrata accedunt; quorum aliqua enarrare libet. Fani Petrus Angelus Borgogninus, Cinis Fanistris grauitè ægotans, cùm Viri Dei suffragia apud Deum implorasset, is per integram noctem in Crucifixi Ecclesiâ orans, incolumitatem ægroto impetrat, eamque manè Faustinae Vxori certò futuram pollicetur. Post hæc puella quædam Iosephi Maceratenfis filia, iam desperatâ valetudine, extremo cum morte agone colluctabatur; quam Vir Sanctus post breuem orationem signo Crucis consignans, protinus abscedit. Vix autem domus limen egressus fuerat, cùm puella reuiuiscens certa incolumitatis signa prodit. Post hæc cùm Vir quidam in Ordinem beneuolus, vindemiarum tempore Fratres ad vindemiam vocauisset; quò cùm & is concessisset, Coelum nubibus obductum copiosos imbres minabatur: quo tempore dum Fratres, & vindemiatores, vt imbrem fugiant, tectum sibi consulere parant, is cunctos stare, nec imbres timere iubet: fore etenim pollicetur, vt ne gutta quidem imbrum in eâ vineâ cadat. Res profectò tunc omnibus mira: cùm enim loca omnia circum, nubes aquam effunderent, in eâ tantum vineâ, iuxta Viri Dei verbum, ne quidem imbris gutta defluxit. Nouanæ præterea, Fratrìs cuiusdam Didaci ex nostris Sacerdotis Matrem à Dæmone obsessam solo vocis imperio liberat.

in Camerinenſi Conuentu cùm paululum panis , quod familia refiduum erat, pauperi cuidam erogari iuſſiſſet , à Deiparâ , vel ab Angelo ſub mulieris ſpecie, caniſtrum albo, ac recenti pane refer- rum accipit , quæ mox ex oculis lanitoris euanuit. Rurſus in eo- dem Conuentu , cùm Familia pane ad reſectionem careret , Vir Dei Fratres ſecum ad orationem impellit ; ijsque vnâ ante Sacrum Eucharistiæ Altare orantibus , ingens ſtrepitus in cellâ panaria au- ditur : ad quem cùm Fratres accuriſſent , neminem quidem in eâ offendent ; at arcam panariam ad os uſque reſertam conſpicien- tes , Angelorum miniſterium eo ſtrepitu declaratum agnoſcunt. Præter hæc , alia quoque miracula ab eo patrata referuntur , quæ indicare magis , quam explicare libet. Maceratæ Iacobæ Fornar- iæ , Nobilis Maceratenſis Nepotem ſigno Crucis à febre curat. Mulierem Nouanenſem hætenus ſterilem ſigno Crucis fœcun- dam reddit. Bernardinam Pellicaniam Maceratenſem , à graui ca- pitis dolore , quo diu laborauerat , eodem ſigno Crucis adhibito li- berat. Alteram quoque Oppidi ſanctæ Lucię mulierem , eodem Capitis languore correptam ſigno Crucis obſignatam ſanat. Io- ſephum à Monte Sancto , & Bonauenturam Marinenſem , Capu- cinos Sacerdotes , ſanguinis profluuiſ laborantes , fluxu Crucis ſigno exſiccato , mox ad incolumitatẽ prouocat. His & alijs il- luſtrioris ſanctimonię testimonijs cum D. O. M. fidelem Seruum ſuum , ad ſexageſimum quintum uſque ætatis ſuæ annum , inter in- finita pæne Dæmonum certamina proſecutus fuiſſet ; tandem è Conuentu Murriualis Anno 1592. ad cœleſtem Coronam vo- cat , clarioribusque poſt mortem ſignis illuſtrat. Vix enim per Oppidum ipſius obitus rumor diffuſus eſt , cùm turba ad Conuen- uentum properat ; corpusque in feretro iacens tot honoribus pro- ſequitur , ut Sanctum vniuerſi acclamantes , illius pedes oſcula- rentur ; alij veſtem , alij capillos , alij barbã præſcinderent , ac velut ſancti Viri reliquias venerarentur. In his Venia quædam La- zarena , quæ diu quartanâ febre laborans , vniuerſa ad curatio- nem remedia experta fuerat ; cùm illius corpus plenâ fide exoſcu- lata fuiſſet , eodem temporis momento à febre curatur. Poſt hæc quidam Nicolai Còlatrui, Cuius Maceratenſis famulus, caſu utroque lumine orbatus fuerat ; qui ad Bartholomæi ſuffragia confugiens , perfectæ vtriuſque oculi luci reſtituitur. Anno verò 1602. poſt ſancti Viri obitum decimo , Antonius Brocolius cùm deſperatâ valetudi- ne grauiffimè ad mortem ægrotaret , implorato S. Viri patrocinio

statim ab Inuocatione incolumitatem consequitur. Anno verò post ipsius mortem elapso, B. Vir cuidam Fratri, quem Iacobum Asculitanum esse ferunt, oranti gloriosus apparens, his cum verbis affatur: Iacobe Frater, te suprema dies celerius tollet, & Cœlesti sede Beatis associabit.

## Fr. BERNARDINI ARAGONENSIS.

### CATHALONIÆ PROVINCIÆ

#### VICARII PROVINCIALIS

#### VITA, ET GESTA.



**B**RATER BERNARDINVS ARAGONENSIS, Sacerdos, cum in Prouinciâ Romanâ Capucino-  
rum militiæ adscriptus esset, eorum Religione in Hispaniâ propagatâ, Barcinonem proficiscitur. Cum autem multis virtutibus, ac mirâ vitæ sanctimoniam inter cæteros floreret, primus sanctæ Eulaliæ Guardianus creatur, atque ad Nouitiorum educationem electus, id munus planè Cœlesti sapientiâ administrat. Vir siquidem erat omni morum disciplinâ ornatus, modestus, affabilis, mansuetus, abstinentiâ, & vitæ austeritate clarus, tantâque animi prudentiâ præditus, vt sæpè ad Ministri Prouincialis munus in eâ Prouinciâ assumptus fuerit. Nudis semper pedibus absque sandalijs cum Prouinciam inspectaret, incedens, tametsi itinere fatigatus, nullum sibi præter communem ceteris cibum ministrari patiebatur; neque tamen ob vllos itineris labores nocturno tempore à Matutinis vnquam Horis aberat. Nudas perpetuò tabulas sibi ad quietem substrauit, parco somno vsus, vt longiores in oratione moras traheret. Charitate atque ardentiori pro Christo patiendi æstu tantopere flagrabat, vitamque pro Charitate profundere maximè sibi optabat. Prophetico spiritu clarus Adolefcenti cuidam Gerundensi in Seraphicam nostrorum militiam adscribi ab eo postulanti, re prius in oratione cum Domino communicatâ, eundem mox in Nouitiorum numerum cooptans, futurum illi, vt in Prouincialis munere sibi succedat, prædicit; cuius vaticiniij veritatem rei euentus comprobauit. Plerosquè igitur cum Bernardus annos in eâ Prouinciâ tum instituenda, tum virtutibus illustrandâ con-

sumpsisset, Custos ad Generalia Comitia Romam profectus. extrin-  
 mum in Romano Conuentu cum pietate diem clausit. Post vene-  
 rabilis Viri obitum septem mensium spatio, Seraphina quædam  
 Capucinarum in Barcinonensi Vrbe Fundatrix, quæ pietate  
 atque oratione apud Deum plurimum valebat,  
 Bernardinum Cælum conscen-  
 dentem cernit.

\*\*\*





FRATER BERNARDINVS A COLLE-PETRACIO FF CAPVCINORVM  
PROVINCIALIS.

## Fr. BERNARDINI à COLLEPETRACIO.

VMBRIÆ PROVINCIAE

VICARII PROVINCIALIS

VITA, ET GESTA.

**B**RATER BERNARDINVS à COLLEPETRACIO, Sacerdos, à primo Natiuitatis suæ exordio cum stola in Crucis modum transuersâ contextus è matris utero apparuisset, quam Christi Crux illi affinis, & con-sanguinea futura erat, quamque cœlesti dono iam ab ipso ortu ad illud Religionis genus à Deo vocaretur, qui sub Patre Crucis signa gestante Crucis filios colligeret, velut præfagio demonstratum fuit. Duodecimum vix annum Bernardinus attigerat, cum apud Minores Fratres, qui de Obseruantia nuncupantur, Religionis ingressum tentat: Verum ab his vsque ad sextumdecimum ætatis annum repulsam passus, tandem Sacro habitu donatur. Paruo tamen post solemnem votorum emissionem tempore elapso, arctioris Obseruantia studio ad Capucinos migrat. Tot Vir hic, cum primum Religioni stabili voto affixus fuit, virtutibus floruit; vt illustriora Dei dona, quæ non nisi probatissimis, & maioris sanctimoniæ Viris conferri solent, diuinitus assecutus fuerit. Ac primum tantâ carnem abstinentiâ materat, vt triginta annorum spatior, nullum præterquam panis & aquæ cibum aut potum degustauerit. Vmbria Prouinciam asperâ, vt plurimum, & niuosâ hyeme horrere nemo ignorat; quâ tamen Bernardinus haud ita terri vnquam potuit, quin abiectis sandalijs, nudis pedibus niuem & glaciem premeret, vnicâque contentus tunicâ, & sæpè lacerâ, membra frigoris rigore, cilicio ac dirâ verberum castigatione edomaret. Quinimò etiam sæpè, cum ad immoderatos libidinum æstus extinguendos, tum etiam ad Dominicæ Passionis dolores in seipso excitandos, inter vepres & dumeta, nudum corpus volubabat. Hinc in eo vitæ innocentia, & pura quædam simplicitas efflorescebat: inde Continentia, & morum honestas pullulabat; inde & paupertatis amor, mentis humilitas & mansuetudo erumpebat; hinc mira illius patientia, & in aduersis fortitudo exoriebatur, hinc cum Bernardinus in Spoletano S. Annæ Conuentu graui quadam tribulatione pressus, per syluam incederet, grauesque animi sui angustias Domino aperiret, Senem quendam aspectu decorum



extemplò sibi obuiam venientem conspicit; qui his eum verbis alloquitur: Cur, Bernardine gemis? nihil tam durum, quod humilitate & patientiâ leue non fiat. Porro eâ voce confirmatus, cùm post hæc in Conuentu Carcerellarum, in quo Guardiani munus gerebat, graues à quibusdam alterius Ordinis Regularibus persecutiones ferret, in his tam animo immotus perstitit; vt cum Perusiæ Guardianus, Thadæus nomine, pro eo ad Dominum preces funderet, orans Angelum aspectu pulcherrimum, tripodem manu gestantem conspexerit; qui, vt Bernardini constantiam commendaret, eò super Altari statuto, Thadæo ait: Vides hunc tripodem, Thadæe; ita Guardiani Carcerellarum patientia, & fortitudo est planè immobilis. Eadem ferè Visio Iustino quoque à Pamgalio Guardiano, prout in præcedenti Florum Seraphicorum Tomo explicatum fuit, est exhibita. Cùm enim Iustinus pro Bernardino in oratione pernoctans ad Deum preces funderet, ei Dominus scamnum tripes manu gestans apparet; qui Iustinum his verbis compellat: Vides hoc tripes scamnum, Iustine, scito, quod in eo Guardianus Carcerellarum sedet; quo fit, vt ab omni periculo vacet. Ex quibus inuicta Viri huius patientia cunctis explorata fuit. Hanc iugis quædam, & lachrymosa Oratio fouebat, alebat, vegetabat; cuius propterea tanto studio afficiebatur, vt cùm in eâ ad quintam vsque & sextam horam immobilis perseueraret, sibi tempus orationi semper deesse quereretur. Quo fiebat, vt quo diutius rerum diuinarum contemplationi vacare posset, Fratrum consortia fugiens, quotidiana fere ieiunia coleret. Haud mirum igitur, quod in eâ sæpè raptus, ecstases, ac pleraque alia dona assequeretur. Hinc frequenter illum Fratres toto corpore in aëra sublatum cernebant. Cùm autem ob assiduam Orationis studium id à Deo muneris tulisset, vt duobus ante Matutinum Horis, quod mediâ apud Capucinos nocte perfoluitur, Cœlesti quâdam voce ad orationem prouocaretur. Accidit aliquando, vt intempestâ noctis horâ eum Cœlestis illa vox ad surgendum compelleret; at is grauiori somno oppressus tardius surgeret; rursus eandem vocem his eum verbis compellantem audit: Surge velociter, Bernardine, festina, lupus enim tuam rapit ouem. Magistri Nouitiorum munus agebat tunc Bernardinus. Quare confestim è strato exiliens in Ecclesiam properat; vbi Nouitium, qui Diaboli tentatione victus ad suos reditum parabat, in ipsis Ecclesiæ foribus offendit. Cui tam Cœlesti eloquentiâ, quâ à Deo præditus erat, animum à discessu reuocat, vt stabilis vsque ad mortem in Religione perseuerauerit.



Cœlesti quoque sapientiâ Aquæspartæ Clericum falsis visionibus delusum, à Dæmonis fraudibus liberat. Oratione magis quam studio ad Prædicationem accedens, Apostolico spiritu Dei verbum populis proponit. Acerrimus is quoque Regularis obseruantie propugnator fuit; quare ad Prouincialis Vicarij munus assumptus, totam vmbriæ Prouinciam nudis pedibus absque sandalijs perlustrat. Tot virtutes, ac præsertim assiduum Orationis studium cum Sathanas ferre non posset, tamdiu, ac tam diu Dei Seruum persequitur; vt cum quinque mensium spatio somnum illi intercepisset, faciliè ad amentiam eum compulisset; nisi singularis Dei clementia illi de Cœlo opem tulisset. Post has verò immanissimas tentationes, Clementissimus Dominus Cœlestium ei donorum thesaurum aperiens, & futuros rerum euentus Cœlesti lumine dedit prænunciare, & pleraquæ in Dei nomine miracula perpetrare. Diabolicos impetus quasi magnæ equitum turmæ in Nouitiorum perniciem armatâ manu in Monasterium irruentis suâ oratione irritos reddit. Ioanne quodam Albezino Nobili Tifernate grauiter ægrotante, cum Vir Dei pro eo Deo orationem fundens, eum ob varia scelera ad Tætarum damnandum Diuinâ reuelatione accepisset; impensius pro ipsius salute rogans, & vitæ illi prorogationem, & in melius commutationem impetrat. Rursus, dum aliquando orationi vacat, via recta, ac spatiosa illi diuinitus ante oculos obijcitur, in quâ Religiosus quidam, qui illi haud ignotus erat, inoffenso per aliquod tempus pede gradientem spectat. Verùm cum idem postea per quasdam fallaces semitas gressum dirigeret, illius ex sui Ordinis gremio dilapsum prænunciat. Fr. Bonauenturam à Spoletto, cum quatuordecim annorum Adolescens nullum adhuc in Religionem studium habuisset, idoneum Religioni Virum à sancto P. N. Francisco destinatum prædicit. Cum Bernardino Venantio Physico Fulginate aliquando confabulans, his illum verbis affatur: Cum primùm Francisco Mariæ Ruuereo, Vrbis Ducis, filium natum audieris, Fr. Syluester Assisias ex S. Francisci Prouincia, Generalis in Religione exurget. atque ita res ad amissim vndecimo post huius sancti Viri obitum anno contigit. Vrbano VII. Pont. è viuis erepto, dum Cardinales in Conclauis de nouo Pontifice aliquamdiu inter se disceptant, Aquæspartæ Ducis Vir Dei Nicolaum Sfondratum Cardinalem Pontifici Sedi destinatum affirmat; aliaque quamplurima spiritu Prophetico prædicit. Alerij cuiusdam Aquæspartani filio lethali morbo laborante, cum Medici breui eum moriturum affirmassent, Patri eius

opem imploranti, filij sanitatem his verbis pollicetur: Vade, inquit; filius tuus viuet. Atque eodem tempore æger conualefcere, & in vitam respirare cœpit. Mulieri verò Tifernati perpetuam vſque ad occaſum illi ægritudinem prænunciat. Fridericum Cæſum, Aquæſpartæ Ducem, Romæ peſtilenti febre correptum, atque ad Medicorum deſperationem ægotantem abſens ſua oratione perſanat. Eodem quoque Duci fratris obitum, ac tandem ſalutem conſecutum diuinitus reuelat. Solo etiam ſui nominis imperio abſens febrim putridam, nec non pleuritidem in momento ab eiſdem Ducis primogenito moribundo fugat. His accedat, quod cum Iulius Proſper Sacerdos ad eum morbi ſtatum pertigiſſet, vt Medicorum omnium iudicio ad mortem properaret, Aquæſpartæ Dux ægotantis amici periculum illi impenſius commendat. Porro Seruo Dei diutius oranti futura ægri incolumitas reuelatur: quo tempore Vir Sanctus ad ægrum, nuncium deſtinat, qui de futura illum valetudine certiore faciat. Necdum nuncius ad ægotantem pertigerat, cum Bernardinus illi in ſomnis apparet; vixque è ſomno expergiſcitur, cum eò nuncius à ſancto Viro miſſus aduentat, qui futura illi incolumitatis opem certam pollicetur. Iſabellæ Lucianæ Cæſiæ, ſalutis certitudinem cum Deo reuelante accepiffet; illaque ſupremâ ægritudine preſſa, nuncio ad ſanctum Virum miſſo, obnixè ab eo peteret, vt ſibi in extremo agone præſens adeſſet; annuit Vir Dei, tametiſi ſenio conſectus: Cumque viam cum Matthia quodam Ducis Aquæſpartæ famulo aggreſſus, ad medium vſque iter proceſſiſſet, Iſabellæ animam ab Angelis ſubuectam Cœlum conſcendentem conſpicit. Quare Conuentum repetit; Matthias verò cum Aquamſpartam perueniſſet, Iſabellam ex humanis migrâſſe comperit. Inter alias ſancti huius Viri viſiones, ea potiffimum celebris fuit; quod etſi alias ſepenumero Beatiffimæ Virginis conſpectu, & colloquio illum potitum fuiſſe conſtet, tam ſingulari tamen aliquando honore ab eâ exceptus fuit; vt poſt familiare colloquium, coronam Cœleſtibus floribus contextam, ſibi in perpetuæ ſanctimonix ſignum, ab eâ capiti impoſitam acceperit. Ceterum, quod ad eius miracula ſpectat, nonnulla hic recensere haud importunum erit. Ac imprimis Hieronymum Amerienſem ex noſtris Sacerdotem, cum adhuc ſæcularis eſſet, à ſtomachi languore Crucis ſigno curat. Mulier quædam à S. Geminiano graui cephalalgia tenebatur: quam cum ſanctus Vir, capite manibus compreſſo, ſigno Crucis conſignafſet, mox pulſo dolore conualeſcit. Hoc quoque modo

Victorio Montano Porcariensi, qui ad vitæ occasum, Medicorum iudicio festinabat, signo Crucis incolumitatem restituit. Petri Pauli Pacefordi, Viri Tifernatis sex annorum filiâ, graui febre correptâ, Vir sanctus febri imperans, eam ab agrotante protinus depellit. His accedat Fr. Hilarius Trebientis ex nostris Sacerdos; qui cum ad Religionis gremium receptus, iam iam Nouitiorum numero adscribendus esset, callidâ Dæmonis tentatione à Religionis proposito reuocabatur. Hunc cum nihil ab arrepto mentis proposito, dimouere villo modo posset: Iam, Hilari, (inquit Bernardinus) quandoquidem te diutiùs detinere non possumus, vinum saltem ante discessum degusta. Cumque vini calix allatus esset; vbi illum Vir sanctus signo Crucis benedixit, eidem ebibendum porrigit. Quo ille hausto tam repente animo mutatus est, vt omni Dæmonis tentatione fugatâ, Sacrum mox Religionis habitum sibi cum lachrymis postulauerit. Montis Casalis Conuentum aliquando Bernardinus moderabatur, cum Fratres niue altâ obsessi, consumpto pane à mendicatione prohiberentur. Quare Bernardinus vniuersos Familiæ Fratres ad orandum conuocat. Interea tintinnabulum pulsatur; senexque vultu, ac barbâ decorus, viginti quinque panes candidos crassiores, ac veluti tunc ex clibano haustos profert; moxque euanescit, nullo senis vestigio in niue relicto. Idipsum & Spoleti, dum S. Annæ Conuentus staret, eodem Guardiano contigit: eo duntaxat discrimine, quod post tintinnabuli sonitum, saccus pane confertus ex alto superliminari decedens, Ianitoris fores aperientis humeros conterit; nullius inter altas niues, qui illum attulisset, deprehenso vestigio. Plurima quoque alia suâ oratione impetrat, ac spiritu Prophetico prædicit. Tot itaque Bernardinus cœlestibus à Deo donis illustratus, cum ad extremam vsque senectam, pari vitæ ac virtutum cursu deuenisset; diuinitus sui obitus horâ promonitus, Porcarîæ, seu Aquæspartæ in morbum incidit. Quapropter sacrâ Confessione, diuino quoque Viatico munitus, cum morbo ingrauescente Fr. Nicolaus Messanensis extremum illi Vnctionis Sacramentum suadet. Ei Bernardinus: Nondum est (inquit) Sacræ Vnctionis tempus: cum maturuerit, aperiam. Interea ad Cœlestem Patriam anhelans ardentiori animi studio terrenorum omnium oblitus, sacro se Oleo inungi postulat. Post hæc, cum totus Cœlestium desiderio exardesceret, animum tam feruidis diuinæ Charitatis flammis accendere visus est, vt illius splendore in faciem redundante, vultus Diuinâ quadam luce refulgeret, luminaque, stellarum

inlustrarentur coruscarent: ita, ut cum non mortalis, sed Cœlestis planè homo omnibus appareret. Hic vultus, & oculorum splendor tamdiu in eo ab adstantibus conspectus fuit, quoad sensibus integris spiritum in ijs Psalmographi verbis exhalaret: *Quoniam ex omni tribulatione eripuisti me; & super inimicos meos despexit oculus meus.* Post huius sancti Viri discessum, Caro eius mollis ac tenera, artus flexibiles apparuere. Famâ verò de ipsius obitu diuulgatâ, tanta vndiquè ex vicinis Oppidis hominum turba ad ipsius corpus confluit; tantoque Deuotionis impetu in cadauer irruit, ut cum habitus sibi quisque particulas præscinderet, altero indui opus fuerit. Aquæspartæ Dux, qui multa à Viro Dei beneficia tulerat, cum defuncti corpus aromatibus condiri iussisset, illud in suâ Montis Scopij Ecclesiâ sarcophago inclusum sepeliri impetrauit, vbi etiamnum sepultum iacet; Spiritu (ut creditur) Cœlesti Coronâ donato apud Deum regnante. At quandoquidem, quo demortui corpus aromatibus curaretur, ventrem findi, viscera extrahi, caput secari, & cerebrum tolli opus fuit; in eo lepidum sancti Viri vaticinium expletum fuit; qui viuens aliquando prædixerat, se in morte Martyrem futurum. Hic vnus fuit ex Ordinis nostri M. S. Author; cui ab Hieronymo à Monte florum Generali Ministro olim onus demandatum fuit, ut illustrium nostri Ordinis Virorum, quos is ab initio notos habebat, gesta colligeret, ac scriptis mandaret; ex quo etiam plura, quæ tum in primo, tum in hoc secundo nostro florum Manipulo conscripta sunt, acta decerpta fuerunt. Obijt

Vir Sanctus Anno 1594.

\*\*\*



## FR. CLEMENTIS A GRAVINA.

## BARIÆ PROVINCIÆ

## VICARII PROVINCIALIS

## VITA, ET GESTA.



ERATER CLEMENS à GRAVINA, Sacerdos, Vir omnium Sæculorum memoriâ dignus; ex eo, quisquis ad bonam, beatamque vitam animum intendebat, Cœlestis vitæ lucem haurire, ac Evangelicarum virtutum sibi igniculos comparare valebat. Etenim siue humilitatem optes; is omnium humillimus; etiam cùm Prouincialis munere fungeretur, vilissimam sui abiectionem quærebat: siue vtramque hominis compositionem expetas; tanta in eo morum honestas, tanta suauitas, tamque perfecta in omnibus animi moderatio, cernebatur, vt in eo omnes S. Bonauenturam velut rediuium aspicerent: siue Charitatem exposcas, eam tam abundè illi animo inditam reperiis; vt si Fratrum quempiam, cùm Prouinciæ Rector esset, habitu indigere conspiceret; is suo se habitu spolians eo indigentem contegeret, ægrotisque vilia quæque ministeria exhiberet. Erat insuper Clemens acerrimus Regularis obseruantiae, ac præsertim Seraphicæ paupertatis propugnator. Et si patientiam quæras, admirabilis in hoc Viro tum in duris, tum in aduersis perferendis fortitudo enituit. Falsâ criminatione aliquando appetitus tantam patientiam exhibuit, vt nunquam ob illatas iniurias conquereretur; aut violati honoris sibi damna refarciri exposceret: sed solum in illatis contumelijs illud vindictæ genus sibi relictum esse arbitraretur, contumeliosis parcere. Viri denique innocentia multis argumentis probata, ac perspecta: quotquot sceleratè in ipsius famam conspirauerant, Deo vlciscente, breui morbo consumpti periëre. Admirabilem hanc Viri patientiam fouebat ardens quoddam orationis studium, quo se ad Diuinæ vnionis complexum ita prouocabat, vt in Deum perpetuo animi motu ferri, ei que perenniter adhærere videretur. Hinc tanta illius suffragijs vis diuinitus accesserat, vt cum pro Litæ Marchionissæ filia, quæ extremo morbo laborabat, aliquando ad Deum preces funderet eam postridie incolumitati restituerit. Animam quoque Fratris cuiusdam sibi apparentis à Purgatorijs poenis suâ oratione liberauit.

liberauit. Deus verò, qui Electorum vias, summo consilio administrat, admirabilem illius patientiam horribili carcinomatis morbo, qui priùs dextrum illius brachium, tum humeros occupat, declarare voluit. Hoc ille per plurium mensum spatia tam dirè, atque acerbè diuexatus fuit, vt qui illius curationem agebat, plura quotidie ab eo carnis frustra præscinderet; donec tandem morbus eò euasit, vt costæ carne, quâ tegebantur, consumptæ nudebantur: neque tamen alia in tam diro cruciatu ab eo vox penitens audita, præterquam: Adesto, bone IESU; ô dulcis MARIA! atque interdum: O B. P. Francisce propera. Hæcque tanto pietatis ac patientiæ spiritu proferebat, vt qui adstabant, Fratres ad lachrymas prouocarentur. Quin & Chirurgus ipse eâ Viri patientiâ exterritus, perinde ac si sanctum Virum curaret, non nisi genuflexus illi operam suam impenderet. His itaque grauissimis morbi doloribus, cum Vir Dei per aliquot menses afflictatus fuisset in illis verbis: *Maria, Mater gratiæ, Mater misericordiæ, Tu nos ab hoste protege, & horâ mortis suscipe;* purum Deo spiritum reddidit æterno patientiæ præmio coronandum Anno 1595. Cuius id primum argumentum fuit, quod ipsius facies post obitum ita effulgere cœpit, vt iam Claritatis dotem à Deo accepisse videretur. Præterea, hac ipsâ horâ Sacerdoti cuidam Grauinensi ex nostris, suo olim familiari, gloriosus amico risu, ac luce circumfusus apparet.





FRATER GABRIEL A MONTE NOVO FF<sup>cap</sup> CAPVC<sup>cap</sup>  
 PICENÆ PROX. VICARIUS PROLIS.





# FR. GABRIELIS A MONTE NOVO. PICENTIS PROVINCIÆ

VICARII PROVINCIALIS

*VITA, ET GESTA.*



**F**RATER GABRIEL à MONTE NOVO, Concionator, Vir prudentiâ, consilio, atque omni virtute ornatissimus, cùm ab ipso Adolescentiæ flore in Capucinorum Castra euolasset, tantâ pudicitiae laude, tantâ morum disciplinâ, tantâ suipsius abiectione, & humilitate, tanto Regularis obseruantiae studio, tanto denique virtutum omnium splendore, Regularis vitæ cursum instituit; vt cùm his senilis animus, prudensque in omnibus consilium accederet, celerrimè ad varia Prouinciæ munera, & dignitates, ac tandem ad totius Prouinciæ administrationem haud semel vocatus fuerit: quibus ita præclarè functus est, vt cùm præclaris vitam exemplis exornaret, summam quoque prudentiæ laudem adeptus fuerit. Virgineus candor, quem ad Religionis gremium attulerat, tantam illi morum honestatem oculisque pudorem conciliauerat; vt cùm ad nullius vnquam vultum intuentum lumina attolleret, hinc commune apud Fratres humi spectantis (Italicè Guardabasso) agnomen assecutus fuerit. Cæterum ex assiduo Orationis studio, cui noctu potissimum, multo lachrymarum rore perfusus vacabat, id sibi Diuinæ lucis donum comparaauerat, vt Diuinis visionibus cohonestatus, quæ hominum consilium, ac scientiam effugiebant, quæque euentura erant, Prophetico spiritu anteuertret. Post biennium in Prouincialis munere exactum, Marini in lethalem morbum incidit. Medicis verò de illius vitâ desperantibus, quo tempore eum Fratres Sacro Oleo inungere parant, eidem S. Bonauentura, & S. Ludoicus noctu apparent; qui illum à morbi somno excitantes, his illum verbis compellant: Heus, Gabriel, æquo animo esto: Surge; iam Dei munere sanus es: officium tuum cura. Atque his dictis euauêre. Post hæc cùm Puerulum **I E S V M** ad se accedentem cerneret, tantâ animi voluptate effundi cœpit, vt ab illius complexu nullo pacto diuelli posset: at post aliquod breue temporis spatium, cùm Diuinus Puerulus sese ex illius oculis subripuisset, Gabriel incolumis è lecto surgit. Cum porrò



Fratres, cum ex graui morbo phrenesi correptum putarent, in lectum reducere parant; quibus ille: Quid me, Fratres, ad stratum cogitis? iam non lecto, sed Ecclesia mihi opus est, in quâ Deo, ac SS. Ludouico & Bonauenturæ gratiæ agantur, qui me incolumem præstiterê. Et ne vestrum huius rei dubitatio animum pulset; hoc vobis testimonium sit, quod hac ipsâ die, secundâ post meridiem horâ, Hieronymus à Castroferretto, Guardianus, & alter Guardianus à Monte florum huc ad nos appellent. Quæ omnia, vt prædixerat, euenêre. Pleraque alia hoc tempore illi à B. Ludouico & Bonauenturâ, de statu Religionis, de futurâ quorundam salute, ac nonnullis Fratribus, qui breui hinc emigraturi erant, reuelata fuisse, communi famâ traditum fuit. Nonnullis etiam miraculis cum ante obitum claruisse, omnium traditio est. Inter quæ illud refertur, quod mulierem fascino alligatam in Fanestri Vrbe signo Crucis à Dæmonis potestate liberauerit. Gabriel graui iam ab exordio herniâ laborauerat; quam cum propter honestatis pudorem; nulli vnquam aut Medico, aut Fratri aperuisset, ita insanabilis reddita fuit, vt eâ quamdiu vixit, afflictatus fuerit: illâ verò vnâ cum ætate ingrauescente, ab eâ tandem in Conuentu Fabriani consumptus, vitæ cursum omni cum virtutis, ac sanctimonix laude peregit Anno 1598.

\*\*\*





FRATER FRANCISCVS AVICO FF<sup>cap</sup> CAPVC<sup>um</sup> PROAE  
S. ANGELI VICARIVS PROLIS.

## FR. FRANCISCI A VICO.

## PROVINCIAE S. ANGELI

## VICARII PROVINCIALIS

## VITA, ET GESTA.

**F**RATER FRANCISCUS à VICO, Sacerdos, Vir virtute illustris: cum maturè Deo in Clericali habitu adolescentiæ annos, magnâ cum pietatis laude consecrâset, ex eo ad Seraphicam B. P. Francisci militiam apud Capucinos euocatur: vbi cum vitæ austeritate, rerum paupertate, animi humilitate, Regularis disciplinæ præstantiâ, orationis studio, morum grauitate, ac mentis prudentiâ inter alios clariùs emicaret; breui in Nouitiorum Magisterio constitutus fuit: quo in munere vigintiquinque annorum spatio tam præclarè versatus est, vt S. Angeli Prouinciam eximiâ Virorum virtute præstantium sobole exornauerit. Adhæc tam eximium à Deo donum consecutus fuerat; vt internas animi tentationes, quibus Nouitij à Dæmone pulsabantur, non obscurè penetraret: quibus statim opportuna remedia adhibebat. Cuidam enim Nouitio graui Satanæ tentatione arrepto, ac de discessu cogitanti, Franciscus spirituales librum, loco digito illi indicato, legendum offert; qui cum totam suæ tentationis seriem in eâ explicatam, ac ratione propulsatam offendisset; à tentatione liber deinceps in Dei vocatione constans perseuerat. Cum autem in eo omnia graua, omnia moderata, omnia tandem virtute digna apparerent; in suâ S. Angeli Prouinciâ ad Prouincialis munus electus, tale ab Hieronymo à Sorbo Generali sibi elogium meruit; Illum, nimirum, Virum tam præclaris moribus instructum, tantâque prudentiâ præditum; vt sub illius administratione Prouinciam magna in virtute incrementa suscepturam non dubitaret. Cum verò in Conuentu S. Ioannis Rotundi Magistri Nouitiorum munere fungeretur, igne in syluâ Conuentui proximâ succenso; cum flamma vento flante ad Monasterij septa raperetur, Nouitius Magistri suo præcepto obediens, flammam, quæ rectâ ad Monasterium ferebatur, mox in alteram, & obliquam viam à Conuentu deflectit. Nullâ Franciscus vnquam vitij carnalis labe pollutus; sed perpetuâ à Deo virginitate donatus, id quoque à Deo meruit, vt funis, quo præcin-

gebatur,

gebatur, Ferrantis Bramantis Vxori, alijsque quamplurimis, quæ diu partus angustijs vexatæ fuerant, impositus, eas à partus dolore liberâs redderet, & ad foetum enitendum compelleret. Post hæc etiâ Violanti Curitanæ, quæ Medicorum ope destitutâ, iam iam animam exhalatura erat, suâ oratione incolomitatem reddidit. Tribus quoque Nouitijs, qui vt Parentibus morem gererent, Diuinâ vocatione contemptâ, ad sæculum remearant, secuturam Dei vindictam prænunciat: quam paulò post, duobus ex his vnâ cum Parentibus morte sublati, tertio ab hostibus trucidato, subiêre. Denique Vir hic præclarus, cùm ad vltimum suæ administrationis annum peruenisset, sui obitus diuinitus præsciens, tribus ante mortem mensibus se officio abdicans, in Histonijs Conuentum Domino aduenturo viam paraturus secedit: quò cum primùm appulit, Monasterij limen ingressus ait: *Hæc requies mea in sæculum sæculi; hic habitabo, quoniam elegi eam*: tribusque ibi in oratione, ac rerum cœlestium meditatione mensibus consumptis, cum his & vitæ cursum magnâ cum pietate absoluit Anno 1599.

## FR. LAVRENTII A MONTE POLITIANO, APRVTIENSIS PROVINCIÆ

VICARII PROVINCIALIS

VITA, ET GESTA.



**L**AVRENTIVS A MONTE POLITIANO, Concionator, inter illustres nostræ Religionis Viros haud infimum sibi locum vendicat. Huic à naturâ tanta animo benignitas, atque amabilitas indita fuit; vt quicumque in eum oculos conijceret, mox ad ipsius amorem alliceretur. Hanc verò optimam naturæ indolem, cùm maioribus animi virtutibus confovisset; factum est, vt breui tempore ad maximas quasque res pertractandas, & maiora munera obeunda natus, nedum aptus videretur. Quapropter ad Nouitiorum prius curam, & educationem vocatur: quo in munere tantam diuinitus sibi inditam lucem accepit, vt intimas Nouitiorum cogitationes, tentationes, & peccata penetraret. Novitium quendam Nicolaum nomine, à Religionis instituto resiliire cogitantem, obuium habens, illi tentationem quamprimum aperit, atque ab eâ protinus liberum dimittit. Alteri, Iuliano

nominis,

nomine, mortiferum quoddam crimen in animo fouenti, quod nec poenitentia debeat, nec in Confessione manifestabat, aperit, atque ab Ordine dimittit. Rufino quoque Nouitio, tentationes, quibus premebatur occultanti, omnes illi indicat, liberumque ab ijs reddit. Ab altero quoque herba cuiusdam odore tentationem fugat. Hoc ipso tempore, cum plerisque, tum in S. Francisci, tum in Aprutienſi Prouinciâ dignitatibus functus, in his tanto Regularis obseruantia studio, ac præclaris virtutum exemplis excelluit; vt cum Vir multæ orationis eſſet, & cum primum rerum diuinarum contemplationi additus, eum sæpè Nouitij in Cellâ orantem, velut à sensibus alienum offenderent. Quantâ vitæ innocentia, ac mentis puritate præditus eſſet, auiculæ factum declarat, quæ in Conuentu Pinnæ, dum Laurentius vnâ cum Fratribus in mensâ discumbit, sæpè Refectorium ingressa, rectâ ad eum volitabat: atque ex eadem paropside sibi cibum carpens, ab eo quoque panis micas accipiebat. Cæterum tam singulariserat in hoc homine ad quæcunque gerenda, agendaque lepos & suauitas, vt nullum dissidij, aut inimicitia genus eſſet, quod is suâ prudentia, ac dicendi venustate non perimeret, & ad pacem componeret. Porro hæc illi in dicendo vis ac suauitas, quamuis à natura inesset; plurimum tamen ab oratione iuuabatur: quâ fiebat, vt non ab hominibus tantum, sed & à Deo, quæ vellet, impetraret. Quod vel hoc aliquando exemplo perspicuum fuit: Dum enim Cutiniani Monasterium extruitur, fabricatores in supremâ tecti coronide suam operam præstabant: quo tempore contignatione, quæ illos sustentabat, solutâ, omnes ex alto præcipientes ruunt. Aderat ibi eo tempore Laurentius, qui cum Cæmentarios Fabros è sublimi cadentes cerneret, mox genibus flexis, Beatissimæ Virginis illis opem postulans, exclamat: Sancta Maria, succurre miseris. quâ sancti Viri oratione ita seruati fuere, vt ex ijs nemo prorsus damnum tulerit. Prophetico tandem illum spiritu à Deo donatum, id inter alia factum indicat, quod Pinnæ aliquando accidit, dum ibi Guardiani, ac Magistri Nouitiorum officio fungitur: cum enim in extremâ illius diei coenâ, quæ Quadragesimale ieiunium præcedit, Fratrum Familia tam tenui mensâ excepta eſſet, vt nihil, quo recrearetur, in penu suppeteret: Laurentius vbi Nouitios ad degustandas sanctæ Paupertatis iucunditates in mensâ cohortatus est, protinus addit: At, Filij, num Dei prouidentiam ab altissimâ rerum paupertate abesse existimandum erit? Haud equidem: illa enim est, quæ nostram paupertatem nutrit, ac fouet. Hæc quam

larga, & copiosa est, quamprimùm spectabitis. Quid, quamprimùm? Modò, modò, nullâ interiectâ temporis morâ, ea vobis perspecta erit. Hæc adhuc ille ore verba proferebat, cùm Monasterij tintinnabulum pulsatur. Quapropter is ad Ianitorem: Festina, (inquit) Diuinæ nobis prouidentia, ac liberalitatis nuncius futurus. Porro, qui tintinnabulum pulsauerant, quatuor Augustini Scorpri-  
ni eximij Fratrum Benefactoris famuli erant, varijs carnibus ac edu-  
lijs onusti; quibus Nouitiorum, ac Professorum Familia abundè re-  
creata fuit. Postremò, cùm in Aprutiensi Prouinciâ Prouincialis  
Vicarij munere fungeretur, sexto, antequam è viuis excederet, men-  
se, obitum Stephano Socio præsignificat. Cùm igitur Pinnam ap-  
pulisset; ibi supremùm ægrotans, vitæ cursum magnâ cum virtu-  
tum famâ absoluit Anno 1601. Post mortem verò Fratri Mario  
Sulmonensi Laico, qui toreutica lignariæ operam dabat, glo-  
riosus apparens; eum, quod quadratos iconum margines curio-  
sius construeret, seuerius obiurgat, & vt ab his se abstineat,  
seriò monet. Demùm vento velocior ad  
Cœlestia migrat.





FRATER SPIRITVS BALMENSIS FF. CAPVC.  
 LVGDVNENSIS PRÆVICARIVS PRÖLIS.

FR. SPIRITVS BALMENSIS  
LVGDVNENSIS PROVINCIAE

VICARII PROVINCIALIS

VITA, ET GESTA.



**H**ATER SPIRITVS BALMENSIS GALLOLIGVR,  
Concionator, Vir omni virtute, ac Euangelicâ  
Prædicatione excellens, vitæ austeritate, abstin-  
entiâ, paupertate, oratione, ac totius Regularis ob-  
servantiæ studio ita claruit; vt sepissimè inter Pro-  
vinciæ Patres, ac Definidores cooptatus, eandem  
quoque sub Vicarij Prouincialis titulo administruerit. Nihil ad  
difficiliora quæque austeritatis, atque virtutis opera exantlanda,  
præterquam corporis incolumitate opus erat: tantus enim in eo  
spiritus ardor effervesce videbatur; vt languidum etiam corpus  
ad arctiora ieiunia, & quotidianas ferè flagellationes, ac maceratio-  
nes pertraheret. Dei Verbum tantâ Apostolici spiritus vehementiâ  
disseminabat, vt mirabiles vbique ad pœnitentiam commotiones  
excitaret. Perniciosa quædam eo tempore, propter frequentes bello-  
rum tumultus, in Sabaudia morum libertas inualuerat, vt carnes  
diebus Veneris, & Sabbathi passim ederentur: Matrimonia absque  
Parocho sæpè contraherentur: Sacra Altaris Mysteria, tum à Sacer-  
dotibus, tum à populo ita negligenterentur, vt iam rari essent, qui ad ea  
confluerent: furta, blasphemix, periuria, fraudes, impunè vbique  
permeabant: vsuræ & concubinatus nullo prohibente regnabant;  
atque alia huiusmodi in fidei perniciem passim vitia grassabantur.  
In hæc Spiritus, tum publicis Concionibus, tum priuatis colloquijs  
tam acriter, tantaque Spiritus vehementiâ inuehi cœpit; vt breui  
tempore tota illa Sabaudix Regio ab eâ morum corruptione ex-  
purgata fuerit. Hæreticum quoque ibidem ad Catholicam Fidem  
perduxit. Quo tempore Spiritus Maurianensem agrum Euangelicâ  
prædicatione percurrerat; accidit aliquando, vt eo prædicante, Puer  
in profluentem torrentem prolapsus rapido illius cursu statim ad  
ima raperetur. Eo Populus casu perterritus, cum exorto tumultu, se  
quisque ad opem Puero ferendam pararet; Spiritus hanc Dæmonis  
artem agnoscens, quâ Populum à Dei verbo reuocare studebat,  
protinus ad Populum: Ne vos, inquit, Pueri casus perturber:



Diaboli hic altus est, vt Diuini Verbi fructum impediat. Pueri nihil ihali continget. Substitit illicò Populus, Concionatoris consilio acquiescens. Cumque aliqui duntaxat ad Puerum concurrissent, illum in quodam torrentis decliui, ex quo aqua alto quodam præcipitio ad ima prolabebatur, vnde ita insidentem offendunt; vt solâ Dei virtute, ac Serui Dei oratione retineretur, quo minus ad ima præceps dilaberetur. Rursus, cum Lugduni Dei Verbum in angustiori quadam Vrbi Ecclesiâ, quæ confluentem turbam capere non posset, prædicaturus esset; suggestum in Ecclesiæ arcem, quæ spatiosior erat, deferri iubet. Eo porro prædicante, cum pluuia inualesceret, ac Cælum atris nubibus obduceretur, mox Populus perturbari, ac discessum parare. Cui Spiritus: Quid, inquit, pluuiam eximescitis? Cessabit pluuia si ad Dei Verbum aurem & mentem intenderitis. Mirabile dictu! Dicto citius stat imber; donec absoluto sermone quisque ad sua se commodè reciperet. In Magos aliquando pro Concione inuectus, tantâ Diuini Spiritus vi, ac verborum luculentia artis illius vanitatem ostendit; vt Magus quidam, qui diu Diabolicae arti vacauerat, pœnitentiâ ductus, suos Magiæ libros ad eum detulerit: qui cum in Nobilis cuiusdam aulâ fasciculis impositos combureret; en vndique ex libris mures erumpunt, qui per aulam cursitantes inde effugere tentabant: at Spiritus eos Dæmones agnoscens, ijs protinus in Dei nomine imperat, vt simul in rogum se cum libris coniiciant. Parent continuo illi, summâque omnium, qui adstabant admiratione cum libris comburuntur. Hoc pacto, cum in Domini vineâ maximo cum animarum fructu ad senectam vsque labores suos continuasset, tandem Lugduni morte sublatus, fidelis, ac strenui à Deo Operarij mercedem assequitur Anno 1602. Post ipsius obitum, cum Monachus quidam Cluniacensis, Adamus nomine, summo in vitæ discrimine versaretur, huius Serui Dei opem inuocans, volantis flammæ signo accepto, à periculo liberatur.

\* \* \*



FRATER DOMINICVS ACOSTA FRATRVM CAPVCINORVM  
PROVINCIALIS.

## FR. DOMINICVS A COSTA.

## VENETÆ PROVINCIÆ

## VICARIJ PROVINCIALIS

## VITA, ET GESTA.

**D**E RATEL DOMINICVS à COSTA, Prædicator, genere quidem obscurior, sed virtute ac morum sanctimoniâ clarior: huius tanta fuit innocentia, tanta humilitas, tantus suiipsius contemptus, tanta vitæ austeritas, tantus paupertatis zelus, tantus castitatis amor, tanta corporis compositio, tantum Regularis obseruantiaë studium, tantus denique, ac tam ingens virtutum splendor; vt eo non solum maioribus suis præluxerit, verum & totam S. Antonij Prouinciam illustrauerit. Hinc ad Prædicationis officium vocatus, cum maiori Charitatis æstu, quam verborum lenocinio Populis Euangelium prædicaret, mirâ in hominum animis potestate imperitat; inueterata odia expellit, inimicitias propulsat, ac rebelles quasque impiorum mentes ad lachrymas ac pœnitentiam inflectit. Quamobrem ad Prouinciæ gubernacula euehitur: quo in munere tantâ prudentiâ, vigiliantia, Regularis obseruantiaë zelo, ac præclaris potissimum austerioris vitæ exemplis Prouinciam administrat; vt in eâ plurimum Regularis disciplina suo tempore aucta, atque illustrata fuerit. Nouitiorum quoque aliquamdiu curæ præfectus, id munus tam præclare gessit; vt cum Nouitios aliquando in Refectorio Vicentini Conuentus spiritualiter erudiret, hirundines, quæ garritu lectionem impediabant, præcepto à garritu cohibuerit: quæ tamdiu siluere, quoad lectione absolutâ, is benedictione impertitâ, illis garriendi facultatem redderet. Hoc modo, dum Nouitios prope stagnum instruit, coaxantes in eo ranas imperio compescit. Tantâ in Deum fiduciâ præditus erat, vt nulla vitæ pericula timeret, quo aliorum commodo, atque vtilitati consulere. Dum Prouincialis Vicarij munere fungitur, iter aliquando faciens, in lupum incidit; qui puellam ore gestans, eam in syluam deuorandam asportabat: quapropter cursu arrepto fugientem lupum insequitur, puellamque ex illius ore erutam suis restituit. Nonnulla quoque futura, quæ euenere, Diuino spiritu prædixit. Inter hæc dum Gemonæ Dei Verbum disseminat, futurum cuidam prænunciat; vt nisi Dei

iram in eum concitatam suâ pœnitentiâ placandam studeat, pestilentia morbo, qui à binis peregrinis eò aduentantibus in Oppido disseminabitur, sit castigandus. Neque dissentanea à dicto res euenit. Rursus, dum Euangelium Montichij prædicaret, quorundam odia extinguere, eosque ad concordiam reducere, summo studio curabat: at ijs pertinaciter reluctantibus, futurum præsignificat; vt cunctis Carnificis gladio peremptis, eorum Familia radicitus extirpanda foret. Hæc illis accuratè accidisse, rei deinde euentus non obscurè confirmauit. Veronæ aliquando commorabatur, quo tempore Nobilis quædam Fœmina grauiter à Diabolo tentata, ab eo fufis lachrymis auxilium postulat. Cui oculis paulisper in Cœlum sublatis: Vade (inquit) deiectus est Satan: cras te tentatio deseret; neque eâ deinceps vexaberis. Cumque eadem nocte pro illâ Dominum rogasset, postridie à tentatione omninò libera fuit. Mantuam denique profectus, cum iam septuagenario maior in morbum incidisset, vitam plurimâ cum virtute, & sanctimoniâ actam, sine haud absimili conclusit: cuius illud insigne ipsius post mortem gloriæ argumentum fuit, quod octauo, ab ipsius obitu, anno elapso, eius corpus integrum, atque omni ex parte incorruptum repertum fuit.

## FR. FRANCISCI LVSITANI,

### PROVINCIAE S. ANGELI

#### VICARII PROVINCIALIS

#### VITA, ET GESTA.



**F**RATER FRANCISCUS LVSITANVS, Concionator, cum inter Minores Discalceatos in Hispaniâ versaretur; Regularis obseruantia, quam apud Capucinos puriorem vigere agnouerat, studio ductus in Italiam proficiscitur: vbi Fr. Alphonso Lupo, cui is notus erat, pro eo rogante, à Generali Vicario Capucinorum numero adscribitur; & in S. Angeli Prouinciam destinatur. Hic cum ab omnibus, præterquam rerum Cœlestium curis remotam, omniumque virtutum splendore illustrem aliquamdiu vitam duxisset; morum illius grauitate, animi prudentiâ, ac virtute perspectâ, ad Prouinciæ honores ac munera vocatur: & Guardiani, Definitoris, ac Prouincialis Vicarij laboribus functus, in

his tantam apud Deum laudem consecutus est; vt cùm Fratrum visitationi incumbens, Eternæ aliquando Sacra perageret, eo Angelorum Hymnum, *Gloria in excelsis Deo*, inchoante, candida columba extemplò in ipsius humeros aduolauerit; quæ tamdiu ibi permanere visa est, quoad Hymno perfoluto, repente euanesceret: quæ res tanto circumstantem populum stupore perculit, vt deinceps Viri sanctimoniam magis venerari cœperit. Hoc in Prouincialatus munere, eximium aliquando singularis Castimonix signum exhibuit, cùm in Prouinciæ Visitatione, à Nobili quadam Matronâ hospitio exceptus, & ad Venerea pellectus, Matronam facti pœnitentem dimittens, duplex de sordido hoste trophæum retulit. Huic quoque aliquando id accidit, quod B.P.N. Francisco contigisse, Ordinis nostri monumenta ferunt: cùm enim Romam ad Generalia Comitia proficisceretur, in quosdam Nobiles incidit; qui cùm instante prandij horâ Franciscum, vt secum refectionem sumat, amicè compellunt; statimque famulos ad Oppidum, quod proximum erat, mittentes, nihil illi vnquam, aut panis, aut vini, aut alterius obsonij, quocunque pecuniæ precio oblato sibi comparare potuerunt: quo fit, vt vacui ad Dominos redirent. At his Franciscus: Certè (inquit) Domini mei, vestrum Oppidani pecuniæ genus non agnoscunt; nostrum fortè agnoscent. Quare actutum is cum Socio ad Oppidum profectus, cùm eleemosynam propter Dei amorem, ab Oppidanis postulassent; inde tantum panis, vini, casei, ouorum atque aliarum rerum copiam referunt, vt ea non sibi tantummodo; sed & Dominis, & famulis abundè sufficeret. Tutici nequam Spiritus hominem obsidebat, qui multis exorcismis, ac præceptis exagitatus; is frustra omnia tentari affirmat, donec Capucinus quidam, Franciscus nomine, à quo tantum pelli debet, accedat. Francisci Guardiani in eo tunc Oppido nomen clarum erat: quapropter is, cùm ad eum accessisset; mox Spiritum his verbis compellat: Quid hic agis cruenta, bestia? Christi, non tuus hic locus est. Hinc celerius apagè, ac Christo locum cedito. Vix hæc protulerat, cùm Spiritus spumas ex obfelli ore euomens, ab eo erumpit, ac liberum hominem relinquit. Hinc tandem multis pro sancti Angeli Prouinciæ laboribus perfunctus, plurimâ virtutum laude clarus è viuus excedit, ac laborum à Deo præmia consequitur

Anno 1607.

## FR. COSMÆ CAVLONENSIS.

## RHEGINÆ PROVINCIÆ

## VICARII PROVINCIALIS

*VITA, ET GESTA.*

**E**RATER COSMAS à CAVLONE, Sacerdos, ex sancti Augustini Coenobio ad Capucinorum S. Francisci Familiam vocatus, magnâ in eâ cum sanctimoniae laude ad canos usque vitam duxit; paupertatis cultor, ac propugnator acerrimus fuit: carnem duris abstinentiae legibus, ac macerationibus coercens: Orationi verò, ac rerum diuinarum contemplationi ita addictus, vt totus ipsius vitae cursus perpetua quædam oratio fuerit. Hic cum triginta annorum spatio Nouitiorum educationi præfuisset, tot virtutum exemplis nouella illa Religionis germina aluit, excoluit & ad omnia virtutum incrementa prouocauit; vt eo cultore diu Rheginæ Prouinciæ hortulus illustrium Virorum plantis floruerit. Guardiani quoque, Definitoris, ac Prouincialis in eâ Prouinciâ muneribus functus; in his tanto Regularis obseruantiae studio, tanto Paupertatis zelo, tam singulari mentis pudicitia, tam denique præclaris vitae exemplis effulsit; vt singulare ijs, qui cæteris autoritate præfunt, exemplar esse posset. Prophetico spiritu clarus, cum aliquando à Francisco Plutino, Viro Nobili, vt suas illi calamitates aperiret, inuiferetur, quamprimum eas Cosmas percepit: Siste (inquit) paulisper, Francisce, donec negotio quodam expleto, celerius ad te redeam. Protinusque in Ecclesiam secedens, cum paulisper ante Sacrae Eucharistiae Altare orasset, ad Franciscum rediens, cuncta ad amussim, quæ illi post hæc euentura erant, & calamitatis exitum prædixit. Cum in Conuentu S. Eliæ Guardiani officio fungeretur, Agatio cuidam Lanix, Nobili Caulonensi grauissimægrotanti. sequentis diei incolumitatem prænunciat. Vix autem Cosmas abscedit, cum feбри simul abscedente, manè sibi sua vestimenta poscens, incolumis è lecto surgit. Idem cum Ieracensem Conuentum moderatur, Tertiariæ cuidam Capucinæ occultas animi cogitationes reuelans, subdit: Iam Deo gratias age Rosella: nam vt fidelius illi obsequare, quæ extimueras, quæque malè te habebant, longius expulit. Lauræ Cursaræ, Nobilis Caulonenfis copiosum bombycem

fascino alligatum, Crucis signo à fascino soluit. Bombyx verò ab eo liber, sancti Viri benedictione pinguescens, consueti operis duplum suæ nutritrici reddit. Adhuc, huius Laure Virum suâ oratione à grassatoribus liberat. Eâdem quoque Carafinum Zoleam, hypochondriâ laborantem curat. Postremò, cum præfatæ Lauræ canabaceum funem, quo præcinctus erat, obnixè postulanti tribuisset; eo plures ægroti perfanati, & pleræquæ mulieres à partus dolore liberatæ fuerunt. Plurimos igitur cum hoc virtutum, ac cœlestium donorum splendore Cosmas annos in Religione egisset; diù podagræ dolore cruciatus, ac varijs morbis affectus; in his & ipse præclaris eximiæ patientiæ exemplis relictis, Cauloni tandem animam exhalauit. Verum enim verò, cum magna illius apud Populos sanctimonie fama percrebuisset; vix illius obitus rumor Cauloni, ac per Oppida vicina diffunditur, cum turbæ ad Conuentum confluunt, in corpus, quod de more in Ecclesiâ expositum fuerat, irruentes; habitum, barbam, capillos, ungues præscindunt. Erat defuncti caro tenera, mollis, ac pueri instar palbabilis, sudor quæ è toto corpore tam abundè cœpit erumpere, vt plerique illum stropholis abstergerent, ac strophiola velut reliquias haberent. Mox Principis Rocellæ, ac Procerum consilio, defuncto sepultura vsque in tertium diem differitur. Dies erant æstiuæ, quibus facillè defunctorum corpora corrumpuntur, ac tetrum odorem efflant. At tantum abest, vt Cosmæ corpus putrefieret, aut foeteret; quin potius ab eo tempore suauiter olere cœpit. Denique, cum necdum sepulto corpore Cœlestis quædam Angelorum harmonia in Ecclesiâ audita fuisset, re cum Diocæsano Episcopo communicatâ, Cosmæ corpus ligneâ capsulâ inclusum, in Ecclesiæ pariete à Fratibus seorsim tumulatur. Obijt Anno 1607.







FRATER FRANCISCVS A CASTELLONE FRATRVM CAPVCINORVM  
PROVINCIALIS.



FR. FRANCISCI A CASTELLONE  
NEAPOLITANÆ PROVINCIÆ  
VICARII PROVINCIALIS

VITA, ET GESTA.



FRATER FRANCISCUS à CASTELLONE, Sacerdos, Vir inter Neapolitanæ Prouinciæ Patres zelo, prudentiâ, ac omni virtutum genere ornatissimus: qui cùm Neapolitanam Prouinciã nouem annorum spatio administrasset; tot in eâ administratione virtutibus præluxit, vt nihil quod ad Euangelici Viri, ac veri Pastoris officium spectat, vnquam prætermisisse videatur. Charitate tamen, quæ potissima virtus est, quâ veri Pastores probantur, ita præcelluit; vt cum in Beneuentano Conuentu, Guardiani, ac Magistri Nouitiorum onus sustineret, magnâ annonæ egestate totum Beneuentanum agrum occupante, is fabarum sextarium, qui domi asseruabatur, in pauperum alimoniam insumi iussit: ex quo cùm quotidie, quantum mediocris olla capere potest, vnus mensis spatio, pauperibus erogatum fuisset; haud tamen fabarum sextariis vnquam minui visus. Appropinquante verò sacro Dominici Natalis Die accidit, vt secundo, vel tertio ante solemnitatem die, tam frequens atque alta è nubibus nix deciderit, vt via ad mendicandum niue obstrueretur. Quamobrem pane, ac reliquâ annonâ ad Fratrum refectionem deficiente, communi consilio decretum fuit, vt in solemni Die Natiuitatis Dominicę, Familia fabis, quarum sextariis adhuc integer domi supererat, sustentaretur. At D.O.M. qui in eos liberalior esse solet, qui sollicitam pauperum curam gerunt, fabas in Pauperes erogatas Seruis suis solemni conuiuium compensare voluit. Matutinis namquę Horis, dum in Choro, Hymnus *Te Deum laudamus*, decantatur, en Ianuę tintinnabulum pulsatur. Ianitor verò cùm lentiùs ad fores festinaret, iterum illud validiùs personari audit. Quare Guardiani iussu ad fores accedens, amplam in foribus corbem, pane candido ac recenti, vino optimo, caseo, ac plerisque alijs dapibus confertam, ac lino candidissimo opertam reperit. Cumquę ab eo lator quæreretur, nullus vbiq; conquisitus conspicitur, imò neque hominis, neque iumenti in niue vestigia impressa apparent. Hoc Charitatis spiritum cum in Grumenfi noui Conuentu Lucanæ Prouinciæ, Guardiani ac Magistri Nouitiorum

tiorum aliquando munus gereret; Catharinæ Mastroiudicis Baronissæ Vigiani, quæ tunc in suo Vigiani Castro, nonnullis ab Grumeto milliaribus distante ægrotabat, Confessiones excipiebat; quæ cum maximè illum sibi consolatorem expeteret; eum tamen ob itineris incommoda ad se accessere verebatur: quo tempore, dum Franciscus Sacra facturus, Sacerdotales vestes induit, vocem sibi intus loquentem, & ut ad Catharinam se conferat, prouocantem audit. Cui cum Franciscus minus animum intenderet; eadem clarior, dum Viuorum apud Deum in Misa Memoriam agit, ab eo percipitur: quæ permotus, Catharinæ, quam necdum ægrotantem nouerat, si quæ forent impensius Deo necessitates commendat. At ubi peractâ Misa Sacras vestes exuit, clarissima tandem ad eum vox defertur, his illum verbis excitans: Quid, Francisce, moraris, quominus ad Catharinam Baronissam grauiter ægrotantem pergas? Age, rumpe moras, ad eamque celerius te confer. Hac voce admonitus, iter ad Catharinam carpit: dumque eam verbis consolatur, vocemque ter sibi à Cælo allatam narrat; illa Francisci manum exosculans, statim à febre sanatur. Hæc ipsa cum litem quandam, in qua de graui pecuniæ summâ agebatur, Francisci orationi commendasset; is post orationem, litem non modò prosperè, & ad voluntatem, Iudicis sententiâ definiendam prænunciat, sed & diem, qua sententiâ pronuncianda esset, præsignificat: quæ cum Iudicio haud assignata esset, optatum rei exitum admirabiliorem tulit. Huic Catharinæ, quæ ob nauigij tritico onusti periculum maximè afflictabatur, eiusdem nauigij intra duos dies, uti reipsa euenit, aduentum prædixit: atque alia futura, quæ accidere, prænunciat. Beatrici, huius Catharinæ Nûrui, masculi partum; ac filij, cuius salus desperata erat, futuram incolumitatem quæ, uti prædixerat, euenire, indicat. Neapoli Dianæ cuidam Moniali Capucinæ, altero oculo orbata, lucem Crucis signo restituit. Mulierem quoque, quæ partus periculo laborabat, eodem Crucis signo, foetu prouocato à periculo liberat. Plurimis denique in Nouitiorum curâ, ac Prouinciæ administratione piè laboribus perfunctus, cum Neapoli in supremum morbum incidisset, ingenti omnium Fratrum luctu, mortalem ibidem corporis Sarcinam deposuit, magnâ suæ sanctimonie famâ post se relictâ: quod factum est, ut cum Antonius à Neapoli Laicus diuturnâ hydropisi laborans, post ipsius obitum, eius se habitu contexisset, præter omnium spem, ac Physicorum opinionem ab eo morbo conualuerit. Obijt Vir Dei Anno 1608.



FRATER CHERVBINVS AQVILLIANO FRATRVM CAP<sup>LANO</sup>  
GENVENSIS PROX. VIC<sup>ARI</sup> PROVIS

FR. CHERVBINI A QVILLIANO,  
GENVENSIS PROVINCIÆ

VICARII PROVINCIALIS

*VITA, ET GESTA.*

**F**RATER CHERVBINVS à QVILLIANO, Sacerdos, Saccarellorum Familiâ natus, Antonij è Sacro Baptismate nomen tulit: is tam egregiam indolem nactus fuerat, vt ab ipsâ ineunte ætate propensum ad pietatem animum gerens, quæ pro antecæniis accipiebat, omnia pauperibus erogabat. Hac igitur pietate simul cum annis adolescente, cum duodevicesimum annum attigisset; accidit aliquando, vt quendam Ordinis nostri (concionatorem Dei Verbum disseminantem audiret: cuius verbis (Deo intus operante) ita animo commotus fuit, vt paulo post vale sæculo dicto ad Capucinos se contulerit; & Cherubini nomen consecutus, in Monasterio S. Barnabæ Urbis Genuensis, Angelicum Religionis tyrocinium instituerit; breuiq; in perfectum, & Euangelicum Virum excreuerit: ita vt septimum in Religione annum agens, propter eximiam Viri virtutem, primum ad Guardiani; tum post aliquod tempus ad Definitoris; postremò ad Prouincialis Ministri munus assumptus fuerit: quod nouem annorum spatio distinctâ temporum serie, tam præclarè, totque virtutum, ac Regularis obseruantia exemplis administravit, vt perfectam, quæ B.P.N. Francisco placet, administrationis formam affecutus videretur. Vnico Socio, eoque Laico contentus Visitationem præstat: Cumq; pusilli gregis forma ad omnem virtutem factus, omnia, duce Charitate perageret, eo fiebat, vt nemo in tot annorum spatio, quo Genuensem Prouinciã administravit, de eo vnquam conquestus fuerit. Nouitiorum quoq; turæ præfectus, diù tantâ cum virtutum laude eo munere functus fuit; vt humilitatis, paupertatis, honestatis, patientiæ, charitatis, atq; omnium virtutum exemplar, velut Aquila prouocans ad volandum pullos suos, & super eos volitans, ijs Seraphicæ Perfectionis viam, tū verbis tum exemplis aperiret. Orationi verò ita ab exordio animum adiecit, vt eam ubiq; tam domi, quàm foris sibi amicam concilians, in eâ suas spiritus delicias collocaret. Principiò quidem, non altas, ac sublimes rerum Diuinarum contemplationes aggredi, sed Dominicæ

Passionis meditatione contentus, columbæ instar inter Christi Crucifixi vulnera gemere solebat. Hinc eum illo attrahente, qui in Cruce exaltatus, omnia ad seipsum traxit; ad illud diuinæ Charitatis fastigium conscendit, vt ecstaticâ illum amoris vi complecteretur. Huius rei exempla haud pauca adferri possent; verum vnum aut alterum sufficiat. In S. Barnabæ Conuentu Cherubinus Nouitiorum educationi vacabat, cum Fr. Franciscus à Ripâ Nouitius, circa tertiam noctis horam, ab eo nonnihil postulaturus, Cellam ipsius adit; apertoque Cellæ ostio, eam tanto lucis splendore perfusam offendit, perinde ac si multæ in eâ faces collucerent; Magistrumque in aëra vsque ad Cellæ tabulatum toto corpore subleuatum, tamque cœlesti luce fulgentem cernit; vt terrore correptus statim pedem è Cellâ retraxerit. Iterum cum Angelicæ Seruareciæ vir, grauiter in lecto ægrotaret; Cherubinus ad illius visitationem accersitus, cum ægrum consolatus esset, inde paululum digressus, per viridarium deambulans, in quandam Beatissimæ Virginis imaginem, quæ Puerum IESVM in sinu gestabat, incidisset; mox tanto ex illius aspectu Diuini amoris incendio inflammari cœpit; vt brachijs in Crucis modum extensis, tamdiu animo, & corpore in aëra sublatus steterit; quoad Angelica illius colloquio frui cupiens ad eum accederet. Cæterum, quanta illius orationi à Deo vis indita esset, hoc aliquando exemplo manifestum fuit. In Sexti Monasterio apud Ligures die quâdam contigit, vt mare fluctibus iactatum insaniret: quo tempore Andreas quidam Castella, qui nauigium mercibus onustum pelago commiserat, cum eo in cellâ colloquebatur; cuius Cherubinus verba intercipiens: Andrea (inquit) an non tumentes maris fluctus intueris, qui mercium tuarum nauigio naufragium moliri queunt? Age: opportunas ad Deum preces fundamus, vt illud tandem saluum recipias. Statimque ad Ecclesiam prodiens, Deum pro nauigij prosperitate deprecatur. Andreas verò Viri Dei sermone permotus, cum diem, ac horam obseruasset; nauigio post hæc ad littus apulso, nautas, quid nauigio die illâ acciderit, sollicitè interrogat: qui se tunc tam aduersis ventis iactatos affirmant, vt vix naufragium euaserint; ac solâ Dei virtute seruati fuerint. Sacrum Missæ sacrificium celebraturus, mentem semper longâ Dominicæ Passionis, ac Diuinæ charitatis meditatione inflammare consueuerat: quo fiebat, vt ferè nunquam absque lachrymis Sacra illa Mysteria Deo offerret: in hisq; interdum tanto internæ charitatis æstu flagraret, vt cum se ad populum illis cum (Dominus vobiscum) verbis saluta-

turus, conuerteret, ignei ac splendentes radij, ex ipsius ore emicarent. Vnde nec mirum, quod Deus varijs eum etiam signis, ac miraculis illustrauerit: quorum nonnulla exempla adferre lubet. Bartholomæus Nulanus Saltatorius Magister, è præcipiti quodam loco ruens, humerum sibi ex lapsu confregerat; qui cum Cherubino familiæ angustias, quas ob suam ægritudinem patiebatur, tristis aperisset; is ubi oculis in Cælum sublatis Deum paulisper orauit; contractum humerum Crucis signo obsignans, ait: Bartholomæe, æquo animo esto, ac Deo confide: quamprimum è lecto incolumis surges. Cumq; his dictis abscessisset, vix Cherubinus domus fores egressus fuerat, cum Bartholomæus humero consolidato, ac pristinæ incolumitati restitutus è strato exiit. Petrus Resonus Tirolensis, graui in genâ cancro laborans, morbi sui ærumnam grauiter descebat: quo tempore Cherubinus, Andreâ Gandulpho Presbytero comite, ex Beatissimæ Virginis, quæ Coronata appellabatur, Aedibus rediens, cum eum plorantem vidisset, miseratione commotus, institis, quibus gena alligebatur, solutis, Vir Dei, genam signo Crucis petens, cancerum tribus digitis apprehensum, absq; vilo ægri dolore, radicitus à gena auulsit, atq; eidem tradens ait: Iam ad B. Virginis Coronatæ Aedes pergens, eidem gratias age: ea enim est, quæ te à morbo liberum præstitit. Margarita Bensæ Cheriensis, ob frequentes partus tam grauem oculorum morbum contraxerat, vt omni penè luce cateret; cumque post multa Medicæ artis remedia frustrâ tentata, incolumitatis spem abiēcisset; Cherubinus pro eâ preces fundens, paruo post tempore elapso, perfectâ oculorum luce potitur. Theodorina Gandulfa Sextensis, tam graui oculorum dolore cruciabatur; vt nullâ diù noctuq; quiete frui posset: cui cum Vir Dei signum Crucis impendisset; protinus fugatur dolor, mulierq; pristinæ sanitati restituitur. Hoc modo Maria, Ioannis Baptistæ Perosæ Sextensis filia, quæ ob pituitæ fluxum iam per aliquot annos obcæcata fuerat; cum à Viro Dei benedictionem postulasset, is post indictam eidem ante Sacrosanctæ Eucharistiæ Altare, Orationem Dominicam & Salutationem Angelicam quinquies recitandam; dum aliquantisper orasset; signo Crucis ipsius oculis impresso, ita illi oculorum lucem restituit; vt obscura protinus discerneret, ac breui post tempore perfectum lumen adepta fuerit. Eodem quoque Crucis signo Theodoram Quillionensem, quæ tam infirmâ oculorum valetudine utebatur, vt domestica negotia agere non posset: alteram quoque Mariam, Philippi Saccarelli filiam, eodem morbo laboran-

tem, post vnum, aut alterum diem reddit incolumes. His & Camilla Carazana accedat; quæ cum in Nouensi Oppido diu incurabili morbo languens in lecto iacuisset, Cherubini se precibus commendat. Cui Pater Camilla, te diu nimis hic lectus detinuit: inde tibi quamprimum emergendum est. Cumque his eam dictis, ac benedictione consolatus fuisset; ægra post vnum aut alterum diem paulatim è lecto surgens incolumis euasit. Præter enumeratos bini Leonoræ Spinolæ filij, quorum alter continuâ, alter vehementi febre tenebatur; Maria Hieronymi Germani Sextensis filia, ab aurium tumore: Andreas Iacobi del Bono Quillianensis filius, à gutturis morbo: Elisaberha quoque Andree Soror, à Diabolico fascino; iterumque à graui cephalalgia: Philippus Saccarellus, à continuâ febre: tres Bernardini Garuagni filij, à boæ morbo: Catharina Augustini Perosi Vxor, à graui capitis dolore: Maria Andree Casellæ Vxor, ab intestino dolore, quo curua incedere cogeatur: Magdalena Eustachij Miconi vxor, à grauissimo vberum dolore: Argentina Burota Quillianensis ab erysipilate, & febre: Nouella Oberti Prescetti vxor, à mentis delirio: Martina Peisia, à manus luxatione: Iunipera Christophori Prunionis vxor, à pleuritide quâ ad vitæ occasum properabat. Postremò, Fr. Franciscus Polupicenis Capucinus calculis grauissimè laborans; ac plerique alij, ab eo oratione, & benedictione curantur. Diuinæ huic signorum operationi, Diuiinarum quoque reuelationum, ac Prophetici spiritus dona accedebant: quibus & res futuras, & occultas hominum cogitationes illi penetrare datum fuerat. Cuius rei nonnulla extant exempla. Inter hæc, cum quatuor Triremes Genuenses è Barcinonensi portu soluentes Genuam adnauigarent: vix medium iter confecerant, cum pelago intumescente; tam graui repente procellâ iactari cœpere; vt ex tribus à fluctibus absorptis, quarta, quæ magnam Nobilium Genuensium copiam vehebat, naufragium quoque passa crederetur. Huius naufragij famâ per Genuensem Urbem diffusâ, cum magnus lectus fieret; Cherubinus non cunctas Triremes, atq; eam præsertim, quæ Nobiles vehebat, ab undis absorptas esse, spiritu Prophetico annunciat. Post hæc Iacobus Ragius, Nobilis Genuensis, domestica quædam negotia Madritigerebat: quæ dum se facile expedire existimat, ad Hieronymam Vxorem scribit, tot nouis quotidie salebris negotia obuolui, vt ad ea explicanda diuturno illi tempore opus sit: Quapropter Hieronyma Virum Dei, vt pro celeriori Viri negotiorum expeditione suas ad Deum preces fundat,

impen-



impensius rogat; qui protinus ad eam: Hieronyma (inquit) ne dubites; Iacobus sua citius, quam putat, negotia absoluet: proximus enim hic October mensis eum tibi huc incolumem reducet. Res exitum sortita Prophetica hanc Viri vocem fuisse haud obscure manifestavit. Per id tempus Ioannes Baptista, Alerami Parauicini filius, inconsultis Parentibus à Genuensi portu soluens, Occidentem versus ad nauigauerat: cuius cum decem & septem annorum spatio ne nuncius, aut litteræ quidem Parentibus allatæ fuissent; eum cuncti vel vndis submersum, vel casu aliquo extinctum existimabant; cum Cherubinus Matri: Ne filium, inquit, Faustina, velut mortuum lugeas; is enim & superstes, & lætus viuit, splendidâ domo, & rei familiaris copiâ illustris: atque ut id tibi facilius persuadeas, breui ab eò litteras accipies. Nec diu illam rei expectatio suspensam tenuit: nam vix duorum, vel trium mensium morâ interiectâ, à filio litteras accipit, qui eam prædictorum certiore reddit. Quo tempore Ioan. Maria Caualerius, eximius in Capucinos beneficus Genuæ ad mortem ægrotabat; Viro Dei ante lucem oranti ipsius obitus à Deo reuelatur. Magdalenæ Miconæ Sextensi filius erat boâ laborans; quem cum Viro Dei benedicendum obtulisset, ut ex ipsius benedictione incolumitatem consequeretur; simul atque Seruus Dei puerum conspexit: Sine, inquit, Magdalena, sine, ut puer cum Angelis ad Cælestia migret. Vixq; pedem abscedens extra domum protulerat, cum infans morte solutus ad Angelorum sedes conscendit. Augustinus Pensus Sextensis, cum in Piratæ manus deuenisset; Catharina Vxor, eum quem mortuum suspicabatur, sancti Viri precibus commendat. Cui ille: Augustinus, ait, fospes est: breuique de illo nuncium accipies. Nec diu cunctatum est, cum mulier ab eo litteras accipit, quibus se captiuum significans, quadringentos aureos nummos ad sui liberationem necessarios indicabat. Quod cum mulier Viro Dei indicasset! Sustine (inquit illi) paulisper: Vir enim absque pretio liberabitur. Quod Viri Dei magis oratione à Deo impetratum, quam humano consilio actum putatur; cum illum Pirata ne quidem cogitantem sponte libertate donauerit. Cattaneus de Marinis, Nobilis Genuensis, septuagenario maior, desperatâ à Medicis valetudine ægrotabat; quo tempore ad eum Cherubinus accedens, cum illum Crucis signo munisset, futuram illius incolumitatem significat, quæ magnâ Medicorum omnium admiratione subsecuta fuit. Stephanū quoq; Arsilæ Centurionis filium grauissimè ægrotantem,



breui incolumem futurum: eodemque tempore alterum eiusdem filium morbo laborantem moriturum, rei euentu vtrumque dictum comprobante, prænunciat. Idem quoque Ioanninam, Octauij del Bon Quillianensis filiam, quæ extremo cum morte agone colluctabatur cum post orationem à morbo curandam affirmasset, incolumitas secuta fuit. Christophoro Prunoni ægrotanti incolumitatem; rursus morbo laboranti mortem prædicit. Ioanni Baptistæ Garaugno, qui dolia ad futuram vindemiam parabat, futuram vini corruptionem præsignificat. Anno 1611. cum rumor de bello à Gallorum Rege Italiam inferendo percrebuisset, rumorem inanem futurum, bellumque ante ortum iugulandum prænunciat. Præter hæc Mariam Prunonam, quæ animum à Monachali statu alienum gerebat, Monialem futuram suis prædicit. Helenæ Pauesiæ ad Medicorum desperationem ægrotanti incolumitatem pollicetur. Ioanni Baptistæ Gauoto Saonenfi febricitanti certam febris curationem: atque eidem futuram ante octauum diem Pauli V. Pontificis creationem prænunciat. Hac igitur tum futurorum prædictione, tum virtutum operatione, eam apud omnes sibi sanctimoniam famam comparauerat; vt eum Liguriæ populi vbique Sanctum prædicarent. Cum igitur octogesimum quartum ætatis annum attingeret, illustrioribus Saonenfis Urbis Viris id obnixè à Prouinciali Ministro postulantibus, Saonem destinatur. Eò cum primum nauigio appulit, se vitæ suæ occasum haud longè abesse, iam Deo reuelante accepisse, Socio manifestat. Post hæc, vbi primum Sacram Beatiss. Virginis ædem in totâ Liguriâ celebrem deuotissimè veneratus est; domum rediens leui febre laborare coepit: quâ sensim ingrauescente, omnibus Ecclesiæ Sacramentis deuotissimè susceptis, pridie quàm è vitâ excederet, suam omnibus, præsertim Saonenfis Urbis Ordinis Benefactoribus, benedictionem scripto exaratam relinquens, quasi leui sopore detentus, Deo spiritum reddit, cum sexagesimum in Religione annum ogeret. Post animæ discessum, caro illius tam mollis, ac tenera attræctata fuit, vt dormientis potius quam mortui esse videretur. Statim verò vbi illius per Urbem obitus fama diuulgata fuit, tanta populi frequentia ad Monasterium confluit, Viri Dei cadauer veneratura, vt iusta ei persolui non possent: certatim enim omnes habitum, quo tegebatur, præscindere, barbam, unguesque obtruncare visi; ita vt corpus ab eorum manibus eripi, atque inter Ecclesiæ cancellos vsque ad sepulturam collocari opus fuerit. Cæterum Cherubini anima è corpore soluta, Viduæ cuidam

Sextensi, Catharina nomine, quæ omni virtutum genere in Oppido Sexti florebat; intempestâ illius diei nocte apparens, his eam verbis affatur: Catharina, en in Cœlum abeo, tuus apud Deum intercessor futurus. Rursus, cùm eadem post hæc in lecto ægrotans, Sancti Viri è Cœlo opem imploraret, habitusque illius particulâ sibi admotâ, incolumitatem mox adepta esset; dum illi pro accepto beneficio gratias reddit; en Cherubinus claro vndique lumine coruscans oranti adest; qui cùm oculos Solis instar emicantes gereret, se illi apud Deum perpetuum Patronum pollicetur. Alias eiusdem apparitiones cuidam Luchinetæ Sextensi pietate celebri factas prætereo; quibus Deus Serui sui post mortem gloriam cunctis testatam esse voluit. At ea minime silentio prætereunda, quæ de perpetuâ sancti huius Viri virginitate, Catharinæ, cuius supra memini, diuino testimonio comprobata fuere. Hæc igitur, cùm de Serui Dei gloriâ certior, nonnihil de illius virginitate, cùm in sæculo versabatur, apud se dubitaret; Deum ob id triduo orans, in mentis excessum rapta, Angelum candidâ veste contextum, vitreamque ampullam clarissimo liquore plenam, manu gestantem sibi præsentem cernit. qui his eam dictis affatur: Postulas, Catharina, num Cherubinus hinc purus, ac Virgo migraverit, agnoscere: iam id apud te certum habet, Cherubinum ab omni carnis labe, ampullæ huius splendentis instar, purum, ac Virginem è viuis excessisse. Cum id illi ter eodem modo confirmatum fuisset, rem apud se deinceps certissimam habuit. Necdum autem illius corpus sepulchro conditum fuerat, cùm Aurelia Raineria, quinque annorum puella, altero crure capta, ipsius habitus particulam à matre cruri eius admotam attigisset, crus integritati est redditum. Eadem quoque die Hieronyma Polleria, quæ grauissimo genuum dolore tenebatur, habitus eius particulam sibi adhibens, mox à dolore curatur. Bartholomæa Bessina, Quillianensis alterum oculum tam tumidum gerebat, vt illius prorsus lumine careret: quo tempore habitus Cherubini particulâ sibi oculum contingens, protinus arefacto tumore, oculi lumen recipit. Hoc modo Peragrius Carpeninus, ab Odontalgia, quâ octo dierum spatio grauissimè laborauerat: Fullinia Ferraria à genarum dolore: Minetta Barbeua à febris continuâ: Ludouica Ioannis Baptistæ Saccarelli Vxor diutinâ febris laborans: Hieronyma Augustini del Bono Vxor, & Catharina Leonardi Castelli Sextensis filia, à graui cordis passione: Lucanus puer quinquennis, à boæ morbo, ex quo moriturus putabatur: Peregrina Saonenfis, Augustini Magij filia dextri oculi lumine

carens: Hieronymus puer, Baptistæ Pinziboni filius ad mortem ægrotans: Ambrosius Sauinionus ab alterius pedis tumore: Lælia de Nigris, Nobilis Genuensis ab oris apostemate: Pueri duo moribundi in Oppido S. Margaritæ: Augustinus Parauicinus à gutta arthetica: Iulia Seraualia Genuensis à fluxu catarrhi: Georgia Belmosta ab odontalgia: Nicolaus Sextensis à mentis delirio: Stephanus Brianus Sextensis ab acuta febre: huius sancti Viri habitus contactu liberantur. His accedat Fr. Iosephus Genuensis, Ordinis Capucinatorum, tam graui ischiade laborans, vt altera corporis parte mutilus esset; qui cum sancti Viri habitus particulam læsa membra contigisset, tam integram incolumitatem assecutus est, vt eo deinceps morbo nunquam laborauerit. Atque idem rursus eodem habitus segmine genæ dolorem fugat. Hoc eodem habitus contactu, Fr. Mauritius Genuensis, Clericus, eiusdem Ordinis, à febre continua: Maria Elisabeth Grilla, Syluia Hiacynta, & Pacifica, Moniales S. Syluestri Pisani, à graui molarium dolore: Vincentia Alphonsa & Maria Paraclita eiusdem Monasterij Moniales à laterum pressurâ: Margarita eiusdem Monasterij Conuersa ab oris abscessu, sancti Viri merito perfruantur. Obijt Vir Sanctus Anno 1612.

Fr. BERNARDINVM à CILENTO, Virum virtute præstantem, Neapolitana Prouincia ad cæterorum exemplar in medium profert. Qui, cum Vir singulari prudentiâ ornatus esset, Neapolitanam Prouinciâ magno cum Regularis obseruantie zelo administrauit; cuius illud Apophthegma legitur; Tria esse Religionis propugnacula. Primum, cultus Diuinus ritè persolutus. Secundum, silentium Euangelicum, ac Regulare. Tertium, orationis studium. Multarum lachrymarum Virexitit, quas præsertim in Sacrorum Mysteriorum celebratione fundebat. Cumque multarum virtutum odore eam Prouinciâ respersisset, in Conuentu tandem S. Euphebij Corporis sarcinam deponit, Anno 1586.

Fr. HIERONYMVS PICENS, Sacerdos; cum omni tum prudentiâ, tum virtutum laude Aquitaniæ Prouinciâ administrasset; abstinentiâ, & orationis studio eximius quiescit, Anno 1593.

Consentina Prouincia suum HIERONYMVVM AQUARIENSEM, Concionatorem, ac Pastorem celebrat. Qui cum magnâ cum virtutis, ac Regularis obseruantie laude aliquot annos eam administrasset, quibusdam post mortem sanctimonie signis emicat; in quibus illud commemoratur, quod sexto ab ipsius obitu mense elapso, cum ipsius corpus in sepulchro conquiretur, non modò integrum &

incorruptum repertum fuerit ; verum, & dum facies ipsius Caputio inhærens ab eo vi aliquâ auellitur, ex eâ copiosus sanguis effunditur. Quod cum ipsa corporis demortui natura, calore omni, quo sanguis efferuer, destituta præstare nequeat, Diuinæ in eo virtutis opus agnoscitur ; quæ viuentis animæ signa in exangu corpore declarare voluit. Obijt 1595.

FR. ANTONIVM à PETRA MOLARIA, Sacerdotem & Concionatorem Neapolitana Prouincia encomijs extollit : qui cùm doctrinâ, prudentiâ, ac præclarioribus vitæ exemplis eam Prouinciam administrasset ; atque in eximie Sanctitatis testimonium Alexandri Vetij filium, desperatâ a Medicis valetudine ægotanrem, signo Crucis incolumitari restituisset, summo apud omnes sui desiderio relicto, Neapoli in Conuentu Immaculæ Conceptionis vitæ cursum pari virtutum laude absoluit, Anno 1693.

FR. ANGLICVS PANORMITANVS, Sacerdos & Concionator in Panormitana Prouinciâ, magnæ virtutis ac prudentiæ commendatur, qui cùm eam Prouinciam præclare aliquamdiu moderatus fuisset, magnâ cum sanctimonie famâ in eo munere diem suum Licetæ obit, roto Urbis populo ad corpus confluente. Post obitum ipsius Capurij particula mulierem partus doloribus oppressam, ad fœtum prouocat : ipsius quoque capilli alteri, quæ ob partus difficultatem magno in vitæ discrimine versabatur, impositi, eam prouocato fœtu incolumem reddunt. Obijt Anno 1605.

FR. PAVLVS ALETINVS, Sacerdos, Hydruntinam Prouinciam magnâ prudentiâ ac consilio ; magis tamen virute ac sanctimonie aliquot annis administrauit. Moribundi Pueri futuram incolumitatem ; alterius verò, qui necdum ægotabat, mortem Diuinitus præsignificat. Postremò proprio obitus die præsignificato in Domino obdormit Anno 1608.

\* \*  
\*



FRATER SERAPHINVS A NEAPOLI FRATRVM  
CAPVC<sup>um</sup> PROÆ COSSETANÆ DEF. PROALIS.

## Fr. SERAPHINI A NEAPOLI.

## COSSETANÆ PROVINCIÆ

## DEFINITORIS

## VITA, ET GESTA.



RATER SERAPHINVS NEAPOLITANVS, Sacerdos. Hic Sacris initiatus, cum Barcionem cum Alarconio appulisset, ibi tantâ humilitate, tantâ sensuum mortificatione, tantâ vitæ austeritate, deniq; tam admirabili virtutum luce coruscare cœpit; vt qui pudicitie germen, honestatis formam, morum exemplar, pietatis normam. & deuotionis simulachrum sibi propositum vellent, in eum oculos defigerent. Post hæc Sacerdotio inunctus, tam ardenti, ac pio mentis affectu sacra Mysteria peragere cœpit; vt haud semel puerum IESVM, dum Sacris incumbit, sub Eucharistiæ accidentibus, humanâ formâ præditum conspexerit. Ad Nouitiorum educationem vocatus, mirum quantâ illis virtutum luce anteiret, quantâq; sollicitudine munus illud gereret. Tabulis pro strato utebatur: nudis absque sandalijs pedibus incedebat: corpus inediâ afficiebat: nocturnis sæpè vigilijs incumbibat: assidue orationi insistebat: arcta silentia seruabat; alijsque vitæ austeritatibus carne castigatâ animum ad superiora ducebat. Cum autem Seraphinus quartanâ aliquando febre laborans, iter faceret, Feriâ sextâ hospitio exceptus, is Quadragesimalibus cibis solis admissis, cum oua respueret; nec tamen piscium, nec Quadragesimalium aliorum ferculorum copia esset: En Iuuenis quidam, qui piscator videbatur, protinus in ianuâ conspicitur, qui nonnullos in fiscellâ venales pisces gerens, eos hospitiæ pretio comparandos offert. Cui dum ea pretium soluere parat, Iuuenis, piscibus cum fiscellâ relictis, euanescit. Hunc Deus Cœlesti luce, qua occulta penetraret, aliquando collustrare voluit. Etenim dum Nouitiorum Magisterio incumbit, Nouitius quidam Bartholomæus nomine, tam ad omnia ineptus, ac Religioni inhabilis videbatur, vt eum Fratres ab Ordine dimittere omnium calculis statuissent: quo tempore, dum Nouitij communi oratione vacant, Seraphinus, Bartholomæum orantem conspiciens, candidam columbam ipsius capiti insidentem animaduertit;

quam tametsi is manu effugare studeret, columba tamen circumvolans statim ad caput redire cernebatur. Quo visu Seraphinus columbinum mentis candorem Nouitio inesse edoctus, Religionis gremio solemnī votorum emissionē confirmatur. Qui tandem virtutibus, ac sanctimoniā clarus post 26. annorum curriculum ad Cœlos migravit. Post hæc contigit, vt Gerundensis Conuentus putei aquis putrefactis, Seraphinus Nouitios conuocans, eos vt in Beatissimæ Virginis honorem Rosarium recitent, obedientiæ merito pronobcat: quod cum ij omni pietate præstitissent, mox aqua, quæ omnino corrupta erat, ad pristinam integritatem ac saporem redijt: Plurimis tandem tam in Nouitijs instituendis, quàm in administrandâ Prouinciâ ( sæpe enim inter Prouinciæ Patres connumeratus, Guardiani & Definitoris officio functus fuit ) piè laboribus exantlatis; cùm Custos electus ad Generalia Comitā pergeret, Genuam nauigio reductus, post aliquot ægritudinis dies, quibus ipsius virtus ac patientia enituit, eò tandem nauigio appulit, vbi nullum deinceps naufragium timere queat,

Anno 1593.





FR. ANDREÆ A GANDESA,  
PROVINCIAE CATHALONIAE

DEFINITORIS PROVINCIALIS

*VITA, ET GESTA.*



RATER ANDREAS à GANDESA, Sacerdos, anno 1583. ex Observantium gremio ad Capucinos aduolans, præclarum virtutum cursum, quem in priori Ordine constituerat, tanto studio apud nostros prosecutus est; vt vitæ austeritate, abstinentiâ, paupertate, humilitate, mansuetudine, oratione, ac demum Regularis observantiæ perfectione insignis fuerit. Virginitatem, quam à naturâ tulit, hanc tantâ morum honestate coluit, vt mulierum omnium studiosè aspectum & consortia fugiens, perpetui cuiusdam pudoris, qui virginitatis color esse solet, in vultu insignia gestauerit. Maiores in eâ Prouinciâ dignitates suâ virtute affecutus, in his tantâ prudentiâ, moderatione, ac humilitate versatus est; vt neque eum dignitas extolleret, neque humilitas dignitatis grauitatem minueret. Tyronum quoque cùm per aliquot annos educationem sibi commissam suscepisset, ijs ita verbo, & exemplo præluxit, vt Cathaloniensem Prouinciam bono Virorum semine fœcundauerit. Perpetuâ, ac singulari Beatissimam Coelorum Reginam cùm Religione prosequeretur; eo factum est, vt plerumquæ etiam illius aspectu ac colloquio potiretur. Postremò, meritis ac virtutibus diues, cùm in Conuentu Montis Caluariæ Barcinonæ ad immortales concessisset; ipsius anima à Seraphinâ quadam insigni muliere, quæ Monialium Capucinarum apud Barcinonenses fundatrix fuit, rectâ, absque vllâ Purgatorij poenâ in Coelum ferri visa fuit.

Obijt Anno 1605.

\* \* \*





FRATER ARCHANGELVS SCOTVS FRATRVM CAPVCINORVM  
DIFFINITOR PROVINCIALIS.

# FR. ARCHANGELI SCOTI, BELGICÆ PROVINCIÆ

DEFINITORIS

*VITA, ET GESTA.*



**P**RATER ARCHANGELVS SCOTVS , Concionator, claro natali , at præclarioribus virtutibus exornatus; Hic materno ex genere Regiâ stirpe oriundus ( vt-pote Margaritâ Gordoniâ progenitus , quæ cùm Marchionis de Huncle filia esset ; cuius antecessor Regis Scotiæ filiam in vxorem duxerat , Regiæ Stuartorum Familiæ sanguine coniuncta fuit ; ) Paterno quoque Nobilissimus extitit. Patre namque Comite de Forbes , ditione & opibus potente ortus; ex vtroque parente præclaram generis Nobilitatem tulit. Dispar erat parentum cultus , ac diuersa Religio : cùm enim Margarita Mater Catholicam Religionem ac Fidem , quam Gordonirum stirps semper coluerat , omni studio amplecteretur; Forbesius Pater contrâ ita in Caluinianam sectam iurauerat ; vt cùm Margaritæ animum à Catholicâ Religione, nullis aut minis, aut terroribus auocare posset , primogenito filio ab eâ suscepto , eidem repudij libellum obtulerit; alteramq; eiusdem sectæ puellam duxerit. Alterum tunc Margarita in vtero foetum gerebat : quapropter accepto repudij libello, pro fide profuga , hinc inde inter notos & propinquos aliquamdiu latuit; donec euoluto pariendi tempore puerum peperit, cui Ioannis nomen imposuit. Huc verò Archangelus noster fuit, qui necdum natus, pro fide fugas, exilia, ac persecutiones perpeti, ac pro iustitiâ agonizare cœpit. Cum primùm verò Hæreticus Pater Margaritam puerum enixam fuisse percipit , vim ac dolos omnes tentat, vt vel puerum Matri abripiat , vel Matrem simul cum puero è medio tollat. Id ille tandem post biennium assequitur , vt ablactatum puerum vi à Matre abstractum , ad se deferri curet. Margarita verò , vbi puer rationis , ac iudicij compos esse potuit , frequenter per secretos monitores , & fideles nuncios ad Catholicam Religionem hortabatur. Idem quoque studium , ac sollicitudinem in maiori natu ab paternâ hæresi abducendo, & in Catholicâ Fide instruendo conferebat. Neque intempestiuum , aut inane hoc illius studium fuit : etenim maior natu his piæ Matris monitis

magis in Fide confirmatus, in Belgium proficisci cogitat; vbi Nobilium mensâ, ac stipendiariâ pensione, quæ illi à Rege Catholico protinus collata fuit, à Farnesio Principe honorificè exceptus, sub eo nonnullo tempore militat. Verùm ad præstantiorem militiam à Deo vocatus, ad Capucinorum Castra se confert; ac sub Archangeli nomine Deo militare cœpit. At breue illius militiæ tempus fuit: paucis enim, magnâ cum vitæ austeritate, abstinentiâ, oratione, ac cæteris Euangelici Viri virtutibus, annis in Religione exactis; necdum Sacerdotio inunctus, Gandaui in Choro, dum Diuinas laudes perfonat, animam efflat, à Choro psallentium ad Angelorum Choros migraturus; quod cœlestis lucis candore, quæ tunc supra Chori tecta refulsit, testimonio comprobatum fuit. Versabatur hoc tempore etiamnum in Scotiâ Ioannes Archangeli frater, iam adolescens; qui cùm ex Patris, ac Sororum hæreticarum consuetudine, ac persuasione Circæum iam hæresis poculum degustâisset; hunc Archangelus ex Belgio, Margarita quoque Mater frequentioribus litteris salutis periculum edocentes, ad Catholicam Fidem prouocabant. Erat in Scotiâ præclarus quidam Dominicæ vineæ operarius, Iacobus Gordonius nomine, Presbyter Societatis IESV, horum germanorum patruus, Vir doctrinâ ac virtute præstans, qui sedulam in profligenda hæresi, & Catholicâ Fide clam disseminandâ operam nauabat. Hunc Archangelus adire, atque ab eo viam veritatis explorare Ioannem Fratrem tam sæpè per litteras admonet, vt his Adolescentis animus excitatus, ad Iacobum Patruum se contulerit, animumque aperuerit. At pius Sacerdos nepotem charissimè amplexatus, sollicitè in Catholicâ Fide instruit, roborat, confirmat; atque à pestiferâ hæreseos labe absolutionis Sacramento expurgatum dimittit. Hinc melior Ioannes quàm venerat, ad Patrem redit: qui cum filium à priori immutatum; ac sacra amuleta, quæ ille à Patruo acceperat, collo appensa aliquando gestantem vidisset, Catholicum suspicatus; rem tamen dissimulat: protinusque nobilissimam puellam, facie decoram, & hæresi imbutam, qualisque ad filij animum à Catholicâ Religione auertendum expeti poterat, mox illi matrimonio iungere parat. Haud repugnat Ioannes, animum dissimulat, simulat procum, choreis vacat, venationi incumbit; atque vt omnem sui propositi suspensionem Patri adimat, nuptias vrget. Interea, vt Catholicam Fidem, quam profundè animo hauserat, incolumem seruet, fugam à paternâ domo atque à toto regno meditatur. At ne ea aliquando in discrimen vocetur, Sponsam sibi

deferren-

deferendam statuit. Contigit verò, vt dum fugæ modum secum animo versat, Nobilium aliquando turbâ stipatus feras insectaretur: quo tempore longo equi cursu defatigatus, dum ab alijs disiunctus parumper quiescit; en in visâ pauperum quorundam Religiosorum; quorum se nunquam aut habitum, aut formam vidisse meminerat; in supplicationis modum ordinatè incedētium agmen cernit. Eo ille aspectu stupere; & quò irent, quidve portenderent, ignorare. Interea se paulatim erga illos affici, & ad eorum imitationem Diuino quodam impulsu pertrahi animaduertit. Ignorabat Adolescens Diuinæ adhuc vocationis arcanum; quod illum tamdiù latuit, quoad in Capucinatorum numerum cooptatus, quid ea visio præse ferret, tunc primum agnouit. Ioannes igitur post huius visionis aspectum, magis animo ad fugam accensus, re iam apud se deliberatâ, puellam, quæ sibi desponsanda erat, opportunè adit, idque sibi in votis esse, aperit; antequam cum eo Coniugij iugum subeat, exterâs, vt Nobilem decet, Regiones perlustrare; postremò se Catholicam Fidem colere, vt in eadem ea quoque Religionem consentiat, blandis verbis suadet. His illa auditis obstupescens, paucis Ioanni respondet; quod ad primum attinet, profectiois consilium non omninò improbâre; quod verò ad alterum Catholicæ Fidei caput spectat, illud maiori consilio indigere. Hoc cum se pacto Ioannes à Sponsâ expeditisset, domum reuersus haud procrastinat: sed cum in Belgium proficisci cogitaret, ludo postridie simulato, longiùs à Castro procedit. Cumq; in Adolescentem Ouium Pastorem incidisset, cum eo lusum simulans, suas cum illo vestes commutat, pastoritioque sago contactus, paulatim se ab illius oculis abripit; ac velociori dein cursu in fugam se dat; donec nauigio conscenso Antverpiam adnauigat. Hoc modo Generosus Adolescens duodevigesimalium circiter annum agens, ac florecente ætate, paternâ domo, parentibus, sororibus, propinquis, amplissimâ hæreditate, primogeniturâ; omnibus denique pro Catholicâ Fide tuendâ contemptis; cum his & Sponsâ, summâ animi constantiâ relictâ, alterius Alexij instar, ad ignotas sibi terras pergit. Hoc igitur Opilionis habitu, cum Noordam, Belgij munitiunculam appulisset, à Regio milite Catholico, ob id potissimùm eum exploratorem suspicante, quod tibialia serico intexta, quæ fugæ festinatione non exuerat, sub opilionis habitu aduerteret, comprehenditur; & captiuus ad Mondragonium, tunc Antverpiensis Arcis Gubernatorem mittitur; à quo cum fugitiuus miles crederetur, in carcerem conijcitur. At D. O. M. tantam illi inter hæc vincula

vultus hilaritatem, animo solatium, intrepidamque pectori fortitudinem contulit, ut nec vincula horrere, neque ex carcere moerorem contrahere videretur. At cum diutius in eo detineretur, Carceris Custos præclaram illius indolem, morum honestatem, patientiam, laborum tolerantiam, liberalemque agendi modum; ac præsertim animi pietatem, quâ sæpe interdiu, ac nocturno tempore orationi vacabat, demum tot probitatis signa, quæ nec vagabundum, nec fugitium, neque exploratorem comitari solent, inspectans, Gubernatori persuasit, ut Adolescentem omni suspicione vacuum, liberum dimitteret. Eâ porro animi constantiâ in hoc vitæ periculo Ioannes à Deo præditus fuit; ut post hæc interrogatus, quid sibi in his vinculis, ac comminati patibuli periculo animi esset, responderit intrepidus, se neque carcerem, neque mortem exhorruisse: cum ex quo Catholicus esse cõperat pro Christo tum viuere, tum mori lucrum putaret. Liber itaque à vinculis, rectâ ad Beatissimæ Virginis, cui deuotissimus erat, Urbis Antverpiensis Ædem fertur; vbi genuflexus immensas pro impensâ custodiâ gratias agit, assiduusque in eâ tamdiu se ieiunijs & orationibus exercet, quoad quidam illius Templi Sacerdos, tam egregiam in Adolescente pietatem admirans ab eo, cuius patriæ sit, & quorsum eò venerit, inquireret. Cui cum se natione Scotum, eoque consilio eò accessisse indicaret, ut inter bonos Catholicos vitam ageret; hoc ipso tempore duo Capucini Fratres Templum ingressi, consuetâ Ordini prostratione, Diuinum Sacramentum adorant: quos ut ille attentius conspexit, à Sacerdote, cuius instituti sint, interrogat. His, ait ille, Capucinorum nomen, ac institutum est, in toto Orbe Christiano celeberrimum, qui B. P. Francisci spiritu geniti, Apostolicam in Dei Ecclesiâ vitam referunt. Statimque visionis, quam nuper in Scotiâ venationi vacans, acceperat, recordatus, mox in hæc verba erumpit: Utinam & ego Capucinus essem! Sacerdos verò, ut Adolescentis animum ad Capucinos propendere animaduertit, illum ad eximium quendam Capucinorum Benefactorem Ludoicum Charis nomine adducit; qui peregrinum domo, ac mensâ benignè acceptum, vno aut altero die ieiunijs confectum recreat; ac tandem ad Capucinos adducens, ijs Adolescentis animum ad Religionis amplexum anhelantem exponit. Fratres verò, cum nec Latinam, nec Belgicam linguam tenere animaduernerent, Ioanni persuadent, ut studijs aliquamdiu vacet. At ille Laicum se fieri optare respondet. Fratribus verò litterarum illi studia inculcantibus, paret ille, atque inter Urbis pauperes con-

numeratur;

numeratur; præstantique ingenio fretus, haud mediocriter in litteris proficit. Interea, cum nec pecunia ad res vitæ necessarias comparandas, nec domicilium illi ad habitandum suppeteret; mirum sanè, quanta corporis incommoda delicatus Adolefcens pertulerit. Etenim aliquamdiu in lignèa quâdam excubitoriâ casulâ, humi cubans somnum carpsit; emendicataque stipe quotidie victitans, vix pane, aut frugibus famem hoc tempore sedare potuit. Hæc verò facilè euitare potuisset, si genustantum & sanguinem, quo præditus erat, indicasset. At tantus in tenui Adolefcantis animo Christi amor efferbuit, vt cuncta corporis incommoda pro illo ferre non horreret. Ludouici tandem Claris, Viri ad miraculum pij ope adiutus, cum breui & Latinam & Flandricam linguam didicisset; inter Capucinos adnumeratus, tunc primum genus & stirpem, voluntarijque exilij causam Patribus aperit; atque Archangeli Fratris, qui nuper Gandaui diem obierat, nomen sortitur. Vigesimum tertium ætatis annum agebat nouus Archangelus, cum in ipsâ S. Mariæ Angelorum die, quæ Portiuncula nuncupatur, Anno 1593. Probationis annum auspicatur. Mirum profectò, quantâ animi voluptate perfusus, in omnem se tum obedientiam, tum patientiam, tum suiipsius despectum, tum simplicitatem, tum paupertatem, atque aliarum virtutum formam componeret. At Satan, cum prius vinculis ac carceribus illius propositum mutare non potuisset, nunc illius in Religione constantiam aggreditur. Rumore namque de Archangeli stirpe in Belgio diffuso, Nobiles quidam Scoti pro fide profugi, cum breui eum solemnia Religionis vota nuncupaturum intelligerent, quæstionem apud Duacensis Facultatis Doctores sub hac propositione agitant: Vtrum liceat Nobili Primogenito suæ stirpis Familiam deferere, in Patriæ propriæ, & Catholicæ Religionis præiudicium. Quibus cum ij respondiissent, non licere; hac Facultatis sententiâ armati, Tornacum conuolant; Archangelum petunt; & à votorum obligatione deterrent. At Capucini Patres, quanquam iustis de causis diuersa sentirent: attamen, vt Archangeli constantiam probarent, rei liberationem eius arbitrio committunt. Controuersia illi status proponitur: Facultatis sententia aperitur: vrgent Scoti Nobiles commune bonum, & ad suos reditum. Quibus ille paucis verbis respondit, suum à paternâ domo discessum, non suo, sed diuino consilio dispositum. Commune porrò tunc salutis bonum curandum esse addit, cum proprium in discrimen non vocatur. Postre-

mōd, firmum illud, ac fixum in animo sibi propositum esse asseuerat. Religionis vocationem constanter prosequi : quod si eam hac in Vrbe, aut Prouinciā interceperint, in alterā instauraturum; neque inter alios, quā inter Capucinos extremum Spiritum exhalaturum. Hanc illi animi constantiam in nouo Religionis tyrone admirantes, mox Diuino spiritu perciti conclamant: Dei hæc vocatio est; in eā permane. Hoc itaque certamine deuicto, cū Archangelus solemnia vota emisisset, mox tantā coepit virtutum vbertate florere, vt inter humiles humillimus, inter pauperes pauperrimus, honestissimus inter honestos haberetur: atque adeo ad omnium virtutum studia Coelesti quādam animi cupiditate raperetur, vt indicto carni, sensibus, ac vitijs omnibus bello, breui ita omnium victor euaserit; vt præter virtutum omnium exemplar nihil in oculis, in habitu, in incessu, in actibus, in moribus præ se ferret. Vilia domus officia, tam auidē amplectebatur, vt in ijs omnem voluptatem collocasse videretur. Tanta illius erat in exteriori homine compositio, tanta oculorum demissio, tanta vultus modestia, tanta morum venustas, tanta denique actuum morigeratio, vt eā quemcunque ad se alliceret, deprauatosque aliorum mores tacitē fugillaret. Singularem Viri abstinentiam; frequentia præter consueta ieiunia; carnis macerationes; vitæ denique austeritatem taceo: quæ ita exesum atque exsuccum præstiterant, vt caro præmorta viuentem spiritum testaretur. Atque hæc quidem interiorem animi compositionem indicabant: cū enim in quotidiano domus ministerio Martham referret; in oratione, ac rerum Diuinarum contemplatione Mariam: in Choro, ac Diuinis laudibus Angelum, in Dei amore Archangelum ac Seraphinum sese ostendebat. Peractis verò Theologicæ disciplinæ studijs ad Prædicationis munus assumptus, tanto æstu in Catholicæ Religionis propagationem ferebatur; quod nisi celerius morte interceptus fuisset, in Scotiam redire decreuerat, vt Patris, & Patriæ salutem, vel etiam profuso sanguine curaret. Interim cū Teneramundæ Guardiani officio fungeretur, audiens non paruam Scotorum militum manum, ex quibus non pauci Hæresi infecti essent, Dixmundæ præsidariam collocatam fuisse, eò quamprimū aduolat: Hæreticos milites tot Scripturarum, ac inditæ eloquentiæ telis adoritur; vt ex his trecentos, & amplius, ad Catholicam Fidem pertraxerit: quos tantā vitæ, ac morum disciplinā conuersos continuit, vt qui antea ob deprauatam vitæ rationem Vrbi graues erant, ijs abscedentibus, tam morigerato deinde



milite Ciues destitui ægrè ferrent. Alterum quoque in eodem itinere Scotorum Hæreticorum agmen Mennenis ad Ecclesiæ Catholicæ sinum perduxit. Eâdem post hæc Charitate vrgente; cùm & Cynatum Comitem hæretico errore imbutum, ad Hæresim abiurandam impulisset; missis ad Matrem litteris, quibus illam sui status, ac Religiosæ Professionis certiore reddit, Belgicam illi profectiorem suader, quo suorum tandem hîc laborum metam, ac finem accipiat. His pia Mater litteris plurimùm lætata, ad Filium pergit: At cùm primùm, quem nunquam post incunabula viderat, ex internâ potissimùm viscerum commotione agnouit; quantâ exultatione ac lachrymarum effusione in filij amplexus ruerit, vix explicari potest. Archangelus autem Matrem consolatus, aduentum gratulatur, Amantissimique Filij officia eidem perpetua pollicetur. Cùm igitur Archangelus omnibus, quibus poterat, Matrem charitatis officijs prosequitur; haud interea Sponsæ suæ, quam in Scotiâ reliquerat, & ad Catholicæ Fidei amplexum cohortatus fuerat, obliuiscitur. Cùm enim quotidianas pro eâ ad Deum preces funderet, eo factum est, vt post Archangeli ab eâ discessum, suprema illa Sponsi verba sæpè animo reuoluens, Diuinam sibi lucem assequi, ac Cœlesti quodam impulsu excitari senserit; quo Gordonij illius Patris è Societate Iesv, qui Archangelo Dux ad fidem fuerat, sibi colloquium quæreret: quo tandem potita, ita Fidei Catholicæ veritatem hausit, vt ab eò in Ecclesiæ gremio collocata fuerit; ac post biennium à Sponsi discessu in Fide constans ad Cœlestem Sponsum felix migrauerit. Post hæc Archangelus Teneramundam cum Guardiani potestate profectus, Margaritam Matrem Antverpiæ diuinis rebus seriò incumbentem relinquit: quæ cùm post Filij sui discessum aduersâ valetudine laborare cœpisset; & obitus sui diem ante sex hebdomadas familiari cuidam suo prædixisset; obnixæque se à Deo petituram diceret, vt & Archangelus breui secum esset, maturiusq; vitæ cursum absolueret, omnibus Ecclesiæ Sacramentis munita, die, quam prædixerat, piè ad Dominum migrat. Quod vbi Archangelus per nuncium accepit, imperturbato animo, ac vultu ad pietatem composito immensas Deo gratias agit, quod charissimæ genitricis laboribus tandem finem imposuerit. Post hæc Archangelus Wæstmonsterium, Oppidum duas vix leucas Teneramundâ distans, in quo lues grassabatur, piæ cuiusdam causæ gratia profectus, pestilenti morbo corripitur. Quare celerius Teneramundam rediens, ne Conuentus Familia eâ tabe inficeretur, post Sacramenta



omni cum Charitatis ardore, ac pietate suscepta, in hortum se deferri iubet: ex quo tandem ad amœna Paradisi vireta, Deo animam exulis sui, dum languidum corpus asportatur, ad præmia vocante, euolat, sexto post obitum Matris mense: Anno verò ætatis suæ trigésimo sexto; à Natiuitate Christi 1606.

## Fr. CLEMENTIS APRICINENSIS. PROVINCIAE S. ANGELI

DEFINITORIS

*VITA, ET GESTA.*



**F**RATER CLEMENS APRICINENSIS, Concionator, cum orationis studio potissimum incumberet, omnium virtutum suppellectili ita animi domicilium exornauerat, vt inhabitantem Dei spiritum consecutus, cum ad Euangelicam Prædicationem accederet, eo per ipsius os proloquente, vberes semper animarum fructus referret. Hinc ad Prouinciæ dignitates euectus, quo tempore Manfredoniæ versabatur, accidit, vt Frater Dionysius à sancto Ioanne, Concionator, qui plurimo illi amicitiae vinculo coniunctus erat, in altero Conuentu longè à Manfredoniâ distante, diem extremum clauderet: qui eadem, quâ obierat horâ, Clementi oranti apparens, illum amicis verbis salutat, seq̃ue eâ horâ ex humanis excessisse, atque ex Dei misericordiâ salutem adeptum fuisse indicat. Clemens porrò amici tum aspectu, tum nuncio lætus, ab eo querit, num Dei in morte iudicium (vti vulgò circumfertur) tam rigidum ac formidandum sit. Cui Dionysius: Ne dubites Clemens (ait) quin formidabilius, quàm existimari ab hominibus solet, hoc Dei iudicium sit, rigidaque omnium discussio fiat. Cumque amicum nonnullis salutaribus consilijs prosecutus esset, euauit. Ea verò defuncti amici consilia Clementis animo ita insculpta fuisse; tantumque his ad perfectiorem vitæ rationem ineundam excitatus fuit, vt ab eo tempore miris cœperit virtutibus coruscare; ac visionibus cœlestibus, præsertim sacræ Deiparæ, quam singulari semper veneratione est prosecutus. aspectu frui: quæ cum eidem ad mortem posthæc ægrotanti apparuisset, de futurâ illum incolumitate admonet, quam paulò post assequitur. Hic cum in Cæsaris Natalis, Regij Aduocati domo aliquando versaretur, ipsius filium

adhuc

adhuc puerum intuitus, imminens illi mortis periculum prænuntiat; quod is deinde equi calcitracione subiit. Idem in Villam quandam cum Nouitio profectus, Molossorum rabiem contra eos excitatam signo Crucis coërcuit; ac tandem B. Virginis laudes decantans Luceriæ vitæ cursum absolvit Anno 1608. Hic post mortem

Fratrem quendam ab acediæ Spiritu tentatum à tentatione liberat, nonnullaque ei monita salutis tribuit.

\*\*\*





FRATER HIERONYMVS NOVARIENSIS FRATRVM  
CAPVCINORVM SACERDOS.

# FR. HIERONYMI NOVARIENSIS. FRATRVM CAPVCINORVM

GVARDIANI

## VITA, ET GESTA.

**H**RATER HIERONYMVS NOVARIENSIS, Prouinciæ Mediolanensis Sacerdos, ex illustri Auogadrorum Familiâ ortus, maturè Deo famulari cœpit; atque in ipso iuuentutis flore iugo Domini assuescens, in Seraphicam Fratrum, qui de Obseruantia nuncupantur, militiam conscribi voluit: in quâ, magnâ cum Regularis obseruantia, tum cæterarum virtutum laude cum per aliquot annos versatus fuisset, Diuino spiritu excitatus, simul cum Iosepho Fernensi, ac tribus alijs Familiæ Fratribus ad Capucinatorum gremium se recipit. Vir ætate prouectus, ac moribus grauis erat Hieronymus, cum ad Capucinos migravit. Tanta in eo Temperantiæ virtus, & abstinentiæ rigor elucebat; vt cum primùm mensæ assideret, eam tum panis, tum obsonij partem, quæ melior esset, quamque magis sensus appeteret, à cæteris præscinderet; ac seorsim, quasi eam Christo pauperi, ab eo Eleemosynam petenti erogaturus esset, reponeret, vt nullo vnquam tempore satur à mensâ recederet. Hinc cum lepidè quosdam ad eduliorum vilitatem, ac paupertatem hortari vellet: Cauete (aiebat) Fratres mei. à B.P.N. Francisco: is enim cum suprema dies nos ante Dei tribunal iudicandos statuet, gladio armatus apparebit; eoque vniuscuiusque ventrem findens, quid in eo lateat, explorabit. Si quos optimis carnibus, grandioribus piscibus, ac lautioribus epulis infartos offenderit, eos inter diuites, non inter Christi pauperes computaturus est. Quos verò præter olera, fabas, legumina, pisciculos, ac pauperum cibos nihil in ventre gerere conspexerit, hos velut Christi pauperes, ac paupertatis altissimæ filios est complexurus. Cum autem Hieronymus alimenti quippiam corpori indulgeret. animum ita in Cœlestium rerum contemplatione imbuere assueuerat; vt ciborum sapor vix ad gustum pertingeret; ita vt qui cum refectioni incumbentem cernerent, alia, altioraque præter cibos animo cogitantem animaduertent. Paupertatis altissimæ

seuerus cultor, nihil præter ea, quæ à Regulâ conceduntur, admittebat, rerumque penuriâ potius, quàm copiâ oblectabatur. Humilitatem, voluntatis abnegationem, patientiam, mansuetudinem, silentium, carnis mortificationem, purissimam castitatem, sibi familiares conciliabat: quinimò ad eam mentis simplicitatem peruenerat, ut ne malum quidem de altero suspicari posse videretur. Atque hoc assiduo virtutum studio illud mentis, ac sensuum omnium dominium assecutus est; ut nec linguam in otiosum verbum prolabi, nec animum præter inditæ rationis leges voluptate aliquâ capi permitteret. Animi verò puritati tanto studio vacabat, ut minimas quasque mentis labe, quibus vix hominum vita propter naturæ corruptionem carere potest, quotidianâ confessione deleteret. Orationi, ac rerum Diuinarum contemplationi ita deditus erat, ut, siue cum alijs ageret, ac negotia pertractaret, (sæpe enim Guardiani, ac Magistri Nouitiorum munere functus fuit) siue in mensâ recumberet, siue proprio muneri satisfaceret; tam indefesso, atque interturbato ipsius mens in Deum motu ferebatur, ut cum facie in altum erectâ Cælum ferè semper aspiceret, eò quoque animus meliori suâ actione tenderet: quo fiebat, ut velut sensibus exutus, atque ab humanis auulsus, sæpe immobilis confisteret. Dominicæ verò Passionis meditationem velut præcipuam ac familiarem sibi adsciuerat: in quâ cum diu noctuque versaretur, eam tot lachrymarum imbribus aspergebat, ut vix de illâ cum alijs colloqui posset, quin in lachrymoso sese gemitus effunderet. Ex hac assiduâ Dominicæ Passionis memoriâ Hieronymus tantam erga Diuinissimum illud Altaris Mysterium, quod viuum & incruentum est Domini sacrificij simulachrum, animo venerationem hauserat; ut nunquam nisi post prolixam orationem, ac diuturni temporis præparationem ad illud accederet; in quo ex diuinæ Charitatis contemplatione, tam cœlesti, & copiosâ suauitate perfundebatur, ut ea quoque in alios redundaret. Id exemplo aliquando inanifestum fuit: nam cum Clericus quidam Theodorus nomine, eidem sacra peragenti ministraret; tam ubere ac cœlesti voluptate frui cœpit, ut sibi inter Choros Angelorum versari videretur. Quo tempore res planè mira illi aspectanda se offert: dum enim sanctum Virum post Panis consecrationem Corpus Christi attrectantem, ac diuidentem cernit; quatuor priores ipsius manuum digitos repentè Domini Sanguine asperfos animaduertit: quod cum is factum admiraretur, secum hæsitabat, cum casu aliquo illos ipse sibi digitos sauciaisset. At verò cum post

Sacratissimi Sanguinis sumptionem, ad manum purificationem ventum est, digitis aquâ prolutis, ac cruore, quo eovsque illius digitos commaculatos conspexerat, absterſo, ſani digiti atque incolumes apparuere, Diuinumque duntaxat in eo opus peractum fuiſſe animaduertit. Tam Angelicâ mentis puritate, ac Seraphicæ charitatis ardore ſanctus hic Vir adhæc ſacra Altaris Myſteria ferebatur; vt nonnunquam, dum Sacris incumberet, igneus quidam ſplendor ex illius capite ſurſum erumpere viſum fuerit: quod in Cremonenſi Conuentu illi aliquando contigiffè certa fide teſtatum fuit. Chori religionem ſummo ſtudio proſequebatur. Beatiffimam Virg. præcipuâ deuotione colebat; ſolitudine plurimum delectabatur. Denique cum tam ingens in hoc Viro morum Sanctimonia eluceret, tantusque virtutum ſplendor eſfulgeret; vt omnium exiſtimatione Sanctus haberetur, haud hominum opinioni Diuina teſtimonia deſuere. Etenim in nitidiſſimæ illius puritatis ac virginitatis argumentum, auiculæ, ac elcadæ ad eum, velut domesticum conuolare, ac cum eo colludere viſæ fuere. Dum Nouitiorum curæ præfectus eſſet, Nouitius quidam, Theodorus nomine, crebris à Dæmone tentationibus pulſabatur; qui cùm ad Hieronymum conſugiens ab eo opem poſtularet, vix ab illo audiebat: Vade, Fili, iam recedet tentatio; cum mox liber à tentatione reuerteretur. Alterum quoque Nouitium, quem Satanas ſuo aſtu circumuenerat, Cœleſti prudentiâ ab illius inſidijs liberat. Huius quoque Viri quam pretioſa, & efficax apud Deum oratio eſſet, plurimis argumentis manifeſtum fuit: potiſſimum verò id Anno, 1578. cunctis innotuit, in quo toto Cremonenſi agro ob ſummam ſiccitatem pallentè, frugibusque ob humoris inopiam dilabentibus, Hieronymus Guardiano iubente ad Eccleſiam aduolat; & ante Domini Altare proſtratus lachrymas fundit, pro populo obſecrat, pluuiam poſtulat. Iam meridiem Sol conſcenderat, cùm Vir Dei ad Dominum deſpecator acceſſit; neque vlla proſus in Cœlo nubes pluuiæ præhuncia apparebat. Porro eo orante aër denſis nubium tenebris obducitur; ac tam copioſus ante Solis occaſum imber è Cœlo eſfunditur; vt eo Cremonenſis agri tellus, quæ penè aruerat, madefacta reuiruerit, lætaque ſegetes ac fruges protulerit: Poſtremò, cùm admirabili virtutum, atque Apoſtolicæ vitæ exemplo per 38. annorum curricula, quibus inter Capucinos verſatus eſt, omnibus in Religione præluſiſſet, perfectiſſimamque Regularis obſeruantiæ formam cæteris imitandam reliquiſſet; ad Brixienſem Conuentum ſe confert, in quo prima olim

Religionis tyrocinia posuerat: ibique grauiori morbo, qui illi supremus fuit, correptus, eodem virtutis, ac Sanctimoniae cursu, quo cœperat ad vitæ finem properat. Quapropter, cum paulò ante Completorij Horam ab Infirmorum Praefecto mortem iam iam sibi imminere intellexisset: Iam igitur, inquit, & nos hanc mortalem vitam in Dei laudibus absoluamus. Totâq; Completorij Hora, quæ illi recitanda supererat, sensibus integris, ac summâ deuotione persolutâ, cum eâ supremam quoque vitæ periodum clausit, æternas Dei laudes inter superos auspicaturus. Obijt Hieronymus septuagenarius, magnâ post se virtutis, ac sanctimoniae famâ apud omnes relictâ

Anno 1581.





FRATER IOANNES AFRENTANO FRATRUM CAPUCINORUM  
GUARDIANVS.



## FR. IOANNIS A FRENTANO.

## FRATRVM CAPVCINORVM

## GVARDIANI

## VITA, ET GESTA.

**F**RATER IOANNES à FRENTANO, Hidruntinæ Pro-  
 uinciæ Sacerdos, ex Clero ad Religionem profu-  
 giens, quamdiu Frentani Clericalem inter Sacerdo-  
 tes vitam duxit, tam præclaris Religiosæ vitæ exem-  
 plis enituit; vt miserorum patrem, afflictorum con-  
 solatorem, peregrinorum hospitem, dissidentium  
 conciliatorem, pauperum ac egenorum refugium, cùm primùm ad  
 Capucinos se contulit, Frentanenses sibi sublatum lugerent. In ipso  
 autem Religionis exordio, perfectam in seipso Minoris Fratris ima-  
 ginem efformare studens, nulla virtutum studia prætermittebat.  
 Humilitatem tam profundè animo insculpsit; vt ad studia, Aposto-  
 licumque Prædicationis munus promoueri recusauerit. Ad Guar-  
 diani tandem Officiũ inuitus raptus, ligna nihilominus, ac tabulas  
 per Vrbem raptabat, ac lapidibus onustus, operam suam, quo tem-  
 pore Baruli Cõuentus construebatur, cæmentarijs præstabat.  
 Paupertatem verò S. P. N. Francisci Sponsam arctissimo sibi vin-  
 culo copulauerat. Patientiã quoque illustris Charitatis tamen vir-  
 tus in eo omnibus præcellebat, ac principem locum tenebat; ita vt  
 pro infirmis præcipuè perquam lubentissimè sanguinem, ac vitam  
 profudisset. Quare haud mirum, quod pleraque quoque D.O.M.  
 supernaturalia illi è Cœlo dona ad ægrotorum curationem contu-  
 lerit. Modauij namque cùm Virum graui febre laborantem offen-  
 disset, solâ manuum impositione, cùm primùm verba illa Euange-  
 lica protulit: *Super ægros manus imponent, & bene habebunt.* Confestim  
 incolumitati restituit. Peteliæ Viri cuiusdam ouium grex, peste cor-  
 reptus ad interitum rapiebatur; qui cùm nullo remedio tam graui  
 damno occurrere valeret, ad Ioannem confugit: qui cùm pro gregis  
 incolumitate Dominum rogasset, cerâ benedictâ ad caulam appen-  
 sâ, vniuersas oues singillatim egredi iubet: quæ cùm ceram bene-  
 dictam attingerent, quæ morbo laborabant, curabantur; quæ verò  
 à morbo liberæ erant, à peste præseruabantur: atque hoc modo to-  
 tum gregem incolumem reddidit. Mesapię cùm Guardiani Officio

funge-

fungeretur, Virum quendam Agricola præce conduxit, ut in syluâ ligna nonnulla ad Monasterij vsum cæderet: qui, cum excelsam arborem conscendisset, ut superiores ex eâ ramos præscinderet: pede casu è ranno prolabente ex alto arboris fastigio ruit: quod ex casu ita exanimis effectus est, ut mortuus ab omnibus crederetur. Hic cum ad Monasterium, quod à syluâ longiusculè aberat, perlatus esset, Vir Dei protinus accurrens, cum hominem iacentem, ac vitali penè spiritu destitutum cerneret; paululam Deum oraturus fecessit: cum ad hominem reuersus, Dei nomine inuocato, ac Beatissimæ Virg. nec non B. P. N. Francisci suffragijs imploratis, illum surgere iubet: vixque verba compleuerat, cum is, qui multarum horarum spatio, velut semimortuus iacuerat, repente sese in pedes erigit; adeoque valens ac incolumis cernitur; perinde ac si nullam illi prior ille ex arbore casus molestiam intulisset. Eodem quoque modo cum Matteolam Anno 1582. post Comitia pergeret, eoque in itinere ob disruptas inguinis tuniculas ita illi intestina defluerent, ut ne gressum quidem mouere posset, Fr. Andreas à Torrito, qui tunc illi Socius erat, oppidò iumentum parat, quod ad Conuentum, qui inde adhuc procul aberat, vehi posset. At is iumentum cernens, cum idcirco illud conscendere exhorreret, quod eoque sub Capucinatorum habitu, nunquam equo vsus fuisset, supplex Dominum rogat, ut cui ab equo hæcenus abstinere dederat, iam ad finem vitæ properantem nullatenus equitare permittat. Annuit pijs ipsius votis Dominus: extemplò namque intestinis ad sua loca remeantibus, inguinis membrulæ Diuinæ virtute tam perfectè instauratæ sunt, ut velocius Socio progredi cœperit; tamque celeriter totum illud iter confecerit, quasi eo nunquam morbo affectus fuisset. Hoc porro tempore Ioannes Andræ Socio, sui ipsius vitæ finem; quem hoc ipso anno futurum Diuinâ (ut creditur) reuelatione acceperat, non obscure prænunciat. Necdum igitur is annum Matteolæ absoluerat, cum agrâ valetudine affici cœpit: ex quâ cum se à Deo vocari intelligeret, sanctis Ecclesiæ Sacramentis munitus, ex humanis migrat. Fleraque ad illius inuocationem post mortem miracula à Deo patrata fuisse, communis olim fama fuit. Veruntamen ut formidabilia Dei iudicia nobis manifesta fierent; accidit, ut octauo post illius obitum die Ioannes defunctus Fr. Thomæ Aletino, Sacri Verbi Concionatori, quem in Ædilis officio Collegam habuerat, cuique sub Diuinæ voluntatis beneplacito de futuro sui post mortem statu, eum certiore facturum promiserat, clarâ luce appareat. Illum

Thomas cùm primùm sibi præsentem conspicit, de salute interrogat. Cui Ioannes: Optimè, inquit, nunt mecum de salute agitur. Verùm scito, Thoma, me in Dei iudicio maximum in salutis discrimen, haud aliam sanè ob causam, quàm propter Conuentuum ædificia, adductum fuisse: in quibus, tametsi omne me studium contulisse putarem, vt paupertati ædificatio responderet, pleraque tamen, tum in abundantiori cellarum, ac Officinarum copiâ, tum in structuræ qualitate, ac simplicitate vitia, quæ ne quidem vitia putabam, me innuente irrepsere; quæ à Deo seuerius iudicata sunt: ac nisi maxima mea erga infirmos Charitas mihi in Dei iudicio suffragata fuisset, de meâ profectò salute actum erat. At misericors Deus meâ illâ Charitate commotus, merita quidem Inferni supplicia condonauit: verùm ad octauum vsque diem Purgatorijs poenis affici voluit; quibus hodie absolutis in Cœlum concedo. Tu verò tibi meo periculo caueto; & si sapis, ab ædificijs, quæ tibi minùs profunt, abstineto. Obijt Vir Sanctus Anno 1582.

## Fr. BASILII SYRACVSANI.

### FRATRVM CAPVCINORVM

#### GVARDIANI

#### VITA, ET GESTA.



**B**ATER BASILIUS SYRACVSANVS, Prouinciæ S. Angeli Sacerdos, vt Deo vocanti perfectius obtemperaret, Sæculum deferens ad Capucinos conuolat. In Religionis verò sinum admittus, tantâ cœpit Regularis obseruantia, ac virtutum omnium laude florere, vt inter præstantiores illius Prouinciæ Viros haud immeritò censeretur. Humilitate ita resplenduit; vt cùm oblatos Guardianatus honores recusaret; aliquando tamen Manfredoniæ Guardianus à Patribus electus; oneri quidem, cùm obedientissimus esset, humeros supposuit: sed cùm illud inuitus suscepisset, Deum precatus est, vt ipsum citiùs ab eo liberaret. Deus autem Serui sui orationem haud irritam esse voluit. Nam paulò post eidem inter orandum apparens, proximum, qui in die sanctæ Crucis futurus erat, obitum prænunciat: quem ille his aliquando verbis Fratribus præsignificauit: Patres (inquit) indignum, atque

inuitum me ad hanc honoris Sarcinam rapuerunt: verum Dei Ma-  
iestas, quæ impares humeros, ac spiritus imbecillitatem non igno-  
rat, velocius me ab hoc onere liberaturus est: Dies enim Inuentio-  
nis S. Crucis, qui proximus est, hinc ereptum, atque ab hac Cruce  
dimissum, meo me principio reddet. Nec Diuina eum reuelatio fe-  
fellit: cum enim Kalendis Maij leui quadam febri in eodem Man-  
fredoniæ Conuentu correptus fuisset, ipsâ quam præsignauerat,  
S. Crucis die, præter omnium expectationem diuinis Sacramentis  
expiatus, lætus ex hac luce migrat. Communem verò de illius San-  
ctimoniâ ab omnibus opinionem animo hauitâ Deus post mor-  
tem miraculo confirmare voluit. Cum enim, necdum extructo  
sepulchro ipsius corpus humi conditum fuisset; post tertium annum  
inde effossum tam integrum, atque incorruptum, barbâ capillisque  
tenaciùs cuti in hærentibus repertum fuit, vt eâ die tumulo condi-  
tum esse videretur: ac præterea tam suaue olere cœpit, vt vniuersi

Cœlesti illâ odoris fragrantia recreati, ex eâ corporis incor-  
ruptione, ac odore colligerent, quàm incorruptâ &  
immarcescibili apud Deum coronâ frueretur.

Obijt Anno 1582.

\*\*\*



Fr. ATHANASII TYRACENIENSIS.  
 G V A R D I A N I  
 V I T A , E T G E S T A .



**E**RATER ATHANASIVS TYRACENIENSIS, Messanenſis Prouinciæ Sacerdos, Sanctimoniâ apud omnes celebris: eam ſibi tot virtutibus comparauit, vt nulla virtus, nullaq; virtutis lux ad perfectum mentis ſplendorem ei deeſſe putaretur. Paupertatem altiffimam zelans, habitum, quem ſemel in anno Probationis aſſumpſit, nunquam ſubinde mutauit. Cùm quotidianum illi Ieiunium eſſet; in eo tamen duntaxat pane, ac herbis crudis veſcebatur, ſitimq; aquâ exinguebat. Veruntamen cùm antiqua illa Anachoretarum ieiunia æmulari vellet, poſt aliquot annos ter tantummodò in hebdomadâ cibum ſumere eſt exorſus. Hoc abſtinentiæ genere, quod per multa annorum curricula vſque ad mortem proſecutus eſt, cùm carnem extenuaret, leuiorem ad Cœleſtia contemplandâ, ac deguſtandâ animum parabat. Quamobrem haud mirum, quod in Oratione frequentiores raptus, ac ecſtaſes pateretur. Sæpè ante Sanctiſs. Eucharistiæ Altare orans, tam à Sacularibus Viris, quàm à Fratribus viſus eſt altiùs in aëra extolli. Hinc verò, cùm totum ſuum ſtudium, animum, ac diligentiam ad Diuinæ charitatis incrementa, ac perfectionem contuliſſet; ſolitaria ſemper loca, ac noctis ſilentia ſibi ſollicitè quærere ſolitus erat; quibus Deo, ac rerum Diuinarum contemplationi vacaret. Quapropter breui ſomno contentus, ante Matutinas Horas geminâ ſerè ſemper horâ, in Eccleſiam pergens, diuq; in oratione pernoctans, Diuinis complexibus fruebatur. Quo tempore, cùm aliquando in Conuentu Tyraceni Fratres conſuetâ noctis horâ ad Matutinum decantandum conueniſſent; præeuntes nonnulli Athanaſium ante Eucharistiæ Sacramentum orantem, luminibus in Cœlum erectis, ac manibus in Cœlum protenſis altiùs in aëra ſublatum cernunt. Id verò frequentius ei contingere ſolere, inter alios Fr. Andreas à Petraliâ Sacerdos inter primos virtutibus illuſtris aſſeruit, qui eundem Guardiani officio in Tyraceniensî Conuentu fungentem, ſapiſſimè dum oraret, corpore in ſublimem aërem eleuatum conſpexiſſe teſtatus eſt; vt quâ vi is animo in Deum ageretur,

eo testimonio perspicuum fieret. Sæpenumero vsque ad 5. & 6. horam Vir Dei tam immobilis in oratione genuflexus perseverabat; vt nec motum quisquam illius perciperet; neque is vnquam ab vno, eodemque loco toto eo tempore oculorum aciem dimoueret. His Dei donis cùm præclarus hic Dei Seruus abundè cumulatus esset, quàm plurimas à Tartareis hostibus molestias patiebatur, de quibus tandem gloriose triumphabat. Nouitiorum curæ præfectus, non paucos suæ Sanctimonix hæredes, ac amulatores reliquit. Postremò virtutibus, & sanctitate conspicuus, rebus humanis valedicens, optatâ velut post tempestatem tranquillitate potitur. Quod ne quis in dubium reuocare posset, Cœlesti testimonio comprobatum fuit. Cùm enim post sancti Viri obitum Fr. Constantinus à sancto Salvatore pro illius animâ Deum rogaret; quidq; de eâ in Dei iudicio actum esset, impensius sibi significari in oratione peteret; noctu in Ecclesiâ orans, ingentem à tergo strepitum audit: quo perterrefactus, cùm eò vultum conuertisset, Athanasium lucidissimâ nube, ac gloriâ circumseptum intuetur, qui cum his verbis affatur: Quid, Constantine, de meâ gloriâ dubitas? en ego inter superos habito, ac Cœlesti gloriâ ex Dei misericordiâ donatus, Diuinâ visione fruor. Cui Constantinus: Bene, inquit, ac foeliciter in æternum tibi sit, Athanasi. Verùm dic, obsecro: qualem sibi statum nostra Capucinatorum Religio apud Deum vendicat? His Athanasius: Ne dubites, Constantine, (inquit) quin bonum hætenus Religio apud Altissimum nomen, statumque sortita sit: tu verò satage, vt optimum, quod in te est, efficias. Quæ cùm dixisset, confestim se iterum ad Cœlestia recepit. Obijt verò Vir Sanctus Anno 1582.

## FR. ELISÆI A MESSANA.

### GVARDIANI

### VITA, ET GESTA.



RATER ELISÆVS à MESSANA, Messanenſis Prouinciæ Sacerdos. Deo, ac hominibus dilectus, cùm perfectâ Regularis obseruantix, quæ omnium Euangelicarum virtutum chorum amplectitur, laude excelleret, virtutum omnibus ita se formam exhibuit, vt vniuersi Seraphicum hominem admirarentur. Angelicam enim ipsius vitam, Angelicam con-

uerfationem, Angelica studia, perennis, cui vacabat, Oratio facile demonstrabat. Super hæc autem singularis quædam, & eximia erga Beatissimam Cœlorum Reginam in eo veneratio eminere videbatur: quo aliquando factum est, vt eo Castri Conuentum moderante, cùm Fratres tantâ aquæ penuriâ laborarent; vt eam è fonte, qui longius à Conuentu aberat, haurire, proprijsque humeris in Conuentum deferre compellerentur; postquam Fratres hortatus fuisset ad Virginis Matris Patrocinium implorandum; vniuersique mox vnâ procumbentes Angelicam Salutationem recitassent: Necdum Fratres ab oratione surrexerant, cum Elisæus scalp tro humum perfodiens, illic è collis silice aquæ vena scaturijt, quâ Conuentus illius Familia adhæc vsque tempora vsa fuit. Elisæus verò, cùm Sanctimonie famâ vbique diffusâ, vitam pari virtutum curriculo consummasset, Politij, magno sui desiderio relicto, terris eripitur, Cœlestibus, vti creditur, sedibus donatus. Huius, quemadmodum & aliorum multorum gesta, Scriptorum negligentia, ac Patrum humilitate perierunt; quæ tamen digna apud Deum præmia consecuta viuunt. Obijt Vir Beatus Anno 1582.

## FR. PACIFICI A SESTINO.

### GVARDIANI

#### VITA, ET GESTA.



RATER PACIFICVS à SESTINO, Picentis Prouinciæ Sacerdos, cùm in sæculo Regulam Tertij Ordinis B. P. N. Francisci profiteretur, tandem inter Capucinos adscriptus, durissimum sub Auunculo Probationis genus patientissimè tulit. Post emissâ verò vota, tam Cœleste vitæ genus instituit; vt potius inter Angelos, quàm inter homines versari videretur. His namque, quæ ad Obedientiæ, aut Charitatis opus spectant, exceptis, reliqua omnia temporis momenta Orationi, ac rerum Diuinarum studio dicabat. Hinc nemo illum aut cum altero confabulantem, aut amico colludentem, aut sermonem cum alijs miscentem vnquam vidit. Temporis tantum somno eripiebat, vt ad tertiam duntaxat horam produceret. Orationis nocturnæ tempus, cui singulis noctibus vacabat; ad septimam vsque non



minus horam extenderet . nemora lachrymosis gemitibus comple-  
ret , ac sapissimè ad Cœlestes raptus , & ecstasies compelleretur .  
Ita quod Fr. Angelus à Montefano , plurimique alij eum sapif-  
simè in cella orantem , ac sensu omni carentem deprehendisse testan-  
tur . Assiduum hoc Orationis studium prudens quædam abstinèn-  
tia fouebat : quanquam enim is cibos communes non respueret eos  
tamen vix attingens , in alios præsertim Nouitios , quorum diu cu-  
ram gessit , dispertiebatur ; ita vt multos pascens famelicus ipse sem-  
per à mensâ recederet . Abstinentiæ comites erant quotidianæ fla-  
gellationes , diuturni labores voluntaria frigoris tolerantia , profun-  
dissima humilitas , summaque rerum omnium egestas : quibus cùm  
plurimæ carnis macerationes coniunctæ essent , pacificus omni-  
bus , sibi verò tantum infestus erat . Ad Nouitiorum Magisterium  
& educationem vocatus in eomunere tam præclaris Dei donis præ-  
fulsit , vt occultissimas Nouitiorum cogitationes Diuinâ virtute  
rimaretur , Diabolicasq; tentationes aperiret . Nouitios verò , qua-  
mprimùm ad Religionis gremium confluiebant , attentius intuens ;  
quinam in Religionis vocatione stabiles futuri ; qui etiam palea-  
rum instar , ab eâ auolaturi essent , Prophetico spiritu omni du-  
bio procul præsignificabat . Sub illius disciplinâ militabat aliquan-  
do Nouitius quidam , Valerianus nomine , Clericus , qui cùm par-  
tim Dæmonis operâ , partim ob ingenij hebetudinem Diuini Offi-  
cij Ordinem addiscere non posset ; sapiùs , ac opportunè à Paci-  
fico efflagitabat à Clericorum Ordine in Laicorum numerum trans-  
ferri : Cui post varias repulsas , Pacificus tandem manu capiti illius  
impositâ ait : Iam animo quiesce , Fili ; non te Dominus ad Lai-  
corum statum vocat : Clericus , Sacerdos , ac Concionator eris .  
Nec dicto veritas defuit : post hanc enim manus impositionem  
tam facile ingenium sortitus est , vt eximius tandem in Religio-  
ne Diuini verbi Prædicator euaserit . Valerianum Æsinum va-  
rijs Dæmonum molestijs agitatam Crucis signo ab iisdem in-  
festationibus liberat . Quapropter Dæmon , cùm nullum Noui-  
tij damnum se inferre posse cerneret , iras in ipsum Magistrum  
despumat , varijsque illum molestijs aggreditur ; quas cùm pa-  
tientissimè fert , multiplices de hoste , patientiæ coronas refert .  
Cùm aliquando in Camerini Conuentu , quem tunc ipse mo-  
derabatur , nihil præter pauca quædam legumina , ac bini pa-  
nes Fratribus ad vescendum superessent . Copiosa viginti & am-  
plius Fratrum tunc Familia erat ; tamque alta nix è Cœlo ceciderat ,



vt omnes ad mendicationem vias obstruxisset. Hac cum annonæ inopiâ dum mensæ accumbunt, en Peregrinus ad Monasterij fores aduentat; panem postulat, quo se iam triduo caruisse affirmat. Re ad Pacificum delatâ, propriam leguminum pulterem, cui geminas panis buccellas intinxerat, ad Peregrinum mittit, vniuersosque Fratres ad Ecclesiam compellit; vbi ante Christi crucifixi Imaginem omnes quinquies orationem Dominicam cum Angelicâ Salutatione persoluunt. Vix orationem absoluerant, cum Fœmina quædam ter in somnis Cœlesti voce admonita, tintinnabulum pulsât, geminasque grandiores placentas Ianitori offert. Cum verò Ianitor studiosius ex eâ quæreret, quo pacto tam horridâ tempestate, atque altâ niue eò cum placentis appulisset, subridens illa: Certè, Pater, (inquit) vt verum fatear, num niuem vestigio meo prefferim; an potius Angelicâ manu suffulta, huc perducta fuerim, ignoro: tam leuis enim mihi esse videbar, vt vix niuem attigerim. In eodem Conuentu Camerini, præsidente Pacifico, cum iterum vberior nix effusa esset; ita vt via mendicationi præclusa existeret, omni, familia quæ copiosa erat, victus annonâ carebat: quare Pacificus, vbi omnium animos in Diuinæ Prouidentię spem erexit, vniuersos ad Ecclesiam conuocat: vbi dum attentius orant, ostij tintinnabulum pulsatur, mulusque pane, vino, carnibus, caseo, ouisquæ onustus cum agasone, ante Conuentus fores apparet: quem cum Ianitor cibariâ illa annonâ exonerasset, neque mulus, neque agafo amplius visi, neque eorum vlla in niue deprehensa vestigia. Sub eodem Pacifico Æsinum Conuentum moderante cum Fratres eâdem inopiâ laborarent, eosque in Diuinæ Prouidentię opem sperare docuisset; En, Senex quidam Afelli ductor præ Conuentus foribus adstat, ostium pulsât, Afellum pane, vino, caseo, ac plerisque alijs cibarijs onustum Ianitor exonerat; dumque ignem, ac cætera necessaria parat, quibus Senem hospitem excipiat, Senem euasisse comperit, nullaque hominis aut Afelli post aliquot passus in niue vestigia cernit; vt eo luculentius ijs Cœlestis Prouidentię miraculum pateret. Rursus, in Camerini Conuentu, quo tempore Pacificus illius habenas gerebat, niue exuberante Fratres duo supra viginti in summâ egestate versabantur; at cum Pacificus quinquies Orationem Dominicam cum Salutatione Angelicâ indixisset, vix mensæ accumbere cœperant, cum tintinnabuli sonitus Ianitorem ad fores vocat; amplumque canistrum duobus & viginti panibus crassioribus, ac recentibus refertum, iuxta Fratrum numerum, nullo præterquam Cœlesti, ac inuisibili latore,

ante Conuentus fores reperitur. Illud verò Diuinæ benignitatis testimonium haud silentio inuoluendum est, quo clementissimus Deus Camerinenſi Fratrum Familiæ, quæ à Pacifico adminiſtrabatur, paucos ante dies, quàm ab eo leiunium Quadrageſimale indicaretur, ex Diuinæ liberalitatis ſuæ penu abundè prouidere voluit. Cùm enim extremis his diebus, quibus Fratres tantisper recreari ſolent, nihil in domo, aut carniū, aut ouorum, aut alterius obſonij prorsus adeſſet; porca quædam ſylueſtris catulorum agmine ſtipata, roſtro Conuentus oſtium pulſat: quæ cùm proprio in dorſo nefrendem geſtaret; vix Ianitor oſtium aperit, cùm illa longiùs intra Monasterij fores porculum proijciens, ſtatim in tam celerem fugam ſe conuertit; vt breuiſſimo tempore ab omnium conſpectu ſe diuulſerit. Hoc pacto Dominus, honeſta quoque ſuis pauperibus ſolatia, quæ hominum prouidentia haud contulerat, brutorum operâ miniſtrare voluit. Cæterùm, cùm hæc tam illuſtria Viri huius Sanctitatis argumenta eſſent, vt in Picenti Prouinciâ, etiamnum viuus, ac ſuperſtes Viri ſancti nomen adeptus eſſet; illud tamen luculentiùs rem ipſam demonſtrat, quod eo Tipherni Metaurenſis aliquando Conuentum regente, dum cellâ inclufus orat, præfulgens quædam ſtella ex eâ erumpere viſa, quæ locum vndique ſuis radijs illuſtrat. Porro Andreas Beneuentanus, Sacerdos, qui eam ſe proprijs oculis vidiffe teſtatur, communem tunc inter Fratres famam diffuſam refert, Beatiffimam illam Deiparam fuiſſe, quæ cùm Pacificum ſibi deuotiſſimum ſuâ præſentiâ conſolata eſſet, ab eo ſub lucidiſſimi ſyde-  
ris formâ diſceſſerit. Tipherno verò cùm Cingulum migraret, vitæ finem ſibi à Domino prænunciari audit: Quapropter diligentius, ac maiori ſtudio, atque orationis aſſiduitate ſe ad eius aduentum parat. Tandem morbo correptus, cùm leuem illum, atque omnis mortis periculo vacuum Medicus iudicaret; is verò certum ſibi vitæ occaſum imminere Fratribus indicaret, Eccleſiæ Sacramentis muniri poſtulat. Poſtridie verò cùm Fratres ad mutuam charitatem, ac Chriſti Domini imitationem pijs verbis cohortatus fuiſſet; Sexagenarius ad immortales migrat. Æſtium tunc Caniculæ calores maximè feruebant; cùm ad illius funera concurrente magnâ hominum turbâ, ipſius corpus, quod ob pleraque cauteria eidem inuſta malè olere conſueuerat, tam ſuauem odoris fragrantiam cœpit effundere; vt Eccleſia, & Conuentus eo maximâ omnium admiratione, ac voluptate complerentur. Poſt ſextum verò ſepulturæ menſem, imò & poſt ſeſquiannum, cùm Fratres, ob conceptam de Viri ſanctitate

opinionem, ipsius corpus in sepulchro explorassent; habitum qui-  
dem putrefactum reperiunt; corpus verò candidum, incorruptum,  
haud secus quàm in ipso sepulturæ die odoriferum offendunt: ut  
qui præclarè illius gesta percepturi essent, in eorum odorem cur-  
rentes, quod in Viro Dei virtutis admirantur, id operis  
imitatione prosequi studeant. Obijt Vir

Sanctus Anno 1584.

\*\*\*





FRATER CYPRIANVS A MONTE CORVINO FRATRVM CAPVCINORVM  
GUARDIANVS.

# FR. CYPRIANI A MONTE CORVINO,

GVARDIANI

*VITA, ET GESTA.*



**F**RATER CYPRIANVS à MONTE CORVINO, Sacerdos, virtutibus, ac signis celeberrimus, in ipso Iuuentutis flore ad Capucinos euolans, nullum tam durum asperitatis genus, nulla tam aspera vitæ austeritas, aut carnis mortificatio erat, quam ad Christi Passiones imitandas avidissimè non captaret. Quapropter memor ieiuniorum Christi, cùm totum ferè anni tempus quotidianâ inediâ, quam ex omnibus B.P.N. Francisci ieiunijs collegerat, præstitutâ sibi lege absumeret; Quadragesimam tamen Christi ieiunio consecratam, quam communi lege Ecclesia Christianis omnibus obseruandam indicit, solâ fabarum escâ, Dominicis tantùm diebus exceptis, quibus pane & aquâ tantùm vesceretur, celebrare consueuerat. Præter hæc illi quasi legitimum sempiternum fuit, qualibet sextâ anni feriâ, nihil præter fabarum pugillum ad victum adhibere. Durissimum quoque Crucis lectulum, in quo Dominus in morte decubuit, animo reuoluens; quamquam somno parcissimo vteretur; cum tamen, quem tanquam vitæ necessarium sibi negare haud poterat, duabus tantùm stratis tabulis, aut sedens, aut genuflexus potius irritare, quam sibi conciliare videbatur. Nouitiorum curæ præfectus tot in eo fulgebant virtutum exempla; vt non modò inter Sæculares homines, sed nec inter Fratres vllus de illius Sanctimoniâ dubitaret. Neque immeritò: tot namque, ac tam Cœlestia à Deo sibi testimonia vendicabat; vt omnem propemodùm de eâ dubitationem expellerent. Etenim inter plurima Dei dona, quibus Cyprianus abundè cumulatus fuerat, ecstases, ac mentis excessus, quibus tum in cellâ, tum in Ecclesiâ, ac passim sursum agebatur, adeò illi familiares erant, vt haud alio penè, præterquam Ecstastici nomine appellaretur. Id verò, vt luculentius pateat, nonnulla huius rei exempla lubet percurrere. Nouitiorum is dum in Conuentu Marisci curam gerit, accidit, vt Abbas quidam Salernitanus, Ioannes Andreas nomine, qui Nouitiorum depositarius erat, quo tempore Cyprianus in Choro Orationi vacabat, ad Capucinorum

Eccle-

Ecclesiam accederet: qui cum ex Altaris fenestellâ, quæ Chorum penetrat, clarissimam lucem erumpere animaduerneret; rem admirans, confestim ad Conuentus ianuam festinat, Monasteriumque ingressus rectâ in Chorum proficiscitur: cuius vix ostium aperuit, cum Cyprianum in sublime elatum, atque vndique clarissimo splendore circumfusus intueretur. Sancti Michaelis Ædem in Gargano Monte extructam Cyprianus aliquando visitaturus, cum per Manfredoniam iter faceret, viam, quæ ad Capucinorum Monasterium duceret, ignorabat: quamobrem à nobilibus quibusdam Viris eam percunctatus, illi simul atque oculos in Virum coniecere, cum micanti illum vndique splendore conuscantem cernerent, obmutescerent, nullum præterquam admirationis illi responsum reddere potuerunt. Multa huius sancti Viri gesta desiderantur, quæ priorum Patrum humilitas silentio obtexit. Plurima tamen signa, ac miracula, quibus D. O. M. fidelem Seruum inter homines illustrem esse voluit; quàm præclara illius vita, ac virtutes fuerint, non obscure testantur. Ex quibus nonnulla hic recensenda sunt, quæ certâ fide probata, & fideliter tradita fuere. Fungebatur aliquando Cyprianus Guardiani, ac Magistri Nouitiorum officio in Conuentu Grumentii noui, in quo familia ad 16. Fratrum numerum pertingeret; accidit aliquando, vt cœnæ horâ ingruente, ob Eleemosynarij incuriam, tres tantummodo ad refectiorem panes in domo superessent, quos Cyprianus in omnes æquè distribui iubet. Id cum Eleemosynarius præstitisset, vix exigua cuique buccella obtigit. Porro, dato refectiorem signo vniuersi in mensâ discumbunt; omnes ex buccellâ comedunt, famem sedant, satiantur; nec tamen buccella minuitur: quodque miraculum auget, tot post cœnam panis fragmenta à mensâ tolluntur, quæ decuplo tres illos panes excederent. Eodem planè quoque miraculo, eodemque anno iterum eandem Familiam, cum modicum tantum panis in domo esset, saturam reddit. Sequenti verò anno, qui fuit 1577. cum in eodem Conuentu Marsici hoc ipso in munere versaretur, contigit, vt exuberante niuium copiâ, iam vno atque altero die panis defeceret; solaque legumina victum Fratribus absque pane præberent. Iam tertia dies ipsis quoque leguminibus absumptis, omnis illis escæ penuriam adferebat, cum Cyprianus Sacræ Deiparæ Litanias decantari iubet: tùm quinquies Oratione Dominicâ, & Salutatione Angelicâ Fratribus indictis, dum omnes ante Sacræ Eucharistiæ Sacramentum preces fundunt, & pauperum escam à Domino postulant;

en Conuentus tintinnabulum quasi validâ manu pulsatum auditur: aperiuntur fores, atque in ipso vestibulo bini sacci recenti, ac calido pane ad os vsque referti, simulque vini cadus conspiciuntur: quis lator, aut ductor fuerit, nemo cernitur, nullâ in uiue vestigia deprehenduntur: quare è Cœlo hæc transmissa nemo dubitat. Hoc ipso anno cùm Laura Nicolai Textoris filia, quæ Marisci ob partus dolores Medicorum sententiâ in vitæ discrimine versabatur, per inter-nuncium Cypriani se precibus commendasset; is canabaceo cingulo, quo præcinctus erat, ad eam misso: Dic, ait, Sorori nostræ Lauræ, vt hoc se fune præcingat: futurum etenim, vt ex Dei benignitate masculum puerum vitâ comite pariat. Haud dubia res fuit; funem illa accipit, renes præcingit; moxque à partus periculo liberâ masculum salua enititur. Potentia: Dæmonem à muliere obsessâ verbo, ac signaculo Crucis expellit. Eodem modo etiam in Oppido Galæ hominem à Dæmone obsessum ab illius imperio vendicat. Nobilis quædam mulier; Veronica nomine, Langonerij diu sanguinis fluxu laborauerat: quæ cùm Virum Dei singulari deuotione prosequeretur, ab eo benedictionis Chirographum manu ipsius exaratum impetrat: quod cùm primùm sibi imposuit, à fluxu liberata fuit. Sere-no Cœlo copiosum imbrem Prophetico spiritu prædicit. Tanta quoque erat huius Viri puritas, ac Sanctimonia, vt cum auihus Cœli colluderet. Fr. Marcum Antonium Ferrandinensem à Mar-sicano ad Vitri Conuentum mittens, cùm ei ne pallium in viâ defer-ret, præcepisset, Vitranus verò Conuentus quatuordecim millia pas-sus Marisco distaret, eo factum fuit, vt cùm imbrem toto illo itineris spatio è Cœlo comitem habuissent, eorundique madefacti Mar-sicum appulerint. Protinùs verò Nouitio de more à Magistro benedictionem petente, is ad Nouitium: Quid, Marce Antoni? num te pluuia venientem madefecit? Cumque velut explorans manu habi-tum contrectaret, is repentè tan siccus apparuit, perinde ac si nullo vnquam imbre perfusus fuisset. Quo verò tempore Vir Dei Eboli Conuentui præerat, circa secundam noctis horam, cùm se in Eccle-siam oraturus contulisset, alterum in Presbyterij angulo Fratrem orantem deprehendit: quem vbi semel ac iterum admonuit, vt se in cellam ad quietem reciperet; is nullo reddito responso, eodem sem-per in loco immobilis perstabat. Hunc tandem tertio Cyprianus caputio apprehensum his verbis affatur: Heus, dura ceruix, non au-dis, cùm te superior ad cellam compellit? sic iussâ Patris contemnisti? at Frater, qui hætenus orans videbatur, vix faciem ad Cyprianum



attollit; cùm is multo iam tempore illum defunctum agnoscens, quid in eo loco agat, sciscitatur. Cui defunctus: Hic, ait, meorum delictorum pœnas luo. Etenim cùm viuens meridianâ Orationis horâ hunc in locum me conferens, somno potiùs, quàm orationi vacarem; neque Altissimam Christi præsentiam, quæ in Sacro hoc Eucharistiæ Sacramento exhibetur, vereretur; delictumque nunquam verâ pœnitentiâ eluerim; vbi scelus paratum fuit, hîc sceleris plagas sustinere cogor. Verùm si Sacrosanctum Altaris Mysterium, vbi pro Animabus suffragia, Apostolicâ autoritate, conceduntur, obtuleris, pœnarum ex Diuinâ misericordiâ finem accipiam. Atque his dictis ex illius oculis euauit. Quamobrem Vir Dei summo manè in Cathedrali Vrbs Ecclesiâ, in quâ Altare hoc priuilegio fruebatur, Deo pro defuncti animâ expiatorium Sacrificium offert; eamque à Purgatorij pœnis in Cœlestem libertatem vendicat. Vir hic insignis, cùm vitæ huius stadio magnâ cum Sanctitatis, ac iustitiæ laude decurso ad Generalia Comitia Romam profectus fuisset; ibi corruptibili hæcarnis sarcinâ depositâ, incorruptibilem, vti credimus, gloriæ coronam adipiscitur, quam Deus Cœlesti testimonio mox omnibus perspicuam esse voluit: Dum enim defuncto in copiosâ Fratrum coronâ iusta persoluuntur; en duodecim Pueri albis stolis amicti, omnibus eatenus ignoti nullo ductore apparent, qui feretro circumfusi, tamdiu ipsius funera exornant, illique velut innocentia coronam componunt, quoad Corpus sepulchro conditum ab omnium oculis eriperetur: quo tempore & ipsa Puerorum turba tam repenti se ex omnium aspectu diuulsit; vt Angelicum potius, quàm humanum adspectantibus se spectaculum exhibuisse testaretur: quo Propheticum illud ad Cyprianum pertingere intelligerent.

*Quis ascendet in montem Domini, aut quis stabit in loco Sancto eius?*

*Innocens manibus, & mundo corde. Obijt Vir Sanctus*

Anno 1584.





FR. ALBERTI BERGOMATIS.  
 GUARDIANI  
 VITA, ET GESTA.



RATER ALBERTVS BERGOMAS, Prouinciæ Mediolanensis Concionator, Vir Seraphicus, & Apostolico spiritu imbutus; eo acerrimum vbique totius Regularis disciplinæ, ac præsertim Altissimæ Paupertatis propugnatores exhibuit: cuius ita cupiditate flagrabat, vt ne minimâ quidem, maxime cum Guardiani officio fungeretur, eam maculâ labefactari æquo animo ferret. Cæterum admirabilis ipsius in Dei verbo disseminandi vis, libertas, constantia, & efficacia, non obscure illum Apostolico spiritu præditum declarabat. Cum Gardonij Dei verbum aliquando publicè proponeret, tam asperè illius Oppidi homines maximis sceleribus irretitos increpauit; vt facinorosi quidam Iuuenes, quorum is vitia sermone perstrinxerat, illum è medio tollere decreuerint. Quapropter cum peracto sermone Dei Seruus iter ad fluminis aquam, quæ extra Oppidum defluebat, solus cœpisset; ibi nonnulla panis frustula, quæ sibi ex Oppido mendicauerat, educens; aquâ intinctâ comedebat. Illi verò, qui in illius necem condixerant, viam ipsius obseruantes, cum primùm illum ad fluminis ripam sedentem, soloque pane aquâ intincto famem depellentem conspiciunt, animo compuncti, ac mente in melius commutatâ, animi feritatem deponunt; propiusque ad eum accedentes, machinati sceleris ab eo veniam petunt. Hoc modo Albertus, quos increpatione ad Deum pertrahere minimè poterat, meliores suo vitæ exemplo reddidit. Hæc porrò vitæ austeritas Alberto tam familiaris erat; vt cum Verbum Dei disseminaret, nihil post Concionem, præterquam panem & aquam, quæ sibi mendicatione parabat, ad cibum adhiberet. Pleraque etiam Quadragesimalia ieiunia, dum prædicat, solo pane, & vino, leguminibus tantum additis, celebrat. In die Parasceues, cum in Oppido Mariani per quinque horarum spatia, in publicâ Oppidi plateâ (neque enim præ multitudine Ecclesia populum capere poterat) de Passione Domini verba fecisset, concione absolutâ, in aliud Oppidum, quod quarto inde milliari distat, se confert: vbi nouo de

Passione Domini sermone per totidem horas instituto, hinc Marianum ad Conuentum redit; soloque pane, & aquâ senile corpus post tot labores refocillat. Hæc huius Viri lata post Prædicationem conuiuia erant, quibus opiparè animum recreabat. Eam quoque in Prædicando secum rationem inierat, vt nunquam ad Prædicationem accederet, quin vnus saltem horæ oratio ad Deum effusa præcurreret. Quare haud mirum, quod ipsius Prædicatio oratione, & ieiunio stipata, vitia perimeret; Dæmonesque ex hominum animis deturbaret. Hoc Apostolico spiritu imbutus, cum Cocalij aliquando pro suggestu Albertus concionaretur, Nobilis quidam Octauius nomine, crateri lustrali cubito innixus, fœminas Ecclesiam ingredientibus insolenti quâdam lasciuia, lustrali aquâ aspergebat; atque inde cachinnum efferens, cæteros quoque ad risum mouebat. Hunc cum Albertus primùm suauibus, tum acerbioribus verbis à scelere deterrere aggressus fuisset; is verò in crimine pertinax perseveraret, infaustum illi exitum spiritu Prophetico Albertus prænunciat: qui paucis elapsis diebus innumeris vulneribus confossus atrociter interijt. Rursus Nouariæ, cum ad Sacrum Beatissimæ Virginis Fanum saltationes festis diebus instituerentur, Vir Dei in eas inuectus Populum ab hoc Sacrorum abusu reuocare conabatur. At eo reluctante, & Prædicationis verba contemnente, is sandalijs utrâque manu apprehensis, puluerem super eos excutiens: Audite, inquit, qui saltatis, & Verbum Domini, quasi anilis quædam fabula & cantilena esset, in canticum oris vestri vertitis: cum venerit tempestas ingruens, ac deuastans; & miserit Dominus de Cœlo lapides prægrandes, elangueritque vinum, & triticum vestrum; tunc deficiet tibia, & cithara, & saltatio. Hæc cum ijs Prophetico spiritu comminatus esset, populo adhuc saltante, & choreas ducente, Cœlum, quod prius serenum erat, densis nubibus obduci, totque è Cœlo fulgura coruscare cœperunt, vt vniuersi æthere mugiente, perterriti, huc illucque diffugerent: mox tam saua grando agros segete turgentibus, ac vinea lapidat, vt messem omnem, ac plurium annorum vindemiam in saltationis poenam depopulata fuerit. Idipsum quoque Herbarum Insubriæ Oppido accidit; dum incolæ sancti Viri monita spernentes saltationi incumbunt: agris enim & vineis grandine deuastatis, ab eâ tandem abstinere addiscunt. Præclara hæc Alberti gesta, vehementiorque in vitij euellendis, atque animis ad poenitentiam prouocandis ardor, passim in populis euulgata, tantam illi apud

omnem famam comparauerat, vt duodeviginti interdum Oppida, sub vnus anni circulum, apud S. Carolum Borromæum, non sine huius sancti Antistitis admiratione, agerent, vt cum Quadragesimali tempore Concionatorem obtinerent. Mulierem etiam aliquando libidinis furijs agitatam, quæ prostratum ad peccatum propellere conabatur, strenuus castitatis Athleta, se inter dumeta propriens spinosis ramis à se abscedere cogit, nobileque de Tartareo tentatore trophæum reuehit. Post hæc in quartanam febrem incidit: cuius tamen languore haud impediri potuit, quin & consueta semper ieiunia coleret, & cum cæteris ad Matutinas Horas nocturno tempore conueniret. Denique, etsi eo tempore acrioribus febris ardoribus corripereetur; communibus tamen orationibus, ac flagellationibus, perinde ac si nullâ febris molestiâ teneretur, interesse consueuerat. At vbi ex eo morbo conualuit, dum Euangelicę Prædicationi ardentiori Charitatis astu insistens, bis aliquando in Dominicâ die Dei verbum distinctis in Oppidis ministrâset, angina correptus in Conuentu Colonij agri Brixienfis, Deo deuotissimè depositum reddit, & à laboribus ad præmium euolat. Anno 1585.

## FR. IOANNIS NOVOCOMENSIS.

### GVARDIANI

#### VITA, ET GESTA.

**E**RATER IOANNES à NOVOCOMO, Hetruscæ Prouinciæ Concionator, claris Natalibus ortus cum 16. annum attingeret, Nobili itidem Adolescentulæ Matrimonij vinculo coniunctus, alterius Alexij instar, primâ Nuptiarum die intactâ sponsâ, ad Capucinorum Monasterium aufugit; alterum castius cum Religione connubium initurus: vbi à Prouinciali Ministro, qui Deo ita rem disponente eo tempore in eo Conuentu versabatur, Religionis habitum obnixè postulans, eo præter morem donatur. In eo stabilis Ioannis animus, cum vniuersos mundi conatus sapius tentatos Diuinâ virtute superâset, tranquillam tandem in Religione stationem adeptus, Virginitatis lilium, quod ad conclusum sponsæ Religionis hortum purus attulerat, quamplurimis postea virtutum floribus

stipandum curat. Cùm enim illius custodiæ vitæ austeritatem, & carnis macerationem cum primis necessariam esse intelligeret; corpus primùm abstinentiâ, tùm laboribus, flagellis, vigilijs, atque omni asperitatis genere aggreditur: atque adeò sensuum mortificationi, ac mentis puritati inuigilat; vt illud à D. O. M. donum retulerit, quo nullâ vnquam nocturnâ labe se contaminatum senserit. Ad Prædicationis munus promotus, eam in dicendo vim à Domino affecutus fuerat, vt faciliè audientes ad lachrymas, ac fletus compelleret: atque adeo vberes ipse inter concionandum lachrymas fundebat; vt cùm eas minimè cohibere posset, à Prædicatione tandem abstinere coactus fuerit. Mirâ quoque erga pauperes pietate afficiebatur, ac miserorum calamitatibus mouebatur. Orationis præterea, ac psalmodiæ studiosissimus, tantam in his animi voluptatem collocauerat, vt cùm altera cessaret, altera protinùs in ipsius locum succederet. Quo factum est, vt eo Pisanum Conuentum moderante, cùm Horæ Matutinæ aliquando in Choro decantarentur, Acolythi is munus præ animi humilitate obibat: quo tempore lignea Crucifixi imago, quæ legili insidet, brachium à Cruce auulsum ad illius amplexum inuisibiliter extendit: ac tamdiu in illius amplexu perdurauit, quoad Matutinæ Horæ integrè absoluerentur: ex quo tanto illius mens voluptatis torrente inebriata fuit, vt nullam eo tempore cantus vocem promere potuerit. Hic denique cùm singulari vitæ innocentia, mentis candore, ac plurimâ pietate clarus, vitam vsque ad sexagesimum quintum annum traduxisset, ad Virginitatis

Lauream, ac cæterarum virtutum coronam à Domino vocatus,

Aretij mortalis Corporis exuias deponit.

Anno 1585.





FRATER CONSTANTINVS A SALVATORE FRATRVM CAPVCINORVM  
GVARDIANVS.

## FR. CONSTANTINI A SALVATORE.

## G V A R D I A N I

## V I T A , E T G E S T A .



**F**RATER CONSTANTINVS à SALVATORE, Messanensis Prouinciæ Sacerdos, cum primùm à sæculi pelago ad Religionis littus nauigium appulit; solitudinem ita sibi amicam conciliandam statuit; vt rarò cum Fratribus, rariùs cum sæcularibus, rarissimè cum mulieribus colloquia haberet. Quod si nonnunquam cum his sibi necessariò colloquendum esset, tantam oculorum demissionem, verborum circumspectionem, & totius corporis compositionem præse ferebat, quasi cum seuerissimo morum cenfore, aut inimico illi agendum esset. Admirabilem ipsius abstinentiam declarabant seueriores panis & aquæ inedia, quibus ter in qualibet hebdomadâ carnem extenuabat: quam ieiunij legem licet sibi toto vitæ suæ curriculo, tamen ætate grauis, ac varijs morbis afflictatus inuiolatam præscripsisset; Nouitiosque, quorum curæ aliquamdiu præfuit, ad maiorem virtutis stimulum, obseruare docuisset; in alijs tamen sic prudentiâ & Charitate temperabat; vt indulgentiorem potius, quàm seuerum se erga cunctos exhiberet. Huius Viri tanta erat mentis humilitas; vt quanquam Guardiani munus, ac dignitatem gereret; quoties publica de more in Refectorio accusatio fit, is post Fratrum correptiones, suam quoque genuflexus accusationem institueret, atque à Confessario poenitentiam sibi iniungi impetraret. Cæterùm, sic sensus ab omni voluptate cohibebat; vt id cum oculis fœdus pepigisset, quo minimum somno, plurimum nocturnis vigilijs ac Orationi concederet. Quo fiebat, vt cum diu ante Matutinas Horas in Ecclesia Diuinæ contemplationi incumberet, illis peractis, nunquam ab oratione ad quietem rediret. Hinc velut ex consortio sermonis Domini ipsius facies aliquando tam splendida apparuit, vt Frater quidam Vincentius Calactensis, qui ad ipsius cellam peccata sua expiaturus accesserat, clarissimum in eâ splendorem cernens, terrore correptus retrocesserit. Verùm cum à Constantino vocatus Cellam ingressus fuisset, Constantini vultum cœlestis lucis fulgore ita emicantem intue-

tur, vt eo velut clarissimo lumine tota cella illustraretur. Tyraceniensis Conuentus eo tempore Constantinus clauum tenebat, quo Fr. Athanasius Tyraceniensis è viuis excessit. Porro etsi Athanasij vita, quæ clarissimis virtutibus ornata fuerat, minimè illi suspecta esset; grauissima tamen illa corporis ægritudo, quâ diu ante mortem afflictatus fuerat, leuem aliquam animo suspicionem pepererat, num ab eo æquâ animi patientiâ & constantiâ tolerata fuisset. Quamobrem nonnullis ab ipsius obitus diebus elapsis Deum impensius rogare cœpit; vt quo in statu Athanasij anima se haberet, sibi pro suâ benignitate ostenderet. Hac in oratione dum diu perstat, nocte quâdam ante Matutinas Horas, dum coram Sanctissimæ Eucharistiæ Altari preces fundit, ingentem ex alto strepitum percepit, quo expauescens; cùm vultum post tergum, vnde fragor exoriebatur, conuerteret, Athanasium splendidâ aduectum nubeculâ è Cœlo ad se venientem conspicit: qui propius ad eum accedens his illum verbis alloquitur: Quid, Constantine, times? aut quid de meâ salute formidas? Iam metum depone. Ego enim iam Dei gloriâ inter Beatos, ac immortales fruor. Constantinus verò de amici gloriâ exultans, D.O.M. (inquit) gratias immortales ago. Verùm quæso te, Athanasi, vt quo in gratiæ statu apud Deum Religio nostra versetur, indices. Cui Athanasius: Bene, inquit, Constantine, Religionis res apud Deum se habent: vtinam ita semper. Neque vltrâ sermonem protrahens ex ipsius oculis mox euasit. Posthæc mons Ætna Catanæ coniunctus, cùm triginta quinque annorum spatio nullos è faucibus ignes euomisset, Constantinus, qui in Conuentu Frentani, Oppido ad Ætnæ radices iacente, eo tempore præsidebat; quod in oratione Diuinâ sibi luce impertitâ didicerat, Fratribus aperiens: Diu, inquit, à flammis abstinuit Ætna, diu siluit: At in Sacro Deiparæ Virginis Natiuitatis die flammæ parturiet, mugitibus loquetur, igneæque flumina vastitatis metum afferentia eructabit. Quod eo ipso anno, die à Constantino prænunciatâ plurimo incolarum damno contigit. Plurima quoque alia prædicens, spiritu Prophetico illum ornatum fuisse veritas demonstrauit. Præter hæc in Frentenensi Conuentu, cùm lapis ingentis molis coquinæ locum ita occuparet, vt eius ædificationem impediret, duodecim eò robustissimi Viri conuenire, vt illum vi è loco emouerent: sed cùm tam immanis illa moles esset, vt nec omnium vi loco dimoueri posset, opus infectum relinquunt. Nonnullis verò diebus elapsis, Constantinus Philippo Catanensi, ac Francisco à Linguâ grossâ secum ac-



citis: Agite, Fratres, (ait) lapidem illum, qui Coquinam occupat, vnâ inde efferentes, aliò transferamus. Cui Philippus: Quid Constantine, ludis? Duodecim robustissimi Viri illum nequidem concutere valuerunt; nos amouere posse putas? At Vir Dei Philippo: Quid te, Philippe, lapis ille tantopere terret? Maçte animo, pergite; Obedientiæ enim virtus leuem illum vobis reddet. Verùm, cùm primùm ad lapidem accefferitis, antequam manum lapidi admoueatis, IESV tantummodo nomen simul omnes omni pietate inclamate. Mira quidem; sed vera, & certâ fide probata refero. Abeunt illi; IESV nomen deuotè pronunciant: mox tam faciliè prægrandem illam lapidis molem, quasi leue quoddam pondus esset, inde amouent, ac longius ferunt. Quàm plurimos quoque Diuinâ virtute ab eo ægrotos curatos fuisse, nonnulla, quæ sequuntur, exempla demonstrant. Conſueuerat Vir Dei sacra illa verba: *Super ægros manus imponent, & bene habebunt.* In chartulâ conscribere, ac IESV nomine obſignata ægrotis, qui ad eum confluerent, distribuere. Cùm itaque cuidam quartanâ febre laboranti huiusmodi chartulam tribuens, is protinus Diuinâ virtute à febre conualuiſſet: id cùm primùm alijs nonnullis quartanâ, tertianâ, quotidianâ febre correptis innotuit; ij conſeſtim ad Virum Dei conſugientes ab eo chartulam impetrant; quâ in frusta diſſectâ, cùm quilibet ſuam ſibi particulam vendicaſſet, eâ quiſque incolumitatem eſt aſſecutus. Virum quoque quondam Frentani diutinâ quartanâ febre vexatum, nullâ prorsùs interiectâ temporis morâ, ſigno Crucis ſanat. Hieronymum Cardum Frentanenſem, Chriſti verba pronuncians: *Sipotes credere, omnia poſſibilia ſunt credenti.* Insuper & Crucis ſigno muniens, perfectâ apoſtematis curatione donat. Poſtremò Senex quidam pauperculus, qui moleſtiſſimâ febre quartanâ cruciabatur, ad Conuentum accedens, vix Serui Dei habitum contigit; cùm mox à febre dimiſſus, fidei ſuæ præmium tulit. Idem quoque puero, qui eodem morbo conſlictabatur, contigit. Alter itidem grauiter ægrotans ſolo Constantini habitus contactu incolumis ab ægritudine ſurgit. Biennio igitur antequam corpore excederet, dùm Fr. Marianus Tyraceniensis in Frentani Conuentu Fratrum ſepulchrum conſtruit, obitum illi ſuum pronunciat. Is igitur, cùm ad extremam tandem vitæ metam perueniſſet; antequam animam ageret, oculis in Cœlum deſixis in mentis exceſſum rapitur. Quidam verò Sacerdos, Maſſæus nomine, qui illi à Confeſſionibus erat, cùm mortuum ſuſpicaretur, vehementius concutit: quare is ab exceſſu rediens, oculis ad



Massæum conuersis: Ignoscat tibi Deus (inquit) Massæ: maiora enim mea solatia, importunâ tuâ concussione exturbasti: splendidus enim quidam locus, ac delicijs plenus, in quem breui concessurus sum, nunc mihi ab Angelo aperiebatur. Tum post hæc dicta, breui tempore elapso, lumina ad mortis somnum occludit. Huius Viri obitu per Vrbem euulgato, tanta fuit erga illum populi deuotio; vt ipsius habitu à confluenti multitudine in frustra conciso, altero illum indui opus fuerit. Aqua verò, quâ illius corpus post mortem de more prolutum fuit, tantam, ob inclyta eius apud Deum merita, virtutem affecuta est; vt cùm eâ Frater Massæus Sacerdos, ad tibiæ, quam diu languentem gesserat, velut balneo vsus esset, illius protinus incolumitatem adeptus fuerit. Nonnullis ab ipsius obitu diebus Vir Dei cuidam apparuit, atque se ex Dei miseratione salutem consecutum; trium verò dierum Purgatorium luisse significat; mox verò ad Cœlestia remeat. Obijt Vir Sanctus Anno 1586.

## FR. IACOBI A BELFORTIO,

GVARDIANI

VITA, ET GESTA.



**E**RATER IACOBVS à BELFORTIO, Picenæ Prouinciæ Sacerdos, cùm inter ipsa Religionis Capucinorum initia, ex Ordine Minorum, qui de Obseruantia nuncupantur, ob arctiorem Regularis obseruantia disciplinam ad Capucinos migrasset, priscorum illorum Patrum, quorum virtute fata, ac propagata Religio fuit, vitam, ac mores tam egregiè imitatus est, vt inter eos meritò connumerari debeat. Hic durum sibi ab exordio abstinentiæ genus elegit. A carnibus namque, caseo, ouis, herbis, leguminibus, omnique pulmentarij genere abstinens, duris tantummodo panis frustulis, quæ feruenti aquâ madefaciebat, absque oleo aut sale vescébatur. Cùm verò consenuisset, frustulis duntaxat in contritum panem commutatis, nullo præter id vnquam cibi genere vsus fuit. Huius vitæ austeritati vestium asperitas, corporis castigatio sensuum mortificatio, sui ipsius neglectus, demum dura & aspera omnia respondebant. At neque minores erant animi virtutes, quibus is præclaram Dei vocationem haud segniter, quoad vixit,

in se

in seipſo proſecutus eſt: tanto enim Regularis obſervantiæ ſtudio tenebatur; vt obedientiæ, humilitatis, manſuetudinis paupertatis, patientiæ, caſtita- tis, ac reliquarum virtutum, quibus ea integra conſtat, cuſtos eſſet diligentiffimus. Sæpè cùm Guardianus eſſet, de Regu- læ obſervantiâ diſſerens, tantâ in dicendo rerum abundantiâ afflue- bat; vt cùm in cœnâ aliquando, Fratribus in menſâ diſcumbenti- bus, de eâ verba faceret, magnâ tum ſui, tum aliorum voluptate ſer- monem uſque ad Matutinas Horas produxerit. Ordinis Conſtitu- tiones ſibi, & alijs tam accuratè obſeruandas proponebat, vt nec api- cem ex his præteri-ri pateretur. Quantâ verò mentis manſuetudine præcelleret, hoc aliquando exemplo manifeſtum fuit. Cùm enim fu- rem quendam Altaris ſupelleſtilem ſubripi-entem in flagranti crimi- ne deprehenderet, haud duris illum verbis excipit; ſed ſuaui duntaxat admonitione uſus cibos eidem miniſtrari iubet. Feruens quoq; ipſius Charitas illuſtri teſtimonio comprobatur. Auerardo namq; Came- rinenſi Epifcopo, cùm grauiffimè ægrotanti, ac extremum iam ſpi- ritum agenti pia officia perſolueret; id inter alia Euangelicæ Chari- tatis impendit, vt impenſiùs Dominum rogauerit; vt ſi quis pœnæ reatus Epifcopum in purgatorio maneret, hunc pro ſua Clementiâ in ipſum transferens, illum abſque Purgatoriâ pœnâ ad Cœleſtem gloriam abire permetteret. Neque Deo ingrata huiuſmodi poſtulatione fuit ex integrâ Charitate proſecta: vix enim Epifcopo vitâ ſuncto Iacobus paralyſi corripitur: quæ cùm illi mediam corporis partem. eorumque membrorum uſum abſtulifſet, perpetuis eum uſque ad mortem doloribus afflixit. Nihil eum æquè, ac Orationis ſtudium delectabat: quapropter Orationi ſedulò inuigilans nocturno præ- fertim tempore ante Matutinas Horas diu Domino vacare ſolebat. Eam verò diei partem, quæ illi à neceſſarijs curis, aut Charitatis offi- cijs ſupererat; quandoq; in ſyluam, interdum in Eccleſiam ſecedens, cùm in rerum Diuinarum meditatione inſumeret; hinc plerique à Deo donis Cœleſtibus locupletatus, ſæpenu-erò aliorum occul- tas animi cogitationes Diuinitus perſcrutabatur. Interdum etiam, quæ euentura eſſent, Prophetico ſpiritu illuſtratus præſignificabat. Cum in Conuentu Tipherni Metaurenſis Nouitiorum educatio- ni præeſſet, Nouitium fictè conſitentem, quem Dæmon præfocare ſtudebat, Crucis ſigno gutturi impreſſo, à Dæmonis imperio liberat. Poſtremò fidelis hic Domini Seruus, cùm primæuas illas Ordinis tempeſtates conſtantiffimo animo pertuliſſet, maioribusq; virtutibus auctus, Diuinorum mandatorum, atq; conſiliorū viam, perfectamq;

Seraphicæ legis Obseruantiam omni studio ad septuagesimum quartum vsque annum percurrisset; prænunciato sui obitus tempore, Tolentini Anno 1586. ad metam peruenit: eamque sui nominis post mortem gloriam reliquit; quæ nullo vnquam aut tempore senescere, aut obliuione deleri queat.

## FR. ISAIÆ MEDIOLANENSIS.

### GVARDIANI

### VITA, ET GESTA.



**F**ATER ISAIAS MEDIOLANENSIS, Sacerdos, Vir clarus, atque omni pretioso virtutum lapide ornatus, cum eâ integritate, morum disciplinâ, paupertatis zelo, orationis studio, animi candore, innocentia, charitate, vitæq; austeritate inter alios floreret: vt se totius Regularis obseruantia formam omnibus exhiberet ad Nouitiorum educationem vocatus, id munus tam præclare gessit; vt quamplurimis Religionis Tyronibus ad spiritualis vitæ normam Dux & Magister extiterit. Nihil porro hoc humiliter, nihil mitius erat. Rarè hic cum Fratribus, sæpissimè cum Deo in oratione colloquebatur: quo fiebat, vt nonnunquam etiam in mentis excessus raperetur. Nouitios Sacris Dominicæ Passionis mysterijs sedulâ meditatione vacare docuit: ex quo id aliquando accidit; vt cum cuiusdam Nouitij Pater, qui filij inuisendi gratiâ ad Conuentum accesserat, ab Isaiâ communi Fratrum, ac Nouitiorum mensâ exceptus esset, dum Pater filium conuiuantem intuetur, spinas illum cibi loco manducare videbatur: quod cum is maximè admiraretur, simul etiam ægrè ferret; refectione absolutâ ab Isaiâ Pater percunctatur: Cur reliquis Nouitijs panis, ac familiares cibi; suo tantum filio spinæ, quibus vesceretur, pro cibis appositæ fuerint. Cui Isaias: Quid ais (inquit) bone Vir? falleris profectò: non spinas; sed communes cum alijs cibos filius tuus accepit, ac comedit. Cumque accitum Nouitium Isaias diligentius de cibo interrogasset, eadem quoque & ille Patri respondit. Cui Pater admirans: At ego (inquit) te spinas comedentem vidi. Porro Isaias Diuini hic nonnihil latere animaduertens, à Nouitio sciscitatur; quidnam inter edendum mente reuoluerit. Cui ille: Toto, ait, refectionis tempore, illud Saluatoris

nostri mysterium, quo is in Passione suâ spinis coronatus fuit, ita animo inhæsit; ut in eo meditando totam refectionem consumpserim. Tunc Patri Isaias: En, quales spinæ sunt, quibus filium tuum vescentem vidisti: Christi spinæ coronæ, spinæ sunt, quibus mens, non corpus vescebatur. Tibi mentis illius potius, quæ melior fuit quàm ventris resectio, Deo tecum benignè agente, ostensa fuit. Nouitiorum cogitationes si quando in oratione ad mundanas res distraherentur, tam certò penetrabat, ut sæpè Orationis tempore ad eos pergens, ne ijs animum intenderent, admoneret. Postremò, cùm Mediolanensem Prouinciã suauissimo virtutum, ac sanctimoniæ odore respersisset, Mediolani in Conuentu S. Victoris post prolixa ægritudinis probationem terreni corporis molem deponit. Anno 1586.

\* \*





FRATER AVRELIVS MEDIOLANENSIS FRATRVM CAPVCINORVM  
 GVARDIANVS.

## FR. AVRELII MEDIOLANENSIS.

## G V A R D I A N I

## VITA, ET GESTA.

**F**RATER AVRELIVS MEDIOLANENSIS, Sacerdos, Leone Canobio, & Ludouica Besotia Parentibus, nobili genere ortus; præstantiorem tamen sibi ex virtute nobilitatem acquisiuit: Puer namque Cæsar nomine tam præclara sanctimonie fundamenta iecit; vt in ipsâ puerili ætate puerilia fugiens solitaria loca ad Orationem quæreret; Quâlibet sextâ Feriâ ob Dominicæ Passionis memoriam, & Sabbatho in Deiparæ Virginis honorem ieiunium coleret; cilicium sub veste gestaret; & cum somno illi indulgendum esset, nuda arca nuda illius membra exciperet. Tanta quoque in ipsius vultu modestia, tanta in moribus venustas, tanta denique in verbis suauitas elucebat; vt cunctos ad sui amorem, atque admirationem alliceret: Pietate verò cum ætate adolescente, non solum B. Mariæ Virg. sed & Canonicarum Horarum pensum quotidie persolueret: Coætaneos etiam, si quando turpia inter se colloquentes audiret, verbis increpans, tum ad Deiparæ Virginis venerationem, ac Diuinorum cultum; tum etiam ad piam Sacramentorum frequentiam exemplo prouocaret. Scortum aliquando reprimens, tot ad Pœnitentiam verbis impulit, vt mulierem ad meliorem vitæ frugem conuersam, ac proprio ære dotatam honesto matrimonio copulauerit: quo factò, tantam sibi apud Deum gratiam conciliauit, vt bis Dominus IESVS sub Pueri formâ se illi in Eucharistiæ Sacramento conspiciendum præbuerit; semelq; hoc tempore B. Mariæ V. conspectu potitus fuerit. Iam vnde trigessimum annum agens ad Capucinos accedit; vbi Aurelij nomen sortitur. Porro inter Seraphicos B. P. N. Francisci Filios cooptatus, qui in sæculo tot virtutibus præluxerat, in Religione Seraphicum planè animum induens, Angelici hominis formam præ se ferebat: tam enim ad omnem virtutem compositus erat; vt qui minorem Fratrem, ad B. P. Francisci mentem numeris omnibus absolutum delineare voluisset, omnium planè sententiâ Aurelium sibi exemplar statuendum proponeret. Frater quoque Claudius Cremonensis, qui diu illius Confessiones excepit, licet Angelicum planè Virum, in quo Adam

minimè peccasse videbatur, asserere non dubitaret: omnium tamen is se hominum scelestissimum prædicabat. Tenuissimo victu contentus eam sibi abstinentiæ legem præscripserat, vt præter communia Ordinis, & B. Francisci ieiunia, frequentius ab omni, præterquam panis & vini, aut aquæ alimento abstinens, si quando communi pul- te vesceretur, vt gustus voluptatem falleret, hanc ipsam absinthico puluere vel cinere conspergeret. Ab hac præstantioris vitæ ratione ad Nouitiorum educationem vocatus, in his instituendis omnium virtutum, ac totius Regularis obseruantiae luce anteibat. Hanc porro Aurelius ob præclaram Nouitiorum educationem à Deo gratiam consecutus fuerat, vt si quis ex his grauius à Dæmone tentaretur, cum solâ manuum impositione à tentatione liberaret. Tanto Vir hic præclarus Orationis studio tenebatur, vt cum ab eâ ægrè diuelli posset, longas, noctu præsertim, in eâ vigiliis duce- ret: in quâ sæpè ecstases, ac mentis excessus patiebatur. Neque id duntaxat, cum solus oraret; sed cum vel ægrotos inuiseret, vel peregrè iter faceret, illi contingere solebat. Dum Modetiæ Guar- diani, & Magistri Nouitiorum munere fungitur, Vir quidam, qui omnem penè rem familiarem sibi fœnore comparauerat, ad mor- tem ægrotans, peregrinum ignoto vultu diu noctuque sibi astan- tem intuebatur: cuius cum præsentiam ferre non posset, domesti- cis, vt cum e domo expellerent, iteratis sæpè clamoribus impera- bat. At illi, cum neque peregrinum, neque vllum ægri lecto astan- tem cernerent, infaustum aliquid suspicantes, Aurelium ad ægri visi- tationem prouocant: Is verò post longam orationem cum pluribus hominem ad Pœnitentiam, ac fœnoris restitutionem hortaretur; is, cum primùm de restitutione secum agi percipit, terga Aurelio ver- tens, ne illius quidem nomen sustinere poterat. Quo factum est, vt paulò post, sceleris impœnitens inter horrendos mugitus, animam, prout Aurelius ei comminatus fuerat, in Tartarei peregrini manus æterno supplicio mancipandam exhalauerit. Hoc ipso tempore Co- miti cuidam Brembati tunc Nouitio ad sæculum redeunti, infaus- tum exitum prædicit; Neque perperam: post aliquod enim tem- pus miserè trucidatus absque exomologesi animam fudit. Plura huius Viri gesta desiderantur; qui cum eam tum in Sæculo, tum in Religione vitam duxisset, vt totus illius vitæ cursus perpetuum vir- tutis curriculum dici queat, hæud dissimilem vitæ occasum est for- titus: Cum enim sospes & incolumis Mediolano Modetiam tende- ret, suæque diuinitus propinquæ mortis admonitus, facie ad Urbem



conuersâ , eidem valedicens benedicit. Modetiam igitur appulsus vix ibi unum atque alterum diem sospitem duxit, cùm morbo correptus grauiter ægrotare cœpit : quo tempore Dæmonum multitudo , quæ ad duodena millia excreuerat , cùm alterius culpæ eum insimulare non posset huius tantum accusant, quod fictilium paraprosidum, ac patinarum fornacem instruendam curauerit, in quâ arctioris paupertatis metas excesserit. Neque eorum falsa accusatio fuit: sed cùm is culpam, si quæ facto inerat, sæpè Pœnitentiæ Sacramento se diluissè responderet, Dæmones cum suâ accusatione reiecti fuère, Aureliusque Dei sententiâ absolutus, summâ cum animi pace Deo spiritum reddidit Anno 1588. Illud verò haud aspernandum ipsius Sanctimonix post obitum argumentum fuit; quod ex illius corpore, quod in Coemiterio conditum fuit, flores pulcherri-  
mi speciei hæctenus ignotæ pullularunt. Dæmon quoque, qui mulierem obsidebat, ab eius corollâ mulieri impositâ ita cruciatus est, vt ingentes in clamores erumperet.

## FR. MICHAELIS A DENIA.

VVLGO A VALENTIA

GVARDIANI

VITA, ET GESTA.



**E**RATER MICHAEL à DENIA, Sacerdos, cùm ab Adolescentiâ Domini iugum in Sacro Obseruantium nuncupatorum Ordine ferre didicisset, simul cum germano Fratre eiusdem Ordinis Professo in Capucinorum Familiam migrat. Omnium fuit hic virtutum exemplar; Humilitate, Obedientiâ, vitæ innocentia, animi puritate, paupertate, honestate, ac præsertim Charitate apud omnes præclarus: austeriorisque vitæ formam complexus, victus parsimoniâ, vberioribus ieiunijs, assiduâ carnis maceratione, somni parcitate, nocturnis vigilijs, corporis asperitate ita cæteris præcellere visus est; vt omnibus veram Fratris Minoris imaginem virtutum omnium coloribus depictam contemplandam, imitandamque referret. Orationem verò tanto studio complexus est, vt vix ab illâ auelli posset: potissimum verò in Dominicæ Passionis memoriam ita mentis aciem intendere, atque animo affici visus est; vt cùm sibi aliquando ægrotanti vena ad sanguinis emissionem inci-



deretur, Chirurgus in hæc eum verba compellante: O Michael, quanto putas Charitatis æstu feruebat illa Sanguinis vnda, quæ ex Redemptoris nostri vulneribus scaturiebat? Vix hæc Chirurgus pio animi sensu protulerat, cum Michaël mentis excessum præsentiens vniuersos egredi iubet; ac diu extra sensus raptus diuinâ vulnerum Domini contemplatione fruitur. Hoc sæpè aliàs ecstasis dono potitum, atque orando toto corpore in sublime elatum fuisse, ex multorum testimonio constat. Blandæ, dum Guardiani munere fungitur, aliquando orans, cum à secularibus quæreretur; minimè tamen quamuis præfens conspicitur; vel diuinâ virtute inuisibilis redditus vel in aëra sublatus vt eorum oculos effugeret. Tam præclara erat huius hominis virtus, tantaque in eo vitæ Sanctimonia elucebat, vt quicumque in eum oculos conijcerent, ad Pietatem abundè instruerentur: tantamque apud illius Oppidi incolas sibi sanctitatis famam comparauit; vt eum velut Cœlestem hominem venerarentur. Cum autem aliquando Michaël quosdam Nautas, vt viuam calcem Conuentus ædificationi necessariam Blandam nauigio veherent, impulsisset, cum ijs Michaël quoque adnauigat. At verò, cum Cœlumi nubibus obductum tempestatem minaretur, Nautæ Michaëlem à proposito reuocare student, ne & ipsi cum calce commune periculum subeant. Quibus Michaël: Ne vos (inquit) imber sollicitet: nauem onerate: Deus nauem, & calcem, nosque cum his tutos seruabit. Vix igitur medium iter confecerant, cum ortâ repente pluuiâ, & calcem, quæ nullis integumentis operta erat, & nautas, ac nauigium in discrimen adducit. At D.O.M. nec calcem ædificationi deesse, nec Nautas pio operi incumbentes periclitari, nec Serui sui promissum inane esse voluit: cadentes enim imbres ita coërcuit, vt cum circum circa nauigium sese effunderent, ne gutta quidem calcem attigerit. Charitate denique ita excelluit, vt cum duas spiritualium bonorum omnium, quæ, Deo adiuuante, præstiterat, in morientes quosdam partes erogasset, tertiam tandem, vt nihil perfectæ Charitati deesset, in Elisaberham quandam Raphaëlis Rables Coniugem, quæ extremo agone cum morte colluctabatur, spontè confert; atque alia Spiritualia Deo, si è viuis excedat, pollicetur: paucis verò post Elisabethæ obitum elapsis diebus, dum Michaël pro eâ ad Deum preces fundit, defunctam mulierem sibi astantem, atque his eum verbis alloquentem intuetur. Michaël, plurimas Charitati tuæ gratias ago: iam enim à pœnis soluta Cœlum ingredior. Verùm cum sæua lues hoc tempore Barcinonensem Vrbem, agrumque

inuaderet, seipsum pro Charitate superimpensans diuinâ Charitate æstuans, huic se ministerio consecrat; ac postpositis omnibus vitæ periculis, tam ingenti studio & sollicitudine ægrotos curare, infectis Sacramenta ministrare morientes consolari, mortuos suis humeris asportare, atque humo tegere visus est; vt & ipse eadem morbi tabe infectus voluntariam tandem pro Charitate mortem subierit; inter Charitatis Martyres non immeritò in Cœlo collocandus. Obijt iuuenis Michaël, cùm nonum in Religione duntaxat annum attigisset Anno 1589. Post aliquot verò ab ipsius sepulturâ annos, aperto sepulchro inter aliorum corpora, quæ in eo condita erant, putredine consumpta, Michaëlis corpus agnoscitur, integrumque. incorruptum ac suaueolens conspicitur.

\* \*





FRATER PETRVS BESSONTVS FRATRVM CAPVCINORVM  
GVARDIANVS

FR. PETRI BESSONII  
 GUARDIANI  
 VITA, ET GESTA.



**P**ATER PETRVS BESSONIUS, Sacerdos, Droci seu Druidis, ex honestâ progenie ortus cùm Virginem sibi despondisset, meliori Dei luce perfusus, intactam sponsam deferit, & sanctiori connubio Capucinorum Religionem perpetuâ sibi fide despondendam statuit. Petrum igitur Probationis adhuc annum agentem cùm Dæmon à proposita Religionis vocatione deterrere, ac sæculo reddere plurimum optaret; Virginis, quam in sæculo desponderat, formâ assumptâ, noctu post Matutinas Horas in Cellâ orantem adit; ac verbis suauibus atque amatorijs, vt ad sæculum redeat, & cum eâ nuptias instauret, hortatur. Cùmque hæc dicens in Petri amplexus ruere vellet, strenuus Christi pugil tam dirè abs se illam reijcit, vt in Cellæ parietem alliserit. At Dæmon se contemptum agrè ferens, tam rabido in eum impetu ruit, vt vi penè oppressum, ac robore destitutum relinquens protinùs euaserit. Petrus itaque hac Diaboli tentatione superatâ, cùm ex eâ fortior euassisset, ad solèmnem votorum nuncupationem admissus, tanto animi æstu virtutum omnium studia complectitur; vt in eâ præsertim priorum temporum angustîâ, omnibus præclarum se totius patientiæ exemplar præberet; non probra, non contumelias, non publicas ignominias extimesceret: neque Caputio tenus ab infimæ plebis hominibus in Parisiensi Vrbe circumagi, & circumvasari exhorreret; sed illustri patientiâ munitus vniuersa non tam patienter quàm hilariter toleraret. Abstinentiâ quoque tam insignis fuit, vt cùm vniuersa B. P. N. Francisci ieiunia, tanquam lege latâ sibi colenda præscripsisset; omnium tamen Sanctorum, & communem Dominicæ Resurrectionis Quadragesimam tantâ victus austeritate celebraret; vt ter tantum in hebdomadâ cibum sumeret; eumque tam exilem, vt præter panem & aquam, ac nonnihil iusculi, aut fabarum, nihil his sibi diebus edulij adhiberet. Carnem verò tam seuerâ castigatione plectere solebat, vt cùm vel communem cum cæteris, vel priuatam seorsim flagellationem exerceret, humum, & circumcirca parietes sanguine aspergeret. Charitate deniq; ita in omnes, ac potissimum

ægroto effusus videbatur; ut cum Rothomagenſem Conuentum, in quo tunc Guardiani munus agebat, ſæua peſtis inuaſiſſet, is metu omni mortis deſcripto, ægrotantibus Fratribus ſollicitè miniſtraret. Hoc pietatis, ac verè Charitatis officio, cum pleroſque ex noſtris quos tunc morbus peſtilens abſumpſit, omni ſtudio proſecutus eſſet, is tamen ad ampliorem Juſtitiæ Coronam à Domino ſeruatur. Hinc cum ardentiori Martyrij pro Chriſto ſubeundi deſiderio incenſus emerſiſſet, haud optatis pia Dei Clementia deſuit. Cum enim aliquando per Urbem Hæreticam iter agens ab Hæreticis comprehenſus, & ſuſpendio adiudicatus, cum nullam ſibi excuſationem texeret, necis procul dubio ſententiam ſubiſſet, niſi à Nobili quodam Viro, qui caſu in eam Urbem aduentauerat, cum Petrus ad ſupplicium duceretur, agnitus, eodem agente liber dimiſſus fuiſſet: at is qui eo tempore Martyrij palmam diſtulit, non abſtulit. Nam cum ſemel Aureliano poſt generalem admiſſorum Confeſſionem à puero initam, digreſſus, Lutetiam Pariſiorum proficiſceretur, & in quendam Beatiffimæ Virginis Ædem ſibi obuiam oraturus diuerſiſſet, ac in eâ aliquantiſper Beatiff. V. ſibi præſidium imploraſſet, ab Hæreticorum copijs inuaditur; ij verò ſtriſtis gladijs in Petrum irruentes, ex his alter ſublato enſe illius caput diffindit; alij corpus mucrone tranſverberant, & vulneribus confodiunt. Hoc pacto Petrus, velut Chriſti Hoſtia, Hæreticorum manibus maſtata, ſeſe gratum, ac voluntarium Deo Sacrificium obtulit, optatamque Martyrij palmam conſecutus eſt. Petri autem corpus Aurelianum delatum, cum in Fratrum ſepulchro conditum eſſet, ſeptimum poſt annum conquiſitum, tam integrum atque incorruptum, vulneribusque tam rubenti ſanguine conſperſis aſpicitur, perinde ac ſi pridie tumulatum fuiſſet. Trucidatus eſt

Anno 1589.





FRATER ANSELMVS BONONIENSIS FRAT  
RVM CAPVCINORVM CVARDIANVS. 5

FR. ANSELMI BONONIENSIS.  
 G V A R D I A N I  
 V I T A , E T G E S T A .



**A**NSELMVS BONONIENSIS, Concionator, virtutibus emicans; in eo admirabilis Dei Sapiencia, quæ stultam huius mundi sapientiam efficit, præclare elucet. Hic enim de Humanis literis benè meritus, cum publicas Bononiæ de re Philosophicâ theses defendisset, perfectamque triginta annorum ætatem attigisset; cum primùm ad Religionem accessit, tam ineptus, atque ad omnia agenda inutilis in ipso Probationis anno redditur; vt cum neque in Choro Lectiones recitare, neque in Refectorio pios libros recumbentibus absque multo errore legere valeret, velut ignauus ab utroque munere pulsus fuerit. His eadem quoque cum in cæteris stupiditas ac hebetudo responderet, eò patientiâ, humilitate, obedientiâ, simplicitate, sui ipsius despectu, & oratione clarior apparebat. Ab initio ita linguam cohibere didicerat; vt ne otiosum quidem verbum eam proferre pateretur. Tanta erat ipsius abstinencia, vt aliquando cum sensus appetitu contentiosè decertans, ad quintum vsque diem omni cibo abstineret. Postremò, in carne præter carnem viuens, cœlestem sibi cum Deo ac superis assiduâ rerum diuinarum contemplatione conuersationem eligebat. Non communis, aut vulgaris illius Oratio erat: tam enim in eâ semper defixus, atque immobilis versabatur, vt præter humanum aliquid sentire videretur. Cum Foroliuensem aliquando Conuentum moderaretur, post Matutinas Horas, vt solebat, in Choro orabat: quo tempore Angelus Capuanus Laicus, & ipse in Ecclesiâ orationi incumbens, ingentem in Choro fragorem erumpentem percipit; quasi alicuius, qui alteri sonantem ibi colaphum impegisset. Quare statim ab Oratione surgens, factum exploraturus in Chorum aduolat: vbi præclaram quandam mulierem candidâ veste amictam, quam mox Sacram Dei Matrem esse agnouit, non obscure conspicit; quæ Anselmi Guardiani caput suo sinu excipiens, simulatque ab eo visâ fuit, confestim euanuit. Hac Diaboli inuidia fuit; qui cum ardentes Anselmi preces, quibus mirum in modum cruciabatur, ferre non posset, ingentem



oranti alapam impegerat; cui statim Beatissima Virgo, quam ille singulari veneratione prosequabatur, opportunè adfuit, eidem suo sinu solatium præstans. Missæ Sacrificium operans vberes in eo lachrymas fundere solitus erat. Quamplurimas à Deo Cœlestes visiones, ac reuelationes accepit. Dum is Fratre Maximino Foroliuiensi Sacerdote comite iter facit, ad eum ait: Maximine, humana apud nos sileant: de Diuinis semper loquendum, aut tacendum. Id me Dominus I E S V S orantem aliquando ore proprio docuit, dicens: Anselme, si mihi placere optas, à mundanis, & humanis sermonibus abstineto ac de Diuinis semper rebus colloquitor. Orabat is noctu aliquando in cellâ, cum à Bernardino Rhegiensi Sacerdote ad quædam agenda vocatus, his Bernardino verbis respondet: Ignoscat tibi Dominus, Bernardine; quandoquidem optimam mihi animi voluptatem eripuisti: cum enim mei vtriusque Parentis præsentia in Cœlo fruerer, & cum ijs de ineundo cum Deo colloquio agerem, intempestiuè me ad hæc humana reuocasti. Elisabethæ Tertij Ordinis S. P. N. Francisci Sorori adhuc iuenculæ munda- no plus æquo luxui deditæ, breui mundo valedicturam, ac sub cinericeâ veste Domino famulaturam Prophetico spiritu prædicit. Hoc ipso spiritu Stilianæ Principissæ, quæ foetum in vtero gestabat, masculinum fore prænunciat. Fuit Anselmus Euangelicâ Prædicatione clarus; atque aded Apostolico spiritu præditus; vt liberrimè vitia increpans, obstinatos quosque post scelerum pœnitentiam, vitam in meliorem frugem commutare compelleret. Quamobrem Serui sui Prædicationem signis, ac miraculis Deus confirmatam voluit. Etenim dum Saxolij Dei verbum prædicat, quosdam, inter quos quidam ex Ferrariorum Familiâ enumeratur, Crucis signo adhibito à morbis curat. Helenam Orsellam Tertij Ordinis S. P. N. Francisci Foroliuiensem à graui cephalalgia eodem signo pristinae statim sanitati restituit. Alia quoque eiusdem Ordinis Soror, Francisca nomine, ex Balduorum Familiâ in eadem Vrbe visu, auditu, ac cæteris sensibus iam deperditis, extremo cum morte agone colubæbatur; cum ad eam Anselmus accedens, validiori eam voce proprio nomine appellans: Heus, Francisca, (inquit) heus: Cui illa, velut è graui somno expergefacta, respondens ait: Quis es tu, quem me appellantem audio? Necdum illa oculos aperuerat, proximo mortis horrore, ac languore obtenebratos. Quamobrem ad illam Anselmus: Agedum (inquit) oculos aperi, & nos respice. Cumque illa apertis oculis Anselmum intueretur, ex illius vultu emicantem



lucis splendorem cernens illius aspectu adeò confirmata fuit , vt post aliqua consolationis verba reuixerit , ac breui incolumitatem adeptæ fuerit. His & aliud accedat. Grauis annonæ tempore pauperculæ cuidam Familiæ Anselmus exiguum panem è manticâ depromptum tradens , ita multiplicat , vt denis familiæ personis ad saturitatem abundè suffecerit. Denique cùm Dei Seruus plerosque in omni sanctitate & iustitiâ annos in Religione consumpsisset; Anno 1590. dum Tusliniani Dei Verbum disseminat , febre corripitur : moxque obitum Socio suo præsignificans , maturè ad ForoCornelij Conuentum se confert , vbi Ecclesiæ Sacramentis munitus vitam auspicatò initam , meliori ac fœliciori occasu concludit.

## FR. IOANNIS A COLLEAMATO.

### GUARDIANI

### VITA, ET GESTA.



**E**RATER IOANNES à COLLEAMATO , Sacerdos, cùm primum è sæculi pelago ad Religionis portum euasit , tam perfectam vitæ rationem instituit ; vt omnium virtutum choros ad se vnum attraxisse videretur. Candidissimæ namq; mentis puritati , quam sibi velut cæterarum ducem elegerat , pudicitia ; pudicitia , morum honestas ; morum honestati , exterioris hominis compositio ; externæ compositioni , sensuum omnium mortificatio ; huic singularis animi simplicitas , modestia , mansuetudo , patientia , humilitas , Regularis disciplinæ vigor , paupertas , abstinentia , ac perpetuæ orationis studium ita coniuncta erant ; vt cum his æquè stipatus incederet , quænam perfectiùs in eo virtus eluceret , haud facile dignosci posset. A mulierum conspectu summo perè abhorrebat. Cùm enim is & facie decorus , & vultu verecundus esset , cui & ipsa morum elegantia venustatem addebat ; bis à mulieribus incontinentiæ tentatus , tam strenuè aduersus illas pro Castitate pugnavit , vt victor tandem in vtroque certamine euaserit. Tantâ præterea in Deum fiduciâ præcellebat , vt cùm in Mondauij Conuentu , in quo is Guardiani munus sustinebat , ob magnam niuis copiam necessariâ Fratres annonâ laborarent ; copiosâ ipsius oratione à Deo ministrata fuerit. A Dæmone varijs infestationibus appetitus,

titus, dum vehementius orationi incumbit, ipsius astum eludit.  
 Neque illi in extremo mortis agone cum Tartareo Hoste certamina defuere; at inclita Cœlorum Reginâ in ipsius opem accurren-  
 te, Dæmonum agmina effugata;isque læto rerum suc-  
 cessu exultans, dum ter Beatissimam Virginem, velut  
 præsentem salutat, eâdem comite ex hac luce  
 migrat Anno 1591.

\*\*\*



EVLCITE ME FLO-  
 RIBVS QVIA AMORE  
 LANGVEO.



FRATER LAURENTIUS OSCENSIS FRATRUM CAPUCINORVM  
GUARDIANVS.

## Fr. LAVRENTII OSCENSIS,

## G V A R D I A N I

## V I T A , E T G E S T A .



**L**AVRENTIVS OSCENSIS, Sacerdos, honestâ Parentum stirpe progenitus, Neapoli à sæculi curis cum fratre ad Religionis quietem à Domino vocatur. Necdum is carnis vulnera senserat, cum Seraphicæ militiæ palæstram est ingressus. In eâ verò tam nihili durissimas quasque corporis asperitates faciebat, vt non carneum, sed vel ligneum vel lapideum corpus gerere videretur. Crebra ieiunia, parcus somnus, prolixæ orationes, pedum nuditas sandalijs reiectis, cruentæ flagellationes, atque aliæ corporis castigationes, quæ cæteris horrorem atque admirationem adferebant, illi leues atque iucundæ videbantur. Post aliquot annos è Romanâ Prouinciâ in Cathalonix Prouinciâ inter ipsa Foundationis initia missus, dum eo in itinere aliquando attentius orat, Beatissima Virgo duabus alijs Sanctis Virginibus stipata apparet, Seruum suum Coelestibus verbis recreat: vbi verò Barcinonem appulit, ita omnium maximarum virtutum studia auxit, vt ad Nouitiorum educationem assumptus fuerit. Humilitas verò, sui ipsius contemptus, patientia, profusa in alios Charitas, & reliquæ ipsius virtutes haud facillè enarrari possunt; ac præsertim ardens illius in Deum Charitas; quâ fiebat, vt nihil magis, quam vitam pro Christo profundere optaret. Hic tam multus in oratione erat, vt maiorem noctis partem in sacris vigilijs, & lachrymis velut spiritu ebrius orando consumeret; quo tempore à Deo visiones, ac reuelationes accepit, quas obliuio, vnâ aut alterâ exceptâ, deleuit. Noctè quâdam aliquando oranti Beatissima Cœlorum Regina cœlesti vndique lumine refulgens apparet, dextrum illi tantummodò tam vultus, quam corporis latus protendens: quo aspectu tanta ipsius animum voluptas incessit, vt si reliquam vultus, & corporis partem aspectandam exhibuisset, præ voluptatis vbertate anima illi è corpore soluta fuisset. Antoninæ Iacobi Cors vxori, cum Barcinone fecerit in vtero gestaret, masculum parituram prædixit, quem precibus Viri Dei adiuta incohmis in lucem edit. Cum in Conuentu sanctæ Eulaliæ panis aliquando deficeret, Nouitium, cui Refectorij

cura commissæ erat, panem à Beatissimâ Virgine, quæ mater nostra est, petere iubet; mox eo orante copiosus in arcâ panariâ panis è Cœlo ministratus conspicitur. Cùm idem rursus in eodem Conuentu contigisset, Fr. Martinum Sardum Quæstuarij munere fungentem, ante Beatissimæ Virginis imaginem Antiphonam *Salve Regina*, recitare iubet; eam vix absoluerat, cum Vir pane, atque alijs eduljjs onustus ante fores conspicitur. Incredibili Laurentius Deiparam Virginem veneratione, ac cultu prosequabatur: quo fiebat, vt pictam ipsius Imaginem secum ferret: quam dum piè ægrotis atque alijs deosculandam præbet, pleraque miracula patrat. Fabri cuiusdam Vxor, de cuius vitâ Medicorum sententiâ actum erat, cùm Laurentius ad implorandam Beatissimæ Virginis Clementiam cohortatus esset, vix pictam Deiparæ Imaginem, quam is è sinu protulit, piè osculata est; cum hoc ipso tempore, morbo retrocedente, brevissimo temporis spatio perfectæ sanitati reddita fuit. In Oppido Constantini, Martini cuiusdam Oppidani filia oculorum prorsus luce carebat: cui vbi Laurentius hanc ipsam Beatissimæ Virginis imaginem deosculandam tradidit, manuque eidem benedixit, integram proinus ei lucem restituit. In eodem Oppido, Bernardi Iudicis Vxor, cùm aliquando è gradibus excidisset, grauiter ob casum afflictabatur; quam Laurentius eodem modo mox à cruciatu liberam reddit. Huius quoque filiam, Eulaliâ nomine, quæ ex ligni casu graue in capite vulnus tulerat, eodem modo à vulnere curat. Rursusque eandem paulò post, huius Sacræ Imaginis osculo ab oculorum morbo, quo ad cæcitatem pertrahebatur, incolumem reddit. Hoc pacto Nobilis quoque cuiusdam mulieris Barcinonensis pedissequam à Dæmone obsessam liberat. Nullum Laurentius pij cultus officium vnquam prætermittere visus est, quo Beatissimæ Virginis venerationem prosequeretur. Imò tam ingenti erga Deiparam amore flagrabat, vt quæcunque ab eo ob Virginis amorem postularentur, protinùs erogaret; atque eiusdem Festorum pervigilia nullo cibo transigeret. Denique in Virginem vota sua omnia, & cogitationes intenderet. Hinc multis olim indubitatum fuit, eum sæpius Beatissimæ Virginis aspectu potitum fuisse. At neque minor illi erga ægrotos Charitas inerat: Quapropter, cùm Nouitij cuiusdam putridum aliquando vlcus suis manibus curasset, & saniem absterfisset, simul cum sanie vlcus abstulit. Cùm autem is perpetuò à carnibus abstineret; contigit aliquando, vt tam graui ciborum inappetentiâ teneretur, vt cùm cibaria omnia respueret, Fratres illi carni-  
esum

esum multis argumentis persuaderent : quem cum ille recusaret ; en  
 auicula fenestram ingressa in ipsius sinum aduolat : quam mox Fra-  
 tres, tanquam à Deo missam apprehendentes, illi ad escam parant, qui  
 dum Cœlesti facto compulsus eâ vescitur , mox appetitum recupe-  
 rat. At præter hæc enarrata, pluribus eum miraculis claruisse,  
 ex ordinario Processu de illius vitâ & gestis instituto, satis constat;  
 ex quo hîc aliqua referenda sunt. Ferrerium quendam Barcinonen-  
 sem, lethali morbo in supremum vitæ finem adductum, Crucis signa-  
 culo communitum paulò post incolumem reddit. Mulieris quoque  
 hoc ipso tempore, quæ Carbonella appellabatur, filiam grauiter  
 ægotantem, eodem Crucis signo sanat. Dum Vallensem Conuen-  
 tum moderatur, mulier quædam calcinomatis morbo ipsius vultum  
 depascente laborabat : quam cum Dominicâ illi prius Oratione, ac  
 Salutatione Angelicâ indiçtâ, signo Crucis petijisset, integra illa can-  
 ceris plaga, perinde ac si nouaculâ abscissa esset, mox illi è pectore  
 delabitur, eaque pristinæ saluti restituitur. Barcinonæ Ioannem Bo-  
 nauenturam Iacobi Cors filium, quinque mensium infantem ani-  
 mam agentem, cum inter vlnas suscepisset, signo Crucis mox sospi-  
 tem reddit. At longè maiori admiratione dignum fuit, cum Fran-  
 ciscus huius Iacobi & Antoninæ filius morbo correptus, inter Pa-  
 rentum manus tandem animam efflâisset, in lecto collocatur, ac lineo  
 panno contegitur. Interea verò, dum eum tanquam mortuum Pa-  
 rentes lugent, en Laurentius adest, moxque adstantibus ait : Quo-  
 rum gemitus? Haud infans interiit, sed dormit; propiusque ad defun-  
 cti lectum accedens, positus genibus vbi per aliquot temporis spa-  
 tium orauit, demum ab oratione surgens, Pueri facie detectâ, his  
 eum verbis compellat: Francisce, in nomine Domini Iesu Christi, ac  
 Beatissimæ Matris eius expergiscere. Cumque eâ voce necdum in-  
 fans moueretur, ad adstantes conuersus: En (inquit) quàm profundo  
 hic infans sopore detinetur. Denique cum ter altius Puerum iisdem  
 verbis inclamâisset, defunctus à mortis somno excitatus prius osci-  
 tare, tum membra mouere cœpit, Marrisque vbera mox incolumis  
 petiit. Laurentius autem post hæc cum plurimâ virtutum, & Cœ-  
 lestium donorum segete diues tantam apud omnes sibi sanctimo-  
 niæ famam, nomenque comparâisset; vt passim haud alio, quàm  
 sancti Viri nomine appellaretur; longè antea prænunciato sui obi-  
 tus tempore Barcinonæ in Conuentu S. Eulaliæ tandem carnis  
 sarcinam deponens, meliorem apud Deum vitam adipiscitur An-  
 no 1591. æternâ apud homines dignus memoriâ.

## FR. ANDREÆ TAVRINENSIS.

## GVARDIANI

## VITA, ET GESTA.



ERATER ANDREAS TAVRINENSIS, Sacerdos, huius potissimum virtus in educandis, & ad omnem virtutem instruendis nouis Religionis Tyronibus enituit: Vir enim fuit tantâ Dei sapientiâ præditus, vt cum primùm ad eum Nouitij accederent, quinam in Religione stabiles; qui verò ab eâ euolaturi essent, certò præfagiret. Hic cum acerrimus, tum paupertatis, tum etiam totius Regularis Obseruantie æmulator, Euangelicæ Perfectionis virtutes sibi ab exordio comparasset, ple-rosque claros, ac virtute insignes Religioni Viros peperit. Mirâ quoque erga Pauperes charitate præditus ad eorum inopiam subleuandam, sibi necessaria vitæ alimenta substrahebat. In Genuesi namque Prouinciâ, quo tempore ingens fames totam ferè Italiam inuaserat, Andreas cum alijs iter agens, paucos panes, quibus in viâ vescerentur, ij secum detulerant, quum nonnullos in eo itinere egenos offendunt: qui cum fame ita confecti essent, vt animam propè exhalare viderentur, ijs vniuersos panes iubet distribui. Paulò post cum fame urgente, nihil & ipsi quo vescerentur, haberent: En peregrina Mulier, velut è longinquo veniens illis extemplò apparet; quæ tot ijs candidissimos panes, quot numero erant, è perâ profert, & continuò ex oculis eorum euanescit. Dum autem Andreas Taurinense Monasterium S. Mariæ ad Aquas moderatur; accidit, vt inter Epiphaniæ Quadragesimam, quæ Benedicta nuncupatur, & Quadragesimale ieiunium, quod à totâ Ecclesiâ colitur, vnicus tantum dies, quo Fratribus carnibus vesci licet, eo anno interflueret. Suadebant Andreæ Fratres, vt rem Ordinis Benefactoribus aperiri permitteret, quo nonnihil ab ijs obsonij Familiæ prouideretur. At Vir seuerus tum Regulæ tum Constitutionum cultor Fratrum postulationem reiiciens: Si Dei, inquit, voluntas fuerit, ipse obsonium prouidebit. Necdum verò Cœnâ instante Andreas cum totâ domus Familiâ ad ignem collectâ, animum pijs sermonibus recreabat. Interea Deo cum ijs liberaliùs agente, en Felis volucrem grandiore ore gestans apparet; quam ante omnium

oculos

oculos humi reliquit, statim abscedit, & post modicum tempus reuerfus alteram profert: denique tot successiue aues, quot in eâ familiâ Fratres enumerabantur, in medium adducit, quæ eorum esui abundè sufficere valerent. Tandem Vir hic præclarus cùm multos in perfectâ Dei viâ erudiisset, ac totius vitæ suæ cursum ad omnem Euangelicæ legis iustitiam composuisset, Genuæ in Conuentu S. Barnabæ placidâ morte sublatus iustitiæ Coronam assequitur Anno 1593.

\* \* \*







FRATER IUSTINUS A NURSIA FRATRUM CAPUCINORUM GUARDIAN

## FR. IVSTINI A NVRSIA.

## G V A R D I A N I

## V I T A , E T G E S T A .



**I**USTINVS à NVRSIA, Sacerdos, cùm animi ingenuitate, morumque elegantia plurimum in sæculo præstaret, hæc secum ad Religionem allata tam præclarâ virtutè accumulauit, vt Deo, & hominibus amabilis redderetur. Hinc tam admirabili exterioris hominis apud omnes compositione fulgebatur; vt nihil in eo incompositum, nihil non virtute venustum conspiceretur. Oculorum præsertim demissione tam præclarus fuit, vt nemo illius vnquam oculos conspexerit. His accedebant vultus honestas incessus grauitas, sermonis suauitas, quædamque in rebus omnibus moderatio: quibus cùm interioris hominis compositio, quæ ex obedientiæ, humilitatis, patientiæ, paupertatis, castimoniæ, proprii contemptus, abstinentiæ, & cæterarum virtutum gremio erumpebant, abundè responderet, perfectum in eo Minoris Fratris simulachrum cunctis admirandum elucebat. Quò factum est, vt ad Nouitiorum educationem vocatus, plerosque perfectos vtriusque hominis cultores Religioni pepererit. Linguam vel silentio, vel rerum Diuinarum colloquio ita sacrauerat, vt nemo otiosum ex ipsius ore verbum vnquam audierit: Orationem verò studio tam feculo coluit, vt ternâ, vel quaternâ quotidie orationis horâ, cui post Matutinas de more vacabat, non contentus, eam vbique sibi comitem adhiberet. Quotandem factum est, vt plerasque à Domino reuelationes acceperit, ac miracula Diuinâ virtute patrârit: Ex quibus pauca, cæteris, quæ Scriptorū negligentia periire, præteritis, enarrare libet. Inprimis Andreæ cui dam ex nostris Sacerdoti, de Sororis maximo periculo sollicito, Sororis incolumitatem annunciat, celeriusque ab eâ nuncium accepturum pollicetur. His cùm Andream consolatus esset, paruâ interiectâ temporis morâ, de Sororis salute Andreas per nuncium fit certior. Post hæc Iustinus cùm in Conuentu Montis Regalis Guardiani officio fungeretur, Sacerdos Iustini nomine imperans, Erucarum agmen omnia depascens repentè ex horto fugat. Rursus locustâ Fratrum hortulum deuastante, cùm Iustinus illi in Dei nomine discessum imperasset, ita fugam confestim capessit,

vt ne quidem vna in horto remanserit. Adhęc, cum in S. Annę Conuentu Vrbis Spoletanę, Guardiani aliquando munus ageret, tam ingens terram siccitas occupauerat, vt horti solo arente nulla Hortulano eo anno brassicę transplantandę spes reliqua esset. At Iustinus Hortulanum accessit, vt brassicam suis fulcis pangat, iubet. Dicto cū Hortulanus paruisset: Mirabile visu! mox Serui Dei oratione fit, vt sereno vbique Cęlo nubecula Conuentus duntaxat septa contegens, tam copiosum imbrem effunderet, vt eo brassica terrę coalescere, ac pullulare cęperit. Huius quoque Viri Dei cūm Friderigus Pater, & Frater ob grauem causam carceri mancipati, in manifesto vitę periculo versarentur. Iustino assidue pro illis orante; en in tempestiua nocte duo Capucini Fratres Fridericō in carcere apparent, celerioris que cum liberationis certiore reddunt. Postremo, dum Montis sancti Conuentus habenas moderatur, Sillanum profectus, vt quędam à Pharmacopolā pro Fratre ægrotante pharmaca quæreretur, pro his Pharmacopola pretium sibi exolui postulabat. Cui cū Iustinus pretium à Deo exoluendum fore assereret, his haud assentiente Pharmacopolā, Iustinus orationem: *Retribuere dignare &c.* cum Socio persoluit; quam in chartulā conscriptam pretij loco Pharmacopolę offert. At Pharmacopolā etiamnum pecunię pretium deposcente, pharmaca Iustinus in alteram lancem, quę in Officinā aromataria pendebat, afferri postulat: tum in alterā, quę eminebat, chartulam apponens, hęc illi tam præponderate visa est, vt nullo aromatum pondere æquari valeret. Id cū Pharmacopola oculis conspexisset, eo miraculo commotus, pharmaca liberaliter dedit, ac perpetuò in posterum se daturum repromisit. Pleraque alia huius Viri miracula, quę solā famā superstite vigent, conscribenda essent; in quibus & mortuum ipsius oratione suscitatum ferunt: Verum his prætermisiss, illud tantum exploratum sit, Iustinum, cum plurimos in Religione annos, virtute ac sanctimonia plenos traduxisset, Amerię, carnis exuijs depositis, iustitię à Deo Coronas accepisse

Anno 1594.

\*\*\*



FRATER ANDREAS CREMONENSIS FRATRVM  
CAPVCINORVM GWARDIANVS.

# FR. ANDREÆ CREMONENSIS, GUARDIANI

## VITA, ET GESTA.



**E**RATER ANDREAS CREMONENSIS, Sacerdos, ex nobili Mussorum stirpe progenitus, cum sæculo in virili ætate valedixisset; austerioris inter Capucinos vitæ genus exorsus, abstinentiæ, ac paupertatis eximius cultor fuit. Fraternali verò erga cæteros Charitatem summo studio prosecutus fuit: vilissima quæque officia, licet Guardianus, exercere solitus. Oratione quoque tantopere delectabatur, ut antelucanas præsertim horas, quæ post Matutinas supersunt, in eam auidius infunderet. Communi aliquando cum post Completorium orationi vacaret, vultu ad Cælum erecto, atque extensis in Crucis modum brachijs, cubito tenus in sublime elatus conspicitur: ex quo alios quoque mentis excessus passum fuisse, facile colligi potest. Aduenis Fratribus ex itinere fessis, cum nihil obsonij, quod illis in mensâ apponeretur, in Conuentu esset, iuuenem oua illi necessaria præbentem offendit, qui mox ex ipsius oculis euanescit. Cum æstiuo tempore, illi munus à Guardiano demandatum esset, ut grandiore vini lagenam, refrigerationis causâ ad mediam putei regionem demitteret, putei rotam nullo clauo distentam obfirmare consueuerat: quo fœbat, ut solâ Dei virtute, rotæ cursus lagenæ pondere excitatus retineretur. Plerisque eum miraculis claruisse M.S. nostra testantur. In his mulierem quandam nobilem Albiatensem à pestilenti febre suâ oratione liberat. Hoc modo Cremonæ cuiusdam Ciuis Cremonensis filium grauiter ægotantem protinus incolumitati restituit. Clericus quoque quidam ex nostris, qui maiores Hostias excoquens, nullâ ratione integras ex ferreo instrumento referre poterat, cum Andreas depositam farinam signo Crucis benedixisset, integras deinceps, & nullâ labe asperfas accepit. Denique cum virtutibus ac donis Cœlestibus diues ad extremam vitæ metam peruenisset; Diabolus Andream, sub terribilis cuiusdam Leonis formâ aggreditur: At Dæmone Beatissimæ Virginis, ac S. P. N. Francisci præsentia effugato, mox ille vultu in iucundum commutato, lætus exclamare coepit: En Virgo Deipara; en B. P. N. Franciscus præsentibus adsunt. Cumque pleraque tunc lætitiæ signa ederet, inter hæc spiritum suo Creatori æternâ gloriâ coronandum reddidit Anno 1594.

## Fr. RAPHAEL A MONSERIA.

## GVARDIANVS.



RATER RAPHAEL à MONSERIA, in Neapolitanâ Prouinciâ Concionator, Vir omnium virtutum laude præclarus fuit; qui dum Casertæ Conuentum moderatur, quorundam, qui ab hostibus ad necem quærebantur, periculum Prophetico spiritu præsentificens, mox Fratres ad eos destinatus; & in Conuentu receptos cum inimicis conciliat. Obijt Anno 1595.

## Fr. ANDREÆ A SESTINO.

## GVARDIANI

## VITA, ET GESTA.



RATER ANDREAS à SESTINO, Sacerdos; huic præter quandam naturæ benignitatem, quæ illum omnibus amabilem redderet, nulla ei virtus deesse videbatur. Cùm enim omnium virtutum cultor, ac Magister esset, Nouitiorum educationi sæpe præfectus, asperrimo probationis genere novos Religionis Tyrones excipiebat. Hæc porro morum seueritas, tametsi partim illi à naturâ indita esset; nulli tamen dubium erat, quin ea ex ardenti potissimum zelo proficiscens in Religionis bonum ac commodum redundaret. Hinc Viri huius Sanctimoniam Deus Coelesti aliquando testimonio contestatam voluit: magnâ enim annonæ penuriâ totam ferè Italiam occupante, cùm is Forosemproniani Conuentus habenas regeret, in quodam Societatis S. Lucæ agro, fabas ad pauperum alimoniam ferit: quibus maturitatem adeptis Præconis voce peruulgandum curat; vt quicunque fame premerentur eò ad agri fabas confugerent; fabasq; scaphis relictis sibi ad alimenta reponerent. Interea assidue is orationi vacans, D. O. M. vt suam in pauperes liberalitatem è Coelo extenderet, precibus pulsabat. Nec vana illius oratio fuit: tot enim in scaphis fabalibus fabæ Diuinâ virtute germinarunt, vt pauperibus vndique ad fabas confluentibus, quo plures ab his colligebantur, eò vberiores fierent. Quotidie colligentium turba in fabario conspiciebatur, quæ cùm inde fabis onusta recederet, vix fabarum scaphos integros remansisse existi-

masses; cùm postera die tot in stipulis fabalibus exortæ cernebantur, vt nullæ inde vnquam fabæ euulsæ, ac collectæ viderentur. Porro, hæc fabarum incrementa tam diu Diuinâ virtute producta sunt, quoad pauperum frequentia cessaret; messisque adueniens pauperes ad segetum spicas colligendas è fabario auocaret. Quod dignum magis admiratione fuit, post tantam pauperum ad fabas frequentiam, cùm vix scaphi integri putarentur; his post hæc excussis, tanta ex ijs fabarum copia erupit, vt annum fabarum fructum excederent. Alterum quoque huic testimonium accessit. Cum enim Frater quidam advena, longo ex itinere fessus, ac viribus imbecillis, tempestiuâ refectione indigeret; arcâque panariâ diligentissimè exploratâ, nihil panis in domo reliquum repertum esset; Andreas indigenti Fratri succurrere volens, Diuinæque liberalitati confidens, ad panariam redire iubet, Diuinâque virtute, atque Andrea oratione fit, vt tunc primum in eâ octo candidissimi panes, & recens placenta appareat, quibus vberius Fratris necessitati subuentum fuit. Hic tandem cùm quinquagesimum in Religione annum omni cum pietate, ac vitæ sanctimoniâ explisset; Septuagenarius Maceratæ mortalem cum immortali vitâ commutat Anno 1597.

## FR. STEPHANI TYRACENIENSIS.

### GUARDIANI

### VITA, ET GESTA.



**F**RATER STEPHANVS TYRACENIENSIS, Sacerdos, è sæculi tempestatibus ad Religionis portum, Deo flante; perductus; tantâ primum abstinentiâ vitam instituit, vt tres cuiusque hebdomadæ dies arcto ieiunio consecraret: Quadragesimali verò tempore totidem absque cibo transigeret. Aduentus autem ieiunio, in quod peculiari deuotione ferebatur, quartum quoque diem ab omni escâ vacantem adderet. Abstinentiæ, ceteræ quoque carnis castigationes, quales cruentæ flagellationes, corporis labores, somni parcitas, atque his similes esse solent, accedebant. Neque id frustra: tanta enim mox animi humilitate, tanto asperrimæ paupertatis studio, tantâ morum disciplinâ, tantâ orationis assiduitate florere, tamque incenso Charitatis in omnes spiritu, ac præsertim ægrotos effundi cœpit; vt in eum omnes, velut in Cœlestem homi-



nem oculos intenderent. Quamobrem ad Nouitiorum educationem vocatus, plurimos Euangelicos Viros perfectæ virtutis cultores Messanenſi Prouinciæ efformauit. Viri huius iam notam apud homines ſanctimoniam D.O.M. haud abſque multiplici ſignorum teſtimonio eſſe voluit. Accidit enim aliquando; vt hyemali tempeſtate, in quâ Aduentus ieiunia à noſtris celebrari ſolent, ciborum prouiſionem reſpuens, iter ex obedientiâ ſuſciperet; maioriq; diei parte inter cœnoſas ac ſalebroſas vias conſumptâ, vires illi ad iter proſequendum deficerent. Via deſerta erat, nullis hominum habitationibus obuia. Quare oculis in Cœlum conuerſis à Deo Cœleſtem penum ſibi aperiri poſtulat: Vix autem ipſius apud Deum gemitus peruenerat, cùm repente elegantioris formæ Iuuenem candido equo inſidentem cernit; qui cùm Stephani animum verbis auxiſſet, panem, vinumq; è perâ profert; protinusq; ex oculis euaneſcit. Rurſus, cùm eo tempore aliquando Politium verſus proſciſcere- tur, quo in S. Michaëlis honorem ipſe ieiunia Quadrageſimalia obſeruabat! præcedebat Stephanus, Socio intereâ ad cuiuſdam pau- perculi aſinum, qui ſub onere iacebat, ſubleuandum relicto; cùm Satanam ſub Socij formâ ante ſe gradientem conſpicit; nec tamen is, cùm animum diuinis rebus intentum gereret, quicquam de So- cio poſt ſe relicto cogitabat. Præibat Satan, ſe viæ ducem præbens; Cumq; iter illud ad quoddam præcipitium duceret, S. Michaëlem Archangelum, ſub ſplendidi Iuuenis armati ſpecie ſibi occurrentem cernit, qui hiſ illum verbis compellat: Quò pergis Stephane? Non hæc via eſt, quæ Politium ducit, ſed quæ ad præcipitium rapit: terga verte. Ac verum iter indigitans: Hæc tibi (inquit) pergendum eſt. Vix hæc ille effatus erat, cùm eo repente ex oculis ſublato, Socium poſt ſe inclamantem, & quâ viâ illi procedendum eſſet, aperientem audit: Satan verò ſuâ ſpe frustratus, ad veri Socij vocem aufugit. Prophetico ſpiritu clarus Homicidæ cuidam occultum crimen aperit, atque ad Pœnitentiam prouocat. Antoniaæ cuidam Pauli à Rocha Vxori, duriùs, acerbùsque, quàm par eſt, à Viro ſuo exceptæ, breui à Pauli Coniugis moleſtijs liberandam prædicat. Quod & verè contigit; Paulo circa eiùſdem menſis finem è viuſ erepto.

Poſtremò, cùm Catharina Antoniaæ propinqua proximum ſibi ſui obitus diem imminere prædixiſſet, Meſſanæ apud omnes ſanctimoniâ clarus, diem ſupremum

obiit Anno 1597.

\*\*\*



FR. AMBROSII VRBINATIS,  
 G V A R D I A N I  
 V I T A , E T G E S T A .



RATER AMBROSIVS VRBINAS, Concionator, ex Nobilissimâ Rodulphorum, vel Bufforum stirpe ortus; cùm in pueritiâ admirabilem, velut in gemmâ præter ætatem pietatem præ se ferret, tam solidam in Adolescenciâ, quæ vt plurimum ad vitia prona esse solet, virtutem animo sibi inditam ostendit: vt præter vitiorum omnium fugam, morum honestatem, animique ad omnia virtutum studia propensionem, carni, antequàm prouocaretur, prælia indicens, clam mollia sibi omnia subtraheret, lectum delicatum fugeret, durius vel humi, vel super stratis tabulis cubaret; longioresque noctu in oratione vigiliis ducens, Tartareum hostem necdum pugnantes prosterneret. At cùm Iuuentutis florem attigit, cùm labile sæculum, & periculis plenum animaduerneret; maturè ex eo erumpens, in Seraphicâ Capucinarum militiâ inscribi festinat: Vbi tam præclarum vitæ Tyrocinium ponit, & humilitate, patientiâ, paupertate, abstinentiâ, vitæ austeritate, ac totius Regularis obseruantie disciplinâ omnibus planè se admirabilem redderet. Quare ad humanarum, ac diuinarum litterarum studia promotus, in his diuinâ tantum luce profecit, vt inter illustriores Ordinis Theologos recenseretur. Hinc ad Prælectoris munus vocatus, cùm æquè spifitu, ac litterâ Auditores suos Philosophicâ, & Theologicâ disciplinâ erudiendos curaret; eosque non verbo tantummodò, sed illustrioribus quoque vitæ exemplis antiret; plerosque Verbi Dei Præcones Religioni ac Dei Ecclesiæ utilissimos peperit. Orationi præsertim ita deditus fuit, vt in eâ integros plerumque dies, ac noctes visus fuerit insumere. Hinc tanta illius animo in Deum fiducia indita erat, vt omnia absque vlla animi dubitatione à Dei prouidentiâ expectaret. Quò factum est, vt dum Camerini Guardiani officio fungitur, præaltâ niue è Coelo delapsâ, panis mendicari non posset, ipso orante, Vir maiori panis sacco onustus in Conuentus foribus apparet; qui pane Ianitori tradito, dum illi ignis extruitur, ita ex omnium oculis euascescit, vt neque qui saccum repeteret, neque vllius, qui panem tulerit, in niue vestigia

deprehenderentur. Orans verò tam Cœlesti luce perfunde-  
batur, vt cùm in Pisarenſi Conuentu cum cæteris communi Orationi in  
Choro vacaret, mulierculam aliquando Sacra Altaris Ornamenta.  
quæ in Sacello aſſeruabantur, clam ſurripientem in ſpiritu conſpi-  
ceret. Quamobrem Sacriſtam monet, vt oppidò ſe in Sacellum  
conferens, mulierem à furto abſterreat. Fr. Laurentio à Brunduſio  
à Capituli Generalis Patribus Pragæ deſtinato : is inter alios à Pa-  
tribus eligitur, vt qui plurimum virtute, ac doctrinâ pollebat, Lau-  
rentio adiunctus, Catholicam Fidem vaſtis hiſce Regionibus, hæ-  
reſi vt plurimùm infectis inferret. In Bohemiam igitur proficiſcens,  
Syllæ Buſignano propinquo ſuo obitum ſuum prædicit. Poſt hæc  
Pragæ cùm appuliſſet, plurima ibi ab Hæreticis mala patientiſſimè  
perpeſſus, extremum tandem ibi magnâ cum vitæ ſanctimoniâ, ac  
populi admiratione diem claudit Anno 1600. ipſius enim caro poſt  
mortem, non cæterorum mortuorum inſtar dura ac rigida;  
ſed ita mollis ac delicata apparuit, vt compreſſa aſſur-  
geret, & in priſtinum ſtatum  
rediret.





FRATER MARCELLVS TRIFLVMINENSIS FRATRVN CAPVCINORVM  
GVARDIANVS.

Fr. MARCELLI TRIFLVMINENSIS,  
G V A R D I A N I  
V I T A , E T G E S T A



**M**RATER MARCELLVS TRIFLVMINENSIS, Sacerdos, pijs parentibus ortus, Ioannis Baptistæ nomen in Baptismo sortitur: cùm autem ab ijs prima pietatis semina hausisset, haud mirum, quod adolescens ætas tantam deinde virtutum segetem pullularet; vt quod de altero Ioanne Baptistâ, olim per Montana Iudeæ diuulgabatur, id quoq; Trifluminenses de nostro Ioanne Baptistâ insolita ipsius Pietatis præludia admirantes, dicerent: *Quis puer iste erit?* Etenim vix è pueritiâ emerferat, cùm tres hebdomadæ cuiuslibet dies ieiunio consecrati: ex quibus duos, nimirum quartam Feriam, & Sabbathum in Beatiss. V. honorem, panis & aquæ abstinentiâ prosequitur; Carnem cilicio domat, oculis somnum eripit; ac nocte consurgens diu orationi vacat: linguam ita fræno cohibet, vt ne in otiosum quidem verbum prorumperet: Cordis puritati inuigilat: honestatem fouet: quemlibet quoq; festum diem Sacram Confessione & Communionem celebrat: Quotidianum Beatiss. V. Horarum ac Rosarii pensum deuotè exoluit: Sacro Missæ Sacrificio pio mentis affectu quotidie adstat: omnia demum Adolescentiæ studia ita in diuinam pietatem contulerat, vt nihil illi æquè iucundum esset, ac de diuinis rebus proloqui, Xenodochia inuisere, ægrotos solari, Ecclesias orationis gratiâ adire, Sacris Officijs interesse; ita vt pius Adolescens ad Angelicam propius, quàm ad humanam vitam accederet. Verùm, cum nullâ adhuc à Deo vocatione dignatus, quodnam vitæ institutum sibi eligendum esset, ignoraret, Diuino planè consilio accidit, vt quodam Dominico die ad S. Michaelis ædes, quæ Mediolani à Monialibus incoluntur, Vespertinas Horas auditurus, se conferret: quo tempore, dum in ligneam Christi Crucifixi statuam, quæ in Ecclesiæ signo eminebat, oculos defigit, flamma ex eâ erumpere sibi visa, quæ cordis ipsius intima penetrans, eum ad Diuinam seruitutem impelleret. Quapropter cùm Dei vocationi sibi obtemperandum statueret, illud sibi Religiosorum institutum amplectendum proponit, qui difficiliorem sibi ad Religionem aditum præstarent. Hoc secum inito consilio, cùm ad quorundam Ordinum Religiosos accessisset, illique faciliè Religionis sinum aperirent, tandem ad Capucinos accedens, ab ijs repulsam passus, eò se vocatum iudicat. Quapropter, cùm per vnus anni spatium precibus ac lachrymis

pullulaf.

pulſaſſet, tandem in Nouitiorum numerum cooptatus, Marcelli ap-  
 pellatione cohoneſtatus fuit. Marcellus igitur decimonono ſuæ æta-  
 tis anno, Religionis gremio exceptus, B. P. N. Franciſci mores,  
 & vitam tam egregiè aſſecutus eſt; vt cum eo altiſſimam rerum  
 paupertatem ſibi ſponſam eligens, nullâ non modò rerum cupidita-  
 te teneretur; verùm & in ipſo rerum neceſſariorum uſu ita parcus &  
 auarus eſſet, vt & ipſa, quibus ob vitæ neceſſitatem utebatur, ſibi  
 deeſſe optaret. Nouo nunquam, aut habitu, aut pallio uſus eſt: pal-  
 lium enim, quod ab exordio primum accepit, poſtremum quoque  
 illi in morte fuit, tot panni ſegminibus conſarcinatum, vt vix quic-  
 quam in eo prioris reliquum eſſet. Eiufdem quoque ſancti Patris  
 cùm ieiunia & abſtinentiam ſibi imitanda propoſuiſſet, aquam eius  
 exemplo liquidis cibarijs immiſcens, ea vt plurimum reddebat inſi-  
 pida. Hoc modo neque potu ad ſatietatem, ſed ad neceſſitatem ute-  
 batur. Tanta præterea in eo honeſtas elucebat; vt ad nullius vnquam  
 mulieris vultum oculos attolleret. Verba, geſtus, facies, pudor;  
 illius tandem omnia pudicitiam redolebant; vt Virginitatis lilium,  
 quod è Matris vtero candidum acceperat, inuiolatumque in ſæculo  
 ſeruauerat, illibatam, ac nullâ prorfus labe inquinatum uſque ad obi-  
 tum ſeruauerit. Cæterùm in ipſo Probationis anno, cùm orationi  
 ardentius inſiſteret in mentis aliquando exceſſum raptus, Cœleſtem  
 quandam lucem conſpexit: cuius aſpectu ita ad omnia virtutum ſtu-  
 dia accenſus fuit, vt vniuerſa corporis incommoda pro Chriſto ferre  
 deinceps ſibi iucundum fuerit. Tantâ obedientiâ, humilitate, ſimpli-  
 citate, patientiâ, ſuiipſius contemptu, charitate, omniumque virtu-  
 tum ſuppellectile animum exornauit; vt ad Religionis Tyronum  
 regimen vocatus, illuſtrioris vitæ exemplis cœperit emicare. Inte-  
 gras enim tunc plerumque noctes in oratione inſomnes ducere; ſæpe  
 ob Diuini amoris vehementiam in ſyluâ exclamare, ac dulce I E S V  
 nomen fortiùs eructare, arbores, ſtipites, ſaxa interdum ardentius,  
 quaſi dilectum amplecti, ſæpiſſimè inter orandum ſenſibus exce-  
 dere, Cœleſtes è vultu ſplendores effundere, in aëra toto corpore  
 efferri viſus eſt. Ex iugi autem Dominicæ Paſſionis meditatione  
 ingens Diuinæ Charitatis flamma in Marcelli animum irruperat;  
 quâ fiebat, vt tametſi omnium; in ægrotorum tamen potiſſimum,  
 obſequia ſe totum effunderet. Pauperum quoque, Chriſti pauperis  
 memor, ita miſerijs afficiebatur; vt cùm iter faciens pauperulum  
 quendam lignis onuſtum offendiſſet, eo exonerato, lignorum ſibi  
 humeris faſciculum impoſuerit, atque in deſtinatum uſque locum

comportauerit. Plura de huius sancti Viri excessibus, quos sapissimè patiebatur, certâ fide probata traduntur. Fr. Franciscus Mediolanensis, Sacerdos, Vir omni exceptione maior, Marcellum dum in Ecclesiâ orat, Cœlesti luce perfusum, altiusque in sublime elatum se vidissè iureiurando affirmat. Fr. Ioannes Albiatenfis Nouitius, dum ad Magistri Marcelli Cellam, culpas Sacramento Pœnitentiæ expiaturus, accedit, eum in aëra sublatum, & luce circumfufum conspectans, expauescit. Fr. Sabinus à Baretio, Laicus, cum ante Matutinas Horas in Aaronæ Conuentu se in Ecclesiam contulisset, Dei Seruum orantem, Ecclesiamque illius splendore affulgentem intuetur. Fr. Nicolaus à Terrâ-Nouâ Laicus, secundâ noctis horâ Ecclesiam orationis causâ petens, Chorum mirâ luce splendentem cemens, solum Virum Dei in eo orantem offendit. Fr. Isidorus Mediolanensis, Sacrista, Modoctiæ dum primâ noctis horâ Chorum ingreditur, Marcellum orantem, ac lucis radios è vultu fulgurantem spectans perterritus retrocedit. Cæterùm tantâ hic Dei Seruus vitæ innocentiam præditus erat, vt qui illi à Confessionibus fuere, post illius mortem se in eo voluntariam culpam, ne quidem venialem vnquam deprehendisse testati fuerint: quanquam enim pleraque vel ex naturæ imbecillitate, vel ex mentis inaduertentiâ, vel tandem ex subreptione & ignorantia vitia in animum cadere valeant, quæ ob negligentiam periculum expiatione indigent; ea tamen eò minùs voluntaria censentur, quo magis ab his animus abhorret. Quanta verò in eo vitæ innocentia esset; auium, quæ sæpè in horto ad eum volitabant; & cum eo domesticè versabantur, familiaritas confirmat. Iter aliquando faciens cum Perdice, quæ agrum excurrerat, frui optaret; ea protinus ad eum volitans inter manus incubat; neque ab eo, donec eam dimitteret, recedit. Eodem modo cum Coturnice colludit. Rursus, cum Modoctiæ res diuinas Nouitijs explicat, auis discolor, & pulcherrima cunctis spectantibus, inter illius manus aduolans, mirâ cum eo familiaritate versabatur: quæ tandem ab eo dimissa, cum in proximam arborem euolasset, dulces ibi modulos effingit, Cœlestique voluptate audientium animos inebriat. Tam præclara erant Diuinæ beneuolentiæ signa, quibus D. O. M. Seruum suum prosequabatur; vt iam nemo de illius vitæ sanctimoniâ dubitaret. Mediolani cum aliquando oraret, ardentiori in Deum Charitate flagrans signum aliquod ab eo postulat, quo se ipsius gratiâ, ac beneuolentiâ donatum agnoscat; signumque mox cœcitatatis accipit.

Veram cum eâ à sacro Missæ sacrificio præpediri se cerneret, Diuinam rursus Clementiam pro oculorum illuminatione exorans, iterum oculorum lumen recipit. Cum aliquando Modoctiæ in Conuentu oleum in urnâ defecisset, precesq; Marcellus pro oleo Domino offerret; eadem nocte B. P. N. Franciscus Ioanni Stephano Littæ, Nobili Viro in somnis apparens, eidem, oleo Capucinos indigere, indicat; qui è somno euigilans cum somnium paruifaceret, iterum obdormiuit. Rursus verò, cum B. P. Franciscus dormientem admoneret, vt oleum Capucinis Fratribus provideat, Ioannes Stephanus iteratâ hac B. P. Francisci voce permotus, primo diluculo famulum ad Conuentum destinatum, num Fratres oleo indigeant exploraturum. Cui Marcellus, B. P. N. Francisci apparitionem edoctus: Hæc Domino tuo (inquit) renuncia: opportunè illum à B. P. N. Francisco olei admonitum, quando summa illius apud nos penuria viget. Id ille cum primum accepit, non eo tantum tempore, sed & perpetuò, quoad vixit, Familiæ oleum ministravit. Sed quoniam hi quibus liberalis Deus vberius dona sua largitur, tentationibus hand rarè pulsari solent, vt ijs humiliores fiant; Marcello quædam ridendi tentatio à vanitatis spiritu profecta data fuit. Id verò cum primum ille ex occulto Dei iudicio pendere animaduertit; ne risus in aliorum scandalum, aut Diuini honoris iacturam redundaret, à Domino impetrat; vt dum vel in Choro Diuinas laudes decantat, vel in Refectorio Sacræ lectionis auditioni incumbit, ab eâ risus tentatione liberesset. Inter aliâs porrò huius sancti Viri visiones, quibus à Deo cohonestatus fuit, ea potissimum refertur; in quâ illum aliquando in Ecclesiâ orantem Christum Dominum clarissimâ luce perfusus, his verbis alloquitur: Marcelle, vt cœpisti, perge: quæ agis, age; opus perface: certa viriliter, apud me Electorum præmia consecuturus. Pleraque alia à Deo Marcellus dona acceperat, quæ mirificè ipsius apud homines sanctimoniam commendabant. In his Prophetici spiritus, & miraculorum charismata fuere, quibus ita præcelluit, vt inde magna tum apud Fratres, tum apud sæculares homines de eo fama percrebresceret. Nouitiorum tum cogitationes tum tentationes, quamdiu eorum curam gessit, tam illi diuinitus manifestæ erant; vt nihil in eorum animis, quod ipsum lateret, agi videretur. Inter alios Nouitius quidam Galdinus nomine, sub specie recti à Dæmone tentatus, secum animo decreuerat vniuersa coquinæ vasa confringere; quò à fratribus amens, & furiosus crederetur: hoc enim pacto se, iuxta Apostoli consilium, propter Christum stultum



ab hominibus habendum, ac propriæ existimationis vitium facilius extinguendum sibi persuadebat. Hac animi deliberatione, quam hæcenus nemini communicauerat, cum à communi oratione erumpens, in coquinam vasa perfracturus pergeret; Marcellus, qui iam Nouitij consilium, ac diabolicam technam diuinitus rimatus fuerat, oratione intermissâ eundem prosequitur: quem in Coquinæ limine deprehendit; integram tentationem aperit, atque ab eâ liberum reddit. Nobili cuidam, qui canum venaticorum multitudinem alebat; qui agros discurrentes vineta deuastabant, nec sæpius à Viro Dei admonitus acquiescebat, tandem iram Dei vehementius comminatus, vix octauo post hæc die agros suos, & vineta, circumstantibus cæterorum agris prorsus immunibus, sæuâ tempestate depasta, ac penitus deuastata cernit. Pleraque alia his addi possent, quæ is futura prænuñciauit, ipso rerum exitu veritatem contestante, quæ breuitatis gratia prætereo. Ad miracula venio. Margaritæ Antonij Centinelli Viri Dei germani Vxori ad mortem vsque ægrotanti, cum eam cibus in nomine Domini Iesu Christi, Beatissimæ Virginis, ac B. P. N. Francisci vefci coëgisset, simul vitam, & incolumitatem pollicetur: illa verò cum paululum obdormisset, post somnum à morbo libera ac valens confurgit. E Conuentu Meratensi Marcellus aliquando digressus, in pauperulum vlceribus plenum in viâ iacentem incidit; cuius aspectu permotus in humeros sublatum illum in Monasterium tulit: vbi igne extructo, balneoque ex odoratis herbis composito, Nouitijs aquam, ac munda linteola ministrantibus, is languidum à plantâ pedis vsque ad verticem suis manibus lauat, abstergit, in lecto collocat, & sollicitam illius curam agit: Languidus verò post alterum diem, vlceribus Diuinâ potius quàm humanâ virtute curatis valens & incolumis è Monasterio abscedit. Modoëtiæ, tam horribiles aliquando in Cælo nubium congressus, ac spurcissima tempestas terris imminens conspiciebatur; vt summum omnibus paurem incuteret: quo tempore Marcellus Ioanne Albiatensi Nouitio secum assumpto in hortum procedit: vbi positus genibus cum Deum aliquantisper orasset; nubes quædam rubens ac ignea à cæteris auulsa, fulguris instar, in eum dilabitur: quæ cum Viro Dei proxima esset, in aëre consistens, horribilem illi aspectum præferebat. At Dei Seruus, nequaquam perterritus in eam ter signum Crucis vibrat; quæ velocissimo cursu ad cæteras nubes rediens, tam ingentem in eis motum concitat, vt cum tertio eas Crucis



signo appetiisset, nubes vndiquaque dissolutæ serenum Cœlum præstiterint. Post hæc, cum Vir Dei Luganensem Lacum piscatoris scaphâ traijceret, quendam honestæ magnitudinis piscem à piscatore obtinèt, quem manibus apprehensum iterum in lacum demergit, qui eam suo liberatori gratitudinem ostendit, vt in omnium oculis aquis supernatans, scapham nunquam deseruerit; donec Vir Dei scapham egressus eundem signo Crucis benediceret: quo accepto altis sese condidit vndis. His & alijs plerisq; beneuolentię signis Vir Dei à Deo accumulatus, cum vigesimum nonum in Religione; ætatis verò quadragesimum octauum annum attigisset, ad vltimam vitæ lineam properans, plerisque obitum suum longè antequam contingeret, prænunciat. Quo tempore verò is Canobium profectus, Diuinas aliquando laudes in agro multis præsentibus persoluit, cum auis quædam volitans in proximâ arbore consedisset, is ad propinquos conuersus: An non, inquit, auiculam hanc cernitis? Hæc quoque Deum pro modulo suo laudat. Moxque auiculæ præcipit, vt suo cantu diuinam Maiestatem celebret: quæ cum superioribus arboris ramis insideret, ad inferiores descendens suauem protinus cantum instituit; quo audientes summâ tum pietate, tum admiratione afficit. Cardanum igitur profectus, cum in morbum, quem sibi supremum fore intellexerat, incidisset, omnibus Ecclesiæ Sacramentis, munitus, omni studio se ad Domini aduentum parat. Pridie verò quàm è vitâ excederet, Guardianus vniuersos ad eum Nouitios adductos, vt suâ benedictione fruantur, postulat: qui cum singulos pro cuiusque exigentiâ, peculiaribus monitis, ac benedictione profectus fuisset, vnum duntaxat excipit, quem absque benedictione ac monitis præterijt. Is autem à Religione paulò post excedens, cum se turpi vitæ dedisset, à riuilibus miserè trucidatur. Marcellus igitur vitæ cursu magnâ cum sanctimonix laude confecto, Cardani tandem Anno 1601. 21. Decembris diem extremum claudit; quem post obitum plerisque signis Deus illustrem esse voluit: Annam etenim Petri Pauli Barbauaræ vxorem, à diuturnâ agritudine suis meritis liberat. Hæc ipsa Anna, posthæc cum filiam altero crure breuiore, & maiori ex parte deformem genuisset, cum primùm ad sancti Viri merita confugit, votumque emisit, res planè mira: foetus, qui breuissimus erat, in iustam se longitudinem ac magnitudinem extendit; breuior tibia producit, omnisque à filiâ deformitas tollitur. Thomas Barbauaria sanguinis vomitu laborans, cum nullo remedio curari potuisset, voto ad Marcellum

emisso,

emisso, ac sacro Agno cereo, qui ipsius olim fuerat, sibi ad Collum appenso, breui tempore perfectam curationem assequitur. Eodem quoque cereo Agno, Maria Angela, Thomæ Soror Diabolico fascino alligata; Franciscus Antonius vtriusque Germanus, tertianâ febre afflictatus; & Ruffenus de Romanis, veneficio deuinctus sibi adhibito liberantur. Postremò Matthæus Barbauaria Thomæ, Mariæ Angelæ, & Francisci Antonij Pater, cùm equum ita ferocientem haberet, vt nullo fræno, aut arte domari posset; eodem

Marcelli Agno Sacro mox ita edomitus fuit, vt se  
deinceps omnibus tractabilem  
præberet.





FRATER FRANCISCVS NOVARIENSIS FRATRVM CAPVCINORVM  
SACERDOS.

FR. FRANCISCI NOVARIENSIS,  
G V A R D I A N I  
V I T A , E T G E S T A .



**E**ATER FRANCISCUS NOVARIENSIS, Vir virtute ac miraculis clarus. Huius Viri vitâ tam perfectè vitijs, & omnibus sensus atque animi cupiditatibus mortua fuit; vt inter mortuos viuens, quorum ea vox est: *Vivo ego, iam non ego, vivit vero in me Christus*; Gal. 2. rectè connumerari posset. Is enim ab omnibus carnis, & sensuum oblectamentis ita abhorruit; vt perpetuâ gustus sensum abstinentiâ, visum oculorum demissione, auditum familiaritatum omnium fugâ, & solitudine coercuerit; carnem crebris verberibus, corpus somni, & necessariorum multorum detractioe; demum quicquid carnem sapere videretur, acerbè vsque ad mortem persecutus fuerit. Quod si insanas animi cupiditates spectes, superbiam omnem humillimâ suiipsius tùm existimatione, tùm abiectione expulerat. Proprios animi motus, ac voluntatis electiones, Obedientiæ virtute perfectè contriuerat. Vniuersos incontinentiæ appetitus acutâ honestatis ac pudicitiae falce obtruncauerat. Rerum abundantiam aded exhorruit, vt vix necessaria, eaquæ parcius sibi indulgeret; ita vt de eo Apostolicum illum pronunciari posset: *Mortui enim estis, & vita vestra est abscondita cum Christo in Deo. Cum Christus apparuerit vita vestra, tunc & vos apparebitis cum Christo in gloria.* Coloss. 3. 3. & 4. Inde fiebat, quod cum Deo etiam tam assiduè orando conuersaretur; vt nullum illi præter illud, quod somnus, licet brevis eidem subripiebat, vacuum ab oratione tempus esset. Sacrosancta Corporis, & Sanguinis Domini Mysteria tam ardenti Charitatis spiritu offerre consueuerat; vt non semel inter ipsius manus, dum sacram Hostiam attollit, Christus Dominus sub Infantuli formâ visus fuerit. Hic suam post aliquod tempus in Nouitiorum curam & educationem operam contulit: quo in munere miræ illius Charitas, prudentia, & vitæ sanctimonia enituit. Postremò cum Augustæ Taurinorum in Conuentu S. Mariæ ad Agros Guardiani Officio fungeretur, vitæ austeritatibus exesus, & virtutibus obesus cum his & vitæ finem accepit. At verò, cuius hæctenus in Deo abscondita vita fuerat, cùm primùm Christus illius vita

apparuit ; simul & cum eo Francisci gloria signis & miraculis manifestata fuit. Etenim decimusquintus iam à Francisci obitu mensis effluxerat , cùm Angelicæ , Ariani Comitissæ filiæ precibus lapideum sepulchri operculum apertum fuisset ; primumque Francisci corpus integrum , atque incorruptum se illis spectandum exhibuisset ex eo tam suavis odor diffundebatur , vt moschi pastilli , nec vlla suauissimi odoris thymiamata illi comparari possent ; ea res cum Ducis , Principumque animos haud leuiter commouisset , ad Francisci sepulchrum conuolant , corpus explorant , solidas , candidasque illius carnes pertractant ; barbam , capillosque cuti tenaciter hærentes offendunt ; Mutatoria femoralia , quæ à lumbis pendeant , alba atque integra , qualia post obitum illi constricta fuerant , spectant ; corpus in pedes erectum ita per se stare conspiciunt , vt nullo fulcimente indigeat. Demùm in eo ita integra , atque incorrupta omnia summâ cum admiratione cernunt , perinde ac si corpus pridie tumulatum fuisset. Quod Paschasio Medico , qui eò à Duce missus fuerat , tam præter omnem naturæ ordinem accidisse visum fuit ; vt illud absque vllâ dubitatione Dei miraculum asseruerit. Hinc huius rei famâ per Urbem Taurinensem diffusâ , plurima vtriusque sexus multitudo ad sepulchrum confluere , ac corpus venerari : plerique etiam varijs languoribus pressi , Francisci nomen & merita inuocare , optatâque incolumitate frui : spiritus nefarij in obsessis corporibus cruciari , & cruciatus clamoribus atque eiulatibus indicare visi : quodque perrarum est Cœlestis gratiæ testimonium ; quamplurimi ad Francisci sepulchrum accedentes tantâ scelerum suorum poenitudine mouebantur , vt profusis lachrymis à Deo veniam peterent , ac in meliorem frugem vitam commutarent. Id præsertim Michaëli cuidam Perinoto contigit ; qui cùm nullis vnquam amicorum , aut Religiosorum hortationibus adduci potuisset ; vt similitatem , quam cum inimico gerebat , deponeret ; ad Francisci sepulchrum accedens , ita animo mutatus est , vt depositis odijs protinùs pacem cum eo componeret. Caterùm inter eos , qui Francisci suffragia implorantes ipsius è Cœlo opem tulere , primus est Paschasius Medicus , cuius superius memini : qui cùm in grauem febrem incidisset , quâ paulatim ad vitæ occasum rapiebatur ; Francisci in graui illo vitæ discrimine opem implorans , en noctu vigilantem Franciscus è Cœlo clarissimâ luce perfusus apparet : qui post aliqua consolationis verba : Ne timeas ( inquit ) Paschasi : ex hac citò ægritudine conualesces. His cùm ille dictis abscessisset , ægrotus inde conualescere cœpit ;

perfectamque post aliquot dies incolumitatem assequitur. Vir quidam Nouocomensis, Tribunus militum, qui podagræ dolore cruciabatur, quo tempore cum Fratres capsulam, in quâ Francisci corpus seorsim condere decreuerant, componere statuisent, ab eo tabulas postulant: qui eas non modò promptissimè erogat; verùm & Francisci ipsius opem, quâ ab acerbo illo podagræ dolore subleuetur, à Cœlo sibi efflagitat. Vix ex illius ore vox eruperat, cùm se repentè à dolore liberum sentiens, equum hoc ipso tempore conscendit; & ad Francisci sepulchrum conuolans suo liberatori gratias agit. At quandoquidem nonnihil tumoris in pede relictum fuerat, cùm aperto sepulchro is nudo pede Francisci pedem contigisset, mox tumor euanuit, ac perfectâ deinceps incolumitate potitus fuit. Idem posthæc, cùm tam graui brachij dolore correptus esset, vt eo minimè vti posset, Francisci merita implorans persanatur. Claudia à Serofenasco, Nobilis mulier, grauissimis doloribus cruciata, simul atque ad Francisci suffragia confugit, ab ijs statim incolumis euasit. Franca Fœlix Taurinensis, grauissimo brachij morbo laborans: Alia quoque Illustris fœmina, Fiani Comitissæ Soror, carcinomate, quod illi penè brachium absumpserat, sauciata: Altera mulier, in Padi suburbio diuturno stomachi dolore languens: Ioannes Baptista Cassola, ex oppido villæ Franchæ Astensis, continuâ febre laborans: Idemq; rursus graui dolore oppressus: Salitor Taurinensis podagræ dolore afflictatus, voto ad Franciscum emissò, statim curantur. Vir quidam Ripolensis repentino dolore correptus, ad Viri Dei sepulchrum reptans, ibique sancti Viri opem implorans, ab eo liberatur. Eustachius Iauenus extremo cum morte agone fluctabatur; quo tempore voto ad Virum Dei ab vxore emissò, vitam assequitur. Nobilis quoque mulier Taurinensis, cùm pleuricide, & febre continuâ periculosè laboraret, & ad sancti huius Viri auxilium confugeret, incolumitate adeptâ à necis periculo liberatur. Huius Soror Blaca Maria nomine, Francisci se intercessionem commendans, à graui corporis dolore liberationem assequitur. Olympiæ Canelli Marchionissæ filius erat ita fascino alligatus, vt cute vix ossibus inhærente totus aruisse videretur. Hunc cùm illa Viro Dei deuouisset, mox incolumitatem recepit. Alphonsus Comes Neuillensis criminis accusatus, cùm funis torturæ secundò subiiciendus esset, Francisci ope imploratâ, atque, illius Habitus particulâ sibi inter tibialia collocatâ, ita ab omni cruciatu immunis fuit, vt nec dolorem senserit.

Fr. Alexander à Cherio, & Constantinus à Montē Regali, ex nostris Sacerdotes, ille laterum dolore affectus, hic febricitans, cū sancti Viri præsidium inuocassent, vterque optatā sospitate fruitur. Præter hæc plurima alia huius sancti Viri intercessione Miracula patrata fuere, quæ cū certiolem fidem exigant, ab his consultò abstineo; ne, quæ minus probata sunt, probatissimorū fidem diminuant. Obijt Vir Sanctus Anno 1603.

## FR. ZACHARIÆ MEDIOLANENSIS.

### G V A R D I A N I

#### VITA, ET GESTA.

**F**RATER ZACHARIAS MEDIOLANENSIS, Sacerdos, Vir simplex, rectus, & ad Miraculum pius, cū eximium Religiosæ vocacionis donum, quod à D. O. M. acceperat, tam sedulò in animo versaret, vt cum Bernardo seipsum interrogans, sæpe diceret: Zacharia, ad quid venisti? Ne minimam quidem temporis particulam absque oratione, aut pio opere sibi elabi patiebatur; seq̃ue ad communem ceterorū vitam componebat, vt his omnibus virtutibus præcelleret, quæ communem vitam perfectam redderent. Mirum sanè, quantā in pauperes charitate ferueret; quos sæpe subtractis sibi cibarijs subleuabat. Nec minori in ægrotos Charitatis æstu ferebatur; quibus vilia quæque ministeria tantā voluptate exhibere solitus erat, vt ab ijs nonnisi ægrè recederet. Mirum etiam, quàm ad Dei laudes in Choro diu noctuque persoluendas assiduus; quamque tum communis, tum priuatæ Orationis studiosus esset. Mirum denique, quàm se totius Regularis disciplinæ, Regulæ ac Constitutionum obseruantissimum præberet: quibus eum sanctitatis gradum apud Deum consecutus est, vt nonnulla per eum Deus miracula patrauerit: Nam in Conuentu Verani Anno 1596. cū Fr. Seraphinus Mediolanensis Sacerdos continuā febrī laboraret, optabat is Beatiss. Virginis Natiuitatis diem, qui proximus erat, sospes cum ceteris celebrare, Deoque eā in solemnitate Missæ sacrificium offerre: quod cū Zachariæ, qui tunc superior erat, aperuisset, ab eo Crucis signum, quo febris abscedat, sibi exhiberi postulat. Annuit ille, signum adhibet; atque eodem tempore effugata febris Seraphinum incolumem relinquit: qui hac ipsā die cum ceteris



ad Dei laudes personandas conuenit. Præclarum quoque aliud accedat: Cum enim in Oppido Romano Mediolanensis Diœcesis Nobilis quædam Mulier ægrotaret, eò Zacharias se conferens, dum ægrotantem pijs verbis consolatur; accidit, vt alterâ pallij extremitate, vitream ampullam, in quâ ægrotantis vrina vsque ad Medici aduentum asseruabatur, contingens, ad casum impulerit: quâ perfractâ lotium statim humi effusum. Rem mox Zacharias, non tam ob ampullæ confectionem, quàm propter lotij effusionem, quæ in ægrotantis damnum vergebat, ægrè ferre: quare breui ad Deum, qui solus damnum instaurare poterat, oratione confugiens, dispersa ampullæ fragmenta colligit, ac in mensâ statuit: quæ mox ita Diuinâ virtute simul coaluere, vt ampullâ instauratâ in eâ & lotium clarum, nullâque ex parte corruptum instar prioris effusi, conspectum fuerit. Itaque cum plurimos magnâ cum vitæ innocentia, tum perfectâ Regulæ obseruantia annos in Religione consumpsisset; Mediolani in Conuentu S. Victoris extremum Deo spiritum reddit, præclarâ suarum virtutum apud omnes, tum Fratres, tum etiam Sæculares homines memoriâ relictâ. Obijt Vir Dei

Anno 1605.





FRATER HILARION VIBONENSIS FRATRUM CAPUCINORVM  
GVARDIANVS.

## FR. HILARIONIS VIBONENSIS.

## GVARDIANI

## VITA, ET GESTA.



**H**RATER HILARION VIBONENSIS, Sacerdos, Vir omnium virtutum splendore illustris, ex carnali ad spirituale à Deo Religionis connubium vocatus, cùm mortuâ coniuge, ex quâ filium Cosmum nomine, susceperat, sese Capucinorum Religioni spirituali & indissolubili votorum vinculo copulasset; mox ab eo tanta vitæ austeritas, quæ prioris vitæ delicias elideret, tamque asperæ carnis macerationes exoriri visæ, vt nulla abstinentiæ ieiunijs, cilicijs, flagellationibus, vigilijs, quibus domesticum hostem sibi subderet, atque ad spiritus feruitutem compelleret, meta illi præfixa videretur. Ex his tam præclara in animo virtutum soboles procreari cœpit, vt nemo eo humilior esset, nemo obedientior, nemo pauperior, honestior nemo. Vitæ innocentia, mentis puritate, simplicitate, patientiâ, Charitate tum in pauperes, tum in ægrotos ita præcelluit, tamque singulari spiritus prudentiâ exornatus fuit, vt sæpè Guardiani, ac Magistri Nouitiorum munere magnâ cum prudentiæ laude perfunctus fuerit. Summum verò illi orationis studium fuit; in eâ tam assiduè diù noctuque versabatur, vt vix ab eâ diuelli posse videretur. Ex assiduâ vulnerum Domini memoriâ, tam perennem sibi lachrymarum fontem comparauerat; vt oculis illi ex fletu caligantibus, (quod olim B. P. N. Francisco accidisse historiâ compertum est) eorum fermè lumine careret: At ille corporeorum luminum iacturam paruipendens; quin etiam lucrum reputans, ea in Domini obsequium profudisse exultabat: Id verò tantùm lugere videbatur, quod sacra Altaris Mysteria, ad quæ maximâ religione ferebatur, iam peragere non valeret. Quapropter ad Sacræ Deiparæ, quam præcipuâ veneratione prosequabatur, Patrocinium confugiens, id ipsius suffragio assequitur; vt eo tempore duntaxat, quo sacris Mysterijs vacaret, claro oculorum lumine frueretur. Res planè admiranda erat, eum, qui nec homines, nec ipsos Ecclesiæ parietes discernere poterat, cùm primùm ad Altare accederet, tam perspicuè literarum apices distinguere; ac

vniuersa, quæ ad Missæ sacrificium spectabant, intueri; vt ne  
 quidem perspicilijs ad videndum indigeret: mox verò, vt sacra  
 peregerat, oculos caligare, & ad priores tenebras redire. Denique  
 tantus in hoc Viro virtutum splendor, ac morum sanctimonia elu-  
 cebat; vt quisquæ in eum vel oculos intenderet, vel eius collo-  
 quio frueretur, ab eo quendam sanctitatis odorem efflari animad-  
 uerteret: quo fiebat, vt non modò apud Sæculares homines; sed  
 & apud Fratres magnam sibi sanctimoniæ famam compararet.  
 Cœlesti igitur Prophetici spiritus, ac Miraculorum dono illustris,  
 Viboni cum Nobilis quidam Iuuenis eiusdem Urbis in eâ factiones  
 aleret, inde ad tempus exulare iussus, dum in Conuentus nostri  
 arcam extra Urbem cum alijs confabulabatur, Hilarion fores egres-  
 sus, vt ad eum peruenit, his illum verbis affatur: Heu mise-  
 rande Iuuenis, si quæ te fata, manent, agnosceres, haud pro-  
 fectò inter odia & simultates vitam duceres. Ludit nunc tecum  
 iuuentus, collidunt amici, ridet incolumitas: At heu! quàm  
 breues lusus, quàmque fallax risus, qui vix quindenum proue-  
 hetur in diem! Placeat tibi, amice, consilium meum; odia de-  
 ponito, simultates pellito, animum à sceleribus quamprimum ex-  
 piato; etsi quæ pro domus tuæ familiâ tibi disponenda sunt, cu-  
 rato; vt te dies illa imparatum non offendat. Ridere primùm  
 ille dicto, mox horrere. Cumque ita nota Viri sanctitas hæc  
 haud frustrâ ab eo illi dicta esse persuaderet, consilio acquiescit;  
 rebusque cum Deo, ac hominibus compositis, die ipsâ quinta-  
 decimâ, cunctis, qui id à sancto Viro prædictum nouerant, ad-  
 mirantibus, vitam cum morte commutat. Posthæc, cum Hilarion  
 in Angelicum Panormitanum Prouincialem Vicarium, qui Lica-  
 tam proficiscebatur, incidisset, eundem his verbis compellat: Quò  
 properas. Pater? Licatamne? An non satiùs est, vt in Cœlum festi-  
 nes? Licatam quidem pertinges: at ibi visitationis, ac mortalis vitæ  
 cursu peracto, laborum finem capies. Vix Angelicus Licatam appu-  
 lit, cum in morbum incidit; quo tandem consumptus, iuxta Hila-  
 rionis dictum, vitæ ac laborum finem accepit. Cæterùm, quo tem-  
 pore Angelico vitæ occasum prædicit, etiam Ioanni Mariæ à  
 Castro veterano futuram Prouincialatus Dignitatem, quam post  
 Angelici excessum assecuturus erat, & obitum inextpleto triennij  
 munere præsignificat; vtrumque rei euentu contestante. Plurimis  
 igitur ad extremum vsque senium annis in sanctitate & iustitiâ  
 in Religione peractis, Viboni dum noctu ad Matutinas Horas

proficiscitur, è gradibus delapsus in morbum incidit; atque eodem tempore Cosmus ipsius filius ægrotare cœpit. Vtriusque morbo ingrauescente, cùm fratres Cosmi ægritudinem seni ægrotanti, ne morbo molestiam adderent, renunciare formidarent; paucis, antequam Hilarion è viuis excederet, diebus, Cosmus vitæ cursu absoluto, Patri apparet, benedictionem poscit, manus exosculatur, immensasque illi ob adeptam ipsius causâ à Deo salutem gratias refert. Hilarion verò, actis pro æternâ filij salute Deo gratijs, post vnam aut alteram diem, magnâ cum pietatis ac sanctimonix laude vitæ cursum absoluit. Post Hilarionis obitum, persoluto, iuxta antiquum Religionis vsum, defuncto corpori lauacro, Ioannes à Calatani-ceâ Laicus, qui grauissimo capitis languore diuexatus fuerat, vitam, quâ defuncti mentum alligatum fuerat, soluens eâ sibi caput præcingit: quo factò, tam repenti ac perfectè à capitis morbo conualuit, vt eo deinceps nunquam confictatus fuerit. Porro hac vittâ, quæ nunc Panormi asseruatur, plurima circa ægros, ac præsertim vertigine oppressos, miracula patrari communi voce euulgatur. Huius sancti Viri corpus etiamnum in Ecclesiâ expositum erat, cùm Antonia Scidita, Mulier Nobilis Vrbonensis, quæ ita alterius cruris morbo laborabat, vt incedere minimè valeret, defuncti manu crus contingens, tam integrâ mox cruris incolumitate potitur, vt in perfectæ curationis testimonium pedestè domum redire voluerit. Hac ipsa Antonia, cùm nonnulla Corollæ grana, quibus Vir Sanctus Virginem Deiparam venerari consueuerat, à Fratribus accepisset; ijs tum stomacho, tum dentibus, quorum dolore grauissimè cruciabatur, admotis mox liberationem assequitur. Ipsèdè cùm prægnantem mulierem, quæ partus doloribus torquebatur, contigisset, statim illam ad fœtum prouocans à cruciatu liberat. Ioannes Baptista Franchinus Vrbonensis. & altera eiusdem Urbis mulier, qui renum dolore dirè prægrauari consueuerant, cùm sepulchri lapidem, vbi Hilarionis corpus conditum fuerat, renibus attigissent, confestim à dolore persanantur. Antonini cuiusdam Vxor, quæ morbo insani-bili detinebatur, Hilarionis cingulo canabaceo sibi collo imposito, ab eo hoc tempore curatur. Alter quoque eiusdem Urbis ægrotus, cùm ad B. Viri sepulchrum accessisset, ab eo incolumis redit. Quidam eiusdem Urbis Adolescens, qui calculorum morbo grauiter laborabat, vbi ad sancti Viri sepulchrum accessit, breui sopore correptus, inde à morbo liber exurgit. Postremò, tot Miraculorum famâ per Vrbem diuulgatâ, tam communi Vrbonenses in sanctum

Virum veneratione ferebantur, vt qui tertianâ, quartanâ & continuâ febris laborarent, passim ad illius sepulchrum orantes ab his curationem assequerentur. Obijt Vir Sanctus Anno 1605.

## Fr. ANTONII MARIE ASTENSIS.

### G V A R D I A N I

### V I T A , E T G E S T A .



**F**RATER ANTONIVS MARIE ASTENSIS, Sacerdos, Genuensem Prouinciam admirabili virtutum splendore exornat. Hic ab adolescentiâ iugo Domini assuetus Minorum Conuentualium militiæ primum nomina dedit: in quâ cum ad duodecimum vsque annum magnâ cum vitæ innocentia, quam antea amplexatus fuerat, ac indiuiduam sibi comitem adsciuerat; nouâ virtutum prole ita accumulauit, vt humilitate, obedientiâ, morum honestate, paupertatis zelo, modestiâ, mansuetudine, patientiâ, charitate, oratione, totius Evangelicæ perfectionis apicem conscendisse videretur. Quamobrem ad Nouitiorum educationem euocatus, plebrosque Evangelicos Viros, perfectos Regulæ cultores Genuensi Prouinciæ peperit. Orationis tam assiduus cultor fuit, vt cum Nicie Guardiani munus obiret, orantem in Choro aliquando Marcus Antonius Textor quidam Ordinis familiaris Chorum ingressus, à sensibus alienatum, ac duobus cubitis altius ab solo in aëra subuectum conspexerit. Eius verò Orationis quanta vis fuerit, nonnullis Deus miraculis testatum voluit. Vultrij Antonius Maria aliquando morabatur; quo tempore Lauiniæ Hieronymi Cani vxori foetum in vtero gestanti, masculum parituram prædixit. Post hæc infans vix nonum mensem attigerat, cum graui herniâ laborare coepit; quem cum Ioannes Maria Crucis signo benedixisset, is postridie ab herniâ liber perfectâ incolumitate potitur. Cum Genuæ in Monasterio S. Barnabæ, Nouitiorum curæ incumberet, Viri cuiusdam Ordinis familiaris filius, ita vesicæ morbo laborabat, vt lotium effundere non valeret: pro quo cum Ioannes Maria in oratione procumberet; necdum preces absoluerat, cum vesicæ vlcere persanato à puero lotium liberè effunditur. Geminæ Viro Dei in Astensi vrbe Sorores erant; quæ fratris aliquando præsentiam nactæ, aquæ venam sibi in puteo aruisse secum conqueruntur. At Vir Sanctus subridens:

Quàm

Quàm parua (inquit) res vos sollicitas reddit? vbinam puteus est? Mox ad puteum ductus, cum super os putei manu Crucis signum extendisset, tam copiosè protinus aqua in eo scaterere visa, vt cæteris puteis arentibus, is aquâ deinceps nullo vnquam tempore caruerit. Is denique cum plurimos in Religione annos, magnâ cum Regularis obseruantia, ac sanctimoniam laude peregisset, in Astenfi Conuentu in morbum incidit; eximijsque admirabilis patientia exemplis clarus Anno 1605. extremum vitæ cursum simul cum virtute confecit. Huius sancti Viri corpus cum cæteris in communi sepulchro conditum, post 22. mensem tam integrum & incorruptum, nulloque tetro odore perfusum conspicitur, perinde ac si eâ die humatum fuisset. Post huius sancti Viri obitum, cum nonnulla Iesv nomina; quæ ab eo adhuc superstite, chartulis impressa fuerant, in oppido sancti Romuli apud ligures, nonnullis ægrotis, ac binis præsertim, quorum salus desperata erat, imposita fuissent, horum virtute incolumitatem affecuti fuere. Costula quoque ipsius particula tam suauis erat odore fragrans, vt inde facillè quisque colligere valeret, suauiori ipsius animam apud Deum gloriæ odore fragrare.

## Fr. AVGVSTINI GENVENSIS.

### GVARDIANI

#### VITA, ET GESTA.



**E**RATER AVGVSTINVS GENVENSIS, Prædicator, inter priscos illos huius Prouinciæ Fratres connumeratur; qui in eius exordio pleraque ab hominibus adhuc Capucinatorum ignaris incommoda passi, suâ patientiâ & virtute Genuensem Prouinciâ maximè illustrarunt. Hic in Religionis Hortulo omni virtutum genere florens, cum necdum Sacerdotio inunctus, in sancti Barnabæ Conuentu in febrem incidisset; nocte quâdam germanum Fratrem, quem in sæculo reliquerat, vix adolescentiæ annos attingentem, lucidâ nube septum conspicit; qui his eum verbis affatur: Augustine Frater, ecce ad Cœlestem gloriam conscendo. Porro Augustinus illum ascendentem cernens, mox exclamare cœpit; Expecta, Frater, expecta. Eâ quippe innocentia ac animi puritate præcellerat, vt iam ab eo tempore Cœlestibus se visionibus aptum præberet. Post hæc ad Sacerdotium assumptus, cum in



Taurinensi Conuentu Guardiani officio fungeretur, Vrbe eo tempore à Gallis occupatâ; ex his plerique hæresi infecti, quibus Capucinorum nomen odiosum erat, noctu in Conuentum irruere, ac Fratres trucidare inter se condicunt. Eorum consilio Guardiano à quodam familiari patefacto, Augustinus re cum Familiâ communicatâ, cuncti animas expiant, Matutinas Horas perfoluunt, orationi incumbunt; atque ad Martyrium parati, Hæreticos trucidatores constanter expectant. Quo tempore lux quædam Cœlestis per Ecclesiæ oculum refulgens, Ecclesiam, vbi Fratres orabant, ingenti lumine collustrat; atque hoc ipso tempore Hæreticorum agmen, quod ad Ecclesiæ fores accesserat, eo ita perterritum fuit; vt catapultis, cæterisque armis abiectis in fugam se dederit, maneq; eorum arma per agros passim dispersa visa fuerint. Hinc ad Saonenfis Conuentus regimen vocatus, cùm publicæ supplicationi, quæ in die Apparitionis B. Virginis Antonio Bottæ, pio Viro Anno 1536. factæ, vsque ad Sacram eiusdem Virginis Ædem, quæ per quatuor circiter milia passuum ab Vrbe distat; die duodeuigesima Martij quotannis celebrari solet, cum suâ Conuentus Familiâ interesset, Sacram Deiparam Cœlesti luce perfusam in proximo colle, Saonensem populum, qui aderat, benigno vultu aspectantem, ac Cœlesti dextrâ benedicientem intuetur. Nonnulla etiam Prophetico spiritu prædicit. Cùm Nicolaus Palmarius in sancti Romuli Oppido sanitatis officio Præfectus lethali morbo correptus, ad vitæ finem properaret, Augustinus assiduus ipsius consolator erat: quo tempore Ioannem Baptistam filium, summo Patris obitum mœrore desentem cernens; dum in alterum cubiculum seorsim ductum nonnullis consolationis verbis illius dolorem lenire studet; en extemplò Diuinâ (vt putatur) luce perfusus, ait: Eia, Ioannes Baptista, iam nos Nicolaus deserit: Nos quoque ad Deum proficiscentem, nostrâ oratione prosequamur. Mox verò ad eos nuncius accedit, qui Nicolaum ad Deum migrasse renunciat. Post hæc ad Conuentum reuersus, dum longas eâ nocte in oratione, quam pro Nicolai animâ ad Deum fundebat, vigilias ducit; en Nicolai anima Augustino apparet; ac Purgatorijs poenis se detentam aperiens, ipsius ampliora suffragia exposcit: orat ille, ac pro Nicolao lachrymas simul cum Christi sanguine Deo Patri offert; quibus eum à poenis solui postulat. Vix autem preces ad vnius horæ quadrantem produxerat, cùm Nicolai animam festiuam, ac Cœlesti splendore septam conspicit. Quæ vbi gratias pro beneficio reddidit, in Cœlum con-

scendit.

scendit. Huius Viri patientiam D. O. M. triginta circiter annorum spatio podagræ, & chiragræ morbo probare voluit; quo ita afflicto fuit, ut toto hoc tempore in lecto decumbens, ob membrorum omnium mutilationem, ne naturæ quidem necessaria absque alterius ope sibi ministrare potuerit: quo tempore Dæmonum aliquando multitudo ab eo visa; ex quibus qui inter eos maior videbatur, monstri similitudinem præferens, cum propius accedens eum damnatum assereret; is cubitum (manum siquidem chiragrâ truncam gerebat) tantâ vi in eiusdem rostrum impexit, ut ad Cellæ usque fores retrocedere compulerit; ubi risu à cæteris Dæmonibus exceptus, cum ijs vnâ statim euanuit. Hoc podagræ morbo cum diu vexatus fuisset, in quo perferendo singularis illius semper patientia eluxit; eo tandem consumptus, octogenario maior, probatæ Patientiæ à Deo coronam tulit Anno 1606.

## FR. CONSTANTINI MVTILENSIS,

### GVARDIANI

#### VITA, ET GESTA.

**F**RATER CONSTANTINVS à MVTILO, Sacerdos, cum vitam omni cum innocentia laude ad iuuentutem usque deduxisset, purus è sæculo ad Capucinorum Religionem accedit. Vbi tam strenuè ac veraciter omnes sensus perstringere cœpit, ut gulæ appetitum quotidianis ferè ieiunijs cohiberet. Aduentus & Quadragesimæ ieiunia pane tantum, ac fructibus; paucis videlicet nucibus, aut lupinis, aut oleis, ut plurimum celebraret; atque interdum à pane abstineret: carnem spiritus hostem aspero cilicio contereret: lumbos cingulo clauorum acuminibus horrente præcingeret: cumque animum lustitiæ loricâ indueret, corpus quoque ferreâ contegeret: membra verò, quæ necdum arma iniquitatis ad iniquitatem fuerant, tam diris verberibus cædere visus est, ut copiosum vndique sanguinem effluerent; quibus haud alium ad somnum, qui breuissimus erat, præterquam aut scamnum, aut breuem tabulam, lectum sternere consueuerat. Oculos animæ prædones tam seuerâ custodiâ coercuit, ut non

modo à sceminarum aspectu, sibi accuratissimè caueret; sed quam à primò Religionis ingressu didicerat, eandem semper luminum demissionem seruaret. Linguam denique indomitum humanæ naturæ monstrum ita edomare nouerat; vt vix vnquam cum alijs colloqueretur; vnde ita ex silentio loqui didicerat, vt ne vllum quidem inane verbum ex illius ore elaberetur. In Bononiensi Prouinciâ ad Nouitiorum educationem euocatus assiduo Orationis studio id à Deo consecutus fuerat, vt Diuinæ illi mentis consilia patefierent: cum enim ex ipsius Nouitijs quidam, Alexius nomine, qui anxij animi scrupulis angebatur, suas apud eum animi angustias depositurus ad illum accessisset, necdum peccatorum Confessionem inchoauerat, cum illi Constantinus: Vade, fili inquit) tua tibi peccata à Deo condonata sunt; eumque inauditum dimisit: qui ab eò digressus tantâ mox mentis serenitate potitus est, vt nullâ deinceps scrupulorum anxietate affectus fuerit. Quanta verò fuerit illius Orationis virtus, nonnullis exemplis manifestum fuit. Cæsena enim cum Guardiani aliquando officio fungeretur, extremo cum morte agone collocebatur Nobilis cuiusdam Matronæ filius: quo tempore Mater, misso ad Conuentum nuncio, moribundum filium sensibus destitutum Fratrum orationibus commendat. Orabat in Ecclesiâ eo tempore Constantinus, cum Ianitor ad eum accedens certum filij periculum, ac Matris Fratrum suffragia deposcentis instantiam refert. Silet ille aliquantisper. orat cum Ianitore: Dic nuncio (inquit) vt Matri renunciet, ne filij periculum extimescat: futurum enim est, vt ab ægritudine conualeseat; quod & rei euentus comprobauit. Rursus, cum Vir Dei Parmensem Familiam moderaretur, fluuius, qui per mediam Vrbem fluit, ita intumuerat, vt inundans alteram vrbis partem aquis operiret: quo tempore Constantinus supplicatione institutâ ad pontem, sub quo fluuius defluit, accedens; vbi aliquantisper orat, sacro Agno cereo in aquas immisso, ita tumentes aquas represcit, vt ijs mox detumescantibus, exundatio cessauerit. Cum annonæ caritas Rauennatensem agrum occupasset, Constantinus, qui Raennæ Conuentui præerat, pane suâ manu quotidie in frusta conciso sportulam complens, eam Ianitori tradere consueuerat, vt egenibus distribueret: quo tempore accidit, vt quamuis multæ sportulæ Pauperum multitudini haud sufficere possent; Diuinâ tamen virtute sportulæ usque ad extremum diei occasum panis nunquam deesset. Tanta denique huius Viri sanctitas fuit, tamque late apud Bononieneses Fratres diffusa, vt cum aliquando ad Fratrem febrici-

tantem accessisset; is Viri sanctitate permotus, ab eo habitum, quo induebatur, poposcerit: quem ubi agrotus induit, illico à febre conualuit. Postremò varijs corporis morbis affectus, cùm admirabilis in his semper Patientiæ signa exhibuisset; his tandem probatus, & consumptus, magnâ cùm sanctimoniæ famâ Mutinæ diem extremum claudens, Patientiæ ac ceterarum virtutum coronam accepit Anno 1607.

## Fr. VINCENTII A PETRAMELIA.

### G V A R D I A N I

### V I T A, E T G E S T A



**V**RATER VINCENTIVS à PETRAMELIA, Sacerdos, magnæ austeritatis cultor, ac propriæ carnis osor; Huic cùm communis Religionis asperitas, communia ieiunia, communesque corporis castigationes haud sufficerent, à carnibus, piscibus, atque huiusmodi obsonijs se abstinens; ac solis herbis, ac leguminibus famem sedans, biduum sæpè absque cibo transigere; duris corpus verberibus cædere; nunquam cubando, sed sedendo somnum capere; neque vnquam ipso etiam hyemis tempore stragulo, quo calefieret, vti consueuerat. At neque minori animi quoque virtutes humilitatem scilicet, obedientiam, paupertatem, patientiam ac præsertim charitatem studio prosequeretur. Quo factum est, vt cùm Fratris cuiusdam vlcus, ex quo copiosa sanies effluebat, ceteros horrentes cerneret, is ore vlceri admoto saniem fuxerit, atque expuerit. Propter præclaras hominis virtutes ad Magistrum vocatus Nouitiorum, cùm in S. Mariæ Magdalenæ Conuentu, Nouitios, ac familiam moderaretur; accidit, vt Nouitius quidam Diabolicâ versutiâ circumuentus, quo Martyrij palmâ frueretur, Dæmone sub Domini formâ illi apparente; atque vt sibi ipsi necem inferret, suadente, intempestâ nocte laqueum sibi, quo se ipsum perimeret, in Cellâ parâisset: quo tempore Vincentius insolito horrore percelli, ac repentino horrore ita agitari cœpit, vt è lecto exiliens ad Nouitij cellam vi quâdam impelleretur: quam ingressus Nouitium iam funem, quâ seipsum suspendere decreuerat, collo alligatum gerentem conspicit; Dæmonisque arte detectâ, Nouitium à Dæmonis laqueo liberat. Prophetico hic spiritu Per-

tusæ cuiusdam militis Vxori sterili futuram prolem prædicit, quam  
vix anno elapso suscipit. In eodem S. Mariæ Magdalænæ Conuen-  
tu, Fratrisc Francisci ab Illicitano Portu, suumque obitum Fratribus  
prænunciat. Emanuele quoque Petri à Belluis Filium virulento  
corporis humore ad occasum properantem, suâ oratione pristi-  
næ incolumitati restituit; ac demum virtute clarus  
Valentiæ in pace quieuit Anno 1608.

\* \*





FRATER BENEDICTVS CANFELDENSIS FRATRVM CAPVCINORVM  
GVARDIANVS.

## FR. BENEDICTI CANFELDENSIS.

ANGLI G V A R D I A N I

V I T A , E T G E S T A .

**B**RATER BENEDICTVS CANFELDENSIS , Anglus, Concionator , Nobili Filchorum stirpe ortus , & Guillelmi nomen fortitus , inter impuros Puritanæ Sectæ , quæ familiæ domestica erat , sinus à teneris annis enutritus fuit. Qualis eius ad vigesimum quartum vsque annum , quo ab hæresi ad Catholicam Fidem , & à sæculo ad Capucinorum gremium à Deo vocatus fuit, vita & conuersatio fuerit ; quæque illius conuersionis exordia extiterint ; idemmet in Soliloquio , quod Capucinus conscripsit, disertè aperit : ad quod , ne breuitatis metas excedam , Lectorem mitto ; aliqua tamen breuiter attingere libet. Guillelmus igitur per septennij spatium Londini moratus , totus in vanitatibus volutabatur , totum se in ludicris contemplandis ponebat ; donec post multos in his oblectamenti consumptos dies , placuit D.O.M. cor eius cæcâ errorum caligine inuolutum lucenti veritatis radio ferire. Cum enim quodam æstiuo die apud se constituisset rus proficisci , animum cum amicis relaxaturus , incidit in manus eius paruus liber , in cuius capite hoc erat inscriptum : Formula benè viuendi. Cumque optaret detegere argumenta , quibus virtutis semitam dirigere nitebatur , inuasit Guillelmum ingentimor , vindicem animaduertens adesse Deum , qui peruicaces Legis suæ transgressores opprimat , oppressos æternis ignibus cruciandos condemnet. Moxque ad se conuersus vitam emendare proposuit. Sed heu ! quot , & quantis interceptus fuit impedimentis ! Quâ fraude , quo dolo , ille scelertim artifex non laborauit , vt vota , & conatus eius inanes redderet ! At salutare inspirationes auribus continuò insonabant , copiosasque ex oculis emulgebant lachrymas. Nec interim desinebat antiquus hostis tentationum laqueos vbique prætere. Apparuit illi (inquam) Diabolus in specie Angeli lucis , vt ipsum seduceret ; sed Clementissimus Dominus insultantem conturbauit & quodam supernæ suæ dispensationis moderamine tanto robustius repulsam passus est , quanto illum tentationis impulsu expugnare contenderat. Cumque tandem confideraret , quot erroneæ opiniones hominum mentes inuasissent ,

perplexus



perplexus hæbat, quam sibi eligere deberet; Londinum reuerti cogitabat, quò sibi libros controuersiarum compararet; ibique solitarius legere, & commodius orare, ieiunare, humi iacere, & cætera huiusmodi deuotionis officia exercere valeret: quamuis enim Protestantes his omnibus actionibus ex intimo corde fluentibus aduersentur, nihilominus fructus inde nascentes videre cupiebat. Dum igitur quodam die prædicto libro finem imposuisset, serò egressus rus deambulandi gratiâ & aliquid meditandi profectus est; vbi cum per aliquod tempus permanisset, domum reuersus est; cui cum satis esset proximus, & fortuito casu ad latus respiciens, numerum equorum simul gradientium in prato virescente animaduertit: primo aspectu id esse verum credebat, quod intuebatur; neque iter inceptum prosequeretur: vixque quatuor passibus peractis retrò aspiciens, & eò iterum conuertens oculos, non illi amplius equi videbantur, sed spiritus; quare ad eos festinanter perrexit. Sed breui itineris spatio peracto, veri equi iterum ipsi visi sunt: tunc stetit Guilielmus, & seipsum leuitatis arguens, vix inceptæ viæ se tradidit, cum post terga respiciens, nihil eorum, quæ viderat, prorsus apparuit; sed eorum loco turbam pauperum animaduertit, qui fusco colore tenuiter induti, candidas peras humeris impositas ferebant, alij lagenas coriaceas in manibus. Hac nouâ, & repentinâ mutatione magis solito obstupuit; quare ad eos conuersus cum festinatione perrexit, vt facilius contempleretur: Et satis longo itineris spatio peracto, eosque attentius considerans, farri messores esse credebat. Sed hæc omnia euoluens animo ad eos pergere contendit: At iterum in hunc locum conuersus, hæc omnia euauerunt, atque eorum loco elegantem hominum, & puerorum turbam vidit subalbido colore indutorum; ad quos confestim ire contendit. Nec ipsi licitum fuit propius accedere: quantò enim eos appellere contendebat, tantò longius recedebant: eos tamen facilè considerauit. Simili veste erant omnes induti, oblongis scilicet togis leucophæi coloris, quibus insutæ erant longæ manicæ, in vnâquaque eorum togâ aliquid à collo ad zonam dimissum, Hispanicæ chlamydi simile pendeat, vnusquisque cinctus gradiabatur. Nonnulli verò sub illâ primâ veste togam candidam superpelliceo similem, cum magnis & latis manicis gerebant. In capitibus gerebant pileos eiusdem coloris. Homines in medio simul congregati, pueri ab utroque latere ordinatim incedebant. Venerando erant aspectu, & quasi saltantes, licet in signum exultationis manus extollentes. Libenter eos Guilielmus conuenisset; sed

quò eos appellere properabat , eò velociori gradu ad instar præcedentium recedebant. Quibus indicijs arbitrabatur cum ad se attrahere velle, vt eos imitaretur. Cùm igitur per longum temporis spatium eos infecutus fuisset, stetit aliquantulum, clausitque oculos, vt eos postea clariùs intueri posset: quo factò, eos vidit, qui, vt antea, fingeant, ipsum expectare: tum velociter properans, ad eos perrexit, credens si vterius essent processuri, saltem ad vicinam septem gradum sisterent, illique res foret apertior. Quò cùm accessisset, nihil prorsus vidit; sed eminus conuertens oculos, hominem ex maioribus candidâ veste indutis vidit, qui solus illi apparebat. Moxque omnia euauerunt, Deusque illi horum notitiam abscondit, & in tempus opportunum manifestare reserua-uit. Interim vndique cogitationes suggestiones, & mille nocendi artes tanto impetu in ipsum malignus hostis intorsit, vt penè exanimatum reddiderit; donec illi adfuit Spiritus sancti virtus tantam gratiam, & copiosa charismatum dona cordi eius infundens; vt oblitus sui, & mundi vanitatum, Deum suum toto mentis affectu quæreretur; modoque mirabili claram, perfectam, certamque suæ Sanctissimæ Religionis cognitionem Deus illi reuelauerit. Hoc verò visitationis tempore, amicum ad fores cubiculi pulsantem audiuit. Qui ingressus mirum in modum Religionem Catholicam extollens, eamque cum animi feruore commendans aiebat: Scito, nullam aliam esse indagandam veritatem. Et ipse tantis attonitus consentire cœpit. Tum quasiuit Guilielmus, an esset reconciliatus Ecclesiæ. Respondit: Non sum, sed breui (Deo dante) spero fore. Sequenti igitur die, qui Dominicus erat, Sacerdotem aggrediuntur, qui sanctæ Ecclesiæ conciliatos in portum sperandæ salutis introduxit. Eo verò die ab errorum laqueis liber euasit Guilelmus, quo soluta sunt beati Petri Apostoli vincula. Cùm autem vereretur, ne cum peruersis peruerteretur, honoribus, patriâ, amicis, ipsaque vitâ neglectis, in aliam regionem pergere instituit, in cuius Ecclesijs maiori cum fiduciâ publicas laudes Deo referret. In Galliam igitur iturus, nauem conscendit, quæ tandem post plurimas tempestatum procellas integra optatum portum cœpit. In Patriâ itaque Catholicâ, & in Religione Christianâ maiori quiete, & securiori mente viuens, cùm ter iteratò Missæ sacrificium in honorem Sanctissimæ Trinitatis Sacerdoti celebrandum commisisset, vt Deus ipsi gratiam fugiendi sæculi faciliùs impertiretur, ad perfectum Religiosæ vitæ statum

tam clarâ & apertâ voce à Domino fuit vocatus, vt & corpore & animo fixus tam potenti & insolitæ vocationi recalcitrare non potuerit. Cùm enim solus esset in cubiculo, sub mediam noctem, mentem ad Deum eleuans supernaturali lumine ita obumbratus, & ardentibus Charitatis faculis inflammatus fuit, vt sui immemor, & in Deum penitus absorptus, quasi totius sensus experts, & ab omni mundanâ sollicitudine liber permaneret: in quo raptu, & sensuum alienatione Dei de sua vocatione voluntatem tam ineffabili modo cognouit, ac si Angelus è Cœlo demissus ad eam illi indicandam visibili specie apparuisset. Cùm igitur apud se planè constituisset Ordinem sancti Francisci suscipere; nihilominus aliqua orta est difficultas; quem videlicet habitum, vel Cordigerorum, vel Capucinorum esset suscepturus; vel quinam essent sancti Francisci veri æmulatores: Et si enim ipsum non lateret, Capucinos vitam longè austeriorem ducere, vt satis ex statu constat exteriori; nihilominus ignorabat, an Regulam sancti Francisci in omnibus obseruarent, aut verum illius habitum ferrent, quod minimè sibi persuadebat; præsertim quoad habitum. Quare Cordigerorum Ordinem suscipiendum constituit. At videns eos à verâ & strictâ Regulæ obseruantia deflectere, & modum viuendi longè opulentiorum victu Capucinorum seruare, tristis, & afflictus constitit, credens non posse verè, & perfectè S. P. Franciscum imitari, vt sibi paulò ante proposuerat. Cùm igitur æstuanti animo, quid facto opus sit, excogitat, Lutetiam proficisci constituit, vt quibusdam sermonibus habitis cum vtriusque Religionis Patribus res illi clariùs innotesceret. Quo facto, nouit Capucinos, siue quoad Regulam, siue habitum esse acerrimos S. Francisci imitatores, ita vt reiecto omni scrupulo habitum PP. Capucinorum penè suscepit, P. Capucino persuadente, qui olim Cordigerorum Ordinem professus fuerat; quippe rigidioris vitæ zelo ductus aufugerat: Cuius consilio licet parere constitueret; tamen nonnullos pios & deuotos homines consulebat, qui illum certum reddiderunt; nihilominus quantum poterant, dissuadere conabantur ob nimiam victus penuriam, vestitus rigiditatem, & in cohibendis motibus vigilantiam. Quare penè mœrore confectus, Lutetiâ egreditur, vt PP. Capucinos Conuentus Medonensis inuiseret, & prædictum Patrem alloqueretur. In itinere verò Deum sine intermissione deprecabatur, donec se Conuentui proximum ab omni curâ & sollicitudine leuatum comperit; tantumque illi robur de

Cœlo largitum est, ut ea, quæ ex præcedenti visione illi fuerant indita cognouerit. His enim equis, quos prius conspexerat, non solum anteaetæ vitæ suæ peruersitas; sed & inanis in ipsis sordibus lutosus iactantia ostendebatur: His omnibus interpolatis vestibibus indutis mundi contemptus, & summa rerum omnium paupertas ipsi colenda proponebatur: Colore fusco, habitus formâ, lagenis coriaceis ad Ordinem Capucinatorum amplectendum commouebatur. His verò pueris, & hominibus leucophæo colore, & superpelliceo vestitis Cordigeri illi verè exhibebantur: quoties enim eos in Choro simul laudes Diuinas decantare viderat, toties illius visionis sensibus impressâ species ipsi veniebat in mentem. Cum autem eos semper prosequeretur, id quod deinceps erat futurum indicabat: Cordigeros, videlicet, illum vacillantem multoties excitare ad eorum Ordinem suscipiendum; & quando ante ipsum gradum sistebant, nihil aliud significare volebat, nisi quod quando illi occurrebat de Regulæ obseruantia difficultas, suum propositum stabilire conabantur, seque in extremo Dei iudicio pro eo responsuros promittebant, si in eorum instituto moreretur. Quod denique ad eum spectat, qui relictis ceteris longius secesserat, & illi vltimus apparuerat, Cordigerum significabat, qui relictis Socijs, eos demum vitæ austeritate antecellebat, & in aliam terræ partem pergebat, suscepturus videlicet Ordinem Fratrum Capucinatorum rectâ, id est versus rectum perfectionis tramitem, eumque post se videbatur attrahere, videlicet relictâ Cordigerorum Societate, in eam Capucinatorum, quod (Deo dante) paulò post Lutetiæ est exequutus, die scilicet 23. Martij, elapsis mensibus à suâ conuersione sexdecim; ipsum verò paulò post secuti sunt alij duo Angli nobili orti genere, qui ob eam causam patriâ relictâ in Galliam secum venerant. Quæ supra ab ipsomet Patre descripta, & à me compendiosè tradita Lector accipiat. Hoc igitur pacto Guilielmus ab Hæresum tenebris liber, cum ad Religionis sinum profugisset, Guilielmi in Benedictum nomine mutato, tanto animi æstu in Religionis arenam descendit; ut ab eo tempore carni, ac ceteris spiritus hostibus mox bellum indicens, illustre virtutum Tyrocinium instituerit. At Satan tantam in eum tentationum aciem instruit, totque nouum Tyronem artibus, ac insidijs aggreditur; ut foris bestiarum impetus, hominum pugnas atque horrenda spectra obijceret, intus terroribus animum quateret: quo fiebat, ut sæpe ingenti timore perculsus clamores edere compelle-

retur.

retur. Verum is haud animum despondere, sed inuictus in acie stare videbatur. Inter hæc contigit aliquando, vt communi orationi cum cæteris vacans sibi inferiorum loca patefieri cerneret; variasque ibi damnatorum animas, horrenda tormentorum genera, ac terrificos Dæmonum vultus conspiciens tam ingenti timore corripetur; vt exclamans ab Ecclesiâ aufugerit; ac trium vel quatuor dierum spatio hoc animi terrore exagitatus amens videretur. His accedat, quod ab eo tempore frequenter mente excedere, atque à sensibus aberrare cernebatur; ita vt biduo semel ita ecstatis perseverauerit, vt planè mortuus crederetur: quo tempore cum varia Medici remedia, quibus illum ad sensus reuocarent, frustra experti fuissent; rem à Deo profectam ignorantes, naturæ defectui, seu apoplectico symptomati adscribebant. Patres verò, quanquam rem aliùs perpenderent, atque ex Nouitij vitâ, quæ vndique virtutibus scatebat, Dei donum in eo suspicari possent, haud tamen facilè in id omnes collimabant. Quamobrem alij Medicorum sententiæ inherentes cum ab Ordine dimittendum sentiebant. At verò cum biduanus ille mentis excessus valde omnium animos sollicitaret; Guardianus accito Patrum Concilio Nouitium coràm præcepto interrogat; vt quid in eâ mentis alienatione cum eo actum fuit candidè aperiat. Erubuit ille; quæ sibi tunc acciderant, silere potius, quàm eloqui optans: at præcepto obstrictus altissimas quasdam Euangelicæ perfectionis vias, quæ sibi eo tempore reuelatæ fuerant, distinctè explicat: plurima etiam de Diuinorum attributorum excellentiâ & perfectione in eo excessu sibi exarata aperit: quæ cum per omnia Fidei orthodoxæ, & Sanctorum Patrum doctrinæ consentanea deprehenderent, omnem quidem ab animo suspicionem abiecere, quin ea vera, ac Diuina ecstasis esset; eâ præsertim ratione, quod Nouitij mens ijs instructa magis sibi sui cognitione vilesceret. Veruntamen, vt si quis fortè ex rerum tam Diuinarum reuelatione illi spiritus tumor irreperat, abstergeretur, perfectiusque illius mentis constantia, ac spiritus virilitas probaretur; velut amentem, ac mente imbecillum intra cellulæ angustias præcepto compellunt; atque inde præterquam ad Sacrum audiendum illi egressum prohibent: cunctis etiam Magistro excepto, ne cum eodem colloquia misceant, edicto cauent. Hoc modo cum ad quadragesimum vsque diem non solum constanter; verum & alacriter inclusus perseverasset; quo tempore maiorem is diei, & noctis partem in oratione & vigilijs consumpsit; inde liber dimissus,

& ad cæterorum Nouitiorum cœtum admissus, durâ is, ac seuerâ præ alijs probatione examinari cœpit: vt qui præ cæteris donis cœlestibus fruebatur, maiora, ampliora que ad ea integra seruanda virtutum præsidia sibi compararet. Quapropter tunc cuique illum verbis insectari, correptionibus aggredi, conuitijs laceessere, ac velut amenti illudere licuit; tot que à superiore tùm publicè, tùm priuatim vitia illi conficta inuri, tam acutis verborum aculeis pungi, ac verecundiâ suffundi cœptum; vt nisi solida illi animo virtus adfuisset, facilè vis eundem ad ea ferenda defecisset. Hæc itaque duriora probationis genera cùm Benedictus constantissimo animo ferret, eo tantum illius animus mirum in modum angebatur, quo se ab Ordine dimittendum passim à Fratribus audiebat. Quapropter cùm Beatissimæ Virginis fufis lachrymis ob id open aliquando postulaslet, in ecstasin raptus, sibi funem, quo præcingebatur, dissolui cernebat: vt eo sublato etiam habitu expoliaretur: quod cùm is summo luctu prosequeretur, confestim adfuit Virgo Deipara, quæfune iterum suis illum manibus præcingens, his eum verbis consolatur: Ne extimescas, Benedicte; nemo te hoc habitu expoliabit; sed in eo extremum spiritum duces. Id verò tantummodo cura, vt eo te dignum tuâ virtute præstes. Hac igitur Beatissimæ Virginis pollicitatione confirmatus, & tanquam aurum igne examinatum probatus, solemnia Religionis vota summo omnium Fratrum consensu nuncupat. Redditâ itaque, post varias hominum, Dæmonum que conflictationes, animo pace; generosus Christi pugil ad maiora, ac præstantiora virtutum studia animum prouocat, carnem durius macerat, sensum seueriori sub lege cohibet, cunctas ex animo cupiditates expellit, voluptates domat, vniuersos que spiritus hostes suo cogit parere imperio. Hinc tot in Benedicto virtutum germina pullulare cœperunt, vt eum cuncti quasi Domini hortulum vniuersis virtutum floribus consitum contemplarentur. Inter hos verò Cœlestium virtutum flores, potissimum oratio, ac Diuinarum rerum contemplatio eminebat: quam cùm summo studio excoleret, inde raptus, inde ecstases, ac mentis excessus frequentissimos, ac præsertim ardentissimi in Christum amoris flammæ colligebat. Quo fiebat, vt cùm post Philosophica, ac Theologica studia, eidem Prædicationis officium creditum esset, postulatâ, ac impetratâ à Generali Ministro facultate, nec non Apostolici Nuncij benedictione, An. 1599. Martyrij pro Christo obeundi desiderio flagrans, Lutiâ digressus in Angliam, comite Ioanne Chrysof. Scoto Conciona-

tore, profectus fuerit. Benedictus igitur cum Dybrim Angliæ Portum cum Socio appulisset; rectâ ad Urbem Santvich, quæ Londinum ducit, feruntur; vbi ex Breuiarij Codice deprehensi, quod Catholici Sacerdotes essent, in carcerem detruduntur. Inde Londinum perducti coram Barone quodam de Coblam Carcerum Præfecto sistuntur: à quo de genere, patriâ, Religione, ac profectiois causâ interrogati. Benedictus, vbi priora duo interrogationis capita opportunâ responsione excepit, liberè se cum Socio Catholicam, ac Romanam Religionem colere, Romanæ Ecclesiæ Sacerdotes, Regulari, Capucinatorum instituto solemnî votorum nuncupatione affixos esse profitetur. Quod verò ad profectiois suæ causam attinet, eam solam, ac potissimam esse aperit, vt Patriæ, ac populis cœcâ errorum caligine immeris veræ Fidei lumen afferrent: Neque id se ignorare affirmat, ijs qui talia auderent, carceres equuleos, supplicia, ac varia mortis genera parata esse: at eos nihil horum vereri; quin etiam pro Fratribus, qui secundum carnem sibi coniuncti erant, se libentissimè cruces, ignes, gladios, necem quæ acerbissimam subituros; dummodo & ipsi veram Christi fidem, ac salutem consequerentur. Hæc Benedictus tam suauiter, tantâque spiritus eloquentiâ Baronis illius animo instillauit, vt his ille haud leuiter commotus, humaniter eos tractari iusserit: atque ab eo tempore ita rebus Catholicorum fauerit, vt tandem Catholicus obierit. Nonnullis posthæc diebus Regio Commentariensi sistuntur, Viro si quis alius, hæresis propugnator: Qui cum à Benedicto multa ad Fidem Catholicam spectantia quæsiisset; eo rationem reddente ita mitescere visus est; vt & carceris expensas pro ijs exolui iusserit, melioremque in Catholicos animum induerit. Hinc Londinum reducti, cum ex Reginæ mandato distinctis carceribus mancipandi essent; cum nullam præterquam necis sententiam expectarent, peccatorum Confessione animam expiantes, mutuam sibi absolutionem impendunt: tum, quasi dies vltima esset, quâ se mutuo aspectu solarentur, charissima pacis oscula sibi inuicem reddentes, tandem separantur. Iam duodeviginti menses Christi Pugiles in carceribus consumperant, cum Henricus Galliæ Rex litteris ad Elisabetham Angliæ Reginam directis vtrumque in sui gratiam à vinculis liberari postulat. Regina verò Epistolâ acceptâ, Chrysostomum quidem libertate donat, atque in Galliam remeare iubet; Benedictum verò, eo quod Anglicani Regni beneficiarius Cliens esset, in vinculis retinet, atque Londini carceribus diligentius, custodiri curat.



Id verò silentio haud prætereundum ; vtrumque & Benedictum & Chryostomum dispensatione sibi à Pontifice factâ , Religionis habitum sæculari veste contactum gestasse : at simul atque alter ab altero disunctus fuit , Benedictus sæculari veste abiectâ , Capucinorum habitum palàm detulit , calceos exuit , cunctaque Regulæ ieiunia , B. P. Francisci Quadragesimas , Religionis asperitates , carnis macerationes , orationis tempora , quæ in Monasterijs obseruari solent , inter vincula exactius colere cœpit ; ita vt cæteris conceptiuis , virtutum , ac totius pietatis norma esset. Deus autem seruum suum Benedictum , Diuino amore flagrantem , atque inter vincula exultantem , maiori eo tempore Cœlestium consolationum vbertate prosequitur ; cumque à diuturno stomachi languore , quo per decem annorum spatium grauitè afflictus fuerat , in momento curat. Trium igitur annorum curriculo à Benedicto inter vincula exacto , cum Henricus Galliarum Rex nouas ad Elisabetham Reginam ad Benedicti liberationem litteras dedisset ; is tandem perpetuo ab Angliæ regno exilio mulctatus , liberè è carcere dimittitur , & in Galliam destinatur. Itaque Lutetiam Parisiorum reuersus , ob eximias Viri virtutes iam cunctis perspicuas , Nouitiorum curæ præficitur : quo in munere ita excelluit , vt integros de præstantiori Euangelicæ Perfectionis viâ Tractatus , qui prælo dati leguntur , tam altis Mysticæ Theologiæ sensibus resperfos conscripserit , vt qui de spiritali animæ profectu profundius egerit , haud facilè Scriptorem inuenias. Hæc dum Religionis Tyrones sibi creditos docet ; quandoque etiam Diuinum ex illius vultu splendorem cernunt erumpere. Denique tam frequentes hoc tempore , ac familiares erant illi mentis ecstases , & excessus , vt nunquam ferè absque ijs orationi vacaret Carnutenfis Conuentus cum aliquando habenas moderaretur , in grauem morbum incidit , ex quo , vitâ comite , haud resurrecturus speraretur : quo tempore Beatiss. Virginis Deiparæ imaginem sibi ad lectuli pedes collocari iussit ; quam vbi tantisper fixis oculis contemplatus est , mente excedens , per duodevicenas horas ita à sensibus abalienatus fuit , vt nullâ attractione , strepitu , vociferatione , aut aliâ ratione ad sensus reuocari potuerit. Porro post decimamoctauam horam sibi redditus , maximâ tum Fratrum , tum Medicorum admiratione , qui mortuum suspicabantur , perfectè à morbo curatus fuit. Iterum , cum diutino morbo correptus , eò maximè doleret , quod in Choro cum cæteris Psalmodiæ vacare non posset ; vocem protinùs sibi dicentem audit : Benedicte , in die festo S. Francisci à morbo

curaberis. Cumque eo die conualuisset, illum panis, & aquæ ieiunio celebravit. Rursus, cum in Aurelianensis agri Oppidum hæreticâ tabe infectum Prædicationis causâ profectus esset, Prædicationem longâ oratione præcurrens, illum Socius clarâ luce perfusum, atque altius ex humo sublatum conspicit. Neque id frustra: ipsius namque Prædicationem insignis illius populi ad Catholicam Fidem conuersio secuta est. Post hæc, dum Benedictus in Rothomageni Conuentu Guardiani munere fungitur, accidit, ut Concionator quidam Franciscus nomine, supremum in eo Conuentu diem clauderet: qui tertio post obitum die, Dei Seruo ante & post Matutinas Horas oranti, vultu, qui mœsticiam præferret, bis apparet, hanc semper edens vocem:

*Multorum manibus grande leuatur onus.*

Oppidò Vir sanctus multo illi Fratrum suffragio opus esse intelligens, à Sacerdotibus omnia Missarum pro eo Sacrificia Deo offerri, sacras Communiones, orationumque suffragia ad ipsius liberationem multiplicari mandat. His omni Charitate expletis, sequenti nocte defunctus à Benedicto in Ecclesiâ, cum cæteris orante, iterum, sed hilarior conspicitur: qui se ipsius, ac Fratrum precibus à Purgatorijs pœnis liberum asserens, gratias egit, ac Cælum conscendit. Diuinarum quoque Benedictum reuelationum, ac Prophetici spiritus luce à Deo illustratum fuisse, pleraque huius rei exempla testantur. Cum in Montisfortis Conuentu Guardiani munus ageret; quâ die Elisabetha Angliæ Regina è medio sublata fuit, ipsius obitum Diuinâ reuelatione acceptum cuidam ex suæ Familiæ Fratribus aperuit. Fr. Emanuelem à Pontearco adhuc in sæculo versantem in Capucinorum Album conscribendum prædicit. Ambiani Adriana quædam obsessa à Dæmone cum sacris Exorcismis oppeteretur; Dæmon per Obsessæ os se inde nunquam egressurum affirmat, donec eò Benedictus Anglus accedat. Quapropter Ambianensis Episcopus datis ad Benedictum literis rogat; ut quamprimum Ambianum se conferat. At verò Dei Seruus Diaboli artes agnoscens, quibus illum in inanis gloriæ vitium pertrahere studebat; atque eodem tempore Diuinâ intus luce illustratus, quid de Puellâ Diuino consilio statutum fuisset, Episcopo respondet: Dæmonem solito sibi mendacio ludere, cum Puella nulla vnquam Exorcismorum vi (Deo ita disponente) à Dæmone liberanda sit; quare ab ijs abstinendum persuadet. Rei porro euentus certam dictis fidem reddidit. Dilectus igitur Deo & hominibus Benedictus, cum

his, alijsque à Deo donis cohonestatus extremum vitæ occasum sibi imminere diuinâ reuelatione accepisset, Parisijs in morbum incidit: quo tempore ante omnia à peccatorum sordibus Sacramento expiatus, ac sacro Christi Corpore saginatus, dulcia cum Dilecto cœpit miscere colloquia: quibus ita se iugiter occupatum præferbat, vt vix in aliud animum intenderet. Inter extremæ illius ægritudinis dolores, tot patientiæ, humilitatis, ac diuinæ Charitatis in eo exempla eluxere; vt qui illius curam gerebant, Viri perfectionem suspicientes faciliè animaduernerent, maximas illum virtutum opes in animo congestas habere. Christi Crucifixi imaginem cum sibi in extremâ lectuli parte collocari iussisset, in eam oculos perpetuò intendens, lachrymarumque ex his imbres fundens, Dilectum ignitis orationum iaculis vulnerabat. Vitæ verò fine appropinquante, tantâ mentis humilitate, ac suiipsius abiectione, à Fratribus lecto circumfusus, si quem verbis, aut prauo vitæ superioris exemplo læfisset, veniam petit, vt vniuersos ad lachrymas compellat; Fratresque his verbis obtestatur: Fratres mei, extrema iam interpellat hora: nihil mihi præter IESVM & MARIAM loquimini. Cumque animum totum ad diuina collegisset, quodam ex Fratribus dicente, Diem illum Beatissimæ Virginis Præsentationi sacrum esse, O Beata Virgo! exclamans, Deo paulò post spiritum reddit Anno 1620. Præclari huius Viri vitam, ac gesta, Historiâ Gallico sermone conscriptâ profecutus est Iacobus Brossius, Theologiæ Candidatus, libello Parisijs impresso

Anno 1621.



Fr. ROGERII A TIPHERNO,  
G V A R D I A N I  
*V I T A , E T G E S T A .*

**E**RATER ROGERIVS TIPHERNAS, Sacerdos, circa annum 1575. ex antiqua Manassæorum familiâ ortus, Petri Rogerij nomen è sacro Fonte tulit; & ad decimum vsque octauum ætatis annum eâ pietate vixit, vt mollem sæpe lectum refugiens, sibi sarmenta substerneret; inclitam Cœlorum Reginam singulari amore diligeret; eamque mentis & corporis pudicitiam seruaret, quæ mulierem ad Venerea propellentem à sese longius propulsaret, & ab incœpto desistere cogeret. Cumq; in ipso Adoleſcentiæ flore præclarum huiuscemodi futuræ Sanctitatis specimen dedisset; dum solida Cœlestium bona in Capucinorum Ordine sibi quærenda decernit, Rogerij sibi nomine retento, Capucinorum albo inscribitur. In quo haud facile verbis referri potest, quàm singulari studio Seraphici Patris vestigia sibi calcare proposuerit. Super omnia autem tanto Seraphicæ paupertatis amore flagrauit, vt præter ea, quæ à Regulâ præscribuntur, nihil superfluum, aut nouum vnquam sibi adesse pateretur. Vnicam tantum, eamque parcam in die comestionem citra saturitatem ita sumebat, vt vel cœpas, vel allia ipsa scrupulosus haberet in delicijs, neque auarus vnquam tam auri cupidus, quam Rogerius semper sobrietatis fuerit studiosus. Ieiunia Seraphico Patri familiaria tam arcta lege colebat; vt serotinam refectionem sumere nunquam visus fuerit. Quadragesimam verò omnium Sanctorum tantâ deuotione celebrabat; vt interdum præter panem & aquam nihil omninò sibi addere voluerit. Et licet in seipsum rigidissimus esset; tanta tamen veneratione proſequabatur vitam communem, vt sæpe percunctantibus Fratribus: Quid sibi, vt perfectionis culmen attingeret, esset agendum, hæc eadem semper repetere sole- ret: Vita communis, sed feruens: & hoc vnum, si benè fiat, tantum sufficit. Linguae tam seueram custodiam adhibere solitus erat, vt otiosum nihil ex illius ore audiri vnquam potuerit: quod vt facilius præcaueret, omnium, quoad poterat, colloquia vitabat; & in Eccle- siam, aut in cubiculum se recipiens solitudini vacabat: ita tamen, vt corporalia exercitia non deferens, vilioribus se Conuentus, & ægro- torum ministerijs manciparet; tantoque in humilitatem æstuabat

amore; vt si quempiam de illâ verba facientem audiret, quasi calore liqueceret, lachrymæ statim ex ipsius oculis erumpere cernerentur. Tale & suum oculis frenum iniecit, vt eos semper in terram defixos tenens, nunquam mulieris vultum aspectâsse adhuc famâ vulgari feratur. Eo in rebus agendis consilio, ac prudentiâ floruit, vt Guadiani munus sæpe multis in locis obierit; totque præclarissimarum virtutum splendoribus subditos antecesserit, vt maiorem semper, quàm ab eâ acceperit splendorem suæ Dignitati contulerit. Cùm primam Vir Dei Superioris mandato Romano in Conuentu apparuit, tam præclaris virtutum omnium exemplis die noctuq; resplenduit; vt nouum Conuentui sidus omnibus ortum esse videretur: ibique cellulam sibi elegit; quæ ita loci arctabatur angustia, vt nec tabulam scriptoriam capere vlllo modo posset; in eâ verò B. Virginis, ac Sanctorum exemplis in vnum colligendis vacauit. quæ operibus maritabat. At super hæc omnia Orationi potissimum ita deditus fuit, vt plus illi, quàm somno tribuere toleret. Nam ante Matutinum ad trium, aut quatuor ad summum horarum spatium somnum extendebat: tùm è lecto exiliens in Ecclesiâ Deo, & orationi vacabat. Matutinis Horis postmodum persoluitis, reliquam noctis partem ad auroram vsq; in Cœlestium rerum contemplatione tam indefesso studio dispensabat; vt Rogerius ad Cœlestia magis, quàm ad terrestria meditanda natus videretur. In oratione verò, erectâ facie, genibus flexis, & immobilis perinde ac si è marmore statua esset, superna meditari & lachrymas sæpe fundere conspiciebatur; suæque mentis in Deum ascensio & collectio adeò assidua illi semper erat, vt loca omnia, ac tempora ad orandum illi idonea ministraret. Missam tanto pietatis ardore, ac exterioris hominis compositione celebrabat; vt & audientes longius attraheret, & eorum animos vi quâdam sursum eleuaret. Ob cuius rei gratiam Viri, ac mulieres, Nobilesque imprimis & Dynastæ nostram crebrius frequentabant Ecclesiam; vt & Dei Viro Sacra facienti adstarent, & Diuini amoris flammâ inalescerent. Iucundiùs nihil, nec chariùs quicquam Viro Dei esse poterat, quàm in solitudine Diuinis vacare amplexibus: at si interdum cum aliquo colloquendum esset, oculis in humum defixis, totoq; corpore maximo cum decore composito, tanta illis ex confortio sermonis Dei vis in colloquio indita erat, tantâq; suauitate res Diuinas crucebat, vt omnes ab illius ore penderet, & Angeli potius quàm hominis verba omnibus viderentur. Tanta quoque huic Seruo Dei ad quacunque agenda lepos, ac suauitas inerat, vt nemo

angustiâ, aut tribulationis pondere pressus ad eum accederet, quem eloquij suauitate recreatum non subleuaret, ipsiusque verba mentes hominum ignis instar adurerent: Nec mirum, cum & ipse loquendo adeo Diuino incalefcebat amore, vt nonnunquam in ipso sermonis fluxu in ecstasim raptus, & à sensibus planè abalienatus remaneret. Nullum inimicitiae genus erat, quod suâ prudentiâ, & dicendi venu-  
state peremptum ad pacem non componeret, quod pluribus exem-  
plis demonstrari posset. Et licet Rogerius eorum familiaritatem mi-  
nimè negligeret; quorum saluti consulere verbo, aut vitæ exemplo  
poterat, à propinquorum tamen conuersatione, simul atque se Deo  
in Religione consecrauit, adeò semper abhorruit, vt omnem prorsus  
ab intimis præcordijs Consanguineorum & Patriæ amorem ex-  
haustis videretur. Vir quoque tam eximiæ charitatis fuit, vt nihil  
quod fraternæ Charitatis zelus exposceret, omninò prætermitteret;  
tâm egregiæ Patientiæ, vt re nullâ vnquam aduersâ perturbari posse  
videretur. Denique cum præclarissimis vitæ exemplis Posteris omni-  
bus præluxisset, & S. Francisci Prouinciâ, & Romanam plurimis  
virtutibus, ac vitæ sanctimoniâ illustrâset, senio, & vitæ austerita-  
tibus consumptus, cum iam sapientissimi negotiatoris instar, mul-  
tos operum, ac virtutum thesauros præmisisset; eos & ipse anno 1610.  
Romæ rebus valedicens humanis, insecutus est. Nondum anima  
illa felix corporis exuias deposuerat, cum Fratres ob singularem,  
quam de ipsius sanctimoniâ opinionem conceperant, in ipsius cel-  
lam irruentes pallium, cingulum, sandalia strophium, & quæcunq;  
suo vnquam vsui defuerant, sibi vendicarunt, ac certatim sibi  
velut Reliquias reposuerunt. Nec frustra: Nam cum D.O.M. quàm  
grata sibi illius anima esset, apud omnes innotescere, ac nonnullis  
post mortem miraculis illustrare voluisset; accidit, vt inter alios no-  
uissimus omnium in cubiculum Serui Dei accurrisset. Fr. C. laudius à  
Fescennio; qui cum spoliatum, ac vacuum offendisset, funiculum  
quendam, qui appensus ibi remanserat, accipit: Et dum plenâ fide ad  
manum (quam propter catharri descensum pluribus iam diebus do-  
lore affectam gestauerat) circumligat, dolor, ac descensus statim ab-  
scedit, & euanescit. Vir quidam Bononiensis Nobili genere natus  
dum Viri huius habitus sibi frustulum adhibet, à plagâ magna libe-  
ratur, ac perfectè se curatum sentit. Monialis Capucina, quæ  
Romano in Conuentu oculorum visu orbata remanse-  
rat, dum Serui Dei conspiciat oculis admouet,  
visum læta recipit.

## Fr. BONAVENTURÆ CALARITANI.

## GVARDIANI

## VITA, ET GESTA.



RATER BONAVENTURA CALARITANVS, Sacerdos, ex sæculi mercaturâ ad præstantiorem Evangelicæ margaritæ negociationem in Capucinorum Ordine à Deo vocatus, multiplicata Deo talenta reddidit. Inter præclaras huius Viri virtutes, quibus abundè exornatus fuit, assiduum Orationis studium refertur, quam lachrymarum vt plurimum imbribus irrigabat; vnde facile omnium illi virtutum germina exoriebantur, ac Diuinarum reuelationum fores patefebant, quibus haud rarè fratrum cogitationes aperuit. Fr. Hieronymo Barcinonensi Nouitio, Dæmonis tentationem circa Fidem, alteri quoque Nouitio Bernardo, qui ad sæculum reditum parabat, occultam tentationem aperit. Hieronymo Attranagiensi Nouitio, occultum peccatum, quod in sæculo perpetrauerat, in memoriam reuocat, vt illud in Confessione aperiat: atque eidem cogitationes, quibus animo, dum in Choro psallit, distrahebatur, haud semel indicauit. Huic in somnis aliquando apparuit Fr. Franciscus Borgerrensis, Sacerdos defunctus, magnæ tristitiæ signa præferens, qui ab eo interrogatus, num suffragijs indigeret, eo annuente, pro illo Sacrificium, & carnis macerationes Deo offert. Quibus defuncti anima post aliquot dies eodem modo apparens, ac plurimùm se refrigeratam asserens, noua ab eo suffragia postulat: quibus à Bonauenturâ magnâ charitate exhibitis, illam tertid hilarem, ac Cœlesti splendore fulgentem cernit; quæ cùm tunc se ad immortalium gloriam conscendere

affirmaret, summas illi pro collatis suffragijs gratias reddit. Obijt Bonauentura

Anno 1611.





FRATER IOSEPHVS A LEONISSA FRATRVM CAPVCINORVM  
GVARDIANVS.

## Fr. IOSEPHI A LEONISSA.

## G V A R D I A N I

## V I T A , E T G E S T A .



ERATER IOSEPHVS à LEONISSA, Concionator, Anno 1556. Nobili stirpe, Ioanne videlicet Desiderio, & Franciscâ Paulinâ parentibus progenitus, cùm Eufranijs in Baptismo nomen accepisset; ab incunabulis Diuinæ cœpit benedictionis semine perfundi: Mater enim cùm profundâ nocte puerum aliquando lactaret, somno correpta ita infantis ori cœpit incumbere, vt eum intercluso halitu peremptura esset, nisi Diuino planè Miraculo infantis saluti prospectum fuisset. Nam hoc ipso tempore Mater sopore oppressa, tam ingentem ab inuisibili manu colaphum sibi impingi sensit, vt eo à somno excitata, pauens exclamare cœperit. Quamobrem lucernâ à Viro, qui colaphi sonum perceperat, confestim accensâ, tunc primùm infantis periculum deprehensum; Mater verò cùm liuidam ab inflicto colapho genam per aliquod tempus gestasset, prudentior deinceps in puero lactando euasit. Alterum quoque Diuinæ erga puerum prouidentiae, ac sollicitudinis testimonium eluxit: etenim sæpè obseruatum fuit, quod eo in cunis iacente, ac vagiente, cùm nemo esset, qui sopiendo puero cunabula agigaret, illa dextrâ, & virtute duntaxat inuisibili mouerentur, quo illi somnus conciliaretur: quod sanè non modò Cœleste; sed & inter Cœlestia perrarum fuit futuræ huius infantis excellentiæ argumentum. At cùm primùm Eufranijs ab infantiâ ad pueritiam emerfit, pijs, ac optimis à parentibus moribus instructus, tantùm in virtutis, ac totius pietatis disciplinâ profecit; vt puerilibus omnibus, ac ludicris, quæ illi ætati familiaria, & cognata esse solent, abiectis, animum ad seriâ tantummodò, ac solida virtutum studia, quæ ætatis etiam humeros superarent, sollicitè conferret. Vix enim septimum ætatis annum attigerat, (vt ex ipsius Processibus constat) cùm sextas cuiuslibet hebdomadæ Ferias, ob Dominicæ Passionis memoriam, panis & aquæ ieiunio celebraret; eandemque ieiunij legem in Beatissimæ Virginis, quam ab hac suæ ætatis aurorâ, piâ quadam veneratione prosequi cœpit, pervigilijs puerulus obseruare. Altaria puerorum more in paternâ domo extruere;

ante illa diutius genuflexus orare; Sorores, & extraneos pueros eò ad orandum conuocare: Singulis diebus Veneris simul cum sancti Saluatoris Confratribus flagris seipsum cedere: cæteris nocturnæ quieti indulgentibus intempestâ nocte surgere, & orationi vacare cœpit. Adolescens cùm nonnunquam in paternâ domo epulo instructo choreæ instituerentur; is in secretiorem domus locum secedens, vbi à nemine reperiri posset, solitarius sedebat, orationi vacabat, meditabatur: tantam pudicitiae custodiam ab illius ætatis exordio adhibere exorsus, vt & ab mulierum aspectu, haud secus quam ab aspide, & basilisco sibi cauere. Denique cùm ita modestiæ, humilitati, verecundiæ, pietati, ac cæteris virtutibus, quæ Adolescentiam exornare solent, studeret, vt à cunctis, velut quoddam virtutis prodigium suspiceretur; inde futura communi voce ipsius sanctimoniam præfagiebatur. Necdum Eufranius adolescentem ætatem excesserat, cùm vtroque parente orbatus sub Patruī curâ educatur, qui cum inter illius tempestatis Ludimagistros moribus, ac doctrinâ præcelleret, Adolescentem qui præstans à naturâ ingenium, ac dicendi facultatem sortitus fuerat, Humanioribus litteris tam perfectè instruit, vt etiam his reliquos ille facilè condiscipulos superaret. Interea Nobilis quidam Viterbiensis, qđi in Adolescente tantam, & coaceruatam virtutem sæpè animaduverterat, illius studio allectus, pingui septem millium aureorum dote constitutâ suam illi filiam coniugio copulare statuit. Re cum patruo communicatâ, coniugium Eufranio persuaadet; qui cùm suam Deo Virginitatem vouere decreuisset, illud apertè recusat. At Patruo rem vehementius vrgente ac summâ cum eo austeritate agente, ad Dei opem supplex confugit. Deus verò, quem castæ cogitationes delectant, Patruī consilium dissipat; diuturnâq; Eufranium febri in lecto agrum prostermit. Sextumdecimum tunc is annum agebat, cum diuturna illa morbi ægritudo in dies grauior Medicos compellit, vt illi ad patrium solum, donec à morbo conualescat, migrare persuadeant. Eufranius igitur Leonissam rediens, vix patrium Cœlum conspexit, cùm incolumitati redditus simul & à patruī imperio, & à coniugij necessitate se liberum vidit: quo tempore Diuino intus numine agitante, anno suę ætatis decimoseptimo fluctuantis mundi vorticibus hætenus sicco pede calcatis, ad Capucinatorum se Religionis portum, propinquis omnibus inconsultis confert; ac Eufrani j nomine mutato, Iosephi non modò appellationem, sed antiqui illius Iosephi virtutem ac benedictionem sortitur. Cum primùm igitur ad Religionis sinum exceptus fuit, non modò

propinquorum conspirationem, qui ut eum à Religionis proposito reuocarent, precibus, minis, pollicitationibus, omnibus denique artibus illius animum tentauerant; ac demum scalis admotis in Sacras Aedes inuadere parabant, suâ constantiâ perfregit. Verùm inter Religionis Tyrones præclarissimas virtutum ascensiones in animo disposuit. Iosephus igitur à lachrymis exorsus, tot coepit animum in oratione fletibus eluere, & anteactæ vitæ rationem, tametsi multâ cum virtute peractam lachrymis conspergere; ut quemadmodum post multam imbrium copiam clarior in Cœlo serenitas exoriri solet; ita in Iosephi animo maior post hæc quies, ac tranquillitas affulserit. Triennio verò in Religione exacto, cum primùm ad Philosophica, ac Theologica studia vocatus, tam admirabili carnem abstinentiâ extenuare coepit, ut ternos cuiuslibet hebdomadæ dies solo panis & aquæ victu, cultu sempiterno transigeret; atque eadem abstinentiæ lege plerâq; anni Quadragenas celebraret; quodq; vix credibile est, ternos plerumq; dies absque cibo præteriret. Quid? quod eò tandem abstinentiam contraxerat, ut æstiuo aliquando tempore denos plerumq; dies, solâ panis per diem buccellâ gustatâ, integros ageret. Denique cum omnem gustus voluptatem acri bello prosequeretur, eò fiebat, ut cum communibus cum alijs cibis vesceretur, pulmentum ut plurimùm vel aquâ insipidum, vel absynthio puluere amarum redderet; tantâq; corpus victus tenuitate extenuaret, ut vix illi vitæ necessaria ministraret. Prioribus quidem susceptæ Religionis temporibus aliorum consilijs acquiescens, mitiùs cum corpore agebat: quo tempore sæpè ægritudine detentus cum abstinentiæ virtutem sibi paulatim defluere animaduerneret, tantâ, ac tam rigidâ abstinentiæ ratione in valetudinarium illum corporis statum consurrexit; ut eo breui tempore deuicto, ac mutato, nouâ abstinentiâ firmum & incolumem deinceps adeptus fuerit. Hanc Iosephus in victu perpetuam abstinentiæ legem sibi præscripserat; ut non quantum corpori; sed quantum sibi, qui corporis vitia nouerat, satis esse videretur, cibi sumeret: quo fiebat, ut cum primùm ad mensam accederet, panis portionem, quæ ad vitam alendam sufficeret, seorsim segregaret. Annum 1599. qui lubilæi annum antecessit, quotidiano ieiunio præuenit. Tam duris insuper castigationibus carnem premere consueuerat, ut plerisque cilicijs, tum ex equinis erinibus, tum etiam ex suillis pilis contextis, quibus diu carnem afflixit, minimè contentus; alia quoque ex sicco vaccæ corio, & fæno conferta; vltimum denique (quod eatenus planè inauditum fuerat)

duriùs.

durius ex viminibus textum diutius gesserit. Nemo vnquam tantâ animi fame aurum efuriit, quantâ hic dura omnia pro Christo patiendi cupiditate flagrauit. Quapropter cum hæc illi nimis leuia viderentur; his aliquamdiu loricam ferream, quæ nudum corpus ad femora vsque contegeret, adhibuit: huic etiam ferream laminam, quâ lumbos constrinxit, per aliquot annorum spatia addidit: quâ tandem in ferream catenam commutatâ, cum eâ diu noctuque arctius constringeretur, carne diutino illius vsu supercrescente, ac tabescente; eam tandem, ne inde incurabile vlcus erumperet, forcipe obtruncari opus fuit. Verum, ne seruo contumaci vincula deficerent, alteram catenam paulò laxiorem sortitus, eâ ad obitum vsque vsus fuit. At cum his animus, grauiora pro Christo perferendi famelicus, exsaturari minimè posset, ferreâ catenâ corpus quotidianis ferè verberibus cædebat; perexiguum oculis somnum indulgebat; vt noctis partem in sacras vigilias, & orationem insumeret. At ne breuem illam quietem mollem, aut iucundam corpori exhiberet, despectissimâ totius Conuentus cellâ, quæ vix illum caperet, sibi electâ, sæpè nudam humum; vel si corpus mollius aliquando excipere vellet, tabulas fessis membris, ac capiti ligneum puluillum ad quietem substernere solebat: & haud rarò absque cellâ in aliquo domus angulo leui stratâ paleâ iacere cernebatur. Nullum denique tam durum, tamque molestum austeritatis genus erat, quod si illi per Superiores liceret, non audissimè complecteretur. Quamobrem cum peractis Theologicæ Disciplinæ studijs, & ad Euangelicum munus assumptum, Prouincialis Minister eum sibi publicæ visitationis comitem elegisset, nouâ mox vitæ austeritate ita enitere cœpit; vt Prouincialis ipse Minister, tametsi vitæ rigiditate conspicuus id tandem fateri coactus fuerit, se nullatenus Iosephi austeritatem assequi posse. Quapropter in sancti Francisci Prouinciâ id tandem suâ vitæ austeritate agnomen tulerat, vt à Fratribus propriæ carnis latio communi voce appellaretur. Quàm perfecta autem in Iosepho sensuum omnium mortificatio eluxerit, hinc haud obscure apparet; quod ori primùm tam seueram vbique custodiam adhibuit, vt Christiani Pythagorici instar, ne in otiosum, ac inutile, nedum perniciosum verbum aliquando dilaberetur, taciturnitate pro sermone, silentio pro lingua vteretur: Ei siquidem familiare erat, omnium familiaritates fugere, solitudinem quærere, plura cum Deo, pauca cum hominibus proloqui, & quamlibet temporis iacturam, quam

mutua consuetudo adferre solet, magni aestimare. Linguae frænum oculorum quoque custodia comitabatur: perpetuus enim hic Virginitatis custos non modo à mulierum aspectu, verùm & ab ijs omnibus, quæ pudicum animum quoquo modo labefactare possent, sollicitè cauebat. Cum primum verò in Religione virtutum tyrocinium posuit, ad Humilitatis virtutem tanto studio animum coaptulit; vt nihil iucundiùs putaret, quàm aliorum sese obsequijs mancipare, vilissimis domus ministerijs incumbere, ac se omnium Seruum, ac captiuum exhibere. Hinc tam ingens in illius animo suiipsius contemptus pullulauerat; vt non modò illatas sibi tum publicas tum priuatas correptiones æquo animo sustineret, verùm ijs obuiam iret, suarq; apud aliòs despicientiæ occasiones venaretur; quosque alij diligentius querere solent, is honores metueret. Eo fiebat, vt quanquam euangelizandi Officio præcelleret, oppidula tamen sibi ad prædicandum eligeret, eaque illustrioribus Urbibus anteferreret. Oblatos Guardianatus honores, quoad fieri poterat, recusare solitus erat. Huic itaque primo humilitatis gradui secundus succedit; in quo se tantò profundius ante Dei oculos, atque hominum conspectum deiciebat, quantò se solum impium, ac scelestum, cæteros præ se iustos sibi persuadebat. Quo fiebat, vt eorum consortio, ac societate indignum sese asserens, nullum tam profundum, qui se demitteret, locum inueniret, quin adhuc sibi profundior expeteret: Cum enim ea sibi mala, & peccata adscriberet, quæ exclusâ Dei gratiâ, perpetrare potuisset; se non modò peccatorem arguebat, sed & inde omnium peccatorum maximum euincebat. Hæc verò profunda suiipsius cognitio, tam altas in Viro Dei veræ humilitatis radices infixerat; vt perpetuo quodam Diuinorum iudiciorum timore, quò magis in eâ constabiliretur, ipsius animum pulsaret. Hoc humilitatis sensu, cum se vel ob prædicationis fructum, vel ob sanctitatis opinionem commendari, aut aliquem sibi honorem deferri animaduerteteret; id tam indignè ferebat, vt sæpè dicere soleret, se grauissimæ contumeliæ loco omnem collatum ab hominibus honorem ducere; libentiusq; omnem iniuriam & contumeliam accepturum, quam eo, qui Deo omnium bonorum auctori debetur, honore affici. Superest tertius humilitatis gradus, qui in altissimâ quadam Dei cognitione consistit; qui cum mirabiles in Iosepho ad omnem sui despicientiam motus cieret, tot etiam illum ad Christi humilitatem sectandam stimulis prouocabat, vt eius opprobrijs exsaturari quàm maximè expeteret. Quamobrem cum sæpè à Generali Ministro,

Euangelij inter Infideles prædicandi facultatem postulasset; anno tandem 1587. optata ab eo facultate potitur; & cum alijs nostri Ordinis Concionatoribus Byzantium obedientialibus litteris præmunitus destinatur; ubi & contumelias, & verbera, varijque generis opprobria ab Infidelibus ab eo summo gaudio lata, quemadmodum infra fusiùs enarrabimus. At quandoquidem vera, ac perfecta humilitas patientiam parit; hanc Iosephus tanto studio prosequitur, vt ad probra & contumelias ardentius, quam quilibet ad honores ambiciosus anhelaret: ijsque laceffit non modò patientiam seruaret, verùm & eas cum gaudio susciperet, in hisq; plurimà cum voluptate versaretur, quare nemo perfectissimum illum patientiæ gradum conscendisse dubitabat. Verùm vt id nonnullis exemplis lucentius fiat, Vir quidam, cuius nomen & patria consultò reticentur, aliena bona non minus vigilenter, quàm iniuste occupauerat; quem Iosephus ad ea restituenda piè admodum, ac sæpè admoñebat. At ille pia sancti Viri consilia, ac monita ægrè primùm ferebat: quæ deinde tam indignè, reflicata, tolerare cœpit; vt cùm eum Iosephus in publico quodam vico obuuium haberet, ac bonorum restitutionem illi de more persuaderet, ille grauiori irâ percitus, ingens ei colaphum impegerit, & calce oppetierit. Cui Vir Dei, ne minimùm quidem animo conturbatus, mox alteram genam pacatè porrigens ait: Parum est, me vnā abs te alāpā suscepisse; alteram nec inuitā, nec prohibens, quin etiam libens accipiam: dummodò animum ab iniustā hac bonorum vsurpatione reuoces, ac iram Dei effugas. Quo ille audito, cùm terga verteret, Iosephus post tergum inclamans: Cur abis? (inquit) ac me velut inimicum fugis? si monentem audisti, saltem ignoscentem ne exhorreas: & si admonitionis odium colaphum extorsit, parentis amor odium expellat. At cùm Vir ille auara bonorum cupiditate possessus, nec salubrioribus monitis acquiescere, nec vllis conscientiæ stimulis pungi videretur; Iosephus iterum Virum domi conuenit, quem dum ad meliorem animi sententiam verbis pertrahere conatur; is Diabolicis planè furijs actus, Iosephi vtrāque manu Capucinum arripit, & collum perstringens præfocare nititur: quo tempore Iosephus agni instar, nihil præterquam preces ingeminat, quibus illum ad sanæ mentis consilium reuocet; dextrāque lignē Crucifixi imagine, quam secum gerebat, assumptā, ad meliorem mentem reuocare conatur. His Iosephus cùm non modò constantem animi in Viri contumelijs perferendis patientiam; verùm & inuictā in eo corripiendo pectoris fortitu-



dinem prætulisset, ex illius tandem manibus euadit. Tuderti prætereà cum iuenculam Religiosæ vitæ addictam suspectæ cuiusdam familiaritatis corripuisset, rem illa ad spiritualem Patrem, ac Ductorem detulit; qui eâ stomachatus, cum Virum Dei obuium in viâ haberet, Hypocritam appellans, plerisque eum iniurijs onerat: quibus ille ne minimum commotus, risu illum, ac profundâ capitis inclinatione excipit: At verò quàm iuste iuenculam corripuerit, rei euentus non declarauit: ea namque paulò post in eam vitæ licentiam se præcipitem dedit, vt publica tandem meretrix euaserit. Quot verò à Fratribus, qui illius patientiam probare decreuerant, duras, ac inopinatas correptiones, ac verborum aculeos tulerit, haud faciliè referri potest: quas tam patienter, atque æquo animo pertulit, vt à suâ animi tranquillitate ijs nunquam deijci potuerit. Colico dolore, ac varijs corporis ægitudinibus Vir Dei sæpè premi consueuerat; quas tantâ patientiæ virtute tolerare visus, vt querulas in his nunquam voces depromere auditus fuerit. Id præsertim in graui carcinomatis morbo, qui circa finem vitæ in genitalibus partibus laborauit, perspectum fuit: quem cum ab exordio ob solam honestatis, ac pudicitiae causam curari noluisse; eo tamen ingrauescente, si quando carnis incisiones à Chirurgo adhibendæ forent, tam admirabili in his tolerandis patientiæ vi præcelluit, vt cum de illo vinciendo à Chirurgo ageretur, is Christi Crucifixi imaginem manu arreptam ostendens diceret: Quid alijs vinculis opus est? Hæc mea vincula sunt: hic me fortiùs, quàm ferreæ catenæ suis charitatis nexibus constringit. Neque alia in grauissimis illis carnis incisuris illius vox audiebatur, præterquam: Sancta Maria, succurre miseris, iuua pusillanimes. Cætera verò illius patientiæ exempla, quæ apud Infideles potissimum in varijs illis contumelijs, flagris, verberibus, ac tormentis illatis enituere, paulò infrà exaranda sunt. Altissimam Paupertatem, Patientiæ amicam, à suæ conuersionis exordio tam ardenti amore prosequi cœpit, vt non modò à superfluis abhorreret, ac necessariorum duntaxat sibi rerum vsum præscriberet, ita vt præter ea, quibus per Regulam vti liceret, quæ paucissima sunt, nihil sibi habendum vellet: sed & necessaria ipsa ad breuem, ac pauperem rerum vsum sibi arctabat. Eo factum est, vt nunquam nouam tunicam, aut pallium induerit; strophio-la, ac linteola, quibus ad emungendas nares, vel ad sudorem ex prædicatione contractum extergendum vti solebat, vel cilicina,

velex sacco rudi contexta erant. His & alia quamplurima paupertatis testimonia accedebant. Verum non in solâ rerum penuriâ, aut in arcto rerum necessariarum usu; sed in voluntariâ rerum indigentia, ac penuriâ eam Iosephus collocabat. Hinc cum Verbum Dei proponeret, annonam, quæ ad necessariam vitæ rationem illi constituta erat, recusans, solum panem pauperum more, mendicare, eoquæ voluptuosè vesci solebat. Ligna quoque ab Oppidi, aut Urbis vniuersitate oblata renuebat; & ut summam paupertatem testaretur, cum Socio tenues quosdâ lignorum fasciculos quotidie colligere, atque ijs onustus ad hospitium redire consueuerat. His, reliquus rerum usus respondebat. Cum in Oppido S. Iacobi, Dei Verbum Quadragesimali tempore disseminaret, quotidianâ annonâ, quæ illi ad victum destinata erat, partim in Socium, partim in pauperes distributâ; is dimidiâ tantum panis parte sibi seruatâ, ad cuiusdam lacunæ oram descendens eâ vesceretur: tum lacunæ aquam, quæ corrupta vermibus scatebat, attingens, ex eâ potum toto Quadragesimali tempore maximâ cum voluptate sibi sumpsit. Principio quidem eam carnis sensus refugere videbatur: At Iosephus ita corporis sensum alloqui cœpit: Eia, frater Asine, quid horres? quid nauseas? vermescne? At bibe, ne extimescas; & cum ijs, quorum esca aliquando futurus es, iam nunc amicitias iunge. Inter paupertatis incommoda haud leue frigoris rigor existimatur: At Iosephus in maximâ niuium copiâ, extremisque hyemis algoribus, licet vnicâ tantum, & obsoletâ tunicâ vteretur, nunquam tamen, vel perrârè ad ignem, quo frigus depelleret, cum cæteris accedebat. Illam verò Iosephi obedientiam fuisse indicâsse tantum sufficiat, quæ cum illum ita perfectè Superioris voluntati subderet, ut nullam illi præterquam Superioris voluntatem integrâ relinqueret, eos omnes Obedientiæ gradus, qui à Patribus distingui solent, proculdubio affecta fuit. Quanta verò in eo castitas floruerit, quàm pura, quàm candida, quàm perfectâ, vel inde licet colligere, quod ea illi non communis, aut vulgaris, sed virginea usque ad obitum fuerit. Quod multis argumentis in eius processu probatum est. Quid enim primum illud constans nuptiarum repudium, præterquam purum eum à Venereâ labe, è sæculo emerxisse indicat? Religionis verò sinu exceptum, ac nunquam intermisso virtutum studio addictum, tot ieiunijs exesum, tot cilicijs tot ferreis laminis, tot catenis, tot flagellis contritum; tantâ denique morum, ac vitæ honestate præditum, ut vnumquemque suo aspectu ad pudicitiam alliceret; quis tam turpi vitio fœdaturum

suspiciari audeat? Accedat tertium Sacerdotis, qui generalem totius vitæ in morte peccatorum confessionem excepit, testimonium; qui eundem ab omni carnis inquinamento liberum fuisse affirmat. Denique, si Viro, cuius vita tot Cœlestium miraculorum signis à Deo probata fuit; vti fusiùs post explicabitur, fides adhibenda est, id aliquando ex Iosephi ipsius ore elapsum confirmatur: qui cùm à cancro, qui genitales ipsius partes inuaserat, à Medico curaretur, his aliquando Franciscum à Leonisâ Guardianum, qui adstabat, verbis affatus est: Ecce, Pater, quam iustus est Dominus: Quandoquidem eo mihi gloriari videbar, quod me Deus hac in parte ab omni labe purum seruasset: Cùm enim in diœcesio Sanctorum Innocentium sancta Dei Ecclesia ea verba decantaret: *Hi sunt, qui cum mulieribus non sunt coinquinati*. tacita mihi in animo cogitatio respondebat: Et ego non sum coinquinatus; hanc mentis cogitationem haud Deus impunem esse voluit. Quapropter in hanc mihi partem morbum immisit; vt dum grauiori hoc dolore corpus afficitur, minus in collato dono mens sibi applaudat. Illud tandem accedat, quod id Cœlestis gratiæ à Deo tulisse exploratum fuit, vt carnis sorde coinquinatos singulari quodam huius vitij fœtore à reliquis discerneret. Iosephum verò per Diuinæ Charitatis gradus ad supremum ascendisse, nemo, qui illius gesta percurrit, ignorare potest: Si enim Hieronymo Ioan- nem Euangelistam ob relegationem in Pathmos, & feruentis olei dolium, in quod immissus fuit, absque morte Martyrem appellare licuit: eadem quoque ratione & Iosephus inter Martyres collocari posset, cùm nec Martyrio voluntas, nec voluntati Martyrium defuerit; tametsi vitam Diuinâ illi virtute seruata persecutoris gladius non abstulerit. Etenim cùm post aliquot maximis hisce in virtutibus annos in Religione transactos, ardentiori aliquando Charitatis æstu incensus ipsos Mahometicæ legis Sectatores ad Christi Fidem pertrahere, sanguinemque, ac vitam pro Christo profunderè peroptaret; Constantinopolitanam profectionem, quam sæpè antea à Generali Ministro frustrâ postulauerat, anno 1587. ac suæ ætatis 33. quem is sibi præstituerat, vt eodem, quo Dominus Iesus pro delendis hominum sceleribus in Crucem actus, sanguinem fuderat, & ipse propter eum vitam funderet; ab Hieronymo à Politio, qui eo anno Generalis creatus fuerat, tandem obtinet, & cum alijs nostri Ordinis Concionatoribus Byzantium destitatur. Soluens itaq; Iosephus è portu Veneto cum Socijs, cùm aliquamdiu prosperâ nauigatione vsi essent, dum per Bosphorum Thracium nauigant, naui diuinâ

tempestate iactatâ, cùm omnis victus annona nautis cæterisq; iam consumpta fuisset; exigua quædam panis portio, quam secum Iosephus tulerat; quæ tamen tam tenuis erat, vt vix vni sufficeret; eo orante tam Diuinâ virtute multiplicata fuit, vt triginta dierum spatium omnibus, qui in naui erant, satis fuerit; donec tranquillitate mari redditâ ad portum appellerent. Nauis igitur, quâ Iosephus cum Socijs vehebatur, cùm longiùs aliquantò ab Vrbe ad littus applicuisset; is pedester cum Socijs iter faciens, viam prorsus qua pergeret ignorabat. Quapropter Deum impensius rogare cœpit, vt quo eos Diuina ipsius voluntas vocaret, eò gressus eorum dirigeret: protinus sibi puerulum Nepotem, qui pridie antequam Leonisâ discederet, è viuis excesserat, sibi adstantem cernit: qui cùm ei dextram dedisset, illos rectâ ad Constantinopolitanam B. Virginis Ædem perduxit; ijsque ibi relictis euauit. Post hæc illi domicilium sibi in Constantinopolitanâ Vrbe quærentes, antiquum quoddam sancti Benedicti Cœnobium semidirutum sibi inhabitandum eligunt; in quo cùm integrum adhuc Sacellum superesset, nonnullis circum sibi cellulis constructis, in eo Sacra Mysteria celebrant. Porro Turcæ ad nouam habitus formam confluentes, Sacellum explorare, cellas perscrutari, nudamque illis humum pro lecto sterni, tenuemque domus suppellectilem conspicientes, summam eorum paupertatem eò magis admirari cœpère, quo oblatam pecuniam ab ijs respui, & contemni cernebant. Hinc Iosephus post ardentium orationum flammæ, tanquam Leo ignem spirans, ac Diuinâ charitate exardescens, in Vrbem quotidie erumpere, vicos & plateas circumire, vt si quando magnum (vt vocant) Dominum obuiam haberet, eidem Christianam Fidem prædicaret. Verùm cum id nunquam sibi è voto obtigisset, ad Regiam die quâdam accedens, ab Excubitoribus ad Imperatoris conspectum, quasi cum eo grauius quædam negotia tractaturus introduci postulat: qui cùm sordidum hominem, lacerum, despectum, Imperatoris aspectu & colloquio indignum censerent, id sibi contumelia loco iniustum putantes; cum pugnis, calcibus, varijsque verberibus exceptum è Regiâ expellunt. Mox ille Deo ex animo gratias agere, quod dignus fuerit pro nomine Iesv contumeliam pati, nec tamen à cœpto desistere. Cum enim id ipsum sæpè tentasset; sæpè etiam flagris. & alapis cæsus ad suos redire cogitur. Hoc quoque modo, cùm Mahometarum delubra, vt Christi Fidem infidelibus instillet, ingredi contendit, quamplurimis contumelijs ab ijs affectus eiicitur: quæ omnia cùm is iucundè ferret,

haud tamen his animum vnquam exsaturare visus; quin potius indies Diuinâ magis Charitate feruens, cùm aditum sibi ad Turcicum Imperatorem, ac cæteros Turcas intercludi cerneret; ad Christianos, qui in Tirimibus captiui detinebantur, animum confert: Quibus dum Fidei constantiam, patientiam, ac Coeleste regnum prædicat, haud semel in vitæ pericula incidit: quæ tamen paruipendens cum his hoc tempore pane nautico duntaxat putrefacto, ac vermibus scatente iucundè vescitur: quin etiam ne & ij ipsius aliquando penuriâ laborarent, sæpè oblatum recusans, solos sibi malos citrios ad cibum adhibet: quos etsi natura acerbos protulerit, eos tamen illi fames dulciores reddit. Inter hæc cùm Chrysoceram, quod est Bizantij suburbium, aliquando sub vesperum pergeret; cùm nullum aliud sibi hospitium esset, ad ænea tormenta, quæ ante Regiam Imperatoris domum instructa erant, secedens inter ea sibi quiescendum eâ nocte eligeret: quod cùm ex Regiæ speculatoribus nonnulli animaduertentes, ad eum aduolantes, tot fustium ictibus onerant, vt velut exanimem humi iacentem reliquerint. At viuum post hæc conspicientes, mox in carcerem coniiciunt: vbi integri mensis spatio pane tribulationis, & aquâ angustiae pascitur; ex eo tandem vix Veneti Procuratoris supplicatione liberatur. Bizantium eo tempore, ac præsertim Tryremum stationem lues inuaserat; quapropter cùm Iosephus feruentiori Charitatis spiritu ductus captiuis Christianis nullis officijs, ac laboribus parceret, eodem & ipse morbi contagio laborare cœpit; ex quo tamen Diuinâ potius quàm humanâ virtute conualescens, omnium saluti incumberebat, ac seipsum Deo pro ijs hostiam offerebat. His inter eos, qui Christianam Fidem abnegauerant, cùm in Græcum quendam Archiepiscopum, qui Bassæ, seu Gubernatoris titulo fruebatur, aliquando incidisset, eum tandem rationibus conuictum ad Christianæ Fidei amplexum reduxit. Diuinæ igitur Charitatis flammâ, quâ ad Martyrium pro Christo subeundum ferebatur, accensus, extremam tandem alcæ iacere in animum sibi inducit. Quamobrem Diuinâ prius orationis virtute arinatus, ad Regiam se confert; intrepidus Aulam penetrat, primamque Excubitorum custodiam dormientem offendens, ad secundam progreditur: in quâ cùm neminem adesse conspiceret, ad tertiam atque intimam pergit. Colludebant eo tempore illius cubiculi custodes; qui simul atque hominem pauperem, ignotum, & Christia-

num ex verbis agnoscunt, mox apprehensum constringunt è cubiculo expellunt, & carceri mancipant. Re intereà ad Iudicem delatâ, tanquam læsæ Maiestatis reus ad extremum vncis supplicium damnatur. Est vncis supplicium quoddam tormenti genus, quo ad necem damnati hoc modo afficiuntur. Duo è patibulo vncis, velut harpagines, quorum alter breuiori, alter verò longiori catenâ affixi sunt, pendent. Qui igitur ad necem damnatus, dextrâ prius ipsius manu perforatâ, breuioris catenâ vnco suspenditur: vnco verò, qui longiori è catenâ pendet dextrum eiusdem talum, inter posticum neruum, & os tibię perfoditur, hocque modo appensus, ac fame enecandus deseritur. Iosephus itaque cum triduo absq; cibo hoc modo vncis suspensus è patibulo pependisset; puer, vel potius cœlestis Angelus sub pueri specie extemplò apparet, qui vncos arundine, quam manu gestabat, attingens, protinùs ab eo diuellit; geminisque panibus, ac vini lagunculâ recreatum, cum in Italiam redire iussisset, mox ex illius oculis eripitur. In quo sanè arcanum Dei consilium admirari licet; qui cum Iosephum non ad sanguinis, sed ad Charitatis potius Martyrium delegisset; ita illius Martyrium æternâ illâ suæ mentis sapientia temperauit; vt nec sanguis illius Martyrio defuerit, quo Martyrij præmium assequeretur; neque tamen sanguinis Martyrio, quo ardebat, consumptus fuerit, vt suum Charitati Martyrium relinqueretur. Porro hoc ipso tempore alij quoque Iosephi Socij ad palum damnantur: at quodam Medico, qui ex Christiano Mahometanus, plurimâ apud Turcarum Imperatorem autoritate valebat, agente, sententiâ reuocatâ à nece liberantur, & ad Christianorum terras expelluntur. Iosephus ergò Cœlesti præcepto redire compulsus, Archiepiscopi, quem iterum Christo pepererat, obliuisci non potuit: Quapropter eidem persuadet, vt oblectationis animi simulatâ causâ secum nauigium conscendere ne formidet. Acquiescit Iosephi consilio Archiepiscopus; & dum vnâ cum Iosepho, & Socijs Italiam versus adnauigat, en repentè tempestas oritur: quo tempore dum omni spe vitæ abiectâ, certum sibi naufragium nautæ expectant; Iosephus qui eovsque Dominum rogare distulerat, positis genibus Deum precatur: Vixque orationem absoluerat, cum auis discolor, ac pulcherrima, nauis malo insidere conspicitur; quæ dulci vocis modulamine prostratos omnium animos recreans, in meliorem spem erigit: mox eâ auolante quiescunt fluctus, æquora ad pristinam tranquillitatem redeunt;

ac tandem læti Venetias appellant; atque inde Archiepiscopus Romanam profectus, Sanctæ, ac Romanæ Ecclesiæ reconciliatur. Cæterum quæ Iosephus duorum circiter annorum spatio, quibus inter Infideles versatus est, corporis damna & incommoda pro Domino pertulerit, quosque, ut Infidelium animas Christo lucraretur, mortis pericula euaserit, quantaque perpessus fuerit, facilius ex illius ardentissimâ in Deum Charitate colligi, quàm verbis explicari possunt: quâ tandem factum est, ut quamuis decreto mortis supplicio persecutor ei vitam non abstulerit, is tamen Martyrij palmâ laud frustratus fuerit. Tantâ erga omnes, præsertim inimicos, Charitate quoque ferebatur, ut qui eum vel iniurijs lacesserent, vel probris oppeterent, vel contumelijs aut verberibus afficerent, hos Iosephus post iniurias, probra, ac verbera, eo amore prosequeretur, ut pro iniurijs, ac contumelijs benefacta redderet. Admirabilis planè huius Viri in pauperes Charitas fuit, quos tam tenero amore matris instar complectebatur, ut necessaria sibi ipsi ut plurimum alimenta subtraheret, quo illorum necessitatibus subueniret. Vbicunq; Dei verbum Quadragesimali tempore disseminaret, primum illius studium, ac sollicitudo erat Hospitalem Domum inuisere, pauperibus ministrare, agrotos consolari, & quæ sibi ad quotidiani victus annonam mittebantur, suâ Socio portione seruata, exiguaque sibi panis parte relicta cætera in pauperes distribuere. Innumera exempla adferri possent, quibus præsertim cum Guardiani Officio fungeretur, Iosephi in pauperes Charitas abundè cognosci potest, quæ breuitatis studiosus prætereo. Hoc vnum tamen silentiò prætereundum non est; quod in Oppido Criptarum, agri Spoletani, Dei verbum Quadragesimali tempore disseminaturus, cum certum tritici cumulum ab Oppidanis ad suipsum alimenta paratum audisset; is, ut in pauperum alimoniam paratum sibi triticum commutaretur, quotidianam panis stipem ostiatim sibi toto eo tempore in Oppido emendicaret, ex eoq; Montem Pietatis, quo pauperes alerètur, instituit. Sæpè etiam fiebat, ut cum in agrotos præsertim pauperculos, incideret, quibus propter inopiam necessaria non suppeterent, ad Diuinæ mox virtutis penum confugiens, è Cælo, quæ illis necessaria essent, ministraret. Cum primùm vero Euangelizandi munus accepit, ita in animarum lucra inhiare visus, ut nullum vnquam Verbi disseminandi finem faceret. Haud illi vnum, aut alterum in die Sermonem ad populum habuisse sat erat, sed vicos & castella improbissimo labore peragrans, sæpè ad sextum, ac septimum pertingit. In his verò tam incredibili



spiritus ardore agebatur, vt facile quisque animaduerneret non humanum, sed Diuinum in eo spiritum proloqui. Quo fiebat, vt audientium animos nullo negotio ad poenitentiam & lachrymas compelleret. Quid plurâ? Vsq̃ue aded animarum salutem esuriebat, vt sæpe imbre madidus, vel cœno fœdatus, atque interdum itineris labore confectus, ac febricitans sermones institueret; cibique, ac potus haud rarò oblitus, ieiunus ad quietem accederet. Post suum è Constantinopolitanâ Vrbe reditum Iosepho mos fuit, ad Dominicæ Crucis memoriam, præsertim in passionibus excitandam, Cruces quasdam præaltas in montibus erigere, quas humeris suis deferens, eò conuenientes turbas ad Crucis venerationem, & Dominicæ Passionis memoriam sermone prouocabat. Hoc modo cùm in Montem Leonissæ proximum, Crucem prægrandem, æstiuo tempore suis aliquando humeris ferret; eo in itinere Socius siti æstare cœpit: cui protinùs montis locum is indigitat, vbi è fontis venâ sitim sedare queat: Nulla eovsq̃ue aquæ vena eo in loco scatere visa fuerat. Quapropter simul atque Socius aquâ sitis æstum extinxit, fons protinùs aruit, vt ea sancti Viri oratione tunc exorta probaretur. Odia quoque & inimicitias sicubi ipse aliquos grassari intelligeret, omni studio iugulare & componere satagebat. Quod in Amatricis Oppido aliquando accidit: in quo cùm inter Piccarorum & Ficardorum Familias intestina odia vigerent, rixâ inter vtriusque factionis homines haud longè à Capucinatorum Conuentu exortâ, vtrimque catapultæ in aduersam partem sine numero explodebantur: quo tempore Iosephus è Conuentu erumpens, vt eadem impediret, dextra aereâ Crucifixi imagine, quam secum gerere consueuerat, armatâ, inter vtraque pugnantium agmina, vnde catapultariæ glandes hinc inde frequentissimè eiacularantur, intrepidus proruit; pacemq̃; Christi nomine ab ijs postulans, hanc non priùs impetrat, quam sex circiter horæ in eo conflictu dilaberentur. At quàm efficax, ac Deo grata hæc illius Charitas fuerit, Diuino planè miraculo tunc omnibus perspectum fuit: cùm enim sex horarum spatio ab ijs tam pertinaciter dimicatum esset, vt multi vtrimque cecidisse, ac plures, atque aded Iosephus ipse, catapultarum ictibus faucij omnium opinionone crederentur; Dei virtute factum est, vt nec Iosephus, nec vllus omninò, vel leue vulnus tulerit; sed (vt ex Processu constat) Iosepho media inter agmina consistente, catapultarij globuli, qui ex vtrâque parte emittebantur, cùm ad Iosephum pertingerent, velut perfractâ virtute, ante illius pedes cadebant. Hoc modo & diurnum diffi-

dium, quod inter Borbonium & Postam Aprutij Oppida, ex quo certa clides expectabatur, suâ oratione, ac Cœlesti eloquentiâ ita composuit, vt mutua deinceps inter eos necessitudo, ac beneuolentia successerit. Aprutij Proregem in Amatricis Oppidanos tam graui irâ commotum vt in ipsorum excidium iurâisset, eadem quoq; eloquentiâ vi pacatum reddidit. At præclarum illud Christianæ Charitatis, ac pietatis exemplum fuit: Cum enim vnicus cuiusdam Viduæ filius tunc primum miserè ab inimicis trucidatus fuisset, adhuc corpus exanime in lecto iacebat cum Iosephus viduam consolaturus adit: quæ cum nullam prorsus consolationis vocem admitteret, omnibus consolationis verbis prætermillis, Iosephus cum illâ protinùs extinctum filium lugere, & ciulantem Charitatis fletu prosequi cœpit. Hoc verò cum aliquandiu mœste Matri solatium exhibuisset, tandem Christi Crucifixi aream imaginem exerens, his eam verbis affari cœpit: si extinctum filium tuum, ô Mulier, qui vnicus tibi erat, tot hæcenus lachrymis deplorauius; an non æquum est, vt vnigenitum hunc Dei, & Mariæ Virginis Filium, qui crudelissimè olim à Iudæis necatus est, hunc inquam, amantissimum, ac dulcissimum animarum nostrarum Patrem, ac Redemptorem, qui pro nobis vitam cum sanguine fudit, simul cum Virgine Matre, si non amplioribus, saltem æquis lachrymis prosequamur? Totque Domini mortem, ac Passionem verbis illi inculcat, vt extincti filij lachrymis in meliores commutatis, vnâ Domini mortem acerbissimam vehementius deplorare cœperint. Hinc Iosephus occasione captatâ, Sacræ Deiparæ exemplo, quæ Iudæos filij sui interfectores ex animo diligebat, eam ad pacem cum filij sui interfectores conciliandam prouocat; quam etiamnum filij cadauere insepulto ab eâ faciliè impetrat. Plura huiusmodi fraternæ charitatis officia enarrari possent; quæ ne immensum excedant, consultò prætereo. At illud minimè silentio tegendum, quod Bizantij cum inter Christianos captiuos Virum quendam singulari prudentiâ & virtute ornatum animaduerneret, illius tantopere miseratione ductus fuit, vt protinus cum Archipiratâ de illius liberatione agens eius loco se ipsum captiuum obtulerit. Quantum verò orationis studio adiectus fuerit, mens ipsa; quam à terrenis suspensam perpetuò gerebat, ac nunquam intermissa oratio, cui diu, noctuque, etiam inter ipsa negotia & Charitatis officia vacabat, faciliè testatur. Vt autem mens & lingua se inuicem coadiuuantes Diuinis se laudibus occuparent, Christi Domini, ac Beatissimæ Virginis

Matris annos Corollis distinctos quotidie colere; quotidianas quoque; Sacrae Deiparae Horas, ac Defunctorum Officia persolvere omnino studio curabat. Canonicis vero Horis tantam mentis attentione, & corporis compositione, quasi qui non inter homines in Choro; sed inter Coelestes Angelorum Choros in Caelo versaretur, incumbere videbatur. Tanto vero eo tempore plerumque Divini amoris aestu incalescebat; ut cum is intra cordis septa contineri non posset, saepe orationem intermittere, atque in apertum aërem prodire cogeretur; ut inclusas in corde flammam quasi per spiraculum exhalaret. Denique; ex hac velut Divinae Charitatis fornace tam ardentes amoris flammam emittebat; ut ex earum ardore alios quoque, qui ad eum propius accederent, inflammaret: quod binis Fratribus aliquando contigit; qui cum eum fortè obuiam haberent, ardentem illius faciem conspicientes, ita ex illius aspectu incaluisse animo, ut se nunquam tam Coelesti voluptate potitos affirmarent. Vir etiam quidam Borboniensis, Benignus nomine, cum ipsius colloquio frui optaret, ad ipsius Cellam à Fratribus adductus, vultu illum tam splendido, atque ignis instar coruscante conspexit, ut ab eo maximam admiratione, tum pietate commotus abierit. In hoc igitur supremo Divinae contemplationis gradu tantò altius Iosephi mens ad Deum ascendeat, quò ardentiori illi Charitate coniuncta perfectiori lumine fruebatur. In eà autem tam assiduus conspiciebatur, ut quotidiano usu, quartam tantummodo noctis parte necessario somno indultam, reliquas Sacris vigilijs, ac Divinae contemplationi dicaret; & plerumque etiam integras noctes in oratione insomnes transigeret. Hinc Coelesti hoc lumine perfusus, ita Divinam virtute sursum agebatur, ut velut immobilis petra, absque motu & sensu consisteret; ac plerumque ecstaticam actionem in Deum raperetur. Cum enim aliquando ante quandam Beatissimae Virginis imaginem, quae extra Leonissae Oppidum in Aediculam publicam viae exposita, depicta erat, stans oraret, à nonnullis, qui eò praeteribant, toto corpore in aëra ferri visum fuisse, ex ipsius Processu constat. Hinc etiam summa ipsius in Sacrosanctum Eucharistiae Sacramentum religio exoriebatur; quam fiebat, ut nunquam Sacrorum Mysteriorum celebrationem vel aegrotus intromitteret; tantamque mentis puritate ad Sacra haec mysteria peragenda ferebatur; ut animum quotidie ante celebrationem Sacramento ab omni sorde expiaret; tamque singulari ad ea mentem preparatione anteiret, ut semper B.P.N. Franciscum sibi in Diaconi, S. Antonium ad Subdiaconi ministerium; Angelum

tandem sui Custodem, vnà cum cæteris sibi adfistentem vocaret, quò maiori Dignitate Sacramenta perageret. Quæ res quàm Deo grata eisset, quantàque apud eundem Iosephus sanctimoniâ præcelleret, Diuino aliquando testimonio declaratum fuit. Cùm enim in Oppido Montis Regalis, Sacra semel faceret, Missâ peractâ dum Iosephus Sacerdotalia indumenta exuit, Ecclesiæ Rector, ex illius humeris, velut è Sole emicantem splendorem animaduertens, Cœlesti testimonio, non vulgarem, sed eximium Dei Seruum agnouit. Hinc denique ad Cœlestes visiones ascensio diuinitus aperta fuit. Paucos adhuc Iosephus, ætate iunior, in Religione annos exegerat; cùm ex Fratribus quidam, illi admodum familiaris, soluto mortis debito, è viuis excesserat. Nonnullis verò post amici obitum diebus elapsis, cùm is post prandium in cellam secessisset, amicum, qui vitâ functus fuerat, eò ingredientem cernit. Cui ille: An non, Frater, (ait) iam ex humanis decessisti? Quomodo hic te præsentem cerno? Cui ille: sum equidem vitâ functus; at non absque Dei consilio huc ad te accessi. At Iosephus: Aperi, quæso, quis nunc vitæ status te detineat. Mox defunctus magno ex imo pectore suspirio educto: O Ioseph, (inquit) si quàm seuera omnium, quæ fiunt, à Deo in morte ratio exigitur, tibi perspectum esset? Iterumquæ altiùs ex intimo suspirium trahens: O Ioseph, ô Ioseph, (addit) si quàm difficilis est ad salutem aditus, non obscurè intelligeres! Atque hoc modo obtruncato, imperfectoque sermone cùm protinus euauisset, Iosepho perficiendum, & quid sibi agendum esset, perpendendum reliquit. Post hæc cùm Leonissæ, Lucas quidam Argentius grauissimè ægrotaret, horrenda vultu signa, quibus domestici haud leuiter terrebantur, præferebat. Quamobrem eò Iosephus accersitus, cùm primùm ad ægrotum accessit, cubiculum, & ægrotantis stratum Dæmonum turbam occupasse cernens: Heu (inquit) quot hic Dæmones adsunt! Cumquæ statim cubiculum, ac Domum aquâ lustrali aspersisset, suamquæ benedictionem addidisset, mox effugatâ Dæmonum nube æger quiescens, paulò post suauiter in Domino obdormiuit. Cuius animam apud Deum salutem adeptam fuisse postea conspexit. Postremò cum Anno 1611. Leonissâ discedens, Amatricem proficisceretur, ab eâ vix lapidis iactum digressus, cùm iterum ad patrium Oppidum oculos conuertisset, innumeris illud Dæmonibus oblitum conspiciens, mox lachrymas fundere, ac Dominum, vt suam ab eo iram auerteret deprecari cœpit. Demum suâ illi benedictione impertitâ, suum, Amatricem versus, iter prosequitur

His igitur breuiter, quæ ad Visiones spectant, prælibatis, ad ipsas Iosephi Reuelationes venio: quæ cum copiosissimæ sint, ne ab institutâ breuitate longius abscedam, aliquibus tantum explicatis, cæteras compendio colligendas duxi. Leonissæ Nicolaus Argentius, qui & Blancucius dicebatur, cum à Viro, cuius nomen consultò prætereo, viginti aureorum summam, quam tabulis probare non poterat, apud Iudicem repetere minimè valeret; isque debitum negaret, odio atque irâ percitus in ipsius necem conspirat; reque nulli communicatâ, armatus solus in agrum pergit, vbi Vir ille suam in sceno metendo operam præstabat. Cum Iosephus, cui Deus animum ad scelus paratum reuelauerat, eidem insperatò in viâ occurrit; eumque manibus apprehensum quasi de serijs rebus cum eo collocuturus, in Conuentum pertrahere nititur: Reluctari ille sanguinario spiritu incitatus. At Iosephus tot illum, tamque suauibus verbis attrahit, vt tandem in Conuentum perduxerit: vbi iniquum illi animi propositum aperiens, eum grauiter increpat, atque in Ecclesiam ante Sacræ Eucharistiæ Altare perductum à Deo machinati sceleris misericordiam petere, odiumque iam animo conceptum deponere iubet. Tum verò ad eum: Blancuci (inquit) æquo animo esto; neque enim hic elabetur dies, quin debitâ tibi pecuniâ fruarè. His Blancucius verbis recreatus, cum in Oppidum rediret, Amicum quendam Onusrium nomine, in ipsa Leonissæ portâ sibi obuium habet, qui rem suam cum Viro compositum refert; ab eoque optatam pecuniæ summam refert. Quo ex facto Iosephum non modo intimam illius cogitationem rimatum fuisse, sed & futurum rei euentum agnouisse exploratum fuit. Nobili quoque mulieri Aquilanæ ex Alferorum familiâ conceptum scelus aperit, eamque grauius obiurgat. Cui illa: Quis (inquit) Ioseph meum hoc tibi consilium aperuit, cuius duntaxat mihi animus conscius est? At Iosephus: Is planè, qui nisi ab eo animum reuocaueris, crimen grauius vlciscetur. His illa exterrita consilium reuocauit. Post hæc Cicubi quoque Baronissæ, quæ quiddam sibi in animo agendum proposuerat, quod in propriam ipsius animæ perniciem redundaret, reuelat, eamque à proposito absterret. Ioannis Clodoli Nepotis sui immaturam mortem prædicit. Romæ Anno 1608. Pantam de Maximis Nobilem Romanam Iosephus extremo morbo laborantem offendens, vix illi incolumitatem prænuinciauit. cum illa ab ægitudine libera conualuit. Per id tempus Flaminius Falconius Spoletanus, Vir illustris ægrotans magno in vitæ periculo

versabatur. Quamobrem Maximilla ipsius nurus graviter affligebatur, præsertim ob duos liberos, quibus ex ipsius morte maximum detrimentum exoriri videbat. Cui Iosephus. Quid Maximilla tantoperè afflictaris? Socerumque velut mortuum luges? Viuet Socer, & vsque ad B. Martini annos pertinet. Et hanc quam geris tuorum liberorum sollicitudinem exue: neque enim is ante rebus humanis valedicet, quàm & filio vxorem, & filia: Virum copulauerit. Res ita ad amissim accidit: Flaminius namque, cùm ad octogesimum vsq; annum superstes peruenisset, vtriusque & pueri & puellæ nuptias vidit. Anno 1611. cum Lelius Palla, Leonissæ, febris laboraret à Iosepho inuisitur: qui vbi ægrum ad morbi tolerantiam verbis adhortatus est, diutinâ quidem febris molestiâ vexandum; ab eâ tamen sospitem futurum significat. Verum hæc addit: Ex hac quidem, Læli, ægritudine licet tardius conualesces, at ne incolumitati credas: ab repentino enim symptomate, quod in insidijs latet, haud multò post inopinatò abripieris: at tunc mutuo apud Deum aspectu fruimur. Æger igitur, cùm non nisi post aliquot menses à febre incolumiseuassisset, posteriori anno 1612. repentino morbo oppressus, vix ad vicesimam quartam horam vitâ comite peruenit: Cumque Iosephus hoc ipso anno mortalem cum immortali vitam commutauerit, eos apud Deum mutuo conspectu positos, vti prædixit, piè credere debemus. Ægrotabat Leonissæ puer, Anconia: Colandicæ filius, quem cum Iosephus visitandi gratia vocatus accessisset, vix gradum conscendit, cùm hæc ab eo vox erumpere cœpit: O quam beatus Puer! ô quam fœlix anima iam iam inter Angelos cessura! Cumque iam Puerum in lecto iacentem cerneret, ad Parentes conuersus: O ter (inquit) quaterque fœlices, qui charam sobolem quamprimum in Cœlesti sede, si non corporis, saltem mentis oculis fulgentem conspicietis. His cùm dictis Parentes solatus esset, Puer postridie morte sublatus in Cœlum conscendit. Neque absimile fuit, quod de Coriolano Puero, Hieronymi Morelli. filio in processu legitur: qui cùm graviter ægrotaret, ad eum Iosephus accedens, simul atque in eum oculos defixit, ad Parentes conuersus: Qualem (inquit) hunc Puerum esse arbitramini? Angelus certè est, & inter Angelos quamprimum in Cœlo coronandus. Verùm cùm Hieronymus Pater huius filij occasum molestissimè ferret, futurâ illum alteriùs filij, cui Ludoici nomen imponere debeat, natiuitate consolatur. Vtrumque verò de Pueri prioris morte, ac posterioris ortu vaticinium ipso rei exitu confirmatur.

Hoc modo Paulino à Leonissà, qui liberos optabat, cum copiosam liberorum sobolem prænuñciasset; eos tamen vno vel altero excepto, non mundo, sed Cælo consecrandos fore annuit, reiuentum ipso decem circiter filiorum exitu pronuñciante. Futuram hanc liberorum procreationem cum Vir Sanctus plerisque; Diuino spiritu prædixerit, hoc compendio perstringere libet. Constantiæ Venantiæ à Leonissà, quæ ob sterilitatem molestias à Coniuge patiebatur, masculi foetum, quem sequenti anno enixa est, prænuñciat. Pueri quoque procreationem Olympiæ Attiæ, quæ nullos eatenus liberos genuerat, pollicetur; quem illa nouem mensum expleto numero à Coniuge suscipit. Iosepho item Pulcino à Leonissà, qui foemineam tantum prolem ab Vxore susceperat, masculi foetum præindicat. Marcello itidem à Leonissà masculum puerum primo coniugis partu procreandum affirmat; quem is sibi ortum conspicit. Posthæc Hyacinthum Cassianum à Monte Regali, Ioannem Baptistam Petronium, & Andream Sanctutium masculæ prolis, quam suo quisque tempore ab Vxoribus susceperat, præmonet. Postremò Portiæ Caietanæ, Amatricis Baronissæ, futurum masculi pueri foetum, quo post nouem menses potita est, præsignificat. Latinum Virinum huius Portiæ Virum, qui Fescenninos mimos, ac mimas Amatricem aduocauerat, quibus casti hominum mores in discrimen trahebantur, liberius correptum, cum à proposito reuocare minimè potuisset, futurum ei, & Amatricis populo, qui æs illi ad huiusmodi hominum alimenta, & sumptus conferebat, Dei iudicium comminatur. Id vterque sibi aduenisse serò licet ingemuit. Post hæc Anno 1611. Laurentius Piccarus de Amatrice Neapolim profecturus, ut à Prorege laboris, ac Officij præmium consequeretur, rem cum Iosepho communicat. Cui protinùs Vir Dei: Laurenti, tu quidem (inquit) de præmio cogitas: at te graues molestiæ manent. Verum ne animum despondeas; brevis hæc tempestas erit, lætam tibi serenitatem paritura. Neque à dicto, res aliena fuit; Laurentius namque in vincula coniectus, duorum mensium spatio vitæ pericula, & graues ærumnas pertulit; à quibus tandem ipsius innocentia erumpente, ereptus, ampliores apud Proregem honores adipiscitur. Postremo, ut pleraque alia ipsius vaticinia ipso reiuentu confirmata præteream, cum eodem anno, Vir Dei à Francisco Meuanensi tunc Exprovinciali, cuius antea in ipsius Officij triennio Socius fuerat, separandus esset, his cum affatur verbis: Franciscè Pater, triennium vñ multo cùm labore exegimus; verum, supremi adhuc



nos labores manent, quibus fortiter perferendis mutuâ nobis ope  
 necesse est: ex nobis enim alter infra vnius anni spatium vitæ cur-  
 sum absoluet: alter adhuc superstes graue vitæ incommodum est la-  
 turus. Alter igitur alterum suo apud Deum auxilio & oratione fo-  
 ueat. Rem exitus probauit: Franciscus enim in Luniani Conuentu  
 post paruum tempus in siccam cisternam dilapsus, vtrumque sibi  
 crus confregit: Iosephus verò, necdum expleto anno extremum  
 vitæ cursum confecit. Ab his igitur vt Miraculorum narrationem  
 exordiar: primum illud Antonini Iacobelli, Viri Dei ex Sorore Ne-  
 potis occurrit, cui rabiosus canis talares alterius pedis nervos pesti-  
 fero morfu absciderat. Hic cùm post varia Medicorum remedia  
 frustra tentata, morfu omnem curationem respuente, ad Montis Re-  
 galis Conuentum, vbi tunc Vir Dei degebat, tandem appulisset, tam  
 diro cœpit vulneris dolore torqueri, vt propediem moriturus crede-  
 retur. Neque id frustrâ; alter enim, qui ab eodem cane admorsus  
 fuerat, eâ tabe consumptus, diem suum iam obierat. Iosephus in-  
 terea Nepotis casum miseratus, assiduus Deum precibus exorat;  
 Moxque post Matutinas Horas festinus ad Nepotem pergit; hisque  
 eum dictis compellat: Antonine, quid gemis, quid formidas? ani-  
 mum repete: cum primum cibo corpus tefeceris, domum illicò re-  
 meare poteris. Die igitur illucescente, cùm cibi illi allati fuissent, vix  
 illis degustatis, à pestiferâ plagâ ita incolumis euasit, vt instauratis  
 nervis, ac consolidato vulnere, ne cicatrix quidem in talo relicta fue-  
 rit: quare eodem tempore pedester domum redijt. Constantia quæ-  
 dam à Leonissâ, diuturnâ hydropisi laborans, Iosephi sanctimonix  
 famâ permota, cùm maximâ siti arderet, aquaque à Flaminia Fratri  
 velut perniciosa illi negaretur; Iosephus vrceolum aquarium, qui  
 ante Conuentus cisternam pendebat, arripiens, paulisper orat,  
 aquam benedicit, plenumque vrceum Constantix porrigens: Bibe,  
 Constantia, (inquit) quousque sitim extinguas. Porro Constantia  
 aquâ epotâ, mox alium detumescere, vimque morbi ita mitescere  
 sensit, vt eo deinceps nunquam afflictata fuerit. Armellina Palla à  
 Leonissâ, catapultariâ glande, quâ alter illi pes casu perfoßus fuerat,  
 grauiter sauciata, spasmo superueniente certo in vitæ discrimine  
 versabatur: quo tempore Vir Dei ad eam accedens, cùm primum  
 cubiculum ingressus est: Armillina (inquit) tuo tibi imprimis vul-  
 neratori ignoscendum, & pax cum eo incurida. Cui illa: Et ignosco,  
 & pacem Dei causâ dare non abnuo. Tunc Iosephus vulnus aperiri  
 iubet; breuique ad Deum oratione factâ; vulnus Crucis signo petit:

statimq;

(statimq; spasmus abscedit. Cumq; vesper incumberet, Vir Dei abscedens ægram integræ salutis spe consolatur. Hac spe cum Armellina suavi totâ nocte somno potita esset; manè curatum vulnus, pedem incolumem, ac plantam ita consolidatam experitur; perinde ac si nullo vnquam vulnere saucia fuisset. Eodem sanctæ Crucis signo, cum Ioannem Iosephum Petronium, ad Medicorum desperationem ægotantem, profecutus fuisset, statim incolumem reddidit. Vlysses Ioannis Baptistæ Petronij filius, aliquot annorum puer, tam desperato à Medicis morbo ægotabat, vt velut mortuo iam funera pararentur: quo tempore Ioannes Baptista Pater ad Iosephum, cuius vaticinio puerum à Deo acceperat, actutum se confert. Cui Vir Dei: An non (inquit) antequam hunc à Deo natum acciperes, Bonauenturæ nomine tibi appellandum monueram? Hæc tu monita spernens, Vlysses potius, quàm Bonauenturam, quo seruari poterat, appellandum voluisti: tua hæc omnino culpa est. Veruntamen si primùm, quem ab vxore breui suscipiēs, puerum Bonauenturæ nomine appellandum sponderis, salua tibi erunt omnia. Id cum Ioannes Baptista certâ fide pollicitus fuisset; Iam (inquit) lætus domum reuertere; puerum enim saluum & incolumem reperies. Id verò Ioanni Baptistæ ipso rei euentu certum fuit. Hoc modo etiam Borbonæ Saluatorem quendam Marinucium, qui per quindenorum annorum spatia ita insanâ mente fuerat, vt vinculis eum interdum constringi opus esset, cum obuium sibi haberet, Cruce illius fronti manu impressâ ad sanam ita mentem reuocauit, vt deinceps inter prudentes & cordatos Viros connumeratus fuerit. Hoc ipso Oppido Filautus Petronij Quallie filius extremo cum morte agone colluctabatur: quo tempore Pater Iosepho extremum filij ægotantis periculum narrans ab eo opem implorat. Cui Vir Dei: Qualem (ait) moribundo opem asferre possum? Veruntamen Dei in hac proximâ nobis B. V. Adè auxilium exquiramus. Atque hoc ipso tempore cum in B. Virginis Ecclesiam secessisset, pro ægrotato ad Deum preces fundit: Petronius verò, cum post sancti Viri orationem domum rediisset, filium, quem mortuum credebatur, viuum & incolumem è strato emeruisse comperit. Dum Asculanum agrum Iosephus Dei Verbum euangelizando peragrat, ad Truentum aliquando fluuium peruenit; qui cum ex imbrium copiâ ita intumuisset, vt transuadari minimè posset; breui oratione ad Deum fusâ, pallium super fluminis vndas expandit; simulque cum Socio pallium calcans flumen trajicit. Per id tempus Viro pauperulo ægotanti aquam in vinum

Crucis benedictione conuertit ; ex quo cum primum ager potum fumpfit, à febris liber incolumis euasit : ac post eum plerique infirmi eandem aquam, vinum factam, degustantes à morbis conualuere. In Oppido Campli agri Nursini, cum post prædicationem à muliere quadam rogatus ad ægrotum filium accessisset, morti proximum comperiens, vini paululum postulat, quo illius vires instauret. At vinum iam ab eâ domo exulare est responsum : vrget tamen Vir Dei, quandamque lagenam, quæ iam pridem vino vacauerat, quasi eo plena sit, indigitat. Et mulier, tametsi eam vino carere nequaquam ignoraret, vt sancto Viro pareat, ad lagenam pergit : quam præter spem optimo vino, quod non dolium, sed Diuina manus effuderat, plenam offendit. Porro in eo Vir Dei cum panis buccellam intinxisset, moribundo degustandam præbet ; quâ sumptâ statim in vitam & incolumitatem respirat. Hoc modo in Oppido Campensi & Iacobæ cuiusdam filium ægrotantem ad salutem reuocat ; doliumque iam pridem vino vacuum, siccum, absque epistomio cleuatum, suâ oratione plenum præstat. Iosephum Santucium Andreæ filium, cui funera parabantur, Crucis signo obliuiscens certam illi salutem pollicetur, quam postmodum recuperatâ valetudine assequitur. Leonissæ cum Fabricij Pulcini agrum, tritico satum, vermes deuastarent ; simulatque Iosephus rogatus, verminibus discellum imperauit ; ij præcepto audito, præter vermium naturam, vt celerius imperanti obediant, quasi alas assumunt ; vnaque se in aëra attollentes inde vno volatu sese abripiunt. Hoc pacto Tauro feroci agrum depascenti, ad quem Armentarius propius accedere non audebat, cum in nomine Domini discellum præcepisset, eum solo vocis præcepto, Crucis signo adiuncto, ab agro expulit. Idem in Oppido sanctæ Mariæ à Nursiâ Dei verbum Quadragesimali tempore proponens ; cum semiquadrans modij fabarum ab Ecclesiæ Rectore accepisset, suâ illud ita oratione multiplicauit, vt sibi, ac pauperum multitudinî toto illo tempore alendæ satis fuerit. Verum quod maiori admiratione dignum, eadem fabarum mensura post Quadragenarium ieiunium integra conspicitur. Dominicus Raucus à Leonissâ, Medicus, qui hydropisi intractabili laborabat, cum Iosephi apud Deum opem implorasset, suam ille apud Deum pollicetur : ac tertio post die conualescens, breui perfectam à morbo incolumitatem adipiscitur. Dei verbum Iosephus Otricoli aliquando prædicabat, cum auditâ Familiæ cuiusdam inopiâ, ad eam subleuandam in ipsius

Domus hortulo, qui quindenorum pedum mensuram non excedebat, cicera seminat; quæ ita eo orante excrescunt, vt viginti quatuor horarum spatio fructum germinauerint: Ad cicera verò cum tota Domus familia, quæ filiorum præsertim fecunda erat, quotidie confluens, ea non modò minui, sed ita augeri videbantur; vt quòd plura colligebantur, eò copiosiora fierent: quo non parum pauperculæ familiæ egestati prospectum fuit. Trebæ in Latio Martha quædam decem annorum puella, quæ apud Moniales S. Lucie educabatur, incurabili hydropisi laborans, grauissimis insuper doloribus afflictabatur; quo tempore Vir Dei ad Sacra facienda eò accedit. Moniales verò cum per internuncium rogant, vt hydropicam puellam manu contingat, ac signo Crucis benedicat. Abnuuit Iosephus. At cum illæ ab eo saltem orationem pro puellâ exposcerent, is internuncio: Quid, inquit) Moniales vltius petunt, cum Puella à morbo libera Dei clementiâ iam incolumitate fruatur? Lætæ igitur Moniales cum ad puellam rediissent, perfectè incolumem reperiunt, solâ corporis imbecillitate in morbi signum manente, quæ breui instaurata fuit. Hyacinthus Cassianus à Monte Regali, Vir in Ordinem beneficus, tam dirè colico dolore torquebatur, vt ab eo se perimendum planè non dubitaret: quo tempore Iosephus Hyacinthi periculum inaudiens ad orationem se confert. Eodem tempore Hyacinthus leui somno correptus, Iosephum sibi adesse conspicit: qui cum suâ Crucifixi imagine doloris locum contigisset; primò quidem æger maiori dolore correptus exclamat: Quid agis, Ioseph? dolorem auge. Tum verò dolor ita mitescere cœpit, vt eo se liberum existimaret. Mane verò die illucescente Iosephus Hyacinthum accedit, eumque pijs verbis consolatur. Cui Hyacinthus: Plurimum tibi, ô Ioseph, pro nocturnâ visitatione debeo, ex quâ integrâ ferè incolumitas est secuta. At Iosephus: Non mihi (ait) sed Deo, quod accepisti, debes: Veruntamen animum auge, ac Diuinis auxilijs confide, integram accipies. Iam Sacra factururus ad Beatissimæ Virginis Ædes pergo, vt pro integrâ tuâ salute orem. Tum verò Sacris tibi Mysterijs peractis, cum ad ægrum rediisset: Iam (inquit) Deo, ac Beatissimæ Virgini gratias refer, quorum ope iam integram es incolumitatem allecutus: moxque perfectè à dolore conualuit. Quadragesimali tempore, quo Seruus Dei Iosephus Concionator fuit in Castro Campi, febri hectica, & suppuratione, seu apostemate laborabat Antonius, Ioannis Mariæ Depincti filius, annum agens supra duodecimum: ac tali pacto angebatur, vt mortis limen quasi pertin-

gens, non alio, quàm muliebri lacte vitam duceret. Mater igitur Iosephum adit, miserum filij statum exponit, & vt illi visitationis gratiam exhibeat. impensè postulat. Quibus auditis Pater misericordiâ motus, ægroti domum adiuit; vbi infimo vitâ propemodum functo, perbreuem orationem habuit: quâ expletâ ægroti pectus Sanctiss. Crucis signo munivit: quibus peractis statim apostematis saniem latentem euomit, & Iosephus ad matrem conuersus, ait: Præbe, mihi vini parum, & panis, quo mero infuso illum valeam restaurare. Cui Mater: O Pater dolium, quod viuentem meo Viro plenum esse solebat, modò prorsus exhaustum manet; & iam annus præterijt, cum epistomate, ac ligneis circulis vacans existit; nec domi est mihi; vnde comparem. At ille: Deus ipse providebit. Inspice igitur vas illud supra mensam expositum. Cui iterum mulier: Vas illud vino omninò caret. Tum Iosephus denuò: Inspice: Nam Deus parabit. Ipsa verò: Vas illud (inquit) mihi est vtui hyemali tempore ad aquam calefaciendam, nigrum, & fumo deturpatum. At hæc iterum Iosephus: Inspice quæso, & panem vino dilutum infimo tradere ne differas: Deus enim opitulabitur. Quibus dictis ab illâ discessit. At vix domo egressus fuit, cum mulier agnouit filium moribundum, quasi perfectâ valetudine frueretur, per lectulum sese mouere. Ex quo non parum admirationis eliciens, etiam in vase vinum se reperire autumauit. Nec sua eam opinio fefellit, cum vas prædictum vino redundare perspexit: quo cum pane mixto vt Dei Seruus præceperat, filium ita restaurat, vt exinde perfectam sanitatem, ac vires resumendo è lectulo desilierit; & cum pedibus stare, ac firmiter se valere sentiret, domo exultans egredi statuerit. Vnde mater maiori admiratione affecta animo sibi duxit, quod sicuti mensæ vasculum Iosephi precibus vino plenum repperat, dolium quoque in cellâ vinariâ plenum inuentura esset: quare in cellam ambo descendentes dolium ipsum loco firmè collocatum, cum epistomio, quo ante vacauerat, & vino plenum sensere. Lucretia vidua quædam à Leonissâ ischidiaco dolore per viginti & ampliùs annorum spatium dirè laborauerat; super quam cum Angela Soror à Iosepho, vt sanctum Ioannis Euangelium legeret, anxie postulassèt, respondit Iosephus: Mihi modò (inquit) per otium non licet; verùm Angelum Custodem accipiet, cuius præsentia ac virtute persanabitur. Vix hæc effatus fuerat, cum Lucretia à diutino morbo libera Coeleste præsidium sensit. Anno 1610. cum Venafri Principissa ex Peretorum familiâ, Capucinorum Ordini plurimùm addicta. diuturnâ

agritudine detineretur, Iosephum Romam aduocandum curat: cuius præsentiam nacta, cum se plurimum illius orationi commendasset; vbi illam Vir Dei pijs verbis consolatus est, æream Christi Crucifixi imaginem deosculandam præbet. Quo factum est, vt simul cum Crucifixi osculo ea integram incolumitatem consecuta fuerit. Hoc ipso anno Dei Verbum Otricoli disseminans, cum Pauperem quendam leprâ conspersum suis manibus lauisset, eodem tempore à leprâ curat: pauper verò à leprâ mundatus, cum nullo deinceps loco appareret, num Angelus, an Christus sub pauperis formâ fuerit, incertum reliquit. Anno vero 1611. cum aliquando fluuium Marroiam aquistumidum in itinere offendens, ne crura alijs præsentibus detegere cogeretur, paulisper in ripâ subsistit; cum equum illi Viro Dei offerre, vt eo ad fluuium trajiciendum vtatur: recusare ille. Tandem quo incedebat habitu dimisso flumen ingreditur, progreditur, fluminis vndas calcit, sicco pede trajicit; atque ad alteram fluuij ripam, ne sandalijs quidem aquâ madidis peruenit. Cum Dei Verbum aliquando in quodam Leonissæ pago disseminasset, in mulierem quandam incidit; quæ cœcum puerum manu ducens, dum eum illius precibus commendat, cœcus puer Iosephi habitum manu apprehendens, visum confestim recipit. Anno Sanctissimi Iubilæi 1600. in terrâ Otricoli, & circa finitimos tam dira grando regionem totam inuasit, vt prorsus terræ fructus, & segetes deuastauerit: Et cum eo tempore Orbis totius Christiani populi summæ Veniæ causâ vndeque confluerent; tanta annonæ caritas postero anno 1601. sollicitauit, vt non solum plerique premerentur; verùm & multi inopiâ necarentur, & fame. Seruus Dei Iosephus, qui tunc temporis ibi Quadragesimali Concionandi munereungebatur, ista perspicuens, licet sedulo nonnullas familias egentes, aliosque multos Otricoli pauperes adiuuare niteretur, ab hoc pietatis opere non quiescens, in quartam Dominicam Quadragesimæ, in memoriam miraculi, quo Christus Dominus quinque panibus, ac duobus piscibus turbam illam tam numerosam expleuit, Conuiuium aliud spiritualibus, ac corporalibus epulis mixtum fidelibus populis parandum constituit. Quâ de re, Dominica tertiâ, postquam omnes inter Concionandum hortatus fuit, vt sequenti Dominicâ singuli proximum Templum D. Mariæ Patrum sancti Onufrij plenariam peccatorum Veniam consequendi studio peterent, solemni inuitamento, vt quam habere debeat illius diei Concionem

de dicto miraculo conficiendam audirent, placidè commonefacit, volens habità Concione in miraculi ipsius memoriam panem bene dicere, & illum cunctis tam egenis, quàm diuitibus sic benedictum præbere. Expletâ Concione rogauit D. Attiliam Martinam, tunc Societatis Sanctiss. Rosarij Præfectam, vt Dei, ac Deiparæ Protectricis amore in eum finem ostiatim farinam quæreretur, & ex ipsâ panem conficeretur. Cui mulier: Paternitas vestra magnum fecit inuitamentum; nam cum de more singulis annis huc gentes innumeræ Indulgentiæ causâ accedant; & hoc anno tanta penuria immineat, tam frequentes populi, quibus panem pollicita fuit, confluent, vt non parum farina: sed multum frumenti, vt modicum quis accipiat, necesse foret. Inter nos autem, tribus aut quatuor exceptis familijs, omnes & frumento & farinâ carent, panem quotidie in victum ementes: Idcirco & sententiam mutet, & ab incepto desistat oportet. Cui Iosephus: Perge, quæso, & farinam ob Dei, & Sanctiss. Genitricis amorem quærere ne graueris. Concionatori igitur reluctans, obsequendi studio, vnâ cum Iacoba Veturiâ, dictæ Societatis Ministrâ, vt farinam reperirent, totam terram circuierunt; & quamuis omnem diligentiam adhiberent, vix paruam conchulam, quæ farina: ad summum 12. aut 15. libras capiebat, inuenire potuerunt, quam Iosepho exhibentes, vt opus infectum deferat, suadent. Adhæc hilaris Pater respondit: Ite, & ex modicâ istâ farinâ panes conficite: Deus enim, & Sanctissima Mater egestati prospicient. Quinimò ne alteram farina: portionem addant, prohibet. Cum autem Mulier amplius obstare non posset, panem se illicò facturam promissit. Farina: igitur modicum excussit, quæ expurgata, tam modica profectò erat, vt in arculâ vix cerni posset: fermentum immisit, & ex aquâ farinam subiicere paulatim cœpit; quæ talem in modum sibi crescere præ manibus videbatur, vt illam amplius tractare non posset, ex quo magno stupore correpta, ac suæ incredulitatis conscia, altis gemitibus plorare cœpit. Quod Vir eius audiens, ad ploratum accurrit: cuius auditâ causâ vnâ cum Vxore totus alacris farinam iam conglobatam dimouere ac premere cœpit. At iterum tam breui aucta fuit, vt nec ipsi amplius eam dimouere possent. Ab Vxore igitur viciniori vocata, validè cum ipsis farina: subiectum globum permouere contendit. At cum magis, magisque ipsis verè cernentibus cresceret; nec addito auxilio tractari posset, superius nominatam Iacobam, & Iustinam Pucciam accersire cogitarunt; quorum ope opus ad exitum redactum fuit.



In quo præter alia hoc admiratione dignum narratur ; quod furnus , qui trecentas & vltra farinæ libras excipere solebat , panes huiusmodi nequaquam exceperit : sed , quod ex prima clibani calefactione superfuit , secundâ coquere opus fuit. Hoc totum cum tot multorum testificatione publicaretur , breui tempore tum finitimis , tum exteris miraculum exploratum fuit. Ad diem igitur dictam gentes innumeræ Otricoli constiterunt. Expletâ prædicatione , Iosephus allatum panem benedixit , & liberaliter vnâ cum Archipresbytero , & alijs porrigentibus distribuere cœpit. Et quamvis cunctis tam diuitibus , quàm pauperibus ; tam conciuibus , quàm extraneis ; tam paruulis , quàm adultis ; bis atque iterum , & deuotionis & penuriæ causâ accedentibus , & quatuor & octo panes traderentur ; panis tamen inter tot tradentium manus superfuit : quo prædicta Attilia consanguineos & amicos postea exclarauit qui etiam in morbis Diuinam propè virtutem sortitur. Deuota verò mulier Attilia in perpetuam miraculi huiusce memoriam , & suæ in B. Iosephum deuotionis argumentum , testamento legauit prædium , ac domum , vt perpetuò ipsius redditibus singulis annis prædicto Quadragesimæ die pauperibus distribuendus panis cumulus conficiatur. Quod semper factum fuit ; & quotannis singulari deuotione fit ; vbi B. Iosepho , cuius meritis tantum opus adscribitur , deuotissimas gratias agunt. Iterum Borbonium , cum Pater prædicationis causâ se contulisset , totum populum ingenti penuriâ exagitatum offendit : Quare cum à ditioribus frumenti cymulum cum dimidio recepisset , quod Romanâ mensurâ octoginta , vel centum librarum pondere exabat , panem ex illo conficiendum iussit ; & in quartam Quadragesimæ Dominicam fideles omnes audientes , vt de ipso die Concionem habendam audituri præsto essent inuitauit ; monens , post Concionem velle , in miraculi ipsâ die à Christo Domino perpetrati memoriam , benedictum panem præbere : quod cum cunctis illic innotuit , tum deuotione , tum summâ egestate cogente ferè innumeri conuenerunt. Habitâ Concione mulieres illæ , quæ panem confecerant , canistra duo in Ecclesiam deportauerunt. Quæ cum Iosephus benedixit , singulis sex , octo & duodecim panes , sex vncijs quolibet constante , distribuit. Quibus cognitis Ieremias Quaglia ad Dei Seruum conuersus , ait : Quid inter tantos ? Paternitas vestra modum faciat in dispensando. Nonne cernit , quotquot hominum hîc expectant ? Cui seruens charitate Iosephus :

Ne dubites; Deus prospiciet. Et maiori quàm fecerat liberalitate distribuens, sicut ipse plenis manibus tradere non desinebat; ita & panis ad distribuendum non deficiebat. Quare Iosephi Socius, Archipresbyter, alijsque Sacerdotes, & Laici panis multiplicationem conspicientes, & ipsi nonnullis octo, nonnullis verò decem, & duodecim panes liberalissimè præbere cœperunt: & cùm famâ volante dictum panem dispensatione non minui intelligerent, bis, atque iterum pauperes æquè ac diuites panes accipere non desinebant: tamen cùm nec tantâ populi frequentiam minuerentur, nec per tempus distributio amplius liceret; Archipresbytero, alijsque probantibus factum fuit, vt post prandium ad proxima rura, pauperumque domos, quod supererat, deportaretur. Quo factò, licet Borbonij terra quadringentas familias contineat; & ipsarum nulla foret, quæ se hoc pane non reficeret; sexaginta tamen panes superfuerunt, qui in Iosephi domicilium à Socio in futurum distribuendi delati fuère. Cæterum sanctus Virex ipso pane voluit, vt quotidie manè, tam pro sui, quàm pro Socij refectione buccella sumeretur; & octo; imò plurimorum dierum spatio in singulos dies, cunctis petentibus, nec non domi pietatis causâ illum seruaturis humanissimè tribuebat; quemadmodum eovsque seruatur; nullâ parte corruptus, ita vt ariditate, ac duritiâ amorâ recens haberetur. Cùm semel Leonissæ Conuentum repetens, ante Templum imaginem nuncupatum Seruus Dei transiret, non parum perturbatus inspexit, quod intra Templum segetes binis bobus tritabantur. Diuino amore flammans ad Franciscam Annutij Laureti vxorem, boum Dominam conuersus, eam acriter increpauit; & parui cultus Religionis arguens Diuinæ Iustitiæ vltionem minatus fuit. Mulier suæ culpæ excusationem afferens, ob imminentes pluuias opus illud ibi exercere coactam fuisse aiebat: at Iosephus magis magisque Cœlesti ardore inflammatus respondit: Quid sit euenturum, videbimus. Et cum Socio discessit. At parum ipso distante, tritantum bos vnus ante Altare Deiparæ Virgini Sacratum inopinanter occubuit. Quocirca Francisca flens è Templo discessit, ac Iosephum affecuta de bouis morte certiozem faciens, supplex eum exorat, vt suæ paupertatis misertus in vitam Iumentum reuocet. At Iosepho minimè exaudiente tamdiu ipsa precibus contendit, & lachrymis, donec ad Templum reuersus bouem iam pelle denudandum extra templum inuenit. Tum Iosephus: Nonne hoc omne significauit? Nonne id totum præiudici? His dictis Dei Seruus prope bouem flexis genibus se incli-

nauit,

navit, & post illum omnes adstantes; quibus ut Orationem Dominicam, & Salutationem Angelicam deuotè profferrent, imponens, & manu, & Cruce, quamsecum gestabat, mortuum bouem consignauit: qui iussus statim resurgere, illicò resurgendo stetit, & supra decem annos incolumis vitam traduxit. Beatus verò ille Vir se ad circumstantes conuertens, eos, ut deinceps Templà, & loca Sacra, quæ summæ Maiestatis domicilia, non bestiarum receptacula sunt, colere, & venerari discerent, admonuit. His, ac quàm plurimis alijs (quæ breuitatis studio prætermittuntur) cùm Deus Seruum suum miraculis illustrasset, eximiâque vitæ sancti moniâ ita se apud omnes clarum præstitisset, ut vbique Iosephi nomen, & sanctitas peruulgaretur; gloriæ tandem coronâ illustriorem redditurus, plerisque eum futuri obitus reuelationibus cohonestauit. Leonisâ namque multis comitantibus per iactum lapidis digressus, cùm vultum ad patrium, ac natale Oppidum extremum illi valedicturus conuertisset, his Patriam verbis affatur: Iam (inquit) ô dulcis Patria, abs te supremum digredior; neque vlla mutuo aspectu fruendi spes relicta est. Stat præ foribus extrema dies. Iam æternum vale: benedicatq; tibi Dominus benedictionibus Cœli desuper: det tibi de rore Cœli, & de pinguedine terræ abundantiam Frumenti, & Vini: abundare te faciat omnibus bonis, Mala extinguat, Odiâ dissipet, Simultates sepeliat, Pacem in medio tui custodiat. Ipse autem Dominus Pacis det tibi Pacem sempiternam. His haud sine lachrymis prolatis, familiares, qui eum eorûque comitati fuerant, amplexatus, eos pacis osculo dimittit. Hinc cùm ad Montis Regalis Conuentum appulisset, Leonessani, qui celerem Iosephi obitum ab his, qui illum comitati fuerant, maturè didicerant, ad eum Nuncios mittunt, qui illi ad Patriam reditum totius Oppidi nomine persuadeant. Quibus ille cùm Obedientiam sibi Patriæ anteferendam respondisset, cœptum Amatricem versùs iter prosequitur. Amatricis eo tempore Conuentum moderabatur Franciscus à Leonisâ: cui cùm Iosephus singulari necessitudinis vinculo coniunctus esset, simul atque eò peruenit, Guardiani sese pedibus prosternens, his eum verbis affatur: Francisce Pater, id ego iam pridem à Deo obnixè postulauì, ut cùm primùm extrema dies præstitutum mihi vitæ Cursum interciperet, id te præsentem fieret. Quapropter omnem meipsum sollicitudinem exuens, animæ, corporis, eorumque omnium, quæ ad me spectant, studium, ac curam tibi omnem committo. Cui cùm Franciscus responderet, nihil eiusmodi illi hætenùs formidandum esse, cùm longiori adhuc

per aliquot annos vitæ vsurâ frui debeat. His ille : Non anni, (inquit) sed menses & quidem pauci mihi ad finem vitæ præscribuntur. Post hæc diarrhæâ ægrotare cœpit : quâ per quatuor circiter mensium spatium vexatus, haud tamen eo tempore à Sacrorum celebratione vnquam abstinuit : morbo tamen ex superueniente febre ingrauescente; ac præterea cancro illi inter genitalia exorto; cum neque Sacra facere, nec sacris Mysterijs interesse valeret; id tamen à Superiore impetrat, vt quotidie sacro Domini Corpore reficeretur; quod in ipso cellæ vestibulo genuflexus recipere voluit, vt utroque & mystico, & litterali sensu Domino cum Centurione obtestari posset: *Domine non sum dignus, vt intres sub testum meum.* Ab eo itaque tempore cum tam grauius habere cœpisset, vt diro vndique dolore corporis premeretur, tunc maxime illius patientiæ virtus enituit: neque enim vlla vnquam lamentationis, aut luctus, sed Diuinæ tantum laudis vox ex ipsius ore toto eo tempore, audita fuit. Morbo igitur indies augescente cum extremum sibi diem imminere non ignoraret, generali totius vitæ peccatorum Confessione animam expiat: quam ex Sacerdotis, qui eam exceperat, dicto tam inculpatam duxerat, vt eam nullius vnquam mortiferæ culpæ sorde labefactâsset. Tum sacro Domini Corpore, tanquam Viatico muniri postulat: quo tempore tantâ mentis humilitate, totque lachrymis à Fratribus, si quos eatenus dicto, facto, aut improbo exemplo læsisset, veniam poscit, eorumque in supremo illo mortis articulo, in quo ad Dei iudicium profecturus erat, tam impensè opem efflagitat, vt vniuersos ad fletum compelleret. Deo insuper, pro innumeris sibi hætenus collatis beneficijs, ac præsertim Religiosæ vocationis dono, gratias agens, circumfusus Fratres ad Diuinam ipsius benignitatem secum celebrandam, commendandam, ac laudibus extollendam prouocat. Vniuersos denique cum ad perfectam Regulæ obseruantiam, paupertatem, rerum tolerantiam, ardentiorémque Dei charitatem, Cœlestibus præmijs propositis cohortatus esset, Guardiano iubente suâ Christi Crucifixi imagine omnibus benedicit, tum se ad seipsum colligens, animum ad Cœlestia transfert, totusq; Diuini amoris amplexibus inherere cœpit. Hoc quoque tempore ad varios Ordinis Superiores litteras scribit, quibus animam suam ad Deum profecturam commendat, Catholicę Fidei Confessionem instaurat, solemnia Religionis Vota in Professione nuncupata renouat, & eorum sibi benedictionem exposcit. Sequiebat indies magis carcinoma-

tis morbus, quo Vir Dei afficiebatur. Quamobrem ex Medicorum  
 consilio decretum fuit, vt ferri incisione pars illa carnis tabescens  
 amputaretur: Eam verò incisionem (vt supradictum est) tantâ ani-  
 mi constantiâ pertulit, vt nulla prorsus, præterquam illa Beatissimæ  
 Virginis inuocationis vox ab eo audiretur: Sancta Maria, succurre  
 miseris. At cùm necdum integra illa incisio esset; altera postriedie  
 repetitur, quam pari animo sustinet: ex quâ cùm se ad vitæ occa-  
 sum pertrahi intelligeret, extremæ se Vnctionis Sacramento inungi  
 poscit: quo tempore sensibus integris Sacerdoti respondet; tan-  
 tamque in vultu serenitatem & claritatem insinuat, vt Angelicam  
 potius quàm humanam speciem præferre videretur. Sacro itaque  
 Oleo inunctus, cùm Primam Horam Canonicam cum Sacerdote  
 sibi adstante pleno mentis sensu ad ea vsque verba: Pretiosa in con-  
 spectu Domini mors Sanctorum eius. Sancta Maria, & omnes  
 Sancti intercedant pro nobis ad Dominum &c. persoluisset, vnus  
 Miserere spatio oculis in Cœlum erectis constitit. Tum quasi qui  
 somno indulgere vellet, membra componit: nulloque omnino aut  
 corporis motu, aut vultus mutatione editis Anno 1612. pridie No-  
 nas Februarij, cùm duodefexagesimum ætatis annum ageret, quo-  
 rum quadraginta magnâ cum vitæ austeritate, paupertate, patientiâ,  
 charitate, atque illustrissimâ virtutum sanctimoniâ in Religione  
 exegerat, felici tandem in Domino somno consopitur, feliciori in  
 Cœlo gloriâ coronandus. Porro soluta è corpore anima defuncti  
 vultum tam serenum, ac specie decorum, carnemque ita mollem ac  
 tractabilem, artusque ita flexibiles reliquit, vt nihil illi morte subla-  
 tum, quinimò Cœlestis quædam venustas, quæ spectantes recrea-  
 ret, superaddita conspiceretur. Post consueta verò defuncto ablu-  
 tionis officia à Fratribus reddita, Guardianus, qui irruentem po-  
 puli frequentiam metuebat, Fratres ne sancti Viri obitum peruul-  
 gent, mox præcepto cauet. At quem Guardianus silentio premere  
 curat, pueri Diuino æstro perciti cateruatim per Oppidum discur-  
 rentes detegunt, clamantes: Mortuus est Vir Sanctus: Mortuus est  
 B. Ioseph. Hac voce protinùs occluduntur mercatoriarum tabernarum: ces-  
 sant nundinæ, totoque ad Capucinos populo conuolante, desertum,  
 ac velut absque habitatore Oppidum manet; solaque pauperum  
 communem egenorum Patrem lugentium vox, ac gemitus audie-  
 batur. Mox tam ingens populi frequentia ad Conuentum confluit,  
 vt eo Ecclesiam, domum, hortum, dormitoria, atque omnia Mo-  
 nasterij loca obsidente, defuncti corpus in Ecclesiam deferri non

posset.

posset. Interea Latinus Vrsinus, atque Oppidi Proceres à Guardiano postulant, ut ijs sancti Viri corpus exenterare, atque aromatis condire liceat. Reluctari primum Guardianus, eò quod nullo apud nostros id usu receptum esset; at ijs vehementius contendentibus cedit Guardianus; corpusq; apto in loco collocatum, cum primum tribus præsidentibus Medicis, à Chirurgis infectum fuit, tanta mox ex intestinis suauissimi odoris fragrantia erupit, ut eo Vrsinus Dynasta, Proceres, ac cæteri, qui præsentes aderant, maximam tum admirationem, tum animi voluptatem perceperint. Explorata primum intestina, quæ cum excrementis vacua essent, excrementorum loco candidum lac reddidit. Quod cum à Medicis magnâ rerum consideratione discussum esset; id à naturali agente in intestinis produci minimè potuisse communi tandem sententiâ consensere. Dum itaque intestina à Chirurgo, qui Ioannes à Massacinis appellabatur, nouacula à corpore præcinduntur, accidit, ut nouacula in Chirurgi pollicem delapsa profundum illi vulnus infligeret: quod Seuerus Caponicus Medicus animaduertens Ioanni suadet, ut saucium pollicem in defuncti sanguinem, qui ex intestinis fluebat, statim demergat: qui consilio acquiescens, simul atque pollice sanguinem attigit, confestim perfanato vulnere incolumem recepit; diuque post hæc pollex suauis odore perfusus fuit. Hæc ex sancti Viri corpore, cum Vrsinus, Medici, ac cæteri Oppidi Proceres, qui aderant, Diuina signa oriri cernerent; ipsa corporis intestina, ( corde excepto, quod sibi Guardianus vendicat ) inter se dispartiuntur, ac sibi pro sacris Reliquijs reponunt: quæ deinde varijs ægrotis applicata, quemadmodum fusiùs infra explicabitur, ijs incolumitatem contulere. Postridie, quæ Dominica dies erat, cum sancti Viri corpus in Ecclesiam delatum fuisset, ut ardentissimo turbarum undique ex finitimis Leonissæ, Montis Regalis, Accumuli, & alijs Oppidis confluentium studio satisfaceret; tùm etiam, ut ei iussu à Fratribus persoluerentur; mox turbæ tam immoderato in illud deuotionis impetu irruunt, ut ijs haud satis esse videretur, ipsius habitum dilacerare, capillos tondere, barbam euellere, manuum ac pedum ungues obtruncare; verùm & dentes excutere ac membra dilaniare contenderent; nisi summâ vi Corpus à Fratribus armatâ militum manu opitulante, è turbarum manibus ereptum fuisset. Falsus hoc tempore in Amatricis Oppido rumor inualuit, Leonissanos, ut Iosephi corpus raperent, inter se consilium inijsse. Quapropter Vrsinus Dynasta, vnâ cum Oppidi Magistratu, omnem lapidem mouent, quò illud nostris

ereptum in Collegialem Oppidi Ecclesiam transferant : at eorum consilio Guardiano à quodam Ordinis familiari detecto , cum spe suâ frustrati essent , Conuentum armatorum militum custodiâ muniunt. Guardianus verò dum commotos animos sedare omni studio conatur , en toto spectante populo sancti Viri corpus insolito prodigio tam copiosum ex se sudorem effundit , vt vndique ex eo aquæ venæ scaturire viderentur. Eo populus exterritus , magno mox clamore à Deo misericordiam exposcere , ac sudariolis sudorem extergere. Post quintum verò ab obitu diem corpus in ligneam capsulâ occlusum seorsim , toto Oppido postulante , in Ecclesiæ pariete tumulatur. Mox tot post obitum miraculis coruscare cœpit , vt eorum famâ permotus Afculanus Episcopus eò post duodecimum diem delegatæ Iurisdictionis Iudicem , vt de ijs diligenter inquireret , deltinauerit : qui cum sancti Viri corpus exhumari iussisset , ita venustum , molle , integrum , labra rubicunda , artus flexibiles , nulloque tetro odore perfusus offendit ; vt viuens potius quàm exanime videretur. Hoc modo & quinto post hæc mense elapso , à Portiâ Caietanâ Baronissâ , nonnullisque sancti Viri propinquis conspicitur. At verò cum miraculorum , quæ ab eo post mortem Diuinâ virtute parrata sunt , tam ingens copia abundet , vt singula , historicâ narratione prosequi , nimis institutæ breuitatis metas excederet , grauioribus duntaxat , vel explicatis vel indicatis , cætera in Processibus , qui tum Spoleti , tum Amatricis , atque alijs locis de his confecti fuere , explicanda relinquemus. Atque vt rem ab ipsius apparitionibus exordiar : Quâ horâ sanctus Vir mortalem cum immortalî vitâ commutat , Neapoli Laurentio Piccardo in somnis apparet : qui cum à Prorege in carcere detineretur , proximam ei post duos dies liberationem , quam & viuens prædixerat , pollicetur. Cæterum quo tempore Iosephi corpus adhuc inhumatum in loculo iacebat , Andreas Lactantius Amatricensis cum Fratre Marco , ex nostris Sacerdote in eodem Amatricis Conuentu , de præclarâ illius vitâ , ac virtutibus iuxta ignem colloquebatur , eundem Iosephum hilarem , ac festiuum , post Marci terga quasi qui eo colloquio delectaretur , stantem intuetur : qui cum tanto temporis spatio , quo ab eo planè agnosci posset , ibi perstitisset , illius tandem est oculis euauit. Anno 1625. Michael Angelus Senensis , ex nostris Sacerdos , dormiens catarrhi fluxu nocte quadam præfocabatur : quo tempore à beato Viro sibi apparente his se verbis excitari audit : Surge , Michael Angele , ac sanctum Iosephum beatæ Virginis



Sponsum inuoca. Qui surgens confestim, cum sanguinis volumen ex ore eructasset, mox à periculo liber, nunquam deinceps eo oppressus fuit. Postremò, anno 1627. Castoria Desideria, Iosephi veterina Soror, cum altera corporis parte paralytica iam diu in lecto iacisset, Iosephi Fratris sibi apud Deum opem implorat; qui eadem illi nocte apparens, cum illius brachio apprehenso illud ita fortiter perstrinxisset, ut eam altius exclamare coegerit, paulò post incolumem relinquit. Venio ad Miracula, quibus D. O. M. Serui sui gloriam declarare voluit. Necdum sancti Viri corpus humi conditum fuerat, cum Clementina Amatricensis è Nauigantium familiâ, cui filius erat Hieronymus nomine, febrî, ac tam diris ceruicis doloribus laborans, ut contractis colli neruis, caput immobiliter ad humeros reflexum gereret. Hæc cum primùm ad loculum, in quo Iosephi corpus iacebat, peruenit, B. Viri merita inuocans, puerum fide plenâ super corpus extendit; moxque fidei præmium recipit: puer enim confestim caput mouet, atque vndeque flectit, febris fugatur: Demùm integrâ valetudine potitus, toto spectante & admirante populo, domum cum Matre redit. Hoc quoque tempore Grauius Rabina Amatricensis, graui humeri dolore affecta, cum Iosephi corpus exosculans ab eò doloris liberationem postulasset, eâ absque vllâ temporis morâ perfruitur. Laurentius Petronius Leonissanus iam per decennium tam graui genuum morbo detentus fuerat, ut absque fulcris vltro citroque progredi non valeret; cum primùm ipsius sancti Viri corporis aspectu fruitur, Cælestemque ipsius opem implorat, eadem nocte Iosephi suffragio incolumitatem assequitur, domumque pedester regreditur. Camillus Claretta à Leonissâ, continuâ febre laborans diu in lecto iacuerat; cum Reliquijs sancti Viri ad collum appensis, vix Reliquias contigit, cum à febre liber exurgit. Ioanna Laureta à Leonissâ, eadem febre continuâ correpta plurima ad illius curationem remedia frustra experta fuerat; vbi exiguum habitus illius particulam simul cum cibo sumpsit, ab eâ nullâ temporis morâ interiectâ liberatur. Fridericus Massæus iam per trimestre continuâ febrî vexatus, cum vniuersa Medicorum remedia minùs sibi prodesse animaduerneret, strophium, quo Iosephi sudor post mortem extersus fuerat, sibi magnâ cum fide applicans, ab eâ confestim curatur. Colasaptium puerum Amatricensem diuturna febris, quæ comitali morbo grauior euaserat, miserè cruciabat: at vix in ipso quoque comitalis morbi symptomate, quo

humis spumans volutabatur, habitus sancti Viri particula illi admodum fuit, cum protinus à morbo, & à febre liber ab humo exurgit. Dominicus Mautinus Narniensis, & Paula Niculea Leonillana vterque febricitans, dum Iosephi Reliquias pie exosculantur, mox integram incolumitatem consequuntur. Eodem modo & Calixtus, Remigij Collis filius, & Franciscus Antonius Galucius hectica febre laborantes, solo Reliquiarum ipsius contactu plena mox corporis salute potiuntur. Iacobus Vitellus Borbonensis, altero crure claudus; ac præterea calculis laborans; cum sancti Viri Reliquias sibi admovisset, eodem tempore ab utroque morbo liber emergit. Posthunc Hyacinthus Crassus, & ipse altero poplite claudicans, strophio Iosephi sanguine intincto poplitem constringens liber, ac rectus incedit. Iphigenia Alegrana Amatricensis ita utraque manu capta, ut ne quidem cibum sibi manifestare posset, cum post varia remedia incassum tentata, ad sancti Viri opem implorandam animum contulisset; inter hæc pia ad Iosephum vota obdormiscens, manè liberat, atque incolumes manus ipsius intercessione sibi redditas lætatur. Cinthius quidam Tocius, cuius os & oculi catarrhi fluxu ita oppressi fuerant, ut oculis peruersissimis, os illi ad aures usque distenderetur; vix sancti Viri caputio, & cilicio os, & oculi illi ob signati fuere, cum ijs ad pristina loca redeuntibus, rectus illi horum membrorum usus restitutus est. Gratiola Leonina Amatricensis è sublimiori loco cadens alteram sibi manum ita læserat, ut osse perfracto & contractis nervis digiti palmæ inseparabiliter adhererent: plurimis verò sex mensium spatio Medicorum tentatis remediis, cum nulla sibi prodesse cerneret, manu Iosephi tumulum tam plenam fide contingit, ut in eam instaurato osse, ac extensis nervis, libera illi manus restituta fuerit. Patientia Amatricensis arthritico morbo ita undique obsessa, ut contractis nervis nullum sibi membrorum usum vendicaret, hoc morbi statu duos & amplius menses continuis doloribus vexata, absque ulla salutis spe transegerat; cum nocte quadam, quam hisce vehementius doloribus angebatur, sancti Viri opem è Cælo postulans, eam etiam tunc primum mitescere, tum paulò post abscedente morbo, celerius accipit. Eodem morbo correpti Barbara Crassia, Paulinus Vitellocius, & Iosephus à Leonisâ Iunior, Capucinus Sacerdos. Reliquiarum sancti Viri contactu persanantur. Atque hoc ipso Reliquiarum contactu Ioannes Dominicus Rampinus à Chiragrâ; Laurentia Fares ab ingentium faucium tumore; Franciscus Boschius à poplitis luxatione;

Paula Stortiana Meuaniensis à mutilatione manus ; Ioannes Andreas Pompeius membris mutilis ; Mulier quædam Amatricensis curua, à nervorum attractione, nullâ temporis morâ interpositâ curati fuere. Laurentius Paulinus Amatricensis cum in sylvâ ligna cederet, securis in alterum genu dilapsa grave illi vulnus inflixerat : cui cum à Medico, præsertim ob spasmi metum, celerius remedia pararentur, Felix mater, omnibus Medicæ artis remedijs posthabitis, strophium Iosephi sanguine intinctum, B. Viri merita implorans, vulnere admouet : nec spe illa suâ frustrata fuit. Etenim eo ipso tempore vulnere consolidato, Laurentius opus suum incolumis profecquitur. Porro Felix huius Laurentij Mater, cum paulò ante genitum dolore ita afflictata fuisset, vt nec loco dimoueri posset ; vbi illa eodem strophio obuoluit, protinus effugato dolore liberè incedere valuit. Stephanus Pellinus è Castro S. Angeli, vulnus in fronte acceperat, quod omnibus licet remedijs adhibitis curari non potuerat ; At sancti Viri Reliquijs in fronte obsignatus, mox curato vulnere incolumis euasit. Franciscus Antonius Gassanus à duplici dorso, & dextri vberis vulnere ; Petrus Angelus Amatricensis à plagâ in superiori labro acceptâ ; puer demum Ioannis Mariæ Coracini filius à mortifero gutturis vulnere, Iosephi Reliquijs adhibitis illico persanantur. Fausta Palla, Leonissana, Garofanus eiusdem Coniux, ac puerulus eorum infans varijs vlceribus affecti, voto ad B. Virum emissio perfectam ab ijs curationem assequuntur. Maria Antonia Massiotta, Meuaniensis, cancro laborans, qui sinistram oris ipsius partem ferè integram exederat, annulo catenæ, quâ Iosephus iuens se præcinxerat, ori applicato, statim à morbo curatur. Hoc ipso adhibito Isotta Spatia, ab apostemate, quod sub dextro oculo contabuerat, confestim sanatur. Sudarioli, quod B. Viri sanguine intinctum fuerat, contactu Hieronymus infans à serpentino morbo, Felix Paulina à grauissimo genuum dolore ; Antonia Carocia à colicâ passione liberantur. Hieronymæ Sirochia Amatricensis femur tuber quoddam putridum inuaserat ; quod cum indies excreceret, in eam magnitudinem euasit, vt quodlibet humanum caput excederet : eo verò tabescente, tam sæuus inde illi dolor exortus, vt cum in spasmi degeneraret, in summum illam vitæ discrimen adduceret. Frustrâ omnibus illa Medicæ artis remedijs adhibitis, cum nulla alia tentanda superessent ; ad Iosephum voto emissio, cum totâ nocte præter morem obdormisset, manè fascijs solutis, mox tuber nullo pellente dilabitur ; & carne consolidatâ genu pristinæ sanitati reddi-

tum cernitur. Flaminia Vbaldefca, graui in altero humero dolore affecta; cum eo B. Viri sepulchrum pie contigisset, protinus se ab eo liberam sensit. Andreas Ciachitus à Leonissâ stomachi languore diu laborauerat: quo tempore Maximilla Soror B. Viri opem implo- rat, Andreas Frater à languore conualefcit. Camilla Aloysia, quæ acerbò dextri brachij dolore cruciabatur, simul atque B. Viri cin- gulo ægrum brachium præcinxit, eodem tempore effugato dolore, brachij incolumitate potitur. Eo quoque lumbos sibi præcingentes Maria Ioanna Piccara, & Frabritius Sinibaldus Leoneffani, illa à la- terum, hic ab humerorum, & lumborum dolore conualefcunt. Ser- monia Caretta à Leoniffa, sacras Iosephi Reliquias omni pietate contingens, à diutino femoris cruciatu, quo clauda incedere cogebatur, eiusdem suffragijs eripitur. Augustinus Canocius eiusdem Oppidi, qui per quinque annorum spatia monstroso corporis tu- more, ac præterea assiduus doloribus laborauerat, vix B. Patris habi- tum induit, atque ipsius cordis, quod Leoniffæ feruatur, Reliquijs obfignatus fuit; cum mox euanescente tumore, ac doloribus sedatis, perfectam corporis incolumitatem adipiscitur. Anno 1618, equus Laurentij Nouelli ab Amatrice, è rupe decidens, sinistram corporis coxam confregit: & licet quatuor mensium spatio diligentissimè cu- raretur; nihilominus cum morbus incurabilis esset, pede claudus re- mansit, nec in posterum sanari potuit: & cum septimo elapso mense, nulli vsui accommodatus, sic claudus pabulum fumeret, ex aliâ rupe se denuò præcipitem dedit. At cum ab omnibus equorum medicis medicamen omne superfluum esse diceretur, & ideò deglubendum: Mater ipsius Laurentij Iosephi memoriam reuocans, sumpto lin- teolo, quo sudorem à Dei famulo triduo post mortem emissum ab- sterferat, equum toto corpore tumefactum, & semimortuum B. Iosephi protectioni commendat, & prædicto Sudario superposito re- cedit. Quo facto equus repente in pedes dissiluit, primo & secundo casu coxæ fracturâ, & morbo incurabili planè liber, in posterum non solum ephippio, verum & clitellis aptum se præbuit. Cuius rei comprobandæ studio Dominus Victorijs Lancellotus, vnus ex Delegatis Apostolicis, qui præuio examine hoc miraculum appro- bavit, eundem equum per decem & octo miliaria, non sine stupore & deuotione ad equitandum adhibuit. Petrus Fontichij in Aprutio Ecclesiæ Præpositus, colico dolore tam acerbè afflictabatur; vt cum nullis Medicorum remedijs leuari posset, ad certum vitæ occasum festinaret: quo tempore illi à nostris cingulum ex Iosephi habitu

compactum defertur: quo præcinctus, prætinus mitescit dolor, ac postridie incolumis è lecto emergit. Neque cuiquam dubium esset, quin ea curatio ex cingulo, Divinâ illi virtute inditâ, in eum profecta esset; quinto post die, cum cingulum, quod eatenus præcinctum gestauerat, exuisset, eisdem repente doloribus obrui ccepit, à quibus non nisi repetito cingulo liberatur. Hoc colico dolore Diana Ficarda Leonissana, diu exagitata, simul atque canabaceo sancti Viri cingulo præcingitur, in salutem vendicatur. Flavia Lælia ad quintam usque diem partus doloribus cruciata, cum foetum edere non posset certum vitæ occâsum expectabat: quo tempore Iosephi præsidium inuocans, filium mox salva ac læsa parit. Hac quoque in sanctum Virum pietate Lucretia Riccia, diu inter partus angustias certo mortis discrimine constituta, sese feliciter à foetu expedit. His & Delia Dionysia Leonissana, & Olympia Baraffia, & Helena Micorata, & Virginia Massæa, foetæ accedant; quæ Reliquias sancti Viri admotas gestantes à partus doloribus, & vitæ periculo eximuntur. Franciscus Infans Amatrici recens natus, cum tam graui herniâ laboraret, vt illi intestina defluerent, à Patientiâ Matre ad B. Viri sepulchrum allatus, mox inde incolumis ab eâ domum refertur. Pari modo & ad sancti Viri sepulchrum Franciscus è Trionis Oppido, & alter Oleander Quatreculus pueri herniæ curationem accipiunt. Quartus Vespasianus Lucius à Pedepodij Oppido, cum à boue cornupetâ in inguine vulneratus illi intestina defluerent, B. Viri opem implorans, mox ad pristinam sospitatem reuocatur. Ab eodem herniæ morbo Vincentius Boschius, & Ioannis cuiusdam filius è Castro sancti Angeli, necdum duorum annorum pueri, cum B. Viri Reliquias attigissent, integram incolumitatem assequuntur. In Villâ Musciani Nucerinæ ditionis Anno 1610. Margarita, filia Angeli Bernardini, cum ferè vigesimum secundum annum attingeret, in febrem vehementissimam incidit: quo tempore cum magis magisque per totum corpus mirabili modo crassefferet, à Physicis morbum illum hydropicum autumantibus, multis, ac varijs medicamentorum generibus, sed vanis & inutilibus curata fuit: quindecim enim annos ægritudine istâ laborans, in dies postea ingrauescente, tam crasso corpore affecta fuit, vt non ampliùs mulier, sed monstrum horribile videretur; adeò vt magni dolij speciem omnibus præferret. Præterea, cum multis, & quinque præsertim plagis aliarum maximis, ac magis patentibus, per quas intima viscera

cerni poterant, & foetidissima, perennisque sanies egrediebatur, non sine ingenti & assiduo dolore agigaretur; tandem salutis spe destituta; postquam tres denique annos ultra quindecim nunquam è lectulo dimoueri potuisset, cunctaque hominum medicamenta infructuosa euenissent. Anno 1631. die mensis Iulij 15. eam visitare contenderunt duo ex nostra Familiâ Fratres, Paulus nempe à Mevaniâ, & Frater Eusebius à Nuceriâ: qui postquam illam ad patientiam hortati fuere, dictus Pater sic agram alloquitur: Cùm tibi humana remedia non profint, ad Diuina confugere, & patrocinium B. Iosephi Capucini à Leonisâ, tot tantaque miracula operantis confugere certè debes; Cui cùm illa deuotissimè fuisset assensa, Fratres ipsi flexis genibus preces aliquas adhibuerunt. Interea agra mulier simul Beati ipsius, quem celebrari audierat, patrocinium implorauit. Quibus peractis illum Sacerdos exigua telæ parte, quâ cor B. Iosephi inuolutum fuerat, pertingens, cum Eusebio Socio discessit. At non prius Fratres domo egressi erant, quàm infirma mulier Coelestis medelæ virtutem experta fuit: nam corporis venæ illicò deficientes, in naturalem & pristinam formam redire visæ fuerunt: plagæ & vlcera, quibus venter scatebat, vltèrius nec dolorem, nec putredinem attulerunt: immanis corporis crassitudo, quam domus ianua capere non poterat, vnâ cum pondere & dolore penitus euauit. Id totum die Martis euenit: postera autem die, cùm venter omninò tumorem deposuisset, plagarum (quas nunquam præ ventris altitudine videre poterat) solum signum in cute relictum conspexit. Die Iouis dolore & grauèdine leuata, è lecto nullo adiuuante dissiluit, ac duobus innixa baculis, quod per plures annos facere non potuerat, extra domus limen se contulit. Veneris die, quæ fuit 18. mensis prædicti, & tertia suæ valetudinis, cùm se iam vires resumpsisse agnosceret, Templum, rem Sacram auditura. petere exco- gitabat: at Parocho dissuadente, die tandem Dominico, qui ipsius mensis fuit 20. nullius ope itineri se commisit, nulloque postea egens præsidio domum egressa, postmodum Templum, campos, & culturam, vt ante morbum fecerat, ac si nunquam ægrotâisset, omnibus obstupefcentibus repetere visa fuit. Alexander Bocanegra Leonis- sanus, & Paulus Grassus Amatricensis Odontalgia ad insaniam vsq; laborantes, ille B. Viri iecoris particulâ, hic eiusdem molari dentibus admoto, à morbo persanantur. Leo à Monte Leone miraculorum, quæ ad B. Viri Reliquias quotidie patrari audiebat, incredulus, has morborum curationes humanæ potiùs virtuti adscribendas puta-

bat, cùm repentinò capitis morbo tam acerbè cruciari cœpit, vt cùm nulla illi diu noctuque quies esset; & humanæ artis remedia illi potiùs dolorem augerent, quàm minuerent, mox B. Virum inuocare, mox vt eius Reliquiæ adferantur, exclamare; mox lachrymis ab eo suæ incredulitatis veniam petere. Tandem sancti Viri Capucio Capiti ipsius imposito, cessat capitis dolor; ac suopte periculo, quâ pietate Dei Seruorum signa accipienda, ac interpretanda sint addiscit. Eodem quoque sancti Patris Capucio; Pompeio Piccaro Amatricensi, qui eadem cephalalgia laborabat, capitis incolumitas redditur. Comitiali morbo Iosephus, Remigij Collis filius, Narniensis, tam grauius afflictabatur, vt eo ter, quaterque in die obrueretur. At harum Reliquiarum virtute protinus sanatur. Strumâ prætereà Carolus Mautinus Narniensis, & Semidea Amatricensis laborantes, haud alio præterquàm sacrarum huiusmodi Reliquiarum remedio, ab ijs incolumes emergunt. Ab ischiadico morbo tam acriter Margarita Angela, & Valentina Piccara Amatricenses premebantur, vt ne quidem gressum mouere possent: quo tempore sancti Patris sibi reliquias adhibentes postulatâ incolumitate perfruuntur. Anno 1635. filia Petri Antonij Genuensis, Mediolani Nummularij, Virgo Monialis Professa ex Capucinarum Familiâ in S. Caroli Cœnobio Vrbis Placentinæ, annorum ætate 22. die 14. Iulij grauissimis doloribus toto corpore afficiebatur: morbo autem ingrauescente mensē Nouembri tam vehemēti cruciatu affecta fuit, vt contractis neruis pedes lateribus iungerentur; & talem in modum brachia se contraxerunt, vt instar arcus ad humeros se conuerterent. Manus adeò in pugni formam se coarctarunt, vt nullâ humanâ facultate, ac medicaminis virtute dissolui possent. Hisce doloribus detenta, nullâ parte dimoueri poterat: & dum ab alijs mouebatur, dolore ingenti afficiebatur. Medicamina sicut semper frustranea; sic morbus à Medicis incurabilis fuit habitus. Verùm cùm octo menses tali pacto impedita, salutis spem abiēcisset; Serenissima Ducissa Parmæ Heroïna Cœnobium petijt; vbi Virginis audito morbo Abbatissam docuit, vt ægrotâ B. Iosepho à Leonissâ tot miracula patranti se commendaret. Abbatissâ igitur Serui Dei effigiem à Dominâ Constantiâ Piccâ Fontanâ, Parmæ Heroïnæ à cubiculo acceptam, Virgini sacræ detulit: quam ostendens hortabatur, vt depicti Patris intercessionem expeteret. Ægra die 19. Martij 1636. die Lunæ Maioris Hebdomadæ, quâ doloribus magis vexabatur, summâ animi propensione, ac pietate B. Iosephum exorauit, vt in tot cruciatibus sibi



præstò esset. His propemodum oblati precibus, internâ quâdam ac spirituali voluptate se repleri visa fuit; animo sibi certò ducens, B. Iosephi meritis perfectam sanitatem sibi restituendam. In quâ sententiâ persistens, B. Viri gratiam implorare non desinebat, firmè constituens, velle singulis annis eius vigiliam panis & aquæ ieiunio, eiusque diem festum, quâ fieri posset veneratione celebrare. Et cum in dies internum gaudium experiretur, maiori suffultâ fide, credebatur propediem morbum abscedere: hoc pacto sanandi credulitate auctâ, Beatum orabat, vt in proximam Paschatis solemnitatem sanitatem restitueret, vt benevalens, Missæ sacrificio interesse posset. Hac in petitione perseuerans, interiùs sensit preces non fore irritas. Quare die Sabbathi Sancti, quò magis dies crescebat, eò magis lætabatur, sibi suadens, B. Iosepho intercedente, perfectâ sanitate potiri. Quo die tandem aduecto, qui fuit 22. prædicti mensis, vix solutis Campanis, earumque percepto sonitu, attracta membra se dissoluerunt, crura, brachia, & manus dimoueri cœperunt, & deuotâ hilaritate imbecillitatem superante, sacris duabus Virginibus innixa, nullo affectâ dolore strata deseruit, pedibus constitit, D. O. M. gratias egit, Intercessoris patrociniū recensuit; & cunctis Monialibus obstupescens, ad Templum, Paschatis solemnia celebratura, se contulit: cuius membra licet tamdiu impedita, & sensu carentia fuissent, adeò solida, firma, & soluta redierunt, vt morbi præteriti nedum signum reperiatur. Franciscus filius Ioannis Mariæ Bassoli à Carpro Anno 1636. grauissimo epilepsiæ morbo laborabat, cuius octies, & decies in die, sæpè & duodecies symptomata patiebatur. Et quamuis varijs medicaminibus curaretur, singula tamen inania fiebant. Postquam circa mensem tot in angoribus versatus fuit, ægroti Pater humana auxilia desperans, & Diuina tantum exoptans, Patrem Ioannem Baptistam Estensem Capucinum, quem iam, dum Mutinæ Ducatus habenas moderabatur, suum Principem naturalem agnouerat, sibi adeundum constituit. Cui cum filij ægritudinem narrasset, eius opem suppliciter exorauit. Quod pius Pater accipiens, tum parentis, tum filij miseratione motus, statim ad ægrotum festinat; quem postquam breui ac miti sermone exhilarauit, flexis genibus beatum Iosephum, suum peculiarem patronum pro infirmi valetudine deprecatus; aquam deinde, quæ os quoddam sancti Viri tetigerat, potandam præbuit: vnde ægrotus tam frequentibus symptomatibus minimè obnoxius, firmior in

posterum factus fuit. De hoc certior factus Pater Ioannes Baptista, quarto die ægrum visurus redijt ; cuius ex salutis progressu spem perfectæ valetudinis concipiens, B. Iosephum vehementibus precibus orandum duxit. Et cum infirmi Parens vltra preces pro filij incolumitate fufas, vouisset cum argenteâ imagine, vnâ cum filio B. tumulum inuifere; aquam prædictam denuò præbuit, & sequenti die bis tantum : die verò Dominico semel cadere visus est. Fugato tandem morbo B. Iosephus apparuit dicens; in diem Iouis futurum Christi Corpori sacrum, se planè confirmatum fore. Interim non ampliùs cadens, non alio quàm angore solito affectus fuit. Christi tandem Corporis die adueniente, vt sanctus Vir prædixerat, sanitatem recepit; quam summo rerum Opifici, suoque Patrono acceptam referens, semper in posterum ab hoc morbo, Deo annuente, liber fuit. Marchesana Amatricensis, S. Augustini Tertiaria, primùm sinistra, tùm vtriusque, auris auditu carens, pleraque ad earum curationem remedia contulerat; quæ cum vana, ac inutilia probâisset, ad Cœleste Iosephi remedium confugit, ipsiusque, iecoris, & habitus particulam strophio, quod eiusdem sanguine intinctum tulerat, inuolutum surdis auribus alligat. Post hæc vix secundâ vel tertiâ horâ elapsâ, ingentem in auribus, velut rotæ, quæ celerrimè vertitur, strepitum percipit, quo totius illi corporis compago commoueri videbatur. Eo verò strepitu cessante, & surditas cessat, & aures illi ad voces distinctè percipiendas aperiuntur. Martha à Castro S. Angeli, mulier nonagenaria, obtusæ penitus auris, cum post sacram S. Viri Reliquiarum contactum, aquam, in quam Reliquiæ demersæ fuerant, secum domum asportasset; & antequam ad quietem decumberet, Iosephi sibi è Cœlo opem implorans, eam guttatim sibi in aures instillari curâisset; mane exurgens integro auditus sensu perfruitur. Franciscus Massutus puer, vtroque ita lumine orbatus, vt nihil in oculis, præter albuginem præferret; cum Anno circiter 1622. ab Antoniâ Matre, ad B. Viri sepulchrum perductus fuisset; dum pro eo Mater preces cum lachrymis fundit, aqueum is primùm humorem guttatim ex oculis stillare, tùm copiosè effundere, ex quo subobscurè res intueri poterat: demùm perfractâ oculorum membrana, vnde lacteus ac sanguineus humor effluere visus; inde perfectum illi oculorum lumen erumpit. Alcina à Turre ex catarrhi fluxu oculi ita caligauerant, vt luce penitus careret. Quamobrem catenæ, quâ Iosephus viuens præcingi solebat, annulum naeta, vbi præ ad eum multo cum lachrymarum imbre preces fudit, eo

sibi

sibi oculos obsignans, mox lucem recipit. Dominicus à Puteo, & mulier quædam Amatricensis, altero lumine capti, cùm ille præfato catenæ annulo oculum contigisset; & hæc vino, quo Iosephi ossa lota fuerunt, sibi lumina aspersisset, vterque mox ad lumen reuocatur. Oleandrum Quatroculum puerum, vtroque oculo cæcum, cùm in vespere mater B. Viri impensius suffragijs commendasset, manè claro lumine omnia videntem offendit. His & alij accedant vtroque lumine orbat, qui ad sancti Viri Reliquiarum contactum lumen recepère. In his in Processu enumerantur Patienza puella Ioannis Lucidi filia, Nancidonia Palla Amatricensis, & Iosephus de Maximis Amatricensis, sex annorum puer; qui velle solo sepulchri contactu bis repetito, integram oculorum lucem receperunt. Petrus Paschalis; qui trium mensium spatio, in Trionis Oppido ita insanæ mentis fuerat; vt eum sapè vinculis alligari necesse esset: cum Amatricem ad B. Viri sepulchrum vi perductus fuisset, vix per horæ quadrantem iuxta illud commoratus, sanæ menti redditur; atque eâ deinceps vsque ad obitum potitur. Bartholomæus Mellanienfis iam à multo tempore insaniens, quem vix vincula tenere potuerant, ad sacrarum Reliquiarum aspectum, ac impositionem, statim ad mentem redit. Idem & alteri à Vallona Oppido dementi contigit, ad sanam mentem harum Reliquiarum contactu ad mentem reuocato. Hoc modo & Philippa à Monte Leone, & Lucia Leonissana à phrenesi liberantur. Lucia Lazzari Leonissana ob sobriini cadem extra mentem acta, cùm in insaniam perseueraret ad B. Viri Reliquias, quæ Leonissæ asservantur, ducta, ijsque obsignata, non modò ad mentem reuocatur; sed & à febre, quâ laborabat, eodem tempore curatur. Franciscus Romulus à Leonissâ iam diu à malo spiritu possessus, qui cùm in Fratrem Franciscum à Leonissâ ex nostris Sacerdotem, qui secum B. Viri Reliquias gerebat, fortè incidisset; nequam Spiritus in eum, tanquam suæ Pacis perturbatorem, verbis inuehi cœpit: quem Franciscus, cùm sacris Reliquijs capiti obfessi impositis ad exitum prouocasset; stridere ille primùm, spumare, obfessum exagitare: demùm post vnum, aut alterum diem, liberum hominem relinquere cogitur. Sancia Mercurij Massari vxor, & Diaris à Fondo Vissi, vtraque iam pridem à Dæmonæ obfessa, cùm Leonissæ Viri Dei Reliquias veneratæ fuissent, nefarii spiritus erumpentes, egressus signa dedère, liberasque mulieres deferuère. Porphyria quoque Ioannis Massari vxor, ab infesto Dæmone nuper obfessa, maturè Sacrarum Reliquiarum contactu liberatur.

Postremò Lucia à Monte Leone, & Olympia è Sale Oppido, Dæmonico fascino alligatæ, sacras Reliquias venerantes, à Diabolico vinculo soluuntur. Ludouicus Hieronymi Morelli filius, qui Iosephi vaticinio natus, ab eo Ludouici nomen acceperat, cùm desperatâ penitus salute ægrotaret, B. Viri Reliquijs obsignatus statim perfanatur. Chrysostomum Monutiam à Leonissâ cum morte colluctantem, velut mortuum Parentes lugebant: quo tempore cùm vittâ ex B. Viri habitu præcisâ ægri caput à nostris præcinctum esset, paulò post à morbo liber & incolumis è lecto surgit. Hoc pacto Dominicus Carmellanus Narniensis, Pompeius Picardus Amatricensis, Paulus Nouellus, Baptista Lombardus, Santus de Amicis, Hiacinthus Transius, & Ioannes Baptista Caponius Amatricensis; quorum penitus desperata salus erat, sacrarum Reliquiarum impositione ad salutem reuocantur. Post hoc Ioannes Petronius Leonissanus, Maria Antonia à Castro sancti Ioannis, ad Medicorum desperationem ægrotantes; & Bartholomæus Angelus vnus anni infans, qui non tam moribundus, quàm mortuus credebatur, voto pro ijs ad B. Virum emisso conualescunt. Lucretia Vitellotij Georgij vxor, Meuanienfis cùm febris continuâ correpta plurimos in ægritudine dies duxisset, tandem è vitâ excessit. Iam decem post illius obitum horæ effluxerant, cùm illi funera parantur; Dominicus quidam Camasseus, qui Iosephi catenæ annulum, quo pleraque iam miracula patrata fuerant, domi asseruabat; eos ad B. Viri opem implorandam prouocat; annuloque statim allato, cùm tota Domus familia humi prostrata, Iosepho pro mortuâ excitandâ vota obtulisset; ac piè Dominicam Orationem cum Salutatione Angelicâ persoluisset; Dominicus annulo in aquam demerso, illius aquæ paululum in defunctæ os stillat: quo facto mox oscitat defuncta, frigida membra calefcunt, albescunt manus, rubescit vultus, ac tandem lumina aperiantur, & à mortuis excitata, pulsâ febris conualefcit. Post hanc Carolus Virginie Amatricensis filius, cùm ex vtero Matris mortuus prodijisset; & cunctis in eum, quæ ab obstetricibus adhiberi solent, experimentis tentatis, omni vitæ sensu carere probatum esset, in lecto componitur, vt primo quoque tempore sepulturâ donetur. Interea Mater, quæ Iosephi in eo partu, ex quo moritura credebatur, opem experta fuerat; supplex ab eo tantum filio vitæ postulat, quoad sacrâ Baptismatis vnda frui possit. Iam quartâ ab illius partu horâ effluxerat, cùm B. Viri Reliquias, quas etiamnum sibi impostas gestabat, mortuo filio applicari iubet: quo tempore dum tota

domus familia vnà cum Matre piam obsecrationem ad B. Virum fundunt; en infans in vitæ signum vagitum edit: moxque sacro Baptismate intinctus, cum in eo Caroli nomen sortitus esset, ad biennium vsque vitam produxit. Præter hæc pleraque alia B. Viri miracula enarrantur, quæ ad Crucis, quam is viuens Leonissæ in Portâ Vinearum erexerat, contactum patrata fuere. Huius namque Crucis particulâ collo appensâ, Dominicus Luciae Lauretæ filius febricitans; Elisabetha Pipia membris trunca, Conforti Leonissani filia clauda, Micinella Pulcinia, & Maximilla Ciachetta dentium diu dolore afflictatæ incolumitatem assequuntur. Quibus & alia quamplurima addi possent, quæ scripto minimè excepta fuerunt. At præclarum illud, quod Medicorum iudicio Diuinum comprobatum fuit: ipsius enim sanguis, qui in vitreâ ampullâ penes S. Saluatoris Sodalitium Leonissæ asseruatur, tam recens, rubicundus, ac liquidus conspicitur; perinde ac si eâ die ex illius venis haustus esset. Quo planè & Dei gloria, & B. Viri apud homines sanctitas in dies illustrior apparet; vt qui Diuina hæc in Iosepho miracula suspiciunt, ad altiorem eorum contemplationem emergant. Obijt Vir Sanctus Anno 1612.

## FR. THOMÆ ATRIENSIS.

### MAGISTRI NOVITIORVM

#### VITA, ET GESTA.



**T**ATER THOMAS ATRIENSIS, Neapolitanæ Prouinciæ Sacerdos, Vir ad miraculum pius, & ad Nouitiorum educationem ijs omnibus virtutibus instructus, quæ illustriorem in eo munere administrando, morum Magistrum reddere solent, ita suâ virtutum laude hanc Prouinciâ cumulauit; vt ipsius nominis gloriam nulla vnquam obliuio delere, nulla sæcula conticescere valeant. Hic cum Nuceriæ Paganorum quæ Vrbs est Campaniæ, Nouitiorum curam ageret; nihilque in extremo ante ieiunium Quadragesimale die obsonij, præter casei modicum, in coenâ Fratribus reliquum esset, vni ex Nouitijs, qui inter Nobiliores Neapolitanæ Urbis Familias censebatur, præcepit, vt Psalmos Graduales pro benefactoribus deuotè recitaret. Paret ille confestim. Quid inde? Talai Princeps, qui nullâ eatenus Eleemosynarum

largitione Capucinos profecutus fuerat, eâdem horâ Diuini ( vt idem post hæc factus est ) numinis impulsu permotus, Capucinis coenam ministrat. Hic denique cum admirabili vitæ austeritate, perpetuæ Orationis studio, ac perfecto Regularis obseruantia cultu, posteris omnibus præluxisset eâ die ac loco, quæ sibi ob summam erga Beatissimam Cælorum Reginam religionem à Domino postulauerat; nimirum Sabbathi die Beatiss. Virgini Sacro, atque in ipso Neapolitano Conuentu Immaculatæ eiusdem Conceptioni dicato, magnâ cum sanctimoniam famâ post se relictâ, vitæ cursum peragit Anno 1583.

## FR. FABRITII CAMERINENSIS.

### MAGISTRI NOVITIORVM

#### *VITA, ET GESTA.*

**F**RATER FABRITIUS CAMERINENSIS, Picoensis Prouinciæ Sacerdos præter alias animi virtutes, quibus abundè præditus erat, tam eximiâ honestate præstabat, vt oculorum demissione, vultus pudore, corporis compositione, verborum ac morum honestate, & mulierum omnium fugâ, quàm præclare illa ei in animo inesset, facillè demonstraret. Magistri Nouitiorum aliquamdiu maximâ cum laude in S. Angeli Prouinciâ munere functus, cum in Picenum rediisset, Mateliæ non sine Sanctimoniam famâ diem supremum obiit; cum in morte Dæmonem Dei illi odium persuadentem fortiter repulisset. Mense post mortem elapso, Guardiano apparens, Cœlestem gloriam se à Domino assecutum narrat. Obijt 1584.

FRATER LVDOVICVS à SVIMONA Concionator, ac Magister Nouitiorum, in Aprutienfi Prouinciâ magnis ob vitæ innocentiam, morum disciplinam, Regulæ obseruantiam, atque omnium Evangelicarum virtutum exempla, laudibus effertur: cum eò innocentia peruenisset vt cum aurbus Cœli luderet, moriens, in splendidi fulgoris modum, à Nouitio Aquilano  
 è viuis emergere cernitur,

Anno 1588.



FRATER SECVNDIVS ASTENSIS FRATRVM  
CAPVCINORVM MAGISTER NOVITIORVM.



Fr. SECVNDINI ASTENSIS.  
MAGISTRI NOVITIORVM  
*VITA, ET GESTA.*



**E**RATER SECVNDINVS ASTENSIS, Sacerdos, Vir omnium virtutum odore fragrans, ex honestâ illius Urbis familiâ fatus, cùm primùm Iuuentutis florem attingit, maturè illum Deo in Capucinorum Religione consecrauit. Ab ipsis suæ conuersionis incunabulis summarum virtutum fundamenta iaciens, ijs tam præclaram deinde Regularis perfectionis molem superstruxit, vt inter præstantiores, atque illustriores illius Prouinciæ Viros omnium voce censeretur. Carnis enim primùm maceratione tantopere excelluit vt perpetuo corpori bello indicto, illud tanquam hostem quotidianis loris perstringeret; neque communibus contentus, cùm Dominicam flagellationem flagris ad sex vel septem horarum spatia protractis, antiquâ apud nos traditione constare accepisset; tùm ad Dominicæ Passionis memoriam, quam sedulò in animo versabat; tùm etiam ad ampliorem corporis castigationem, captatâ occasione, in quadam Beatissimæ Virg. Æde noctem totam pernoctans, nudato corpore flagellationem ad Matutinum vsque tempus protendit. Rursus, cùm hanc Domini flagellationem celebrare vellet, in Insulam Sepurtano, quæ nullos incolas habet, adnauigat; nauicularioque septem horarum spatium præscribit, quo peracto ad eum redire debeat. Ibi inter dirutos Cœnobij alicuius parietes, copiosos ob Dominicæ Passionis memoriam lachrymarum imbres ex oculis fundens, longam flagellationem instituit; quam cùm ad septimam vsque horam produxisset, tam ex eâ languidus euasit, vt ferè exanimis ad Conuentum redierit. Hanc ille Dominicæ Passionis flagellationem tam Cacodæmoni exosam affirmabat, vt cùm eum sæpe aliàs aggressus esset, inuidi Cacodæmonis minis, ac terroribus impeditus integram vix vnquam absolvere potuerit. Carnem quoque crebris ieiunijs præter consueta institutis confodere; membra quotidianis laboribus defatigare; corpus denique vigilijs, & alijs vitæ austeritatibus ita extenuare consueuerat, vt myrrhæ fasciculum ex omnibus veræ poenitentiae amaritudinibus collectum sibi collegisse, atque inter vbera collocasse videretur.

Tam sedulo Orationis studio in Deum ferebatur, vt nullum illi ab Oratione tempus vacuum esset: quanquam verò longas, nocte præsertim in rerum Diuinarum contemplatione vigilias duceret; tantâ nihilominus in eâ Diuini spiritus suauitate fruebatur; vt neque vllâ corpus somnolentiâ grauaretur, neque ex orationis diuturnitate animi molestiam contraheret: quin sæpè binas ac æternas horas eodem in loco fixus, atque immobilis consisteret. His tandem virtutum vniuersitas succedit, quæ tam præclare in Secundino elucebat, vt totius Regularis obseruantia, atque Euangelicæ perfectionis summa esse videretur. Vigueria cum pestis grassaretur, insignis huius Viri charitas, & patientia effulsit: plurimis enim ex nostris eâ tabe infectis, cum omni studio & charitate ministrasset, eadem quoque ipse correptus, tantâ animi alacritate morbi illius molestias tulit, vt cum noctes vndecim vi morbi præpeditus, insomnes duxisset, in his Diuinas semper laudes decantaret: ex quo tandem conualescens, in Aquitaniam mittitur; vbi ob præclaram vitæ sanctimoniam, ad Nouitiorum Magisterium vocatus, tot nouis Tyronibus virtutibus prælucebat, vt sola Magistri vita, discipulis omnium virtutum disciplina esset. Contigit etiam aliquando, vt ex Tyronibus quidam, dum ignem ex silice excutere nititur, quo extinctam Ecclesiæ lampadem accendat, frustra pyritem percuteret. Cui Secundinus: Quid (inquit) in igne excutiendo tantopere laboras? en ignem. Cumquæ lampadis elychnium suâ manu ad ignis flammam composuisset; ecce ex elychnio extemplò flamma erumpit, quæ ardentem lampadem præstat. Neque hoc tantummodò; sed & alijs quoque signis Deus serui sui sanctimoniam declarare voluit. Mariam enim quandam iuenculam, quæ in Fibini Liguriæ oppido iam quadriennio diutinâ quâdam ægritudine laborauerat, pallio suo contegens, pristina incolumitati restituit. Alterum quoque puerum Bartholomæum nomine, ab elephantia morbo Pinarolij ipsius oratione curatum ferunt. Cum igitur in Aquitanie Prouinciâ, in Nouitiorum educatione nondum cursum explisset, Tolosæ diutino morbo correptus est; in quo præclara patientia, ac veræ sanctimoniæ testimonia posteris reliquit, & tandem ad extremum vitæ occasum est perductus. Dies erat pervigiliæ Dominici Natalis celebris: quo tempore Nouitius ex suis quidam Iosephus nomine, vt Magistrum iam ad finem vitæ tendentem exhilararet, clarâ voce illi Ecclesiæ verba, quæ eâ die decantantur-

occinere cœpit: *Hodie scietis, quia veniet Dominus; & manè videbitis gloriam eius.* Quæ cum Vir Dei audisset, tanto mens illius gaudio affecta fuit, vt Iosephum rursus ea verba repetere cœgerit. Tum in strato sedens, quasi ea ex ore Angeli accepisset, tot obortis lachrymis Deo ex animo gratias agere cœpit, vt adstantes Fratres magnam pietate, tum voluptate afficerentur. Eam siquidem Domini Natalis diem sibi postremam expetierat, atque à Deo postulauerat. Quare cum totum illud peruigilium in Dei laudibus consumpsisset, Dominici Natalis diem, vt prius sæpè prædixerat, hinc emigrans, cum Domino celebrat, Anno 1589. Vix autem ipsius obitus rumor per Urbem diffusus, cum maxima protinus populi multitudo ad illius funera conuenit; & quem viuentem verum Dei seruum probauerat, debitum defuncto honorem & venerationem persoluit.

## FR. DIONYSII ALETINI.

### MAGISTRI NOVITIORVM

#### VITA, ET GESTA.

**R**ATER DIONYSIVS ALETINVS Concionator, cum plurimis in Hydruntinâ Prouinciâ virtutibus floreret, potissimum tamen honestate, & castimoniâ ita effulsit, vt communis omnium fama illibatæ virginitatis dono præditum fuisse, prædicauerit. Virginitati verò tanta morum honestas, tantus mentis candor, tanta rerum Diuinarum, ac præsertim cum Sacrosancto Missæ Sacrificio incumberet, lux & sapientia, tanta in omnibus pietas comes accedebat, vt multiplici illius virtute perspectâ, maturè tum ad Nouitiorum curam, tum etiam ad varios huius Prouinciæ honores, & administrationes vocatus fuerit. Regularis obseruantia, si quis alius vnquam, acerrimus propugnator fuit. Inter hæc Dei Verbum maximo charitatis æstu prædicans, vberem semper animarum fructum Deo referre consueuerat. Tantam quoque ipsius Oratio apud Deum vim sibi vendicauerat, vt maris tempestatem, oratione ad Beatissimam Virginem directâ, mirabiliter sedauerit. Ex Romanâ tandem Urbe, quò ad quædam Prouinciæ suæ negotia pertractanda missus fuerat,

rediens,

rediens, cum Luceriam Apuliæ Urbem appulisset, supremo morbo correptus, Cœlestia, Clarâ Maluindâ Mattiolenſi, insignis Sanctimoniae Tertij Ordinis S. Francisci Moniali spectante ac prædicante, penetrauit. Anno 1589.

FR. BARTHOLOMÆI CAESENATIS.  
MAGISTRI NOVITIORVM,  
VITA, ET GESTA.



**E**RATER BARTHOLOMÆVS CÆSENAS, Sacerdos, illustris sanctimoniae Vir; Hic Sacerdotio inunctus, vnâ cum altero illius Urbis Sacerdote tam effrænem vitam ducebat, vt nullis vterque sceleribus parcerent. Inter hæc tamen corruptissimæ vitæ scelera, quidam illi erga Beatissimam Deiparam Religionis igniculus animo inerat. quo eam quotidie Hymno illo: *Stabat Mater dolorosa, &c.* venerari consueuerat. His itaque turpioris vitæ tenebris immerſus, dum aliquando solitam precationem orat, in mentis excessum raptus, in igneum pelagus se deportari videt: in quod demersus, cum acrius à flammis cruciaretur, circumspiciens, amicum Sacerdotem eiusdem pelagi flammis obrutum animaduertit. Inter hos ardentes pelagi fluctus, dum miser præ dolore exclamat; en Beatissima Virgo è Cœlo delapsa manum porrigit; eumque è pelago eductum, his verbis affatur: Bartholomæe, quandoquidem tam grauius meum, ac Dei filium tuis sceleribus læsisti; hinc si saluus optas emergere, illius te conspectui adstare, atque ab eo criminum veniam poscere oportet. Cum primum igitur coram Dei filio Bartholomæus apparet, confestim ab eo duris verbis reijcitur; à Deiparâ verò confortatus, iterum ad Iudicis pedes supplex seipsum prosternit: à quo rursus vultu iracundo expulsus, nihil præterquam suæ damnationis sententiam à Iudice expectabat; cum illum Beatissima Virgo secum assumptum ad Filium ducit, qui Beatissimæ Matris precibus permotus, eidem hac conditione ignoscit, vt præterita peccata pœnitentiâ deleat, ac vitam in meliorem commutet. Post hæc ab excessu rediens, cum literas à Fratre accepisset, quibus certior fiebat, amicum Sacerdotem, eo planè tempore, quo hæc illi visio manifestata fuerat,

glande appetitum repente interiisse, meliori apud se consilio inito, ad Fratrum Obseruantium Familiam aduolat; in quâ, cum aliquot annorum spatio religiosam vitam duxisset, demum arctioris disciplinæ studio ad Capucinos se confert. Hic tamen Bartholomæus, cum negligentius virtutum studia, ac præsertim Regularem obedientiam prosequeretur, periculi à Deo in somnis admonetur: dum enim communi orationi vacat, leui quodam sopore oppressus, Romam sibi proficisci videbatur; sed cum viam ignoraret, en puer egregius illi protinus obuiam fit, qui se illi itineris ducem exhibet, ac per angustam semitam, horridaque loca, ad inferorum tandem barathrum (vt ipsi videbatur) deducit. Quapropter Bartholomæus altis infaustum hunc diem gemitibus deslebat; antiquaque Deiparæ auxilia animo repetens, ipsius tunc impensius patrocinium implorabat, cum tenuem lucem lucis radium sibi illucescere vidit, post lucem vox ab eo audita, clamantis: Bartholomæe, egredere, & veni. Statimque è lacu Diuinâ quâdam virtute euectus, almam Dei Matrem conspicit, quæ his eum verbis compellat: Festina, Bartholomæe, ac me præeuntem sequere. Ab eâque in magnificam quandam Regiam perductus, in eâ Dei Filium vnâ cum duodecim Apostolis conuiuantem cernit. Protinus Beatissima Virgo tres illi eduliorum lances suis operculis instruendas, Christi, & Apostolorum mensæ apponendas porrigit. Duas porro ille lances cum satis appositè componeret, tertiam nullo vnquam pacto ita concinnare potuit, quin semper ineptè in alteram partem penderet, atque edulium effunderet. Monebat Beatissima Virgo; vt diligentius lancem componeret: at cum is nullâ ratione rectiùs eam concinnare valeret, atque hoc modo lancem Dei Filio epulanti obtulisset; ab eo grauius tam incompositæ lancis increpatur. Graui igitur hac Christi Domini increpatione, quæ visum conclusit, cum Bartholomæus tremebundus è somno euigilasset, eodem tempore Diuinitus totius huius visus mysterium, ac declarationem accepit; tresque illas lances Christo offerendas, tria, Paupertatis, Castitatis, & Obedientiæ vota esse, tertiam denique, quam Bartholomæus tunc quidem rectè componere non poterat, obedientiæ votum præferre. Hoc itaque visu Vir Dei adeo in morum correctione, ac virtutum omnium studio profecit, vt non modò obedientiæ, sed & totius Regularis obseruantie deinceps exemplar fuerit. Nam præter Dominicos dies, in quibus communi cum alijs escâ fruebatur, reliquos, aut panis, & vini ieiunio consecrare, aut cibo vacuos præterire consueuerat.

Carni tam acre bellum hoc tempore indixit, vt eam horrido cilicio domaret, diris, verberibus, præter consuetum, cæderet, nudis tabulis, cum ei quiescendum esset, exciperet, tamque parcum illi somnum indulgeret, vt ad tertiam vsque non amplius horam quietem tenderet: reliquam verò noctis partem sacris vigilijs, quas in oratione, & lachrymis, rerumque Cœlestium contemplatione insumebat, velut legitimo sempiterno tribueret. Humilitate verò, paupertate, mansuetudine, patientiâ, sui ipsius contemptu, & cæteris animi virtutibus, in quibus Euangelicæ perfectionis studium consistit, tanto opere præcellere visus, vt Nouitiorum illi tandem educatio credita fuerit. Has animi virtutes, ac potissimum Orationis studium, cum Satan nimis ægrè ferret, varijs eum modis aggreditur. Cum enim Ferrariæ in Ecclesiâ post Matutinas Horas de more oraret, Satan, grandioris asini formâ assumptâ, orantem calcibus aggreditur; ac tamdiu fugientem prosequitur, quoad ille plerisque calcibus elusus, in cellam se conferret. Rursùm, cum in Choro orat, tantus aliquando in eum irruit sopor, vt cum eum nullâ vi, aut ratione superare posset, in cellam dormiturus se contulerit. Vix autem lodicem complicat, cum sub eâ ingentem colubrum caput effeientem conspiciens, sub eo statim Dæmonem delitescens agnoscit. Cui Bartholomæus: Iam (inquit) ô Satan, inter nos paciscamur: Tu in hoc strato dormies; ego verò Ecclesiam oraturus repetam. Sæpius quoque à Dæmone illusus, festinatò Ecclesiam repetens, astus illius deludit, minas paruipendit, atque ad præstantiora se virtutum studia in dies magis ac magis extendit. Hinc tam Cœlesti sapientiâ præditus erat, vt cum primùm quemquam Religionis habitu donaret, nùm in Religione constans, vel instabilis futurus esset, citrà dubitationem prædiceret. Prophetico hoc illum à Deo spiritu donatum, inde quoque perspectum fuit, quod Episcopatum Germano cui-dam ex nostris Fratri prædixit. Puerum quoque à stomachi languore liberat. Cumque Bononiensem Prouinciâ plurimis virtutibus, ac vitæ sanctimoniâ illustrasset, plurimosque suæ virtutis æmulatores reliquisset, senio ac austeritatis consumptus, ad immortales concessit Anno 1592.

\* \* \*

## Fr. HILARIUS CEBENSIS.

PEDEMONTANVS, MAGISTER

NOVITIORVM.

**H**RATER HILARIUS CEBENSIS, PEDEMONTANVS, Sacerdos, in Genuensi Prouinciâ Vir virtute præclarus, cum multos in Novitiorum educatione, magnâ cum prudentiâ, ac virtutum laude, annos consumpsisset, sæuâ lue Pedemontanam Regionem occupante; dum ardentioris Charitatis æstu incensus, peste laborantibus, simul cum Hieronymo à Vigueriâ Socio ministrat, eodem morbo consumpti, præclarum vitæ finem fortiuntur: quorum suffragia post mortem ad mulieris obsessæ opem implorata, eam à Dæmonum potestate vendicarunt.

Obijt anno 1598.







FRATER MATTHIAS A CONCHA FRATRVM  
CAP. MAGISTER NOVITIORVM.

Fr. MATTHIAE A CONCHA.  
 MAGISTRI NOVITIORVM  
*VITA, ET GESTA.*



RATER MATTHIAS à CONCHA, Sacerdos, puer Ludouici nomine in sacro Baptismate donatus, mira à Parentibus instillata pietatis rudimenta hausit : adolescens verò, cum nonnullas parentum capras pasceret, ita se ab adolescentiæ vitijs immunem seruauit, vt nulla in eo vitij labe deprehendi valeret. Quinimò, cum vigesimum ætatis annum attigisset, sponsam illi à parentibus ex inito contractu paratam, tanto animi fastidio recusauit; vt nec sponsam intueri, nec illius ædes ingredi vulerit. Ludouicus igitur, cum perpetuam Deo castitatem vouere decreuisset; ne ea iterum in discrimen pertraheretur, patris domum deserens, in quoddam Fratrum S. Dominici Cœnobium se confert, ijsquæ studiosè per biennij tempus famulatur. Eo expleto, Clericalem habitum indutus sese ad litteralia studia confert; in quibus tot breui tempore profectus dedit, vt & ludum litterarium aperiret: Sacro autem Sacerdotio inunctus, sacram Ædem S. Antonio Abbatii dicatam, piorum eleemosynis instaurat, in eâ quotidianæ Missæ Sacrificia offert, atque in hanc intempestâ nocte secedens, cum plerasquæ in Oratione horas infumeret; Deo tandem intus inspirante, trigessimum iam ætatis annum agens, ad Capucinorum se gremium transfert; & sub Matthiæ nomine in Seraphicis S. P. Francisci castris militare incipit. Quàm asperâ hic vitæ austeritate, nouum spiritualis vitæ tyrocinium auspicatus fuerit, perpetua ferè ieiunia ad panis & aquæ inediam contracta, quotidianæ flagellationes cruore redundantes, asperissima cilicia, quibus implacabile carni bellum indixerat, duræ super nudas tabulas cubationes, breuissimus somnus, proluxæ vigiliæ, quæ vsque adeò carnem exsiccauerant, vt sola cutis ossibus adhereret; atque aliæ corporis macerationes, abundè testantur. Quot verò inde animo virtutes pullularent, haud facile referri potest: hinc tam profunda in eo humilitas elucere cœpit, vt honores ac dignitates sibi oblatas non solum refugeret, verum & ab his summo opere abhorreret. Sui quoque abiectiōe, ac despectu ita delectabatur, vt cum propter sanctimoniæ famam iam vbique

de eo euulgatam ad eum populi confluerent; eo tam grauius afflictabatur, vt in vberes sæpè lachrymas erumpens, has Caco-dæmonis insidias, & grauiore persequutiones appellaret. Hinc mira Viri patientia pullulabat, quam semel acri ac mordaci Prælati alicuius reprehensione (qui, num famæ acta responderent, periculum facturum ad eum accesserat) exceptus, probatam reliquit. Perfectam hanc Viri patientiam quædam animi magnitudo consequebatur, quâ contra aduersos rerum casus ita communiabatur; vt quicquid mali accidisset, sibi encomium adscriberet. Hanc quoque læta rerum paupertas, simplicitas, animi candor, quo de nullo malum vnquam suspicari poterat, ardens quædam ad omnia virtutum studia cupiditas; potissimum verò sedulum, & infatigabile orationis studium comitabatur; in quo cùm integras interdum noctes infumeret, haud tamen eo exsaturari vnquam videbatur. Porro huius Viri oratio tota lachrymosa, & gemitibus plena erat, quæ cùm in Dominicæ Passionis meditationem vt plurimum ferretur, eum plerumque ad extaticos raptus compellebat. Hinc nonnunquam eo orante, velut accensæ faces in Ecclesiæ tecto ardere visæ, quæ ardentem huius Viri orationem significarent. Ex hoc tam assiduo orandi studio, velut ex consortio sermonis Dei, tam copiosa in Matthiæ animo Diuinitus lux indita fuit, vt & ipsa, quæ futura erant, Diuinâ reuelatione prænosceret. Hieronymæ Cicarellæ è Iuliani oppido. Filio in Belgium contra matris voluntatem pertinaciter proficiscere volenti, graui eum in Belgio ægritudine corripiendum: quâ tamen incolumis domum rediturus esset, breui tamen post reditum tempore superstitem futurum prædicit. Casertæ cùm creditam sibi Vir Dei Nouitiorum curam ageret, ex his quidam cùm carnis tentationes, quas nunquam Magistro aperuerat, se ferre posse desperaret, discessum ab Ordine cogitabat. Hunc Matthias in Conuentus syluam aliquando secum ductum, dum mundi & carnis illecebras fugere, ac Diaboli tentationibus obsistere docet, virentem quendam herbarum syluestrium cumulum manu indigitans ait: Vides, Fili, quàm pulchra, quàm pinguis, quàmque oculis iucunda est illa herbarum massa, quæ tamen tam citò arefcit. Huic prorsus simillimæ sunt mundi, carnisque voluptates; de quibus Dauid Psalm. 89. *Manè (ait) sicut herba transeat, manè floreat, & transeat: vespere decidat, induret, & arefcet.* At si in solâ earum breuitate tota carnalium voluptatum

perniciës sifteret, malum planè tolerabile esset: Verùm cùm sub his dira serpentis venena lateant, quæ æternum animæ interitum parant; quid hîc periculosius, esse potest? Fili, tu ipse iudica. Id verò, vt ipso rerum experimento certius addiscas, nonullas ex densâ illâ massâ tibi herbas collige, quas ad me perferes. Proce-  
dit Nouitius: cumquæ iam vt herbas euelleret, massæ manum admouisset, tres in eâ colubros vnâ agglomeratos cernit; quo-  
rum Nouitius aspectu territus, in ijs Mundi, Carnis, & Dia-  
boli insidias agnoscit: qui dum inter carnis voluptates delitescunt,  
suo propius accedentes veneno inficiunt, æternumquæ illis interi-  
tum moliantur. A tentatione igitur liber, stabilis deinceps in  
Religione permansit. Iuuenem quendam Capuanum, mulierem  
sibi ad turpes vsus enutrire cogitantem, durius increpat, intimas  
animi cogitationes aperit, Capucinatorumquæ Religioni adscriben-  
dum prænunciat: quod quàm Prophetico spiritu prædixerit, breui  
rei euentus probauit. Andrea Massarum in Hispaniam proficisce-  
re cogitanti, futurum naufragium præsignificat; ac tandem, rem  
Deo aliter disponente, accidit, vt ex Neapolitani Proregis trire-  
mibus, quibus Andreas in Hispaniam vehendus erat, nonnullæ  
grauissimâ maris tempestate iactatæ, naufragio perierint. Hiero-  
nymæ Columnæ filio, qui Hipponij deinde Dux fuit, grauissimè  
ad mortem ægotante, breui illum ad pristinam incolumitatem  
rediturum annunciat. Duratiani mulierem iam diu phrenesi labo-  
rantem offendens, pro eâ genuflexus vnâ cum Socio Beatissimæ  
Virginis Litanias persoluit; moxquæ ad Coniugem: Amice, in-  
quit, ne te diutina hæc vxoris ægritudo conturbet: octauo enim  
necdum elapso die ad mentem, & incolumitatem reuertetur. Nec  
dubia res fuit: ea siquidem ante octauum diem, mente & cor-  
pore sana, Deo liberatori, & Viro Dei gratias reddit. Francisca  
Raëma, cùm pro filio febre grauiter ægotante, Viri Dei apud  
Deum opem imploraret, hæc ab eo audit: Quid, mulier, pro  
puero rogas? reuerrere, iam puer conualuit; eumquæ cum pri-  
mùm domus tuæ limen attigeris, trocho ludentem offendes. Cre-  
dit illa, puerumquæ ante domus fores incolumem, ac luden-  
tem conspicit. Idem verò puer, cùm iterum post triennium ægro-  
taret, ad eum Matthias accedens, his matrem verbis alloqui-  
tur: Francisca, puer ad meliora vocatur: sine, vt Cœlestium se  
puerorum agmini adiungat; puerquæ octauo post hæc die ad su-  
peros euolat. Huius quoque Franciscæ filiam, Elisabeth nomine,

cum eam attentius aliquando intuitus fuisset, quamvis valetudine potiretur, breui IESV Christo sponso suo in Cœlo associandam præmonet; quæ paulò post repentino morbo correpta, ad Cœlestem sponsum migrat. Huic denique Franciscæ, quæ ob Viri zelotypiam graues ab eo molestias patiebatur, celerem eius obitum prænunciat. Carolo de Cardonas, Laudis Marchioni masculam prolem suâ oratione impetrat: at vxoris mortem prædicit, filiumque suâ benedictione muniens, non mundo, sed Deo famulaturum præsignificat: qui cum primùm adoleuit, se Deo in Clericorum Regularium, qui Theatini nuncupantur, Religione consecranit. Postremò, Antonio à Quatriâ, Neapolitanæ vrbis Iudici, quem breui moriturum Diuinâ reuelatione acceperat, contulit; vt neglectis huius sæculi honoribus, quasi quotidie moriturus, veros à Deo honores exoret. Qui breui acutâ febre correptus, omni cum pietate vitam cum morte commutat. His quamplurima miracula succedunt, quibus D. O. M. serui sui sanctitatem illustrare voluit. Cum enim magna frugum inopia Neapolitanum Regnum occupasset, Fratresque in Casertæ Conuentu, vbi plurima tunc Nouitiorum turba alebatur, pane carerent, Matthias arcam panariam, in quâ nec panis frustulum supererat, grandioribus panis placentis suâ oratione plenam reddit. Hac ipsâ famis tempestate, cum pauperibus fame pereuntibus, is pultem sibi in mensâ appositam, ad pauperum alimoniam contulisset, ea Diuinâ virtute ita aucta & multiplicata fuit, vt pauperum turbam aleret. Antonio de Alois, Casertano Benefactori, dolium vino vacuum, Crucis signo in fronte consignans, plenum reddit. Rursus, Franciscæ Raimæ, Casertanæ vappam in generosum conuertit; ac paulò post vinum in altero dolio multiplicat. Hac ipsa Franciscæ, cum faucibus graui anginâ occupatis ad lethum aliàs properaret, Crucis signo à sancto Viro accepto, statim conualuit. Similiter cum in eiusdem hortulo Iuuenem quendam ex altæ arboris culmine in terram prolabentem cerneret, IESV nomine inuocato, illum prorsus, ac sospitem reddit. Tertiò quoque, cum Horatius de Alois, huius Franciscæ coniux, ab agasone verbis laceratus, sustem Matthiâ præsentem, tam grauer illius capiti illisset, vt illud protriuisse crederetur, suâ Vir Dei oratione, ac sancti Nominis IESV inuocatione, ita illum ab ictu illæsum seruat, vt nec vllum vulneris signum in capite apparet. Fabricium de Alois octo iam mensium spatio quartana febre

laborantem, Centurionis Euangelio super eum lecto, à febre liberat. Elisabethæ Crispinæ pedissequa, diutinâ sex annorum paralyfi afflictâ, post orationem, & Crucis signaculum ab eo ipsius fronti impressum, nec non sacræ ceræ Agnum eiusdem collo appensum, mox à paralyfi libera, & incolumis è lecto surgit. Princeps Casertanus ad Medicorum desperationem ægotans, à sancto Viro post orationem, manuum impositione sanatur. Lucij quoque Caprij Nobilis Casertani filius, quem longa morbus ad certa funera rapiebat, cum ab eo signum Crucis in fronte accepisset, his verbis compellatur: Fili, Beatissimæ Cœlorum Regina, gratus esto, perpetuâq; illam veneratione amplectere: ab eâ siquidem tibi vitæ beneficium confertur. Protinusq; horum pustulæ evanescentes, puerum sospitem reliquerunt. Octavius de Albinâ, gravissimâ febre laborans, dubiam vitæ spem Physicis relinquebat; cum Vir Sanctus noctu preces, & lachrymâs Deo pro ægotantis salute offerret, is contra Medicorum expectationem Divinâ virtute salutem consequitur. Mariam Octavij cuiusdam filiam, ad mortem ægotantem, absens sua oratione sanat. Nonnullo post hæc tempore elapso, Aurelia prefatæ Mariæ mater gravissimâ agitudine oppressa, certa futuræ mortis signa ediderat, cum Matthias, ad eam accedens, eo conspecto pedissequa exclamat: En Matthias, en Matthias. Eâ voce ægotans, quæ morbo confopita iacebat, velut è somno vigilans, caput attollit; tum vestes postulat, summâq; omnium admiratione è strato exiliens, obuiam Viro Dei procedit; atque ad illius pedes prostrata, eiusq; apud Deum opem implorans, convalescit, ac perfectam brevi incolumitatem adipiscitur. Angelus de Alois, cum ad tertiam hecticæ febris speciem, in quâ solidæ corporis partes resoluuntur, tandem pervenisset, à Medicis velut insanabilis certæ neci adiudicatus fuerat; quem cum Matthias consolatus esset, post Beatissimæ Virginis Litanias pro eo persolutas, aquam, quâ sitim extinguat, ab eo postulat. Adfertur aqua: bibit Matthias: atque inde discedit. Angelus verò, qui Viri sanctimoniam non ignorabat, illud aque residuum deposcit; multâq; fide fretus ebibit, convalescit; ac tertiâ post hæc die incolumis è lecto surgit. Antonia de Alois ab infantia lunatica, cum nullo unquam remedio curari potuisset, Matthiæ precibus commendatur: qui sacris Beatissimæ Virginis Litanij recitatis, ubi ter illam in fronte Crucis signo consignavit, ac Deo sanandam à Matre tulit, eam protinus incolumem præstat. Alter eiusdem Familiæ Camillus de Alois, colico dolore prægravatus, à Dei Seruo eodem Crucis

signo communitus, statim in salutem vendicatur. Quartus etiam Horatius de Alois, qui graues cum nonnullis simultates gerebat, cum omnem in sancti Viri precibus vitæ suæ spem collocasset; accidit aliquando, ut secundâ noctis horâ, dum pro eo Vir Dei in Ecclesiâ orat, is domum rediens in hostes incideret: qui dum illum aggredi, & vulneribus confodere parant; en Matthias repente inter illos apparet, qui suauibus verbis eos ab hominis cæde reuocans, Horatium superstitem seruat. Idem Horatius, cum Matthiam aliquando mensâ accepisset, dum cristallinum vas vino plenum eidem hauriendum porrigit, illud è manibus elapsum in pauimentum lapide stratum eliditur: quo tempore Vir Dei Horatio: Ne metuas (inquit) nullum vas damnum patietur. Vas autem in solum perlatum, perinde ac si pila esset, è lapide resiliens, integrum suscipitur. Huius domus Procurator, Iulius nomine, cum propter neruorum contractionem vix moueri posset, Centurionis Euangelio à Viro Dei super eum lecto, eodem tempore persanatur. Tiberius à Vineâ, Nobilis Casertanus, acutâ febre ad extremum vsque spiritum laborans, cum à sancto Viro Crucis signo iuuari poposcisset, eo accepto, protinus à febre curatur. Hoc modo Faustina de Gennasij, quæ acutissimâ febre correpta magno in vitæ discrimine versabatur, Scipionis Falechi, iudicis Sorrentini filius paralyticus; & Ludouicus Iesualdus, cuius alterum oculum ingens quidam tumor occupauerat, signo Crucis ad incolumitatem reuocantur. Iulia Caselana fascino dementata, ad Virum Dei confugiens, cum Iesv nomen in chartulâ scriptum ab eo accepisset, mox ad mentem reuocatur. Plerasque huiusmodi chartulas, & Serui Dei habitus segmina, cum Rufinus à Binuniano ex nostris Sacerdos secum in Calabriam detulisset, his quamplurimos ægrotos persanatos fuisse testatur. Inter hos Frater Gratianus à Moromanno, ex nostris Laicus, qui triennij spatio blasphemiarum spiritu tam grauiter tentatus fuerat, ut sibi inter inferos versari videretur; cum hoc habitus sancti Viri præsegmen sibi adhibuisset, mox ab eâ tentatione liber, summâ deinceps spiritus pace potitur. Idemq; cum graui herniâ laboraret, eiusdem segminis contactu ab eâ liberatur. Post aliquot tempus cum Cæsar Lucretiæ Pelegrinæ filius in morbum incidisset, Lucretia sancti Viri mantile ægroti capiti imponens, mox sanum recipit. Accidit verò, ut cum Cæsar ad vigesimum propè annum accederet, rursus ægrotare cœperit, & morbo ingrauescente ad extremam vitæ lineam properaret: quo tempore lethargo correptus consopitis sensibus, nullam vitæ



spem integram relinquebat. Igitur extremum ægrotanti mantile imponitur; quo contactus paulò post Virum Capucinum despecto habitu indutum, sibi apparentem cernit; qui cum coram Beatissimâ Virgine genuflexus ab eâ mantile accepisset, eo Cæsaris caput contegit: quo contactu cum ægrotus aliquantisper è morbo recreatus, ac sibi redditus videretur, mox utriqûe, & Beatissimæ Virgini, & Capucino Viro, quem Matthiam esse agnouerat, se ad Capucinorum gremium euolaturum pollicetur. Cumque matri, Beatissimæ Virginis, & Matthiæ visionem narasset, eodem temporis momento perfectæ incolumitati redditus, ad Capucinos euolans, Deo ac Beatissimæ Virgini votum exoluit. Elisabetha Caracciola, graui capitis vertigine septem annorum spatio vexata, solo beati Viri manus contactu ab eâ liberatur. Alteram quoque mulierem Neapolitanam Lucretiæ Iesualdæ affinem, quæ iam biennio phrenesi laborauerat, cum Vir Sanctus sacro Christi Corpore pauisset, perfectam illi à Beatissimâ Virgine incolumitatem impetrat. Postremò dum Matthias vnâ cum Pacifico Salernitano, eximæ virtutis Viro, Sueffam proficisceretur, præcedebat Matthias, Completorii horam exoluens; quo tempore ingens coluber ex arbusco erumpens, transuersum se illi in viâ præbet. Iam ad eum Psalmi nonagesimi versiculum peruenerat, in quo legitur: *Super Aspidem & Basiliscum ambulabis, & conculcabis Leonem & Draconem.* Quapropter illâ Dei promissione fretus, colubrum intrepidus calcit, iterque suum prosequitur. Cumque Pacificus colubrum, vt inde aufugeret, baculo contingeret, viuentem quidem animaduertit, verum iam virtute prostratum, vt Matthiæ pes omnes illi vires ademisse videretur. His, atque alijs quamplurimis signis, quæ Dei virtus per seruum suum operabatur, quandoquidem per omnes ferè Neapolitani Regni plagas illius sanctitatis fama diffundebatur; eò fiebat, vt cum eum per Oppida transire contingeret, populi agminatim ad eum confluerent, ac velut sanctum venerarentur: tam enim ardens erga illum erat populi deuotio, vt complimentum turbarum, quæ ipsius habitum in frustra certatim præscindebant, vix interdum periculum euaderet. Is verò sæpè exclamans, & lachrymas fundens, indignaque de seipso prædicans, turbas à sui veneratione cohibere conabatur. Verum id frustra: quo enim sui ipsius magis despectum alijs persuadere nitebatur, eò maiori illum omnes honore prosequiebantur. Quamplurimis itaque,

magnâ cum virtutum sanctimoniâ annis in Religione ductis, cum Vir Dei ad ultimam huius vitæ lineam accederet, tertiumq; ante obitum diem, qui à Ioue denominatur, sacris Mysterijs celebratis, integrum incolumis duxisset, in ipsâ sequentis diei luce, repentino morbi symptomate corripitur; Moxque Medici consilio venâ incisâ, ab eâ sanguis emittitur, qui in vitreâ ampullâ asseruatus, tam liquidus ac rubicundus post illius mortem integri mensis spatio conspicitur, vt eâdem horâ è venâ eductus videretur. Cum igitur ob nouum symptoma sacrum Missæ Sacrificium eâ die offerre Deo minime potuisset, Domini saltem Corpore se refici postulat, totumque illum Feriæ sextæ diem in Dei laudibus infumit; dieq; obitus sui prænunciato, vix sacro Extremæ Vnctionis Sacramento inunctus, illucescente die in Casertano Conuentu ad æternæ lucis, quæ occasum nescit, diem euocatur, quod multis Cœlestium signorum argumentis non obscure comprobatum fuit. Tanta enim mox populi frequentia ad Conuentum confluit, tantoq; deuotionis impetu in eius corpus ferri visa, vt faciliè illud præ immoderato pietatis æstu discerpisset, nisi Casertanus Princeps eò cum armatâ militum manu accedens, se corporis custodem exhibuisset. Triduo igitur corpus inhumatum, ter quoque illud tunicâ indui oportuit; tot enim eo tempore turba in frustra habitus dissecuit, ac quæcunque illius olim vsui seruierant, deprædata fuit: suauissimus quoque odor ex ipsius corpore effundebatur, palliumque, quo Vir Dei viginti quinque annorum spatio vsus fuerat, à Marcello Pignatello Nobili Neapolitano asseruatum, eandem odoris fragrantiam exhalabat. Eodem etiam odore suaueolet sanguis ex illius brachio ante obitum expromptus, decimoq; post sancti Viri obitum anno, in die Parasceues colliquescere videtur. Quo verò tempore sancti Viri corpus in feretro iacebat, Elisabetha Caracciola, Casertæ Principissa quæ diuturnum stomachi languorem passa fuerat, à Sacerdote sancti Viri manu Crucis illi signo in pectore formato, mox se à stomachi languore liberam prædicat. Hoc modo Virginia Gambacurta à diutino capitis dolore liberatur. Horatius Coscia, qui sancti Viri Capucium à Fratribus dono acceperat, cum grauissimè colico dolore torqueretur, vix illud sibi renibus adhibuit, cum pulso dolore incolumis euasit. Post hæc illud ipsum Ascanio Minutulo, qui graui febre laborabat, imponens, illum eodem temporis momento reddit incolumem. Elisabetha Crispina, iam biduo partus doloribus cruciata, cum sancti Viri pallium sibi humeris imposuisset, mox partum

foeliciter absoluit. Lucretia verò de Alois, quæ mortuum foetum in vtero gestans, in certo mortis discrimine versabatur, cum se B. Viri cingulo præcinxisset, salua protinus mortuum foetum enititur. Carolus Aquauia, Principis Casertani Germanus, pessimâ anginâ correptus, mortique à Phycis adjudicatus, Matthiæ habitus segmine consignatus, aquâque, eo panno intinctâ, epotâ, postridie à morbo liber, Phycos summâ admiratione afficit. Marco Antonio de Gennarijs, puero trium annorum, ad mortem usque ægrotante, cum Faustina eius amita Matthiæ illi suffragia deprecaretur, Ludouica Mater ad puerum accedens, extremum illum spiritum agentem credens, mox exclamat: En Marcus Antonius expirat. Cui puer: Necdum (inquit) mater, expiro: Matthiam enim à Conchâ, Capucinum mihi adstantem intueor, qui his me verbis affatur: Marce Antoni, si vitam expetis, Caputium meum, quod apud Faustina amitam est, tibi impone, & viues. Porro, nec Matthiam vnquam puer nouerat, nec ipsius Caputium apud Faustina asseruari intellexerat; sed qui dat intellectum paruulis, vt ferui sui gloriam manifestaret, hæc puerum videre atque eloqui dedit. Allato igitur Caputio, simulatque; ægrotanti puero impositum fuit, confestim morbus mitescit, ac breui incolumitas redit. Paula Ascanij Preiti filia, ob copiosum sanguinis vomitum, in maximo vitæ discrimine versanti, cum Matthiæ costa gutturi alligata fuisset, perinde ac si eâ sanguinis quoque vomitus alligatus fuisset, eo confestim cessante, Paula ad pristina incolumitatem redit. Gregorius Salernitanus ex nostris Laicus, tam putridum in naso vlcus gerebat, vt nullis vnquam medicamentis curari, aut leuari potuerit: Quare Matthiæ habitus præsegmen, vlceri admouet; moxque è nasi fistulâ os quoddam, & cum eo foetens sanies dilabatur, vlcusque absque remedio persanatur. Postremò frater quidam ex nostris, cum diu graui carnis tentatione pulsatus esset, simul atque subligaculum, quo Matthias ad herniam constringendam vsus fuerat, sibi adhibuit, ita à tentatione liber fuit, vt deinceps nunquam eâ vexatus fuerit. Sic nempe decens erat, vt qui in scipso

olim castitatem fouerat, eam quoque in alijs  
tueretur. Obijt Vir Sanctus

Anno 1599.

FR. FRANCISCI A MESSAPIA.  
MAGISTRI NOVITIORVM  
*VITA, ET GESTA.*

**F**RATER FRANCISCUS à MESSAPIA, Sacerdos, vitam duxit tot virtutibus excultam, vt perfectum quoddam B. P. N. Francisci simulacrum videretur: tantà enim interioris hominis simul & exterioris venustate fulgebat; tantà in res Diuinas pietate; tanto in Regularem obseruantiam zelo; tanto in proximorum ædificationem studio; tantà erga superiores obedientià; tantà in cæteros charitate, humilitate, reuerentià; tantà in verbis circumspectione; tantà denique in rebus omnibus moderatione ferebatur; vt quid in eo reprehendi posset, nemo penitus videret. Quapropter maturè ad Nouitiorum educationem vocatus, cùm eo munere triginta quinque annorum spatio functus esset, innumeros ferè virtutis alumnos, & sui imitatores efformauit. Vitæ austeritatem cùm Franciscus reliquis virtutibus adhiberet, perpetuo cilicio, crebrisq; verberibus carnis petulantiam domans, vix nudas illi tabulas ad breuem somnum indulgit; nullum denique austeritatis genus fuit, nullum, tametsi laboriosum virtutis opus, cui is omni studio non incumberet: Orationem tamen potissimum familiarem sibi comitem adiunxit; cui cùm plerisque diei ac noctis horis vacaret, Diuinas quoque in eà reuelationes accipit. Cuidam Nouitio sæculum repetere decernenti, mortis periculum prædicit: qui à Religione secedens, tribus in eum catapultis explosis, vix mortem effugit; moxque Francisci dictorum memor, iterum ad Capucinos redit. Neriti quoque Ducissam, quæ febrì, ac grauissimis laterum doloribus torquebatur, solo Crucis signo adhibito, protinus ad pristinam incoluitatem compulit. Demùm cùm obitus sui diem & horam præsignificasset, Frentani Salentinorum, claro apud Fratres sibi sanctimonix nomine comparato, morti corporis exuuias ponit Anno 1600. quo tempore Carolus Firleus, Vrsini Archipresbyter, viam, quæ Frentano ad Monasterium ducit, in visu splendidam, & clarissimis luminibus vndique septam conspicit. Cuius rei causam ignorans, cùm per eam ad monasterium processisset, Franciscum eadem horà ex humanis excessisse audit.

Fr. ANTONIVS CAMERTES.  
MAGISTER NOVITIORVM.

**R**ATER ANTONIVS CAMERTES, Sacerdos, in Picenti Prouinciâ Vir fuit omni virtutum genere ornatus; qui cùm diu Nouitiorum Magisterio præclarâ cum virtutum laude functus esset, sæpeq; illius oratione suavis Dei providentia Fratribus in extremâ necessitate constitutis adfuisset, & cibos ministrâisset, sanctè in Domino quiescit Anno 1601. Dæmonibus, etiam post mortem, formidabilis.

Fr. ANDREÆ A VILLA  
ECCLESIAE, SARDI,

MAGISTRI NOVITIORVM

*VITA, ET GESTA.*

**R**ATER ANDREAS à VILLA ECCLESIAE, Sacerdos, Vir plurimâ virtutum laude conspicuus, cùm à puero B.P.N. Francisco dicatus, Minorum Conuentualium habitum solâ ex deuotione gegeret, tam præclara in eâ ætate vitæ præludia instituit, vt mollem sæpè lectum refugiens humi cubaret, teneras carnes flagello attereret, indusia & calceamenta respueret, ac nudis pedibus incederet. A pecuniâ verò ita abhorruit, vt munuscula pecuniaria, quæ illi à parentibus offerebatur, penitus recusaret. Panem, & cætera edulia, quæ ex domestico penu sibi vendicare poterat, in pauperes distribuebat. Diuinis semper Officijs intererat. Missas deuotè audiebat: Parentesque, vt omni domesticæ rei curâ Deo relictâ, sacro Missæ sacrificio quotidie interessent, non pueri, sed senis instar, seriis cohortabatur. Denique feriæ sextæ ieiunia, quæ in B.P.N. Regulâ præscribuntur, puerulus obseruabat. His cùm virtutum floribus pueritiam atque adolescentiæ partem exornasset, decimumseptimum annum agens, in Hetruriâ, Capucinatorum, quos perfectos Seraphicæ Regulæ obseruatores audierat, Congregationi adiungitur.

Optatâ

Optatâ igitur Religione potitus, tam ingentes in omni virtutum genere statim profectus edidit, vt nullus humilior, nullus pauperior, austerior nullus, nullus denique Regulari obseruantia eo præstantior esset. Orationis verò potissimum studium ita familiare habuit, vt in eâ maiorem diei, & noctis partem infumeret. Perpetuam ferè in solitudine vitam agens, Cœlestem potius cum Deo, quàm cum hominibus vitam ducebat. Hinc frequenter mentis excessibus in oratione fruebatur. Cum Zephcrino Bergomenfi Generali Commissario in Sardiniam profectus, & ad Nouitiorum curam, & educationem vocatus, tantâ eo in munere vitæ austeritate, paupertate, Regularis obseruantia: perfectione, oratione, ac virtutum omnium splendore nouis hisce Tyronibus præluxit, vt se illis, non verbis solum, sed illustrioribus etiam vitæ exemplis, veræ virtutis magistrum ac normam præberet: Neque enim ijs (Apostoli consilium secutus, qui Rom. 15. ait: *Non enim audeo aliquid loqui eorum, quæ per me non efficit Christus inobedientiam gentium verbo, & factis:*) aut laboris, aut austeritatis, vel pœnitentiæ opus exantlandum præcepisset, nisi illud ipsum cum ijs ipse quoque explendum suscepisset. Frequentiores hoc tempore cum mentis exstases pateretur, contigit aliquando, vt cum Vallis Ecclesię Gubernatorem inuideret, is piam quandam Beatissimæ Virginis imaginem excellentius depictam, ac serico velo obductam tunc retereret; quam vt Andreas conspexit, protinus in genua procidens, tamdiu ante illam extra sensus raptus cernitur, quoad vespere incumbente socij operâ ab ecstasi reuocaretur. Rursus Saffari in Cathedrali Ecclesiâ, à mente aberrans nonnullis horis immobilis ante sacrum Altare conspicitur. Ea porrò Andreæ consuetudo erat, vt cum sacra illi Mysteria celebranda essent, ea longâ prius oratione anteuenteret: oblato verò Sacrificio, orationem ad tertiam vsque horam protraheret: quo tempore, vt plurimum ab omnibus sensibus abstractus, Diuinâ tantum actione fruebatur. Cum autem miraculorum gratiâ cohonestatus fuerit, nonnulla eorum certâ fide probata referre libet. Antiochi Cani Valis Ecclesiarum ciuis filius, febris laborans, cum tabellam quandam, in quâ initium sancti Euangelij secundum Ioannem scriptum erat, ab Andreâ acceptam sibi adhibuisset, statim à febre conualuit. Andreas, Ioannis Antonij Pintonij filius, trium annorum puer, acutâ febre iam triduo laborans, desperatâ valetudine, ad vitæ occasum ferebatur; quo tempore Andreas à Patre accersitus puerum inuisit; cingulum suum illi osculandum præbet; manumque capiti im-

nens, aquâ benedictâ aspersum mox incolumem reddit. Huius Ioannis Antonij vxor, iam diu partus doloribus cruciata, cû ab Andreâ sacrum Agnum cereum accepisset, sibiq; collo appendisset, mox foetu enixo, à dolore liberatur. Denique cû tanta in Vrbe Vallis Ecclesiæ esset Andreæ sanctimonix fama, vt ad eum ægroti confluerent, quotquot ab eo vel signo Crucis. vel manus impositione, vel sacro Agno cereo donabantur, optatâ incolumitate fruebantur. Cæterum inter sancti huius Viri reuelationes ea refertur, quâ Ioannis cuiusdam Pisani, qui moriens quandam pecuniæ summam ad Conuentus ædificationem legauerat, animam à Purgatorijs poenis liberam Cœlum conscendentem conspexit. Rursus, cû Fratri Petri de Arboreâ germanum Fratrem adhuc puerum aliquando obuium haberet, illum sua Illustrissimæ Societatis IESV nomina daturum, prænunciat. Hic tandem, cû virtutis, ac sanctimonix stadium ad mortem vsque percurrisset, Sassari ad mortalis vitæ metam pertingens, æternæ, omnium opinione, brauium consequitur Anno 1602.

\* \* \*







FRATER BENEDICTVS RHEGINVS FRATRVM  
CAPVCINORVM MAGISTER NOVIORVM

FR. BENEDICTI RHEGIENSIS.  
MAGISTRI NOVITIORVM  
*VITA, ET GESTA.*



**B**RATER BENEDICTVS RHEGIENSIS Concionator, ex nobili Paganorum Familiâ ortus, cùm in ipsâ adolescentiâ, in præclaras quasdam honestatis, pietatis, mansuetudinis, ac multarum præcocium virtutum gemmas, ætate necdum ad virtutes integrâ pullulâset, eas, cùm primùm ad Religionem accessit, tam copioso ac perfectior aliarum virtutum cumulo auxit, vt non immeritò in eâ, Benedicti nomen & rem sortitus fuerit. Nihil in eo, præterquam angelicum, & religioso dignum Viro conspiciebatur: atque adedò vtriusque hominis compositione fulgebat, vt totum, quod ex Adæ generatione contraxerat, Religionis regeneratione in eo deletum esse videretur. In omnes cùm charitate effusus esset, sibi tantùm austerus erat: ceteris lenis & misericors, in seipsum duntaxat durus, atque immitis. Omnibus denique omnia cùm fieret, sibi tantùm nullus euaserat. Huic mentis humilitati, cùm perpetua quædam sensuum mortificatio, morum honestas, vitæ integritas, animi simplicitas, mansuetudo, patientia, orationis studium, ac mira in Deum pietas accederent, nihil quod ad perfecti atque Evangelici hominis constitutionem necessarium esset, in eo desiderari videbatur. Hoc porrò virtutum apparatus, cùm ad Nouitiorum magisterium vocatus esset, eam ex graui illo munere laudem consecutus est, vt qui ex ipsius disciplinâ mersere, omni virtutum genere instructi, fortiores ad spiritus hostes debellandos euaderent. Vniuersa verò Benedicti studia & cogitationes cùm in Beatissimam Virginem ferrentur, sæpè cum eâ familiariter collocutum fuisse, ac puerum IESVM ab eadem aliquando accepisse, is familiari aliquando sub sigillo significauit. Cui & illud præterea se, quæcunque à Deo dona hætenus acceperat, Virginis Deiparæ suffragijs omnia tulisse, addidit. Orationis studio assiduè vacans, in eâ tanto in Deum amoris æstu accendebatur, vt ad cordis flammam refrigerandam lineum pannum frigidâ aquâ madefactum ad cordis regionem applicare soleret: sæpè etiam in oratione mentis ecstases passus, & ad Cœlestia raptus, quæ circum se fierent, ignorabat.

Tanta

Tanta verò erat Benedicti patientia, vt calumnijs aliquando pulsatus, calumniatores ipsos singulari amore prosequeretur. Tantus quoque in ipsius animo erga humani generis Saluatorem, qui præ nimia charitate spinis pro nobis coronari pertulerat, amoris æstus efferbuit, vt & ipsam, vnus saltem spinæ compunctionem, carnis sensu experiri summoperè expeteret. Quamobrem, cum ob id sæpè apud Deum lachrymas funderet, ac preces iteraret, optatà demum à Christo Saluatore eidem in oratione apparente spinà configitur. Porro ex eà spinæ compunctione, tam ingens in Benedicti animo charitas exarsit; vt ab eo tempore nunquam se à Christi charitate auelli posse existimaret. Hoc itaq; Diuinæ charitatis ardore, cum Euangelicum semen aliquando effunderet, Hirundines Dei Verbum impediens, solo præcepto, à garritu coërcuit. Cum autem Benedictus Euangelica tum prædicationis, tum virtutum semina, boni agricolæ instar, in benedictionibus copiosè seminasset, Bononiæ graui capitis morbo corripitur; quo diu probatus, ac tandem consumptus, qui in spiritu seminauerat, de spiritu metit vitam æternam Anno 1602. Cuius rei argumentum fuit, quod ipsius anima corpore soluta, Paulè cuidam, eximie virtutis fœminæ, gloriosa, & luce perfusa apparens, se tunc ad Cœlestem gloriam conscendere affirmat.

In Piceni Prouinciâ Fr. IOANNES BAPTISTA à S. Agatha, Sacerdos, plurimâ virtute floruit. Nouitiorum regimini diu magnâ cum vitæ sanctimoniâ præfuit: inter primos Galliæ fundatores enumeratus, præclaris illic vitæ exemplis enituit: suoq; obitu quinquennio ante prænunciato, Bodij cum sanctimoniæ famâ extremum diem claudit Anno 1603.

Fr. ANGELVS à MONTE CORVINO, Sacerdos, in Lucanâ Prouinciâ multæ sanctimoniæ commendatur. Nouitiorum curæ præfectus, raptus & ecstases patitur; oransque Cœlesti splendore septus conspicitur. Pueri, cuius à Medicis salus desperabatur, futuram incolumitatem, & Salernitani Episcopi obitum prædicit. Cuius caro post mortem mollis, ac tenera pertractatur. Obijt Anno 1603.

Fr. MICHAEL LOVANIENSIS Sacerdos, in Flandriæ Prouinciâ plurimæ virtutis, ac orationis præsertim commendatur, in quâ raptus, & ecstases sæpenumerò patiebatur. Obijt Anno 1606.



FRATER SYLVIVS MEDIOLANENSIS FRATRVM  
CAPVC MAGISTER NOVITIORVM .

## FR. SYLVII MEDIOLANENSIS.

MAGISTER NOVITIORVM,

VITA, ET GESTA.

**R**ATER SYLVIVS MEDIOLANENSIS, Sacerdos, quàm strenuus Religionis Athleta euasurus esset, in ipsis pueritiæ & adolescentiæ præludijs non obscure aperuit. Puer namque senilem ita animum induisse videbatur, vt à puerilibus omnibus abstinens, quæ pietatis erant duntaxat, animo versaret: coartancos, quasi nouus illius ætatis præceptor, Deum timere, parentibus obedire, garrulitates fugere, à ludis abstinere, Missis deuotè interesse, diligentius quàm ætas illa ferret, erudiret: sæpè etiam panis & obsonij partem clam pauperibus erogaret. At cùm primùm adoleuit, aurariæ arti addictus, quod illi à quotidiano opere tempus supererat, totum in oratione, ac Urbis Ecclesijs, ac præsertim Beatæ Virginis Æde, & Capucinatorum Ecclesiâ venerandis, infumere consueuerat. Christianæ puerorum institutioni sollicitè vacabat; cilicio humeros tegebat. Nocte è molli strato surgens, cum aliquamdiu genuflexus orâssset, vel humi, vel super capsæ tabulas cubans quiescebat. Adolescens ad præstantiora vocatus Capucinatorum copijs adiungitur. Nostrorum igitur numero adscriptus, mirum planè, quàm strenuè, quàm fortiter, quamque constanter virtutum omnium tyrocinium complexus sit. Quamquam autem valetudinarius corporis status, eum ab ijs austeritatum excelsibus abstinere cogeret, in quos faciliè ob feruentioris spiritus flammam, quâ astuabat, incolumis erupisset; Quadragenaria nihilominus B. P. Francisci ieiunia, ac præsertim sancti Archangeli Michaëlis quadragenam austerius celebrabat, panis & aquæ inedias frequentius colebat; quotidianis flagellis corpus cædendo, carnem perpetuâ mortificatione crucifigebat. Humilitate tam abiectus, patientiâ tam inuietus, moribus tam honestus, charitate tam feruidus, paupertate tam locuples, Regulari obseruantia tam perfectus, tam denique ad omnem virtutem compositus videbatur, vt in eum cuncti tamquàm in virtutis prodigium oculos intenderent. Quod verò in eo virtutis præcelluit, orationis studium fuit, in quo suas sibi noctu præsertim horas præstituerat,

quibus Deo familiarius vacaret: quæ verò præter has vigilantibus horæ supererant, eas perpetuo quoque mentis ad Deum ascensui, aut vocali orationi dare consueuerat, quam multiplici Beatissimæ Virginis Rosario recitando conferebat. Porro in hoc orationis studio Syluius ita Diuina charitate visus est incallescere, ut cum in syluâ oraret, stipites ac saxa præ Diuini amoris æstu complecteretur, sæpè manu plauderet, atque amoris voces vberiores spiritus voluptate ebrius, proferret. Inter hæc, haud semel orans splendidum, atque ardentem vultum præferre conspicitur. In Mediolanensi Conuentu cum Fabritio Porro, Viro Nobili, aliquando de rebus Diuinis in cellâ colloquebatur: quo tempore Sacerdos quidam ad eum accedens, vix ostium aperuit, cum vultum illius, flammæ instar, ardentem intuitus, vi quadam à cellâ se repelli sensit: quamobrem perterritus, vix sui compos recessit. Rursus Laudæ Pompeiæ, à Nouitio in Choro orans miro splendore circumfusus cernitur. Idem quoque cum apud Carolum Buinum Mediolani aliquando cum illius vxore colloqueretur, nouem annorum puella Laura nomine, aureum circulum in Syluij capite fulgentem cernit. Hunc porro capitis, tum corporis splendorem, raptus, & ecstases, quibus extra sensus agebatur, haud rarò sequebantur. Hinc tam mirâ, ac prope incredibili sacram Deiparam Religione prosequabatur, ut eam quotidie aureâ Coronâ, regio amictu, baltheo, ac sacris monilibus, iuxta præscriptas sibi mentis exercitationes exornaret: quo tempore tanto spiritus impetu agebatur, ut aliquando in Mediolanensis Conuentus Ecclesiâ, cum Beatissimæ Virginis hæc munera offerret, mente excedens, corpore quoque quasi in Deiparæ sinum euolaturus, in aëra efferretur. Modo etiâ Matutinas Beatissimæ Virginis Horas aliquando vnâ cum Fr. Seraphino Mediolanensi Sacerdote recitabat, cum Hymno, *O gloriosa Domina*, inchoato, tam vehementi spiritus vi sursum corpore ferri cœpit, ut pedibus ad Seraphini caput pertingeret. Hoc modo cum sensibus ac corpore excedens, per quartam circiter horæ partem in aëre perstitisset, paulatim descendens, reliquum deinde cum Seraphino prosequitur. At verò Cœlorum Regina haud minori seruum sibi deuotissimum benignitate excipiebat, cui sæpè aspectus, & colloquij sui delicias ministrans, tantâ illum Cœlestis voluptatis interdum affluentiam accumulabat, ut nonnunquam Syluius in hæc verba erumpere auditus fuerit: *Sat est, ô Virgo, sat est*: neque enim meæ indignitatis alueus tam ingens deliciarum flumen capit.

Modoētiæ cū nocte , quæ solemnem Annunciationis Beatissimę Virginis diem antecedit , in Choro oraret ; Seraphinus , cuius antea meminī , eo tempore Chorum ingressus , maximo splendore fulgentem , ac nonnullas cum Syluio colloquentium voces percipit : quibus perterritus , retrocedens , manē , summis à Dei seruo precibus addiscit , Beatissimę Virginis , & S. Michaēlis Archangeli , qui cum eo colloquebantur , lucem , ac voces fuisse . Ægrotabat aliquando Cremonę Dei seruus ; quo tempore infirmorum prefectus , cellam sapē Cœlesti lumine perfusam cernens , vnde is splendor emanaret , ignorabat , donec à Syluio aliquando rem percunctatus : Ne mirere ( inquit ) Deus etiam sua ægrotis solatia præstat . In Merateni Conuentu , cū SS. Apostolorum Petri , & Pauli , quadragesimale ieiunium obseruaret , orans , à Domino Euangelicam , altissimamq̃ue paupertatem summis precibus postulat . Cui Beatissimi Apostoli in visu apparentes , eam illi à Deo liberalissimē dono collatam testantur . Quare ab eo tempore tam perfectus altissimę paupertatis cultor fuit , vt nullus illi dulcior sermo , nulla iucundior oratio esset , quàm de paupertate disserere . Mediolani in Conuentu S. Viētoris , cū ante Matutinas horas B. Virginis aliquando Officiū persolueret , Fratrem ex nostris Concionatorem , qui antea obierat , vnā cum duobus alijs , ad se accedentem cernit ; à quibus illos peccatorum reatus in Purgatorijs pœnis exoluere addiscit ; moxq̃ ; ipsius apud Deum preces , ac suffragia postulantes , euanescent . Rursus , cū in eodem Conuentu ante Matutinas horas in Choro oraret , defuncti animam Purgatorijs pœnas luentem percipit ; quæ cū ab eo petisset , quatenus à Francisco Caldarino , prædicti Conuentus Guardiani , ob accusationis articulos , non ex charitatis zelo , sed ex animi libidine superioribus oblatos , veniam postularet ; & vt triginta Missarum Sacrificia pro se offerri iuberet , impensius rogaret : eo præstito , dum Guardianus tertiā die sua in Cellā negotia agit , fores pulsari , hæc q̃ ; ad eum verba perferri audit : summas tibi , Pater , gratias ago . Ego Fr. N. animasum , quæ à pœnis Purgatorijs libera in Cœlum conscendo ; vbi te quoque venturum expecto . Nouitiorum is aliquamdiu educationi præfuit : quo tempore tam præclaris virtutum exemplis , ac spiritualis vitę præceptis novos illos Religionis Tyrones instruit , vt ex his plerosque perfectos ac virtute illustres Religionis Viros pepererit . Nouitium à Dēmone instabilitatis tentatum , indiētā quinque Orationum Dominicalium , totidemq̃ ; Angelicarum Salutationum , ante sacrę Eucharistię Altare , prece ,



à tentatione liberat. Eò denique Syluius, tot Cœlestibus donis cumulatus, sanctitatis euaserat, vt & intimas hominum cogitationes peruaderet, futuraque, velut præsentia, cerneret: ac demum Diuinâ virtute signa patraret. Cum enim Anna Zochæ Modoëtiensis grauiter ægotans in lecto iaceret, ad eam Syluius accedens, vix aliquantisper orauit, ac Crucem ex B.P. Francisci ligno ipsius collo appendit, cum ea statim à morbo libera fuit. Ioannis Iacobi Viri Dei propinqui, equum effrenem ac ferocientem suâ oratione mitem reddit. Pallentiæ apud lacum Vertanum, cum oblato Missæ Sacrificio, iuxta laci ripam cum nonnullis ambularet, quosdam pisces retia sua lauantes conspiciens, ab ijs, num pisces captauerint, percunctatur: qui cum totius noctis labores frustra in piscatione impendisse dicerent: iam (inquit) retia in Dei nomine iactate; nec vobis piscis in retibus deerit. Meridiana hora erat, cum sole aquas illustrante, pisces à retibus aufugiunt. Id pisces non latebat. Verum, vt Viro Dei morem gerant, eo orante, retia ad piscium capturam iaciunt; tantamque piscium multitudinem intra rete concludunt, vt nauiculam piscibus compleuerint. Tanta igitur cum huius Viri sanctitas esset; haud mirum, quod Angelos Satanae sibi plurimum infestos haberet: à quibus cum sæpe plagis, ac verberibus caderetur, inuictâ contra eos patientiâ, ac oratione decertabat; donec eius tandem fine quo ad coronam vocabatur, appropinquante, Mediolani morbo laborare cœpit; obitus sui diem, & horam Fratribus prænunciat. Magnâ igitur suæ sanctitatis famâ apud omnes relictâ, vitæ cursum conficit, cum quinquagesimum quintum ætatis annum ageret. Huius sancti Viri corpus, cum triduo, vt confluentis populi deuotioni satisfaceret, insepultum in feretro iacuilset, tam molle, tenerum, ac tractabile; vultus hilaris ac coloratus, & membrorum artus ita flexibiles visi fuere, vt nullam mortui, sed viuientis, ac dormientis potius speciem præferrent: ex quo populi in eum ita deuotio excitata fuit, vt plerique illius habitum, ac capillos præscinderent, ac velut reliquias sibi seruarent. Vix autem corpus in Ecclesiam delatum fuit, cum immundorum spirituum corpora obfidentium clamores, ac strepitus auditi: nono verò post ipsius sepulturam die, cum manus illi vena à Nosocomij Præfecto incisa fuisset, ex eâ sanguis effluit: Physicus quoque, cum post decimum tertium diem, carnem sub digiti ungulâ cultri mucrone perfodisset, ex eâ sanguinem elicuit, vt apud Deum viuens probaretur. Verum, vt illustrior huius Viri sanctitas cunctis manifesta fieret, plurimis

eum D. O. M. post mortem miraculis illustrare voluit; ex quibus nonnulla hic explicanda sunt. Balthasar Zuchius, graui capitis dolore correptus, frustra omnia medicæ artis remedia expertus fuerat, cum habitus Syluij particulâ illius capite ab vxore obfignato, statim à dolore curatur. Angelus Piscina, Mediolanensis vrbis incola, diutino quindecim annorum morbo laborans, eò morbi desperationis euaserat, vt breui à Phycis morti adiudicaretur: quo tempore, sancti Viri sibi apud Deum suffragia implorans, vix quasdam ipsius corporis reliquias sibi admouit; cum effugato morbo, mox à lecto surrexit, ac postridie suâ in vrbe incolumis negotia gessit. Plautilla Boni, Placentina, Monialis sanctæ Praxedis Capucina, ischiadico morbo ita vexabatur, vt octo mensium spatio, vix vllâ diu noctuque quiete frui potuisset. Frustrâ à Medicis remedia omnia ad curationem tentata fuerant, cum Syluij corolla, quam mutuo acceperat, doloris sibi locum contingens, sancti Viri interim ope è Coelo euocatâ, tam celeriter, ac perfectè è morbo conualuit, vt hoc ipso temporis momento à dolore libera, nunquam deinceps eo afflictata fuerit. Fr. Paulus Mediolanensis, ex nostris Sacerdos, tertianâ febre correptus; Fr. Apollonius à Romano, quartanâ febricitans; Quintilla Quadriapleuritide ad mortem laborans, cochleari, quo olim Syluius vsus fuerat, successiue vtentes, perfectè incolumitati redduntur. Fr. Alexius quoque Vercellensis, cum graui pedum dolore cruciaretur, Syluij sandalia induens, protinus à cruciatu liberatur. Alia quoque præter hæc, Syluij reliquiarum contactu miracula patrata leguntur: quorum cum fides dubia sit, ab ijs libentius abstineo. Hæc verò certâ fide probatissima, cum præclarè huius serui Dei gloriam post mortem testentur; simul & Dei, qui in Sanctis suis gloriosus haberi vult, laudem, & maiestatem commendant. Obijt Vir Sanctus

Anno 1608.



Fr. REMIGII BERGOMATIS,  
MAGISTRI NOVITIORVM,  
*VITA, ET GESTA.*



RATER REMIGIVS BERGOMAS, Sacerdos, Vir Seraphicæ Regulæ obseruantissimus, atque omnium Euangelicarum virtutum laude clarus: huic cum & admirabilis prudentia inesset, Nouitiorum curæ & educationi præfectus, grauissimum munus, ferè ad obitum vsque, tanto virtutum splendore, ac tam mirâ sapientiæ luce administravit, vt quotquot eâ tempestate huiusmodi magisterio in eâ Prouinciâ præficiebantur, ab eo curandorum Nouitiorum formam, ac normam sibi vendicarent. Vir tantæ mansuetudinis fuit, vt eum nemo iratum, nemo vnquam turbatum viderit. Cæteras quoque animi passiones, assiduâ virtutum exercitatione ita sibi subiectas habuit; vt tranquillum, imperturbatumque interioris hominis statum; atque ab omni, tum cupiditate, tum spe, metuque liberum gereret. Hunc verò mentis statum, non tam propriæ virtutis conatu, quàm assiduo orandi studio sibi comparasse aliquando affirmavit: maximè verò in Dominæ Passionis meditatione versabatur; quam tam pio mentis affectu prosecutus est, vt Psalmum 118. cuius initium est: *Beati immaculati iam viâ.* admirabili pietate, ad Domini vulnere sensum transtulerit. Quare haud mirum, quod & Christus Dominus Cœlestibus propheticæ lucis, ac miraculorum donis eum prosequeretur. Arsiliæ enim cuidam erga Capucinos beneficæ, occultas animi angustias, quæ à nemine, præterquàm à Deo reuelante, sciri poterant, aperit. Pompeo Faro, Sacerdoti Cremonensi, secretum animi mœrorem peruadit. Rursus, cum idem Pompeius de quibusdam ad mentis conscientiam spectantibus, quam sententiam complexurus esset, dubius animo inhereret, Remigium adit; qui cum ex Diuinâ reuelatione mentis illius dubitationem accepisset, antequam is fari inciperet, occultum illi dubium proponit, explicat, dissoluit, ac consilium præstat. Maximo Borfatio Cremenfi futurum rei familiaris incrementum: Claudio Faræ, qui in odio pertinax, pacem cum aduersario inire recusauerat, imminentem Dei vindictam, ac luctum: Iordanę Gressoniæ Comitissæ agrotanti incolumitatem, euentu dictorum veritatem

comprobante, prædicit. His & alijs à Deo donis cohonestatus, cum sex, & triginta annos magnâ cum vitæ sanctimoniâ in Religione traduxisset; Cremæ tandem haud dissimili pietate rebus humanis valedixit, grandia in Cœlo meritorum præmia laturus; quorum testes sunt, copiosa, quæ post ipsius obitum miracula ad ipsius inuocationem à Deo patrata leguntur: Vix enim Remigius Deo spiritum reddiderat, cum Marcellus Setegnaritus, Cremenfis, strumis laborans, defuncti digiti attactu, paruo post tempore elapso, perfectè sanatur. Hoc ipso anno Ludouicus Fasanius, eiusdem Urbis ciuis, repentino genarum dolore obrutus, ferè ad insaniam redigebatur; quo tempore vix Remigij opem magnâ voce inclamauit, cum protinus à dolore liber, eo nunquam deinceps vexatus fuit. Per id tempus Baptista Faiolus, Cremenfis, cum spleneticus, & continuâ febre laborans, humana præsidia sibi ad incolumitatem deesse cerneret; Remigij impensius apud Deum opem implorans, secundo post hæc die splene, & febre curatâ, è lecto surgit incolumis. Eodem quoque anno Baptiste Bocatio illustis incolumitas obtigit, qui cum viginti annorum spatio tam graui stomachi dolore vexatus fuisset, vt sumptum cibum euomere cogeretur, ex quo omnem ferè cibi appetentiam amiserat; voto ad Remigium nuncupato, tam integrâ, eo exoluta, sanitate potitus est, vt ne vllum quidem post hæc stomachi dolorem senserit. Angela denique, Tertij Ordinis S. Dominici Soror, cum pridie Festi sanctæ Trinitatis, tam vehementi febre teneretur, vt in tam solemnî die, se ad Ecclesiam accedere, ac sacrâ Dominici Corporis communionem refici posse planè desperaret, mentem ad Remigium conuertens, hanc ab eo gratiam exquirat. Pio illicò Angelæ voto adfuit è Cœlo Remigius; cuius patrocinio tum à febre, tum à corporis imbecillitate libera fuit. His, & alijs signis, quæ silentio prætereo, D. O. M. serui sui gloriam post mortem omnibus testatam esse voluit. Obijt Vir Sanctus Anno 1610.

FR. IULIANVS CAMERTES, Sacerdos, ex Iudæo Christianus, & ex Christiano Capucinus; Vir Regulari obseruantia, atq; omnium virtutum splendore clarus fuit; qui cum in Parisiensi Prouinciâ Nouitiorum curam gereret, occultas aliquando quorundam tentationes diuinitus agnouit. Primus inter Lotharingæ Prouinciæ Fundatores adnumeratus, dum in Virodunensi Vrbe peste laborantibus omni pietate ministrat, eodem & ipse morbo sublatu, piè in ministerio occumbit.

Anno 1611.

Fr. ANDREAE AB ENNA,  
MAGISTRI NOVITIORVM,  
*VITA, ET GESTA.*



RATER ANDREAS AB ENNA, Concionator, ab ipso suæ conuersationis exordio, tantâ morum honestate, tantâ Regularis obseruantiae disciplinâ, tantâ vitæ asperitate, tantâ animi prudentiâ; tanto denique virtutum omnium splendore eluxit, vt Nouitiorum illi cura, ac educatio concredita fuerit: quo munere præclare functus fuit. Orationis cû primis studio accensus, ad eam nouos Religionis Tyrones, verbis, & exemplo pro-uocabat. Tanto quoque Diuinæ charitatis æstu, ad sacra Mysteria accedebat, vt cum in oppido Comisi Diuinum, & incruentum illud aliquando Deo sacrificium offerret, ingens è Cœlo lucis fulgor in eum descendere visus fuerit. Peraçto verò Missæ sacrificio, cû ad hospitium diuertisset, noctu orans, à Leonardo hospite, in mentis excellum raptus, quatuorq; circiter palmis in sublime elatus conspicitur. Idem cû aliquando iter faceret, ab Hieronymo Canitro rusticâ domo exceptus, cû oleum, quo ignis in lucernâ ad Matutinas Horas persoluendas ali posset, ab eo quaereret; vasculum is oleo vacuum affirmat: atque vt id illi facilius persuadeat, pridie vasculum ab eo feruenti aquâ lotum narrat. Cui Andreas: iterum, quæso, (ait) vas explora. Paret dicto Hieronymus; summâq; cum admiratione plenum offendit. Post hæc Camilla Santapau, nobilis Licodienfis, pleuritide grauiter laborabat, cû Andreas ad eam visitationis gratiâ accedens, vbi doloris locum manu contigit, mox dolore effugato, incolumem reddidit. Nonnulla quoq; futura prophético spiritu prædixit, quæ rei euentus vera esse confirmabit. Postremò, cum suo vitæ occasu prænunciato, Licodiâ Motucam profectus esset; ibi annis, & virtutibus onustus, octogenario maior, ad Dominum migrat Anno 1612. illius carne in sanctimonix argumentum molli. ac tenerâ se attreçantibus præbente. Post huius sancti Viri obitum, cû Gutterus Velascus, Camillæ Santapau filius graui febre laboraret, Andream visibiliter sibi apparentem cernit, his illum verbis consolantem: Guttur, ne morbum extimescas: ex eo protinus conualesces: neque enim tui aut tuæ familiæ vnquam obliuiscar. His cû dictis abscessisset, ægrum incolumem reliquit.

Fr. MICHAEL ANGELVS,  
PRÆDICATOR.

**E**N Mediolanensi Prouinciâ floruit Fr. MICHAEL ANGELVS à MEDIOLANO, ex illustri Melciorum familiâ progenitus, insignis Diuini verbi præco; cuius vita plurimum apud Mediolanensis Prouinciæ monumenta virtutis commendatur. Obijt 1582.

Fr. IOSEPHI BARCINONENSIS,  
PRÆDICATORIS,  
*VITA, ET GESTA.*

**E**RATER IOSEPHVS è Rocabertorum stirpe, quæ apud Hispanos Tarraconenses est illustris, in eadem Prouinciâ magnis virtutibus emicat. Hic Patre Petro Rocaberto, ex Baronum Ordine, Caprariæ Dynasta; & Annâ Gualberiâ progenitus, Clericali habitu assumpto, in Compluteniâ Academiâ Theologicis studijs omni diligentia incumbit, ac tandem ad altiora vocatus, ad Minorum Obseruantium Ordinem confugit. Plurimos cum in venerabili illâ Patrum familiâ annos, magnâ cum virtutum laude, ac prædicationis fructu exegisset, quo tempore Archangelus Alarconius cum alijs ab Hieronymo à Monte Florum in Hispaniam missus, Barcinonem appulit: haud diu Archangelus cum socijs in Æde S. Geruasij commoratus fuerat, cum de Capucinatorum aduentu, ac vitâ, omni virtute, atq; austeritate plenâ, rumor ad Iosephum penetrat. Hic cum eo tempore in Conuentu Minorum de Obseruantia Reusi, Theologicam disciplinam traderet, hac Capucinatorum famâ permotus, vnâ cum Antonio Mochiali, eiusdem Conuentus Guardiano, Barcinonem proficiscitur, Archangelum simul adeunt, colloquuntur, interrogant, Fratrum mores contemplantur; cumq; veram Regulæ obseruantiam nullibi magis, quam apud Capucinos se reperire posse perpenderent, in idem vterq; Iosephus, & Antonius consilium & deliberationem conspirant, necessariâque facultate suffulti, nullâ interpositâ morâ, ad Capucinatorum sinum sese conferunt:

Quinquagesimum Iosephus iam ætatis annum attigerat , cùm ad Religionem se contulit: Vir erat grauis, prudens, maturus, doctrinâ, ac rerum vsu exercitissimus; cuius tamen tanta erat humilitas , vt neminem vnquam, siue Sacerdotem, siue Laicum, Nouitiorum instar, nisi genuflexus alloqueretur, aut se alloquentem audiret. Barcinoni cùm ad Monasterij suppellectilem lixiuio expurgandam. Fratres ahenò indigerent ; Iosephus illud mutuò à quodam Ordinis beneuolò acceptum, per Vrbis plateam suis humeris ferebat; cùm plerique Viri Nobiles , qui Iosephi genus , ac stirpem non ignorabant, in plateâ deambulantes turpè existimarent , Virum tot titulis clarum, & illustrem, eo genere grauari, ipsum adeuntes vim omnem verbis intentant, vt ab eo illum onere liberent , seruorum operam in eo deferendo exhibentes. At ille cacabum magis , quàm eorum verba, & persuasiones æstimans : Quid, inquit, meâ me gloriâ expoliare contenditis? ego cacabum hunc , quem in humeris gero , pluris, quàm torques vestros aureos facio: hic torques meus, hoc meâ nobilitatis ornamentum, hoc decus , hæc gloria , hæc animi voluptas. Sæpè quoque ligna Fratrum vsui necessaria per urbem raptans , nullum officij genus prætermittebat, quo se verè ac perfectè humilitatis cultorem ostenderet. Regularem obseruantiam, cùm primùm ad Capucinos accessit , tam perfectè profecutus est , vt suâ paupertate, quam tum in victu, tum in vestitu, tum etiam in rerum vsu ( quem parcissimum coluit ) altissimam profitebatur ; suâ quoque obedientiâ semper & vbique ad omnia paratâ ; demum honestate, morum suauitate, ac totius interioris, & exterioris hominis compositione, vniuersos ad sui imitationem alliceret. Abstinenciam, vitæ austeritatem, corporis castigationem, patientiam, charitatem, ac reliquas virtutes , quæ Minorem Fratrem maximè apud Deum commendant, tam arcto sibi vinculo coniunctas habuit, vt qui in eum oculos conijcerent , perfectam mox Fratris Minoris imaginem in eo animaduernerent. Nulla illi, præterquam cum solitudine, familiaritas erat ; neque aliud sibi animi solatium , nisi in oratione quærens, siue domi degeret, siue ad Dei Verbum disseminandum peragraret , Diuinæ vbique contemplationi vacabat. Quò factum est, vt non semel in Ecclesiâ orans , à sæcularibus Viris in sublime elatus conspectus fuerit : ex quo tantam sanctimoniæ famam sibi apud omnes comparauerat , vt vulgo Vir sanctus haberetur. In Dei verbo disseminando , tantâ spiritus vi , ac virtute præstabat , vt nunquam absque ingenti animarum messe



à prædicatione rediret. Primus is ex nostris fuit, qui in Hispaniâ Quadraginta horarum orationem sermonibus celebraret, ex quâ vberes semper fructus referebat. Cùm in oppido Vallis Quadragesimali prædicationi incumberet, tanta illius populo ad pœnitentiam commotio accidit, vt oppidum illud lugentium domus potius, quàm negotiantium forum videretur. In die Parasceues de Passione Domini sermone instituto, eidem finem impositurus, spineam Coronam, durissimis dumis obsitam, tantâ vi suo capiti imposuit, ac compressit; vt vndique per frontem, ac genas sanguis efflueret. Tum grauissimâ Cruce in humeros sublatâ, supplicationem per Ecclesiam instituit; in quâ cùm prior ipse Crucem bainlans, atque vndiq; ex capite sanguinem fundens præiret, populus eo spectaculo commotus, in gemitus erumpere, ac Domini Passionem lachrymis prosequi cœpit. Tot igitur præclarè gestis, ac tantarum virtutum cumulo ornatus, cùm Iosephus sextum in Religione annum exegisset, Barcinone in morbum incidit; qui cùm in hecticam febrem desisset, diutino illius languore probatus, ac sanctimonix famâ apud omnes illustis, Anno 1584. tandem è corporis vinculis soluitur, liberq; ad Iustorum præmia euolat. Vix autem ipsius obitus rumor urbem peruasit, cùm ingens hominum, ac mulierum turba sanctitatis illius odore allecta, ad Monasterium confluit. Ibi alij, vt corpus ipsius attingant, & deosculentur; alij, vt habitus sibi particulas præscindant; alij, vt barbæ, ac capitis pilos euellant; alij, vt manuum, ac pedum ungues obruncant, tanto deuotionis impetu in feretrum irruunt; vt ne ab ijs sancti Viri corpus discerperetur, intra Presbyterij cancellos occludi necesse fuerit. Quo tempore cùm Physicus, qui illum in postremâ hac ægritudine curauerat, dexteræ illius manus indicem amputasset, ex eo, quasi ex viuo corpore sanguis effluxit. Denique tanta fuit Barcinonensis populi erga Virum Dei Religio; vt quæcunque illius vsui aliquando inferuierant, auidius, quàm alij aurum, & gemmas raperet. Neque frustrata illius deuotio fuit; ea namque (vt virorum grauissimorum testimonio probatum fuit) ægrotis adhibita, plerosque à varijs morbis, & languoribus curarunt. Michaël Quirolus Pharmacopola, qui Capucinos Barcinonem aduocandos curauerat, cùm calceos laneos, quibus Vir Dei in extremâ ægritudine ad frigus depellendum vsus fuerat, dono à Fratribus acceperat, his plerosque ægrotos à varijs morbis liberatos fuisse sub certâ iuramenti fide asseuerauit. Hi verò calcei post Iosephi obitum, tam suauè olere cœperunt, vt nullus aromatum odor

ei comparari posse videretur. Hac quoque odoris fragrantia perfumum erat cannabaceum cingulum, quo viuens præcingebatur, quod cum in eiusdem Michaëlis potestatem deuenisset, eo quoque plurimi infirmi curati fuere. Saluanus item Mercator, qui sancti Viri sandalium à Fratribus impetrauerat, eo pluribus agris salutem reddidit. Iosephi verò corpus post mortem adeò molle ac tractabile fuit, ut membrorum artus quasi viuents pro arbitrio flecterentur, facies quoque non pallida, sed candida appareret, in qua genarum subrubentium candor dormientis potius, quam mortui speciem referebat. Quamobrem cum ob id populi frequentia in dies excreceret, ipsius sepulchrum ad decimum quintum usque diem apertum seruari opus fuit; tum ut pio confluentium desiderio satisfaceret, tum etiam ut Pictoribus, qui monogrammam illius effigiem delineare curabant, otium præberetur. Hac verò tempestate, cum Petri de Mendozâ, Neapolitanæ Arcis nouæ Præfecti filius, sepulchrum, in quo Iosephi corpus iacebat, ingressus, Diuina in seruo Dei miracula cerneret, ita animo affectus fuit, ut ab eo tempore sæculum deferere, & ad Religionis, quæ tales Viros parit, finem aduolare, certum apud se consilium inierit; quod etiam paulò post facto ipso præstitit. Id verò haud leui admiratione dignum fuit, quod nullus tum ex Iosephi, tum ex aliorum Fratrum corporibus, qui eo in sepulchro conditi fuerant, factor in Pictores, aut alios sepulchrum ingredientes emanaret; quin ex Iosephi corpore (quod certum, ac singulare fuit, ac certo testimonio comprobatur) suauissimus odor in sepulchro diffundebatur. Hoc eodem tempore cum Iuuenis quidam ex Athanagiâ vrbe Cathalonix, qui graui capitis morbo laborabat, dum genuflexus in Iosephi sepulchrum caput demittit, ac ipsius apud Deum suffragia, pro morbi curatione implorat, protinus ab omni capitis dolore liberatur. Quare ut se tanto beneficio gratum redderet, se D.O.M. in Capucinorum religione integrè consecrat. Mariæ Angelæ, Michaëlis Amati vxori, annicula quædam filia erat, cui rubentes pustulæ ita fauces occupauerant, ut lac sugere minimè valeret, ex quo certum illi vitæ periculum imminabat. Pater verò, cum mira de Iosepho audiuiisset, ad Capucinos profectus, rerum, quæ Iosephi aliquando vsui inservierant, quippiam à Fratribus postulat: à quibus cum laneum puluinum tulisset, in quem Iosephus ægrotans caput declinauerat; vix illum puellæ capiti supponit, cum ea matris mamillam apprehendens, lac fugit, atque à certâ nece liberatur. Post multos tandem sepulturæ annos, cum

sancti huius Viri corpus in sepulchro à Fratribus conquistum fuisse, integrum adhuc & incorruptum, nec non suaueolens reperitur. Præclarum de hoc Viro Dei euulgauit Sebastianus Verdeius in libello, quem inscripsit Instructio &c. Obijt, vt supra, Vir Sanctus 1584.

## Fr. FRANCISCVS A CONCHA. PRÆDICATOR.



Neapolitana Prouincia Fr. FRANCISCVM à Conchâ, Sacerdotem ac Concionatorem, miris laudibus commendat; cuius virtus, in aduersis æquanimiter ferendis, potissimum enituit. Cùm enim Pannorum adnauigans in Turcarum Piratarum manus incidisset, captiuus Algerium ductus, duram illam Barbarorum seruitutem, tantâ animi fortitudine, ac virtute sustinuit, vt ipsos quoque indomitos Barbarorum animos ad sui admirationem compelleret. In eâ Vrbe, in quâ plerique semper ex Christianis captiui detinentur, Dei verbum concaptiuus prædicans, eorum animos durâ illâ seruitute fractos, ac prostratos subleuat, suoque virtutum exemplo ad patientiam prouocat. Qui tandem asperæ seruitutis laboribus, ac molestijs confectus, hæc inter alia Neapolitanæ Prouinciæ Ministro verba scripsit: Quanquam in hac meâ captiuitate Christum imitari studeam; qui cùm in formâ Dei esset, semetipsum exinaniuit, formam serui accipiens; haud tamen perfectam illius imitationem assequor. Is namque nullâ vnquam in hac vitâ consolatione potitus est: ego verò, quamuis pane tribulationis, & aquâ lachrymarum sustenter; cùm plurimâ à Barbaris in carne patiar; spiritus tamen plurimâ consolatione fruor. Hic igitur antequam ab eo seruitutis iugo liber erumperet, à carnis custodia solutus, ad Dominum migrat, Anno 1584.

Fr. AVGVSTINVS à LVCEINIANO in Hetruriæ Prouinciâ Concionator fuit; qui cùm Virgo ad Religionem accessisset, virginitatem multis virtutibus auctam, Deo cum vsurâ reddidit; atque in morte amicos sibi Angelos cernens, cum his coelestem vitam, vt creditur est adeptus.

\* \*

FR. PETRI PLACENTINI,  
PRÆDICATORIS,  
*VITA, ET GESTA.*



**P**RATER PETRVS PLACENTINVS, Bononiensis Prouinciæ Sacerdos, ac Prædicator eximius, Gregorij XIII. iussu Algerium, vnà cum socio Fr. Philippo à Roccacontrâ proficiscitur; vt Christianorum, qui in Turcarum tunc manus inciderant, redemptioni incumberet: cum autem nonnullos captiuos pretio redemisset, Romamq; remisisset, reliquorum captiuorum curam agens, tantâ erga eos charitate ferebatur, vt perinde ac si in his Christum pati conspiceret, totum se pro ijs impendere optaret. Post Diuinum Altaris sacrificium, quod pro ipsis quotidie Deo immolabat, loca omnia perlustrans, in quibus captiui detinebantur, ijs verba vitæ ministrabat, ægrotos consolabatur, in fide infirmos, ac vacillantes confirmabat; alios Pœnitentiæ Sacramento expiabat; alios sacra Communione reficiebat. Tanta autem ei vis, ac suauitas in dicendo indita erat, vt animos mirum in modum ad Deum, ac virtutes alliceret. Vndique, dum is Verbum Dei disseminaret, fletus erumpere, tantaq; ad Deum animarum conuersio erat, vt ipsius non hominis, sed Angeli, aut noui Apostoli vox ab omnibus esse crederetur; felicesq; ij se esse existimarent, qui peracto sermone, illius habitum deosculari, aut contingere valerent. His ergo dum Petrus Diuinæ charitatis studijs indefessus incumbit, sæua lues urbem inuadit; is verò peste laborantibus inferuiens, eodem morbo corripitur; ac inter acerrimos morbi cruciatus, non modò mira eius patientia enituit, verùm inter hos tanto spiritus æstu Dei laudes decantabat, vt potius inter delicias, quàm inter dolores versari videretur. Cùm igitur lethali Petri morbo effulgato, vndique Christiani, tum serui, tum liberi ad eum confluunt; eos pius Pater, perinde ac si dolorum suorum immemor esset, Diuinis sermonibus, ac pijs hortationibus ad Fidei constantiam, ad laborum tolerantiam, ad mutuam charitatem, ad Dei dilectionem prouocat. Dum itaque Petrus hisce cum acerbis morbi doloribus colluctatur; admiranda, ac prodigio similis res in vrbe visa est: cùm enim in Sacello, in quo is sacra Missæ mysteria celebrare solebat, geminæ S. Rochi & S. Se-

bastiani imagines, distinctis tabulis depictæ essent, quæ medium S. Leonardi iconem, velut ostio concludebant, hoc tempore illæ sudoris, ac lachrymarum guttas effundere visæ, quæ sæpius à Fratre Philippo, Petri socio, extersæ, haud tamen exsiccari poterant: sed tamdiu, tum ex fronte, tum ex oculis erumpere cernebantur, donec Petrus spiritum Deo redderet: quo tempore vterque postis, præfatis imaginibus insignitus, nullo, præterquam Dei imperio oclusus, imaginum aspectum hominibus subripit. Petrus igitur ad octauum vsque diem acerbissimis cruciatibus à Deo probatus dum sacro viatico à Philippo socio refectus, extremo agone cum mortē decertat, eumque callidus hostis inflare vellet, vt suam, non Dei gloriam quæreret, repenti exclamare cœpit: *Apage, fraudulenta bestia; itane tortuose serpens dolosis me verbis circumuenire paras? Post hæc Diuino totus amore exardescens, illaque Prophetæ verba ore decantans: Non nobis Domine, non nobis, sed nomini tuo da gloriam*, gloriosâ tandem hic morte tollitur, sempiternum victurus. Ipsius corpus communi omnium luctu, ac solempni funere extra Urbem delatum, in Christianorum cœmeterium conditum fuit, Anno 1585.

## Fr. ANGELI A FOROLIVIO.

PRÆDICATORIS,

VITA, ET GESTA.



**P**ATER ANGELVS FOROLIVIENSIS, Bononiensis Prouinciæ Prædicator, Angelicus Vir, vitæ candore, ac integritate præstans. Cùm elegantiori formâ præditus, in paternâ domo adolescens versaretur, sæpè à mulieribus incontinentiæ tentatus, inter tot sæculi spinas, virginitatis lilium candidum, atque immaculatum ita semper custodiuit, vt nullo vnquam tempore illud contaminârit. At ne tam cœlestem thesaurum, quem in vase futili gestabat, stygij illi latrunculi aliquando deprædarentur, tutiori loco reponendum curat, religiosamq; inter Capucinos vitam sibi instituendam eligit: vbi virtutum omnium studia tam incenso animo profecutus est, vt Angelici nominis rem, & laudem planè sibi comparauerit: impurus tamen ille spiritus, immunditiæ pater, qui Angeli pudicitiae iam ab exordio bellum indixerat, mulierem Angelum

ad tur-

ad turpia pellicendum prouocat; at ille durius increpatam, turpi consilio frustratam relinquit. Ad Concionatorium munus vocatus, vnus inter omnes Algerium ad captiuorum redemptionem destinatur. Deniq; cum totius vitæ cursum præclaris virtutum exemplis exornasset, Florentiæ in supremum morbum incidit; cumq; ad vitæ finem accederet, paulo antequam animam Deo redderet, ad Stephanum Foroliuiensem, socium adstantem, conuersus ait: Festina, Frater, profer sedes. Cui socius: At nemo est, (inquit) qui sedeat. An non (addit ille) sacram Deiparam, S. Iosephum, ac B. P. Franciscum stantes cernis? exiguo deinde temporis spatio elapso: Eia, Frater, quid cunctaris? citò sedilia affer: huc enim gloriosa Vrsula, innumeris stipata Virginibus, modò accedit. Hæc inter dicta cum plurima lætitiæ signa ederet, mortalem cum immortali vitam commutat, Anno 1585.

FR. MARCI TERLITIENSIS.  
PRÆDICATORIS,  
*VITA, ET GESTA.*



**E**RATER MARCVS TERLITIENSIS, Bariensis Prouinciæ Concionator strenuus, cum prius suo animi agro, humilitate, sui ipsius despectu, austeritate, carnis castigatione, paupertate, obedientiâ, ac reliquis Evangelici hominis virtutibus excolendo, impigrè operam nauasset; ad Dominicæ vineæ culturam vocatus, tam fideliter in eâ Diuini operis laborem impendit, vt nullis vnquã vitæ incommodis pepercerit, quò durissimos impiorum animos contereret. Nunquam tamen ad Dei Verbum disseminandum accedere solebat, quin prius duarum saltem horarum spatio, ardentioribus orationis igniculis prædicationis verbum inflammâset: eo porro fiebat; vt Dei seruus vberiores ubiq; ex prædicatione fructus referret. Cuperfani, cum sermonem de Beatiss. Virg. laudibus instituturus esset, Dæmonis operâ concitatus aër, tantis repente fulgurum eoruscationibus, ac tonitruis cœpit perstrepere; vt populus, qui in Ecclesiam ad Dei Verbum confluxerat, his maximè perterritus sese ad discessum pararet. At Vir Dei ad Dæmones conuersus, illis in sacræ Deiparæ nomine, ac virtute, fugam imperat; vixq; verba protulerat, cum tempestate sedatâ, cœlo tranquillitas redditur. Plurimis tandem aduersis à Deo probatus, in quibus admirabilis ipsius virtus, ac patientia enituit, dum Histoniæ fideliter in Dei verbo laborat, morbo correptus, pro exantlatis laboribus paratam à Deo mercedem consequitur. Anno 1585.



FRATER MICHAEL HISPANVS . FRATRVM  
CAPVCINORVM PRÆDicator.



Fr. MICHAELIS HISPANI,  
PRÆDICATORIS,

VITA, ET GESTA.



**E**RATER MICHAEL HISPANVS, Neapolitanæ Prouinciæ Concionator, cùm excellentis ingenij magnitudine, præclarâ eruditione, atque doctrinâ, morumque suauitate præditus esset, cum ijs singularem quoque vitæ integritatem, ac probitatem coniunxit: quapropter multorum annorum spatio, in eâ Prouinciâ Theologicam disciplinam publicè apud nostros professus, quamplurimos Religionis Prædicatores doctrinâ, ac pietate illustres, sui imitatores progeniuit. Tanta verò illi aliquando in altero brachio ariditas exorta fuit, vt neque concionatorum munus obire, neque sacris Altaris Mysterijs incumbere valeret. Hic porrò admirabile, atque arcanum in hoc Viro Dei consilium animaduertere libet: qui cùm pio Sacra Altaris Mysteria celebrandi desiderio ductus, Deum pro brachij incolumitate precatus esset, eam à Clementissimo Domino impetrat, brachiumque; mox Diuinâ sibi virtute restitutum sentit. Cùm igitur gratias Domino acturus, Sacerdotalibus ad sacra Mysteria peragenda se vestibus indueret; fortè illi in mentem venit, se brachij curationem absque vllâ Diuini beneplaciti conditione à Deo postulâsse; at quandoquidem neque brachio, neque vitâ ipsâ, nisi sub certâ Diuini beneplaciti lege frui optabat, vestibus statim depositis, rursus ante sacræ Eucharistiæ Altare procumbit; Deumque impensius rogat, vt nullâ, aut prioris petitionis, aut collatæ incolumitatis ratione habitâ, id tantum, quod Diuinâ ipsius Maiestati magis gratum sit, obtineat; quod si in id potius Diuina voluntas propendeat, vt brachium aridum permaneat, ariditas ad brachium redeat: En, quam profundus in consilijs suis Deus. Vix hanc Michaël ante Deum orationem effuderat, cùm brachium sibi iterum aruisse cernit, maioresque Deo gratias agit. Michaël itaque, cùm ad eam vitæ excellentiam ijs virtutum gradibus conscendisset, vt cœlestibus nonnunquam in oratione visionibus potiretur, hac inter alias cohonestatus fertur, quod post Hieronymi à Monte Florum Generalis obitum aliquando orans, eundem inter cœlestes, vnâ manu librum, alterâ aureum gladium

gladium gestantem conspexit. Michaël tandem Romam profectus, cum Urbem suauissimo virtutum odore resperisset, mortali vitæ colophonem imponens, ad meliorem ac immortalem concedit Anno 1585. Quàm verò illa ipsius adhuc viuentis oratio Deo grata fuerit, quâ se ita in Dei beneplacitum resignarat, vt si ea Deo gratior foret, brachij ariditatem sibi reddi postulauerit, Diuino planè testimonio post mortem declaratum fuit: etenim cum illius corpus diu in Coemiterio iacuisset, cæteris illius partibus ab humo exelis, solum illud Brachium, quod aridum fuerat, integrum, & incorruptum, neruis in eo adhuc distentis, maximâ omnium admiratione diu conspectum fuit.

FR. MARIANVS IANVENSIS, cum in Genuensi Prouinciâ in Verbo Dei fideliter, ac magno cum animarum fructu diu laborasset, doctrinæq; Christianæ vsum ad puerorum institutionem plerisque in locis introduxisset, coronam in morte accepit. Cuius id argumentum fuit, quod secundo post obitum anno illius corpus adeò incorruptum, & integrum reperiunt fuit, quasi eo die tumulatum fuisset. Obijt 1585.

Neapolitana Prouincia haud frustra ANTONIVM à CEPALVNIO, Diuini Verbi præconem inter suos illustres Viros collocat. Hic enim multis clarus virtutibus, ac prædicationis fructu inter alios celebrandus, puerum hecticâ febre laborantem suâ oratione à morbo curat, & incolumitati restituit; ac demum pie in Domino quiescit, Anno 1585.

Cathalonix Prouincia FR. SYLVIVM AB HOSTABRICH, Hispanum Concionatorem, hominem magnum virtute, ac perfectum Regulæ obseruatorem commendat: quem vitæ austeritas, humilitas, obedientia, paupertatis zelus, ac omnium virtutum studia præ cæteris commendabilem reddidêre.

Obijt Anno 1586.



Fr. PETRI MACERATENSIS,  
PRÆDICATORIS,  
*VITA, ET GESTA.*



**P**RATER PETRVS MACERATENSIS, Picentis Prouinciæ Concionator, cùm in sæculo virtutibus, ac præsertim singulari erga Beatissimam Cœlorum Reginam religione floruiſſet, inter Seraphicos S. P. N. Francisci filios adscriptus, tot prioribus maximarum virtutum cumulos addidit, vt Beatorum nonnunquam præſentiâ, & colloquio potiretur: inter quos B. Fœlix fuit; qui cùm trium aliorum Beatorum coronâ stipatus Dei seruo apparuiſſet, cœleſti colloquio mirificè recreatum reliquit. Quantus in hoc Viro ſui, ac mundi contemptus eluceret, factò aliquando prodidit; habitum enim ſemel exuens, ac ſolis femoralibus ſibi relictis, per Corinalti plateam coram totâ multitudine, nudatos humeros duris flagellis cædit. Poſtremò virtutum ſanctimoniâ clarus, cùm à Beatiffimâ Virgine ſalutis ſuæ certitudinem, ac diem obitus accepiſſet, in Conuentu Montis vlni diem extremum claudit, Anno 1587.

In Picenti Prouinciâ Fr. CHERVBINVS à PISCARIA, Concionator, inter alios illuſtres Viros primus numeratur: cuius orationi inter alia adſcribitur, quod annonam Familiæ Foro-Sempronianæ, cui præerat, cœleſti miraculo impetrauerit. Obijt anno 1587.

Fr. FRANCISCI A MAZARA,  
PRÆDICATORIS,  
*VITA, ET GESTA.*



**P**RATER FRANCISCVS à MAZARA, Siculus, Sacerdos, & Concionator virtutibus emicans, cùm in Minorum Conuentualium Familiâ, ſcientiâ clarus, Bononiæ, ac Panormi publicus Theologiæ Profeſſor inſtitutus fuiſſet, haud minori ſtudio Regulæ obſeruantia incumbens, ad Capucinos migrat. Inter quos cùm tredecim annorum ſpatio, Theologicam facultatem ſummâ cùm ingeniij laude expoſuiſſet, humilitatem, obedientiam,

rerum

rerum pauperiem, honoris contemptum, vitæ austeritatem, cæterisque Religiosi hominis virtutes, ita cum summâ eruditione coniunxit; vt num virtus in eo eruditione maior esset, aut eruditio virtutem excelleret, iure dubitari posset. Quo factum est, vt apud vniuersos, tam Fratres, quàm sæculares Viros, haud exiguam sibi sanctimonix famam compararit. Pluribus in eâ Prouinciâ excolendâ laboribus & curis perfunctus, cum primùm Deo ad meliora vocante, in Drepanensi Conuentu mortalem cum immortali vitâ commutasset, plerique ea, quæ illius quondam vsui inseruierant, postulantes, sibi velut sacra reposuerunt. Inter quos Ludouicus Bichera, nobilis Drepanensis, cum illius baculum, quem à Fratribus dono acceperat, post eiusdem obitum mulieri cuidam Mazarensi, à Dæmone obsessæ; alteri quoque graui morbo laboranti, imposuisset; illa à Dæmone, hæc ab ægritudine protinùs libera fuit. Obijt Anno 1588.

Fr. MARIANI A NASO.  
PRÆDICATORIS,  
*VITA, ET GESTA.*



RATER MARIANVS à NASO, Concionator, tot in Mellanenfi Prouinciâ virtutibus floruit, vt Prophetico spiritu donatus, viuens, duobus cuiusdam mulieris filijs grauissimè ægrotantibus, salutem prædixit, ac suâ oratione incolumitatem repentè à Deo exorauerit; in morte verò à Nafonenfi populo ad illius funus turmatim confluente, & ob sanctimonix opinionem sibi habitus ipsius particulas præscindente, caro ipsius mollis, ac tenera pertractatur. Demùm post mortem ipsius pallium grauiter ægrotantem statim à febre curat; & paulatim ad integram incolumitatem reuocat. Obijt

Anno 1588.



FRATER DOMINICVS A BUSCHETO FRATRVM CAPVCINORVM  
 PRÆDicator.

FR. DOMINICI A BVSCETTO,  
PRÆDICATORIS,  
*VITA, ET GESTA.*

**R**ATER DOMINICVS à BVSCETTO, Sacerdos, tenui profapia ortus, piè tamen, atque omni cum timore educatus, cum ad vigesimum ætatis annum peruenisset, ad Capucinorum gremium inter ipsa reformationis primordia confugit. Quo tempore grauissimas illius tempestatis procellas, in nouam Reformationem concitatas, tam constanter, atque æquo animo pertulit, vt cæteris clarissima patientiæ, ac tolerantia exempla exhibuerit. Elucebat quoque in eo cum primis mira quædam animi simplicitas, virtutum prænuncia, ac prima innocentia comes: quâ fiebat, vt cum omnia in eo ita cum virtute composita apparerent, vt ne quidem leuioris culpæ suspicio cuiquam de eo oriri posset, Angelicam potius, quàm mortalem inter homines vitæ conuersationem præferret. Ex quo sæpissimè ijs, qui illius Confessiones excipiebant, scrupulus exoriebatur, num dignam is sacrâ absolutione causam præstaret. Præclaram hanc vitæ innocentiam perpetua morum honestas, & pudicitia candor comitabatur. Dum aliquando in quodam oppido Dei Verbum disseminat, à muliere ad venerea plectus, generosum ad eâ triumphum referet; cum tamen aliquâ tentatione caro insolesceret, statim nudatum corpus flagellis aggreditur, durisq; illud tamdiu verberibus cædit, quoad corporis dolor sensus voluptatem fugaret. Porro inter hæc castitatis prælia, Dominicus pudicitiam tam integram, & inuiolatam seruauit, vt quam in natiuitate semel acceperat, hanc ipsam in morte illibatam reddiderit; quemadmodum ipse circa vitæ finem declarauit. Diu cilicio vsus, quotidianis flagellis corpus terebat, & iciunijs, præter consueta, extenuabat. Nullum illi tempus ab oratione vacuum erat. Et quamuis breuissimo somno vteretur; nunquam tamen ad quietem accedere solebat, quin à psalmodiâ somnum auspicaretur; à quo excitatus, confestim cœptum Psalmum prosequebatur: sicq; fiebat, vt somnus, qui psalmodiam interceperat, rursus eam restauraret, & Psalmum Psalmo copularet. At verò, ne somnus grauior efficeretur, non iacens, aut protenso corpore, sed sedens tantummodò, velut qui grauiora, ac

somno

fomno præstantiora meditatur, fomnos captabat. Hic cùm aliquando in oratione defixus, totum sese in Diuinæ charitatis sinum effunderet, Iesum Christum è Cœlo delapsum spectat; qui cum tria aurea poma manu gestaret, eidem optionem dat, vt ex his vnum, quod maluerit, eligat, quod se illi daturum pollicetur. Quid verò poma illa aurea mysticæ significationis præferrent, aperiens: primum declarabat esse Prophetiæ donum: secundum miraculorum potestatem: postremum prædicationis donum. Is itaque, cæteris prætermisissis, in prædicationis gratiam animum intendit; quæ, cùm ad animarum salutem Deo gratissimam spectet, ex quo potior Dei gloria exoritur, & quæ minus humanæ gloriæ coniunctum habet; illam sibi à Domino dari postulat. Id verò Saluator tam iucundè accepit, vt non tantum aureum illud Apostolicæ prædicationis malum, quod petierat, donauerit; verùm & alia Prophetiæ, ac Miraculorum dona liberalius largitus fuerit. Post vigesimum igitur à susceptâ Religione annum, acceptum prædicationis munus, tantâ spiritus vbertate, ac tam ingenti omnium fructu prosequitur; vt, cùm Ecclesiæ populorum ad eum confluentium frequentiam capere non possent, suggestus illi vel in publicis plateis, vel in agris sæpè pararentur; tantaq; ob crebra, quæ ab eo fiebant miracula in eum hominum deuotio effluebat, vt sermone peracto, illum certatim turbæ raperent; atque in humeros sublatum, quisque illum sibi vendicare vellet. Cùm autem ob Viri simplicitatem (ne Religionis existimatio in discrimen raperetur) prædicandi facultas illi interdicta fuisset, ac postmodum restituta; Dominicusque ad prædicationem obedientiâ duce rediisset, D. O. M. qui illius maximè patientiâ delectatus fuerat, latam ignominiam ampliori honoris vsurâ refarcire voluit: tot namque statim miraculis emicare cœpit, vt quotquot ab eo Crucis signo tangebantur, à morbis protinus curarentur. Horum libet nonnulla ex innumeris, quæ apud nostra M.S. habentur, exempla, certâ fide, ac testimonio probata, proferre. In his primus est operarius quidam in Conuentu Montis veteris, qui cùm è ponte sublicio delapsus, os brachij sui confregisset; Dominicus ad eum accedens, signo Crucis curat, ac nullâ interiectâ morâ ad opus reuocat. Firmi in Piceno, dum aliquando Vir sanctus innumeram hominum multitudinem in ipsâ vrbis portâ obuiam habet, quæ ab eo benedictionem postulat, inter quos Vir erat corpore mutilus, vix ille, vt populum benediceret, manum in Crucis signum protendit, cùm statim, qui membris captus fuerat, eâ benedictione conualuit. Cùm iter faceret



Vir sanctus, iam ætate grandævus, fluuium, qui aquis intumuerat, in viâ offendens, dum agros circumspēctat, num quisquam appareret, qui illum cum socio transflumen deferret, fortē languidum hominem, qui graui in tibiâ vlcere laborabat, accedentem cernit. Cui Vir Dei: si tibiæ (inquit) morbo curareris, num hanc in nos pietatem conferres, vt ad alteram nos fluminis ripam pedibus tuis traïceres? At ille: quid hac de re dubitas, Pater? Tunc Dominicus signo Crucis tibiæ impresso, statim vlcus sanat; illeque ab vlcere curatus, exultans Virum Dei cum socio humeris impositos, trans flumen vehit. Franciscum Basium Rauenatē, grauiſſimo, ac penē incurabili iam dudum poplitis dolore laborantē, signo Crucis incolumem reddit. Hoc pacto alteri quoque, qui immani brachij cruciatu iactabatur, signo Crucis curationis beneficium impendit. Eodem modo Virum claudum, qui nullo modo, præterquam ligneis fulcris fretus, progredi valeret, sanat. Hoc ipso Crucis signo nobilem quendam Camertē ex Matricorum familiâ, ab hydropisi liberat. Alterum quoque Forosempronianum ex Volpetorum stirpe, à paralyſi. Tertiā Faustianā Gotiā à sancto Martino, à colico dolore, & ab oculi argemâ, quæ illi cœcitatem intulerat, atque ipsius famulum ab anginâ, quâ præfocabatur. 5. Thomā Ceuallium Maceratensem, ab vniuersali morbo. 6. Portitorem quendam ad Chientum flumen, qui horribili colli vlcere tabescebat. 7. Fabium quendam à Monte sancto, à graui herniâ. 8. Ludouicā Picinā Forosempronianā, à coxendice, quâ progredi prohibebatur. 9. Agricola m febre laborantē. 10. & 11. Geminas mulieres lethifero morbo correptas. 12. Iuliæ Picæ infantē, extremum iam spiritum exhalantē. 13. Mulierē in monte Cassiano, Baptistā nomine, à pedum ægitudine, qua per quadriennium, & quinquennium afflicta fuit. 14. Antonium Manochium Firmānum à graui cernicis dolore, quo diu laborauerat. 15. Agricola cuiusdam filium, in oppido sancti Viti, qui in extremis laborabat. 16. Sulpitiā Rustinā Nouanensem, à vehemēti dolore colico: Antoniam quoque Tuffiniam à podagræ cruciatu. 17. Nobilem quendam Tolentinā, tam graui oculorum lippitudine laborantē, vt vix obiecta cernere valeret. 18. Mulierē quandā Vrbinatē, à graui crurum vlcere, cui nullum vnquam remedium profuerat. 19. Corbellæ Medici vxorem, & filiam: hanc à mentis stoliditate, illam ab hæcticâ febri, quâ iam diu intabuerat. 20. Virum

quendam Insulæ Fanestris, à genuum tumore. 21. Mulierem Perguliensem ab oculorum cæcitate, quâ per quadriennium laborauerat. 22. Parochialis Montis Luponis Ecclesiæ Præpositum, à diuturnâ herniâ. 23. Badi Pharmacopolæ Pisauriensis vxorem, quæ fide ratione omnium ferè membrorum vsum amiserat. 24. Gentilem quandam Hectoris Mancij à Mondauio filiam, quæ cum morte coluctabatur. 25. Marci Antonij Parisiani Tolentinatis propinquam, à diuturnâ ægritudine, quæ cum Viri Dei præsentia frui non posset, indusum à Viro Dei benedictum induerat. 26. Elisabethæ Tancix filium, ab vtriusque oculi cæcitate, quam ex boæ morbo contraxerat. 27. Agricolæ puerum, vtroque crure claudum: quas item mulieres ( Ioanne Veregrani Medico teste ) ab insana-bili morbo; aliosque quamplurimos, quos consultò prætereo, Vir sanctus solo Crucis signo, Diuinâ virtute curat. His tres vitâ defunctos, ab eodem ad lucem Crucis signo reuocatos, libet adnectere; quos certâ fide, ac multiplici testimonio communitos offendi. Hispello Vir sanctus Fulginium proficiscebatur, cum per pagum quandam iter faciens, erumpentes è domo ploratus percipit. Domum ingreditur, puerum in lecto exanimem cernit; qui cum matris vnicius esset, hunc eo mane vitâ defunctum mater cum familiâ multis lachrymis lugebat. Illam Vir Dei ex animo miseratus, paululum cum genuflexus orasset, ad matrem conuersus: siste lachrymas, (inquit) neque enim mortuus est puer, sed dormit. Tum verò pueri manum apprehendens, quasi qui quiescentem è somno excitaret: surge, (inquit) puellule mi, surge in nomine Domini IESU CHRISTI. Confestimq; surrexit puer. Is verò statim inde abscedens iter suum prosequitur. Post hæc cum Veregrani pestilens quidam morbus integras interdum familias depasceret; Vir Dei sæpè ægrotos visitans, domum quandam ingreditur, in quâ binas mulieres in feretris collocatas, & circumcirca propinquos, ac domesticos lugentes cernit. Hinc Vir Dei piâ miseratione ductus, cum genuflexus ad vtriusque feretri caput aliquantisper orasset, socio quoque suas ad pedes feretri preces Deo offerente, surgens Dominicus successiue ad vtriusque defunctæ corpus conuersus, hæc verba, Crucis signo adhibito, altius profert: *In nomine Patris, & Filij, & Spiritus sancti, surgite.* Vix ille ea verba protulerat, cum mox ambæ è feretro exilientes, vniuersos ecstasi, ac stupore replent, indeque Diuinas laudes persoluunt. At præter hæc Castrodurantij virum agricolam Vir sanctus aliquando Prophetico spiritu compellat:

Amice inquit) fremat licet in te Satan; haud tamen illius iras reformides: quicquid enim contrà nitatur, id ego tibi certâ fide polliceor, nihil tibi sinistrum hoc anno euenturum fore. Neque id frustra monuit: nam eodem anno, cùm solutis compagibus, integra domus tota, intus existente familiâ, vsque ad fundamenta corruisset, Diuino miraculo factum est, vt nec minimum vllus ex familiâ damnum passus fuerit. Post hæc hoc ipso quoque anno, cùm ex nimia imbrum copia, fluuiio exundante, arua, quæ agricolæ agrum vndique circumstabant, circumcirca obruta essent; solum agricolæ ager, haud secus quàm si muris septus fuisset, ab alluione immunis seruator. Matelicæ quoque arenti segeti pluuiam suâ oratione impetrat. Montis veteris filium moribundum absens suâ oratione sanat. Fr. Innocentium à Forosarzinio; Sacerdotem ex nostris à sanguinis profluuiio, ex quo extra mentem aliquando agebatur, compresso vtrâque manu capite ab illâ ægritudine liberat. Camerini equum languidum biduo pabulum respuentem aquâ lotionis manuum propinatâ ita sanat, vt quamprimum famelicus ad fœnum cucurrerit. Hoc pacto boues etiam cuiusdam agricolæ, qui veneno intumuerat, certumq; vitæ exitum expectabant, ad sospitatem reuocat. Alexander Thadæi Maceratenfis filius, adhuc puer, cùm diu quartana febris laborâisset, plenâ fide sancti Viri pallio se contegit: quo tempore Vir Dei diuinitus factum agnoscens, patri, simulque recumbentibus ait: Alexander, vt à febris conualescat, meo se pallio contextit. Moxq; exclamans: Alexander, ait, non mihi, sed Deo duntaxat, ac B. P. Francisco confide, si à febris liberari cupis. Mirabantur Propheticum sancti Viri spiritum vniuersi; at multò magis, cum puerum eodem temporis momento à febris curatum rescuere. Dum Vir Dei Aletix verbum Dei disseminat, mucidum vinum suâ benedictione in optimum conuertit. Hoc quoq; modo Spalatranî, cùm vini lagenam, atq; absens dolium benedictione oppetijisset, vnâ & lagenæ, & dolij vinum optimum efficitur. E sacrâ Lauretanâ domo Ricinum proficiscens, mulierem à spiritu nequam arreptam, signo Crucis à maligno spiritu liberat. Iuuenis quidam à Rapanianî Castello, in ipsâ Dominicæ Resurrectionis die, publicè citharam pullabat; quem cùm Vir Dei durè increpâisset, is manum ad pugionem extendens, vt eo virtum Dei oppeteret, Diuinâ mox virtute accidit, vt nec pugionem arripere, neque manum à tergo retrahere vllò modo valeret; donec facti poenitens, Vir sanctus Crucis signo manum consignans,

illam, vt prius, ei liberam reddidit. Hoc pacto in altero quoque pago, dum alter pugioni, vt Dei seruum inuadat, manum admouet, manus ita pugionis capulo adheret, vt neque eam à pugione amouere, neque pugionem è vaginâ exerere posset; donec illo ad meliorem frugem conuerso, serui Dei oratione manus restituta fuerit. Rursus, cum in sancti Casarij oppido publicas choreas exturbare vellet, perditus quidam Vir, districto acinace, Dei Virum aggreditur; verum simul atque, vt ei vulnus inferat, brachium extollit, mox illud Dei virtute rigens, tam immotum in aëre sistitur, vt perinde, ac si ligneum, aut æreum esset, nullam illud in partem inflectere valeret. Æstiuo tempore, iam ætate grandæuus, cum Vir sanctus iter faceret, siti æstiuans, vinum illi & socio in cucurbitulâ è Cœlo ministratur. In agro Picensi, cum Clericus quidam sancti Viri socius præ inediâ pedem vltius efferre non posset, se in humum proijcit. Quo tempore Vir Dei paululum secedens, in genua procidit, ac Beatissimæ Virginis opem impensius implorat. Vix ille ab oratione surrexerat, cum in proxima arbusta oculos coniiciens, binos in his panes, è Cœlo datos animaduertit: quorum esu cum vterque recreatus fuisset, ab eo, qui stipem illis tam benignè erogauerat, potum quoque non minori spe de eiusdem liberalitate conceptâ, expectabant; cum paululum progressi domum quandam in latâ planitie assurgentem cernunt, ex quâ Beatissima Virgo sub venerandi aspectus matronæ formâ prodiens, eos manuum nutibus, vt ad ipsam accederent, appellat. Eò cum illi se protinus contulissent, en nobilis illa Mulier geminos ipsis ad potandum vini calices offert: quibus haustis, cum lætas illi gratias egissent, inde abscedunt. Vix autem paululum in viâ progressi, cum retrò aspicientes domum attentius intueri vellent, neque domum, neque domus vlla vestigia deprehendunt. Cum Vir sanctus in Conuentu Montis veteris aliquando cum duabus mulieribus de rebus Diuinis sermones texeret, auicula quædam proximæ arboris ramo insidens, dulcius canebat. Quam Vir Dei appellans: Veni (inquit) ad nos sororula; & quandoquidem tam dulces edis sonos, has Dei famulas tuo cantu paulisper recrea. (Mirabile dictu) vix hæc protulerat, cum auicula in Viri manus aduolat, tamq; suaues ibi modulos fundit, vt summam ijs voluptatem adferret: neque tamen inde abscedere voluit, donec Vir sanctus eam sua benedictione dimitteret. Quod illi sæpè quoq; alias accidisse nostra MS. ferunt; qui cum varias ad se volucres accerferet, illæ velut ad domesticum conuolantes, cum eo colludere

videbantur. Alterum, Verbum Dei disseminaturus proficiscens, per medios imbres, absque imbre, totâ die iter facit. Absoluto verò prædicationis munere, à nonnullis illius oppidi viris ad amniculum vsque, qui viam interfecat, deductus, dum amnem trajcere parat, is aquis tumidus difficilem, seni præsertim, transitum præbere videbatur. At ille, cùm baculo, quem manibus ob senium gestabat, aquam attigisset, protinus ad alteram amnis ripam, Angeli alicuius operâ, aut Dei virtute deuectus conspicitur. Fulginio aliquando Camerinum versus cum socio proficiscens, cùm ob niuium copiam in viâ aberrâisset, ab Angelo in rectam viam ducitur. Rursus cùm Vir Dei, iam senio confectus, Forosempronium iter faceret, viribus repente destitui cœpit; vixque campestrem quandam ædiculam nactus, in eâ prostratus iacebat. Socius verò, cùm nihil, quo senis vires instauraret, secum ferret, animo grauius angebatur: quo tempore ex Beatissimæ Virginis imagine, quæ fortè ibi depicta videbatur, nonnihil excidisse animaduertit. At illud attentius inspiciens, sacco fragmentum esse comperit, quod ad senis imbecillitatem instaurandam, à Beatissimâ Virgine tunc opportunè ministrabatur. Eo igitur, Vir Dei tam facile ab eâ virium imbecillitate conualuit, vt reliquum iter expeditè breui tempore confecerit. Virum Dei Veregano aliquando discedentem, cùm ex oppidanis nonnulli, deuotionis gratiâ comitarentur, retiaque ad piscandum secum delata, in lacum iactâssent, nullâ vnquam arte aut labore id assequi potuerunt, vt piscem vel vnicum concluderent. Quibus Vir Dei: vos (inquit) vestra retia iactantes nihil proficitis: huiusmodi enim sunt mundi retia, quibus commoda, & voluptates expiscantes, vanum in his laborem impenditis. Quid si ego absque retibus solo habitus aspectu, piscem expiscatus fuero? an non meliora S. P. Francisci, quàm vestra mundi retia fore, vos sentire æquum erit? His dictis, cùm manicæ os ad laci ripam admouisset, melioris notæ piscis è lacu erumpens, protinus in ipsius manicam exiliit. Cereti Dominicus Dei Verbum prædicaturus, in ipsâ die, quæ diem Cinerum antecedebat, solemnes in domo quâdam audit choreas parari: quapropter Crucifixi imagine manibus arreptâ, cùm populi turbam, quæ eò ad saltationem conuenerat, corrupto chorearum vsu detertere conatus fuisset, demum futuram domus illius ruinam Diuino spiritu prænoscingens, mox exclamat: velocius aufugite, ô Viri, ne vos domus istius ruina comprehendat; iam etiam casus illius sonitum percipio. Hac tam propheticè, ac vehementer in turbæ illius aures percrebuit,

ut quotquot aderant, eâ voce exterrefacti, mox ex eâ pedem extulerint; & quidem opportunè: vix enim inde emerferant, cum domus à culmine tota præceps ruit. Idem quoque Aleij, quò is prædicaturus accesserat, accidit. Firmi quoque infra seſquiſhoram, domum, in quâ choreæ instituebantur, ruituram prædixit; quæ omnia ipſo rerum euentu probata fuère. Cùm verò Dominicus chorearum damna, & turpitudinem Metij pro concione exagitans, horrendum Dei iudicium ei, qui prior choreas duceret aut institueret, comminatus fuiſſet, oppidi illius populus, & Viri Dei voce, & domus præfatæ caſu perterritus, per triennij ſpatium à ſaltatione abſtinuit; donec ex eis Vir chorearum cupidus, cùm pretio cuiuſdam domum ad ſalutationem ineundam conduxiſſet, ſolus in eâ ſaltatione gladio peremptus, formidandum Dei iudicium à ſancto Viro prænunciatum tulit. In pago Borgopaciſ, Thadæi Mutioli vxori, quæ foetum in vtero gerebat, maſculum parituram, Deoque in Capucinatorum ordine famulaturum prædicit. Intimas cogitationes Bernardinæ cuiuſdam Ludouici Mariani vxoris aperit; Reſq; à Ludouico apud Ducem Vrbinate tam foeliciter ab eo geſtas, ut pro voto ſucceſſerint, ſignificat. Friderici Bonauenturæ nobilis Vrbinateſis Matri, quæ diutino morbo laborauerat, diu etiamnum eo afflicendam præmonet; iunioris vero pediſſequæ, incolumis, & ætate ac robore florentis vicinam mortem prænunciat. Fr. Nicolai à Monte ſlorum, noſtri Ordiniſ Sacerdotiſ, ſorori grauiffimè, ac ſerè ad Medicorum deſperationem laboranti, incolumitatẽ promittit: Verùm cùm poſt annum eadem leui ægritudine correpta, Phyſicorum ſententiâ à periculo abeſſet, re à Nicolao ad Virum Dei perlatâ, Nicolaum monet, quatenus ad ſororem reſcribat, ut reſ ſuas maturiùs cum Domino componat; ne inopinatus dieſ, qui proximuſ eſt, dormitantem præoccupet. Paret illa; ingraueſcenteque præter ſpem ægritudine, breui diem extremum claudit. Aurelia Thadæi Mucioli vxor, filiam Margaritam nomine, adhuc lac ſugentem Viro Dei benedicendam aliquando offerens, protinuſ iſ: Quid mihi (inquit) puellam offerſ? quam ſi inter vlnas accepero, proculdubio ad ſuperos transmittam. At mater impenſius rogans, ut puellam inter vlnas acciperet; vbi puellam in manibuſ excepit, ter in hæc verba cœpit erumpere; In cœlum, puella, in cœlum: moxq; illam Matri reſtituens abiit. Vix paucis poſt diebuſ elapſiſ, puella ægrotare cœpit, celerique re<sup>bo</sup>bo conſumpta, ad ſuperos abiit.

Pandolfinae Philipuciae à Monte sancto, quae plurimos cum viro absque prole annos exegerat, prolem prænunciat. Fratri Iosepho Neapolitano, fratrem è carcere intra tot mensium spatium liberandum, prædicat. Mondauij, dum Conuentus nostris extruitur, quatuor pueris ed conuenientibus, futuram vitae rationem prænunciat. Fani dum in cellâ orat, septem quadrigas, ad eum ab Æmiliâ aduenturas præuidet. Sophoniissæ Thadæi Maceratenfis filiae núbili sponsalia post tres annos, viri nobilitatem, ac pleraque alia prænunciat. Flordalisæ Sinibaldi ab Empulo obitum, & obitus diem præsignificat. Mariæ Thadæi Maceratenfis vxori culpas, tamen si occultas, ab eâ patratas aperit; & omnia, quæ Thadæi familiæ euentura erant, quoad superstes fuit, Diuino spiritu agnita, patefecit. Hæc de Diuinis ipsius reuelationibus satis. Dum Altiti prædicationis munere fungitur eiusdem oppidi vir, vxorq; à Dæmone arrepti, immaniter cruciabantur. Dum igitur Vir sanctus, noctu pro ijs apud Deum orationes fundit, Dominum in spiritu conspicit: qui cum per angustam quandam viam Cruce onustus præcederet, illum hi quoque, pro quibus suas Deo preces offerebat, singulas Cruces gestantes prosequabantur. Hoc is visu edoctus, cum eam Domini voluntatem, & consilium esse agnosceret, vt hac illum ij Crucis viâ sequerentur, mox is post Domini tergum exclamat: O Domine, ô Domine! nequaquam pro his, vt à Dæmonis vexatione liberi fiant, rogo; quin, si placet his afflictiones adde: hinc illos vre, hinc seca, vt in æternum parcas. Maria Thadæi nobilis Maceratenfis vxor, ita ad fumarij parastatem caput alliserat, vt velut exanimis, statim humi corruerit: quo tempore Dominicus in Urbini Conuentu orans, Dominum Matri Virgini associatum, in visu cernit, qui Mariam sanguine sordidam, ac letho proximam gestabant. Intellexit oppido Vir Dei, graue aliquid Mariæ accidisse, quo suprema illi dies immineret. Quamobrem omnes illic orationis neruos tendit, vt Mariam ab impendentis mortis periculo liberet. Cui tandem Dominus Deiparae Virginis precibus exoratus annuens, hoc ipso temporis momento, Maria, quæ mortua, vel ad summum breui moritura credebatur, reuiuiscere visa est. Frequenter huic Viro Dei Virginem Deiparam, quam præcipuâ veneratione colebat, apparuisse, communis huius Prouinciæ vox est, famâ duntaxat, absque scripto, cui minùs ætas illa huius, atque aliorum gesta tradere visa est, consignata. Cuiusdam tantum visionis fragmentum, ex Ordinis monumentis haustum, integrum extat: quo fertur Dei seruum, dum aliquando



orationi incumberet, à Virgine Deiparâ edoctum, quibus illam verbis inuocare deberet. Dum in Narnienſi Conuentu ianitoris munere fungitur, Chriſtus Dominus ſub pauperis habitu hoſpitiū poſtulat, & à Dominico panem accipit. Ibidem Iuſtino Guardiano grauiter agrotante, eo tempore Dominico nocte in Eccleſiâ oranti numeroſa quædam centum circiter Fratrum Capucinorum ſupplicatio apparet; qui Eccleſiam patefactis vltro foribus, ingredientes, & cancellos, & Sancta Sanctorum ad Chorum uſque penetrantes, inde in Dormitorium ſubeunt. Stupebat Dominicus, & vndenam tot Fratrum multitudo erumperet, quòve tenderet, ignorabat. Quamobrem cùm iam cunctis, qui in ſupplicatione gradiebantur, præteritis, duo tantùm extremi ſuſceſſent; ad eos Dominicus accedens, ab ijs, quinam eſſent, & quò progredierentur, ſciſcitatur. Cui illi: Fratres (inquiunt) Minores Capucini nos omnes ſumus, qui non pridem in Domino obdormientes, cùm eo regnamus: nunc verò ab eo miſſi, ad Guardianum laborantem pergitur, vt viſitationis illi gratiam impendamus: ſuprema enim illi imminet dies, quâ ex hac in meliorem emigraturus eſt lucem. Iouis proxima haud elabetur dies, cùm huc reuertentes, ipſius animam è corpore emigrantem, rectâ in Cœlum comitabimur. His dictis tota ea Fratrum ſupplicatio è Dominici oculis erepta fuit. Iam Dominicus conſenuerat: & licet ſeptuagenario maior; ſtrenuam tamen in Domini vineâ Dei verbo excolendâ operam nauabat; cùm poſt Quadrageſimalium ſermonum penſum in oppido Porquinculi, ad Tiſerni Metaurentis Conuentum proficiſcitur. Tipherno haud longè abeſt oppidum Borgopacium; in quo dum verbum Dei diſſeminat, vitæ ſibi occaſum imminere diuinitus præſentiens, Thadæo Muciolo, qui illum domo, ac menſâ excipere conſueuerat, prænunciat: Cum autem morbus ingraueſceret, inde Tiſernum reuertitur. Verùm Petro Thadæi filio ad ſe ante diſceſſum vocato, baculum, quo in vitâ utebatur, his verbis tradit: Petre, baculum ſenis pauperuli accipe, & diligenter cuſtodi: multis enim fortasſe proderit. Iſdem quoque verbis uſus, craſſioris panni cingulum, quo veſtem attollere ſolebat, Thadæi vxori donat. Poſt hæc Tiſernum verſus iter carpit. Conuentum eo tempore moderabatur Vrbanus à Petrâ Rubeâ, cui in aduentu Dominicus: Neſcis (inquit) Vrbane Pater, quod hæc me rox vltima manet? Iam, iam ſupremum tibi, atque humanis rebus valedicturus ſum. Cùm primum igitur in infirmorum cellam Guardiano iubente ſe contulit, animam Sacramento expiat, ac

collectum animum tam ardentem in Deum transfert, ut Fratres qui illius usque ad Matutinas horas curam susceperant, assidue eoque orantem, ac vehementius IESU CHRISTI, Virginis Deiparę, ac S.P.N. Francisci patrocinia implorantem, obseruauerint. Dum igitur in Choro Matutinę horę persoluantur, Beatus senex, inter Fratrum manus, animam Deo reddit Anno 1589. Obijt Vir omnium seculorum memoriã dignus, sextum suprà septuagesimum ætatis annum agens, cum ex his quinquaginta sex annos Deo in Capucinatorum Ordine consecrasset. Dominici obitus nemini adhuc, præterquam Fratribus innotuerat, neque ullus in toto Tiferni Metaurenfis oppido erat, cui Viri Dei sanctimonia nota esset: cum vix die illucescente, magna virorum, & mulierum turba ad Ecclesiam confluit, sanctique Viri corpus, quod iam in Ecclesiã collocatum fuerat, veneratur, osculis petit, omnes corollis caput contingunt; ac velut Sancti iam in Cœlo regnantis, opem, & preces sibi postulant. Id verò in eum populi magis studium accendit, quod illius caro, præter cæterorum morem, mollis, tractabilis, atque adeò tenera videbatur, ut pressa iterum se attolleret, atque infantilem referret; ita ut dormientis potius, quàm defuncti naturam, & qualitates præferret. Post huius sancti Viri obitum, pleraque D.O.M. piè illius merita implorantibus, è Cœlo beneficia præstitit: Vir namque in oppido Tiferni Metaurenfis, qui ab utero matris claudus fuerat, ipsius opem apud Deum postulans, integræ incolumitati redditur. Mulier quoque, quæ albuginem in oculis patiebatur, ita ut clarè cernere non posset, eo inuocato, integram lucem recepit. Altera itidem mulier, Peregrina nomine, quę graui tibiæ dolore laborauerat, vix ad sancti Viri opem confugit, cum repentè tam perfectè sanata fuit, ut nullam deinceps illi molestiam exhibuerit. Hypermnestra nobilis mulier, à Ricino nouo, beati Viri pallium à Fratribus post ipsius obitum dono acceperat. Quo tot miracula (id eã sub iureiurando attestante) patrata sunt, ut cum ob confluentium multitudinem, qui sibi pallium postulabant, pallio tandem orbari timeret, amplum ab eo præsegmen diffuerit, quod passim petentibus accommodatum, varios ab ijs morbos depulit. Corollas sanctus hic Vir, dum viueret, ex funiculis crebros in nodos colligatis; ligneas quoque Cruces quasdam exiguas componere, ac varijs dispertiri solebat, quæ plerosque, eo tum superstite, tum è viuis sublato, à diuersis languoribus curarunt. Inter quos enumerantur Margarita,

Simonis Boni vxor, è Borgopacio, quæ cùm morbo vniuersali ita detineretur, vt vix alteram manum mouere posset, cruce huiusmodi sibi collo appensâ, breui tempore conualuit. Beneuenta quoq; ipsius filia, cuius salus tùm ob morbi grauitatem, tùm diuturnitatem planè desperabatur, hanc ipsam sibi crucem adhibens, celeriter & ipsa ab ægritudine liberatur. Panneus quoque cingulus, quem Vir Dei supremum ægotans Thadæi vxori elargitus fuerat, plurima post ipsius mortem ægris beneficia contulit, ac tres potissimum mulieres, nimirum, Franciscam Lucarellam à Borgopacio, Catharinam à Porquicuelo, & Simonam à Burgopacio, à grauissimo partus dolore, quo earum vita periclitabatur, in momento liberat. Baculum prætereà, quem is Petro Thadæi filio tradiderat, cum Lucretia eiusdem vxor, quæ ob partus difficultatem, certo in vitæ discrimine versabatur, iterum atque iterum sibi imposuisset, foetum mox feliciter edit. Huius B. Viri sudario, quod Penthasilæa Æsina importunè ab eo etiamnum superstite extorserat, pleraque patrata miracula referuntur. Inprimis Ioannem Franciscum Guestrum, Panthasileæ consobrinum, phrenesi laborantem capiti impositum ad sensum reuocat. Annam quoque Riciam Æsinam eodem morbo correptam, contactum sanæ menti restituit. Canabaceus tandem funis, quo sanctus Vir præcingebatur; habitus præsegmina; sporta quædam, quâ is in itinere utebatur, tot signis, ac virtutibus, posthæc scatere visa, vt cùm ipsius apud Deum gloriam non obscure testarentur, immortalem quoque apud homines etiamnum memoriam alant.

## FR. PETRI A CAMPIS.

### PRÆDICATORIS,

### VITA, ET GESTA.



**E**RATER PETRVS à CAMPIS, Ambianensis, Sacerdos, præclaris virtutibus fulgens, cùm Ambiani ab ipso iuuentutis flore S. P. N. Francisci Regulam in Fratrum Obseruantium (vt vocant) Familiâ professus esset, post aliquot annos; arctioris obseruantia (vt ferunt) cupiditate ductus, cùm Capucinatorum vitam amplecti vellet, à sui Ordinis superioribus in carcerem detruditur; è quo intempestâ nocte aufugiens,

primum in Hispaniam proficiscitur ; deinde in Galliam rediens, Lutetiæ Capucinatorum habitum , & vitam extra Obseruantium claustra , nullo tamen Capucinatorum Religioni vinculo alligatus ; præferre visus est. Quapropter his minimè insistendum censeo, quæ ab anno 1568. quo is ab Obseruantium Ordine desciiuit ; vsquæ ad annum 1573. in quo apud Capucinos Romæ probationis annum instituit , ab eo gesta sunt , tanquam non legitimè ab eo facta ; cum præter primum illud animi propositum quo in perfectiorem Regularis obseruantie formam ferri aliquando visus est ; nihil in eo hic nobis commendandum adsit. Romam igitur primum ; tum Anconam , vbi tunc Generale Capitulum celebrandum erat , proficiscitur. Vbi à Mario à Forosarzinio repulsam passus ; postmodum à Vincentio à Monte Vlmi , qui Mario in Generalatus munere successerat , benignè tandem exceptus , & Religionis habitum donatus , in Romanâ Prouinciâ probationis annum instituit. Petrus igitur tyrocinij anno peracto , cum Pacifico à sancto Seruatio Generali Commissario Lutetiam proficiscitur ; vbi Euangelicæ prædicationis munus sibi à Generali demandatum , ita Apostolico spiritu , præsertim aduersus Hæreticos passim in agro Parisiensi grassantes aggreditur , vt cum vbique falsa eorum dogmata Catholicæ veritatis gladio confoderet , tam sæua illorum odia sibi comparauerit ; vt ab ijs ad necem sapissimè conquisitus , vix ab illorum insidijs liber euaserit. Nec minorem tum animi constantiam , tum Christianæ charitatis testimonium , cum sæua pestis Lutetiam inuasisset , in ægrotis curandis exhibuit ; quo in ministerio summam profectò apud omnes laudem consecutus est. Bis ad Domini sepulchrum , tum ab Henrico III. tum à Ludouicâ Reginâ Henrici vxore missus , Hierosolymam proficiscitur. Eo tempore multa passus , infideles suâ patientiâ , & præclaris vitæ exemplis ædificat. Hoc quoque itinere ; cum flumen quoddam profundum illi transeundum esset , quâ parte illud transuadari posset , anxius animo inherebat ; cum breui oratione Deum precatus , hominem cernit , qui vadum indigitat , per quod totò flumen trajicere queat. Post hæc flumen transgressus , cum viro gratias acturus , se à tergo conuertisset ; neminem conspicit ; ex quo cœlestem opem cognoscit. Hinc cum Massiliam appulisset Petri Imérini filiam , quæ grauissimè ægrotabat , suis ad Deum precibus incolumitati restituit. Denique ab utrâque peregrinatione rediens , cum post Henrici III. Blesis acta , in ea Petrus Aureliani acrius

inueheretur, Hæreticorum, qui Regis partes tuebantur, conspiratione ad necem quærebatur. Quamobrem, vt eorum tantisper furorem declinet, ad Belgas se confert; Bruxellisq; lethali morbo correptus, supremum diem absoluit, Anno 1589.

## Fr. IOSEPHVS OXIBIENSIS. PRÆDICATOR.

**I**N Genuensi Prouinciâ Fr. IOSEPHI OXIBIENSIS (vulgò de Oneglia) Liguris Concionatoris, adhuc floret virtutum memoria. Hic ardentissimus Diuini Verbi præco fuit, tantâ vitæ austeritate præditus, vt Quadragesimali prædicationi incumbens, tres hebdomadæ dies, panis & aquæ ieiunio consecraret, reliquos verò absque cibo transigeret. Orationis studio incensus, longas in eâ noctis vigiliis ducere consueuerat. Dum nostri Ordinis Concionatori ægotanti signum Crucis impendit, mitescit morbus, ac paulatim in integram valetudinem desinit. Spoturni prædicans, Virginum turmam ad priuatum castitatis votum prouocat. Demùm optimo apud omnes virtutum odore relicto, post prolixæ ægritudinis patientiam ad coronam euolat, Anno 1589.

## Fr. ANTONII A MONDVLPHO. PRÆDICATORIS. *VITA, ET GESTA.*

**R**ATER ANTONIVS à MONDVLPHO, Sacerdos, nobili ex stirpe progenitus, iam ab ipsis adolescentiæ annis tanto pietatis studio ad Diuina ferebatur, vt sæpè solus in cubiculo oraret, & cælestium rerum sapore, ac voluptate ductus, noctes interdum insomnes in oratione duceret. Tanta illi erat morum honestas, tanta mentis & corporis pudicitia, vt virginitatem, ab elegantis formæ matris pedissequæ insidijs, ac sollicitationibus, immaculatam seruauerit. Hinc in ipso iuuentutis flore, vehementiori à Deo vocatione excitatus, præstantiorem in Dei seruitute apud Capucinos nobilitatem quærit. Hoc verò suæ mentis consilium cùm parentibus innotuisset; quandoquidem eo ad Religionis gremium

accedente, eorum familia posteritare careret, nullum hi non lapidem mouent, atque argumenta intentant, quo eum à Religionis proposito auocent. At Antonius ante parentes genuflexus, tantam à Deo verbi efficaciam accipit, vt vterque parens lachrymis perfusus, tantâ voluptate in filij propositum consentiens, inde abscedere noluerit, donec filius mundi exuijs depositis, militare S. P. N. Francisci cingulum inter Capucinos acciperet. Cùm primùm verò Religionis palæstram ingressus fuit, mox carnem assiduus, præter ea, quæ Religionis consuetudine ieiunijs domans, corpus diris flagellis atterebat, & perpetuum cum sensuum voluptatibus bellum gerebat. Hinc tot animi virtutibus, & Cœlestium donorum copiam efflorescens, post Philosophica, ac Theologica studia, ad Prædicationis munus vocatus; quandoquidem in eo officio plus orationis, quam olei infunderet, mirum planè, quam vberis, vbicunque Dei verbum disseminaret, inde animarum fructus referret. Theologicam disciplinam aliquamdiu, tum in Piceni, tum in alijs Religionis Prouincijs, summâ cum ingenij laude publicè tradidit: Nulla tamen interea, quantumuis vilia, domus ministeria refugiens, assiduâq; orationis studium cum Theologico studio componens, discipulos non solum in Theologicâ facultate insignes, sed virtute quoque præstantiores Religionis peperit. Plurimis denique laboribus in eâ Prouinciâ, tum erudiendâ, tum administrandâ, piè perfunctus, cùm Generalis Theologiæ Professor Neapolim missus, multos ibi tum ad doctrinam, tum ad iustitiam erudisset, in Picenum rediens, Romæ in morbum incidit, moxque à Fratribus percunctatur, quantum ad certum quendam, tunc ab eo indicatum, vsque diem temporis intercederet? Cui Fratres, cùm tot dierum spatia abesse respondissent, Deo intimas ex animo gratias agens, inquit: Deus hic primam mihi nascenti vitæ lucem tulit, atque idem alterâ Religionis natiuitate renato, secundam à Cœlo gratiæ claritatem, simulq; Religionis habitum contulit; postremus hic quoque mortali huic vitæ finem imponet. Cumque hoc totum temporis spatium, quod vitæ illi reliquum fuit, in patientiâ, ac Domini laudibus consumpsisset, Deo tandem gratias agens, quod virginitatis florem eovsque illi integrum seruassent, eâ ipsâ, quam prædixerat, die, purus hinc ad perennis vitæ fontem euolat; Moxq; matri, quæ Mondulphi in cubiculo orabat, pellucidi radij instar, suæ illam gloriæ admonet: quæ cùm visionis illius diem, & horam obseruasset, eam certò fuisse comperit, in quâ filius Romæ ex humanis excesserat. Obijt verò anno 1590.

Fr. PETRVS à MONTE MAGNO, Concionator, cùm præclaris vitæ exemplis Genuensem Prouinciam illustrâſſet, quatuor Angelorum in morte aspectu dignatur, qui Tartarea monſtra, quæ ad eum tentandum vndique conuenerant, ſuâ virtute fugant. Obijt Anno 1591.

Fr. ANGELVM BRESSONIVM, egregium verbi Dei præconem, Aquitaniæ Prouincia inter primos ſuæ Foundationis lapides collocat. & ob præclaras animi virtutes ſummis laudibus effert; cuius ea morientis verba fuiſſe ferunt: Deo meo ob innumera collata in me beneficiagratiâs ago: verùm ob id potiſſimum, quod mihi in Capucinatorum gremio dat ſupremum vitæ habitum fundere. Obijt Anno 1591.

In Heturiæ Prouinciâ Fr. SYLVESTER ALBINGENSIS, Concionator, his omnibus virtutibus præditus prædicatur, quæ perfectum, ac numeris omnibus abſolutum Minorem Capucinum præſtant. In Choro pſallens, & Dei verbum prædicans, aliquando in mentis exceſſum rapi viſus, falſam accuſationem apud Hæreticæ prauitatis Inquiſitorem tantâ animi patientiâ tolerat, vt ipſummet accuſatorem deinceps ſingulari beneuolentiâ proſequeretur. Poſtremò cùm mulierem obſeſſam, ſolâ Beatiff. Virginis inuocatione à Dæmone liberâſſet, pietate ac meritis clarus, hinc emigrat Anno 1592.

Fr. HILARION à IAIOLS, Hiſpanus Concionator, in Coſſetanâ Prouinciâ, Vir omnibus virtutibus ornatus fuit; cuius ſanctimoniam, poſt ipſius obitum, conteſtata eſt puella quædam cæca, quæ cùm aquâ ex ipſius ſepulchro ſcaturiente, oculos lauillet, viſum recepit. Obijt

Anno 1592.







FRATER ALPHONSVS LIGVVS FF<sup>alio</sup> CAPVCINOR<sup>alio</sup>  
PRÆDICATOR.

FR. ALPHONSI LVPI. HISPANI  
PRÆDICATORIS,  
*VITA, ET GESTA.*



**E**RATER ALPHONSVS LVPVS, honestâ in Hispaniâ progenie natus, dum adhuc in sæculo versaretur, vitia, quæ adolescentem ætatem propius sequuntur, fugiens, omni studio Diuinis rebus vacabat: quare cœlesti quâdam visione inter orandum illustrari meruit. Monasterium pregrande, quale nunquam antea viderat, in quâdam planitie sibi intueri videbatur: Ad illud igitur accedens, tintinnabulum pulsat; moxque ianitorem festiuum accipit, qui illum in Monasterium introductum, ante limpidissimum quendam aquæ fontem constituit. Huius dum ille fontis magnificentiam admiratur, iuuenem quendam splendidissimum, magnâ nobilium turbâ septum, fonti inhærentem cernit; cui cum supplices libelli ab his passim porrigerentur, alios quidem is recusare, alios verò in aquæ pilam demergere, ac præfocare videbatur. Inter hæc illustrissima quâdam mulier apparet, calathum supplicibus libellis refertum in dextrâ gerens; quem cum regio illi iuueni summâ reuerentiâ obtulisset, is acceptum calathum mox in aquæ fontem immerfit. Cumque fontis, ac supplicum libellorum mysterium ignoraret, à ianitore his verbis eruditur: Fons, inquit, ipte, inexhaustus Diuinæ misericordiæ fons est, qui ad salutem hominibus impendendam, perennes fundit aquas. Vir autem ille maiestate plenus qui fonti incumbit, IESVS CHRISTVS est, Dei filius, gratiarum omnium dispensator. Porro, Viri illi illustres, qui eundem circumstantes, supplices illi passim libellos offerunt, Beatorum animæ sunt, quæ pro hominibus sedulò orationes fundunt; quorum vota haud semper Diuinam misericordiam (obsistente præsertim hominum malitiâ) assequuntur. At cum primùm mulier illa præclara, Maria Virgo, Dei mater, ad Filium rogatura accedit, nullam vnquam repulsam passâ, vniuersa à Filio postulata accipit. Hæc tibi inter sacrorum hominum claustra demonstrata sunt, vt, vbi nam Diuinorum munerum copia quærenda sit, opportunè ad discas. Alphonsus igitur Diuinæ vocationi sibi parendum statuens, in Minorum Discalceatorum Familiam conscribi curat. Viceſimum

circiter is ætatis annum agebat: cùm autem quatuordecim annorum spatio, carnem assiduis panis, & aquæ ieiunijs extenuasset, corpusq; duris castigationibus, mentem verò humilitate, patientiâ, obedientiâ, & cæteris Euangelicæ perfectionis virtutibus imbuisset; quo tempore Philosophicis, ac Theologicis studijs apprime eruditus, insignis inter eos Prædicator euasit. Inter hæc contigit, vt haud leuis inter Toletanum Archiepiscopum, & Catholicum Hispaniarum Regem de re Ecclesiasticâ disceptatio oriretur. Quare Alphonsus pro officij sui munere, Archiepiscopi causam, quam iustam sibi persuaderat, complexus, publicè pro concione eam tuebatur. Quod cùm Regij Ministri ægrè ferrent, Catholico Regi persuadent, vt Alphonsum, velut regis potestatis perturbatorem, regni exilio mulctet. Regiâ itaq; sententiâ Hispaniâ pulsus, Italiâ ad nauigat: quo in itinere cùm nauis naufragium passa esset, naufragium tamen ipse effugit. Is itaq; cùm primùm ad litus incolumis peruenit, iuuenem quendam sibi ignotum In littore offendit, qui cùm vniuersa ad amissim, quæ illi post hæc perferenda erant, prænucciasset, abscessit. Hinc Romam profectus, Pium V. Pontif. Maximum adit, exilij causam exponit: à quo summâ benignitate exceptus, ab eo quoq; protectus fuit. At Pio V. post annum è viuis sublato, Regijs Ministris apud Gregorium XIII. insistentibus, cùm ei necdum de Alphonsi innocentiam innotuisset, eum in sanctæ Inquisitionis carceres Romæ detrudi imperat. Neque tamen his Alphonsi animus frangitur, sed integri vnus anni spatio, eam Dei probationem tam æquo animo suffert, vt ne vllum quidem queremoniæ verbum, ex ipsius ore vnquam toto eo tempore auditum fuerit: quinimò, obscuro carceri asperiozem carnis macerationem addens, totum hoc tempus quotidianæ panis, & aquæ inediæ, assidueque orationi, ac rerum Diuinarum contemplationi consecrat; ita, vt cum per carceris custodes, qui longam Viri patientiam, & virtutem obseruauerant, Pontifici significatum fuisset, Virum planè sanctum in carcere detineri, Pontifex illum à vinculis solui, & inde emergere permiserit: eâ tamen conditione, & à prædicatione tamdiu absteineat, quoad regis expostulationi satisfiat. Interea Alphonsus de Regularis obseruantie statu sibi deligendo secum animo versans, ad Capucinos animum confert; à quibus tandem ob eandem exilij causam repulsam passus, Apostolico dein mandato Capucinorum habitu donatus, Forosempronium ad probationis annum mittitur; vbi per integrum annum in solitariâ quâ-

dam cellâ ad montis radicem in rupe excisâ, in perpetuo silentio, ieiunio, & oratione manens, cum nullam quotidianis panis, & aquæ ieiunijs intermissione, nullum pedum nuditati, cui sandalia ipsa ademerat, nullum nocturnis vigilijs, modum statueret, omnium virtutum exemplar omnibus existeret. Paupertatis, ac totius Regularis obseruantia eximius sectator fuit, superuacanea omnia abhorrens, tunicâ vilissimâ, ac plerumque obsoletâ utebatur. Humilitatem tam arcto sibi Alphonsus vinculo copulauerat, vt ad dignitates acceptandas nunquam adduci potuerit: imò ob delatos sibi aliquando honores, in horti angulum secedens, indefinenter sibi lachrymas sæpè fuderit. Mitis, atque erga omnes affabilis, nulli vnquam benignitatis, & consilij fores ita occlusit, quin, quò ignobiliores, & infirmiores essent, eò magis in eorum sese opem effuderit. Hunc quoque inuicta quædam animi patientia, & fortitudo ita exornabat, vt cum ei virtutis materia, molestia esset, aduersis fortior, ærumnis clarior, tutionibus durior, pressuris vegetior, reddebatur. Exilia gloriam, carceres splendorem, infirmitas coronam illi comparabant. Mira quoque erga ægros charitate ferebatur: Oratione verò quantopere præcelleret, planè incredibile videretur, nisi vniuersa Religionis nostræ monumenta concordia sensu testarentur, eum sæpè ad decimam vsque horam produxisse; quotidiana tamen ipsius oratio, quam nullus vel itineris, vel prædicationis labor vnquam aut minuit, aut intercepit, ad septimam vsque horam pertingere consueuerat. Hæc igitur illum ad eum Diuinæ charitatis gradum extulerat, vt id de seipso aliquando enunciare haud veritus fuerit, si quis illi odij solius causâ, singulos barbæ pilos euelleret, haud tamen vnquam ab illius se dilectione auellendum fore. Tot igitur cum virtutibus Alphonsus floreret, Pontifex rursus illum ad Dei verbum disseminandum reuocat, atque Apostolicum Concionatorem instituit. In Corsicam mittit, vnde tot opimis animarum spolijs onustus, ad Pontificem redit, vt ab eo maximam laudem consecutus fuerit. Incredibilis huic Viro in dicendo vis inerat, quâ ita animis imperitabat, vt ferreos quoque atque adamantinos emolliret. Id tantum indicasse sufficiat, eo aliquando Salmanticæ Dei verbum quadragesimali tempore proponente, quingentos bonorum artium candidatos, sæculo cum suis cupiditatibus spreto, ad Christi vexillum, & religiosa castra conuolasse. Neque id vlli mirum videri debet. Mariani enim Marchionissa,

quæ Pij IV. Pontificis fratria fuit, haud semel testata est, se ex Alphonfi concionantis ore sæpè flammæ globos erumpentes conspexisse, quibus nimirum audientium corda inflammabat. Sæpè quoque eidem, Romæ pro concione agenti, adfuit simul cum Ioanne Baptista Boniporto, Nauariensis Ecclesiæ Canonico, sanctus Philippus Neri; qui cum Alphonsum tam miro, atque Apostolico spiritu concionantem audissent, ad B. Philippum Canonicus: Quid tibi de hac Lupi concione videtur, Philippe? quàm ardens, quàm efficax, quàm Apostolica! Cui B. Philippus: Nihil mirare, ait: Ipse enim sacram Deiparam, Lupo, dum prædicaret, adstantem, & quæ prædicabat, verba dictantem conspexi. Utinam plures huius generis Lupos Roma sibi vendicaret. Atque huc spectat, quod de huius Viri prædicatione communi proverbio peruulgatum erat: cum enim, hac ipsâ tempestate cum eo & duo alij celebres Diuini verbi præcones, inter alios, Dei Ecclesiam illustrarent, Hebræus nimirum, Ordinis Prædicatorum, & Franciscus Panigarola, qui ex Ordine Obseruantium ad Episcopatum Astensem deinde assumptus fuit, hoc de his tribus elogium ferebatur: Hebræus docet, Lupus mouet, Panigarola delectat. Quo factum est, vt Romæ, Venetijs, Neapoli, Genuæ, Mediolani, atque in alijs præclarioribus Italiæ vrbibus haud semel Dei verbum disseminauerit; ac eius operâ Mediolanensis vrbis morum corruptelâ sublatâ, vrbs ad sancti Caroli mentem reformatâ fuerit. Quamobrem cum Episcopus quidam Alphonsum obnixè à sancto Antistite postularet, quo suæ Ecclesiæ vtilitati prospiceret, eidem sanctus Carolus: Frustra, amice, tibi Lupum meo damno quæris: oues enim quoque meæ tali indigent Lupo, qui eas perterreat, atque intra Domini caulam contineat. Clara etiamnum in Neapolitanâ vrbe ob illustre facinus Lupi viget memoria: is enim cum Nobilitatis Ordinem spontè, ac nullâ necessitate compulsus donum quoddam pecuniarium, quod ad multorum aureorum millia pertingeret, Hispaniarum Regi publico decreto constituissè intelligeret; quod cum à plebe potissimum exigendum esset, pauperum penum exhauriret, in id Alphonsum, velut iniquum, & pauperibus exitiale, pro suggestu inuehi cœpit, eoque sermonis euasit, vt Regem eo rectâ conscientia minime frui posse affirmaret. Hispani Regni tunc habenas moderabatur Philippus II. nulli tamen pietate secundus; cui cum per litteras ea, quæ à Lupo publicè pro suggestu prædicata fuerant, signi-

ficata fuissent, dignum Philippo responsum dedit, quod iuste ex Lupi sententiâ dari non valeret, iustius ab eo refellendum. Quapropter ab eo dono abstinuit, immortalēque pij ac iusti Regis sibi in orbe memoriam comparauit. Hoc verò in hoc Viro admirandum erat, quod inter assiduos hos prædicationis labores, haud vnquam à Matutinis Horis in Choro persoluendis vacasse visus est. Contigit verò, vt dum iisdem cum cæteris vacat, Choro Hymnum: *Te Deum &c.* personante, cum ad ea verba ventum esset: *Te ergo quæsumus, tuis famulis subueni, quos pretioso sanguine redemisti;* quæ de more prostrato ad solum corpore apud nos pronunciari solent, ipse quoque Alphonsus sese humi prosterneret: quo tempore mentis excessu correptus, tam diu eodem loco prostratus perstitit, quo à Laudibus & Litanij decantatis, & communi oratione peractâ, cæteris ad proprias cellas remeantibus, Fr. Bernardinus Arragoniensis vnâ cum duobus alijs Sacerdotibus rei exitum obseruans, Alphonsum tandem è solo assurgentem cernit; qui altum ex imo pectore suspirium trahens, vento celerior ad Sacrum Eucharistiæ Altare aduolat, has sæpè voces ingeminans: Ah, Domine! Ah Domine! tantane animarum perditio futura! nullumne tantæ animarum stragi remedium superest? Cùm plurimas ibi lachrymas fundens, crebris interea ictibus sibi pectus tunderet, hoc spiritu percitus, in cellam se confert. Porro, communis eo tempore rumor inter Fratres percrebuit, reproborum tunc numerum illi Diuinitus demonstratum fuisse, quibus Dominici sanguinis effusio nihil ad salutem profutura esset. Mira quoque Dei luce perfusus, futuros euentus prospiciebat. Ditionis Mediolanensis Moderatoris, qui maximè S. Caroli legibus aduersabatur, & aliorum illustrium Virorum, qui Moderatori adhærebant, inopinatam mortem Prophetico spiritu prædicit. Neapoli quoque, cùm malus de Prorege in vrbe rumor commune in omnium animis scandalum pareret, Proregem Alphonsus adit; At Vir Dei sæpè repulsam passus, tamdiu ante Palatij fores constans perseuerat, donec aper venatione comprehensus Proregi dono offerendus, deferretur; cui cùm fores omnes patefierent, mox Vir Dei exclamans: O tempora! ô mores! inquit; Apro Sylvestri ad Proregem omnes aditus patefunt, qui Religiosis Viris, ac Diuini verbi præconibus occluduntur. At Proregi annunciate: maturius Deum illatam sibi iniuriam ulturum; neque dilata diu vindicta fuit: nam Proregis filius, qui integrâ valetudine fruebatur, postridiè repentinâ mortē correptus, animam exhalat.

Quare casu exterrfactus Prorex, Alphonsum illicd accersiri iubet, ac publico Vrbis scandalo opportunè consulit. Futuram quoque tentationem Fr. Saluatori à Ripà altâ, Sacerdoti ex nostris p̄significat, qui ipsius postmodum oratione liberatur. Massiliæ Alphon-  
sus cum aliquamdiu aprum navigationi tempus expectâssset, tan-  
dem ventis secundis flantibus, ad triremem vocatur. Reluctatur  
Alphonfus, iterq; suum ab aduersâ Dei voluntate impediri affir-  
mabat: at molesto sociorum rogatu compulsus, cum ijs scapham,  
quâ ad triremem veheretur, conscendit; tranquillo verò mari, &  
plerisque licet captiuis seruis, vndique adnitentibus, & summâ vi  
remigantibus, nullâ vnquam vi aut industriâ scapha adduci po-  
tuit, vt ad triremen accederet. Quapropter Alphonfus id Diuinæ  
voluntati adscribens, ad littus se reduci postulat. Porro triremis è  
portu soluta, dum inferum mare sulcat, vndis absorpta obruitur: in  
quo & propheticus Viri Dei spiritus, & Diuina erga illum cura, &  
solicitude perspecta fuere. Massiliæ quoque Nouitius, ipsius bene-  
dictionem parui pendens, alteriq; cedens, cæteris perseuerantibus,  
solus ad sæculum redit. Mediolano aliquando discedentem Nobiles  
quidam Hispani comitabantur; qui cùm ad vrbis portam peruenis-  
sent, palubarum agmen, haud longè à portâ humi gradiens, con-  
spiciunt. Ex his verò columba quædam se in aëra efferens, recto vo-  
latu ad Dei virum fertur, primumq; ipsius capiti insidens, tum hu-  
mero, tandem in manus delapsa, motu, gestu, & omni, quâ poterat,  
ratione, Viro Dei blandiebatur. Quam cùm is aliquamdiu demul-  
sisset, tum, vt abeat, in aëra pellit. At columba bis terque repulsa,  
nihilominus ad manum redire, nec ab eo recedere, donec benedi-  
ctionem obtinuisset, voluit: Eâ verò donatâ, se in aëra proripit.  
Eâdem in Vrbe Fr. Lazarum Massiliensem Laicum, capitis vulnere  
fauciatum, Crucis signo perfectè curatum relinquit: Triennio ve-  
rò, antequam Vir sanctus spiritum Deo redderet, paralyti cor-  
reptus, tam mirâ animi patientiâ languorem, doloremque sustinuit,  
vt eo carere pro summo damno duceret. Principiò quidem cùm  
doloribus tantoperè excrucietur, vt à sacrorum celebratione  
omniò abstinerere cogeretur, quotidie tamen ad sacram mensam  
viuifico illo cibo reficiendus accedebat. Verùm cùm summa Sacri-  
ficii illius incruenti Deo offerendi cupiditate teneretur, id suâ ora-  
tione assecutus est, vt quanquam tantus illi manibus tremor inesset,  
vt neque panem sibi in mensâ scindere, neque buccellam ori admo-  
uere valeret, cùm primùm tandem ad Altare sacra celebraturus



accederet, tam stabiles atque immotas manus à Deo acciperet, perinde ac si nullâ vnquam paralyfi dissolute fuissent; quæ tamen sacris peractis, ad priorem tremorem redire cernebantur. Hoc porro tempore in Hispaniam rediens Barcinone pedem figit; vbi Gasparo Molero, familiari illius Conuentus Physico, intimas animi cogitationes reuelat. Graui tandem ad maius meritum tentatione probatus in supremum tandem morbum incidit: quo tempore Clementissimus Dominus, pulsâ tentatione, ac redditâ animo pace, seruum suum Cœlesti consolatione recreare voluit: tam suauis namque Diuinæ consolationis somno consopiri cœpit, vt Cœlestes iam diuitias, priusquam ad earum fontem accederet, animo prægustare videretur; iam non amplius tristitia, sed Diuinæ tantum laudis, & misericordiæ præconia ex ipsius ore erumpebant. Totâ hebdomadâ, quæ ipsius obitum præcessit, Christi Domini Passionem morosè sibi legi postulauit, quam interno mentis affectu sedulò ruminabat. Omnibus demùm Sacramentis, plenis sensibus ritè munitus, tam placidè in Domino obdormiuit, vt somno potius, quàm morte consopitus videretur. Obijt verò anno 1593. Porro hac ipsâ horâ, quâ Dei seruus Deo spiritum reddidit, alauda quædam pratenfis, ad cellæ fenestram aduolans, tantâ suauitate cantum modulabatur, vt Fratres summâ tum admiratione, tum voluptate afficeret. Vix autem rumor de Viri Dei obitu in vrbe diffunditur, cum vniuersus penè populus, communi sanctimonix famâ, quæ vbique de illo percrebuerat, permotus, ad Monasterium confluens, illius certatim pedes osculabatur. Habitus alij particulas, alij vngues, alij barbæ pilos, alij capitis capillos præscindebant: Caro verò ipsius tam mollis, ac tenera pertractari, tantoque candore nitescere cœpit, vt viuentem potius, quàm mortuum referret. Cum autem in sepulchrum infertur, quatuor Fratrum corpora, qui multò antea, non sine sanctitatis opinione, diem extremum clauferant, ita integra & incorrupta reperta fuerunt, vt firmo vestigio starent: ijs igitur ad parietem rectâ staturâ compositis, Alphonfi corpus sedens, in sepulchri capite collocatum fuit. Cum verò sepulchri os octo dierum spatio patefactum extitisset, nihil non modo tetri odoris ex eo erumpebat, verùm, qui ad deosculandum Viri Dei corpus, in sepulchrum descendebant, suauem inde odorem spirare testabantur. Post huius Viri Dei sepulturam, pleraque ad illius sanctimoniam declarandam à Deo miracula, præfertim erga prægnantes scæminas, patrata fuere. Angela Molera,

Gasparis Medici vxor prægnans , cùm ob sanguinis profluuium , foetus periclitaretur ; quâ die canabaceum cingulum , quo Alphonfi corpus præcinctum fuerat , sibi adhibuit , eodem à sanguinis fluxu curata , foetum suo tempore , absque periculo enixa est. Anna Palau , nobilis Barcinonensis , quæ maximis partus doloribus cruciabatur , eodem fune præcincta , solutis doloribus , masculum eodem tempore parit. Raphaëla Ferrau , mulier Barcinonensis , maximo in vitæ discrimine versabatur ; quo tempore idem cingulum sibi adhibuit , statim emissio mortuo foetu , quem in vtero gestabat , incolumis euadit. Altera quoque cuiusdam Rialpi vxor , quæ graui partus dolore angebatur , eo præcincta , ab illo enixo foetu , libera erumpit. Quod & alijs quàm plurimis contigit. Huius Viri spiritum & sanctimoniam plerique illius tempestatis scriptores commendarunt. Inter quos enumeratur Franciscus Arias Societatis IESV , lib. 1. de Imitatione Christi Domini cap. 54. Iussanus , & Grattalora , in vita sancti Caroli ; & alij.

## Fr. AMBROSII SENENSIS.

### PRÆDICATORIS,

#### VITA, ET GESTA.



**F**RATER AMBROSIVS SENENSIS, Verbi Dei præco , è nobili Cianorum Urbis Senensis prosapia ortus , ab ipsis ferè incunabulis futuræ virtutis specimen edidit ; puerulus enim leues quasque illius ætatis maculas tam magni faciebat , vt mentem octauo quolibet die sacrâ exomologesi expiaret. Hac in puero pietatis præludia , tum à Deo , tum etiam ab optimâ Patrum Societatis IESV , quibus operam à puero dare cœperat , educatione profecta esse , nemo dubitat : quo factum est , vt cùm sub eorum disciplinâ plerosque in studijs annos consumpsisset , ab ijs edoctus , adolescens à carnibus , Iouis , ac Dominicis diebus exceptis , perpetuè abstineret , vino perrarè , nec nisi aquâ valdè diluto vteretur ; nudâ quoque humo , vel solis tabulis stratâ cubans , somnum sibi conciliabat. Tam duris interdum flagellis corpus cædebat , vt dorsi cute perforatâ ,

indusium quandoque ad se pellem attrahens, verberum plagas renouaret. Inter hæc tamen, cum Canonicarum, & Ciuiliū Legum studia non intermitteret, in ijs eam laudem consecutus est, vt vix Doctoratus lauream adeptus, Cathedram in sapientiæ Academiâ oblatam acceperit. Interea dum pietatis causâ ad Beatissimæ Virginis Lauretanæ Ædem proficiscitur, à pecuarijs in itinere canibus, qui in ipsum repentè irruerant, obsessus, ad Beatissimam Virginem confugiens, si periculum euadat, Capucinatorum se perpetuò Religioni addicturum, sacro se voto obstringit: quod deinde euaso periculo, spontè confirmans, ad Religionis gremium accedit. Tantâ porrò vitæ austeritate in Religione enituit, vt prioris vitæ austeritates longè superaret. Paupertatis, ac totius Regularis obseruantie cultor fuit insignis; tantoq; in sacram Deiparam deuotionis, ac dilectionis æstu ferebatur, vt cum de eâ sermonem haberet, ita immobilis consisteret, vt extra sensus raptus videretur; ex quo communis apud omnes fama erat, illius cum interdum aspectu potitum fuisse. Ardentissimus Diuini verbi præco fuit. Postremò cum Pistorij in supremum morbum incidisset, quâ die sacra S. Mariæ Angelorum indulgentia colebatur, cum eius diei Vesperas, & Completorium persoluisset, quasi dormiens in Domino quiescit. Statim verò anima corpore soluta, S. Mercurialis Abbatissæ apparens, se tunc Cælum conscendisse monet. Obijt Anno 1593.

FR. PETRVS TRIGOSIVS, Concionator, cum inter Reuerendos Patres Societatis IESV professus, & doctrinâ insignis esset, ad Capucinos migrans, Commentaria in D. Bonauenturam, opere tamen imperfecto edidit. Qui tandem multâ virtute diues, ad immortales migrat,  
Anno 1593.



# FR. ARCHANGELI ARIMINENSIS. PRÆDICATORIS.

## VITA, ET GESTA.



**F**RATER ARCHANGELVS ARIMINENSIS; Concionator., genere & virtute clarus, ex nobili Dional-leui familiâ ortus, ita paternæ stirpis, quæ Diuinam educationem præferebat; nomen, ac rem sortitus est; vt ab ipsis incunabulis; perinde ac si Dei sinu exceptus esset; tantâ in ipsâ ineunte ætate, ad omne pietatis, ac virtutis genus cupiditate ferri cœpit, vt senilem puerili corpori à Deo inditum animum accepisse videretur. Maximo honestatis candore, ac pietatis studio, cum adolescentiæ ætatem necdum integram transegisset, maturè à Domino, ad Seraphicæ vitæ inter nostros disciplinam vocatur; in quâ priora pietatis studia tam copioso virtutum scœnore auxit, vt iam nullus eo humilior, nullus abiectior, nullus patiendi pro Christo cupiditate flagrantior, nemo denique austerior esset. Abstinẽtiam tantopere coluit, vt cum quotidianis fere ieiunijs corpus attereret; Dei verbum aliquando in oppido Camporegiani quadragesimali tempore disseminans, in quartâ & sextâ feriâ, nihil præter panem, & aquam degustaret (Dominicis exceptis) panis, & vini ieiunio celebraret: Dominico verò die parco, & communi cibo vesceretur. Deus verò, qui præclaris Euangelizantium potissimum, vitæ exemplis delectatur, piam illam corporis austeritatem, vberiori animarum fructu compensabat. Plerumq; etiam quadragenaria Epiphaniæ ieiunia, tam seuerâ lege prosequeretur, vt tres singulæ hebdomadæ dies, absq; vilo, præterquam panis, & aquæ cibo, aut potu transigeret. Nulla ipsius austeritati meta præfixa videbatur: quasi enim nocturnam corpori quietem inuideret, cum eam ad trium, vel quatuor horarum spacia extraxisset, non in strato iacens, sed baculo geminis funibus ad cellæ tabulati tigillum alligatis; sustentato insidens, ne à somno caperetur, in aëre somnum capere consueuerat. Denique ea Viri in seipsum asperitas erat, vt nullâ re, præterquam sanguine pro Domino, martyrio effuso exaturari valeret. Martyrij igitur desiderio flagrans, licentiâ à Pontifice obtentâ, Algerium Ottomanno Principi subiectum proficiscitur.

Ibi ergò, dum pio operi summo studio incumbit, haud facile referri potest, quanta ab infidelibus probra, contumelias, carceres, sustinuerit. Hic cum plurimos in Christi fide vacillantes confirmasset, eo tempore Romam reuerti cogitur, quo Clemens VIII. Pont. Max. bellicam expeditionem ad Strigoniæ vrbis, quæ paulò ante à Turcis occupata fuerat, recuperationem, parans, copias in Hungariam mittit: cui cum ex Capucinatorum Ordine non pauci, qui animum, & sacra in bello militibus ministrarent, Apostolicâ facultate munitos adiunxisset: inter hos & Archangelus connumeratus, cum exercitu in Hungariam proficiscitur. Nihil Vir præclarus eo in munere obeundo pij studij, ac officij prætermittit; nihil non laboris exantlat. Nulla, Vir martyrij cupidus, mortis pericula horret. Prior, dextrâ Crucifixi imagine armatâ, intrepidus castra præcedit. Primus denique omnium Crucis vexillum arcis mœnibus infert. At illud mirabile, ( quod Turcarum ipsorum testimonio confirmatum fuit ) dum arx expugnatur, Archangeli facies, solis instar, ijs adeò splendere visa, vt haud leuem ipsis metum incuteret. Viri huius pietatem, ac sanctimoniam, plerisque Deus miraculis testatam voluit. Catharina enim quædam Scarpellina, Foroliuensis, quæ spasmo, phlegmone, ac pustulis, per vniuersa corporis membra scatenibus laborabat, Crucis ab eo signo benedicta, paulò post integræ incolumitati restituitur. Huius quoque Catharinæ mater, cum pectoris tumore aggrauata, vix halitum ducere valeret; eodem ab Archangelo Crucis signo communita, pulso tumore, mox in perfectam valetudinem respirat. Antonia Scarpellina cum Archangeli verbis excitata, in graui frugum penuriâ, contra viri voluntatem per semestre sororum inopiam subleuasset, vir per singulos dies triticum, & farinam mensurâ explorans, æquam semper in his mensuram, perinde, ac si nihil ex his detractum esset, conspiciebat: semel autem accidit, vt Antonia quandam leguminum mensuram, ex cumulo haustram, sororibus tribueret: quo tempore vir aduentans, cum eundem leguminum cumulum dimensus fuisset, non tam à priori mensurâ diminutum, quam nouâ auctum inuenit. Quod sancti huius Viri benedictione, quâ ab exordio tritici, farinæ, & leguminum cumulos prosecutus fuerat, accidisse communis omnium sententia fuit. Eo quoque tempore, quo rerum omnium difficultas in Æmiliâ grassabatur, cum Archangeli pater Arimini rei frumentariæ præellet, pauperculus quidam, cui

triticum denegatum fuerat, à patre rediens, dira, & funesta omnia illi imprecabatur: quem audiens Archangelus, egregiâ charitatē flagrans, cum ab eo imprecationis causam didicisset, mox eum sequi iubet; rectaq; ad frumentarium patris horreum ducto; cum sacco tritico impleri iussisset, pretium quoque clam in ore sacci reponendum curat. Bello igitur felici Marte in Hungariâ confecto, cum Archangelus ab exercitu opimis multorum laborum, ac patientiæ spolijs onustus in Italiam rediret; cum primum in Carinthiam peruenit, morbo correptus, ibi vitæ cursum, quem magnâ cum virtutum laude hæcenus profecutus fuerat, iustorum mortē consummauit. Anno 1595.

FR. MAXIMVS MESSANENSIS, Concionator, cuius patientia in diuturnâ potissimum hæcticæ febris ægritudine probata fuit; horâ obitus sui prænuntiata, post mortem forori prægnanti apparens, masculi partum, abortusque, cui antea subiecta erat, liberationem pollicitus, eam quoque facto præstat. Obijt 1596.

In Hydruntinâ Prouinciâ Fr. RUFFINVS ROFFARIENSIS, Concionator, cum perpetuæ virginitatis liliū, vsque ad mortem, inter austeritatis spinas, illæsum seruasset; vitamq; summis in virtutibus, ac potissimum incredibili erga omnes charitate traduxisset, mortalem vitam cum immortali commutat: & post septem sepulturæ annos, cæteris partibus corporis exesis, linguam incorruptam exhibet. Obijt anno 1597.

## FR. AMBROSII MEDIOLANENSIS. PRÆDICATORIS.

### VITA, ET GESTA.



**B**RATER AMBROSIVS MEDIOLANENSIS, Sacerdos, Vir sæculo, Deoque illustris, communī appellatione Soncinas nuncupatus, ob Soncinatis Marchionatus titulum, quo in sæculo fruebatur. Asculani Principis filiâ, sibi connubio iunctâ, illi post aliquot annos letho ereptâ, vanis se passim nobilium familiaritatibus, & conuersationibus subtrahens, Diuina animo pertractare, orationi crebrius incumbere, sacris interesse, pauperum viscera eleemosynis refouere, domos hospitales inuisere, ac pijs omnibus operibus inhærere cœpit. Hierosolymitanam, & Compustellanam peregrina-

tionem aggressus, in eà, cum vberiore à Deo Euangelicæ perfectionis spiritum hausisset; sæculo tandem valedicens, suam sibi inter Captivos stabilem sedem eligit. Iam Maximilianus (hoc enim in Baptismo nomen sortitus erat) quadragesimum ætatis annum ex-  
 cesserat, cum ad Religionis gremium admitti postulans, ob prou-  
 ctiorem ætatem, quæ minus communi Religionis austeritati, ac  
 labori apta est, ab Mediolanensis Prouinciæ Vicario repulsam pati-  
 tur; verum tot is preces ingeminat, tantamq; corporis valetudi-  
 nem, ac robur præferat, vt Ordinis tandem gremio, sub Ambrosij  
 nomine excipiat. Vbi tanto humilitatis, quæ veræ animi nobili-  
 tatis indicium est, studio tenetur; vt viliora semper domus ministe-  
 ria sibi peragenda quæreret; ac protius humilius cum cæteris dimi-  
 cans, diceret: Sinite, Fratres, vt hæc me ministeria meæ vilitatis ad-  
 moneant: & qui serò sapiui, tardiusq; eorum excellentiam agnoui,  
 nunc saltem his animum expleam. Antea cætos extra Religionem  
 annos tot lachrymis deplorabat, vt tunc se primum hominem agno-  
 uisse, cum Religionis limen attigit, affirmaret. Quapropter nullus  
 illi, quàm qui de Regulâ, ac virtutibus instituebatur, sermo iucun-  
 dior erat. Quo fiebat, vt vanas confabulationes, aut pretiosi tempo-  
 ris iacturas fugiens, nullo vnquam tempore de humanis rebus ser-  
 mones, miscere auditus fuerit. Communi abstinentiâ, ac ieiunijs non  
 contentus, tamen ætate grandæuus, frequentius ieiunare, & solem-  
 nem B. P. Francisci diem, præuio quinque dierum peruigilio, in  
 quibus solo pane, & vino vesceretur, celebrare consueuerat. Ora-  
 tionem verò tantopere deditus erat, vt rarò post Matutinas Horas ab  
 Ecclesiâ recederet. Nihil eo mitius, nihil patientius erat: atque adeò  
 hac virtute præcelluit, vt per Mediolanensem urbem aliquando in-  
 cedens, cum virum quendam blasphema in Deum verba proferen-  
 tem sceleris arguisset; impatiens ille pugno Dei seruum oppetierit.  
 Cui mox Ambrosius genuflexus: Alteram (inquit) Frater, etiam  
 maxillam percutere, dummodò à blasphemijs abstineas. Hac ille tum  
 humilitate, tum patientiâ commotus, sceleris ab eo veniam petit.  
 Hinc verò tam ingenti ipsius animus Martyrij cupiditate ardere  
 cœpit, vt à Clemente VIII. Euangelium in fidelibus prædicandi fa-  
 cultatem postulauerit: qui cum Viri virtutem non ignoraret, Apo-  
 stolicâ authoritate munitum, Algerium destinat, vt plenario lubi-  
 læo Christianis, qui ibi captiui detinentur, prædicato, poenitentes à  
 peccatis omnibus absoluat. Iter Ambrosius aggreditur: Algerium  
 appellit: ibiq; summâ omnium lætitiâ à Christianis captiuis exci-



pitur; nec minori ab Algerienſi Prorege humanitate ſuſcipitur. Cùm igitur Ambroſius Chriſtianis captiuis ſacrum Iubilæum à Pontifice indultum promulgâſſet; mirum ſanè, quantâ illos diligentiâ, & ſollicitudine curaret, moneret, inſtueret, ac Diuinis ſermonibus ad pœnitentiam, ad peccatorum confeſſionem, ad tolerantiam, ad Fidei conſtantiam accenderet. Nullus labor durus: nihil tam aſperum, ac moleſtum illi eſſe videbatur, quod ardens ipſius in eos charitas leue, ac iucundum non efficeret. Vacillantes confirmans; lapſos reſtituens, ægrotans confortans, ſortes corroborans, atque omnibus paterna viſcera pandens, omnes Chriſto lucrifacere conabatur: nonnullos, qui à Chriſtianâ Fide ad Mahometem deſcuerant, Chriſto reddidit: alios in infidelitate ortos, & enutritos, ſuis hortationibus à Mahometicâ lege abſtractos, ad Euangelium tranſtulit. Dum verò his, atque alijs veræ charitatis officijs, Chriſtianos, ac Turcas proſequitur, in carcerem conijcitur, morte proculdubio mulcendus, niſi populi furorem Prorex ſuâ authoritate compreſſiſſet. Intereâ multa in eo carcere incommoda, & contumelias ab Infidelibus paſſus, inde tandem Proregis humanitate eripitur: Ambroſius verò, cùm multis ibi laboribus ad vndecimum uſque menſem perfunctus eſſet; paralyſi inopinatò correptus, diem ibi, maximo Chriſtianorum luctu, ac maiori poſt ſe ſanctimonix famâ relictâ, extremum obiit Anno 1601. Quarto verò poſt ipſius obitum anno, cùm huius ſerui Dei oſſa capſulæ incluſa, & obſignata, ſub mercis ſimulatæ titulo, Liburnum, Hetruriæ portum à nautis delata fuiſſent; apertâ capſulâ, tam fragrans inde odor erupit, vt adſtantes vniuerſos in admirationem, ac mentis voluptatem raperet. Intus verò explorata, cùm nihil præter deſuncti oſſa conſpicerentur, plumbi lamina perſtabat, his verbis inſcripta:

Hæc ſunt oſſa P. F. Ambroſij Soncinatis Capucini, olim  
Marchionis Soncini; quæ Mediolanum tranſ-  
miſſa, in Fratrum ſepulchro  
tumulantur:

\* \*

## FR. ÆGIDII E PORTV

S. MARIE, PRÆDICATORIS.

VITA, ET GESTA.



**E**RATER ÆGIDIUS È PORTV S. MARIE, Concionator, cum primùm Capucinatorum Religioni nomen dedisset, varijs virtutum gradibus ad tantam Diuinæ charitatis perfectionem conscendit, vt summâ Martyrij pro Christo obeundi cupiditate flagraret; ab Hieronymo à Politio, Ordinis Generali, simul cum alijs tribus Hetruscæ Prouinciæ Fratribus, infidelium terras adeundi, ijsq; Euangelium prædicandi, facultatem postulat. Quâ impetratâ, primùm Hierosolymam adnauigat: vbi cum duodeuiginti menses, in Sancti sepulchri Sacello, quod Latinorum nuncupatur, solitarius, ac perpetuæ orationi, & ieiunio vacans, commoratus fuisset; inde Constantinopolim profectus, Latinis & Græcis scismaticis Dei verbum maximâ cum vtilitate prædicat: ac plerisque ad Catholicæ Ecclesiæ finem perductis, alios in Fide confirmat. Intereâ Ægidius Martyrij desiderio flagrans, rimas omnes tentabat, quibus aditum sibi ad illud patefaceret. At cum multis argumentis à Diuinâ se voluntate præpediri intelligeret, in Græciam proficiscitur: vbi, cum Græci idiomatis peritiam haberet, tum docendo, tum hortando, tum Euangelizando, tum Sacramenta administrando, & præclaris vitæ exemplis rudem plebem instruendo, tantum sibi apud eos nomen, atque existimationem comparat, vt is totius populi acclamatione Episcopus Romæ postulatus fuerit; at ille eorum studio fortiter obstitens, paulò post Romam reuertitur. Valentiam deinde migrat, vt nouam Prouinciâ, præclaris vitæ exemplis extrueret. Quàm verò id egregiè præstiterit, communis illius Prouinciæ vox, & crebra, quæ post ipsius obitum miracula, ad ipsius inuocationem à Deo patrata sunt, abundè testantur. Paucis igitur mensibus Valentia commoratus, Segobrigam missus, lethali quâdam epiphorâ repentinè corripitur: cuius cum maiori dolore afficeretur, eo magis vocem ad Deum laudandum extollebat: ita vt Chirurgus, qui morbum grauiori incisione indigere non ignorabat, eam absque vitæ illius periculo experiri haud posse intelligeret; ac proinde incisionem aggredi formidaret. Ad illum Ægidius:

Scinde,

Scinde, Fili (inquit) scinde: quid dolorem reformidas? Hoc passionis, & doloris tempus est: nihil intempestiuum agis, cum ad dolores vocas. Hoc pacto, qui iam pridem animum martyrio parauerat, cum apud Infideles eo frui minimè potuisset; illud tamen in Religione, dolore, ac patientiâ affecutus est; biduo enim post incisionem transacto, inter Hymnos, & Psalmos, Deo animam reddidit; atque eodem tempore cuidam eiusdem vrbs mulieri pietate, ac virtutibus insigni, apparuit, futuriq; obitus, ac paratæ gloriæ admonuit. Porro tam celebris de Ægidij sanctimoniâ in eâ vrbe fama percrebuerat, vt solemne illius funus decretum fuerit: quo tempore, populi vicos, per quos funus deducendum erat, virentibus arborum ramis, perinde ac si dies facer, & solennis esset, exornant, habitum in particulas discindunt, cingulum obtruncant, & quæcunque quondam illius vsui fuerant, à Fratribus summâ contentione postulant: quibus varia deinde miracula patrantur. Atque inter alia mulier quædam, quæ iam per aliquot dies partus doloribus tenebatur, vix cannabaceo se Ægidij cingulo præcinxit; cum salua foetum emittit. Idem & alteri Coloniæ Liriæ contigit. Hilarion Valentinus, Sacerdos, cum ipsius ossis fragmento, genu abscessu tumidum contigisset, eo repenti contactu persanatur. Beatrix Beneta Sigobrigensis vidua, eodem ossis fragmento ab apostemate curatur. Fr. Marcus de Albaros, ex nostris Laicus, cum alterum brachium ita languidum gereret, vt nec illud mouere, nec manum perstringere valeret, quoddam Ægidij os sibi adhibens, brachij mox incolumitate fruitur. Alter ex nostris Gregorius à Bratiâ, qui graui capitis morbo laborabat, ter hoc osse signatus, à cephalalgia liber, incolumitatem assequitur. Plerique alij tum cinguli, tum ipsius ossium contactu, à varijs morbis liberati referuntur. Obijt Anno 1603.

Fr. IOANNES ALARCONIVS, Cathalonix Prouinciæ Concionator, cum vtramque, & Valentix, & Arragonix Prouinciam suâ prudentiâ fundasset, illustrissimæque virtutum exemplis vitæ suæ in Religione cursum illustrasset, die sui obitus prædictâ, nonnullisque prophetico spiritu, quæ accidere, prænunciatis, Barcinone in Conuentu Montis Caluariæ, magnâ cum sanctimoniæ famâ obit, & populi frequentiam post mortem honoratur. Cuius corpus post secundum sepulturæ annum integrum, atq; incorruptum in sepulchro reperitur.

Obijt Anno 1603.

FR. MICHAELIS PERPINIANENSIS.  
PRÆDICATORIS.

*VITA, ET GESTA.*

**P**RATER MICHAEL PERPINIANENSIS, Concionator, Vir omnium virtutum numeris absolutus, ex Perpinianensis Ecclesiæ Canonicatu, quo in munere tam præclare se gesserat, ut magnam sibi apud omnes vitæ suæ integritate, ac probitate haud vulgaris virtutis famam comparasset; ad Capucinorum à Deo institutum vocatus, prioris vitæ laudem summâ posterioris gloriâ accumulauit. Quicquid enim virtutis ad perfecti, & Euangelici hominis constitutionem necessarium excogitari poterat, id totum in Michaelis vitâ, moribus, conuersatione intueri licebat. Simplex animus, humilis, rectus, à vitio abhorrens: mens patientiæ dono imperturbata paupertatis cupida, obedientiæ amica; tamq; integra honestatis, ac pudicitiae cultos; ut perpetuum illi virginitatis florem illibatum seruauerit: solitudinis incola, perpetuæ orationis studiosa; sensuum præterea moderatio, morum compositio, Regularis disciplina, feruens charitatis ardor, incensum denique virtutis studium ita Michaelis vitam exornabant; ut de eo Ioannes Alarconius aliquando haud immeritò pronunciauerit; in Michaeli perfectum B. P. N. Francisci simulachrum elucere. Hinc illustriora in eum Dei dona effluxere, quibus prophetico se spiritu Diuinitus imbutum ostendit. Cum igitur Perpinianensem urbem, tum sacro Dei verbo, tum etiam præclaris vitæ exemplis perfunderet, quibus haud vulgare apud omnes sibi sanctimoniae nomen conciliauerat; pleuritide correptus, ingenti quidem totius urbis luctu; at maiori Angelorum gaudio ad immortale migrat. Mox agminatim turbæ confluere, defuncti corpus venerari, habitum præscindere, barbam, capillosque tondere, vniuersaq; sibi in Reliquias, perinde ac si iam in Beatorum album inuectus esset; Fratribus tamen reluctantibus, reponere: quibus nonnulla deinde miracula patrata. Denique sacris Officijs ab Episcopo, & Canonicis vltro illi persolutis, cum triduo corpus inhumatum iacuisset; nullum tamen tetrum odorem ex se reddidit: quin etiam ipsius strophium, quod à Guilelmo quodam Iurisperito asseruatur, suauem odorem effundit. Post Michaelis

obitum

obitum, Seraphina Capucinarum Monialium apud Barcinonenses Fundatrix, nota: apud omnes sanctimonie virgo, Diuinâ, (vt putatur:) reuelatione haud semel asseruit, Michaëlis animam, simul atque e corpore soluta fuit, ab Angelis susceptam, & in Cœlum deuectam fuisse; &, vt illius verbis vtar, è lecto in Cœlum conscendisse. Anna Dominicâ, tertij Ordinis B. P. Francisci, & ipsa apud Barcinonenses sanctimoniâ celebris, Diuinâ se reuelatione accepisse affirmavit, Michaëlem ingenti in Cœlo apud Deum gloriâ frui. Francisca Bodelta, Perpinianensis vidua, falso crimine sibi ab æmulis imposito, tam acerbè afflictabatur, vt cum nullam secum animo pacem inire posset, perpetuis accusatores odijs prosequi decreuisset, cum nocte quadam Michaëlem, qui olim illi, dum Canonicus esset, à Confessionibus fuerat, nube lucidâ circumseptum, sibi presentem cernit: qui cum eam seueriùs reprehendisset, his eam, inter alia, verbis affatur: Reuoca gradum, filia, cœptumque perditionis iter desere: Christi vestigijs insiste: detractoribus ex animo ignosce, ijsque omnia dilectionis signa impende: his enim Deum promereberis, huiusque; mecum gloriæ particeps eris. Hæc dicens, sinum aperit, fulgurantisque; gloriæ radium emittens, Franciscam animo mutatam, accusatoribusque; placatam, ac demum Cœlestis illi gloriæ conspectu recreatam relinquit. Præter hos, Cosmæ Perpinianensis filia, ad Medicorum vsque desperationem ægrotans, cum Michaëlis, quem cum Deo regnantem sibi persuaserat, suffragia sibi ad salutem inuocasset, eundem sibi apparentem, incolumitatemque; sibi pollicentem cernit; quam, morbo illico mitescente, paulò post perfectam assequitur. Anna quoque eiusdem Cosmæ filia, Ludouici Constantis vxor, cum desperatâ à Medicis valetudine ægrota-ret, Michaëlem, qui nuper vitâ functus fuerat, piè inuocans, illum sibi à dextris adstantem conspicit; moxque; à morbo respirare visa, paruo dierum intervallo, perfecte conualescit. Ignatij Prat Burges vxor, cum habitus Michaëlis particulam, quam sibi post ipsius obitum præcisam reposuerat, mulieri, ad vitæ vsque desperationem ægrotanti, imposuisset, eâ tam repente conualuit, vt Diuinâ id virtute, sancti huius Viri meritis impetratâ, actum, apud omnes certum fuerit. Raphaëlis Regnas, Medici Perpinianensis frater, lapidis ictu vulneratus, haud sine vitæ discrimine in lecto iacebat: at cum primùm Michaëlis cingulum sibi adhiberet, facile curationem adipiscitur. Tertiò denique post Michaëlis obitum anno, cum ipsum corpus, quod in communi Fratrum sepulchro conditum fuerat,

exploratum fuisset; tam incorruptum, ac solidum cernitur, ut caro illius digito compressa ad priorem locum rediret: femoralia quoque; tam integra, ut nullâ vi dilacerari possent, reperta. Obijt Vir Sanctus Anno 1604.

Fr. FABIANI CENTELLENSIS.  
PRÆDICATORIS.

*VITA, ET GESTA.*



**F**RATER FABIANVS à CENTELLAS, Cathalonie oppido, Concionator, vitæ austeritate, obedientiâ, oratione, ac præsertim animarum zelo fuit insignis; qui cum à sæculo ad Religionem ab omni carnis labe purus emigrasset, purior à Religione ad superos euasit. Vini dolium, quod Sigismundo Ribotto in vappam degenerauerat; cum is abstemius esset, suâ oratione optimum præstitit; atque in eâdem Ribotti domo iuenculæ, quæ per annum febre laborauerat, nomine illi IESV collato, futuram incolumitatem prædicit. Alteri mulieri, Prat nomine, quæ diu sterilis, cum viro vitam duxerat, masculam prolem prænunciat. Denique rerum omnium egenus, ac virtutibus diues, in Conuentu Vagnolij, extremum Deo spiritum reddit, Anno 1604.

Piceni Prouincia Fr. BONAVENTVRAM, in Nursiâ Concionatorem. præclaræ virtutis, ac præsertim honestatis virum celebrat: qui intentatum bis suæ castitati à mulieribus prælium, gemino inde reuecto triumpho, strenuè deuicit; cæterisque in Religionis stadio agonibus foeliciter consummatis, tandem ad coronam peruenit, Anno 1607.

Fr. VRBANVS FRENTANENSIS, Hydruntinæ Prouinciæ Concionator, tanti apud Deum meriti fuit, ut in Conuentu Brundusij, moribundum Fratrem ad vitam, & incolumitatem reuocauerit.

Huius mors ob Viri sanctimoniam, magnâ Aletini frequentiâ celebrata fuit. Obijt

Anno 1607.

FR. MICHAELIS ANGELI BADENSIS.  
PRÆDICATORIS.

VITA, ET GESTA.



ERATER MICHAEL ANGELVS BADENSIS, Con-  
cionator, cum totius Regularis obseruantia, hu-  
militatis, paupertatis, ac praesertim charitatis exem-  
plar praeferebat; quo tempore in Conuentu linsen  
moras trahebat, leprosis ministrare, cunctaque  
illis pietatis officia praestare solitus erat: tanto vero  
erga Virginem Deiparam amore afficiebatur, vt cum saepe de illa  
sermonem ad populum haberet; accidit aliquando, vt puella, quae  
infirmam valetudine languens concioni intererat, eam audire, proti-  
nus conualesceret. Mulier quoque Suittensis, quae tam graui tibia-  
rum morbo per annum laborauerat, vt neque incedere, neque stare  
valeret; ipsius benedictione, quam ardentius optauerat, potita, sta-  
tim incellum recepit; ac tandem perfectam incolumitatem asse-  
quitur. Hoc porro anno, cum saeva lues Suittense oppidum inua-  
sisset, Vir hic charitate ardens, impetrata superiore facultate, vltro  
se peste laborantium ministerio mancipat: quos dum omnibus cha-  
ritatis officijs profecquitur, eadem ipse lue infectus, aegrotare coepit:  
quo tempore, cum eum oppidi Parochus iacentem inuideret, his il-  
lum Michael Angelus verbis affatur: En, Kirabach (hoc enim no-  
mine appellabatur Parochus) en ego iam ad extremam vitae metam  
perueni, brevisq; mihi restat via: prior quidem praecedo; at tu  
breui tempore posterior sequeris. Plurima tibi in morte cum tarta-  
reis hostibus colluctatio erit: at ne animum despondeas, aderit tibi  
B. P. Franciscus, cuius tu haecenus Ordinem deuotione profecutus  
es: aderit & B. Clara. vt victoriam de hostibus referas. Suittensem  
populum, serius admone, vt quisque se ad Domini aduentum praepa-  
ret; lues enim proficiet, multosque hinc letho abripiet. His  
dictis cum per quadraginta horarum spatium immotos oculos in  
Crucifixi imaginem, quam praesentem habebat fixisset, latus  
tandem ad Dominum migrat; cunctaq; ad amissim,  
vti praedixerat, eueniunt. Obijt Vir Dei

Anno 1609.



FR. SYLVERII MESSANENSIS.  
PRÆDICATORIS.

VITA, ET GESTA.



**E**RATER SYLVERIVS MESSANENSIS, Prædicator, omni virtutum genere ornatissimus, cum non verborum tantummodò; sed & illustrium factorum prædicatione in Regno cœlorum magnus euasisset; tantam sibi apud Deum gratiam comparauerat, vt Deo ipsius vitæ sanctimoniam signis, ac virtutibus contestante, ijs etiam apud homines illustris fieret. Eius tamen ampliora gesta desiderantur, quæ vel temporis edacitate, vel scriptorum negligentia perierunt. Inter ea autem, quæ ad nos huius viri miracula peruenire, primum Paschalis cuiusdam adnumeratur, qui cum in oppido Turturicij, tam graui in crure carcinomate laboraret, vt ne altius serperet, iam inter Chirurgos de crure secando ageretur. Ad quem Syluerius accedens, cum æger, solutis fascijs, quibus crus inuoluebatur, illud aperuisset; Mox Syluerius: Quid, Paschalis, (ait,) tantoperè afflictaris? nullus est in crure morbus. Cumq; hoc ipso tempore ipsius manum apprehendisset, è lecto exilire compulit: moxq; cancro Diuinâ virtute curato, crus incolume apparuit. Rursus, idem Paschalis, dum agrum aratro findit, vomer casu in idem crus delatum, illud totâ fere pelle expoliat: quo ex vulnere cum humi dolore oppressus iaceret, hoc ipso tempore Syluerius eò fortuito aduentat; qui faucium Paschalis crus contuens, bono animo esse iubet, spemq; omnem in Deo collocare: cumque lineo panno crus attigisset, abscedens Deum pro illo se rogaturum spondet. Paschalis verò domum reuersus, cum vespere crus curaturus tegumen soluisset, illud integrè persanatum offendit. Post hæc accidit, vt huius Paschalis filius infantulus herniâ laboraret, quem cum pater Syluerio sanandum obtulisset, is Paschali: Quid? (inquit) num Sanctus ego sum, vt agris salutem conferam? Tum S. Petri Apostoli imaginem, quæ domus parieti affixa erat, indigitans: En (ait) S. Petrus: illum ad tui filij salutem inuoca. Atque his dictis abcessit: Infantulus verò eodem die ab herniâ incolumis euasit. Turturicij puella, quæ ex graui agritudine oculorum cœcitatem contraxerat, eidem à parentibus curanda oblata fuit. Quibus ille:

B. Luciae (inquit) hoc munus est, non meum, cæcis oculorum lumen præstare: quapropter ad eam potiùs confugite. Vix hæc protulerat, cùm cœcæ puellæ lumen restitutum fuit. Ibidem cùm Syluerius ad lanarum mendicationem iter faceret, adolescentem gregis custodem offendit; qui ob mutilum crus, iam à multis annis claudicabat: cuius is miseratus, cùm adolescentis in diuinæ benignitatis spem animum erigeret, quâ fortè aliquando à claudicatione liberaretur; inter hæc vultum ad montem conuersus: Cernis (inquit) capram per deuia errantem: festina, vt eam ad gregem reducas. Protinùs exiliens adolescens recto crure ad capram aduolat; ac deinceps ex claudo rectus efficitur. Pleraque, præter hæc, alia ab eo signa patrata fuisse, constans horum temporum fama fuit. Quo factum est, vt haud alio, in oppido Turturicij, præterquam Thaumaturgi nomine appellaretur: qui cùm è Messanensi Prouinciâ aliquando ad sacram Lauretanam Ædem, religionis causâ, proficisceretur, Neapoli in morbum incidit; ac sui obitus die prænunciato, magnâ cùm sanctimonie famâ vitæ cursum absoluit, Anno 1609.

## FR. CHERVBINI MAVRIANENSIS.

### PRÆDICATORIS.

#### VITA, ET GESTA.

**F**RATER CHERVBINVS MAVRIANENSIS, Concionator, Vir mansuetissimus fuit, præstantiori ingenio, ac præclaris naturæ dotibus ornatus; cui cùm & cætera virtutum ornamenta accederent, maximè ardentissimo catholicæ fidei zelo efferbuit: quo factum est, vt cùm prædicatione plurimum excelleret, quo tempore Henricus IV. Nauarræ Rex, etiamnum Hæreticus, Galliæ regnum affectabat, inuictâ fidei constantiâ, omnia vitæ pericula contemnens, populos ab illius obedientiâ reuocabat. Hoc fidei catholicæ æstu, cùm ad Geneuensium Hæreticorum conuersionem adspiraret, ibi Chablasi Ducatus populos, magnâ ex parte à catholicâ veritate aberrantes, prædicatione & doctrinâ, præsertim verò quadraginta horarum oratione, ad orthodoxam fidem perduxit. Generale Iubilæum ab Apostolicâ Sede obtinuit, trium mensium spatio productum: quo tempore prædicatione, disputatione, ac priuatis colloquijs tot hæreticâ tabe infectos Ecclesiæ

gremio restituit, vt Genuensis vrbs se suis incolis viduari extimesceret. Eo denique authore, sacra beatæ Virginis Domus pro hæreticorum conuersione, honestis redditibus dotata, Tonnonij instituta fuit: quemadmodum in Annalibus Capucinatorum Anno 1601. fusiùs explicatur. Denique multis pro catholicâ fide tuendâ, ac propagandâ piè laboribus perfunctus, in Taurinensi Conuentu magnâ cum pietatis laude in Domino obdormiuit. Præclari huius Viri merita, nonnullis Deus post mortem miraculis illustrare voluit. In primis Laicus quidam ex nostris, Donatus nomine, podagræ morbo iam à complurimis annis afflictatus, cum nouem dierum spatio ad illius sepulchrum ex voto accessisset, tam integrè à morbo curatus fuit, vt eo deinceps nunquam vexatus fuerit. Taurini, mulier, quæ vniuersali morbo sex mensium spatio ita laborauerat, vt è lecto dimoueri nullo modo posset, sancti Viri habitus particulâ collo appensâ, postridie à morbo libera, & incolumis è strato surgit: atque idem viro cuidam agroto in eâdem vrbe contigit; cuius cum iam salus desperata esset, eodem modo, posterâ die integram incolumitatem assequitur. In oppido Vuarij, Astensis Diœcesis, puella quædam graui, ac diuturnâ odontalgia afflictâ, cum dentes sibi ipsius habitus segmine contigisset, ab eâ protinùs liberata fuit. Altera quoque in oppido Leuariensi, quæ circa genam morbo laborabat, ipsius habitus contactu conualuit. Huius sancti Viri corpus cum post decimum sepulturæ annum, integrum, ac incorruptum repertum fuisset, illustriorem eum apud Deum coronam allecutum fuisse declarat. Obijt Vir Dei Anno 1609.

FR. ARCHANCELVS AB AVLETA, Concionator, prophetico spiritu nonnulla prædixit, obitusq; sui horâ præsignificatâ, cum virtute & sanctimoniâ clarus, vitam cum morte commutasset,

eâdem horâ Fr. Vitali à Grumento nouo, Sacerdoti,

Cœlesti gloriâ ornatus apparet,

Anno 1609.

\*\*\*

Fr. MARCELLI CVRENSIS.  
PRÆDICATORIS.

*VITA, ET GESTA.*

**I**RATER MARCELLVS CVRENSIS, Concionator, pios parentes fortitus, præclara ab ineunte ætate pietatis præludia iecit: pueri siquidem animo, tam vehemens insita fuit à Deo Christi Passionum cupiditas, vt in tenellâ ætate, cùm ad quietem accederet, sæpè mollem culcitram cum nudâ humo commutaret, interdum minutos lapillos inter lintea spargeret; vrticarum quoque sæpè manipulo nudos humeros verberaret. Hic verò dura omnia pro Christo patiendi æstus, simulatque is Religionis gremio exceptus fuit, in eo tantopere incaluit, vt huc omnem cogitationem intendisse videretur, quòd vniuersa corporis commoda persequeretur. Paupertas namque tam altè Marcelli animo infixâ fuit, vt ad extremas paupertatis metas rerum sibi vsum contraheret, & præter ea, quæ Regulæ præscripto Fratribus conceduntur, nihil prorsus sibi vendicandum vellet. Carnem verò tam rigidâ abstinentiæ lege coercuit, vt decem & octo annorum spatio. solo pane, & aquâ contentus victitauerit: quo tempore panem, qui alijs supererat, arctum ad pondus; aquam quoque ad mensuram breuem sibi adhisiere consuevit: Nonnunquam verò biduo, ac triduo à cibo abstinebat. Breuissimo, quoad vixit somno, haud vltra tres horas producto, vsus fuit: neue in tam breui illo quietis spatio, corpus aliquâ voluptate frueretur, nudæ tabulæ lectum, ac ligni segmen, seu fœniculi fasciculus illi puluillum ministrabant. Corpus denique cùm tam diris verberibus cæderet, vt vices Psalmum: Miserere, illud cædendo recitaret; ne minimùm quidem, cùm brumale frigus vrgeret, igne calefieri vnquam passus fuit. His cùm Marcellus castigationibus exteriorem hominem corrumpere, interior mirum in modum spiritu renouabatur: mirâ siquidem in eo obedientia; mira humilitas; mira mansuetudo; mira rerum aduersarum tolerantia; mira morum honestas, mira denique in omnes charitas elucere cœpit; ita vt Euangelicæ perfectionis, ac Regularis obseruantia forma omnibus fieret. Orationis verò studium illi tam assiduum, ac familiare fuit, vt cùm noctem ferè totam in rerum

Diuiinarum meditatione infumeret; iugiter interdiu Dei præsentia frueretur. Quo fiebat, vt facile de Dæmonum temptationibus triumpharet. Hinc, cum ardentes aliquando immundus spiritus in eo libidinis faces accendisset; in oratione ad B. Virginem confugiens, tot eam lachrymis, ad sui præsidium compulit, vt non modò eam tunc temptationem deuicerit; verùm ab omni deinceps carnis stimulo, ipſius dono, liber fuerit. Ardentissimè Dei verbum prædicans, copiosissima animarum lucra, Deo referre consueuerat: quo tempore, nonnulla Dei virtute ab eo miracula patrata leguntur: Cum enim in Canepinæ oppido Dei verbum quadragesimali tempore disseminaret, Parochi fratris, Maria nomine, quæ graui capitis dolore torquebatur, cum apprehensam Marcelli manum sibi capiti imposuisset, repentinè à dolore liberata fuit. Rursùm, cum in Somnini oppido Dei verbum euangelizaret, Sebastiani Doctoris filius, octo annorum puer, extremo agone cum morte colluctabatur; quo tempore à Patre, Marcelli precibus commendatur: qui cum Sebastianum de futurâ pueri salute certiore fecisset, crasum ex B. P. Francisci ligno puluerem aquæ mixtum, puero potandum præbet: qui simul atque puluerem cum aquâ hausit, protinus in vitam respirauit. Alia quoque eum signa patrâsse communi famâ peruulgatum. Hoc in Somnini oppido cum Marcellus ægrotare cœpisset, Piperinum proficiscitur; vbi morbo ingrauescente, plurimâ cum sanctimoniæ famâ, Feriâ quintâ maioris Hebdomadæ diem extremum clausit. Ipſius corpus post obitum molle, tenerum, tractabile; vultusq; colore respersus conspicitur: quamobrem magnâ populi frequentiam illius funus celebratum fuit; atque ipſius habitus, cingulum, caputium in frusta præ sanctitatis opinione concisa. Post tertium, & quartum sepulturæ mensem, eiusdem corpus, etiamnum in sepulchro incorruptum, suauissimum odorem efflat, ac nonnullis miraculis coruscat. Nam hoc ipso anno, Fr. Bergomas, Sacerdos Romanæ Prouinciæ, cum Romæ febri, ac tam graui cardialgiâ cruciaretur, vt extremum sibi adesse diem existimaret; panni segmen, quo Marcellus viuens vsus fuerat, sibi ad cordis regionem adhibens, non modò ab vehementi illâ cordis passione, verùm & à febri confestim persanatur. Atque hoc ipso tempore Monialis quædam Piperni, fistulâ incurabili, quâ eius facies deturpabatur, laborans. cum habitus garticulâ fistulam contigisset, protinus ab eâ curata fuit. Romæ, Dominicus quidam, totius corporis doloribus ita affectus, vt membrorum ferè omnium vsu destitutus esset; cum

habitus

habitus Marcelli segmentum aquæ immerfisset, eâque aquâ malè affectus, corporis partes lauisset, extemplò dolores omnes fugatos sensit: sed cùm ex diuturnâ corporis ægitudine, ita imbecillis esset, vt progredi nullo modo posset; eâdem aquâ pedes, crura, femora, ac cætera corporis membra iterum abluens, tam firmum corporis robur, ac valetudinem assequitur, quasi nullo vnquam tempore ægrotâisset: & quod miraculum auget, ab herniâ præterea, quâ laborabat, perfanatur. Eandem habitus particulam, mulier, quæ acutis partus doloribus, per multos dies cruciari solebat, sibi in partu adhibens, absque dolore foetum emittit. Altera quoque parturiens, cùm sacrum nummum, quem Marcellus olim Corollæ appensum gerebat, sibi collo appendisset, à partus doloribus liberatur. Obijt Vir Sanctus Anno 1610.

## FR. MICHAELIS ANGELI VENETI.

### PRÆDICATORIS.

### VITA, ET GESTA.

**I**RATER MICHAEL ANGELVS, Venetus, Concionator, cùm clarissimis vitæ exemplis, Euangelicæ Prædicationis donum, quo egregiè præstabat, exornaret, hinc tantam in dicendo vim, diuinitus sibi inditam acceperat; vt vbicunque Dei verbum disseminaret, nouus Apostolus censeretur. Etenim tam mirâ erga animas Christi sanguine redemptas charitate afficiebatur, vt cùm nunquam absque vbere lachrymarum copiâ ad prædicationem accederet, ex eâ immensa semper animarum lucra referret, ac lachrymarum filios pareret. Præclariore hic Italiæ Vrbes Apostolico spiritu percurrens, quo copiosiore ex his messem colligeret, spirituales quasdam virtutum exercitationes scriptis edere consueuerat, quas myrrhæ fasciculos appellabat. Tam eximius Dei paræ cultor fuit; vt cùm vbique populos ad illius venerationem compelleret, Romæ, in Ecclesiâ S. Laurentij in Damaso Dei verbum quadragesimali tempore prædicans, puritatis beatæ Virginis in eâ Sodalitatem instituerit, ac Regulam præstituerit: quapropter ab eâ quoque, cùm formicario aliquando morbo correptus fuisset, incolumitatem tulit. Huic Fr. Dominicus Costa, Vir in eâ Prouinciâ probatæ virtutis, nuper defunctus apparuit: à quo cùm is tria

percunctatus esset; primum, in quo ille statu versaretur: secundum, qualem Religio apud Deum gradum obtineret: postremum, nùm ex Capucinis aliqui ad inferos damnarentur. Is singulis respondens ait: Primò, se meliorem vitæ statum expetere non posse: secundò, Religionem hæctenus optimo apud Deum gradu frui: tertio, ex superioribus nonnullos idcirco ad orcum damnari, quod nullâ in sibi subditos charitate, ac compassione ferantur. Ex subditis quoque aliquos, ob eorum in Superiores murmuraciones, ac detractiões Cœlesti regno excludi. Propheticæ eum lucis dono haud caruisse, hoc aliquando exemplo non obscurè manifestum fuit. In Venetiarum Conuentu, Fr. Alexander Venetus, Sacerdos, desperatâ à Medicis salute, continuâ, ac malignâ feбри laborabat: quo tempore ad eum Michael Angelus visitationis causâ accedens; vbi illum ad Beatissimæ Virginis cultum, ac venerationem prouocauit; ab eo, nùm ex eâ ægritudine conualescere optaret, percunctatur: qui cùm suo illi desiderio annueret: Iam (inquit) bono animo esto: proximus dies Beatissimæ Virginis Assumptioni sacer, te incolumem reddet. Dictum certo rei exitu confirmatum fuit. Denique, cùm multos in Domini vineâ excolendâ labores exantlâssæt; Venetijs inter Beatissimæ Virg. hymnos, Deo spiritum reddens, ad præmia euolat Anno 1612. Huius Viri sanctimonia à Deo post illius obitum miraculo illustrata fuit: cùm enim in oppido Roboreti, cuiusdam Ordinis nostri benefactoris filius, animam ageret; pater audito Michaëlis Angeli, quem ob vitæ sanctimoniam Cœlesti gloriâ donatum sibi persuaaserat, obitu, eius ad filij salutem merita implorans, se ipsius sepulchrum veneraturum pollicetur. Vixque votum emiserat, cùm moribundus ad vitam respirat, & integram incolumitatem consequitur.

\* \* \*



Fr. IOANNIS A FANO,  
PRÆDICATORIS.  
*VITA, ET GESTA.*

**F**RATER IOANNES à FANO, Concionator, Vir admirabili sanctimoniâ præditus : cui cum nulla ad Apostolicum Virum numeris omnibus absolutum efformandum, virtus deesse putaretur; illa tamen in eo potissimum elucebat, quæ cum omnium virtutum corona sit, cæteris lucem, ac formam præstat. Hæc nimirum Diuina charitas est, cuius tanto intus ardore flagrabat, vt cum de Diuino amore, aut cœlesti Beatorum gloriâ aliquid audiret, mox in ingentes oris clamores erumperet : à quibus cum abstinere non posset, interdum etiam in animi deliquium laberetur. Frequentes, noctu præsertim, quas interdum integras in oratione ducebat, cum mentis excessus pateretur; in his aliquando toto corpore in æra efferri visus est. In Conuentu Chinonensi Anno 1607. cum in mensâ liber legeretur, in quo de Regum adoratione, ac puero Iesu mentio fiebat, tot in Cœlum clamores efferre cœpit, vt his Fratres pesterrefierent. Quapropter Guardianus illum ad se vocatum interrogat; cur tam ingentes illos clamores edat ! Cui ille saltitando his vocibus respondit : O amor, ô amor, ô amor ! Hisque dictis, protinus humi corruens in ecstasim dilabitur. Tantâ erga augustissimum Eucharistiæ Sacramentum veneratione afficiebatur, vt cum Deo sacrum Missæ Sacrificium offerret, corde palpitans, totus in tremorem solueretur. Horrendam aliquando tempestatem, quæ frugibus deuastationem minabatur, vi suæ orationis dissoluit. Nostro cuidam Theologiæ candidato, qui tam tenui oculorum luce fruebatur, vt vix etiam adhibitis ocularibus legere valeret, tam perfectam suâ oratione lucem reddidit, vt deinceps absque ocularibus libros percurreret. Denique apud omnes vitæ sanctimoniâ clarus, in Parisiensi Conuentu ad Cœlestia migrat. Eius sanctimoniæ argumentum illud post mortem extitit ; quod cum Fr. Anselmus Parisiensis, hydropisi laborans, eius impensius sibi è Cœlo opem implorasset, post ipsius inuocationem leui somno correptus, cum primum ab eo experrectus fuit, perfectè incolumem sensit. Obijt Vir Dei 1612.

Fr. VITALIS MEDIOLANENSIS.  
SACERDOTIS.

*VITA, ET GESTA.*

**I**RATER VITALIS MEDIOLANENSIS, eiusdem Prouinciæ Sacerdos, patientiâ, ac virtute clarus. Hic pluribus annis inter ipsos podagrici morbi dolores, qui aded acuti, atque acres esse solent, vt homines sapè in ciulatus, ac clamores compellant; ita naturæ sensum cohibuit, eamque animi temperantiam in summis illis morbi aculeis retinuit, vt nullas vnquam querimoniæ voces effunderet: sed Diuinam tantummodò Maiestatem sibi clementem, ac propitiâ exoraret. Tandem diuturno languore à Domino probatus, in quo cœlestes sibi virtutum opes comparauit, cùm extremum magnâ cum sanctimonix laude, Mediolani in Conuentu sancti Victoris diem obiisset, in ipsâ sui obitus horâ, splendor è cellæ tecto consurgere, atque in Cœlum conscendere à quàm plurimis visus fuit. Atque eodem tempore, cùm Fr. quidam, Paulinus nomine, in eodem Conuentu, ita à Dæmone tentaretur, vt nullis eorūque, nec Fratrum monitis, neque superiorum præceptis adduci potuisset, vt peccata sua Sacerdoti confiteretur; pulso ipsius suffragijs Dæmone, tantâ animi contritione, hoc ipso temporis momento, ad Pœnitentiæ Sacramentum accessit, vt id nullius, præterquàm huius sancti Viri, meritis vniuersi adscribendum putauerint. Obijt

Anno 1581.



FR. RAYNERII BITVRGIENSIS.  
SACERDOTIS.

VITA, ET GESTA.



ERATER RAYNERIVS BITVRGIENSIS, Sacerdos, Picentis Prouinciæ, vitam duxit tot virtutum floribus exornatam, vt rectè hortulus Domini nuncupari possit. In eo siquidem pallens paupertatis viola suauissimè olebat; hic & amaranthus, propriâ abnegatione purpureus; hic candens castitatis lilium, arctissimis panis, & aquæ ieiunijs, quotidianis corporis flagellationibus, prolixis noctis vigilijs, atque alijs carnis macerationibus, velut spinis obsitum, à labe purum custodiebatur. Hic quoque cæruleus orationis, & Diuinæ contemplationis hyacinthus, suos in solitudine tum nocte ad quintam, vel sextam sæpè horam, tum die, in quo vacuum ab oratione tempus sibi esse non patiebatur, odores spargebat, conspiciebatur. Hic quoque candidus Angelicæ cuiusdam puritatis narcissus, quæ in ipsius vitæ innocentia, ac morum honestate, tam præclarè elucebat, vt cum in eo Fratres nihil vnquam, aut culpandum, aut minùs virtute dignum depræhenderent, eum inter perfectiores, ac sanctimoniâ illustres viros, qui hæc tempestate floruerunt, proculdubio recenserent. Postremò, his eminebat rubens quædam charitatis rosa, quæ eum suâ fragrantia ad omnia charitatis officia impellebat, eoque tandem perfectionis adduxit, vt voluntariam pro eâ sibi necem elegerit: id enim in M. S. Ordinis monumentis ita accidisse legitur. Cum Raynerius Æsio ad oppidum, quod vulgò Rocca Contra-da nuncupatur, profectus esset; ibi Baldum quendam mercatorem, virum cumprimis erga Capucinos beneuolum, grauissima dysenteria ægrotantem offendit; qui cum vitâ iam desperatâ, ob id maximè conquereretur, quod imparatum, ac bonorum operum inopiâ laborantem, importuna mors interciperet, is, vbi suauibus ægrum verbis consolatus est, atque in Diuinæ misericordiæ spem illius animum erexit; cum eum minus ad extremum vitæ occasum dispositum cerneret, vberiore charitate incensus, his illum verbis affatur: Balde, quandoquidem te inopinata, mors terret, amplioremque ad supremum illum Diuini iudicii

diem bonorum cumulum tibi longiori vitâ comparandum optas; id ego, si tu ipse annueris efficiam, ut precibus Deo oblatis, necem, quæ te hinc eripere parat, mihi ipsi, ob tui in nostros beneuolentiam impetrem: tu verò ad longiorem vitæ lineam serueris; quo cælestes tibi opes vindicare valeas. Assensit vir vitæ, & incolumitatis cupidus: Raynerus verò Ætium reuersus, cum ardentius Dominum pro ægroti vitâ exorans, suam vltro illi in sacrificium obtulisset; Baldus quidem breui ab ægritudine conualuit: is verò Baldi dysenteria hoc ipso tempore correptus, pro charitate paulò post animam fudit, suamq; vitam alterius bono postponens, supremum illud in morte charitatis testimonium prodidit, quo nullum maius excogitari posse, Saluator in Euangelio his verbis testatus est. *Maiorem hac dilectionem nemo habet, ut animam suam ponat quis pro amicis suis.* Obijt Anno 1581.

## FR. ANTONII A LOTITO.

SACERDOTIS.

VITA, ET GESTA.



**E**RATER ANTONIVS A LOTITO, Prouinciæ S. Nicolai Sacerdos, cum paupertate, abstinentiâ, vitæ austeritate, atque orandi studio clarissimus esset, ipsius tandem patientia, diuturno, ac molestissimo podagræ morbo, ac neruorum attractione, septem annorum spatio, à Deo probata fuit. Hæc, & pleaque alia corporis incommoda, cum patientissimo animo ferret, atque ad eò his morboris molestijs affligeretur, ut vix loco, absque alterius ope dimoueri posset; illud tamen in eo mirabile videbatur, quod ad Missæ celebrationem (cui quotidie vacabat) accedens, nullo omnino, vel dolore, vel corporis morbo, perinde, ac si sanus, ac incolumis esset, excruciabatur. Verùm, sacris peractis, iisdem protinùs, quibus antea, morborum doloribus, ac molestijs afficiebatur. Hoc in quotidiani languoris martyrio, cum septem annos summâ cum animi patientiâ transegiisset; consummatâ tandem probatione, malis omnibus morte solutis, ad vitæ coronam euolauit. Anno 1582.

In Bononiensi Prouinciâ Fr. SIMON BVTRIENSIS, Sacerdos, inter viros illustres adnumeratur, qui Regularis disciplinæ zelo,

zelo, humilitate, abſtinentiâ, plurimiſq; alijs virtutibus enituit. Obijt 1582.

Genuenſis Frouincia Fr. ANGELI BRIXIENSIS, Sacerdotis, & Concionatoris, memoriam cum laudibus celebrat: qui cùm ali-quandiu magnâ cum vitæ integritate, ac prudentiæ laude eam Pro-uinciam adminiſtrâſſet; ac multis virtutibus, præſertim rerum ad-uerſarum tolerantiâ in eâ enituiſſet, tandem in Conuentu Saonenſi, magno ſui apud omnes deſiderio relicto, extremum Deo ſpiritum reddit. De quo illud inter alia refertur, quod extremum iam ſpiri-tum agenti, cùm Dæmon horribilem aſpectum præſeferens adſti-tiſſet, ab eo his verbis deſpectus: Abi, Satana; Dominum enim pro-pugnatozem, & Fratrum orationes mihi auxiliares vendico: quibus cùm repugnare minimè queas, iras tuas nequaquam pertimeſco; ſtatim auſugit; iſq; in pace quieuit, Anno 1583.

Fr. FVLGENTII ASCVLANI.  
SACERDOTIS.

VITA, ET GESTA.



**F**ATER FVLGENTIVS ASCVLANVS, Picentis Pro-uinciæ Sacerdos, ex Pariſianorum honeſtâ familiâ progenitus; vix duodeviginti annos natus, mun-dum calcare, & ſub Capucinorum vexillo in Chri-ſti caſtris militare didicit. Nouitiuſ, plurimiſ à Dæmone moleſtijs afficitur; vbi verò Satan illum indiſſolubili votorum vinculo Religioni alligatum vidit, ſuâ ſpe fru-ſtratus, ab eo quamprimùm receſſit, neque vllas illi deinceps mole-ſtias intulit. Vix in Religionis gremio confirmatus fuit, cùm tanta in eo vitæ innocentia, tanta obedientiæ ſimplicitas, tam ardens pauper-tatis zelus, tanta morum honeſtas, mentis humilitas, patientia, abſti-nentia, auſteritas, charitas, tam perfectâ deniq; Euangelici hominis forma eſſulgere cœpit; vt nihil, quod ad virtutum exemplar nu-meris omnibus abſolutum effingendum ſpectaret, in eo expeten-dum videretur. Quamobrem, cùm tot virtutibus floreret inter 30. illos Fratres adnumeratus fuit, qui ſub Anſelmo à Petrâ Molinariâ, cum Pontificali claſſe, ad bellum nauale, quod aduerſus Turcam Anno 1571. geſtum eſt, proceſſere. Cùm aliquando in Conuentu Vlmimontano moras ageret, Iacoboq; cuidam in extremo mortis

periculo

periculo adesset, Michaëlem Archangelum ad ægrotantem accedere cernit. Quam plurima quoque nostra MS. ab eo patrata miracula ferunt; quorum idcirco memoria interijt, quod nemine de Anna-  
lium historiâ cogitante, ea nullo scripto exarata fuerint. Inter alia autem illud enumeratur, quod cum in Conuentu Montis Vlmi moraretur, cœci pueri oculum Crucis signo obsignans, vix eo efformato puer oculis lumen recipit. Itidem quoque Maria Virginia, Iacobi nobilis viri vxor, ob tabem in digito exortam, graui dolore cruciabatur: quæ cum Viro Dei digiti cruciatum indicasset, is morbosum digitum digito suo contingens, signumq; illi Crucis imper-  
tians, non modo ab eo dolorem fugat; sed & putrefactione expulsa, incolumem præstat. Postremò, cum hyemali tempore vnâ cum Remigio à Montebello, atque altero Mediolanensis Prouinciæ Fratre iter faceret, lacunam quandam, viam interfecantem, offendunt; cuius, cum ob imbrum copiam, vnda altior esset, quàm quod pedibus transuadari posset; Fulgentius flexis genibus ad Dei Opt. Max. opem confugit: mox verò tres viri equis insidentes illis extemplo apparent, qui cum illos trans lacunam vexissent, repente ab eorum oculis euanescent: ex quo illos cœlestes Angelos, à D.O.M. ad eorum opem missos, agnouere. Hæc cum Dei feruum insignem, ac vitæ sanctimoniâ clarum ostenderent; vix trigesimum quintum ætatis annum attigerat; cum è Monte Vlmi ad S. Ginesij Conuentum missus, supremum, qui ei imminabat, diem Diuinâ reuelatione percipit; ac paulò post in morbum incidit. Multiplex porrò virtus, quæ ipsius vitam, velut Cœlestibus gemmis exornauerat, clariùs in morte effulsit: etenim post mentem Pœnitentiæ Sacramento expiatam, ac Cœlesti pane refectam, tantâ suauitate Deo laudes cœpit occinere, totq; præconijs Diuinam Maiestatem extollere; vt ante carnis occasum, iam Cœlestibus Angelorum ac superum Choris interesse videretur. Inter hæc Deiparæ Virgini, quam singulari pietate, ac religione prosequabatur, hymnos: *O gloriosa Domina &c. & Ave maris stella &c.* decantans, cum illius ante mortem aspectu dignatus esset, lætus in hæc verba exclamat: *O flos Virginum, Maria! te nulla pulchrior, nulla magis pia: iam te sequar cœlesti viâ.* Hæc etiamnum verba in illius ore versabantur, cum puram ad Deum animam efflat, Anno 1584.

FR. LIBERIVS à CORTONA, Hetruriæ Prouinciæ Sacerdos, inter alias animi virtutes, tantâ erga Eucharistiæ Sacramentum religione ferebatur, vt sacro Altari, vbi illud assèruari solet, terga nunquam

verteret : vtrò corporalia , ac sacras pallas , quæ Altaris sacrificio deferuiunt , à Parochis emundanda peteret ; vt sacrum Myſterium in mundis linteis ab his perageretur ; ac ſummâ religione , & pietate ſacra myſteria offerrentur. Qui tandem prænunciatâ ſui obitus die hinc purus exceſſit, Anno 1585.

Fr. IOANNES MARIA à Maurettâ , Pedemontij oppido , Genuenſis Prouinciæ Sacerdos, inter alios vitæ probitate inſignis, illud à Deo ſanctioris vitæ , & acceptæ gloriæ poſt mortem teſtimonium accepit ; quod breuiſſimo temporis ſpatio , poſt emiſſam è corpore animam, ipſius vox in aëre audita eſt , ſuauiſſimè illud Prophetæ decantans : *Lætatus ſum in his quæ dicta ſunt mihi : in domum Domini ibimus.* Obijt anno 1585.

In Bononiënſi Prouinciâ Fr. SEBASTIANVS FAVENTINVS, Sacerdos, miris apud omnes laudibus effertur. Vir admirabilis abſtinentiæ , perpetuæ orationis , paupertatis eximiæ , profundæ humilitatis , ac demùm notæ ſanctimoniæ commendatur. Obijt anno 1585.

Fr. ANTONIVS MONTOPOLITIANVS, cùm primum Religionis ingreſſum egregio facinore illuſtraſſet , ac B.P.N. Franciſci exemplo , patri , qui eum à Religionis propoſito deterrebat , collectas in ſarcinam veſtes, quibus indutus erat, relinquens, ad induſum vſque nudus, ab eo ad Capucinos auſugifſet ; vitâ deinde virtutibus plenâ, hiſce incunabulis dignâ, in Religione ductâ , ipſo S. Antonij Abbatidis die, in quo natus, Capucinorum Religioni adſcriptus , votorum ſolemnitate colligatus , Miſſæ ſacrificium primò celebrauerat , ac prædicationis munere functus fuerat , extremum quoque diem claudit, Anno 1586.

Fr. ANGELVS SOLOFRENSIS , in Neapolitanâ Prouinciâ Sacris initiatus, angelicis moribus ornatus, prænunciato ſui obitus die, quem Deo reuelante prænouerat , Angelorum , vti piè credi poteſt, poſt mortem Choriſ ſociatur, Anno 1586.

Cathalonix Prouincia Fr. GASPAREM à Baleari maiore, hominem magnum virtute , ac perfectum Regulæ obſeruatorem commendat: quem vitæ aſteritas , humilitas , obedientia, paupertatis zelus , ac omnium virtutum ſtudia commendabilem reddidère. Obijt anno 1586.

Romana Prouincia Fr. ANTONII SICVLI, Sacerdotis virtutes præclaras commemorat; quibus egregiè ornatus , id tandem à Deo conſecutus eſt, vt ſui obitus diem, eo reuelante, prænoſceret;



coq; Fratribus significato, eo, quo prædixerat, tempore, piè in Domino obdormierit, anno 1586.

FR. BENEDICTVS VALENTINVS, Sacerdos, ex Neapolitanâ in Cathalonix Prouinciâ translatus, cum totius Regularis obseruantix custos esset integerrimus, orationem maximè coluit, in quâ raptus, & ecstases passus, haud sine sanctimonix famâ ad Deum migrat, anno 1587.

FR. GREGORIUS À PRATO REGVM, ex eadem Cathalonix Prouinciâ Sacerdos, plurimùm austeritatis, paupertatis, charitatis, patientix, ac omnium ferè virtutum commendatur. Obijt anno 1587.

FR. THOMAS ALETINVS, Sacerdos in Hydruntinâ Prouinciâ, acerrimus Regularis obseruantix propugnator; charitateque erga pauperes effusus, præ cæteris celebratur: qui cum obitus sui diem prænunciasset, mortales exuias Aletij, magnâ cum vitæ laude deposuit, anno 1587.

FR. MATTHÆVS CALABER, Sacerdos, abstinentiâ, ac humilitate insignis, mortis suæ futurum diem præsignificat: angelicum post mortem vultum præfert: & in morte ab Angelis in Cælum deferri à Fratribus conspicitur; cum priùs splendidus fulgor ex ipsius cellâ erumpere visus fuisset. Obijt anno 1587.

## FR. PHILIPPI INIICIENSIS.

### SACERDOTIS.

#### VITA, ET GESTA.



RATER PHILIPPVS INIICIENSIS, Panormitanæ Prouinciæ Sacerdos. cum ex eorum numero esset, qui prioribus illis Religionis nostræ temporibus ex Obseruantium Familiâ ad Capucinos concedentes, exornentem Ordinem suis virtutibus exornarunt, eorum quoq; ad vltimum vsq; senium mores, vitam, austeritatem, virtutesq; egregiè imitatus, suos prætereà splendores Religionis contulit. In hoc viro effusa quædam erga proximos charitas, inter cæteras virtutes potissimùm effulgebat: quâ in ægrotos, & pauperesita ferebatur, vt in his iuuandis, alendis, consolandis, velut materna viscera effundere videretur. Ita Vir hic egregius, tam ab omni carnis, & sanguinis amore disunctus erat; vt, cum Drepani

viginti quinque annorum spatio commoratus fuisset, nunquam tamen adduci potuerit, ut vel semel urbem perlustraret, vel patriam, domum, ac propinquos, qui haud longè habitabant, inuideret. Hinc cum multæ orationis Vir esset, pleraque orans ex Diuinâ reuelatione accepit: in quibus & Turcici cuiusdam nauigij expugnationem, & quorundam Drepanensium, qui procul in Insulam confugerant, periculum præmonuit. Adolescentis cuiusdam caluitio laborantis caput cum manu attigisset; quinque illi orationum Dominicalium, ac totidem Salutationum Angelicarum, ante Beatissimæ Virginis aram persoluendarum, oratione indictâ, ita à caluitio curauit; ut posteriâ die capillatus apparuerit. Ad extremam tandem senectam prouectus, cum obitus sui tempus cuidam germano fratri, qui in sacro Prædicatorum Ordine Deo militabat, præsignificasset; eodem tempore, virtutibus, ac sanctimoniâ clarus rebus humanis valedixit, Anno 1588.

## FR. IOANNIS ILLYRICI.

### SACERDOTIS.

#### *VITA, ET GESTA.*

**E**RATER IOANNES ILLYRICVS, Sacerdos, multis virtutibus insignis, è Minorum Obseruantium familiâ ad nostros euocatus, eam inter nos vitæ rationem instituit, quæ illius vocationem, non ab humano, sed à Diuino planè spiritu profectam ostenderet. In eâ siquidem, ob assiduum Euangelicæ perfectionis studium, ad quod totus inhiare videbatur, tot virtutum generibus elucebat; ut quasi sol Religioni datus videretur, quo suâ virtutum luce reliquis astris præluceret. Nihil in hoc viro incompositum, nihil virtute vacuum conspiciebatur. Prima namque virtus, quæ cæteris fundamentum præstat, humilitas, ita illius animum imbuerat, ut neque, licet ætate grandævus, superiorem, nisi genuflexus, allocutus fuisset, aut se alloquentem audisset; neque vllius, tamen leuissimæ rei agendæ, absque Superioris licentiâ, facultatem sibi arrogasset. Eadem quoque exterioris hominis compositio, oculorum demissio, brevis allocutio, vocis submissio, quæ Nouitijs præscribi solet, ab eo iam sene tam ad amissim seruabantur; ut qui virum non agnouisset, Nouitium proculdubio iudicasset. Cum autem senio confectus,

atque altero semore claudus minus laboribus aptus esset, ne ætas illa humilitatis testimonio vacua esset, viliora domus ministeria sibi exercenda assumebat. Obedientiam verò, altissimam omnium rerum paupertatem, quam ad arctam rerum necessitatem contraxerat, abstinentiam, assidua præter communem usum ieiunia, orationis studium, Chori frequentiam, sacrorum Religionem, & ceteras illius virtutes singillatim non prosequor. Vna tantum est, quæ ad illius commendationem nos vocat: nimirum castitatis amor; qui tam alrè illi ab exordio animo insculptus fuit; vt grauem propterea, ac perpetuam cum mulieribus similitudinem contraxisse videretur. Ab illis enim tam sollicitè cauebat; quod, nisi superioris præcepto compulsus, cum nullâ omninò sermones misceret. Imò, vt, quò omnem etiam ab animo earum memoriam expelleret, cum Sacristâ pactum iniisset; ne cum celebrantem ad sacram Communionem mulieribus impertiendam compelleret. Nonnulla eum, quæ reipsâ acciderunt, prædixisse; ac pleraque miracula Diuinâ virtute patrâsse, nostra M.S. ferunt: quibus tam communem in Neapolitanâ vrbe sanctimoniam famam sibi comparauerat; vt cùm octogenarius diem suum, quem ante obitum prænuñciauerat, omni cum pietate obiisset, tam ingens ad illius funus Neapolitani populi frequentia conuenerit; vt ad tumultum sedandum Proregis, & Apostolici Nuncij autoritate opus fuerit. Tanta enim erat in Virum Dei populi deuotio, vt quisque habitus sibi particulas præscinderet, capitis capillos euelleret, barbam raderet, ungues obtruncaret; cumque ex alterius pedis pollice unguis euulsus fuisset, protinùs viuus ex eo sanguis effluxit. Apostolicus quoque Nuncius, cùm octogenarij senis carnem mollem, ac velut pueri teneram contrectaret: Hoc (inquit) nitidæ huius viri puritatis argumentum est irrefragabile. Denique, cùm ob confluentes hominum, mulierumq; turbas ad tertium vsque diem inhumatus in feretro iacuisset, noctu tandem in sepulchro conditus fuit. Post mortem, dente ipsius binis Petri Capelli filijs, qui pestilenti febre laborabant, collo successiuè appenso, protinùs à febre liberantur. Obijt anno 1588.

\*\*\*

Fr. THOMÆ A CARAVINIA.  
SACERDOTIS.

VITA, ET GESTA.



ERATER THOMAS à CARAVINIA, Sacerdos. Vir ad miraculum purus; totq; prætereâ virtutibus illustris, vt in eo vniuersi, obedientiæ, simplicitatem, honestatis candorem, humilitatis abyssum, paupertatis zelum, vitæ austeritatem, animi mansuetudinem, morum disciplinam; demùm totius Regularis Obseruantia exemplar suspicerent. Ad Orationis perfectionem, cùm omne suum studium, ac diligentiam conferret; nocturnæ vigiliæ, & quotidiana ferè ieiunia, somnum oculis, & corpori escam intercipiebant. Hinc tam sæua Tartarei hostis in eum odia excitata, vt dum Matteolæ in Choro solus oraret, ingenti procellâ in aëre ab eo excitatâ, fulmen è Cœlo dilapsum fuerit; quo vniuersæ Chori tabulæ, præter eas, quæ virum Dei capiebant, reflexæ, atque è suis sedibus pulsæ, vno impetu in eum perlatæ fuerunt. At Vir Dei, Diuinâ eum virtute contutante, impavidus, ac nec quicquam loco motus Dæmonis impetum suâ oratione prostrauit, atque inanem reddidit. Tanta quippe erat illius orationis virtus; vt sereno Cœlo, pluuiam abundantem à Deo impetraret. Consueuerat hic Dei seruus in chartulâ nomina Iesv, Mariæ, & interdum Francisci conscribere, ijsque, qui aliquâ ægritudine laborabant, dispersiri: totq; varijs languoribus correpti, his chartulis curati fuere, vt vniuersi ad eum confluerent. Baruli etiam cùm ingens bruchorum copia agros deuastaret; turmatim agricolæ ad Thomam accurrentes, chartulas accipiebant; quas cùm in agris arundini affixas erigerent, nullum à brucho prorsus damnum patiebantur. Hac igitur vitæ sanctimoniâ, cùm plerosque in Religione annos transegisset; demùm Baruli supremâ ægritudine corripitur. Quo tempore, cum morbo aliquando prægrauatus, cantu aliquo animum recreari cuperet; mox auicula, tantâ vocis modulatione, tamq; suauiter in cellæ fenestra cœpit occinere vt inter hos auiculę cantus Thomas mortali è vitâ excesserit. Quam verò Deo accepta esset anima illius, mox Diuino testimonio declaratum fuit: vix enim consuetam Fratres defuncto

corpori lotionem exhibuerant ; cùm candida columba , nunquam antea vifa , ter Monasterium circumuolat , ac demum cellæ fenestram ingressa , ante defuncti pedes consistit ; quibus gestu , alis , garritu , tantâ familiaritate colludit ; vt qui aderant Fratres , nouo rei spectaculo commoti , in columbâ nihil præter cœleste spectarent : quò defuncti puritas hoc testimonio omnibus manifesta esset . Aliud quoque huius viri sanctimonix argumentum fuit . Cùm enim septem ab ipsius obitu anni iam effluxissent , eius tamen corpus tam candidum , molle , palpabile , & incorruptum in sepulchro visum fuit , vt caro ipsius in pteritiam refluuisse videretur . Obijt anno 1588 .

S. Nicolai Prouincia Fr. LVCÆ à BARDANIA , Sacerdotis , virtutes cum laude prædicat : qui cùm breuem vitæ cursum admirabili morum , ac Regularis disciplinæ splendore confecisset , post mortem in Beatorum Capucinorum societatem , à quodam Fratre cooptatus conspicitur , 1588 .

In Bononiensi Prouinciâ merito , ac virtute floruerunt FF. GUIDO FINARIENSIS , FRANCISCVS PERVSINVS , ac BONAVENTURA RHEGINENSIS , Sacerdotes : quorum primus Guido , virâ cum pietate ad mortem vsque perductâ , cùm neci appropinquans , B. Virginem in strato genuflexus his verbis salutasset : Aue , filia Dei Patris . Aue mater Dei Filij . Aue sponsa Spiritus sancti . Aue templum totius Trinitatis . hoc modo genuflexus Deo animam reddidit . Secundus , Franciscus , varijs tum Euangelicæ prædicationis , tum Religionis administrationis , in quibus magnâ cum virtutum laude versatus est , laboribus perfunctus ; præclara posteris sanctimonix exempla reliquit . Tertius denique Bonauentura , Theologiæ , candidatus , cùm inter alias animi virtutes , quibus præditus erat , tantâ erga infirmos charitate præfulgeret , vt ijs ferè suprà vires ministraret ; pij ipse quoque operis à Deo supernaturale præmiũ consequitur . Obierunt anno 1589 .

In Mediolanensi Prouinciâ Fr. BERNARDVS CANTVENSIS , Sacerdos , multarum virtutum , ac præsertim puritatis , simplicitatis , ac innocentix laude celebratur . Obijt anno 1589 .

In Picenâ Prouinciâ PHILIPPVS à RICINETO , Sacerdos , inter eos enumeratur , qui Parisiensem Prouinciã suis potissimùm virtutibus fundârunt ; sibi rigidus , cæteris humanus ; homines fugere didicerat , vt Deo puriùs viueret , & inhæreretur . Demùm virtutibus plenus Aësi mortalem corporis sarcinam deponit , anno 1589 .

In S. Angeli Prouinciâ, PIVS TVTICENSIS, Sacerdos, admirabilis abstinentiæ laude effertur: qui cùm decernium in panis, & aquæ ieiunio consumpsisset; nunquam tamen post hæc, aut rarè obsonium attingere visus fuit. Orationem mirum in modum coluit; ex quâ id consecutus legitur, vt de rebus Diuinis tam altè, atque ardentè dissereret; vt cùm Tutici aliquandò apud Mercatorem quendam de ijs sermonem haberet, in mentis excessum raptus, hoc modo ad Monasterium delatus fuerit. Demùm sanctimoniâ clarus ad Dominum migrat, anno 1589.

In Genuensi Prouinciâ Fr. ROCHI GENVENSIS, Sacerdotis, adhuc floret virtutum memoria: qui cùm orationis dono excelleret, quædam Francisco Rotarino Albiciolensi, nostri Ordinis benefactori, ventura prædixit, quæ reipsâ euenère. Obijt anno 1589.

Fratres IOSEPHVS, & BERNARDVS Celtiberi, Sacerdotes, cùm in Cathalonix Prouinciâ ad perfectam Regularis obseruantix disciplinam virtutum cumulos addidissent; ad eum tandem charitatis apicem conscenderunt, vt pro Fratribus spontè animas ponere non dubitauerint. Lue namque per totam ferè Celtiberiam sæuiente, cum peste laborantibus suâ operâ, ac ministerio adfuis-  
sent, Deo gratissimum opus tam feruido charitatis æstu patrauère; vt voluntario charitatis martyrio occubuerint; seque ipsos hoc modo Deo, tanquam gratissimas hostias in odorem suauitatis immolauerint, anno 1589.

Fr. HIERONYMVS à BILBILI-NOVA, Sacerdos, in Cathalonix Prouinciâ vitam incredibili cum pietate transactam, æquâ pietate conclusit,

Anno 1588.





FRATER LVDOVICVS AB ALCAMO FE. CAPVCINOR.  
SACERDOS.



Fr. LVDOVICI AB ALCAMO.  
SACERDOTIS.

*VITA, ET GESTA.*



**L**RATER LVDOVICVS AB ALCAMO, Sacerdos, nobili ortus profapiâ, vix primum iuventutis florem attigit, cum à Deo ad meliora vocatus, mundo cum suis relicto, in eremum Montis, cui Alcamus adiacet, secessit: vbi cum biennij spatio solitariam vitam, magnâ cum oppidanorum ædificatione, duxisset; inde ad Capucinos se contulit: vbi sub Geruasio, eximiæ sanctitatis Magistro, ita in virtutibus profecit, vt nihil eo humilior, nihil obedientius, nihil honestius, nihil tandem ad omnem virtutem aptius haberetur. Paupertatis tam eximius cultor fuit, vt tunicâ nullo vnquam tempore vsus fuerit: ad somnum nudas tantum sibi tabulas, vel mattam substerneret; cætera quoque altissimæ paupertati responderent. Abstinentiâ tam admirabilis erat, vt cum quotidiana ferè ieiunia coleret; Aduentus tamen, & Quadragesimæ tempore, tres cuiuslibet hebdomadæ dies, absque cibo transigeret. Geminâ ante Matutinum horâ, quod à Geruasio Magistro didicerat, ad orationem surgere consueuerat. Hinc plurimas illum à Deo reuelationes, ac cœlestes visiones hoc tempore accepisse, communis omnium olim fama fuit. Hinc cum in Conuentu Castri Veterani aliquandò seorsim in nemore corpus flagellis caderet; Christum Dominum præsentem, atque hæc sibi dicentem audit: Ludouice, animum ad tentationem para: multa enim pro nomine meo molesti passurus es. Is igitur, cum solidas iam in omni virtutum genere radices ageret, Superiorum iussu ad Portum Velinum in Lucaniam adnauigans, in Turcarum triremes incidit, qui captiuum in Africam ducunt. Vbi à Barbaro quodam pretio emptus, crudelem, omnisq; humanitatis expertem Dominum sortitus est; à quo quotidiano, & frequenti fuste excipitur, nautico pane præduro, ac persæpè à vermibus corroso, pro Regum delicijs parcè vescitur; quotidie ad improbos labores compellitur, verborum contumelijs afficitur, fessus, verberibus recreatur; quiescens, à nudâ humo refouetur. Hæc porrò Ludouico, qui fortissimâ animum patientiâ imbuebat, iucunda videbantur, atque Apostolorum instar, prorsus animo

exultabat; quandoquidem has pro nomine IESV contumelias ferebat. Christus verò, qui ad maiora pugilem suum certamina vocabat, ne animum despondeat, duro hoc seruitutis iugo pressum, suâ aliquando præsentia consolatur, ac suâ illi ope nunquam futurum pollicetur. At teterrimus Satan, qui olim, vt Iosephi castitatem perderet, Putipharis vxorem ad Iosephi amorem accendebat; eodem quoque modo, ac consilio Turcæ huius animum, turpi ac venereâ ita Ludouici cupiditate inflamat; vt interdum sapissimè blanditijs illum ad peccatum pelliceret. At Ludouici animus, tamdiu fœminæ impudicitia obstiter, quoad amorem in odium conuerteret; Ludouicumq; apud virum multorum scelerum reum accusaret; quo fiebat, vt vir crudelis, frequentius fustibus contusum, ac ferreis catenis reuinctum, ita clauis humi affigeret; vt ibi prostratus seipsum mouere nullo modo posset. Hæc fortissimus castitatis athleta, æquo animo ferens, diabolicam acrius in se rabiem concitabat; dum enim ferreis catenis onustus humi iacet; en, complures mulieres, venere ipsâ impuriore, in eum lasciuunt; ac impudicis actibus inclytum castitatis pugilem ad turpia prouocant. Quis non dictum, nedum factum horreat? cum nulla Ludouico, vinculis vndique obstricto, præterquam animi vis inesset, nec vim alio modo repellere valeret; oculis fulgurare, caput mouere, voces horrendas edere, asperioribus illas verbis aggredi, putrida in earum facies sputa contorquere. His tandem cum illarum impudicitiam repulisset; secundò in hoc certamine victor gloriosus de hoste triumphat. Interea Deus benignissimus, qui militis sui agonem à Cœlo spectabat, Angelum mittit, qui Ludouicum catenis vinctum à somno excitans, à vinculis soluit, eumq; statim in spiritu sequi iubet. Præcedit Angelus sub speciosi iuuentuli formâ; Ludouicumq; in ampla quædam plana campestria ducit, acutis vndiq; silicibus obsita; quos dum is nudis pedibus calcare cogitur, maximo hinc dolore cruciatur; cumq; cruore vndiq; illi à pedibus defluente, longius progredi non posset; mox ab Angelo manus contactu sanatur. Inde Angelus in alteram eum campanorum planitiem ducens, quæ nouaculis exacutis acies cœlum versus protendentibus, per totum confita erat, secum eam percurrere compellit: qui cum per aliquod temporis spatium, incredibili pedum dolore, præeuntem Angelum profecutus esset; ab Angelo tandem eodem modo curatur. Tertiò quoque ab Angelo per angustissimam pontis cuiusdam viam ductus, sub quo igneum flumen,

ignitis draconibus, ac serpentibus scatens effluere videbatur; cum primum Angeli vestigijs inhærens, ad pontis dimidium peruenit, eo ad alteram pontis partem euolante, tantus ipsius animus terror inuasit; vt Angeliopem mox lachrymis implorare cœperit: qui dexteram porrigens, animum ab angustia liberat, eumq; ad alterum pontis extremum, saluum perducit. Hinc Angelus Ludouicum ad inferorum loca sequentem præcedit: vbi primum Abrahæ sinum, olim habitatione sanctorum Patrum celebrem, nunc verò sine habitatore vacuum ostendit: tum puerorum, qui absque Baptismo decesserunt, limbum omni luce orbatum: tertio, Purgatorij ignis locum commonstrat, in quo is nonnullos, quos viuentes agnouerat, conspexit. Hinc demum ad Damnatorum locum, Angelo ductore peruenit. Ex his dum Ludouicus haud leui horrore percutitur, ab Angelo ad Paradisi gaudia, quantum viuenti fas est, inspicienda subleuatur: vbi inter alia, cum sedem quandam illustrem, ac gemmis ornatam conspexisset, cuius in prospectu columna procerior, regio diademate coronata erat; cuinam ea parata esset, ignorans, ab Angelo audit; eam Philippo II. Hispaniarum Regi, qui etiamnum superstes erat, seruari: columnæ verò mysterio, ipsius in Fide Catholica tuenda, ac propaganda pietatem, & constantiam significari. Hinc ad Altissimæ Trinitatis Thronum assumptus, ab æterni Patris dexterâ librum intus legendum accipit, in quo suum ipsius, atq; aliorum nomina inscripta perlegit. His itaque haud leuiter recreatus Ludouici animus, Diuinam sedulo opem efflagitabat; agoneq; suum Domino commendans, ad maiora se indies certamina parabat. Attamen, cum castitatis prælia nullâ re melius, quam fugâ superari, non ignoraret, clam aufugere, & in Siciliam adnauigare cogitat: res verò domino innotescens, apprehensus diris verbis afficitur. Diuino tandem consilio fit, vt crudelis herus, pacto cum altero inito, Ludouicum pretio distraxerit. Mitior hic secundus dominus erat. At verò satan rursus in pace bellum parat: huius enim heri filia nubilis, ac formâ pulcherrimâ, tanto illius amore capta fuit; vt intempestâ nocte, clam ipsius cubiculum ingressa, sese in ipsius stratum iniecerit; nihilq; blanditiarum, minarumq; prætermiserit, quò Ludouicum ad turpes actus alliceret. Is verò protinus electo exiliens, iuuenulam repellit, arguit, totq; illi honestatis virtutem verbis persuadere cœpit, vt ab eo tandem lachrymans discesserit. Alia quoque post hæc, quamdiu secundo huic domino famulatus fuit, ipsius pro castitate certamina referuntur. Dum igitur

Ludouicus inter hos, licet mitiores, seruitutis labores versatur; contigit, vt in iuuenem quendam Hetruscum, qui Christiana nuper fide abnegarâ, ad Mahometanam sectam accesserat, haud sine Dei consilio incideret: huic enim tam efficaci sermone pristinam fidem persuasit; vt suis ille verbis accensus, Christianam fidem publicè professus fuerit. Quamobrem à populo lapidibus obrutus, Martyr occubuit. Intereâ, cum mutuâ captiuorum permutatione inirà, heræ germanus ad suos in Mauritaniam redijsset; Ludouicus, & ipse liber dimittitur, atque in Panormitanam Prouinciâ reuertitur. Tot igitur durissimæ seruitutis ærumnis pressus, ac probatus, totq; diabolicarum tentationum fluctibus per integrum triennium iactatus; cum primùm Ludouicus se Fratribus, pristinæq; cellæ redditum videt; quis faciliè enarrare queat, quantis tunc Deum laudibus accumulet? quales orando flammæ eructet? quamq; seruido Diuinæ charitatis æstu animum inflammet? Tanta sanè, ac tam profusa ab eo tempore in eum Dei dona effluxère, vt Cœlestem potius cum Angelis, quàm inter homines humanam vitam ducere videretur: sæpissimè enim ex tunc cum Angelo familiaria colloquia miscens, Cœlestibus delicijs potiebatur. Altissimâ quoque Trinitatis, quemadmodum homini fas est, orans præsentia fruitur. Sæpè etiam in Cœlum raptus, de rebus altissimis, quæ sensum omnem superant, instruitur. Beatissimæ Virginis aspectu aliquando dignatus, ab eo IESVM infantulum impetrat; diuq; ipsius amplexu potitur. Denique, tot, ac tam perpetuis ad obitum vsque à Cœlo delicijs affluxit; vt illius mens iuge quoddam conuiuium esset, Cœlestibus semper dapibus refertum. Quædam Prophetico spiritu hoc tempore futura prædixit. Postremò, virâ ac sanctimoniâ clarus, Vibonæ mortalem cum immortalî vitâ commutauit Anno 1590. cuius pallio mira pleraque post ipsius mortem patrata fuisse ferunt.

Consentinam Prouinciâ Fr. IOANNES à Petrâ fictâ, Sacerdos, suis virtutibus illustrat; cuius duo præsertim miracula referuntur. Primum, dum is moribundi cuiusdam, qui cum morte colluctabatur, capiti corollam imponit, eidem protinus amissos sensus restituit, atque incolumitatem reddit. Alterùm, congestas nubes, quæ horrendam tempestatem minabantur, ter signo Crucis ob-

signans, mox dissipat, ac dispergit. Obijt

Anno 1590.

## FR. CANDIDI BRIXIENSIS.

## SACERDOTIS.

## VITA, ET GESTA.



ERATER CANDIDVS BRIXIENSIS, Sacerdos, honestis parentibus natus, ab adolescentiâ clarum virtutis specimen edidit: omnes enim illius ætatis illecebras fugiens, Eremitæ cuidam, viro probò ac Diuinarum rerum haud ignaro, operam dabat: quo ductore prima spiritualis vitæ tyrocinia posuit; duodevigesimali verò annu agens, nostrorum Familiæ adiunctus, tantâ humilitate, patientiâ, obedientiâ, sui, ac rerum omnium contemptu, solitudinis, atque orationis studio vitam instituit, vt cæteris ad virtutum normam, & exemplar datus videretur. Viri Dei sanctimoniam Deus Cœlesti testimonio confirmatam voluit: cum enim sacris aliquando mysterijs incumbens, sacrosanctum Domini Corpus, populo spectandum attolleret; Cœlestis splendor ex ipsius vultu emicare visus est. Hoc virtutum profectu, cum tertiumdecimum Religionis annum attigisset, in Sardiniam missus, tam præclarâ ibi omnium virtutum luce enituit, vt magnam sibi apud omnes sanctimonix famam comparauerit. Salsari tandem, cum supremum diem admirandis patientiæ pietatis, ac reliquarum virtutum exemplis exornasset; Vrbs tantoperè ipsius casu commota fuit, vt Archiepiscopus Pontificalibus indutus, vnâ cum Clero, ac immensâ populi multitudine ad illius funera accederet; defunctiq; habitum præscindentes, summam in eum animo conceptam deuotionem testarentur. Inter hos Canonicus quidam illius Metropolis, cum canabacei cinguli ipsius frustulum in cotilâ repositum seruaret, suauissimum ex eo odorem diffundi sæpè testatus est: quo, cum aliquâ molestiâ afficeretur, mirificè recreabatur. Eâdem quoq; odoris fragrantia Breuiarij ipsius codicem post mortem perfusus, plerique testantur. Postremò, Seruinus Bochinus, cum famulæ à Dæmone obsessæ habitus particulam imposuisset, illa protinùs Dæmone effugato, ab eâ vexatione libera fuit.

Obijt Vir Dei Anno 1591.

\*\*\*

## Fr. IACOBI CREMENSIS.

## SACERDOTIS.

## VITA, ET GESTA.



**I**RATER IACOBVS CREMENSIS, Sacerdos, in Amadeorum olim familiam adscriptus, cum grauiſſimè ad mortem ægrotaret; Dæmones ſub æthiopum formâ, qui in eum irruentes, ad Tartara rapere conabantur, conſpiciens, ad Beatiffimæ Virginis opem confugit: quæ eò conſeſtim aduolans, Tartareos ſpiritus fugat, ægrotantemq; his verbis conſolatur: Ne metuas Iacobe: non hic vitæ tuæ exitus erit: verùm cura, vt ſtudioſius mihi famuleris. His cùm illa dictis exceſſiſſet; Iacobus præterito periculo edoctus, ad Capucinos ſe contulit. Totus huius viri vitæ curſus, fragrans quoddam myrothecium, ex quò virtutum omnium odor erumpere viſus. Hic enim inprimis abſtinentiâ tam ſuauiter olebat; vt quotidianis ieunijs, S.P.N. Franciſci Quadragenæ inediæ, quæ 5. enumerantur, ſolo pane, & fructibus pingues accederent; his terni in qualibet hebdomadâ dies, cultu perpetuo, aquâ tantùm, & pane celebres, adnecterentur. Feſtorum Domini Sabaoth, Beatiffimæ Virginis, atque aliorum Sanctorum peruigiſia prætereo, quæ eodem ieunij ritu ab eo celebrantur. Hic altiffima paupertas, dum hominem vnâ tantùm tunicâ, ac plerumque lacerâ, ipſo brumali tempore, contegit; & nudas tabulas quieſcenti ſubſternit; dum rerum omnium cupiditate animum ſpoliat; arctumq; neceſſariorum illi tantùm vſum indicit. Poſtremò, dum varijs illum corporis afflictionibus, ac ſenſuum mortificationibus ſubijcit; quid, præterquam cœleſtis odoris fragrantiam efflat? Inſuper Diuina Myſteria celebrans, vberrimis ſemper Altare lachrymis conſpergebat. Horas Canonicas, quaſi inter Angelorum Choros perſoluebat. Denique ardentiffima in ſacram Deiparam veneratione ferebatur; vt omne in eâ colendâ, & laudibus celebrandâ, ſtudium ſollicitudinemq; conferret. Hic humilitas, hic obedientia, hic rerum aduerſarum tolerantia, hic morum honeſtas, hic pudicitia, hic iuge orationis ſtudium; & ſi quæ alia Euangelica virtus ad perfecti odoris compoſitionem exquiritur, ſuam hic odorum ſuauitatem comportabat. Tot itaq; virtutibus cùm Iacobus flagraret;

haud

haud mirum, quod sæpè Beatissimæ Virginis aspectu, sæpe etiam B.P.N. Francisci præsentia, & colloquio potiretur. Demùm, cùm proluxæ ægritudinis patientiâ probatus, in Pistoriensi Crucifixi Conuentu nonagenarius, ad extremam vitæ lineam peruehisset, quatrduo cum morte colluctatur. Quo tempore, cùm primùm, ob Dæmonis præsentiam, exterreri coepisset, B.P. Francisco ad filij opem aduolante, pulsi Dæmones, B.P. Francisco etiam annuente, ad sacrorum stigmatum osculum admittitur; rùm paulò post Beatissimæ Virginis aspectu dignatus, vix eà conspectâ, suauiter in Domino quiescit: Neque illius post obitum, sicut cæterorum carnes obriguere; sed molles, ac teneræ, artusq; flexibiles, perinde si uiuere, apparuere, vt æternum uiuentem ostenderent. Decimo quoque post ipsius obitum die, cùm sepulchri os apertum esset, suavis ex Iacobi corpore, etiamnum integro, & incorrupto, odor erupit. Obijt Vir Dei Anno 1591.

MARCVS à MARALDO, Sacerdos, simplicitatis, humilitatis, atque orationis studio clarus, prænunciato sui obitus die, in Hetruscâ Prouinciâ è viuus excedit, Anno 1591.

FR. HIERONYMVS. FOROLIVIENSIS, eiusdem Prouinciæ Sacerdos, cùm plurimos Religionis Tyrones in virtutum palestrâ exercitatissimos, & sui imitatores reliquisset, rude donatus tandem in pace quiescit, Anno 1591.

FR. BONAVENTURA VALENTINVS, Sacerdos, cùm in Cossentanâ Prouinciâ, vitam summâ cum austeritate, paupertate, atque omni cum virtute traduxisset, post mortem Seraphinæ, piæ mulieri, stellato pallio ornatus apparet. Obijt anno 1591.

## FR. VINCENTII ANDRIENSIS.

### SACERDOTIS.

#### VITA, ET GESTA.



FATER VINCENTIVS ANDRIENSIS, Sacerdos, tantâ fuit innocentia, tantâ mentis puritate, tam simplici obedientia, tamq; ingenti Regularis disciplinæ custodiâ, vt inter suæ conuersionis initia, Cosmas à Martinâ, Nouitiorum Magister, eo tempore è viuus excedens, post aliquot dies sæpe eidem apparuerit, ab eoq; preces postulauerit, quo à Purgatorijs pœnis, quibus



ob minuta quædam delicta detinebatur, liberari valeret. Id verò cum omni pietate peregrisset, Cosmæ anima à pœnis libera, in Cœlum euolat. His itaque, cum crebra ieiunia, Chori frequentiam, orationis assiduitatem, linguæ custodiam, quam nec in otiosum quidem verbum elabi patiebatur; profundam mentis humilitatem, paupertatis amorem, ac totius Regularis obseruantiaë studium; ac præsertim ardentissimum in Beatissimæ Deiparæ cultu animum adnecteret; Euangelicum planè, ac Seraphicum virum se induisse indicabat. Quamobrem, cum tot virtutibus exornatus, ad extremam vitæ metam peruenisset; serpens ille Tartareus, ægrè ferens, quod tam ardentè is in Beatissimæ Virginis venerationem fouetur, eisdem visibilis apparens, persuadere nititur, haud maiori Virginem, quàm reliquas Cœlestium animas dignitate, atque orationis potentia excellere. Quod dum is velut horrendum & Diabolicum commentum, detestatione prosequitur; ille è cubili tractum, per Dormitorij viam vix semivium raptat: quo tempore Beatissima Virgo, luce vndique perfusa, adstans, Dæmonem abigit; suumq; athletam suauissimis verbis recreans; certum illi gloriæ præmium pollicetur; seq; in ipso suæ Annunciationis die, qui proximus erat, redituram, atque in suum ipsius sinum animam excepturam spondet. Quod & reipsa præstat: nam eâ ipsâ die, dum Vincentius Beatis. Virginem latè vocibus inclamat, ex hac luce migrat, Anno 1592.

FR. GABRIELIS AB INSVLIS  
BALEARIBVS, SACERDOTIS.  
*VITA, ET GESTA.*



**G**RATER GABRIEL AB INSVLIS BALEARIBVS, Pro-  
uincia Cathalonienſis Sacerdos, propheticum illud  
ſibi accidiſſe, gloriari poterat: *Audite, Inſulæ, & at-  
tendite populi de longe: Dominus ab utero vocauit me.* Cum  
enim illius progenitores prole carerent; voto ad  
Deum emiſſo, ſi prolem maſculam progignerent,  
eam B.P. Franciſco ſancturatos, Gabrielem accipiant; eumq; vix  
ſeptimum annum agentem, in Minorum Conuentualium Familiâ,  
B.P.N. Franciſco vota exoluentes offerunt. Puer tamdiu in omni  
puritate, atque animi ſimplicitate Domino inter Conuentuales fa-  
mulatus eſt, quoad ijs ex Inſulâ & Hiſpaniâ migrantibus, Capuci-  
norum

norum nomen in Italiâ celebre audiret. Quamobrem meliori regularis obseruantia studio accensus, Genuam proficiscitur, vbi Religionis albo inscriptus, tam præclara in eâ Prouinciâ virtutum fundamenta iecit, vt obedientiâ, humilitate, patientiâ, oratione, ac præsertim vitæ innocentia, ac puritate omnibus antecelleret. Cum autem Cathalonie Prouincia à fundamentis exurgeret, Gabriel Barcinonem mittitur. Hic ille maiora virtutum studia amplexatus, tantâ ciborum abstinentiâ, tam durâ carnis maceratione, tam rigidâ vitæ austeritate, ac cæteris virtutibus, quæ Euangelicum virum exornant, alijs præluce cœpit; vt omnes in eo virtutis simulachrum spectarent. Hinc vt perpetuum se virginitatis custodem esse ostenderet, eâ morum honestate fulgebat; vt virgineum in oculis, in verbis, in vultu pudorem præferret. Hoc virtutum splendore cum per aliquos annos Cathalonienfi Prouinciâ illuxisset, in oratione à Deo præmonitus, vitæ suæ occasum imminere, Guardiano suo, nec non alteri, prænunciat. Anginâ igitur correptus, magnâ apud omnes sanctimonie famâ relictâ, Deo spiritum reddit Anno 1592. Post Gabrielis verò mortem, plurima ipsius intercessione miracula patrata sunt. Etenim, quo tempore illius corpus in sepulchro conditum fuit, tantum in eo aqua excreuerat, vt ad trium circiter palmorum altitudinem ascenderet. Decem verò, aut 12. annorum post hæc tempore elapso, cum sepulchri os patefactum esset, Gabrielis corpus suo habitu contactum, & integrum, ita aquæ supernatare visum est; vt arundine compulsus, velut cymba, huc illuc per sepulchrum vndeque ferretur; illudq; Clericis, ac Sæcularibus circumspicientibus maxime admirationem augebat, quod aqua non putris, non foetida, sed clara, conspicua, ac sua uolens conspiceretur. At neq; id ad Viri sanctimoniam demonstrandam satis: nam mox signa erumpunt, morborumq; curationes diuinitus fiunt: quarum nonnulla placet hic exempla referre. Petrus Paulus, Agnetis Barbaræ filius, paralyti laborans, cum huius aquæ paululum hausisset, à paralyti curatur. Alter huius Agnetis filius, Gaspar nomine, mutus, cum à matre Gabrielis suffragiis impensius commendatus fuisset, cespitans, I E S V nomen clarè protulit; atque ab eo tempore distinctè omnia proloquitur. Eadem cum ad Melchiorem filium alendum lacte careret, venerato Gabriëlis sepulchro, & illius aquâ nouem dierum spatio epotâ, lac recipit. Hæc ipsa deniq; cum graui febre, & pituitæ fluxu laboraret, haustâ sepulchri aquâ conualefcit. Legisperitus quidam Sulfunenſis, Sanou nomine, sæpè colico dolore vexatus, aquæ eiusdem lotionem curatur.

Catharina Castellaria, 60. annorum virgo, graui epiphorâ laborans, huius aquæ potu sanatur. Hieronymus Petri Guidoti filius graui febre tenebatur, sepulchri aquam postulat ebibit, ac protinûs incolumis redditur. Postremò, quædam ad Gabrielis sepulchrum tabella appensa fuit, in qua hæc verba exarata habentur: Vir quidam honestus, cum in hostes incidisset, mortis periculum se euadere posse desperans, ad Beatiss. Virginem, Angelorum dictam, & Gabrielis opem confugiens; vtrumq; sibi apparuisse, eumq; ab hostibus liberâsse, affirmat. Quapropter in huius beneficij memoriam, & gratiam actionem hanc tabellam appendit. Aliæ quoque tabellæ appensæ varia ab eo miracula patrata testantur.

## FR. VINCENTII A SALVDECIO.

### SACERDOTIS.

#### VITA, ET GESTA.

**R**ATER VINCENTIVS à SALVDECIO, Sacerdos, cum æcularis necdum vitæ statum exuisset, religiosam & virtute plenam vitam agens, maioris virtutis spem in hominum animis alebat; hisque viam sibi ad Religionis amplexum sternens, eius gremio, cum iam duotrigesimum ætatis annum attingeret, excipitur.

Religionis verò habitum assécutus, piam antea vitæ rationem tantâ Evangelicarum virtutum perfectione exornauit; vt se omnibus admirabilem, & velut virtutis prodigium præberet. Quotidianam enim à vino & carne abstinentiam; crebra panis, & aquæ ieiunia; diras ac frequentes carnis flagellationes, lectuli, solis tabulis strati, duritiem; cilicij, ac ferrei cinguli, quo perpetuò lumbos constrinxit, asperitatem; longas noctis vigilias, & cætera corporis incommoda, pro nihilo ducere videbatur. Cæteras verò animi virtutes tam ingenti studio prosequabatur; vt quod in his durum, ac difficile passim se offerre solet, leue illi ac iucundum planè esset. Id verò illi potissimum ex assiduo orationis studio, cui plures diei, ac noctis horas vacabat, comparatum fuisse, nemo dubitat. Hæc quoque in Vincentij animo ardens quædam, potissimum in ægrotos, charitas pullulauerat, quâ cum infirmos quosdam, suæ curæ commisos, ardentem aliquando prosecutus esset, ea Diuinis oculis ita grata fuit, vt postmodum oranti B. Virgo Deipara, & B. P. N. Franciscus apparuerint; piumq; charitatis opus ab eo ægrotis exhibitum commendantes, Cœlesti cohortatione in eo illius magis animum

confir-

confirmauerint; atque vt frequentiores pro ijs, qui Purgatorias pœnas luunt, preces ad Deum funderet, commendarunt. Post hæc in Parisiensem Prouinciam missus; quo tempore lues Lutetiæ Parisiorum grassabatur, eodem charitatis æstu, peste laborantibus ministrat. Quo in ministerio, eodem cùm morbo correptus fuisset; plagam contrahit, quam ad mortem vsque saniem effundentem, patientissimè tolerat. In hoc maximarum virtutum studio dum Vincentius animum intendit, suas in eum inuidus Satan artes experitur; vtque hominem in amentiam propellat, varijs infestationibus somnum illi intercipere conatur. At Vincentius tartarea monstra oratione expellens, vniuersos Dæmonum astus, atque impetus irritos reddit. Cumq; longâ horum patientiâ probatus, præclara de hostibus trophæa reuexisset; tandem Nouaræ supremâ agritudine correptus, cui nunquam intermissa comes oratio fuit; simul & orationis, & vitæ cursum confecit; ac tum primùm circulus ferreus, quem eovsque occultum gestauerat, circa lumbos apparuit; vt se non Dæmonis tantùm, sed & carnis quoque victorem demonstraret. Obijt Anno 1592.

Fr. ANGELVS à BVRINO, Lucanæ Prouinciæ Sacerdos, cùm diu contagiosi morbi foetorem patientissimè tulisset; eo consumptus, post mortem tam suaueolentem odorem effundit, vt qui prius viuentis odorem ferre non poterant, nouo, & Cœlesti mortui odore mirificè recrearentur. Obijt Anno 1592.

Fr. SERAPHINVS NOVOCOMENSIS, cùm magnis in Genuensi Prouinciâ virtutibus præfulsisset, hoc post mortem suæ sanctimonie testimonium posteris reliquit; quod Antonium Ciaponem, ad Medicorum desperationem ægrotantem, atque ipsius suffragia implorantem, cuiusdam corporis sui reliquiæ contactu, ad salutem reuocauit. Obijt

Anno 1592.



Fr. CHRYSOSTOMI ALBIDONENSIS.  
SACERDOTIS.

VITA, ET GESTA.



ERATER CHRYSOSTOMVS ALBIDONENSIS, Sacerdos, cuius vitæ cursus, perpetuus cum tartareo hoste conflictus, ac virtutum omnium disciplina fuit; breue quidem habuit vitæ curriculum: at longam meritorum seriem; non annorum, sed virtutum numero computatam: quam tanta vitæ innocentia, tantusq; animi candor exornauit; vt peruigil hostis, nihil in morte, quod in eo carperet, sibi vindicare potuerit; præterquam, quod à litterarum sacrarum studijs mentem, animumq; reuocauerit, quibus plerisque prædicando prodesse potuisset. Hac cum tentatione grauer illum in morte pulsasset, ab eâ tandem Diuinâ virtute liber, Beatissimæ Virginis, & SS. Ioannis Baptistæ, & P. N. Francisci aspectu, & consolatione potitur: dumq; extremo agone cum morte luctatur, Cœlestis in morientis cellâ melodia percipitur; quo tempore Chrysostomus Deo animam reddit, Anno 1593.

Fr. CORNELIVS à SALVE, Hydruntinæ Prouinciæ Sacerdos, cum Diuinâ luce perfusus seni cuidam post triduum repentinum obitum prænunciasset, Regulari obseruantia, & virtute clarus occumbit, Anno 1593.

Fr. BENEDICTVS SALVENSIS, Sacerdos, cum Panormitanam Prouinciâ, abstinentiæ, pietatis, ac præsertim erga sacram Deiparam religionis exemplis exornasset, obitus sui horâ præsignificatâ, ad Dominum migrat, Anno 1593.

Lucaniæ Prouinciâ Fr. AVGVSTINVS à SICINIANO, Sacerdos, suis virtutibus illustrat; qui cum nobilis cuiusdam tibiam, graui dolore oppressam signo Crucis oppetiisset, protinus ab eâ morbum simul cum dolore effugauit. Obijt Anno 1594.

In Neapolitanâ Prouinciâ Fr. FOELIX PONGADIENSIS, Sacerdos, cum multæ orationis vir esset, atque ob summas animi virtutes Deo charus; Fratris cuiusdam Iacobi animam, quæ ab eo suffragia postulauerat, ter persolutâ B. Virginis corollâ, à purgatorijs pœnis liberat:

annisq; ac virtutibus grauis, paulò post Iacobum Superaten-

sem, in Conuentu Immaculatæ Conceptionis, rebus

humanis valedicit, Anno 1594.

FR. MODESTI MVTINENSIS.  
SACERDOTIS.

VITA, ET GESTA.

**R**ATER MODESTVS MVTINENSIS, Sacerdos, vitam duxit perpetuâ austeritate, & iugi orationis cursu præditam. Cùm strenuè aduersùs tartareos hostes, cibi abstinentiâ, vigilijs, oratione, ac durâ corporis castigatione dimicaret; illi ex aduerso tam graue illi bellum intentare visi, vt nonnunquam cum eo cominùs conflictarentur. Dum enim Modestus, in Dominicæ Passionis memoriam, diris corpus flagris persequitur sæpissimè Dæmon flagellum intercipiens, pium opus impedire studet: Modestus tamen victor euadens, acerbius vtrumque, & domesticum hostem, & tartareum flagellabat. Orationem, cùm sibi quasi indiuiduam comitem elegisset, in eâ diuinis interdum visionibus potitur: inter quas hæc haud aspernanda narratur. Orabat in Ecclesiâ aliquando post Matutinas Horas Vir Dei, cùm adolescentulam splendidam, ac formâ præstantissimam in visu cernit; quæ cùm incredibili vndique pulchritudine præcelleret; quosdam tamen in pectore pulueres gestabat, quas vestiariâ scopulâ sibi astergere nitebatur. Puellæ speciem Modestus maximè admiratus, quo pacto sordes illas in pectore gereret, à puellâ sibi declarari postulans, ait illa: Si me ignoras, Modeste, tua Capucinatorum Religio sum, Deo, & hominibus amabilis. Quam in me Cœlestem pulchritudinem cernis, hanc mihi veri Obseruatores, atq; homines virtute præclari apud Deum, & homines comparârunt; ac quotidie suæ Euangelicæ perfectionis studio comparant. At quandoquidem virtutum studio in nonnullis refrigescente, Religionis odor aliquantulum minuitur; hinc hi meo pectori pulueres inhærent, quos præclaris cæterorum exemplis, velut scopulâ, abstergendos curo. Mea mihi quidem semper pulchritudo integra erit: at sibi magnoperè caueant, qui rerum cupiditate, ac sæcularibus curis ducti, bonum meum nomen, summo aliorum labore comparatum, commaculant, hasq; sordes mihi in sinu reponunt. His dictis visio finem accepit. Cùm Fidentia aliquando Modestus moras traheret, tres nobiles puellæ, quotidianis cantilenis Fratrum animos ab communi oratione distrahebant. Has cùm Modestus sæpè monuisset, vt orationis saltem tempore à

cantu abstinerent; nihili illæ monita Patris facientes, cantus iterant; quibus is post hæc aliquando: Vos ( inquit ) nunc vestras ad cantum voces componitis, & cantu vestro Seruorum Dei orationem turbatis: at vix quindecim elabentur dies, cùm vestrum omnium ora claudentur, voxque perpetuo mortis silentio intercepta, vltà à Fratribus non audietur. Id eum non alio, quàm prophetico spiritu prædixisse, ipse rei exitus probauit: præscripto enim tempore elapso, vnà omnes iura morti persoluunt. Hic tandem, cùm vitæ cursum multà cum virtute exegisset, illustre in eà Prouincià nomen sortitus, rebus valedicit humanis, Anno 1595.

Fr. BENEDICTI A VENAFRO.  
SACERDOTIS.

*VITA, ET GESTA.*



**B**RATER BENEDICTVS à VENAFRO, Sacerdos, tam singulari à Deo naturæ mansuetudine, ac benedictione præditus fuit, vt nemo vnquam turbatum, nemo à consuetà vultus serenitate immutatum viderit. Hac mentis tranquillitate cùm ad iuge orationis studium se contulisset; diu sæpè à sensibus aberrans, à toto corpore in sublime elatus conspicitur: frequenter inedià, atque aspero cilicio corpus affligit, somnumq; prolixioribus vigilijs fallit. Dum sacris Mysterijs deuotissimè incumbit, Christus inter ipsius manus, pueri formam gestans, ab Altaris ministro cernitur: qui cùm hilari vultu ijs, qui Missæ intererant, dexterà benediceret; eo aspectu, diabolica de Sacramenti illius veritate tentatio, quæ illius diu animum exagitauerat, protinùs expellitur. Manfredoniæ mulierem, cuius vir interfectus fuerat, dum varijs argumentis ad deponenda cum interfectore odia inducere studet, illà pertinaciùs obsistente, Benedictus Diabolum sub Æthiopis specie, iuxta eam stantem, ac virgam manu gerentem, spectat; qui cùm primùm mulierem rationibus deuictam nonnihil ad concordiam propendentem aduertit, virgà linguam eius percutiens, priora odia instaurat; odijs verò concitatam, charis amplexibus prosequitur. Postremò, cùm sanus, ac valens, proximum sui obitus diem præsignificasset, pleuritide correptus, inter illius morbi dolores, nihil aliud, præquam IESV nomen, ex ore personat: quod cum eò dulciùs proferret, quò acrioribus doloris aculeis pungebatur; cùm eo tandem extre-



num Deo spiritum reddit: atque ante Ecclesiæ limen, vti eo tempore mos Fratribus erat, humo opertus, sepelitur. Post multos ab ipsius obitu annos, cum effosso sepulchro Benedicti ossa, vt in nouum sepulchrum inferrentur à Fratribus sollicitè quærerentur; fortè accidit, vt qui ligone terram fodiebat, ferro in ipsius humerum pertraret: quo ex vulnere protinus viuus sanguis erumpit, Benedicti q; corpus detegentes, integrum, & incorruptum Diuinâ virtute spectant. Obijt Anno 1595.

Fr. AMBROSII ZISONIENSIS.  
SACERDOTIS.

*VITA, ET GESTA.*



**E**RATER AMBROSIVS ZISONIENSIS, Prouinciæ Gallobelgicæ Sacerdos, Vir omnium virtutum laude clarus, cum inter Canonicos Regulares Cœnobij Zisoniensis, eam sibi virtutis, ac prudentiæ famam comparâset, vt faciliè eiusdem Abbas eligendus foret; Cœlesti quodam visu permotus, ad Capucinos se contulit. Visus autem hic fuit. Orans aliquando sibi in amœnissimo quodam prato consistere visus est; in quo cum vniuersi Regularium Ordines, suis familijs distincti versarentur; inter eos Capucini quoque, qui eatenus illi nomine, & habitu ignoti fuerant, recensebantur. Dum hoc ille aspectu delectatur, inclytam Cœlorum Reginam è Cœlo descendentem intuetur; quæ cum vniuersos illos Regularium Ordines singillatim salutâset, cum primùm ad Capucinos venit, ijs non modò salutationem impendere; sed & familiariter cum ijs colloqui, ac domesticè conuersari videbatur. Id ille animaduertens, & secum perpendens, ita secum in visu rationabatur: si tanta Beatissimæ Cœlorum Reginæ cum Capucinis est necessitudo, & familiaritas, vt cum his præ cæteris conuerfetur; id planè argumentum est, eam Capucinorum Ordinem maximâ beneuolentiâ complecti. Quamobrem è visu reuerfus, cum rem altius reuoluens, eam sibi in visu idcirco demonstratam fuisse intelligeret, vt in eam se Religionem transferret; nullâ interiectâ temporis mora, Capucinorum Ordini nomina dedit; in quo tam præclare, tantæque cum virtutum laude versatus est, vt cum vitæ innocentiam, integritate, morum honestate, ac præsertim Diuinæ Charitatis æstu præcelleret, sæuâ lue in Insulensi vrbe grassante, peste sauciatis, tum animæ, tum

corporis

corporis necessaria ministrat: quo in ministerio, cum aliquot menses, impigre, maximâq; omnium ædificatione laborasset, eodem morbo ex humanis sublatus, charitatis martyrij præmium assequitur.

In Aquitaniz Prouinciâ, Fr. PETRVS BELGA, & EMANVEL TAVRINENSIS, Sacerdotes, eximie virtutis commendantur. Obierunt Anno 1595.

In Aprutienſi Prouinciâ, clara SYLVESTRI CINGVLANI, Sacerdotis, etiamnum memoria viget; qui sacræ Deiparæ cultu, ac religione præclarus, tam feruido quoq; in Deum mentis affectu ferebatur, vt cum in eundem sæpè spiritu ac sensibus raperetur, ex diuturno Diuinę Charitatis haustu, tam splendidam eo tempore faciem præferret, vt in eum vix oculi defigi valerent. Dæmonem in obsessæ mulieris corpore suo imperio compescuit. Quædam etiam, antequam acciderent, futura prædixit. Postremò, sui obitus horâ prænuntiata, æternum victurus, è morientium regione migrat, Anno 1595.

In Parisienſi Prouinciâ Fr. NICOLAUS AVRILTVS, Sacerdos, Vir Seraphicâ paupertate, orationis studio, ac præsertim obedientiæ virtute celebris; de quo id memorabile traditum est, quod cum obedientiam tam perfectè coleret, vt nihil nisi eâ duce sibi agendum præscriberet, neq; ipsum vitę occasum absq; obedientia subire voluit. Quamobrem ad vitæ finem properans, à Guardiano obedientiæ meritum, & præceptum ad vniuersæ carnis viam præcurrendam exposcit: quo accepto, mox Vir obediens vitę finem imponit, Anno 1595.

In Hetruscâ Prouinciâ IOANNES LVSTITANVS, Sacerdos, virtute præcelluit; qui ex Obseruantium nuncupatorum familiâ, ad Capucinos migrans, vitæ austeritatem, quam apud Religiosissimos Patres instituerat, aliarumq; virtutum sortem, tam multiplicato fœnore auxit, vt quamplurimos ætatis annos integros, ferè rigido panis, & aquæ ieiunio traduxerit. Quod si in Dominicæ diei cœnâ, acetario interdum vteretur; tum sequenti die, ab omni prorsus cibo abstineret. Abſtinentiæ cum rerum paupertas, perfectę Regularis obseruantia, orationis, omniumq; virtutum studia accederent, inter præstantiores illius Prouinciæ viros locum sortitus, meliorem, ac foelicitem hoc anno, mortalis corporis exuijs in Senenſi Conuentu depositis, apud immortales sibi comparat. Huius rei argumentum fuit, quod post ipsius obitum, habitus ipsius particula duos à quartanâ febri, tertium à graui capitis dolore Diuinâ virtute curauit. Obijt anno 1597.

*Gaudemus omnes in Domino deum  
Fectum celebrantes sub honore Beate  
Virginis de eius conceptione gaudere  
Angeli et collaudant Filium Dei.*



FRATER FRANCISCUS APATERNOFRAT<sup>VIII</sup>  
CAPVCINORVM SACERDOS.

FR. FRANCISCI A PATERNO.  
SACERDOTIS.

VITA, ET GESTA.



**F**RATER FRANCISCUS à PATERNO, Sacerdos, cùm in sæculo ruri vitam ageret, die in agrorum labore consumpto, noctu è strato surgens, binas, ac ternas horas in oratione insumebat. Veruntamen ab aratro, ad meliorem à Deo animi culturam vocatus, ad Capucinos se confert: apud quos admirabile planè vitæ tyrocinium instituit. Neq; enim oculis ab eo tempore, præterquam ad necessaria, visum; neq; auribus, nisi ad obediendum, auditum permittebat: linguam verò tam arctâ custodiâ coercere exorsus est, vt ab omni etiam bonorum colloquio, ne quando in mala defluerent, abstinere cogeret: ita vt perpetui silentij custos esset. Quo fiebat, vt cùm ab aliorum ferè semper consortio semotus solitudinem coleret, hinc Eremitæ apud Fratres nomen sibi comparauerit. Gulam perpetuo, & quotidiano ieiunio, ac sæpissimè ad panis, & aquæ inediam contracto, velut fræno præstringebat; molliq; omnia, quibus carnis vitia foueri solent, tanto studio refugiebat; vt præter dura, tam in vestitu, quàm in cæteris vitæ necessitatibus prosequendis, nihil admitteret. Aded quoque ad propriæ voluntatis interitum anhelabat, vt nihil sibi vnquam, aut sequendum, aut fugiendum, nisi ad superioris arbitrium, præstitueret. Hinc sæpè illam Pauli vocem orando vsurpabat: *Domine, quid me vis facere?* Ita animum ab omni honoris, ac propriæ existimationis cupiditate exuerat, vt & probra, & contumelias auidè optaret. Denique, dum vniuersa animi vitia perpetuæ mortificationis aratro suffodit, omnium virtutum in eo semina pullulare cœperunt; ipso præsertim orationis studio accedente: quo fiebat, vt quod improbo labore in virtute assequi non poterat, à Deo sibi orando compararet. Quid mirum, si copioso Cœlestium munerum à Deo rore perfundebatur. Hinc enim, vt Diuinâ multarum rerum reuelatione, plurimisq; , præter statum rerum ordinem patris miraculis, illustrabatur: quæ hic breuiùs à nobis enarranda erunt. Nonnulli, vt hinc exordiar, Paterni oppidi Sacerdotes inter se de obscœnis rebus ante Ecclesiæ fores secretò colloquebantur, cùm eò forte Franciscus præteriens, his illos verbis increpat: O Domini Sacerdotes, quid vestro honore, & gradu indigna tractatis?

Eloquia vestra eloquia casta sint. Atque his dictis, iter suum prosequitur. Post hæc Francisco Samperio, nobili viro, quædam, quæ secretò cum vxore colloquia contulerat, diuino spiritu aperit. Augustino quoque Feracio Paternensi intimas animi cogitationes patefacit, vt ab his absteineat. Hoc quoq; tempore, cum Antonius Michaël, nobilis Paternensis, mulionem, qui mustum ruri collectum domum veheret, quantacunq; diligentia adhibita, non offenderet; ac apud Franciscum ob id maximè conqueretur, quod illud in vappam euasurum pertimesceret; Franciscus Antonio mulionem è Cœlo suâ oratione impetrat. Cumq; mulio ad vecturæ mercedem exoluentam vbique summâ diligentia quæreretur, nullibi reperitur. Cuiusdam mulieris Paternensis filius, qui Religionis se voto adstrinxerat, cum in grauem morbū incidisset; deterius quotidie, habebat: quem cum mater Francisci precibus commendasset, is protinus matri filij incolumitatem, Religionis ingressum, ac post aliquot Religionis menses mortem prænunciat. Octavius Cardonetus, vtriusque Iuris peritus, & Augustinus Fararius, ciues Paternenses, Franciscum aliquando conuenientes, cum eo conquerebantur, quod propter Dominicanorum, & Minorum Patrum diuersam de Beatiss. Virginis Conceptione sententiam, quid sibi sentiendum esset, non intelligerent. Quibus ille respondens, quod cum eadem dubitatio animum ipsius aliquando sollicitaret, diuq; Deum cum lachrymis precatus fuisset, vt claro veritatis lumine, huius ab animo dubitationis tenebras depelleret, hanc tandem in Cœlo vocem personantem percepisse. Gaudeamus omnes in Domino, diem festum celebrantes, sub honore B. Virginis, de cuius Conceptione gaudent Angeli, & collaudant Filium Dei. Cuius cuiusdam Paternensis filium, ab equo ferociente humi prostratum, ungulis confossum, vixque semiuuum ereptum, signo Crucis ita mox incolumem reddit, vt ne quidem vulnerum cicatrices remanerent. Hoc modo, & Vincentium Octauij Cordoneti filium, qui ex casu grauitè sibi caput laeserat; mulierem quoque Paternensem, vehementi febre correptam; tertium quoque Urbanum, ex eodem oppido, graui capitis dolore laborantem; quartam denique Agatham Marchisiam, capitis vulnere fauciam, Crucis signo incolumitati restituit. Bartholi quoque Cæmerelli Paternensis dolium vino vacuum suâ oratione plenum reddit. Vincentij etiam Calastij Paternensis vxor, tres tantum telæ vlnas in arcâ gerabat; cuius cum vnâ Francisco erogasset, eius meritis telæ illud reliquum tantoperè Diuinâ virtute excreuit, vt cum ex eâ mulier familiæ

abundè necessaria suppeditâset, ea finem nunquam habitura videretur. Hoc pacto cum serui sui merita ac sanctimoniam Deus signis illustrat; is Paterni, peracto virtutum cursu, mortali tandem vitæ finem imponit: prænunciatâq; sui obitus horâ laboris mercedem accepturus, ad Dominum migrat, Anno 1598. tantaq; post illius obitum Paternensis vrbis populi ad ipsius corpus frequentia, & deuotio fuit; vt habitum, quo ille contegebatur, ijs in frustra conscidisse non sufficeret; nisi ipsius vngues, capillos, barbam, præ sanctitatis opinione abradentes, sibi in reliquias reponerent.

## FR. OBITII BRIXIANI. SACERDOTIS.

### VITA, ET GESTA.

**R**ATER OBITIVS BRIXIANVS, Sacerdos, cum à teneris annis Deum timere cœpisset, vix iuuentutis florem attingit, cum in Canonicorum Regularium S. Laurentij Iustiniani religionem, à Deo transplantatur; in quâ dum vberes obedientiæ, silentij, solitudinis, cæterosq; religiosæ vitæ fructus afferret, contigit aliquando, vt Obitorio, illius familiæ Canonico, viro pio, ac probò defuncto, nocturnas excubias præstante, is egregiam quandam Religiosorum supplicationem Ecclesiam ingredientem intuetur; eosq; tantâ spiritus voluptate Hymnos, ac Psalmos suauiter canentes, atque alios Ecclesiasticos ritus, qui circa defunctorum corpora obseruari solent, exercentes cernit, vt nihil vnquam iucundius illi aspectâsse videretur: qui tandem sacro hoc munere functis in Cœlum abeunt. Hoc aspectu Obitius ad præstantiora pietatis studia prouocatus; cum de Capucinorum vitâ plurima aliquando sibi commendari percepisset; his permotus ad Capucinos migrat, perfectiusq; vitæ tyrocinium amplexatus, in omni virtutum genere, humilitate præsertim elucere cœpit. Sanctis Brixianæ Ecclesiæ ita deuotus fuit, vt nunquam de ijs eo præsentem mentio fieret, quin protinus in lachrymas erumperet. Tam ingenti quamlibet temporis iacturam, ac inutilia verba odio prosequabatur; vt quo tempore honestæ animi remissiones ante ieiunia Fratribus condonantur, à cœnâ præsertim, Sacerdote aliquo secum eiusdem spiritus assumpto, in Ecclesiam secederet; ibiq; Sanctorum Litanias cum eo decantans, ab inutilibus sese colloquijs subtraheret: neque enim fas esse aiebat,

vt dum

vt dum alij, honestis licet, animi remissionibus indulgent, Dei Ecclesia Diuino oratore vidua lugeret. Dei, ac Sanctorum honos, tam profundè illius animo insculptus erat; vt si quando eum periclitari cerneret, asperius interdum delinquentes obiurgaret: cuius eum postmodum tantopere pœnitebat, vt ex profundissimâ humilitate, habitu sibi detracto, ac fune collo alligato, prostratus, supplex veniam peteret. Cæterùm, tam ingens erat Diuinæ Charitatis flamma, quâ Dei seruus intus animo ardebat, vt cùm in Vertuæ Conuentu, in ipsâ Dominici Natalis nocte, solemnem Missam decantaret; cùm primùm Angelorum Hymnum: *Gloria in excelsis Deo*, inchoauit: vix hisce verbis altâ voce prolatis, protinus excedens, diu immobilis, ac mente alienatus persisteret. Quo tempore populus, qui ad Missarum solemnia confluebat, procul ingentem, velut accensæ fornacis flammam ex Ecclesiæ tecto sursum erumpentem cernit: quo aspectu territus, cùm Ecclesiam cōflagrare existimaret, turmatim Ecclesiam ingrediens, nullum materialis ignis incendium; sed Dei seruum tantùmmodo sacris Mysterijs incumbentem, ac Diuini amoris flammis cructantem spectat. Hâc Cœlesti charitatis flammâ, cùm is in omnes, præsertim ægrotos exardesceret, cuiuslibet diei vespere, eos aquâ benedictâ aspergere consueuerat. Inter quos aliquando Fratrem Martinum ab Alaxano, Laicum, tertianâ febris congeminatâ laborantem, præmissâ oratione à febre liberat. Is denique cùm multos in vitæ puritate, austeritate, paupertate, simplicitate, ac perfectâ regularis disciplinæ obseruantia, annos in Religione traduxisset, Brixiae ex huius vitæ procellis, ad tranquillam æternæ stationem concedit, Anno 1599. quod Cœlesti visione Fr. Benedicto Albinensi, Sacerdoti declaratum fuit; qui antequam de Obitij morte quicquam illi renunciatum fuisset, in ipsâ illius obitus horâ, Obitium inter multorum Sanctorum agmina, in modum supplicationis disposita, ac palmarum ramos gestantia, Cœlum conscendentem cernit. Sexto ab ipsius sepulturâ anno, ipsius corpus integrum, atque incorruptum conspicitur.

In Lucania Prouinciâ Fr. IOANNES à FERANDINA, Sacerdos, Vir ad miraculum obediens; qui cùm hâc inter alias viuens virtutes præcelleret, eam quoque post mortem exhibuit: cùm enim illius germana soror Corollam, quam defunctus manibus gestabat, magnoperè optaret, ea nullâ vnquam vi ab ipsius manibus auelli potuit, at accedente Superioris præcepto, protinùs Corollam reddidit. Obijt anno 1599.



## FR. PETRI ALENSIS.

## SACERDOTIS.

## VITA, ET GESTA.

**P**RATER PETRVS ALENSIS, Sacerdos, cū omnes, communi omnium Fratrum voce, virtutum gradus conscendisset; insigni tandem quadam probatione à Deo examinatur: diuturno namque grauissimæ elephantix morbo affectus, qui labra, nasum, totumque ipsius faciem depastus fuerat; cū lingua duntaxat illi integra relicta esset, eā laudes Deo assidue decantare, illius studium erat, donec perfectas, Cœlesti coronâ donatus, Deo laudes reddidit. Neque id frustra dixerim: cū enim euulgatâ Petri morte, ingens populorum turba ad illius corpus confluens, habitum illi, vngues, capillos obtruncaret, ac velut reliquias sibi reponeret, ijs plerique ægroti à morbis curantur. Inter hoc Francisci Ristucci famulus recensetur, qui cū comitali morbo diu laborasset, Petri corollâ ipsius collo impositâ, statim à morbo conualuit. Alter quoque eodem morbo correptus, reliquiarum eius contactu liberatur. Catharina denique Pitella, quæ cū foetum emittere non posset, maximis iam per aliquot dies doloribus tenebatur, vix aquam, in quâ nonnulli barbæ illius pili immergi fuerant, ebibit, cū foetum salua, & incolumis peperit. Obijt Vir Dei, Anno 1600.

FR. IOANNES ALEXANIENTIS, Hydruntinæ Prouinciæ Sacerdos, Vir summæ austeritatis fuit; ita abstinentiâ clarus, vt carnes nunquam attigerit; 15. annorum spatio à vino abstinuerit; binos, ternosq; hebdomadæ dies absque cibo transegerit; ab Angelo in necessitate panem acceperit. Denique inuictâ diutini, ac horrendi morbi patientiâ probatus, ad coronam euolat, Anno 1600.

FR. DOMINICVS VERONENSIS, Sacerdos Venetæ Prouinciæ, ob assiduum orationis studium, multas à Dæmone infestationes patitur: dolum vino vacuum suâ oratione plenum reddit, & in morte B. Virginem cum B. Clarâ sibi occurrentem cernit, Anno 1600.



FRATER AEGIDIUS ENNEVS FRATRVM CAPVCINORVM  
SACERDOS.

## FR. ÆGIDII ENNEI

## SACERDOTIS.

## VITA, ET GESTA.



**E**RATER ÆGIDIUS ENNEVS, Sacerdos, Vir omnibus ferè naturæ, & gratiæ donis ornatissimus, cum maturè sub adolescentulæ crepusculum se Deo in Clericatus ordine consecrasset, ac velut Dei virgultum prima pietatis germina protulisset, in Seraphicam Capucinorum Religionem insertus, abundantes fructus protulit. Cum enim altas in humilitate radices egisset, in amplis faciliè obedientiæ, mansuetudinis, paupertatis spiritus; totius denique iustitiæ fructu onustos, sese ramos extendit. Præcipua verò sacram Virg. Deiparam, & B. Iosephum ipsius sponsum, veneratione prosequeretur: quibuscum aliquando locutum fuisse, communis inter fratres fama fuit. Nam quod ad Beatissimam Virginem spectat, id proculdubio certum: ei siquidem aliquando oranti, ab illâ reuelatum fuisse constat, ipsius matrem, quæ paulò ante obierat, purgatorijs pœnit, tametsi leuibis, detineri: pro quâ cum is aliquamdiu Deum rogasset, ab ijs tandem liberata fuit. Vir ita solitarius, & ab omnium familiaritate semotus erat; vt nullo vnquam tempore præterquàm in publicis functionibus, inter Fratres conspiceretur. Cum autem à rerum omnium curâ, & strepitu semotus, liberiùs, suauiusq; orationi, ac rerum Diuinarum contemplationi vacaret; plerisque etiam ab eo Cœlestibus donis cohonestabatur: ita, vt Diuinâ sæpè luce perfusus occulta penetraret, ac futura prædiceret: quod nonnullis exemplis exploratum fuit. Cum enim Fr. Bonauentura Enneus, ex nostris Sacerdos, per id tempus ex humanis concessisset, Ægidius à Fr. Alfio, ipsius germano, vt pro ipsius anima Deo sacrificium offerret; rogatus, id agere liberè recusauit. Cuius rei causam percunctatus: Bonauentura (ait) nostris precibus non indiget. Ex his ille Ægidij verbis, cum Fratrem Cœlesti iam gloriâ donatum intelligeret, impenitus ab eo postulat, vt suâ apud Beatiss. Virginem, prece interpositâ, sibi defuncti Fratris aspectu frui liceat. Suffragium ille pollicetur: Deiparam Virginem precibus interpellat: Bonauenturam cœlesti gloriâ perfusum sibi oranti adstantem cernit: diu cum eo colloquitur: Fratris illi desi-

derium

derium exponit. Cui ille: Haud hæc Alfij Fratris Deo curiositas placet: quapropter illum admone, vt ab eâ abstineat; sed Deo viuere, regulari obseruantia diligenter insistere, & quæ sui officij sunt, omni sollicitudine perficere curet. Post hæc Marsilio Bellonio, Enneæ Ecclesiæ Sacerdoti, vniuersas animi cogitationes aperit; moxq; eam cogitationum procellam, quâ hæctenus penè obrutus fuerat, sibi in animo ita sedatam sensit; vt deinceps ijs nunquam perturbatus fuerit. Nonnulla quoque futura prædixit, quæ suum deinde euentum sortita sunt. At his prætermisissis, ad miracula accedo, quæ ab eo copiosius patrata leguntur. Quidam octo annorum puer, Halyciæ, Siciliæ oppido, ex arbore dilapsus, delumbus euaserat: quem mox parentes ad Ægidium delatum, ab eo Crucis signo, & Salutatione Angelicâ adiuuari postulant. Id cum Ægidius ex humilitate, agere recusaret, ne sibi pueri curatio adscriberetur; vrgent illi vehementius, solamq; Salutationem Anglicam ab eo, puero exhiberi poscunt. Quibus ille: si de Beatissimæ Virginis imperio, & virtute agitur, quis eam maiora efficere posse dubitet? Quare Anglicâ Salutatione persolutâ, cum puerum Crucis signo obsignasset, incolumem protinùs dimittit; curationemq; vti semper solebat, Beatissimæ Virgini acceptam reddit. Hoc modo, dum hoc in oppido commoratur; quotquot illi ægri infantes à matribus offerebantur, omnes Anglicâ Salutatione, Crucisq; signo adhibito, persanabat. Capotarsi Baronissæ, quædam filia erat, quinque annorum puella, quæ cum à natiuitate oculos tam imbecilli lumine præditos tulisset; vt ne lucem quidem aspectare posset; eâ Ægidio oblatâ, is aquam hauriri iubet, ac Salutatione Anglicâ super illam recitatâ, cum primùm puellæ oculos lauit, ac signo Crucis benedixit, illicò claros, ac perspicuos reddidit. Angelica Curra Halyciensis graui anginâ laborabat; quam simul atque Ægidius Crucis signo benedixit, & Anglicam Salutationem persoluit, ab eâ post horam perfectè conualuit. In eodem quoque oppido Paulus Riccius, periculoso apostemate in inguine ægrotabat; cuius cum dolore grauissimè cruciaretur, ab Ægidio Crucis signo benedictus, atque oratione confirmatus, statim à dolore, tùm paulatim à morbo liberatus. Ibidem quoq; Marcellus puer, qui ob renum imbecillitatem incessu frui non poterat, renibus illi ab Ægidio obsignatis, paulò post rectus, ac valens incedit. Ennam Ægidius aliquando proficiscens, in mulierem ex beneficio amentem incidit; cui cum arundineum baculum, quo fulciebatur, porrexisset, vix ea illum manu contigit, cum sanæ menti reddita

fuit. Hoc miraculo per urbem euulgato, cum baculus ille religiosè asseruatus fuisset, eo plures foeminae partus difficultate laborantes, partus facilitatem assequuntur. Maximus Maltenfis Enneus vir nobilis, cum ex papulâ illi in altero oculo exortâ, oculi palpebra ita inuersa fuisset, ut monstruosa planè videretur, signum Crucis ei Ægidius adhibet, & Angelicam Salutationem recitat, paulatimq; palpebra pristino statui restituitur. Hoc ipso tempore Ioanna Mediolanensis Ennae, quartodecimo die partus doloribus laborans, Ægidij pallio operata, statim salua enititur. Per id tempus, Matthaus Baro Cotominæ, qui plurimâ in Capucinos deuotione ferebatur, cum vini dolium, pio tantum Fratrum vsui destinasset, accidit, ut vinum in dolio acresceret; ita ut nec Baronis, nec Fratrum vsui aptum esset. Quod cum Ægidio aliquando retulisset; is vini illius acidi cyathum sibi adferri postulat: quem ubi signo Crucis benedixit, ac super eo Angelicam Salutationem protulit, in dolium refundi iubet: ex quo vinum, ex acido, & corrupto, mox vehemens, ac melioris notæ generosum euadit. Nec multò post, Iosepho Nicasio vini dolium, signo Crucis ex acido, tam pretiosum, ac copiosum reddit, ut ad tertium vsque annum familiae, Fratribusque vinum fuderit. Eodem quoque signo equi fronti impresso, ex feroci, & indomito, mitem ac lenem Domino restituit. Antoninae præfati Iosephi vxoris, animi angustias spiritu prophetico prænosces, ad eam pergit, eiq; quamprimum locum, ubi clauis, quas perditas lugebat, reperiret, indigitans, cunctis admirantibus reddit. Mulum quoque, Nicolai Valentis Ennei, ita aduersus solearum fabrum calcitrantem, ut nullo modo illi ferrea solea induci posset, solo verbo compescit. Tanto itaque signorum splendore Ægidius à Deo illustratus, cum eam apud populos sibi sanctimoniae famam comparasset, ut passim Sancti Viri apud sæculares, & apud Fratres Pij, sibi nomen vendicaret; ad Calasibettæ Conuentum profectus, orans à Beatissimâ Virgine non modo futuri obitus tempus; sed & eum, nullo præsentem, diem ibi extremum clausurum accipit. Quapropter maiori studio animum ad Cœlestia intendens, cum primùm morbo corripì cœpit, mente Sacramento expiatâ, & Diuino pane refectâ, quo die Beatissima Cœlorum Regina se in Hierosolymitano templo purificatam ostendit, eodem Ægidius, Dei gratiâ purificatus, cœli adyta penetrauit. Huius serui Dei corpus, cum Guardiani diligentia, qui irruiturum in se populum pertimescebat, antelucanâ horâ, sepulchro conditum

fuisse;

fuiſſet; obitus deinde famâ per urbem diffuſâ, ad ſedandum populi murmur, quæ illius olim uſui inſeruierant, in plurimos diſpertiri opus fuit: quibus plurima quoque poſt illius mortem Diuinâ virtute miracula edita fuêre. In his Viola Falconia, quæ mortuum foetum in utero geſtabat, cum magno in vitæ diſcrimine verſaretur, Ægidij baculum ſibi admonens, protinus mortuum foetum ſalua peperit. Hoc ipſo tempore, cum Joſephus huius Violæ filius, ſtrangueriâ laborans, lotij retentione ad funéra raperetur, eodem illi adhibito baculo, mox lotio effuſo à mortis periculo liberatur.

Fr. LAURENTIUS, Sacerdos in Hetruriæ Prouinciâ, Vir fuit omnibus virtutibus ornatus: diu Nouitiorum curam præclare egit: Diuino amore ebrius ſaxa, ad ſtipites amplectebatur: ecſtaticâ, quoque contemplatione clarus, ſui obitus tempore prænunciato, plurimâq; ſanctimonix famâ poſt ſe relicta, Turtichij mortales exuias deponit, Anno 1602.

Piceni Prouincia Fr. ELIAM AB ANTICO, Sacerdotem, regularis obſeruantix, patientix, ac perpetuæ orationis commendat; qui cum extremo neceſſitatis tempore, Cœleſtem annonam familiæ ſuâ oratione à Deo impetrâſſet, multis à Dæmone infeſtationibus probatus prædicto ſui obitus die, hinc feliciter emigrat, Anno 1602.

## Fr. ANTONII A FRANCICA.

### SACERDOTIS.

#### VITA, ET GESTA.



ERATER ANTONIUS à FRANCICA, Sacerdos, nobili proſapia natus, generis nobilitatem maiori virtutum ſplendore accumulauit. Huius tanta mentis puritas, & animi ſimplicitas fuit, vt cum Ieracium aliquando Religionis gremio excipiendus proficiſceretur; lepus, qui inſequentes canes fugiebat, in ipſius ſinum, velut in tutum locum proſilierit. Inter Religionis Tyrones conſcriptus, tantâ mox cœpit morum honeſtate, obedientix, ſimplicitate, ſenſuum mortificatione, paupertatis zelo, vitæ aſteritate, totiuſq; regularis obſeruantix diſciplinâ fulgere; vt in nouo palæſtrâ Fratres veteranum militem; & in iuvene ſenis prudentiam, ac perfecti hominis ſimulacrum ſuſpicerent. At cum Antonius hinc nobis celeriùs eripiendus eſſet, breui etiam virtutum

omnium fastigium assecutus visus est: Neque enim trigessimum adhuc ætatis annum expleuerat, cum Polisteni acutâ febre correptus, supremum ægrotare cœpit. Mente igitur Sacramento expiatâ, atq; ad Domini occursum paratâ, pridè quàm è vitâ migraret, dum Fratres circa illum nocturnas excubias observant, in mentis excessum raptus, Diuinâ hac visione potitur, quam Fratribus postulantibus, his ille verbis narrat: Videbar mihi (inquit) cœmentarium fabrum conspiciere, qui celerrimè scalas suis gradibus distinctas ad Cælum usque pertingentes construeret: quibus festinatò absolutis, Angelus mihi Custos manu apprehensum, me per eam ducens, in Cælum usque perduxit: atque in Dei, Beatissimæ Virginis, B. P. Francisci, ac multorum Angelorum conspectu statuit, quorum mihi videbar gloriâ frui. Hoc me gloriæ dono cum honestatum cernerem, protinus exclamo: Heu me! quia homo peccator sum. Vnde tanta mihi gloria, cui potius pœna, quàm præmium debetur? At mihi Beatissima Virgo: Fili! ait) æquo animo esto: iam pœnas in corpore exoluisti, nunc te gloria manet. Mox Dominus à B. P. Francisco, num me inter filios suos cooptatum agnoscat, percunctatur. Cui ille: Vtique Domine: quandoquidem pauperculus semper fuit, ac paupertatis amator. Tunc mihi inter Martyres, & Confessores sedes collocata fuit. Inter Martyres quidem, ob vitam cruce & martyrio plenam, quam in Religione duxeram: inter Confessores verò, propter religionis habitum, quem à conuersationis meæ exordio hætenus nullâ graui culpâ labefactatum detuli. His ita Dei decreto sancitis, huc ab Angelo iterum reductus sum, eò breui rediturus. Hæc Dei, ac beatæ Virginis iussu vobis aperui: vos ea, donec spiritum egerim, continete. Cumq; per dimidiæ horæ spatium, quasi quiescens, conticuitlet; post hæc in lecto genuflectens, Cruce lignèâ manu apprehensâ, cum eam diu defixis oculis, silens contemplatus esset; tandem in ipsius oscula ruens, tam tenerè eam complectebatur, vt in eius amplexu animo liquefieri videretur. Post hæc in quadam Beatissimæ Virginis imaginem oculos defigens, inter Crucis amplexum, & Beatissimæ Virginis aspectum Deo spiritum reddidit, æternâ in Cælo gloriâ coronandum. Post mortem verò, tanta illius vultus pulchritudo fuit, vt intuentes maximè exhilararet; ita vt nemo (Deo serui sui gloriæ testimonium perhibente,) illius obitum lugere posset. Tercio post Antonij obitum anno, eiusdem corpus tam incorruptum in sepulchro visum fuit, perinde ac si eodem die in eo conditum fuisset. Obijt anno 1603.



Fr. VINCENTII AB INTERAMNIA.  
SACERDOTIS.

VITA, ET GESTA.

**F**RATER VINCENTIUS AB INTERAMNIA, Sacerdos, vitæ innocentiam à sæculo exorsam, tantâ posteriorum virtutum copiâ in Religione auxit, vt inter humiles humilior, inter pauperes pauperior, inter obediētes obediētiōr, inter honestos honestissimus, ac virtutibus omnibus ornatissimus haberetur. Hui c assidua orandi consuetudo, tam ingens callum genibus obduxerat; vt cū frigore interdū disrumperetur, copiosus ex eo sanguis efflueret. Assiduâ quoque virtutum exercitatione, eam tandem animi tranquillitatem assecutus fuerat; vt nullum in ipsâ virtutum actione laborem, aut sensus repugnantiam perciperet. Cuidam Fr. Bonauenturæ, qui leui ex qualibet occasione equitabat, futurum aliquando prædixit, vt equitando extremum spiritum duceret: quod, vt prædixerat, re ipsa accidit. Sulmone Aquilam profecturus, No- uitijs sui obitus tempus prædicit. Post mortem verò corpus ipsius tam suauī odore fragrare cœpit, vt ipsam quoque cellam, in quâ iacebat, odoratam redderet. Caro quoque, ieiunijs, & vitæ austeritatibus obdurata, tunc ita mollem ac palpabilem se contingentibus præbuit, vt pueri carnem æmulari videretur. Sancti huius Viri conspiciat, cū ad Petrum, germanum fratrem, qui angustâ oculorum facultate tenebatur, delata fuissent, his clarum visum recipit. Eius quoque vxor, quæ capitis vertigine laborabat, hæc sibi specularia adhibens, ab eâ subleuatur

Obijt Anno 1603.





FRATER CHERVINVVS A CASTRO S. PETRI FRATRVM CAPVCINOR  
SACERDOS.

FR. CHERVBINI A CASTRO S. PETRI.  
SACERDOTIS.

VITA, ET GESTA.



**E**RATER CHERVBINVS à CASTRO S. PETRI, in Æmiliâ Sacerdos. Vir illustris, cum à sæcularibus vitijs purus ad Religionem accessisset; in eâ verus Israëlita, simplex, ac sine dolo, vitam duxit; atque adedò hac mentis simplicitate floruit, vt cum de nullo vnquam malum suspicari posset, in Capucinis præsertim, nullam omninò culpæ labem inesse, sibi certò persuaderet. Quo tandem factum est, vt hoc stimulo actus, tam ingentes in omni virtutum genere profectus ediderit; vt Fratres hominem tot virtutibus ornatum suspicientes, ipsius simplicitatem, non tam à naturâ, quàm à virtute proficisci, animaduertent. Paupertatis tam avarus exactor fuit; vt panni, ac corij præsegmina, fili frusta, lignuncula, quæ in Conuentu interdum pereunt, sollicitè colligens, ea velut paupertatis reliquias, sibi reponeret. Præter communes orationis horas, sæpè vsque ad tertiam, & quartam horam, in cellâ orans, noctu præsertim, diuinam rerum contemplationi vacabat: ex quâ tam præclarum diuinæ lucis à Deo donum hauserat; vt & futura prænosceret & cordium occulta nonnunquam penetraret: quod certis aliquando exemplis comprobatum fuit. Is enim Antoniæ cuiusdam Scalpellinæ, quæ masculum filium pepererat, Foroliuij domum ingressus, cum infantulum vlnis excepiisset, celerem illius occasum prænunciâns, ita illum alloqui cœpit: In Cœlum, infantule, in Cœlum tibi eundum. Neque id frustra: infantulus enim ipsâ nocte, è viuis sublatus, cœlestia petijt. Bartholomæo Angelerio Foroliuensi, nec non Iuliæ Guisellæ, occultos defectus, vitæque in melius mutationem aperit. His pleraque etiam signa, & miracula accedunt, quibus D. O. M. huius serui sui sanctimoniam testatam esse voluit. In his Margarita Foroliuensis, Ioannis Bortargæ vxor, quæ diu febre, ac cordis deliquio laborauerat, cum à Cherubino signo Crucis consignata fuisset, vtriusque morbi curationem statim assequitur. Huius puer infantulus ad mortem ægrotans, vix à Cherubino Crucis signum in fronte acci-

pit, cum

pit, cum integram salutem vendicatur. Liuia Guisella, iam extremæ Vnctionis Sacramento roborata, eò ægritudinis euaserat, vt ipsius tantum vitæ occasus expectaretur; quo tempore Cherubinus ad ægotantem accedens, vbi aliquantisper orauit, ouum ei propriâ manu absorbendum porrigit: quo hausto, Diuinâ virtute mitescit morbus, ac breuissimo tempore, magnâ cum Medicorum admiratione, è lecto surgit incolumis. Iulia Guisella, huius Liuiæ filia, sæpius matricali dolore ita torquebatur; vt contractis membris spumas ex ore euomeret. Ad eam cum Cherubinus aliquando hoc morbo ægotantem accessisset, chartulâ, in quâ illa Euangelij verba: Super ægros manus imponent, & benè habebunt, conscripta erant, adiuncto B.P. Francisci nomine, ad ipsius collum appensâ, ita ab eo morbo illam diuinitus curauit; vt nunquam deinceps ab eo afflictata fuerit. Ludouici Angelerij ancilla, grauissimâ ægritudine oppressa, & ab omni spe vitæ deiecta, in lecto iacebat: quo tempore Cherubinus stipem quotidianam exigens, ad Ludouici domum accedit: qui vbi ad ægotantem deuenit, Centurionis Euangelium super eam legit. Quo lecto, statim ægotans respirare visa, breui tempore vitam, incolumitatemq; consequitur. Hoc modo & puerum hydropisi laborantem, cum hydropici à Christo persanati Euangelium super ipsum pronunciasset, illicò incolumem reddidit. Huius quoque pueri patrem signo Crucis ab ægritudine liberat. Postremò Ludouicus Porcius Foroliuiensis, quadriennij spatio stomachi dolore ita elanguerat, vt Medicorum iudicio morbus incurabilis haberetur: quo tempore eò Cherubinus aduentans, cum de more Euangelium de puero Centurionis à Christo Domino curato, super eum pronunciasset; hoc ipso tempore dolor cœpit mitescere; ac breui dierum interiectâ morâ, cum dolore morbus abscessit. Hæc, & pleraque alia, cum ad serui sui intercessionem D. O. M. miracula edidisset, quibus ipsius apud homines vitam, & virtutes commendaret; hunc tandem in Foroliuiensi Conuentu, ad Cœlestes sedes accersens, maioribus etiam in morte donis coronat. Postremò namque morbo ægotanti, cum horribilis Dæmonum turba, quasi metum illi incessura, apparuisset; his illos inuictò animo verbis aggreditur: ô scelesti! tot in me vnum condensato agmine, vestris velut faucibus absorbendum irruitis? At ego vestros, neque vultus, neque impetus reformido: tot enim hic Christi milites adsumus, vt nulla vestrum, licet ingens, nos copia terreat. His dictis cum in eos aquam benedictam aspersorio immisisset, actutum vniuersos ad fugam

compulit. Nec multò post Dominus sub infantuli specie cellam, in quâ iacebat, ingressus; seruulum suum Diuinâ præsentia consolatur: Socius verò, qui tunc aberat, rediens, Cherubinum hæc tantum verba proferentem audit: O quàm pulcher infantulus! & quàm formosus puer! Cœlesti itaque Cherubinus hac consolatione recreatus, quæ ad maiora illum Paradisi gaudia pararet, mundo tandem eripitur vt in Cœlestibus sedibus collocetur. Cuius rei præter Angelicam vultus pulchritudinem, quæ post obitum in eo elucere cœpit, & confluentis populi multitudinem, qui rumore de ipsius obitu diffuso, vndique tum ex vrbe, tum ex vicinis oppidis, ad corpus tanto deuotionis impetu irruit; vt nisi maturè à Fratribus ereptum fuisset, habitu iam maiori ex parte in frustra conciso, corpus quoque ipsum discerptum fuisset, præclara testimonia fuerunt, pleraque, quæ ipsius intercessione patrata sunt, miracula; quorum aliqua duntaxat exempla, quæ certâ fide commendata fuere, referre libet. Flaminia Angeleria, nobilis Foroliuiensis, tam vniuersali corporis morbo tenebatur; vt vndique doloribus obsessa, magno in vitæ discrimine Modicorum sententiâ versaretur; cum domesticorum persuasione, cannabaceo cingulo, quo Cherubinus viuens præcingebatur, à Bernardino Zaulio, apud quem asseruabatur, mutuo accepto; dum illius è Cœlo suffragium postulat, & cingulum induit; eodem temporis momento, effugatis doloribus, ita à morbo libera esse cœpit, vt deinceps eo nunquam affecta fuerit. Elisabethæ Carariæ Foroliuiensi, nepos paruulus erat, qui cum grauissimâ cephalalgia laboraret; æreâ Crucifixi imagine, quam olim Cherubinus gestauerat, illius capiti impositâ, tam repente ac perfecte ab eâ liber euasit, vt nunquam deinceps illius molestias

senserit. Obijt Sanctus Vir

Anno 1603.





FRATER STEPHANVS ATRIPHERNO FRATRVM CAPVCINORVM  
SACERDOS.

## Fr. STEPHANI A TIFERNO

METAVRENSI,

SACERDOTIS.

## VITA, ET GESTA.



RATER STEPHANVS à TIFERNO METAVRENSI, Sacerdos, Vir vità, ac signis clarissimus, ex honestà Beuilaquorum progenie ortus, diuinà ita benedictione præuentus fuit, vt à puerili ætate, ipsà ætate maior, seniliatantum in animo versaret: & qui necdum inter bonum & malum discernere, aut diuinorum capax eisse poterat; ita optima quæque sibi eligeret, ac Diuinis rebus studeret, vt ad Diuina tantummodò natus videretur. Adolescente verò ætate, ea illius perpetua vox erat, sibi ad Capucinos eundum, & cum ijs commoriendum. Porro, vt se tum animo, tum vità, tum, quod caput est, Diuinà vocatione iam Capucinum ostenderet; solitudinem sibi in quodam domus columbario parauerat; in quo ante ligneam Christi Crucifixi imaginem, quæ in eo clauo affixa pendeat, quotidie orans, quotidie etiam se ob Dominicæ Passionis memoriam plagis & verberibus onerabat. His in pietatis præludijs cum maiorem adolescentiæ partem consumpsisset, cum primò duodevigesimali annum attigit, quam animo, ac voce iam amplexus fuerat, tum vità & habitu Capucinorum tandem Religionem induit. Admiranda sunt obedientiæ ac patientiæ exempla, quibus cæteris Religionis Tyronibus præluxit, vt in omni virtutum genere probatus, præclaram Euangelicæ perfectionis molem altis hisce fundamentis superstruxerit ipsiusque vita ad Cœlestem propius, quam ad humanam accederet. Etenim humilitas eum vilissimà sui estimatione omni superbiæ sensu expoliauerat: Cœlesti sapientià emicans, Diuina mente conspicere, & humana omnia virtute transcendere didicerat: obedientiæ aures ad omnem superioris nutum, ac voluntatem patebant: taciturnitas, linguam à noxijs extorrem, & ab otiosis verbis alienam effecerat: abstinentia perpetuam in ediam continuà refectione condiebat: inuicta constantia ad duos quosque aduersæ fortunæ casus prominebat: in eo quoque tam candida pudicitia enitescere, vt virginitas, quam



ex matris vtero tulerat, eandem absque labe in morte reddiderit. Austeriatis, ac paupertatis cultor, triginta, & octo annorum spatium, tres tantum habitus consumpsit: Orationi tam assiduus incubebat, ut illi potius orationi tempus, quam oratio tempori deesset: Hanc verò compunctio tot lachrymis vberem reddebat, ut vix etiam post orationem ab ijs seipsum continere valeret. In Deum tantâ charitate ferebatur, ut nihil illi iucundiùs contingeret, quam durum, ac molestum aliquid pro Christo tolerare. Proximum verò tam tenerâ charitate prosequeretur, ut se totum in omnium, ac præsertim pauperum, ægrotorumq; commodum, & vtilitatem effunderet. Hunc igitur præclarissimarum virtutum, cum Stephanus in seipso cumulum circumferret; ex eo mox Coelestium signorum, quæ illustrem vitæ illius sanctimonium testarentur, fulgor emicare cœpit: quorum etsi maior pars, nullis commentarijs tradita, deperierit; aliqua tamen, quæ certâ fide probata fuere, ne cum cæteris in interitum ruant, hæc commemoranda duxi. In Conventu Gradariæ, cum cuidam ex nostris ægroto, qui ciborum in appetentiâ laborabat, turdus à Medico præscriptus fuisset, ignorarentq; Fratres, quo pacto eum venari possent: en turdum per aëra volantem, atque in Ecclesiæ arêâ, iuxta Crucis, quæ in eâ erecta est, basin consistentem, Stephaniq; manum expectantem, apprehendit, ac coquinæ Magistro ægroto parandum tradit. In Montismonaci oppido, Petri Pauli Capotistæ hospitis vxori, lacte in ipsius vberibus arescente, Crucis signo in aëre à Stephano imprellò, mox copiosum illi ex vberibus effluit. Eandem quoque lactis copiam, Nouanæ, Lauræ silentiæ, quæ lactis penuriâ laborabat, bis signo Crucis, atq; oratione contulit. Pelacina Feretra, nobilis Anconitana, graui febre laborans, Crucis signo, simul cum Iesv nomine à Stephano accepto, statim conualuit. Geria Guidonia, Petri à Monte Vlmi vxor, iam triennio grauissimis corporis doloribus afflictata, in lecto iacebat: quibus cum humana remedia, quæ sibi abundè (frustra tamen) ministrata fuerant, non prodesse; cum post orationem Stephanus plerisque Crucis signis ægotam consignasset, dolores statim mitefcunt: tum breui post hæc ægotam ita liberam relinquunt, ut ad eam deinceps nunquam redierint. Bradamas, Andreæ à monte Vlmi vxor, tam graui cachexiâ iam per annum oppressa fuerat, ut cum morbus Phisicis ipsis ignotus esset, viribus omnibus destituta, ad vitæ occasum properaret: cum igitur Stephanus aliquantis per orasset, nonnullaq; illi Crucis signa adhibuisset, nullâ interiectâ temporis morâ, ita à

morbo conualuit, vt quæ prius aliorum ope eò deuecta fuerat; mox confirmatâ totius corporis valetudine, ceteris velocior suis pedibus domum redierit. Lucas oppidi Montiscodri incola, cùm ex paralyfi alterius corporis partis vsu, ac sensu careret, à Stephano signo Crucis per totam illius corporis partem extenso, perfectæ mox incolumitati restituitur. Postremò tandem Fr. Ioannes Maceratenfis, ex nostris Laicus, continuâ febre, simulq; graui stomachi languore correptus, iam extremum sibi adesse diem arbitrabatur; cùm Stephanus manum stomacho admouens, protinùs ab eo dolorem pellit; ac febris, quæ nullis eatenus remedijs fugari potuerat, post alteram diem, nullo pharmaco adhibito curatur. His & alijs plerisque miraculis clarus, cùm trigessimum octauum in religione; ætatis verò quinquagesimum quintum annum explèssèt, Maceratæ pleuritide corripitur: quo tempore obitus sui diem, & horam ad amussim Fratribus, præsignificatis, Coelestibus totus inherere cœpit. Interea Fratribus, qui ob morbi violentiam de repentino ipsius occasu dubitabant, vicissim noctu vigilantibus ait: Fratres mei, quid frustra vexamini? cùm nondum profectiois meæ maturum tempus sit: id ego, cùm aduenierit, renuntiabo. Id ipsum ijs quoque, qui extremam, iuxta Ecclesiasticum ritum, animæ suæ commendationem persolvere vellent, affirmabat. Cùm verò Sabbathum, quem supremum sibi diem fore prædixerat, eluxisset, solq; iam à meridie declinaret: en (inquit) iam appropinquat hora. Ac tunc primò se in strato extendens; hæctenus enim semper genuflexus Hymnos, ac Psalmos mullitauerat, manusq; in Crucis formam componens, suprema animæ commendationis verba sibi legi postulat. Quo tempore cum aliqua lætitiæ signa ederet, à Felice Pedonensi, Sacerdote, qui adstabat, interrogatus, num Diuinum quidpiam conspiceret. Annuit ille: at tam alta sunt, ait, quæ video; vt ea humana lingua explicare nequeat. Animæ verò commendatione absolutâ, cùm ad ea verba ventum esset: Subuenite, sancti Dei: occurrite Angeli sancti &c. os absque vllâ vultus mutatione, aut turbatione aperiens, oculis in Cælum erectis, præclarissimè animam efflat. Caro eius longè post obitum tam mollis, ac palpabilis fuit, vt demortui nihil prorsus præ se fertet. Nonnullis ab obitu annis elapsis, Stephanus, Fr. Dionysio à Tiferno Metaurenfi, Concionatori, qui sæpè Guardiani, ac Definitoris in Piceni Prouinciâ munere functus fuit, magno gloriæ splendore ornatus, apparuisse legitur, his eum verbis admonens: Dionysi, iam, tempus est, vt te ipsum à Fratrum curâ excipias, diligentiusq; ea, quæ animæ tuæ sunt, cures.

Hæc quippe Dei voluntas est, vt diuinis potiùs, quam humanis rebus incumbas. Obijt Vir Sanctus Anno 1603.

FR. DIONYSIVS MEDIOLANENSIS, Sacerdos, ex nobili Pustecolorum familiâ ortus, Vir omni patientiâ & pietate ornatus fuit. Eloquij suauitate, ac prudentiâ ita præcelluit, vt & illustrium Virorum odia, & simulates ad concordiam pertraheret, & multos maximis vitijs implicatos, ad pietatem perduxerit. Medici Canobienfis filium, desperatâ salute ægrotantem, cùm signo Crucis B.P.N. Francisci ligno consignâset, mox incolumem reddit. Demum omnibus sui desiderio relicto, Mediolani suæ neci iura perfoluit, Anno 1603.

FR. PAVLINVS à CLVSONIO, Brixienfis Prouinciæ Sacerdos, vitam inter Fratres planè admirabilem duxit, ijs omnibus virtutibus ornatam, quæ Euangelicum, ac perfectum hominem præstant. Cremæ cùm extremum diem obiisset, vir strumis laborans, ipsius dum corpus in feretro iacet, manum morbo admouens, à strumis liberatur. Obijt anno 1603.

Hydruntina Prouincia FR. BONAVENTVRAM ALETINVM, Sacerdotem multis laudibus haud immeritò celebrat: eâ namq; abstinentiâ fuit, vt duos hebdomadæ dies panis, & aquæ victu transigens, ceteros quotidianis ferè ieiunijs consecraret. Porciæ Guarinæ socrum à brachij morbo, solo brachij contactu liberat: obitum suum prædicit: Hydrunti moritur; corporeq; in Ecclesiam delato, cùm Porcia Guerna graui humerum dolore laboraret, Bonauenturæ brachio sibi in humeros extenso, dolor mitescit, ac postridie omninò fugatur. Plerisque etiam alijs ægrotis, ipsius habitus particulas, quæ illi post mortem obruncatæ fuerant, curationes contulisse, communi famâ peruulgatur. Obijt anno 1603.

S. Angeli Prouincia FR. GERARDVM Venetum, Sacerdotem, plurimè austeritatis, orationis, & charitatis commendat; cui ea consuetudo erat, vt a Feriâ quintâ in Cœnâ Domini, ad Dominicam vsque Resurrectionis nihil omninò cibi degustaret. Ad quartam is vsque horam in mentis excessum raptus conspicitur. Tantâq; in Beatissimæ Virginis Conceptionem deuotione ferebatur, vt ad ipsius confirmationem, ardentem rogam, absque vllâ ignis læsione se intraturum sponderit. Demùm Lutetiæ meritis apud Deum diues decedit, Anno 1603.

FR. IOANNES EVANGELISTA Mechliniensis, Belgicæ Prouinciæ Sacerdos, cùm virtutibus ornatissimus, humilitate potissimùm,

& charitate præcelleret, obitum suum longè antea prænuncians, Gandaui, dum peste laborantibus omni pietatis officio ministrat, animam fundit, Anno 1603.

In eadem Prouinciâ Fr. GREGORIUS BRUXELLENSIS, Sacerdos, à telonio ad Seraphicam nostrorum militiam vocatus, post strenuam omnium virtutum exercitationem, assiduūq; orationis studium, raptu ecstático sæpissimè à Deo cohonestatus, Gandaui itidem lue ægrotantibus ministrans; pro fratribus animam ponit. Anno 1603.

S. Angeli Prouincia Fr. BERNARDVM ECCANENSEM, (vulgò Troia) Sacerdotem, haud immeritò summis laudibus celebrat: cuius vita post Religionis amplexum, perpetuus quidam virtutum cursus fuit: quædam prophetico spiritu, quæ euenire, prædicit: masculam prolem Cæsari cuidam Lucerenfi pollicetur, & oratione imperat: mira quoque nonnulla exantlat. Obijt anno 1605.

## Fr. FRANCISCI A RIPA.

### SACERDOTIS.

#### VITA, ET GESTA.

**R**ATER FRANCISCUS à RIPA, Sacerdos, vix Religionis stadium ingressus (cùm spiritus, à quo potior hominis vita pendet, partes sibi defendendas suscepisset) carnem suam perpetuam perduellem, tot austeritatum telis oppugnare cœpit, vt vix illi vitæ necessaria, eaquæ tam parcè indulgeret, vt nullum absque arctiori abstinentiâ diem traduceret: sæpè quadragenaria B.P.N. Francisci ieiunia, quæ maiorem anni partem complectuntur, solo pane, & aquâ, seu vino contentus celebraret; interdum secundâ quaque die, solum pani pulmentum adderet; plerumque etiam ter tantum in hebdomadâ, solo pulmento, aut acetario sibi adhibito, cibum fumeret; reliquis verò vnicâ tantum panis buccellâ sub vesperum vesceretur: denique extremos tres hebdomadæ maioris dies absq; vlllo cibo ieiunjs transigere illi familiare erat: cùm id præterea, velut legitimum sempiternum haberet, perpetuè à carnibus, piscibus, & caseo, ad quæ sensus appetitu ferebatur, abstinere. Cum corpore verò, perinde ac cum asino agens, aspero illud cilicio obtegebat, dirisq; quotidie verberibus ad sanguinem vsque iteratis, premebat;

ac parcam illi somni mensuram præscribens, nudas tantum illi tabulas sternere; capiti, puluilli loco, vitis sarmentum supponere, nudisq; pedibus absq; sandalijs, inter ipsos hyemis algores incedere solebat. Hoc modo, dum corpus domat, & ad spiritus seruitutem compellit, animū ita virtutibus exornat, vt humilitatis, obedientię, paupertatis, patientiæ, charitatis, atq; aliarum virtutum cæteris exempla præberet. Animarum zelus mirum in modum illius viscera depascebatur. Somnum cum ad tertiam non ampliùs horam produceret; reliquam noctis partem in oratione, ac rerum Diuinarum contemplatione insumere consueuerat, in quā velut ex consortio sermonis Dei, Cælestis tantum lucis diuinitus sibi inditum hauserat, vt plerumque futuros rerum euentus prænosceret, atque ipsas animi cogitationes rimaret; quemadmodum nonnullis aliquando exemplis probatum fuit. Cum enim Apuæ (vulgò Pontremoli) Franciscus commoraretur, Stephanus quidam barbitonsor, in Ordinem beneuolus, pestilenti febre correptus, absque vllā incolumitatis spe, ad vitæ occasum properabat. Eodem porrò tempore alter Michaël Angelus Armonius, cuius domus Stephani domui propinqua erat, grauiter in lecto ægrotabat, quos cum Veronica Stephani vxor enixè Francisci precibus commendasset; is ad Conuentum reuersus, Deum precibus pulsat, pro vtroque ægroto lachrymas fundit, in oratione pernoctat: denique quid de vtroque diuino consilio decretum sit, supernā reuelatione addiscit. Quapropter ad Stephanum postridie rediens, incolumitatem ipsi, Armonij verò vitæ metam à Deo constitutam esse annunciat. Porro, & Stephani incolumitas, & Armonij post hæc mors secuta, nihil ab eo frustrā enunciatum confirmârunt. Huic & alterum exemplum accedat. Lazarina quædam fascino illigata, eo grauiter torquebatur: quæ cum solitò vehementiùs quâdam nocte afflictata fuisset, manè adolescentem filium ad Dei seruum destinat, superioris illi noctis angustias renunciaturum. Necdum matris nuncium adolescens Francisco explicauerat, cum vniuersa, quæ à matre renuncianda acceperat, eidem aperit: quæcunque illi superiori nocte acciderant, singillatim narrat; eorum causam explicat; vt cuncta pro Dei gloriâ sustineat, hortatur; haud tamen semper (inquit ad Adolescentem) inter has corporis angustias versabitur: Dei enim virtute tandem Satanæ opera dissoluentur. Eodem quoq; beneficio cum duæ illius sorores, Veronica, & Dominica deuinctæ teneantur, eas etiam diuina virtus, diuerso tamen tempore, priùs quidem Lazarinam matrem, tum Veronicam absoluet: Dominica

autem postremò liberanda erit. Tu verò, fili, Deo gratias age, qui te in domesticorum suorum. qui in domo obedientiæ, inter delicias paupertatis, & illia castitatis connumerantur, aliquando numerum est cooptaturus. Plura hic tum futurorum vaticinia, tum occultorum reuelationes complicata habentur, quæ consentaneus rerum euentus vera, atq; à Deo profecta esse comprobauit. Nonnullis quoq; miraculis Deus viri huius sanctimoniam, tam in vitâ, quàm post mortem illustrare voluit. Apuæ namq; Maria quædam Carisia, quæ diabolico veneficio iam diu constricta fuerat, cum Francisci apud Deum opem efflagitaret, signo Crucis ab eo accepto, statim a veneficio liberata fuit. Aquæ Statellæ cum à nostris puteus foderetur, foliores aquæ reperiendæ spem penitus abiecerant; cum Franciscus in fossam descendens, cum aliquantisper orâisset, tam copiosa exemplò aquæ vena scaturijt, vt vicenorum cubitorum mensura altius conscenderet: ex quo vrbis illius Episcopus illum orationis puteum appellare solebat. Plurimos igitur Dei seruus cum maximâ in vitæ austeritate annos exegisset, multis cœpit morborum generibus exerceri, in quibus singularis illius patientiæ virtus ita elucebat; vt quò magis ab ijs afflictabatur, eò in ampliores Dei laudes ora solueret: morbo verò ingrauescente, cum se à Deo vocari perciperet, Ecclesiæ Sacramentis summâ pietate susceptis, antequam extremum halitum effunderet, antiquum humani generis hostem, sibi sub Medici specie adstantem conspicit, qui his illum verbis circumuenire studet: Francisce (aiens) iam duodevigessimus annus elapsus est, ex quo austerissimum hoc vitæ genus à te institutum, plurimam tibi apud populum, & tui ordinis Fratres sanctimonix famam comparauit: corporis incolumitatem si petieris, à me protinùs accipies; quâ fretus orbem peragrarè, ægrotoq; tuâ virtute curare, & clarum tibi nomen reponere absq; dubio poteris. Cui statim Franciscus: Medicum te vultus, ac vestes præferunt: at verba tetrum, ac fallentem Dæmonem te detegunt. Quid austeritates? quid miracula? quid incolumitatem? quid clarum nomen polliceris? Nihil à me hætenus actum. Magis Christo commori, quam tibi viuere mihi iucundum. Quapropter hinc velocius apage. His, alijsq; dictis, cum tentatorem expulisset, paulò post extremum Deo in pace spiritum reddit, Anno 1606. Post huius sancti Viri obitum, Comitissa quædam Mediolanensis, cui filia erat membris omnibus capta, voto de illius sepulchro venerando piè emisso, filix incolumitatem confestim impetrat.

FR. MICHAELIS A VALENTIA.  
SACERDOTIS.

VITA, ET GESTA.



ERATER MICHAEL A VALENTIA, Hispanus, Sacerdos, cum prius in clericali Ordine multarum virtutum semina iecisset, in Capucinorum Familiam cooptatus, ea tanto studio coluit, totq; alijs accumulauit, vt communi Fratrum omnium voce, Vir vitæ & virtute præstantissimus prædicaretur. Obedientiæ siquidem humilitas, humilitati paupertas, paupertati castitas, castitati charitas, charitati vitæ innocentia; atque huic tam perfecta regularis obseruantia disciplina adiuncta erat; vt cum virtus virtutem duceret, in eo coaceruata quædam virtus conspiceretur, quæ admirabilem, ac planè cœlestem hominem præstaret. Hoc virtutum splendore cum nonnullos in Religione annos traduxisset, orans aliquando in Conuentu S. Mariæ Magdalenæ, secum animo versati cœpit, num Deus longioris illi vitæ cursum largiturus; vel celerius, quod magis optabat, hinc eum abducturus esset. Dum hac in cogitatione animus occupatur, cœlestem protinùs vocem, semel, bis, terq; hæc verba repetentem percipit: Michaël, post sex, non amplius, menses. Quo ille nuncio præmonitus, cum se in id tempus, ardentiori spiritus æstu, atque assiduâ oratione preparasset; semestri expleto, cum eo, & ipse plurimâ cum sanctimoniæ famâ, in Conuentu Aulesiæ vitæ cursum absoluit. Clarior verò post mortem huius viri sanctitas enituit. Michaëlis enim corpus cum humi conditum fuisset, biennio elapso, vndique integrum, & incorruptum reperitur, capillis, barbâq; tenacius cuti hærentibus. Quod verò in eo admirandum fuit; in dextro ipsius latere, quadrangulare vulnus, velut lanceâ inflictum, ex quo in præcordia aditus patefieret, tunc primum conspicitur. Erat vulnus apertum, candidum, cuspidis lanceæ formam gerens: quodq; admirationem augebat, habitu, chorda, ac cæteris corporis operimentis iam putredine consumptis, habitus portio, quæ vulnus tegebat, constans, atque integra cernitur; ipsumq; vulnus, & caro circumstans mollis, ac palpabilis, ex quibus suavis odor efflueret, pertractatur. Res porrò noua, ac miraculo plena cunctis visa fuit: ita vt Phisici corpus iam biennio sepultum,

sepul-



sepulturæ locum viginosum, vulnus, ac vulneri adiacentia considerantes, hæc præter naturam facta, ac pleraque sibi supernaturalia miracula conglobata esse faterentur. Hoc verò laterale vulnus, instar vulnerati lateris Saluatoris, viuentem illum à Deo impetrâsse, tunc omnibus persuasum fuit. Post hæc statim nonnulla coruscare miracula cœperunt: cum enim quædam ossis particula è Michaëlis corpore detracta, in Ioannis Pla, in Ordinem beneuoli potestatem deuenisset. eo plura signa patrata fuere. In his Ioannes quidam Cerdan, qui ægrotans in mortis limine versabatur; iamq; oleo salutis illitus, vitæ finem præstolabatur, Michaëlis suffragia inuocans, osq; illud contingens, confestim ad incolumitatem reuocatur. Catharina Pla vehementi febre laborabat, cum sancti huius Viri ope è Cœlo imploratâ, eodemq; ossi sibi admoto, protinus à febre curata fuit. Elisabetha Alberta, Iosephi Pla vxor, cum ita ophthalmiâ laboraret, vt vtroque lumine careret, vix hoc ipsum Michaëlis os oculis adhibuit, cum breui temporis interuallo integram oculorum lucem recipit. Obijt Vir Dei Anno 1606.

FR. FRANCISCUS TYROLENSIS, Sacerdos, Vir admirabili simplicitate, patientiâ & charitate præditus fuit, atq; aded ergo animas, quæ in purgatorijs poenis detinentur, charitate affectus, vt quicquid pij operis præstaret, aut indulgentiarum sumeret, totum in earum liberationem conferret; quamobrem ter, quaterq; ab ijs visibili formâ apparentibus, grâtiæ illi redditæ fuerunt. Sanctum martyrem Laurentium sub iuuenis specie se aliquando alloquentem cernit. Denique graui septem mensium ægritudine maximâ cum animi patientiâ toleratâ, à Deo probatus, ad patientiæ coronam peruenit. Cuius habitus, qui præ morbo grauiter fortebat, post mortem suauissimum odorem efflat. Obijt Anno 1606.

FR. ALEXANDER à LAVRO, Neapolitanæ Prouinciæ Sacerdos, omni virtutum genere, ac præsertim obedientiâ floruit: cui cum à Superiore, vt Dæmonem ab obsessio corpore expelleret, iniunctum fuisset, eodem obedientiæ præcepto Dæmonem expulit. Obijt 1606.

FR. BONAVENTURA à PETRAFACTA, Sacerdos Consentinæ Prouinciæ, eâ vitæ sanctimoniâ præcelluit, vt Silliani mulieri oculorum lumine orbatæ, suâ oratione lucem restituerit. Obijt Anno 1606.

FR. LIBERATUS MYLËNSIS, Sacerdos, perfectus regulæ cultor, maximâq; in sacram Deiparam religione feruens, cum ab eâ sui obitus diem, & horam accepisset, eâdem vitam cum morte commutat, Anno 1606.

Fr. AVGVSTINVS à TYRACENO, Sacerdos, plurimis, ac maximis virtutibus Valentinam Prouinciā illustrat. Turiafoni Raphaëlem Iurisperitum, osculo, ac signo Crucis à podagræ dolore liberat. Iosepho Luquiano, Ordinis S. Dominici, grauissimè ægrotanti, incolumitatem prædicit. Alia quoque nonnulla, quæ euenire, cum futura prænunciâset, cum pietate vitæ cursum absoluit, Anno 1606.

Fr. DAVID à GASSACO, Brixienfis Prouinciæ Sacerdos, Vir apprimè humilis fuit, perfectus regulæ cultor, ac tam eximius castimonix custos, vt varijs à Satanâ mulierum formis illusos, vt Satanam deluderet, haud semel se nudum in niuem proiecerit. Hic tam feruenti in Deum charitate præditus fuit, vt Chorum aliquando ingrediens, diuino quodam splendore septus visus fuerit; ac demùm inter lætitiæ signum purum animum exhalat, Anno 1607.

In Consentinâ Prouinciâ Fr. ANTONINVS CONSENTINVS, Sacerdos, cum omnem vitæ suæ cursum bonis virtutum odoribus respersisset, paulò ante mortem, oculis illi stellarum instar coruscantibus; cella, quæ ob morbum fœtorem tetrum olebat, suauolens redditur, corpusq; post mortem sepulchro, in quo reconditur, odorem adimit. Obijt

Anno 1607.





FRATER MATTHAEVS CVM SOCIO FF.<sup>UPIC</sup>  
CAPVCINORVM SACERDOTES.

# Fr. MATTHÆI SACERDOTIS ET EIVS SOCII

## MARTYRIVM.



**E**RATER MATTHÆVS SACERDOS CVM SOCIO Anno 1608. inter veros, ac legitimos B.P.N. Francisci filios, qui B. Patris vestigia sectantes, fortiter pro Christianâ fide, ac iustitiâ dimicarunt, sibi locum obtinent: qui à piratâ, dum mare Mediterraneum nauigant, cum alijs capti, & captiui Algeriam ducti, cum ceteros Christianos concaptiuos ad Fidei constantiam, & laborum tolerantiam verbis prouocarent, ac pijs omnibus officijs prosequerentur, ad necem damnati, sæuo Martyrij genere, fidei agonem foeliciter consumnarunt: Matthæus enim vsque ad umbilicum humi sepultus excoitur: Socius verò extructo rogo, comburiur. Hoc modo duri certaminis victores, illustrem à Deo martyrij coronam accipiunt. Horum martyrum agonem Gregorius quidam, Melitensis nauicularius, qui in eo tempore captiuus Algeriæ detinebatur, cum Tricassium liber rediisset, ita accidisse nostris sub iureiurando affirmuit.

# Fr. ANGELI A VISSO. SACERDOTIS.

## VITA, ET GESTA.



**E**RATER ANGELVS à VISSO, Sacerdos, Vir immortalis memoriâ dignus, tam admirabili vitæ innocentia inter Capucinos floruit; vt Angeli nomini, angelica facies, angelica honestas, angelicus candor, angelici mœurs, angelica tandem vitæ ratio responderet, Huius cum potissimum studium esset, vtramque & corporis & animi munditiem illibatam seruare; immundus spiritus varijs, ac diris, tentationibus corporis illius honestatem aggredi cœpit. Reluctabatur strenuè nomine, ac virtute Angelus: Quare deuictus Satan, orantem aliquando ita premit, vt penè præfocare videretur: quo tempore viribus, ac sensibus omnibus destitutus, sacram Deiparam clarissimâ luce circumfusam cernit; quæ cum aureâ illum virgâ attigisset.

attigisset protinus in pristinum statum vindicauit, atque ab omni deinceps huiusmodi carnis tentatione liberum prestitit. Integrâ itaque hac mentis, & corporis munditiâ potitus, cum tot alijs virtutibus coruscaret, vt Angelicum planè hominem illum cuncti suspicerent, cœlestibus quoque à Deo, tum Prophetici spiritus, tum miraculorum donis illustrari cœpit. Inter Propheticas illius prædictiones ea primùm refertur: quod cum Nursiæ puer quidam quatuor circiter annorum, sæpè ad Monasterij fores accederet, ac tintinnabulum pulsaret; cum eâ mente ianitor aliquando, vt puerum grauius obiurgaret, ad ianuam procederet, Angelus Ianitori: *Caue* (inquit) *ne puerum durius verbis accipias: is enim & Capucinus, & Concionator in Religione non aspernandus est futurus. Nec alium res exitum tulit.* Cuidam etiam Sacerdoti diutino morbo laboranti, mortem, quæ sequenti die futura erat, prænunciat. Ab eodem in Collepepis oppido, cum Victoria Vignata nubilis puella, consilium posceret, num sibi ad Moniales potiùs, quàm ad nuptias accedere expediret; huic ille: *Victoria* (inquit) *neque ad nuptias, neque ad Moniales perges; sed mecum breui iter ad cœlestia carpendum. Neque id frustra: etenim vix mense elapso, cum Angelus è viuis emigrâisset, paulò post & Victoria rebus humanis valedicit.* Ipsius quoque oratione quamplurimos ægrotos perfanatos fuisse, nostra Ordinis monumenta testantur. Curtij Saluoli filius quadrimestris desperatâ salute ægrotabat; qui cum ad Angelum ægrotantem delatus fuisset, cum infantuli verbis adblandiretur, infans primùm videre, tum perfectè conualescere visus. Nursiæ quoque Fr. Christophoro, ac Fr. Bernardo Spoletano, Sacerdotibus febre laborantibus, suâ oratione repentinam incolumitatem confert. Denique cum tam singularis huius viri sanctimonia esset, vt ad eum quamplurimi ægrotantes curandi accederent, his Angelus benedictione, ac charitulâ, in quâ hæc verba scripta erant: *Potentia Dei Patris, sapientia Dei Filij, virtus Dei Spiritus sancti, liberet te ab omni malo, à morbis perfanabat.* Multis tandem in omni iustitiâ, & sanctitate annis transactis, Vir præclarus in Tudertino Conuentu, octogenarius obdormiuit in Domino, Anno 1608.

Fr. GREGORIUS à MANFREDONIA, seu Sipunto nouo, Sacerdos clarissimis virtutibus, ac cœlestibus donis enituit. Prophetico spiritu nonnulla prædixit, quæ deinde euenire. Charitate in pauperes eximius, pleraque à Deo suâ oratione miraculosè obtinuit. Mulierem impudicam, illum ad turpia pellicentem, procul abiecit. Demum

perpetuâ virginitate, ac Beatissimæ Virginis cultu clarus, Tutici, magnâ cum sanctimonîæ laude, vitæ cursum absolvit, Anno 1608.

Fr. ZACHARIAS MONTENSIS BELGA, Sacerdos, humilitate, paupertate, charitate, virginitate fuit illustris. Nouitij cuiusdam occultam animi cogitationem eidem aperit. Panem è Cœlo suâ oratione impetrat; ac tandem prænunciatâ sui obitus die, ad Deum migrat, Anno 1608.

Fr. FRANCISCUS à GRANDESA, Cathalonîæ Prouinciæ Sacerdos, Vir fuit omnium virtutum genere clarus. Oratione ita apud Deum potens, vt vas fictile in frustra comminutum, integrum restituerit; ac per imbrem absque imbre incesserit. Vir apud omnes sanctimonîâ celebris, cum è sæculo migrasset, post ipsius obitum puer quinquennis cum morte colluctans, dum parentes defuncti Francisci suffragia pro moribundo implorant, extemplò incolumis rediditur. Aquæ quoque gutta, à lapide, quo eius sepulchrum obtegebatur, in cuiusdam Fratris pedem vlcere faucium defluens, eundem continuò per sanat. Obijt anno 1608.

## Fr. IOANNIS BERGOMATIS. SACERDOTIS.

### VITA, ET GESTA.

**R**ATER IOANNES BERGOMAS, Sacerdos, magnæ humilitatis ac sanctimonîæ Vir. Hic inter eos numeratur, qui in Sardiniam missi, solidiora illius Prouinciæ fundamenta suâ virtute posuerunt: tantæ autem humilitatis Vir fuit; vt tametsi Sacerdos, etiam ætate prouectus, quæstuarium onus, quamdiu in eâ Prouinciâ commoratus fuit, sibi obeundum elegerit: quo in administrando, tantâ sensuum mortificatione, tantâ oculorum custodiâ, tantâ vitæ innocentîâ, tantâ pietate; tam denique præclarâ virtutum omnium luce nituit; vt in eum cuncti, velut in lucidum quoddam Apostolicę perfectionis exemplar oculos intenderent, sanctumq; proclamarent. Huic Viro Dei mos erat, vt post stipem postulatam, per id temporis intervallum, quo ea sibi erogari differebatur, pro benefactore preces ad Deum funderet, ac prius orationis pretium exsolueret, quàm benefactum acciperet. Ardens ipsius desiderium, quo ad dura omnia pro Christo perferenda ferebatur, nullæ carnis

macerationes , aut corporis austeritates exsaturare poterant : cùm enim panis & aquæ ieiunijs sapissimè carnem maceraret , cunctas quadragesimas solâ pulte contentus transigeret , atque in eâ , vt insipidam redderet , sæpè aquam infunderet ; cum Nouitijs humum lamberet , se flagris caderet ; baculos in ore deferret , ac cætera pœnitentiæ genera , quibus illi probari solent , vtrò & ipse subiret : His haud contentus frequenter ante Refectorij fores , cùm Fratres , ac Nouitij ad refectionem accederent , supinus iacebat , vt ab introëuntium Fratrum pedibus conculcaretur. Assiduâ verò orandi consuetudine ad eam orationis , ac Diuinæ contemplationis excellentiam pertigerat , vt sæpè in mentis excessus raperetur. Calaritano Conuentu ædificato , diu in eo commoratus , tantam sibi in eâ vrbe sanctimonix famam comparauit , vt vndique ad ægros inuifendos , ac benedicendos quæreretur : ex quibus quamplurimi ab eo benedicti persanabantur. Inter hos Bernardi Lombardi filia enumeratur : quæ cùm ad Medicorum desperationem ægrotaret ; Ioanne accedente , ac pro eâ , brachijs is modum Crucis protensis , Deum rogante , protinus reuiuiscere visa , breuiq̃ ; incolumitatem adepta fuit. Alter quoque Leander de Torres , qui graui febre laborabat , à Viro Dei crucis signo , præuiâ oratione obsignatus , à febre liber , integrâ incolumitate fruitur. Eodem signo Crucis , cùm Michaëlem Vlysipponensem , qui tam acerbo capitis dolore cruciabatur , vt humi sæpè dilaberetur , prosecutus fuisset , ab eo perpetuò liberum , & incolumem reddidit. Ioannam quoq̃ ; Hieronis filioli vxorem , quæ septem filios mortuos enixa fuerat , cùm post orationem signo Crucis benedixisset ; eam puellam viuam & incolumem peperit , quæ miraculi filia appellari cœpit ; ac deinceps plerosque filios viuentes tulit. Communis denique rumor in Calaritanâ vrbe percrebuit , Ioannem , mortuum filium aliquando ad vitam reuocasse. Qui cùm sexagenariomaior in S. Francisci Prouinciâ rediisset , clarus virtute , & sanctimoniâ , Hispelli , mortalem cum immortali vitam commutauit , anno 1609.

\*\*\*





FRATER ANTONIVS EBOLENSIS FRATIVM CAPVCINORVM  
SACERDOS.

Fr. ANTONII EBOLENSIS.  
SACERDOTIS.

V I T A, E T G E S T A.



ERATER ANTONIVS AB EBOLO, Sacerdos, Vir miraculorum gloriâ illustris, cùm ex sæculari Clero, in quo Sacerdotio inunctus, omni virtutum laude florebat, ad Capucinatorum sinum emerisset, ita se ad omnem Apostolicæ vitæ rationem composuit, vt nullum illi, ad perfectam Euangelici, ac Seraphici viri formam, virtutis ornamentum deesse videretur: cùm enim humilitati obedientia, obedientiæ paupertas, paupertati morum honestas, huic patientia, mansuetudo, vitæ austeritas, patiendi cupiditas, charitatis ardor, ac iuge orationis studium accederent; hæc virtutum coronâ, Cœlestem animus ita exornauit, vt cùm inter homines versaretur, diuinam planè imaginem in seipso referret. Hinc Dei in eum abundantius dona fluere cœperunt; quibus & longè à nobis remota conspiciere, & futura prævidere; ac demùm signa, & miracula patrare valeret. Singularia verò huius Viri gesta in MS. nostris desiderantur, quibus illustrior illius vita, & sanctimonia apparerent, quæ vel temporum iniuria, vel Scriptorum incuriâ interiçre. Plurima tamen huius Viri miracula referuntur, quæ minimè reticere æquum est. In his Franciscus Antonius Eboleus, ob catharri fluxum, toto corpore dolore affectus, cùm ab Antonio Crucis signo benedictus fuisset, catharri fonte arefacto, à dolore curatur. Hoc ipso Crucis signo, ligneâ Cruce, quam is secum gestabat, exhibito, Hieronyma Iuliana, Francisci Antonij vxor, à cordis palpitatione: atque huius filius à gemino abscessu, quo grauiter afflictabatur, incolumes redduntur. Hieronyma Gentiliora Eboleus, quo tempore morbo Comitiali stridebat, ab Antonio Cruce obsignata, ac pro eâ Antiphona: *Salve Regina &c.* semel adstantibus indictâ, ita ab eo morbo curata est, vt eo deinceps nunquam vexata fuerit. Anno 1601. Antonia Ceronâ, cùm Eboli, Medicorum iudicio, neci adiudicata, iam linguæ vsum amisisset, vbi Antonius aliquantisper pro eâ orauit, sermo illi restitutus, ac post octauum diem, integra incolumitas reddita fuit. Anno 1605. Iulia Paganeta, Eboleus, maximis

per totum ferè corpus doloribus afflicta, cum lignèâ Cruce, quam ab Antonio acceperat, membra dolore affecta attigisset, ab his in momento libera fuit. Anno 1607. Claudia Massa, Ebolensis, grauitèr ligni casu in capite sauciata, cum ab Antonio Crucis signum postulasset, eo accepto, protinus à dolore, tum paulò post à vulnere conualuit. Eodem anno Victoria Rhodana, Ebolensis, à diuturnâ cephalalgia; ac Petrus Ioannes, eius Nepos ab odontalgia, quâ ad infaniam adigebatur, lignèâ Cruce ab Antonio illi capiti impositâ, huic moribus admotâ, nullâ interiectâ morâ curantur. Anno 1608. Thomas Manfredus, 15. annorum adolescens, ex alta turri campanariâ in imum solum delapsus, caput, ac totum ferè corpus ita sibi labefactauerat, vt nulla ipsius vitæ spes Medicis superesset; ac cum Antonius lignèâ suâ Cruce bis ter illius caput, ac membra obsignasset, mox conualefcere cœpit, ac breui integram incolumitatem assecutus fuit. Eodem anno Hyppolita Vitolia acerbo humerum dolore cruciata, cum nullis Medicorum remedijs curari posset, Antonius suâ illi Cruce humeros contingens, statim ab his dolorem fugat. Antonius Scius, Ebolensis acutâ feбри ad mortem ægrotans, Medicorum ope destitutus, ab Antonio eâdem Cruce obsignatus, qui moribundus erat, in vitam, & incolumitatem respirat. In vrbe Campaniâ, Alexandri Mascrutti filius, quatuor annorum puer, ex alto delapsus, breui expiraturus credebatur, cum Antonius inter manus assumptum, Crucis signo consignat, patriq; incolumem reddit. Idem Decium Corcionem, Ebolensem, humeri dolore grauitèr vexatum, Crucis illi signo adhibito, statim à cruciatu liberat. Alteram quoque Antoniam Arminiam, Eboli, ab anginæ morbo, solo Crucis suæ contactu vendicat. Ibidem Antonius quidam Papatat-ta, nouem annorum puer, vtroque lumine orbatus, spem omnem videndi abiecerat; cum Antonius Iesv, Mariæ, ac B. P. Francisci nomne inuocato, vtrumque pueri oculum viuifico illo signo ob-signasset, illi protinus visum restituit. Iulia Sorentina, Ebolensis, cum ex catharri fluxu ceruicem ita curuam gereret, vt eam nullâ ratione erigere valeret; ab Antonio Crucis signum accipiens, confestim à catharri fluxu persanatur. Plura alia huiusmodi signa ab hoc Dei seruo patrata referuntur, quæ breuitatis studio prætereo; vt Prophetici spiritus, quo is abundè à Deo donatus fuit, nonnulla etiam exempla historiâ p̄sequar. Ac inprimis Ferrantem Landulphum, Cilenti Baronem, homicidij accusatum, Neapoliq; in vinculis detentum, post breue tempus liberum è carceribus emerfurum,

matri prænunciat. Anno 1608. cùm inter Hyppolitæ cuiusdam Vitoliæ fratres, & peditum Ducem, tam capitales inimicitia grassarentur, vt mutuas sibi cædes machinarentur; Hyppolita Antonium, vt suâ illos oratione ad concordiam adducat, cum lachrymis rogat: Antonius verò Hyppolitæ filiæ adhuc puellæ, vt nouem dierum spatium ante beatâ Virginis iconem, Salutationem Angelicam deuotè recitet, iniungit; quod cùm illa præstitisset, crastinæ diei sextadecimâ horâ, pace inter fratres, & peditum Ducem firmatâ, omnia simul odia, ac inimicitias restringendas prænunciat. Rem exitus probauit. In oppido, quod vulgò, Rocca dell' Aspidò, appellatur, Laurâ Horatii vxore, diu ægritudine vexatâ, Horatium veneficium suspicatus, Antonium adit, vxoris languorem, veneficii quoque suspicionem aperit. Vterq; Antonio ignotus erat: at pro eâ preces ad Deum fundens, quid de Lauræ ægritudine sentiendum, quæuè illius causa sit, diuinâ reuelatione agnoscit. Quamobrem Horatio non veneficium, sed vxoris culpæ labem haud illi plenè perspectam, diutine ægritudinis causam esse significat: cùm enim illi germanus frater esset, qui turpem iam diu cum pellice vitam duceret, rem illa tantoperè exhorrebat, vt & fratrem odio prosequeretur. Quare Horatium, vt vxorem moneat, hortatur, vt à fratris odio absteineat, longioremque, quàm putabat, vitam pollicetur. Denique post Lauræ mortem, certam illius salutem Ioanni Angelo, Horatii germano aperit, anno 1607. Cùm Ioannes Felix, Ebolensis tabernarius, tam acerbè colico dolore premeretur, vt à Medicis vix duarum horarum vitæ spatium illi præscriptum fuisset; vbi Antonius aliquantisper pro illo Dominum rogauit, breui incolumem futurum spiritu prophetico prædicit. Anno 1608. Deianira, Lucretiæ Corcione filia, ita febri, ac totius corporis tumore laborabat, vt ipse apud Physicos vita potius ad desperationem, quàm ad spem propenderet; Hanc cùm Antonius Cruce obsignasset, longioris adhuc vitæ cûrsûm à Deo consecuturam prænunciat: quæ omnia, prout sanctus Vir prædixerat, euenire. Postremò, cùm fidelis hic Dei seruus, ad vitæ finem accederet, decimo antè ipsius obitum die, Eboli per oppidum incedens, Iuliæ Clariæ, se decimâ diè ad Deum migraturum prædicit. Post hæc stomachi dolore corripitur; cui cùm pleuritis successisset, eo, quem prædixerat diè, eximijs patientiæ exemplis, magnoq; sanctimoniæ odore post se relictis, Eboli mortalis vitæ cûrsûm absoluit, immortalem apud Deum inchoaturus. Porro obitus eius famâ per oppidum diffusâ, magnâ vtriusque sexus virorum, ac mulierum

multitudo ad illius funus confluere visa; tantaq; in Dei seruum populi deuotio efferbuit, vt magna ipsius habitus pars in frustra concisa fuerit; illustrioresq; oppidi Viri illius Cellam deprædati, sandalia, cingulum, papyraceas imagines, libellos manuscriptos, strophiola, & quæcunq; ipsius vsui olim inseruierant, secum abstulerint, & velut Reliquias seruauerint. Nec frustra: his enim plerique ægrotantes curati fuere, ac mulieres à partus doloribus liberatæ. Post huius sancti Viri obitum, cùm Fr. Bonauentura Melfitanus, Clericus, biduo Dominum rogasset, vt Antonij animæ status sibi significaretur; Fr. Antonium candidâ stolâ ornatum inter duos Angelos conspicit, alterumq; Capucinum Fratrem hæc sibi dicentem audit: Bonauentura, hic, quem inter Angelos cernis, Fr. Antonius est Cœlesti gloriâ donatus. Obijt Vir Sanctus Anno 1609.

## Fr. MARCELLI PISTORIENSIS.

### SACERDOTIS.

#### VITA, ET GESTA.

**R**ATER MARCELLVS PISTORIENSIS, Sacerdos, è Congregatione S. Gregorij ad Capucinorum familiam à Deo vocatus, tam præclaris Religiosæ vitæ cursum moribus, ac virtutibus exornauit, vt in illustrium Hetruscæ Prouinciæ Virorum albo conscribi meruerit. Orationis, à suæ conuersionis exordio, tanto studio tenebatur, vt cùm familiare illi esset, septem, vel octo quotidie horas in oratione insumere, ad duodevigelimam vsq; horam aliquando orans, ita immobilis perseuerauerit; perinde ac si omni sensu careret. Cùm verò ab oratione surgeret, tantò facies eius ex consortio, sermonis Dei interdum splendore emicabat, vt non terrestris, sed Cœlestis planè hominis imaginem præferret. Cortonæ dum in cellâ orat, ex eâ tam ingens splendor erumpere aliquando visus, quasi è Solis globo intus incluso proficisceretur: quo cessante suauissimus inde odor emanare cœpit. Tam familiares illi erant mentis excessus, vt vix vnquam absque illis orationi incumberet. Aliquando verò cùm Florentiæ in Ecclesiâ Immaculatæ Conceptionis orationi vacaret, à Religioso quodam, cui nomen Euangelista, ordinis Seruorum B. Mariæ, qui eo tempore in eadem Ecclesiâ orabat, toto corpore in aëra ferri conspicitur.

Hinc plurimis à Satanâ artibus, vt eum ab oratione auocaret, impetitus, omnium victor exitit : ac tandem Pistorij sanctimoniâ clarus, è viuis excessit, anno 1610.

FR. PAVLVS à VERNIA, Sacerdos Hetruscæ Prouinciæ, Vir fuit omnium virtutum genere ornatissimus. Dum sacra Mysteria celebrat, Angelos psallentibus coniunctos in Choro canentes audit. Florentiæ dum orat, vultu, ac manibus solis instar refulgens, conspicitur. Sui obitus diem, ac nonnulla alia prædicens, Florentiæ plurimâ cum pietate dormitionem accepit, anno 1610.

FR. IOANNES FRANCISCVS à LODRONIO, Sacerdos, ex illustri Comitum Lodronij stirpe progenitus, virtute illustrior fuit : qui cum antè Religionis ingressum, in Lusitanâ expeditione Tribuni equitum, sub Catholico Rege, munus præclare obijisset, ab eo inter S. Iacobi Equites cooptatus, Cæsarei Oratoris deinde Romæ apud Pontificem officio fungitur ; quo tempore ad Diuiniora pietatis studia à Domino vocatus ; cum se spontè ab eo munere abdicasset, mortuâ coniuge ad Capucinos aduolat, Crucis ignominiam cunctis mundi honoribus præferens. Plurimis deinde in Religione virtutibus clarus, Tridenti mortalem cum immortali vitam commutat, anno 1611.

FR. PHILIPPVS CONSTANTIENSIS, Sacerdos, in Parisiensi Prouinciâ magnis virtutibus floruit : qui cum eximio Beatissimam Virginem cultu prosequeretur, ab eâ sui obitus horæ præmonitus, in Cadomenfi Conuentu omni cum pietate animam Deo reddidit, anno 1611.

FR. ANGELVS TOLENTINVS, Sacerdos Picentis Prouinciæ, angelicam planè omnium sententiâ, inter Capucinos vitam duxit ; cumq ; certum sui obitus diem prænunciasset ; quo die è vitâ excessit, cuiusdam sui propinqui morte, atque æternâ salute, quæ tunc ei diuinitus reuelata fuit, renunciatâ, piè in Domino quieuit, anno 1611.

FR. AVGVSTINVS NVRSINVS, Sacerdos, vitæ austeritate, oratione, atq ; omnium virtutum laude clarus, in Vmbriæ Prouinciâ celebratur : de quo id inter alia fertur, quod fratrem Ioannem Mariam à Nursia, Sacerdotem, grauissimis colicæ passionis doloribus cruciatum, signo Crucis in pristinum salutis statum vendicauerit ; ac Hieronymo germano fratri, qui masculam prolem optabat, geminos liberos futuros prædixerit. Qui tandem vitæ cursu in virtutibus consummato, Ameriæ mortales corporis exuias deponit, anno 1611.

In Romanâ Prouinciâ Fr. CLEMENS VELITIENSIS Sacerdos celebratur; qui cum eximiâ vitæ integritate, perfectaq; Regularis obferuantia laude floreret; orationis potiffimùm studio addictus, ecclafis plerumque dono potitus fuit, in quâ fapè ad quartam vſque horam infenſibilis permanſit: ac demùm ſublaci, virtute plenus è viuſ exceſſit, anno 1612.

In Cathalonix Prouinciâ Fr. HILARION BRITANNVS, Sacerdos, miris virtutibus enituit. Virginitatem perpetuò coluit: diem mortis prædixit; ac Perpiniani corporis exuijs depositis, pulchrior poſt mortem molli, ac tenerâ carne, membris flexibilibus præditus apparuit. Obijt

Anno 1612.







FRATER IOANNES GERVONDENSIS FF<sup>cap</sup> CAPVCINORV  
CLERCVS NOVITIVS.

FR. IOANNIS GERVNDENSIS.  
CLERICI, NOVITII.

VITA, ET GESTA.

**R**ATER IOANNES GERVNDENSIS, Cathalaunie Prouinciæ Clericus nouitius, honestis parentibus ortus, 17. circiter annum natus, primo iuuentutis flore erumpente, sibi à delicijs, ac voluptatibus cauens, præclara virtutum semina iacit: dum enim alij ludis, ac spectaculis vacant; is selectam adolescentum manum, quamad pia omnia sibi conciliauerat, ad hospitalem vrbs domum secum ducens, quotidiana ferè ægrotis cum his obsequia præstat. Cùm verò aliquando mulierem in eo Xenodochio extremum iam spiritum agentem, apprehensâ Christi Crucifixi imagine, ad diuinæ misericordiæ spem prouocaret, geminas meretrices, pijs suis hortationibus compunctas, ad pœnitentiam reuocat. Cùm primùm 18. annum attigit, parentibus, ac sæculo valedicens, ad Capucinos accedit. Vix autem nouus Religionis Tyro Seraphicâ veste, velut cœlesti loricâ se contectum videt; cùm inuictam virtutum aciem aduersus vniuersa vitiorum genera omni studio sibi comparare parat; tamq; præclaram à Deo virtutem consequitur, vt non nouus palestrita; sed in hoc ipso probationis anno iam veteranus, ac rude donatus censeretur. Cùm enim inter alia virtutum studia, maximè orationi, ac rerum Diuinarum contemplationi vacaret, non semel à sensibus excedere, atque extra seipsum ferri visus est; ita vt Diuina illa amoris vis illum penitus in Deum transferret. Quo fiebat, vt ob frequentes raptus sepius suum compos non esset; quod inter alia hoc aliquando exemplo manifestum fuit. Dato enim Completorii signo, cùm Ioannes ab his verbis: Iube Domine benedicere, Horam inchoaturus esset, ceteris de more surgentibus, is genuflexus manens, tam suauiter in hæc verba, ( prætermisiss illis) erumpere cœpit: Benedicant te Angeli, ô Maria sanctissima, Benedicant te Cœlestes spiritus, ô Virgo virginum Deipara. Vt eum Fratres vel spiritu ebrium, vel diuinâ aliquâ Beatissimæ Virginis visione potitum existimarent. At Vicarius Prouincialis, qui factò præsens erat, cùm ipsius spiritum probare vellet, seuerè in Refectorio obiurgatum, totam illam Refectorij humum linguâ

lambere iubet. Cuius cum Ioannes dicto citius iussa impleuisset; Prouincialis seorsim in cellam vocatum interrogat, quid eum ad insolita illa verba in Choro pronuncianda compulerit. At Ioannes, oculis in Cœlum sublati, repente in ecstasi rapitur. Quo facto Prouinciali innotuit, non ab humano; sed à Diuino spiritu profectum fuisse, quod ab eo intemptiuâ, vt videbatur, illâ Beatissimæ Virginis laude proditum fuerat. Neque id semel duntaxat accidit: eundem namque quidam Ordinis nostri Concionator, ante Beatissimæ Virginis imaginem extra sensus raptum offendit. Dum itaque diuinis hisce muneribus cohonestatus Ioannes, adhuc Nouitius ad maiores virtutum profectus tenderet; laterali pleuritidis morbo correptus, grauiter agrotare cœpit. Quo tempore accidit, vt Fr. Antonius à Neapoli, Laicus, qui sedulo illi ministrabat; dum in cella ipsius angulo, facie ad fenestram versâ, orationi vacaret, alterum cum Ioanne colloquentem audiret. Quâ re obstupescens, cum neminem ibi præsentem adesse sciret; vultum repente ad ægrotum conuertere, & quis cum eo colloqueretur, agnoscere curat. At quantâcumque vi sibi adhibita in id adniteretur; nunquam tamen, virtute quâdam Diuinâ obsistente, aut loco dimoueri, aut faciem ad ægrotum conuertere potuit; donec communis oratio, quæ de more tunc post Completorium fiebat, absolueretur. Porro oratione peractâ, Antonius à Ioanne percunctatur, quisnam is esset, qui cum eo nuper sermones miscebat. Cui ille: Dum modo rem, ait, silentio tegas, aperiâ. Adfuit (inquit) hîc Cœlorum Regina, multis Virginum stipata Choris: quæ, cum plurimis consolationis verbis ægrum profecuta fuisset; tandem velocioris me meæ dissolutionis admonuit, quæ crastinæ diei horâ sextâ, proculdubio futura est. Post hæc cum ad extremum se vitæ exitum deuotissimâ Sacramentorum susceptione, ac oratione parâisset; postridie, quâ prædixerat horâ, purus ex hoc sæculo migrat, Religionis Professione ante obitum emissâ. Hoc modo Ioannes breuioris vitæ, ac Religionis stadio decurso, longa annorum curricula suâ virtute præcurrit, veloxq; ad metam peruenit.

Anno 1581.

FR. NICOLAI HISPANI.  
CLERICI.

VITA, ET GESTA.



ERATER NICOLAUS HISPANVS, Prouinciæ Pannormitanæ Clericus, illustrissimâ Stirpe progenitus, dum Siculis Tirimibus à Philippo II. Hispaniarum Rege præficitur, cum is honorem fugiens, meliorem sibi, ac diuturniorem apud Seraphicos Christi pauperes gloriam quærit. Quâ igitur die sæculo valedicturus pauperum habitu apud Capucinos donatur; vt se iam nihil cum mundo commune habere ostenderet, illudq; Apostoli sibi vsurpare valeret, dicentis: *Omnia detrimentum feci, & arbitror, vt stercore, & Christum lucrifaciam.* Philipp. 3. pretiosissimas vestes, aurum & gemmas, quibus magnificè ornatus accesserat, velut mundi exuias pauperibus erogari iubet. Mox tam incredibili studio ad omnium virtutum tyrocinium se contulit, vt mira de ipsius obedientiâ, humilitate, paupertate, vitæ austeritate, sui, ac rerum omnium contemptus & præsertim charitate, mentisq; in Deum ardore apud Ordinis monumenta legantur. Porro hoc Diuini amoris æstu tam mirum in modum agebatur, vt cum Cœlestes animi impetus, quibus in oratione conficiebatur, ita cohibere non posset, quin in clamores erumperet; ne ceteros perturbaret, in syluam plerumque secedere cogeretur. Cæterum inter alia orationis exercitia, quibus animum ad Diuini amoris incendium prouocabat, cum Crucis Christi meditationem summâ pietate prosequeretur; id Christi charitate vrgente sibi aliquando in animum induxit, vt geminas trabes, quas in syluâ iacentes offendit, simul fune, quo præcinctus erat, in Crucis modum colligatas, humeris imponeret; ac per longos syluæ tractus, duarum, vel trium horarum spatio, qualibet nocte, nemine spectante, raptaret: quo tempore maximis fletibus, ac singultibus Domini Passionem lugebat. *Sed, quoniam Deo placita erat anima eius,* Sap. 4. Breui illum ex huius mortalis vitæ ærumnis eduxit. Vix enim ad tertium Religionis annum peruenerat, cum Politij supremo morbo correptus, vitam summis in virtutibus transactam, iustorum fine conclusit: & qui Domini Crucem dilexerat, ad Crucis præmia, Domino velocius vocante, euolauit, Anno 1581.

In Mediolanenſi Prouinciâ Fr. AVGVSTINVS BRIXIENSIS, Clericus, regulari obſervantiâ, ac lachrymarum dono clarus, Obijt 1582.

In Piceni Prouinciâ, Clericus quidam Florentinus, apud omnes morum diſciplinâ, ac virtutum ſplendore clariffimus, obitus ſui horâ prænunciatâ, ex humanis feliciter migrat, Anno 1582.

## Fr. MAVRITII A MONTE

### MONTANARIO, CLERICI.

#### *VITA, ET GESTA.*

**E**RATER MAVRITIVS à MONTE MONTANARIO, Clericus, qui ab ouium caulis ad Religionis gremium à Deo vocatus; cùm agni inſtar ſimplex, innocens, ac purus ſæculum euafiſſet; purior, ac innocentior in Religione vixit, multarumq; virtutum laude conſpicuus fuit. Cùm verò Clericalem vitam varijs, ac præſtantiffimis Euangelicæ perfectionis exemplis exornâſſet, quibus non modò Clericalis ſtatus gloriam auxit; ſed & æternum omnium Clericorum formæ apud Fratres omnes nomen, ac famam ſibi comparauerat; puriſſimus tandem, poſt ſextum Religionis annum, ad puritatis totius fontem euolat. Sed haud illi inter mortis anguſtias defuit Cacodæmon, terrificam illi ſpeciem obijciens: at verò, cùm in eo nihil accuſandum inueniſſet, ab eo vacuus, & confuſus abſcedit. Is autem vitam omni cum virtutum laude tranſactam, in Conuentu Nouanæ meliori ſine coronat, ac digna virtutum præmia adipiſcitur. Quod deuoto cuidam Fratri poſt hæc oranti, Diuinâ viſione declaratum fuit, qui Mauritium ſimul cum duobus alijs eiſdem Ordinis Fratribus, inter Angelorum Choros cœleſti gloriâ donatum conſpexit. Illud verò haud leue ipſius ſanctitatis argumentum fuit; quod pluribus ab ipſius morte elapſis menſibus, cùm illius corpus in ſepulchro conditum à fratribus, qui ipſius ſanctitatem nouerant, exploratum fuiſſet; omni ex parte integrum, & incorruptum, nullâq; prauis odoris maleolentiâ affectum reperitur. Cuius rei teſtes fuere, quotquot ex capitulo illâc permeârunt. Obijt

Anno 1583.

FR. SEBASTIANI VRANIENSIS.  
CLERICI.

*VITA, ET GESTA.*



RATER SEBASTIANVS VRANIENSIS, Clericus sanctimoniâ illustris fuit. Tanta erat huius adolescentis ad omne bonum propensio, tamq; ardens ad omnes virtutes studium; vt iam à primo Religionis curriculo metam assecutus videretur: ita, vt nihil in eo, quod ad virtutem spectat, præter maturiorem aetatem, qua virtus aucta senesceret, expetendum esset. Vitæ austeritas, oculorum demissio, sensuum custodia, membrorum compositio, verecundiæ pudor, qui in facie elucebat; morum honestas, & facilitas, mentis humilitas, semper ad omnia parata obedientia, & quadam modesti animi venustas, quæ sese per omnes illius actus diffundebat, vniuersos ad ipsius amorem, & admirationem rapiebat: maximè verò apertissimus quidam mentis candor, & puritas, quo factum est, vt quo tempore immaturus occulus præcoccem hunc nobis religionis fructum interciperet, candidula columba ex illius ore euolare visa fuerit; vt qui columbæ simplicitate, & candore vitam exornauerat, eandem ad Cælum comitem haberet. Obijt Anno 1583.

FR. LVDOVICI ALETINI.  
CLERICI, NOVITII.

*VITA, ET GESTA.*



RATER LVDOVICVS ALETINVS, Hydruntinæ Proinciæ Clericus, tametsi necdum Seraphicæ militiæ cingulum accepisset, perfectumq; in militem euasisset; militum tamen legitimè certantium à Deo coronam meruit. Is Aletix Salentinorum, honestis parentibus ortus, adhuc adolescens iugum Domini, tantâ Diuini spiritus affluentia in Capucinatorum Congregatione subeundum suscepit; vt vitæ puritate, simplicitate, innocentia, ad Angelicum propius, quàm ad humanum vitæ genus accederet.

In hac

In hac virtutum palæstrâ, cùm Ludouicus ad nonum vsque mensem animi exercuisset; corpus, quod animo impar vehementiores spiritus exercitationes ferre non poterat, ægrâ valetudine premi cœpit: ex quâ tandem cùm in hecticam febrem incidisset, Fratrum familia Medicorum consilio, illum à Religione dimittere, suisq; restituere cogitant: at cùm hoc primùm Ludouico innotuit, is vota omnia ad Deum intendens, eum assiduè deprecabatur, ne à Religione, cui se iam animo saltem deuouerat, alienum esse pateretur; atque eodem tempore pro Maximino socio, qui & ipse probationis annum agebat, Deum rogat; tamq; ardentes ad Deum preces fundit, vt B.P.N. Franciscum sibi præsentem aspicere, atque ab eo audire meruerit, se in Religione diem extremum clausurum; verùm ante expletum probationis annum vnus mensis spatium intercipiendum. Maximinum verò socium, pro quo Deum rogauerat, ad professionis vota peruenturum; verùm tertio post professionem mense illum sibi comitem habiturum. Ludouicus itaque cùm ad vndecimum vsque probationis mensem æquo virtutum, atque Angelicæ vitæ cursu peruenisset; diutini morbi duratione probatus, ad cœlestis vitæ tandem coronam euocatur: cui tertium post mensem, Maximinus

Aletinus socius, expresso Religionis voto, quemadmodum

B. P. N. Franciscus prædixerat, haud minori  
virtutum laude associatur,

Anno 1584.







FRATER PAVLVS BARCINONESIS F. CAPVCINORVM  
CLERICVS.

## FR. PAVLI BARCINONENSIS.

## CLERICI.

## VITA, ET GESTA.



**R**ATER PAVLVS BARCINONENSIS, Prouinciæ Cathalauniæ Clericus, Vir Apostolicus, ac virtutibus clarus, inter Barcinonensis vrbs Ciues enumeratus; cùm primum iuuentutis florẽ attigisset, sæculo cum suis concupiscentijs forti animo contempto, florecentem ætatem Deo, ac virtuti in Religione Capucinorum consecrauit. Mira in hoc Tyrone ad omnium virtutum studia amplexanda cupiditas erat, admirabilisq; ad omnem pietatem, regularisq; obseruantia disciplinam animi ardor; quo fiebat, vt ad obedientiam, humilitatem, patientiam, altissimam rerum paupertatem, vitæ austeritatem, sensuum mortificationem, ac ceteras Euangelicæ perfectionis virtutes sectandas, tanto studio ferretur, vt quæ longioris temporis diuturnitate ab alijs comparari solent, is in ipso religiosæ vitæ tyrocinio adeptus videretur. Corpus suum quotidianis flagellis, ac ieiunijs castigabat, durasq; illi, ac nudas ad somnum tabulas sternebat. Potissimum verò illius studium erat, animum ad diuina transferre, ac cœlestium rerum meditatione, quæ diuinæ in eo charitatis flammam accenderet, faginare: vnde accidit, vt nonnunquam ad ecstatici raptus delicias, præsertim in die Coenæ Domini, ante sepulchrum orans, euectus fuerit. Hos verò Pauli progressus cùm Satan haud ferre posset, ab eo mirum in modum visibiliter infestabatur. At intrepidus Tyro Dæmonis conatus paruipendens, familiari flagro, quod secum semper gerebat, Dæmonem appetens, illum in fugam compellebat. Porro hinc Paulus Dæmoni tam formidabilis euaserat, vt iam illum palàm agredi non auderet. At D. O. M. qui Tyronem suum idcirco tot præcocibus victorijs illustrauerat, vt celerius ad coronam euocaret; haud diuturna ipsius certamina esse voluit; neque enim tertium in Religione annum excefferat, cùm graui morbo vexari cœpit. Moxq; Fratri Cherubino à Neapoli socio, velociorem fore corporis sui depositionem significat: ingrauescente verò morbo, Deo ob innumera sibi collata beneficia, ac præsertim ob Religiosam vocationem, quam velut salutis suæ pignus agnoscebat,

gratias agens. cœlestibus desiderijs æstuans, de Diuinis rebus altissimè cœpit disserere. Quintâ verò die, antequam supremam obiret, cùm Paulus de Christi sanguine, in quem is summâ religione ferebatur, cum Fratre Cherubino à Neapoli colloqueretur; inter hæc verba in mentis excessum rapitur: in quo cum diu immobilis, oculisq; in cœlum defixis permanisset; extemplò è strato surgens, lignèâ Cruce manu arreptâ, exclamare cœpit: Deosculare Crucem hanc, Canis immanis: Deosculare inique. Cumque hæc ardentiori spiritu diceret; vix ab adstantibus teneri poterat, quin in medium profiliret. At tandem sibi redditus, cùm à Fratribus, quidnam eo ecstasis tempore vidisset, interrogaretur, respondit: Beatissima illa Rosarij Virgo (cui ille deuotissimus erat) tam pulchra ac splendida mihi apparuit, vt suo me aspectu protinùs extra sensus adegerit: etenim præter cœlestem vultus elegantiam, ad quam nulla humana species, aut pulchritudo propiùs accedere potest; eam alba vestis, niue candidior, atque aureum diadema, in capite fulgens, cui speciosissima ex rosis, ac lilijs compacta corona infidebat, tam venustâ varietate dissimilis, vt quemlibet decem rosarum vernantium numerum, lacteum, ac renitens lilium concluderet; ingens præterea lucis splendor, quo tantopere emicabat, vt totum orbem illustrare videretur; tam admirabilem præstabant, vt cum eam mente conspicerem, breuem mihi ad has cœlestis aspectus delicias capiendas animum habere viderer. At verò repentè ex aduerso canis quidam ater, atque horribilis, quem Satanam mox esse agnoui, in me insiliens, guttur dentibus peruadere conabatur. Quapropter vt me à Tartareo illo cane liberarem, Crucem arripui: cuius aspectum cùm is ferre non posset, per fenestram fugâ sibi consuluit. Hæc ille vbi effatus est, morti appropinquans, cùm Deiparæ Virginis rursus sibi apparentis præsentia potitus fuisset omnium opinione Cœlo dignus, terrenis rebus valedicit, Anno 1584. Viri huius encomium celebrat Sebastianus Verdeius, ordinis Minorum, qui de Obseruantia nuncupatur, Concionator, libello, quem inscripsit: *Instructio ad Officium de S. Cruce rectè persoluendum*, quem Hispano idiomate conscripsit.

In Bononiensi Prouinciâ Fr. Matthæus à Basseio (qui primi Generalis ex sorore nepos fuit) vitâ magnis in virtutibus transactâ, cùm in morte Dæmonum multitudinem in se irruentem expauesceret; geminos è cœlo Capucinos Fratres delapsos cernit, qui impiam turbam fugantes serenum reddunt, viamq; illi ad supernam patriam ostendunt. Obijt anno 1585.

Mediolanensis Prouinciæ monimenta Fr. MATTHIAM ANESINVM, Bergomatem Clericum, plurimâ virtutum laude celebrant. Qui cum paucos in Religione annos, magnâ cum vitæ innocentia, ac puritate transegisset, in ipsâ sui obitus horâ, quæ nocte contigit, germano fratri, qui alterâ in cellâ vigilabat, Solis instar lucidissimus apparet; atque eodem tempore à matre, quæ cum viro in lecto iacebat, quasi stella refulgens, quæ Cælum versus conscenderet, conspicietur. Obijt Anno 1586.

Vmbriæ Prouincia Fr. IOANNEM AB AMERIA, Clericum, Angelicæ puritatis inter alias virtutes potissimum commendat; ex cuius vultu cum lucis fulgor in morte emicuisset; post mortem suauissimè ex ipsius corpore, in nitidæ suæ puritatis signum, odor emanat. Obijt Anno 1588.

Fr. ARCHANGELVS à MEDIAVILLA, & PETRVS DERTRVSANVS, Cathalonix Prouinciæ Clerici Diaconi, cum in oppido Vallis peste laborantibus suâ operâ, ac ministerio adfuisent, ipsi quoque voluntario charitatis martyrio occubuerunt, Anno 1589.

## Fr. SERAPHINI ANTVERPIENSIS.

### CLERICI

#### VITA, ET GESTA.



**S**RATER SERAPHINVS ANTVERPIENSIS, Clericus, Angelico spiritu imbutus, cum purus & innocens ad Religionem accessisset, vitæ innocentiam in Religione tot alijs virtutibus accumulauit; ut omnibus obedientiæ humilitatis, patientiæ, solitudinis, silentij, orationis prodigium esset. Stupabant Fratres tam præclara virtutum tyrocinia, quæ in iuvene spectabant; maximamq; futuræ sanctimonix spem animo concipiebant. Neque id frustra: Virginitatis namque donum, quo propius ad Angelos accedere videbatur; morum honestas, eloquij suauitas, vitæ austeritas, deuotionis feruor, assiduum orationis studium; demum cœlestis vitæ ratio, quâ in primo illo iuuentutis flore præfulgebat, Seraphicum planè illi animum inesse indicabant. Præclarum itaque hoc Religionis lilium cum cœlestem vndique odorem efflaret; necdum è turgentibus gemmis emerferat, cum illud intempestæ necis pruina decoxit: dysenterix namque morbo correptus, quem maio-

rem ad corporis castigationem, quoad potuit, celatum tenuit, cum ad occasum deflueret; antequam ex humanis migraret, in mentis excessum rapitur: ex quo post aliquod temporis spatium sibi restitutus, tam altè cœpit de perfectione, ac virtutibus disserere, ut adstantes Fratres maximam in admirationem raperet: atque inter hæc, Angeli instar, in beatæ æternitatis sinum rapitur. Quod piæ cuīdam mulieri, quæ cœca erat, diuinitus manifestatum fuit: quæ cū eodem planè tempore, quo Seraphinus Deo animam reddidit, fulgentem quandam Beatorum supplicationem Cœlum versus incendentem, Seraphinumq; inter duos venerabiles Viros postremum incendentem; denique magnam in Cœlo solemnitatem parari in visu conspexisset, eā re obstupescens, manè ad Capucinos filiam destinata, ut, si eorum quispiam eā nocte è viuis migrasset, quamprimum referat. Illa verò ad Capucinos profecta, cumprimum Seraphini corpus in Ecclesiā iacens offendit. Obijt Seraphinus annos natus 22, tertiumq; in Religione annum agens, Anno 1590.

## FR. IOANNIS FRANCISCI

ÆSINI, CLERICI.

*VITA, ET GESTA.*



**I**RATER IOANNES FRANCISCUS ÆSINVS, Clericus, ex nobili Gritiorum familiā ortus, cū in sæculo ad iurgia propensus sæpè cum alijs rixaretur; accidit, ut famosi cuiusdam libelli aduersus vr̃bis Episcopum euulgati, is, tametsi falsò, auctor accusatus, in carcerem coniectus fuerit. Retamen diligentius examinatā, cū is patrati sceleris insons deprehenderetur, liber dimittitur. At is, noxiam sæculi iam libertatem exhorrrens, Dei sibi seruitutem eligit, & Capucinorum iugo collum subdit. Vix ille vigesimum ætatis annum attigerat, cū virtutum palæstram ingressus, certamen vitijs omnibus indicit, membra aspero cilicio premit, & gulæ sensum maiori, quàm cæteris consuetudo est, abstinentiā coërcet, sextaq; feriā, omnem sibi cibum subtrahit. Adhæc communi Fratrum flagellatione non contentus, cū is Horologium excitatorium moderaretur, illud ita componere consueuerat, ut vnā ante Matutinum Officium hora dissolueretur: quo tempore solus in Ecclesiā per dimidiæ horæ spatium, asperrimo verbere,

totum

totum corpus conterebat. Hac in virtutum palæstrâ dum fortis Athleta viriliter se exercet; carnemq; cum vitijs domans, animam maximis virtutibus parat; ad maiora, ac præstantiora properantem Anno 1590. mors immatura intercipit, & ad Cœli præmia adhuc pugnantem transmittit. Hanc suo pugili coronam, paulò ante ipfius obitum, diuina vox, ac præsentia confirmauerat: Christus enim illi sub noctis principium apparens, cum plurima de cœlestis gloriæ præmijs eidem aperuisset; statâ noctis horâ ad eum se rediturum, & cœlesti gloriâ donaturum pollicetur. Id cum ille Fratribus retulisset; haud cœleste oraculum tempus fefellit: nam præscriptâ noctis horâ, Ioannes Franciscus humana deferens, Cœlestibus allo-  
ciatur.

In Belgicâ Prouinciâ Fr. HIERONYMVS LIRENSIS, Clericus,  
tantâ vitæ innocentia floret, vt sui obitus, die prædicto,  
summâ cum pietate vitæ cursum absoluerit,  
Anno 1590.





FRATER IOANNES FRANCISCUS BONONIEN.  
SIS FE<sup>TM</sup> CAPVCINORVM CLERICVS .



Fr. IOANNIS FRANCISCI  
BONONIENSIS, CLERICI.

VITA, ET GESTA.



RATER IOANNES FRANCISCUS BONONIENSIS, Clericus, tam horridam à natiuitate vultus speciem tulit, vt animi ad vitia propensi deformitatem indicans, cum iram proderet, aspectantes solo aspectu terreret. Ad omnia igitur scelera procliuus, maximis se temporis successu vitiorum maculis labefactauit. At inter tot criminum spinas, aliqua virtutum semina in animo illi integra remanebant: iniurias enim sibi illatas facile condonabat; aliorum discordias sedulo componebat; eleemosynam petenti nunquam denegabat; quæ sanè haud minima suæ conuersionis radix, & origo fuit. Cùm enim ex Hungariâ rediens, nonnullas Venetijs moras traheret; contigit, vt mulier quædam, quæ puerum in sinu gestabat, quo speciosiore se nunquam conspexisse meminerat, ab eo eleemosynam peteret: qui pueri illius formam admirans mulieri argenteum ducatum largitur. Postridie verò, cùm eadem mulier cum puero ad eum iterum eleemosynam quærens accessisset, constitit Thadæus, (hoc enim nomen in Baptismo sortitus fuerat) multoq; quàm pridie elegantiore in puero formam spectans, ab eo lumina auertere non poterat. Quamobrem, vbi mulieri alterum ducatum argenteum tribuit, abeuntem prosequitur, vt illius domicilium agnoscat. At illa, cùm vix paululum processisset, repente ex ipsius oculis euanescit. Hanc verò sacram Deiparam cum puero Iesv, qui ad meliorem illum vitæ frugem prouocarent, extitisse, multis ille sibi argumentis persuasit. Adhæc, licet tot vitijs immersus, quoslibet tamen veneris dies, ob Dominicæ Passionis memoriam, perpetuo panis, & aquæ ieiunio celebrare consueuerat. Postremò, summo in animo Catholicæ Religionis quendam igniculo calefcebat. Veruntamen cùm tam exilia hæc virtutum semina essent, vt maioribus vitiorum spinis obruerentur; Thadæi mater, perpetuis in oratione lachrymis, à Deo filij salutem postulabat. Deus autem tantarum lachrymarum filium haud perire voluit. Etenim cùm semel quendam Ordinis S. Dominici Prædicatorem concionantem audiret; qui vel vnâ ex tot, qui Concioni intererant,

peccatoris animam à Deo sibi condonari postulabat, secum italoqui coëpit. Heus Thadaë, audistin? tuam hic Prædicator animam à Deo exposcit. Quid cunctaris? aut cur tuam ad Deum conuersionem differs? Hoc ipso igitur temporis momento, vitam in meliorem frugem conuertere statuens, generalem scelerum suorum confessionem instituit, arma deponit, solitarius incedit, amicorum confortia fugit; frequens ad Sacramenta accedit; coram Crucifixo adgeniculatus, ad tertiam, & quartam horam orationem producit. Denique tam mira omnibus visa est huius hominis mutatio; vt eam ab Excelsi dexterâ citra dubium profectam agnoscerent. A Satanâ verò in ipsius conuersionis primordio, incontinentiâ tentatus, mulieri, quæ se in ipsius lectum nudam iniecerat, fortiter obfistens, trophæum de castitatis hoste gloriosè reportat. Post aliquod verò tempus, cum anteaetæ vitæ maculas maiori poenitentiâ delere, sibi in animum duxisset; contigit, vt aliquando de Capucinorum Religione amplectendâ Dei voluntatem exposcens, coram Crucifixo feruentius oraret: quo tempore illa Crucifixi imago caput bis inclinans, Thadaëum compulit, vt quamprimùm à Generali Ministro Religionis habitum postulare: à quo præter Fratrum omnium expectationem, statim ad Religionis gremium admittitur. Post multas igitur Dæmonis infestationes, Thadaëus mutato nomine, sub Ioannis Francisci appellatione, tam cœleste in eâ vitæ genus instituit, vt prioris non solum maculas absterferit; verùm maiori posteriore gloriâ accumulauerit. Tot namque poenitentiæ lachrymis, tam mirâ cordis humilitate, ac patientiâ; tanto denique suiipsius despectu, nouum religiosæ vitæ statum auspicatus est, vt ad sacros Ordines promoueri renuens, humiliorem inter perpetuos Clericos vitam duxerit. Nemo illo pauperior, nemo honestior, austerior nemo. Tam rigidus regularis obseruantie cultor fuit, vt in eâ seruandâ omnem propè modum excederet. Vnicâ, ac obsoletâ connectus tunicâ, asperriimo hyemis tempore, gelu penè constringebatur. Diuinarum rerum contemplationi sedulò vacans, sapissimè tùm orans, tùm in Choro psallens; atque alibi, in mentis excessum rapiebatur; in quo tam profundè à seipso abalienatus conspiciebatur, vt nullo strepitu, nullâ membrorum distortionem, nullâ denique vi, donec impetus spiritus mitesceret, ad sensus reuocari posset. Veruntamen, si superioris imperium accederet, ac aut Dei, aut Beatissimæ Virginis, aut alterius sancti nomine compellaretur, protinus sibi redditus respondebat. Post hæc in Conuentu Castri Bono-

niensis, dum in Choro noctu ecstasi correptus esset, Frater quidam in eum impudenter offendens, vi ad solum impellit: is verò, neque Fratrìs impulsus, neque vim sibi illatam sensit. Mirandulæ, dum in Choro Horæ canonicæ decantantur, is palmis ad sydera tensis, solisq; pedum pollicibus innixus, in excessum assurgit. Rursusq; in eodem Conuentu, dum diutius solito ecstasticus perseueraret; purgatoriæ illi poenæ in excessu demonstrantur. Iterum sub primum noctis crepusculum, in Choro sensibus excedens, tamdiu in excessu immobilis perstitit; quoad Matutinæ Horæ pulsarentur. Mirandulæ Principissa, Ioanne Francisco aliquando præsentē, citharam pulsabat: cuius simul atque is harmoniam percipit, protinus à sensibus aberrat: quo tempore cum diurnarum Horarum codicem aperta, atque extensâ manu gestaret; haud tamen is è manu excidit: sed perinde, ac si palmæ intixus esset, ei stabilis adheret. Id ei quoque sæpius aliàs contigit. His adde, quod in Presbyterio orans, à Magdalenâ, & Clarâ, tertij Ordinis Sororibus, Muti cubito altius à solo eleuatus conspicitur. Hinc illi tam familiaris ecstasis euasit; vt cum eam sub ipsorum sæcularium hominum oculis pateretur, etiam Fratribus nonnunquam molesta esset. Obitum suum prædicens subobscurè, ecstasis suæ Dei donum probat. Prophetico spiritu illustratus, pleraque eorum, quæ futura erant, vel intimos animi motus, & cogitationes perscrutabatur. Denique cum breui se hinc migraturum intelligeret, Barbaram Mirandulæ Principissæ honorariam famulam, his aliquando verbis compellat: Mihi, ô Barbara, quamprimùm longum iter auspicandum est: an non te mihi comitem iunges, vt vnâ iter hoc conficiamus? At illa, cum hæc haud malè de vitæ curriculo conficiendo; verba intelligeret; quædam inter labia mussabat; cum eidem Franciscus: Quid mussas, Barbara? ita planè erit: simul pergamus. Quàm verò id ad amussim contigerit, vtriusque vitæ occasus, qui eadem die accidit, non obscurè comprobauit. Pleraque alia futura, & occulta reuelasse, certo testimonio confirmatum fuit, quæ hic breuitatis studio prætereo. His quædam tantùm miracula, ab eo in Dei virtute patrata, accedant. Cœciliam quandam, Francisci Sentonij filiam, oculi ita argemate laborantem, vt se illius vsu breui destituendam maximè extimesceret, suâ oratione, in ipso temporis momento, integrè incolumitati restituit. Marthæ tertij Ordinis S. P. Francisci sororis bombycinum agmen, velut fame enecatam, post biduum, nondum frondē factum saginâ, Francisci oratione,

ramos conscendit, ac membranaceo folliculo confecto, bombycea circum stamina orditur. Postremò, Elisabethæ Pepolæ, illustris mulieris famulum, substillò affectum, eoq; grauissimè cruciatum, Crucis signo adhibito, mox illum à dolore liberat. His igitur Vir Sanctus à Deo donis abundè cumulat, cum vitam ad canos vsque summâ cum virtutum laude traduxisset, in Mirandulæ Conuentu, extremo morbo correptus, patientiâ, & sanctimoniâ clarus ad Dominum migrat, Anno 1594. ac post mortem nonnullis à Deo miraculis illustratur. Paulus enim ab Argentâ, ex nostris Concionator, graui odontalgia oppressus, cum ipsius dente molares sibi dentes attigisset, confestim pulso dolore conualuit. Rursus, cum pedum dolore vexaretur, cannabaceo eiusdem cingulo ijs adhibito, curatur. Denique, post aliquot ipsius sepulturæ menses, ipsius corpus tam molle, ac tractabile, nulloq; prauo odore imbutum repertum fuit; vt soporantis potius, quam demortui speciem referret.

Fr. ANGELICVS à Castro Veterano, Panormitanæ Prouinciæ Clericus, cum septem in Nouitiatu menses, tantâ vitæ innocentia, mentis puritate, morum excellentiâ, ac virtutum splendore exegisset, vt ipsi Magistro maximæ admirationi esset; ante mortem in mentis excessum raptus, districtam rerum omnium, quæ in Dei iudicio fit, discussionem conspiciens, eam post excessum enarrat. Post hæc animam exhalans, in splendoris flammæ modum, rectâ cælum conscendere cernitur, Anno 1594.

Lucaniæ Prouinciæ Fr. DAMASOENVS à Riuello, Clericus, suis virtutibus illustrat: qui cum vitam magno cum virtutum splendore in Religione duxisset, splendida quoque in ipsius morte lumina è Cœlo delapsa cernuntur,

Anno 1594.



FR. CLEMENTIS PANORMITANI.  
CLERICI.

VITA, ET GESTA.

**E**RATER CLEMENS PANORMITANVS, Panormitanæ Prouinciæ Clericus, vix ex vaginâ erumpens, tantâ virtutum fragrantia in domo Dei olere cœpit; vt cum adolescente etiamnum ætate, vitæ innocentia, morum præstantia, virginitatis candore, obedientia, humilitate, patientia, suiipsius contemptu, orationis studio, omni tandem virtute excelleret; inde maximam omnium animis futuræ sanctimonie spem insculptam relinqueret. Veruntamen, cum septimo post Professionem editam mense, Nari in supremum morbum incidisset, antea actæ vitæ curriculum, tantâ cum virtute peractum Deus ita illustrare voluit; vt cum eodem tempore Graſta Baronissa, quæ plurimâ in eâ vrbe virtute florebat, in lecto ægrotaret, eidem Clemens per nuncium obitum, obitus horam, & post celerem mortem gloriam, quam post aliquas purgatorias pœnas consecutura erat, ad amissim prædixerit. Alteri quoque mulieri Narenſi Tertiarię, quæ Francisca appellabatur, vitæ occasum, eodem anno futurum, prædixit. Demum præscriptâ sibi quoque mortis horâ, quæ post Baronissę obitum, in eiusdem noctis aurorâ, futura erat, Fratribus præsignificatâ; quo tempore Baronissę anima è corpore migrat, ita adstantes affatur: En iam Baronissę anima in cœlum conscendit: modicâ enim Purgatorij pœnâ toleratâ, eam B. P. Franciscus celerius in cœlum extulit. Paucis post hæc elapsis horis, cum aurorâ appropinquante, iam ad vitæ occasum atcederet, sensibus excedens, ad cœlestia contemplanda ab Angelo effertur; tùm placidè in Domino obdormiuit, Anno 1595.

FR. CLEMENS PLACENTINVS, Clericus, in Bononiensi Prouinciâ, haud minori virtutum luce emicat; qui cum in Placentinâ Vrbe, nobili Rusticorum genere ortus esset, maiori virtutis nobilitate in Religione præfulsit: Dum enim Christi Domini probra, ignominias, atque illatas contumelias assiduè in animo versât; tanto in eas studio, & cupiditate ferri cœpit; vt sæpè, quo ab alijs despici, derideri, ac ludibrio haberi posset, occasiones captaret. Hinc, cum

& perfecta mentis humilitas, & patientia, & sui ipsius odium, ex quo ceteræ virtutes exordium sumunt, in eum proficiscerentur: tùm maximè feruens quædam in eo charitas ardebat; quæ cùm ad illum ad sedulum orationis studium pelleret, ad maiora illius animum, proculdubio indies virtutum incrementa parabat. Verùm, cùm necdum octauo in Religione anno peractò, in Conuentu Ferrariæ morbo correptus fuisset breui consumptus, expleuit tempora multa. plurimâq; virtute senem, dum IESVM CHRISTVM sibi in morte occurrentem lætus cernit, in ipsius sinum animam suadit; octauoq; circiter ab ipsius sepulturâ anno, inter sepulchri aquas, incorruptus conspicitur. Obijt Anno 1597.

In Consentinâ Prouincia Fr. IOANNES BAPTISTA à Bisciniano, Clericus, genere, & virtute illustris celebratur: cui magno sanguinis vomitu in itinere correpto, cùm Angelus, sub elegantissimi iuuenis formâ, equum, quoad Monasterium veheretur, ministrâisset, vitam propemodum Angelicam, Aciri, sine haud dissimili concludit, Anno 1598.

## Fr. FRANCISCI NARENSIS.

### CLERICI,

#### VITA, ET GESTA.

**B**EATER FRANCISCVS NARENSIS, Clericus, tantâ in Beatissimam Virginem deuotione efferbuit, vt cùm de eâ aliquid sibi narrari audiret, præ amoris æstu, animo quodammodò liquefieri videretur. Huic tam ardenti in Beatissimam Virginem pietati, cùm virginitalis, & reliquarum virtutum, quibus omni studio trium annorum spatio insudauerat, cumulus accederet; vberius à Beatissima Virgine præmium accipit; extremo enim morbo correptus, triduo, antequam è vitâ excederet, Beatissimam Virginem albâ veste indutam, Regioq; duodecim stellarum diademate coronatam, quam multa Virginum agmina sequebantur, ad se venientem cernens; Fratres, qui lecto adstabant, mox admonet; vt inclytam Cœlorum Reginam, ac Dei Matrem magnâ reuerentiâ excipiant: cumq; sæpius in triduo appareret, atque ita cum eo familiariter conuersaretur, vt pleraque cum etiam Cœlestia doceret; tandem sui, ac duorum Fratrum obitus horâ prænunciatâ, eadem ipse,

atque

atque alij quoque sua morti tributa persoluunt. Obijt igitur Franciscus, Anno 1599.

In Genuensi Prouinciâ, Fr. IOANNES MARIA Genuensis, Clericus, miræ obedientiæ, ac innocentia Vir; qui Taurini peste laborans, antequam è vitâ migraret, candida in ipsius fenestrâ columba conspicitur; quæ tam diu ibi immobilis ita perstitit, donec is animam efflaret. Anno 1599.

Ex eâdem Prouinciâ accedit Fr. MICHAEL ANGELVS Genuensis, ex nobili Nigrorum familiâ, Nouitius Clericus; qui vsque adeo in Beatissimæ Virginis amorem exarsit, vt eam, etiamnum in paternâ domo existens, sibi aureo annulo desponsauerit. Post hæc à Domino ad Religionis gremium vocatus, Barulo Genuam profectus, inter Nouitios ascribitur, & in Corsicam mittitur: vbi post vndetragesimum probationis diem, pietate, & vitæ innocentia clarus, ad Dominum migrat. Anno 1599.

In Panormitano Conuentu, cùm multorum Fratrum corpora, quæ diu in antiquo sepulchro iacuerant, in nouum translata fuissent; quinquagintaquinque Fratrum corpora integra reperta fuere; atque inter ea cuiusdam Seraphini Panormitani, Clerici, qui 32. abhinc anno obierat, corpus vultu ita rubicundo, ac flauis capillis, perinde ac si viuum esset, reperitur. Anno 1599.

Alterius quoque AVGVSTINI Tyraceniensis, qui trigesimo ante anno diem extremum clauserat, carnem ita incorruptam, ac solidam experiuntur; vt nec ab eo capitis, nec barbæ pilos, nisi violenter, auellere valerent.

Fr. FRANCISCVS à Molliario, Clericus Picentis Prouinciæ, tantâ præsertim erga infirmos charitate præditus fuit; vt dum Fratris cuiusdam vlcus, ex quo sanies copiosa fluebat, abstergeret; illud osculo petens, confestim sanauerit; tantæq; austeritatis extitit, vt post mortem aspero cilicio contactus apparuerit. Obijt 1601.

Hydruntina Prouincia Fr. PETRVM à Martinâ, Clericum, magnum virtute celebrat; qui vitæ austeritate, abstinentiâ, carnis, ac sensuum mortificatione, patientiâ, & præsertim humilitate ita insignis fuit; vt cùm se Sacerdotis dignitate indignum iudicaret, ab eâ spontè abstinuerit: duos Diabolico fascino illigatos Coniuges oratione, & sacri Agni cerei virtute soluit; ac demum Massafra magnâ cum virtutum laude supremum Deo spiritum reddidit. Anno 1601.

Fr. BASILIVS Genuensis, Clericus Genuensis Prouinciæ, tam insigni vitæ innocentia præditus fuit, vt cùm vix Religionis votis



solenini ritu nuncupatis, in supremum morbum incidisset, Beatarum Virginum Chorus eidem apparens, post consolationis verba, suum illi obitus diem indicauerit: atque hoc pacto, qui purus, & Virgo ad Religionem accesserat, virginum Choro copulandus, præscriptâ die è vitâ emerfit, Anno 1603.

Fr. FRANCISCUS Rhegiensis, Gallo-Ligur, Clericus in S. Ludouici Prouinciâ, cum Equitum S. Ioannis Hierosolymitani numero adscribendus esset, S. P. N. Francisci, & B. Antonij Olysiponensis visione, ad Capucinatorum Ordinem prouocatur: in quo obedientiâ, humilitate, patientiâ, vitæ innocentîâ, & præclaris omnibus virtutibus fulgens, amplioris adhuc profectus spem immaturo vitæ occafu intercept: eadem verò sui obitus horâ, Dominico cuidam sæculari viro, suo olim condiscipulo, iucundus, ac festius apparet; quo factum est, vt & is ad Capucinatorum Ordinem transierit. Obijt 1604.

Fr. IOSEPHVS Valentinus, Clericus, virginitatem, quam inter sæculi pericula illibatam seruauerat, integram, ac perpetuam ad obitum vsque perduxit. Vir perpetuæ orationis fuit; in quâ sæpe ecstases, & raptus passus, nonnunquam toto corpore in sublime elatus cernitur; finemq; vitæ consimilem sortitus, Olberîæ mortales exuias deponit, Anno 1605.

Fr. ÆGIDIVS Mediolanensis, Clericus, plurimæ in Mediolanensi Prouincia, innocentîæ, & orationis commendatur; in quâ plerumq; ecstases passus, vitæ occasum, quem sibi prædixerat, magnâ virtutum laude illustrauit, Anno 1607.

In Cathalonîæ Prouincia Fr. IOANNES à Pressanâ, Clericus, tantâ honestate, puritate, ac mentis innocentîâ, vitam in Religione duxit; vt angelicam vitæ rationem æmulari videretur. Quo factum est, vt in ipsius obitu Angelorum cantus auditi fuerint, Anno 1607.

In eadem Prouincia Fr. BONAVENTVRA Barcinonensis, Clericus, obedientîæ virtute ita insignis fuit, vt non semel pedes in ardentibus prunas illæsus intulerit. Humilitate, patientia, charitate, oratione, ac cæteris virtutibus diues. cùm ad vitæ finem peruenisset, obitus sui die prænunciato, hinc purus emigrat,

Anno 1609.

Fr. ANGELI VALENTINI.  
CLERICI

V I T A , E T G E S T A .



**E**RATER ANGELVS VALENTINVS, Clericus, flos multarum virtutum odore fragrans, quò breuior ei vitæ, ac Religionis cursus, eò copiosior, ac cumulator virtus fuit. Cùm enim in ipso iuuentutis flore, pretioso virginitatis thesauro locuples, plurimâque tum pietatis, tum innocentia, tum morum honestatis suppellectile comparatâ, ad Religionem accessisset, adeo breui tempore in eâ sibi virtutum opes auxit; vt facillè percipi posset, breuem cum annorum ætatem coaceruatę virtutis vsurâ compensare. Obijt hic nomine, & re Angelus in Conuentu Valentia; vixq; illius anima è corpore soluta, matri intempestâ nocte, gloriosâ, ac Cœlesti luce coruscans apparet. Nonnullis post Angeli obitum diebus, cùm ipsius Pater, Vir multâ pietate præditus, extremo cum morte agone conflictaretur; Beata Virgo simul cum Angelo filio, ægrotanti apparet, eundem ad Cœlestia præmia alliciens. Post verò Patris obitum, cùm filius eius iunior Garrides, matre inuitâ, ac reluctante, vxorem duxisset; ob idq; à matre domo eiectus, matris imperium, ac reuerentiam contemneret; graui, ac insanabili à Deo morbo mulctatur. Cuius dum partes Theodora soror aduersus matrem tuetur, nocte intempestâ somno vacans, capitis comam sibi vehementius extorqueri sensit: quæ dolore expergefacta, Angeli vocem sibi dicentem audit: Theodora, Theodora, quid in animo versas? Tunè praua fratris vestigia sequi tibi in animum inducis? Scito, Fratrem nostrum ob indignum facinus æternæ gehennæ ignibus à Deo mancipandum fuisse, nisi mea, ac Patris suffragia, Dei in eum iram placassent. Idcirco hoc tam graui morbo à Deo castigatus resipiscat: quod si id egerit, maturè ab eo liberabitur. Atque his dictis abscessit. Post hæc, cùm eadem Theodora in superiori domus cubiculo circa meridiem nonnihil operis ageret, cuiusdam vocem percipit, se proprio nomine appellantem: Theodora. Cui illa, quidnam ille sit, respondet. At vox iterum vehementius inclamans: Theodora, Theodora, eam, vt statim egrediatur, compellit. Quæ vt Angeli fratris vocem esse agnouit, statim egreditur. Vix autem

paruo post ipsius egressum tempore elapso, cubiculi tectum corruit: ex quo fratrem sibi è cœlo patrocinatedum fuisse intelligens, eidem pro beneficio gratias reddit. Obijt verò Vir Dei Anno 1609.

Fr. IOANNES à Versuchio, Clericus Bononiensis Prouinciæ, patientiæ, honestatis, atque omnium virtutum laude ornatissimus, maturius à Deo ad cœli præmia vocatur; atque eadem sui obitus horâ, Claræ sorori, tertij Ordinis Moniali, lætus, ac festius apparet, eam, ob nonnullas, quas patiebatur, molestias, mœstam consolatur. Obijt Anno 1611.

## Fr. ALEXII A VIGLEBANO.

### LAICI

### VITA, ET GESTA.



ERATER ALEXIVS à VIGLEBANO, Vir plurimâ virtute, ac sanctimonia illustris, in humili Laicorum statu, Domino deseruiens, integerrimo paupertatis cultu, quam sibi ad arctissimam necessitatem contraxerat, diuinarum sibi rerum cumulum auxit. Singularis abstinentiæ exempla posteris relinquens, se orationis, ac deuotionis spiritum eoque ignorâsse affirmabat, quoad gulæ appetitum sibi coërcendum proposuisset, sensusq; ab omnibus corporis oblectationibus subduxisset. Hinc in seipsum rigidus, Euangelico odio tam seuerè proprium corpus prosequeretur; vt nullas non modò illi voluptates indulgeret, verùm etiam improbis laboribus fatigaret, flagellis tereretur, vigilijs extenuaret, ac varijs carnis macerationibus conficeretur. Tantâ erga omnes, ac præsertim ægrotos, charitate flagrabat, vt omnibus, velut Angelis Dei obsequendum; infirmos verò, tanquam Christum Dominum totâ animi pietate curandos suscipiendosq; doceret. Humilitatis autem & obedientiæ virtutes ita coluit; vt cum utrâque præcelleret, quænam in eo clarius emicaret, facile dignosci non posset. Ad orationis cum primùm se studium contulit, nullâ in eo suauitate ac gustu fruens; semel in ipsâ sacrâ Dominici Natalis nocte, in quâ Deus cum filio omnia nobis donare paratus est, profusis lachrymis, quibus & totius corporis flagellationem adiungebat, orationis, & compunctionis suauitatem postulat; quam hoc ipso tempore à Deo tam affluenter accepit; vt sæpe vsque ad sextam, ac

septimam horam deinceps in oratione defixus perstaret. Ante Matutinas horas surgens, diu etiam his peractis, in oratione perseuerans, longas in eâ vigiliis ducebat: tantopereq; rerum diuinarum studio affici cœpit, vt ab ijs diuelli vix posse videretur: vniuersis Missarum Sacrificijs deuotissimè intererat; quotidie Christi Domini corpore saginabatur: ex quo, eximia in ipsius animo erga Sacrosanctum illud diuini amoris Sacramentum, religio assurgebat. Hominum ac Fratrum, quoad fieri poterat, colloquia fugiens, ad solitudines, orationis amicas, lubentius secedebat. His tamen animi virtutibus sedulo, ac indefesso labore Alexius totus insisteret; imprudens tamen, minùs eâ charitate præditus erat, quâ aliorum infirmitatem & imbecillitatem ferret: quo fiebat; vt & ad alios iudicandos pronior, & ad corripiendos acrior, ac seuerior esse soleret, Ab hoc itaque animi morbo cùm Alexium D. O. M. curare vellet, tempus opportunum expectat, quo is Epiphaniæ ieiunium, cuius iam instabat exordium, austerius solitò aggredi cogitat; Semel igitur, cùm ardentiores ad Deum preces funderet, quibus de salutis suæ statu ab eo certior fieri postulabat, Dominum IESUM indignatione plenum stantem videt, qui duris his illum verbis increpat: Tu ne, Alexi, inter seruos meos recenseri postulas, qui, quod meum est, tibi vsurpas? cæteros iudicas, si quando minùs austerè viuant, atq; alia corporis solatia sibi indulgeant? Qui spiritu infirmos; haud eâ, quâ decet charitatis lege, suscipis, neq; eorum imbecillitatem sustines? Qui tandem acriorem te censorem præstas, quos orationi minùs insistere, vel in eâ remissius se habere tecum iudicas, quorum orationes fortè mihi longè tuis gratiores sunt? Tu ergo, si inter seruos meos adnumerari optas, satage, vt ab his omni studio caueas, ne tibi aliquando grauius irascat. Atque his statim dictis abscessit. Alexius verò, & Domini indignatione, & proprio crimine, quod hætenus ignorauerat, perterritus; tot lachrymis, tantâq; mentis humiliatione, per totum illud Quadragesimale tempus culpam eluit; vt cunctorum sese fratrum pedibus substerneret; nullis tandem apud Deum lachrymis parceret, quibus delictum abstergeret. Denique tam perfecta ipsius pœnitentia fuit; vt sub huius ieiunij finem, eundem Dominum sereno vultu sibi apparentem conspexerit, atque ita placatum acceperit; vt post consolationis verba, quibus & ipsius apud alios humilitatem velut sibi gratissimam commendauit, & ad bonorum operum perseuerantiam eum excitauit, illi tandem salutis certitudinem promiserit. Consenuerat tandem Vir sanctus,

illustriorisq; vitæ cursus, tot præclaris virtutibus consummatus, ad iustitiæ coronam vocabatur, cum Bergomi extremo languore corripitur: quo tempore, postquam iunioribus perfectioris vitæ documenta reliquisset, animæq; domicilio pœnitentiæ scopis munito, & ad Domini aduentum Sacrosancto Eucharistiæ Sacramento, atque ardentioribus cœlestis patriæ desiderijs præparato, ad vitæ occasum properaret; nonnullas sibi in cella rogat faces accendi. Cuius rei cum ab eo causa quæreretur: Quamprimum, inquit, huc Beatissima Deipara, ac S. Iosephus accessuri sunt, quos digna veneratione prosequi oportet. Vix hæc effatus fuerat, cum extemplo clamare cœpit: En cœlorum Regina, ac S. Iosephus adsunt. Affurgite, fratres, genuflectite, ac dignis illos honoribus excipite. Hæc ubi in strato assurgens deuotissimè protulit, iterum caput in puluim inclinans Anno 1581. atque ipsâ die, quæ S. Iosepho sacra erat, & quem per totum vitæ curriculum multâ semper veneratione prosecutus fuerat, extremum Deo spiritum reddidit.

## FR. BONAVENTURÆ VERONENSIS

### LAICI GVARDIANI

#### VITA, ET GESTA.



**B**RATER BONAVENTVRA VERONENSIS Laicus, Vir regulari obseruantia, & sanctimoniâ clarus, cum in Venetâ Prouinciâ Capucinatorum militiæ nomina dedisset; præclara in eâ pudicitiaë omnibus exempla reliquit. Hic enim Venetijs stipis collectorem agens, quandoquidem vultus elegantia, & corporis pulchritudine, nec non morum venustate præcellerat, à mulieribus sæpè incontinentiaë tentatus, tam strenuè contra domesticum hostem pugnavit; vt inde non aspernandum morbum contraxerit: blandum tamen hostem magis fugiendo, quam colluctando deuincere sperans, è Veneta Prouinciâ in Picentem transmigrat, vbi carnem quotidiano labore fatigans, panis, & aquæ ieiunij vt plurimum extenuat; asperioribus flagellis cædit; tamq; dirè exagitat, vt nullam prorsus ei requiem aut solatium indulgeat. Æstiuo tempore, tametsi laboribus defatigatum, ardentissima eum sitis inuaderet, haud tamen vel aquæ frigidæ calicem vnquam sibi indulgendum voluit; & cum inter brumales glacies cuncta frigore rige-

rent,

rent, vix vnquam praterquam improbo labore, membra calefacere consueuerat. Somnus brevis, longas illi noctu vigilias ministrabat: cùm enim ante Matutinas horas surgeret, post illas à somno abstinens, ea omnia horarum spatia, quæ vsque ad diei ortum interfluunt, orationi, ac rerum diuinarum contemplationi dare solitus erat: quam copiosæ semper lachrymæ aspergebant: cum autem nulum vnquam tempus illi absque oratione esset, assiduo hoc orationis studio Dæmon pertæsus, varias illi ob id molestias inferebat, quas Vir patiens cùm æquo animo fert, haud vulgares de hoste triumphos reportat. Altissimam paupertatem zelans, ne pannis Fratrum comparandis pecunia infunderetur, pannos, qui totius Prouinciæ fratribus fatisissent, texebat; Id verò quàm diuinæ Maiestati gratum fuerit, Dominus eidem aliquando oranti apparens, ac cum eo familiariter colloquens, declarauit: quo in colloquio tam multa eum de Euangelicâ Minorum paupertate docuit; vt vir Dei post hæc nihil ardentius, quàm paupertatem quæreret. Humilitatem verò paupertatis amicam vsque ad eò coluit, vt vilissima quæque domus officia, etiam cum Guardiani officio fungeretur (quo in munere tametsi Laicus, ob singularem animi prudentiam, sæpenumero versatus fuit) iucundissimè præstabat. Denique cùm omnium in seipso virtutum formam præseferret, gratissimum Deo, Angelis & hominibus, suæ vitæ innocentiam, morum integritate, obedientiam, simplicitate, charitatis ardore, & perfectâ regularis obseruantiam normâ spectaculum præberet, Angeli sui custodis haud rarò visione, ac colloquio potitur; à quo inter cetera cœlestis vitæ documenta, cùm perfectam regulæ obseruantiam didicisset, ab eodem æternæ tandem salutis certior redditur. Cùm autem nonnullis ante obitum annis, grauissimo ac molestissimo morbo, qui illi ab Angelo prædictus fuerat, probatus fuisset, stranguriâ laborare cœpit, cuius morbi acerbicatem, cùm diu patientissimè tulisset, hoc probationis igne expurgatus, Loris ad immortalis vitæ coronam peruenit, Anno 1581.

\* \* \*



FRATER VITVS HYRMINIENSIS FRATRVM CAPVCINORVM  
LAICVS



quo familiariter utebatur, auxiliarem sibi socium adsciuisset, ab eo in popinâ ad columnam alligari, noctuque tamdiu funiculis cædi, ac verberibus contundi voluit, quoad is gemitus aliquot ederet: quos Matthæus præsentiens: Num, inquit, Vite, ob verberum dolorem gemis? Cui Vitus: Quid de gemitu, Matthæe, interrogas? ait. Non Vitus, sed hostis gemit. Tu opus tuum viriliter prosequere: nec te fallacis hostis gemitus ad commiserationem moueant. Inter hæc tam profunda, ac perfectâ in eo mentis humilitas elucebat, vt non solum ipsos honores, & gloriam contemneret, verum probra & ignominias vtrò sibi propter Christum accerferet. Etenim Tyraceni in Gloriosissimæ Deiparæ Assumptionis solemnitate, nudus solis sibi fœmoralibus, relictis, in maximâ populi frequentiâ ante Ecclesiæ fores deambulare cœpit, vt tanquam delirus, ac mente captus haberetur; cùm autem ob id durius à Guardiano his inter alia verbis increparetur: Heu infelix! quâ te nunc pœnitentiâ prosequar? Confestim Vitus: Dignâ sane, Pater, si me eo planè modò, quo me nunc in Conuentum recepi, eo redire iusseris. Quâ ex voce Guardiano, ac cæteris perspectum fuit, id non leuitate animi, sed summâ virtute, atque Euangelico, quo in seipsum ardebat, odio, ab eo patratum fuisse. Spineam quoque coronam, dumis acutissimis obstitam, in cellâ repositam habebat, quam sæpe, vt Saluatori languorem pro languoribus vicissim rependeret, capiti impositam, & compressam secretò gestabat; Cùm verò quadam die Fratres omnes honestæ animi recreationi vacarent, solusq; cum Eusebio popinæ præfecto domi relictus esset, ita Eusebium affatus: Eusebi, vides cæteros Fratres varia sibi solatia eligere, nùm & nobis nostra solatia non erunt? Haud sane: quapropter si mecum sentis, ego mihi meum, tu tuum tibi, quod magis vnumquemque delectat, animi solatium eligamus. Annuente Eusebio, Vitus ait: Prior ego supinus prosternar; tu verò bis, terque super os vultum, cervicemque pedibus gradiens, meque conculcans: Religionis dedecus, ac ignominiam appellabis. Cui mox Eusebius: si id â me tibi præstari optas, tu humeris nudatum egregiè tuâ manu flagellans, me seruum nequam, contumacem, pluribusque plagis dignum nuncupes, necesse est. Hæc dùm vterque præstitisset, qualia horum virorum solatia essent, perspectum esse potest. Tam arctâ quoque silentij lege, Vitus, seipsum obstringebat; vt per triennij spatium, lapillum, linguæ cenforem, ac pædagogum in ore

gestaret, Arcopagitaq; taciturnior deinceps solitaria duntaxat loca, silentio amica quæreret. Vt autem mentis puritatem perfectius sibi acquireret, quanquam illi familiare esset, à mulierum sibi colloquio, aspectuq; cauere: aliquando tamen id sibi animo præstituit, per triennium nullius, neque hominis, neque mulieris vultum prorsus intueri: quod cum reipsa præstitisset, Deo nihilominus ad exercitium permittente, in eo tam ardens libidinis flamma à Dæmone excitata fuit, vt cùm eam, Vir Dei, nullo ieiunio, nullâ corporis castigatione, nullâq; orationis vi restinguere posset, habitum exutus, nudum se, asperrimo hyemis tempore, sub gelido aëre, in profundam aquæ foueam, penè gelu constrictam, immittens, non victus, sed victor, illustre de Dæmone, ac domestico hoste trophæum reuexerit. Frater itaque Hunilis Abulensis, Sacerdos, qui multorum annorum spatio, Vito à Confessionibus fuit, quique illius vitam, & conuersationem accuratissimè obseruauit, atque alij ex Fratribus complures, id sub iureiurando affirmarunt, Vitum ita omnium virtutum genere ornatissimum extitisse, vt in eo quid homines carperent, aut reprehenderent, prorsus non haberent: quid verò laudarent, aut imitarentur, abundè conspicerent. Porro, inter alia virtutum genera, quibus is præcellere videbatur, quatuor potissimum referuntur. Primum, simplex quidam oculus, quo cuncta, non nisi meliori sententiâ iudicabat. Secundum, honestissima corporis compositio, ac morum disciplina; vnde cum triennio nullius vnquam Fratris vultum, lege sibi constitutâ, contemplatus fuisset, eo expleto, aliquando Ecclesiam ingressus, Dei vocem in animo sibi loquentem audire visus est: Vite, quandoquidem propter me hominum aspectum subtraxisti, æquum est, vt deinceps meo aspectu fruaris. Quo ex tempore cœlestes animo cogitationes experiri cœpit. Denique illud singulare ipsius honestatis argumentum fuit, quod cùm decem & septem annos cum Imarâ Ruffâ, Hybliensium Principissâ, familiariter conuersatus esset, nunquam se illius vultum conspexisse, neque eam ex facie, sed ex verborum tantum sono agnouisse, Fratri cuidam familiari fassus fuerit. Tertium præstantissima mentis obedientia, quam D. O. M. illustri facto commendare voluit, vt quantopere eâ præcelleret, agnosceretur. Quo tempore Tartarici Conuentus ædificabatur, contigit, vt lectio in mensâ legeretur, in quâ de cuiusdam Monachi obedientiâ agebatur, qui cùm ex Abbatis præcepto vas olearium è fenestrâ proiecisset, in perfectæ obedientiæ testimonium, nec vas contractum, nec oleum effusum fuit:

Guardianus verò, vt Viti obedientiam probaret, eo audito miraculo, protinus ad Vitum: Quid, Vite, (inquit) num si hoc ipsum tibi præciperem, huius obedientiæ meritum assequerere? Cui Vitus: Ego quidem (inquit) iussu absque cunctatione præstarem: Deus autem potens est, & vas, & oleum, sicut olim, ita & nunc integrum seruare. Age igitur (ait Guardianus) lecythum oleo plenum è fenestrâ projice, vt qualis tua obedientia sit, nobis innotescat. Mox Vitus acceptum lecythum è fenestrâ præcipitem dat: qui cum ex alto emissus in faxa impegisset, nihil tamen ab his latus, ac ne guttâ quidem olei effusa, integer à Fratribus reponitur. Quartum denique, iugis, ac indefessa oratio, ac pene perpetuus in Deum ascensus erat, cui Vitus inter prima illa sui tyrocinij exordia vacare cupiens, cum grauiori vt plurimum somnò impediretur, vt tandem victor euaderet, venas vtriusque brachij pulsátiles tenui funiculo sibi obstringere solebat; vt quem rerum cœlestium amor, indefessaq; animi vigilantia superare non poterat, saltem dolor effugaret. Ex omnibus Orbis creaturis, velut ex flosculis, Vir Dei, apis instar, Dei laudes colligere solitus erat: atque adeo in hac rerum consideratione mente excedebat, vt plerumque popinæ ministerio incumbens, ardentes ipsas prunas manu caperet, atque igni circumfusus Fratres ad diuinas laudes prouocans, diceret: Cernite, Fratres, quàm pulchrum, quàm splendidum, quàmq; vtile elementum nobis maxima Dei clementia protulit? cumq; diutius prunas manibus gestaret, haud tamen ab his vllum veldammum, vel ignis adustionem patiebatur. Tam etiam ardentem, ac tanto spiritus impetu in Deum, vt plurimum, orando ferebatur, vt non solum in frequentes mentis excessus raperetur; sed toto corpore in aëra sepè efferri contingeret. Frater enim Franciscus à Calatanissetâ, Vitum aliquando in cellæ angulo orantem, cœlesti luce circumfufum, & ad cellę vsque tectum corpore subleuaturn cernit, idq; sequenti nocte secundo conspicit. Rursus in Conuentu Tyraceni, Fratres aduenæ, qui à Vito nonnulla, quæ sui muneris erant, postulatum accesserant, luminibus in cœlum arrectis, ac toto corpore humo altius subleuaturn vident, ac in eodem Conuentu, ipso sacrę Pentecostes die, mens illius humana transcendens, in Deum tota absorpta: corpus etiam in sublime elatum, tam fulgenti vndique luce rutilare cœpit, vt non humanam, aut mortalem, sed cœlestem prorsus, ac immortalem formam indueret. In Panormitano verò Conuentu, aperto Viri sancti cellę ostio, Vitum in aëra vsque ad lacunar elatum, clarissimūq; illius capiti

lumen insidere conspicit, ac tandem ab eo, silentio prius imposito, discit: lucem illam, quam ipsius capiti circumfusam conspexerat, claram sui ipsius cognitionem à Domino fluentem fuisse, quam diuturnis ab eo precibus postulauerat. Verùm & geminorum quoque Fratrum, qui nuper ex hac luce migrauerant, salutem sibi tunc reuelatam fuisse, quorum tamen necdum ad eos nuncius peruenerat, aperit. Vix autem postea dies illuxerat, cùm Fratrum illorum obitus familiæ per literas innotuit; vt vera, quæ Vito reuelata fuerant, probarentur. In eodem quoque Panormitano Conuentu, cùm semel in Conuentuali Missâ, cui tota Conuentus Familia interesse solet, sacrum Christi Corpus de more à Sacerdote extolleretur, is quoq; in omnium oculis altiùs corpore efferri cœpit. Motuæ ibidem cùm in lecto Vitus ægrotaret, Frater Bapt. Motucensis infirmorum præfectus, ad eum statâ noctis horâ accedens, illum recto corpore suprà lectum orantem, nec tamen lectum pedibus contingentem, extra sensus raptum intuetur. At neq; hæc Dei dona oranti tantummodò communicari consueuerant; nam quotiescunque vel de rebus diuinis confabularetur (de quibus interdum, tametsi ab omni literarum notitiâ longè abesset, tam altè disserebat, vt humano sensu capi non posset) vel alios sermocinantes audiret, ita spiritu excedere visus est, vt cùm plerumque in multorum oculis extra sensus ageretur, paulatim toto corpore è solo assurgentem, donec cubito altiùs in æra extolleretur, conspicerent. Plurimas hunc Virum à Deo, tùm futurorum reuelationes, tùm cœlestes visiones accepisse, communis ac constans illorum temporum fama fuit. Fr. Archangelus à Calathahieronis, Nouitiorum Magister, dubitans de Nouitij alicuius in Religionis gremium assumptione, Fr. Vito mandat, quatenus Beatiss. Virg. quid in eâ re factò opus sit, in oratione consulat. Vitus Guardiani mandatum explet, ad orationem se confert, quam necdum expleuerat, cùm illustri Beatissimæ Virg. nec non Angelorum visione potitur, ab eâq; mandatum accipit, ne Guardianus hominem recuset, illiusq; conuersionem ædificatoriam fore affirmans, ad superos redijt. Dæmonem sæpè in orationibus Fratribus insidiantem vidit, eiusq; versutias ac dolos detegit. Cæterùm inter cœlestes visiones, quibus benignissimus Deus fidelem seruum suum frequentius consolari consueuerat, quædam illustris refertur, in quâ cœlestis patria sub typo nouæ Ciuitatis Hierusalem, qualis à Ioanne in Apocalypsi describitur, illi demonstrata fuit; quæ autem in eâ ab eo visa sunt, tam altè hominis sensum excedebant, vt diuinitus illi præceptum fuerit, ne ea

mortalium vlli aperiret. Hoc verò rerum diuinarum intuitu, quo sapienter orandum fruebatur, præ voluptate spiritus liquescens, celestis patriæ delicias animo, velut præsentem degustabat. Summâ, Vitus, quoad vixit, Virginem Deiparam veneratione prosequiebatur; at cum aliquando, numero rosariorum apud se præstituto necdum absoluto, ad orationem accessisset; Virgo Deipara præclarâ quidem, sed minus illustri, quàm aliàs veste amictam se illi spectandam offert. Cuius rationem cum is à Beatissimâ Virgine humiliter sibi aperiri postulasset, his ei verbis Deipara respondit: Me quidem mea me pulchritudo non deserit; sed cum integra, ac perfectâ necdum abs te orationum, ac salutationum, quibus me ornare soles, ornamenta acceperim, ne mirêre, quod semiornata apparuerim. Porro simul atq; integra ornamenta contuleris, gloriosam me, & vt optas, perfectè ornatam perspicias. In Conuentu Gibilmannæ, cum lampas, quæ ante Sacrosanctiss. Sacramentum ardere solet, oleo exhausto, iam iam flamme interitum minaretur, nihilq; olei in lecytho superesset, lecythum oleo vacuum, Beatissimæ Virginis intercessione, plenum reddit. Iterum in Conuentu Tyraceniensi popinæ lecythum oleo vacuum, obedientiæ merito plenum præstat. Mira erga afflictos, atque angustia aliquâ pressos, in Viro Dei pietas elucebat, quod multiplici exemplo manifestum fuit. Atque inprimis in suo Hyrminij oppido, cum ex Iosepho Mazzâ, honestissimo viro, & Margarethâ coniuge, filius adeò deformis, ac monstro similis natus esset, vt vix quicquam humanæ formæ præferret, eo maximè parentes afflictabantur, quod eum familiæ dedecus esse existimarent, remque desperatam esse crederent. At Vitus, cum ipsos consolatus fuisset, instaurare animos, atque in meliorem spem erigere iubet; mox ad Conuentum rediens, Deum impensius nocte pro puero orare coepit. Necdum Vitus orationem absoluerat, cum puer repente totâ facie ac corpore mutari; & qui monstri formam præferebat, perfectâ membrorum compage, ac honestâ vultus specie dein constare visus fuit. Hoc modo & alteri Hyrminiensi puero, qui tam graui oculorum morbo laborabat, vt eo ad vitæ occasum pertraheretur, luminum incolumitatem à Deo precibus obtinet: nam quo tempore pro illo Vitus ad Deum preces fundit, ægotans leui quodam sopore detentus, longiori post quietem spicæ tritici aristâ, quam in oculo gerebat, inde proiectâ, protinus oculorum incolumitatem recipit. At celebre illud, quod in oppido Tartarici post hæc accidisse, probatiora nostra M. S. ferunt. Cum enim nostris tunc

Conuentus ædificaretur, Vitus ædificationi præerat: quo tempore contigit, vt is in Philippum Seuillum, & Iacobum filium de vineâ redeuntes, incideret, qui, cùm ingens damnum, quod à porcorum grege tulerant, qui ante vindemiæ tempus, tunc vineam ipsam deuaftauerant, præter omnem modum lugerent, eos Vir Dei primùm verbis solari, animosq; in meliorem spem erigere conatur; sed cùm ij exilis ac tenuis fortunæ essent, omnemq; sibi vindemiæ spem ereptam viderent omnem prorsus consolationem respuere, maioriq; dolore obrui videbantur. Quibus tandem Vitus: Quid (inquit, tantopere illata vineæ damna deploratis? Moerorem abijcte, nulla certè damna sunt: vnà, amabo, ad vineam pergamus. Hoc pacto, simul ad vineam redeuntes, vineam totam perlustrant, vt qui eam proprijs oculis prius magnâ ex parte deuaftatam viderant, summâ admiratione vberes ex pampinis vuas pendentes, integros racemos, luxuriantemq; botris vineam cernunt. Hoc eodem tempore, cùm Iacobus & Paschalis Fratres, Philippi Seuilij filij, viro Dei præfente, proceram quandam arborem conscendissent; accidit, vt ramo, cui Iacobus altius infidebat, perfractò, cadens is in Paschalem impingeret. Quo casu ambo in terram delapsi cùm mortui crederentur, ita Viti oratione seruantur, vt nullum prorsus ex lapsu detrimentum senserint. Iam Vitus septuagesimum circiter annum agebat; ex quibus in Religionis agro proprijs virtutibus excolendo quinquaginta strenuè ac fideliter laborauerat; cùm eum Deus ad laborum præmia euocans, ipsam naturalium agentium conditionem imitatus, quorum motus celerior est in fine, perinde ac si tunc primùm virtutum tyrocinium ponere cœpisset, cuncta austerius ac diligentius prosequi cœpit. Postquam verò diutinum languorem maximâ cum patientiâ, & alacritate sustinuisset; quo tempore tam præclara virtutum exempla, cœlestisq; vitæ documenta Fratribus reliquit, vt vniuersos ad sui admirationem raperet; purus tandem, ipsâ octauâ die, in quâ Beatissimi P. N. Francisci transitus diuinis officijs celebrari solet, sub lucis occasum, vitæ cursum peregit, cum B. P. perpetuò (vt creditur) regnaturus. Postridie verò, corpore ipsius in Ecclesiam delato, dum Fratres pro eo diuina officia persoluunt, Donata, Buturensis Principissæ mater, quæ fistulâ in pectore laborabat, cùm Viti merita, ac suffragia implorans, ipsius manum sibi pectori admouisset, statim à plagâ, Dei virtute sanata, ad Dei laudes prædicandas omnes excitauit. Aliquot verò diebus elapsis, cum Franciscus Sanctapax Princeps Buterensis,

acri dolore podagræ cruciaretur, pulueris pugillum ex sepulchro, in quo Viti corpus conditum fuerat, sibi adferri, ex eâque balneum sibi parari iubet, quo cum pedes lauisset, mox dolore effugato, à podagrâ liber epasit. Post nonnullos verò ab ipsius obitu annos, cum Viti corpus in aliud sepulchrum, quod deinde in Ecclesiæ sacello extructum fuit, à Fratribus translatum esset, Fr. Franciscus Platiensis, Laicus ex nostris, aliquot barbæ pilos illi à genis auulsos, sibi ex deuotione reponit: quibus aquâ intinctis, cum aquam febricitanti cuidam potandam obtulisset, mox is incolumitatem est adeptus, vt quantopere ipsius ad Deum merita valerent, omnibus exploratum esset. Obijt 1582.

## Fr. ARSENI MEDIOLANENSIS

### LAICI

### VITA, ET GESTA.



**E**RATER ARSENIUS MEDIOLANENSIS Laicus, Helueticæ Prouinciæ, ex illustri & antiquâ Cruciorum stirpe progenitus, quò perfectius ac maturius paterni generis nobilitatem, ac sæculi delicias calcaret, in ipso iuuentutis flore, ad Crucis vexillum euolans, Capucinatorum Religionem ingressus, in humili Laicorum statu, Crucis cognomen- tum non mutauit; sed vitâ ac opere ipso illustrius reddidit. Arsenius igitur, cum primum sub Crucis vexillo se militare agnoscit, tam strenuè carnem, sensus, corporis commoda, ac cæteros Crucis Christi inimicos persequitur, vt nihil vnquam asperum, nihil durum, nihil denique graue ac laboriosum refugeret, quò illos vsque ad internecionem profligaret. Nodosa funis nudos ipsius lumbos perpetuò constringens, Crucis athletam aduersus castitatis hostes armabat. Horrens acutis pilis cilicium, quo pro thorace diu noctuque utebatur, carnis insolentiam cohibebat. Quotidiana ferè panis & aquæ ieiunia, quibus corporis lasciuia edomare consueuerat, maiores indies & gloriosiores illi de hoste victorias parabant. At neque his contentus fortissimus Tyro, acriora prælia intentat, assiduisque domesticum hostem flagellis, ne insolescat, vsque ad sanguinem cædit: cumque vix tabulas illi ad quietem permitteret; post breuissimum



tamen somnum, illum ad sacras vigilias compellit. Vnicâ tantummodò tunicâ vilissimâ, ex varijs prælegminibus contextâ, absque pallio, quoad vixit, contentus fuit. Haud minori sanè animi fortitudine, tartareos hostes sedulo orationis studio prosequabatur, longeq; à contubernio hominum, ac Fratrum consortio, auidius solitudines quærens, tantâ interdum suauitate inter orandum à Deo perfundebatur; vt plerumque immobilis, atque insensibilis diu in oratione permaneret, sæpeq; dicere soletet; se id pactum libentissimè cum Domino initurum, vt ille quidem nunquam intermissam sibi orationis quietem concederet; ipse verò perpetuò à cibo & potu abstineret. Hinc tantum mentis candorem, ac puritatem assecutus fuerat, vt cum Deum in rebus omnibus præsentem intueretur, vniuersos hominum actus tam candidè acciperet; vt in ijs malum aliquod cogitare, nedum suspicari posset. Vix quoque credibile est, quantâ Vir Dei, augustissimum illud sacræ Eucharistiæ Sacramentum religione complecteretur. Cum enim quotidie cœlesti illo Angelorum pane, summâ cum humilitate, ac reuerentiâ reficeretur; eo tamen semper magis famelicus à sacrâ mensâ recedebat. Post verò diuinæ charitatis officia, nullâ re magis, quàm infirmorum curâ delectabatur, quos etiam pro cœlesti quadam eloquiij gratiâ, quam à Domino acceperat, ita consolabatur, vt ijs dolorem omnem propemodum lenire videretur. Erga pauperes quoque mirâ charitatē afficiebatur. Tot denique in eo virtutum ornamenta fulgebant, vt quisquis in eum oculos intenderet, perfectissimum hominem, maximisq; à Deo donis ornatum, procul dubio agnosceret. Quàm verò efficax illius apud Deum oratio esset, manifestum fuit; cum duos nauicularios Deum, ac diuina sacrilegis verbis lædere assuetos, malâq; illius vitij consuetudine ita alligatos, vt iam vitium pro naturâ inoleuisse videretur, suâ oratione tam mirabiliter curauit; vt ab eo tempore nunquam deinceps in crimen illud impegerint. Plerasque illum à Deo visiones, & cœlestes reuelationes accepisse, olim constans fama fuit: quarum memoria (vnâ duntaxat superstitè) apud nostros periit. Orabat Arsenius intempestâ ipsâ noctis horâ, quæ diem Beatissimo P. N. Francisco sacrum antecedit, cum magnæ cuiusdam fornacis os aperiri cernit, atque inde quàm plurimas Fratrum defunctorum animas, piaculari igne dentatas, ipsius suffragio à purgatoriâ illâ flammâ solutas, scintillarum instar, tunc liberè cœlum petere. Noctē verò quadam, cum Dæmon in hospitio, quod etiamnum à Fratribus incolebatur, tam

ingentes strepitus repentè excitaret ; vt hospitium è fundamentis concuti, atque euelli videretur: Satanæ artes Fr.Fabritio Luganensi concionaturo aperit, ipsumq; timore compulsus, ne ab institutâ concione desistat, monet. Hoc itaque in hospitio, dum Arsenius maioribus semper virtutum studijs animum intendit; accidit, vt in ipsâ nocte Beatissimæ Virginis Assumptioni sacrâ, vbi animam peccatorum confessione expiasset, per altiora, ac difficiliora illius hospitij loca incederet; quæ dum tutò se calcare putat, tabula pedem fallens, grauissimæ illi ruinæ casum parat; quapropter præceps ex alto ruens, vix ex casu semiuuius euasit. Porrò vulnerario medico statim accito, cùm is habitu expoliatus esset, quò facilius corporis status, qui ex casu illi relictus fuerat, deprehendi posset, cilicium, quo contactus erat, apparuit: in eoq; confractis dextri lateris costis, ac intestinis sauciatis, ea nobiliorum partium dissolutio deprehensa est, quæ nullâ ratione, aut medicamento instaurari posset. Hoc pacto Arsenius, qui diuinâ charitate flagrans, sæpè hinc martyrio tolli à Domino postulauerat, martyrij præmium longâ ægritudinis huius tolerantia, in quâ admirabilem semper patientiæ virtutem exhibuit, à Domino consecutus est; ac magnâ sanctitatis opinione, quæ tùm apud Fratres, tùm apud Lucernates percrebuerat, mortali vitæ finem imposuit. Arsenij obitu per urbem euulgato, tam ingens in eum irruit populi deuotio, vt quisque illius habitus, ac corporis reliquias sibi quæreret. Pleraq; Deum, ob illius merita, post mortem miracula patrâsse, nostra M.S. tradunt; eo quoque humi sepulto, cum post septennium ipsius ossa, in noui Conuentus sepulchrum translata essent, in illius capite cerebrum tam incorruptum, rubicundum, ac recenti sanguine respersum repertum fuit; vt viuents, non mortui hominis esse videretur. Obijt

Vir Dei, Anno 1583.

\* \* \*



## FR. ANTONII VEREGRANENSIS

## LAICI

## VITA, ET GESTA.



**F**RATER ANTONIVS VEREGRANENSIS, Picentis Prouinciæ Laicus, Vir omnium virtutum genere ornatissimus, ac perfectus Regulę cultor, cum primum è sæculi pelago ad Religionis littus, Deo afflante, appulit, in humili Laicorum statu, ita vitam ad virtutem composuit, vt humilitate, obedientiâ, simplicitate, sui ipsius contemptu, vitæ austeritate, nulli vnquam secundus fuerit; communibus enim Regulę ieiunijs, communis mensæ frugalitate, ac victus asperitate non contentus, ad maiores semper, tum B. P. N. Francisci Quadragenas, tum arctiores panis & aquæ in edias inhiabat. Atque hoc pacto, dum sensus persequitur, longas in oratione, præsertim post Matutinas horas, vigilias ducit: quo tempore acrioribus etiam flagellis carnem afflictit, ne in spiritum insolescat. Paupertatis eximius sectator, paucis, ijsque vilissimis contentus, atque à rerum omnium cupiditate solutus, liberum semper animum, ita cœlestium contemplationi affixum gerebat; vt inter molestas popinarij muneris curas, absque curâ, quę animum, à cœlestibus auocaret, versaretur. Cum verò officio suo perfunctus fuerat, vel se in Ecclesiam proriperet, vel nemoris secreta peteret. Erga egenos infirmosq; summâ charitate flagrabat. Hoc tantarum virtutum splendore cum Antonius, tum apud domesticos, tum apud externos, magnam sibi sanctimonię laudem comparasset; qui ex sæcularibus viris, ac mulieribus, morbo aliquo derinebantur, ad eum curandi causâ confluebant; quibus ille, signo Crucis impertito, passim incolumitatem reddebat. Tanta autem erat Antonij animo indita virtus, vt animalia rationis expertia ipsius dicto quantocius parerent. Verum neque D. O. M. illi testimonium defuit: cum enim Macerata aliquando grauius ægrotaret, atque ex Physici præcepto iusculum, ex capo ad supremum decocto, illi parandum esset, nullus tunc in vrbe capus ad iusculum aptus reperiebatur, cum mulier quædam tatrix lintearia, quæ capum farturæ addixerat, nocte euigilans vocem repente sibi dicentem audit: Mulier, capum illum fartum quamprimum ad Capucinos mitte. Cumq; illa vocem, vnde

erumperet, ignorans, iussa implere differret; iterum atque iterum vox mulierem ad iussione[m] compellit. Dei tunc illa vocem agnosce[n]s, capum ad Capucinos destinat: quo opportunè Antonij imbecillitati diuinâ benignitate prouisum fuit. Is denique, cùm in perfectâ diuinæ ac Seraphicæ legis obseruantia, vsque ad canos vitam duxisset; Auximi octogenarius, ac virtutum sanctimoniâ clarus, ad Dominum migrat, Anno 1583.

## FR. PAVLI A CALAVELLO

### LAICI

#### VITA, ET GESTA.



**P**RATER PAVLVS à CALAVELLO, Laicus, à primo susceptæ Religionis exordio, ad extremam vsque vitæ lineam, tam perfectâ Regulæ obseruantia, tantoq; virtutum omnium studio, ad Euangelicæ perfectionis verticem contendit; vt non vulgarem sanctimoniæ famam sibi apud omnes comparauerit. Nullum, quantumlibet arduum, ac difficile virtutis opus excogitari poterat, in quod is animum non intenderet, ac summâ mentis contentione non prosequeretur. Hoc modo inuictus Pauli animus omnes, tum austeritatis, tum propriæ despicientiæ actus tam strenuè amplectebatur, vt multorum annorum spatio, nuda humius illi ad quietem lectum strauerit; prolixiores vigilie somnum eriperent; quotidianæ flagellationes vsque ad sanguinis effusionem, corpus excarnificarent; ieiunia nunquam ferè intermissa carnem excoquerent; nullum denique tam durum austeritatis genus esset, quod ad carnis petulantiam vi omni retundendam, refugeret. Hunc fidum semper Achatem Euangelica paupertas ita sibi coniunctum habuit, vt absque illâ is, neque stare, neque viuere posse videretur. Ad consuetos, vel coquinæ, vel alterius officij labores accedens, nunquam opus auspicabatur, quin prius flexis genibus, Deo operis illius laborem offerret. Eo verò obedientiæ opere absoluto, solitaria semper loca quærens, atque hominum conspectum fugiens ad rerum diuinarum contemplationem totus anhelabat; in quâ præter consuetas Religionis horas, quatuor quotidie horarum spatia genuflexus, ac nulli prorsus rei innixus, insumere solitus erat. Dum illi per otium licebat, toto matutino tempore,

sacris Altaris mysterijs deuotissimè adstans , summâ ea religione, ac pietate prosequèbatur. Plerasque illum cælestes visiones à Deo accepisse , apud omnes communis olim fama fuit. Dum aliquando in Ecclesiâ oraret, Virgo Deipara , quam is præcipuâ religione colebat , è cælo tenui nubeculâ ad ipsum euecta , seruum suum cælesti præsentia , ac verbis consolabatur : quo tempore is ægrotum Fratrem , cuius à Guardiano illi cura commissâ fuerat , clamantem audiens, statim, relicta Virgine, ad ipsum festinat: cui vbi debita obsequia exoluit , ad Ecclesiam rediens , sacram Deiparam etiamnum expectantem reperit. Cui Paulus : Beatissima Virginum (inquit,) quaeso, ne indigno famulo tuo succenseas, quod te prætermisâ , ad infirmum accellerim. Cui illa : Ne te, fili , facti pœniteat: rem mihi tantopere gratam fecisti, vt gratiorem nunquam : charitatis enim, & obedientiæ opus , quo ægrotum Fratrem prosecutus es , in maximum meum ac Filij mei honorem redundat. Idcirco perge viriliter, cœptis insiste , & cælesti coronâ te dignum præsta : non enim deerit , qui operi tuo mercedem reddat. His cum inclyta Cælorum Regina seruum suum dictis solata esset , velox in Cælum redijt: Paulus verò cum plures in Religione annos omni cum iustitiâ , ac virtute traduxisset ; Neapolim tandem profectus; ibi , Domino vocante, supremum mundo , ærumnarum pleno, valedicit; atque in Conuentu Immaculatæ Conceptionis B. V. corruptibilem corporis sarcinam deponit.

Anno 1583.





FRATER VITALIS HERBITENSIS FRATRUM CAPVCINORVM  
LAICVS

## Fr. VITALIS HERBITENSIS

## LAICI

## VITA, ET GESTA.

**R**ATER VITALIS HERBITENSIS, Messanenſis Prouin-  
ciæ Laicus ex honeſtâ illius vrſis familiâ natus, cum  
inter ferociores iuuentutis tempeſtates, periculoſi-  
ſimè iactaretur; accidit, vt is ſacræ cuidam concioni  
aliquando intereſſet, in quâ cum Prædicator in huius-  
modi duros, ac difficiles homines, qui pro re inter-  
dum leuiſſimâ digladiantur, ac iurgia quærunt, illis ſcripturæ verbis:  
Prouerb. 17. 11. *Semper iurgia quærit malus: Angelus autem crudelis mitte-  
tur contra eum*, acrius inueheretur; Vitalis velut diuino gladio ſaucia-  
tus vitam eo vitio diu contaminatam acerbius ſecum deſlere cœpit:  
Deus verò, qui ferocientem, ac indomitum animum ſuauius ad cœ-  
leſtis diſciplinæ iugum compellere decreuerat, hoc ipſo tempore,  
cùm ſacra in Eccleſiâ Myſteria peragenda eſſent, Vitalem in mentis  
exceſſum rapit, templumq; vniuerſum Angelorum choſis reſertum  
illi oſtendit, qui cùm ſuauiſſimas Deo laudes decantarent, auguſtiſ-  
ſimum illud Miſſæ Sacrificium venerabundi præſtolabantur. In-  
terim verò, dùm Vitalis ſpiritus eo rerum cœleſtium aſpectu exul-  
tat; Sacerdote ad ſacra Myſteria accedente, eodem quoque tempo-  
ris momento animam ſibi è corpore enolare, celeremq; ad Sacerdo-  
tem pergere viſum; cuius cùm pedibus proſtrata integram ſcele-  
rum ſuorum confeſſionem præſtitiffet, omnium abſolutionem  
adepta, ad corpus redire parabat, cumq; illud foetens animaduertiſ-  
ſet, id velut ſtomachabunda cœpit reſpuere; ac denuo regredi com-  
pulſa, cùm ab exceſſu rediſſet, tanto deinde illud odio proſecuta  
eſt, vt immortales deinceps cum eâ inimicitias geſſerit. Dum igitur  
ſibi redditus, ſacris illis Miſſarum ſolemnijs, præteritæ viſionis haud  
immemor, ſummâ veneratione intereſt, CHRISTVM IEſVM ſub ſpe-  
cioſiſſimi pueri formâ Sacerdotis manibus, dum ſacra Hoſtia ele-  
uatur, geſtari conſpicit. Cuius aſpectu ita ipſius anima liquefacta,  
atque in melius commutata fuit; vt confeſtim mundo valedicens,  
vitamq; ob præterita crimina, poenitentiâ plenam, ſibi apud Ca-  
pucinos, quos auſterioris vitæ eſſe audierat, eligere ſtatuert. Hoc  
apud ſe inito conſilio, tantâ mentis humilitate, tamq; perfectio



rerum omnium contemptu ad Religionis gremium accessit; ut qui illius antea vitam, & conuersationem nouerant, non Vitalem, sed alterum prorsus ab eo esse existimarent. Etenim præter communem vestitus austeritatem, asperrimum sibi ex pilis suillis, ad imum usque abrais, cilicium contexit, illud diu, noctuq; sub lacero habitu gestans, carnem coërcebat, loris perstringebat, perpetuâ pedum nuditate, sandalijs abiectis, fatigabat, inediâ conficiebat: tantæ namque abstinentiæ vir fuit; ut, communia Ordinis ieiunia, & pleraque alia rigidè obseruans, à carnibus perpetuò abstineret; cumque famelicus, semper à mensâ recederet, nunquam à ieiunio & abstinentiâ vacabat. Quæ autem suiipsius despicientiam attingunt, tantâ humilitate, ac tam studiosè amplexus est, ut nullam suiipsius despectui metam constitueret. Hanc verò mentis humilitatem, quæ omnem superioris vitæ superbiam calcauerat, tam assiduo orationis studio confouebat; ut quod in die, propter quotidiani muneris laborem, atque obedientiæ opera, tempus in oratione infumere non poterat, pluribus in nocte horis compensaret. Quàm verò pura, quàm feruens, quàm efficax illius oratio esset, ipsum Satanæ odium, quo eum modis omnibus persequebatur, non obscure demonstrat. Geminâ is ante Matutinum officium horâ ante alios surgere, atque in Ecclesiâ orare illi familiare erat; quo tempore, tot à Dæmone aliquando fustis ictibus cæditur, ut semimortuus in Ecclesiâ iaceret. Rursus in Tyracensi Conuentu Diabolus sub alti, ac sæuissimi cuiusdam viri specie apparet; iterum sub cuiusdam vetulæ mulieris, horribili formâ præditus, eum minis insectatur: rursus, cum à Dæmonum multitudine grauiter in cellâ vexaretur, in Ecclesiam fugiens, eum sub moloïssorum formâ aggrediuntur. Denique dum iterum in Conuentu Herbitæ noctu orat, à Cacodæmonibus apprehensus, habitu expoliatur; longius à Conuentu ad puteum quendam perducitur, dumq; vim omnem simul conferunt, ut illum in puteum demergant; is Beatissimæ Virginis opem implorans, oratione aduersus Dæmões pugnat, fortiorque, ac validior, quàm Dæmonum impetus, Vitalis oratio fuit; repente enim Virgo Deipara apparens, impiam illam Dæmonum nubem dispergit; suumque athletam manu apprehendens, ac verbis cœlestibus recreans, ad Monasterium reduxit. Rursus, in ipsâ refectorii horâ, dum in refectorio genuflexus benedictionem expectat, à Dæmone arreptus, per totum refectorij pauimentum raptatur. Alias quoq; sub ementitâ tum Medici, tum Parochi cuiusdam specie, Dei seruum delu-

dens, varijs illum molestijs afficit, illiusque ad viuum vsque patientiam examinat. Nullus itaque Viro Dei locus à Dæmonum infestatione liber erat: siue enim in Ecclesiâ, siue in cellâ, siue in nemore versaretur, vbique paratos eorum insultus, ac molestias patiebatur. At is, dum IESV, ac MARIÆ sibi nomina ad præsidium implorat, Crucisque in eos signacula vibrat, quasi nebulas dispergit. His autem Dei seruus, dum satanæ tentationibus probatur, tot virtutibus auctus fuit; vt eum diuinæ amicitiae, ac familiaritatis gradum conscenderet, quo prophetico spiritu clarus, futura, & occulta, quæ intra diuinæ Sapientiae duntaxat sinum latent, passim penetraret. Plura huius rei apud M. S. nostra leguntur, ex quibus nonnulla tantum seligere lubet. Vitali enim oranti, triennio, antequam saua illa lues, per totidem annos, Siciliae Insulam occupasset, reuelata fuit, quam is Ascanio Tertij Ordinis B. P. N. Francisci Religiosissimo Viro indicauit, atque eidem futurum prædixit, vt eadem quoque ipse lue aliquando affectus, Herbitensis Magistratus decreto, in antrum quoddam, longè ab hominum frequentia remotum, propellendus esset; vnde erumpere non posset, donec è morbo conualesceret. Vincentij quoque Herbitensis, qui in manus proscriptorum inciderat, propinquis reditum prænunciat: attamen eum perperam egisse, cum iniquo se illis promisso obstrinxit, (puluerem scilicet igniarium, ac funalem fomitem se illis ministraturum) significat. In Herbitensi vrbe quidam S. Iacobi Dynasta, reluctante vxore, integrum caseum ad Capucinos deferri iubet, quem, cum famulus Vitali obtulisset, is caseo cultro bipartito, partem famulo reddit, hæc addens verba: Ne mirere, inquit, quod partem casei restituam: quod enim ultro hilaris animus dat, lubens accipio; quod verò à tristi, vel coacto profectum est, haud frustra recuso: quare mediam hanc casei partem heræ tuæ redde. His cum eum dictis dimisisset, famulus ad heram rediens, casei partem refert; quæ repentè tot vermibus scatere cœpit; vt cùm eo vesci nemo valeret, in communes sordes, ac domus purgamenta proiecta fuerit. Mulier quædam, Fr. Matthæi Herbitensis Sacerdotis mater, pretiosum annulum amiserat, Vitalem adit, afflicti animi angustias patefactura, cui Vitalis, antequam ea efari inciperet, vt moerorem exuat, monet, annulum recepturum promittit. Tum oculis in Cælum erectis, cùm paulisper orasset, mulieri ait: Iam domum redi; latentisq; annuli locum indicans: Si ibi, inquit, annulum quæseris, proculdubio reperies. Eadem, cùm

mulam noctu è stabulo egressam, ac diu conquistam, quònam euasisset, ignoraret, tristis iterum ad Vitalem confugit; cui necdum factum enarrauerat, cum vir Dei mulæ fugam, locumque, vbi ea querenda sit, indigitat. Post hæc viro cuidam Herbitensi, quartanâ febris iam dudum molestissimè laboranti, ipsiusque vt opem imploraret, properanti, antequam appulisset, crimen secretum aperit, pœnitentiæ Sacramentum iniungit, ac tandem febris curationem pollicetur. Iuuenem quoque in eâdem vrbe occulti criminis arguit, Dei vindictam, ac mortem ante annum prænunciat, quæ omnia, prout Vir sanctus prædixerat, euenêre. Quorundam etiam Nobilium Panormitanorum occulta peccata redarguens, cum secretum sibi crimen virum Dei detegentem audiunt, liberâ hominis increpatione deterriti, illius verbis meliores, quàm venerant, abscedunt. Ascanij Tertiarij (cuius suprâ memini) tentationem agnoscens, citò ad Ecclesiam pergere iubet, atque, vt quinquies orationem Dominicam cum Salutatione Angelicâ ante Sacrosanctissimum Eucharistiæ Sacramentum perfoluat, monet; quod cum ille celerius præstitisset, mox liber à tentatione fuit. Bartholomæi cuiusdam Piçtensis intimam cogitationem consilio præuenit. Adolescentum quorundam Herbitensium, qui nonnulla simul inhonestè patrauerant, occultum crimen aperit; qui cum haud secus, quàm in flagranti delicto deprehensi fuissent, quò se verterent, ignorarent, meliores ab eo, quàm accesserant, recedunt. Mulier quædam etiam Herbitensis, Lazari Labrutij vxor, mulos, inscio coniuge, exteris quibusdam hominibus pretio locauerat: quos cum diu ex itinere reduces frustra expectasset, velut amissos deplorans, Vitalem adit, atque eidem angustias animo conceptas aperit. Cui Vir Dei: Mulier, inquit, quid mulos deperditos luges? haud hinc longè absunt, si in cum agrum miseris, qui mulos requirant (agrum ex nomine indicans) hos arbori funibus alligatos reperient: hoc signo & muli inuenti, & sancti Viri virtus perspicua fuit. Hoc pacto altera quoque fœmina, quæ ob torquem aureum amissum, grauiter animo angebatur, vbinam torquis esset, quemve in locum à domesticâ picâ delatus, diuinitus indicat. Neque absimile est, quod pauperulo cuidam, cui iumentum, quo tenuem sibi victum quærebat, subreptum fuerat, Deo reuelante aperuit. Sublatis enim paulisper in Cœlum oculis: Festina, inquit, iumentum in tali agro perquire; ibi enim sub ficu herbis pascitur. Persimile quoque & alteri viro Herbitensi accidit; cui cum aliqua mulorum copia à larronibus vi sub-

repta esset, Floridam filiam ad Virum Dei destinat: qui ut ab eâ factum audiuit: ne de mulis, inquit, sollicita esto; cras enim prædonibus ab armatâ Magistratus familiâ dispersis, muli omnes domum redibunt; quæ omnia ad amissum, haud secus quàm prædixerat, contingere. Sacerdoti, qui ementito habitu, futuriæ arti operam dabat, ac seipsum hominis cæde fœdauerat, crimen aperit, ad pœnitentiam incitat, Dei vindictam, ac mortem prænunciat; Fr. verò Hieronymo Politiano, cum adhuc sæcularis esset, ut probum se præstet, hortatur, & studijs incumbat, ac tandem in Religionis gremium suscipiendum iri prædicit. Porro ex his nihil prorsus suo rerum exitu frustratum; primus enim post aliquot menses crudeliter trucidatus, sceleris pœnas luit: Hic verò post annum sæculum deferens, Capucinorum militiæ adscribitur, in eâq; aliquando Generalis Vicarij officium sortitur. Duobus alijs germanis fratribus, qui honestæ mulieris famam in vitâ confectis criminibus lacerauerant, cum illos vehementius obiurgasset, omnia ad amissum, quæ illi mutuo inter se prolocuti fuerant, refert. Ascanio quoque, qui Vitalem suas illi miseras patefacturus accedebat, antequam is effari cœpisset, vniuersa, quæ illi aduersa acciderant, sigillatim aperit. Valentinus Caprinus, Nobilis Herbitensis, criminis homicidij apud ludicem accusatus, inde procul aufugerat; cuius nullo, post diuturni temporis spatium, accepto nuncio, cum pater eum videndi studio teneretur, Viro Dei, quem sanctitatis famâ vbique celebrem non ignorabat, animi desiderium aperit. Cui Vitalis, patris senectam commiseratus: Si natum, inquit, videre optas, Messanam tibi quam primùm eundum est, atque inde Consentiam adnauigandum, quò ubi appuleris, Valentinum in urbis portâ obuium tibi habiturum certò scias. Haud dubiam pater viri Dei verbis fidem adhibuit; aut profectiorem distulit: Consentinam namque pergit, filijq; præsentiam in ipso urbis vestibulo, ubi Vitalis prædixerat, potitur. Accidit etiam aliquando, ut Viro Dei obuiam fieret Iosephus Amestratensis, vir Nobilis, cui Vitalis post salutationem futuram obitus diem prænunciat, nec non Floridæ puellæ patri obitum vicinum designat. Postremùm tandem S. Iacobi Baroni ægrotanti prius incolumitatem, tùm mortem prædicit. Res verò eum, quem prædixerat, finem sortitæ sunt. His & pleraque alia addenda essent, quæ Vir Dei Vitalis, diuino spiritu instructus, tùm occulta, tùm futura præsignificauit, quæ ne ingens volumen conficiam, consultò prætereo. Veruntamen, haud silentio obuoluenda sunt quàm plurima ipsius

miracula, ac virtutes, quibus D. O. M. præclara serui sui merita, ac sanctimoniam cunctis testatam esse voluit. Inter hæc Vir quidam Herbitensis, tenuis fortunæ, ex graui ægitudine oculorum cæcitatem contraxerat; iamq; de valetudine desperauerat: extremum tamen remedium tentaturus, ad Vitalem confugit, lumina lumine orbata ostendit, genu flectit, orat, obsecrat, obtestatur; At Vitalis fidem exposcit; quam cum ille firmam ostendisset, Vitalis laneum pannum, quo pro strophio vtebatur, è manicâ arreptum, cum suâmet oris saluâ humestâisset, eo ipsius oculos defricans ait: En fidēs tua tibi visum restituit; iam Deo gratias age. Extemploque lux illi reddita fuit. Alter quoque, qui graui oculorum morbo laborabat, cum aquâ, quâ linei panniculi, qui huius viri Dei cauterio tergendo aliquando inseruierant, expurgati fuerant, oculos lauisset, protinus incolumes recepit. Atque eodem tempore quendam ex nostris, quem acerbus oculorum dolor inuaserat, Crucis signaculo ipsius oculis impresso, à languore curat. Mulier quædam Herbitensis, Magdalena nomine, haud ignobili familiâ orta, ob vnici filij necem, quam illi hostis intulerat, in eam mentis desperationem arrepta fuerat, vt sibi ipsi laqueo mortem conscire decreuisset; quò nato, quem ad orcum damnatum esse persuaferat, eadem quoque ipsâ apud inferos poenâ consociaretur. Dum igitur hac animi tempestate iactata restim quærit, quam trabi alligatam sibi collo iniiciat; en Vitalis diuino (vt putatur) spiritu ductus eò appellit, Magdalenamque, quam familiariter agnouerat, acrius obiurgans, corporis, non animæ, filium vitâ defunctum esse affirmat; viuum illum, ac post purgatas animi sordes, inter Beatorum sedes Deo in æternum victurum superstitem. His auditis, Magdalene spiritus, quasi qui è graui maris procellâ emergit, respirauit, moxq; in has voces erupit: Res si ita est, ô Vitalis, sat mihi est; haud plura expeto, quàm quod charissimum filium æternâ salute donatum, te impetrante mihi cernere liceat. Cui Vir Dei; si consilium mutaueris; delictum quoque Sacramento absterferis, ac demum teipsam totam ad Dei voluntatem composueris; id fortè ex Dei miseratione consequi poteris. Annuit illa, iam facti poenitens; remq; Vitalis in postera lucis tempus reijcit; quo Magdalena, scelere Sacramento expiato, ad sacram Capucinatorum ædem se conferat. Interea Vir Dei, cælum ardenti oratione pulsat, nocteq; ferè totâ in diuinis obsecrationibus consumptâ, rem à Deo impetrat. Haud cunctanter illa, nonnullis, sibi honestis sceminis adiunctis,

animoq; in meliorem mutato, manè ad Ecclesiam pergit: vbi, cum primùm eam Vitalis ad pacem cum hoste, filij sui interfectore, in-eundam compulit, illiusq; animum ad rei tolerantiam, ac diuini beneplaciti legem lubentius amplectendam incitauit. Iam (inquit) si defuncti filij tui præsentia frui optas, ad Altare propius accede. Quò cum illa progressa esset, filium vitâ functum, à dextrâ Altaris parte, iisdem planè vulneribus, quibus confossus fuerat, affectum, hilari vultu sese efferentem, ac matrì subridentem conspici-t; quo illa aspectu tam ingenti lætitiâ perfusa fuit; vt eo post breue temporis spatium euanescente, ad Vitalem rediens, in has linguam voces soluerit: Quid iam reliquum est, quod optem? En læta moriar: quandoquidem inter viuos filium meum his oculis conspexi. Tibi autem, ô Vitalis, pro tanto beneficio Deus præmium tribuat. Haud sanè explicari potest, quantâ præclarus hic Dei seruus in oratione virtute præcelleret, in eo enim aliquando manifestum fuit, cum in Herbitensi Conuentu Fratrum familia panis inopiâ laboraret, annonam Fratribus suâ oratione impetrat. At memorabile illud, quod Traianopoli eiusdem oratione accidit. Quorundam militum, qui eò à Sicilia Prorege destinati fuerant, tam effrænis licentia, ac insolentia erat, vt perruptâ sepe, quâ Conuentus termini cingebantur, liberè in hortum irrumperent, nihilque in eo integrum relinquerent. At neque eâ vi contenti, inhonestas mulieres, ac meretrices eò introducetes, religiosum locum obscœnitate, ac, turpitudine foedabant. Hos cum plerumque Vitalis, impietatis redargutos, nullâ ratione à scelere compescere potuisset; vt sacrum locum à profanis vindicet, ad supremum tandem orationis præsidium confugit; quâ id tandem diuinâ virtute præstat; vt dum ex scortis quoddam audacius hortum perambulans, ocymum hortensem colligit, repen-tè ex illius ramis flamma erumpens in ipsius vestes exiliret, ac miseram mulierem combureret. Clamabat illa, non tam humano, quàm diuini furoris igne succensa; statimque, qui haud procul aberant, mi-ites ad voces accurrunt, flammâq; extinguere conantur; at frustra: quò enim magis ignem comprimere tentant, eò vehementius accendunt. Ardet misera, & eiulatus ingeminat: postulatur aqua, quæ ignem extinguat, protinusq; ad horti puteum infœlix ducitur, cuius cum aqua parum à solo abesset, tota in vndam demergitur. At verò sic faces in Dodonœo fonte succendi, atque in Lamofateni stagno num comburi dixisses: aqua enim, quæ ignem solet compescere, sic flammâ augebat. Quid plura? haud priùs flamma ab eâ arceri

potuit, quàm è Conuentu eiecta, alienâ vndâ vndique perfusa esset, Hic & aliud lubet adnectere, quod cùm Antonij, Tertij Ordinis S. Francisci, vxor à Dæmone possessa grauiter vexaretur, eam Vitalis suâ oratione à Dæmone liberat. Brandus quidam etiam, qui septem mensium spatio quartanæ febris molestias passus, Vitalem tandem pro morbi curatione adit; quem ille ter Oratione Dominicâ illi ante sacrum Altare indictâ, ab ægritudine liberat. Post hunc Nobilem quendam virum, Alexandrum nomine, ab eodem morbo, suâ oratione curat. Verùm alteram illi post hanc ægritudinem prænunciat, cui nulla prorsus curatio profutura sit: à quâ cum post aliquot tempus correptus fuisset, is tandem è medio tollitur. Plerumque eum quoque, dum à Sacerdote in missâ sacrâ Hostia spectanda attollitur, Christum Redemptorem, sub pueri formâ in Sacramento conspexisse, communi M. S. nostrorum consensu vulgatum est. Cumq; Ioannes Maria à Tiffa Generalis aliquando Herbitense Monasterium visitans, in communi Refectorio de more omnium accusationes audiebat, Vitalis Christum Dominum ante Franciscum Herbitensem, Guardianum, stantem intuetur. Cum itaque tot, ac tam præclaris Vir sanctus donis à Deo cohonestatus fuisset, vt spiritu potius, quam carne viuere putaretur; spiritus tamen ille impurus, iam senem, ac ieiunijs confectum, rursus ad prælia vocat, tamq; ardentes in ipsius carne libidinis flammæ succendit; vt cum eas neq; ieiunijs, neq; oratione, neq; vllâ corporis afflictatione extinguere, aut compescere valeret, candens igne ferrum carni admoueret, vt ignem igne pelleret, & adustionis dolore sensus voluptatem, atque ardorem exstingueret. Cum itaque caro adusta ob ignis cocturam doloris sensu afficeretur, is velut corpori insultans: Heus, frater Asine (inquit) quid noui tibi accidit? Iam iam carnis illecebris ducebaris, modo præ dolore gemis; Iam castigatus disce, illicita non quærere. Inter hæc maxima virtutum studia, ac præclara Dei dona, cùm vir Dei consenuisset; æger tandem Herbitæ graui morbo decumbit: quo tempore sui obitus die Fratribus prænunciato, ardentius in Deum ferri, ac totus rebus cœlestibus inhiare cœpit. Verum cùm Philippus Tertiarius, vir eximie mentis, puritate ac virtute præditus, totus in sancti Viri morte deflenda occupatus, ad fenestram, vnde illi ad Conuentum aspectus aperiebatur, insomnis pernoctat; ~~en~~ <sup>sub</sup> mediæ noctis tempus, clarissimam è Conuentu lucem sese offerre conspicit, quæ cum per quartam horæ partem, loca omnia circum collustrasset, paulatim tandem in cœlum conscen-



dens illius se obtutibus subripuit. Horam is tunc studiosè obseruans, manè cum se ad Monasterium contulisset, eandem esse comperit, quā dilectus Deo Vitalis ex huius sæculi tenebris ad puriorem lucem euolauerat. Obijt Vir hic præclarus Herbitæ, octogenarius, cum ex his 30. circiter annos, in omni iustitiâ & sanctitate Domino consecrasset Anno 1583. Euulgatâ porrò per urbem sancti Viri morte, tanta mox populi frequentia ad Conuentum confluxit, vt vidua ciuitas, atque incolis vacua videretur. Corpore verò in Ecclesiam delato, dum Fratres defuncto iusta persoluunt, agminatim turbæ præcipiti deuotione in corpus irruunt, alijq; habitum in frustra dissecant, alij capitis capillos euellunt, alij barbam radunt, alij vngues perscindunt: tantaq; mox populorum vndiq; confluentium multitudo augetur, vt triduo corpus insepultum manere necesse fuerit: quo tempore tam suauis ex eo odor manare cœpit, vt vniuersos ad cœlestium rerum desiderium ac voluptatem raperet. Statim vero post Vitalis obitum, necdum humato corpore, mulier quædam Herbitensis à Dæmone arrepta, cum ad Vitalis corpus accessisset, nefarius spiritus altius ita fari cœpit: Miser, quid adhuc moror? discessit Vitalis: Is me iam egredi compellit. Prò quam dura necessitas! his dictis erumpens, mulierem liberam relinquit. Constans apud omnes fama est, sancti huius Viri cingulo funali Amestratæ pleraque patrata esse miracula, quamplurimis agrotis incolumitatem redditam, ac mulieres non paucas è partus doloribus solutas. Id etiam memoriæ traditum est, foeminam quandam Amestratensem, quæ oculorum morbo laborabat, simul atq; strophio, quo Vitalis adhuc superstes utebatur, sibi oculos alligasset, protinus à morbo perfectè curatam fuisse.

## Fr. LEONIS MATTEOLENSIS

### LAICI

#### VITA, ET GESTA.

**R**ATER LEO MATTEOLENSIS, Laicus, cum per calcatum patrem, cuius vix iras, ac furias euasit, ad crucis vexillum in Capucinatorum castris euolasset, illustre suæ militiæ nomen ac omen dedit: nihil enim eo purius, nihil humilius, honestius nihil videbatur: quo factum est, vt illum veræ simplicitatis atque animi candoris gradum conscenderet, vt communi omnium voce Dei

ouicula

ouicula appellaretur. Seraphicæ paupertatis cultor seuerissimus fuit; orationis ac solitudinis amator. Nouitium, qui in antelucanis horis graui somnolentia tenebatur, indictis eidem illis Canticorum verbis: *Surge, propera, amica mea, & veni, columba mea in foraminibus petrae*, ante horas recitandis, à somni oppressione liberat. Varijs denique sub vitæ finem morbis afflictatus, cum in ijs nihil vnquam, nisi virtute dignum, ac cæteris imitandum prætulisset, illustri patientiâ probatus vitæ tandem coronam accepit, Anno 1583.

Fr. BENEDICTI A COLLEAMATO  
LAICI GVARDIANI  
*VITA, ET GESTA.*



RATER BENEDICTVS à COLLEAMATO, Laicus, ex honestâ Antoniorum familiâ natus, cum Deum ab infantia timere cœpisset, in ipso adolescentiæ flore, antequam lubricæ ætatis vitijs contaminaretur, purus è sæculo euasit, & Capucinatorum castris adscriptus, summas Euangelicæ vitæ virtutes breui affecutus fuit. Vniuersa B.P.N. Francisci ieiunia, velut sacrâ lege sibi obseruanda præscribens, reliquo anni tempore, vnica tantum in die refectione vsus, à carnibus, ac omni obsoniorum genere perpetuò abstinebat, nihilq; præter pulmentarium cibum, pani addebat. Præclara his respondebat mentis humilitas, quæ quamuis sæpe Guardiani in Picenti Prouinciâ munere fungeretur, in eo tamen semper coquinæ officium sibi assumens, vilissimum domus officium, cum Superioris dignitate coniungebat. Nec minor in altissimâ rerum paupertate curandâ, illius sollicitudo elucebat. Vir quoque admirabili patientiâ fuit; dum enim semel Camerini ligna in nemore caderet, forte accidit, vt quercus excisa casu in eum dilapsa, immani illo pondere adeo oppressum teneret, vt cum penè illi spiritum adimeret; Fratres, qui haud longe aberant, eum graui illo onere obrutum existimarent. Inter hæc tamen nulla ipsius vox prorsus audita, nullus clamor, quo Fratrum opem efflagitaret: sed agni instar sub pondere gemens, tamdiu sub eo silens iacuit, quoad Fratres ad eum conuolantes, quercum altius attollerent, quò is tandem inde erumpere valeret. Deus vero Optimus Maximus, qui seruum suum non ad ruinam, aut interitum, sed ad patientiæ coronam probare voluerat, diuinâ virtute præstisit, vt, qui omnium opinione,

eo quercus pondere conterendus erat, nullum prorsus ex eo damnum ferret. Hunc autem patientiæ spiritum humilitate, & charitate illustrans, facile ad omnium virtutum apicem peruenit, quarum autem si parentem inquiras, non alteram profecto, præter vnā orationem, reperiās, quā propterea à primis susceptæ Religionis annis, tam studiosè colere cœpit, vt familiarem eam sibi vbique, ac semper adsciret; potissimum vero silente ipso noctis tempore, quod paucis duntaxat horis exceptis, quas breuī quieti dabat, totum in rerum diuinarum contemplatione transigere consueuerat. Quo tempore sæpe raptus, ac ecstases, atque alia pleraque Spiritus dona, quæ D. O. M. amicis tantum dispertiri solet, accepisse legimus. Inter hæc illud enumeratur, quod cum in Fanestri Conuentu aliquando degeret, in mentis excessum raptus, vallem Cœnobio vicinā, totam armatā Tartareorum spirituum acie obsessā, conspexit, qui aduersus integrum S. P. N. Francisci ordinem dirum bellum parabant. Cæterum cum tanta esset viri humilitas, vt Dei dona omni studio celare, atque ab omnium oculis abscondere conaretur, cum primum præuia ipsi raptus, ac ecstasis signa præsentiret; protinus in cellam secedens, in eā tamdiu oclusus latere consueuerat, donec diuina illa ecstasice actionis vis terminaretur. Hinc vero ardentissima in ipsius animo erga infirmos potissimum charitas exornabatur. Verumtamen haud minori erga incolumes Fratres studio afficiebatur, quod quam Deo gratum fuerit, diuino aliquando testimonio manifestum fuit. Coquinæ, in Conuentu Montis Filatrani, ministério vacabat, cum Benedicto, à beneuolo quodam Ordinis benefactore ad Monasterium columbi mittuntur. Fratrum tunc illius familiæ numerus nouenarius erat: quare Benedictus secum ita ratiocinari cœpit: Nouem huius familiæ Fratres enumerantur: quid est, Benedicte, quod octo tantummodo hic columbi sunt, num id absque Dei consilio accidisse existimas? haud sane: tuus, ô Benedicte columbus non adest: nam, si te Dominus columbo vesci voluisset, nonum profecto addidisset. Quid plura? alij suo columbo vescantur, tu à columbo abstinet. Vix id in animo plenè deliberauerat, cum repente columbus ex alto volans, in parietem, cui vir Dei, columbos deplumans, adhærebat, tam fortiter alliditur, vt extinctus ad illius pedes ceciderit. Inuidebat Sathan maximè Viro Dei, cumq; ipsius sanctimoniam æquo animo ferre non posset, plerasque illi technas ac insidias struit, quas tamen is supernā luce illustratus, dum detegit facile dispergit. Sexagesimum-

sextum Benedictus iam suæ ætatis annum attigerat , cum in No-  
uanæ vrbis Conuentu, ab Hieronymo à Monte Florum, extremum  
sibi diem prænunciari audit, quo nuntio exultans, in id deinceps  
toto studio incumbere visus est, vt eum supremus ille dies, qui haud  
longè aberat, lachrymis, orationibus, ac feruentioribus diuinæ cha-  
ritatis flammis incensum, ac purum, diuino conspectui exhiberet.  
Post hæc cum in morbum incidisset, ægritudine ingrauescente, vi-  
tam, quam plurimis in virtutibus, ac sanctimoniâ, communi Fra-  
trum testimonio traduxerat, in ipso Parasceues die, in quo Christi  
Domini funera celebrantur, sine haud absimili conclusit. Cuius su-  
prema vox fuit, Requiem æternam dona seruo tuo Domine, & lux  
perpetua luceat ei: quam etiamnum, dum in ore versat, placidissimè  
in Domino quiescit. Huius sancti Viri animam, Hieronymi à Mon-  
te Florum, & Mauritij à Monte Montanario Clerici, animabus asso-  
ciatam, cum Frater quidam orans, inter paradisi gaudia exultantem  
conspexisset, id velut certo nobis testimonio probatum reliquit,  
eum æternam cœli gloriam consequutum. At neque illud præter-  
eundum est, quod anno post ipsius sepulturam elapso, Fratres, qui  
etiamnum Benedicti sanctimoniam venerabantur, illius corpus in  
sepulchro explorantes, integrum, ac suauè olens, simul cum Hiero-  
nymi ac Mauritij corporibus summâ admiratione reperiunt, Deoq;  
ob id in odorem suauitatis, laudis sacrificia offerunt. Obijt Vir  
Sanctus, Anno 1584.

## FR. ONVFRII PISTORIENSIS

### LAICI

#### VITA, ET GESTA.



RATER ONVFRIVS PISTORIENSIS, Hetruriæ  
Prouinciæ Laicus, Vir omni memoriâ dignus, cum  
etiamnum inter sæculares viros vitam omni virtu-  
te plenam duceret; ad Religionem accedens, tot  
eam perfectis virtutum exemplis exornauit, vt  
illustre in eâ Prouinciâ nomen sibi comparauerit.

Communem cæterorum vitam, quadam spiritus generositate tran-  
scendens, cum quotidiana ieiunia coleret, in his præter pultem, nihil  
ad cibum sibi vnquam obsonij adhibere voluit. Communi quoque  
paupertatis lege haud contentus, cum sandalia sibi superuacanea

iudicaret, ijs carere, ac nudis pedibus, etiam brumali tempestate, solum terere perpetuâ sibi lege præscripsit. Animi vero virtutes, tam ardenti studio prosequeretur, ut in eo Fratres perfectum, tum humilitatis tum obedientiæ, tum patientiæ, tum charitatis, atque aliarum virtutum simulacrum suspicerent. Hac tandem spiritus magnanimitate, cum se ad orationis studium contulisset, ad eum diuinæ contemplationis gradum conscendit, ut frequenter animo & corpore excederet. Etenim in Conuentu Monteliensi, dum noctu, ante Matutinas horas, in Ecclesiâ orat, extra sensus raptum, & quatuor cubitis solo altiore, Fratres conspiciunt. Florentiæ quoque Basilii Florentinus, eiusdem Conuentus Guardianus, dum orantem intuetur, eum usque ad Crucifixi statuam, quæ super Presbyterij cancellos eminet, sublatus cernit. Idipsum & alij quoque frequenter. Postremo cum eum charitatis gradum attigisset, ut nullo post huius vitæ occasum culpæ impedimento teneri expeteret, quo minus Deo perfectè frui posset; oratione à Deo impetrat, ut quamdiu mortale hoc corpus gerit, ab omni, tum culparum, tum poenarum labe expurgetur. Quapropter diutinâ trium annorum agritudine, in quâ mira ipsius patientia, ac virtus eluxit, probatus, ac purgatus, & ante obitum, Domini aspectu dignatus, piam in Domino Montelij dormitionem accepit. Anno 1584.

In Hetruriæ Prouinciâ Fr. IOANNES PISANVS Laicus, cum virtutum omnium studia prosequeretur, graui carnis tentatione à Dæmone pressus, Dominum sedulò rogabat, ut is carnis stimulus ab eo dimoueretur: cui Dominus apparens, his illum verbis alloquitur: Absque certamine, Ioannes, nemo coronam assequitur. Tibi optio datur, quod malueris, elige: aut carnis, aut scrupulorum tentatione probari. At Ioannes, qui carnis vexatione, carere cupiebat, cum scrupulo potius, quàm libidine angi sibi elegisset; tam dirâ, ac vehementi scrupulorum tentatione exagitari cœpit, ut Laicorum officium, quod ex orationibus Dominicis constat, nonnisi summo labore perfoluere valeret. Cumq; ob multiplices animi tempestates, culpas distinguere, & explicare non posset; vix Sacerdotem offendebar, qui sacramentalem ipsius Confessionem vellet excipere. Hac itaque tentatione ad obitum usque probatus, cum ab eâ paulò ante mortem liber euassisset, vitæ tandem coronam accepit, Anno 1584.

Fr. FRANCISCVS à NVCIBVS, Oppido Diœcesis Cuperfanensis, Laicus, in Bariensi Prouinciâ, etiamnum in ore hominum, non sine laude versatur: cuius vita omnibus virtutibus exornata in huius

Prouinciæ M. S. commendatur. Nihil Viro huic ad summam rerum pauperiem, nihil ad obedientiam, nihil ad honestatis custodiam, nihil ad mentis humilitatem, ac sui contemptum, nihil ad orationis studium, nihil denique ad perfectam Regularis obseruantie formam illi addi posse videbatur. Quapropter cum tot virtutum ornamentis præditus, suam Domino, quoad vixit, in domibus fabricandis operam locasset, prænunciato sui obitus die, suorum tandem à Domino laborum mercedem assequitur, Anno 1584.

Lucaniæ Prouincia Fr. PHILIPPVM à MARSICO VETERI, Laicum, virtutibus clarum celebrat, qui cum vitam in omni humilitate, obedientiâ, paupertate, ac præsertim in oratione, cuius studio mirum in modum tenebatur, usque ad canos perduxisset, præsignificatâ sui occasus horâ, purus hinc à Domino euocatur, Anno 1584.

Fr. MANSVETVS à NOVELLARIA, Piceni Prouinciæ Laicus, post plurimos austeritatis annos, quibus vitam omnium opinione prorsus irreprehensibilem duxit, Romam profectus, cum Ioannis Mariæ à Tifsâ Generalis, qui tunc ægritudine premebatur, suæ quoque mortis horam prædixisset ibi mortales corporis exuias deponens, vitæ immortalitatem nanciscitur, Anno 1584.

## Fr. SANTI MONTOPOLITANI

### LAICI

#### VITA, ET GESTA.



RATER SANTVS à MONTOPOLI, Laicus, Vir vitæ sanctimoniâ celebris, cum usque ad 15. annum, in Minorum, qui de Obseruantia nuncupantur, Familiâ sine querelâ versatus esset, inter Capucinos conscriptus, ita ad omnium virtutum studia, ad illius præsertim, quæ omnium Regina est, ac Laicorum Fratrum peculiaris, charitatis nimirum animum contulit, vt summum eius fastigium assecutus esse videretur. Nulla parens tam filiorum amans, quam hic ægrotorum fuit; tanta verò erga eos, pauperesq; charitate ferebatur, perinde ac si Domino ipsi ægroto, aut pauperi suam operam ministraret. Inde quoque tam perfecta Seraphicæ legis obseruatione, humilitate, paupertate, sui despectu, obedientia, morum honestate, vitæ austeritate, atque inte-

gritate præcelluit, ut nihil non solum, minus honestum, ac virtute dignum deprehendi in ipso valeret, verum & inter illustriores Religionis viros haud immerito recenseri deberet. Id verò, quod se cunctis admirabilem præbuit, perpetuum fuit diuinæ contemplationis studium, cum actione coniunctum, paucos enim inuenias, qui Mariæ otium cum Marthæ operositate coniungant, actionemq; contemplationi associant. Is vero Marthæ ministerio vacans, tam perfectè eodem tempore diuinarum rerum contemplatione potitus legitur, ut sæpenumero in Florentino Conuentu, intempestâ noctis horâ, dum orationi in Ecclesia vacat, in mentis excessum raptus, altius è terrâ antelignæam Crucifixi imaginem, quæ supra Presbyterij cancellos prominet, efferri visus sit. Quod & altissimam contemplationem & ardentissimam diuinæ charitatis incendium indicabat. Huius rei probationem auget, quod aliquando etiam, cum ad Sacrosanctam Synaxim accederet, oculos, quasi clarissima quædam lumina, cœlestem fulgorem irradiantia, præferret. Nec minorem huic fidem astruebant, tum diuinæ reuelationes, tum etiam signa, ac virtutes, quas is suâ oratione diuinitus operabatur, ex quibus nonnullas hic recensere lubet. Florentiæ enim pictoris cuiusdam haud ignobilis, Iacobi nomine, ex Ligutiorum familiâ, vxori, quæ partus doloribus cruciabatur, masculum iam iam parituram prædicit. Post hæc grauiter ægrotabat, Franciscus magnus Hetruriæ Dux, qui cum nobilissimo viro ad Monasterium misso, Fratrum apud Deum suffragia, pro sui incolumitate postulasset, eodem quoque tempore Vir Dei ægrotus in lecto iacebat, qui simul atque indictas à Guardiano preces accēpit: sero nimis (ait) ad Deum itum: iacta est alea, Dux morte occumbet. At neque solus cadet. Neque id frustra dictum: Francisco enim eâ ægritudine è viuis sublato, Blanca vxor paulo post ex humanis excedens, viro comes accessit. Verum quæ de mutuis huius viri Dei & Fratris Iosephi Ordinis Prædicatorum vaticinijs referuntur, plane admiratione digna sunt. Santus enim cum Florentiæ, in Iacobi Ligotij pictoris domo, Fratris Iosephi, viri in Dominicanorum familiâ illustris, quem tamen antea nunquam viderat, pictum simulacrum contempexisset, mox Iacobo, qui huius (inquit) picturæ prototypon gerit, haud diu inter viuos commoraturus est. Pauci, post hæc dicta, dies elabuntur, cum per Florentiæ vicum, Santo, Iosephus occurrit, cumq; alter alterum non nosset, mutuis tamen salutationibus sese excipiunt. At prior Iosephus: Sante Frater (inquit) non solus ego

absque



absque comite hinc euocor; comes dabitur. Da dexteram, Amice: tu comes esto; vnà ad Dominum pergamus. Tu quidem posterior, ego prior. Reddidit quippe Iosephus Santo vicem, atque vtriusque dictum mors post aliquot dies vtriusque secuta, confirmauit. Turcam suâ quoque oratione conuertit. Iuuenem <sup>venit</sup> iniunxisset, manu capiti impositâ, ac Crucis signo imperante, eum confestim à morbo curat. Pleraque alia signa prætereo, quæ nullo scripto consignatâ, sola superstes fama commemorat. Tot igitur donis coelestibus à Deo honestatus, quæ illius apud homines vitæ sanctimoniam non obscurè testatam reddunt; cum iam octogesimum annum attigisset, Montunij charitatis, ac cæterarum virtutum præmia laturus, ex huius corpusculi domicilio migrat. Anno 1585. Post sancti Viri obitum; Medici filia, quæ strumis laborabat, cum sancti Viri corpus adhuc in <sup>seculo</sup> <sup>incedens</sup> deosculata esset, protinus sanato gutture, à morbo liberata fuit. Aliud quoque miraculum eodem tempore patratum ferunt, cuius cum certior à nobis fides desideretur, illud consulto silentio præterimus. Certissimum verò id est, sancti huius Viri corpus post annum, in sepulchro integrum repertum fuisse.

Fr. LVCIDVS à CORTONA, Hetruriæ Prouinciæ Laicus, multis virtutibus, ac præsertim oratione illustris, ad immortales concessit, Anno 1585.

Ex Mediolanensi Prouincia Fr. LVCIDVS à LVCINIANO, & Fr. LVDOVICVS MEDIOLANENSIS, vterque Laicus, varijs laudibus commendati consurgunt; Ex quibus Lucidus vitæ austeritate, ac Regulari obseruantia plurimùm excelluit. Ludouicus verò eximius obedientiæ cultor, nec non abstinentiâ insignis; cum pari cursu carnem austeritatibus extenuassent, ac mentem virtutibus saginassent, eodem anno vitæ iter conficiunt, 1585.

In Hydruntinâ Prouincia Fr. BENEDICTI MANDVRIENSIS, Laici, etiamnum in omni memoriâ florent virtutes: quibus cum clarum sibi apud illius Prouinciæ Alumnos, Viri vndeque perfecti, ac Seraphici nomen viuens adeptus fuisset, eidem mors non vitam ademit, sed meliorem comparauit.

Anno 1585.

# FR. IACOBI RHEGIENSIS

## LAICI

### VITA, ET GESTA.



**I**RATEN. IACOBI RHEGIENSIS, Laicus, inter ipsa  
 sæculi periculum integrum, ac inuiolatum pudici-  
 tiæ florem seruauit, ut cum ad ipsius honestatem  
 labefactandam, scortum à sodalibus in eius le-  
 ctum immisum fuisset, intactam tamen dimiserit.  
 Quamobrem futura pericula cauens, sæculo cum  
 suis illecebris deuicto, ad Minorum, qui de Obseruantia nuncupan-  
 tur, Ordinem accedens, in eo per aliquot annos cum laude versatur.  
 At regularis obseruantia cupido, cum celebre Capucinatorum no-  
 men audiret, ad eos se confert. Admiranda sunt, quæ de huius viri  
 virtutibus nostra M.S. tradunt: nulla etenim virtus erat, quæ in eo  
 præclare non eluceret. Varijs in Picensi Prouinciæ Conuentibus  
 Guardianus, licet Laicus, ob eximiam virtutem creatus, tantum  
 abest, ut ex dignitate intumesceret, quod ex eâ maioris potius hu-  
 militatis ansam captans, dum Subditus vni tantum Domus officio  
 vacaret, Prælati infimo, coquinæ scilicet munere sibi specialiter  
 delecto, vniuersa Domus officia suo labore subleuaret. Sic dignitas,  
 quæ plerisque tumoris vitium ingenerare solet, Iacobo ampliora  
 humilitatis incrementa ministrabat. Paupertas vero hominem ita  
 rebus omnibus expoliauerat, ut vix illi necessaria relinqueret, quæ  
 regula ipsa, velut necessaria indulget, ijsq; tam parcè, ac cynicè ute-  
 retur, ut cum ipso rerum usu contendere, eumq; è medio tollere vel-  
 le videretur. Castitatis virtus, quæ ipsius animum iam ab exordio  
 communiêrat, ab omnium, potissimum mulierum colloquio, nedum  
 familiaritate, ita alienum præstabat, ut neque illarum aspectum  
 ferre valeret, adeoq; omnem pudicitia tabem exhorre visus est, ut  
 cum feles ipsos cicures nimis impudicos, & ad venerem propensos  
 esse cerneret, quadam Guardiani facultate captatâ, cunctis abeundi  
 mandatum dederit: qui mox ita iubentis imperio paruere, ut nun-  
 quam deinceps in Conuentu visi fuerint. Sic gulæ quoque appeti-  
 tum cohibere solitus erat, ut nec vnquam saturitatem agnosceret;  
 cumq; nullo frequentius, quam panis & aquæ cibo, ac potu uteretur,  
 meliori, ac honestiori pane alijs Fratribus dispertito, is sibi mu-  
 cidum, ac ignobilem tantum reponere consueuerat. Tanta denique

vitæ illi austeritas fuit, vt nullam ei metam præfixisse videretur. Membra eius brumali tempore, glaciali frigore rigentia, igne nunquam, vel perrarè fouebantur: corpus diris flagris, ac verberibus afflictabatur: quies fessis membris, somno ad breue tempus contracto, eripiebatur. Deniq; cum vniuersa carni, ac sensibus comoda & voluptates subriperet, cœlestem potius, quam terrestrem inter suos vitam colere videbatur. His flagrans quædam, tam erga pauperes, quam ægrotos charitas accedebat, quam feruens generabat oratio, quæ hominem nocturno tempore sæpissimè cum Deo pernoctare, longasq; vigiliis ducere, die vero syluam, ac solitudinem ad rerum diuinarum meditationem quærere, compellebat. Hæc virum Dei frequenter in mentis excessum pertrahens, cœlestibus Angelorum choris inferebat; cuius rei pleriq; testes fuere, inter quos Frater Bonifacius Calliensis, cum in Conuentu Murfi, Iacobi aliquando operâ indigeret, eum in cellâ, oculis in cœlum elatis in ecstasim raptum, ac penitus insensibilem offendit. Fratres etiam quidam aduenæ, è Conuentu Montis Sancti discessuri, cum Ecclesiam ingressi, Iacobum in Ecclesiæ angulo orantem viderent, ad eum salutationis gratiâ accedentes, omni illum sensu carentem reperiunt. Iacobo consuetudo erat, ter, quaterq; infra hebdomadam ad sacram Synaxim accedere, quo tempore vix Dominico corpore refectus, sensibus confopitis, in Domini sinum euolabat, diuq; cœlestibus hisce delitijs fruebatur. Hæc tandem Dei seruum, post quadragenarium ieiunium, quod ad Spiritus sancti honorem inchoauerat, aliquando impulit, vt ab eo ipso charitatis ardore accendi postularet, quo is Apostolorum corda in die Pentecostes inflammauerat. Hoc dono, cum in Conuentu Fanestri S. Eliæ, diuinâ tandem benignitate potitus fuisset, tam ingenti ab eo tempore diuinæ charitatis flammâ exuri coepit, vt simul atque ad orandum accederet, tantâ Spiritus sancti flammâ exæstuarer, vt neque halitum ducere, animamq; propè agere videretur. Hinc sæpissimè clamores edere compellebatur, quibus cum cæterorum oratio perturbaretur, solitarius in cellâ orans, in tam ingentes interdum, ob internum cordis æstum, oris rugitus erumpebat, vt vox ad Ecclesiam pertingeret. At neque id satis, diuinæ siquidem illa charitatis flamma in pectore ardens, virum Dei tam sui impotem reddere consueuerat, vt sæpe à cellâ ad Ecclesiam, ab Ecclesiâ ad syluam anhelans, ac vociferans excurreret, quo cœlestis ignis ardorem mitigaret. Hoc ipso, ac maiori animi æstu agitabatur, cum ad sacram Eucharistiæ refectionem accederet.

Haud rarò quoq;, dum in mensâ quicquam ad Dei amorem inflam-  
mans legeretur, ex eâ velocius surgens, ad consuetos, vel in Eccle-  
siam, vel in syluam clamores edendos properabat. Deniq; cum fre-  
quentiores hoc tempore illum mentis excelsus exciperent, inter ho-  
mines viuens, cum cœlestibus potius, quàm cum hominibus agere  
videbatur. At verò cum immoderatum diuini illius amoris æstus  
humana imbecillitas ferre nullo modo posset, Clementissimus Do-  
minus, hæc vehementioris charitatis fulgura in pluuiam fecit. Post  
hæc enim tot cœpit lachrymis perfundi, vt nulla oratio, nulla passio-  
nis Dominicæ memoria, nulla pia lectio, absq; lachrymarum imbris  
præteriret. A primo Religionis amplexu, cum graui Iacobus  
somnia opprimeretur, Deum assiduè præcabatur, vt ab hac eum tur-  
pi somnolentiæ seruitute liberum redderet. Quamobrem, cum se-  
mel orans, hac eadem somnolentiâ captiuus teneretur, dexteram au-  
rem tam valido ictu, quasi qui ab aliquo compressâ manu pugno  
percuteretur, contundi sentit, vt diu illius dolorem, ac in aure soni-  
tum tulerit, atq; ab eo tempore omni prorsus in oratione somnolen-  
tiâ caruit. Beatissimæ Virginis aliquando, ac B. P. N. Francisci præ-  
sentiâ potitum fuisse, alijsq; visionibus, ac reuelationibus, nec non  
miraculis illustrem extitisse, nostra passim monumenta affirmant,  
quorum nonnulla libet exempla referre. Tolentini, nobilis cuiusdam  
erga Ordinem deuoti, Petri Pauli nomine, cognomine Pittorij, vi-  
num acidum suâ oratione in optimum commutat. In Crucichij Con-  
uentu panem è cœlo, Familiæ suis precibus impetrat. In foelicem cu-  
iusdam exitum prophetico spiritu prædicit. Postremò cum ex Amen-  
dulæ Conuentu Firmum migraret, Bernardum à Mussò, qui in eo  
illi itinere comes erat, his verbis alloquitur: Bernarde Frater, iam ad  
meum quietis locum pergo. Firmana tellus ossa mea conteget. Id  
sæpè antea, quasi sui obitus diem prænuncians, Fratribus aiebat, se  
libentissimè ipso die, qui B. P. N. Francisco est sacer, carnis suæ sarcin-  
am depositurum. Cum igitur ad Firmanum Conuentum appulisset,  
modico temporis spatio elapso, febre correptus, in solemni  
S. P. N. Francisci die, diem quoq; is, tantâ cum sanctimoniam opinio-  
ne, extremum claudit, vt Fr. Pacificus à Sestino, vir Dei spiritu cla-  
rus, cuius gesta narrauimus, qui sæpè Iacobi confessiones exceperat,  
eo adhuc superstitè assereret, se illum, nisi Ecclesiæ auctoritas  
prohiberet, S. Iacobum absque vllò veritatis periculo  
appellaturum. Obijt Vir Sanctus,

Anno 1586.

Fr. GHERARDI FLORENTINI  
LAICI  
*VITA, ET GESTA.*



**E**RATER GHERARDVS FLORENTINVS, Laicus, inter primos illos connumeratur, qui priorum temporum angustias fortiter, & æquo animo sustulere. His ille probatus, tantum in omni virtutum genere profecit, vt non aspernandum inter illustres nostræ Religionis Viros locum sortitus fuerit. Tota ipsius vita apud Capucinos asperitate plena fuit. Paupertatis namque studio, abstinentiâ, carnis maceratione, dum robusta ætas corpus vegetaret, reliquos illius tempestatis Viros, quos aurea illa ætas, ad maxima quæque corporis incommoda sustinenda, protulisse videbatur, (si nostris M.S. credimus) facile superauit. Castitatis tam insignis propugnator fuit, vt gemina in periculoso prelio de hoste Trophæa, bis iuenculis quibusdam, quæ ad ipsius honestatem labefactandam ad quiescentem accesserant, longe propulsatis, reuexerit. Tanta in agrotos charitate efferbuit, vt Prouinciali Ministro annuente, vniuersa Prouinciæ loca percurreret, quo suâ infirmos operâ iuaret. Nullum illi tempus inane defluebat, die siquidem laboribus, vacans, quos sacrâ meditatione leuabat, noctem interdum in oratione in somnem ducebat: quo tempore, cum dura illi quies esset, ac parcus somnus, prolixa tamen rerum diuinarum contemplatio erat: Diuinis nonnunquam reuelationibus potitum, id inter alia declarat, quod is Franciscum Maceratensem, post obitum, ad quintumdecimum vsque diem, in Purgatorio detentum poenas exoluisset, atque inde statim in cælum euolasse, cuidam Fratri Iacobo Æsculano aperuit. Ipsius quoque orationi adscriptum fuit, quod octo Ordinis nostri Clericis ad sacros Ordines proficiscentibus, quibus is in itineré præerat, de annonâ diuinitus prouisum fuerit. Eundem quoque, Crucis signo plerisque ægrotis beneficia contulisse, nostra M.S. ferunt, ex quibus, cum non mediocris sanctimonie fama illi apud omnes accessisset, tandem annis, ac virtutibus grauis, Ælij mortales exuiuas deponit.

Anno 1586.

Fr. HONORII A SESTINO  
LAICI

VITA, ET GESTA.

**H**ATER HONORIUS à SESTINO, Laicus, Religio-  
nis Capucinorum albo inscriptus / sub Magistro  
auunculo durissimum probationis genus patientissi-  
mè pertulit, quoad scoriam vsque probatus, tantâ  
virtutum perfectione vitam instituit, vt cæteris, quo-  
ad vixit, obedientiæ, humilitatis, paupertatis, absti-  
nentiæ, charitatis, ac totius Regularis obseruantia exemplar fuerit.  
Vir ad miraculum patientissimus extitit: neque iniuriâ aut contu-  
meliâ lacessitus vnquam è tranquillo mentis statu deijci potuit.  
Quamobrem ab impio aliquando viro colapho percussus, nullum  
perturbati animi signum ostendit. Orationis cum primis studio va-  
cabat, scedusq; inter mentem, & corpus composuisse videbatur, vt,  
dum hoc diurnis laboribus insudaret, illa diuinas illi meditationes  
suggereret. Cum vero illa nocturnis vigilijs, atque orationi incum-  
beret, hoc impigrè ad omnia officia concurreret. Hic fratri Eliæ,  
Sacerdoti, futurum obitum prænuñciat, ac se licet ætate multo  
prouectiorem aliquo post eum tempore superstitem inter viuos fu-  
tutum asserit, quod ipse deinde rei euentus demonstrauit. Lon-  
gum Honorius vitæ, ac virtutis iter vsque ad nonagesimum ætatis  
atnum produxit, in quo honorabile, tum apud Deum, tum apud  
homines nomen adeptus, eo tandem confecto, veros virtuti de-  
bitos honores, morte consequutus est, in Conuentu Sarnani,  
vbi illius ossa sepulchro condita iacent.

Obijt Anno 1586.



## Fr. ALEXII A BVTRIO

LAICI

VITA, ET GESTA.



RATER ALEXIVS à BVTRIO, Laicus, diu in Romano Conuentu Ianitoris munere functus fuit, Vir mitissimus, tamq; singulari patientiâ, ac mansuetudine præditus, vt nemo eum vnquam, aut iratum, aut turbatum viderit; cum his quoque tantam vultus hilaritatem, & charitatem in omnes, ac pauperes potissimum præ se ferre visus est, vt nullum vnquam egenum ad Conuentus fores accedentem, absque eleēmosynâ immunem dimiserit. Hac singulari charitate, dum Christi pauperes excipit, alijsq; animum perfectis virtutibus imbuit; Romæ quoque à Domino cum suis pauperibus in æterna tabernacula recipitur. Post obitum Fr. Antonio Bergomensis cum Beatissima Virg. S. P. Francisco, ac S. Antonio stolis pretiosissimis ornatus, gloriosus secundò apparet, diemq; mortis prænunciat. Obijt Vir Dei Anno 1586.

## Fr. ANTONII BERGOMENSIS

LAICI

VITA, ET GESTA.



RATER ANTONIVS BERGOMENSIS, Laicus, cū mortuâ vxore, qua cum plures vitæ annos absq; prole transegerat, è sæculi pelago sese ad Religionis portum recepisset, vitam omni humilitate. obedientiâ, paupertate, patientiâ, charitate, perfectâq; virtute plenam auspicatus, maximam sanctimonix spem pollicebatur, cū quinto post susceptam Religionem anno, Romæ in grauem morbum incidit, quo tempore totus hilaris, Sacerdoti, qui illi à confessionibus, diem obitus sui reuelat, cū vero Confessarius diuturniorem ei vitam futuram persuadere conaretur: Erras Pater (inquit Antonius) non animus, aut æternorum cupiditas tantummodò hanc mihi vocem extorsit, sed cœlestium hac vox est, quæ neminem fallit. Etenim Beatissima Virgo Deipara.



S. P. Franciscus, S. Antonius, ac Frater Alexius, nuper defunctus, qui hac mihi nocte apparuere, primum hunc Sabbathi diem mihi supremum fore prenunciarunt. Confessarius verò, cum Sathanæ dolum hic latere suspicaretur, cum plerisque alijs Patribus ad ægrotum accedit, atque ab eo præteritæ noctis visionem percunctatur. Qui cum dicta confirmasset, eidem Guardianus, qui & ipse præfens erat; Num Antoni (inquit) Alexium à Butrio stantem agnouisti? cui Antonius: quid de Alexio (inquit) Pater dubitas? Is tam certò mihi agnitus fuit, vt cùm in eum oculos potissimum intenderem, admirabilis plane is mihi visus fuerit; tot enim illum stolis pretiosissimis ornatum conspexi, vt inter alios is mihi præclarus videretur. Mox vero nouam vultu hilaritatem præferens, ait: En iterum vobis Beatissimæ Virg. S. P. Francisci, S. Antonij & Fratris Alexij præsentiam, en hic præsentés adsunt: iam illos vobis licet conspiciere. Cui Guardianus: Estne cum Beatissimâ Virgine puerulus IESVS? est profectò (inquit) & quidem Sole omni splendidior. O quàm lucidus, ô quàm pulcher in Virginis sinu gestatur! Rursus cùm ab eo Guardianus quæreret, num adesset Alexius, olim Romani Conuentus ianitor: Adest proculdubio (ait) post S. Antonium ordine quartus: ijsdem quibus antea, pretiosissimis vestibus indutus: atque idem plane, qui apud nos Ianitoris munus agebat; verumtamen multo speciosior, quàm cùm inter nos mortalis versaretur. Admirabantur Fratres, ac Beatissimæ Virg. atque aliorum Sanctorum præsentiam veriti, quanquam inuisibilem venerabantur: cùm eâ die, summâ cum mentis voluptate ab Antonio transactâ, maximis cœpit Dæmonum prælijs exagitari, ac demum facie in pallorem conuersâ horrescere, ac velut aspectu aliquo territus exclamare: O qualia cerno! ô quales cruciatus! quale sulphur! quales flammæ! Heu miseras damnatorum animas demersas inter flammarum globos stridentes audio! mox cùm iterum Dæmonum temptationibus fatigari cœpisset, inter hæc Beatissima Virg. ijsdem Beatissimis, videlicet, S. P. N. Francisco, S. Antonio, & Alexio stipata, Antonio apparens, vniuersam illam Dæmonum turbam suâ præsentia fugans, eum celestibus verbis consolatur. Quæ, is Fratribus narrans, summâ illos voluptate affecit. Antonius igitur optatâ tandem de hostibus victoriâ potitus, cùm totum Veneris diem in Dei laudibus, ac Fratrum cohortatione, quâ illos à Dæmonum fraudibus cauere, & Regulæ obseruationi sollicitè incumbere

admonebat, vsque ad vesperam Sabbathi insumpisset, dato Angelicæ Salutationis signo, quasi is abeundi signum accepisset, quem admodum antea præsignificauerat, ex hoc sæculo migrat. Anno 1586. cum Iustis (vt creditur) in æternum victurus.

## Fr. CONSTANTINI PATRICENSIS

### LAICI

### VITA, ET GESTA.

**E**RATER CONSTANTINVS à PATRICIO, Laicus, Vir simplex, humilis, ac plurimâ virtute ornatus: cum vitam omni pietate plenam in sæculo duxisset, ad Dei seruitutem in Capucinatorum Religione accedens, tot eam virtutibus accumulât, vt vniuersi in viro Idiotâ, ac imperito, copiosam Dei gratiam, ac vitæ perfectionem admirarentur. Tam incredibili erga Beatissimam Dei Matrem amore, ac veneratione ferebatur, vt cum sua ad eam, vt plurimum in oratione vota dirigeret, illius quoque aspectu, colloquio, ac præsentia fruitur. Singulari quoque cum Michaëlem Archangelum veneratione prosequeretur, haud rarò eius quoque colloquio, ac præsentia potitur. Quo tempore aliquando Constantinus his eum verbis affatus legitur: O te terque, quaterq; Beatum Archangelum, qui inter summos illos Cœlorum Principes adnumeratus, beatâ illâ Dei gloriâ frueris. Cui Archangelus: Tu quoq; Constantine, hac aliquando cœli felicitàte frueris: verumtamen, antequam ad eam pertingas, tibi diu, multumq; laborandum. Multæ, ac magnæ Vir hic orationis fuit, atq; adeo in eâ animo efferebatur, vt sæpè mente excederet. Quod aliquando Fr. Matthæo à Leonissa iuniori, S. Annæ Guardiano innotuit, qui cum Constantini operâ indigeret, eum in cellâ orantem, atq; à sensibus ita alienatum cernit, vt sui omnino compos non esset. Quapropter cum post aliquot tempus ad eum rediisset, tam incenso illum vultu è Cellâ exeuntem offendit, vt Seraphicum potius, quam humanum aspectum præ se ferret. Neque id huic viro Dei nouum, aut insolitum fuit, tantus enim illius orationis ardor erat, vt ex eo cœlestes flammæ exurgere viderentur. Hinc Fulginij, dum orat, Fr. Pâcificus Eugubinus Sacerdos, flammarum globum ipsius capiti insidentem cernit. Rursus, eo in Conuentu Spoletano orante, ipsius facies flammæ instar ardere,

caputq; velut Iride coronari conspicitur. Sæpe etiam Fratres eundem orantem obseruantes, illius vultum Solis instar, emicantem inuentur. Idq; potissimum in Conuentu Spoletano S. Annæ perspicuum fuit, in quo dum Constantinus post matutinas horas, in Ecclesiâ orationi vacat, Fr. Thadæus Tifernas Laicus, in quo tempore oraturus Ecclesiam adibat, cum aperto Chori ostio, vtrumque, & Chorum, & Ecclesiam clarissimo lumine coruscantem cerneret, ratus ille, Sacristam, accensa in Altari lumina facile oblitum reliquisse, in Ecclesiam pergit, vt lumina extinguat. At cum neque in Altari, neque alibi lumina vlla ardere conspiceret; Constantinum solum in Ecclesiæ angulo orantem animaduertit, è cuius vultu, quasi Solares radij erumpentes, totam Ecclesiam illustrabant. At quoniam vera Dei charitas afflictionibus, atque infirmitatibus probatur, cum iam Constantinus annis, & virtutibus consenuisset, horribili à Deo carcinomatis morbo affligeretur, qui cum dextrum illius brachium inuasisset, grauissimum, ac intolerabilem propemodum illi dolorem afferebat. At Dei seruus, cum in eo Diuinum consilium, cuius ab Archangelo antea monitus fuerat, non obscure agnosceret, tam inuictâ illum animi patientiâ sustinet, vt inter grauissimos morbi languores, nihil præter Diuinâs laudes, personaret. Diu igitur hac ægritudine probatus, cum Perusiæ ad vltimam vitæ metam peruenisset, Medicus, haud amplioris, quam illius diei, qui tunc Dominicus erat, illi vitæ spatium præscribere videbatur, cui Constantinus: Haud ita erit (inquit) sed Martis tantummodò dies mihi supremus erit. Id cum diuinâ tantum reuelatione accepisset, in eo quoque extremum vitæ cursum morte confecit. Anno 1586.

\* \*





FRATER BERNARDINVS ACHERIO FRATRVM  
CAPVCINORVM LAICVS

# Fr. BERNARDINI A CHERIO

## LAICI

### VITA, ET GESTA.



**B**RATER BERNARDINVS à CHERIO PEDEMON-  
TANVS, Laicus, ex honestâ familiâ originem du-  
cens, vix adolescentiâ transactâ, suis omnibus  
cum sæculo relictis, inter ipsâ Religionis initia,  
Capucinatorum se numero adiungit. At prioribus  
illis susceptæ Religionis annis cum minus regu-  
laris disciplinæ studio incumberet, hinc Sathan maioris tentationis  
ansam arripiens, illum acrius vrgere cœpit, vt è Religione aufuge-  
ret. Iam tertium Bernardinus in Religione à probatione annum ab-  
soluerat, cum Dæmonis tentatione ingrauescente, plurimo in salu-  
tis discrimine versabatur. Is vero ad Dei opem confugiens, ante  
sacræ Eucharistiæ Altare noctu procumbit, Deiq; impensius cum  
lachrymis auxilium implorat. Aduit mox seruulo inter has animi  
angustias oranti clementissimus Dominus, visibilemq; sui ipsius ei  
speciem obijciens, durius illum increpat. Demum, vbi afflictum  
verbis suauioribus consolatus est, illum à tentatione liberat. Hic  
Christi Domini aspectus & correptio, tantopere Bernardini ani-  
mum commouit, vt is in alterum protinus virum mutatus fuerit.  
Vaniloquia ac dissolutiones mox in silentium, ac solitudines eua-  
dunt, comestationibus ieiunia, ac diurnæ inedie succedunt: corpo-  
ris castigationes, vigiliæ, sensuum mortificationes, paupertatis in-  
commoda, omnigenaq; vitæ austeritas, omne voluptatum genus  
procul effugant; iam nullus Bernardino humilior, nullus pauperior,  
nullus taciturnior, nullus abstinentior, atque ad omnem regularis  
obseruantia disciplinam, nullus eo tempore magis compositus.  
Cumq; rebus omnibus mortuus appareret, solâ oratione, ac iugi  
mentis contemplatione, quæ illi post hæc cœlesti Dei dono elargita  
fuit, viuere, ali, ac vigere videbatur: tanta enim hoc tempore Dei  
lucē ac cœlestium rerum voluptate perfundi cœpit, vt dum in men-  
sâ cum alijs recumberet, si forte vel de Passione Domini, vel de cœ-  
lesti gloriâ, aut de amore Dei, lectio ab eo audiretur, mox in mentis  
excessum raptus, biduo interdum, læuâ panem, dexterâ cultrum in  
manu gestans in eo immobilis permaneret. In Genuensi S. Barnabæ

Conuentu , cū in cœna libellus S. Ioannis Climaci , vbi de gloriâ paradisi agitur , à Fratribus legeretur , iam is nonnihil ex lance pulmenti cochleari hauserat , atque ori ad mouere parabat , cum repente exclamare cœpit : ah , ah , paradisi gloria ! moxq̃ ; extra sensus actus , manum simul cum cochleari in aëre tamdiu suspensam tenuit , quoad circa noctis medium dato primo Matutinæ Horæ signo , ad sensus rediret . Plerisq̃ ; etiam ex his , qui in Genuensi Familiâ debebant , olim exploratum fuit , quo tempore prima in sacra Natalis Domini nocte Missa celebratur , Virum Dei prius in cœlestem quendam risum , tum protinus in mentis excessum raptum , in eo totum illud noctis spatium foeliciter transegisse . Denique cū aliquando podagra morbo afflictatus in lecto decumberet , duobus fratribus vt dolorem lenirent , spiritualem quandam cantiunculam concinentibus , tantâ ipsius spiritus vi sursum actus fuit , vt consopitis sensibus , Vir Dei penitus exanimis videretur . Sæpè id quoque alibi , cū de diuinis rebus inter Fratres , eo præsentē ageretur , eidem contigit . Quo fiebat vt in huiusmodi mentis excessu integros , plerumque dies transigeret . Hac rerum diuinarum contemplatione absorptus , plerumque ad octauum vsque diem in Cellâ solitarius degens vix terno quoque die , cibi aliquid , quo corpus ad mentis actionem aptum redderet , sumere solebat . Porro tam vehemens illa mentis actio erat , præsertim cū solus oraret , vt sæpenumerò in clamores erumpere cogeretur : quo ebulliens ille pectoris æstus , qui ex diuini amoris flammâ efferuescebat , tamquam effuso halitu mitesceret . Ex tam præclaro hoc cœlestis contemplationis dono , diuina quædam lux Bernardini animo exoriebatur , qua & arcana hominum cogitationes illi manifestæ erant , & futuros rerum euentus interdum certo prænoscebat : cuius rei nonnulla referre liceat exempla . Frater Valerianus Pineroliensis , qui inter Genuensis Prouinciæ Patres olim connumeratus fuit , Vir grauis & prudens , cū semel mentis angustia pressus , ad Bernardinum accederet , Vir Dei totâ tentationis serie , antequam ab eo explicaretur , apertâ , suauibus illum tandem verbis consolatum , & opportunis consilijs munitum dimittit . Adhæc , quo tempore Christianorum classis insignem illum de Turcâ , triumphum tulit , tribus diebus , antequam de eo , in eâ vrbe nuncius appelleret , Fratribus de Turcâ prostrato victoriam manifestat . Circa hæc tempora , sæua quædam lues Gentiensem urbem inuaserat , quæ cū nullo consilio , aut ratione sedari posset , innumeros quotidie homines depascebat . Quamobrem Fr. Augusti-

nus Albintemiliensis, qui tunc eam Prouinciā moderabatur. Fr. Zacharia Trebiniensi, ac Bernardino Cherienſi accitis, cum ijs ſecretum conſilium inſit, vt totam noctem in oratione inſomnem ducerent, in qua à Deo opem pro eā vrbs calamitate poſtulerent. Tribus igitur hiſce Patribus, quorum apud Deum plurimum merita valebant, in oratione pernoctantibus, adfuit clementiſſimus Dominus, ſinguliſq; quid pro vrbs liberatione agendum eſſet, reuelat: nimirum, vt Genuenſis Senatus publicè ad Immaculatæ Conceptionis Beatiffimæ Virg. honorem, ſupplicatione inſtitutā, voto ab omnibus nuncupato, illius diei feſtum perenni cultu celebraret. Quod cum piæ Reipublicæ Duci, ac cæteris Senatoribus ab ijs indicatum fuiſſet, illis cœleſti conſilio acquieſcentibus, vrbs protinus à peſte liberatur. Quamplurimis præterea Chriſti, Angelorum, ac Beatiffimæ Virg. viſionibus, hunc Dei ſeruum poſitum fuiſſe, conſtanter Genuenſis Prouinciæ M. S. ferunt, inter quas ea reſertur. Dum Matutinæ Horæ in Choro aliquando decantantur, is in Eccleſiæ angulo attentius orans. Angelum è Cœlo delapſum, hiſ ſe verbis alloquentem audit: Bernardine, animum atque oculos diuinis viſitationibus para, mox aderit Dei filius, cum Virgine Matre. Tum vero Virgo Deipara clariffimo lumine coruſcans, ad eum accedit, Filiumq; quem in ſinu gerebat, eidem porrigit, quem vbi Vir Dei humillimè exceptum amplexatus fuit, tantā in eius amplexu cœleſti voluptate perfunditur, vt totus in dilectum abſorptus, iam non ſibi, ſed Chriſto tantum viuere putaretur. Iterum dum in Eccleſiā orat, Chriſtus tam benignum ſe illi aſpectandum offert, vt Vir Dei, præ vberiori ſpiritus voluptate, animam ſibi è corpore ſoluendam fore exiſtimaret. Idipſum quoque illi in Conuentu S. Barnabæ accidit, dum Podagræ morbo laborat: cum enim recentioris aliquando panis appetitu teneretur, en Chriſtus immenſā luce perfuſus ægrum ſuā præſentiā ſolatur, hiſ eum verbis compellans: Bernardine, quid tu recentem panem optas? An non ego, qui vitæ panis ſum, ſolus tibi ſufficio? quibus, tam cœleſti quodam panis odore ægrum recreauit, vt vir Dei materialis illius panis appetitum protinus abiecerit. Vir hic cum in Hoſpitali S. Columbani domo, in infirmorum miniſterio, inter cæteros illuſtriſſimis patientiæ, & charitatis exemplis effulgeret. Id ſibi accidiſſe narrabat. Paratum is aliquando pharmacum ægroto cuidam propinandum ſuſceperat, quod cum ille ſepius recuſaſſet, Bernardini animus quodam impatientiæ motu percelli cœpit: at is illum, antequam ad voluntatem appelleret,



virtute coercens; mox Dæmonem tentatorem sibi à sinistris stantem intuetur, qui cum primum ab eo se deuictum sentit, protinus fugam arripuit. Semel inter ipsa suæ conuersionis primordia, dum in Ecclesia orat, Dæmon pueri formâ assumptâ scamnum conscendit, ex quo cū se dilapsū fingeret, quasi ex casu grauius læsus ploratum edit: mox Bernardinus, Dæmonis adhuc artis ignarus, intermissâ oratione, ad puerum accurrit, quem dum à casu subleuare studet, Sathan, qui vel tantillum illud temporis spatium ipsius orationi subripere optauerat, seipsum prodens, risu Virum Dei eludit, ac protinus in cognatas se tenebras recipit. Idem quoque haud raro Dei seruo, dum corpus flagello castigat, vel flagellum è manibus eripit, vel flagelli ictus intercipit, vel tandem funiculos perrumpit: quo tempore is fune, quo præcinctus est, flagellationem instaurans, Dæmonem ipsum deludit. Post has Sathanæ infestationes, quibus D. O. M. Seruum suum varijs triumphis illustrare decreuerat, nè perfectâ illi corona deesset, quæ ex integrâ interioris, atque exterioris hominis probatione proficiscitur; cū is in Hospitali S. Iacobi incurabilium Domo, Romæ aliquamdiu ægrotis ministrasset, vt gratum illud Deo ministerium fuisse cunctis innotesceret, incurabili & ipse morbo à Deo donatus, ac omnibus ferè membris captus, quatuordecim annorum spatio, qui illi vsque ad obitum superfuere, in lecto decumbit. Mira equidem in tam diuturnâ ægritudine Viri patientia fuit; mira quoque vultus hilaritas, quam inter grauissimos artuum dolores, toto hoc tempore præferre visus, Dei tantummodo laudes, benedictiones, & gratiarum actiones, ex ipsius ore personabant; ita vt, quo acrioribus morbi doloribus afficeretur, eo dulcius, IESV, ac MARIE nomen efferret, adstantesq; ad pietatem summo operè commoueret. Postremò, Vir hic tot virtutibus illustris, ac diutinâ patientiâ probatus, cum quinquagesimum in Religione annum attigisset, in Genuensi S. Barnabæ

Conuentu ad vitæ coronam euolat,

Anno 1586.



FRA<sup>TER</sup> ANTONINVS RHEGINVS FRATRVM CAPVCINORVM  
LAICVS

## Fr. ANTONINI RHEGINI

## LAICI

## VITA, ET GESTA.



ERATER ANTONINVS RHEGINVS, Laicus, ex honestâ Tripodorum familiâ Rhegij progenitus, cum vitam vsque ad quintum supra vigesimum annum omni cum pietate traduxisset, ad sacram Minorum, qui de Obseruantia nuncupantur, familiam confugiens, postquam in eâ per annum, omni cum virtutis laude versatus fuisset, quo tempore Ludouicus Rheginus, ac Bernardinus Georgius in Capucinatorum Reformatione inter Calabros statuendâ impigrè laborabant, is horum Patrum, quos perfectæ Regulæ obseruatores esse non ignorabat, exemplo permotus, ac purioris obseruantia studio incensus, cum his ad Capucinatorum gremium se confert. Ab ipsis suæ conuersionis incunabulis, tanto studio virtutibus, ac præsertim humilitati & charitati, quæ præcipua sunt Laicorum Fratrum ornamenta, corpit incumbere, vt nihil præterquam humillima de seipso sentiret, & vniuersos sibi Superiores esse existimans, omnibus ad nutum pareret. Sacerdotes velut Dei ministros, tantâ veneratione prosequabatur, vt cum eis confedere nunquam visus fuerit. Vera porro hæc cordis humilitas, tam perfectam illi mentis obedientiam parauerat, vt voluntate, nèdum voce Superioris perceptâ, aures auditui, linguam voci, manus operi pararet. Aliquando accidit, vt Rhegij Conuentus Superior, necessitate compulsus Antoninum, qui tunc septuagenarius erat, comite illi Bonauenturâ Rhegino adiuncto, Arasium properare iubet. Jam nox tenebras offudebat, nubesque ita Cælum obduxerant, vt vehementem breui imbrem minarentur. Haud tamen cunctatur Vir obediens, sed mentem obedientia, ac pedes itineri parans, Arasium proficiscitur. Vix medium iter confecerat, cum graui ventorum, ac imbrium procellâ iam imminente, cæloq; vndique tonitruis perstreptente, Antoninus ad Occidentem conuersus, vnde aëris tempestatem erumpentem cernit, flexis genibus tantisper Deum precatus est; tempestati ( in Dei nomine, & sanctæ obedientia, quam explendam acceperat ) nè propius ad eos accedat, præcipit;

donec ab eis iter perficiatur. Mirabile dictu, stat tempestas, silent tonitrua, ac tamdiu serenum ipsis itinerantibus cœlum exhibent, quoad obedientiæ opus implerent. Post hæc Ticinum ad virum quendam Ordinis beneuolum diuertentes, tot deinceps cœpit cœlum imbribus plueri, & vndique tellus aquis exundaret. Rursus ex perfectâ viri huius humilitate, inuicta quædam animi patientia pululabat, quæ plerisque rerum exemplis enituit, maximè verò in primæuis illis Calabræ reformationis persecutionibus sustinendis, tum in comitali morbo, quo per quadraginta annorum tempus grauius afflicto fuit, iucundo, nedum æquo animo perferendo. Demum in varijs Dæmonum infestationibus, quas diu fortiter tulit; in quibus maxima illius patientia eluxit. Tanta vero erat viri Dei charitas, vt ægrotos, amantissimæ matris instar, tenerrimo prosequeretur affectu. Pauperum tantopere inopia afficiebatur, vt haud raro ad eorum inopiam subleuandam sibi necessaria adimeret. Grauis quædam frugum caritas totum Rheginum agrum occupauerat, cum Antoninus cum socio Siminariam, quæ triginta milliaria à Rhegio abest, iter faciens, tres sibi in sacculo panes reponit, quibus in itinere vesci possent. Dies ieiunij erat, vixq; paululum ab vrbe progressi, pauperculus ab Antonino panem petit, cui ille panem integrum porrigit, paulò longius cum processissent, en alter, priori inferior, stipem flagitat; cui secundum Antoninus panem largitur; Accidit quoque, vt tertius etiam inops omnium miserrimus accederet, cui Eleemosynam postulanti, tertium Antoninus dimidiatum panem erogat, submurmurabat socius, cui spes omnis annonæ ablata erat, cui Antoninus: Nihil animum tuum sollicitet Pater: Iacta in Dominum curam tuam, is abunde seruis suis annonam suppeditabit. Fons in ipso montium accessu inter opaca nemorum loca delitescibat, ad quem cum Antoninus socium nonnihil obmurmurantem, verbis suauioribus compulisset, ibi nobiles quosdam conuiuantes offendit, qui eos mox ad prandium iucundissimè prouocant, sicq; diuinâ prouidentiâ factum est, vt multo ampliorem, quam pauperibus erogauerant, à Domino annonam acciperent. Cæterum, hæc sancti Viri charitas haud minus in tollendis controuersijs eluxit; cuius hoc illustre exemplum legitur. Rhegij inter quosdam honestæ familiæ coniuges irreconciliabilis, ac diuturna animorum dissensio vigerat. Hæc simul ac Antonino innotuit, celerius ad coniugum domum concedit, dumq; ad mutuam beneuolentiam vtrumque prouocat; en Ælurus, quem ij velut domesticum

alebant, ad eos accedit. Quo vix conspecto, vir Dei Dæmonem sub illâ Æluri formâ delitescentem, ac discordiarum satorem agnoscit, eumq; mox sistere iubet, atque vt ementitâ Æluri specie depositâ propriam induat, ac seipsum quis sit prodat, in Dei virtute imperat. Haud imperatis Dæmon reluctari potuit, statimq; ex Æluro Dæmon horribilis conspicitur, qui mox ijs stupentibus, in auras defugit. Illi vero Dæmone effugato, verbis Antonini suauissimis commoti, perpetuam deinceps inter se pacem coluere. At præclarum illud viri huius charitatis argumentum fuit, quâ inimicum fratris sui interfectorem, totâ Rheginâ vrbe obstupescente, non solum tennerrimè amplexatus est, sed etiam post suauem correctionem, & ad pœnitentiam exhortationem, sceleris condonationem, à propinquis homini fratricidæ scripto exaratam, impetrauit. Abstinenciam verò ita colebat, vt consuetis Religionis ieiunijs haud contentus, quadragenarias inedias, quæ B.P.N. Francisco familiares familiares fuere, ad octogesimum vsque ætatis suæ annum, perpetuâ lege sibi præstitutâ seruauerit, cum tamen sæpissimè solâ panis, & aquæ refectione contentus esset. Aspero ad obitum vsque cilicio vsus fuit. Vestis asperitatem, lecti duritiem, somni parcitatem, vigiliarum diuturnitatem, voluntarias frigoris passiones, quotidianos manuum labores, ac pleraque alia austeritatum genera prætereo. Omnia sensuum oblectamenta, animiq; remissiones fugiebat. Iam quadragesimum Religionis annum attingens, num præteritorum malefactorum veniam à Deo tulisset, etiam nûm ignorare aiebat. Orationi tam sedulò incumbere, vt post diuturnos labores, & post Matutinas Horas perpetuò eam comitem haberet, ac inter omnes corporis exercitationes, in eo semper illius fumaret igniculus; adeoq; in Dominicæ vitæ, ac Passionis meditatione, charitate excelebat, vt & illius facies interdum solis instar splenderet, & diuino spiritu actus, extra sensus haud rarò raperetur. Quod illi in Conuentu Rhegij aliquandò accidit: ibi namque dum vir Dei ante Matutinas horas, in Ecclesiâ orat, Fr. Thomas Cataciensis Antoninum in medio Ecclesiæ clarissimâ luce circumfufum, ac solis instar fulgentem, è solo quatuor circiter palmorum altitudine in aëra subleuatam conspicit, ex quo lucis radij in totam Ecclesiam diffundebantur. Cumq; Thomæ perpetuum silentium indiceret, annuit ille, dummodò quid in eâ visione sibi à Deo collocatum fuisset, non subiceret; Tum vir Dei iam dudum (ait) à Domino summis precibus postulaueram, vt transfigurationis suæ modum, & gloriam mihi pro suâ benignitate

aperire vellet. Distulit aliquamdiu Dominus: verum id hac nocte mihi à Domino benignissimè collatum. Tu igitur caue, nè alicui cœleste secretum aperias. Ex huius diuinæ charitatis ardore, tam potens, atque efficax ipsius apud Deum oratio euaserat, vt ab eo nunquam vacua rediret. Quod quam plurima exempla declarant. Petrus quidam, Principatus cognomine, Rheginus, à Marco Antonio Marino, catapultariâ glande appetitus, tot prætereâ vulneribus confossus fuit, vt dissecto vsque ad medium collo, semiuuius ab eo dimissus fuerit. Hæc eâdem horâ Vir Dei superueniens, miserum, animam propè exhalantem offendit; cumq; sacræ Virginis imaginem protulisset, Petrum, vt inimico ignoscat, odia ex animo depomat, ac vt huius promissi fidem Beatissimæ Virgini iuret, compellat. Vir itaque semiuuius dexteram ad Imaginem in iuramenti signum extendens, stabilem Beatissimæ Virgini fidem pollicetur. Post hæc Antoninus ad orationem secedens, tot sacram Deiparam lachrymis, ac precibus sollicitat; vt breuissimo tempore Petro vulnerum incolunitatem exorauerit. Dum Rhegij Conuentum Fr. Bernardinus Rheginus iunior moderatur, fortè accidit, vt è Siculâ Prouinciâ duodeviginti Fratres (quibus & alij sex ex aliâ Prouinciâ accessere) sub vnius diei vesperum aduentarent, cumq; præter duos panes, & nonnulla frustula, nihil prorsus panis in domo superesset, Guardianus, cui Antonini (qui refectorij curam agebat) apud Deum sanctitas satis nota erat, vt panem suâ benedictione prosequatur, imperat, eumq; fratribus aduenis apponat. Properat vir superiori obediens, in genua procumbit, panem à Deo precibus postulat; tum geminos illos panes sumens, dum eos nouis hospitibus distribuit, tam multiplicatos à Deo accipit; vt non solum viginti quatuor Fratribus ad saturitatem sufficerent; verum etiam alij octo sæculares viri, eo tempore aduentantes, his abunde refectioni fuerint. Eodem planè modo, cum in eodem Conuentu, quatuor tantum panes superessent, Guardiano obtemperans, Deum rogat, panibus benedicit, eosq; ita suâ oratione, ac benedictione multiplicat, vt Colletæ cuidam Angirio viro nobili, quadraginta Equitum turmâ stipato, copiosè ad vescendum satis fuerint. Hac ipsâ tempestate adolescens quidam in proscriptorum manus incidit, quem cum captiuum detinent, ac pro illius libertatis pretio grauem æris summam à parentibus exigunt; Vir Dei, adolescentis casum, ac parentum inopiam miseratus, intrepidè ad proscriptos, qui inter vasta quædam nemora degebant, accedit: dumq; apud eos pro adolescentis liberatione inter-

pellat, ex his vnus; cur Pater, inquit, huc ad nos veniens, panem nobis saltem, quo famelici vesceremur, non attulisti? Cui Vir Dei: Rem profectò honestam postulasti, ne dubites, panem protinùs accipies, veruntamen tantisper expecta. Tùm paululum seorsum cum socio ad orationem secedens, cum è cœlo panem acceperisset, paulò post anticà, quam secum detulerat, pane recenti, atque etiamnum candore refertà, onustus ad eos redit, panemq; præter omnium expectationem profert. Mirantur illi, Virum Dei venerantur, atque illi captiuum adolescentem libenter condonant. Adhæc cum eodem Bernardino Rhegino Messanam profecturus, Siculum fretum æstuans, suâ oratione sedat, ac vt prædixerat, vndas in alteram partem inflectere cogit. Ingentem quoque trabis molem, quam vix quatuor iuga boum mouere valerent, breui oratione Beatissimam Virginem interpellans tam leuem reddit, vt duo tantum boues, perinde ac si leue aliquod illud onus esset, facillimè vehere potuerint. Cum autem Anno 1571. in Rheginâ vrbe grauis pestilentia grassaretur, Vir Dei assiduus ad Virginem Deiparam pro vrbs liberatione lachrymas, ac preces fundebat. Tandem post diuturnas preces, dum Antoninus pomeridiano tempore totus Orationi in Ecclesiâ vacat, En inclyta Cœlorum Regina, clarissimâ vndique luce circumfusâ, Viro Dei in cancellorum summitate eminens apparet: cuius bini Angeli, geminas faces accensas manibus gestantes, vtrumque latus stipabant. Tum Virgo Beatissima Antonino humanissimè: Quid à me, fili gratiæ expetis? fidenter pete; idenim proculdubio accipies. Hac Beatissimæ Virginis pollicitatione Vir Dei animum assumens: Peto (inquit) ô hominum, Angelorumq; Regina, & hæc mea Rhegina vrbs, tam graui, ac diuturnâ hæctenus lue probata, in tuâ filijq; tui miseratione respiret. His grato vultu Virgo Deipara: Placet (inquit) fili, quod petis: Iamq; Vrbs liberatio meo suffragio tibi concessa est. Veruntamen Generalem Archiepiscopi Vicarium admone, vt publicam supplicationem instituat, omnesq; mecum in hac Capucinatorum Ecclesiâ, quæ mihi dicata est, suffragium implorent. Hoc enim pacto Rhegina vrbs à lue prorsus libera erit. Sacrà igitur Deiparâ post hoc dicta ad superos volante, cum Antoninus, ob summam animi humilitatem, quâ Diuinæ misericordiæ opus suis meritis adscribi metuebat, indies Beatissimæ Virginis mandatum vrbs Vicario renunciare differret; gemini post aliquot dies, Angeli sub Capucinatorum habitu, è Cœlo ad Alphonsum vrbs Gubernatorem mittuntur, qui his illum verbis affantur: Alphonse,



Metropolitanæ Ecclesiæ Vicario Generali significat, vt pro vrbs liberatione generalem supplicationem instituat; atque in Ecclesiâ Capucinatorum S. Marię de Consolatione, Beatiss. Virginis opem imploret: inde enim fiet, vt Virginis patrocinio vrbs à pestilentia morbo liberetur. Porro Gubernator, eo accepto nuntio, nullâ interpositâ morâ, cum Vicario Generali agit, Processioq; ad S. Marię de Consolatione Ædes ordinatur. Interea vrbs Rectores, quod rem diligentius explorarent, ad Conuentum conuolant; atq; à Guardiano, quo pacto res sese habeat, addiscere quærunt. Guardianus rem penitus se ignorare ait; neque illos se ad Gubernatorem. Fratres destinasse affirmat: quin etiam neminem ex suis Fratribus à sexto ab hinc mense urbem ingressum asseuerat. Rei itaque veritate fluctuante, Guardianus, cum rem non sine Dei consilio agi secum perpenderet; dum pleraque in mente volutat, dubium illi suboriri cœpit; num Antonio, cuius sanctimoniam probè agnitam habebat, diuina huius rei reuelatio facta esset: quem protinus ad se aduocatum obedientiæ præcepto obstrinxit; vt si quid circa vrbs liberationem diuinitus reuelatum accepisset, candidè declararet. Antonius Superioris præcepto audito, cum terga vertere non valeret, simplici sermone, quid cum Deiparâ Virgine illi acciderit, perspicuè narrat: nihil tamen ab eo cuiquam narratum, aut verbo tenus declaratum fuisse affirmans. Silentij quoque causam eam esse aperit, ne Diuina illi reuelatio ascriberetur. Quod cum Proceribus significatum esset; inde omnibus exploratum fuit, eos, qui vrbs Præfectum instituendæ supplicationis admonuere, non homines, aut Capucinos Fratres, sed cœlestes nuncios extitisse, à Deiparâ missos; qui quod Vir Dei ob mentis humilitatem indicare extimuerat, sub Capucinatorum habitu significarent, & vrbs liberationem à Capucino viro profectam ostenderent. Hac igitur Supplicatione institutâ, ac Beatissimæ Virginis ope ab omnibus imploratâ Rhëgina vrbs à sæuâ illâ pestilentia protinus libera fuit. Innumeras quoque Antoninus morborum curationes, solo Crucis signaculo adhibito diuinitus præstabat. Andræ Ciuis Rhëgini paralyticum filium diu morbo oppressum, signo Crucis benedicens, hæc quoque verba proferens: Christus natus est: Christus mortuus est: Christus resurrexit quibus ille semper vti consueuerat trinum Crucis signum, ac benedictionem adhibens) puerum patri reddit, his illum verbis compellans: Sine, Andræ, vt puer per se ambulet. Puer verò, qui hætenus nec membra mouere, neque ambulare poterat, vix à patre

dimissus,

dimissus, libere progredi coepit; atque eadem hora integræ incolumitatis redditus fuit. Cuiusdam Nobilis Regini filium, ad Medicorum desperationem ægotantem, ferè hoc eodem tempore; Crucis consignatum incolumem parenti restituit. In Oppido Tricensi, Nobilis quædam mulier, Andreola nomine, gratissimo vberis morbo laborabat, desperatâ tandem plagâ. Antoninus consuetâ suâ præcatione usus, vber Crucis signo appetit; moxq; illud perfectè curat. Altera quoque Nobilis scemina in Reginâ vrbe grauissimè ad certum mortis periculum languebat. Hanc vbi Dei seruus suauiter affatus est, tandem signo Crucis, atque optatâ benedictione donat; quæ diuinâ operante virtute, breui ab ægitudine conualescit. Fr. Franciscus Hieracensis Capucinus Laicus; acutâ febre Hieracij correptus, magno in vitæ discrimine versabatur. At vbi Antoninus illius frontem Crucis signaculo obsignans, hæc illum verba profert, iussisset: *Is s-v Nazarene; Rex Iudæorum; misereere mei.* Post hæc ait: *Bono animo esto: Iam vterius non progredietur febris.* Moxq; à febre dimissus, breui incolumis euasit. Nobilis quidam Reginus in Ordinem beneuolus, innumeris penè vulneribus faucius euadens, Medici de illius salute spem omnem abijciebant, cum Vir Dei vbi multis eum verbis ad inimicorum dilectionem disposuit, Crucis signum ægro admouet. Quò breui tempore, perfectam vulnerum curationem accepit. Petrus Iacobus Matris, securi graue sibi vulnus infligens, neruum obtruncauerat: quo in vulnere curando, cum multorum Medicorum; iam per annum frustra penitiam expertus esset, Antoninus ægram illius manum apprehensam, cum signo Crucis profecutus fuisset, ea postridie perfectæ incolumitati reddita fuit. Propertij Oliuæ Patrem graui febre laborantem (cui & grauissimus capitis languor accedens, ægrum miserrimè torquebat) cum Vir Dei, eâ, qua præditus erat, charitate infirmum complectens, viuifico redemptionis nostræ signo communijsset, mox Dei ille virtute sanatur. Abbas quidam Brassus agnomine, Petri Remères, qui in Terræ nouæ Oppido nobilissimus, atque in Capucinos beneuolus, germanus frater, tam pestiferè repentè aliquando morbo correptus fuerat; vt, antequam se sacrâ Confessione expiare, ac cæteris Sacramentis frui posset, loquendi illi facultate ademptâ, eum ad funus festinatò raperet. Adest Antoninus, à quo familiares, & propinqui, vt preces ad Deum pro ægroti salute fundat, obnixè efflagitant. Quibus ille: Ego quidem (inquit) Deum rogabo; vt Abbas sibi redditus, linguam, ac vocem recipiat,

quâ peccata sua God fessione glære in acciteris Sacramentis commuoniri queat, it tamen Bruiiores hurbanas dolenet. His dictis, cum aliquamdiu Domino orasset, surgens signo Crucis agrum in fronte consignat, ac liberat illi vocem, & uentis iudicium restituit: qui sacris Ecclesiæ Sacramentis eodem modis, suauiter in Domino obdormit. Cuiusdam ex Tripodprub familiâ, Antonini propini quæ filius febre, & angina æstuans ad funera rapiebatur, cui Vno Dei baculo, quem in dextrâ gestabat, Crucis signum in gutture formans, mox ab eo febre, & adginam expellit, perfectamque illi incolumitatem testituit. Catharinæ ex eadem familiâ, quæ Tertij Ordinis S. P. N. Francisci habitum gestabat, Tricini graui febre ægrotabat, quam ubi Vir sanctus ter signo Crucis obsignauit, statim febrem fugat, abscedensq; valentem relinquit. Quamplurimos quoque hic Vir Dei, quætanâ febre diu laborantes, eodem signo Crucis, consueta semper præcatiunculâ additâ, persanat. Inter quos enumeratur Fr. Matthæus à S. Martino, Capucinus Sacerdos, qui his eodem signo ab eo curaps fuit: Fr. Hieronymus Dinamensis, Conclonator, aliter Hieronymus Rheginus, Nouitius Scipio Talionus Iurisperitus, qui diu molestissimè eâ afflictati fuerant. Plerique etiam varijs alijs corporis languoribus, ab eo signo Crucis curantur. Nobilis quidam Rheginus, è graui capitis morbo, à quo nullis vnquam remedijs leuati potuerat, solo Crucis signo à Viro Dei illi exhibito, liberatur. Ioannes Mantius Iurisperitus, qui laterum dolore diu cruciatus fuerat, se ab Antonino signo Crucis benedici curat, cuius benedictione mox sanitatem, dolore effugato consequitur. Tot, præter enarratas alias, is morborum curationes signo Crucis contulisse legitur, vt diuulgatâ illius sanctitatis famâ, cum primùm ad Rheginam urbem accederet, quotquot morbo aliquo detinebantur, ad eum confluerent, quos signo Crucis adhibito, diuinâ virtute curabat. Adsunt alia quoque miracula promissæ uel ab eo, vel signo Crucis, vel oratione patrata, quæ cum vera ac probata sint, Deiq; Maiestatem, in suo fideli seruo, haud leuiter commendent, ea reticere nefas omnino existima-uerim. Hieracensis vrbs, præruptis quibusdam locis, exiguis saltibus obsitis, obsessa est: in quibus cum aliquando fortuitò ignis accensus esset, is tam ingens mox incendiûm peperit, vt vastitatem vrbi minaretur. Quod ubi conspexit Antoninus, mox cum socio Fr. Antonio Galatrensi, in genua procumbens, Dominum pro vrbs periculo precatur: dumq; is orat, præter omnem spem mitescit

incendium; at oratione peractâ , prorsus ignis extinguitur, vrbsq; à periculo liberatur. Fr. quidam Rheginæ familiæ, pullum gallina-  
 ceum grandiozem, quem horti herbas depascentem inuenerat, dum  
 se lapide effugare putat, eundem occidit. Aderat factò præfens  
 Antoninus, qui cùm fratrem ex pulli interitu, mœrore confectum  
 cerneret, pullum statim manibus apprehendens, cùm aperto ore  
 in illud insufflâisset, viuus protinus ab eo pullus euolat. Fr. Angeli  
 Arafienfis sororis bombycum gregem inutilem, ac degenerem,  
 suis Vir Dei manibus, albis moræ folijs ad esum appositis, atque in  
 Dei nomine benedictis, protinùs ad fructum prouocat. Eâdem  
 quoque benedictione, cùm aliquando Mariani Sappæ, viri in Or-  
 dinem deuotissimi, bombycum agmen planè desperatum profecut-  
 us fuisset, serico vberissimum præstitit. Nihil denique tam na-  
 turæ arduum, ac impossibile videbatur, quod is diuinâ virtute fre-  
 tus non efficeret. Quid enim rerum multiplicatione naturæ im-  
 possibilem excogitari potest; quam tamen sanctus hic Dei sertus,  
 tam facillè Diuinâ virtute præstitit, vt pleraque huius rei, præter  
 superius enarrata, exempla referantur. Rhegini panem agrico-  
 lis multiplicat, amplioraque, quàm quæ apposita fuerant, fru-  
 stula post refectionem supersunt. Hoc modo copiosum alterum  
 Nobilium virorum agmen Scipione Musolino ductore, breui-  
 simo pane, diuinâ virtute, ipsius oratione multiplicato, ad satu-  
 ritatem pascit. Eodem tempore lactis cremorem, dum in cor-  
 tinâ ebullit, signo Crucis benedicens, Dominico Capuæ, omni-  
 bus miraculo obstupefactis, multiplicat. Vinum ad sacrum Mis-  
 sæ Sacrificium celebrandum, Ordinis beneuolo ad eò in doliò mul-  
 tiplicat, vt per integri anni tempus Missarum celebrationi satisfe-  
 cerit; dolium vino vacuum, in campestri quâdam Bargiorum  
 familia domo, ita plenum reddit, vt non modò lagenam imple-  
 uerit, verum & toti domus familiæ vsque ad quartum mensem,  
 quo vuæ ad vindemiam legebantur, suffecerit. Eodem quoque  
 modo exhaustum dolium, Oliuarum familiæ replet, dum ab eâ vi-  
 num postulat. Vir Dei trans flumen Taurocinum semel profectus,  
 dum vinum à muliere poscit; illaq; respondet, nihil in domo vini  
 adesse, tametsi dolium vino ferè plenum esset, vinum in doliò  
 auaritiâ arescit. Iterum Antonino à muliere vinum petente, cùm  
 libentissimè annueret, vinum in doliolum restituitur. Prophetiæ  
 quoque spiritu Vir Dei tam copiosè diuinitus exornatus fuit, vt  
 nec quicquam eorum, quæ vel futura, vel occulta essent, ipsum latere

videretur. Lademontis Scriuæ, Nobilis Rhegini vxor, liberis carebat, cui illam breui masculum parituram prænunciat. In eadẽ Rheginâ vrbe, Mariæ Dominici Capuæ vxori, masculum quamprimùm enixuram, cum tamen haud superstitem futurum; alios verò post hæc diu incolumes parituram. Franciscæ Carbo, & Laurianæ Cambi, Nobilibus Rheginis, fœtum in vtero gestantibus, vtramque masculum absque periculo in lucem edituram prænunciat. Quæ omnia res ipsa suo tempore comprobauit. Camillo Dianâ Iurisperito in lecto ægrotante, indictâ illicitæ Veneris abstinentiâ, dum is castitatis seruandæ optimum apud se consilium inijsset, cum eo incolumitatem adipiscitur; eiusq; Camilli cubicularius, qui quartanâ febre laborabat, cubiculum ingressus, perinde ac si Viri Dei verbis febris expulsa esset, ab eo protinus abscessit. Catharinæ Tripodæ secretum mœrorem aperiens, quartam fœminam, quam in vtero gestabat, parituram, sponsumq; eam sibi in Capucinarum gremio Christum electuram præsignificat. Alteri quoque ex Tripodorum familiâ prolem, quam in vtero gestabat, in Capucinatorum album adscribendum prædicit; Plurimaq; alia, spiritu prophetico prænunciat, quæ rerum euentus certa comprobauit. Politæ Potamiæ, Scipionis Musolini vxori, filiæ chiarissimæ adhuc incolumis prematuram mortem significat; alijsq; plurimis incolumitates, mortem, infortunia, à periculis liberationem, & his similia, diuino spiritu prædicit. Mariam Tertiariam, quæ in quâdam nepotum suorum, qui lue infecti erant, domo absque discrimine conuersabatur, Beatissimâ Virgine id ipsi in oratione iubente, durius increpat; ob id maximè, quod imprudenter se periculo exponeret, eamq; solâ Beatissimæ Virginis ope à lue liberatam affirmat. Postremò, cum Fr. Hieronymus Georgiensis, & Iacobus Rheginus, qui peste laborantibus in Rheginâ vrbe ministrabant, lue sublatis in cœlum conscenderent; vterque Antonino apparet; ac posterior ab eo benedictionem exposcit. At verò id in hoc viro magis admiratione dignum fuit, quod eodem temporis momento, dum etiamnum inter mortales versatur, diuinâ virtute varijs in locis, situ, ac locorum intercapedine diffusus, conspicitur. Iulia Massâ, Georgio Teriæ, Nobili Rhegino nupsit; quos Dæmon diabolicâ maleficorum arte ita fascino alligauerat, vt summo se odio prosequerentur: cum Vir Dei Iuliam aliquando domi conueniens, vbi eam nonnullis verbis ad coniugis amorem prouocauit, Crucis signaculo communit; quo cum magicum opus dissoluisset, ea mox ad Coniugis beneuolen-

tiam redijt. Postridie verò vix elucescente die, Vir Dei Georgio adhuc in lecto iacenti apparet, quem duris verbis correptum, Crucis signo benedicit; eoq; signo Vir repenti ex lupo agnus euadit; cum tamen Antoninus eâ die è Monasterio non excessisset, sed eum præsentem Fratres semper in Conuentu habuissent. Auiculæ quoque syluestres ab ipso inuitatæ, multis spectantibus ab eo cibum velut domesticæ accipiunt. Incredibile est, quàm varijs modis à Dæmone infestatus, quàm multa de eo deuictò tam patientiæ, quàm ardentium precum armis trophæa referat. At Satan tot serui Dei triumphis fremens, dùm aliquando in Ecclesiâ orat, ita se illi horribilem exhibet, vt Vir Dei eo aspectu tam ingenti terrore correptus fuerit, vt membrorum tremorem perpetuum vitæ comitem habuerit. Dæmonis quoque artes, consilia, insidias, diuinitus percipiebat, præueniebat, dissipabat. At illud planè memoriâ dignum, quod in Rhegino Conuentu aliquandò viro Dei demonstratum fuit. Ianuæ is custodiæ inuigilabat, cum nocte quadam intempestâ ostij tintinabulum pulsari audiens, ad ianuam properat; eâq; vix patefactâ, bis, ternos Dæmones, sub Æthiopum nigerrimorum formâ adstantes, intuetur: quorum cum aspectu perterrefieret, qui inter eos dignior apparebat: Ne terreare (ait;) huc enim à præpontente Deo missi venimus, vt illius iussa perficiamus. Quapropter Guardiaſum admonet, vt quamprimum Sacerdotem sacrâ stolâ, & Calice munitum, huc destinet, Dei tantummodò imperata facturum. Nihil cunctatum: accedit Sacerdos sacris indutus, calicemq; in manu gestans, præcedunt Dæmones, Sacerdotemq; ad sepulchrum quoddam, quod extra Ecclesiam in porticu effossum erat, perducentes, inde hominem, qui pridie in eo conditus fuerat, protinus extrahunt; osq; cadaueris aperientes, Sacerdotem, vt calicem ori supponat, seriùs admonent: quo subiecto, cum ex his vnus, manu compressâ, defuncti occiput pugno oppetisset, mox sacræ Eucharistiæ particula, quam is indignè ante obitum sumpserat, ex illius ore delapsa, in calicem incidit. Dæmones verò cadauer illud sacrâ sepulturâ indignum, secum statim asportant. Iam verò fidelis hic Dei seruus, quatuor supra quinquaginta annos, in Minorum Capucinorum familiâ, maximâ cum virtutis, miraculorum, & sanctimonix laude famulatus fuerat; cum annum agens octogesium, Rhegij supremum sibi diem imminere Deo reuelante intelligit; sui que obitus diem, antequam morbo aliquo grauaretur, nonnullis aperit. Post hæc, cum in morbum incidisset, extremo cum Diabolo prælio

certaturus, strenuus, ac veteranus Christi miles, necessarijs se Ecclesiæ Sacramentis armat; totoq; ad cœlestem patriam spiritu anhelans, haud tamen beneficentiæ cuiusdam Georgij Teriæ, Nobilis Rhegini, in morte obliuiscitur: nam pridie, quam è viuis excederet, sub vesperum illi in quadam campestri domo apparet; quem cum proprio nomine appellasset: Georgi (inquit) iam abeundi præscriptum tempus à Superiore accepi; citò hinc mihi transmigrandum: quare pro acceptis beneficijs gratias acturus veni. Cui Georgius: Ne, Antonine mi, ne quæso discedas. Ego ad Superiorem scribam, vt obedientiæ præceptum in aliud tempus differat. At Antoninus: Nihil (inquit) literæ tuæ proderunt. Acta res est: parendum omnino. Crastinâ hinc luce proficiscar. Quem cum Georgius adhuc impensius rogaret, vt diem saltêm differret: Neque id (ait) tibi polliceri queo: manè duntaxat me, si ad nos veneris, offendes. Hisq; statim dictis abcessit. Porro manè illucescente, cum Georgius se ad Monasterium contulisset, Antoninum eâ nocte defunctum, atque in Ecclesiâ communi feretro iacentem reperit. Ex quo tunc primum, eum non corpore, sed spiritu sibi præsentem adfuisse; vel si corpore præsens fuit, id Diuinâ prorsus virtute præstitisse agnoscit. Die igitur octauâ S. P. N. Francisci, præclarus hic Dei seruus humana linquens, Cœlestium choris adiungitur. Statim verò post animam è corpore solutam, caro ipsius, quæ oliuarum prius colorem referebat, tam candida, membraq; aded mollia, ac tractabilia euasere; vt viuents potius, quàm mortui speciem ostenderent; moxq; ex illius corpore suavis vbique odor effundi cœpit. Dùm verò iusta defuncto in Ecclesiâ persoluuntur; inter alios vir altero femore captus, equo ad Ecclesiam vectus (neque enim seipso libere progredi poterat) supra defuncti corpus ruens, illiusq; suffragium apud Deum implorans, illicò incolumis surgit, ac sanis pedibus domum reuertitur. Cæterum habitus illius particulæ à varijs præcisæ; baculus quoque, cui viuens innitebatur (sicut fide dignis testibus probatum est) quam plurimos à morbis curant; aliaque post hæc signa diuinâ virtute patrantur. Denique sexto post huius sancti Viri obitum anno, cum alterius Fratris defuncti corpus in idem sepulchrum inferendum esset, Antonini caput integrum capillis, & barbâ pelli coherentibus conspicitur: quod in scrinio cum honore conditum plerique ægrotis suo contactu incolumitatem contulit. Inter hos fuit adolescens quidam, Franciscus nomine, Catharinæ Musilię Rheginæ filius, cui ob grauem casum manus

dextera



dextera ita contracta fuerat, vt in eâ tuber quoddam prominens, ac durum ingeneratum esset; cui curando cum vniuersa penè remedia adhibita fuissent, solo huius capitis contactu extemplo sanatus fuit, nullo morbi ne quidem vestigio relicto. Hoc eodem tempore Catharina, huius adolescentis mater, quæ tam graui in mamillâ morbo laborabat, vt carcinomatis suspicionem Medicorum animis ingereret; filij incolumitate perspectâ, cum eodem & ipsa mamillam capite contigisset, perfectâ quoque & ipsa sanitate potita est. Postremò Anno 1609. cum mulieri à Dæmone obsessæ à Sacerdote sacræ obtestationes adhiberentur, huius sancti Viri capite obsessæ imposito, spiritus mulierem exagitans, eo se magis prægrauari exclamat, quàm si terni super eum mundi imponerentur. Obijt Vir Sanctus Anno 1586.

Cathalonix Prouincia Fr. IUNIPERVm à SAMBOY, Laicum, hominem magnum virtute, ac perfectum Regulæ obseruatorem commendat: quem vitæ austeritas, humilitas patientia, paupertatis zelus, ac omnium virtutum studia præ cæteris commendabilem reddidère. Obijt Anno 1586.

Mediolanensis Prouinciæ monumenta Fr. VENTVRAM SONCINATEM, Laicum, plurimum virtutum laude celebrant; qui cum tabidâ feбри diu laborasset, tot in eâ ægritudine virtutibus eluxit, vt pridie quàm ex humanis migraret, cœlestem vocem se commonefacientem audierit, vt seipsum ad vitæ occasum pararet. Quare animo poenitentia expiato, ac Sacramentis omni cum pietate susceptis, postridie animam Deo reddidit,

Anno 1586.





BEATVS FELIX À CANTALITIO CAPVCINVS  
LAICVS.

# B. FELICIS A CANTALICIO LAICI

## VITA, ET GESTA.

**B**EATVS FELIX, ab exiguo quodam Oppido, quod Cantalicium appellant, originem duxit. Futuram pueri huius sanctitatem non obscure in ipso ortu demonstrauit, quod pater Sancti, mater quoque Sanctæ nomen, & appellationem nacti fuerint; à quâ nec eorum vita dissidentanea erat: inde puer, ex vtriusque parentis nomine futuræ sanctitatis auspicium, ac præsagium, etiam ex multorum opinione, tulit, qui de puero ita olim prognosticabantur: pater Sanctus vocatur, mater Sancta; quid? num & puer iste Sanctus erit? Circa annum itaq; Domini 1513. antequam Lutherus Saxo hæresin disseminaret; ne totum orbem suâ caligine inuolueret, atq; obnubilaret, tanquam nouum sidus mundo datus fuit. Et quamuis obscuro loco, obscuro genere, obscurisq; parentibus natus; virtute tamen, quæ ipsum ad prouectam vsque ætatem semper secuta est, clarissimus, ac nobilissimus fuit. Cum primùm ad puerilitatem peruenit, ob domesticam inopiam, pascendis armentis in agrum destinatur. Tanta verò puero à natura erat indolis indita bonitas, vt qui Felicem nouerant, vniuersi in eum, velut nouum orbis prodigium, oculos, animosq; conuertèrent: ita vt plerique talia in puero præludia suspicientes, haud secus, quàm Iudæi de Ioanne Baptista, secum quærerent: *Quis putas puer iste erit?* Cœlestem enī in animo pædagogum nactus, nihil vnquam leue, aut inane proferebat; à puerilibus, vt plurimùm, ludis abstinebat; ludicra omnia refugiebat; turpia verò, atque obscœna tantoperè exhorrebat, vt ne illa quidem audire posset; imò si in id fortè vitij, eo absente, socij impingerent, cum primùm Felicem accedentem animaduertebant, ab eo se protinus continentes, dicebant, (quod & de Bernardino dicitur) En Felix adest: en appropinquat Sanctus. Quanquam verò Felix pascendis armentis occupatus, perrarò diuinis Mysterijs interesse valeret; pascua tamen ipsa, ac deserta, perinde ac si templorum limina essent, sibi ad orationem deligens, in his defixis in cœlum ocellis, diuinum Numen deuotus precabatur. Frequentius verò Venerabili Crucis signo in arborum corticibus insculpto, ante ipsum illachrymans procumbebat, ac Domini Salua-

toris vulnera, ac Passiones, quemadmodum à parentibus edoctus fuerat, omni cum pietate, ac gemitu ruminabat; seorsimq; à socijs inter nemora, aut rubeta secedens, vt Christi dolorum particeps fieret, flagello, quod ex funiculis compactum sibi parauerat, nudatos humeros multiplici verbere flagellabat. Duodecimum tandem annum attingens, à Patre, nobilis cuiusdam viri obsequijs mancipatur, qui eum robustiori ætate præditum aratri laboribus addicit; quo in exercitio, tam in omni virtutum genere profecit, vt cunctis humilitatis, patientiæ, modestiæ, mortificationis, honestatis, pietatis exempla præberet. Rarò, præterquàm de rebus necessarijs, siue ad salutem proficuis, cum vilo sermones miscens, mirum in modum solus esse affectabat. His quamdiu aratri curis implicitus fuit, nullam vnquam temporis partem inanem sibi effluere passus est; sed corporis laboribus incumbens, mentis aciem ad Deum conuertebat, animumq; sacris meditationibus fatigabat. Dominicos dies, atq; alias Sanctorum solemnitates, quibus ille à labore vacabat, quò sanctiis ageret, in his ad Venerabile Eucharistiæ Sacramentum accedens, totum se in Diuinæ charitatis amplexum effundebat. Tantà Vir hic, adhuc in agrorum culturâ occupatus, in Sacrosanctum Missæ Sacrificium religione ferebatur; vt cum ob quotidianos agri labores, profestis diebus, sacris huiusmodi Mysterijs interesse non posset; ijs inter orandum tam defixa mentis acie intenderet, vt præsens diuinum illud Sacramentum venerari videretur. Quod quàm D.O.M. gratum fuerit, is insueto planè miraculo semel, atq; iterum declarare voluit. Nam hoc ipso tempore, quo agri culturæ vacans, rusticam rem pertractat, sepe in Templo Sacris interesse visus est. Jam Felix ad trigessimum ætatis annum peruenerat; cum aliquando Consanguineum suum, Sanctorum Patrum vitas, & gesta legentem audiens, tam ingenti huiusmodi vitæ rationem sectandi studio teneri cœpit, vt cum Minorum Capucinorum Ordinem ad veterum Patrum studia, ac virtutes imitandas apprimè elaboratum cerneret, eum sibi deligendum destinauerit. At consilium differens de die in diem, fortè dubitans, an id ipsum à Deo proficisceretur, Deus adhuc cunctantem hominem facti admonitione ad opus compellit: Dum enim semel iuenculos iugo subdit, ac iungit aratro, ij ita ferocire cœperunt, vt eo magno impetu humi prostrato atq; in faciem supino, aratrum cum vomere per ipsius ventrem, pectus, ac vultum violenter raptauerint: ita vt medium findere, ac dissecare debuerint. At Clementissimus Deus, illius vestes, ac femoralia tantùm vomere præscindi, corpus verò absque vulnere

incolume seruari voluit; vt hac Dei voce admonitus, vocanti gnaviter sibi obtemperandum intelligeret. Felix ergo in has voces erumpens: Audio, Domine, audio, quid loquaris; iam celerius pareo. Domum reuertitur; cum hero de pactâ mercede rationes confert, pretiumq; egenis distribuendum curat. Romam dein se confert, Capucinatorum Guardianô mentem aperit; à quo spiritus eius, an ex Deo esset, probatur; & tandem à Raphaële Provinciali Vicario; in Laicorum Fratrum numerum cooptatur. Felix igitur Religionis habitu donatus, quamvis vt plurimum cum sæculari habitu apud nos omnia mutantur, non sine Dei consilio factum est, vt Felici nulla in ipso Religionis ingressu nominis mutatio fieret, vt immutabile suum decretum esse indicaret, quo ad duplicem tum gratiæ, tum gloriæ illum felicitatem vocabat. Quamobrem simul atque Felix Religionis palæstram ingressus fuit, tam ingenti spiritus æstu in probationis arenam descendit, tamq; feliciter in eâ aduersus vniuersa animi vitia pro virtutibus dimicauit, vt ab ipso Religionis tyrocinio, plenam eorum victoriam iam se adeptum esse indicaret, Satan verò insensissimus virtutum omnium hostis, varijs, ac grauibus eum tentationibus adoritur. At contra has diaboli infestationes fortis, tametsi nouus athleta, haud alio armorum genere, quàm oratione, & humilitate sibi pugnandum statuit. Misce igitur telis, cum nouellus miles tentantem hostem deuicisset, alterâ mox grauiori à Deo tentatione probatur: corpus enim molestâ quadam, ac diurnâ quartanæ febris ægritudine fatigat. Hic porro Dei in Felicem prouidentia eluxit. Cùm enim Fratrum familia sæpe in Capitulo eo consilio, ac deliberatione congregata fuisset, vt Felix ob morbosum corporis statum, Religionis habitu exutus ad suos remitteretur; nunquam tamen fieri potuit, vt, qui tot virtutes, ac Dei dona in eo suspiciebant, in eam, aut omnes, aut maior familiæ pars deliberationem coirent. Felix igitur cùm probationis annum per omnia tentatus, & probatus absoluisset, in Religionis gremio confirmatur; nouumq; vitæ tyrocinium exorsus, ipsius conuersatio ad cœlestem propius, quàm ad humanam accedebat; totque præclaris à Deo donis accumulatus cernebatur, vt qui vix ad Religionis discipulatum accesserat, iam Regularis disciplinæ cæteris Magister esse posset. Quatuor igitur, post Religionis ingressum, annis præclarâ virtutum luce transactis, Romam euocatur; vt quotidianæ stipis mendicandæ, in vrbe orbis Theatro, munus exercean.

Huiusmodi Exactoris officio tunc in Romano Conuentu fungebatur Fr. Angelus à Colle discipuli, Vir planè angelicus: cui cùm Felix socius adiunctus esset, eo non multo post tempore morte sublato, Felix in ipsius locum sufficitur. Haud sanè verbis faciliè explicari potest, quantà is humilitate, & quanto charitatis æstu, quamq; admirabili prudentiâ, ac sollicitudine, ministerio suo incumberet: in quo 40. annorum spatio versatus, incredibili Romanam Vrbem, ac Fratrum familiam virtutum odore resperfit. Quanquam enim Felix, ex sui muneris instituto, quotidie inter homines Marthæ sollicitudinem gereret: haud tamen Conuentus solitudinem, ac Mariæ otium vnquam negligere visus est. Denique Vir adèd obediens erat; vt ad omnem Superioris sui voluntatem, perinde ac si iumentum esset, facilem ac vertibilem se præberet. Nec mirum: is enim, quo die ad Religionem accessit, id sibi fixè in animo persuasum habuit, se Religioni non fratrem, sed asellum, Fratrum vñbus destinatum, à Deo datum fuisse. Cùm primùm Felix stipis in vrbe agendæ munus curandum suscepit, à sandalijs abstinens, diurno annorum spatio, ad extremam vsque senectam, nudis semper pedibus incessit. Seraphicæ Regulæ paupertatem, hæreditate sibi à B. P. Francisco relictam, tam ardenti studio amplexus est; vt id sibi altè in animo statuerit, præter Christum nudum, ac Crucifixum nihil omninò sibi habendum. Habitus illi ex leuidensâ, ac rudi panno, quo tritemium captiui indui solent, brevis, arctus, quem varijs panni præseginibus refarciebat, perpetuus fuit. Lineo ad sudorem abstergendum, cùm panè onustus è mendicatione rediret, nunquam est vsus; sed panni frustulo, vt plurimùm rudiori, quo habitum refarcire solebat, sudorem abstergebat. Nihil magis Vir paupertatis amicus, quàm pecunias exhorreere visus est. Stipem aliquando is de more in vrbe mendicabat; quo tempore adolescens quidam clàm à tergo illum accedens, argenteum nummum, in eius manticam, quam pane refertam gerebat, tam occultè immittit; vt neque is adolescentem, neque argentei nummi sonum, percipere potuerit. At vix argenteus ille nummus in manticam decidit, cùm Felix statim exclamat: IESVS, IESVS, IESVS, coluber procul dubio in manticâ est. Proh quale pondus! quare manticâ pane exhaustâ, argenteum Iulium inde excutit, atque inter publicæ viæ quiscuilias proijcit. Castitatis thesaurum in vase fictili, tam integrum, & illibatum ad extremum vsque spiritum seruauit; vt communi coelibatu non contentus, virginitatem Angelis cognatatu, ac Deo simillimam (quam sibi ad Religionem

ducem,

ducem, & comitem adhibuerat) candidam, & immaculatam in eâ perpetuò custodierit; ita, vt etiam volucres in nitidissimâ puritatis testimonium, cum eo familiariter colluderent, frequenter in horro sedentem circumvolarent, aliæ capiti, aliæ humeris, aliæ brachijs, aliæ tandem gremio infiderent. Cùm aliquando Vir Dei in Mariæ Tidellinæ domo frustulum panis manibus sumpsisset, atque in miccas comminuisset, protinus ad eum auiculæ vndique circumvolantes, ex ipsius digitis panis miccas rostello perstringunt. Abstinentiâ insignis, tribus cuiuslibet hebdomadæ diebus, præter panem, & aquam, nihil cibi sibi indulgebat. Neque tamen hac abstinentiæ lege contentus, vniuersa S.P.N. Francisci quadragesimalia ieiunia, quæ quinque enumerantur, velut legitimum sempiternum, quoad vixit, perenni cultu obseruauit. Postremos verò tres Maioris Hebdomadæ dies, ab omni cibo se continens, nihil in his penitus gustabat. Quinimò communem cibum vt plurimum sibi subtrahebat; cinerem pulmento immiscebat; cumq; semel buccellam petasonis, socio roganti, magis quàm voluptati indulgens, comedisset, plurimis eam sensus voluptatem poenitiæ lachrymis profecutus est, & corpus ad quartum vsq; diem, quotidianâ, ac necessariâ escâ priuauit. Cùm autem à sandalijs abstineret, hyberno tempore (nunquam enim adduci potuit, vt pedes lauaret) tam graues, atque amplas, ipsius tali rimas agebant, vt non rimæ, sed vulnera viderentur, viuumq; sanguinem effunderent. Qualem autem ijs medicinam adhiberet, si postulas, haud aliam sanè accipias, quàm quod subulâ, ac funiculo rimarum labra consuta, seuo igne cliquato, perfunde-  
bat: ita vt acriorem rimarum dolori, dolorem accumularet. Nudas sibi ad dormiendum tabulas sternebat; nunquam se totum somno dabat, aut corpore extensus, in vtramque aurem obdormiebat: sed cùm necessarius illum somnus inuadebat, in strato genuflexus manui, vel ligno incumbere solitus erat. Somni tam brevis fuit, vt gemina duntaxat hora illi ad somnum satis esset; quamuis grati illo panis onere quotidie, etiam senio confectus, corpus defatigarét. Ter cùm intra vnius diei, ac noctis spatium, corpus flagris asperrimè caderet, nocturnam flagellationem, toto corpore denudatus, tam seuerè exercebat; vt à plantâ pedis vsque ad capitis verticem, durissimis seipsum loris perstringeret. Præter hæc ferreâ loricâ, singulis præsertim Dominicis diebus, quibus septem Urbis Ecclesias perlustrabat, corpus edomabat, in summo quoque ipso hyemis rigore, vix vnquam propiùs ad ignem accedere visus est. Tanta verò pro-



priæ abiectionis, ac despicientiæ cupiditate ducebatur, vt Christi Domini opprobria perpetuo mentis intuitu secum perpendens, haud aliunde quàm ex probris, ignominijs, contumelijs sibi gloriam quærendam putaret: Et quamuis eam Euangelicæ virtutis metam attigisset, vt virtutum omnium iam fastigium conscendisse videretur; omni non modò se virtute destitutum; verùm & sceleratissimum omnium peccatorem, ipso quoque Religiosi hominis nomine, & habitu indignum existimans, talis ab omnibus haberi peroptabat. His accedebat inuicta quædam animi patientia, quæ illum inter animi, & corporis molestias, ac dolores tam immobilem præstabat; vt cum Coeliaco morbo acerbissimè cruciaretur, neque semel, Medici consilio, nomen Iesv ad effugandum dolorem pronunciare vellet, mordacem correptionem non solùm tranquillo animo ferebat; verùm & pro eâ immortales gratias agebat. A Nobilis cuiusdam equo ferociente, ferratâ pedis vngulâ Felicis pede immaniter proculcato, eoq; ad casum impulsò, lagenâq; eo casu perfractâ, vinoq; effusò, insuper & superbo risu Felice excepto; neque inopinatus casus, & inflicti vulneris, doloris, sanguinis effluentis, & equitis imprudentiæ, ac superbiæ circumstantiæ compositum Felicis animum conturbare potuerunt; quinimò ab eo, quod imprudens viam illi impediuisset, supplex veniam postulauit. Patiendi denique pro Christo tantâ cupiditate flagrabat, vt nulla pro illo tormenta, ac supplicia ferre perhorresceret. In fraternæ quoque charitatis munere tanto spiritus æstu, tam erga incolumes, quàm ægros, quadraginta annorum spatio functus est; vt nullis omninò, aut corporis incommodis, aut vitæ vnquam laboribus pepercerit. Maximò aliquando ægrotantium numero in vrbe excrecente, non solùm pro Romanâ familiâ; verùm & pro vrbis pauperibus, atque ægrotis, quorum familias singillatim perspectas habebat, eleemosynas colligendi vnus in se mirâ charitate assumebat, & maiori diligentia eorum necessitatibus subueniebat. Hospitales vrbis domos visitabat. Ægrotis omni studio ministrabat; schapia, ac matulas emundabat; ad morbi tolerantiam, ad sacramenta, simplici, ac inerudito sermone, sed cui à Deo vis indita erat, mirabili cum fructu hortabatur. In Lateranenensis Basilicæ Xenodochio, ad ægroti cuiusdam lectum aliquando diuertens, ministros interrogat; num vinum ægrotò illi ad potum propinetur. Cui cum illi à Medico interdictum esse responderent, mox is vini paululum sibi in cyatho adferri iubet, illudq; ægrotò propinat: qui cum vinum gustasset, protinùs, præter

omnium spem, conualescere coepit, breuiq; incolumitatem adipiscitur. Rursus, dum in S. Spiritus Xenodochio, ægroto ad mortem languenti, funera pararentur, vini nonnihil in moribundi os destillatum ministris: Huius (ait) curam agite; quia citò conualescet. Atq; inde protinùs abscedit. Vix pedem Felix è Xenodochio extulerat, cum ægrotus ad sensus rediens, tam velociter à morbo conualescit, vt perfectæ incolumitati redditus, postridie è Xenodochio euolauerit. Vinum illi etiam aliquando in infirmi subsidium Angeli ministerio suppeditatur. Mulieris verò vinum, Felici pro ægrotis denegantis, in dolio arescit. Nannium, virginæ Illustris Romanæ vrbis Matronæ, & pietate illustrioris Oeconomum, febricitantem, vt ægrotis secum ministret, repente sanat; ita vt febris operosæ charitati locum cedens, ac Deo imperante abscedens, hominem ad pietatis opera liberum reliquerit. Cum autem ad animi morbos curandos non minori charitate se totum impenderet; hinc fiebat, vt nullius, tametsi potentis vultum erubescens, constantiâ mirabili defectus argueret. Iulium Antonium Sanctorium, S. R. E. Cardinalem S. Seuerinæ nuncupatum, Ordinis Protectorem, intrepidus aliquando adit; atque eò, quod nullo cum Generali Ministro communicato consilio, Commissarios institueret, Comitia suspenderet, Electiones irritaret, & quæ ad rectam Prouinciarum administrationem constituta erant, suâ authoritate euerteret; ita, vt vnde Religionis tranquillitas enasci deberet, grauis perturbatio oriretur, liberè increpat. Superiores quoque, ac cæteros omni modestiâ, cum occasio sese offerebat, breui sermone, sed multo sale asperso, reprehendebat. Profana vrbis Bacchanalia, quæ in Diuini nominis honorem redundant, exturbare volens, consilio cum Philippo Nerio, viro Dei familiarissimo, qui tùm Romæ Oratorij Congregationem instituerat, communicato, pium opus ipso annuente, hoc ordine auspicatur. Præcedebat Oratorij Sacerdos, sacco amictus, grandioris Crucem Crucifixi imagine ornatam, vtrâq; manu gerens; quem duo alij eiusdem Oratorij Sacerdotes, geminas faces accensas gestantes, sequebantur. Tertius procedebat Felix, crassioris funem manibus attrahens, quâ Alphonsum Hispanum, Lupum agnominis, Virum hac tempestate egregium, virtutumque, ac Euangelicæ prædicationis laude celeberrimum, alligatum raptabat. Post hos duo alij gradiabantur mortuorum cranijs, & tibijs onusti. Cum primum ergò horrendum huiusmodi spectaculum, inter profanos ludos apparuit; Alphonso contra profana Bacchanalia, ritumq;

gentilitium magnis vocibus prædicante, ita perterrefieri cœpère, vt paulatim Romanus populus, qui tunc ibi frequentissimus erat, loco, ac spectaculis cedere visus fuerit. Veruntamen in hoc Sancto Viro res maximâ admiratione digna erat; quod cum liberis increpationibus, rudi illo, ac simplici stylo conflatis, peccantes argueret; nemo tamen vnquam ab eo animo exulceratus abscessit, aut increpationem grauitè accepit. Singularis illi cum S. Philippo Nerio consuetudo erat; eiusq; aded sermone delectabatur, vt crebra cum eo de rebus diuinis colloquia iniret; cuius propterea ita sanctimoniam suspiciebat, ac venerabatur; vt quocunque eum loco offenderet, statim in genua procidens, ab eo benedictionem summâ humilitate postularet. At neque minor erat S. Philippo animi humilitas, qui cum Beatum Virum suis genibus prouolutum non sustineret, & ipse in genua procumbens, ab eo se potius benedici efflagitabat. Quo fiebat, vt diu plerumque genuflexi inter se de benedictione excipiendâ contenderent; qui tandem in mutuos amplexus irruentes, humilitatis controuersiam diriuebant. Cum etiam se aliquando mutuo obuiam haberent, admirabili planè salutationis genere interdum excipiebant: horum enim alter alteri suspendium pro Christo, alter vicissim capitis obtruncationem deprecabatur. Hæc illi diuinâ charitate ebrij, pro quo acerbissima quæque mortis genera subire voluissent, sibi inuicem expetere videbantur. Nonnunquam etiam nouo, ac inexpectato mortificationis genere ad mundi contemptum, ac propriæ gloriæ despectum seipsos prouocabant. B. Felix enim S. Philipppum in Campforum viâ sitibundum offendens, porrecto lagenæ ore, sitim expellere suadet: Philippus verò Felici galærum capiti imponens, per mediam plateam gradiri persuadet; & hoc modo, cum gloriosè vterque de sæculi gloriâ triumphasset, eo perfectos se mundi contemptores Deiq; seruos declararunt. Quantâ autem B. Vir in Deum charitate æstualet, non obscurè innotuit; tantâ enim in nominis Iesv prolatione, voluptate afficiebatur, vt illud absque lachrymis effari non posset. Apostolica illa verba, vel potius, teste Bonauenturâ, quibus Beatissima Virgo eam salutantibus salutem reddere consueuerat, Deo gratias (inquam) cum tantâ diuinitus dulcedinæ pronuntiabat; vt plerumque, dum celebrantibus ministrabat, illa præ lachrymarum copiâ proferre non posset. Orationis assiduitatem Beatus hic Vir iam ab ipso assumptæ Religionis exordio ita sibi amplectendam proposuerat, vt vbique domi, forisve, siue stipem peteret, siue negotia pertractaret, sedens, ambu-

lans, cum alijs colloquens, siue aliud quodcunque agens, collectum semper in Deum animum gereret, Deumq; in cunctis creaturis præsentem intueretur. Quo fiebat, vt eos plerumque, quibuscum versabatur, non agnosceret, tametsi illi familiares essent: mens enim Deo intenta, mirus, quæ oculis cerneret, animaduertebat. Dominicæ Passionis meditationem tantâ lachrymarum copiâ prosequabatur, perinde, ac si præsentem Dominum patientem cerneret. Pius quoque admodum in Virginem Deiparam fuit, quam tantâ veneratione prosequabatur, vt sæpè dicere soleret, se sextantum litteras didicisse, quarum quinque rubiæ essent, quibus quinque vulnerum Domini meditationem sexta verò alba, quâ Beatissimæ Virginis cultum, ac venerationem indicabat. In oratione verò, animi fornax diuinâ charitate succensa, tam ardentes amoris flammæ eructabat; vt cum eas debilis caro ferre non posset, vehementiori motu, animo in Deum raptò, plerumq; illa insensibilis fieret: sæpè etiam spiritus æmula, quasi animum vehementius in Deum tendentem secutura esset, sese post illum è terrâ altius attolleret. Fr. Franciscus Pistoriensis, Beati Viri excessus exploraturus, semel in suggestu sese abdiderat; cum Felicem in medio Ecclesiæ stantem, manus in Cælum tendentem, ac Deo benefactores impensius commendantem conspicit; tùm in fletus prorumpere, ac ploratus acerbissimos edere; deinde trium horarum spatio immobilem atq; prorsus insensibilem cernit. Neq; id semel tantùm contigit. Cum enim noctu aliquando in Ecclesiâ oraret, tanto mentis ardore nomen IESV altius, ac frequentius personare cœpit; vt ex Fratribus alter, qui in secreto quodam Ecclesiæ loco ipsius orationis modum obseruabat, perterritus totus contremisceret. Inde velocius ad Sacrosanctæ Eucharistiæ Altare properans, tam celeriter Diuini spiritus actione præuentus fuit, vt antequàm in genua procumbere valeret, stans mente excederet, atque è solo vsque ad cancellos totum corpus efferret. Nonnunquam verò oculis in Cælum sublatis, in hæc verba prorumpens: O Domine! ô Domine! voces quasdam inarticulatas, internæ voluptatis indices exprimens, tantquam diuinâ charitate ebrius exclamabat. Alias quoque cum B. P. Francisco colloquens, extensis ad amplexum brachijs, perinde, ac si illum amplectari vellet, his verbis compellare auditus fuit: O Pater, ô Pater Francisce! memento pauperculi tui Felicis: Ne, quaeso, is tibi è memoriâ, ac patrocinio excidat. Rursus aliquando in Ecclesiâ orans, dum neminem se spectantem arbitratur, tam vehementi Dei spiritu rapitur; vt duorum

circiter cubitorum altitudine in sublime efferri visus fuerit. Adhæc sæpè etiam cum Beatissimâ Virg. sæpiùs cum B. P. N. Francisco, in ipsius vitæ processu collocutus asseritur. At multò sunt illustriora gemina huius rei exempla, quæ, duobus Fratribus spectantibus, eo tamen ignorante, acciderunt. Etenim cùm nocte quâdam per sesquihoram in extremo Ecclesiæ angulo orâisset; mox inde velociùs assurgens, velut qui cœlesti quâdam amoris flammâ arderet, viam ad Sacrum Eucharistiæ Altare carpit, hæc tantùm ore verba sæpiùs repetens: O I E S V mi, ô dulcis amor meus! Hoc charitatis ardore, cùm ad Altare peruenisset, en dulcem I E S V M, luce vndique perfusum, ac puerilem formam, & aspectum præ se ferentem, in ipso Altaris suppedaneo, stantem intuetur: quem vbi humi toto corpore prostratus, summâ animi humilitate adorâisset; mox in ipsius amplexum ruens, tot illum cœpit amoris, nedum corporis brachijs perstringere, tot osculis excipere, tot lachrymarum vndis, ex intimo charitatis fonte haustis aspergere; vt in hoc Cœlestis voluptatis torrente penè demersus, nullam sibi, præterquàm in sui dulcis I E S V amplexu, vitam sibi reliquam esse putaret. Alterum porrò illustrissimum huius rei exemplum ita in processu narratur. Noctè quâdam circa Domini Natale, Fr. Alphonso Lupo, è secretiori quodam Ecclesiæ loco spectante, cùm Vir Dei maximum illud charitatis Sacramentum, quo Verbum caro fieri voluit, orans secum altâ mente perpenderet; mox tanto in huius Mysterij contemplatione, cœlestis Diuiniq; amoris æstu effebuit, vt præ illius vehementiâ, cursum extemplò ad Sacrum Eucharistiæ Altare rapuerit: vbi ardentissimo spiritus incendio correptus, Sacram Deiparam tot lachrymis obtestari cœpit; quo vel tantillo temporis spatio, dulcem sibi I E S V M suum complexandum præberet; vt statim voti compos, Beatissimam Virginem è Cœlo descendentem, ac suauissimum Filium sibi lato vultu offerentem conspexerit. Verùm Dei, ac Virginis Filio reuerenter in vnas accepto quantis illum Beatus Vir complexibus acciperet, quàm suauiter sibi pectori adstringeret, quot præterea osculis peteret, quot amoris lachrymis conspergeret, haud faciliè enarrari potest; præferatim, cùm suauissimus Puer, vt maiores illius animo delicias subministraret, grato oculorum aspectu, varijsq; puerilibus (vt apparebat) blanditijs, quibus illum magis allicere videbatur, mutua illi amoris argumenta exhiberet. Inter has cœlestes delicias Felix, ac Beatus Vir, cùm haud paruum temporis spatium consumpsisset, diuinum tandem Puerulum Virgini Matri summâ animi veneratione reddens,

Cœlestia fursùm petentem tantâ mentis voluptate prosequitur, vt vniuersa illi deinceps, præ IESV sui suauitate vilescent. Quam plurimis alijs, tùm diuinis visionibus, tùm mentis excessibus, hic Deus seruus cohonestatus fuit. Ad sacram Agni mensam quotidie post mentem Pœnitentiæ Sacramento diligentissimè expiatam, quò purius Dominum caperet, accedebat. Hoc porrò tempore tot illi ex oculis scatēbant lachrymæ, totq; ex ore singultus erumpebant; vt sæpē numero consuetam noxarum confessionem, quæ Sacram Communionem præcedere solet, ore proferre vix valeret. Hinc tanta illi erga Domini Sacerdotes, huius Sacramenti ministros, animo, reuerentia oriebatur; vt, si quando obuium sibi in vrbe Sacerdotem haberet, qui eius colloquio frui vellet, prius genibus ante eum flexis, ipsius manus deoscularetur, tum ipsum loquentem audiret. Eorum verò, quæ felicissimus hic Dei amicus prophetico spiritu futura prædixit, cùm tam ingens copia sit, vt ex ijs integra volumina confici queant; nonnulla hic duntaxat enarrare libet, cæteris vel silentio præteritis, vel obiter indicatis. Felici Peretto, S. R. E. Cardinali, de Monte alto nuncupato, qui deinde Summus Pontifex fuit, Sixtus V. appellatus, ( vt rem à grauissimo Viro exordiar ) nec non Camillæ, Cardinalis forori, ad Petri Cathedram ascensum sæpius prædixit. Cardinali Pisano, non Pontificatum, sed mortem, & æternam salutem præsignificauit. Hortensia Angeli Petronij, Patricij Romani filij, & patris obitum, masculique, quam in vtero gestabat, & partum, & exitum prænunciauit. Lauiniæ Carduciæ prægnanti, partusq; doloribus cruciatæ, & masculam prolem, & illius occasum prædicat. Deianira verò Boccabellæ, quæ ne quidem foetum se in vtero gestare suspicabatur, non modò fœmineam prolem ex eâ procurandam prænunciat; verùm & Deo consecrandam affirmat. Hoc modo plerisq; mulieribus, quæ necdum se foetum concepisse nouerant, futuram prolem annunciat: inter quas Flaminia Lectina, & Clarix Aragonia adnumerantur, quibus masculæ prolis procreationem prædixit. Flaminia Bonfia vnici trium annorum filij obitum; nec non Iulio Ioannis Corsi filio, septem annorum puero incolumi, post triduum vitæ occasum nunciat. Georgio Cætarino grauiter ægrotante, cùm Clelia eius vxor, pro viri incolumitate, ipsius apud Deum preces efflagitaret; monuit, vt Deum potiùs pro æternâ oraret, animumq; cum Dei voluntate componeret, quæ virum ad vitæ huius occasum vocabat. Alexandri Poggij vxoris, primâ ipsius infirmitatis die, mortem Hieronymæ ipsius filia cùm nunciasset; illa

verò in fletum prorumpens, ipsius apud Deum pro matris incolumitate preces exposceret, Felix in porticum secedens, nudis genibus humi defixis, & caputio ante oculos dimisso, per quatuor horarum spatium, Deum pro muliere rogat; quo tempore ægrotans cum morte colluctabatur: quartâ tandem noctis horâ elapsâ, cum eam Deo spiritum reddidisse agnosceret, ab oratione surgens, festinus ad defunctæ lectum se contulit, ac lætus pro æternâ salute, quam Divinâ revelatione, eidem collatam acceperat, Deo gratias agere cœpit. Prospero Francisco, qui trium ferè annorum spatio apoplexiâ laborauerat, cum illius humerum, manu quasi in amicitie signum, contingeret, breui incolumem futurum pollicetur. At inde discedens Lucretiam ægrotantis vxorem ad aurem admonet, viro incolumitatem ad breue tempus dari, quæ maturius morte intercipienda sit. Vtrumq; verò illi ad amussim contigit: tanta enim ex illo viri Dei contactu vis in ægrotum profecta est, vt breui temporis spatio incolumis euaserit. Cum verò Prosper post hæc, mensem necdum integrum incolumis expleret, alio morbo correptus, iuxta viri Dei verbum, rebus humanis valedixit. Flaminia Gabriella ægrotans, cum vehementiori mortis metu angeretur, ad eam Felix accedens: Flaminia (inquit) ne timeas: ex hac ægritudine conualesces; atque eovsq; incolumis viues, quoad Antonio nato vxorem, Lucretiæq; filiæ, virum copulaueris. Res porrò eum, quem is prædixerat, finem sortita est. Camillæ Zephyræ, cuius salus à Medicis desperata erat, falsum Physicos coniecturasse, ipsamq; ex ægritudine certò, ac breui incolumem euasuram pollicetur. Huius Camillæ filius, adhuc puer, Siluius nomine, cum lapsu quodam sibi pedem grauius offenderet, & diurnâ Chirurgorum curatione consumptus, alijsq; dein superuenientibus morbis morbis depastus, eum Medici in vltimam hecticæ febris speciem incidisse, ac proinde nulla illi physica facultatis medicamenta profutura iudicarent; illo tempore Vir Sanctus eum inuisens, breui incolumitatem promittit. Marius ex illustri Matthæorum familiâ 15. annorum adolescens, ad eam Medicorum desperationem ægrotabat, vt iam oleo sancto inuncto, quæ ad funera necessaria erant, pararentur. Quo tempore Vir Sanctus ad eum accedens, cum manu moribundi caput attrectasset, inde silentio abscedens socio incolumitatem ægroti certificat. Mirabile dictu! adolescens, qui iam ad mortis fauces peruenerat, post sancti Viri contactum, atque discessum, mox oscitare cœpit, & breui tempore integræ incolumitati redditus fuit. Veronicæ cuius-



dam filio 5. annorum ( qui è fenestrâ delapsus , & caput pauimento allidens , moribundus iacebat ) sanitatem , & Religionis ingressum vaticinatur. Petro Mangilio acutâ febre laboranti , vitam pollicetur , seq; priorem sæculo valedicturum prænunciat. Porro vtrumque rei euentus comprobauit. Pleraque quoque alia diuino spiritu illustratus Vir Sanctus prænoscit. Fr. quoq; Honorio à Monte Regali, Romanæ Prouinciæ Ministro , haud obscurè ad ordinis Procuratoris gradum promotionem insinuat. Plurima hîc huius generis exempla recensenda essent , quæ ex B. Viri processu liquidò constant: quæ tamen libentius silentio præterire , quàm legentium animos eorum multitudine obruere volui. Sed & ad intimas quasq; animi cogitationes , occultissimaq; rimanda , copiosissimum à Deo spiritum acceperat; occulta peccata penetrabat, odia aperiebat, animi afflictiones diuinitus cognoscebat , solabatur , ac opportuna consilia ministrabat. Admirationem porro auget, quod Marino Orti, Nobili Veronensi aliquando contigit. Hic per duodeviginti annorum spatium, inhonesto cuiusdam mulieris amore captus , Diaboli laqueis irretitus tenebatur: at cùm oblatrante conscientiâ , semel die quâdam, spe omni euadendi propemodum ex animo abiectâ , solus , ac tristis incederet; Beatus Vir illi ex aduerso occurrens, manibus apprehensum, fortius, perinde ac si illum à somno excitare vellet , cœpit concutere, ter his verbis exclamans: Da gloriam Deo: Da gloriam Deo: Da gloriam Deo. Marinus verò, cùm Felicem non cognosceret, factò confusus, erubescibat. At vir Dei post hæc abscedens: Vade (inquit) & Dominus tecum sit. Vix autem ab eo Felix digressus fuerat , cùm diuinam protinùs Marinus in seipso virtutem sensit , turpisq; amoris vinculis dissolutis , honestioris vitæ genus instituit. Occultum quoque animi sensum , quem Gaspar quidam Gazzonius mente gerebat, neque vlli vnquam communicauerat, cœlesti lumine præditus aperit. Postremò , cùm quidam Sacerdos ex nostris nonnullas ex ligneis Crucibus , quas Vir Sanctus compingere solebat , Neapolim transmittere statuisset ; iam litteras amico exarauerat , quibus eas, quò maiori in honore haberentur , à sancto quodam viro fabricatas fuisse scribebat. Porro epistolâ sigillo obsignatâ , cùm ad Virum Dei Cruces accepturus se contulisset , cum præter morem sibi stomachatum offendit ; rei q; causam scis citanti , acrius respondit: An non (inquit) tepudet , Sacerdotem , Diuina Mysteria celebrantem, tam turpiter falsum disseminare, vt me Virum Sanctum credas, ac nuncupes? Quid in epistolâ exarasti? Me Sanctum apud homines

celebras, qui grauiſſimus peccator ſum? Epistolam conſcinde, quæ tam illuſtrem falſitatem continet. Sacerdos verò, cùm nemini literas oſtendiſſet, neque, quid in ijs ſcriberet, eatenus vlli declaraiſſet, factum admiratus, quo D. O. M. vt luculentius ſerui ſui ſanctitatem, atque humilitatem illuſtraret, eum vel ſcribenti præſentem adeſſe, vel abſenti, quæ ille præſcripſerat, reuelare voluit. His & alia quàm plurima huius rei exempla addi poſſent; ſed vt grauiora miraculorum ſigna, quæ diuinâ virtute ab eo geſta leguntur, proſequar, vltro ſuperſedeo. Vt autem ab ipſo Sacroſancto Crucis ſigno exordiamur; Annam Bottomæam, quæ tam acerbo capitis dolore cruciabatur, vt nullo Medicorum remedio leuari poſſet; Marchioniſſam quoque de Valle, laterum dolore correptam; Tertium etiam Octauię Parauicinæ filium, Marcum Antonium nomine, graui febre laborantem; quibus & Valerium à Valle, ardenti febre ægrotantem addas; omnes (inquam) ſigno Crucis comuniens, priſtinæ incolumitati reſtituit. Cuiuſdam etiam Cæcilie matrem, graui morbo laborantem, in ipſius fronte Crucis ſigno linguâ efformato, in priſtinam ſanitatē reſtituit; ægrota enim mox copioſum ex ore ſanguinem expuens, cùm ſimul cum eo febrim expuiſſet, poſttridie incolumis è lecto ſurrexit. Poſthæc Ariani Marchioniſſa, ac Fr. Clemens Picens, Sacerdos ex noſtris, cùm grauiſſimè colicis doloribus cruciarentur, ſigno Crucis à ſancto Viro adhibito, priſtinæ valetudini reſtituuntur. His accedat Martius Seuerolius, qui cùm lethali morbo oppreſſus, Phyſicorum iudicio, vix tertiam horam, vitâ comite conſpecturus eſſet, eo ſigno Crucis conſignato, vix inde Felix digreſſus fuerat, cùm Martius, velut è ſomno euigilans, in lucem reſpirat, atque à morbo liber hoc ipſo tempore incolumitatem adipiſcitur. Bernardus etiam quidam Olgiatus, tam graui, ac profundo in humero apoſtemate laborabat, vt Chirurgi de illius iam prorsus vitâ deſperarent. Hunc cùm Felix acceſſiſſet, humerum ſigno Crucis obſignat, dicens: Ne metuas, Bernarde, conualeſces. His dictis cùm celerem Viri incolumitatem agnoſceret, protinùs abſceſſit. At vix domus gradus deſcenderat, cùm diſrupto apoſtemate, ſanieque effluente, ægro mox ſalus redditur. Poſtia Pulicella Medicorum iudicio, inſanabili coxendicis morbo impotens in lecto iacebat; quam cùm Vir Sanctus Crucis ſigno confortaiſſet, poſt Viri diſceſſum è ſtrato ſurgens, tam valido mox greſſu cœpit incedere,

quasi eo morbo nunquam laborasset. Claudius Bertrandus, puer septem annorum, vtriusque tibiæ dolore tam acerbo per semestre torquebatur, vt dies, & noctes, inter eiulatus transigeret; ijs verò denudatis cum Felix signum Crucis impressisset, confestim mitescit dolor, ac post breue temporis interuallum, puer perfectâ tibiæ incolumitate fruitur. Fululus Friscus, totidem annorum puer, iam integrum annum in cœcitate transegerat; neque vlla recuperandæ lucis spes erat. Is ad Felicem ductus, protinùs in has voces erupit: O Felix ( inquit ) tu mihi incolumitatem tribuere debes; id enim potes. Cui Felix: Credis, fili, quod Sacrosanctum Crucis signum te à cœcitate liberare queat? Credo, Pater, ( ait puer ) cumq; id sæpiùs instantissimè repeteret; Vir Dei, vbi omnes iussit genuflectere, ac ter orationem Dominicam, cum Angelicâ Salutatione Deo pro pueri salute offerre, manu pueri oculos contingit, & signo Crucis consignat, dicens: Fili, ne dubites iuxta fidem tuam conualesces. Vix signum Crucis Felix absoluerat, cum puer exclamare cœpit: Miraculum, Pater; miraculum, Pater: en video; en clarè omnia cerno. Eodem modo, & Cleriam Farnesiam grauiissimo morbo laborantem; nec non Margaritam Parisanam sacro, ac serpenti morbo grauius correptam, cunctis miraculo obstupescentibus, eodem Crucis signo confestim sanat. Fr. Matthæum Lapostensem socium graui oculorum morbo, qui & lucem ferè illi adimeret, laborantem, quinquies oratione Dominicâ, cum Angelicâ Salutatione indictâ, cum signo Crucis oculum munisset, protinùs tam integræ sanitati reddidit, vt mox cum eo ad mendicationem perrexerit. Hunc Matthæum, bis rursus eodem Crucis signo adhibito, primùm à graui capitis dolore, tum à vulnere, illi à cadente ligno capiti inflicto curat. Cleriam Farnesiam, de quâ suprâ egimus, gutturis morbo grauius vexatam, Vir Dei gemino digito collo ipsius apprehenso, incolumem reddit. Post hæc Iulius Iacomellus, tum malignæ febris ardore, tum laterum dolore, qui totam cordis regionem occupabat, in id vitæ discrimen inciderat, vt ipsius salutis prorsus Medici spem abiecissent, Huius latus cum Vir Sanctus manu contigisset, protinùs æger in suauem quendam soporem resoluitur; ex quo paulò post euigilans, à febris, & lateris dolore se liberum sentit. Petrus Stratalinus erysipelatis morbo in tibijs, ad mentis ferè insaniam laborans, cum à muliere veneficâ tibijs remedia adhiberi curasset, tantus illi percrebuit dolor, vt velut amens clamores in Cœlum efferret. Ad quem cum Vir Dei accessisset, salutationis, ac consolationis

loco, vtramque ipsius tibiam manu apprehendens, eas inuicem con-  
cutere, & cum maximo ægri dolore cœpit collidere. Interea ægro  
præ dolore exclamante, & ipse clamare cœpit: O S. Francisce!  
ô S. Francisce! Ab hac porro crurium collisione cùm Vir Sanctus  
tandem cessâset; Petrus simul ab omni crurium dolore, & erysipe-  
latis morbo liber fuit. Octavius Virginie Viperefiæ filius tam peri-  
culoso capitis morbo laborabat, vt facie, & toto capite in tumorem  
conuerso, non puer, sed monstrum esse videretur; osq; illi ita occlu-  
sum erat, vt iam diem absque cibo transegisset, ita vt à Medicis de  
ipsius vitâ desperatum esset; cùm autem Vir Dei ad eum accedens  
manus suas aquâ lustrali intinxisset, vix ijs pueri faciem, os, caputq;  
contrectat; cùm eodem temporis momento (mirum dictu) ab-  
scedit tumor, os panditur, puerq; cibum postulans, pristinae mox  
sanitati restituitur. Attilius quoque Velitrensis, acerbissimo tibiæ  
dolore cruciatus; nec non Cleria à Valle, quæ ob continuam febrim  
(quam acutissimus capitis dolor molestissimam reddebat) in vitæ  
discrimine versabatur, Dei virtute per serui sui contactum operan-  
te, incolumes euadunt. Mutium Matthæum Nobilem Romanum,  
nunquam intermittens, ac maligna febris ad illud vitæ discrimen  
pertraxerat, vt sacro Viatico instructus, vitæ finem expectaret. Cui  
cùm Vir Sanctus manum imposuisset, protinùs Dei virtus ægro  
suum fidei præmium, ac fideli seruo certum sanctitatis testimo-  
nium, feбри totaliter abscedente reddit. Marius quoque Mutij filius,  
à Physicis indubitatae propemodum morti adiudicatus erat; cui  
cùm Felix manum imposuisset eâdem quoque celeritate, quâ patris  
febrim fugauerat, huius morbum expellit. Raymundum quandam  
etiam febricitantem solo vocis imperio à febre curat. Post hæc  
Ioanni Antonio Capizucco, S.R.E. Cardinali, qui cùm per 40. die-  
rum tempus, nunquam intermittente febre laborans, ad vitæ occa-  
sum properaret, suâ oratione vitam, incolumitatemq; restituit.  
Constantia Cotta, cùm ob insuperabilem morbi vim, certum breui  
sibi vitæ occasum expectaret, Felice pro eâ orante, ægra omne mor-  
tis periculum euadit, ac breui temporis spatio conualefcit. Septimie  
ex Bentornatorum familiâ desperata salus erat; at Viro Dei pro agrâ  
intercedente, cruceq; quam ipse manu suâ compegerat, collo eius  
appensâ, tam celeriter perfectam ægræ sanitatem contulit, vt morbo  
nunquam affecta fuillè videretur. Hoc ferè modo Claricem Ara-  
goniam, nec non Olympiam Vrsinam prægnantes, à sanguinis fluxu,  
abortusq; ac mortis periculo liberat. Santesium quoq; Marazzinum

Calcularium morientem mali cotonij odore ad vitam reuocat. Paulo Æmilio Zephyro, iam Medicorum ope destituto, cum is Sacro sanctum IESU nomen in chartulâ impressum ægri collo appendisset, & collyram ex manticâ proferens, eâ ægrum vesci iussisset, naturæ viribus accedentibus, morbus abscessit. Eodem modo D. Germanicum Carthusianum feбри, & anginâ grauiter laborantem, suâ oratione, eiusque gutture Crucis signo consignato, incolumitati restituit. Andreae de Grandis, Euangelicis illis verbis prolatis: *Super ægros manus imponent, & benè habebunt*; cum manum capiti imposuisset, illicò capitis dolorem abstulit, quo nec amplius deinceps laborauit. Constantiæ quoque Crescentiæ, foeminæ illustrissimæ, grauissimâ ægritudine affectæ, cum vini paululum ex lagenâ propinâisset, mox incolumitatem reddidit. Postremò, diuinis hisce ægrotorum curationibus, quæ à B. Viro patrabantur, finem mortui cuiusdam pueri exfuscitatione, multis, ac clarissimis in processu argumentis probatâ, libet imponere: Mulier enim quædam cum filium in lecto imprudens noctu oppressisset, illum magno cum eiulatu, & lachrymis sancto Viro suscitandum præsentans, cum eum super mensam iacentem, atque exanguem vidisset; huius mulieris afflictissimæ verbis, & lachrymis permotus: Non est (inquit) mortuus puerulus; sed dormit: infantisque manu vtraque apprehensâ, perinde ac si viuus esset, ei abblandiri cœpit; cui cum leuem colaphum inflixisset; infans, qui mortuus erat, protinùs oculos aperuit; ac veluti Beato Viro colludens, festius videre cœpit. Is verò eo mox matri reddito, actutum aufugit. Ad alia denique miraculorum genera pergamus: ac inprimis Magdalenæ cuiusdam Fanuciæ bombyces, qui necdum edere desierant; neque multorum dierum spatio ad membranaceos illos suos folliculos effingendos, suapte naturâ idoneierant; albæ moræ folijs, quæ imbre prorsus madida erant, & quibus quâdam naturæ necessitate ad interitum rapiebantur, aspergit, ac B. P. N. Francisci nomine inuocato, vnius tantum noctis spatio, ita præter naturam adolescere facit, vt bombycij facti, iam bombycea stamina ordirentur, folliculosque construerent, & cum ramos sibi ministratos non haberent, parietes, abacum, scrinia, tabulatumque conscenderent, omnesque illius ædiculæ, tum inferiores, tum superiores partes suis folliculis opplerent. Accidit etiam aliquando, vt dum Vir Dei cucurbitam vino plenam ex humero deponit, eâ in solum delapsâ, duas in partes diuisa perfracta fuerit; ex quâ

cùm vinum vndique efflueret, is statim ambas cucurbitæ partes vtrâque manu comprimens, ita integram præstitit, vt ne vllum quidem confractionis signum in eâ relictum fuerit. Aquâ etiam, quâ Fratrum pedes loti fuerunt, infectum gregem curat. Post hæc Lauiniæ cuiusdam Carpiæ nonnulli frumentarij fasciculi pene putrefacti perierant, cùm Vir Dei manibus eos apprehendens, benedicit, componit, excutit, purgat. Farina verò ex eo tritico confecta, tamdiu in farinariâ, diuinâ virtute excreuit, vt nunquam finem habitura crederetur: ex quâ etiam cùm collyræ conficerentur, hæ ab ægrotis gustatæ morbos curabant, ac parturientes ad foetum prouocabant, quorum exempla fusiùs in processu feruntur. Quo tempore magna frugum inopia urbem inuaserat, Felix farinam pauperculæ à Deo exorat; ex quâ etiam collyræ plerisque morbis medebantur. Eodem tempore alteri pauperculæ panem in domo diuinâ virtute multiplicâsse, illius vitæ processus asseuerat. Paulæ quoque Porstertæ, scæminę in Capucinos munificentissimæ, vinum in dolio mirum in modum multiplicat: At neque hic huius miraculi finis; nam dolium, quod numerosæ triginta septem personarum familiæ, vix per mensem vnum ministrâisset, biennio merum effudit: quod plerisque ægrotis absque pretio propinatum, ad incolumitatem contulit. Bartholomei etiam cuiusdam in vrbe dolium, à biennio Felicis lagenis exhaustum, vino nobili, generoso, vtpote ex cælo dato, plenum reddit. Idem quoque Siluiæ Scarfiæ, Helenę Vachiz, ac Lauiniæ Carpię Vir Sanctus præstitit. Et quod magis admirandum fuit, cùm plerique ex eo ægrotantes gustarent, incolumitatem consequerentur. His & alij complures addi possent, quibus Beati Viri oratio vinum in dolijs auxit: quos indicare potius, quàm rem fusiùs explicare sufficiat. In his sunt Marcus Antonius Colonius, Camilla Guidotta, Mutius Coccinus, & alter Viperesius; qui haud semel hanc in viro Dei virtutem experti, id certâ fide in processu deposuerunt. His quoque Vincentius Capoccius adiungitur: cui cùm vini dolium in vappam degenerâisset, optimum Beati Viri oratione recepit. Lauiniæ etiam cuiusdam viduæ olearium vas superiori die exhaustum, plenum; Hortensiz verò Mancinię semiplenum reddit. Idem quoque Virginiz Vipereschæ, nec non Laurentiz Durantiz vir Sanctus præstitit. Postremum denique (vt cætera sileam, quæ tacito nomine in processu referuntur) illustre fuit, quod de Claudiâ Andree Fanestris Medici vxore narratur; cuius vas oleo vacuum,

suis meritis , ad supremum vsque labium repleuit. Nec frustra; quidam namque Andreae Medici discipuli , qui miraculo presentes aderant , eo conspecto , ita animo commoti fuere ; vt mundanis rebus valedicentes , Religionis Capucinorum institutum paulò post complexi fuerint : quorum , cum alter Ruffini Senensis , alter Gabrielis Tholosatis nomen fortitus esset , vterque magnà cum virtutum laude diem suum in Religione obiit. Tanto itaque miraculorum splendore vndique ex hoc Beato Viro coruscante , tamque ingenti cœlestium virtutum luce in omnium oculis emicante , tam publica , communisque in Romanà vrbe de ipsius sanctitate opinio percrebuerat ; vt à cunctis adhuc viuens , Sanctus , ac Beatus prædicaretur. Hunc illustres Viri , hunc Religiosi homines , hunc Prælati , Episcopi , S. R. E. Cardinales , ac Summi ipsi Pontifices venerabantur : Sanctique ipsi (Philippus scilicet Neri) eum inter maiores , & illustriores Dei seruos , qui eà tempestate vigerent , passim collocabant. Iam Felix annorum numero grauis , septuagesimum quartum annum agebat ; ex quibus quadraginta , in quotidiano stipis exigendæ munere , ac labore consumpserat. Porro diuturnæ inediæ , vigiliæ , carnis macerationes , quotidiani labores , plerosque illi morbos pepererant , quibus assidue afflictabatur. Quapropter , cum D.O.M. & morbis finem , & tot annorum laboribus fessio requiem , cœlestemque mercedem conferre decreuisset , illi futurum vitæ occasum , & quæ illum , vel præcessura , vel subsecutura erant , tam ad amissim inter orandum aperit , vt nihil eorum eum prorsus lateret : Petro enim Mongilio , nec non Lucretiæ Crescentiæ ægrotantibus incolumitatem ; obitus verò sui tempus prænunciat. Ioanni quoque , Alexandri Olgiati Oeconomo , obitum suum prædicit. Cumque à Romani Conuentus Guardiano interrogaretur ; quid negotij illi esset ? Nunc quidem , ait , rectè valeo ; sed mortem quaero. Verùm cum non tam vitæ occasum , quàm ipsam quoque sepulturam , ac sepulturæ modum , nec non suam post mortem gloriam diuinâ reuelatione accepisset ; ab Alexandro Poggio marmoream capsam sibi postulat ; quam cum Fratres conspicerent , cuius nulla in Conuentu necessitas appareret , quorsum eò aduecta esset , prorsus ignorabant ; donec eo ad Superos subleuato , ipsius corpus diuino potius , quàm humano consilio , in eà capsulâ à Fratribus conditum fuit. Generalis Capituli tempus propè aduectabat , cum Fratribus de futuris Electorum votis colloquentibus , ait :



Ego, Fratres, vocem in hoc Generali Capitulo laturus sum, quæ ubique audietur. Idem ferè, & Fratri cuidam Marco ex Observantium nuncupatorum Familiâ respondit. Id porrò, in ipsius obitu (qui paulò post, dum Generale Capitulum celebraretur, contigit) accidisse certum est. Ipsius enim obitus famâ peruulgatâ, tanta fuit populi Romani commotio, ut vrbs tota ad illius funera conflueret. Sextâ, antequam in morbum incideret, feriâ ad Iuliam Cæsari-  
nam, Francisci Cæsari-  
ni coniugem se confert, extremum valedicturus; quæ cum sororibus protinus ante illum in genua procumberent, benedictionem postularent, vestesque, ac manus deosculari contenderent, restitit ille de more aliquantulum; at diuino tandem spiritu impulsus, vestes, ac manus illis deosculandas præbet his verbis: Agite iam, filiæ, vestro arbitrato. Habitum apprehendite, osculis petite, honorem impendite, pietatem explete; haud prohibeo, iam enim propè tempus adueniat, cum habitus hic tam pretiosus æstimabitur, tantusque illi honos habebitur; ut ad eum homines confluant: & qui ad eum propius accedere, vel aliquâ illius particulâ frui poterunt, beati ac foelices censeantur. Hæc ille præter morem, suam post obitum gloriam præsignans, dixit: quæ ipse deinde rei euentus non obscure comprobavit. Paucis itaque diebus elapsis, nimirum pridie Calendas Maij Beatus hic Vir, febre correptus, ægrotare cœpit. Sed cum febrem silentio celaret, Nosocomij præfectus Dei seruum licet reluctantem, ad Nosocomium compellit; at nullo pacto adduci potuit, ut in eo pedem inferret, donec laneâ culcitram inde amotâ, solâ stramineâ exciperetur. Dæmonem verò varijs eum modis in hac ægitudine tentantem fugans, gloriosos de eo triumphos refert. Eo verò tempore, quod sibi usque ad vitæ occasum brene futurum non ignorabat, tam studiosè animum cum Deo coniunctum gessit, ut illius semper conspectu frui, & cum eo colloqui videretur. Cum autem à Medico didicisset, breui illi ex hac vitâ migrandum; tantâ voluptate perfundi cœpit; ut quàm altius poterat, vocem effrens, Deo gratias, Deo gratias, exclamaret; Fratresque circumfusus rogaret, ut solum Deo gratias personarent. Iam verò Beati Viri sine appropinquante, cum is deuotissimâ, ac lachrymis plenâ peccatorum confessione animum expiasset; Sacro IESU CHRISTI corpore, tanquam Cœlesti quodam Viatico refici postulat: quo allato, cum sacra illa Ecclesiæ verba: O Sacrum conuiuium, ad finem usque protulisset; & à Fratribus veniam, si quem verbo, vel exemplo læsisset, petiisset, se Domino Sacramentaliter commiscet.

Iam ergò fœlix illa anima discessum à nobis extremum parabat, cum post iucundam quandam mentis quietē, quasi è vestigio euigilans, manus repentē in Cœlum extendit; ac nouam vultu hilaritatem præ se ferens: O, ô, ô, iucundissimè exclamat; velut qui gratissimo alicuius aduentu, & aspectu lætatur. Hoc modo cum diutius hæc lætitię signa ederet, Vrbano à Prato, qui Virum Dei custodiebat, diuino quodam horrore perculsus, protinus in genua procumbit, quidq; cœleste spectet, interrogat: qui diuinâ illa voluptate ebrius respondit: En gloriosam Deiparam præsentem cerno; cerno quoque Angelorum milia, quæ hunc locum illustrant. Tum protinus: Claude, fili, claude cellæ fores. Posthæc rursus, cum in nouas huiusmodi voces erumperet, Vrbano ait: Egredere, fili, ac paulisper hinc pedem effer. Cuius cum Vrbano dicto paruisset, toto ab hoc tempore, quod breue illi vsque ad obitum interfluxit, quasdam Virgini Beatissimę cantiunculas, quibus illius priuilegia continebantur, suauiter decantans, inter has paulatim lumina ad mortis somnum claudens, æternum victurus ad Deum fœliciter migrat. 14. Kal. Maij Anno 1587. caro verò ipsius, quæ tum suapta naturâ, tum ætate, atque assiduis ieiunijs, & maceratione asperâ, cinerei coloris euaserat, repentē mollis, & candida, membraq; flexibilia, perinde, ac si teneri pueri essent, apparuit. Sancti autem Viri pedes, qui prius patentibus rimis scatebant, atque adeò luto, ac frigore induruerant, vt lignei potius, quàm carnei viderentur, rimis omnibus occlusis, tam admirabilem repentē lenitatem, ac mollitiem sibi è cœlo compararunt, vt iam immortalis gloriæ dotem adepti viderentur. Vix autem fœlix illa Fœlicis anima cœlum conscenderat; cum mox illustriores vrbs Beati Viri cellam diripiunt, scopis mundant, secum pulueres, ac quisquilias asportant. Hos porrò tanta populi Romani multitudo subsecuta est, vt cum Conuentum complerent, & fores occlusæ essent, scalas adhibentes, aditum sibi per muros aperirent, cunctaq; Conuentus loca replerent. Posterâ verò die illucescente, quæ tertiâ Penthecostes erat, cum Beati Viri corpus in Ecclesiâ de more collocatum fuisset, tota vrbs commota ad Monasterium confluit; habitum sæpè mutatum præscindit, capillos detondet, barbam radit, vngues amputat, atque adeò indiscretâ in id religione ruit; vt nisi opportunè corpus ereptum, intra presbyterij cancellos collocatum fuisset, id facile in frusta concidisset. Nullum tandem veræ pietatis officium prætermissum fuit, quo Sanctus hic Vir affectus non fuerit. Denique tam ingens eò confluxit turbarum

copia, ut iusta defuncto illa die persolui minimè potuerint. Post hæc, dum Fratres defuncto corpori iusta funebria reddunt, D.O.M. serui sui gloriam nonnullis miraculis illustrare voluit. Lucretia enim quædam, Bernardini Cottæ filia, malè à Dæmone vexabatur. Huic Dæmon octauo die, antequam Sanctus Vir è viuis excederet, citò se exulandum prædixerat; dum tandem obsessa in Ecclesiam perducta, sancti Viri corpori sistitur; arque à Sacerdote, inuocato Beati Felicis nomine, ad exitum compellitur, dum Euangelium Diui Ioannis super obsessam legit, ad ea verba deueniens: *Fuit homo missus à Deo.* Dæmon velut telo confossus, semimortuam mulierem, humi iacentem relinquens, inde protinùs an fugit. Alia quoque plurima miracula præsentè corpore patrata fuere. Lucretiæ Matthæi filius surdus erat; in cuius aures cum mater Beati Viri digitum immisisset, mox à surditate liber euadit. Adolescens mutus à natiuitate, cum operâ Senensis cuiusdam fœminæ, sancti Viri habitus particulâ linguam attingit, mox ab omni linguæ impedimento soluitur. Diana Altobassa, inuocato Beati Viri merito à sanguinis fluxu curatur. Sanctimonialis quædam S. Ambrosij, ob nervorum contractionem immobilis, corollam, quæ illius cadauer attigerat, corpori admouens, eodem temporis momento, incolumis è lecto surgit. Quarta iam superuenerat dies, ex quo S. Vir Cœlo spiritum reddiderat, cum illius corpus, quod eatenus nullo prauo odore afficiebatur, plumbeo loculo oclusum, tum in ligneo sarcophago repositum in communi Fratrum cœmiterio conditur: nouem verò post hæc mensium spatio, cum Cardinalis Protector B. Viri corpus exhumari iussisset, illudque summâ nasi extremitate demptâ, omni ex parte integrum, & incorruptum conspexisset, rursus plumbeo loculo inclusum, in marmoreâ illâ capsâ, quam is sibi viuens ab Alexandro Pogio postulauerat; conditum, in Crucifixi sacello, paulò à solo prominentius collocari voluit. Eadem verò die Fr. Marcus à Fossâ Clodiâ, qui diu molestissimâ hemiâ laborauerat, sancti Viri merita implorans, illicò instauratâ incolumitate potitur. Thomas quidam à Mondauio, Petri Valentini, Romani Ciuis vinearius, extremo prælio cum morte colluctabatur; cumq; à Dæmonibus multis accusationum iaculis oppeteretur, mox Sancti Apostoli, Petrus, & Paulus, S. Augustinus, S. Franciscus, ac B. Felix, è Cœlo delapsi, ipsi in præsidium adfuere. Hæc cum Petronarrasset. Ad eum Petrus: Thoma (inquit) num Felicem agnouisti? Et quidem præclare (ait) eum ex vultu, ac verbis agnouisti

candidâ,

candidâ ; ac lucidâ is stolâ sericâ amiētus erat ; tamq̃ ; splendidum circa collum collare gerebat, vt propter emicantes inde radios, illum vix aspectus ferre posset. Qui cū manum meo capiti imposuisset, ait : Ne formides, fili, plenam in Domino IESV CHRISTO, Crucifixum indigitans, fiduciam habeto, in quo omnes aduersarios tuos deuinces. Tum Thomas, cū se breui moriturum, atque æternâ cœli gloriâ donatum dixisset, paulò post in Domino obdormit. Ioannes quoque Antonius Rocallus, è scalâ ex alto delabens (cū in eo vitæ discrimine S. Philippum, ac B. Felicem ad sui præsidium inuocâset,) ytrumque sibi apparentem spectat; qui cum in manibus tollentes, leuiter humi reponunt. Vix autem sancti huius Viri corpus, marmoreâ capsulâ conditum, in Crucifixi facello repositum fuit, cū magnâ clari, ac odoriferi cuiusdam liquoris copiâ, ex ipso corpore emanare, ac ex capsulâ effluere cœpit, quo tot ægrotis in vrbe passim salus reddita fuit, vt rumor inde vbique diffunderetur. Ex quibus nonnulla hic recensenda sunt, ne omnia silentio præterijssè videar. Fridericus Cæsius, graui febre phreneticus, ad vitæ periculum ægrotans, hoc liquore inunctus, sanæ mentis redditur; & paulò post pulsâ feбри, integrę incolumitati restituitur; ac deinceps, quotquot ex eâ familiâ post hæc ægrotabant, aqueo hoc liquore inuncti, conualescebant. Idem Fridericus, pestilenti febre ad mortem laborans, hausto hoc liquore, leui statim somno corripitur; in quo Beati Viri visione potitus, incolumitatem consequitur. Antonius Roncallus, cū ad vltimam vitæ lineam peruenisset, hoc liquore capite inuncto, statim morbus retrocedere videretur. Paulus Aluarus, feбри continuâ, dysenterîâ, narium profluuiο, ac ciborum inappetentiâ, pallidę mortis simulachrum præ se ferens, huius liquoris inunctione, vitæ simul, & incolumitati restituitur. Victoria Foccheta, graui stomachi languores nec non anhelitus difficultate laborans, voto ad Beatum Virum emissο, pectus sibi hoc liquore vngi postulat. Vnctionem mox integrâ morborum curatione secutâ, & vnctionis loco dein multo post tempore suauissimum odorem efflante, Victoria voti immemor, votum exoluere negligebat, cū ijsdem morbis corripitur; at cū votum celerius exoluisset, pristinam à Deo mox incolumitatem assequitur: quam etiam Michaëli Angelo filio, qui post hæc ad Medicorum desperationem ægrotauit, eodem Beati Viri liquore inuncto impetrat. His accedat Catharina Locatella, quam cū febris continua, sanguinis profluuium, ac demum cachexia, desperatâ valetudine, ad interitum raperet; vbi

Felicitas mater eam B. Felici obtulit, suoque liquore perfudit, incolumis è lecto surgit. Demophon itidem Calendius, repentino morbo correptus, loquendi facultate interceptâ, breui animam exhalaturus credebatur: at vix liquorem hunc hausit, cum omnem repente à se morbum ablatum sensit. Adhæc Arthemisia Columna Cæsia, sancti Angeli Principissa, huius liquoris vnctione à febris continuâ, quâ sex mensium spatio laborabat; nec non à febris hecticæ periculo liberatur. Eodem modo Olympia Marina à febris; & ab acerbissimis stomachi doloribus, ob quos in certo vitæ discrimine versabatur, pristina incolumitati restituitur. Cleria quoque Mantoria, cum ardentissimâ febre ad certum vitæ periculum laboraret, hausto prædicto liquore, ac B. Felicis sibi in subsidium ope inuocatâ, statim à febre conualescit. Ioannes Clementinus, cum ex matris utero aridum brachium tulisset, cui nec sensus, nec motus, aut vigor vllus inerat, duobus ex nostris B. Felicem inuocantibus, aridumque pueri brachium liquore perungentibus, statim exanime illud membrum ad vitam reuocatur. Cœcilia Zita, cum ob membrorum dissolutionem, ad secundum vsque annum, omni membrorum vsu careret, ad sancti Viri sepulchrum delata, sacroque illius liquore à Fratribus delinita, vix domum relata, & membra mouere, & solidis vestigijs ambulare cœpit. Lucretia Mariana, cum femorum, ac tibiarum ariditatem contraxisset, ac chiragrâ laboraret; Nicolaus verò maritus eius, paulò post Medicorum ope destitutus, perditis sensibus ad mortem vsque ægrotaret, hac sacrâ liquoris vndâ peruncti, Lucretia, nervis consolidatis, tibias mouet, chiragra curatur; ac vix Nicolai frons signo Crucis munitur, cum protinùs copioso illi è capite tepenti sudore erumpente, à vitæ periculo liber, pristinam sanitatem adipiscitur. Baptistæ cuiusdam Cæsaris Ehippiarij vxori caruncula in oculo orta fuerat, quæ cum glandis instar totum oculum tegeret, ei non modò lucem, verùm & omnem oculi formam eripuerat; quo hoc sacro liquore peruncto, carunculâ illâ quamprimum euanescente, perfectè oculo lumen & forma restituitur. Orinthia Vitelescha, cum octo, vel nouem annorum spatio tuberculum, vel carnositatem quandam incurabilem intra nares pertulisset Beati Viri patrociniò implorato, nares liquore perungit, optatâque incolumitate fruitur. Ioanni quoque Baptistæ Cechino, qui eodem planè morbo diu laborauerat, simul atque eo liquore nares inunctæ fulre, tumor abscessit. Antonia Monteflora strumas diu passâ fuerat, quibus & oculorum tumor accedebat, quo ferè ad

cœcitatē reducebatur ; at præfato liquore sub vesperum inuncta , integram manē vtriusque morbi curationem assequitur. Eodem strumarum morbo affecti Marcellus Sachettus , & quidam Pauli Falconarij filius , vix ante B. Felicis sepulchrum hoc liquore perunguntur, cum nullā morā interpositā, tam perfectè à strumis curantur, vt nec vlla earum signa in cute remanserint. Posthæc Isabella Priorata, nobilis mulier, ob venæ pectoralis perturbationem , tam copiosum ex ore sanguinem euomebat , vt vitam cum sanguine fusura crederetur. Quo tempore Sabina filia lecto incumbens, repentē ab inuisibili manu sibi humerum concuti, taliaque ad se verba proferri percipit : Sabina , matrem admone , vt liquorem meum ad vnctionem adhibeat , si incolumis esse optat. Actutum adolescentula vocem auditam matri significat ; mater Cœlesti liquore sibi pectus perlinit. Quid plura? sistit sanguis, vena restauratur ; ac vitæ longioris vsura Isabella fruitur. Isabellæ quoque filio, vlcere pessimo in manu laboranti, eādē vnctione, eodem tempore optata salus redditur. Matthæus Rusticucius, hemicraniâ tam acerbè cruciabatur , vt ferè ad mentis insaniam reductus , leonis instar, rugitus ederet: qui cum vix eo liquore inunctus fuisset , integrâ incolumitate potitur. Laurentius quidam adolescens, cum adeò surdus esset , vt omni penitus auditus sensu careret, vix aures hunc liquorem suscipiunt, cum simul & vocem loquentis percipiunt. Postremò, Thomas Minerbetus , Generalis Patrimonij Apostolici Curator in febrem incidit; quâ ingrauescente, alijsque succedentibus morbis, anginâ scilicet, cordis palpitatione, pectoris angustia, ac frequentiori syntexi, maximo in vitæ discrimine versabatur: at, quod magis deplorandum erat, tot grauissimorum criminum cumulos, quos à multis annis in expiatis in animo gerebat, sibi conglobauerat, vt in his iam computruisse videretur; cum ex nostris Fratres duo, Beati Viri merita inuocantes, illius frontem, guttur, ac pectus liquore deliniunt: Deus verò, qui vtramque viro salutem conferre decreuerat, post vnctionem, suauem quendam ægro soporem immittit, in quo protinùs humani generis hostis se illi conspiciendum præbet, qui animam ipsius vi è corpore auellere conabatur. At Angelo illius custode, ad lectuli pedes statim altius in aëre apparente, ac reluctante, Diabolus librum explicat, in quo vniuersa ipsius crimina continebantur; quæ dum legeret, æger rerum veritate conuictus, ijsdem assentiri videbatur. Quo tempore & B. Felix in aëre conspicitur, qui Dæmoni grauitè comminatus: Quid ( sceleste ) ait, huius tibi hominis

potestatem arrogas, cum Deiparæ Virginis ego illi præsidium exorauerim? Cumq; brachium extulisset, agro Sacram Deiparam quæ in sinu Deum Filium gestababat, protinus ostendit. Is verò hoc ipso tempore è sopore euigilans, cum Dæmonem gemino saltu sese è fenestrâ proripientem, ac Beatissimam Virginem, vnâ cum B. Felice in cælum conscendentes conspexisset, altius exclamare cœpit: O Beate Felix! ò Beate Felix! atque eodem temporis momento, ab omni corporis dolore liber, S. Martini Parochum accersiri curat. Cui cum integrè culpas suas confessus fuisset, à febris prorsus demittitur, ac postridiè è lecto surgit. Quamplurima quoque miracula supersunt, quæ cum ex Reliquiarum huius Beati Viri contactu; tùm ex olei, quod ex lampade, quæ ante ipsius tumulum ardet, vnctione erumpunt: quæ indicare potius, quàm narratione complecti sufficiat. In Romanâ Prouinciâ Helena Vactria, à grauiissimo faucium morbo; Olympia Bruna à partus doloribus; Faustina Caloria, & Albrica ancilla à capitis vertigine; Ascanius à Bufalo, nobilis Romanus, à femoris dolore; Iosephus Ghislerius puer ab oculi cœcitate; Santa à S. Seuerino, à brachij ariditate; Hieronyma Cautia ab vberum dolore; Octavius Valerius puer ab herniâ; Laura Costa ab oris, ac narium morbo; Clara Spada ab incurabili leprâ; Scipio Calceolarius à podagræ doloribus; Augustinus, Romuli cuiusdam filius, ab oculorum cœcitate, Blasius à Fronte ab adustione; Leonora Auila à graui capitis dolore; Puer moribundus à mortis periculo; Ioannis Baptistæ Manini filius à totius corporis morbo; Octauia, & Hortensia, illa à grauiissimo corporis cruciatu, hæc à capitis dolore; Marius, Brusillæ Matthæi filius, à desperatâ ægritudine; Vir incerti nominis à pleuritide; Ioannes Baptista Victoriæ filius, à genæ putrefactione; Felix Fanella ab hypochondriacâ melancholiâ; Lucretia Ferrera ab apostemate, quo manus illi computruerat; Antonia Lancis, Cardinalis soror, ab hemicraniâ, & à partus dolore; Fabius à Pace, à febris continuâ; Cœcilia Vrsina à grauiissimo stomachi languore; Lucas Antonius de Fabijs, ab ischidiaco morbo; Plautilla, Pompeij Salensis vxor, à strumis; Laura Spinola ab ozænâ; Vincentius Cannatus à laterum dolore; Sebastiana Cometta à lethali ægritudine; Paulus Stratonicæ Matthæi filius à sanguinis vomitu; Honorata Fontana à diuturno capitis dolore; Ioannes Bibienus à membrorum attractione; Cœcilia Sacca à dentium dolore; Pamphilius de Magistris ab acutâ febris; Catharina, & Alexandri cuiusdam Alutarij neptis moribunda à mortis



periculo; ab eodem & Pompei vxor, & neptis; Iulij Franchini filius à cœcitate oculorum; Sebastianus de Vecchis, Medicus, à fistulâ; & ipsius filius à strumis; Syluius Barattus, & Lucæ Peregrini filius ab acutâ febre; Tarquiniij Marfij filius à dysenterîâ; Cynthia Romana à laterum, ac tibiâ dolore; Felix Capreola à graui capitis dolore; Seuerini Mascardi filius à sanguinis fluxu; Sebastianus de Rubeis, & Stephani cœmentarij filius à strumis; Christophorus Talliacarne, & Mutia Narniensis à poplitum dolore, huius liquoris virtute liberantur. Ex Mediolanenfi Prouinciâ Veronica Beolea à diuturnâ ciborum inappetentiâ; puer ab alterius oculi cœcitate, & mater ab arthritica; alter quoque puer, ac mulier ab odontalgîâ, eodem modo liberantur. Ex Bononienfi Prouinciâ, Fabricij Lucatelli filius, ac filia à pestilenti febre; alter ab ophthalmiâ; tertia mulier in extremis laborans, ad incolumitatem reuocatur. Ex Panormitanâ Prouinciâ, tandem Castri Veterani Principis filius à porriginè; & Pacificus Calaber Capucinus à crurum tumore, liquoris huius vnctione persanantur. Ad hæc addantur, quæ ex præcisis ipsius Sancti habitus particulis miracula effluxêre. Primum igitur in Romanâ Prouinciâ Magdalena Grimalda, quæ ob venenosam suppurationem, quæ illius fauces inuaserat, in certo vitæ periculo versabatur, cum beati Viri habitus particulâ guttur illi obsignatum fuisset, protinus perrupto apostemate à morte, & postmodum à formicario morbo liberatur. Barbara Patauina pleuritide correpta animam agebat, cum nonnullis eiusdem habitus filis cum iure carniū haustis, ad vitam reuocatur. Camilla Thesaura gutturis tubere exuberante; Ersilia puella, & Horatius Butius, faucium apostemate laborantes, à morbo curantur. Antonius Marchionis Theoduli filius, ab hecticâ febre liber euadit; & Catharina Antonij soror à diuturnâ, ac molestâ tussi sanatur. Victoria Aquilina ab atro ac pestilenti in naribus carbunculo ( qui vitæ ei periculum minabatur ) & à gutturis morbo, penitus liberatur. Lucretia Galantia, à grauiissimo capitis, ac stomachi dolore; eius quoque filia à febre curatur. Sestilia Narda, & Ioannes Andreas à Fontanili à pestilenti febre incolumes emergunt; Ioannes Antonij Roncallus à cœcitate liber euadit; Felix de Vbertis à colico dolore; Victoria, Lucretia Adornæ filia, à lethali morbo in momento sanatur; Persia quædam ab arthriticâ; Laureia Petronia à cephalicâ; Octania Rensia ab vberum dolore; Lucretia

Francisca à grauissimo stomachi languore ; Ioannes Baptista Matthæiab aurium ægritudine; Ioanna quædam arreptitia à maligni spiritus obsessiõne; ab eadem itidem Iulia quædam Rinaldi vxor ; mulier quædam Zagarolensis ab anginâ ; Franciscus Espucius bis ab acerbo capitis dolore ; Margarita Dreia à pestilenti febre , ex quâ mortua credebatur ; Antonia eiusdem filia, à cephalalgîâ ; Catharina Cioffa à rubentibus papulis; ab iisdem & Petrus Victoriæ Adornæ filius; Lauinia Rechardi Prosenatis vxor, à cachexiâ; Proserpina Pacea, à lumbagine; Claudia Ouazzetta ab acutâ feбри; Cassandra Zachonia, à cephalcâ, & lumbagine; Porfia à Gallicano ab anginâ; Christophori Danielis filius ab ægritudine lethali, sacri huius habitus contactu ad sanitatem reuocantur. In Neapolitanâ Prouinciâ eiusdem habitus contactus Francisci Tangæ filium, qui continuâ feбри, papulis, ac respirandi difficultate oppressus ad occasum properabat; atque eiusdem filiam, Ioannam nomine, in extremis laborantem; Prudentiam denique vxorem epilepticam, confestim in pristinum salutis statum restituit; idem Petronillam Monialem S. Gregorij conuersam, à diuturno narium profluuio, ex quo oris deformitatem contraxerat, in momento liberat; eodem quoque Petrus Paulus de Bellis puer, popularum copiâ, ac malignitate oculorum luce orbatus, pristinæ luci restituitur. Adriana Marchionis Castroui filia, spe omni vitæ abiectâ, in salutem vindicatur. Præter hos Iustina Grimalda à diuturnâ feбри; Nobilis cuiusdam Capuanæ filius ab oculorum cœcitate; Ioannis Leonardi Marronis filius à diuturnâ ægritudine, ob quam curuus incedebat; iuuenula, Aloysiæ Cossæ pedissequa à maligni spiritus obsessiõne; Ioanna Reuerteria ab elephaniasi; Fr. Rutinus ex nostris Laicus ab herniâ; Fr. quidam ordinis Prædicatorum ab hydropisi, huiusmodi particulæ virtute curantur. In Bononiensi Prouinciâ Barbara Nicolai Sudentis filia, à mortis faucibus eripitur; Lucia Lisania grauiter febricitans; Hieronymus pleuritide ad mortem laborans; moribunda mulier à certo mortis periculo; puella à Dæmone obsessâ; mulier à cancro exesa; lumbagine affecta; quidam à narium profluuio; Marinus agricola ab artuum tremore; alter à tibiarum dolore; Balthasar quidam membris captus; geminæ itidem mulieres ab vberum tumore, ac ceruicis dolore, Sacri huius panni virtute liberantur. In Hydruntinâ Prouinciâ Sanctorius Taurus Hydruntinus ab acutâ feбри; Orphei Trepucij vxor ad Medicorum desperationem ægrotans; Octauij Maragei vxor à feбри grauissimâ; tres mulieres à Latertiâ ad mortem

vsque ægrotantes; Maria Astona à Melpiniano, & altera à Marciano,  
 à partus cruciatu; Stephanus Caramuscia à papulis penè occæca-  
 tus; mulier Castrinianensis à matricali dolore; altera ab vberum pu-  
 tredine; Cassandra, Archiepiscopi Bariensis soror, ab oculorum do-  
 lore; Fr. Senardus à Solito, Capucinus, ab angine morbo; Angelus  
 Becchius vtriusque oculi luce orbatus; Antonia Leonarda à Diabo-  
 lico maleficio; Francisci Tabellionis vxor à graui poplitem dolore;  
 plurimæ quoque febricitantes sanantur. In Panormitanâ Prouinciâ,  
 quamplurimi eiusdem Beati Viri habitus particulâ sibi adhibitâ cu-  
 rantur. Inter quos Lucianus Rubeus Episcopus Mezariensis, à gra-  
 ui 12. annorum in humero apostemate; Franciscus Ludouici Naxini  
 filius à mortis agone: Fr. Marianus à Politio Sacerdos ex nostris, à  
 gibbo: Bartholomæus quidam à duodeviginti annorum aurium  
 morbo: vir quidam ab Alchamo ab inimicorum confossione illæsus  
 seruatur: Legisperitus quidam Drepanensis à graui febre: alter eius-  
 dem vrbs à Diabolico fascino: Mulier arreptitia à Dæmonis impe-  
 rio: Vincentius à Thermis Imeris, atque altera eiusdem vrbs mu-  
 lier ab oculorum morbo: Textoris cuiusdam vxor à lethi faucibus:  
 Bibonensis quidam à graui laterum dolore: eiusdem oppidi mulier  
 à diuturno stomachi languore: quamplurimi denique febricitantes  
 sanantur. Ex Pedemontanâ Prouinciâ, Magdalena quædam Ber-  
 gella grauissimâ febre ad necem festinabat, cum B. Felicis habitus  
 præsemine ad collum appenso, paulò post in soporem dilapsa, B. Fe-  
 licem iuxta lectum sedentem intuetur; cuius aspectu adeò corrobora-  
 rata fuit, vt è somno experrecta, se à febre liberam senserit. Lucretia  
 Ioannis Petri Prouana vxor, à mortis imminenti periculo eodem  
 remedio liberatur. In vrbe Montis Regalis, Ioannes Franciscus Bel-  
 trutus adhuc puer, molestâ quadam ægritudine detinebatur; qui  
 cum nonnullos Sacri habitus pilos cum aquâ mixtos hausisset, oc-  
 clusisque foribus solus in lecto decumberet: en gemini Fratres, ex  
 quibus alter B. Felix erat, propè lectum assident; quos dum puer  
 lætus intuetur, ab ægritudine liber euadit. Eodem modo Catharina  
 à Turre, Nobilis Salutiensis vxor, à phreneticâ febre sanatur. Clara,  
 Lucretiæ Purpuratæ pedi sequa lethaliter ægrotans; Lucretia quoq;  
 à partus dolore: Nouariensis quidam à Dæmone vexatus: Mulier  
 Cafalensis à tertianâ febre: Nobilis quidam de Torres familiâ, vnâ  
 cum vxore, ac filijs febricitans: Hieronymus Riuolta causo ægro-  
 tans in salutem vendicantur. Ex Helueticâ Prouinciâ, mulier oculo-  
 rum ægritudine penitus obcæcata; altera grauissimo capitis lan-

guore correpta; adolescens à tibiæ, ac pedum tumore perfrantur. Ex Venetâ Prouinciâ, Bernardinus Cossalis causo laborans; Nobilis Bergomas à tertianâ febre; mulier quoque Veronensis partus dolore vexata, sanitate perfruuntur. Ex Vmbriâ, puella quædam Fulginienfis à lethali febre; vir quoque periculosè ægrotans; geminæ itidem mulieres, odontalgia grauius afflicte, à morbis curantur. Ex Aprutienfi Prouinciâ Iulia à Colle Petri; & Pax, Ioannis Bernardini vxor, à tertianâ febre; Alphonfina à Scandilia à comitali morbo; Magdalena Vrsina filius, Medicorum sententiâ morti adiudicatus; Dominicus à Cruce; Ambrosius Olympiæ Palliacensis filius; Crystallina Cianchitta, & adolescens quidam à Dæmone vexati; Laurentius à Villâ à diuturnâ ægitudine; & Antonius Forsytus à melancholicâ passione, quâ ad insaniam redigebatur, Sacri huius habitus tum potu, tum contactu ad incolumitatem peruehantur. Postremò per tot Christiani Orbis partes hæc sacri habitus præsemina diffusa sunt; totque in his, præter ea, quæ enarrata sunt, diuinâ virtute miracula patrata; vt omnia diligentius prosequi difficillimum sit. Quare satius mihi visum fuit, plurimis prætermisissis, ea tantum, quæ grauiora, ac certâ fide probata, breui compendio (vt cœpimus) indistinctâ Regionum serie perstringere. Qui igitur, manifestâ Dei virtute, ad pium Sacrum huius B. Viri Reliquiarum contactum à languoribus sanantur, hi sunt. Antonius Mongauerus à febre, & sanguinis fluxu; Syluæ Bentiuoliæ filius ex alto dilapsus à capitis illusione; Ioannis Baptiste Fregullij filia à strumis, Margarita Augustini Manfredi vxor à diuturno corporis languore; Pauli Virchij Brixiani ab incurabili femoris morbo; Catharina Carpentis à graui tibiæ ulcere; Liua Christophori Vitellæ vxor; ab vberum dolore; Portia à ciuitate Ducali à vehementi febre; Imperia, Antonij Perotti vxor, à partus dolore; Cœcilia, Clementis Medici vxor, à lethali morbo; Ioannis Baptiste Simi filius à mortis agone; Laura Sapalca à febre continuâ; Franciscus Laretinus à febre, ac laterum dolore; Franciscus septem annorum puer ab hydropisi; Antonia Ioannis Bafaiæ filia à cachexiâ; Aloysius Panizza à quartanâ febre; Hippolyti, Boschi Medici filia, à febre continuâ; Elisabeth, Andrea Montanari vxor; altera Francisci Farolfi vxor; Guabenga Moltia: Hercules Cocapani filius, ac eiusdem famula; Catharina Ferra: Leonora Muscarella: Thomas Bellinus à grauissimis febribus: Antonius Estensis à capitis vertigine; Alphonfus

Giliolus à cruria claudicatione; Lucia, Hippolytes Estensis pedissequa à calculi morbo: Galeatij Reminaldi vxor: Angela ipsius pedissequa: Catharina Bartholomæi Cacelli vxor: Lucretia Bartholomæi filia, & Lauinia Cocapani à continuâ febris, vomitu, & pleuritide: Lucretia Bartholina à graui oculorum cruciatu: Ludouici de Benedictis filius ab herniâ: Victoria de Pucijs, Monialis, ab acerbo, & diuturno stomachi languore: Venia Trota à colico dolore: Aspramon Mergerius Comelensis à diuturno crurium cruciatu: Aeneas Bottonus, Bernardini à Campis filius: Violans, Antonij Zenonis filia: Hippolytus Patauinus: Liuia Beuilaqua: Iunipera Remilia: Aloysius Poquintesti filius: Catharina Boueria: Isabella Furtana: Eleonora, & Claudia Squartrona, sorores: Ioannes Baptista Palmerius: Violans Bagarotto: Franciscus Tabarellus: Hippolytus Obicius, & Cœcilia vxor: Iacobi Bainerij vxor ab oculorum dolore: Sigismundus Comes Montiscuculi cum filio à vehementi ægritudine: Vgutius Comes Beuilaqua: Thomæ Clarelli filius: Herculis Piscacetti filia: Iunipera Casella: Bona, Collegij Orphanorum vrbis Ferrariensis puella: Violans, Galeatij Curti filia: Franciscus Donzellus: Alphonfus, Magdalene Busentinæ filius: Magdalena Thomasia, Alexandri Balbi filia, omnes ad Medicorum desperationem ægrotantes. Iacobi Deianerij vxor ab oculorum lippitudine: Franciscus Stabilinus, fabricator, grauiter ob lapsum sauciatus: Alphonfus Molza à stomachi dolore: Dominica Alberteria ab oculorum delachrymatione: Violans Lollia à frontis tubere: Constantia Lamberta ab oculorum ægritudine, quâ penè cœca euaserat: Diana Mora à graui cephalalgia: Blanca Monialis à lienis morbo; altera Monialis Adeodata nomine, prope modum luce orbata: Iacobus Antonius Maria, & Camilla Lauræ Anguissolæ filia à graui ægritudine: Isabella de Montibus à tibiarum dolore; & Ioannes Baptista Frater à femoris cruciatu; Iacobus Bonfignorus à diutinâ cephalæa: Laura Carella à pituitæ fluxu; & Catharina soror à matricali dolore: Albertus Petrucius, Dux peditum, à bombardæ vulnere: Lucia Gambarà à graui stomachi passione: Ludouici Maroni vxor à graui casu: Magdalena Lucara epileptica: Rudolphi Peolensis filius, qui è nimio fletu strabo euaserat: Franciscus Aloysius Thomatis ab oculorum cœcitate: Lucia quædam ab alui cruciatu; Seraphina mulier ab vlcere; puer ab hæcticâ febris: Vespasiani Sfortiæ filius, Hieronymus nomine, ab acutâ febris: Marchionissæ Montisfalconis

filius à lethali morbo: geminæ mulieres à partus dolore: Faustina Mancina à graui cephalalgia: Franciscus Lucretiæ Colellæ filius à papulis, Fr. Syluester Burgiensis, ex nostris. Castrinoui Guardianus, à lethali ægritudine; Ioannes Antonius Magister, vrbis Neapolitanæ Iudex, à faucium morbo, Franciscus Capellus Neapolitanus ad mortem agrotans; Hieronyma Pogia, & Lauria Petronia, & aliæ permultæ à partus dolore: Dorothea Cres. entia à genarum contractione: Lucas, Æmiliæ de stirpe natus, à graui stomachi dolore: Apollonia Valentia à continuâ febris curantur. Crux exigua à Beato Viro compacta, corollæ cuiusdam Fabij de Pace alligata, cum ante rhedam casu excidisset, muli rhedam trahentes, ante illam consistunt, neque vllis rhedarij verberibus ad iter compelli valent, donec Crux cum corollâ inde auferretur. Postremò, vt his finem imponam, nonnulli Beati huius Viri capilli papyro occlusi, cum à Camillâ Perettâ imprudenter in ignem proiecti fuissent, in eo incombusti permanent, atque à flammâ illâ si inde eruuntur. Porro, inter ea, quæ ad solam nominis inuocationem, aut votum ad eum emissum spectant; inprimis Antonius Maria, Camillæ Tensii filius, pestilenti febre laborans, Phycis de ipsius salute prorsus desperantibus, mater Beato Viro votum emittit; votum verò mox filij incolumitas sequitur. Stephano Biscio, Perusina Ecclesiæ Organistæ, ad extremam vitæ metam perducto. cum triduum absque cibo, & potu moribundus transegisset, Hortensia vxor, Beati Viri patrocinium implorat: mox B. Felix agro adstat, his illum verbis compellans: Stephane, si salutem optas, iusculum, quod tibi propè ignem asseruatur, absorbe. Quare, hausto iusculo, tam repente à morbo cœpit conualescere, vt postridiè è strato incolumis surrexerit. Dominicus Bernardinæ Romanæ filius, necdum annorum duorum puer, repentino quadrigæ transitu præoccupatus, à rotis intercipitur; quo tempore mater exclamans, B. Felicem ad filij salutem inuocat, filiumque incolumem recipit: at coralliorum armilla, quam is circa brachium gestabat, rotarum conculcatione, brachio prorsus illæso, contrita fuit: cum autem os pueri grauius faucium offendisset, oleo, quod ante sepulchrum in lampade ardet, os illi à Fratribus inungendum curat, mox tumor abscedit: vixque domum reuersus ad pristinam incolumitatem redit. Apollonia quædam de Lincis, cum in furias acta, domesticos vnguibus, ac dentibus aggrederetur, Margareta Filia beati Viri opem, voto emissò, implorat; ac protinus sanæ menti redditur. Franciscus Cæsius ab Antredoro, ischuriâ, ac lotij

retentione tam grauius laborans, vt octo dierum spatio nihil profusus vrinæ effunderet, ad B. Viri opem confugiens, eodem temporis momento integræ sanitati restituitur. His pleraque alia ad B. Viri inuocationem patrata miracula accedunt, quæ breuius indicare sufficiet. Hieronymus, Polidori Palermi filius, pedibus impotens, ad B. Viri sepulchrum delatus, pedum statim vsum recipit, atq; eiusdem filia à Dæmone liberatur: Doralicis Viterbiensis filia, pedum vfu carens, sanatur: Beatrix Melcia ab vtriufq; auris surditate curatur: Lucia à S. Paulo à graui cephalæ; Horatius Carpenia à vehementi ægritudine; Flaminia Cœsæ filius boâ periculosè laborans; Mariana Senensis à tibiæ dolore; Flaminus Nigrellius febricitans; Constantinus Pincellius à graui gutturis morbo; Lucretia Ferreria à manus apostemate; Laura Bertia Papiensis ab vberis morbo; Stephanus de Thomatis à pestilenti febre; Lauræ Rondoninæ filius à febre, ac fluenti pituitâ; Ioannes Germanus à brachij vlcere; Franciscus Alexius à tormentario puluere in faciem emissio; Maria quædam à morbo vniuersali, & hemicraniâ; Marcus Antonius de Fratis à febre phreneticâ; Frater Dionysius à Monte Falco, ex nostris iam moribundus; Iustina Mutia ab oculorum ægritudine, & stomachi languore; Lucia Senensis à pestilenti febre, & phrenesi; Antonius de Benedictis à Cantalice, febre, ac grauissimo femorum dolore laborans; Ioannes Baptista Casanova; Frater Constantinus, Anglus Capucinus; Arsilia Aluara; Alexander Albertinus; Anna Thomasia; Iustina nubilis iuuenula, à diuturnis, ac periculosis febribus; Dominicus Coderonus ab herniâ; Scipio Sigillinus à brachij contractione; Fr. Iosephus à Lanciano, ex nostris Clericus, à tonsillis; Antonius Spania plurimis ab hostibus vulneribus confossus, B. Virum inuocans, absque vulnere conspicitur; Fr. Ioannes Setianus, ex nostris Laicus, septennio ægrotans; Virgilius puer è sublimi loco delapsus; Mulier quædam Martha nomine, stomacho, ac respirandi difficultate laborans; Cœcilia de Nannis totius corporis impotens; Syluia de Antoninis diuturnâ nephritide afflictata; Lucretia Crescentia calculi morbo oppressa; Adrianus de Lucijs, & Anna Maria Cupaya, vterque ob acutam febrem spe salutis destitutus; Antonius Mataranus lethaliter ægrotans; Puer anniculus à faucium præfocatione; Angela Marciaria à pituitæ fluxu, & stomachi dolore; Andreas Scatecinus à pleuritide; Diamas quædam à femorum, ac tibiæ contractione; Paula Campefia carcinomate tabefacta; Barbaræ Calliaræ filius à cachexiâ, & infirmo



totius corporis statu; Iulius Beanconius, lethali vulnere faucius; lu-  
uencula in oppido Reucrilue affecta; Alexander Cerafa graui mor-  
bo oppressus; Nicolaus Bertaciolus à tibiæ vlcere; Iosephus Ricar-  
dellus à diuturnâ febre; Magdalenæ Capacix filia ad Medicorum  
desperationem ægrotans; Tridentina Ciuitas à peste grillante; His  
Dariam Ciocheram libet adnectere, quæ cùm à totius corporis im-  
becillitate B. Felicis meritis salutem impetrâisset, hac iterum con-  
ditione orationem repetit; vt si ad animæ salutem prior illi ægri-  
tudo sit potior, redeat illa; sin secus, valetudo stet. Res profectò  
mira: mox enim redit infirmitas, & quæ læta fulcra dimiserat, læ-  
tior eadem repetit. His itaque breuissimè, quoad fieri potuit, enar-  
ratis, innumera etiamnum miracula explicanda supersunt, quæ ex  
olei, quod ex lampade ante B. Viri sepulchrum collucente hauritur,  
vnctione vndique emanant. In his illud inprimis memoriâ dignum,  
quod de Gabriele, Laurentij Bolegnoli Romani Ciuis filio quatuor  
annorum puero, certâ Medicorum fide probatum est. Hic cùm in  
incurabilem cœcitatem incidisset, voto ad B. Virum emisso, ocu-  
lisq; lampadis oleo inunctis, oculorum lumen assequitur. Hierony-  
mus quoque Mineræ Mancratinæ filius, malignâ, ac pestilenti febre  
correptus, lampadis oleo inungitur; votoq; à matre emisso, eo tem-  
pore moribundo puero B. Felix persplendidus apparet, his eum ver-  
bis excitans: Hieronyme, Crucis te signo obsigna, ac Orationem Do-  
minicam recita; si id egeris, nequaquam morieris: quod cùm puer  
præstitisset, postridie è lecto incolumis surgit. Petrus à Nicola puer,  
acutissimâ febre, ac tantâ neruorum contractione laborans, vt in le-  
cto planè immobilis iaceret, oleo lampadis inunctus, sub vesperum  
moribundus, manè à neruorum contractione à febre, ac tandem à  
mortis faucibus liber, & incolumis è strato surgit. Dominicus Flo-  
rus cùm ad sextum vsq; mensem febris, & apoplexiâ in lecto oppres-  
sus iacuisset, post hæc cancro dexterum circa latus affectus, is quinto  
absque vllo linguæ vsu die moribundus iaceret, B. Viri lampadis oleo  
inunctus, protinus integræ sanitati restituitur. At hætenus enarra-  
tas, sin minus virtute, saltè dignitate superat incolumitas, seu po-  
tius vita post mortem cuidam puellæ, Gasparis Bellintani filix red-  
dita, ac septem testium iuramento firmata. Hæc tres annos nata,  
cùm febris continuâ, ac dysenteria grauissimè affecta esset, nullâ  
Medicorum operâ iuuari potuit; quin repentino naturæ deli-  
quio intercepta, in patris sinu animam funderet: cùm ergò fri-  
gescente, ac obrigescente iam corpore, nulla vitæ spes superesset;

Pater voto ad B. Felicem nuncupato, puellam suo lampadis oleo, perungit, ac mox puella reuiuiscens, oculos ad patrem deflectit, quem plorantem cernens, ait: Cur, pater, gemis? lachrymas terget, non ego mortua sum; sed Beati Felicis gratiâ uiuo: is mihi nunc vitam, ac salutem reddidit. Cumque hoc ipso tempore vestes postulasset, à febre, dysenteria, atque ab omni morbo penitus sospes, domum, ac viciniam circumiens, hisce verbis complet: O Viri! Deo, ac B. Felici gratias agite, qui me saluam, & incolumem præstitit. Eorum porro, qui ex certo mortis periculo, huius olei vnctione, liberati fuere, quamuis certus numerus præscribi nequeat; nonnullos tamen indicabimus; inter quos sunt Franciscus Pasqualetus, Lucretia Termulina, Victoria Crescentia, Bernardinus Massa, Felix Reucellius, Vincentius Gallus, Clementiæ Romanæ filius, Lucretia Angeli Oechalij vxor, Ioannes Baptista Iacobius, Iacobus Bartorellus, Antonius Bacenellus, sex Francisci Mendozæ filij ad mortem ægotantes, Ioannes Antonius Costa, Petrus Cecius, Franciscus Cerrius, Carolus Caputus, Philippa Maneria, Angelus à Sepino, Magdalena Vrsina, Iacoba Moschetolia, Dominicus Marcordus, Franciscus Bragalius, Carolus Lauretus, Franciscus Spanus, Franciscus Luxorius, Hieronyma Cloiq, Simon Cubrega, Fr. Marcus Mantuanus, ex nostris Laicus, Iacobus Lucianus, Hieronymus Aloysij Quarengi filius, Antonia Domjnici Luciani filia, Maria vxor Gaspari Dragonini, Felix Iacobi Pollesini vxor, Iustinopoli Iurisperiti cuiusdam Dalbelli filius, Hieronymi Posini filia, quæriduo (vti creditur) defuncta, ad vitam reuocatur. Ioannis Zartai filia, Franciscus Sabba, Hieronyma Carta, Simon Cabitza Sacerdos, qui pretiosâ hac olei vnctione ab interitu vendicantur. Aliorum verò, qui varijs languoribus oppressi, diuinam hæc vnctionis curationem acceperunt, breuem quoq; libet indicem texere. In his sunt Nicolaus, Ioannis à S. Nicolao filius, neruorum contractione languens; Vrsula Pocauena strumis laborans; Prudentia Vrbinas altero brachio manca; Angela Ricarda à totius corporis tremore; Augustinus Sperantia à colico dolore; Augustinus Naue à cephalalgia, & iterum à colicis doloribus; Euphrasia, Ioannis Baptistæ Senensis vxor, ab vniuersali morbo, & ab icteritiâ. Vitalis Fracassa ab argemate incurabili, Horatius Vrsinus ab arthriticâ; Cœcilia Riccia à nephritide, stomachi, & laterum dolore; Victoria Cantuccia ab oculorum cœcitate; Gabriel, Laurentij Bolognoli filius, oculorum luce orbatus; Franciscus Vendetius Anticolensis ab vl-

cere; Octavius Alexandri Mataratij filius à tonsillis; Margarita Vngara à graui lapsu; Maria, Prudentiæ Palermæ filia, à ventriculi dolore; Francisca, Andreæ Sagrestani filia, à grauisimo stomachi languore; Margarita Peligrina Romana à cephalæa; Clarix Gamerea à pedum tumore; Laurentij Anelij filius à feбри, & asthma; Dionysia Æsina à nephritide; Elisabeth Cicania ab vniuersali morbo; Ascanius Rosius à feбри continuâ; Ioannes Baptista, Vrsolinæ Cæfennatis filius, à lethali ægitudine; Felix Reucillia à pestilenti febre; & lienteria; Ioannes Baptista Barberius sæpè à calculi morbo; Victoria de Sanctis filia à porrigine; Stephanus Anselmus à si-riasi; Franciscus Griffonius à causo, & tibiæ tumore; Beatrix, Annibalis Politiani vxor, à diarrhæa; Lucinia, Bartholomæi de Rubeis vxor, à graui cephalalpiâ; Catharina Naldra à tibiæ tumore; Rinaldus Alphonfus Neapolitanus à serpenti morbo; Franciscus, Mariæ Amadei filius, à boâ pestiferâ; Elisabetha, Simonis Riccij vxor, à corporis tumore, & colicis doloribus; Angela Chratenna à nephritide, & stomachi languore; Gentilis, Francisci Cassiani filia, à feбри, & sanguinis vomitu; Porfia, Sacardini filia ab acutâ feбри; Camilla Micarella ab alterius auris surditate, & iterum ab oculorum inflammatione; Matthia; Francisci Tanij vxor ab acutâ feбри; Francisca Pina ab alterius femoris dolore; Virginia Thomafina ab vberum vlcere; Bona Rauennas à leui pedis tumore; Iulia Mauota à multiplici languore; Victoria Gramola à nephritide; Bartholomæus Mutius, & Catharina Morella à tibiæ ulceribus; Paulus Thomafinus ob lapsum quendam languens; Maria Angelina carcinomate affecta; Magdalena Iuliana à pituitæ fluxu; Franciscus Balduinus à graui apostemate; Hippolyta Nurfina ab argemate; Apollonia Rubea, Maria Monialialium S. Lucie in Sicilia Procuratrix, atque eiusdem Mariæ nepos à catarrhi fluxu; Jacobæ à Furno filia à coxendice; Perna Ranaldia à causo, & pleuritide; Vincentius Sgallia, & Ioannes Baptista, Ventura à S. Martino filius, à phreneticâ feбри; Pompilius Abbatus à leui oculi cæcitate; Horatius Picus pedibus mancus; Franciscus Sanitas ab apostemate; Carolus, Romanini à Ruscinone filius à porrigine; Victoria Lauagna à graui femoris vlcere; Petrus Paulus Boius à poplitum dolore; Martinus Esquirius à podagræ cruciatu; Helena Carta à pedum vlcere; Ioannis Morosi filius à multiplici vlcere; Francisca, Iacobi Scalarij vxor ab odontalgia; Maria, Iacobi Dragonie, & Dominica Petrorech à partus dolore; Ægidius Iustinianus Augustinianus, & Victoria

Lauagna, à graui crurum vlcere : Martinus Esquirtus à podagræ dolore: Helena Carta à prodigioso pedum tumore : Georgius Pissamanus altero brachio captus : Philippus Vvlacarius Medicus diu fascino oppressus : Laura Bratia febricitans : Guilielmi Pistoris filia in tumorem conuersa : Franciscus Caponius ab ischuriâ : Antonij Oliueti calceolarij vxor à pectoris passione: Augustinus Cauolotus ab animi defectu : Clara Consolata à pituitâ in stomachum defluente : Bartholomæus de Ambrosijs à narium profluuiio : Dominica Marfacia à diurnâ febre : Ludouica Sartoria ab vberum dolore : Angela de Sartorio ab alterius oculi cœcitate : Iacobi Durandi filia à fistulâ : Dominicus Rossinus Pictor moribundus : Franciscus Leardinus à neruorum contractione : Susanna Monialis in Monasterio S. Dominici vrbs Veronenfis , à repentinâ cœcitate : Thadæa in eodem Monasterio Monialis diutino languore curua : Marius Morandus à graui ægritudine , atque eius filia à mortis articulo : Margarita Orlandia à feбри, & tonsillis : Petri Lancini Mercatoris vxor ab vniuersali totius corporis morbo : Franciscus Zinus à feбри, & podagrâ : Iacobus Viualdij ab humerum dolore : Florina Parmensis à tibiæ vlcere : Marci Antonij Fallerij filius à lethali morbo : Ioannes Baptista Ioannellus à graui pituitæ fluxu : Stephanus Tillëtus , & Guilihermini Garnerij filius Sauilliaenses à ramcis morbo : Ioannes Belga à delachrymatione : Antonij Mantuæ filia ab argemate : Lucia Pauli Furlani vxor à colico dolore, & amentiâ : Carolus Malaspina Marchio à graui ægritudine , atque ipsius mater à cephalæa : Ioannes Baptista Pignola mortiferè ægrotans : Dominicus Betcanus à certo mortis articulo : Alexander Castellanus Pictor agonizans : Iacobus Mosellus à laterum dolore : Iosephus Marascaldus ob lethale bombardæ vulnus morti à Phisicis adiudicatus : Fr. Fortunatus Clodieñsis , nostri Ordinis Laicus , à pestilenti febre : Canonicus Neganus Veronenfis Ecclesiæ, post extremæ Vnctionis Sacramentum , & animæ commendationem , hoc oleo inunctus incolumis redditur. Plerosque alios hoc modo diuinâ virtute curatos , ob institutam breuitatem , prætereo, quorum catalogus apud nostros integer , ac probatissimus asseruatur ; innumeris interea alijs prætermisissis , de quibus nulla apud nos memoria extat. Denique tam ingens de illius sanctitate, non modò apud omnes , tam vulgares , quàm illustres Viros ; verùm etiam apud ipsos Romanos Pontifices semper opinio percrebuit ; vt in primis Sixtus V. grauissimus Pontifex , Cardinalium aliquando

coronâ stipatus, ante ipsius Beatificationem, ad sepulchrum S. Viri genuflexus orauerit. Post hunc Gregorius XV. ibidem, quemadmodum & prior Sixtus V. genuflexus orationes fuderit; hæc post orationem verba addens: Nos plurimum huic Viri debemus, eo quod ipsius intercessione singularem à Deo gratiam reliquimus. Quamobrem, cum à sui Pontificatus exordio argentæam imaginem ipsius sepulchro inferendam iussisset, ipsum radijs circa caput emicantibus depingi, ac Beati titulo, quo ab omnibus passim appellabatur, insigniri permisit. Postremus tandem adhuc sospes Urbanus VIII. Pontifex Maximus, cui Capucinorum Religio inter alias plurimum debet, Anno Domini 1625. hunc Dei seruum, Beatorum honore, & gloriâ accumulât per Bullam, quæ incipit: In speculâ &c.

## FR. RVFFINI GALLARATENSIS

### LAICI

#### VITA, ET GESTA.

**R**ATER RVFFINVS à GALLARATO, Laicus, honestis parentibus natus, futuræ vitæ, ac sanctitatis ab ipsâ pueritiâ, velut quædam præludia iaciebat; cum enim septem tantum annos natus, cum paruulâ sorore aliquando in vineam profiscisceretur, lupus aduentante, soror cœpit pauescere. Cui ille: Ne expauescas, inquit: Salutationem tantum Angelicam, quam à matre didicimus, deuotè persoluamus; nihilque nobis lupo nocebit. Cumq; genuflexi Angelicam Salutationem recitassent; mox Beatissima Virgo inter eos media apparet, quæ metum omnem propulsans, lupo fugat, saluosque domum reducit: ex quo tanta puero virtus aduersus lupos deinceps accessit, vt eos solâ voce fugaret. Vix autem ad primæ adolescentiæ annos peruenit, cum ad Sacram B. P. N. Francisci militiam profugiens, Minorum Conuentualium albo se inscribendum curat; vbi ad 18. vsque annum inculpatam, ac virtutibus plenam vitam duxit: quo tempore, cum melioris, & arctioris obseruantie studio allectus, B. P. sibi vestigia sequenda proposuisset, horrendâ pij, ac deuoti cuiusdam Fratris Organistæ visione commotus; nec non post iteratas ad Deum preces, ad Capucinos transuolat. Qualem verò is inter nos vitam duxerit, quàm piam, quàm humilem, quàm pauperem, quàm incul-

patam, quàm patientiâ, mansuetudine, charitate, ac cæteris virtutibus plenam, haud sanè facilè est referre: familiaris siquidem illi erat à carnibus abstinentia; familiaria in pane, & aquâ ieiunia, quibus omnes sextas ferias, ac Sabbathi dies, ac plerumque integras S.P.N. Francisci quadragenas addere solebat. Familiaris quoque altissima rerum paupertas, cuius amore tantoperè afficiebatur, vt sandalia multis corij præseginibus ad 40. vsque annum resarta, nunquam mutauerit. Familiares carnis macerationes, quibus ita domesticum hostem prosequeretur, vt eum flagris quotidie cæderet, laboribus tereret, frigore propemodum enecaret. Familiare silentium, & solitudo, cui tam assidue studebat, vt ab omnium, quoad fieri poterat, se consuetudine subduceret. Familiaris charitas, quâ vrgente febrim, quâ aliquando Ludouicus Faresius, Fratrum Medicus, laborabat, incolumitate illi à Deo precibus impetratâ, in seipsum transtulit. Familiarissima denique oratio, cuius aded studio oblectabatur, vt cum robustiorem ætatem nactus, maiorem noctis partem in eâ infumeret, ætate ingrauescente, cum minùs diurnis laboribus aptus erat, dies, noctesq; perpetuæ orationi consecrâsse videretur. Hinc eum plerisque à Deo donis, ac præsertim Beatæ Virginis visione, ac colloquio, dum orat, cohonestatum fuisse, communis olim fama fuit. Ecstases enim, & mentis excessus sæpè passum, vel vnico rei exemplo comprobari potest. Cum enim Fr. Nazarius Herbenfis, Sacerdos, eum in cellâ adiisset, aded à sensibus alienatum comperit, vt ad sensus reuocare nequiverit: quinimò repentino quodam mentis terrore percussus, retrocedere cogeretur. Prophetico tandem illum spiritu à Deo illustratum, quamplurimi rerum euentus, ab eo prænunciati, non obscurè testantur. In his primùm se offert, quod cum Fr. Gaspar Mediolanensis, Sacerdos, fratrem germanum ad mortem ægrotantem, Ruffini precibus commendasset, is noctu pro ægro precibus Domino oblati, manè Gasparo fratris incolumitatem significat. Hoc modo & Fr. Augustino Astensi, qui orta inter germanos ipsius fratres dissidia, eiusdem precibus impensius commendauerat, post orationem pacata, ac pacem inter eos initam esse renunciat. Hortensiaë Rozonicaë filia erat tres annos nata; quæ cum graui apostemate ad mortem laboraret, mater pro illius incolumitate Ruffini ad Deum, preces efflagitat. Cui Ruffinus sospitatem protinus pollicetur. Euentus è vestigio dictum comprobatur: nam eodem die, disrupto apostemate, ægra pristinaë saluti redita fuit. Calidonia Vestarinæ, grauem tibiæ languorem, ac

diutinum dolorem prædicit; quæcùm diris, ac diuturnis crurium doloribus tredecim annorum spatio vexata fuisset, Ruffini verba, sibi olim diuino spiritu dicta cognouit. Geminæ Octaviæ Triuultię filiæ erant, quas bonæ morbo grauissimè correptas, cùm illa per internuncium Ruffini precibus commendasset, is post Sacram Dominici Corporis Communionem, nuncio his verbis respondit: Reuertere, fili, ac Domina tuæ renuncia, filiarum alteram breui à Deo ad Superos assumendam; alteram verò quamprimùm superstitem illi ad solatium relinquendam. Res ita ad amissim contigit, vt, nuncio adhuc Ruffini verba referente, ex his altera animam exhalauerit, altera futuræ incolumitatis signa dederit. Eadem quoque ante annum, cùm pro Theodoro Triuultio, olim Principe, nunc verò & S. R. E. Cardinali, albis papulis periculosè laborante, ipsius apud Deum opem implorasset, futuram illius incolumitatem accepit. Mariani Marchionissam maximo in vitæ discrimine versantem, ad pristinum salutis statum reuocandam prædicit. Iacobus à Forosarcinio, nostri Ordinis Generalis, in Mediolanensi Conuentu in grauem morbum inciderat; ex quo cùm moriturus crederetur, Ruffinus Dionysium Mediolanensem Generalis Socium his verbis affatur: Nihil, Dionysi, de Generalis vitâ modò metuendum; breui namque ex hac ægritudine liber conualescet: Neque enim Mediolanensis, sed Genuensis vrbs Patri sepulchrum parat. Res porrò dictum confirmauit. Cùm aliquando Laicorum Nouitiorum curæ præfectus esset, Nouitius quidam grauer à Dæmone tentatus, Ruffinum adit: at Ruffinus, quid Nouitio accidisset, diuinâ reuelatione edoctus, eidem obuiam procedens, cùm primùm illum accedentem conspexit: Veni, inquit, veni, fortis Christi miles; diabolicum certamen vicisti; coronam à Domino accipies. Cumque manum illius capiti imposuisset, ab eo mox tentationem fugauit. Quod sæpè alijs quoque Nouitijs præstitit. Postremò, nepoti grauissimo morbo laboranti incolumitatem pollicetur; seq; priusquam Mediolanum appellat, vitæ finem impositurum prædicit. Res ita accidit: ille namque ab ægritudine liber, cùm ad Ruffinum Mediolanum profectus est, pridie vitâ functum offendit. His, atque alijs Dei donis abundè cumulatus, cùm fidelis hic Dei seruus vitam omni cum virtutum, ac sanctimonię laude ad octogesimum vsque annum produxisset, eam iustorum tandem morte conclusit; oransque à Domino lethi finem accepit: Diuinâ enim cùm iam reuelatione accepisset, se hinc repentinâ, ac improvisâ morte tollendum, quod &



Fratribus aliquando prædixit, quotidie se ad Domini aduentum sacro Domini Sacramento, atque assiduâ oratione parabat. Neque id frustra: Deus namque intemptâ nocte, tanquam fur adueniens, cum flexis genibus, ac tensis ad sidera palmis super lectulo orantem offendisset, illum eodem in corporis statu genuflexum, ab oratione ad coelestium fruitionem transfert. Obijt in Conuentu S. Victoris vrbis Mediolanensis præclarus hic Dei seruus. Quo tempore Monachi S. Victoris, Oliuetani instituti, pleraque ex Capucinatorum domo, tum ad cælum ascendentia, tum ab eo descendentia lumina spectant. Quorum dum mysterium ignorant, die illucescente ad Capucinos conuenientes, Ruffinum eâ nocte ex humanis migrasse audiunt, atque in ascendentibus, & descendentibus luminibus Angelorum ministerium addiscunt. Illud verò maximâ tunc admiratione dignum accidit. Etenim cum Fratres defuncti tum genua, tum brachia, summâ vi extendere, ac cæterorum corporum more in feretro componere contenderent, id nullâ arte vnquam assequi potuerunt: Genua namque, & brachia, quantumlibet extensa, iterum ad priorem statum redire videbantur; neque aliam, præterquam orantis corporis positionem sibi comparabant. Quo factum est, ut cum primùm in Ecclesiam Fratrum humeris delatus fuit, is in feretro genuflexus, ac tensis in cælum manibus, non mortuus, sed orantis speciem præferret. Cui tandem cum iusta de more perluta essent, Cœmeterij humo in orbem defossâ, uti erat, genuflexus, eâ contegitur. Biennio verò post illius mortem, dum alteri Fratri defuncto sepultura paratur, humum fodientes, ligone imprudenter Ruffini pedem vulnerant; quo ex vulnere cum statim sanguis erumperet, corpus exhumant, integrumque, & incorruptum conspiciunt. Cæterùm, quantis fidelis hic Dei seruus apud Deum meritis præfulserit, pleraque signa, atque miracula ab eo post mortem patrata declarant. Inter hæc memorabile illud de Calidoniâ Vestarinâ refertur, quæ aliquando acutâ febre, ac dysentericiâ laborans, cum siti exardesceret, Dæmon pedissequi pueri formam assumens, vas illi aquæ propinat; at illa ignotam sibi pueri, quem domesticum non haberet, faciem conspiciens, Dæmonis protinus fraudem suspicata, puerum cum aquâ repellit: moxq; B. P. Franciscus sacris stigmatibus insignitus apparens, Dæmonem fugat suamq; operam ægrotanti pollicetur. Vix ab eâ S. Franciscus digressus fuerat, cum Tartareus hostis, assumptâ Cardinalis specie, iterum ad ægram accedit; eamq; ob vanum, & curiosum ornatum, ac retortos crines,

quibus olim, dum iuventâ floreret, vanè oblectata fuerat. tam gra-  
uiter accusare cœpit, vt ægra eâ accusatione perterrita, repenti è  
lecto exiliens, vtrâque manu capillos, quos circa tempora gerebat,  
sibi euelleret; ac longè à se proiciens, Dæmoni diceret: pro capillis  
accusas: en tibi capillos, antiquæ vanitatis fomenta, iam accusare  
desine. Porro, tam ingens illi hoc tempore ex Dæmonis aspectu, &  
accusatione terror animo exortus fuit, vt ipsius lingua retrorsum  
inuersa, summitate fauces attingeret. Post hæc Dæmone absce-  
dente, cum ægra ad lectum redisset, paulò post Fr. Ruffinum simul  
cum B. Felice è Cælo descendentes, ac sibi benedictionem imper-  
tientes cernit. Cui Ruffinus: Calidonia, inquit, in Domino confide;  
neque hostem metuas. Hic, quem vides, B. Felix est: breui ex hac  
ægritudine conualesces. His dictis, cum ægram consolati essent, in  
Cælum redeunt, linguam ad pristinum statum reuocant, ac non  
multo post tempore ægrotae incolumitatem conferunt. Calidonia  
verò, cum suâ pietate Ruffini pallium sibi promeruisset, cum feбри,  
aut alio morbo grauabatur, ab eo statim curabatur: quod ei etiam  
accidit, cum grauissimâ febre correpta, lethalia signa vndique red-  
deret. Vismara quoque Georgij Coiri vxor, cum tam iniquâ vale-  
tudine affligeretur, vt extremæ Vnctionis Sacramento inuncta,  
Phisicorum sententiâ incurabiliter ad interitum tenderet; hoc ipso  
Ruffini pallio obuoluta, statim incolumis euasit. Postremò, vt ple-  
rosque alios præteream; Cæsaris Zocchij vxor, quæ acutâ feбри ita  
ad mortem ægrotabat, vt ab illius iam Phisici curatione re-  
cessissent, hoc pallio obtecta, post secundum diem  
perfectè à febre conualuit.

\*\*\*





FRATER CHRISTOPHORVS PANORMITANVS F.F.  
CAPVCINORVM LAICVS.

## Fr. CHRISTOPHORI PANORMITANI

## LAICI

## VITA, ET GESTA.



**E**RATER CHRISTOPHORVS PANORMITANVS Laicus, ex Minorum Conventualium reformatione ad nostros migrans, tantâ abstinentiâ floruit; vt à carnibus perpetuò abstinens, pani, & aquæ vix alium, præter virides herbas, cibum adderet. Tantâ vitæ austeritate, vt communi flagellatione non contentus, duarum, vel trium horarum spatio corpus diris flagellis cæderet, horridumq; sub veste cilicium gereret. Tantæ denique, ac tam assiduæ orationis vir fuit, vt breuissimo somno contentus, totam ferè noctem in sacras vigilias, atque orationem infunderet. Paupertatis, humilitatis, patientiæ, obedientiæ, charitatis studia prætereo, quæ tam ardenti animo toto vitæ suæ curriculo profecutus est; vt ex eo, tanquam virtutum omnium penu omnes exempla expromere valerent, quæ imitarentur. Hortulani officio fungens, sæpè dum ligone tellurem proscindit, ligoni incumbens, humum lachrymis rigat, quas ob Dominicæ Passionis meditationem tunc copiosissimas fundere solebat. In Narino Conuentu, dum suam Christophorus in horti culturâ præstat operam, eum Fr. Michaël Panormitanus, Sacerdos, brachijs in modum Crucis expansis, in horto orantem, ac ingenti lumine circumfusus, nec non à sensibus alienatum conspicit. Eundem quoq; Fr. Cherubinus Panormitanus, Sacrista, ante Crucifixum in sacello orantem, ac in sublime elatum cernit. Hanc Crucifixi imaginem, Christophorum orantem aliquando allocutum fuisse, communis inter Fratres fama est, Christophori ipsius confessione probata: qui tamen, quænam ab ea audierit, manifestare noluit. His accedat & Fr. Eusebij Terminensis testimonium, qui cùm inter sæculares adhuc viueret, Christophorum Termini commorantem, post plerâq; laboris horas in angulo orantem, quatuorq; è solo palmis sublatum cernens, ita eo aspectu commotus fuit, vt hoc stimulo actus, ad Capucinos se contulerit. Plurimas hic à Tartareis spiritibus infestationes pertulit, qui, vt illum ab oratione noctu potissimùm exturbarent, sub varijs eum formis aggrediuntur. Quo factum est, vt cùm

aliquan-

aliquando Panormi in angulo, prope Ecclesiæ fores, orationi vacaret; Dæmon atri Molossi specie assumptâ, eum quasi discerpturus inuaderet: quem tamen Vir Dei longo vsu, ac consuetudine agnoscens, intrepidus expectat; atque aure apprehensum, tamdiu per Ecclesiam raptat, donec ad Sacrosanctæ Ecclesiæ Altare pertingeret. At ubi eò peruentum, Tartareus ille Cerberus, saltu ex illius manibus euadens, euanescit. Qualis verò præclarus hic Vir apud Deum meriti fuerit, celebri miraculo multis testibus probato, manifestum fuit. Cùm enim in Villæfranchæ oppidi Agrigentinæ Diœcesis Ecclesiâ oraret, accidit, vt puerum horribili porrigine laborantem cerneret: quem miseratus, cùm ad Beatissimæ Virginis sacellum perduxisset, ibi lampadis oleo, quod ante Beatissimæ Virginis imaginem lucebat, pueri caput inungens, mox tam integrè à porrigine curauit, vt decidentibus crustis, ac renatis hoc ipso tempore capillis, puer incolumis domum redierit. Postremò, apud omnes virtute, ac sanctimoniâ clarus, Panormi diem extremum claudit, Anno 1587. cuius funera tantâ, populorum ad illius sanctitatis odorem confluentium, turbâ celebrata fuere, vt habitu, capillis, barbâ præfectis, vix integrum corpus ijs ereptum fuerit, vt communi sepulturâ donaretur. Cùm verò tertiodécimo post ipsius obitum anno, Fratrum corpora, quæ eatenus sub dio iacuerant, in Ecclesiæ sepulchrum translata fuissent, quadraginta Fratrum, qui iam dudum obierant, corpora, inter quæ illud Christophori probè agnitum fuit, tam integra, ac incorrupta apparuere, vt in pedes erecta consisterent; & quod maiori admiratione dignum, nihil non modò tetri odoris efflarent, sed potius sua uocarent.

FR. THADÆVS LVCENSIS, Bononienfis Prouinciæ Laicus, de quo illustre illud castimoniæ testimonium legitur, quod iniquâ quorundam hominum arte in cubiculo cum pellice impudicâ occlusus, atque ab eâ modis omnibus ad libidinem prouocatus, eandem semper expulerit. Obijt anno 1587.

FR. VINCENTIVS PERVSINVS, Laicus, in Hettruriæ Prouinciâ, abstinentiâ, austeritate, atque oratione clarus, cùm multis à satanâ temptationibus probatus esset, vitam cum virtute initam, pio fine concludit, Anno 1587.

FR. PACIFICVS THEANENSIS, Laicus, vitæ cursum omni cum virtutum laude transactum, simul cum Dei laudibus claudit Anno 1587.

FR. MASSÆVS MATTEOLENSIS, Laicus, virginitatis, atque animi puritatis candore clarus: cuius post mortem caro mollis, facies decora, vitaque cum omni virtute transacta Grottaliæ Clerum, populumque ad sui venerationem pertraxit. Obijt anno 1587.

## FR. BERNARDINI TREBIATIS

### LAICI

#### VITA, ET GESTA.



**B**RATER BERNARDINVS à TREBIA, Laicus; Huius (inter alias animi virtutes, quibus egregiè exornatus fuit) admirandum planè erat orationis studium: quo tantoperè afficiebatur; vt nullum ab oratione vacuum sibi tempus elabi pateretur. Hinc fiebat, vt sæpissimè in die diuino spiritu actus, ab horto ad Ecclesiam aduolaret: vt diuinam Christi Maiestatem, in Sacramento latentem, profundissima tum animi, tum corporis adoratione prosequeretur. Eodem quoque spiritu Dei agente, quoties noctu è somno euigilabat, toties è lecto surgens, Ecclesiam oraturus adibat. Hac Sacrosanctæ Eucharistiæ religione permotus, Sacerdotes, tanquam Dei ministros, tantâ reuerentiâ prosequebatur, vt eos propius accedere vereretur. Quaternas, ac quinas ante Sacrum Eucharistiæ Altare orando, horas impendere, tam breue temporis spatium existimabat, vt cum herniâ grauissimè affligeretur, nullum in eo cruciatu solatium sibi relictum assereret, quàm diutius in Ecclesiâ orationi vacare: in quâ interdum tam immobilis perstabat, vt sensibus excedere videretur. Tanto denique Christi amore flagrabat, vt cuncta quæque pro eo perferendi ardore exæstuarat. Tantam quoque abstinentiam colebat, vt cum pane, & aquâ duntaxat vesceretur, tantâ se in eo voluptate affici assereret, vt in gulæ vitium incidere timeret. Diris quoque flagellationibus corpus atterebat, cæterosq; ad similes carnis macerationes verbo, & exemplo prouocabat. Tam cœlestis ei scientia indita erat, & de rebus diuinis tam altè disserebat; vt à quodam aliquando Ordinis S. Dominici Theologo, viro doctissimo, de arcano Sanctissimæ Trinitatis Mysterio, atque alijs Christianæ fidei Sacramentis, interrogatus, tam appositè ad omnia responderit; vt Theologus obstupescens, in ea Christi verba mox eruperit: *Confiteor tibi, Pater Domine,*

*Cœli & terræ; quia abscondisti hæc à sapientibus, & prudentibus, & reuelasti ea paruulis.* Vir igitur egregius, cum ad 70. vsque annum, vitam omni virtutum genere efflorescentem, duxisset, à B. P. N. Francisco, in oratione sibi apparente, quâ die res humanas deserturus esset, admonitus, die 2. Augusti, quæ illi præsignificata fuerat, dum in horto excolendo laborat, ad præmium euolat. Anno 1588. Sunt, quæ ipsius post mortem merita implorantes, optata tulere: inter quos Hippolytus Herculanus, nephritide laborans, cum illius se defuncti precibus commendasset, ac voto se illius sepulchrum veneraturum spondisset, ab eo protinùs morbo conualuit.

## FR. ONVFRII A COLLE CRVCIS

### LAICI

#### VITA, ET GESTA.



**E**RATER ONVFRIVS à COLLE CRVCIS, Laicus, cum purus ad Religionis sinum accessisset, purior in eo perseuerans, mentis candorem multis virtutibus illustrauit. Hic dum horti culturæ incumbit, maiori animum culturâ exercens, tam angelicas, ac cœlestes cogitationes mente versabat, tamque assiduè Deum, tum voce, tum animo laudabat, vt Angelus ipsius humeris insidere visus fuerit. Paupertate, vitæ austeritate, atque abstinentiâ ita fuit illustris, vt tam hyberno, quàm æstiuo tempore, nudis pedibus absque sandalijs incederet; & vniuersa Ecclesiæ, & Regulæ ieiunia solo pane, & aquâ contentus coleret. Oratione tandem vsq; adeò præcelluit, vt quo tempore is in Spoleti Conuentu moras trahebat, cum sapè in syluam oraturus secederet, cum aliquando Vincentius Fulginas altius arboribus in sublime elatum, ac per iactum lapidis, fulguris instar ad Crucem, quæ altius in syluâ prominebat, raptum conspexerit: aliàs quoq; in æra trium cubitorum mensurâ sublatum cerneret. Hoc porrò cœlestis vitæ curriculum, cum ad 40. Religionis annum peruenisset, sanctimoniâ clarus ad Deum concessit Anno 1588. Plurima à Deo ob ipsius merita post mortem à plerisq; impetrata, nostra M. S. tradunt. Id verò reticendum non est, quod octauo post illius obitum anno elapso, ipsius corpus tam integrum, atq; incorruptum inuentum fuit; perinde, ac si pridie illius diei in sepulchro conditum fuisset.





FRATER RAYNERIVS ABVRGO S.<sup>ti</sup> SEPVLCRI FF  
CAPVCINORVM LAICVS.

## FR. RAYNERII A BVRGO

S. SEPVLCHRI, LAICI

VITA, ET GESTA.

**R**ATER RAYNERIVS à BVRGO S. SEPVLCHRI, Laicus, clarissima Seraphicæ Religionis gemma, tam præclara gessit, vitamq; duxit tot cœlestium virtutum, ac signorum splendore illustrem, vt de illius Beatificatione serius in Romanâ Curiâ agatur. Pijs ille, ac honestis parentibus, licet agrestibus ortus, Santi in Baptismo nomen tulit; perinde, ac si iam à Deo ex vtero matris segregatus, futuram sanctitatem nomine ipso præsignificaret. Puerulus inter alias preces, quinquies Orationem Dominicam, ac toties Salutationem Angelicam, genuflexus quotidie persolvere consueuerat, quibus sacras Christi plagas piè venerabatur. Semel verò, cùm huiusmodi penso nondum integrè exoluto, bouem quendam cornupetam, ne alijs noceret, ad armentum reuocare vellet, à boue cornibus in altum sublatus, vix illius furias euasit: quod cùm is eitantùm culpæ adscriberet, quâ imperfectam orationem dimiserat; mox ad orationem festinat, eaq; repetitâ, & integrè absolutâ ad bouem accedit; quem tam mitem, ac mansuetum deinceps offendit, vt eum quocunque vellet, absque labore impelleret. Singulis noctibus ad Capucinorum Montis Casalis Conuentum, qui inde duo millia, non minus, passuum distabat, per montium prærupta, ac salebrofas vias pergens, ibi ante Ecclesiam genuflexus Matutinas Horas, quæ mediâ nocte à nostris decantantur, deuotè audiebat, nihili improbum, & quotidianum illum itineris laborem, aut frigoris asperitatem faciens. Interea, cùm duodevigesimalium annum ageret, à patre coniugio copulatur: verùm cùm virginitatem illibatam seruare sibi in animum induxisset, impensius Dominum cum Cœciliâ rogat, vt cor sibi, & corpus immaculatum custodiat; votoque se Deo obstringit, per integrum se mensem in Lauretanâ Beatissimæ Virginis Domo operam suam nullâ mercede locaturum, si hoc maculandæ virginitatis periculum euadat. Haud pijs ipsius votis Dominus defuit: Sponsa enim in cœnâ pastillis sese præter modum ingurgitante, obstructâ respirationis viâ, eâ nocte animam exhalauit. Hoc pacto Santus à

coniugio liber Beatissimæ Virginis promissum exoluit. Cum verò impensius Beatissimæ Virginis patrocinio commendaret, Virgo Deipara adstans, his eum verbis affatur: Sante, quid de Mariâ sorore sollicitus es? metu animum exue: ego illius curam geram. Tu verò purum mihi famulatum exhibere satage, vt meum quoque patrocinium assequare. Contigit verò, vt in Burgo sancti sepulchri hoc tempore, Sacrum quoddam de B. Raynerij Ord. Minorum S. Francisci olim eiusdem vrbs ciuis vitâ, & gestis publicè spectaculum exhiberetur; quo Santi animus tantoperè excitatus fuit, vt ad Capucinorum Reformationem transuolans, Religionis albo inscriptus, Raynerij nomen sortitus fuerit. Narniæ probationis annum aggressus, varijs à Dæmone, per multorum mensium interualla, tentationibus afflictatus, & expolitus, maximarum virtutum splendore clariùs effulgere cœpit. Tanta enim inprimis in Raynerio effulgebat humilitas, vt nemo tam gloriæ cupidus, quàm hic honoris, ac propriæ existimationis osor fuerit. Hinc sæpenuerò, cum ob notam ipsius sanctitatis famam, turbæ ad Conuentum confluerent, vt vel benedictione, vel signo Crucis ab eo sibi impertito potirentur, tam profundè sese occultabat, vt nunquam seipsum, nisi ad superioris iubentis imperium, palam proderet, & Crucis signum, quo innumera fermè miracula patrabantur, exhiberet. Atque adeo in sui ipsius demissionem ardenti animo ferebatur, vt familiari cuidam fratri aliquando affirmauerit, tam molestos sibi illos turbæ honores esse, vt centum potius sub humum pedibus demergi, quàm ijs affici mallet. Quàm verò perfectæ, & Deo grata eius obedientia esset, diuino aliquando miraculo perspectum fuit. Cum enim Generalis è Conuentu Montis Cafalis litteras Raynerio, quamprimùm Ameriam perferendas dedisset; is, vt Patris iussa celerius exequeretur, sub Matutinarum Horarum tempus iter aggreditur. Porro Ameria à Montis Cafalis Conuentu, non minùs quàm 67. millia passuum distat, quæ vir pedester vix triduo conficere valet. Raynerius verò iter aggressus, tam celeriter totum illud viæ spatium decurrit, vt in eo sex duntaxat horas insumperit. Humilitatis, & obedientiæ comes castitas, vsque adeò in eo emicabat, vt candidum virginitatis florem, quem ex vtero Matris secum tulerat, incorruptum omnium voce vsq; ad mortem seruauerit. Quod Fratri cuidam post Raynerij obitum demonstratum fuit: qui orans virum Dei, inter Virginum choros palmam gestantem cernit. Vniuersæ quidem Virgines illæ palmas in manibus ferebant: at Raynerij grandior,

atque

atque illustrior illi palma videbatur ; vtpote qui acriores carnis pugnas perperitus , maiores virginitati triumphos accumulasset. Tantâ quoque vitæ austeritate præcellebat , vt cum ipsâ corporum naturâ contendere videretur : communi enim seueritate non contentus , durioribus carnem afflictationibus premebat , acrioribus corpus flagellationibus atterebat , inedijs conficiebat , vigilijs extenuabat. Paupertatis rigorem tam integrum , atque inuiolatum ad mortem vsque seruauit , vt vix ipsa vitæ necessaria admitteret. Simplicitatem , animi candorem , benignitatem , mansuetudinem , patientiam , cæterasq; illius virtutes prætereo : quæ in eo tam mirificè elucebant , vt cùm ei simul cum naturâ indita viderentur , cœlestem planè hominem præstarent. Charitas verò ipsius nullis coarctata metis , in omnes tenerrimo , quasi matris affectu ferebatur. Hoc fraternæ charitatis studio , tam ardens in Viro Dei diuini amoris flamma excitata fuit , vt velut rerum omnium oblitus , sursum semper in Deum ageretur : ita , vt plerumq; à seipso alienus , minùs ea , quæ circa ipsum fiebant , aduertens , cœlestem inter homines conuersationem præferret. Ad eum tandem Raynerius , orationis frequentia , Diuini amoris gradum ascendit ; vt plerumque tum orans , tum de rebus diuinis cum alijs confabulans , in admirabiles mentis excessus raperetur. A primâ noctis vigiliâ , ad secundam vel tertiam vsque horam , orationem producebat ; tum breui somno corpori indulto , ante Matutinas Horas iterum ad orationem surgebat. His verò peractis , vel nunquam , vel rarò ad quietem rediens , in oratione pernoctare consueuerat : quo tempore præclarissimis à Deo donis cohonestatum fuisse , pleraque , quæ in Processu Tudertino , & Eugubino referuntur , exempla testantur : quorum non nulla referre libet. Tantâ Raynerius in IESVM CHRISTVM Infantulum religione ferebatur ( quod non exiguum virginitatis , ac puritatis illius argumentum fuit ) vt vel ipso nomine I E S V audito , vel memoriæ obiecto , animo liqueceret. Quamobrem eo semel , in Sacrà Dominici Natalis nocte , in cellâ ante Matutinas Horas orante ; en repente adest Deus infans , eandem illi , quam in præsepio gerebat , speciem obijciens : cuius aspectu Raynerij animus , ceræ instar , mox ita colliquefieri , ac diuini amoris æstu ebullire cœpit , vt illum protinùs proprio sinu exceptum , tot osculis peteret , tantâ lachrymarum copiâ perfunderet , vt velut cœlestibus delicijs ebrius , præter eam , nullam aliam felicitatem sibi quærendam duceret. Inter has cœlestes

voluptates , cùm Dei famulus integram horam consumpsisset, en Matutinarum Horarum signum datur : quo audito , Infantulo non recedente, is, ne à præscriptâ Constitutionum lege descisceret, neque coelesti illâ voluptate carere vellet , diuinum Infantulum pallio obtectum , secum gerens , in Chorum festinat : vbi tamdiu illius amplexu , & præsentia potitur , quoad Matutinæ Horæ inchoarentur; quo tempore coelestis Infantulus euanescebat, Dei seruum incredibili planè gaudio affectum relinquit. Tanta autem illi deinceps cum IESV infantulo familiaritas fuit , vt iterum in eodem Eugubij Conuentu, cùm in Dormitorij loco , Franciscum à Castrorigionio, Sacerdotem , circa vespertinam Horam obuium haberet ; ab eo sollicitè percunctaretur , vbinam coelestis Infantulus esset? Cui Franciscus : at neque Infantulum vidi. Tunc Raynerius : Nuper (inquit) eum per hunc Dormitorij locum deambulantem conspexi ; qui cùm ad me propius accederet , subrisu mihi se festiuum exhibuit. Sed (heu me!) nunc quònam abierit , ignoro. Tamq̃ in eo quærendo, quasi altera Canticorum sponsa , se sollicitum gerebat , vt sursum, deorsum , per Dormitorij gradus , atque alia Conuentus loca , tanquam à seipso alienatus , excurreret ; neque alias interea præter inarticulatas V. V. V. voces ederet. Tertio quoque post hæc , in Sacra ipsa Dominici Natalis nocte , cùm in Tudertino Conuentu , velut graui curâ saucius, Fratri Benedicto à Guardia, Laico, occurrisset, ab eodem interrogatus : quidnam illum tam anxium , ac sollicitum haberet, respondit: Infantulum meum simul cum Matre quæro ; &, donec vtrumque inuenero , animi angustia premor. Postridie verò Benedictus Raynerium sibi obuiam habens , ab eo exposcit , num tandem hesternâ die Infantulum offendisset. Cui Raynerius: Tunc dubitas? (inquit) & quidem eum cum Matre hilarem, ac festiuum conspexi. Cumq̃ hæc diceret , quasi is diuinum Infantulum in sinu gereret , brachia in amplexus modum circa pectus comprimens, quantam ex solâ ipsius memoriâ lætitiâ caperet , declarabat. Denique dùm in Tudertino Conuentu Raynerius dirutam maceriam instaurat , pergrandis quidam silex , cui mouendo vix decem homines satis erant, maceriæ superstruendus erat. Raynerius verò captatâ Socij, qui suam illi operam præstabat , absentia , diuini Infantuli , ad silicem in maceriâ collocandum , opem implorat : qui mox è Cœlo dilapsus , cum eo silicem mouit , & suo in loco statuit. Sæpè aliàs quoque hunc Dei seruum Christum infantulum inter vlnas suscepisse , Eugubinus , ac Tudertinus Processus testantur. Huc spectat

illud Virginiae Sabellæ, illustris fœminæ; quæ cùm aliquando in suo Montonij oppido, cum Raynerio de diuinis rebus sermones misceret, inter alia id illi fortè commemorat, Monialem quandam S. Vincentij, in vrbe Pratenſi, Catharinam nomine, in nocte Natalis Domini, Deum Infantulum in ſinu geſtaſſe. Id ſimulatque Raynerius aure percipit, mox è ſede exiliens, tam vehementi diuinum erga Infantulum amoris impetu rapitur; vt oculis in Cœlum erectis, ac mente excedens, altiùs è ſolo efferri cœperit; ſicq; per tertiam horæ partem in aëra ſublatus conſtiterit. Porro, ex frequenti diuini huius Infantuli aſpectu, tam ingens in Raynerij animo charitatis flamma excreuerat; vt ſi de eo, vel nomine tenus, mentionem fieri, velleo præſente ſermonem inſtitui contingeret, velut à ſeipſo alienus, totus diuinâ charitate arderet. His accedat, quod cùm aliquando in Paulæ Benedictionis domo Tuderti, ante quandam Beatiffimæ Virginis imaginem, quæ Dominum Infantulum in ſinu geſtabat, ſeorſim oraret, totâ ſpectante Familiâ, in mentis exceſſum per integræ horæ ſpatium rapitur, defixos intereâ in Puerulum ſemper oculos gerens, quò manuſcriptum fieret, ea ex diuino Infantulo in eum dona emanare. Poſt hæc ab exceſſu mentis rediens, Paulam monet, vt illam Beatiffimæ Virginis imaginem ſummâ diligentia custodiat, eò, quod ad verum Deiparæ prototypon, quod Vir quidam (ſeipſum reticens) conſpexerat, propius accederet. Ex quo facile colligi poteſt, ſapius illum, iuxta communem omnium vocem, ſacræ Deiparæ præſentiâ potitum fuiſſe. Denique, quoad vita illi comes fuit, Chriſtum Infantulum, ac Diuam Matrem, tam ardenti pietatis ſtudio proſecutus eſt; vt vtriuſque, & Chriſti Infantuli, & Matris Infantulum geſtantis effigies, lapidi diuinitùs inſculpta, in ipſius ſelle poſt mortem reperta fuerit. Beati quoque P. N. Franciſci præſentiâ, & colloquio, dum in Conuentu Nurfino orat, dignatum fuiſſe, vterque vitæ ipſius proceſſus confirmat. Ligneam quoque Chriſti Crucifixi ſtatuam Anno 1558. Fratribus genuflexis, ac diuinam benedictionem poſt Epiphaniæ ieiuniũ poſcentibus, dexterâ manu è Cruce ſolutâ, benedixiſſe, Raynerio ipſo tunc præſente, atque atteſtante didicimus. Tanto interdum Vir Sanctus diuini amoris æſtu agitabatur, præſertim, cùm prima ea Dominicæ Orationis verba: Pater noſter, tum illa: Fiat voluntas tua, proferret, vt velut ebrius huc illuc curſitaret. Cæterum tam incredibili Dominicæ Paſſionis memoriam mentis pietate complectebatur; vt cùm ligneam Chriſti Crucifixi ſtatuam, in nouâ, quam parauerat, Cruce

aliquando in Eugubino Conuentu, clauis configeret, repentè ex statuæ manibus, ac pedibus tam abundè sanguis exilierit, vt per Crucem decurrens, in ipsius manicam defluerit. Diuinæ verò potissimùm flagellationis mysterium tam piè sibi colendum præstituit; vt non semel, sed iterum, atque iterum Domini flagellatione, quæ ex antiquâ PP. traditione 6666. verberibus constituisse legitur, per 6. horarum interualla, nunquam intermisso verberare corpus attriuerit, vt ex Tudertino processu manifestum est. Diuinæ huius flagellationis memoria quàm Deo grata fuerit, post B. huius Viri mortem miraculo declaratum fuit. Christi enim columna, sanguine conspersa, lapidi, qui in ipsius felle repertus est, diuinâ virtute insculpta, flagrumq; eiusdem formæ, quâ Capucini vti solent, in ipsius corde cœlatum, conspecta fuere. Quamuis verò Satan omnia periclitabatur, vt Virum Dei ab oratione auocaret, nihil tamen aduersus Dei seruum proficiebat: quin etiam ex eo, eam Vir Dei in Dæmones potestatem consecutus fuerat, vt Dæmones solo Crucis signo ex obsessis corporibus expelleret. Tuderti enim, Anteq̃am quandam Antonori iuuenulam, per decennium à Dæmone arreptam, cum eam genuflectere iussisset, dextrâq; ipsius capiti, leuâ autem stomacho impositâ, aliquantisper orâisset; obsessam signo Crucis communiens, eodem temporis momento, nefarius spiritus erumpit, ac omninò liberam reddit. Tantam denique B. huius Viri oratio vim sortita fuerat; vt quoties à Deo is quicquam gratiæ postularet, Cœlum mox totum commoueri, vt Superos omnes assurgere, supplicesq; ad Dei Thronum pro exauditione accedere cerneret. Quod ille Fratri, suo olim familiari secretò aperuit. Sed cum ad miracula veniendum sit; ne per longam enarrationem tædium, aut fastidium legentium animis inferatur, grauioribus duntaxat breuiter recensitis, cætera tantùm indicare consultum erit. Primo itaq; loco sese offert Peregrina quædam de Blanchis, nobilis Eugubina, quæ cum 8. annorum cœcitatem, boæ morbo, ab incunabulis contractam tulisset, Raynerij benedictione plenâ fide in Deum, ac in Beatissimæ Virginis merita acceptâ, protinùs oculis lucem recuperat. Nobilis quædam iuuenula Meuaniensis, Lucretia Crispolta nomine, quæ diu vtriusque oculi cœcitate laborauerat, Spoletum in lecticâ deuecta, ad Virum Dei perducitur. Quam cum is genuflectere, ac quinquies Dominicam Orationem, cum Salutatione Angelicâ persolvere iussisset, oris sui saluâ manu expromptâ, Crucis signum oculis imprimit, ac statim lumen recipit. Tuderti extra portam, in Sacrà

quadam



quadam æde Christo Crucifixo dicatâ, Raynerius puellam quandam utroque oculo orbatam, utrâque manu apprehensam, super Altare collocans, oratione peractâ, puella oculorum luce potitur. Ibidem Tulliam Carduinam, nobilem foeminam, per quadriennij spatium, altero oculo captam, Crucis signo obsignans, mox argemate, quo oculi pupilla obtegebatur, cadente, visum recuperat. Hoc modo, & alterum virum Fulginatem, per totidem annos luminis expertem, signo Crucis oculis adhibito, à cœcitate liberat. Canonica, quædam decem annorum puella, Theodora nomine, quatuor annorum spatio, huiusmodi oculorum morbo afflictatâ erat, ut matutinis, ac meridianis horis, subobscuro tantum oculorum lumine frueretur; sub vesperum verò penitus eorum luce careret. Vespertino tempore, cum Vir Sanctus signum Crucis illi erogâset, puella mox clarè omnia perspiciens, perpetuâ usque ad mortem oculorum luce potita est. Martia de Martij Tudertina, decem circiter annorum puella, acerbo oculorum dolore cruciata, ægrè oculorum luce utebatur. Huic cum Raynerius rogatus signum Crucis impertit, nullâ interiectâ morâ, exiccato pituitæ fonte, puella perfectâ oculorum incolumitate potitur. Vrsulina quædam Marionæ, nobilis foemina Eugubina, ob ardentis pituitæ cursum, tam graui oculorum delachrymatione, ac dolore tenebatur, ut erui sibi oculos putaret: quæ cum multis lachrymis, à Viro Dei Crucis signum postularet, eam genuflectere iubet; cum eâ & ipse quoque genuflexus, dum aliquantisper orâset, in terram expuens, lutum componit, atque ubi mulieris oculos liniuit, Crucis signo communit: moxq; omnis ex oculis dolor aufugit, breuissimoq; temporis spatio elapso, mulier perfectam oculorum incolumitatem assequitur. Lucius quoque agricola, qui utroque oculo orbarus, plures menses in eâ cœcitate moestus transegerat, à sancto Viro Crucis signo curatur; & ne prolixior fiam, hoc modo Sulpitia Tudertina ab oculorum tumore; qui illi cœcitatem superinduxerat; Canilea Sulpitiæ mater, à graui oculorum morbo, qui oculorum illi palpebras exederat; Mulier Biturgienfis ab alteriùs oculi cœcitate; Bernardini Spoletani filia, à grauissimâ oculorum ægritudine, quæ illi ex Medicorum sententiâ cœcitatem minabatur; mulier à Montefalco, ab oculorum dolore, & delachrymatione, Curtius Cinquinus, nobilis Romanus, à sanguineo oculorum rubore, & inflammatione; Claudius Biscacciantius, nobilis Eugubinus, à graui oculorum dolore; puella Gasparis Seraphini neptis, ab oculorum lippitudine, signo Crucis à Dei

seruo liberantur. Plurimi quoque membris inutiles, ab eodem Crucis signo personantur. In his primus est Dionysius ab Angelicis, nobilis Tudertinus; qui cum ab infantia per quinquennij spatium febris, ac lienteria laborans, in eum corporis statum incidisset, ut tibiae natibus iunctae, omnem illi prorsus incedendi facultatem abstulissent; cum eum Vir Sanctus manibus excepsisset, eidem blandiens aiebat: Puritas sancta, puritas sancta, sanaberis. Mox signo Crucis communitum matri reddit; atque inde abscedit. Post haec, vix hora, aut sesquihora praeterierat, cum febris aufugit, alius fluens sistitur, extenduntur tibiae, puerque, qui eousque humi pedem non fixerat, liberè graditur, perfectamque incolumitatem assequitur. Tuderti in praedicta Christi Crucifixi aede, cum agricolae cuiusdam filium; qui septimum vel octauum annum ita pedibus, ac tibijs impotens attigerat, ut eatenus pedes nunquam ad gressum extendisset; à matre acceptum sibi in sinu collocasset, oculos ad caelum tollit, diutiusque ad Deum pro puero orat; & oratione absolutà, puerum matri toto spectante populo perfectè incolumem reddit. Fabricator quidam, qui ex graui casu pedum usu carebat, à Raynerio signum Crucis petens, omnibus oratione Dominicà cum Angelicà Salutatione indictà, dum varias aegri corporis partes signo Crucis petit, & Beatissima Virginis, illis Ecclesiae verbis: Sancta Maria, succurre miseris: iuua pusillanimes: refoue fribiles &c. quibus ferè semper in morborum curatione utebatur, aegro opem implorat; eodem temporis momento, ita illum sospitem reddit; ut qui eques venerat, pedester domum rediret. Ciuitellae pauperulam quandam Gerardam nomine paralyticam, signo Crucis, nullà interiectà morà, à paralyti curat. Familiae de Iordanis puellam, Martham nomine, duodecim circiter annos natam, quae alteram tibiam, tam omni virtute, ac motu destitutam gerebat, ut ea in arcus formam inflexa, nullam tibiae speciem praeferebat. Cum eam Vir Dei signo Crucis consignasset, mox puellae tibia ad pristinam formam redit. Lucretiam Crispoltam, quae nervis contractis à gressu omnino prohibebatur, Crucis signaculo sanat. Hoc pacto & huius pedissequam à graui genuum dolore, quo diu vexata fuerat: Franciscam Interamnensem pedibus truncam: Aquilinam Tudertinam genuum cruciati, & imbecillitate laborantem: puellam à Montefalco membris omnibus captam: Sidonium Bastianensem graui lumbagine correptum: Flaminiam Nari, nobilem Romanam à catarrho, qui totum ferè illius corpus inuaserat: Franciscum

Becchettum ab vniuersali morbo, quo ferè absque motu iacebat: Iacobum ab Aniano, apoplecticum: Smaragdum Monticulensem, alterâ manu mutilam: demum Fratrem Michaellem Tifernatem ex nostris Sacerdotem, à grauissimo totius corporis dolore, quo ita membrorum vsu carebat, vt nullâ ratione seipsum mouere posset, salutari Crucis signo impertito per sanat. Albini de Actis, Claudij nobilis Medici Tudertini filij, adhuc pueri carnem tam ferox morbus depastus fuerat, vt fermè ossa, & viscera apparent. Ad quem Vir Sanctus rogatus accedens, cùm Deiparam Virginem illâ sibi familiari oratione: Sancta Maria, succurre miseris &c. ad pueri opem implorâset, Crucis signo omnes pueri corporis partes obsignat; cuius virtute mox mirum in modum puer perfectè à morbo curatur. Petrus Paulus Canobius, cui os cancro exesum erat, signo Crucis à Beato Viro adhibito, triduo, vel quadriduo elapso, nullo morbi vestigio relicto, perfectè curatur. Eodem modo Mulierem quandam Montisperellam Perusiam, à diuturno apostemate, quod ipsius fauces inuaserat, perfectè incolumitati restituit. Modestam Venturinam, quæ vomica, per integrum biennij spatium, in gutture laborauerat, eodem signo post biduum diuinâ virtute curat. Ioannem Iacobum Badium Eugubinum à strumis; Maximillam Guilicellam à graui vberum tumore, quo diu afflictata fuerat; Mauritiâ Puchellam, Monialem Eugubinam, à prominenti carnis tubere, quo grauiter cruciabatur; Læliam Badiam ab angina morbo; Faustianam de Abbatis Eugubinam, à diuturnâ ceruicis inflexione; Olympiam Paranianam Tudertinam à gutturi vlcere, quo necessario cibi vsu impediabatur; Antoniam de Oddis, nobilem Tudertinam, à graui supputatione, quæ illius mamillam inuaserat; Martyrem de Bastiano à gutturi morbo, quo cibum deglutire prohibebatur; Angelam Paranianam ab apostemate, quod genam, & alterum oculum occupauerat; Eusebiam Rosatam ab insanabili brachij alterius tumore; Margaritam Eugubinam ab incurabili genæ alterius morbo; Nouam Monticulensem à varijs vlcerebus, quibus corpus vndique scatebat; hoc ipso Crucis signo in incolumitatem vendicat. Hieronyma Apta, Tudertina, acutâ & malignâ febre, ad Phisicorum desperationem laborabat; ad quam cùm Vir Sanctus vocatus accessisset, eâ corporis parte Crucis signum adhibet, quæ maiorem illi dolorem, ac molestiam adferebat: Posthæc cùm Verdelaure, matris illi salutem impensius commendaret: opportunè,

filia, (ait Raynerius) pro matris salute rogasti: iam enim suprema Hieronymæ parenti imminebat dies, Dei decreto præstituta; sed ea tui causâ dilata fuit. Quamobrem ne timeas, citò conualefcet. Dicti veritatem rei exitus confirmavit. Fratrem Ioanne Ameriensi, grauissimâ febre correpto, ac inter febris ardores æstuante, Raynerius in IESU CHRISTI, ac B. P. N. Francisci nomine, febris discellum imperans, mox febris hoc ipso temporis momento, quo ardentior erat, fugam arripiens, Ioannem incolumem reliquit. Blancam Bononiensem, Virginia Sabellæ pedissequam, dum febris continuâ ardentius æstuat, Crucis signo ad pristinam sanitatem reuocat. Virginia de Maneljis, Tudertina, 5. annos nata, ad extremam usque spiritus exhalationem ægrotans, Raynerij orationibus reuiuiscens, breui post tempore conualefcit. Pussilla Pellinia, lethali febre correpta, nullam Phisicis de suâ salute spem reliquerat; iamq; funera parabantur, quo tempore Vir Sanctus ægram æquo animo esse iubet; tum propriâ saluâ ipsius linguam contingens, & signo Crucis corroborans, moribundam illicò in meliorem vitæ statum reuocat, ac breui in perfectam incolumitatem vendicat. Hoc pacto Monialis quædam, Franciscana nomine, Tuderti in Monasterio S. Francisci febricitans: Fr. Alphonsi Lupi, Concionatoris Ordinis Capucinorum socius, phreneticâ febris laborans: Prosper Claraualis mortiferâ febre ægrotans: Cœcilia Tudertina à quartanâ febris, quâ diu afflictâ fuerat: Leonora à febris continuâ, quâ per annum laborauerat: Leonardus Mellioetus Eugubinus graui febre oppressus: Octauia Sforfolina, Monialis S. Benedicti prope Eugubinum, propter tertianam febrem ingeminatam in vitæ discrimen adducta, Crucis signo ab ægritudine liberantur. His accedat Cinthia Tudertina, quæ tam diro capitis, ac stomachi dolore cruciabatur, vt sæpè animi deliquio correpta, velut exanimis iaceret; eam, atque adstantes Vir Sanctus Orationem Dominicam, & Salutationem Angelicam dicere iubet. Post hæc, dum Sacræ Deiparæ opem, consuetâ oratione: Sancta Maria, succurre &c. implorat; & læuâ manu ipsius capiti impositâ, alterâ S. Crucis signum pectori imprimit; omnem ab eâ tum capitis, tum stomachi languorem depellit, quo nunquam deinceps afflictata fuit. Prosper Claraualis tam graui capitis dolore angebatur, vt nullâ quiete frui posset. Cuius Raynerius cum linteolo, quo ad nares emungendas utebatur, caput alligasset, quamprimum omnem capitis dolorem fugat. Agricola diro

viscerum dolore cruciabatur: cuius misertus Raynerius, genuflexus, ac oculis in Cœlum sublatis, cum aliquantisper orâisset, eam corporis partem, ex quâ dolor erumpebat, signo Crucis communiens, illicò dolorem expellit. Clementia Tudertina, in Capucinorum ordinem deuotione, ac beneficentiâ insignis, hydropisi laborabat: quam cum Vir Dei aliquando in lecto iacentem conspexisset; protinûs ad eam: Clementia (inquit) tu vberes in Capucinos eleemosynas effundis: quidni & hi mutuam tibi vicissitudinem reddant? quapropter, cum super eam salutiferum Crucis signum efformâisset, ab hydropisi liberam præstat. Ab eodem hydropisis morbo Metilda quoque Monticulensis simili modo liberatur. Dianiria Lampadia, Romana tam frequenter comitali morbo vexabatur; vt ter, quaterque in die eo affecta prolaberetur; cum Raynerius, læuâ manu capiti impositâ, dexterâ Crucis signum exhibens, morbum perfectè expellit. Franciscum Ondadæum, puerum, ad extremam vitæ metam perductum, cum breui oratione ante Beatissimæ Virginis imaginem peractâ, per singula membra palpâset, patri incolunitatem filij prædicit, quam puer repente ad sensus rediens, breui tempore consequitur. Laureti Romani 8. annorum pueri, cum Vir Sanctus caput, inter omnes porriginis species grauissimâ laborantis, manu contigisset, ac benedixisset, Vriellæ Laureti sorori ait: Ne dubites: puer curabitur. Statimq; porriginis squamæ exiccati, atque in pulueris modum comminui: tum post quartum diem, caput omni porrigine expurgatâ, tam densis capillis vestiri visum; vt nullâ vnquam porrigine laborasse videretur. Et ne horum narrationem longius producam; in hunc ordinem præter hos referuntur, Monialis quædam, Foelicitas nomine, quæ à diutino stomachi languore: Maria Tudertina à capitis, & stomachi doloribus: Paula Galla à varijs corporis passionibus: Catharina Vanella à capitis tumore: Paris Tudertinus à laterum dolore; Franciscus Monticulensis ab vniuersali corporis morbo; Horatius de Oddis ab anhelitus difficultate; Flaminius puer ab asthma; alter Contessinæ Tudertinæ filius à plerisque vulneribus inflictis. Contessina mulier Eugubina ab incurabili morbo, quo per tredecim annos vexata fuerat; Victoria Biscacciantia à bottario morbo; Iuditha Corpolonga à graui dentium dolore; Margarita Pinola à capitis angore; Anna Galeotta vnâ cum alijs quinque, à cephalalgia; sancti Viri oratione curati in processu traduntur. His accedat Franciscus Leonardus Fanestris; qui quo tempore Gubernatoris

nomine Tudertinam Prouinciā administrat, in tam grauem morbum incidit; vt trium duntaxat horarum vitæ illi spatium à Medicis præscriberetur: ad quem cū Raynerius accessisset, ante quandam Beatissimæ Virginis iconem procumbens, vbi paulò diutiùs orauit, tandem oratione surgens, ad ægrotum accedit, illiusq; manum apprehendens: Heus (inquit) quid hic iaces incolumis? Iam tibi salus condonata est: è strato surge. Qui mox allatis vestibus è lecto surrexit incolumis. Vrsulina de Barzis, nobilis Eugubina, extremo agone colluctabatur; quam cū Vir Sanctus signo Crucis communisset, mox redeunt sensus, vixq; paucis elapsis diebus, è lecto surgit, & sospes in annos prouehitur. Ioannis Baptistæ, Bussi Eugubini filius, ad Medicorum desperationem ægrotans, sancti Viri precibus incolumis euadit. Cinthius Bodinus, Eugubinus, diutino morbo exesus, Medicorum ope destitutus, ac loquendi facultate perditâ, ad vitæ occasum properabat; quem Vir Sanctus amicè complexum, benedictione donat. Æger verò, reddito sibi linguæ vsu, eadem die è strato surgens, cum domesticis lætus cœnat. Iosephus Carduinus lethali morbo consumptus, omni spe vitæ abiectâ, extremum laborabat; quem cū Raynerius conspexit, mox se in alterum cubiculum conferens, ante Deiparæ Virginis, Filium in sinu gestantis, imaginem oraturus procumbit: cumq; diutiùs in oratione persisteret, Quintilia vxor, quæ maritum iam animam agentem animaduertit, festina ad Dei seruum properat; atque vt ad morientem velox accedat, ingeminatis vocibus exclamat. At cū primū illa cubiculi, in quo Raynerius orabat, fores ingreditur, sanctum Virum extra sensus raptum; atque è solo altius in sublime elatum conspicit: qui ad sensus rediens, Quintiliæ ait: Iam ad ægrum reuertere: Dominus enim illi vitam condonat: breui conualefcet. Atque hoc ipso tempore, is, qui cum morte conflictabatur, diuinâ sibi virtute à B. Viro exorâtâ, victor à morte resurgit. Franciscus Thomassinus, ciuis Tudertinus, quadragenariâ ægritudine, sacro pleo inunctus animam agebat: quem Vir Sanctus sanctæ Crucis signo tam perfectè incolumitati restituit, vt postridiè è lecto sanus & vegetus surrexit. Postremò, Placidus, puer Tudertinus, cui desperatâ valetudine, iam funera parabantur: cū primū à B. Viro Crucis signo munitur, confirmatâ valetudine, è funere ad nouam vitam emergit. Constans quoque fama fuit, mortuum puerum ab eo Tuderti ad lucem reuocatum. Mulum quoque, qui à nobili quodam viro Tudertino Fratribus accommodatus fuerat, præcipiti

quodam

quodam casu peremptum, vitæ hoc modo reddit. Cùm mulum iacentem, atque exanimem cerneret, aure apprehensum his verbis alloquitur: Euge puritas, quid hic iaces? surge, ac munere tuo fungere. Mox surgit mulus, & domino incolumis redditur. In his tametsi mortuorum suscitatio inter illustriora, & primæ classis miracula habeatur; quibus Raynerium in eximiæ sanctitatis testimonium, à Deo cohonestatum fuisse, non obscurè constat: haud tamen minore admiratione dignum fuit, quod nonnullos, quos necdum mortis hora concluderat, ad cœlestes sedes diuinâ virtute transmissit: quorum vnum aut alterum exemplum libet referre. Eleonora quædam, Faustina de Oddis pedissequa, diu molestâ quâdam ægitudine detenta, cùm peccatorum suorum confessione animum aliquando expiasset; ad eam Raynerius accedit, eamq; his verbis compellat: Eleonora, num libentiùs te ex huius vitæ ærumnis, si Dei voluntas id ferret, eriperes, quàm vitæ vsurâ fruerè? Cui illa protinus: Perquàm libentiùs, Pater: vtinam ea Dei voluntas foret. Tum Vir Dei: Quid, si (subdit) te D.O.M. in cœlum recipiat; num pro me apud eum orationem fundes? Annuente illâ: Euge, filia, (ait Raynerius) iam te Dei benedictio apprehendat; fœlixq; ad cœlestia perge. Vix hæc verba protulerat Vir Dei, cùm Eleonora lumina ad mortem claudens, extremum Deo spiritum reddit. Puer quoque, Franciscus nomine, quem sanctus Vir nasciturum, & celerius moriturum prædixerat, cùm post semestre ab ortu morbus eum inuaderet, à matre sancti Viri precibus commendatur. Cui ille: Cur, inquit, pro pueri vitâ rogas? Puer non ad mortalem, sed ad cœlestem, atque immortalem natus est vitam. Infātem vult Deus, ne virum amittat. Moxq; ad puerum accedens, & manu benedicens, his eum verbis affatur: Abi iam ad cœlestes sedes, fortunate puer, mihiq; alteram apud Superos sedem exora. Quo dicto puer expirat. Hoc modo alteram quoque quindecim dierum puellam, Elisabethæ Vanellæ filiam, quam celeri morte tollendam prædixerat, suâ benedictione in cœlum transmittit. His adde, quod Tiberij de Badijs, Eugubini, à Chirurgo iam morti adiudicati, grauiissimum capitis vulnus osculo tam curabile reddit, vt breuiori tempore incolumis euaserit. Pamphilus Mengaccius Eugubinus ab hoste catapultariâ glānde transfossus, summo in vitæ discrimine versabatur; qui cùm Viro Dei conuersionem promississet, signo Crucis vulnere impresso, à mortis periculo liberatur, breuique incolumitatem recipit. Eundem paruo pōst tempore eodem modo



à lethali vulnere curat. Sidonius à Bassiano, animo Pœnitentiæ Sacramento inextiato ad funera rapiebatur; cùm ad eum Vir Dei accedens, Sacerdotem accersiri iubet; mox oblati ab eo Deo precibus, libera illi loquendi facultas restituitur, quâ sua Sacerdoti peccata confitetur; tùm paulò post ab ægritudine liberatur. Pauperculus quidam Cassiliani in carcere detinebatur; qui cùm sancti se Viri precibus commendasset, eo orante carceris fores patefiunt, ex quo cùm ille aufugisset res omnibus innotuit. Quamobrem, cùm Raynerius post hæc stipem ostiatim in eo oppido exigens, ad illius domum pertingeret, qui pauperculus in custodiam detruserat, erumpens ille è foribus, non tantùm stipem denegat; sed etiam sanctum Virum quasi captiuo carcerem aperuisset, conuicijs onerat. Porro, inter hæc canis domesticus è domo erumpens, ac geminos panes in ore gestans, Deiq; viro ablandiens offert. Leonora Mangaccia, ad extremam paupertatem redacta, à sancto Viro ipsius opem apud Deum explorabat, cùm is graui illius calamitate commotus, certum à Deo rebus suis præsidium expectare iubet, & ad orationem se confert. Interea mulier domum rediens, non longè à Conuentu recesserat, cùm egregiam numeratæ pecuniæ summam inter quasdam parietinas latitantem animaduertit. Quâ obstupescens, cùm aliquas sub eâ Dæmonis insidias latere suspicaretur, ab eâ abstinens, ad Raynerium redit: qui antequam à muliere interrogaretur: Leonora (inquit) ne extimescas; quam vidisti pecuniam accipe: ea namq; à Deo tibi erogatur. Cum Fr. Benedictus à Valido (cuius Vir Dei in Quadregesimalibus laboribus Sigilli focius erat) lampade extinctâ lumen expeteret, ab Iesv Infantulo illud exorat. Lucretia Eugubina, plurimæ virtutis fœmina, publicâ infamiæ maculâ falsò accusata, à Viro Dei consilium exposcens; cùm is aliquantulum orasset, ita mulierem alloquitur: Lucretia, an non tibi domi est Christi Crucifixi imago? ibi igitur ante Dominum prostrata, tuas illi animi afflictiones aperiri; isq; te omni dubio procul consolabitur. Paret Lucretia; ac domum reuersa, ante Crucifixi imaginem procumbit, cordis mœstitiam pandit: nec cunctatur Dominus; mulierem enim ex Cruce his verbis alloquitur: Filia, si me tui defensorum, ac præsidium habes, quid frustra aliorum iacula pertimescis? Quibus Domini verbis mulier confirmata fuit, & infamiæ rumor prorsus euanuit. Cùm S. Mariæ de Quercu Narniæ Ecclesiæ structura, ob aquæ penuriam vltèriùs progredi non posset, Vir Sanctus baculo, quo innitebatur, locum designans, ipsis fodientibus vber-

rima aquæ vena erumpit. Eodem quoque modo, cùm sancti Crucifixi sacra ædes Tuderti ædificaretur, aquæ beneficium præstat. Nobiles quasdam mulieres, Religionis causâ, Spoletu Aluernium comitans, Cælo nubibus oblecto, ac ventis agitato, Vir Sanctus Crucis signum in nubes vibrat. Cumq; loca omnia circumcirca imbre polluta maderent, illas nequidem pluuiæ gutta attigit. Cæsar de Oddis Iurisperiti Tudertini dolium vino vacuum plenum reddit. Eiusdem quoque Cæsaris vxore petente, farinæ cumulum suâ benedictione ita multiplicat; vt qui domus familiam vix vnius mensis spatio alere poterat, per annum ad alimenta satis fuerit. Tudertum Vir Sanctus cum Damiano Interamnenfi proficiscens in medium torrentem dilapsus, mox Deiparâ adiuuante in oppositâ se ripâ consistere: quodq; magis admiratione dignum, ne pedem quidem, aut vestem aquis madidam gerere conspicit. Axem verò traductitium, è quo Vir Dei dilapsus fuerat, cùm torrens sæpè, vndâ tumente, secum raperet, Crucis signo immobilem reddit. Eundem aliàs iterum permeans, cùm pede labente in flumen incidisset, inde emergit, nec quicquam madidus conspicitur: quin etiam eodem tempore iterum flumen ingressus, vt sandalium, quod illi ab vndâ ereptum fuerat, quæreretur, sicco pede, ac veste è flumine reddit. Hoc modo, cùm Vir Dei ad cuiusdam fluminis oram ambularet, terrâ sub pedibus descisciente, in flumen labitur; cuius præterfluente vndâ cùm obrui deberet, ne quidem aquâ madefactus, è flumine prodiit. Quamuis etiam innumeri ferè, ex deuotione habitus ipsius particularis præscinderent, nunquam tamen minui visus est; ita vt communè prouerbio euulgatum esset, Raynerij habitum haud secùs, quàm plantam excrescere. Quo tempore Vir Sanctus vnâ cum Clemente Tudertino Sacerdote Ameriâ Tudertum proficiscebatur, contigit, vt stagnum illis in viâ occurreret; quod cùm transuadari nequaquam posset, Raynerius pallium suum super vndas extendens, eo velut nauigio utitur, quo stagnum cum socio traiecit. Rursus, cùm per montium diruta, ac salebrosa loca, periculis obfita, noctu cum socio aliquando iter faceret, orans igneam columnam à Deo impetrat, quæ illos totâ nocte præcedens, viam præmonstrat, obuiaq; pericula suâ luce manifestat. Post hæc Cardinalis Protectoris iussu Romam profectus, ab imminente mortis periculo, Sacræ Deiparæ ope liberatur. Hoc ipso itinere cùm Vir Dei languens pisciculorum cupiditate teneretur, mox illos ex diuinâ liberalitate accipit. Eodem tempore equi collum amplexatus, ex feroci mansuetissimum reddit.

Viro Dei aliquando in Fulginij Conuentu ægrotanti, felis gallinam ministrat. Iterum in Tudertino Conuentu . ob loci paupertatem, domesticus felis Dei prouidentia actus, merulam venatione apprehensam, quotidie ad languentis lectum diu defert. In eodem Conuentu Sacrosanctæ Eucharistiæ lampade extinctâ, cum ne quidem ignis scintilla in toto Conuentu superesset, Vir Sanctus quamprimum ad proximum Spoliagrani pagum gressum parat. Verum D.O.M. vt senis, annis prægrauati, ac pro eo solliciti, huius itineris laborem leuaret, in ipsis Conuentus foribus, ardentem illi torrem ex aëre pendentem exhibet; à quo is lucem mutuatus extinctam lampadem accendit. Plurima his signa, & miracula addi possent, quæ in Eugubino, ac Tudertino Processu, super ipsius vitæ instituto. referuntur: sed his prætermisissis, ad Prophetici spiritus dona transeamus. Verum cum tam multa sint huius sancti Viri vaticinia, selectiora tantummodo attingenda duxi. Ac in primis, cum aliquando Guido de Actis Raynerium semel rogaret, vt masculum bonorum suorum hæredem suis illi à Domino precibus impetraret, Deum illi opum suarum hæredem velle institui prædixit, quod Guidone mortuo, à Francisco ipsius fratre præstitum, Raynerij vaticinium comprobauit. Lucretiæ cuidam Tudertinæ, duorum quoque masculorum partus præsignificat: Vix autem duodeviginti post alterius partum mensibus, cum adhuc incolumis infans esset, post triduum moriturum prædicit. Eugubij, cum Lucretiæ Toforonæ, nobilis fœminæ, pedissequa, 12. annorum circiter puella, illius se precibus sollicitè commendaret, ad eam Vir Dei: Quid tibi cum rebus mortalibus, ô puella? Cælum suspice, quod celerius itura es. Cum verò eò processeris, tu pro me diuinam clementiam exora. His dictis cum abscessisset puella, nullo mortis signo prodito, postridie deuotissimè ex hac vitâ migrat. Huic ipsi Lucretiæ, sororis moribundæ incolumitatem, & post hæc trium annorum vitam præsignificat. Paulæ Vanellæ, Eugubinæ, æstiuo tempore rusticanti, imminentem, lethalemq; morbum, ac demum incolumitatem annunciat. Elisabethæ filiæ pregnantæ, fœminam illam saluam parituram, atque illius post paucos dies mortem prædicit: quæ omnia ad amussim, vt ab eo prænunciata fuerant, euenire. Francisco de Angelis, qui complures cum vxore annos absque prole peregerat, filios parituram pollicetur; verum ex his primitias B.P. Francisco in Capucinorum Ordine exoluturam monet. Hoc modo & Eugenij Vigili, quæ masculam prolem optabat, masculum pollicetur, B.P.N. Francisco

suo tempore consecrandum. Lucretiæ Crispoltæ Meuanienfi, & Vrintiæ Ioachinæ, dum partum sub asseueratione præsignificat, vtraque suo tempore masculum parit. Anthenoro Tudertino sæpè grauiter ægrotanti, cùm Vir Dei futuram semper incolumitatem præsignificasset, leui tandem aliquando febris laborantem amplexatus; hinc velocius emigrandum monet: is verò paucis inde transactis diebus fatis cessit. Tolomeæ Fontiæ, nobili Tudertinæ moribundæ, incolumitatem pollicetur. Spiritu prophetico cognoscens Faufaniam quandam à Rubino conuiuijs laceflitam, ante 15. dies, Deo scelus vlciscente, eum miserè trucidandum præmonet: quorum omnium veritatem rei euentus confirmauit. Mulieri Tudertinæ pacem recusanti, imminentem mortem, æternamque damnationem prædicat: Mulier verò illa post biduum in odio, quàm antea obstinatio, repentino casu sublata, in Tartara mergitur; quod manifesto testimonio confirmatum fuit: nam vultu mox tam turpis, atque horrenda euasit; tamque foetidus ex eâ odor effundi coepit; vt eam neque absque horrore conspiceret, neque propius ad eam accedere quisquam eo tempore valeret. Eugubij, sancti Spiritus Monialibus, Ecclesiasticas leges repellentibus, proprii Episcopi imperium detrectantibus, excommunicationis per biennium vinculum contemnentibus, in poenam rebellionis, Monasterij conflagrationem, ac ipsarum dispersionem minatur, ac prænunciat. Maximam Florentiæ hominum stragem, ac Perusini agri à pestifero morbo deuastationem præsignificat. Pauperculo, cui binæ equæ vectariæ furto sublatae erant, locum, in quo illæ à furibus abductæ delitescabant, diuino spiritu edoctus indicat. Cùm mulieri cuidam pauperculae tria linei panni texta subrepta fuissent, ad Viri Dei opem confugiens, mox Vir Sanctus manticâ assumptâ cum socio, ad cuiusdam tabernarij ædes festinat, ab eo quæ linea texta, quæ paulò ante à fure ad eum delata fuerant, constanter postulat; quæ cùm Viro Dei consignasset, protinùs pauperculae exultanti restituit. Francisco cuidam de Paulis Eugubino, pecuniarum defossarum, & quarum locum oblitus erat, indicat. Fianira nobilis Tudertina, cùm de Francisci de Astancollis filij infirmitate sollicita, eum Raynerio enixè commendasset: Quid (inquit) de filij tui vitâ sollicita es? viuit Franciscus, breuique illum sospitem, ac incolumem recipies. Hæc etiamnum verba in B. Senis ore versabantur, cùm Franciscus domus pessulum incolumis pulsasset. Altera quoque nobilis Eugubina, cùm filij, qui in Belgium ad bellum perrexerat, mortis

nuncium accepisset ; ac post aliquot dies miles quidam è bello regressus, eundem morte sublatum assereret, seq; illius funeribus præsentem adfuisse affirmaret, mulier lachrymis perfusa ad Virum Dei se confert. Cui Raynerius : falsus, inquit, est rumor ; verum vt te ab hac sollicitudine liberem, domum reuertere, cœnamque filio, qui vespere aduenturus est, para. Credit illa viro Dei ; festinat, cœnam parat, filiumque viuum, & incolumem eodem vespere aduentantem materno suscipit amplexu. Tuderti mulieri ad secundas nuptias transeunti infinitas penè æruminās prædicit. Abbate quodam Eugubino grauius ægrotante, cùm à Raynerio, quid de eâ ægritudine fausti, vel infausti sperandum esset, postularetur ; post orationem, Abbatis incolumitatem ; at post annum tribus duntaxat ei diebus associatis, mortem annunciat. Altera quoque mulier Eugubina, Iacoba nomine, cui duo filij erant adhuc pueruli, cùm vtrumque Raynerio benedicendum obtulisset : is primum, qui trium annorum erat, amplexatus, matri ait : Non tibi, sed Deo hunc filium genuisti. Alterum quoque decem mensium infantem, inter vlnas susceptum eleuans : Neque hic tibi superstes erit. Porro rei exitus viri Dei vaticinium probauit : vtrumque enim post mensem eadem dies sepulchro intulit. Eodem Prophetiæ spiritu Portiæ Poloniæ, Octauiae de Abbatis, & Margaritæ Marchellæ, Eugubinis mulieribus, certum mortis diem, quo è viuis excesserunt, præsignificat. Hippolyta quædam Albergotta, Eugubina, grauissimè ægrotabat ; quo tempore à Raynerio quærere cœpit ; Num ex eâ infirmitate conualescere deberet. Re à Deo in oratione quæsitâ, ad agram rediens : Hippolyta (inquit,) Deus te ad potiores vitam vocat. Cui Hippolyta : Num longioris mihi vitæ cursum à Deo exorare potes ? vtique (ait) at si diu vixeris, certa animæ tuæ salus maximum in discrimen vocatur : quod si nunc fatis cesseris, iam te æterna salus excipiet. Illa igitur mortem potius, quam certa æternæ vitæ spes sequi deberet, elegit, quàm perpetuo occasus naufragio longioris vitæ cursum committere ; tantoque mox spiritus ardore mentem ad Deum conuertit, vt facillè percipi posset, illam inter Angelorum manus supremum tandem spiritum emisisse. Margaritæ cuidam Eugubinæ virgini in peruigilio S. P. N. Francisci, ipsius aspectu fruituram, & ad eum consensuram prædicit : ipsâ verò die Margarita ex humanis excedens, si viro Dei credimus B. P. associatur. Franciscus Capellonius Eugubinus,

ex vulnere capiti inflicto grauiter ægrotabat ; ad quem accedens Raynerius : Fili ( inquit ) quonam te homines nomine vocant ? Protinùs is : Francisci ( ait : ) Iam ergò totus exulta ( subdit ille ) quandoquidem nomen tuum in cœlis conscriptum legitur : post tres dies cum B. P. Francisco eris. Atque hic ad amussim tertius postremus Francisco dies fuit. Ex hac tam illustri, tamque copiosa cœlestium donorum affluentia, tam ingens illius sanctitatis apud omnes rumor excreuerat, vt ad præcauendas hominum turbas, cum è loco ad locum migraret, necesse esset, vt antelucanis horis iter cum socio aggrederetur. Consenuerat Raynerius, iamque ad octogesimum vno minùs annum accedebat : quo tempore, cum seruum suum D. O. M. post diurnos Euangelicæ vitæ labores, ac tot virtutum trophæa, quæ 39. annorum spatio in Religionis palæstrâ tulerat, vitæ coronâ donare decreuisset ; Tuderti in morbum incidit. Iam is longè antea sui occasus tempus, ac diem diuinâ reuelatione acceperat, & plerisque significauerat ; ac inter reliquos Tulliæ Cardinæ, Fratri Gregorio Perusino, Tudertini Conuentus Guardiano ; nec non Fratri Ægidio Amerino. Postremum itaque, cum sui corporis occasum non ignoraret, animum diligentius expiat, Sacramentis Ecclesiæ curat, feruentissimâ charitate exornat ; maneq ; cum Sacrosanctę Missæ mysterio adesse voluisset, Domini Corpore, velut viatico, post veniam à Fratribus, non sine lachrymis postulatam, in Ecclesiâ reficitur ; indeque ad nosocomium reductus sacro Oleo inungitur. Neque hic leuiter prætereunda est Tudertini populi in Beatum Virum deuotio ; quem vbi ad mortem ægrotare audiuit, plerique strophiola, toreumata, corollas, atque alia huiusmodi, ægrotantis lecto iniici curabant, vt morientem contingerent. Quæ post Sancti Viri mortem in fasciculos colligata ; ac proprio cuiusque nomine inscripto, vnâ cum eo inuenta fuerunt. Cum igitur incumbente vespere Completorij Hora pulsaretur, Completorio integris sensibus, ac clarâ voce persoluto : iam, inquit, lætus morior ; quandoquidem meum vitæ diem cum Dei laudibus absoluo. Interea iam ad Completorij finem in Choro deuentum fuerat, cum is lætum ad cœlum vultum erigens, velut qui cœlestia contemplatur, placidissimè in Domino obdormiuit Anno 1589. moxque tam suauis, & cœlestis odor ibi effundi cœpit, vt cætera orbis aromata illi comparata fœterent. Posterâ verò illucescente die, cum defuncti corpus

de more in Ecclesiam delatum esset, tanta hominum frequentia in Ecclesiam. & Conuentum irruit, vt ad multitudinem cohibendam, Conuentus, Chori, ac Presbyterij fores occludere, clauesq; Tuder- tino Episcopo, qui primo diluculo eò cum Clero aduenerat, tra- dere necesse fuerit. At neque id ardentem, ne dicam furentem, po- puli deuotionem comprimere potuit: qui enim Ecclesiam præ alio- rum frequentia intrare non poterant, constructis extrinsecus tabu- latis, aditum per Ecclesiæ fenestras sibi facere conabantur. Qui verò Ecclesiam intrauerant, tam perditè in sancti Viri corpus fere- bantur, vt cum iam sextum illi habitum dilacerassent, ac barbam, pilos, capillos, vngues præscidissent, facile corpus in frustra concidi-issent; nisi illud ex eorum manibus ereptum, iubente Episcopo, intra sacelli cancellos conclusum fuisset. Cum igitur ob innumera- bilis populi frequentiam defuncto Corpori iusta eo die solui non potuissent, nocte Tuderlinus Episcopus, qui à sancti Viri corpore nunquam recesserat, demortui corpus condiendum, atque aroma- tibus, non sine Dei consilio curandum statuit. Quapropter, cum accitis Phisico, & Chirurgo corpus exenteratum fuisset; mox Dei magnalia in Dei seruo patefieri cœperunt. Primum namque in sellis ventriculo terni lapides triangulares, quorum quisque vnus casta- neæ magnitudinem, ac colorem referret, reperti fuere: quibus maxi- ma sancti Viri in Altissimam Triadem religio, quâ viuens teneba- tur, significata fuit. At, quod admirationem auget, diuinumq; tan- tummodò opus præferret, cum tertius tantum lapis omni sculptu- râ careret, primus in altero anguli plano, Beatissimæ Virg. puerum IESVM in sinu gestantis, figuram insculptam gerebat: quo summam illius, dum viueret, in Beatissimam Virg. ac puerulum IESVM de- uotionem declarari, nemo est, qui dubitet: in altero verò columna sanguine conspersa, ei que persimilis, in quâ altissimus Dei Filius à Romano milite flagellatus fuit, calata perspicuè cernebantur. Quâ luculentiùs manifestum fuit, quàm diuinis oculis grata fuerit, bis, vester ab eo iterata Dominicæ Flagellationis memoria, quam viuens septem horarum spatio in seipso exhibuerat. Secundus lapis gemi- nam quoque figuram insculptam gerebat; vnâ siquidem parte Sal- uatoris, ad medium vsque producti, iconem impressam gestabat: alterâ B. P. N. Franciscum, diuinâ Christo stigmata accipientem, insculptum referebat. Quâ eximiam sancti Viri, etiamnum super- stitis, ergà vtrumque, suâ cuique dignitate seruata, pietatem præfe- rent. Tandem, cum defuncti cor dissectum fuisset, in eo flagel-

lum, quale



lum, quale à nostris componi solet, quinis funiculis contextum. atq; ex ipsa cordis carne, diuinà arte fabrefactum apparuit. Ex quo, quantoperè ipsius carnis mortificationes Deo gratæ fuerint, cœlesti testimonio confirmatum fuit. At neque fas est, de horum lapillorum figuris, ac veritate vllatenus dubitare, cùm Iulio Sanctorio, S. R. E. Cardinali, S. Seuerinæ nuncupato, qui nostri tunc Ordinis Protector erat; iubentē, hi à Bernardino Falconio, Tudertinæ Ecclesiæ Canonico, Romam ad eum delati; ab eoq; Sixto V. Romanæ Sedis Pontifici oblati fuerint. Vix fœlix illa anima è corpore soluta ad purissimum vitæ fontem euolauerat; cùm is Fr. Marino Spoletano, vt suprà dictum est, inter Virginum choros, quæ albas vestes induta; ante ipsum procedebant, manu virginitatis palmam grandiore reliquis gestans apparet. Per id quoque tempus, ipsius mors, & gloria B. Catharinæ Prattensi reuelatur. Interim, cùm exenterato Beati Viri corpore Fr. Ægidius Laicus intestina in quadam cellæ tabulâ exiccanda collocasset; Beatus Vir Ægidio apparens eundem redarguit, quod loco minùs apto, ac decenti sua ipsius viscera reposuisset: quapropter ea honorificentius tractari, ac custodiri iubet. Pompeius quoque de Landis (cùm aliquando horâ antelucanâ venatum pergeret) Raynerium sibi obuiam venientem cernit. Qui post salutationem, hiseum, vt viuens solebat, verbis compellat: Arrige aures, Pompei, isthæc via iter tibi perditionis est: nisi enim immoderatum hunc viuendi modum deserueris, maximo certè in salutis discrimine versaris. Res tua agitur: melius tibi consule. Cumq; ab eo percunctatus esset, nūm quinas illas Dominicas preces, quas illum edocuerat, quotidie recitaret; eas interdum ab eo negligi percipiens, rursus eidem persoluendas commendat, ac paulatim ex ipsius aspectu tolletur. Pompeius verò metu contremiscens gradum reuocat, ac prioris vitæ iacturam meliori deinceps compensat. Iulianus Beati Viri Consobrinus, paulò post ipsius obitum, graui capitis dolore tenebatur; cùm strophio, quod Falconius Canonicus, quo tempore Raynerij corpus exenterabatur, intestinorum ipsius sanguini intinxerat, capiti imposito, non modò à dolore post horam perfectè conualefcit: verùm etiam à somno euigilans, Beatum Virum altiùs in aëre eminentem cernit, amictu cyanei coloris ornatum; qui cùm expansis brachijs illum benigno oculo intueretur, tùm vultu, tum quâ parte corporis membra de-tegebat, tam clavis lucis fulgoribus irradiare visus est; vt solis splendorem antecellere videretur. Cumq; aliquantisper hoc suæ gloriæ

aspectu consobrinum recreâsset, euanescebat, tantam in homine peccatorum pœnitentiam excitauit; ut totus post hæc sese in lachrymas effunderet. In Conuentu Spoletano Fr. quidam abundantiori catarrihi descensu, demptâ fermè respiratione ad interitum rapiebatur; cum ad Raynerij opem confugiens, noctu B. Virum simul cum Deiparâ Virgine, ac B. P. N. Francisco ad se accedentem cernit; qui cum manu ipsius fauces attigisset, mox perfectè incolumem reddidit. Post hæc Martia de Lauanda, Tudertina, malignâ feбри ad Medicorum desperationem ægrotabat, quo tempore Raynerij opem implorans, horâ meridianâ illum perspicuè in aëre sibi apparentem conspicit: qui ridentem vultum præferens, ita illam affatur: Filia, ne dubites, ex ægritudine conualesces: Etenim Beatissima Virgo vitæ tibi prorogationem impetrauit. Hæc post dicta recedens, locum suauissimo odore perfusum reliquit. Eodem quoque anno scil. 1611. cum acutâ feбри laborans, ad interitum Phisicorum sententiâ properaret; Raynerij suffragium implorans, eundem sibi dicentem cernit: Maria, ne metuas, non morieris; sed viues: rosarumque odore ibi relicto, ad cœlestia conscendit: illa verò post tertium diem perfectam incolumitatem consecuta fuit. Anno 1615. cum Martinus Marsicus Spoletanus, Romæ febris, & capitis dolore correptus, grauissimè affligeretur, Raynerij patrocinium implorat. Cui Raynerius eodem tempore apparens: Martine, (ait) si à morbo liberari optas; reliquias meas, quas temerè abstulisti, meis redde. Quod cum facere promississet, protinus tam acris illi vomitus, totque bilis atræ, tum poracæ volumina per os, ac secessum erumpere cœpere; ut cum his, Phisicorum sententiâ, eum ad lethum pertrahi oporteret, vix diuinâ virtute effusis, conualuerit, reliquiasque suo loco restituerit. Ioannes Baptista Iacobinus, Eugubinus, Anno 1617. ad finem vitæ declinans, grauissimè à Dæmonibus affligebatur; cum Raynerius ab eo in aëre conspicitur; qui illi animum augens: Ne metuas (inquit) fili: Raynerium tibi patrocinantem habes: Moxque illâ Dæmonum nube dissolutâ, votoque ad Raynerium emissô, breui incolumitatem adipiscitur. Anno 1623. Modesta mulier Tudertina, quæ ante aliquot annos, prius à crurum, deinde à stomachi dolore ad Beati huius Viri sepulchrum sanata fuerat, cum putridâ feбри iam per trium mensium spatium laborans, Phisici incolumitatem desperarent, voto ad Raynerium emissô noctu, dum vigilat, S. Virum clarissimâ luce circumfusus, è Cœlo descendentem spectat, dicentem:

Modesta,

Modesta, si ad me veneris, te ulterius ægritudo non detinebit. His dictis euauit; illa verò post tertium diem promissa vota incolumis reddit. Postremò, Anno 1629. cum Ioannes Baptista Iacobinus (cuius suprà memini,) iterum periculose ægrotaret; idem votum ex animo repetens, eundem sibi præsentem videt, hæc verba promentem: Ioannes Baptista, quandoquidem te me visitaturum spondidisti; meam & ego tibi visitationem rependo, atque ex hac ægitudine curandum polliceor. Nonnulla quoque miracula ad Beati Viri corpus patrata narrare lubet. Hieronymus Medicus Tudertinus, qui altero oculo tam grauius affectus erat, ut eò ægrè quicquam cernere valeret; cum defuncti manum oculo admouisset, protinùs curatum sensit. Martha quædam Tudertina, vermiculari morbo laborans, sudore, qui ex ipsius corpore effluebat, sibi collum inungens, morbi curationem accipit. Sabina Tudertina, triennio graui cephalalgia afflicta, manum B. Viri capiti suo imponens, protinùs ab eà incolumis domum reuertitur. Leonelli, cuiusdam Tudertini famula à Dæmone obsessa, cum supra B. Viri corpus procubisset, à Dæmone liberata fuit. Dionysius Compagnius Tudertinus, per plures annos delumbis, super tabulam, in qua sancti Viri corpus iacuerat, vix supinum sese extendit, cum à lumbagine liber euasit. Quidam Petrus fabricator, sine pretio S. Viro sepulchrum construens, in charitatis præmiùm, cum primùm manum operi admouit, grauem stomachi dolorem, quo laborabat, statim mitescere, opere verò absoluto, prorsus effugatum fuisse sentit. Post hæc Lucretia, mulier Tudertina, dum in sacello, vbi Raynerij corpus conditum habetur, eundem impensius deprecatur, confestim eiusdem Raynerij vocem audit, hæc illi respondentis: Lucretia, hætenùs tibi patrocিনatus sum, & in posterum patrocিনabor. Alia quoque Tertij Ordinis S. Francisci mulier, caput in quoddam sepulchri foramen immittens, illum ardentius his verbis compellat: Raynerij, Vir Dei, Deum, quæso, pro me roga. Cui Raynerius ex eodem sepulchro clarâ voce respondens ait: Ego rogavi, & rogabo. Mulier quædam genuum diu ægitudine afflicta, quorundam brachijs innixa, nudis genibus super sepulchrum procumbens, hoc ipso temporis momento, perfectam genuum curationem consequitur. Alter pedibus captus, super sepulchrum collocatus, ex eo tandem reclusus, atque incolumis exurgit, domumq; pedester redit. Cæsar Sabinus, Flori Parochus, cum per quadriennium nullâ ratione se inclinare potuisset, super lectum, in quo sanctus Vir

iacuerat,

iacuerat, rigentia terga extendens, mollia, ac flexibilia recipit. Balthazaris cuiusdam Tudertini filius dysenteriam graui laborans, cum canabacei S. Viri cinguli frusto, atque eiusdem habitus segmine se obsignans, ab eâ statim curatur. Agricola quidam graui febre laborans, admoto sudariolo, quod illotum, sed suaueolens in Beati Viri strato post obitum repertum fuerat, protinus desudare cœpit; tùm breuissimo temporis interuallo à febre liber è strato erumpit. Tudertini cuiusdam, nec non alterius febricitantis collo alligato lino, quo Beati Viri corpus post exenterationem abstersum fuerat, & eiusdem præsegmine ambo à febre curantur. Aquæspartæ agricola graui odontalgia laborans, cum vix dentibus applicati fuissent lapilli supradicti protinùs perfectissimè curatur. Ottrici hospes graui capitis dolore vexatus, nec non febricitans, iisdem lapillis capite obsignato, mox è strato sanus exilijt. Claudius Ciccolinus Tudertinus ciuis, maximâ febre æstuans, & Dominicus, oppidi Ripæ albæ Parochus, qui iam dudum alterâ aure obsurduerat; cum primus habitus Beati Viri præsegmen collo appendisset; alter verò auri admouisset, ambo nullâ interiectâ morâ curantur. Bartholomæo Corpologo extremo cum morte agone colluctanti, cum Beati Viri habitus impositus fuisset, mox sensibus redditus, inde breui, & facili negotio conualuit. Lucretia quædam Romana, cui pollex digitus adedò intumuerat, vt tumore se per manum diffundente, diro dolore cruciaretur, Beati Viri sepulchrum accedens, fidei præmium incolumis tulit. Lamiæ Amerinensis filia, ardenti febre oppressa, cum Sancti Viri reliquias osculata fuisset, mox febrem cum incolumitate commutat. S. Andreæ Monialis, Christina nomine, quæ diu, grauiterq; ischidiaco morbo laborauerat, cum sudario B. Viri sanguini intincto, morbosæ parti applicato, sanata, medicamentorum viribus curationem adscriberet, iterum eodem morbo vexari cœpit, donec eodem sudario applicato, B. Viri meritis curationis causam attribuisset. Postremò, trium dierum infans tam diro oculorum morbo tenebatur, vt inde cœcitas imminens à Medicis timeretur; B. Viri habitus particulâ oculis admotâ, aperto oculo clarè omnia conspicit. Baldus Antonius Bussione, Tudertinus, tam graui lotij retentione laborans, vt vix trium horarum illi spatium præscriberetur, B. Viri habitu super ægrum explicato, protinùs reuiuiscere, ac breui incolumis visus est. Mulier obsessâ B. Viri cordis particulâ obsignata, absque exorcismo à Dæmone liberatur. Puer quoque Pinnenfis membris captus, cum Raynerij habitus partem

collo appendisset, consolidatis membris, è lecto incolumis exiit. Franciscæ Tulliæ Carduinæ filiæ manum carbunculus venenatus, ac insanabilis inuaserat; quem cum Fr. Ægidius Areminensis Laicus ex nostris, carneo illo flagello, quod in Raynerij corde inuentum fuerat, obsignasset, perfectæ mox incolumitati restituit. Cosmæ Pacino Tudertino, certæ morti à Phisicis adiudicato, cum S. Viri habitum imposuissent; mox ægrotus maximas in cubiculo flammæ accendi, seq; inter flammæ versari exclamat, habitumq; è strato amoueri iubet. Tùm verò secum mente volutare cœpit, num ob grauem culpam, quæ animo inesset, id sibi contingeret: protinùs Sacerdote accito, mentem Sacramento expiat, iterumq; se S. Viri habitu contegendum curat; ac tandem geminam tùm animæ, tùm corporis salutem adipiscitur. Philippa Lacosta Placienfis, ab acerbissimo dentium dolore, dentibus consolidatis, sudarij B. Viri sanguini intincti contactu, confestim sanatur. Mulier quædam tertij ordinis S. Francisci eodem modo faciem carcinode corruptam post biduum tam perfectè curatam sensit, vt neque morbi in eâ vestigia remanerent. Hoc ipso tempore Violans Iuniperæ filia, altero brachio ita mutila, vt nullo prorsus vitæ sensu frueretur, cum vir puellæ brachium sudarij particulâ attigit, nullâ interpositâ morâ, emortuum puellæ brachium reuiuiscit, atque ex omni parte facilè mouetur. Sebastianus, ciuis Tudertinus, pestilenti febre correptus, moribundus, ac sensibus deperditis in lecto iacebat: cui cum Raynerij caputium impositum fuisset, statim ad sensus rediens, B. Viri merita implorat, auditum recuperat, & feбри sensim recedente, breui incolumitate fruitur. Angelina quædam Tuderti B. Viri habitus segmine obsignata, à partu dolore, ac mortis periculo liberata, masculum parit. Modesta quoque Tudertina, à crurum dolore, voto emissio, incolumitatem consequitur. Ventura, quatuor mensium infans, à defluente catarrho breui interimendus erat, cum vittâ, quâ Raynerij post mortem os occlusum fuerat, circum tempora redimitus, copiosum statim sudorem effundit; quo absterfo, à catarrho liber, atq; incolumis efficitur. Ioannes Petrus de Pectis, Tudertinus, ab acutissimâ febre, voto ad B. Virum emissio, incolumitate potitur. His accedat Balthasar Iordanus, qui cum à Margaritâ sorore Crucem quandam exiguam ligneam, quæ illi à Raynerio, dum adhuc viueret, erogata fuerat, dono accepisset, quamplurima illius virtute miracula patrata fuisse testatur; vt ex Processu Eugubino constat: vix enim eâ nubes ad imbres paratas obsignat, cum à se imbres

effugiat. Anno quoque 1612. cum fluuio exundante, ac pleraſque ædes diruente, manu Cruce illâ armatâ, Crûcis ſignum aduerſus inundantes aquas vibrâſſet, fluminis eluuiõem ita coërcuit, vt nullum propriæ domui damnum intulerit. Modèſta Tudertina, cum abſceſſu tam grauiter angeretur, vt vnius menſis ſpatio, nullâ prorſus diu, noctuq; quiete perfrui poſſet; vbi lapillis, qui à B. Viri felle prodierant, à Guardiano obſignata ad ſepulchrum ſe contuliſſet, conſeſtim à dolore curatur; & poſtridie abſceſſu euaneſcente, perfectâ incolumitate donatur. Andreas de Aptis, Tudertinus, cum ad quintum decimum uſque diem cum mortiferâ ægitudine depugnâſſet, ac ſolâ oris reſpiratione ſe viuẽtem teſtaretur; cum oratione præmiſſâ Ioannes à Nurſiâ, cordis Raynerij particulâ moribundi frontem conſignâſſet, vxorq; votum emiſiſſet, æger ad ſenſus redit, breuiq; conualeſcit. Angela Boriona, mulier Tudertina, vt in Tudertino proceſſu legitur, mortuum filium pepererat; quem cum obſtetric ſenſu, motu, & reſpiratione carentem deprehendiſſet, in domus angulo collocatum, tanquam mortuum deſerit. Intereâ ex propinquis mulieribus altera, quæ Minerua appellabatur, vocem ad Raynerium efferens: O Beate Rayneri ( ait ) emortuum filium matri, ac nobis redde. Cumq; votum emiſiſſet, mox infans vitæ reſtitutus, ploratum edere cœpit. Incendio in ædibus Aureliæ Rodinæ Tuderti excitato, flamma in quoddam domus cubiculum allapſa, cum cætera, quæ in eo erant, depaſta eſſet, cum primùm ad lectum, ſtramineâ culcitra ſtratum peruenit, in quo Raynerius, dum Quæſtuarij in eâ vrbe munus gereret, interdum requieuerat, B. Viri lectum attingere non eſt auſa; ſed ardores ſuos ibidem reſtrinxit & extinxit. Iudith quædam, Alcidi Tudertini vxor, cum diris cœliaci morbi doloribus per menſem vexata, maximos in clamores erumperet; neque ullâ Medicorum arte miteſcerent, ſudario B. Viri ſanguine intincto, corpus obuoluit; votoq; edito, votum mox morbi fuga, & perfectâ incolumitas uſque ad mortem ſubſecuta fuit. Angela, Iacobi Bononienſis vxor, à dentium, & ſtomachi cruciatu, B. Viri meritis curatur. Franciſcus Finus, ciuis Tudertinus, iam per quadriennij ſpatium, vlcere peſſimo & inſanabili in naribus laborans ( cui & vniuerſalis corporis tumor accedens, hominem in certum vitæ diſcrimen adduxerat ) voto ſe obſtringens ſepulchrum B. Viri ſe intraturum, vix extrema verba protulerat, cum detumefcit corpus, ac poſtridie narium vlcus curatur. Pleraque alia, præter hæc, miracula enarranda ſuperſunt,

quæ indicare sufficiat. Verdelaure Boria, à grauiſſimo genuum cruciatu, Raynerij particulâ eidem adhibitâ liberatur. Lucia Laurentia ab abortu præſeruatur. In agricolæ cuiuſdam oculum ariſta inſiliens grauiſſimum dolorem cauſabat; cùm Raynerij habitus præſegmen oculo impoſitum, ariſtam reſilire facit, omnemq; cruciatum adimit. Felix Tudertinus graui dyſenterîâ laborans, granum ex B. Viri corollâ decerptum, collo appendens, nullâ interiectâ morâ, ab eâ liberatur. Hippolitus Vffredurius à ſerpenti morbo, qui quotannis illius faciem inuadere conſueuerat, lini B. Viri ſanguine intincti particulâ, perfectiſſimè curatur. Hoc modo & Hieronymi huius Hippolyti filius, cui oculi repentino tumore correpti fuerant, oculorum incolumitatem adipiſcitur. Licinius Tudertinus à feбри, & dyſenterîâ liberatur. Ioſephus Tudertinus, à femorum, & genuum morbo; Hippolytus Machinus Tudertinus à colico dolore; Euphraſia, Monialis S. Franciſci à ſtomachi doloribus; B. Viri meritis ſanantur. Poſtremò, Angelus Tudertinus, tertio ad B. Viri ſepulchrum orans, ab alterius oculi cœcitate integrè vendicatur; Clara Benediſtonia à genuum cruciatu; Cœcilia Tudertina à partus doloribus liberantur: Antonius, Claræ Benediſtoniæ filius, quatuor annorum puer, dum è ſummis gradibus uſque ad infimum, capite deorſum verſo dilabatur; à matre eo tempore B. Viro commendatus, inoffenſus ad matrem redijt. Antonius, peditum Dux, impoſito ſibi B. Viri capucio, à graui ſuperciliorum dolore curatur. Gabriel, Comes Eugubinus, ampullam B. Viri ſanguine plenam ſibi adhibens, colicum dolorem in ox fugat. Virgilius plêtor quartanâ duplici laborans, B. Viri veſtis particulâ obſignatus, à feбри conualeſcit. Plura hic miracula referenda eſſent; verùm, ne copiâ legentem obruere videar, ea, ne pereant, in Religionis Tabulis nobis conſcripta eſſe ſufficiat. Pleraque Ioannes Baptiſta Poſſeui-nus, libello olim prælis dato, licet compendiôſe, complexus eſt.

\*\*\*



FR. VALENTINI AB ALTOMVRO.  
LAICI

VITA, ET GESTA.



**V**RATER VALENTINVS AB ALTOMVRO, Laicus, cum ad perfectum, ac numeris omnibus absolutum Fratris Minoris exemplar efformandum, nulum virtutis ornamentum ei deesse putaretur, (mira enim sunt, quæ de illius obedientiâ, humilitate, patientiâ, paupertate, abstinentiâ, mentis candore, sensuum mortificatione, morum honestate, vitæ austeritate, & charitate referuntur) maximè tamen orationis virtute præcellere videbatur: cuius studio, cum in Conuentu Cryptarum, cryptam quandam sibi ad orandum elegisset, in quâ Crucifixi imago in pariete depicta cernebatur; & ante illam aliquando genuflexus oraret, vocem ex illius Crucifixi ore profectam, ita se alloquentem audit: Valentinè, pauci elabeatur dies, post quos ad te veniam, eorum tibi præmia collaturus, qui me totis visceribus diligunt. Hoc ille auditus, cum diligentius se ad Domini aduentum parâisset, paucis diebus elapsis, ad promissam illi à Domino mercedem assumitur, Anno 1589.

FR. MARIANVS à CONCHA, Laicus, cum in oppido Granolles, peste laborantibus, suâ operâ, ac ministerio adfuisse, voluntario charitatis martyrio occubuit, Anno 1589.

FR. ANTONIVS à CRUCE, Cathalonix Prouinciæ Laicus, regulæ obseruantissimus, haud aspernamdam vitæ austeritatem coluit: de quo illud fertur, quod Generalem Cæsar Augustanæ Ecclesiæ Vicarium, podagrâ laborantem, signo Crucis curauerit. Obijt anno 1589.

\*\*\*

## FR. PETRI A MARTINA

## LAICI

## VITA, ET GESTA.

**R**ATER PETRVS à MARTINA, Laicus, vitæ, ac virtutum splendore illustris, ex honestâ Marafforum familiâ natus, propter optimam parentum educationem, Deum ita ab infantiâ timere cœpit; vt cum eo pietas orta, atque aucta videretur. Verùm cùm tardioris esset ingenij, & Symbolum Apostolorum nullâ ratione memoriâ retinere posset; puerulus ad Beatissimæ Virginis opem confugiens, ab eâ supplex Symbolum doceri postulat. Quæ pueruli vocem exaudiens, sub candidæ mulieris specie mox coram eo adstat; & Nicænum Symbolum, quale in Misa decantari solet, eius memoriâ instillat. Tandem vtroque parente orbatus, sororibusq; honestis viris collocatis, in Capucinatorum numerum adscribitur. Vix ille primum in Religione tyrocinium posuerat, cùm eum Dæmon varijs infestationibus perturbare nititur: at inuictus Christi pugil, diuinâ virtute fortior, assiduâ oratione Satana impetus deludit; eamq; mentis serenitatem assequitur; vt inter Dæmonum strepitus, penitus immotus persisteret. Abstinentiâ quoque tam insignis fuit, vt à carniū esuperpetuū abstineret; & ieiunijs licet quotidianis exesus, quadriennij tamen spatio, cruda tantum edulia sibi ad cibum adhibuerit. Tres verò illos extremos Hebdomadæ sanctæ dies, absque vlllo omnino, præterquam lachrymarum pane, atque oratione celebrare consueuerat. His & cætera consentanea erant; parcissimum namque somnum, quem proluxa in oratione vigiliæ sequebantur, nudæ tantum tabulæ dabant, cernical capiti lignum ministrabat, asperum cilicium ex equinis pilis abrasis confectum, perpetuū humeros texit: corpus verò, perinde, ac si ligneum, aut lapideum esset, tamdiu flagellis cædebat, quoad illum vires ad flagellandum deficerent. Nemo eo pauperior, nemo humilior, abiectior nemo erat. Vir quoque eximiæ patientiæ fuit: contigit enim aliquando, vt cùm nudis pedibus (vti solebat) per urbem stipem exigens incederet, in clauum impingeret, qui elato acumine ipsius pedem perfodit. Nulla tunc vox, præter hanc: O mi IESV! ex illius ore clapsa, vulnerisq; ita dolorem coercuit, vt ne vulnus

## FR. ANTONII A LEONISSA

## LAICI

## VITA, ET GESA.



RATER ANTONIVS à LEONISSA, Laicus, cùm per quadriennij spatium B. Felicis à Cantalicio in stipe colligendâ Romæ operam dedisset, ita illius mores, ac virtutes assecutus est; vt B. Felix post eius discessum, atque in Aputrinam Prouinciã reditum, de eo Cæsarinæ cuidam Herculanæ, Camurdæ Baronissæ, hæc aliquando affirmauerit: Aquilina ciuitas illustrem, ac pretiosam gemmam, tametsi non agnoscat, sibi vendicat, dum Fratrem Antonium à Leonissâ, superstitem habet: Atq; vtinam & ipse eum in locum concederem, qui illi post obitum à Domino paratur. Hæc B. Felicis verba, quibus Antonij vitam, obitumq; celesti, vt putatur, reuelatione copiosius commendauit, haud vulgare ipsius virtuti, ac sanctimonix testimonium ferunt. Cùm aliquando ante quadragesimale ieiunium, quo honestæ animi relaxationes indulgeri solent, Antonius in cellâ oraret; atque Guardianus, Sacristâ ad eum misso, ad communes animi recreationes vocaret; Sacrista fores aperiens, Antonium orantem, & cubito altius in sublime elatum cernit: post secundam verò orationis horam, lætus inter Fratres animum recreantes, perinde ac si nullo mentis excessu potitus fuisset, conuersatus est. Fremebat in eum Satan, orationis ipsius flammâ cruciatus; atque vt eum ab oratione auocaret, nunc apri, modo canis, variarumq; belluarum formas assumit, multisq; modis infestat. At illum Antonius signo Crucis quàm celerrimè fugat. Huic S. Viro aliquando accidit, vt dum horti culturæ in Aquilano Conuentu incumbit, plerosque aureos, & argenteos nummos fodiens, è tellure erumpentes cerneret; qui Dæmonis astum agnoscens, altius illos humi sepelit: semel tamen cùm aureum laterem fodiens, apprehensum in cellâ reponit, vt in pauperes deinde eroget; noctu vocem ad se delapsam audit, his eum verbis obiurgantem: Antoni, quid tibi cum auro? si cupis saluari, aureum laterem abijce; mox ille voci obediens, aureum laterem retulit, atque humo operijt. Propheticâ illum luce illustratum fuisse, pleraque exempla indicant. Cæsarinæ Herculanæ Matthæo fratri

vigesimo post S. Viri obitum, cum in sepulchrum, in quo Antonij corpus conditum fuerat, alterius Fratris defuncti corpus inferendum esset, sepulchri ore patefacto, tam suavis ex Antonij corpore odor effundi coepit, vt eo mirifice cuncti recrearentur: Antonij verò corpus, post tot annorum curricula, integrum & incorruptum conspicitur.

FR. PEREGRINVS MEDIOLANENSIS, Laicus, in Mediolanensi Prouinciâ, Vir fuit omni virtute ornatus; abstinentiâ præsertim, orationis studio, vitæ innocentia, ac Regulari obseruantia insignis. Obijt anno 1590.

In Bononiensi Prouinciâ, regularis obseruantia laude, ac totius Euangelicæ perfectionis luce emicant FR. LAZARVS APVENSISSIMVS MASSÆVS RAVENNAS, FRANCISCVS MARIA FERRARIENSIS, Laici. Atque inter eos Fr. Massæus, vt carnis tentationem à Dæmone excitatam, cum tentatore debellaret, sese B. P. N. Francisci instar, inter vepres volutat. Franciscus verò Maria morti proximus, cum Angelicam Salutationem campanæ signo pulsari perciperet; in lecto genuflectens, dum eandem Beatissimæ Virginis persoluit, eodem tempore genuflexus Deo animam reddit, Anno 1590.

EVSEBIVS CALABER, Laicus, Messanensem Prouinciâ multiplici suâ virtute illustrat: cum enim paupertate, abstinentiâ, vita austeritate, humilitate, ac potissimum orationis studio præcelleret, varias à Dæmone infestationes passus, tandem obitu suo, antea Fratribus prædicto, in pace quiescit, Anno 1590.

FR. GUIDVS à CORTONA, Laicus, plurimæ tum austeritatis, tum orationis in Hetruscâ Prouinciâ commendatur. Obijt anno 1591.

FR. FABIANVS BERGOMAS, Laicus, regularis obseruantia, abstinentiæ, paupertatis, & præsertim orationis laude ita præcelluit, vt ecstaticos nonnunquam raptus pateretur. Obijt anno 1591.

FR. OTTO CORTONIENSIS, Laicus, in eadem Hetruria Prouinciâ, præter alias singulares animi virtutes, tanto mentis candore præditus fuit; vt lethalis culpæ labe nunquam contaminatus fuerit. Obijt anno 1591.

In Cossetanâ Prouinciâ FR. BARTHOLOMÆI DARROCENSIS Laici, Viri omnium virtutum genere ornatissimi, superstes adhuc viget memoria: qui cum incorruptam ad cineres vsque virgin-

tatem seruâſſet , corporis à Deo poſt mortem ad ſecundum vſque annum , inter deſidentes ſepulchri aquas , incorruptionem promeruit. Obijt anno 1591.

## FR. BAPTISTAE ROTVNDANI

### LAICI

#### VITA, ET GESTA.



**E**RATER BAPTISTA ROTVNDANVS , Laicus , cùm primùm ad ſuaue Religionis iugum à Deo vocatus fuit , tam auſterum vitæ genus ſibi amplectendum præſcripſit , vt multis prodigium fieret : Ét enim cùm ſolitudinis auidiſſimus , primùm à Barienſis Prouinciæ Superioribus facultatem impetrâſſet , quâ ſolus in ſpecu ſolitariâ Vallis Fellenenſis , quæ intra noſtri Grottariæ Conuentus ſepta continetur , vitam degeret ; ibi à Cerere & Baccho abſtinens , ſolis terræ fructibus , & crudis herbis ſemel in die veſcebatur : Neque tamen ijs ad ſatieta-tem vti ſolebat : in ſacræ enim Quadrageſimæ ieiunio , quadraginta fabarum numero , quas aquâ madefaciebat , contentus erat : ſitim verò haud aliâ , quàm quæ ex riuulis decurrebat , aquâ ſedabat. Rigidæ huic abſtinentiæ , cæteræ quoque carnis aſperitates conſentaneæ erant : nam hyberno tempore , quo cuncta gelu rigeant , vnicâ , ac viliffimâ contentus tunicâ , abiectis ſandalis , nudis pedibus glaciem calcabat ; perindeque , ac ſi æneus , aut lapideus eſſet , rariſſimè ad ignem accedebat. Perpetuo cilicio carnem fatigabat ; flagris concidebat , vigilijs opprimebat ; & ſi breui aliquo tempore illi quieſcendum eſſet , tabulâ ſeu matta humi ſtratâ , lectum ; lignum , vel lapis ceruical parabat. Hæc autem , oratio , ac rerum diuinarum contemplatio , cui omne ferè tempus confeſcrauerat , ſuauiſſima , ac ſapidiffima reddebant. Hanc ille auſterioris vitæ rationem , ab hominum conſortio remotam , cùm per aliquot annos obſeruâſſet , à Generali facultate impetratâ , in aſperimi montis , qui Rotundæ adhæret , deſertum ſecedens , priorem illam vitæ auſteritatem nouis ita aſperitatibus accumulauit ; vt cùm aliunde ſibi victum non quæreretur , herbæ ſylueſtres , atque arborum radices illi cibum miniſtrarent ; montis antra

teſtum

tectum præberent; nuda humus lectum sterneret; rupes, & saxa obstrepente flagello, quo carnem frequentius terebat, personarent. Hic Baptistam, tristes pœnitentiæ gemitus: hic feruidos diuini amoris æstus eructantem audisses: hic denique tam puram, tamq; coelestem vitam agere visusest, vt feræ, auesq; ad eum, velut domesticum accederent: hic ad eum confluentes oprata consequabantur; alij quoque languore correpti, signo Crucis adhibito, ab eo curabantur. Consueuerat Baptista singulis diebus è monte descendere, atque in sacrâ æde sacro Missæ Sacrificio interesse, & Christi Domini Corpore deuotissimè communicare. Semel verò contingit, vt cum minor Hostia nulla esset, Sacerdos illum à Communionem abstinere iusserit; patet Baptista: at cum primùm ad primam Hostiæ oblationem ventum est, Sacerdos minorem Hostiam, quam minimè reposuerat, in patenâ cernens, diuinitus id accidisse ratus, ne Baptista eo die celesti pane careret, Hostiam consecrat, Baptistamq; diuinâ escâ reficit. Prophetico quoque spiritu plurima prædicit. Cum igitur in hac montis solitudine, Vir Dei ad vigesimum vsque annum, vitam magnâ cum virtutum laude perduxisset, sanctimoniâ apud omnes clarus, in quodam montis antro Deo spiritum reddit, Anno 1592. Corpus verò, post quartum diem exanime repertum, suauem odorem spirat.

## FR. SAMVELIS A S. ANTIMO.

### LAICI

### VITA, ET GESTA.



**E**RATER SAMVEL à S. ANTIMO, Laicus, cum à matre etiamnum in utero gestaretur, ab Angelo, qui sub senis cuiusdam pauperis specie, ab eo eleemosynam acceperat, illustrioris apud Deum virtutis commendatur. Quamobrem vix natus, Sabbathi ieiunium ab incunabulis inchoat. Quam ieiunij consuetudinem, etiam ætate prouectus, quamdiu vixit, ob Virginis honorem, ita sibi obseruandam præstituit, vt eo die pane duntaxat, & aquâ contentus esset. Optimam quoque matris educationem nactus, quotidie Beatissimæ Virginis corollam recitare consueuerat: quam cum die quâdam attentius persoluisset;

accidit, vt curru, qui ab eo ducebatur, dilabente, ipse quoque vnà cum curru in altam foneam dilaberetur. Verùm à Beatissimâ Virgine, sibi in speciosâ mulieris formâ apparente, apprehensus, in ripâ statuitur. Hic eùm ad Capucinorum Religionem virgo accessisset, virginitatem virtutibus ita accumulauit, vt silentio, humilitate patientiâ, obedientiâ, paupertate, animi candore, simplicitate, atque orationis studio nemini secundus esset. Hoc virtutum apparatu cùm ita animum exornâisset, vt non mediocrem tùm apud sæculares viros, tùm apud Fratres sanctimonie existimationem consecutus fuisset; Fregellæ cœlesti fulmine ictus interiit; cùm tamen solâ tunicâ combustâ, caro à fulgure intacta fuisset: corpus verò, humo effossâ, iuxta Ecclesiam sepultum, post binos sepulture annos, integrum conspicitur. Re verò per oppidum euulgarâ, plerique ad illius sepulchrum confluentes, illiusq; suffragium implorantes, à morbis curantur. Inter quos mulier, quæ quartanâ febre diu laborauerat, ab illius sepulchro incolumis recedit. Alter quoque, qui eodem tempore febris afflictabatur, à febre liber euadit. Tertius quoque puer herniâ laborans, sepulchro impositus, ab herniâ liber salutis restituitur. Maria quoque quædam Iacoba commemoratur, quæ liquore, qui ex Samuelis sepulchri lapide olim effluxit, sui corporis partem, in quâ dolore afficiebatur, inungens, à dolore persanatur. Ex nostris Fr. Bartholomæus Laicus, cùm Fregellæ acutâ febre correptus, in vitæ discrimine versaretur, vix Samuelis merita sibi ad salutem postulât, illiusq; sepulchrum se veneraturum spondet; cùm protinùs febris mitescit, breuiq; incolumitatem adipiscitur. Idem cùm in Conuentu Sueffino tam graui capitis dolore vexaretur, vt ferè ad insaniam pertraheretur; caput è fenestrâ, quæ Fregellam spectabat, efferens, impensiusq; Samuelis opem efflagitans, confestim curatur. Alter quoque ex nostris Sacerdos, qui graui tentatione vrgebatur, cùm ad geniculatus habitus manicam, quæ Samuelis olim fuerat, supplex ab eo auxilium poscens, exosculatus fuisset, protinùs à tentatione liberatur. Post hæc anno 1604. duodecimo scil. post Samuelis obitum anno, ipsius tùm corpus, tùm habitus tam integra inuenta fuere, vt eâ ipsâ die ibi condita fuisse viderentur. Obijt Vir Dei Anno 1592.

In Vmbriâ S. Francisci Prouinciâ Fr. MARINVS à GARITOLA, Tudertini agri Castello, Laicus, cùm multis virtutibus florisset, in morte à germano fratre lucidâ nube inclusus, & columnæ innixus cœlum conscendere cernitur, Anno 1592.



FR. ANDREAS CASTVLENSIS, Laicus, post multos perfectæ virtutis annos, in Brixienſi Prouinciâ tranſactos, ſobolemq; ſpiritu prophetico Scipioni Auogadio prænunciatam, Brixie huius vitæ ærumnis valedicit, Anno 1592.

FR. THOMAS ROTVNDANVS, Laicus, tam inſigni Barienſem Prouinciâ ſanctimoniâ illustrat, vt altiffimâ rerum diuinarum contemplatione præditus, corpore ſuper arborum ſtigia ſublatus ſit; vinum rapidum ad priſtinam generoſitatem reuocauerit; ſigno Crucis Ludouicum Hiſpanum, graui febre in ipſere correptum, incolumitati reſtituerit; & quædam prophetiæ ſpiritu futura prædixerit. Obijt anno 1592.

FR. PETRONIVS VERCELLENSIS, Laicus, Vir omnium virtutum ſtudio clarus, erucas, quæ hortum depaſcebantur, præcepto ad fugam compellit; leproſumq; pauperulum, dum ſummâ charitate curat, à leprâ liberat.

## FR. FRANCISCI MONOPOLITANI

### LAICI

#### VITA, ET GESTA.



FRATER FRANCISCVS MONOPOLITANVS, Laicus, cùm Eremiticam in quodam monte vrbi Monopolitanæ coniuncto, vitam duceret, Capucinatorum aliquando tum hoſpitalitate, tum charitate illeſtus, in eorum ſe gremium recepit. Vix autem in Religione pedem fixit, cùm obedientiâ, humilitate, patientiâ, ſui contemptu, atque omni virtutum luce, ſplendere cœpit. Abſtinentiâ ita fuit illuſtris, vt ſolas herbas, ac legumina ad panem adhiberet: carnem cilicio, vigilijs, alijsq; vitæ aſperitatibus domabat: poſt Matutinas Horas orationi, ac diuinarum rerum contemplationi perpetuò vacabat; tùm Fratrum, tum ſæcularium hominum conuerſationem fugiens, vberiùs cœleſtia Dei dona capiebat. Quo factum eſt, vt non ſemel in mentis exceſſum raptus, oransq; haud rarò toto corpore in aëra elatus conſpiceretur. Inter hæc, tantâ erga omnes, præſertim ægrotos, charitate ferebatur, vt in eorum totum ſe vtilitatem effunderet. His dum charitatis officijs animum intendit, in morbum incidit: quo tempore cùm aſſæ aui- culæ appetitu teneretur, vix de illâ cum Noſocomij Præſecto collo-

quitur, cùm felis domesticus auiculam venatione captam ore gestans, eam ante cellæ fores relinquit. Demum virtute, ac sanctimoniâ clarus, Melphiti mortalem cum immortali vitam commutat. Anno 1593.

FR. IOANNIS NAVARREI  
LAICI  
VITA, ET GESTA.



**E**RATER IOANNES NAVARREVS, Laicus, semel cum fratre germano iter faciens in latrones incidit; qui vtrumque ferro aggressi, graui Ioannem vulnere in capite sauciant: quo ille statim humi corruens, cùm Beatissimæ Virginis intereâ opem, ac præsidium implorasset, mox à vulnere se curatum sentit. Domum reuersus, cùm diuinis rebus affici, & præsertim orationi vacare cœpisset; intempestâ nocte surgens, ad Matutinas quorundam Religiosorum, primo eorum signo audito, Horas, conueniebat; atque extra Ecclesiæ fores genuflexus, ijs deuotè intererat: tempus vero, quod inter primum, & vltimum Horarum signum interfluebat, in quodam sacello Beatissimæ Virgini dicato, totum in oratione infumebat. Accidit verò, vt imbre è cœlo cadente, nocte quadam Ioannes ad Matutinas Horas (vti de more solebat) non accederet: quo tempore à cœlesti quâdam voce excitatus, his se ab eâ verbis increpari audit: O hominum ingrattissime! ni tibi opem tulisses, atque à vulnere curassem, iam diu inter mortuos sempiternos computatus, inter inferni flammæ arderes. Nunc ob exiguæ pluuiæ incommodum Matutinas Horas deferis? Graui hac increpatione perterritus Ioannes, confestim è strato profliciens, ad Ecclesiam pergit: vbi sacræ Deiparæ imaginem clarissimâ luce resplendentem, ac lampadem, quæ ante illam ardebat, multò quàm soletet clariùs emicare cernit. Quamobrem ipsius mens repente mutata fuit, & ad omnem pietatem accensa; paruâ deinde temporis morâ interiectâ, Fratrum Obseruatum Ordinem sibi ad Dei seruitutem deligit. Ioannes igitur inter hos Patres omni cum humilitate versatus, tam seuerâ abstinentiæ lege gulæ vitium coercuit, vt haud alio cibo, quàm pane, calidâ aquâ (quam ad coquinæ patinas abluendas parabat) madido vesceretur. Verùm arctioris obseruantia

studio flagrans, cum prius ad eiusdem Ordinis Recollectos migrasset. hinc tandem ad Capucinos transfuolat; ubi nudas sibi ad stratum tabulas adhibens, haud raro non cubans, sed genuflexus somnum capiebat. Sensuum, ac praesertim oculorum tam seuerus custos fuit, ut vndecim annorum spatio, quo in Capucinorum Ordine versatus est, ad mulieris nunquam vultum intuendum oculos extulerit. Hinc tanta elucebat in eo morum honestas, tantus pudicitiae honor, ut virginei candoris florem perpetuo illibatum seruasse, omnibus persuasum fuerit. Vir erat Ioannes litterarum penitus ignarus; quippe qui nec litterarum apices nosset. At Deus Ioannis animum eâ sapientiae luce imbuerat ut de diuinis, ac Theologicis rebus tam altè, atque aptè differeret, ut Ioannes Tereſius, Tarraconensis Antistes, summâ illius admiratione caperetur; ingenuèq; se nullum vnquam, tam perspicuè, ac genuino sensu difficillima quæque Scripturarum loca explicantem audisse fateretur. Hæc porro Ioannis studia erant, hucq; illius cogitationes ferebantur, ut Deum ubique sibi præsentem statueret, mentemq; ad Diuina semper anhelantem gereret. Cum autem præcipuâ erga Beatissimam Virg. deuotione duceretur; accidit semel, ut dum Salutationis Angelicæ verba secum ruminat, tam alta illi à Deo, tum de Beatissimæ Virg. excellentiâ, tum de Incarnationis mysterio, arcana reuelata fuerint; ut deinceps, vsq; ad septimam, & amplius horam genuflexus, ac immobilis, orando pertingeret. Pleraq; etiam occulta, ac futura Diuinâ reuelatione cognoscebat. Hinc Raphaëli Regnes Medico cum Chirurgo de rebus vanis secretò colloquente, sermones aperiens grauiter obiurgat. Ioanni Tereſio Archiepiscopo Tarraconensi morbo laboranti, præmissâ oratione, incolumitatem pollicetur. Benedicto Dalmau, septuagenario febre in lecto ægrotanti, febris recessum, ac eodem tempore sanitatem prædicit. Bernardi Martini Legisperiti filiae ad Medicorum desperationem laboranti, vitam promittit; quin etiam familiarem Fratrum nostrorum hospitam futuram prænunciat: Bernardo verò prolem masculam prædicit. Quæ omnia, prout præsignificata fuerant, euenire. Nec caruit miraculorum patratorum virtute. Ioannes Burgnes, Eneæ nobilis Tarraconensis filium, ramice grauiter laborantem, signo Crucis consignans, eodem tempore à morbo liberat. Adhuc iter faciens, exiguo temporis spatio, ab Angelo (ut creditur) delatus, magnum iter conficit, quod Socij vix post longum tempus expedire potuerunt. Postremò, sanctimoniæ famâ apud omnes clarus, Barcinone in Conuentu Montis Caluarie meliorem

partem Capucinatorum vocatos; reliquos à Ministro repulsam laturos prædicit: Verùm neque hos tres omnes in Religione stabiles futuros; ex his enim N. (quendam indigitans) defecturum prænunciat. Seminariæ nonnullis infaustum vitæ finem præsignificat. Id ipsum alteri Seminariæ auditori, qui Bertucius appellabatur, duobus tamen mensibus ad vitæ emendationem concessis, diuinâ luce perfusus, prædicit. Post quos nihilo hic Viri Dei verbis melior factus, immaturâ intra id temporis spatium morte perimitur. Tristano, cum socijs Proscriptis dum simul mensæ accumbunt, solum Tristianum ex Dei Clementiâ secundis rebus perfruiturum, reliquis verò infaustum exitum prænunciat. Reliquis igitur cæsis, vel suspendio necatis, solus Tristianus superstes, cum pace ad summam senectutem peruenit. Fr. Hieronymo Catacensi, Laico, Polistenam redeunti, Ioannes infirmitatem, ad Medicorum vsque desperationem, ac demum incolumitatem prædicit. Plurima denique miracula ab eo patrata fuisse probatissima, atque iurata multorum testimonia confirmant; quorum nonnulla hîc indicanda sunt. Cornelia quædam Gariana, grauissimè ad mortem ægrotabat; cùm eam Ioannes signo Crucis consignans: Iam (inquit) retrocedet febris; tuq; octauo abhinc die Domino gratias actura, ad nostram Capucinatorum Ecclesiam incolumis venies. Exitus rem comprobauit. Eiusdem Cornelie puer, quem Ioannis meritis acceperat, grauiter infirmabatur; hunc mater misso ad Conuentum nuncio, impensius Ioanni commendat. Ægrotabat hoc ipso tempore & Ioannes, cùm accepto Cornelie nuncio, in Ecclesiam se deferri poscit: vbi cùm aliquamdiu pro pueri incolumitate rogans, in oratione fixus permanisset, ab eâ tandem surgens, nuncio inquit: Iam ad Corneliam reuertere; æger namque filius eius viuet, & ex morbo conualescet. Eadem quoque Cornelia cùm Ioannis funem canabaceum à Ioanne Prænestino accepisset, eo tot deinde miracula præsertim in his, quæ partus dolore cruciabantur, eum contigerunt, vt ea facilè enumerari non possint. Post hæc Prudentia, Innocentij Prænestini vxor, quartanâ febre laborans, simul foetum in vtero gerebat: quamobrem tum abortum, tum vitæ periculum metuebat, cuius cùm frontem signo Crucis Ioannes consignasset, extemplò ab eâ quartana febris abcessit, atque suo tempore masculum læta peperit. Seminariæ puerum oculorum morbo ita affectum, vt propè ad cœcitatem accederet, signo Crucis adhibito, ad integram sanitatem reuocat. Oppidi Gubernator, Vir illustris grauiter ægrotans, cùm se Ioanni

fune præcinxit, mox incolumitatem assequitur. Postremò, Franciscus Gallicius, duplici tertianâ diu cruciatus, à Viro Dei signo Crucis petitus, postridie ab utrâque febris liber euadit. His ferè innumeræ curationes addi possent, quas Vir Sanctus signo Crucis præstitit; vt à nobili quadam personâ affirmatum fuerit, si, quæ tantum in suo Terræ Nouæ oppido, morborum curationes, ab eo signo Crucis patratae sunt, scripto mandarentur, eae solæ integrum codicem conficerent. Has verò tantum indicâsse sufficiat, vt Dei in hoc S. Viro gloria illustretur. Cùm igitur Ioannes ad centesimum, & amplius suæ ætatis annum accedens, sexaginta in omni sanctitate, & iustitiâ in Capucinorum Religione Domino famulatus esset, vitæ occasum Domino reuelante, sibi adesse sentiens, cursum consummaturus, eò velocius se ad omne virtutis opus vrgere cœpit, ita vt iam non sibi, sed Deo tantum viuere videretur. Inter hæc pleuritide correptus, vbi animum Ecclesiæ Sacramentis expiauit, placidè ad Deum euolat, Anno 1593. solutâ verò è corpore animâ, corpus ita candidum, molle, tractabile, atque flexibile apparuit, vt dormientis potius, quàm defuncti speciem præferret. Mox tanta hominum turba eò Viri sanctimoniâ adducta, confluere cœpit; ac tam vehementi deuotionis impetu in corpus irrupit; vt tribus tunicis in frustra conscissis, ter iterum tunicâ contegi opus fuerit, & S. Viri corpus, ad populi deuotionem sedandam, triduum insepultum remanserit; quo tempore suauissimus ex eo odor diffundebatur. Quod verò omnium admirationem auxit, post tertium obitus diem sudor quidam è corpore erumpens, per artus diffuere visus, quem cùm populus lineis pannis extergeret, eo, quemadmodum & tunicæ præseginibus, ac præcisis vnguibus, & capillis, variæ morborum curationes, & miracula patrata fuere. Inter hæc mulieris cuiusdam è Palmi oppido curatio refertur; quæ cùm brachium sibi tam grauius læssisset, vt illius operâ vti nullo modo posset, Viri Sancti tunicæ præsemine adhibito, tam celeriter curata fuit, vt eadem prorsus die, eo graue opus exantlauerit. Eodem modo

Fr. Santus à Tricano, ex nostris Laicus, cùm febris laboraret,  
 tunicâ, quæ Ioannis fuerat, se contegens, statim  
 ab eâ liber conualescit.

\* \* \*

# Fr. STEPHANI CLAROMONTANI

## LAICI

### VITA, ET GESTA.

**E**RATER STEPHANVS CLAROMONTANVS, Laicus, vitæ austeritate, ac virtutum splendore excellens, carnem cilicio premens, durâ cubatione afflictans, vigilijs extenuans, rigidiorē abſtinentiâ, quotidianoq; ferè ieiunio flagellans, animum ad omnia virtutum ſemina tam abundè parauerat; vt qui humilitatem, obedientiam, ſimplicitatem, paupertatem, patientiam, & cæteras virtutes ſibi quærerent, copioſa illarum exempla ex eo emetiri valerent. Cùm diem in aſſiduum laborem indefeſſè impenderet, noctem, paruo duntaxat corpori ſomno indulto, in ſacris vigilijs, ac oratione inſumebat. Atqui hoc virtutum curſu, cùm ad vltimam vitæ metam in Claromontani Conuentus hoſpitiſ perueniſſet, Iacobum quendam, patruelem ſuum, ſeculareſ Virum; accerſendum curat. Cui cùm diem, qui B. Sebaſtiano eſt ſacer, extremum futurum prædixiſſet, vt animæ ſuæ quamprimùm conſulat, monet. His cùm Iacobum dictis dimiſiſſet, ipſo S. Sebaſtiani die Iacobus, rebus cum Deo benè diſpoſitis, naturæ debitum exoluit. Alteri quoque ſuo ex ſore nepoti, qui grauiter ægrotabat, cùm ex illâ eum ægritudine curandum prædixiſſet; diem tamen, quo poſthæc ex humanis migraturus eſſet, verbis præſcripſit; quod haud ſecus, quàm prædixerat, accidit. Stephanus verò ſui obitus horâ prænunciatâ, dum integris ſemper ſenſibus diuinas laudes decantat, in Domino obdormit. Anno 1594. Poſt Stephani obitum, quædam ipſius neptis, Philippi fabri cœmentarij vxor, quæ extremo morbo laborabat, Stephanum inter mortis anguſtias inclamans, ipſius opem implorat; cùm intempèſtâ nocte Philippus, qui moribundam vxorem ſuo ſinu fouebat, ſumi nubeculam ex alto cubiculi tabulato deſcendentem cernit: ex quâ Stephanus, altero ſibi comite adiuncto erumpens, ad ægrotantis lectum pergit: Cumq; ibi aliquantiſper ſediſſet, eâdem vterque nubeculâ ſubuectus, ſeſe ab ipſius oculis ſubripit. Stupebat Philippus, cùm vxor, quæ iam moribunda credebatur, velut è graui ſomno euigilans, cibos, quibus veſcatur, petit; ſequè Stephani interceſſione à Deo vitam, ac incolumitatem aſſecutam aſſerit. Rurſus,

secundo, post huius S. Viri mortem, anno, Margarita quædam ex Comiri oppido, & cum eâ tres ipsius filiæ, febre laborabant; quæ cum pallij, quo olim Stephanus vsus fuerat, partem à Guardiano impetrassent, vix eâ contactæ, vniuersæ à febre curantur.

## FR. AVGVSTINI SENENSIS

### LAICI

#### VITA, ET GESTA.



ERATER AVGVSTINVS SENENSIS, Laicus, vitam eremiticam in sæculo colens, quotidiano panis, & aquæ ieiunio carnis vitia debellat. At cum ad Capucinos accedit, austeriora his ieiunia addit, ac Seraphicæ vitæ stadium magno cum virtutum splendore prosequitur. Paupertatis, ac totius Regularis obseruantia cultor ita eximius fuit; vt habitu, vitâ, morum honestate, austeritate, ac Regularis disciplinæ formâ Euangelicum hominem præferret. Nunquam strato vsus est: cum enim illum somnus occuparet, nudum naturæ solum illum sinu excepit. Otium cum summo opere exhorreret, dies laboris; nox verò orationis illi tempus ministrabat: cuius tantopere studio addictus fuit, vt somnus occupationem interciperet, non fugaret. Eapropter quamplurimas à Dæmone infestationes passus, illustriores suâ patientiâ de eo triumphos reuehit. Inter has Diaboli infestationes diuinâ aliquando visione potitur. in quâ Dominum candidâ veste amictum, in monte sedentem spectat: ad quem dum is per splendidam quandam viam accedere contendit; hinc, & inde Dæmones ferreis vngulis illum, ne progrediatur, retinere conantes patiebatur: Dominum verò cum ad pugnam cohortantem audiens, eorum tandem deuictâ pugnâ, ad Dominum penetrat, à quo humanissimè excipitur. Castitatis hic cum acerrimus propugnator esset, Placentiæ à iuuenulâ ad turpia prouocatus, de impuro hoste trophæum reportat. Cœlesti quoque luce perfusus pleraque futura prænunciat, atque quamplurimas suis precibus gratias à Deo exorat. Denique cum Augustinus præclaris virtutum exemplis vitam ad senium vsque exornâssit, multisq; suâ virtute præluxisset; Parmæ tandem, prænunciato sui obitus tempore, vitæ cursum deuotissimè absoluit, Anno 1595.



FR. MAXIMVS MANTVANVS, Laicus, Bononiensem Prouinciam vitæ austeritate, obedientiâ, humilitate, orationis assiduitate ac totius Regularis obseruantie studio illustrat: qui cum Archangelo Ariminensi in Hungariam profectus, dum Christianos milites aduersus infideles ad pugnam prouocat, saxo contusus, felicitate pro fide, & obedientiâ occubuit, Anno 1595.

## FR. SALVATORIS SARDI

## LAICI

## VITA, ET GESTA.



**F**RATER SALVATOR SARDVS, Laicus, Vir fuit cuius vita, tot ab ipso suæ conuersionis exordio, virtutum ornamentis prædita, vt nullum omninè esset virtutum genus, quod in eo mirificè non cluere-  
ret. Hic profundâ humilitas, hic obedientia, hic simplicitas, hic charitas, hic laborum tolerantia, hic maxima in rebus omnibus sollicitudo, hic mansuetudo, hic moderatio, ac reliquiarum virtutum perfectio conspiciebatur. Inter has admirabilis quædam animi fortitudo, & patientia enituit, quâ tam graue stranguriæ genus, vt pro lotio saniem redderet, toto quadriennij, vel etiam quinquennij spatio, tantâ moderatione per-  
tulit; vt nullum vnquam vel leue querimoniæ verbum protulerit; sed inter acerbos illius morbi dolores, ea tantum illius vox audiretur: Sit nomen Domini benedictum. Domine IESU fiat voluntas tua. Ipsius quoque tam effusa in ægrotos charitas fuit, vt se, suaq; omnia pro ijs negligens, refectioem, somnum, vniuersaq; corporis commoda prætermitteret. Is porro tam arctum cum oratione foedus inire consueuerat, vt in eâ interdum, ad septimam vsque horam, fixus permaneret. Neque id mirum: tanta enim in eâ spiritus voluptate inebriabatur, vt inter diuinos amplexus sapè mente excederet. At indè tantum cœlestis scientiæ donum à Deo consequutus est; vt (tamen si litterarum imperitus) tam altè de Philosophicis, & Theologicis rebus differeret, vt Philosophos, ac Theologos ipsos in admirationem raperet. Huic infusæ scientiæ dono, visionum quoque, ac reuelationum gratia accessit, quâ à Deo cohone-  
status, dum aliquando in Erapuli Conuentu orat, Christum Dominum aureo in throno sedentem conspicit, pleraque illi arcana

myſteria declarantem. In Conuentu Forosempronij, cum in ſepulchrum deſuncti Fratris corpus inferendum eſſet, Clerici cuiuſdam, qui iam diu ſuum cum Sanctimonia ſamã diem obierat, oſſa diuino quodam ſplendore perfuſa intuetur. Aſculi quoque hominum cædem, diuinã reuelatione acceptam, impedit: ſui obitus horam, eãdem reuelatione patefactam fratribus annunciatis. Pleraq; quoq; alia diuino ſpiritu futura prædicit. Viri cuiuſdam Aſculani vini doliolum ita multiplicat, vt quamuis Saluatori ad operarios, qui in Conuentus ædificatione laborabant, refocillandos, vinum miniſtraret, illud non modò vllã ex parte imminutum fuit, ſed abundè ex eo meſſis tempore meſſoribus hauſto, tantum adhuc in dolio vini reliquum fuit, vt & domus familiæ, & Capucinis vſque ad vindemiæ tempus doliolum vinum effuderit. Quo tempore, cum necdum exhaustum eſſet, ſummã omnium admiratione, pleraque ex eo vaſa, & lagenæ impletæ, luculentius diuinæ virtutis miraculum declarant. Inter hæc tamen Sathan, vt virum Dei ex euangelicæ perfectionis ſaſtigio deiſciat, varijs eum infeſtationibus aggreditur; At Saluator vniuerſa patientiã ſuã ſuperat. Cum igitur Saluator iam ſeptuagenarius, quamplurimos in Religione annos magnã cum virtutum laude, ac vitæ ſanctimoniã duxiſſet, in Conuentu Erapuli graui morbo corripitur: quo tempore cum poſt præclara patientiæ, & pietatis exempla, ſanctis ſe Eccleſiæ Sacramentis communiſſet, Andreæ Macerantiſi ægrotorum Præfecto, qui ( ne fortè is ſe abſente hinc decederet ) noctu excubias obſeruare decreuerat, ait: Ito, Andrea, & modicum quieſce: haud ſine te hinc profiſcor, opportunè te accerſam. Secedit Andreas: ſed cum nimio ſe ſomno corripendum vereretur; Beatiffimam Virg. impenſius rogat, vt cum ægroti finis appropinquaret, ſe à ſomno excitandum curaret. Aliquo poſt hæc tempore elapſo, en Andreas velocius ſe è ſomno excitari, & his verbis ad ægrotum propelli audit: Surge Andrea, ne cuncteris ad ægrotum propera. Cumq; feſtinus ad Saluatorem veniſſet, eidem Saluator: opportunè ( inquit ) veniſti, Andrea: iam enim, vt accederes te vocare decreueram. Perge cito; Guardianumq;, qui me profiſcentem Deo commendet, quamprimùm accerſe. Guardiano verò illius animam Deo commendante, cum ad omnia integris ſenſibus, ac voce reſponderet; eundem poſtremò rogat, vt precationem illam: Obſecro te, Domina S. Maria &c. ſibi diſtinctè legat: quo legente, quaſi qui dulci ſopore corripitur, ad Deum migrat. Anno 1596. Vix autem Erapuli, de ipſius obitu rumor

peruul-

peruulgatur, cùm populus ad eum turmatim confluit; atque ob conceptam de eo sanctimonie opinionem, cùm quisque habitus sibi particulam præscinderet, barbam tonderet, capillos raderet, ungues obruncaret, nudum ferè, ac imberbem relinquunt. Andreas porrò, cùm baculum, quo is senectam fulciebat, à Guardiano obtinisset; Dæmon ob id rabie percitus, illum è gradibus cum baculo descendentem, tanto impetu deorsum pellit; vt cum baculo tibijs transuerso, ad imum vsque gradum, caput ad parietum latera concuteret, casu illo extinctus, vel saltem semiuuius crederetur: Deus verò, vt serui sui post mortem merita declararet; Andream ita suâ virtute seruat, vt cum primùm, ad graduum ima peruenit, stantem se, baculumq; manu gestantem, & demum incolumem conspexerit.

## FR. CONRADI A BALNEIS

### LAICI

#### VITA, ET GESTA.



**E**RATER CONRADVS à BALNEIS, Laicus, cùm in Conuersorum Ordine inter Monachos Procuratoris munus ageret, auditâ Capucinatorum famâ, diuinis stimulis agitatus, cœlesti vocatione obtemperans, locum sibi inter eos quærit, vbi tam cœlestæ vitæ genus instituit, vt angelicam potius, quàm humanam conuersationem redoleret: tanto enim in omnes euangelicas virtutes, quæ Seraphicum hominem præstant, studio ferri cœpit; vt omnes breui tempore assequutus, omnibus admirabilem se redderet. Altissimam paupertatem tantopere coluit, vt, quæ tum victui, tum vestitui, vitæ demùm necessaria sunt, sibi tam parcè, atque ægrè admittenda putaret, vt perpetuum cum ijs odium contraxisset, atque cum Angelis de felicitate certare videretur. Orationem verò tam indiuiduam sibi comitem adhibuit, vt in eâ diu, noctuque versaretur, nisi à somno, quem ad breue tempus contraxerat, interciperetur. Hinc tantum ardentioris cuiusdam in Deum charitatis sibi astum conciliauerat, vt cùm vehementius eidem vniri peroptaret, inexplicabili quodam amoris appetitu quotidie ad Sacram Eucharistiam accederet: porrò, ex hoc diuini amoris incendio, tam ingens illius orationi vis diuinitus indita erat, vt pleraque diuinâ virtute, etiamnum

viuens, miracula patraret; ex quibus pauca enarrare libet. Sigismunda Panucia, mulier nobilis Maceratenfis, ex neruorum contractione, tota in dexterum latus declinans, cum Conradi precibus enixè se commendasset, is post breuem orationem, Octauium Equitem Torquatum, Sigismundæ coniugem, qui præsens aderat, his verbis compellat: Octau, si vxorem incolumem optas, tibiam illius dexteram attrahe. Quod cum Octauius præstitisset; mox neruis diuinâ virtute extensis, poples pristinæ saluti restituitur. Octauia cuiusdam, Curtij Aurarij fabri vxoris, à Dæmone possessæ, cum frontem, os, ac pectus signo Crucis oppetisset, statim habitatorem spiritum à mulieris domicilio expulit. Hoc ipso Crucis signo, artificem quendam Maceratensem, graui genuum morbo laborantem, his verbis incolumem dimittit. Vade & sicut credidisti, fiat tibi. Mariam Censiam, nobilem Maceratensem, hydropisi per annum laborantem, Crucis signo incolumitati restituit. Hoc modo Andronicam Eurispiam Maceratensem iam dudum eodem hydropisis morbo correptam, Crucis signo adhibito, ad hydropisi curat. Bartholomæi Viscardi Maceratenfis vxor, cum diuturnâ ægritudine, ac foetu, quem in vtero gestabat, prægrauata, cibos omnes reijceret, maximo ex Medicorum sententiâ, in vitæ discrimine versabatur, cum Conrado, post sacras Beatissimæ Virg. Litanias decantatas, cibos ægrotanti ministrante, illis degustatis, tantâ facilitate conualuit, vt breui integrâ valetudine potita, masculum suo tempore enixa fuerit. Nobilis quidam Vir Maceratenfis, lapsu quodam repentino sibi crus confregerat, in quo instaurando, cum Chirurgi sua remedia exhibuissens, is Conradum ad se aduocandum curat; qui cum crus ita confractum cerneret, vt pleraque in eo ossa disiuncta conspicerentur ægroto vrgente, Crucis signum confracto cruri impendit, statimq; è domo abscedit: At vix duodecimo ab eâ passu aberat; cum Viri crus vndique confractum, omni ex parte diuinâ virtute instauratur, Virq; hoc ipso tempore incolumis redditur. Immensâ quoque Sanctus hic Vir Dei charitate flagrans, nonnunquam mente excedens, ad cœlestes visus pertingebat: cuius rei illud argumentum fuit. Cum enim Hortensia nobilis fœmina Maceratenfis, sæpè faustum diem Viro Dei deprecaretur: ille in oratione immobilis perstans, quasi qui diem hominis despiceret, necdum vultu ad eam conuerso, hæc respondere solebat: semper faustus in cœlo dies elucet. Accidit verò aliquando, vt ea cum alijs plerisque vrbs nobilibus fœminis, ad Monasterium accedens, Conradum accer-

sendum

sendum curaret: qui cum eo tempore ad cœlestia raptus, diuinâ visione potiretur, Superioris præcepto compulsus, cum primùm ad fores accessit, spiritu ebrius, ac velut mentis impos, in hæc tantum verba exclamare auditur. O quanta in cœlo voluptas! ô quam ingens in cœlo gaudium! cumq; hæc sapius in Prophetæ morem repetens, ac manibus plaudens, splendidam irâ faciem præferret, vt ipsius oculi stellarum instar scintillarent, hoc modo è medio foeminarum erumpit. Hic tandem cùm annum decimum supra centesimum attingeret, Maceratæ senio confectus, diuturnum vitæ, ac virtutum cursum, foeliciori fine absoluit.

Anno 1596.





FRATER PACIFICVS ITALVS FRATVM CAPVCINORVM  
LAICVS.

# FR. PACIFICI ITALI

## LAICI

### VITA, ET GESTA.

**P**RATER PACIFICVS ITALVS, Prouinciæ Cathalauniz Laicus, Vir omnium virtutum genere illustris, cum adhuc inter sæculi tempestates versaretur, Sabbathum diem ob Sacræ Virginis honorem, absque cibo præteribat; hinc ad Religionis portum adductus, tam altâ in humilitate spiritualis ædificij fundamenta iecit; vt cum aliquot inter Ordinis Clericos, in Nouitiatu menses exegisset, eo se gradu indignum existimans, spontè se ad humilem Laicorum vitam, atque ordinem redegerit. Hic porrò ob singularem animi probitatem, ac morum splendorem Barcinonem profectus, Consentinæ Prouinciæ fundamenta summâ virtutum luce perfudit; tam cœlestem enim apud homines vitam agebat, vt perindè, ac si nihil terrenâ labe concretum gereret; ex viginti quatuor horarum particulis, quibus dies naturalis compingitur, duodeviginti in cœlestium rerum contemplationem insumeret; corpus verò, arctâ panis, & aquæ inediâ, in quâ maiorem anni partem transigere consueuerat, extenuaret, & quomodo illud quotidianis flagris attereret, curam ageret. Hoc Euangelici in seipsum odij studio, cum ad quintum in Religione annum progressus esset, Dei consilio factum est, vt graui podagræ morbo (quo ad obitum vsque afflictatus fuit) cruciari cœperit: cuius cum aciori dolore premeretur, haud tamen vnquam, lamentationis sonum protulit, quo illum aut minus patienter, aut molestè se ferre indicaret. Neque tamen, quod rarum est, ob morbi molestias, consueta panis, & aquæ ieiunia, & quotidianæ flagellationis rigorem vnquam, aut prætermittere, aut remittere voluit. Longas in oratione moras tunc potius producebat, quam contrahebat: quapropter cum in eâ ardentissimo semper spiritu versaretur, nonnunquam mente excedere, ac toto corpore in aëra ferri conspiciatur. Orabat aliquando in Ecclesiâ Montis Caluariz, cum repentè exclamare cœpit: Heu, heu, en abit. Erat tunc in Ecclesiâ Michael Quirolus Pharmacopola, qui Pacificum ita exclamantem audiens, quid illi acciderit, interrogat. Cui Pacificus, etiamnum à sensibus alienatus: Beatissimæ Virginis



(inquit) vestem manu tenebam : at illa , me deluso aufugit . Cate-  
 rùm , quàm hic Dei seruus diuinis reuelationibus , atque oratio-  
 nis virtute pæcelleret , exemplo aliquando exploratum fuit ; Hinc  
 namque Quirolius , cum quædam pro nostris ægrotis pharmaca  
 nocturno tempore ad Conuentum transmitteret , accidit , vt puer ,  
 qui ea in canistro deferebat , taurum in viâ ferocem offende-  
 ret , à quo cornibus oppetitus , in aëra effertur . Eo tauri impetu  
 cum puer se grauiter saucium , ac vitreas ampullas , quibus phar-  
 maca continebantur , perfractas existimaret ; humi relapsus , se  
 penitus illæsum , atque integra omnia pharmacorum vasa intuens ,  
 ad Conuentum festinat : cui cumprimùm Pacificus fores ape-  
 ruit , subridens ait . Num te , puer , taurus ille terruit , quem in  
 viâ obuium habuisti ? At nihil tibi extimescendum fuit , quando-  
 quidem Dei virtus nostris omnium precibus exorata , tibi ad præ-  
 sidium erat . Ex quo id planè perspicuum est , tauri illius occur-  
 sum , cuius Dæmon fortè formam assumpserat , Pacifico diuini-  
 tus reuelatum fuisse , vt communi puer oratione iuuaretur . Orans  
 quoque alias , cum defuncti cuiusdam statum agnoscere optaret ,  
 ac ob id ad Deum preces offerret , defuncti illius anima Viro Dei  
 apparens , se eatenus purgatorij poenis detentam fuisse , ac tunc  
 primùm cœlum conscendere aperit . Tanta denique , ac tam ar-  
 dens huius Viri erga Sacrosanctum Eucharistiæ Sacramentum re-  
 ligio erat ; vt quotidie fermè magnâ cum animi præparatione ad  
 illud accederet : & quod omnibus mirandum videbatur ( tametsi  
 podagrâ præpeditus ) omnibus tamen poenè Sacerdotibus sacra  
 Mysteria celebrantibus ministraret . Hic denique cum inculpa-  
 tam , tantisque virtutibus illustrem inter nos vitam duxisset ; vt  
 minora sint , quæ de eo Ordinis monumenta tradidère , quàm  
 quæ is ampliori cœlestis gratiæ dono gesta patrauit , Barcinonæ  
 in Conuentu Montis Caluariæ , virium potius imbecillitate , quàm  
 morbo consumptus , ad superos migrat , Anno 1596 . Toto Barci-  
 nonensi populo , post mortem , propter ipsius sanctimoniam fa-  
 mam , illius funus prosequente . Certum porrò Pacifici gloriæ , post  
 obitum , testimonium tulère ; primùm Clara Grau Barcinonensis  
 mulier octogenaria , quæ cum Viro Dei familiaris esset , in ipsâ  
 B. Viri obitus horâ , dum in lecto noctu quiescit , repentino stre-  
 pitu excitata , Pacificum cum ingenti splendore perfusum , his se  
 verbis compellantem audit : Vale , Clara ; en ad cœlum propero .  
 Archangelus quoque Barcinonensis , ex nostris Sacerdos , eiusdem

Claræ filius, eum post hæc ardentiori febre detineretur, habitus Pacifici particulam sibi adhibens, protinùs à febre curatur. Quarto denique post ipsius obitum anno, ipsius corpus incorruptum, solidum, omniq; membrorum incolumitate constans reperitur.

Hydruntina Prouincia Fr. SEBASTIANVM MATTEOLENSEM, Laicum, multarum virtutum virum celebrat: qui cum incredibili regularis obseruantia studio, paupertate, charitate, & corporis castigatione, ignea nequissimi tela exstingeret; cum eo sæpè, dum corpus flagello cædit, strenuè colluctatur; ac de eo tandem in morte triumphum reuehit, Anno 1596.

Consentinam Prouinciam Fr. NICOLAVS ROSCIANENSIS, Laicus, pretiosa iustorum morte illustrat: qui cum vitam summis in virtutibus, ac præsertim in assiduâ rerum diuinarum contemplatione transegisset, ex quâ diuinum ad futura prænuncianda spiritum hauserat, extremo tandem cum Dæmone agone conflictans, qui ob minuscule quædam, quæ in manicâ gerebat, violatæ illum paupertatis crimine accusabat; ijs abiectis, velut deuictio hoste triumphat, coronandusque ad Deum euolat, Anno 1596.

## Fr. ANTONINI A THORO

### LAICI

#### VITA, ET GESTA.

**R**ATER ANTONINVS à THORO, Laicus, tantam ab ipso orientis ætatis crepusculo à Deo pietatis lucem hausit, vt cum in pascendis patris armentis, operam suam impenderet, ipse inter arbuta genuflexus Beatissimæ Virg. corollam recitaret, atque alijs piè precibus vacans, coætaneos quoque pueros, à vanis ac turpibus reuocans, puero maior, sæpè verbis ad pietatem alliceret. Tantâ hic ab eo tempore, in pauperes miseratione ferri cœpit, vt quotidiani victus, licet tenui portione contentus, alteram partem pauperibus erogaret. Sextumdecimum ætatis annum agens, agrum cum Religione commutat; in eâq; maturius animum ad tam ingentes virtutum profectus extendit, vt abstinentiam, vitæ austeritatem, paupertatem, obedientiam, corporis castimoniam, humilitatem, orationē, & ceteras animi virtutes sibi perfectè àsequendas proponeret.

Quamobrem, tantam breui tempore sibi vitæ, ac morum sanctimoniam comparauit, vt se omnibus planè admirabilem redderet. Horti culturæ addictus, dum corpus ligone fatigat, eo carnis concupiscentias exercet, animum humilitate fouet, obedientiâ armat, fraternâ charitate exornat: corporalem vero exercitationem, dum oratione nutrit, apostolicæ vitæ exemplis ædificat. Euolutis itaque nonnullis à susceptâ Religione annis, cùm ipsius virtus, ac præsertim quædam erga ægrotos charitas, Superioribus perspecta esset, ijs præficitur; quo in munere (cum matris erga filios curam, & amorem nedum æquare, sed superare videretur) eo aliquando in ijs curandis charitatis æstu efferbuit, vt cuiusdam infirmi sæpè vlcera lambens, hoc modo ægrotum diuinâ virtute curauerit. Tam familiare illi erat orationis studium, vt nocturnæ quietis tempore, ad quatuor duntaxat horarum spatia contracto, cæteras noctis horas orando consumeret. Orationem verò rigida quædam abstinentia, & quotidiana ciborum inedia fouebat. Chori frequentationem summâ veneratione prosequebatur. Id cum Sathan ægrè ferret, accidit aliquando, vt geminâ ante Matutinas horâ, quemadmodum illi mos erat, oraturus in Ecclesiam pergeret: quo tempore lucernam in Choro ante legile accensam, Psalteriumq; expansum cernens, gradum in Choro sistit. Verùm, cum neminem in Choro præsentem, Psalterijq; folia, nemine vertente, moueri animaduerneret, vocem ita se alloquentem audit: En Psalmorum librum apertum, & lucernam accensam; en manum folia vertentem: quid moraris, aut cur Matutinas horas non decantas? tum hæc verba subdentem audit: Heus tu, quid hîc acturus accedis? reuertere & dormi. At ille Dæmonis artes vilipendens in oratione perseuerat. Tam effusa illius erga pauperes charitas erat, vt cum elemosynarij munus ageret, nunquam petentibus se negaret. Quæ res quantoperè Deo grata fuerit, illustri miraculo declaratum fuit. Fame enim Histomensem agrum occupante, ab egenis obsessus, quotquot in perâ panes gerebat, ijs liberaliter erogat, rursumq; panis emendicatione institutâ, alteri pauperum turbæ panem largitur, & vacuas tandem manticas ad Conuentum refert. Nihil in domo panis reliquum erat; quare Antoninum Guardianus durius increpat. At Antoninus Guardianum ad arcam panariam prouocans, simul cum eo Guardianus pergit: quam recenti, & calido pane ad summum vsque, Angelico ministerio refertam, offendit. Cum semel in itinere, febri, nariumq; profluuio laborans, viribus ita destitutus esset, vt vltius progredi non valeret: oculis in Cælum erectis,

erectis, à Deo opem postulat; mox è proximâ syluâ equus ephippiatus erumpit, qui citato cursu ad eum properans, cum primum ad eum peruenit, gradum sistit, & perindè ac si se vectorium præberet, immobilis perstat; Antoninus verò diuinæ prouidentiae opus agnoscens, equum conscendit, eoq; ad S. Ioannis Rotundi Conuentum perducitur: qui tandem post hæc suo Domino, à quo aufugerat, redditur. At D. O. M. (qui cum malorum tolerantia probandum, ac patientiâ coronandum decreuerat) varijs illum, septem annorum spatio corporis doloribus, atque incommodis affici voluit: in quibus cum summam animi patientiam ostenderet; id tamen à Deo precibus impetrauerat, vt quo tempore orationi vacabat, eorum molestiâ careret. Inter hæc, vt Viri Sanctitatis omnibus manifesta esset, illam Deus, tum prophetiæ spiritu, tum nonnullis miraculis illustratam voluit. Carolus Bogantius Iurisperitus febre correptus, in phrenesim inciderat, quæ in continuam amentiam degenerans, nullo Medicorum remedio curari poterat. Pro quo Antoninus orans, Deo reuelante discit, Faustinaeq; vxori prænunciat, ea Carolo ad peccatorum purgationem, ipsiusq; patientiæ probationem euenisse. Verùm Carolum post decem annorum tempora aliquando tandem mentis incolumitatem recepturum, paucos verò, ab eo tempore annos superuicturum. Quæ omnia Carolo ad amissim, vt prædicta fuerant, euenire. In eodem Vici oppido Marco Perusio, desperatâ valetudine, extremo iam cum morte agone decertante, cum Antoninus in cubiculi angulum secedens, aliquantisper orationi vacasset, ex eâ tandem surgens, Rosetam matrem verbis consolatur, ægroti incolumitatem pollicetur, Marcum Crucis signo munit, moxq; summâ omnium admiratione incolumis surgit, qui iam ad funera properabat. Plura hic huius S. Viri gesta desiderantur: qui tandem patientiæ, omniumq; virtutum cursu consummato, Histodij, sanctimoniâ clarus, Anno 1597. ad repositam sibi Iustitiæ coronam concedit, turbis ad defuncti corporis venerationem vndique confluentibus.

In S. Angeli Prouincia Fr. ANTONIVS à VICO, Laicus, tantæ fuit Sanctimoniæ, vt haud semel orans, lucis radios è vultu effundere visus fuerit; ac prophetico spiritu clarus, multorum Pontificum obitum prænunciauerit.

Obijt Anno 1597.

\* \* \*

## Fr. LAVRENTII ATINENSIS

## LAICI

## VITA, ET GESTA.



**E**RATER LAVRENTIVS ATINENSIS, Laicus, plurimæ virtutis Vir. Huius ampliora gesta desiderantur: hic cum inter cæteras animi virtutes, quibus abundè cumulatus fuerat, rerum diuinarum contemplatione excelleret; dum in Salensi Conuentu, nocturno tempore in Choro solus aliquando orat, Sacrista, qui non longè aberat, ingentem è Choro splendorem erumpentem cernens, maximè veritus, ne flamma in Choro succensa, incendium peperisset, ex quo splendor ille emicaret, eò statim accurrit, Choriq; foribus patefactis nullam in eo flammam; sed solum Laurentium, diuino splendore coruscantem animaduertit, qui cum quinquaginta circiter annos, magnâ cum vitæ sanctimoniâ in Religione traduxisset, Salæ tandem mortales corporis exuuias deponit; tantâq; post mortem hominum frequentiâ colitur, vt alij habitum præscinderent, alij barbam, alij capillos tonderent. Inter hos verò quidam, dum vltro canabacei cinguli frustum obtruncare studet, sibi digitum fauciat: quo ex vulnere cum sanguis efflueret, vulnus defuncti digito comprimens, mox diuinâ ita virtute sanatur; vt nec vulneris in eo vestigium maneret. Ipsius quoque corolla quartanâ febre laboranti imposita, protinùs illum à febre curat.

Obijt Anno 1598.





FRATER SALVATOR A TISSA FRATRVM  
CAPVCINORVM LAICVS.

# FR. SALVATORIS A TISSA

## LAICI

### VITA, ET GESTA.



**E**RATER SALVATOR à TISSA, Laicus, humili genere natus, à puero pascendis boum armentis operam dedit. Verum cum ad Fratres tertij Ordinis S. Francisci se contulisset, apud ipsos aliquamdiu religiosè conuersatus, ad Capucinorum tandem Religionem migrat; in quâ tam solida, ad perfectum Euangelicæ perfectionis ædificium, virtutum fundamenta ponit, vt omnibus mirabilem se præberet. Quotidiana ieiunia, tedorum cuiuslibet hebdomadæ dierum, panis, & aquæ inediâ augebat; sanguinolentæ corporis castigationes, quæ per flagella fiunt, quotidianæ erant. Infernorum hostium conatus, igneis assiduæ orationis iaculis, quæ in nocturnis præsertim vigilijs parabat, prosternendos curabat. Quapropter mira hinc in eo virtutum omnium harmonia, & coaceruatio elucebat. Hinc quoque non abire factum est, vt cum aliquando in Ecclesiâ ante Matutinas Horas solus oraret, Sacrista, cuius cella haud longè ab Ecclesiâ aberat, suauem quandam vocum harmoniam, & concentum in Ecclesiâ percipiens, eo oppidò perrexit, vbi Salvatore solum ante sacrum Eucharistiæ Altare orantem offendit. Nonquam Saluator litteras didicerat, at assiduo orandi studio, id diuini muneris assequutus fuerat, vt non modò litteras nosset, ac latini idiomatis peritiam teneret, verum & genuinos Scripturarum sensus tam faciliè explicaret, vt in Lege doctissimus videretur, Raptus. & ecstases haud rarò in oratione patiebatur; quo factum est, vt in Conuentu Gibilmannæ; ante Sacrosanctæ Eucharistiæ Altare orans, altius diuinâ virtute elatus, à Fratribus cerneretur. Tam verò piâ Deiparam Cœlorum Reginam veneratione prosequabatur; vt certa, & communis eâ tempestate apud Fratres fama esset, eum sæpè familiari illius colloquio frui. Catanis, Salvatore ægrotante, Fr. Andreas à Castro senex Laicus, (cum neminem cum Viro Dei in cellâ adesse sciret) plerisque cum eo colloquentes audiens, rem ab eo percunctatur, qui tandem illi secreto exposuit, Angelos è Cœlo ad eum accedentes (cum Beatiss. V. officium, quod singulis diebus recitabat, solus persolvere non posset) suam

illi in



illi in eo exsoluendo operam præstitisse. Defunctorum animæ purgatorias pœnas luentes ei apparent. Post hæc cum à Generali in S. Angeli Prouinciam missus, nauigio æquora fulcaret; Dæmonum multitudinem in ære conspicit; qui diuitis cuiusdam animam, harpasti instar, volutantes, ad Vulcani fauces deferebant; his vocibus, velut Pœana canentes: Hæc est N. anima, quæ ex N. vrbe excessit. Cumq; is per eam urbem iter faceret, opulentum quendam diuitem, eo planè tempore, è viuis migrasse audit. Prophetiæ dono diuinitus illustratus. Cum nobiles quosdam Tissanos à Turcicâ trireme in Africam ductos, parentes Saluatoris precibus commendassent, orat Vir Dei, tum eos in meliorem spem assurgere iubet, neq; enim decimam quintam diem elapsuram, quin ex his alij ad eos sospites sint redituri alserit; ceteros verò ante anni finem redituros prænunciat. Neque res dictum fefellit. Post hæc Tissæ puerum quendam attentius conspiciens, in Capucinatorum numerum adscribendum, ac suo Saluatoris nomine donandum prædicit. Cephalodienfis Episcopi piscator præsentem Viro Dei, apud illum conquerebatur, quod elapso ferè iam piscationis tempore, nullus in piscatorium rete thynnus incidisset; ex quo magnum rei familiaris detrimentum pateretur. Episcopus verò qui Saluatoris sanctitatem non ignorabat, rem illius precibus commendat. At Saluator, cum primum se ob humilitatem excusasset, tum ad piscatorem conuersus: Bono (inquit) animo esto, paupercule; hac enim nocte, rete suum thynnis plusquam quadringentis replebitur: nec frustra, eadem enim nocte quingentos ceraeos thynnos intra rete comprehensos cernit. Simonis cuiusdam Mensis nepoti, qui effræni quâdam viuendi licentiâ in vitia ferebatur, suspendio breui encandum prædicit, aliâq; quamplurima cœlitus accepta, prænunciat. Huic porrò Prophetiæ dono, alterum quoque, quo occulta, atq; ipsas animi cogitationes diuinitus penetrare nouerat, coniunctum erat. Tissâ Saluator cum Fr. Ioanne Baptista Alenfi, aliquando discessurus Pharmacopolæ cuiusdam, qui Franciscus appellabatur, tabernam aromatariam ingressus, cum eo aliquantisper agit: atq; indè digressus, dum mutuam, post meridiem, in fornace calcariâ construendâ sibi operam exhibent; repentè Saluator: Arrige, Ioannes Baptista, aures, (inquit) & num pro defuncto campanæ pulsentur, attende. Cui Ioannes Baptista: Quid nunc (ait) tam intempestiuè defunctos commemorans? Nullum auditur pro defuncto signum. Protinus verò Saluator exclamans ait: ô altissime Deus, quàm terribilis es in consilijs tuis super filios ho-

minum. Quæso, Ioannes Baptista, ne importune clamantem mirè-  
re: Franciscus, Aromatarius noster, repentinâ nobis morte sublatu-  
s est: Iam iam campanarum sonitum ex vrbe percipies. Quæ omnia  
postmodum Ioannes Baptista vera fuisse comperit. Quanta denique  
ad miracula passim patranda, diuinitus virtute præstaret; quamplu-  
rima, quæ à Missanensis, & Romanæ Prouinciæ M. S. referuntur,  
probatissima exempla declarant. Cum Nasi Conuentus construere-  
tur, contigit aliquando, vt calce deficiente, ædificatores abscedere  
cogitarent. Quibus Saluator; ad opus (inquit) reuertimini, haud  
vobis calx necessaria deerit, cumq; longioris manubrij ligone ar-  
repto, operarijs arenam, & aquam ministrantibus, is calcem dilue-  
ret; calx tam sub illius manu diuinâ virtute multiplicata fuit, vt fa-  
brorum cœmentariorum iudicio, octoginta equorum onera ex-  
cesserit, quibus ædificatio peracta fuit. Post hæc, dum suam in Hie-  
racensi Conuentu ædificando operam confert, tignum quoddam,  
quod ad domus tecta suffulcienda paratum fuerat, cum multo bre-  
uius, quàm parietum distantia ferret, repertum fuisset, ædificationis  
tempus impediabat; Quare Saluator, ædicatoribus præsentibus;  
Deo paulisper exorato, tignum utrâque manu apprehendit, atque ad  
eam longitudinis mensuram, quæ structuræ sufficeret, extendit.  
Tissæ quoque dum quædam Conuentus loca instaurantur, ingens  
quidam lapis erat, quem cum matutino tempore, octo robustarum  
virium Fratres, loco dimouere non potuissent, is illum simul atque  
signo Crucis benedixit, leuiter in humeros tollit, aptoq; in operis  
loco ædificandum collocat. Anna Hortulana Tissensis grauissimâ  
febre laborans, sese impensius Saluatoris precibus commendauerat,  
quæ cum post hæc, nocte quâdam, leui quodam sopore detineretur;  
Saluatorem limpidissimæ aquæ amphoram manu gestantem,  
ad se accedentem in visu cernit, qui his illam verbis affatur: Ne me-  
tuas, filia: morbus recedet; Deusq; te incolumem præstabit: verum-  
tamen aquam huius amphoræ ebibe. Quâ illa haustâ, cum ex sopore  
euigilasset, mox se à febre liberam, ac prorsus incolumem sensit.  
Huius quoque Annæ filium grauissimo morbo ægrotantem ora-  
tione sanat. Hoc modo, cum alteri graui morbo ægrotanti, frigide  
aquæ vas, Crucis signo benedictum propinasset, ab eo mox febrem  
fugat. Quartam quoque Elisabetham Tertiariam, iam diu tertianâ  
febre laborantem, eodẽ modo curat. Post hæc Ludouicum, Io-  
sephi Castaniæ filium, ardentissimâ febre cruciatum; signo Crucis  
incolumem reddit. His accedat mulier Messanensis, Petri Sutoris

propinqua, quæ à Dæmone possessa, Salvatore orante liberatur. His & pleraque alia miracula addi possunt, quæ indicanda potius, quam explicanda duxi. Tissæ duodecim operarij duobus ab eo tantum panibus signo Crucis multiplicatis, satiantur. Binos præterea boues metu concitados, qui in quoddam præcipitium ferebantur; vocis tantum imperio, in ipso præcipitij ore sistit, & à præcipitio reuocat. Annæ Hortulanæ agrum sterilem, Crucis signo fertilem præstat. Ardentes prunas sæpè illæsis manibus pertractat, ac nudis pedibus calcat. Altobellæ hortum, à bobus vndique deuastatum, solo manus contactu, pristina viriditati restituit. His & alijs præclaris virtutum gestis, cum Saluator magnam sibi apud omnes sanctimonix famam comparasset; Messanæ tandem mortalis corporis sarcina deposita, ad immortales migrat, Anno 1598. totq; post mortem signis coruscat, vt certa suæ apud Deum gloriæ hominibus testimonia reliquerit. Quorum aliqua commemorare libet. Nati, puero quodam grauius ægrotante, cum canabacei Saluatoris cinguli frustulum pueri collo appensum fuisset, protinus conualescit. Post hæc cum à Messanenſi vrbe Viri Dei caput, Castroboni Principe id obnixè efflagitante, Tissam asportaretur, mari iam horribili tempestate concitato, vt omnibus naufragium immineret, prolato Viri capite, tempestas sedatur. Hoc in itinere Ioannes Riccius, qui per sesqui annum quartanâ febris afflictatus fuerat, ipsius capitis contactu, statim à febre curatur. Mulier Tissenſis, quæ diu graui oculorum morbo ægrotauerat, cum aquæ paululum gustasset, quâ Viri Dei caput, à Fratribus ablutum fuerat; protinus sanatur. Puer à Castrobono, mortifero à rabioso cane morſu fauciatus, grauius torquebatur, cum aquâ, in quâ habitus Viri Dei frustulum intinctum fuerat, epotâ, confestim à plagâ curatur. Iosephus Castanea graui in faucibus apostemate laborans, Viri caput manu gestans, eiusq; opem implorans, perrupto apostemate, incolumitatem assequitur. Fr. Isidorus Messanenſis, ex nostris Concionator, tertianâ febre vexatus, dum Viri Dei dentem secum defert, à febre conualeſcit. Alter quoque, qui biennio quartanæ febris molestias tulerat, cum aquam, in quâ Viri Dei dens immerſus fuerat, haussset; mox fugatâ febre, incolumis euadit. Adam Cuniectus Messanenſis piscator, cum vacua piscibus retia multo tempore retulisset; Viri Dei habitus segmine retijs alligato, copiosam mox piscium multitudinem retibus concludit. Denique multorum testimonio probatum est, huius Viri Dei tum habitus præsegminibus, tum quâdam

capitis cute, ægrotis adhibitâ, plerosque à quartanâ, tertianâ & quotidianâ febre liberatos fuisse.

## Fr. ANDREÆ A CATANIA

### LAICI

#### VITA, ET GESTA.

**E**RATER ANDREAS à CATANIA, Laicus, huius vita perpetuus quidam austeritatis cursus fuit, è virtute proficiscens, & ad virtutum profectum tendens: dum enim asperrimo cilicio, & quotidiano ieiunio, maiori quoque inediâ intercepto, ita carnem macerat; vt à quintâ cuiuslibet hebdomadæ feriâ vsque ad Dominicum diem, semel tantum cibum sumeret; in eâ verò ternos quoque dies pane & aquâ saginatus transigeret; eò planè spectabat, vt carnis cupiditatibus, quæ cum spiritu bellum gerunt, subactis, vitijsq; debellatis, faciliorem sibi ad virtutes, tum ad orationis studium, cui omni diligentia incumberebat, viam pararet. Quapropter cum Sathan, quo cum cominùs interdum pugnare videbatur; libidinis aliquando in eo faces succendisset, brumali tempore, in altam gelidæ aquæ foueam, sese immergit, hocq; pacto ardentes libidinis flammæ extinguit. Hinc cum ad orationem accederet, tantâ in Deum spiritus vehementiâ ferebatur; vt nunquam mente excedens, toto corpore in aëra attolleretur. Hoc virtutum cursu, cum ad vitæ metam peruenisset, Messianæ magnâ sanctimonix famâ apud omnes relictâ, sua neci iura cedit.

Anno 1598.



# Fr. HVMILIS A TYRACENO L A I C I

## V I T A , E T G E S T A .

**P**ATER HVMILIS à TYRACENO, Laicus, cum fabri lignarij perpetuò in eà munus exerceret; tantà id charitate præstitit, vt maximas indè virtutes assequutus fuerit. Eo enim aliquando, è Romanà vrbe Messanam adnauigante, cùm in triremi, ferox quidam Leo, ferreis catenis vinctus detineretur, nemoq; esset, qui ob bellæ ferocitatem, ad eum appellere auderet: Humilis ad eum propius accedens, protinùs cum eo amicitias iungit, lenit, mulcet, eumq; haud secus, quàm catulum pertractat, ac Leo vicissim cum eo colludit, vnde Viri innocentia omnibus manifesta fuit. Præterea Castroboni Sacerdotem, qui viginti annorum spatio podagrâ laborauerat, suâ oratione per sanat. Porro in eodem Castroboni Conuentu, aliquando accidit, vt vix binas vini trullas ad Fratrum coenam in lagenis Humilis offenderet, quæ cùm duodenorum Fratrum familiæ sat esse non possent, diuinâ virtute exorata, vinum in sex trullas dispertitum mensis apponit. Quid non humilis, ac feruens oratio à Deo impetrat? Bibunt duodecim Fratres ex trullâ cuique appositâ, sitim extinguunt, nec tamen in trullis vinum minuitur. Cùm in Tyraceni Conuentu Frater Erasmus Catanienfis, qui in eo Guardiani, & Lectoris officioungebatur, æstiuo tempore, Familiæ gratularetur, quod ex eâ, nullus eorūque inter caniculæ ardores, ægrotaret; eidem Humilis: Ne ante victoriam, Pater (ait) epinicium canas: hoc namque anno ex tuis discipulis tres fatis cedent; quibus ego quartus adiungar. Rifu tunc illius dictum à Guardiano his verbis excipitur. Num & Humilis inter Prophetas? cui ille: cùm res, vt prædicta est, euenerit, tum num hæc somnia, an vaticinia sint, liquidò patebit. Post hæc, æstu ingrauescente, cùm ex ijs quindecim in morbum incidissent: ex his vnus morte corripitur, cæteris verò conualescentibus, cùm Guardianus Humili illudens eum semiprophetam appellaret, eidem Humilis: neq; Prophetam, neq; semiprophetam me ipsum vendico: verum Pater, paulisper expecta, necdum enim anni tempus elapsum. Interea, cùm ex conualescentibus duo iterum ex morbo decubuis-

sent; vterque tandem è viuis eripitur. Veruntamen, cùm Humilis seijs quartum addidisset, neque vlla in eo ægritudinis signa deprehenderentur; iterum Guardianus eidem colludens: Quid, inquit, ô Humilis, de quarto illo morituro fiet? nùm mortem ille alieno decreto euasit? te enim incolumem habemus. At Humilis: nec mortem (ait) quartus ille alieno decreto euasit: nec me diu sospitem habebitis: dies enim Beatissimæ Virg. Annunciationi facer, quid de me diuino consilio statutum sit, iudicabit. Post hæc Guardiano abeunte, vt Dei verbum quadagesimali tempore disseminaret; cùm Humilis cum eo viæ aliquantulum processisset; ab eo tandem genuflexus his verbis non absque lachrymis prolatis benedictionem poscit: Benedic me, Pater: postrema hæc enim tua mihi benedictio erit. Haud vltra Humilem tuum, tuis genibus prouolutum conspicias. Tua mihi in die Annunciationis Virginis Deiparæ ad Altare Dei suffragia serua. Octauo igitur ante solemnem Annunciationis Beatissimæ Virg. diem, cùm ægrotare coepisset; cœlesti totius voluptate perfusus, his Beatissimam Virg. verbis affatur: Iam ô Virginum Beatissima, octaua imminet dies, in quâ sacra in toto orbe tuæ Annunciationis solemnitas celebratur, peto ô Virgo Virginum, ne tuis mihi promissis desis, quibus me tecum futurum esse spondesti. Cum primùm itaque animum sacrâ confessione expiatum, diuinâ Eucharistiâ pavit, totum se ad diuinorum meditationem contulit. Interea, morbo ingrauescente, cùm expectata sacræ Annunciationis dies aduenisset, hilari vultu, ac serenâ semper facie, Deo, & Beatissimæ Virg. laudes decantans, ex humanis migrât, Anno 1598.

Fr. PHILIPPVS à FVNIANO, Laicus, in Bononiensi Prouinciâ patientiâ & mansuetudine ita præcelluit, vt inter iniurias, & contumelias, quibus sæpè, inter ipsa Bononiensis Conuentus initia, affectus fuit, imperturbato animo esset, multisq; alijs virtutibus clarus Bononiæ obiit; cuius membra ante obitum rigida, post mortem, instar pueri, mollia pertractantur, suauemq; vbiq; odorem diffundunt. Obiit Anno 1598.

Fr. FRANCISCVM APRILIANENSEM Laicum, Consentina Prouincia, plurimarum virtutum laude commendat; qui cum austerissimam, etiamnum à sæculo vitam inchoasset; eandem in Religione prosequitur, vitæque suæ exitum, diuinitus, præagnitum, pari cum virtute claudit.

Anno 1598.

## FR. MORICI A VISSO

LAICI

VITA, ET GESTA.



RATER MORICVS à Visso, Laicus, huius tam insignis obedientia fuit, vt cum in Nursiæ Conuentu ei à Guardiano iniunctum esset, vt duas è syluâ sibi turtures adferret; is præter omnium spem, & expectationem, in simplicis obedientiæ testimonium, statim turtures, diuinâ potiùs virtute, quàm humanâ diligentia repertas, ad Guardianum defert. Hic cum Archangelum quendam Ferretum Nursinum, grauem cum altero simultatem gerentem, vt odia deponeret, pacemq; cum hoste iniret, sæpè monuisset, futuram necem, quæ breui illi inferenda esset, eidem prænuñciat: quâ ille paulò post telis confossus occumbit. Huius viri oratione Diana Ficcarda Amatriciensis, quæ repentino morbo correpta, triduo absque sensu. ac motu velut exanimis iacebat; S. Catharinæ, quam singulari veneratione prosequabatur, icone illi ad deosculandum oblato, à morbo confestim curatur, ac vitæ restituitur. Plurima denique cùm virtutum exempla, posteris imitanda reliquisset; Nursiæ, antequàm è viuis excederet, Angelicâ quâdam harmoniâ ( quæ in ipsius cella audita fuit ) ad mortis somnum prouocatus, sanctimonix famâ post se relicta, in pace quiescit, Anno 1599. Post ipsius obitum, cum mulier quædam Nursina, quæ graui capitis cephalalgia cruciabatur, ipsius suffragia inuocasset; à morbo liberatur.

## FR. IVNIPERI A GVSSACO

LAICI

VITA, ET GESTA.



RATER IUNIPERVS à GVSSACO, Laicus. Vir virtute præclarus: tanta erat ipsius erga Sacrosanctum Missæ sacrificium religio; tantaq; dum Sacerdoti celebranti ministrat, cœlesti voluptate perfundebatur, vt nonnunquam sensibus excedere visus fuerit. Incredibili verò cum Beatissimam Virginem veneratione prosequeretur, ab eâ tandem sui obitus diem, qui in



ipſius Natiuitatis ſolemnitatem incidit, certum accipit : à quâ etiam ante mortem verbis recreatus , ac roſarum floribus donatus , piè in Domino obdormit. Anno 1599.

## Fr. ONVFRII A SORBANO

L A I C I

*VITA, ET GESTA.*



**F**RATER ONVFRIUS à SORBANO, Laicus, Vir illuſtris; hic tanto animi candore, ac ſimplicitate prædiluſ fuit; vt ad puerilem propè innocentiam accederet: virginitatis lilium, quod ad trigefimum vſque annum in ſæculo illibatum ſeruauerat, in Religione, inter perpetuæ auſteritatis ſpinas, multis virtutibus auctum, ita ad mortem vſque illæſum cuſtodiuit; vt quid carnis labes præ ſe ferret, planè ignoraret: hinc à mulierum præſentiâ ita declinabat, vt eas propemodum exhorre videretur. Hac mentis ſimplicitate fretus, tot in omni virtutum genere progreſſus dedit; vt abſtinentiâ, paupertate, obedientiâ, patientiâ, humilitate, atque orationis ſtudio, planè omnibus admirabilis eſſet. Nemo iratum, imò nec animo turbatum vnquam vidit: tametſi plurima, quæ moleſta videri poterant, ad illius patientiam probandam fierent. Humilitatem verò tam profundè ſibi in animo inſculperat, vt, tametſi ad octogefimum vſque annum, vitam ſummis in virtutibus, ac Dei donis traduxiſſet; nullum tamen lachrymis modum ſtatuere: eò quod ſe nihil vnquam boni egiſſe, ſibi certò perſuaderet. Quamobrem Sathan, eum vbique tam dirè perſequebatur, vt ſi in Ecclèſiâ oraret, ingentes mox ſtrepitus ederet: ſi in ſyluam ad orandum ſecederet, horribili eadem formâ appareret: ſi ad cellam pergeret, graues illi minas intentaret. Deo tandem ita diſponente factum eſt, vt à Dæmone afflictuſ, illius tandem victor exiſteret. Tam intimo Virginem Deiparam animi affectu proſequebatur, vt quoties de illâ, eo præſente, ſermo fieret, toties in lachrymas ſeſe effunderet. Eâdem quoque pietate in Dominicam Paſſionem ferebatur, in cuius meditatione pleraſque noctis horas inſumere conſueuerat. Hinc non paucas à Deo viſiones, ac reuelationes accepiſſe certum eſt: dum enim aliquando orat, Fratris cuiuſdam animam in cœlum ab Angelis deferri in viſu conſpicit; ſæpè etiam S. Antonij Olyſſippo-

nenfis aspectu, & colloquio potitum fuisse; cuius etiam meritis, plurimas alijs gratias obtinebat, ante mortem declarauit. Multis prætereà miraculis clarum nostra M.S. ferunt. Franciscum enim Maceratensem peditum Ducem, podagræ morbo cruciatum, sapius Crucis signo à dolore liberat. Franciscum quoq; Ritundū à Monte Filatrano, qui diu podagrâ afflicto fuit, eodem signo, detumentibus pedibus, à podagrâ curat. Hoc modo cum illius sanctimonie famâ in Maceratensi vrbe percrebescere, plurimi varijs morbis afflicti, ab eo signum Crucis exposcerent, illius virtute incolumitatem assequerantur. Iam Onufrius ad extremum ætatis senium, octogenario maior peruenerat: quo tempore, Deo ad maiorem ipsius gloriam permittente, is senio confectus, ieiunijs exesus, vitæ austeritatibus attritus, ad castitatis prælia, quæ antea ignorauerat, prouocatur: pallebant ora ieiunijs, cuteq; vix ossibus adhærente, nutantes præ corporis imbecillitate gressus, celerem vitæ occasum testabantur; attamen in frigido corpore, & carne præmortuâ, sola libidinum incendia, qualia nunquam antea expertus fuerat, ebulliebant: tot demum in castissimo viro Satan, ac tam ardentes luxuriæ faces accenderat, quas iamdiu virginitas extinxerat; vt Vir Dei omni alia ope destitutus, solum sibi in lachrymarum imbre, quo tartaream flammam extinguere conabatur, solatium vendicaret. Hac per aliquot temporis spatium, à Deo tentatione probatus, tandem Maceratæ summâ animi tranquillitate, ac pietate, foeliciori mortis somno consopitur, Anno 1599.

In Consentinâ Prouinciâ, Fr. MICHAEL à Moromanno, Laicus, prophetico spiritu clarus, pleraque futura prædixit: vinum acescens suâ oratione in generosum conuertit; atque in regularis suæ obseruantie testimonium, tres elegantissimæ formæ virgines, quæ regularem trium votorum obseruantiam significarent, cellam suam in morte circumeuntes conspexit, Obijt Anno 1599.

In eadem Prouinciâ Fr. ANSELMVS à Serrâ, Laicus, virtute eximius, B. Virginis in morte præsentia fruitur, & post tres sepulturæ annos incorruptus, & molli carne præditus pertractatur. Obijt Anno 1599.

In Cathalonie Prouinciâ Fr. ANTONIVS à Baërrâ, Laicus, Vir oratione potens; bouem ingenti trabe attritum, & agricolæ filium febricitantem, suâ oratione incolumes reddit: cuius corpus post quartum sepulturæ annum incorruptum cernitur.

Obijt Anno 1599.

## FR. LVCÆ CALABRI

## LAICI

## VITA, ET GESTA.



RATER LVCAS CALABER, Compostellanam professionem, pietatis causâ, aggressus, ex eâ rediens ad Capucinos migrat: vbi maximos in omni virtutum genere progressus facit: tantâ vitæ austeritate, atque abstinentiæ floruit; vt illum quotidiana panis & aquæ inedia pasceret; flagella saginarent; duræ super nudas tabulas cubationes recrearent; extremarum paupertas reficeret; nocturnæ multarum horarum vigiliæ exhilararent. Hunc demum orationis studium, tantâ in Deum charitate extulerat, vt sapissimè in ecstases, ac mentis alienationes raperetur: & nonnunquam toto corpore in aëra eleuaretur. Hiscum virtutibus, ac donis cœlestibus ornatus, vitæ cursum omni cum sanctimonie laude confecisset; Barcinonæ, iustorum à Deo præmium assequitur, Anno 1600.

## FR. BONAVENTURÆ HISPANI

## LAICI

## VITA, ET GESTA.



RATER BONAVENTURA HISPANVS, Laicus, Vir pulcher aspectu, & animo pulchrior, tantâ morum honestate, ac mentis candore; tantâ vitæ innocentia, atque animi simplicitate; tanto denique virtutum omnium decore præditus fuit; vt vel solo aspectu omnium animos ad virtutem alliceret. Vnde fiebat; vt quotquot vel molestiâ, vel mœrore premebantur, vel occulta animo vulnera gerebant; ea facilè in ipsius sinum deponerent, ab eoq; remedia caperent. Tam profundâ mentis humilitate præcelluit, vt cum neminem se viliorẽ esse putaret, omnibus ministrare, ac subesse, beneficij sibi loco adscriberet. Denique tam diligens, ac perfectus regularis obseruantie custos fuit, vt nullum obedientie virtute, nullum perfectâ rerum omnium paupertate, nullum demum pudicitia sibi superiorem haberet. Hinc in ipsius puritatis

testimo-

testimonium cœli aues nonnunquam inter illius manus euolare, ac secum familiariter versari visæ fuerunt. Prophetico quoque spiritu donatus, Albisæ Marchionissæ, filiæ obitum prædicit, quæ cum indignabunda audiret: ad eam Bonauentura: cur ô Marchionissa, propterea, quæ non meo, sed Dei consilio, certò euentura sunt, tam grauiter stomacharis? si intempestiua tibi Dei consilia erga Aloysiam, quæ certo certius tibi letho eripietur, fortè videntur; nimis profectò tibi tempestiua videri debent, quæ teipsam attingunt. Dei consilium paucis accipe: Te Deus, non Aloysiâ tantummodo; sed & alijs liberis, quos maxime diligis, orbandam statuit: neque hic tua calamitas sistet: nam & cum liberis ipsâ quoque Marchionatus ditione expoliaberis; vt diuinâ correptione erudita, animum ad meliores cœli diuitias, & honores tibi comparandos transferas. Quæ omnia illi ad amussim euenire. Gratia quoque curationum insignis: in Panormitanâ vrbe Vrsula Rolita, nobilis mulier, tam complicatis febribus, cui continua accedebat, symptomatibus laborabat, vt de ipsius vitâ medici quàm minimùm sperarent. Quo tempore Bonauentura ad eam accedens, cum positis genibus aliquantisper orasset; surgens, ægram signo Crucis benedicit; eoque; mox incolumem reddit. Hic tandem fidelis Dei seruus, cum in omni iustitiâ & sanctitate mortalem vitæ cursum confecisset; Panormi totius vrbis luctu, æternâ gloriâ coronandus, ad immortales migrat. Neque ipsius post mortem gloriæ testimonium defuit. Monialis enim quædam Tertiaria, spiritu, ac virtute illustris, post Bonauenturæ obitum, cum eum in visu, splendido curru in cœlum subuehi conspiceret; ab eo, quid currus ille præseferat, studiosè quærit. Cui Bonauentura: hic (inquit) quatuor rotarum currus, meæ tibi gloriæ triumphum indicat: prima namque huius currus rota, prompta mea ad omnem superiorum nutum, ac voluntatem, quam semper exhibui, obedientia significatur: secunda, arcta, & perfectâ rerum omnium paupertas, quam viuens ex animo dilexi, atque inuiolatam seruauî, tibi ostenditur: tertia, immaculatam mentis, & corporis castitatem, cui quoad vixi, omni studio incubui, tibi indicatam scias: quarta tandem, ac postrema currus rota, profundam mentis humilitatem, quâ omnibus me Dei donis, ac vitâ ipsâ indignum existimaui, quâque infimum quemque mihi prætuli, prorsus declarat. Hæc me triumphantem, in cœlum euehunt. Post huius sancti Viri obitum, ex Patribus Societatis IESV nonnulli ad Conuentum accedentes, his Guardianum verbis affantur: Pater, quid de Fratre Bonauentura

defuncto iudicas? Quibus Guardianus: Bene, (inquit) nam perfectus Regulæ observator fuit. At illi: ô Pater, ô Pater, non Frater Bonaventura, sed sanctus Bonaventura, si ita nobis eloqui fas est, vobis obijt: & (si liceret) planè admiranda de eo à nobis narrari possent; quæ alto silentio sepulta manere opus est. Horum Religiosissimorum Patrum dicta eo luculentiùs hîc inferere volui, quod eorum testimonium probatissimum, omniq; exceptione maius esse existimaverim. Obijt Vir Sanctus Anno 1600.

## Fr. MACHARII A CASTROBONO

### LAICI

### VITA, ET GESTA.



**P**ATER MACHARIUS à CASTROBONO, Laicus, Vir omni virtute insignis, culinæ ministerio incumbens, cum cæteris summâ charitate, ac sollicitudine obsonia, & cibaria ministraret, ab his abstinens, toto ferè anni spatio, pane, & aquâ contentus, victitabat. Humilitatis atque obedientiæ virtutes tam altè sibi animo infixerat: ut promptiorem is se ad parendum, quàm Superiores ad imperandum exhiberet. Tantiq; Superioris vocem, ac præceptum aestimare visus, ut & ipsa inanimata, quæ sensibus carent, Superioris præcepto compelli posse existimaret. Etenim, cum is aliquando ardentissima febri laboraret, adstantem Guardianum his verbis compellat: Cur Pater, huic febri, quæ tibi subditum torquet, ut hinc longè facescat, non imperas? Ea tibi proculdubio parebit. Cui Guardianus: num hæc tibi fides certa animo inest? Ne quidem dubia, ait ille, sed certissima. Iam ergo (inquit Guardianus) huic tuæ febri, ut longius abscedat, in Dei virtute impero: mirabile dictu! vix Guardianus extrema præcepti verba protulerat, cum febris mox illius dicto obediens, recedit; Macariusq; incolumis è strato surgit. Orationem tanto studio coluit; ut quam, ob quotidianum culinæ ministerium, interdum nonnisi difficilè exercere poterat; diutiùs nocte prosequeretur: ex quâ tantam diuini spiritus abundantiam vendicauit; ut futura, velut præsentia, contempleretur. Nam cum Fratre Francisco à sancto Mauro aliquando iter faciens, omnem ei futuræ vitæ cursum ad amussim explicat. Post hæc verò,

cum

cum è Castrobono cum Fr. Iunipero discedit, vtriusque obitum obitusq; locum ipsi prædicit; Macarius igitur Gibilmannæ, magnæ virtutum odore, ac sanctimonix famâ post se relictâ, letho sua iur cedit, Anno 1600.

Fr. BARTHOLOMÆVS Mutinensis, Laicus, Bononiensis Prouinciæ, multis virtutibus clarus celebratur, qui obitus æ sepulturæ suæ die fratribus præsignificato, è mortali carcere migrat; & quinto post sepulturam anno incorruptus conspicitur. Obijt Anno 1600.

Fr. LVDOVICVS à Lacu nigro, Laicus, Lucanæ Prouinciæ qui ad extremam vsque senectutem, vitam virtutum omnium floribus exornatam inter nostros duxerat, cum in Conuentu S. Menne mortis somno consopitus esset, in Ecclesiam delatus, occlusis foribus vsque ad Matutinum tempus tumultus seruatur. Mensis tunc Ianuarius agebatur; quo tempore, regione omni niue opertâ, vniuersæ plantæ gelu rigeabant, cum manè patefactis Ecclesiæ foribus dum Fratres iusta illi funebria persolvere parant; rosæ rubicundæ flos, qualis in verè expansis folijs spectari solet, suauissimum odorem afflans inter illius manus diuino miraculo conspicitur; ex quo quàm rosea, & grato cœlestium virtutum odore respersa ipsius vita fuerit, haud difficile perspicitur. Obijt Anno 1600.

Fr. DIONYSIVS à Tabernâ, Laicus, Consentinæ Prouinciæ tanti apud Deum meriti fuit, vt ab Angelo vltra flumen deuectus fuerit: prophetico spiritu nonnulla prædixerit: tum post obitum Tertiariæ cuidam oranti, cœlesti gloriâ donatus apparuerit. Obijt Anno 1601.

## Fr. ANGELI FAVENTINI

### LAICI

#### VITA, ET GESTA.



BATER ANGELVS FAVENTINVS, Laicus, ex Cardinalis cuiusdam, cui famulabatur, seruitute, ad meliorem Dei seruitutem vocatus, Romæ inter Capucinos coaptatur. Hic cum priori Domino fidelem famulatum præstitisset; fidelissimum quoque se Deo seruum in Religione præbuit. Obedientiam, tam perfectam Deo, & hominibus exhibebat; vt non alium se, quan

Dei iumentum esse sibi perspaderet, itaque ab ipsius voluntatis nutu pendeat, ut ab eâ, ne latum quidem unguem recedere optaret. Obedientiæ verò, quæ Superioribus debetur, tam diligens, ac perfectus cultor fuit, ut nullos unquam sibi in parendo limites constituerit, & nunquam Superioris verbum, cum voluntatem nosset, expectârit. Igitur ex hac perfectâ mentis obedientiâ, perfecta quoque illius vitæ innocentia haud obscurè colligi potest, cuius admirandum se omnibus exemplar præbebat. Nullum virtutis genus erat, cuius is in se imaginem non redderet. Si paupertatem; pauperrimus erat: si humilitatem, nemo illo, tum in seipso abiiciendo, tum alijs ministrando humilior: si patientiam; tot Dæmonum infestationibus probata ipsius patientia fuit; ut indè & hostium trophæis, & Dei donis illustrior euaserit: si pudicitiam; tantæ honestatis Vir fuit, ut nobilem foeminam, quæ incontinentiæ illum aliquando sollicitauit, à se procul expulerit: si abstinentiam; vitam is velut perpetuum non vulgaris abstinentiæ cursum in Religione institutum, ad mortem usque prosequutus est: si charitatem; tantâ is erga omnes, ac præsertim ægros, charitate præditus fuit; ut veræ in eos matris munus exerceret. Denique si orationis studium exquiras, tam assiduus in eo fuit, ut integras sæpè noctes, in oratione insomnes transigeret. Diuturnâ tandem ægritudine tentatus, cum aliquâ necessitate premeretur, auxiliaris Fratris, qui illi assignatus fuerat, præsentia aliquando & ope destitutus; sine quâ is sibi opitulari non poterat; dum intempestâ nocte sub eâ necessitate gemeret, en Angelus Angelo sub iuuenis formâ extemplò adstat, qui absentis socij officio functus inde statim abscedit. Huic quoque pro Organtino quodam Ioannis Baptistæ Asculani germano fratre, oranti, idem Ioannes Baptista, qui iam pridem obierat, gloriosus apparens, quæ Fratris conuersionem impedirent aperit: quæ cum Angelus Organtino retulisset; is vitâ in melius commutatâ, perfectam vitæ formam, apud Capucinos prosequitur. Quædam ab hoc S. Viro miracula, tum in vitâ, tum post mortem patrata leguntur. In his Bartholomæus Manellus adolescens, cum repentino aurium dolore correptus vehementius cruciaretur; Crucis signo illi ab Angelo impertito, protinùs abscessus qui in aure computruerat, abrupitur; magnâq; saniei copiâ ex eo profluente sanatur. Hieronyma Celsa à cephalalgia, quâ grauer cruciabatur, Angelo pro eâ orante, liberatur. Margareta denique Amicia, cum graui ægritudine premeretur, ipsius apud Deum preces efflagitans, statim incolumitatem assequitur. Hic

denique



denique cū sui obitus diem præsignificasset, Maceratae sanctimonie famā clarus, mortalem cum immortalī vitam commutat Anno 1602. Post mortem facies illius tam decora, & iucunda omnibus visa est, vt videntis potiùs, quam mortui speciem referret. Hoc ipso tempore, corpore ipsius in feretro iacente, cū Mercurij. Mancinelli vxor, odontalgia & surditate laboraret; caput in ipsius sinum inclinans, ab utroque morbo, liberatur.

## FR. CVRATI BERGOMENSIS

## LAICI

## VITA, ET GESTA.



**F**RATER CVRATVS BERGOMAS, Laicus, virtute, ac præclaris vitæ exemplis illustris. Hic cum omnium virtutum genere floreret, charitate in pauperes potissimum eximius, nudum semel pauperulum, propriâ tunicâ, quâ seipsum exuit, illicò contextit. Nemo turbatum, nemo otiosum, nemo denique vanis occupatum vnquam vidit. Plurimâ charitate Fratres amplectens, omnes quasi Paradisi filios, quos & sic appellebat, diligebat. Plurimæ orationis Vir fuit: atque aded eâ apud Deum potens, vt cum puer quidam fictile vas, quod illi casu perfractum fuerat, multis lachrymis defleret; illius miseratione permotus, testacea fragmenta collegerit, ac perfractum vas suâ oratione restaurauerit. Eodem quoque orante, plurimi plurimas à Deo gratias accipiunt. Hic tandem cū in perpetuâ quodammodo oratione vitam duxisset, eam quoque genuflexus orando absoluit. Anno 1602. ac post multos sepulturæ annos, incorruptus in sepulcro spectatur.

In Cathalonie Prouinciâ, Fr. HILARII à CAMPOLONGO, Laici, adhuc floret memoria, qui vitæ innocentia, simplicitate, ac multis prætereâ virtutibus clarus, cum Beatorum quorundam, quos præcipuâ veneratione prosequebatur, aspectu ac colloquio potitus esset, Barcinonæ diem extremum cum pietate claudit. Anno 1602.

\*\*\*

# Fr. VINCENTII A CONILEONE LAICI

## VITA, ET GESTA.

**F**RATER VINCENTIVS à CONILEONE, Laicus, cum magnâ virtutum luce inter alios emicaret, magnis etiam à Deo donis, ac præsertim reuelationibus, visionibus, & signis illustratur. Communis inter Fratres fama fuit, hunc sæpè Beatissimæ Virg. colloquio frui: semel quoque Fratris Ægidij Agrigentini, qui paulò antea ex humanis migrauerat, anima eidem gloriosa apparens, se aternâ beatitudine, atque Doctorum aureolâ à Deo donatum affirmat. Fr. Valentino Drepanensi, quid de Fr. Mariano Agrigentino olim Guardiano in Dei iudicio actum esset ab eo aliquando percunctanti, his illi verbis respondet: Marianus apud Deum Beatissimæ Virginis suffragio viuit, at magnum subijt mortis aternæ discrimen, hoc illi in visione demonstratum fuerat. Fr. Francisci à Monte regali absentis obitum diuinâ reuelatione accipit, Fratremq; Cæsarium solius Virginis clementiâ salutem tulisse accipit. Mulieri cuidam nobili, quæ foetum in vtero gerebat, masculam prolem pollicitur. Vincentium Pisinghum nobilem Panormitanum, Crucis signo adhibito, à graui pedum tumore, quo à gressu omninò prohibebatur, liberat. Post hæc Agrigenti mulierem à secretâ, ac fere incurabili fistulâ suâ oratione curat. Nutriciq; quæ cuiusdam mulieris Panormitanæ infantem lactandum susceperat, cum repenti lacte caruisset, copiosissimum restituit. Vincentio cum Socio de rebus diuinis in viâ confabulantibus, Dominus medius à seculari Viro conspicitur. Panormum denique proficiscens, diem sui obitus socio præsignificat: die igitur appropinquante, morbo corripitur, animum poenientiâ expurgat, Sacramentis communit, patientiâ armat, oratione ad coelestem sponsum parat, multisq; virtutibus, & meritis ornatum, aeterno conditori reddit. Anno 1603. Corpus verò sepulcro conditum, etiam post mensem, suauem ex se odorem efflat.



FRATER BONAVENTURA NETIVS FF<sup>cap</sup> CAPVCINOR<sup>um</sup>  
LAICVS.

# FR. BONAVENTURÆ NETINI LAICI

## VITA, ET GESTA.



**E**RATER BONAVENTURA à NETO, Laicus, inter illustres Syracusanæ Prouinciæ viros, qui suâ tempestate floruerunt, nemine discrepante, ab omnibus illustrior habitus fuit. Hunc illius Prouinciæ monumenta maximæ humilitatis, paupertatis, obedientiæ, simplicitatis, silentij, solitudinis, honestatis, ac præsertim orationis commendant: cuius cum ardentissimo amore teneretur, in eâ quoque sæpè ecstases, & raptus patiebatur; tantoq; in Deum interdum charitatis æstu ferebatur; vt orans nonnunquam micantes è vultu radios effundere visus fuerit. Quæstuarij vt plurimum cum ministerium exerceret; tanto, dum eo muneri incumbit, in Deum amore effruescit, vt sæpè præ ardentioris charitatis impetu in hæc verba prorumperet: **IESV mi, IESV mi**, semelq; cum hac spiritus flammâ ad sacram synaxim accederet, sacrum Christi Corpus, antequam à Sacerdote è patenâ assumeretur, quasi moræ impatiens, altius è patenâ seipsum extulerit, vt ad seruulum suum euolaret. Tantâ denique hic animi puritate, ac candore præditus celebratur; vt qui illi diu à Confessionibus fuit, ne leuëm quidem in eo culpam deprehendens, sæpè illum, absque Sacramentali absolutione dimitteret. Hoc virtutum splendore, cum plerosque in Religione annos traduxisset; Motucæ tandem magnâ cum sanctimoniæ famâ, vitæ cursum absoluit; totq; Deus post mortem illius vitam signis illustrauit; vt de illius sanctimoniâ, nemini dubitandi locum reliquerit. At verò, quod in his haud leui admiratione dignum videtur, illud est, quod vniuersa penè hæc miracula, quæ modo à nobis explicanda sunt, huius serui Dei Sandaliorum virtute, vt plurimum patrata leguntur, vt quæ diuinæ olim apud homines gloriæ (dum Quæstuarij munus obit) instrumenta fuère, vberioribus quoque signis, ac miraculis post mortis occasum illustrarentur. Cum enim Dorothea quædam vidua Motucensis, Tertiariarum Ministra, nobilis foemina, sancti Viri sandalium dono à Fratribus accepisset, eò pleraque miracula patrata fuère. Francisca inprimis Fabij Celestis, Dorotheæ filij vxor,

quæ

quæ plurimâ in Bonauenturam deuotione ferebatur, cum nonnulla illi, ad integram solutionem pecuniæ summa deesset; vnde illam sibi vendicaret, ignorans, Bonauenturæ opem liberius his verbis implorat: ô Bonauentura, te certè in Beatorum numerum non habeo, nisi in hac mihi necessitate adsis. Cumq; hæc dicens, scrinium, in quo Bonauenturæ sandalium velo obuolutum asseruabatur, aperuisset, ipsumq; sandalium, vt exoscularetur, reuelasset, vix velum explicauerat, cum in eo pecuniæ summam, quam optabat, inclusam conspiciat. Hoc miraculo per Motucæ urbem peruulgato, plerisque, qui post hæc Bonauenturæ subsidia inuocantes, hoc sibi sandalium adhibuere, è Cælo beneficia collata fuerunt. Inter hos Vincentia Laliueria pregnas, cum partu imminente, ob subortam febrem Medicorum sententiâ ad vitæ occasum properaret; Bonauenturæ sandalium, velut extremo remedio accepit: quod dum sinu, illius opem è cælo implorans, constringit, mox foetum, præter omnium expectationem, superstes educit, atq; incolumitatem assequitur. Anno 1610. Margareta, Petri Iugæ vxor, matricali dolore affecta, diu Medicos frustra fatigauerat, à quibus tandem breui, certæ neci adiudicata esset, sancti Viri sandalio imposito, eius vîrute dolor sedatur, ac perendiè incolumis è lecto surgit. Eodem anno Vincentia Assentia, quæ ad vigesimum quartum vsque diem partus dolore afflictâ fuerat, vix sandalium vtero admouit, cum masculum salua protulit. Anno 1611. Vincentia Francisci Leonis vxor, graui vberis dolore cruciabatur, cui cum minùs Medicorum remedia proficerent, Bonauenturæ sandalio vberi adhibito, paulatim dolor mitefcit, ac tandem abscedit. Eodem anno Margarita Rabbita, quæ mortuum foetum in vtero gestabat, cum iam triduo partus doloribus cruciata, maximo in vitæ discrimine versaretur; hoc ipsum sandalium vtero admouens, mox mortuum foetum effundit. Idemq; Antoninæ Ocipintæ, & Franciscæ Naniæ, partus dolore iam triduo laborantibus contigit. Hoc ipso quoque anno Franciscus Schifitus, Motucensis, Ecclesiæ cuiusdam collegialis Canonicus, diu ob tertianam febrem elanguerat; cum hoc Bonauenturæ sandalio, piè sibi sub capitis puluillo collocato, ab eâ liber & incolumis euasit. Postremò Francisca Statella, nobilis Motucensis, graui cephalalgia afflictata, cum sandalium sibi capiti imposuisset, mox ab eâ capitis dolor abscessit. His pleraque alia miracula accedunt, hoc sandalio patrata; quæ cum scripto minimè commendata fuerint, ea silentio prætereo. Obijt Vir Sanctus Anno 1603.

In Piceni Prouinciâ Fr. IOANNES à Sarnano, Laicus, incredibili inter nos patientiâ floruit, quam in maximis podagræ doloribus, quibus permulta annorum curricula in lecto afflictatus fuit, constanter exhibuit. Plurimis quoque alijs virtutibus ornatus, cum ex communi Fratrum voce, longè antè obitum suum prænouiſſet, Macerata tandem in Domino quieuit. Huius corpus, Culinae huius Conuentus Praefectus, qui graui pedum tumore laborans, ab incessu prohibebatur, cum tumido pede contigisset, eodem temporis momento, tumore euanescente, liberè progreditur; Obijt Anno 1603.

Fr. PEREGRINVS à Bontia, Laicus, in Mediolanensi Prouinciâ, plurimæ orationis Vir fuit; qui cum Coquinæ officio Baritij fungens, in die Assumptionis B. Virginis orationi intentus, nihil familiæ in prandium parâſſet; instante iam refectiois horâ, ad B. Virginis opem confugit: moxq; ab Angelo, sub speciosi Iuuenis formâ, corbis diuersi generis obſonijs lautius paratis oppleta, ad fores deferretur: quibus eâ die familia in Dei nomine vescitur, multisq; alijs virtutibus clarus, Cardani mortales exuias deponit. Obijt Anno 1603.

In Belgiâ Prouinciâ Fr. ANASTASII Antuerpiensis, Laici, etiamnum memoria cum benedictione viget, superstes, qui tantâ vitæ innocentia, & mentis puritate præditus fertur, vt sæpè Dominum IESVM sub infantuli specie super altare sedentem conspexerit. Hic Gandaui, dum peste laborantibus omni pietatis officio ministrat, peste correptus, charitatis martyrio tollitur. Obijt Anno 1603.

## Fr. VINCENTII A CHIO

### LAICI

#### VITA, ET GESTA.



RATER VINCENTIVS CHIVS, Laicus, cum patriâ à Turcâ occupatâ, Messanam migrasset; vbi in Capucinatorum numerum cooptatus, præclarum se in domestico vitiorum bello & virtutum victoriâ militem gerit. Tanta enim huius Viri vitæ austeritas fuit; vt ad carnis concupiscentiam debellandam, rudi, ac hispido habitu non contentus, cilicium ex suillis pilis ad supremum vsque abrasis, sub habitu gereret; ac præterea ferreis quibusdam laminis, vndiq; acuminibus interſtinctis, lumbos

nudos

nudos perstringeret; quæ perpetuo quodam illum doloris martyrio afficerent. Somnus illi parcissimus erat; quem tamen ita malè excipere solebat; vt, cum nudas tabulas tantum membris substerneret, neque aliud, præter ligneum ceruical capiti supponeret, corpus nunquam ad quietem extenderet; sed ligno tantum inhærens, à somno potius deterreret. Ita quoque ab omni rerum cupiditate, nedum abstinentiâ, abhorrebat; vt vnicus habitus, quo corpus tegeter, tunicâ, ac pallio reiectis, in ipsis etiam hyemis algoribus, illi fatis, superq; videretur; sandalia quoque velut superuacanea abijceret. At, neque cum corporis tegumento; sed cum ipsâ quoque victus, ac tuendæ vitæ ratione, perpetua illi lucta erat: singulares enim B.P.N. Francisci quadragenas, præter communes, nullo cocto cibario adhibito, ieiunans; tres præterea singulæ hebdomadæ dies ab omni cibo, & potu abstrahere solebat. Verum & ipso voluntatis vsu, nedum sensu, ita se destitutum ostendebat, vt Superioris tantum ad quælibet agenda, aut fugienda voluntate vteretur, tamq; in eâ exequendâ velox conspiceretur: vt cum Tracanopoli duabus ante lucis occasum horis, stipe exactâ, ad Conuentum rediret, obedientiâ, quâ Tyracenum proficisceretur, acceptâ, eo ipso tempore ieiunus iter auspicatus fuerit. Cumq; Tracanopolis à Tyraceno viginti quatuor millia passuum distet; totum illud itineris spatium, in quo biduum consumpsit, absque vilo prorsus cibo confecerit: in quo illud Saluatoris dictum, Ioannis quarto: factò egregiè implere voluit, dicentis. *Mencibus est, vt faciam voluntatem eius, qui misit me, vt perficiam opus eius.* Huius Viri oratio, æstuans quædam fornax videbatur, diu noctuq; diuinâ charitate inflammata: ex quâ tam ardentes verborum scintillæ erumpebant, vt eorum, quos inter mendicationis labores, interdum pijs sermonibus instruebat, animos ad pietatem inflammaret, multorum corda, & cogitationes inspiceret, & quæ in his delitescabant, aperiret, ægrotosq; in Dei nomine persanaret: quod nonnulla exempla testantur. Andreas enim quidam Batalius grauissimè ægrotans, cum se Vincentij orationi commendasset, post factam pro eo orationem ad ipsum rediens, his illum verbis consolatur: Andrea, tibi ad familiæ tuæ solatium vitæ, occasus prorogatur: cura, vt meliorem te ex collato beneficio Deo exhibeas. Paruâq; interiectâ temporis morâ perfectè ex morbo conualuit. At non multo tempore elapso, cum iterum in morbum incidisset, Angelica vxor rursus Vincentij opem implorans, enm hæc sibi dicentem audit: Angelica, ne pro Viri vitâ interpelle: iam enim de eo diuini consilij decreto



actum est. Illum potius seridè admone, vt suis quamprimùm, cùm animæ, tum familiæ rebus consulat, quò foeliciùs hinc emigrare queat. Nec diu post hæc Andreas è viuis excedit. Huius porro Angelicę filius, Iacobus nomine, cum post Andreæ obitum periculose ægrotaret; mater de illius salute sollicita, Vincentium pro filij salute deprecatur, à quo filij incolumitatem impetrat. Iosephi Castaneæ, Ciuis TisSENSis filius, graui herniâ laborans, Vincentij quoque meritis, & intercessione à morbo curationem diuinâ virtute collatam experitur. Gratia, Colossæ Baronissæ fluuij rigidi pedissequa, à Dæmone arrepta, acerbè torquebatur; quæ Vincentij suffragijs à Baronissâ commendata, ab eodem mox oratione liberatur. Hæc igitur tam singularis vitæ sanctimonia, tot à Deo miraculis illustrata, cum sæua in eum Sathanæ odia concitaret, hinc varijs illum diu, noctuque, præsertim dum orat, infestationibus persequebatur: at Vincentius omnium victor, cùm de carnis, & oculorum concupiscentiâ, de vitæ sâperbiâ; de Satanâ demum triumphum reuexisset; Aquileæ tandem, depositis corporis exuijs, ad cœlestem coronam euolat.

Anno 1604.





FRATER SERAPHINVS A MONTEGRANA  
RIO FF<sup>VS</sup> CAPVTINORVM LAICVS.

FR. SERAPHINI A MONTE  
GRANARIO, LAICI  
*VITA, ET GESTA.*



**F**RATER SERAPHINVS à MONTE GRANARIO, Laicus, Vir illustrissimus, & immortalis memoria dignus, tot triumphis clarus, inter Religionis sidera emicat, vt tanquam nouum orbis prodigium, omnium in se haud immeritò oculos conuertat: tot enim coelestium virtutum luce, tanto sanctimoniae splendore; tam denique ingenti signorum, ac miraculorum copiâ, & maiestate fulget; vt si coelestem virum praedicauerim, haud satis dixerim, sin angelicum, neque æquam ipsius laudem attigerim, nisi ex indito illi nomine, cui & ipsa praclara gesta respondent, Seraphicum tandem appellauero, quo fit, vt in his explicandis, tametsi rerum materiâ exuberante, paulò longiori narratione vti compellar; ab institutâ tamen breuitate, haudquaquam sim recessurus. Seraphini igitur genus, sanguine quidem humile fuit, sed virtute, ac pietate clarum. Theodoræ siquidem matris, ita in oppido pietas, ac religio peruulgata erat, vt cum de alicuius pietate sermo fieret, ea passim in exemplum adduceretur. Felix ergò (eo enim ante religionis ingressum nomine donatus fuerat) cum prima pietatis rudimenta à matre hauriret, maioraq; à Deo coelestis gratiae adminicula acciperet; tantâ animi propensione, in ipsâ tenellâ ætate, in res diuinas ferebatur; vt summum illius studium esset, sacris Mysterijs interesse, verbum Dei attentè percipere; Ecclesias deuotionis causâ adire, corollas recitare; solitaria loca ad orandum quærere; in oratione ingemiscere; ac puerilibus omnibus abiectis, pietati vacare. At pater, qui graui inopiâ premebatur, Felicis operam cuidam agricolæ locat, qui armentorum illi custodiam commendat. Armentis igitur passim per prata pabula quærentibus, Felix solitarius in locum secedens, genuflexus animum oratione pascit, & sperare autem appropinquante, cum armentis ad stabulum reductis, simulcum alijs coenasset; mox se ab ijs segregans, intermissam orationem repetit. Atque hæc quidem puerulus observabat. Cum verò adulescente iam ætate, Felicis pater, Hieronymus nomine, è viuís

excessisset, Felix à Silentio fratre maiore natu, domum reuocatus ad prima cœmentariæ artis rudimenta addiscenda compellitur. Vir erat Silentius animo agrestis, austerus, & ad omnem excandescentiam paratus: quo fiebat, vt facile, & leui quâcunque ex causâ Felicem obiurgaret, iniurijs oppeteret, sæpeq; verberibus caderet. In has verò animi furias, eò magis prodire videbatur, quod Felix hoc tempore trës hebdomadæ dies solo pane, & aquâ contentus ieiunare solet; studiosusq; orationi vacaret: quapropter, cum sæpè refectio- nis tempore, se ab alijs seiungeret, vt ieiunio, ac orationi incumbere- ret, id Silentius tam ægrè ferebat, vt crebris eum pugnis, & verberibus peteret. Accidit autem, vt semel cum fratre, columbarij ali- cuius ædificationi operam daret, quo tempore sua de more ieiunia, & orationum tempora obseruabat, quem cum Ludouica quæ- dam virgo sæpè ieiunantem, ac frequenter orantem animaduertisset; cibos, quibus vesci in Quadragesimâ licet, illi interdum parabat: cùm ille respueret, mirabatur Ludouica adolescentis pietatem; atq; eò magis, quod cum eo audiente, interdum Dionysium Carthusia- num de quatuor nouissimis legeret; Felicem ita ex legentis ore pen- dentem cernebat, perindè ac si ab eâ cœleste quoddam oraculum perciperet. Sæpè itaque cùm vel de Paradisi gaudijs, vel de inferni pœnis, aut extremo iudicio à Ludouicâ lectio repeteretur, eâ tantoperè Felicis animus aliquando permotus fuit, vt in hæc tan- dem verba prorumperet: Quid agendum, ô Ludouica, quando res tantâ seueritate examinantur? Ad eremum fugiendum, & Eremitarum vita amplectenda. Cui Ludouica: Quid Eremitas commemoras? Tibi ad Capucinos, non ad Eremitas eundum. Nunquam Felix Capucinos, aut viderat, aut agnouerat; quare cum illa Capucinatorum vitam, mores, Religionemq; descripsisset, vehemen- ter Felicis animus in eos accendi cœpit: quo fiebat, vt frequentius de Capucinis cum eâ verba faciens, huiusmodi tandem Religio- nis amplectendæ propositum, Deo auctore inspiratum animo conceperit, ac post paruum tempus sub Seraphini nomine in eâ milita- re cœperit. Cùm autem Ludouicæ consilijs, ac pijs hortationibus plurimum se debere agnosceret, in grati animi testimonium, Nicolaum patrem, ac Pretruciam eius matrem, inter Beatorum agmina, in cœlesti patriâ triumphantes conspexisse affirmat. Sera- phinus igitur Seraphico habitu apud Capucinos contractus, bel- lum cunctis spiritus hostibus indicit. Quapropter carnem durâ primùm obfessione, atq; annonæ subtractione premens, tanto absti-

nentia vigore corpus extenuat, ut præter illa trium dierum cuiuslibet hebdomadæ ieiunia, quæ solo pane, & aquâ etiamnum adulescens celebrare consueuerat, omnes B.P.N. Francisci Quadrageñas, quæ omnem ferè anni circulum complectuntur, nullo prorsus in vespere fructuum esu, aut potu adhibito, obseruaret. Verùm ex panis & aquæ inediâ, quam diu prosequutus est, cum eam corporis cachexiam contraxisset, quâ sanguinem simul cum lotio effunderet: ita ab eâ abstinuit, ut illam solemnioribus duntaxat quibusdam vigilijs repeteret; cæteris verò diebus solâ pulte contentus, quam cinere etiam sæpissimè aspergebat, ab omni, siue carnis, siue piscium obsonio se continere consueuerat. Eam is sibi in quotidiano ferè ieiunio panis mensuram statuerat, quæ dimidiatum panem non excederet; Pauli primi Eremitæ potissimum exemplo permotus, cui Deus dimidiatum duntaxat panem corui operâ ministrabat. Verùm annonæ penuriâ grassante, dimidiatum panem, ad quartam partem contrahere solebat. Inter hæc tamen, nec tristis, nec satyricus, aut seuerus aliorum censor vnquam visus: graui enim quâdam vultus hilaritate, cui & charitatis benignitas coniuncta erat, ita aliorum animos refouebat, ut omnium etiam infirmitatem sustineret. Neque satis illi erat carnem durâ abstinentiæ obsidione circumcinxisse, nisi quoq; austeritatis telo confoderet. Quapropter, asperimo illam diu, noctuq; cilicio premit, ac tam duris quotidie verberibus cædit, ut totum circum circa solum illius sanguine conspergeret. Generosus siquidem Christi miles, cum ex clauorum acuminibus sibi flagellum construxisset, absque hostis sanguine è prælio discedere inhonestum ducebat. Nullum denique tam durum, & asperum austeritatis genus erat, quo proprium corpus, quod asinum appellare solebat, asini instar non afficeret. Hinc tati rigidus paupertatis cultor euaserat, ut rebus, non ad voluptatem, sed ad necessitatem, ac velut vi quâdam adductus vteretur. Habitus enim, dummodò corpus tegeret, atque honestati inseruiret, sufficebat, illumq; multis segmentis reconcinnatum ad extremam vsque vetustatem gestare consueuerat. Cæterum, ut integrum, ac perfectum paupertatis exemplar præ se ferret, cellam, non quæ clarius, aut illustrior, sed quæ obscurior, quæ pauperior esset, quæque cæteros deterreret, sibi semper eligebat: quâ potius ad paupertatis fragmenta, quæ passim in Conuentu colligebat, reponenda; quàm ad habitationem, aut solatium utebatur: in quâ tamen si lectulus esset, humi tamen sæpè cubans, in eo perrarò quiescebat. Quod si eo

interdum ad quietem vteretur; non iacens, sed sedens, scamno capiti supposito, breuem somnum capiebat. Propria quoque voluntati tam acre bellum intentabat, vt post solemne votum, nullus in consensu, quo ea viuere, aut vigere agnosceretur in Seraphino vnquam deprehensus fuerit. Mos erat Seraphino in diebus ieiunij, ab vespertina semper se refectiunculâ abstinere: quem cum iam ab exordio obseruasset; hunc quadraginta annorum spatio nunquam deinceps interceperat. Contigit verò, vt in Conuentu Montis Filatrani Guardianus de ipsius obedientiâ periculum facturum, quo tempore reliqui Fratres ieiunij tempore, fructibus in Refectorio vefcebantur, absentem Seraphinum accersiri iusserit; quandamq; dapfici panis, auellana, & saccharo conditi, illi portionem comedendam obtulerit. Quid Seraphinus? Non antiquam abstinentiæ consuetudinem, tot annorum præscriptione firmatam; non intempestiuum Guardiani imperium; non alta animo reuoluit: sed vix iubentis voce, voluntateq; perceptâ, saccharatum panem gustat, comedit, totum absomit. Quo fit, vt prompta illi animi obedientia, magis Guardiani, & Fratrum mentes, quàm diuturna illa, & voluntaria multorum annorum abstinentia ædificauerit. Rursus cum in Asculano Conuentu Guardianus, vt illius obedientiam probaret, nouum illi habitum, quem indueret obtulisset, eoq; Asculanam urbem, in quâ quotidianam stipem exigebat, circumire iussisset; grauior quidem hac illi res visa fuit, qui obsoleto, ac interpolo hætenus semper habitu vsus fuerat, at leuem obedientia præstitit; nec quicquam enim Superioris præcepto reluctans, urbem adit, & vicos circumit. Guardianus verò, cum ex promptâ obedientiâ diuino illum spiritu ductum intelligeret, ad priorem illam habitus paupertatem redire permittit. Quamuis autem castitatis proelia durissima esse soleant; id tamen Dei potissimum dono, cum Seraphino actum est; vt qui ab ipsâ ineunte ætate, castitatis hostem necdum pugnantem, seuerioris abstinentiæ armis sibi subiugauerat; nunquam deinceps reluctantem, sed subiectum semper habuerit; primumq; virginittis florem, quem à natiuitate tulerat; perpetuum & incorruptum vsq; ad mortem seruauerit. Tam seueram nihilominus oculis custodiam adhibebat, vt nullius vnquam mulieris vultum intueretur. Tantâ quoque sui ipsius agnitione, tam vili existimatione, tantâ despicientiâ, tantâ abiectiõne, tantâ denique proprii neglectus cupiditate, omnem animi superbiam persequabatur; vt perpetuo, atq; insatiabili horum appetitu esuriret. Hinc cum à Fratre quodam aliquandò

illi per fastidium diceretur : Facesse quamprimùm hinc , habitus enim tibi grauitè fœtet. Mox Seraphinus ; non habitus tantùm ; sed & animus intus pessimè olet. Alias à Cardinali Afculanæ vrbis Episcopo ad prandium inuitatus , quo ab omnibus irrideretur , cùm in ipso prandij initio , bina oua illi absorbenda allata fuissent ; is vt serudem , & aggestem ostenderet , ouum absorbere simulans , illud sibi in barbam , & mentum defluere sinit : Rursus præter morem , liquidam pultem , aliosq; cibos fuscinulâ carpens , quasi qui nobilium vrbinitatem imitari vellet ; sæpè vacuam fuscinulam ori ad-mouebat : quæ cum omnibus risum excitassent , is optato sine po-titur. Cùm etiam semel à sæculari quodam viro , qui ab eo tot mi-racula patrari audierat , his verbis exciperetur : O te Beatum Sera-phinum , qui nunc semper cum Deo versaris , ac certa deindè in cœ-lo præmia expectas ! mox ille dictum expuens. Quid me Beatum prædicas , inquit , num peccatorum maximus beatus esse potest ? vti-nam mihi purgatorij pœna , ad extremum vsque iudicij diem , tole-randa à Deo adiudicaretur ; quantæ à me Deo gratiæ haberentur. Miracula verò , quæ passim Dei virtute ab eo patrabantur , ne peruulgarentur , acrioribus interdum verbis , aliquando lepidis im-pedire conabatur. Iræ quoque impetum , & perturbationem ita ex-tinxerat , vt columbâ mitior , quæ felle carere fertur , cuiquam irasci , a-ut iræ sensum prodere penitus nesciret : Hæc porrò patientiæ vir-tus , quandoquidem in Seraphino tam præclara fuit , vt illum Deus ob id potissimùm elegisse videatur , vt in eo omnem patientiam ostenderet , nonnullis rerum ab eo gestarum exemplis illustranda est. Id Seraphinus , haud absque Conditoris consilio , secum à nati-uitate tulerat , vt ijs naturæ donis careret , quæ hominem ad quæ-libet rectè agenda aptum efficiunt. Hinc magna , & quotidiana illi exercendæ virtutis occasio exoriebatur : cum enim familiarum Prasides , illum , & ad domus ministeria præstanda gnauum , & ad propria munera accuratum expeterent ; crebris eum correptioni-bus excitare , iniunctis pœnitentijs exagitare verbis illudere , in fa-bulam vertere solebant , ita vt nullum ferè illi tempus à vexatione vacuum esset. Neq; id vnius , aut alterius anni spatio cum eo actum est : sed cùm ad trigesimum & quadragesimum vsque annum asperis huiusmodi ita examinatus fuisset , vt patientiæ martyr nunc u-pari posset ; nunquam tamen ; à primâ illâ animi tranquillitate im-mutatus. idem semper , ac imperturbatus apparuit , atque aded hæc voluptuosè excipiebat ; vt cùm à Superiore grauiori aliquâ pœni-



tentiâ plexus esset, eâ peractâ, velut summâ latitiâ gestiens, prostratus, illius pedes osculabatur, sæpeq; in hæc verba prorumpebat: Sic, Sanctule mi, sic fieri debet. Deus tibi pro tanto beneficio gratiam reddat. Ex quo deniq; tam præclara à Deo dona consequutus est, vt inde illi totius sanctimonix fons, & scaturigo emanauerit. Hinc tam singularis patientiæ virum, cum quidam commendari audisset; Satanæ spiritu concitatus, quasi ipsius patientiam probaturus, manu, plumbeâ laminâ armatâ, tam graui ictu nudum caput ipsius oppetijt, vt stupidum, atq; à sensu ferè alienum præstiterit: at Seraphinus cum primùm à stupore sibi redditus fuit, risu illum excipiens: ô Sanctule, Sanctule inquit, (hæc enim vox illi familiaris erat) tibi Deus benedicat. Eâdem quoque in alterum, qui haud leuem illi colaphum impeggerat, patientiâ vsus, quàm longè animum ab iracundiâ, nedum irâ alienum possideret, apertè ostendit. Nec mirum, prioribus enim à suâ conuersione annis, quibus necdum perfectum patientiæ gradum conscenderat, cum à quodam Guardiano, qui cum ad scoriam vsq; examinandum susceperat, creberrimis increpationibus, & correptionibus exagitaretur, grauiter animo afflictabatur. Satanæ quoq; tentatio accedebat, qui Eremiticam vitam, ob suam in mechanicis rebus ineptitudinem, meliorem, & tranquilliorẽ illi fore persuadebat. Quamobrem grauius aliquando his Guardiani, & Satanæ tentationibus pulsatus, in Ecclesiam se confert; atq; ante sacræ Eucharistiæ altare cum lachrymis prostratus, animi sui angustias Domino aperit; atq; ab eo suppetias postulat. Porrò clementissimus Dominus, qui ex eo admirabile patientiæ vas effingere decreuerat, hac illum cœlesti voce alloquitur: Seraphine, quid de asperis, quæ tibi contingunt, conquereris? Ea tibi haud sine meo consilio accidunt. Si mihi placere, ac famulari cupis, tui ipsius abnegatione, ac rerum aduersarum tolerantia, demùm Crucis viâ tibi progrediendum est, per quam si perrexeris, nunquã meum tibi auxiliũ deerit. Quamobrem, cum à Satanâ, qui potestate à Deo acceptâ, multis illum modis exagitabat, verberibus aliquando caderetur, eidem Seraphinus; cæde Satan, (aiebat) cæde, ne parcas: carnem enim mihi inimicam castigas. Plurima alia ipsius patientiæ exempla prætereo, quæ ex repentinâ malorum incurfione, quæ illi sæpè accidere, colligi possent, in quibus mira illius patientia enituit. Illud tamen prætereundum non est, quod cum sibi in more positum haberet, vt quoties graui aliquâ iniuriâ, aut contumeliâ à quopiam afficeretur, ex septem corollis, quas sibi ex omnibus Dominicæ Passionis mysterijs colligerat, vnâ

pro eo Domino perfolueret; contigit aliquando, ut pro quodam Guardiano, qui præter omnem modum eum pœnitentijs onerauerat; corollam ardentius in Ecclesiâ recitaret: quo tempore Domini vocem, hæc sibi dicentem audit: Seraphine, tua hæc mihi oratio, quâ me ex animo pro ijs, qui mala tibi inferunt, rogas, tam grata est; ut quæcunque à me deinceps postulaueris, accipias. Hinc mirum planè, quàm strenuè, quàm ardentè, quàmq; indefessè pro fraternâ charitate pugnaret. Tantâ in pauperes liberalitate ferebatur, ut in Asculano Conuentu, à Superiore quodam corripere-  
 tur, quod nimia ipsius in erogandis potissimum oleribus in pauperes liberalitas, in familiæ damnum redundaret; mox Seraphinus: Ne te (inquit) Pater olerum penuria sollicitet; abundabunt olera; nec vllum familia detrimentum patietur. Res planè miraculo plena tunc visa: cum enim occidente sole, oleribus maiori ex parte præcis-  
 is, hortus vacaret; mane elucescente, hortus tot oleribus virefcebat; ut nullam vnquam incisionem passus videretur. Hoc quoque modo, cum ab altero Conuentus Guardiano, quædam Seraphino horti portio conscripta esset, quam ipse confereret, herbasq; pauperibus erogaret; insudabat alterius horti culturæ omni diligentia proprius Fratrum hortulanus; olera purgabat, fimo confouebat; omne denique in his studium, ac laborem impendens; haud tamen illorum incrementum assequi poterat: cum Seraphini hortulus, nullâ ipsi culturâ adhibitâ, nullâ irrigatione, nullâ arte, nulloq; ab eo exant-  
 lato labore, tot brassicis, ac oleribus quotidie turgescerebat; ut quo plura ab eo metebantur, eò plura excreverent. Vir adeò pauperum amator erat; ut cum quæstuarium munus exercens, panem in vrbe mendicaret, in eos tam liberalis esset; ut nisi socius obstitisset, pane vacuus sæpè domum rediisset. At annonæ caritate vrgente, mediam potius sibi panis portionem detrahi æquum putabat, quàm quod suo pauper subsidio defraudaretur. At non ad pauperes tantum-  
 modò, sed ad vniuersos, hac Seraphinus charitatis plenitudine effundebatur, ita ut omnia omnibus, ut omnes Christo lucrificeret, efficeretur. In Asculano Conuentu, cum familia, cuiusdam nostri Ordinis Sancti peruigilium, nullâ tamen lege præceptum, ex deuotione obseruaret; Guardianus eo tempore quodam virium deli-  
 quio laborans, cœnâ ad naturæ instaurationem indigebat: qui cum propter imbecillium scandalum à cœnâ abstinere decreuisset, id Seraphinus animaduertens, charitatis fraudem meditatus Guar-  
 dianum adit, refectioneq; se indigum simulans, et mira arte com-

paſta verba componit; vt illum ſibi cœnæ ſodalem in Reſectorium adduxerit: vbi dum ſe in miniſtrandis Guardianus cœnanti cibis ſollicitum præbet, Guardianus quidem neceſſariâ ſua reſectiõne fruitur; is verò vix vnâ, aut alterâ panis buccellâ acceptâ, incœnatus recedit. Atque hoc ſæpè cum alijs quoque charitatis ſtratagemate uſus (quod & B.P.N.Franciſco olim familiare fuiſſe legimus) hinc quam perfectam animo charitatem gereret, facilè cuique perſpectum eſſe poteſt. Tam perfectæ mentis puritati, & vitæ innocentie Seraphinus inuigilabat; vt non modo grauiora crimina, ſed & minora tam graui odio proſequeretur; vt quamuis humanæ naturæ imbecillitas, pro huius vitæ ſtatu, his omninò carere non poſſit; voluntarijs tamen, atque agnitis, nunquam in animo locum daret. Quapropter à nobili quadam muliere nunquam adduci potuit, vt leui quodam mendacio, cuiuſdam factum, ſub cuiuſlibet utilitatis prætextu; excuſaret. Cui mulier: Quid amplius, inquit, quam veniale peccatum eſt? At Seraphinus: Anparum (inquit) tibi eſſe videtur? ita me Deus amet, quòd ſi totus mihi mundus pretij loco appenderetur, dummodo huiuſmodi delictum, ſub qualibet boni, aut recti alicuius ſpecie patrarem, eo, & maiori pretio contempto, ab eo refugerem. Num id leue exiſtimas, quo Deus etiam in exiguo contemnitur; quo Spiritus ſanctus contriſtatur; quo charitatis feruor deperditur; quo tandem animus labefactatur, & ad pietatis opera præſtanda grauior redditur? Equidem ſi tantillus cœleſtis, ac benigniſſimi in nos Patris amor animum pungeret, quò fieri poſſet, vt in id vnquam quis ſpontè conſilium propenderet, quo vel leuiter eum offenderet? His aliſque quamplurimis, cum improbam mulieris poſtulationem repreſſiſſet, integram animo innocentiam retinuit. Vir denique tantâ mentis puritate prædiçus fuit, vt qui ipſius confeſſiones excipere ſolebant, æquam plerumq; ſacræ abſolutioni in eo materiam non offenderent. Sanctæ orationis ac diuinæ contemplationis ſtudio tam aſſidè inuigilabat, vt quamuis ab eâ nunquam vacaret, ad tertiam tamen uſq; noctis horam in Eccleſiâ perſtaret: tum breui, trium circiter horarum, ſomno ſibi conciliato, ad Horas Matutinas exurgens, orationem iterum ad lucem uſq; pertraheret: quo tempore frequenter à ſenſibus alienus, diuinis amplexibus inhærebat. Cumq; aliquândo ad quorundam morientium curam cū Sacerdote miſſus, totam noctem in oratione duxiſſet diem haud ſectus qua ſi longo ſomno potitus eſſet, in cõſuetis domus miniſterijs inſumebat. Hoc modo & in ſacræ Lauretanæ domus ſacello, oratione

aliquando primâ luce in vesperum perductâ , ne quidem ab oratione cessasset ; nisi à sacræ Domus custode ab eâ tandem auocatus fuisset. Eandem quoq; orandi consuetudinem , cùm iter faciens , in sæcularium domibus obseruaret , dum semel seorsim in cubiculo orat , candida quædam columba circa ipsius caput volitans conspicitur , quæ puram , ac diuini spiritus donis cumulatam ipsius animam indicaret. In Asculanâ vrbe , cum iterum seorsim in cubiculo oraret , in ecstasi tollitur , post horam verò ad sensus rediens , cœlestis Seraphini instar , vultus ardens conspicitur. Rursus in Asculano Conuentu , cum Vir Dei vbique conqueſtus , minimè reperiretur ; eum tandem in horto oculis in cœlum erectis stantem , diuinâ quæ ecstasi fruentem offendunt. Atque hæc quidem de illius orationis assiduitate. Quod enim ad ipsius apud Deum vim , ac robur spectat , haud facîle explicari potest , quot inde morborum curationes , quot miracula , quot prædictiones , quotque cœlestes visiones , quæ paulò post explicanda erunt , proculdubio emanarint. At singularis ipsius in Dæmones virtus enituit , quibuscum tam strenuè manum conseruit , vt ijs etiam ignauiam exprobraret. Quot verò is à Satanâ infestationes , minas , verbera , præsertim orationis tempore , sustineret , haud facîle est referre : sæpè enim dum Asculi orat , à Dæmonibus arreptus , in quandam S. P. N. Francisci ædiculam , quæ in horto conspicitur , deportabatur : vbi , dum eum dirissimis plagis afficiunt , is illos his verbis prouocans , aiebat : cædite Dæmones , quid tam segniter opus vestrum expletis ? cædite , meas enim partes agitis , dum domesticum meum hostem verberare perstringitis. Orabat aliquando Asculi Seraphinus , dum cœlesti Beatissimæ Virg. sibi in aëre apparentis , conspectu dignatus , tanto spiritus æstû in eam ferri cœpit , vt toto corpore in aëra attolleretur. At inuidus Satan insaniâ furens , vt eam spiritus voluptatem interciperet ; per pedes arreptum , vi illum ad se attrahere nitebatur , quod cum assequi minimè valeret ; suâmet rabie torquebatur. Alias quoq; in aëra sublatum , solo allidere contendit : cumq; his , ac plurimis alijs Seraphinum infestationibus impeteret ; is cunctos hosce Dæmonum impetus , suâ ita patientiâ eludebat , vt maiores illis suâ oratione plagas inureret. Hinc tartareis spiritibus tam formidandus euaserat ; vt qui hominum corpora obsidebant , cùm illius præsentiam ferrè non possent , ab eo quam longissimè aufugerent , & ab obsessis corporibus discederent. Cùm verò potissimus , ad quem Seraphini oratio ferebatur , Dominicæ Passionis meditatio , scopus

esset, eam in quadringentas partes, seu puncta dissecuerat, septemq; ex his corollas, sexaginta tribus cuique mysterijs assignatis composuerat, quas per singulos hebdomadę dies distributas, sibi meditando proposuerat. Has tantę animi compunctiōe, ac diuini amoris æstu recitare solitus erat, vt in his magnam semper lachrymarum vim perfunderet. Nocte quadam ante Matutinas horas in Ecclesiā orans, cū neminem adesse putaret, ea Hymni: Stabat mater dolorosa, &c. verba pronūcians: Tui nati vulnerati, tam dignati pro me pati, poenas mecum diuide. In tam ingentem fletum erupit, vt nulum lachrymis finem daret. Quo tempore Domini mors, & sepultura, piā ab Ecclesiā memoriā celebratur; sacellum in quo Christi corpus tunc reconditur, cum alijs ante diem Parasceues ingressus, ab eo nunquam deinceps recedebat, quoad absolutā mysterij illius memoriā, inde Christi corpus postridie asportaretur. Tam ardenti erga sacram Deiparam religione ferebatur, vt MARIAM sibi post Filium apud Deum Mediatricem, Patronam, & Dominam constitueret, hanc diligeret, hanc veneraretur, hanc animo amplecteretur, in hanc vniuersa illius vota conspirarent. Si quid gratiæ, si quid virtutis, si quid diuinæ lucis, si quid donorum à Deo expeteret; MARIÆ intercessionem ab eo impetrandum committeret, qui totum nos per MARIAM habere voluit, & que è regione, quidquid Deo offerre pararet, illud MARIÆ manibus offerendum commendaret, vt Deo gratum esse possit. Tantam denique ex eā in nos gratiarum plenitudinem profluere agnoscebat; vt cum nunquam Bernardum legisset; Bernardi tamen spiritum adeptus, sæpè in hæc verba prorumperet: Tolle hoc solare corpus, quod mundum illuminat; vbi dies? Tolle MARIAM hanc maris stellam: tolle portam hanc lucis fulgidam: tolle consurgentem auroram: tolle vt Sol electam, ex quā diuinæ in nos lucis radij effluunt: quid nisi caligo inuoluens, ac densissimæ tenebrę mortalibus relinquuntur? Tolle denique matrem, vbi filiorum læticia? Hinc vniuersos ad Beatissimæ huius Virginis cultum, & venerationem, quibus poterat verbis, prouocabat. Quamobrem cū virum sibi familiarem aliquando graui ærumnā vexatum, ad opem Beatissimæ Virginis implorandam excitare vellet, eam sibi nonnullis tentationibus afflictō aliquando apparuisse aperit; cuius solo aspectu ita animo recreatus fuit, vt ab eo omnis statim tentationis afflictio propulsata fuerit. Porro hæc dicens, tantā, mox ex illius memoriā, spiritus voluptate efferri cœpit, vt velut ebrius in hæc vehementiūs verba erumperet: O quale

cordis gaudium ! ô qualis voluptas ! His tandem, cùm summa illius in Eucharistiæ Sacramentum religio accederet, eò fiebat, vt quotidie fermè diuino illo pane refectus, tantâ in huius Sacramenti contemplatione mentis voluptate frueretur, vt in eâ pleraque horarum spatia infunderet, ac sæpè in mentis excessum raperetur, Hinc tam singulari Domini sacerdotes veneratione prosequeretur ; vt cùm ex his aliquem in vrbe obuium haberet, protinùs negotio omni intermisso, ad eum pergens, illius manus exoscularetur. Cum verò Asculi vrbis quidam Sacerdos, leprâ infectus, sacra mysteria celebraret ; id Dei seruus ægrè ferens, illum suâ oratione à leprâ curat tamen ex humilitate, miraculum herbæ perfricatione celat. His igitur de Seraphini virtutibus, quibus sibi apud Deum gratiam, & vitæ sanctimoniam comparauit, vtcumque prælibatis, ad cœlestia dona illi diuinitùs collata accedo, quibus D. O. M. præclaram vitæ ipsius excellentiam, eo adhuc superstite, apud homines testatam esse voluit : quæ cum partim cœlestibus visionibus, & abditissimarum rerum agnitione ; partim certâ rerum futurarum prædictione, ac signorum opere comprehendantur ; de his singillatim, quemadmodum ex processu constant, agendum erit. Primum itaque, quod ad visiones spectat, quandoquidem inter alias sancti huius Viri virtutes, hæc in eo singularis fuit, vt & virtutes, & i. Dei dona, quibus ipsius virtus agnosci posset, summo studio occultarit, quod eximium ipsius humilitatis argumentum fuit ; inde accidit, vt præter paucas duntaxat, quæ ob aliorum potiùs vtilitatem, ipsâ Dei charitate impellente, quam sponte ex illius ore, concise tantum, ac minus integræ excidère, aliæ permultæ haberi non potuerint. His igitur quæ superiùs enarrata sunt prætermisissis ; ad cœlestis gloriæ præmia conspectanda se aliquando subiectum fuisse ; vbi eos, qui dura pro Christo hic patienter pertulère, maximâ in cœlo gloriâ potiri assererat ; pio, ac familiari olim viro, vt ipsius dolorem leniret, aperuit. Plerosque etiam hac vitâ functos, cum Christo regnantes conspexit, inter quos Fr. Donatum à monte Granario, ex nostris Concionatorem, & Fr. Iacobum Asculanum, Laicum, viros omni virtute ornatos, enumerauit. Deianiræ Biciariæ, mulieri Asculanæ, quæ pro defuncto filio sacras Missas celebrari postulabat, respondit : iam defunctus Missarum suffragio non indiget ; etenim à pœnis solutus ad cœli gaudia conscendit : Cui illa ; vtinam id mihi certum. At Seraphinus : Id (inquit) certissimum habe : hisce enim cum oculis inter Angelos confedentem conspexi. Martium Constantinum Ascu-

lanum, Pomponiæ virum, qui ab hostibus interfectus, absque Sacramento decesserat, vxori tam constanter illum cœlesti gloriâ potitum confirmat, vt non credentem his verbis increpauerit: Cur tam ægrè ô Pomponia, ad id, quod certissimum est, credendum pertraheris? vtinam eò ego nunc liber concederem, vbi is iam de suâ gloriâ tutus requiescit. Hoc ipsum & Ludouicæ Biciellæ de matris defunctæ gloriâ renunciat. Alexandri Santucij defuncti matrem, quæ filij obitum perpetuis lachrymis lugebat, de filij gloriâ tam certam reddidit, vt diem illi, quæ ex purgatorijs poenis in cœlum euolauerat, ad amussim indicauerit. Vincentium Afculanum, virum probum, cum ad extremum vsque spiritus halitum, Vir Dei piâ hortatione prosequutus esset, animam à corpore solutam ad cœlestia euolantem cernens: Iam, inquit, salua res est, Vincentius cœlum conscendit. Præterea eidem quoque familiari viro, cuius supra memini, cum aliquando se inferorum supplicia conspexisse, ac permultos, quos viuentes nouerat, iis cruciatos esse indicasset; cuidam etiam Afculanæ mulieri, cuius nomen consultò reticetur, quæ ad matris defunctæ suffragium, ipsius orationes postulauerat, respondit. Ne pro matre suffragia quæras, ea enim ad inferos, Dei iudicio, damnata, viuorum suffragijs iuuari non potest: tu satage, vt melioris vitæ cursum instituas, ac te cœlo dignam præbeas. Aliâ quoque Dei virum visione potitum, Fr. quidam ex nostris, qui ante Marutinas Horas in Ecclesiam descenderat, haud leuiter affirmat. Cum enim Ecclesiam ingressus, splendorem solis luci similem animaduerneret, stupore percussus, atque vnde is splendor erumperet, ignorans; Seraphinum orantem, ac solaris globi instar emicantem intuetur. At neque minori Dei dono, occultas sæpè hominum cogitationes, & consilia inspicat. Afculano cuidam iuueni, necem aduersario secum in animo machinanti, cogitationes aperit, arguit, animumq; totaliter ab eo crimine auertit. Duci cuidam perditum à Montis sancti oppido, qui multis criminum maculis affectæ vitæ cursum labefactauerat, cum oculorum lumine careret, à sancto Viro cœcitatatis curationem postulanti, occulta scelera seuerâ increpatione manifestat. Fr. Hieronymo Afculano, ex nostris Sacerdoti, cum adhuc secularis esset occultam Demonis tentationem pandit, illumq; ab eâ liberat. Tantâ Vir Dei Sacerdotes reuerentiâ prosequabatur, vt cum primùm ex his aliquem in viâ obuium haberet, illius manus, vt dictum est, deoscularetur. Hinc cum Sacerdoti cuidam sibi familiari honorem frequenter redderet, contigit,



vt cùm Sacerdos turpi se peccato aliquando maculasset, in eum Seraphinus incideret: quem non modo solito honore non excepit; verùm nec conspectum quidem præterijt; at quamprimùm mentem pœnitentiâ, & confessione expiauit, rursus eidem occurrens, ab eo consueto, vt prius honore afficitur. Per id tempus cum binę Asculanæ mulieres, ab eo Crucis signum expeterent, vni quidem signum non inuitus exhibet; alteri verò, quæ occulto adulterij crimine tenebatur, signum proferre recusat. Ad rerum futurarum prædictiones, quæ ex lucis propheticę dono proficiscebantur, venio: at cùm hæc tam multæ sunt, vt suâ legentium animos multitudine obruere valeant, grauioribus explicatis, cęteras indicandas potiùs, quam exarandas censui. Turia quædam, mulier Asculana, cuius cùm ob summam partus difficultatem salus omninò desperata esset, cumprimùm à viro Dei Crucis signo obsignata fuit, ab eo quoq; futura illius intra dimidię horæ spatium incolumitas asseritur, quam mortuo foetu emissio consequutura esset. Nicolaus Clauaneus, Asculanus, iam sacro oleo inunctus, ad vitæ occasum properabat; cum ad eum Seraphinus accedens: Nicolae, inquit, ne vitæ exitum pertimescas, longior tibi restat via, te priùs Deus Capucinum, quam mortuum vult. Res dictum comprobauit. Marco Antonio, nobili Asculano, cui supremum ægrotantis funera parabantur, incolumitatem, diurnamq; vitam pollicetur. Mattheo Vallomeo, Asculano, simul cum Hyacintho fratre, ac nonnullis propinquis ad Canysia bellum proficiscente, Perugina mater grauius eorum pericula reformidans, quidnam de his sperandum esset, à viro Dei aliquando percunctatur. Cui ille: Omnes (ait) in patriam sospites redituri sunt: vnus duntaxat Hyacinthus, strenuè pro Christi fide decertans, Martyr occumbet. Post hæc, cùm Asculana vrbs cęteros redeuntes recepisset, ex his solum Hyacinthum, generoso cruore conspersum, cœlum excepit. Alexandrinæ, Alsatię, Annibalis nobilis vxoris matris, ad mortem ægrotantis, non solum incolumitatem, imò saluam masculum parituram prænunciat, rei porrò euentus eò omnibus admirabilior visus fuit, quòd nemo eam pregnantem suspicabatur, neq; Alexandrina ipsa foetum in vtero præsenferat. Lucretia Santuccia ægrotans, ad eum morbi statum deuenerat, vt à Phisicis vitæ illi tempus in sequentem tantùm noctem protenderetur: quo tempore cùm Sacerdos ex nostris animam commēdaturus accederet, Seraphinus ei æream quandam Christi Crucifixi imaginem, quam secum gestabat, deosculandam offert, his verbis:

Lucretia, inquit, Deo gratias, hæc enim infirmitas tibi non ad mortem, sed ad vitam erit. Eodem verò tempore, in altero proximo cubiculo, Lucretiæ vir leui morbo correptus, in lecto iacebat: cùm eò Seraphinus oculos conuertens: Non sic ille, (subdit) qui in eo cubiculo ægrotat: is enim breui ex hac luce discedet. Quid pluribus opus? illa è mortis faucibus eruta, incolumitatem assequitur: hic vix morbi limina attingens, ad mortem rapitur. Canonici Alacinae Asculani soror, cùm propter excessum, quem in malorum perficorum esu occulto patrauerat, in grauem morbum incidisset, Seraphinum rogat, vt diuinam illi clementiam exoret. Cui ille corollam, quam ex malorum perficorum nucleis compactam gerebat, ostendens, quanam illa ossa essent, interrogat: vt illa morbi sui causam, tametsi occultam, se non ignorare intelligeret, moxque illi (quamuis à Medicis certæ neci condemnatam) sanitatem, seque prius vitæ cursum confecturum pollicetur. Hoc modo, & Finisbæ Orlandiæ lethali morbo in partu laboranti, vitæ, ac partus incolumitatem: Hieronymo Ancillotto, Medico ad mortem ægrotant i; Constantiæ Rosatæ, cuius anima iam Deo commendabatur; Bernardo Honufrio hecticâ febre correpto; Pamphiliæ Asculanæ, vi rigrauius ægrotantis periculum formidanti; Smeraldæ Ricciæ iam neci à Phisicis adiudicatæ; Octauij Bandini, S.R.E. Cardinalis fratris, quem tanquam mortuum dessebant; Geruasii Firmanæ grauissimè ægrotanti; Marthæ Pauluciæ à Ciuitellâ, diutino morbo laboranti; Casertano Principi, graui morbo oppresso; Deloëriæ Cinthiæ iam sensuum vsu destitutæ; Bibianæ, Lucæ Thomasini vxori, cuius iam salus desperata erat; Cinthiæ à Monteflorum, Domipici Barlocij vxori diuino fascino languenti, liberationem, ac sospitatem prænunciat. In Asculanâ vrbe, Thomæ Diamantis Mocconæ filio, breui cœlestis regni sedem occupaturum præmonet. Vincentia, Iulij Coticoni vxor, geminas vno partu filias ediderat, quas cum Seraphini precibus commendaret, haud aliam ab eo, præter hanc vnâ vocem extorquere vnquam potuit: Frustra rogas, Vincentia: geminæ enim hæc columbæ sunt, quæ ad cœli nidum adspirant. Nobilis quædam mulier à Montevlmi, cuius nomen spontè prætereo, cùm patrem diutino morbo laborantem, qui ob quandam illius inobedientiam, tam graui in eam irâ excanduerat, vt ne vllam quidem de eâ sibi mentionem fieri sustineret, sæpè frustrâ suâ humilitate, ac omnibus officijs placare tentasset, ad virum Dei confugiens patris duritiem aperit. Cui ille: Æquo animo esto (inquit) quod tuum erat

Patri exoluisti, Verum id te minimè lateat, miseram illam patris tui domum magnâ Dæmonum multitudine occupari: haud is diu viuet superstes; at quod magis deplorandum, vitam cum æternâ morte commutabit. Nihil prorsus inane dictum, cum enim ille post annum morbo consumptus, ad ultimam vitæ lineam peruenisset, sanctis Ecclesiæ Sacramentis expiari abnuens, ijs, qui sacram illi peccatorum confessionem persuadebant, se crimine quodam constringi respondet, quod nulli vnquam aperire valeret. Hoc modo inexpiatus, & absque Sacramentis ex hac vitâ, supremo inferni supplicio perimendus, decessit. Marco Stabili, Asculano, à Seraphino, num vel uxorem ducere, vel religiosam vitam amplecti deberet consilium exposcenti, subridens respondet: Neq; connubia (inquit) iunges, neque ad religiosam vitæ formam pertinges. Melioris nobis vitæ genus, Marce, quærendum est, quod apud Superos manet. Id verò haud secus contigit, Viro Dei hoc anno è viuis sublato: Marcus verò paulò post, neque uxore, neque religione potitus, humana desent. Ripæ Tranfonæ, cum ob masculi partum, Gradassi Bonominis Familiam maximâ lætitiâ perfusam cerneret, ad socium conuersus: O quàm breue (inquit) est mundi gaudium! puer namque vaporis instar ad modicum apparentis, celerius tollitur: res dictum subsequuta. Puer enim vix tertium, vel quartum diem vidit superstes. Astolphus Guilerius, Asculanus, cum spinæ ventosæ morbum in pede quinquennij spatio patientissimè tulisset, Seraphini sibi apud Deum, opem implorat: cui vir Dei: Adhuc paulisper, Astolphe, patienter sustine, ac tum lætus quiesces: Etenim S. P. N. Francisci dies, quæ abhinc vix bimestre abest; finem morbis ac doloribus, simulq; vitæ imponet. Hæc Astolphus, cum iucundè accepisset, se in illum diem parat, ac S. P. Francisci præsentia ante mortem potitus, cum eo ad cœlestia migrat. His & alij plerique accedunt, quibus vir Dei futurum prophetico spiritu obitum prædixit. In his sunt Hieronymus, Baptistæ Paduani filius, infans; Prosper Biciarius Medicus, Asculanus; Lucretia Carlina, cui & obitus horam, & omnia morbi symptomata prænunciat; Alseniæ, nobilis Asculanæ filius, exul à patria; Lauræ Pastoræ Asculanæ filia nubilus; Fabricij Comentati à Montegranario infans masculus; Franciscus Meliorius Asculanus, cui & mortis diem, & horam præsignificat; Federicus Ferrus, Canonicus Asculanus; Eugenia Belalta, virgo honestissima; Bartholomæus à Corano; Semidea, Lucij Santini Asculani filia; Ponsolini Fornarij filius; Franciscus Sfortia, Asculanus; Æmilius Archan-

gelus,

gelus, Asculanus; Poliffena Rocia Asculana; Marchiffiana Valenda, Asculana, quam in ipsâ Dominici Natalis nocte morituram prænunciat; Franciscus Maria Laurus, à Loro; Iosephus, Constantiæ Paradisæ filius; Ioannes Andreas, Mecotij fabri lignarij filius, qui leui morbo laborabat; Vincentius Rosatus, Dux Peditum, nec minimùm ægrotans; Blasius Pelagallus à Monteflorum; Mulier quædam Aufidana; Henricus Masseus, nobilis Asculanus; Angelæ Gualatæ à Ripâ Tranfonâ filius; Serena Picilla, Asculana, cui & duarum duntaxat horarum vitæ terminum præscribit; Maria Maciarella, Asculana; Iulia, Ioannis Baptistæ Auricolæ Asculani vxor, quæ plenâ incolumitate fruebatur; Beata Seglettæ filia quin-quennis; postremò Octavius Crantillus, Asculanus, quem postridie hinc emigraturum prædicit, cùm solis radij ad ægrotantis lectum pertingerent: quæ & ipso rei euentû comprobata fuêre. Varijs quoque mulieribus, quorum aliæ fœtum discernere non poterant; aliæ, ne de prole quidem cogitabant; futurum distinctè partum præsignificat. Finisbæ Orlandiæ, Diamanti Mocconia, Balthasina Asculanæ, Sophonistæ Marci Antonij Squarillæ vxori; Vincentiæ Petrochinæ, Cardinalis à Montelparo nepti; Glaræ Iubariæ Anconitanæ; Petræ Franciscæ, Vincentij Posentij vxori, prægnantibus, masculum omnibus fœtum, quem suo tempore enituntur, prænunciat: Gasparinæ verò Thomæ nobilis vxori, necdum prægnanti masculum; Octauij Cetarelli nurui, quam antea prægnantem masculum parituram affirmauerat; plures deinde liberos eidem futuros prædicit. Sophonistæ, cuius supra memini, fœminam primùm, quæ ad septimum duntaxat vsque annum vitâ comite peruentura esset; alteram quoque, quæ Deo sub Monialis velo consecranda esset: puerum denique qui sacerdotio inungendus esset, enixuram prænunciat. Rursus Petræ Franciscæ, ac Mariæ Constantiæ Peçtinellæ fœminæ ortum: Arthemie Turrianæ, quæ omnem procreandę prolis spem abiecerat, quatuor eam masculos enixuram, sæpè confirmat, Hieronymę tandem, Iosephi Massei vxori, quæ cum liberos procreare non posset, cùm Seraphino conquerebatur, huic vir Dei: Tot (inquit) liberi tibi futuri sunt, vt ij tibi fortè fastidium pariant. Nonnullis etiam necdum de Capucinatorum vitâ amplexandâ cogitantibus, Religionis ingressum prædicit. Inter quos fuerunt, Frater Iustus à Montevlmi, Picentis Prouinciæ, Fr. Ludouicus à Monteguidono, & Antonius Gabrieliuss à Morrouallis, alijque non pauci. Marfise, Christophori

Boni, Aſculani, vxori, quæ diutinam viri abſentiam, abſq; villo illius ſalutis nuncio, lugebat; futurum viri poſt tertium diem reditum, & pericula, quæ euafferat, exponit. Angelicam à monte S. Pauli adhuc puellam, quæ viro Dei Crucis ſigno munienda à matre aliquando oblata fuit, ſuam Deo virginitatem conſecraturam prænunciat. Alia præterea quamplurima prophetico ſpiritu præſignificauit, quæ ſi vniuerſa explicanda forent, ijs facile leſtoris animus defatigari, atque à lectione deterreri poſſet; inſtitutam igitur hæc tunc in ijs conſcribendis breuitatem proſequens, ab ijs primùm exordiar, qui à varijs corporis doloribus ab eo diuinâ virtute curati fuere. Primùm Ragulinæ, Verbij Philippi Auſidani vxori, graui decem annorum ſpatio capitis dolore cruciatæ, cùm Seraphinus, manus capiti impoſuiſſet, eodem tempore ſoluto capitis dolore, nunquam eo deinceps vexata fuit. Criſpinus Chorus, Aſculanus, grauiffimo crurum dolore correptus, cùm per biſeſtre ita eo cruciatus fuiſſet, vt ne ea quidem mouere poſſet, vt dolorem leniret, in plateam ſe deferri curat: vbi dum foliorum luſui cum alijs incumbit, en Seraphinus aduentans, folia ex ludentium manibus extorta dilacerat, ac minutatim diſcerpit; cæterisq; qui colludebant, dilabentibus, ſolus Criſpinus crurum morbo præpeditus conſiſtit. Cui vir Dei: Criſpine, ſi nunquam deinceps te luſurum ſpoponderis, à crurum morbo te curandum ſcias. Illicò Criſpinus promptiſſimè pollicetur. Quà ab eo pollicitatione acceptâ, vir Dei mox crura manu contingens, ac ſigno Crucis comuniens, ita illi ſana, & valida reſtituit; vt, qui eò aliorum ope delatus fuerat, domum pedeſter redierit. Angelica Aſcula vniuerſali corporis dolore, ac præterea cordis palpitazione ita laborans, vt nullis remedijs leuari poſſet; ad Seraphinum tandem proſecta; cum is æreâ quadam Chriſti Crucifixi imagine, quam Corollæ appenſam gerebat, totum illius corpus obſignafſet; vbi aliquantiſper, cùm eâ ante ſacrum Euchariftiæ altare orauit, iterum ſigno Crucis munitam dimittit: quæ mox à corporis dolore, & cordis deliquio libera domum redit. Marcellina, Alomei Aſculani vxor, tam graui in ſiniſtro latere, dolore cruciatur, vt cùm illi reſpirationem adimeret; ſæpe illam ingentes rugitus edere compelleret; quam cùm Seraphinus ſuâ Crucifixi imagine conſignafſet, præterijt: at vix is terga verte- rat, cùm à dolore libera, incolumis ſurgit, & miraculum magnâ voce prædicat. Beatrix, viro Dei propinqua, integri anni ſpatio, ita à podagræ doloribus afflictata fuerat, vt nullâ quiete frui poſſet:

hanc cum Seraphinus suâ Crucifixi imagine crucis signo muniit, dolorem fugat, eamq; à podagræ morbo deinceps liberat. Ab eodem quoq; podagræ morbo in oppido Montisgranarij, Mecotium Darium diu laborantem; & Philomenam Francisci Brichi vxorem, à Cephalalgia, quam diu sustinuerat, eodem modo per sanat. Fr. Antonius Cingulanus, ex nostris concionator, cum diuturno capitis dolore, quo etiam in sæculo afflictabatur, laboraret; vix illum Crucifixi imaginem illi à Seraphino oblatam, quâ etiam ab eo in fronte obsignatus fuit, exosculatur; cum protinus à capitis dolore liber, perpetuo ab eo cruciatus vendicatur. Fr. Virgilius Pacificus à Monterubiano, Minor Conuentualis, ab acerrimo manus, & brachij dolore, à viro Dei Crucis signo communitus, statim à dolore conualescit, neque vnquam deinceps eo afflictatus fuit. Hoc pacto & Rochus Asculanus ab vtriusque brachij languore; Aurania, Ferrantis Palettæ Asculani vxor, ab sinistri humeri cruciatus; Ioanna, Scipionis Porfilij vxor, à brachij tumore, ac inflammatione: Vincentia, à lupinorum morbo, quo grauiter vexabatur; vterumque à partus angustia: Augustinus Sissantius à manus dolore: Fr. Valerius à Ripâ Tranfonâ, ex nostris Laicus, ab odontalgia: Polinix Tuffina Nouanensis, à cephalæ: Innocentius Pitiotus, à colico dolore; Vrbina Asculana, ab vberum tumore; Beata Sgarilia, & Martina, Asculanæ mulieres, à diutino renum cruciatus; Bartholomæus à Loro, à morbo cachexiæ, Benedictus à Monteguidone, à spinâ ventosâ, Iulia à Montegranario, ab vniuersali corporis tumore; Fr. Bonauentura Maceratenfis, ex nostris concionator, à cephalalgia; Lucretia Odoarda, à genuum imbecillitate, ac dolore; Aurelia, Petri Andræ Nouanensis vxor, à colicâ passione; Balthas Grimaldus à Montegranario, à totius corporis doloribus, ab eo Crucis signo, vt plurimû suâ illâ Crucifixi imagine adhibito, per sanantur. His plagis, ac vulneribus affecti accedant, quos viro Dei, solâ Dei virtute sanatos fuisse, ex processu exploratum est. Flaminius Cincius, Dux peditum, lethale vulnus in pectore receperat: cui cû aurea fistula, ex quâ sanies efflueret, ac vulnus, quod consolidari non poterat, patefactum seruaret, à Phisicis perpetuò in ipso vulnere retinenda applicata fuisset, eo maximè æger cruciabatur: quapropter Seraphini aliquando præsentiam nactus, ab eo supplex poscit, vt suâ oratione à Deo sibi vulneris illius curationem exoret. Cui viro Dei: Quid (ait) te in hoc vulnere cruciat? Mox ille: Aurea fistula (inquit) quam in vulnere reconditam gero. At Seraphinus

ægro colludens : Aureane? ( ait ) nimis profectò superbum vulnus, quod, nisi aureâ fistulâ saniem eructet, haud sibi satisfactum esse velit. Verùm in Domino confide, Flamini: vulnus absque fistulâ curabitur. Cumq; fascijs, quibus vulnus obtegebatur, explicatis illud patefactû fuisset; mox vir Dei suâ illâ Crucifixi imaginē vulnus contingit, & Crucis signo obfignat. Vix autem Crucis signum ediderat, cùm ex se aurea fistula è vulnere erumpens, vulnus ita ad incolumitatem parat, vt quarto, vel quinto post die, absque fistulâ perfectè curatum fuerit. Theodorus Tassus Asculanus, qui fistuloso vlcere in dexterâ manu laborans, nullis remedijs iuuari poterat, eodem modo, perfectè mox sanatur. Horatius Iauania, Cyrneus miles, pugione in sinistro latere confossus, nullo remedio ad vitæ metam properabat; cui cùm Seraphinus pacem cum aduersario inire persuasit; signo Crucis suâ Crucifixi imaginē, vulnere adhibito, postridie è vulnere incolumis, è lecto surgit. Augustinus Imperacius, & ipse Cyrneus, lethali vulnere per latera transuerberatus, ad Seraphini preces confugiens, ab eo signo Crucis, nudato vulnere, communitur: quo accepto, postridie è lecto incolumis emergit. Ioannettus, diu atrum in facie calcinoma tulerat: quo indies excrecente, ac carnem depascente, cum primùm Seraphinus illud suâ Crucifixi imaginē signo Crucis muniuit, eum confestim diuinâ virtute persanatum dimisit. Hoc quoque modo Franciscum à Montefancto, & Æmiliam à Loro, à cancro eorum vultus deuastante: Dianam à Loro, manu captam: Pörtiam Nicolai Seraphini filiam, quæ casu sibi digitum solâ cute pendentem obtruncauerat: Cittam Victoriâ Odoardam, à graui apostemate: Ioannem Camillum Arpinum Asculanum, à lethali capitis vulnere: Balthasarem Asculanum, graui in capite vulnere faucium: Pyrrhum Valerianum peditum Ducem, à manus vlcere, quod in cancrum degenerabat: Antonium Vallomeum Asculanum, à profundo humeri vulnere: Franciscum Monseum Asculanum, à fistuloso femoris vlcere: Ioannem Marinum decem annorum puerum, grauissimè ex lapsu in capite faucium: postremò Marcum Aurelium Spoletanum, Asculanæ vrbis Gubernatorem; ab incurabili manus vlcere, diuinâ virtute curat: cum enim ad eum vir Dei pro reo quodam captiuo rogaturus accessisset, his eum verbis compellat: iam inter nos Seraphine, paciscamur: ille delicto, ego graui in manu vlcere teneor: si tu me ab vlcere liberum præstiteris; ille meo decreto absolutus, è carcere emerget. Hoc pacto accepto, cùm vir Dei nonnulla Crucis signa vlceri adhi-

buisset;



buisset; vix ad Palatii gradus peruenerat, cum Marcus vlcus per-  
 natum cernens, reum è custodiâ liberum abire iubet. Iam ad clau-  
 dos, & membris captos accedo. Primus Vincentius Potentia, altero  
 crure ita captus erat, vteo nonnisi difficillimè progredi valeret, qui  
 cum Seraphini preces implorat. Quid, inquit, de crure conquereris?  
 nulla cruri ægritudo est. Mox crus suâ Crucifixi imagine config-  
 nans, liberum protinùs illi gressum reddit. Salomeam, Lucretiæ  
 Antonellæ trium annorum filiam, vtroque pede ita mutilam, vt neq;  
 incedere, neque stare vlllo modo posset, vlnis exceptam, cum non-  
 nullis sanctæ Crucis signis communijset, humi reponens, eam iubet  
 incedere: quâ liberè, perinde ac si nullâ crurum imbecillitate tene-  
 retur, progrediente, is celerem ipsius obitum prædicit. Virgo quæ-  
 dam à Cofiniano, à lumbis deorsum, ita membrorum vsu destituta  
 erat; vt ne ea quidem mouere posset, cumq; nulla illi incolumitatis  
 spes affulgeret, Seraphini precibus obnixè se commendat, quam vir  
 Dei suâ Crucifixi imagine varijs in membris obsignans, his eam vo-  
 cibus compellat: Surge filia, & ad sacrum Eucharistiæ Sacramen-  
 tum, Deo pro beneficio gratias actura concede. Protinùs illa, tibijs  
 consolidatis, & toto corpore incolumitati restituto, ad Altare pro-  
 cedit, ac pedestris, & incolumis domum reuertitur. Stephanus à  
 Capite riui, femore sibi ex arboris lapsu fracto, cum octo men-  
 sium spatio in lecto iacuisset, vix fulcris adhibitis, paululum pro-  
 gredi poterat, cum Seraphinus Crucis signo, vti solebat femori im-  
 presso, ita illum in momento reddit incolumem, vt eodem tempore,  
 proiectis fulcris, sua per urbem, gressu liberrimo, negotia gesserit.  
 Petrus Manfredus à Montegranario crus sibi ex casu confregerat;  
 quod cum nullo remedio instaurari posset, in lecto iacebat; cuius  
 cum Seraphinus cruri Crucis signum impertit, eodem mox tem-  
 pore persanatur. Eadem prorsus Dei virtute, & Bernardi Asculani,  
 & Iacobæ Mantocij vxoris crura fracta; & Hieronymam Au-  
 reliæ Rosatæ filiam, membrorum vsu destitutam, & Ioannam Can-  
 dadori, Asculani filiam, altero crure mutilam; & Octauium Ban-  
 dirium, S. R. E. Cardinalem, cuius crus fractum fuerat; & Theo-  
 doram Antonij Frassii vxorem toto corpore attractam; & Mariam  
 Semideæ filiam, quæ nullo membrorum vsu fruebatur, & Marinum  
 Dionysium à Montevlmi, qui ex arboris lapsu, cervicis sibi os con-  
 fregerat; & Theodoram à Montegranario ex casu toto corpore  
 fractam, in perfectam corporis incolumitatem vindicat. Ve-  
 nio ad cæcos, mutos, surdos, gibbosos, & incurabiles, qui ab eo

in Processu curati leguntur. Dum vir Dei per Lori oppidum iter faceret, quædam illi mulier vtroq; oculo capta oblata fuit; mox ubi is suâ Crucifixi imagine obsignauit, toto spectante populo, lux illi restituta fuit. Puer quoque, aduenæ cuiusdam mulieris filius, qui eo usq; cœcitate laborauerat, quamprimum ab eo Crucifixi imagine signum Crucis oculis adhibitū accepit, eodem quoq; tempore oculorum lumen recepit. Porro admiratione dignum videtur, quod Iosepho Ferranti à Loro contigit: qui cū integrâ cœcitate laborans, Seraphini miraculorum famam percepisset; tantam erga virum Dei fidem animo concepit, vt se omninò à cœcitate curandum sibi persuaserit. Quapropter cū se ad virum Dei Asculum perducendum curasset, eo in itinere lux ei à Domino, qui in se vberius confidentes suis donis præuenit, restituitur. Asculi rursus puerum, Felicis Melioræ filium, luce orbatum, orans, ac Crucis illi signum impendens, ad oculorum lucem reuocat. His pleriq; oculorum morbo grauiter affecti accedūt, quos vir Dei in integrâ incolumitatem vendicat. Inter hos enumerantur, Maria Ioanna Asculana, quæ fistulâ in dextro oculo iam diu passâ fuerat. Constantia Patinella Asculana, dextro oculo orbata: Citta Tucia, & Sanctia Orifila, puellæ Asculanæ ob boæ morbum lumine captæ: Ioanna à Montevlmi, Ioannis Marini vxor, ignis scintilla obcœcata. Inter mutos Maria quædam, Litprandi textoris filia asseritur, quæ cū muta ad quartum usq; annum peruenisset, à S. Viro benedicta, & suâ Crucifixi imagine signata, linguæ vsum accepit. Æsij, viro Dei, quædam 10. annorum puella, Catharina Octauiana nomine, oblata fuit quæ confuso, & indistincto duntaxat vocis sôno eatenus res indicauerat. Huius linguam cū sua Crucifixi imagine contigisset, eaq; Crucis illi signū edidisset, Iesv illam nomen proferre iubet, dein MARIÆ: quibus distinctè prolatis, clarè deinceps omnia proloquuta fuit. Eodem modo cū per Montis sancti oppidū iter faciens, ægrotum signo Crucis incolumitati restituisset, mutum præterea deprehendens, altero Crucis signo linguæ impresso, distinctè loquentem præstat. Eodem tempore Hieronymo Vico, 13. annorum A doléscenti, aded surdo, vt nequidem Campanarum sonum perciperet, crucis signo, adhibito auditū restituit: gibbosum quoq;, qui ita curuus incedebat, vt manu terram contingeret, eodem crucis signo, ad pristinam corporis valetudinem reuocat. In incurabili numero, primus Cæsar quidem Amuratus à Montegranario recensetur, qui incurabili quodam faucium tumore laborans, à Dei seruo crucis signaculo communitus protinùs diuina virtute curatur.

Post hunc, & Sebastiani Rubei filius, incurabili fistulâ prope sexum affectus: Asculi Alexander Benedictus venereâ lue correptus: Auidi Theodorus Adamus, leprâ conspersus: in oppido Montisgranarij Antonella Commentata, ab vlcere incurabili: Nesba Bellisarij à Montefucino vxor: Vincentius Morus Firmanus: Iulias Blasius Asculanus, à strumis: Hippolyta Asculana, & Ioannes Baptista Georgius, ab hydropisi: Hisba, Prosperi Gennasij vxor, à paralyfi: Gitta Salomea, Vlyssis Caualeuechij filia; Maria Pomilia Asculana; Ludouicus Asculanus, hospes diuersorius; Paulus Vechiolus Asculanus, à comitiali morbo: Balthasar Merletus, Asculanus, à phthisi: in Lori oppido Baptista Passacantandus, à vermiculari morbo; à viro Dei, signo tantùm Crucis adhibito, persanantur. His & moribundi, quorum iam salus desperata erat, à Dei seruo, velut ad vitant reuocati succedunt. Baptista Auricola, Asculanus, feбри acutâ, & colico dolore laborans, Medicorum ope, sensibusq; destitutus: Augustina, Marci Tullij Asculani vxor, anginâ correpta, omniumq; Medicorum sententiâ ad necem damnata: in oppido Montisgranarij, Margarita, Alphonsi Nuzzæ filia, cui agonizanti funera parabantur: Ririus, Mineruæ Asculanæ filius, iam moribundus, quibus signum Crucis impertiens, breui cunctos ad perfectam incolumitatem prouocat. Demum Pandolfina, Vlyssis Palmificani vxor, cùm ob diuturnam hydropisim eò euasisset, vt de illius vitâ omnem prorsus Phisici spem abiecissent; virum Dei ad se accersitum rogat, vt sitim saltem sibi extinguere liceat. Cui Seraphinus, vbi eam Crucis signo communiuit, aquæ frigidæ vrnâ adferri iubet; eamq; signo crucis benedicens, his eam verbis confortat: Eia, Pandolfina, iam quantum libet, bibe, ac sitim extingue. Porro eâ bibente, cùm domestici mortis potum eam hausturam putarent, vix illa aquam hauserat, cùm hydropico humore decresciente, tantùm mox incolumitatis assequuta est, vt postridie incolumis è lecto euaserit. Plerique alij à varijs morbis ab eo quoque persanantur. Peracius Maciarellus, Asculanus, acutâ febre tam grauiter ægrotans, vt de illius salute Medici desperarent, huius viri Dei oratione, ad salutem reuocatur. Huius quoque filius, trium annorum puer, qui herniâ laborabat, ab eo crucis signo persanatur. Theodoram Huitratam vultus quidam tumor, atque oris morbus inuaserat: quo excrecente, cùm vix liquidioribus vesci posset, signo crucis à Dei seruo accepto, mox ab utroque morbo liberatur. Leonardus Riccus spinâ ventosâ, ac insuper vomicâ in femore laborans, eodem modo curatur. Syluester

Caponius, nobilis Asculanus, graui anginâ correptus, à viro Dei Crucis signo in gutture munitus, repentè conualefcit. Seraphinus, Marchinię Amatę filius infans, post aliquot fui natalis dies, toto corpore in tumorem verfo, longioris fermè vitę spem matri interceperat, cùm viro Dei ad illius opem accersito, is simul atque infantem in matris sinu conspexit: Ne de puero ( inquit ) sollicita esto: viuet infans: & quem hic modo tumidum profert, tertius post hunc dies tibi incolumem reddet. Cumq; puero Crucis signum impertitus esset, is confestim oculos aperiens, cœpit conualefcere; donec tertium incolumis diem aspexit. Hac ipsâ Dei virtute, ac signo Crucis adhibito, Nisbam, Hieronymi Contei Asculani vxorem, ab vberum tumore; Cittam Serenam, & Hieronymum Armellinum à quartanâ febri; Ioannem Franciscum, Paridis Antonelli filium, boæ morbo periculosè laborantem; Cittam Auraniã, à labiorum deformitate, quam ex falsi humoris fluxu contraxerat; Iosephum Petri Marini filium, à diutinâ febri, ac strumis; Marchoniam Stabilem, Asculanam, à formiculi morbo, & grauissimis membrorum doloribus; Adrianum Cresimelem à Loro, ab herniâ; & ab eadem Fr. Stephanum à Montefancto, ex nostris Laicum, & Iosephum à Vena Villâ; post hæc Thomam Vandinum, sculptorem Camerinensem; Petrum Angelum Bononiensem; Fr. Ioannem à S. Elpidio, ex nostris Sacerdotem, & Fr. Ioannem Baptistam à Montegranario, Laicum, Ischidico morbo: Camillum Botrum à S. Victoriâ, spleneticum; Felicitam, à Scatino nouo, à diuturno capitis, & stomachi dolore, Franciscum Caluiam, & Mariam Maruciam à Nouanâ, graui febre laborantes, reddit incolumes. Superest iam, vt cætera huius serui Dei miracula, quæ passim præter agrotorum curationes ab eo patrata sunt, breuiter percurram. Florauantis Latini à Montevlmi vxor lacte carebat, quo infantem grauiter febricitantem aleret. Quapropter omnibus Physicorum remedijs frustra adhibitis, vltimum à Seraphino quęritur, qui panem Crucis signo munitum, ad eum è Conuentu mittens, eo vxorem vesci iubet: cuius esu, non modò vxor lactis copiam assequitur, verùm & infans à febre curatur. Hoc modo, & Maria Augustilia, Lucę Albertini vxor, & Tarsia, Cæsaris Iuntę Asculani vxor, lactis ab eo abundantiam accipiunt. Hippolytus, Silentij Seraphini fratris filius, beneficio dementatus, cùm trium annorum spatio, velut insanus per varias regiones pererrasset, tandem ad virum Dei perductus, ab eoq; signo Crucis in fronte munitus, ita à fascino liber domum redijt, vt eo nunquam

deinceps agitatus fuerit. Pari modo & Augustinus à Luco, à fascino, quo à Dæmone alligatus fuerat, à Dei seruo absoluitur. Pecuarios canes aliquando in eum hiantes ore, ac rapido cursu tendentes, Crucis signo silentes, ac pacatos reddit. Rursus, cum Ciuitellâ digressus, Asculum cum nonnullis sæcularibus viris rediret, cæteris copioso imbre, qui è Cœlo cadebat, madidis; is nequidem vnâ pluuiæ guttâ perfusus in vespere conspicitur. In Asculano Conuentu pane deficiente, arcam panariam suis meritis è Cœlo plenam accepit. His & alijs quam plurimis diuinæ potentiæ miraculis, quibus D.O.M. serui sui merita, & sanctimoniam vberimè testabatur; cū tam celebre in Piceno esset Seraphini nomen, vt quacunq; in Conuentus Familiâ degeret, ad eum ægrotantium turbæ confluerent, id potissimum in Lauri Conuentu accidit, vbi tanta quotidie languentium, & ægrotorū multitudo ante Ecclesiæ fores iacens cernebatur, vt parum ab illâ Hebræorum piscinâ abesset: quibus cū vir Dei suâ illâ Crucifixi imagine Crucis signum impenderet, omnes fermè à morbo curabat. Viro Dei aliquando per Montemvlmi iter facienti, tam ingens populi turba occurrit, vt vix è medio, pallio, ac habitu vndiq; obtruncato emergere potuerit. Hoc ipsum illi, cū in Montisgranarij Familiâ conscriptus esset, sæpè contingere solebat, ita vt integros dies in ægrotis Crucis signo consignandis, frequenter impenderet. Res quidem Fratribus ita molesta erat, vt eidem Guardianus aliquando dixisse feratur, quod si diu ea confluentium multitudo, quâ sæpè diuina officia perturbari contingeret; illis ferenda esset, obedientiæ præcepto illi miraculorum potestas, vt olim à B.P. Francisco B. Petro Catanio sublata fuit, cohibenda esset. Quamobrem, ne ea Conuentus familia diutius illam molestiam sustineret, inde Asculum migrat: vbi cū diu moras traxisset, tanta in eum vrbs deuotio fuit, vt eum omnes velut cœlestem hominem, & consolatorem vrbi datum agnoscerent: atq; is è regione, tam singulari urbem illam beneuolentiâ prosequutus est, vt quam plurima in eam, tum publicæ pacis, tum mutuæ concordiæ, & curationum beneficia contulerit. Postremò vt perenne illi amoris signum testaretur, eidem corporis sui exuuias perpetuò asseruandas reliquit: etenim cū pleròq; in eâ vrbe annos magnâ cum sanctimoniæ laude duxisset; iam septuagenarius, vitæ suæ occasum, quem sæpè antea prænuuciauerat, propinquum intelligens, vehementius orationi, ac rerum diuinarum contemplationi incumbere, iuuentutisq; ieiunia, atq; asperitates ad senectutis annos reuocare cœpit. Diu Seraphinus occultū in pectore

morbū patienter tulerat, eo tamen adeò ingrauescente, ut iam supremū illi interitū minaretur, illum tandē declarare cogitur: quō fiebat, ut & Medicus, & Fratres haud tantū morbum aestimarent, pridie tamen, quā ē vitā Viri Dei discederet, quō diuinis Ecclesiæ Sacramētis frui posset, proximum sibi vitæ occasum instare luculentius aperit. Cum verò neque id asserenti Fratres crederent, vix tandē Sacra illi Eucharistia per modum Viatici ministratur. Dies erat Vito Dei suprema, cū is facto Domini corpore refectus, inter ipsius amoris amplexus ad tertiam vsque post meridiem horam perseverat, quō tempore extremæ Vnctionis oleo inungi postulans, apertatū à Guardiano repulsam patitur, id enim ab Ecclesiasticā Regulā alleſsum ducebat, quā extremæ Vnctionis Sacramentum in mortis articulo tantū ministrari præſcribitur. Post hæc vir Sanctus genuflexus in lecto orans, cū ad quartam à meridie horam peruenisset, oculis in Cælum sublati, his Dominum verbis precatur. O Domine I e s u, si loquor, nulla mihi fides adhibetur, tu ipse loqueris. Vix hæc protulerat, cū vultu in pallorem mutato, mortis signa præferte ccepit. Porro Fratres, qui Dei Virum obseruabant, insperatam illam vultus mutationem spectantes, summā festinationē ad sacrum Oleum atcurrunt, ac Dei seruum inungunt. Quō ille inunctus, paulò post, perindē ac si in quietem concederet, placidē mortis somno consopitur. Dei itaque seruo, hoc modo, præter omnem expectationem, ē viuus sublato; Guardianus, qui irruentem in eum turbam pertimescebat, nullum campanā (vti mos est) ipsius exitus signum pulsari iubet, at pueri agminatim per urbem incedentes, sanctū Virum mortuū conclamabant: quō audito, tanta mox populi multitudo ad Conuentum confluit, ut occlusis mercatorum tabernis, sola vrbs absque habitatore relicta videretur. Turbā verò, sancti Viri miracula, & beneficia celebrante, canentium potiùs hymnis, ac laudibus, quā lugentium carminibus, Ecclesia personabat; mox vniuersi certatim in ipsius oscula, & amplexus ruerē, capillos tondere, barbā præscindere, ungues obtruncare, habitum discerpere; tantoque deuotionis impetu in eum ferri, ut & digitos, ac cætera corporis membra facile dissecassent; nisi Fratrum, ac decem virorum, ab urbis conseruatoribus missorum, prouidentia corpus intra cancellos occlusum fuisset, quō populus pertingere minimē posset. Terni interea, & quaterni habitus, à multitudine discerpti fuere. Sanctū verò Viri

corpus molle, ac tenerum, velut dormientis contrectabatur, atque adeò suavi odore perfusum, vt cœlestem Myrotheciam suâ odoris suauitate referret. Intempestâ igitur noctis horâ S. Viri corpus lignea arcâ oclusum, vrbis senioribus id petentibus, non in communi Fratrum sepulchro, sed seorsim sub Altaris cancellis, conditum fuit. Cùm verò vndique, tum ex vrbe, tum ex vicinis, ac remotis Piceni oppidis, ad ipsius sepulchrum turbæ confluere, vota appendere, Seraphini nomen inuocare, vrbis Proceres, coactò concilio Legatos ad Paulum V. Pont. Max. destinant, qui totius vrbis nomine Processum de Seraphini vitâ, & miraculis instrui, & ad illius Beatificationem procedi postularent. Pontifice vrbis votis annuente, primùm Ordinario examen committitur. Excrecentibus verò ad illius sepulchrum miraculis, Anno 1610. Sacrà S. Inquisitionis Congregatione annuente, lampas ante illius sepulchrû ardens statuitur, quo tempore tot signa multiplicari cœperunt, vt non solum ex Piceno, sed & ex remotioribus Aprutij, & Insubriæ, & Galliæ subalpinæ partibus, vota ad illius sepulchrum mitterentur. Quorum miraculorum memoria ne depereat, breuiori, quoad fieri poterit, hîc Compendio colligenda sunt; eo modo, quo in processu enarrantur. Rem igitur ab ipsis B. Viri apparitionibus exordiar, quibus post mortem à plerisq; visus est. An. 1604. quo Vir Sanctus ad foeliciorem vitam concessit, eadem nocte, quæ ipsius obitus diem subsequuta est, Portiæ Contæ, suæ olim familiari, quæ ipsius adhuc mortem ignorabat, gloriosus apparens, post nonnulla consolationis verba, in cœlum effertur. Anno 1605. Nicolaus Saluia Asculanus, dum extremo cum morte agone conflictatur, ad Dei tribunal raptus, B. Virginem, ac plerosque alios Sanctos, quos ille singulari veneratione prosequabatur, dextram Throni tenentes; ab altera Seraphinum, Beatorum Capucinorum agmine stipatum cernit: quo tempore Dæmones pleraq; aduersus eum accusationis capita coram Iudice proferentes, à Seraphino, qui rei causam defendendam susceperat, oblatâ exceptione repelluntur: à quo etiam pleraque Christianæ pietatis opera à Nicolao patrata, atque inter alia, plurima illius in Capucinos liberalitas, ac munificentia referuntur. Quapropter, cùm ad bonorum, ac malorum operum pensionem ventum esset; Seraphini operâ, & pãtrocínio, absolutionis sententia à Iudice profertur. Id cum Nicolaus, Franciscus Mariæ, Mediolanensi Sacerdoti, qui ipsius tunc animæ curam agebat, retulisset, paulo post in Domino quiescit. Anno 1605. Scipio Franciscus, Aprutinus, febris continuâ in Iessi oppido



apud Capucinos laborabat, cùm intempestâ nocte quiescens, à somno excitatur; senemq; Capucinum sibi adstantem cernit, qui his eum verbis compellat: Scipio, cedo dextram. Eo verò dextram porrigente: Ego ( inquit ) Frater Seraphinus sum à Montegranario. Satage, vt B. Virginem, meq; singulari pietate prosequare: nostrâ quidem intercessione iam tibi à Deo incolumitas collata. Is verò repentè incolumis è lecto surgit. Anno 1622. dum Elisabethæ Erapulensi, pestilenti febre correptæ, funera parantur, Seraphini sibi opem implorat: qui hoc ipso tempore ægræ perspicuè apparens, eam his verbis affatur: Elisabeth, si meum sub peregrinæ habitu sepulchrum piè venerata fueris; integrâ incolumitate frueris. Protinusq; his dictis euanuit. Ea verò, cùm ab eo tempore conualescere cœpisset, ad Seraphini sepulchrum integram incolumitatem assequitur. Vincentia, Nicolai Salui vxor, ad mortem ægotans, Seraphinumq; inuocans, eundem mox sibi adstantem cernit, tam ingenti luce perfusum, vt domum totam suo splendore illustraret: qui his ægram verbis alloquitur: Cur Vincentia, times? aut, quid de meo patrocinio dubitas? Longior tibi vita, meâ intercessione condonatur: breui conualesces, rei veritatem exitus comprobauit. Iuliana, Latini Ferri Asculani filia, grauiter febricitans, pectoris præterea dolore afflictabatur; cùm Seraphinum rogat, vt suâ illi Crucifixi imagine, vt viuens solebat, pectus consignet, ac febrem depellat: qui cùm mox illi se iucundum, ac festiuum videndum præbuisset; signum Crucis adhibet, eoq; febrem, pectorisq; passionem protinus fugat. Maria Augustilia Asculana, acutâ febre cum acerrimo capitis dolore, ad vitæ occasum festinans, cœlestem Seraphini opem postulat, quo tempore eum cœlesti gloria affulgentem sibi adesse conspicit: qui vbi ægram verbis consolatus est, atque utrâque manu apprehensam, sedentem in lecto collocauit; protinus incolumem præstitit. Iosephus, Felicis Montij Asculani filius, vndecim annorum puer ad funera rapiebatur, quo tempore Seraphinum sibi ad vitæ præsidium inuocat, quem mediæ noctis horâ præsentem intuetur; atque hac voce compellantem audit: Frater Ioseph. Cui cùm, & ipse, Fratrum more responderet, Ave Maria. Seraphinus puero adblandiens, illiusq; humerum leuiter concutiens: Ne timeas ( inquit ) vitâ viues. Moxq; incolumitati redditus, cùm exclamans: ô Sancte mi, ô sancte mi, Sanctum Virum amplecti vellet, is ab oculis repentè euanuit. Nec frustra Fr. Iosephi nomine à S. Viro nuncupatus fuit, post adulescentiæ enim annos ad Capucinos fugiens, Fr. Iosephi inter no-

nomen retinuit. Portia, Sebastiani Cacarelli vxor, cum ab armatâ Prætoris familiâ sibi nocte domum inuadi cerneret, vt virum, criminis de quo agebatur, in fontem apprehenderet; ad Seraphini mox opem confugit. Nec frustrâ, nam eodem temporis momento plerique Monachi, ac Presbyteri, eatenus ignoti, vndique erumpentes Sebastianum à Satellitij potestate eripiunt. Ægrotabat eo tempore Portia foetum in vtero gerens, cum S. P. Franciscus, ac Seraphinus eidem post factum apparentes: Portia (inquiunt) à nobis missi sunt, qui Sebastianum in libertatem vendicarunt, tu quoque nostro patrocínio ab ægritudine libera esto. Verùm sæculari veste dimissâ, cinereo te habitu contege. Quibus illa per omnia paruit. Post hanc B. P. Francisci, ac Seraphini apparitionem, cum Portia totam noctem illam in oratione insomnem duxisset, foetum, quem in ventre gerebat, velut è lumbis sibi auelli, atque in aluum magno strepitu dilabi percipit: ex quo tempore, cum vndique ex omnibus corporis spiraculis tetrum foetorem effunderet; is adè in ipsâ partus horâ excreuit, vt penè intolerabilis videretur. Quo tempore cum mortuum, ac putridum ex aluo foetum fudisset; cum lachrymis Seraphinum precatur, vt tantisper vitæ enixo foetui restituat, quoad sacrâ Baptismatis vndâ regenerari queat. Nec vana illius petitio fuit: eâ namque in lachrymis perseuerante, defunctus, ac putridus puer nonnulla, tum motu, tum oscitatione, vitæ signa edens; mox sacro Baptismate abluitur; ac post quinque aut sex horarum spatia, in nutricis sinu animam exhalat. Portia verò, cum hoc ipso tempore leui somno detineretur, Seraphinum hæc sibi dicentem audit: Tu quoque, ô Portia, extremum cum tuo foetu diem clausisses, nisi vitam tibi à Domino impetrassem. Quapropter Deo gratias age; diuinamq; tibi misericordiam tuâ pietate auge. Malatesta Matteuccius à Montenuoui, laterum, ac renum dolore oppressus, lampadis, quæ ante Seraphini sepulchrum lucet, oleo inunctus; atq; eodem tempore B. Viri præsentia, hacq; voce dignatus: Malatesta; ecce quem inuocasti, Seraphinus te à dolore liberum, & incolumem reddit. Perfectæ incolumitati restituitur. Ab iisdem quoque laterum, ac renum doloribus Modestina Blanchina, à B. Viro illi in somnis apparente, ac doloris locum manibus contingente, hisq; eam verbis consolante: Blanchina, iam te dolores deseruere, liberatur. Terentia, Paulacij Afculani vxor, matricali dolore sæpe vexata, dum Seraphinum sibi è Cælo auxiliatorem deprecatur; præsentem Seraphinum cernit, hæc sibi verba inculcantem: Filia, Cælum patientiâ, ac doloribus

comparatur. Cumq; suâ illam Crucifixi imagine, quam viuens gestabat, consignasset; ab eo deinceps dolore eam liberam præstat. Eo quoq; apparente, ac doloris locum contrectante, Deiurquina, Tullij Electi Asculani vxor, quæ ex lapsu pedem sibi grauiter læserat, instantaneam pedis curationem consequitur. Praxedes tertianâ grauissimè ægrotans; Fabricia Asculana, crurum dolore afflictata; Marianus Parisianus, pestilenti febre laborans; Lucia à Montenoui, linguæ morbo vexata, ab eo incolumitatem assequuntur. Nonnullæ quoque aliæ illius apparitiones in Processu leguntur, quas, breuitatis studio, prætermitto; vt ad cætera Sancti huius viri Miracula explicanda accedam. Necdum Seraphini corpus tumulo conditum fuerat, cum Fabricius Furcula Asculanus, qui diu corpore imbecillis, ac pedibus mutilis in lecto iacuerat, eius obitus famâ perceptâ, ab eo obnixè precibus postulat, vt eum, antequam tumulus contegat, & ab oculis rapiat, sibi intueri, ac deosculari liceat. Annuit votis benignissimè è Cælo vir Sanctus: cum enim post orationem Fabricius sibi corpori vires addi perciperet, fulcro adhibito, lentè ad Capucinorum Ecclesiam procedit; vbi Seraphini corpus in feretro collocatum conspiciens orat, accedit, corpus exosculatur; plenamq; ab eo incolumitatem postulans, postulata accepit. Eodem tempore Portia Asculana, dentium dolore grauiter vexata, vbi S. Viri corpus deosculata fuit, mox à dolore libera, Deo, ac B. Viro gratias agit. Philippus Albarinus à Campio, cum duodeviginti mensium spatio ita languidus in lecto iacuisset, vt absque alteriùs adminiculo moueri non posset; voto emissò, mox diuinâ se virtute roboratum, & consolidatum percepit. Maria Felix, Marci Lucidi Asculani filia, quæ genuum morbo ita laborabat, vt seipsâ progredi minimè valeret; voto ad Seraphinum nuncupato, ac lampadis, quæ ante illius sepulchrum ardebat, oleo inuncta, morbo mox effugato, libera incedit. Elisabeth, Antonij Bergomatis filia, decem annorum spatio alterius manus neruorum debilitatem passa, Seraphini pallium manu contingens, protinùs sanatur. Carolus, Perusinae Asculanae filius, cum utroque pede ad tergum verso natus, neque incedere, neq; stare vllò modo posset; post plurima ad pedum restitutionem remedia frustra tentata, tandem voto à matre ad Seraphinum emissò, delatoq; ad S. Viri sepulchrum puero; is, qui ocreas ferreas gerebat, in pedes constitutus, non tam stare, quàm liberè progredi, & regredi cœpit. Demum Balthasar à Montemonaco, altero pede claudus; Constantia ab Ancarano, altera manu capta; Ioannis Dominici à

Montealto filius, à lumbis deorsum membris mutilus, lampadis ante S. Viri sepulchrum ardentis, oleo illiti, integrâ membrorum incolumitate perfruuntur. Margarita, Mauritiij à Patrinione filia, quæ utriusque oculi, ex boæ morbo, cœcitatem contraxerat, oculis illi B. Viri hâbitus particulâ à matre bis, terq; perfricatis, integrum oculorum lumen recipit. Ioannis Francisci Asculani filia, Citta nomine, ob eundem boæ morbum, dextro oculo penitus cœca; altero verò iam obscurâ luce fruens, voto ad S. Virum emissio, vix ab oratione surgit, cùm clariori se luce frui experta, integram postridie utriusque oculi cœlesti dono assequitur. Inter eos verò, qui varijs corporis doloribus cruciati, sancti huius Viri suffragio ab ijs liberati fuere, primus est Petrus à Montegranario, qui grauissimo capitis dolore correptus, cùm de venerando Viri Dei sepulchro votum nuncupâisset, nullâ interpositâ morâ ab eo diuinâ virtute curatur. Ab eodem & Mansueta Asculana, & Alberina Iuuenalis, & Dominica Camplienfis, & Delia, Marcellinæ Cornilis famula, Viri Dei sepulchrum visitantes liberantur. Theodora Ginestica, partus doloribus oppressa, Crucifixi imagine, quæ olim Seraphini fuerat, obfignata, mox salua fœtum emittit. Zenobia, Gasparis Tutij vxor, cingulo B. Viri se præcingens, à partus doloribus vendicatur. Hoc modò & Maureliæ Confectæ, & Felici Montinæ, & Argeriæ, Felicis Grassi vxori, partus dolore laborantibus, partus incolumitas condonatur. Maria, Mantucij Asculani vxor, humeri dolore vexata; Gasparina Asculana pectoris; Maria Pellicana, alterius poplitis; Catharina à Cerreto, renum; Iuliana, Massaronis Ferri vxor, yberis; Nicoletta Asculana, Curtij Barbitonsoris vxor, odontalgic; Ludouica, Phœbi Asculani filia, stomachi. Mansueta Asculana, crurum; Eusebia, Ioannis nomine Cardinalis vxor, alterius brachij; Simona à Montemonaco, morbi vniuersalis; Maria Ioanna Ortonensis, colici; Iunipera Alexandrina Pedonensis, aurium; Benedictus à Monteverubiano, femorum; Salpitia Pelagalla Aufidensis, laterum; Mathæa Austea à Patrinione, & Catharina, Francisci Placentini coniux, Seruiliiani incola, stomachi dolore laborantes, voto ad Seraphinum emissio curantur. Ad eos venio, qui febre, ac varijs languoribus affecti, B. Viri merito incolumitatem adepti fuere. In his prima est Drusilla à Montemonaco, Dominici Garulli vxor, quæ cùm febre correpta, sanguinis præterea profluvio laboraret; cui sistendo nullum prorsus remedium prodesset, cùm lampadis S. Viri oleo inuncta esset, protinùs & sanguinis fluxus arefcit, & ab eâ febris

abscedit.

abscedit. Eodem lampadis oleo illita Hippolyta à Monterubiano, à tertianâ febris; Paulus Bucius à Luco, à febris continuâ; Gaspar Alexandrinus Camplienfis, à sanguinis profluuiio; Emidius, Rochi, nobilis Asculani filius, à pestilenti febre; Catharina, Ioannis Pauli à Bononiolâ filia, à comitali morbo; Angelus Montucius à S. Anatolia, & Troianus Gallus Auximensis, ab herniâ, B. Viri intercessione liberantur. Ascanius, Vincentij Pilati filius, cum diu venerê lue contabuiſſet, matris voto ad Seraphinum factò, protinùs eâ extersâ, ad salutem adducitur. Tasia Cestinianensis S. Viri oleo inuncta, à calculorum morbo incolumis erumpit. Lucia à Montealto paralytica, ad B. Viri sepulchrum delata, à paralyſi dimittitur. Iosephus puer, ad extremam vsque membrorum ariditatem adductus, ad B. Viri sepulchrum salutis restituitur. Maria Ioanna, & Franciscus Nouellus, Asculani, acutâ febre correpti, voto ad Seraphinum concepto, mox ad incolumitatem redeunt. Marcus Georgius Asculanus, à comitali morbo; Franciscus Oſandus ab hæmorrhoides; Finesdea à Liciano, à manus vlcere; Alexandra à Venarotâ, Contes Lentius, Hortensius Constantinus, Franciscus Carpanus, Fr. Angelus Mediolanensis ex nostris Laicus, Iosephus Tecius Camplienſis, & Hieronymus Etneus Amandulenſis, à continuâ febris; Franciscus Cicarellus, à comitali morbo; Simon Asculanus, à diuturnâ febris; sancti Viri sepulchro venerato, liberationem assequuntur. Fr. Paulus Fortucius, Magister Ordinis Conuentualium, manu S. Viri canabaceum cingulum contrectans, à chiragrâ mox curatur. Iosephus Antonij Marcotij filius, & Angelus Appinianensis, porrigine affecti, S. Viri lampadis oleo inuncti, ab eâ conualeſcunt. Cum S. Viri corpus in alterum tumulum translatus fuisset, Censius Ortonensis, Scipio Barba, ac Petrus Barba, pestilenti febre laborantes, cum illius pulueris modicum cum aquâ hauisset, eodem tempore incolumes redduntur. Quarta quoque Ioanna Maria, Iosephi Ballarini vxor, Ortonensis, colico dolore acerbè cruciata, eodem puluere hausto conualeſcit; alijq; permulti. Nonnulli quoque vlceribus, ac vulneribus sauciati, promptam ab eo curationem accipiunt. Inter hos enumerantur, primùm Decimius Branchus, qui cum ex alteriùs brachij aduſtione nullâ per annum quiete frui potuiſſet, voto ad S. Virum emiſſo, mox à brachij plagâ perſanatur. Germania Interamnenſis, graui in dextero latere abſceſſu laborans, cum nullâ Chirurgorum arte curari potuiſſet, voto de B. Viri sepulchro venerando pro eâ à patrui oblato; mox ante expletum votum, integrâ

abſceſſus

abscessus curatione potitur. Mariæ Camplienfis debitores, vt ipsius molestiâ carerent, eam domi pugionibus aggredientes, plerisq; eam ictibus confodere conantur: sed eâ Seraphini opera, post primum vulnus acceptum inuocante, cæteri ictus casso vulnere in vestem tantum, ac indusium perferuntur. Post hæc, acceptum vulnus, quod lethale erat, S. Viri oleo inunctum breui tempore curatur. Cæsar Matinensis, cum ob catapultariæ glandis vulnus, quod in ore acceperat, neque os aperire, neque cibo vlllo vti posset, humano medio destitutus, sepulchri B. Viri oleo inungitur, cuius virtute mox illi, & os aperitur, & vulnus breui tempore sanatur. Sexta porro ægrotorum classis eorum est, qui diuinâ prorsus virtute S. Viri suffragio è mortis faucibus eripiuntur. In hoc ordine prima est Catharina, Nicolini à Marano trium annorum filia, quæ cum repentinâ morbi vi, sensibus omnibus destituta, propius ad interitum, quam ad vitam accederet; vix præfatæ lampadis oleo inuncta, oculos aperit, linguæ vinculum soluit, atque intra quadrantis horæ spatium integrè à morbo conualefcit. Eodem oleo illita Maria Mucrarella, mortiferè agrotans, cum nullâ Medicorum arte leuari posset, confestim in vitam, & incolumitatem assurgit. Tertius quoq; Ioannes Baptista à Torciano, vitæ spe omninò destitutus, huius olei inunctione communitus, de morbo triumphat. Iosepho Asculano lethali febre laboranti, Medicorum sententiâ funera parabantur: quo tempore voto ad S. Virum concepto, ab eo febris fugatur; capitis dolor, quo acerbè afflictabatur, abscedit; & post breue tempus incolumis euadit. Maria à Iuliâ nouâ, Hieronymi Dominici vxor, colicâ passione, & calculorum morbo, ad extremam vsque lineam adducta, cum exiguum capsulæ S. Viri segmen sibi collo alligasset, in vitam mox, ac salutem vindicatur. Petri Sanctes Asculani vita, propter sæuientem acutæ, ac pestilentis febris vim, in eo discrimine versabatur, vt nulla ipsius sospitati spes relicta esset: quo tempore, cum tota domus familia, Seraphini è cælo opem implorans, votum emisisset, mox ab ægroto sudor erumpens, febrim fugat, ægerq; viribus breui tempore recuperatis, è lecto surgit. Maria Francisca puella, Rogerij Romoaldi filia, à B. P. Francisco precibus impetrata, cum bonæ morbo ita ægrotaret, vt de illius apud Medicos salute actum esset; voto à matre pro eâ ad Seraphinum nuncupato, ab eo apparente futura illi incolumitas annuntiatur. Iulij Cæsaris Grifonelli, Præpositi Ecclesiæ S. Iacobi Vrbis Asculanæ, salus ita desperata erat; vt trium vel quatuor

horarum à Medicis illi vitæ spatium præscriberetur : quo tempore totâ Domus familiâ pro eo orante , ac Seraphini suffragiâ implorante , cùm is oblatum serici multitij præsegmen , quod sancti Viri corpus contigerat , sibi in sinu collocasset , hoc ipso temporis momento , diuinâ ita virtute recreatur , vt febre abscedente , perfectam mox incolumitatem adeptus fuerit. Marocia à Montenoui , Petri Valentis coniux , & Bartholomæi Marinelli à S. Victoriâ vxor , partus doloribus ita oppressæ ; vt cum partu vitam profuturæ crederentur , sancti Viri cingulo præcinctæ , mortis periculum euadunt , ac foetum sospites fundunt. Ioannes Franciscus , cùm in tertiam hecticæ febris speciem incidisset , concordi Medicorum iudicio neci adiudicatus , sancti Viri sepulchrum venerans , incolumis redditur. Ioannes Esclepius à S. Elpidio , cum morte colluctans , cùm aquam , in quam sancti Viri habitus particula immersa fuerat , hausisset , simul cum eâ & corporis incolumitatem hausit. Atque hæc quidem , & alia quamplurima Vir Sanctus è cælo ægrotis beneficia præstitit , quæ solâ Dei virtute , tum ex ipsâ curatione , tum ex curationis modo patrata fuisse constat. Verùm , quod sequitur , omnem prorsus , & curationis modum , & naturæ ordinem excedit : cùm enim hîc de puellæ animâ à mortuis excitatâ agatur ; hinc omne procul dubium arceatur , quin diuinâ in eo omnipotentie opus nobis agnoscendum sit. Puella igitur Marantij à Spinitello filia , binos annos nata , in quandam profundæ , ac foetide aquæ cisternam , nemine obseruante dilabitur ; aquæ tamen strepitu percepto , cùm ex domesticis quidam eò festinasset , puellam in aquis demersam cernens , patrem , qui haud longè aberat , inclamat. Iam à puellæ casu mediæ horæ pars effluxerat , cùm scala adfertur. Interea puella bis , vel ter ex aque profundo in superficiem euecta , tandem extincta ventre supino immobilis aquæ supereminet : quo tempore è cisternâeducta , cùm omnibus propèmodis , num etiamnum vita superstes esset , tentata , nulla prorsus vitæ signa ederet ; quin potius atro vultus colore , ac totius corporis tumore se extinctam proderet : cumq; omnia parentes humanæ artis remedia deperijsse cernerent , communi consilio ad Seraphinum confugientes , filia ab eo multis lachrymis vitam postulant , voto precibus adiuncto. Vix illud vterq; parens conceptis verbis explicuerat , cùm puella ad viuos reuocatur , vultusq; colore mutato matrem appellat. Præter enarrata hætenus miracula , alia quædam indicanda sunt , quæ tum ægrotis , tum alijs S. Viri opem implorantibus , è cælo patrata & collata fuere.



Virginia Tucia à Seraphino adhuc inter viuos agente, IESU nomen chartulæ impressum acceperat; cuius virtute cùm à graui quadam ægritudine liberata esset, eo post sancti Viri mortem innumeris propemodum ægrotis salutem contulit. Æneas Fastorius à Lauro, cùm à Seraphino adhuc superstite panem, ad Lauram sororem ægrotantem deferendum accepisset; eo Laura conualescens & in frustra comminutum plerisque ægrotis, post sancti Viri obitum, distribuens, ijs incolumitatem conciliat. Alter quoque panis Dianæ à Lauro, à sancto Viro in humanis agente traditus, pleraque eiusmodi post ipsius mortem miracula præstat. Hoc quoque modò cùm Seraphinus superstes, Sophonissæ cuidam à Montecassiano, precariorum globulorum corollam tribuisset, pleraque eâ post mortem miracula patrata fuere. Alexander à Caretto, Asculani agri oppido, cùm repentinâ è cœlo tempestate ingruente, triticum, quod in areâ expositum erat, ab inundationis periculo subducere non posset; vultu Asculum verso, Seraphinum rogat, vt suum illi triticum seruet. Neque illius vacua beneficio oratio fuit: nam contiguis areis aquarum diluuiò deuastatis, ne pluuiæ quidem gutta Alexandri aream attigit. Petro Sardellæ Fulloni pallium furto subreptum fuerat, qui Seraphinum pro pallij restitutione orans, à Sacerdote quodam vrbis Confessario pallium recipit. Laurentius Sciarra, ex morbo insanus, cùm post multos dementiæ annos, diem extremum absque orationis vsu, ac Sacramentis concluderet; Spinellus Fratrius Seraphino se voto obstringit, se ipsius sepulchrum veneraturum; dummodò tam diu mentis incolumitatem ægro conferat, quoad Ecclesiæ Sacramentis frui queat. Vix eo voto concepto, Laurentius ad mentem redit, Sacramentis potitur, acpiè in Domino finem concludit. His itaque, atque alijs propè innumeris, tùm in vitâ, tùm post mortem miraculis claruit Seraphinus; Obijt verò Anno 1604.

In Piceni Prouinciâ Fr. BERNARDINVS à MONTECARDO, Laicus, cùm præter alias animi virtutes, tantam puritatem à Deo consecutus fuisset, vt nullâ vnquam se culpæ mortiferæ labe maculatum senserit; ante supremum vitæ occasum cœlesti visione fruatur, in quâ Deum Patrem suæ misericordiæ brachijs vniuersas orbis partes complectentem intuebatur: in quæ cùm seipsum proiecisset, obitus sui tempore prænunciato, in diuinæ tandem misericordiæ sinu quiescit, Anno 1604.

In Syracusanâ Prouinciâ Fr. MATTHÆI ENNËI, Laici, celebris etiamnum virtutum memoria viget; qui cum Regulari obseruantia, orationis studio, ac charitate potissimum præcelleret, nonnulla in Platiensi vrbe miracula edidisse fertur: vbi etiam vitam magnâ cum sanctimoniam laude cum morte commutat. Huius baculo, post mortem Horatio cuidam architecto, membris mutilo, salus integrè restituta fuit. Obijt anno 1604.

Fr. HVGO BLESENSIS, Laicus, in Turonensi Prouinciâ, Vir fuit virtutum omnium splendore ornatissimus, ac præsertim altissimæ paupertatis studiosus: cuius ea in extremis vox fuit: *Me expectant insi, donec retribuas mihi.* Paucis post obitum diebus elapsis, Dominico Ambianensi, qui trigessimum Missarum numerum pro eo celebrare decreuerat, cœlestis gloriæ lumine perfusus apparet; atque illius Rosarij granum Franciscæ cuidam grauiter ægrotanti admodum statim ab ægritudine vendicat. Obijt anno 1605.

Fr. CYPRIANVS SESTINENSIS, Laicus, in Piceni Prouinciâ maximis virtutibus, ac præsertim charitate, & patientiâ floruit. Cuius sanctimoniam Deus singulari, ac miraculosâ aliquando rerum prouidentiâ testatam voluit.

Obijt anno 1605.





FRATER SALVATOR CANIANENSIS FRATRUM CAP.  
LAICVS.

## Fr. SALVATORIS CANIANENSIS

## L A I C I

## VITA, ET GESTA.



ERATER SALVATOR CANIANENSIS, Laicus, inter illustriores Prouinciæ S. Angeli Viros haud immeritò celebratur. Hic dum in Serra Conuentu sub Francisco à Vico, viro prudente probationis annum agit, tot eum humani generis hostis, vt à Religionis sinu abstrahat, tentationibus ad-  
 ritur, vt his nouus palæstrita perterritus, reditum ad sæcularem vitam, secum meditari cœperit. Quapropter eum Magistro communicatâ, cùm is eum à sæculi proposito reuocare minimè posset, his illum tandem verbis affatur: lam, si tibi, ô Saluator, ad tuos redire animo constitutum est, ito, non pugno. Verùm Domino saltem, antequam decedas, valedicito; atque ante Crucifixi imaginem, quæ in Ecclesiâ eminet, quinquies Orationem Dominicam, cum Angelicâ salutatione proferto. Res Saluatori facilis visâ: mox in Ecclesiam pergit, & dum Orationes Dominicas, atque Angelicas salutationes recitat, Dei benignitas mox suâ illi clementiâ adest. Etenim visibili aspectu, ex Christi Crucifixi vulneribus, quinque in eum sanguinis radij tantâ virtute feruntur; vt ijs Saluator perterritus, atque animo prorsus immutatus, in Religionis ita amorem exarserit, vt durissima quæque, vel ipsam potiùs mortem perferre, quàm Religionis propositum deferere, sibi altè deinceps in animo fixerit. Quamobrem vbi solemnia Religionis vota nuncupauit, tantâ vitæ austeritate eam coërcere cœpit; vt perpetuò à carnibus abstinens, maiorem anni partem, pane solo, & aquâ contentus, transigeret; & si quicquam his adderet, id acetarium, vel alia cruda herba esset sale condita. Hac abstinentiæ lege S. P. N. Francisci Quadragenas celebrare consueuerat; tantoq; sensus voluptatem studio persequabatur, vt cùm semel casei modicum, ad quem appetitu ferebatur, degustasset, tantundem deinde calcis, ad eam gustus voluptatem castigandam dentibus contriuerit. Interea nulli corporis labori parcens, assiduâ vel in orto, vel in stipis mendicatione, vel alijs domus ministerijs exercitatione, corpus defatigabat: ita vt nullâ vnquam illi diei hora absque

labore elaberetur: Lasso verò corpusculo cum somnus vrgeret, nudæ tabulæ lectum, ac vitis sarmentum, aut ligni frustum puluinar ministrabant. Breuissimo somno contentus, reliquam noctis partem, in sacris vigilijs, nunquam intermissâ oratione, impendebat. Sandalijs, cæterorum Fratrum instar, cum in principio vteretur, colico sæpè dolore torquebatur: at ille nouo medendi genere secum excogitato, sandalia deponit; ac nudipes incedens id Dei virtute assequitur, vt mitior deinceps colici illi doloris pœna fuerit. Tam familiare illi orationis studium erat, vt neque inter diurnos labores ab illâ vacaret. Quo fiebat, vt Satan, qui ipsius orationis excessus ferre non poterat, varijs illum spectris, imaginibus, ac bestiarum formis assumptis, ab oratione auocare niteretur. Quæ ille ita paruipendebat, vt Satanæ etiam ignauiam exprobraret: hincq; deuictus Satan abscedere cogeretur. Dum aliquando Quæstuarij munere Rodij fungitur, mulier quædam illum sub Eleemosynæ titulo in domum introductum, libidine tentat. At inuictus castitatis pægil, flagello, quod secum gerebat, exerto, impudicam mulierem longius fugat. Alteram quoque viduam mulierem, quæ illum in cellâ vinariâ lagenam implentem ad turpem copulam pellexerat, suauis admonitione à libidine reuocat: Tantâ enim sermonis suauitate præstabat, vt eâ plerosque occultis criminibus innixos ad pœnitentiam, & scelorum confessionem compulerit. Porro ex geminâ hac castitatis victoriâ, illud Saluator à Deo præmium, & coronam tulit; vt deinceps omnis libidinis sensu caruerit. His cum Saluator apud Deum virtutibus præcelleret, tantam ab eo aduersus Dæmones potestatem acceperat, vt illos etiam ab obsessis corporibus expelleret. Quapropter Satan semel domum redeuntem his præsens verbis aggreditur: Durè nimium me; Saluator, prosequeris: næ vliscar ego. At Saluator in eum Crucis signum vibrans, ad tenebras adigit. Clarum erat Saluatoris nomen, & ubiq; sanctimoniæ ipsius fama peruulgabatur. In S. Nicandri oppido, à quodam Ordinis beneuolo, qui Morantus appellabatur, hospitio exceptus, cum is, vxorq; ipsius molesto morbo affligerentur, S. Viri occasionem nacti, ex aquâ, quæ ex lotione pedum superfuerat, sibi lauacrum adhibentes, vterque à morbo tam perfectè, ab eo tempore curatus fuit, vt eo nunquam deinceps vexatus fuerit. Postremò in Rodij Conuentu, lethali ægitudine correptus, obitu suo Fratribus prænunciato, dum oculos in Christi Crucifixi imaginem defigit, Deo spiritum reddit, Anno 1606.

In Reginâ Prouinciâ Fr. FRANCISCVS SYNOPOLITANVS,  
 Laicus; cùm prius in habitu, & cingulo, delicias ac vanitatem quæ-  
 reret, à B. P. N. Francisco in visione correptus, animo, & vitâ in  
 melius mutatâ, tanto cœpit deinceps suiipſius deſpectu fulgere,  
 tamq̃ue perfectâ Regularis obſeruantiaſ diſciplinâ præcellere, vt  
 ante mortem cœleſtis gloriæ viſu illi frui datum fuerit,  
 quâ poſt mortem donatus piè creditur.

Obijt anno 1606.

\* \* \*





FRATER FRANCISCUS A DAROCHA FRATRVM  
CAPVCINORVM LAICVS



# Fr. FRANCISCI A DAROCHA LAICI

## VITA, ET GESTA.



**F**RATER FRANCISCUS à DAROCHA, vulgato Arragoniæ oppido, Laicus, humili loco natus, à pueritiâ futuræ sanctitatis signa præferre cœpit: puer namq; à puerilibus, velut graui mentis senio præditus, abstinens, quæ pietatis sunt, tantum curare videbatur. Vnde Beatissimæ Virginis, quam singulari ab ineunte ætate veneratione prosequi didicit, Horas quotidie persolvere, Corollas, & Rosaria recitare, corpusculum inediâ, etiam inter diurnos labores affligere solebat; statuta ab Ecclesiâ ieiunia, ac præterea Veneris, ac Sabbathi dies, adhuc puerulus ieiunio ita prosequi consueuerat; vt ab eo nullâ, aut ætatis, aut laboris ratione habitâ, vnquam recederet. Ætate verò adolescente, cum patris sui gregem pasceret; mentem quoque oratione, ac rerum diuinarum meditatione reficiebat, suæque cum pauperibus edulia diuidebat; maioribusque anni festiuitatibus, pinguiorem ex grege anniculum selectum, ad Fratres, qui de Obseruantia nuncupantur, deferens, Deo holocaustum medullatum offerebat. Hac vitæ innocentia, ac pietate iam ad 20. annum peruenerat, cum sese Beatissimæ Virginis obsequijs, in sacrâ Montisferrati Æde mancipat: vbi post aliquot annos suam Monachis domus illius administratoribus operam præstans, potiorẽ sacræ Deiparæ venerationi operam dabat. Verum cum hoc in Monasterio, nulla animo quies, ac tranquillitas daretur; hoc relicto, in alteram Dei Genitricis Domum, quæ Barcinone sub eadem appellatione erecta erat, se confert: vbi cum Capucinatorum, quos nunquam antea viderat, habitum, vitam, & mores diu secum contemplatus esset, eorum tandem numero se adscribi postulans, anno suæ ætatis 27. Religionis sinu excipitur, atque inter Laicos, Francisci nomine insignitus, adnumeratur. Vix Franciscus inter B. P. Francisci filios conscriptus fuit, cum B. P. vestigia, præsertim in humilitate secum imitari statuit; cuius sedulâ exercitatione, ac præsertim oratione, tam altam suipsius cognitionem à Deo est assecutus, vt in vllum superbiam; ac propriæ existimationis genus efferri non posse, cum

familiari

familiari aliquando Fratrem colloquens, asserere haud dubitauerit. Hinc nullo magis, quam sui despectu, ac deiectione delectabatur; ita ut Fr. Franciscus Peccator vocari vellet. Si quis verò cum Fr. Franciscum vocaret, is protinùs, ut peccatorem adderet, admoneret. Cum verò in publicà Fratrum accusatione, suas coram Superiore culpas aperiret, eas tantopere augebat, perinde ac si ad eas puniendas nec ipsæ Inferorum poenæ sufficerent. Paupertatem quoque S. P. Francisci sponsam tam auidè complexus est, ut præter ea, ad quæ, vel honestas, vel necessitas cogeret, vniuersa respiceret: atque adèd paupertatis amator erat, ut & pauperum, qui ad Conuentus fores confluebant, non solum inopiam, Monasterij rebus subleuaret; verum & laceras vestes refarciret; eosque Christianæ doctrinæ rudimenta doceret. Vitæ austeritatem ita coluit, ut etiam senex, vix vnquam panis frustulis, quæ alijs superfuerant, sibi repositis, aliud præter pulmentum, quod ex pauperum ollâ sibi hauserat, obsonium adderet; nudipes semper absque sandalijs incederet; corpus quotidie verberibus cederet; ut cum somnus vrgeret, non iacens, sed sedens quiesceret: tantâque carnis macerandæ cupiditate teneretur; ut si libera illi à Superioribus potestas facta fuisset, Antonios, ac Hilarios suâ corporis austeritate æquasset. Sensuum omnium custodiam tam ingenti studio est profecutus, ut cum Quæstuarij viginti sex annorum spatio munus exercuerit; nunquam tamen toto eo tempore, ullius mulieris oculis aspectum permiserit: quo factum est, ut in Cathalonix Prouinciâ Fœminifugæ nomen sibi comparâset. Linguam quoque tam arctâ silentij custodiâ premere solebat, ut vix cum Fratribus colloqueretur: sæculares verò tam suauiter rerum diuinarum colloquio recrearet, ut ex eo plerique ad scelorum poenitentiam, ac pietatis studia prouocarentur. Orationem tandem tam sibi familiarem elegerat, ut siue domi, siue foris ageret, hanc sibi comitem indiuiduam semper haberet. Domi quidem integras plerumque in oratione noctes absolvebat. Foris verò (quod rariùs est) etiam inter homines, mentem ita cum Deo coniunctam gerebat; ut curarum, ac rerum mundanarum, strepitus omnes sub eâ pertransientes, ad ipsum non pertingerent; sed velut suprema quædam æris regio ab omni rerum tumultu vacaret. Hinc Franciscus cœlestibus donis, ac diuinâ luce illustrari cœpit, quâ & intimas hominum cogitationes, & futuros rerum successus prænosceret. Aragonix Prouinciâ fundatâ, cum in eam Franciscus Superiorum iussu profectus fuisset, in Casaraugustæ Conuentu, in quo

Nouitij educabantur, moras trahebat: quo tempore Nouitius quidam molestis cogitationibus, ac tentationibus pulsatur; ac prope-  
 modum deuictus, dum cum alijs orationi vacat, ad sæculum re-  
 meare secum animo versabat: quo tempore Franciscus hanc ani-  
 mi tempestatem in Nouitio diuinâ luce penetrans, ab oratione sur-  
 gens, ad Nouitium magno cum silentio pergit, ac ter blandè illius  
 pectus percutiens: Quid animo agitas (inquit) Frater? has pro-  
 tinùs cogitationes, quæ à Dæmone sunt, procul expelle. Atque his  
 dictis, omnis ea statim tentatio à Nouitio pulsa fuit. Alterius No-  
 uitij vitam Religionì perniciosam fore diuino spiritu prænoscit,  
 Familiæq; prænunciat. Tertium quoque à communi flagellatione  
 abstinentem, cum tenebræ Chorum occuparent, diuinâ luce per-  
 fusus conspicit, eumque, vt se cum alijs pro Christo flagellis cædat,  
 monet. Clerico etiam ægrotanti futuram incolumitatem prædicat.  
 Hac quoque prophetica luce plerasque nobili cuidam mulieri, quæ  
 Gratia de Arnedo appellabatur, futuras ærumnas, quæ illi acci-  
 dere, prænunciat, & ad earundem tolerantiam animat. Oscæ be-  
 neficus quidam noster, Michaël Palatio nuncupatus, ita grauiter  
 ægrotabat, vt cum Medici ei omnem vitæ spem adimerent, sacra  
 Vnctio pararetur: At Franciscus domesticis inquit: Extremâ mo-  
 dō vnctione non est opus; in alterum, ac diurnum eam tempus  
 differte: Michaël enim cras incolumis erit. Domesticorum itaque  
 precibus adductus cum ægro pernoctat. Michael verò cum no-  
 ctem somno quietam, ac suauem duxisset, manè se ab ægritudine  
 liberum, & incolumem cernit, Medico rem præter modum ad-  
 mirante. Quinquagesimum tunc Michaël ætatis annum agebat,  
 cum eidem Franciscus futuram vsque ad septuagesimum annum,  
 ac nunquam interruptam corporis incolumitatem, quâ is dein-  
 ceptus eò vsque potitus est, præsignificat. Postremò Oscæ Ioanni  
 Valesquex, S. Lucie Eremitæ, nonnulla, quæ ad futuri sui obitus  
 præscientiam spectabant, aperit. Cæterum huic prophetice luci,  
 signorum quoque, quibus Deus serui sui sanctimoniam è cælo  
 illustrare voluit, splendor accedit. In his primùm in puellâ quâ-  
 dam, Gratiæ de Arnedo, Dinastæ de Torrefecas, nepte, patrum  
 legitur: quæ cum Oscæ continuâ ac molestâ febris laboraret, Fran-  
 cisci benedictione protinùs conualescit. Eâdem Cæsar Augustæ  
 puer quartanâ febris correptus, ab eâ confestim curatur. Oscæ Phy-  
 sicus quidam, Azcoius nomine, in Oscensi Academiâ Professor,  
 quatuor ægrotos, solâ Francisci benedictione à mortis faucibus

erutos olim certâ fide testatus fuit. Denique cùm ingens Francisci apud omnes sanctimonie rumor percrebuiſſet, quamplurimi ad Conuentum ægroti confluentes, ab eo Crucis ſigno curabantur. Quamobrem cùm Oſcæ Guardianus, cui necdum Franciſci virtus perſpecta erat, eum lanitoris officio fungentem, plerisque ægrotis ante eum genuflexis, benedictionem impertientem conſpexiſſet, rem ægrè ferens, acriter illum in Refectorio facti obiurgat; & vt eum maiori, vt putabat, confuſione exciperet, quaſi ioco, vniuerſos Conuentus ægrotos in Refectorium deferri mandat, vt ijs ipſo modo, quo alijs ſolebat, ex obedientiâ benedictionem impenderet. At D. O. M. cuius nutu, ac virtute iſ ſigna patrabat, ioco in rem ſeriam, ac confuſione in Franciſci gloriam conuerſis, id agit, vt benedictione illis à ſancto Viro ex ſuperioris obedientiâ, collatâ, cuncti; atque inter eos tabidus quidam Frater, plenâ incolumitate potiti fuerint. Præter hæc Oſcæ vinum emendicans, vas vino vacuum, ſemiplenum ſuâ oratione reddit. Cumq; Ioannem Eremitam, cuius ſuprà memini, hoſpitio aliquando excepiſſet; vino deficiente aquam in vinum conuertit. At præclarum illud, quod illi ſacra Altaris Myſteria aliquando inſpectanti accidit: cùm enim Altaris Miniſter, quo tempore vinum Sacerdoti miniſtrandum erat, vinum in ampullâ ad ſacrum Domini ſanguinem conſciendum, minimè ad eſſe cerneret; mox ædituum quærens, eum ab eſſe comperit; cumq; omnem vini ſpem ſibi ſublatam eſſe conſpiceret, ad celebrantem vacuâ ampullâ redit. Id Franciſcus cernens, cùm diuinum Sacrificium interrumpi ægrè ferret, ampullam manu apprehendens, Deumq; pauliſper orans, eam vino plenam Miniſtro reſtituit. Pleraque etiam alia ſigna patrâſſe fertur, quibus cùm Deus ſerui ſui adhuc viuientis præclara apud ſe merita teſtata voluiſſet; ipſi tandem præmia, & coronas daturus, in Oſcenſi Conuentu futuri illum obitus præmonens, certum illius diem præindicat. Quamobrem cùm paulò poſt grauiter ægrotare cœpiſſet; in ipſo ſuæ infirmitatis exordio, ſeptimam ſibi diem ſupremam fore prædixit. Interea, quæ animæ ſunt, curans, conſcientiam expiat, ſacro Viatico ſe munit, ac tot ſolidæ virtutis, atque Euangelici viri ſigna exhibet; vt cùm Phyſicus ab eo quærens, quid hoc tempore magis illius mentem afficeret, an Cœli gloria? aut Inferorum ſupplicia? Neutrum ( inquit ) ſed ſola Dei voluntas, à quâ æquè Cœli gloriam, ac Inferni poenas ferre paratus ſum; me integrum poſſidet. Poſt hæc ſine illius appropinquante, cùm Guardianus in ſolira illum lætitiæ

signa edere conspexisset, ab eo, quæ noua illius hilaritatis causa esset, percunctatur. Cui Franciscus ingenuè: Quidni, Pater, (inquit) summâ voluptate afficiar, cum Beatissimam cœlorum Reginam, multis Virginum, ac Sanctorum choris stipatam hîc præsentem videam; quæ me hinc emigrantem expectat, ut ad cœli gloriam ducat? His dictis, cum Crucifixi imaginem, quam manu gestabat, deuoto cordis affectu exosculatus esset, caput inclinans, quasi ab eo benedictionem postularet, septimâ suæ ægritudinis die, purum Deo spiritum reddidit; membris post mortem, haud secus, quàm si viua essent, naturali mollitie, ac flexibilitate constantibus relictis. Cæterùm, quàm Francisci vita Deo accepta fuerit, quamplurimis post illius obitum miraculis à Deo, ad ipsius inuocationem patrat, manifestum fuit: nam annus necdum ab ipsius sepulturâ effluerat, cum ipsius caput à cæteris membris auulsum, cuidam ex nostris Concionatori, ad Medicorum vsque desperationem ægrotanti admotum, tam integram in momento illi incolumitatem reddidit, ut eo die sacrum Missæ Sacrificium in gratiarum actionem Deo obtulerit. Ioannes de Torellas, nobilis Oscensis, tertianâ febris laborans, cum Francisci opem implorans, officulo ex illius corpore auulso, sibi frontem attigisset, postridie incolumis euasit. Eodem officulo Rhedarius Oscensis, Banna nomine, à graui odontalgia; Fr. Martinus Sadauensis, Sacris initiatus, à pectoris languore; Sacerdos quidam ad mortem ægrotans, à mortis periculo, in salutem vendicatur. His & alij accedunt, qui aquâ, in quâ idem officulum immersum fuerat, epotâ, protinùs conualuere. Inter hos prima est Pastoræ cuiusdam mulieris Zutelensis filia, quæ cum desperatâ salute ægrotaret, quam huiusmodi ebibens, mox ad salutem reuocatur. Hoc modo in eadem Zutelæ vrbe, nobilis cuiusdam filius, graui morbo oppressus. In Burguntinæ Conuentu Fr. Ludouicus Ferrariensis; Oscæ quoq; Balthasar Sermonius tertianâ febre ægrotans; Ceruariæ Fr. Simon Burtinensis, ex nostris Laicus, grauiter languens; In Lucensi oppido prope Darocham, mulier periculoso morbo laborans; Cæsaraugustæ puer lethali vulnere fauciatus. Huius præterea S. Viri habitu, diuinæ plerisque ægrotis curationes, ad quas humana Medicorum ars pertingere non poterat, conferuntur. In his mulier quædam, Maria nomine, in Oscensi vrbe, quæ Medicorum sententiâ morti adiudicata fuerat, Francisci habitus particulâ sibi adhibitâ, stupente Physico, confestim integrâ incolumitate fruitur. In Tarrasonensi vrbe Anno 1610. eiusdem vrbis incola agricultor à comitali morbo:

Oscæ; Fr. Bernardinus Tutelenſis, ex noſtris Laicus, ad Medicorum deſperationem ægrotans: Fr. Philippus à Magallonio, Clericus, à cephalalgia: idemq; ruſus à febrī: Fr. Ioannes Oſcenſis, Sacerdos, à graui morbo: Fr. Angelus Gerundenſis, & Fr. Franciſcus Valentinus, à capitis morbo: Antonius Inciſa Turriaſonenſis agricola, graui ſtomachi dolore languens: Beatrix de Alagon, prius à graui vlcere; tum à faucium tumore; tertio à febrī; poſtremo ab odontalgia; atque ab eadem odontalgia, ex noſtris Fr. Angelus Antilionenſis, Laicus Burtinæ Maria Claromontana, nobilis ſcœmina, à ſanguinis profluio; Franciſci habitus particulam contingentes curantur. Cæſarauguſtæ Catharina quædam de Oniate, morbo incurabili laborans, cum flagellum, quo Franciſcus viuens vti ſolebat, capiti admouiſſet, ſtatim à morbo ſanatur. Adhæc nobilis quædam mulier Oſcenſis, cum alterius oculi tumore maximè cruciaretur, ad Franciſci ſepulchrum accedens, ab eo ſupplex oculi curationem poſtulat: quæ leui ibi ſomno correpta, cum ab eo euigilaſſet; arefactum tumorem, oculumq; priſtinæ incolumitati reſtitutum ſenſit. Præterea, nobilis quædam mulier Oſcenſis, & Cæſarauguſtanus adoleſcens, illa à graui capitis dolore, hic à febrī, admoto Franciſci flagello, liberantur. Poſtremo Cæſarauguſtæ Fr. Michaël à Berbegale, Capucinus, graui herniâ laborans, voto ad Franciſcum nuncupato: Fr. Antonius à Lingares, eiufdem Ordinis, grauiter ægrotans, Franciſci reliquijs ſibi applicatis, in incolumitatem vendicantur. His & pleraq; alia addi poſſent, quæ ſola fama, nullo ſcripto prodita, integra ſeruat. Obijt Vir Sanctus Anno 1607.

## FR. MANSVETI A SALSVBIO

### LAICI

#### VITA, ET GESTA.



ERATER MANSVETVS à SALSVBIO, Laicus, Vir immortalī memoriâ dignus, cum inter ſuæ conuerſionis initia, gulæ aliquando tentatione victus, nonnulla clam abſq; Superioris benediſtione edulia deguſtaſſet; nocte quieſcens, viperas, & colubros ſibi in ſomnis deglutire viſum: quare expetrectus eo tantopere expauit, vt non modò ab eo vitio reſipuerit, verum tantâ deinceps abſtinentiâ, atq; aſtinitate, obediētiâ, humilitate,

simplicitate, atque alijs virtutibus floruerit; vt cùm in ciuitate Parmensi Eleemosynarij onus sustineret, tot pueros stupidâ febre laborantes, solo Crucis signo adhibito, curauerit, vt cœlestis puerorum Medici nomen sibi in eâ vrbe comparauerit. In eadem quoque vrbe inter alios, moribundum puerum signo Crucis protinûs ad vitam, & incolumitatem reuocauit. Arimini, Cassandram Diotaleui à periculoso partus dolore, suo illi canabaceo cingulo missò, liberauit: ac demum plurimâ apud omnes virtute clarus, ad Deum migrat,  
Anno 1608.







FRATER MARCVS A SCOTONEIO FRATRVM  
CAPVCINORVM LAICVS.

## FR. MARCI A SCOTONETO

## LAICI

## VITA, ET GESTA.



**E**RATER MARCVS à SCOTONETO, Laicus, clarissimâ virtutum, ac cœlestium signorum luce illustris, cum ab adolescentiâ sæculum spernere, mundi huius oblectationes fugere, sensuum mortificationi studere, diuinis rebus, ac præsertim orationi incumbere didicisset; cœlesti visione ad Capucinorum gremium adducitur: cum enim Capucinorum fama ad illius aures nunquam peruenisset; quoties è domo egrediebatur, binos Fratres, Capucinorum habitu indutos, ante se gradientes intuebatur: quos cum accelerato gressu attingere studet, haud tamen id assequi vnquam poterat. Quapropter rem à Deo profectam agnoscens, in eorum habitus, ac vitæ formam cœpit animo propendere. Eo factum est, vt Forosempronium aliquando profectus cum in Capucinos incidisset, habitus formam agnoscens, cum ijs agere cœperit: atque instituti rationem edoctus, Religionis sinu exceptus fuerit. Purus, ac Virgo ad Religionem accedens, virginitatem, ac vitæ innocentiam, non modò ad extremum vsq; vitæ occasum integram retinuit; verùm & maximis virtutibus, admirabiliq; vitæ sanctimoniâ cumulauit. In Religione etenim Laicorum numero adscriptus, tam mirâ obedientiâ, simplicitate, patientiâ, paupertate, humilitate, charitate, ac totius Regularis obseruantie disciplinâ, elucere cœpit, vt in agresti homine, & vix Religionis palæstram ingresso, veterani palæstritæ virtutem ac præstantiam cuncti perspicerent. Orationis cum plurimùm studio incumberet, cœlestibus à Deo plerumque visionibus, quâ viâ in virtutum exercitatione progredi deberet, instruebatur: quarum vnâ aut alteram explicare libet. Orabat Marcus aliquando, cum in mentis excessum raptus, à Domino in aulam quandam regio apparatu ornatam ducitur; in quâ conuiuantium mensam tot, tantisq; pretiosis dapibus opertam cernit, vt lautiones, aut pretiosiores excogitari minimè possent. Hinc in alterum à Domino obscurum locum adductus, in eo conuiuium tam à priori diuersum cernit; vt præter cœpas, allia, mucidum panem, acidum vinum, ac similia pauperrimorum edulia nihil occurreret, quibus conuiuentes vescebantur. His dum Marcus

stupens

stupens inhæret, atque horum mysterium ignorat; vtriusq; conuiuij sensum illi Dominus his verbis aperit: Vidisti, Marce, aulæ conuiuium, quo nihil tibi aut pretiosius, aut iucundius excogitari posse videtur. Hæ cœlestes deliciæ sunt, quibus sæpè seruos, & amicos meos in oratione excipio. Verùm ne in hac deliciarum vbertate animo luxurient, alterum illis inter mentis tenebras, & cordis ariditates paro: atque illud est, quod secundo loco tam tenue, ac tantâ ciborum penuriâ instructum vidisti, vt vix conuiuantibus necessaria ministraret. Sed cùm à me vtrumque illis conuiuium paretur; æquo profectò animi affectu secundum, ac primum illis conuiuium accipiendum est: cùm in ijs, non quæ apposita, sed à quo apposita sunt, spectari debeant. Rursùm, cùm spiritu excederet, Dominus illi totum orbem terrarum, quasi argentum spectandum præbet; ex quo fructuum loco, flammarum globuli vndique pullularent: quo Dei seruus erudiebatur, quo pacto se in rerum conditarum consideratione gerere deberet; nimirum, vt à concretâ hac rerum naturâ animum abstrahens, mundum velut lucidissimum quoddam Dei opus, argenti instar effulgens, contemplaretur: ex quo dum ardentiores diuinæ in nos charitatis flammæ erumpere animaduertit, quoties in eum oculos defigit, ijs totus animo inflammaretur. Aliàs quoque post aliquot mensium spatia, miræ pulchritudinis Crucem in aëre emicantem intuebatur; cuius aspectu mirum in modum ad Christi Domini imitationem accendebatur. Post hæc, duorum mensium spatio, tam assiduâ spiritus actione in Deum ferri cœpit, vt iugi quodam mentis stupore absorptus, exteriorum sensuum vsu destitutus videretur. Quo fiebat, vt toto hoc tempore, nullum in Conuentu ministerium agere valeret; cibi omnes illi insipidi videbantur; ac spiritali voluptate exuberante, corporalis gustus silebat: Hinc tantam corporis imbecillitatem contraxerat, vt gressu nutante, vix progredi valeret. In Dominicę Passionis meditatione animum vt plurimum exercebat; quam cùm vberioribus lachrymis prosequi non posset, lachrymarum à Domino donum postulans, illum intus ita loquentem percipit: Marce, cùm in meæ Passionis memoriâ lachrymæ arescunt, mutuò à Matre meâ suas tibi lachrymas petens; eas mihi pro tuis offer, cæq; mihi æquæ, ac tuæ gratæ erunt. Nullam cùm Marcus literarum peritiâ teneret, à Fratribus aliquando prouocatus, vt litteras disceret, quo B. Virginis Officium persoluere valeret; in id prius animum intendere noluit, quàm Deiparę in oratione beneplacitum exploraret. Quæ eidem apparens:

Marcè (ait) Regula tuum tibi Dominicarum Orationum Officium præscribit, quid tibi litteris opus est? Hoc diligenter perfolue: atque intra tuæ vocationis metas te contine. Quapropter hoc Beatæ Virginis oraculo edoctus, se à litteris abstinuit. Incredibili hic Dei seruus erga infirmos charitate ferebatur: quapropter cùm à stipe mendicandâ vespere ad Conuentum rediret; licet ex labore fessus, mox ad ægrotos accedens, necessaria illis ministeria perfoluere consueuerat. Quo factum est, vt in Anconitano Conuentu, post exhibita ægrotantibus officia, ante sacræ Eucharistiæ Altare orans, in mentis excessu, illi aurea quædam scala aureis gradibus distincta demonstrata fuerit; quæ cùm à terris ad Cœlos pertingeret, qui per eam ascendebant, Angelos sibi obuios habebant, à quibus ad Cœli gaudia ducebantur. Hanc verò, Fraternæ charitatis scalam esse intellexit; quæ tametsi altero extremo terris inhæreat, vtpote in terreno, atque ægrotorum ministerio fundata: per eam tamen ascendentes ad Cœlum ducit. Hoc Dei spiritu cùm Marcus ad præstantiora virtutum studia prouocaretur, eodem quoque occulta penetrabat, secretaq; cordium arcana scrutabatur. Nonnullis quoque illum à Deo miraculis illustratum fuisse nostra monumenta ferunt. Cùm enim Anconæ Lucretia Tancredi, septem annorum spatio vberis morbo laborasset; cunctisq; ad illius curationem remedijs adhibitis, à Phisicis tandem incurabilis iudicaretur, Marco illa morbum aperit; qui signo Crucis vberi impresso, mox vber incolumitati reddit. Huius quoque filiam, signo Crucis adhibito, à pedum morbo liberat. Fr. Franciscus Pisaurensis, Sacerdos, graui cephalalgia vexabatur: quo tempore Marcum rogat, vt Crucis signum capiti suo impendat. Reluctabatur is: at ipsius precibus deuictus, signum adhibet, protinusq; à capitis dolore liberatur. Fr. Hieronymus à Castro Ferretonum, qui hoc anno 1608. secundò Generalis fuerat, Anconæ aliquando colico dolore grauiter cruciabatur: qui cùm Marci sanctimoniam non ignoraret, ab eo Crucis signum postulat. Recusabat ille: verùm Guardiani præcepto compulsus, signum præstat; atque eodem tempore dolor fugatur. Fr. Maurus à Criptra, Laicus, decem annorum spatio colicos dolores passus, ijs ita semel cruciabatur, vt magno in vitæ discrimine versaretur. Cui cùm Medicus vnctionem præscripsisset; Marcus, cui à Guardiano Mauri cura commissâ fuerat, ægrotum inuncturus genuflectit; semelq; Oratione Dominicâ, cum Salutatione Angelicâ perfolutâ, cùm ante vnctionem doloris locum signo Crucis obsignasset, statim

dolor

dolor abscellit: eoq; deinceps nunquam afflictatus fuit. Interea, Marcus tot modis à Dæmone, Iustorum omnium hoste infestari cœpit; vt non modò sub diuersis belluarum formis, eum ab orationis studio reuocare conaretur, verùm & diris verberibus caderet: quæ ille inuictâ animi patientiâ sustinens, eâ durius Dæmonem feriebat. Hoc pacto cùm diuturno hoc Dæmonum bello laceffit, victor ad Coronam accederet, ab Hieronymo à Castro Ferrotorum Romam vocatur; vbi circa huius anni initium supremo morbo correptus, cum Ecclesiæ Sacramentis, ac perpetuâ mentis in Deum eleuatione se ad Domini aduentum preparâset, tandem inter Dei laudes, ac B. Virginis Hymnos exultantem Deo spiritum reddidit, Anno 1608..

## Fr. INNOCENTII A IULIANO

### LAICI

#### VITA, ET GESTA.

**R**ATER INNOCENTIVS à IULIANO, Laicus, cùm vitam in sæculo varijs criminum maculis aspersam duxisset; nouâ inter Capucinos institutâ, ita veteris labem absterfit, vt vitæ innocentiam, morum honestate, carnis, & sensuum mortificatione, paupertatis studio, humilitate, charitate; plurimâ denique virtute, eam sanctimoniam apud omnes famam sibi comparauerit, vt Crucis signo miracula patraret: cùm enim in Neapolitano Conuentu Immaculatæ Conceptionis, Franciscus à Castroforti, Laicus, in Nosocomio febricitans iaceret; quo tempore ægrotus Innocentij sanctimoniam permotus, ab eo signo Crucis obsignari postulat: qui cùm signum illi exhibuisset, mox à febre incolumem reddit. Hic cùm Neapoli magnâ cum sanctimoniam laude vitæ cursum confecisset; post mortem nepti, quæ se illius suffragijs commendauerat, in somnis apparens, coniugis illi mortem, quæ deinde secuta fuit, prænunciat. Huius filia, quæ graui in altero brachio laborabat morbo, Innocentij ope à matre implorâ, conuulit. Polita Innocentij soror, cùm vniuersali corporis morbo ita afficeretur, vt intolerabiles penè dolores sustineret, vi tandem doloris compulsâ, altius Innocentium Fratrem inclamans: Nunquid (inquit) Innocenti, ita sororis oblitus es, vt nulla

te mei his doloribus obrutæ misratio pungat? Age, diuinam pro me misericordiam interpella; atque ab his poenis libera. Vix hæc gemens protulerat, cum se liberam ab omni ita dolore sensit, vt his deinceps nunquam afflicta fuerit. Eadem iterum tertiâ febre laborans, cum sacrum torqueama, quo Innocentius olim vsus fuerat, sibi collo appendisset, ab eâ statim curatur. Hoc ipsum sacrum amuletum binis viris febricitantibus impositum, ijs incolumitatem contulit.

## FR. PACIFICI GALLI

### LAICI

### VITA, ET GESTA.



**P**RATER PACIFICVS GALLVS, Cathalonix Pro-  
uinciæ Laicus, Vir plurimâ virtute illustris, præ-  
ter innumeras animi virtutes, quibus ad miracu-  
lum præditus erat, tanta fuit orationis præstantiâ  
dotatus, vt ardentioris diuinæ charitatis flammâ  
correptus, quotidie ferè in clamores erumpere  
compelleretur: quos cum omni studio comprimere tentaret, sese  
humi prosternens, tantâ spiritus vi exagitabatur, vt animam tunc  
agere videretur. Denique cum nullâ ratione hunc spiritus æstum  
cohibere valeret, eo sæpissimè altius è terrâ efferebatur. Noctes ple-  
rumque insomnes cum in oratione duceret, aliquando quinque, aut  
sex cubitorum altitudine supra lampadem, quæ ante sacræ Eucha-  
ristiæ Altare ardet ferri toto corpore visus. Hoc modo Barcinone,  
cum in publicâ Fratrum accusatione à Guardiano illi poenitentix  
loco iniunctum fuisset, vt Orationem Dominicam, cum Angelicâ  
Salutatione ante sacram Eucharistiam persolueret, ibi in mentis ex-  
cessum raptus, & corpore in sublime elatus, tamdiu immobilis per-  
stitit, quoad Guardianus, Fratre ad eum misso, illum ab ecstasi re-  
uocaret. At neque in mensâ, cum pia aliqua lectio legeretur, ita sibi  
imperare poterat, quin vel in clamores; vel, si clamores maximâ sibi  
vi illatâ compesceret, in totius corporis tremores, spiritus vim ex-  
halaret. Caterùm, tam frequentes hos mentis excessus patiebatur,  
vt etiam, dum horti culturæ incumbit, ac ligone terram effodit,  
fixis in cælum oculis, diu immobilis permaneret. Hos verò tum  
mentis excessus, tum spiritus impetus, cum nullâ ratione cohibere

posset;

posset; his maximè, propter inditam animo humilitatem angebatur: eò potissimùm, quod hæc omnium oculis paterent. Quapropter peccatus tundens, ac se indignum peccatorem exclamans, à Fratribus veniam exposcere consueverat; perinde ac si scelus quoddam patraret. Interea miratum in Fratres, tum in pauperes charitate ferebatur; tantaq; vitæ austeritate, sensuum custodiâ, mulierum fugâ, humilitate, patientiâ, tot denique, virtutibus emicabat; vt nullus cuiquam suspitioni locus esse posset, quin hæc à Deo profecta censerentur. Præter raptus, ac mentis excessus prophetico quoque spiritu à Deo præditus fuit; quo Leonardo Perpinianensis Ecclesiæ Canonico, occultum aliquando illius mentis consilium aperuit, atq; ab eo abstinere monuit. Exortam aliquando in mari tempestatem oratione, ac benedictione sedauit. Currum limo infixum, quem plerique simul iuncti agricolæ inde amouere non poterant, indiçtâ omnibus Angelicâ Salutatione, solus è cæno eruit. Deniq; per integrum annum molestâ corporis ægitudine, ac patientiâ probatus, octogennarius Perpiniani in Domino obdormiuit, claro nomine posteris relicto. Post mortem verò, cum maximâ Perpinianensis populi frequentiâ illius funera celebrata fuissent; eiusq; habitus propter notam Viri sanctimoniam, in frusta concisus; & capitis, ac barbæ illi capilli obtruncati fuissent, plerisque etiam miraculis hæ ipsius Reliquiæ à Deo illustratæ fuerunt, ex quibus nonnulla hic recensere libet, certâ fide probata. Ludouici Sabellas Physici, qui Pacifici funeri interfuerat, ex eoq; habitus frustum, ac capillos tulerat, filius adhuc puer in extremis laborabat: quo tempore pater Pacifici apud Deum ad filij præsidium merita inuocans ipsius habitus, & capillorum Reliquias moribundi filij collo appendit. Post hæc obdormiens, Pacificum sibi in somnis apparentem, atque incolumitatem filio reddentem cernit. Quare à somno statim excitatus cum se ad filium contulisset, eum à febre liberum, atq; incolumem reperit. Christophorus Iacobi Comaladæ filius, cum lethali morbo correptus esset, Pater Pacifici habitus particulâ ipsius pectori admotâ, eiusq; è cælo opem implorans, corporis salutem consequitur. Hieronyma Nogues Barcinonensis, ad Medicorum desperationem ægrotans, cum maritus eius votum ad S. Virum emitteret, quamprimum in salutem assurgit, atque incolumitatem consequitur. Postremò, Monialis quædam vrbs Perpinianensis, post Pacifici obitum, eum cœlesti gloriâ donatum diuinâ se reuelatione accepisse testatur. Obijt Vir Sanctus Anno 1608.



## FR. LVDOVICI A PEDACIO

## LAICI

## VITA, ET GESTA.



ERATER LVDOVICVS à PEDACIO, Laicus, Vir illustris, cùm vitam ita cum virtute composuisset, vt abstinentiâ, humilitate, paupertate, obedientiâ, castimoniâ, & cæteris, quæ perfectum, ac Seraphicum hominem reddunt, virtutibus mirum in modum excelleret, cœlestia quoque à Deo, tùm prophetiâ, tùm patrandorum miraculorum dona accepit, quibus ipse apud Deum sanctimonia probata fuit. Cùm enim in Conuentu Pedacij Eleemosynarij aliquando munus gereret, cuidam Francisco Leoneto pretiosus equus, iam aliquot mensium tempore elapso, furto sublatu fuit: ex quo Colidonia vxor ob id plurimum angebatur, quod vir quibusdam furti scelus adscriberet, quibuscum grauis, ac funesta rixa excitanda foret. Has Colidonia cùm Ludouico animi angustias communicasset, is protinus: Nihil (inquit) extimescas, Colidonia: hæc à vobis Deus mala auertet: Sacræ tantum Deiparæ præfidijs confide: cras enim vespertinâ horâ equus præ tuæ domus foribus stabit. Neque à dicto res aliena fuit. Silliani, Portiæ Mirabellę grauissimâ febre laborantis incolumitatem Fabricio viro prænunciat; & vt matrem adhuc valentem admoneat, vt suis animæ rebus consulat, hortatur; neque enim nonum diem superstitem conspecturam præsignificat. Haud secus res accidit: nona enim dies quæ vxorem incolumem reddidit, matrem è medio sustulit. Hieronymi cuiusdam frater in oppido Cellarię cùm in exules incidisset, de illius redemptione Hieronymus agebat, simulq; Ludouici orationum præsidia implorabat, cui Ludouicus: Hieronyme (inquit) quam pro fratris redemptione pecuniam parasti, in meliores domus tuæ vsus serua: frater enim absque vllâ redemptione liber domum rediturus est. Quod si celerius illius præsentia frui optas, iter ad ipsum carpe, obuiam tibi illum in itinere habiturus. Hieronymus igitur viam ad exules aggreditur; neque adhuc mediam confecerat, cùm fratrem venientem conspiciens, verum S. Viri vaticinium experitur. In Conuentu Mesioraci, fur adueniens corium pro sandalijs, atque alia ad sacrorum vsu spectantia secum aufert.

Re compertâ, Guardianus, dum cùm Fratribus de fure perquirendo agit, eidem Ludouicus: Nulla (inquit) Pater, ob furtum te cura sollicitet; cras enim fur ipse vinculis constrictus ad nos veniet, cunctaq; furto subrepta restituet. Posterâ verò die, fur in armatum satellitium incidens, victus ad Monasterium ducitur, resque furto sublatae Fratribus restituntur. His pleraque alia huius sancti Viri vaticinia addi possent, quæ breuitatis studio prætereò, vt nonnulla ipsius miracula prosequar. Nobilis quidam Vir in Capucinos beneficus, Ioannes Baptista de Abbate dictus, cùm per agrum quendam iter faceret, in puteum quendam latentem, sex cubitorum altitudine profundum, atque aquâ semiplenum, casu incidit: ex qdò cùm nullâ ratione emergere valeret, magno in vitæ discrimine, tum ob senilem ætatem, tum etiam frigidam aëris constitutionem (erat enim hyems) versabatur. His dum animi angustijs, humanâ omni spe destitutus, premitur; paruula quædam Crux, quam nuper à Ludouico dono acceperat, illi in mentem venit: hanc igitur deosculari, ac Ludouici opem implorare cœpit: moxq; se diuinâ virtute è puteo erutum, ac solido loco consistentem cernit. In Sillani oppido Vincentiam Claromontanam, vtroque lumine orbatam, atque altero crure, ac manu mutilam, vt eorum vsu omninò careret, post sex dierum orationem Ludouicus pristina incolumitati diuinâ virtute restituit. Cumq; illa nuncium horum Ludouicum certiorum facturum ad Conuentum misisset; Ludouicus nuncio verba præueniens: Quid nunciaturus sis (inquit) non ignoro. Vincentia iam malorum suorum à Deo remedium accepit. Iam redi, & vt Deo grata esse curet, meo illi nomine rethuncia. Pedacij quoq; infantem, quem cùm puella inter brachia gestaret, cadens suo corporis pondere oppresserat, Beatissimæ Virginis intercessione ad vitam reuocat. In pago Periti, cùm oleum à muliere peteret, illa vas oleo vacuum ostendens, mox illius oratione plenum offendit. Huius tandem sancti Viri nepos, arboris casu oppressus, cùm linguæ vsu ita destitutus esset, vt peccata sua Sacerdoti confiteri non posset, ei loquelæ vsu tamdiu suâ oratione à Deo impetrat, quoad conscientia suæ maculas coram Sacerdote abstergere valeret. Itaq; cùm pari virtute, & vitæ cursu plerosq; in Religione annos magnâ cum sanctimoniâ traduxisset, Consentina mortalem cum immortali vitam commutat, Anno 1608. de quo illud post mortem admirabile fertur, quod cùm ipsius corpus de more geminâ fune sustentatum, in sepulchrum demitteretur, alterâ perfractâ, præposterè delapsum

in sepulchro incompositum iacebat: quo tempore seipsum in sepulchro componens, vultu ad Cœlum conuerso, palmisq; ante pectus iunctis apparuit, perinde ac si supremam corporum resurrectionem expectaret, Cœlum simul cum animâ conscensurus.

FR. ILLUMINATVS PLACENTINVS, Laicus eiusdem Prouinciæ, multarum virtutum Vir celebratur; cui aliquando oranti Nicolaus Dianensis Sacerdos; pro quo is Deo preces obtulerat, gloriosus apparens, cœlesti se gloriâ donatum aperuit. Obijt anno 1608.

FR. ANTONII NVCERIENSIS,  
SIVE À NEAPOLI, LAICI  
*VITA, ET GESTA.*



**E**RATER ANTONIVS NVCERIENSIS, Laicus, quem quædam M.S. nostra à Neapoli nuncupant, nobili exortus progenie, vitæ superbiam calcans, humillimum inter Capucinos Laicorum statum sibi amplectendum delegit: in quo tam præclare, tantâq; cum virtute versatus est, vt inter illustriores Religionis Viros locum sortitus fuerit, purus, ac Virginitatis dono præditus, cum ad Religionem accessisset, in eâ ab ipso suæ conuersionis exordio, vsq; ad supremum vitæ occasum, tantam morum honestatem, tam diligentem vitiorum omnium fugam, tam sollicitam sensuum custodiam, tam præclaram vitæ innocentiam; tam denique indefessum virtutum omnium studium colere visus est; vt quid in eo reprehendi posset, nihil prorsus haberetur: quæ verò tum admiratione, tum imitatione digna in eo elucerent, quamplurima conspicerentur. Post aliquot in Neapolitanâ Prouinciâ annos ab eo magnâ cum virtute transactos, in Hispaniam missus, Cathalonix Prouinciâ maioribus Euangelicæ perfectionis exemplis illustrare cœpit: ab eo enim tempore, & rigidius carnem ieiunijs extenuare, & verberibus mactare & vigilijs atterere exorsus; insomnes in oratione noctes in Ecclesiâ ducere conspicitur. Quo fiebat, vt eo tempore raptus, & ecstases pateretur. Accidit aliquando, vt in Ecclesiâ, ante sacræ Eucharistiæ Altare orans, ita spiritu sursum ageretur; vt & corpore in aëra, ad lampadem vsque ante Venerabile ardentem, efferri visus fuerit: nonnunquam etiam Fratres Antonij cellam, dum intus orat, clarissimâ luce fulgentem

conspi-

conspiciunt. Plerisque Antonium à Deo visionibus cohonestatum fuisse communis olim fama fuit: ex quibus vnam, aut alteram referre haud importunum erit. Orabat Barcinone aliquando Antonius, cum mente excedens, Angelum sibi presentem cernit, qui eum in Coelum volatu celerrimo subuectum, coelestis illius Hierusalem pulchritudinem, splendorem, & gaudia spectare iubet. Horum dum Antonius aspectu vix sibi constare videtur, quendam inter coelestis illius urbis ciues candidâ luce fulgentem, & clarissimos gloriæ splendores radiantem præ cæteris intuetur, cuius intuitu maximè oblectabatur. Mox ad eum Angelus: Antoni, inquit, num quem intueris, agnosdis? Cui Antonius: Haud profectò, nisi mihi significaueris. Tunc Angelus: Is Ioannes Euangelista est, quem singulari tu ipse veneratione prosequeris. Alteram quoq; inter plerosq; Virginum Choros, coelesti gloriâ clariùs emicantem Virginem cernens, cum ab Angelo, quænam illa esset, sciscitaretur, eam Catharinam Virginem & Martyrem, in quam is pari quoque deuotione ferebatur, esse audit. Moxq; ad sensus redit. Illustis præterea illa visio fuit, quam refert Antonius Vincentius, Ordinis Prædicatorum, in secunda parte Libri Hispano idiomate conscripti, qui inscribitur: *Historia general de los Santos, ij Varones illustres en Santidad de Catalona*. In quâ S. Raymundi de Pennafort gesta recenset: vbi inter alia hæc habet: Cum Religiosus quidam Capucinus nomine Fr. Antonius à Neapoli, anno 1596. tam acerbè, ac periculose ægrotaret, vt Medici iam de illius vitâ desperarent, implorauit ipse D. Raymundi Barcinonensis opem: & eâ nocte, in quâ illius interitus, tanquam certus habebatur, apparuit illi quidam Religiosus S. Dominici, ad cuius conspectum maximum morbi leuamentum, & consolationem pariter sentiebat. Postridie ortâ luce, adeò se meliorem valetudinem affecutum cognouit, vt Medici illam miraculosam prædicarent. Quare cum precatus esset Deum, vt significaret sibi, quisnam esset Religiosus ille, ob cuius merita eo beneficio affectus esset, eâ horâ, quâ horologium solito ictu decimam horam matutinam signabat, apparuit illi idem gloriosus D. Raymundus, super sedem pretiosissimam sedens, placidoq; ac hilari vultu, & ad risum propenso in illum aspiciens, perseverauitq; in illum per duas vel tres horas: & cum disparuisset, ab eo tempore sensit se, tam ab eo morbo, quo decumbebat oppressus, quàm ab alijs ægris corporis affectionibus, quibus sæpè sæpiùs afflictabatur, omninò confirmatum, ac liberatum.

Cæterum, Antonium Propheticum à Deo, quo res futuras prænosceret, ac mentium occulta peruaderet, donum accepisse, plurima huius rei exempla abundè testantur. Extat inter alia grauissimum Gasparis Ægidij, Episcopi Vicensis, testimonium ad nos transmissum, ac proprio Chirographo obfirmatum, nonnulla huiusmodi exempla recensens; quod ad ampliorem rerum veritatem hic appendendum duxi.

EXEMPLAR TESTIMONII  
EPISCOPI VICENSIS.

**P**Ræclare noui Fr. ANTONIVM à NEAPOLI, Religiosum Capucinum, Laicum, illoq; familiariter vsus fui, quando ambo in Regno Aragoniæ Turiasone morabamur: ego respectu mei domicilij; ille verò respectu foundationis, & ædificationis Conuentus. Fuit mihi certè in Aragoniâ cum illo plurimus vsus, & diuturna consuetudo; & dico fuisse mihi existimatum illum imprimis Sanctum, & spiritus excellentissimi Religiosum, & peculiaribus donis cœlestibus à Deo illustratum: specialiter verò dono dignoscendi, ac penetrandi spiritus, spiritus Prophetiæ, nec non & altissimæ contemplationis. Ego quippe communicauim cum eo plura ad bonum animæ meæ, & diuersarum aliarum animarum spectantia; indeq; & agnouim, patefacere illi Deum secretiora arcana cordium, & vias, per quas unicuique animarum incedendum erat, vt ad altiorem perfectiorem ascenderent. Propter effectus etiam, quos experiebantur in se eademmet animæ (cum quibus etiam ego postea sum collocutus) perspicuè vidi, absque Dei specialissimo lumine, & diuinâ reuelatione non potuisse illum intelligere, quæ intellexerat; tum quia erant effectus futuri contingentes, tum quæ dependebant à diuinâ gratiâ, & ad profectum interiorem animæ pertinebant. Contigit mihi pluries audire illum, cordis mei cogitationes occultas, mihi dicentem, & aperientem, quas ego cum nullo hominum communicaueram; sed neque per exteriùs prolata verba, exteriùs aliquod signum earum dederam; nec illas quauis aliâ viâ, quâ arcanum cordis mei nosset, ostenderam. Præterea, aliquoties, prænunciavit mihi futuros rerum euentus, quas successu temporis vidi fideliter adimpletos; quarum multæ spectabant ad personas spirituales, in quas erat Deus præclara beneficia collaturus: quæ sanè tempestiuè iisdem collata, & prophetiam adimpleram esse mihi

constat

constat ex certâ relatione personarum earundem. Eæ verò res, quæ prædicebantur ab ipso, interiores adedò erant, vt iuxta Sanctòrum regulas, errori minimè subiacere possent, quod non subijcerentur sensibus exterioribus, nec interioribus, & in intimo animæ sentiri deberent. Et quandoque alios prænunciabat euentus de rebus exterioribus simul & interioribus. Porro, scientia, peritia, & lux, quam habebat circa mysticam Theologiam, adedò insignis erat, vt cùm ego sæpiùs eum alloquerer, iuxta ea, quæ in Sanctòrum libris legerem, & rebus ad eam pertinentibus; audirem illum tanto verborum pondere de ea eloquentem, tamq; sublimem doctrinam tradentem, vt admirationem planè mihi concitaret. Nec immeritò: cùm esset ipse Religiosus Laicus, ac scientiarum ignarus; & super hæc dilucidè conspicerem, ea, quæ loquebatur, vel docebat, tum in substantiâ, tum in modo dicendi, scientiam omnem humanam, labore, ac studio comparatam excedere. Accedit ad hæc, quod etiam circa Fidei sacra mysteria, & Theologiæ Scholasticæ subtilitates, audiebam illum interdum mirabiliter eloquentem. Communicabam ego cum eo plurima circa diuersarum animarum statum, quæ per vias extraordinarias incedebant; & ex responsis eius, quæ oportebat perspicuè reddi, virum illum ecstaticum intellexi, & continuæ orationis passiuæ: sic, vt de eo dici posset, quod de D. Dionysio affirmat D. Hierotheus, quod erat diuina patiens. Noui ego casus aliquos valdè peculiare, verèq; insignes de prædicto Fr. Antonio, qui ex certissimo fonte ad notitiam meam profluxerunt. Quorum primus est, qui sequitur: Dum ipse Fr. Antonius Cæsaraugustanum eoleret Conuentum, quadam nocte totam illam in oratione transegit. Exorto die cùm primùm diluxit, petiuit licentiam egrediendi Conuentum, vt cuidam animæ languenti subueniret, ac mederetur. Et cùm iam per urbem incederet, magna quidem festinatione suo itinere procedebat. Quod animaduertens socius, monuit illum, vt attenderet id, quod deceret habitum, & professionem suam. Cui respondet Fr. Antonius, vt celerrimum faceret gradum, quod ingens necessitas id postulare. Et cùm iam ad lapideum pontem fluminis Iberis deuenissent, occurrit illi quidam homo, qui deferebat secum funem sub pallio, vt se suspendio præfocaret. Ad quem accedens Fr. Antonius, prodidit illi deliberationem iniquam se perdendi, quæ latebat in eius pectore, & infelicem animæ statum, ad quem hoc coeptum consilium eum perduxerat. Et super hæc prænunciavit illi voluntatem citissimè obeundi mortem, cui se cum omnimoda

animæ suæ ruinâ subdiderat, Deum illi citò adimpleturum; quia breui emoriturus erat. Quare consuluit ei, vt illius sceleris, & aliorum maculas diligenti Confessione deleret: & poposcit ab eo, quem gerebat secum funem absconditum. Credidit ille Fr. Antonio: tradidit illi petitum funem; & ab eo digressus peccata sua Sacramentali Confessione expiauit, & breui mortuus est, iuxta Fr. Antonij prædictionem. Hunc ego casum accepi à Religiosis ipsis, qui tunc in eodem Conuentu cum Fr. Antonio commorabantur; & specialiter à Patre F. Francisco de Touet, Sacerdote Religioso magnæ existimationis: qui illum mihi tanquam certum & indubitatum referebant.

Alio die, cùm per vicum quendam vrbis Cæsaraugustanæ incederet, celeriore faciens gradum accessit ad hominem quendam, cui planè erat in animo grauem in Deum committere offensam. Patefacit illi cogitationes cordis eius; & reprehendens monuit eum, vt peccata sua per Confessionem elueret: quia die crastinâ eadem horâ, quâ hæc audiebat, defunctus ad sepulturam erat adducendus. Credidit, & obediit homo ille; & quamprimùm è corporis vinculis euolauit. Aderat Fr. Antonio, quando peccatorem illum arguebat, alter Ciuis Cæsaraugustanus, vir sæcularis, qui per vicos eundem peccatorem comitabatur; & audiuit omnia, quæ Fr. Antonius locutus est ad socium suum, & omnia, quæ tunc audierat, mihi fideliter enarrauit: quæ certissimè prænunciata esse comprobauit rerum euentus: Etenim postridiè prædictus Ciuis Cæsaraugustæ, eadem horâ, quâ prædixerat Fr. Antonius, prosecutus est cadauer socij sui, quando in feretro ferebatur ad sepulchrum. Retulit quoque mihi semel, & pluries P. Fr. Franciscus de Touet, Sacerdos, & Religiosus Capucinus, qui iam pridem Cæsaraugustæ mortem obiit cum magnâ Sanctitatis opinione; quod cùm ille in sæculo adhuc agens, Religiosus fieri cuperet, erat illi animus ad Carthusiam mirè propensus: quam mentem suam & propensionem, neque Fr. Antonio, neque ulli alij ex Fratribus aperuerat, per quem posset ad notitiam Fr. Antonij peruenire. Stabat die quâdam dictus P. Franciscus adhuc sæcularis, habitu scholaris indutus, iuxta Conuentus Cæsaraugustani ianuam; accedensq; Fr. Antonius dixit illi, vt demitteret errorem mentis: quia nolebat Deus, vt Carthusianam Religionem fusciperet, sed Capucinus futurus erat.

Alius casus ex ore dicti Fr. Antonij ad aures meas dimanauit, & ex certâ aliorum asseueratione, in quo se dono Prophetiæ clarissimè illustratum ostendit. Fuit Turiasione quidam Religiosus alterius



Religionis, qui dum antea in sæculo ageret, per multos annos liber-  
rimam, & grauibus culpis coïnquinatam vitam egerat; sed tandem  
diuino numine afflatus Religiosum statum susceperat: & Deus in  
Religione beneficijs eum illustrans, ad perfectionem per viam du-  
cebat extraordinariam. Hunc ego, dum in sæculo versaretur, noue-  
ram, & eodem iam facto Religioso utebar quoque familiariter; &  
huic Religioso, cum prædicto Fr. Antonio, magnus equidem, &  
frequens pariter vsus erat; & sciebam ego optimè viam illius extra-  
ordinariam. His præmissis, quæsiui ego ab hoc sancto Religioso  
Fr. Antonio, quæ, & qualis esset via illa insolita, & minimè commu-  
nis; & quid sentiret de Religioso illo pereas vias cœlicus ducto.  
Qui mihi respondit, Religiosum eum per viam illam insuetam bre-  
ui magnum esse perfectionis splendorem assecuturum, esseq; à Deo  
Orationis continuæ dono munerandum; quod erat beneficium cæ-  
teris maius ex his, quæ conferre solet Deus in hisce vijs animæ inte-  
rioribus: continuationem autem orationis, cuius cœlesti munere  
donandus erat, tantam fore, vt etiam occupatus somno, ab oratione  
non desisteret: & quando expergisceretur, experturum esse, collectu-  
rumq; fructum orationis, quem Deus illi contulerat edormienti: in  
parte quoque superiore illius animæ diuinitus esse collocandam  
quandam quasi nubeculam lucis mirabilis, ex quâ perpetuo influxu  
diuinæ misericordiæ in illum influerent: & denique accepturum  
esse cœlicum donum dignoscendorum spirituum, & viarum inte-  
riorum; & multos spiritus per certam perfectionis viam rectè duce-  
ret. Hæc mihi prænuñciauit Fr. Antonius. Post hæc fuit mihi cum  
eodemmet Religioso, de quo talia prædicta sunt, annorum plurium  
diuturnus vsus, & ex eius ore accepi ego, & intellexi omnia, & sin-  
gula, quæ de eo prædixerat Fr. Antonius, in eo adimpleta fideliter  
esse. Cumq; ego non parum admirarer, quod homo antea in sæculo  
corruptâ adeo, & liberrimâ vitâ, tam breui extolleretur ad tantam  
cum Deo familiaritatem; Respondit mihi idem Fr. Antonius, Deum  
misericordijs, gratijsq; elargiendis, cum aliquibus perinde se gerere  
in principio, atque se gerit cum alijs post annorum plurium spatium  
in obsequio suo traductum: quia per viarum illarum iter volebat  
confirmare eorum animos, quo roborati, ac expediti essent ad susci-  
piendas exercitationes aliquas ad obsequium suum spectantes: affir-  
mauitq; mihi se nouisse aliquos spiritus, cum quibus Deus liberali-  
tate simili vfuserat. Et inter alia exempla peculiariter enarrauit mihi  
de quodam Religioso Capucino Nouitio, qui fuerat in sæculo

ficarius, & grassator, & in plurima homicidia, & grauissima alia scelera fuerat lapsus; quem cum Deus benignè respiciens, ad se conuertisset, & concessus illi esset ad nostram Capucinam Religionem ingressus, intra sex menses illius mentem Deus ad contemplationem altissimam eleuauit. Quare cum adhuc in Nouitiatu degens, in supremum incidisset morbum, eoq; ingrauescente, iam ad se adferretur Sacrosanctum Eucharistiæ Sacramentum; cum primum in cellulam, vbi decumbebat, intrauit, conuertit oculos, & mentem ad illud; prolatoq; hoc solo verbo: O Domine! mens eius mansit absorpta, & in Deum eleuata, & vultus eius accensus, & igneus: & sic illo diuini amoris impetu feliciter raptus, Creatori suo spiritum reddidit. Generaliter autem asserere valeo de hoc sancto Religioso Fr. Antonio, eum tam Cæsaraugustæ, vbi diu commoratus est, quam Turiasone, quam urbem aliquamdiu coluit, maxima quidem animarum lucra fuisse, in diuersis omnium conditionum personis; floruisseque mirificè spirituali gratiâ conuertendarum ad meliorem vitam plurium animarum, eripiens illas, & educens à profundo miseriarum barathro, in quod stabant miserabiliter immerse. Præter hæc, Vir quidam perillustis, Martinus ab Espes, & Alagon nomine, Lagunæ Baro, nunc verò Marchionatus titulo auctus, familiarissimè Antonio utebatur: qui cum turpe facinus breui explendum animo machinaretur; Antonius rei diuinitus admonitus, actutum ad eum accedit, ac machinatum ab eo scelus, cum omnibus circumstantijs eidem aperiens, tam seuerè illum obiurgat, vt tremens ille mox se ad ipsius pedes prostrauerit; qui pede viri colla conculcans, quasi ipsius superbiam contriuisset, tam humilem, ac mansuetum reddidit, vt in alterum planè virum mutauerit. Huic quoque Baroni, qui ob grauem Margaritæ filiæ ægritudinem, de quâ Cæsaraugustâ, vbi illa ægrotabat, litteras acceperat, magnopere animo cruciabatur, ægrotam iam conualuisse aperit, maturiusq; de illius incolumitate litteras accepturum affirmat: quæ paulò post à primo tabellario illi reddita fuerunt. Rursus, cum idem Baro grauiter Cæsaraugustæ ægrotans, Antonij apud Deum suffragia imploraret, latum ab eo nuncium accipit, ab eâ se quamprimum ægritudine incolumem emerfurum; quod haud secus, quàm prædixerat, contigit. Eidem quoque pleraq; alia futura prædixit, quæ suum tandem effectum sortita sunt. Cæsaraugustæ publicus quidam Tabellio, Mattheus Solozanus nomine, nefandum quoddam scelus animo versans, maturius illud moliturus erat: quo tempore Antonius

illum

illum domi conueniens, totam machinati sceleris telam dilucidè explicat; eundemq; tam acerbè increpat, vt tremefactus Matthæus animum non modo à scelere reuocauerit; verùm & ita mores mutauerit, vt ab eo tempore pietatis studiosus euaserit. Ibidem Vir quidam illustris, ad turpe quoddam facinus pergebat, qui sancti Viri conspectum pertimescens, in quadam domo, ne ab eo videretur, se abscondit. At Antonius rerum omnium à Deo cerrior factus, vbi ad domus fores peruenit, delitescentem virum appellat; cunctasq; illius cordis cogitationes patefaciens, suâ correptione meliorem, quàm inuenerat, dimisit. Hoc modo, & tres scholarum Candidatos, qui in scelus condixerant, reuelato scelere, ab eo reuocat. In Conuentu nostro Cæsaraugustano, Antonius aliquando Nouitium, Matthæum nomine, ad sæculum remeantem offendit; quem cum ad infernum properare, affirmasset: & ad reditum hortatus fuisset, alapam illi in fronte impingit; quæ tantæ virtutis fuit; vt statim Nouitius animo mutatus, in genua procubuerit, iterumque sibi Religionis habitum profusis lachrymis restitui poposcerit, ac postmodum in eâ magnâ cum virtutum laude ad obitum vsq; versatus fuerit. Religioso cuidam omni virtute ornato extremum, ante decennium, obitus diem prædixit. Comiti de Fuentes pleraq; occulta, quæ is animo gerebat, aperuit; quæ (vt idem testatur) Deo soli nota erant. Plurimas huius generis occultas animi cogitationes, ne longior Historia texatur, aperit: Ioanni Augustino, Nobili Cæsaraugustano: Ludouico de Vera, Monacho Carthusiano: Ioanni Calcerano de Pinos: Francisco Dominico Taragenfi, qui in cuiusdam necem conspirauerat: Ioanni Montanerio & Antonio Trullo. Ciui Barcinonensi: Francisco Astor, Regio Consiliario: Francisco Cors, Barcinonensi Iurisperito: Hieronymo Roig Medico, qui viro cuidam aduersario necem machinabatur: Gabrieli Ruis, Barcinonensi Mercatori: Alphonso Deril, Comiti Orcai: Ioanni Cosconio Cæsaraugustano: & Michaëli Calcorano de Pinos, Comiti Vallisfogonæ: quibus intima mentis consilia nullo verbo aut facto prodita, ita patefecit, vt nulli præterquam diuinæ reuelationi id adscribi valeret. Præter autem superius enarrata, plura alia compendio enarrare libet. Nobili cuidam Viro, qui turpem vitam Barcinonæ ducebat, immaturam mortem, quæ paulò post secuta est, prænunciat. Carolum Freges, cuius à Medicis salus desperabatur, incolumem futurum, aliaq; eidem ventura, quæ euenire, prædixit. Nobili mulieri, quæ partus abortum patiebatur,

foetum incolumem, quem suo tempore tulit, pollicetur. Duorum quoq; Barcinonensium Virorum, quorum alter desperata valetudine laborabat, futuram incolumitatem præsignificat. Ioannem de Aragona, ob turpem vitam à Deo ægritudine, ac morte castigandum prænunciat. Cæsaraugustano cuidam alcatori Dei iram, qua breui inxpiatus, letho eripiendus esset, comminatur. Eandem quoq; tabernario multis vitijs contaminato prænunciat. Alijs præterea duobus viris, qui integrâ valetudine fruebantur, in oppido Calatorai, vni post quintum, alteri post quintum decimum diem, vitæ occasum præsignat. Cæsaraugustæ Petrum Ludouicum Martinez diabolicæ tentationis, antequàm ab eâ corripereetur, præmonet. Braulio cuidam Cæsaraugustano vxoris mortem, futuras nuptias, ac pleraq;, quæ illi post hæc euentura erant, aperit. Eâdem in vrbe binis ægrotantibus incolumitatem; alteri incolumi quotidianam febrem: Comitissæ Sauallæ masculi partum: mulieri sterili prolem, prophético spiritu prædicit. Stephaniam nobilem Gerundensem, filij moribundi occasum lugentem, de futuræ illius salutis certitudine consolatur. Rursus verò ægrotanti incolumitatem, promittit. Amitam verò tertianâ febris leuiter laborantem, letho eripiendam præmonet. Barcinonæ, Ioanni Gallego, Iurisperito, qui grauissimè ægrotabat, tum futuram morbi curationem, tum pleraq; ad illius vitæ statum pertinentia, præsignificat. Matthiam mercatorem de serici merce, quam è Neapolitanâ vrbe expectabat, sollicitum, quâ die Barcinonam cum nauigio appellere deberet, certiore reddit. Francisco Alexandro Barcinonensi futuram vxorem, atque alia, quæ illi euentura erant: Francisco Saulo Genuensi, integrâ valetudine fruenti, intra bimestre vitæ occasum prænunciat. Plura huiusmodi prætereo, ne Lectoris animum multitudinè obruant. His plurima etiam accedunt Miracula, quibus D. O. M. Antonij sanctimoniam testatus fuit. Vir Dei aliquando per Almaniam oppidum iter faciens, cuiusdam sui olim familiaris domum ingreditur; qui cum in lecto ægrotaret, simul atq; eum aduentantem conspexit, è lecto emergens, ante Virum Dei genuflexus procedit: Cumq; is Beatissimæ Virginis imaginem, quam secum gestare consueuerat, eidem osculandam porrexisset; vix ager prima illi oscula infigit, cum repentè à morbo liber euadit. Alter eiusdem oppidi Vir, qui odontalgia laborabat, cum ab eo genuflexus Crucis signum postulasset, eo accepto, statim à morbo curatur. Andreæ Pauli Morali, Beatricis vxoris grauissimè ægrotantis, post orationem breuem, incolumitatem pollicetur.

Franciscus Dominicus Taragensis, herniâ grauius laborabat; cui cum nulla Medicorum remedia eatenus profuissent, Antonius post orationem, herniæ locum manu contingens, mox consolidatis membranis hernia curatur. In oppido Anglisolæ Maria, Petri Ioannis Dominici filia, omni spe salutis destituta, cum morte colluctabatur; cum ad eam Vir Dei accedens, Iesv nomen illius brachio alligat, & paulisper pro eâ Dominum rogat; statimq; morbi vi repressâ, quæ iam iam moritura credebatur, in vitam vindicatur. Ducis de Maqueda filius Barcinonæ, cum acri tibiæ dolore torqueretur, Antonium rogat, vt pallio suo ægram tibiâ inuoluat: Id cum Vir Dei præstitisset, statim effugato dolore tibia conualuit. Cæsaraugustanæ mulieris filium grauius ægotantem, vbi cinereum B. P. N. Francisci habitum quinquennio illi deferendum persuasit, suâ oratione sanat. Alium quoque Barcinonensem virum, Alexandrum Moxum nomine, morti à Medicis adiudicatum, cum manu contigisset, ac Crucis signo obsignasset, illicò præstitit incolumem. Andræ Regnes filio velut mortuo funera parabantur: ad quem accedens Antonius, cum certum à patre promissum accepisset, se aleis valedicturum, ac S. Antonium Vlyssipponensem deinceps præcipuâ veneratione prosecuturum, suâ oratione prius à necis periculo liberat; tum integræ sanitati restituit. Consueuerat Vir Dei sacræ Deiparæ secum Imaginem gestare; quam cum ægotantibus osculandam traderet, illos in incolumitatem vendicabat. Hæc, & alia quamplurima cum D. O. M. per eum signa patraret, eo fiebat, vt non solum in Cathalonîâ; verum & in Aragonîâ clarum esset Antonij Neapolitanæ nomen. Antonius igitur ab Aragoniæ Prouinciâ Barcinonam à Patribus reuocatus, quò clariùs patesceret, num is aurum, & argentum, an scænum, & stipulam, in animo gereret, plurimis mortificationum generibus eo consilio ab ijs probari cœpit. Quapropter eo in Barcinonensi Conuentu incluso, ac velut in custodiam dato cuncta illi cum sæcularibus viris colloquia prohibentur; Fratribusq; secretâ lege cauetur, ne quis blandum cum eo verbum loqueretur: quin potiùs scommatibus, ac sarcasmis ab omnibus oppeteretur. In Refectorij verò Capitulo, instar Nouitij, tot increpationibus, ac iniunctis pœnitentijs exagitabatur, quasi nouam, ac seueram Religionis probationem subiret. Neque id ad tertium, vel quartum vsque diem; sed integros menses rigidâ hac in spiritus probatione traduxit: sed cum in his non tam illius patientia effloresceret, quam voluptuosa quædam mentis iucunditas in ipsius vultu, atque ver-

bis obseruaretur, perfecta illius virtus cunctis perspecta, illum apud fratres illustriorem reddidit spiritusq; dignis probationibus examinatus, nullum deinceps suspicioni locum reliquit. Vix autem hac tentatione probatus, Vir Dei ad vitæ coronam à Domino vocatur: statim namque pleuritidis morbo laborare cœpit. Cùm verò sapiùs antea obitus sui tempus præsignificasset, aduentante tunc supremo vitæ suæ periodo, arctius Domino patientiæ, ac charitatis vinculo copulari curat; ac tandem Barcinonæ ad perennem cœlestis vitæ fontem decurrit. At ne absque cœlesti testimonio ipsius ad cœlestem gloriam transitus fieret, is eadem sui obitus horâ, Moniali cuidam Ordinis S. Dominici, quæ in Barcinonenfi vrbe plurimâ vitæ sanctimoniâ præstabat, cœlesti splendore perfusus appareret, has edens voces: En foror, hac horâ ad cœlestia regna migro. Alter quoque Carthusianus Monachus, eadem horâ orationi vacans, geminos viros Capucino habitu contectos, & clarissimâ luce fulgentes conspicit, qui ab Oriente cœlum versus tendebant: quorum alter Thau manu gerens, alteri se viæ ducem præbebat; protinusq; virum Thau dextrâ gestantem S. P. Franciscum esse intellexit: Alterum verò Antonium, quem ille in cœlum recto tramite ducebat. Post hæc, cùm Barcinonenfis quidam tabernarius, olim Antonio familiaris, qui pannos, & bombycinas telas venales habebat, nocte quâdam in strato suo quiesceret; accidit vt accensus ignis ædes suas inuaderet: quo tempore Antonius mercatori apparens, illum excitat, ac dextrâ apprehensum eò ducit, vbi flamma ædes deuorare cœperat; moxq; ex illius oculis euauit: Mercator verò auxilium à vicinis deposcens, flammam exurgentem extinguit, impensusq; suo liberatori gratias agit. Huius sancti Viri corpus secundo post sepulturam anno, integrum & incorruptum repertum, amplius illius gloriæ testimonium reddit. Obijt Vir Sanctus

Anno 1609.



## Fr. NARCISCI DIANENSIS

## LAICI GVARDIANI

## VITA, ET GESTA.



ERATER NARCISSVS DIANENSIS, Laicus, cùm in Fratrum, de Obseruantia nuncupatorum, familiâ, nouem annorum spatio, quo inter eos versatus est, miris virtutibus, ac præsertim oratione, in quâ frequentes animi excessus patiebatur, emicaret; inde ad Capucinos purioris obseruantie studio migrans, cœlestem propemodum vitam agere videbatur: vitæ namque austeritate, abstinencia, obedientia, humilitate paupertate, charitate, ac cæterarum virtutum laude clarus, diuinarum præsertim rerum contemplatione ita præcelluit, vt diuinæ suauitatis, quam in priori Ordine prægustauerat, voluptate absorptus, frequentiusq; in mentis excessum raptus, magis cum Deo, quàm cum hominibus conuersari videretur. Tanto is erga puerum IESVM amore flagrabat; vt, quem intus in pectore occlusum gerebat, hunc semper ore eructaret, ac proloqueretur: & quanquam rara eius essent cum alijs colloquia, cùm tamen de puero IESV mentio fieret, de eo vberius ora soluens, totus exardescere videbatur. Eo fiebat, vt cùm Quæstuarij onus sustineret, quid quæreret, interrogatus: Meum IESVM (aiebat) quæro. Ita vt Sponsæ illius Cantico- rum amorem æmulatus, verba etiam sibi sumere valeret dicentis: *Surgam & circuibō ciuitatem: per vicos, & plateas, quæram, quem diligit anima mea.* Cœlesti porro hoc pueri IESV igne accensus, dum ille noctu in cellâ oraret, tam ardentis amoris flammæ ex imo pectoris efflare consueuerat, vt sæpè in has voces Hispanicæ erumperet: O amores! ô amores! Contigit verò, vt aliquando Fr. Franciscus Turolensis, qui Narcisci voces, ac repentinum silentium obseruaue- rat, pedetentim ad illius cellam pergens, fores aperit, Narcissum quæ mente excedentem, atque in aëra sublatum cernit. Interdum quoq; ex hortulo flores colligens, his lecti partem aspergebat. Quod cùm Nouitius quidam admiraretur, is accitum Nouitium his verbis affatur: Ne mirere (inquit) Fili, quod lectuli partem floribus asper- gam: non enim hæc mea, sed pueri IESV cubilis pars est: hinc dulcis meus IESVS cubat: Quapropter æquum est hanc floribus exor-



nari. Sicq; Sponsæ illud sibi assumere poterat: *Lectulus noster floridus*. Hæc porro ardentissimi amoris flamma, quâ Narcissi animus erga puerum IESVM accendebatur, prophetici illi spiritus lucem peperit, quâ futuros rerum euentus, qui Deo soli perspecti sunt, longè antequam euenirent, prospiceret: quod nonnullis exemplis manifestum fuit. Iosepho cuidam de Pla, viro primario, atq; in Ordinem deuotissimo, qui plurimam in Conuentu ædificando auri summam conferre parabat, rei familiaris posthæc vsuram, & incrementa percepturum prænunciat. Quod ita prorsus euenit: Nam Monasterij ædificatione peractâ, Ioseph duo millia aureorum sibi ad annuos redditus excreuisse comperit. Huius quoq; Iosephi vxori, quisnam anno sequenti ibi Guardianus futurus esset, curiosius inquirenti, statim Narcissus, Fr. Ioannem à Villafrancâ indigitans: Hic (ait) vester Guardianus erit. At rei euentus id ex Dei duntaxat reuelatione eum accepisse, non obscure declarauit. Postremò, nonnullis antequam è viuis excederet, diebus, Narcissus, cuiusdam Clerici, qui illi familiaris erat, domum ingressus, cum illum inde abesse comperisset, domesticis ait: Renunciate Anxio Morfort, Narcissum extremum illi valedicturum huc accessisse: quamprimùm vero mutuum nobis apud immortales occursum futurum. His verbis cum celerem vtriusque, & suum, & Clerici obitum præsignificasset, hæc ab eo prophetico spiritu dicta, rei euentus confirmauit. Nonnulla quoq; ab eo patrata signa referuntur: atq; illud primum, quod cum vxori Onufrij Bledæ, canabaceum funem ex mandato Prouincialis tradidisset, illa post primos dolores, posterioribus partus doloribus non expectatis, feliciter filiam peperit. Dominicus Ioannes à Villarsa febris æstuans, cum illi Narcissus nomen suum chartulæ impressum collo appendisset, paulò post pulsâ febris incolumis è strato surgit. Huius post hæc vxor (Brigida Frigola nomine) cum acrioribus in testinorum doloribus torqueretur, quibus curandis nulla Medicorum pharmaca satis esse poterant, Narcissi suffragio sanatur. Narcissus verò domum reuersus, cum ægrotare cœpisset, sese ad Domini aduentum, quem breui adfuturum non ignorabat, parans, dum sua apud Sacerdotem peccata expiat, in mentis excessum rapitur. Ex quo tandem sibi redditus, Confessione peractâ, ac ceteris morientium Sacramentis eximia pietate susceptis, nono ægritudinis die sanctimoniâ clarus, Valentia ad Dominum migrat, coelesti gloriâ coronandus, quam pleraque post mortem, ob ipsius merita, à Deo patrata Miracula contestantur: cum enim illius obitus famâ per urbem diffusâ, magnâ vtriusq; sexus fre-

quentia ad illius funera conflueret; æstuanteq; populi deuotione habitus in particulas discinderetur, capilli, barbaq; euellerentur, inter alios Ludouicus Ferrerius adolescens, qui strumis laborabat, cum defuncti manu locum attigisset, collum discerpi, ac in frustra secari sibi videbatur; at paruo temporis interuallo elapso Ludouicus à strumis liber fuit. In vrbe Valentina Moyſes Mironius, Sacerdos, diutinâ febris laborans, cum pallio, quo Narcissus olim vsus fuerat, caput sibi operuisset, statim pulsâ febris incolumiseuasit. Alter, Ferragut nomine, qui cephalalgia, ac præterea febris grauiter cruciatur, cum strophium, quo Narcissi caput extremâ in ipsius ægritudine contentum fuerat, sibi capiti imposuisset ab utroq; morbo confestim liberatur. Idem strophium cum Hieronymo Ferragut, Valentino, ob febrem continuam neci à Medicis adiudicato, impositum fuisset, paulò post in vitam, & incolumitatem respirat. Brianda Iosephi Pla, cuius superius memini, vxor, cum eodem fune, quem à Narcisso olim acceperat, iterum in partus doloribus se præcinxisset, ab his statim libera foetum emittit: atq; eodem ducentæ aliæ mulieres prægnantes à partus periculo liberatæ referuntur. Huius filia Brianda nomine, dysenteria tam grauiter laborabat, vt ipsius vitæ occasus breui expectaretur: Cum itaque præfatum Narcisci strophium sibi imposuisset, post breue tempus integræ incolumitati restituitur. Angela quoque Feirera Valentina, diutinâ odontalgia, quæ nullis remedijs tolli, aut leuari poterat, præter modum afflictata cum Cruce, quam à viuentē adhuc Narcisso acceperat, sibi molares contigisset, breui temporis interuallo plenam illius curationem assequitur. Hoc ipso Crucis contactu huius Angelæ filia pleuritide correpta, cum laterum dolore grauiter cruciaretur, simul à dolore, ac pleuritide paruo interiecto temporis spatio, perfectè curatur. Frater Hieronymus Valentinus, ex nostris Concionator, qui dentium dolore sæpe torqueri consueuerat; simul atque Narcisci pallio genas contingeret, liber à dolore efficiebatur. Alter, qui graui carnis tentatione vexabatur, quam nec ieiunia, nec oratio pellere valerent, vix B. Viri merita inuocans, ipsius pallium sibi adhibuit, cum nullâ interiectâ temporis morâ, libidinis spiritu effugato, liber de tentatione triumphat. Mulier, cui lac in vberibus aruerat, quo foetum enutrire posset, cum habitus Narcissi particulam vberi applicasset, protinus lactis fons ex vberibus erumpit. Postremò, mulier quædam Valentina, Bocca nomine, cum habitus Narcissi particulam in sinu reposuisset; accidit, vt antequam ad quietem concederet,

ardentes in camino prunas cinere contegens, chartulam, quâ habitus particula inuoluta erat, inter prunas è sinu sibi excidisse, non aduerteret. Quamobrem mane illucescente, cum è lecto surgens ad caminum accessisset, ignem è prunis excitandi causâ, chartulam nullâ ex parte ab igne, aut prunis laesam conspicit, & admiratur. Obijt Vir Sanctus  
Anno 1609.





FRATER IACOBVS MANFREDONIA FF<sup>tm</sup> CAPVCINORVM  
 LAICVS

## FR. IACOBI A MANFREDONIA

## LAICI

## VITA, ET GESTA.



**E**RATER IACOBVS à MANFREDONIA, Laicus, in ipso Iuuentutis flore, florentes mundi illecebras declinans, potioresq; Crucis asperitates, quàm sæculi delicias æstimans, ad Capucinos deflexit. Quapropter ab ipso suæ conuerſionis exordio, vt verum se Crucis discipulum ostenderet, carnem cum vitijs, ac sensuum concupiscentijs ita crucifigere didicit, vt vix illi vitæ necessaria permitteret: cùm enim præter Ecclesiæ, & Regulæ ieiunia, S.P.N. Francisci quoq; Quadragesimas obseruaret, ex his quadragenaria Christi, & S. Michaëlis ieiunia fabis madefactis tantummodo celebrans, harum quantum manus capere posset duntaxat sibi ad quotidianum victum adhibere consueuerat. Aspero semper cilicio est vsus. Lectus illi, nudæ tabulæ, ac puluillus, vitis sarmentum, perpetuus fuit. Corpus tot sæpè flagris cædebat, vt sanguinis aspersione impressa humi vestigia relinqueret: verberum verò plagis, nouo medicamenti genere, viuæ nimirum calcis cataplasmate mederetur. Castitatis propugnator acerrimus fuit; ita, vt cùm ardentes à Dæmone libidinis faces sibi in carne aliquando accendi persentisceret, brumali tempore, nudus, gelidissimo sub aëre tamdiu immobilis perstiterit, quoad libidinis flammæ, à Dæmone excitatæ extinguerentur. Verum, cùm inde herniæ morbum contraxisset, genitalesq; partes, quòd hernia curari posset, Chirurgus patefieri necesse esset, tam pudicitiaë amicus fuit, vt Beatiss. Virginis opem implorans, ab eâ in momento curatus fuerit. Denique, cùm in die perpetuis corpus, vel horti, vel quotidianæ mendicationis laboribus attereret, noctu verò tam breuem illi somni requiem daret, vt vix somnum ipsum attigisse videretur, fessa membra haud aliâ, quàm orationis, ac diuinæ contemplationis quiete refouebat. Hinc copiosâ Dei luce perfundi, vberioribusq; Dei donis in eâ potiri cœpit: quo fiebat, vt sæpè in mentis excessus raperetur: præsertim in Conuentu Turris Maioris, vbi aliquando in Ecclesiâ orans in sublime efferri, ac vultu ita emicare visus est, vt Solis lucem æmularetur. Rursus, dum Laurini, post Matutinas Horas orationi incumbens, mentem ad Sacræ Communionis

refectionem parat; fulgentissimum quasi Solis globum sibi presentem cernit, quem cum humanis oculis ferre non posset, manibus sibi oculos contegens, ab eo visum declinare conabatur. At globus ille lucidus eidem inter manus insiliens, tam coelesti illius animum voluptate imbuat, ut ab humanis rebus abstractum, totum in Dei imaginem transformauerit. Post hæc Prophetico à Deo spiritu imbutus, coepit futura prædicere. Cum Turris Maioris Dynasta ad Lauretanæ Beatissimæ Virginis ædes plurimo cum comitatu profecturus, à Iacobo peteret, ut pro eo preces ad Deum funderet, statim Prophetico spiritu correptus adstantibus ait: Haud omnes, qui Ducem comitantur, ad nos incolumes redibunt: vnus neci iura persoluet. Duce verò cum suis iter agente, cum B. Virginis Corollam pro eo antelucanâ horâ recitaret; vix præ insolitâ animi angustia eam prosequi poterat; quo tempore illi reuelatum fuit, Ducem magno in vitæ periculo versari. Cumq; tota periculi series eidem explicata fuisset, protinus Ducissam rerum certiore reddens, Ducem à periculo liberum affirmat: quæ hoc tempore tabellario ad Ducem expedito, rem ita gestam, vnumq; ex Ducis affectibus glande peremptum (ut Vir Dei prædixerat) occubuisse accepit. Post hæc Ducissæ Turris Maioris nurus absentis, ante sex dies; ac præterea Ducissæ Bouini filii etiamnum incolumis; demum S. Seueri Principissæ, post quintum decimum diem futurum obitum prænunciat. Æthiopiæ quoque captiua, quæ in Mahometicæ legis cultu pertinax erat, futuram ad Christianam Fidem conuersionem præsignificat. Neapoli per aliquod tempus dimoratus, Francisco de Castro futuras nuptias, Regij Oratoris, actandem Proregis in Neapolitano Regno munus prædicat: ac Philippi III. Hispaniarum Regis prolem, ac proles numerum, & qualitatem futuram distinguit. At verò, non modò Prophetiæ, sed & miraculorum dono clarus, multos Diuinâ virtute ægrotos incolumitati restituit. Inter hos Morconij, cum Eugenum quendam de Rubeis desperatâ à Medicis salute ægrotantem inuississet, ipsius apud Deum opem efflagitantem, his verbis protinus affatur: Euge, Eugeni. in Domino confide; citò conualesces. Vix hæc prolocutus fuerat, cum æger à morbo respirans, parua interiectâ morâ incolumis redditur. Cum in Conuentu Turris Maioris versaretur, in Virum quendam vndique vlceribus affectum aliquando incidit: quem cum vrbis Ducissa intuita esset, ad Iacobum conuersa ait: Iacobe, pauperculi istius tam malè plagis affecti non misereris? Cui Iacobus: Ecquidnam ad ipsius miseriam

subleuandam præstare valeo? Age (inquit illa) Crucis signum vlceribus imprime, vt eo persanetur. Reluctabatur Iacobus: Neque enim (aiebat) vir peccator hæc potest signa patrare. At Ducissâ id ab eo importunius efflagitante, tandem Vir Dei singulas vlcerum plagas Crucis signo petens, cùm extremam obsignâset, æger, plagis consolidatis, incolumis euasit. In Prouinciâ Bariensem vnâ cùm Fr. Syluestro Roscianensi profectus, cùm Fratrem quendam grauiter ægotantem inuississent, mox Sylvester ad Iacobum: Iacobe Frater (inquit) signum Crucis huic fratri nostro impende. Cui Iacobus: Non meum, sed tuum est, Pater, qui Domini es Sacerdos, hæc signa impendere. At Sylvester: Illud (inquit) ex obedientiâ redde. Cui cùm Iacobus obsistere minimè valeret, signum ægroto in fronte præstat quo mox æger conualuit. Hoc modo & puerum, qui graui morbo laborabat, sanitati restituit. Pleraque alia, præter hæc Iacobum signa patrassè M. S. nostra referunt, quæ cùm scripto minimè tradita sunt silentio oppressa periîre. His cùm apud omnes illius sanctimonix fama percrebuisset, tot Dei seruus à Satanâ, tùm clam, tùm palam infestationibus oppetebatur, vt interdum, dum in Ecclesiæ Choro noctu solus orat, Dæmonem sub canis specie Psalterij folia crebrò vertentem cerneret: quandoq; verò Satan horribilem aspectum præferens, vt eum ab oratione auocaret, terrere conaretur. Semel tandem, cùm eidem pallium ex humeris tulisset, in campanarum obeliscum detulit. Hæc ille Diaboli tentamenta, quibus eius virtus magis perficiebatur, cùm humili patientiâ deuinceret, ad vitæ tandem coronam appropinquans, in Conuentu Turris Maioris, quartanâ febris septuagenarius agrotare cœpit: quam cùm quotidiano labore, ac consuetâ vitæ asperitate superare sperat, grauiorem in morbum incidit; quo tempore cùm ob inopiam Medicorum, Fr. quidam Neapolitani Nosocomij commoda illi in mentem reuocaret, huic Vir Dei: si in Neapolitani Conuentus Nosocomio (ait) æger iacerem, in hominum manibus decumberem: hic verò in Dei manibus libens sto, id à Dei misericordiâ sperans, me in Domini mei IESV CHRISTI sinu, ac sub B. Michaëlis Archangeli patrocinio, hic extremum diem clausurum. Triduo igitur ante Dominici Natalis diem, cùm animum à peccatis Sacramento expiasset, ac Sacro Domini corpore refici postulasset, sui obitus diem, ac horam præsignificans, die ipso Natalis Domini, circa meridianam horam, Anno 1609. Deo spiritum reddidit, plurimâ populorum turbâ ad illius funera confluenta.



FR. MANSVETI A VALLE  
CAMVNORVM, LAICI  
VITA, ET GESTA.



**F**RATER MANSVETVS à VALLE CAMVNORVM, Laicus, cùm ad extremam vsque senectutem, vitam mirâ innocentîâ, ac mentis puritate, admirabili quoque pietate ornatam duxisset; perpetuum se, quoad vixit, Regularis obseruantîæ, ac perfectæ virtutis exemplar cunctis suspiciendum præbuit. Huic, cùm tam ardens orationis studium esset, vt iuges ferè ex intimo amoris incendio lachrymæ ex oculis defluerent; hinc admirabilis illius orationis virtus sese offerre visa est, quâ sæpenumero in Deum efferebatur, vt à sensibus abalienatus, solo spîritu cum Deo ageret. Id illi aliquando Benacum Lacum nauigio traijcienti accidit; in quo trium horarum spatio tam immobilis, ac insensibilis perstitit; vt licet in varia à Socio distractus vix tandem sibi redditus fuerit. In Conuentu Alimeni, agri Bergomensis, cùm Mansuetus sacris Mysterijs de more aliquando in dextro Euangelij latere, (erat enim auris obtusæ) interesset; lucis globus ex Altari erumpere visus, qui ad Mansuetum se extendens, ipsius caput maximâ intuentium admiratione obumbrat. Rursus, dum solus in Ecclesiâ orat, vocem è Cœlo ter hæc verba repētentem audit: Remittuntur tibi peccata tua. Iterum, cùm in Conuentu S. Victoris, Vrbs Mediolanensis, Prouincialia Comitia celebrarentur, atram nubem, quæ procellam, ac vastitatem frugibus minabatur, rectaq; ad Conuentum ferebatur, in genua procidens, ac paulisper orans, tum Cruce, Regulæq; codice manu apprehensis, ac in nubem appropinquantem Crucis signum vibrans, tam repēte dissoluitur, vt pusillo tempore elapso, vix eius vestigia visa fuerint. Postremò, Ioannes Baptista, Milanus, Episcopus Bergomensis, se à graui morbo Mansueti oratione curatum fuisse, haud semel testatus fuit. Is igitur cùm plurimos in Religione annos in iustitiâ, & sanctitate traduxisset, octogenarius tandem Mediolani ad Dominum migrat Anno 1610.

\* \* \*

# FR. THEODORI PANORMITANI LAICI

## VITA, ET GESTA.



**T**RATER THEODORVS PANORMITANVS, Cathalonienſis Prouinciæ Laicus, ex ſæculi mercaturâ, ad Domini negotiationem translatus, tam præclaram in eâ operam, ac laborem contulit, vt credita ſibi, licet minora in Religione talenta, boni, & fidelis Serui inſtar, multiplicauerit. Laicorum hic vitam, quæ circa Marthæ potiſſimum miniſterium verſatur, ita cum Mariæ otio coniunxit, vt nec Mariæ otium turbaret, neque à Marthæ opere abſtineret: neque enim ſolum Conuentus hortulum; ſed & animi agrum humilitate, obedientiâ, paupertatis ſtudio, patientiâ, charitate, ac cæteris Regularis obſeruantix virtutibus, quibus egregiè præſtabat, operoſius excolebat; eodemq; tempore tam ſuauiſſe diuinæ contemplationis otio fruebatur, vt ſapientiſſimè animo à ſenſibus alienato, inter Cœleſtium deliciarum conuiuia cum Deo epularetur. In Perpinianenſi Conuentu, cùm in Cellâ aliquando oraret, ecſtaſi correptus, vultu ita accenſo apparuit, vt diuini amoris flammis totus exuri videretur. Hoc modo rurfus, cùm Angeli cuiuſdam Cordonæ Perpinianenſis domus gradus conſcenderet, mente excedens, diu ibi exſtaticus permanſit. Prophe- tico prætereâ ſpiritu, pleraſque tùm occultas animi cogitationes, tùm res futuras Franciſco Cors, Barcinonenſi Iuriſperito aperuit. Maximâ quoque Theodorus, cùm B. Antonium Olyſſipponenſem Religione coleret, nonnulla in ipſius nomine miracula patrâſſe, communis apud omnes fama fuit. Inter quæ illud reſertur. Agrotabat Barcinonæ iam deſperatâ à Medicis valetudine, nobilis quæ- dam mulier, Maria Pagnera nomine; ad quam ob morbi contagium cùm accedere nemo auderet, accedens Theodorus: Quid (inquit) aditum prohibetis? Liberum mihi præbete greſſum: me- cum enim eſt fidus Achates, qui agræ ſalutem reſtituet. Cumq; ingreſſus agram ad S. Antonij opem implorandam prouocaſſet, in eiſdem S. Antonij nomine ſtatim incolumem reddit. Poſt hæc ad Blandæ Conuentum profeſtus, accidit, vt peregrinus quidam à Fratribus hoſpitiſ acceptus, in lethalem, & contagioſum morbum incide-

inciderit ; quem cùm Theodorus curandum suscepisset , eo tandem è viuis erepto , is eodem morbo agrotare cœpit : quo tempore , cùm generali peccatorum Confessione mentem expiasset ; Sacerdos , qui ipsius Confessionem excepit , quam ille ex matris vtero virginitatem tulerat , virginitatem Deo tunc reddidisse , non obscure compertum habuit. Obijt apud omnes sanctimonix famâ clarus  
Anno 1610.





FRATER LEONARDVS A MONTE ALTO  
FF<sup>VS</sup> CAPVCINORVM LAICVS.

# FR. LEONARDI A MONTEALTO

## LAICI

### VITA, ET GESTA.



**L**RATER LEONARDVS à MONTEALTO, Laicus, à teneris annis diuinâ benedictione præuentus, tam piâ in res diuinas, ac præcipuè in Capucinorum Ordinem propensione ferri cœpit vt cùm primùm eò aduentantes Capucinos cerneret, in eorum protinùs sinum aduolaret. Adolescente verò ætate, crebris, apertisq; B.P. Francisci apparitionibus cohonestatur; qui se illi sæpenumero Capucinorum habitu tectum ostendens, eiusq; animum ad præstantiora attollens, hæc illi verba inculcabat: Leonarde, Capucinorum castris teadiunge. His Beatissimi Patris vocibus, & aspectu, cùm Leonardi animus magis indies à sæculi amore auulsus, Apostolicæ vitæ studio inflammaretur, diuinis tandem consilijs sibi obtemperandum statuit; purusq; ac nullâ carnis labe contaminatus, ad Religionem accedit. Porro, hæc animi puritas, ac virgineus candor, tot sibi in Religione comites virtutes adiunxere, vt deliciarum Domini hortus videretur, in quo omnium Euangelicarum perfectionum genera consita essent: ibi enim mundi contemptus, ibi suiipsius odium, ibi mentis humilitas, ibi cœca obedientia, ibi inuicta malorum tolerantia, ibi asperæ carnis castigationes, ibi nuda rerum omnium paupertas, ibi tandem excellentissima Dei, ac proximi charitas, suos vbiq; odores efflabat. Inter has verò potissimum sese efferebat oratio, in quâ cùm eximiam animi puritatem ardentissimæ charitatis incendio coniungeret, sæpissimè in mentis excessum rapiebatur. Auximi is aliquando orabat, cùm spiritu ad Sacras Lauretanæ Aedes raptus, nonnullâ à Beatiss. Virgine cœlestia documenta accepit. Gestabat eo tempore Sacra Deipara in sinu dulcem IESVM infantulum; in quem cùm Leonardus oculos intenderet, tanto illius mens amoris ardore colliquefiebat, vt cùm præ illius desiderio æstuans, se integrè illi possidendum traderet, diuinus ille puer sacro nummo, quem manu gerebat, amatorem suum donauerit. Rursus, dum in eodem Auximi Conuentu orat. mente excedens, iterum ad Sacram hanc Domum, cui is deuotissimus erat, in spiritu fertur; vbi cœlorum Reginæ, ac pueri IESV aspectu dignatus,

ab his cœlestia arcana addiscit, ac plerasque consolationes percipit: quibus cùm semper humilior, ac diuinâ charitate ardentior fieret; contigit tertid; vt cùm Anconæ versatur, in Ecclesiâ aliquando orans, diuino monitu in cellam pergeret: quo tempore Satanam, vt iter suum impediret, è regione venientem cernens, tam valido illum vocis clamore adoritur, vt ad fugam compulerit. Post hæc cellam ingressus, in eâ puerum IESVM tam pulchrum, tam amabilem, tantoq; splendore renitentem offendit, vt præ illius amore ebrius, eum inter vlnas assumens, charissimè sinu complexus fuerit; diuq; cœlestibus hisce delicijs potitus, dulcem IESVM in Cœlum abeuntem, tenerrimo amoris affectu prosequeretur. Porro, ex cœlesti hoc pueri IESV amplexu, tanta in eum odoris suauitas redundauit, vt triduo post hæc suauissimo odore flagraret. Iterum, cùm in eodem Anconitano Conuentu orationi vacaret, in mentis excessum raptus, B.P.N. Franciscum, in Patriarchæ modum, velut multorum filiorum parentem conspicit; è cuius vultu tam ingens lucis fulgor emanabat, vt totum Orbem illustrare videretur: quo ex aspectu ad ipsius sectanda vestigia vehementius excitatus fuit. His Leonardus, atque alijs à Deo donis accumulatus, cùm duos supra triginta annos Deo fideliter, atque omni cum virtutum odore famulatus esset, Maceratæ, pari cum pietatis laude, vitæ cursum exegit.

In Piceno Fr. ALEXIVS MACERATENSIS, Laicus, præter virtutum coronam, quâ vitæ cursum exornauit, Tolentini, signo Crucis Iosephum Barnabæum, quartanâ febri laborantem, reddit incolumem. Imbrem quoque, ne Nobiles quasdam mulieres attingeret, suâ oratione coërcet; cùm tamen vndiq; è nubibus flueret.

Obijt anno 1610.





FRATER MODESTVS ANVCIBVS FRATRVM  
CAPVCINORVM LAICVS.



## FR. MODESTI A NVCIBVS

## LAICI

## VITA, ET GESTA.

**F**RATER MODESTVS à NVCIBVS, Laicus, ex grauioris culpæ spinâ suauissimam suæ conuersionis vnam expressit; & ex priorum vitiorum tribulis, dulciores posterioris sanctimonie ficus collegit: cum enim vxorem in adulterio deprehensam manu suâ trucidasset, noxæ huiusmodi aculeus ita illius animum pupugit, vt ad eam expiandam, perpetuam sibi apud Capucinos poenitentiam elegerit. Huius Viri tam perfecta ad virtutem conuersio fuit; vt simul atque Religionis gremio exceptus fuit; perfectioris vitæ, quæ in B. P. N. Francisco, alijsque præclaris Seraphicæ huius militiæ viris præluxerat, normam sequendam statuerit. Hinc mundo renunciare; hinc seipsum omni studio abnegare; hinc pullulantes animo cupiditates perimere; hinc sensus freno cohibere; hinc carnem ieiunijs, atque alijs macerationibus premere; hinc omnes corporis voluptates prosequi; hinc nudam rerum paupertatem amplecti; hinc humilitatem testari, castitatem colere, moderationem in omnibus seruare, ac cæteris virtutibus animum exoritare didicit. Postremum verò illius Charitatis studium erat, quâ tantopere flagrabat; vt pro omnibus, siue ægrotis, siue valentibus, aut egenis, aut diuitibus seipsum immolare cuperet. Eam tandem à Domino gratiam consecutus est, vt quamplurimis ægris, vel oratione, vel Crucis tantum signo adhibito incolumitatem conferret; quorum hæc nonnulla exempla referre libet. Ducis Andreæ primogenitus filius ardentissimâ febre laborabat, cum Modestus tempore, quo is sopore detinebatur, importunis Ducissæ precibus victus, Crucis illi signum præstat; indeq; ætutum abscedit. Puer verò paulò post à somno experrectus, matrem accersens, ait: Capucinus Frater mihi incolumitatem contulit: vbinam ille est? Protinusq; incolumis è lecto surrexit. Minerva quædam Andriensis, Ordini cum primis deuota, cephalalgia sæpè laborabat: quam cum capitis dolor arripiebat, Modesto accito, ab eo Crucis signo obsignata, mox dolore abscedente, curabatur. In eadem quoq; vrbe Deianira Vissoquarta grauissimis doloribus

diu

diu cruciata fuerat, quare Modestum, vt à Deo suis orationibus finem cruciatuum impetret, obsecrat. Modestus verò, cùm Deum pro eâ se rogaturum spondidisset, intempestâ nocte dum ægra euigilans consuetis doloribus angitur, en Modestus ab eâ præsens, & visibilis cernitur, breues illi dolores fore, illamq; quamprimùm summâ pace fruituram promittit. Illa autem post vnum atq; alterum diem, à cunctis doloribus soluta, omni cum pietate in Domino quieuit. Cùm Modestus ex S. Trinitatis Monte, Caietæ, lapidem sibi aliquando sumpsisset, eo multorum ægrotorum morbos diuinâ virtute curabat. Hoc modo Andriæ, cùm Deliæ Campanilæ filius neruorum attractione, atq; ardenti febre laboraret, ter, vtî semper solebat, oratione Dominicâ, ac Salutatione Angelicâ persolutis, aquam, in quâ huiusmodi lapis immersus fuerat, puero propinans, eum confestim ad pristinam sanitatem reuocauit. Eâdem quoq; in oppido Nucum geminos cuiusdam mulieris filios, grauiter febricitantes, in potu exhibite, protinùs à febre curat. Tot deniq; Andriæ morborum curationes diuinâ virtute præstitit, tantaq; illius apud omnes sanctimonie fama erat, vt cùm eum Medici ad ægrotorum visitationem accedentem cernerent, eos Medicorum ope non indigere affirmarent; eò, quod Modestus eos suâ oratione curaret. His & alia Miracula accedunt, quibus Deus Serui sui sanctimoniam passim testatam voluit: Andriæ namque Ioannis Baptistæ Zina dolium vino corrupto plenum, in optimum & generosum commutat. In eâdem ciuitate Syluiæ Conoscitoræ vas oleo vacuum plenum reddit. In Bariensi vrbe vinum à Beatrice Efrem emendicans, accidit dolium ad fecem vsque exhaustum fuisse; at Modesti meritis, dolium non solum lagenas impleuit; sed quod miraculum mirum in modum augeat, dolium in anteriorem partem pendens, ad tertium vsque mensẽ vinum emisit, ac toti Beatricis familiæ satis fuit. Annæ Detolæ Bariensi, quæ ex tribus panariæ cocturæ partibus, quas ex clibano sibi adferri iusserat, tertiâ tantum sibi seruata, reliquas ei largita fuerat, tertiam illam partem ita suâ oratione multiplicauit, vt ea tredecim dierum spatio toti familiæ suffecerit, quæ aliàs vix tertium, aut quartum diem attingere potuisset. Eadem quoq; triticum ad Fratrum, atque aliorum pauperum vsum erogans, eandem tritici mensuram non semel sub anni finem, S. Viri oratione sibi restitutam vidit. Postremò, cùm in Andriæ Conuentu Fratribus, nec non forestarijs panis deficeret, Vir Dei haud animo fractus arcta quædam panis frustula cuiq; apponit, quæ ita oratione suâ multiplicat,

ut ij & Fratres satiati, & plus, quam appositum erat, superfuerit. Prophetico quoque spiritu illum fuisse præditum, quæ sequuntur exempla demonstrant. Primum, Deianiræ Vistoquartæ aliquando tam graui febre, ac cordis oppressione laboranti, ut eam Phisici neci adiudicarent, breui incolumem futuram prænuñciat. Eidem immaturam viri mortem prædicit. Fratri Gregorio à Nucibus, antequam ad Capucinos accederet; graui, ac periculosa corporis infirmitate detento; longius adhuc superstitem victurum, atque inter Capucinos extremam vitæ lineam clausurum præsignificat. Hostunij Lucretiæ Capursiæ vterque parens aduersâ valetudine detinebatur; de quorum vitâ cum dubia apud Medicos spes esset, Modestum illa interpellat, ut pro vtriusque parentis salute Deum suâ oratione exoret: qui ad eam protinus: Quid (inquit) Lucretia, parentum te metus sollicitat? Sospes illis vita erit: at qui modò sospes est frater, breui sua morti tributa soluet. Dictum ipse rerum euentus comprobauit. Postremò, Ioannes Franciscus Lenta, cum desperatâ à Medicis valetudine extremum laboraret, cò Modestus accessit, ut moribundum ad pium vitæ occasum suâ hortatione disponderet, cum primum ad ægrotum accessit, ipsius manum apprehendens: Ludouice (ait) cur tuum mortis metus animum agitat? tibi vita condonata est; crastina dies te incolumitati restituet. Res planè miraculo plena fuit: qui enim tunc animam agere videbatur, vix sequentis diei lucem aspexit, cum è lecto incolumis exiliit. Plura hic, tum Prophetici spiritus, tum Miraculorum exempla edidit, quæ scripto haud consignata fuerunt; quibus cum D. O. M. serui sui vitam, virtute, ac sanctimoniâ plenam illustrare voluisset; eum quoque post plurimos Religionis labores in Traniensi Conuentu ad Superos vocatum, dignis tandem præmijs, ut piè credimus, cohonestauit Anno 1611.

In S. Angeli Prouinciâ Fr. IUSTINVS NEAPOLITANVS, Laicus, Vir magnarum virtutum, præsertim verò effusæ in pauperes charitatis commendatur. Quo factum est, ut Laurentium quandam de Magistris, apostemate in ventris vmbilico laborantem, iam à Medicis morti adiudicatum, Crucis signo perfanauerit. Obijt

Anno 1612.

\* \* \*

Fr. MATTHIAS à S. AGATHA, vitæ innocentia, atque animi puritate in Bononienſi Prouinciâ, commendatur: qui cùm in morte diuinâ quâdam viſione cohoneſtatus fuiſſet, inter riſus, ac cœleſtes conſolationes, animam efflauit, Anno 1582.

In Meſſanenſi Prouinciâ Fr. PETRVS CALABER, diutino corporis languore, ac patientiâ probatus, deuictis quoque Dæmonum tentationibus, quibus in morte exagitatus fuit, deſœcatus, atque argento purior, Meſſanæ diem extremum claudit Anno 1581.

In Pariſienſi Prouinciâ Fr. FRANCISCVS ARELATENSIS, maximis virtutibus emicans, Beatiffimæ Virginis, nec non pueruli IESU nonnunquam aſpectu dignatur. Denique obitu ſuo longè ante Fratribus prænunciato, felicius in Domino obdormiuit Anno 1589.

Fr. IOANNIS à MANFREDONIA, apud Appulos etiamnum celebris memoria viget; qui à muliere incontinentiæ tentatus auſugit: Cumq; virginitatem, & vitæ aſtinitatem virginitatis custodem, cæterasq; perfecti hominis virtutes, integrè uſque ad canos proſecutus eſſet, in morte cœleſtium ſupplicationem Beatiffimæ Virginis præſentiâ illuſtratam cernens, Deo animam tradit Anno 1592.

E Panormitanâ Prouinciâ Fr. LVDOVICVS PANORMITANVS, Nouitius, velut è florenti germine gemma erumpit: qui nobiliſſimo genere ortus, cùm purus ad Religionem acceſſiſſet, poſt aliquot probationis meſes, inde purior emerſit. De quo id in Ordiniſ monumentis traditum eſt; quod cùm à Ioanne Panormitano, Noſocomij Præfecto, illi vitæ occaſus, quo ſe ad eum pararet, ex Medicorum iudicio nunciaretur, mox eidem Ludouicus: Ego quidem (ait) ad extremam vitæ metam propero; at tuceleriùs ad metam pertinges: Tu prior præcurreſ; ego poſterior ſequar. Subriſit Ioannes, qui tunc perfectâ valetudine fruebatur. At Ludouicum non humano, ſed diuino ſpiritu percitum id monuiſſe, rei exitus facilè declarauit: Ioannes enim poſtridie ardentiffimâ febre correptus, tertio poſt die, vitam cum morte commutat: Ludouicus verò biduo poſt Ioannem, & ipſe rebus humanis valedicit; cuius faciès poſt mortem tam ſplendida apparuit, vt angelicam potiùs, quam humanam ſpeciem præſerferret. Obijt Anno 1596.

Sauâ lue Pedemontanam regionem occupante, dum Fr. HIERONYMVS à VIGVERIA ardentiori charitatis aſtu incenſus, peſte laborantibus miniſtrat, eodem morbo conſumptus, præclarum vitæ finem fortitur: cuius ſuffragia poſt mortem, ad mulieris ob-

sessâ opem implorata, eam à Dæmonum potestate vendicarunt. Obijt Anno 1598.

In Parisiensi Prouinciâ Fr. ONVERIVS PINTIZARENSIS, Nouitius, tanti fuit animi candoris, & vitæ probitatis; vt cùm necdum absoluto probationis anno, supremo morbo correptus, cum morte conflictaretur; maximus splendor, & Angelorum multitudo in eius cellâ visa fuerit, qui solutam è corpore animam in cœlum extulêre. Atque eâdem horâ ab altero in Ecclesiâ orans, vndique cœlesti luce perfusus conspicitur. Obijt Anno 1599.

APOSTROPHE AD LECTOREM.



LECTOR aduerte in elogij Virorum Illustrium, quos hoc Catalogo complexus sum, nonnulla me obiter attingere, quæ sanctitatem ipsis videantur adscribere: perstringo nonnunquam aliqua ab ijs gesta, quæ cum vires humanas superent, miracula videri possunt: præfagia futurorum, Arcanorum manifestationes, reuelationes, orationes, & si quæ sunt alia huiusmodi beneficia, & in miseros mortales eorum intercessione diuinitus collatæ gratiæ: demum nonnullis sanctimonix vel martyrij videor appellationem tribuere. Caterum horum pleraq; iam ante hac ab alijs scriptoribus prodita fuerunt, atq; à me totidem pene verbis ex ipsis descripta. Ea verò quæ addidi, à Viris quos probæ fidei existimo, accepi. Verum hæc omnia ita meis Lectoribus propono, vt nolim ab illis accipi tanquam ab Apostolicâ Sede examinata, atq; approbata, sed tanquam quæ à solâ suorum auctorum fide pondus obtineant; atq; adeo non aliter, quam humanam historiam. Proinde Apostolicum Sacræ Congreg. S. Romanæ & Vniuersalis Inquisitionis Decretum, Anno 1625. editum, & Anno 1634. confirmatum, integrè atq; inuiolatè iuxta declarationem eiusdem Decreti à Sanctissimo Domino N. D. Urbano Papa VIII. Anno 1631. factam, seruari à me omnes intelligant, nec velle me vel cultum aut venerationem aliquam per has meas narrationes vlli arrogare, vel famam & opinionem sanctitatis, aut martyrij inducere seu augere, nec quicquam eius existimationi adiungere, nullumq; gradum facere ad futuram aliquando vltius gratificationem, vel Canonizationem, aut miraculi comprobationem, sed omnia in eo statu à me relinqui, què seclusâ hac meâ lucubratione obtinerent. Hoc tam sanctè profiteor, quam decet eum qui sanctæ Sedis Apostolicæ obedientissimus haberi filius cupit, & ab eâ in omni suâ inscriptione & actione dirigi.

F I N I S.

# INDEX



## V I R O R V M I L L V S T R I V M

Virtutum & Miraculorum Sanctimoniâ Insignium,  
Quorum Vita, & Gesta, in præsentī  
FLORVM SERAPHICORVM TOMO  
Exarantur,

### INDEX TRIPLEX.

*Quorum*

- I. Continet Apparitiones, ac Reuelationes nonnullas  
Beatissimæ Virginis.
- II. Virorum Illustrium Ordinem Hierachicum.
- III Alphabeticum, cum numero Annorum Christi, Reli-  
gionis & paginæ.

~~~~~

#### INDEX

REVELATIONVM & APPARITIONVM  
nonnullarum Beatissimæ Virginis Mariæ.



*Rater Augustinus ab Albino milio, Com-  
missarius Generalis.*

*Frater Hieronymus à S. Martino, Defi-  
nitor.*

*Frater Pacificus à Sestino, Guardianus.*

*Fr. Augustinus Genuensis, Guardianus*

*Fr. Urbanus Panormitanus, Concionator.*

*Fr. Michael à Foro Cornelij, Concionator*

*Fr. Angelus Forolinienfis, Concionator.*

*Fr. Quidam, Concionator.*

| Annus<br>Christi. | Annus<br>Religio. | Pagina |
|-------------------|-------------------|--------|
| 1585              | 61                | 3      |
| 1605              | 79                | 4      |
| 1584              | 60                | 6      |
| 1606              | 82                | 6      |
| 1611              | 87                | 5      |
| 1586              | 61                | 7      |
| 1585              | 61                | 7      |
| 1602              | 78                | 10     |

Kkkkk

Francif-

# INDEX.

|                                                 | Annus<br>Christi | Annus<br>Religio. | Pagina |
|-------------------------------------------------|------------------|-------------------|--------|
| Franciscus Arelatensis, concionator.            | 1597             | 73                | 11     |
| Augustinus Mediolanensis, concionator.          | 1594             | 70                | 14     |
| Anselmus Roscimanensu, concionator.             | 1607             | 83                | 14     |
| Andreas à Gandesa, sacerd.                      | 1605             | 81                | 2      |
| Ioannes à Colleamato, sacerd.                   | 1591             | 67                | 10     |
| Chrysostomus Albidonensis, sacerd.              | 1593             | 69                | 11     |
| Eugenius à Vallecamonica, sacerd.               | 1603             | 79                | 14     |
| Vincentius Andriensis, sacerd.                  | 1592             | 68                | 15     |
| Marcus à Morella, sacerd.                       | 1608             | 84                | 17     |
| Dominicus Veronensis, sacerd.                   | 1600             | 76                | 17     |
| Liberatus Meylensis, sacerd.                    | 1606             | 82                | 17     |
| Fulgentius Asculanus, sacerd.                   | 1584             | 60                | 18     |
| Fridericus à Tipherno Metaurensi, sacerd.       | 1602             | 78                | 20     |
| Angelus à Visso, sacerd.                        | 1608             | 84                | 20     |
| Antonius Faneſtri, sacerd.                      | 1588             | 64                | 21     |
| Vincentius à Saleducio, sacerd.                 | 1592             | 68                | 24     |
| Iacobus à Villa Nuova, sacerd.                  | 1592             | 68                | 27     |
| Antonius à Francia, sacerd.                     | 1603             | 79                | 31     |
| Placidus à Tyraceno, clericus.                  | 1600             | 76                | 24     |
| Ioannes Gerundienſis, clericus, nouitiuſ.       | 1587             | 57                | 34     |
| Antonius à Coriolano, laicus.                   | 1581             | 57                | 21     |
| Fr. Reynierius à Burgo S. Sepulchri, laicus.    | 1589             | 65                | 24     |
| Alexius à Viglebano, laicus.                    | 1581             | 57                | 25     |
| Michael Gallus, laicus.                         | 1598             | 74                | 27     |
| Vincentius à Noromano, laicus.                  | 1594             | 70                | 27     |
| Antonius Bergomas, laicus.                      | 1586             | 62                | 28     |
| Ioannes à Caſtro Baronia, laicus.               | 1598             | 74                | 32     |
| Petrus Vſſugenſis, laicus.                      | 1598             | 74                | 32     |
| Constantinus à Patrico, laicus.                 | 1586             | 62                | 32     |
| Franciscus Narenſis, laicus.                    | 1599             | 75                | 34     |
| Petrus Petaciensſis, nouitiuſ.                  | 1600             | 76                | 36     |
| Ruffinus Galleratensſis, laicus.                | 1587             | 63                | 36     |
| Franciscus Arelatensſis, laicus.                | 1589             | 65                | 38     |
| Angelus ab Erauertio, laicus.                   | 1606             | 82                | 38     |
| Bartholomæus ab Alexandria Statiellorū, laicus. | 1603             | 84                | 38     |
| Eusebius à Venafro, laicus.                     | 1600             | 76                | 40     |
| Paulus à Calauello, laicus.                     | 1583             | 59                | 40     |
| Andreas Strimanensſis.                          | 1586             | 61                | 41     |
| Petrus à Martina, laicus.                       | 1590             | 75                | 43     |
| Ignatius Agrigentinus, laicus.                  | 1600             | 73                | 43     |
| Matthæus Salinenſis. nouitiuſ.                  | 1597             | 82                | 43     |
| Franciscus à Cephalodio, nouitiuſ.              | 1606             | 75                | 45     |



# VIRORVM ILLVSTRIVM

|                                           | Annus<br>Christi. | Annus<br>Religio. | Pagina |
|-------------------------------------------|-------------------|-------------------|--------|
| Fr. { <i>Iuniperus à Gussaco, laicus.</i> | 1599              | 75                | 45     |
| Fr. { <i>Michael à Venafro,</i>           | 1590              | 66                | 45     |
| Fr. { <i>Frater Quidam,</i>               | 1589              | 65                | 46     |
| Fr. { <i>Ioannes à Manfredoniâ.</i>       | 1592              | 68                | 46     |

## INDEX

### FLORVM SERAPHICORVM


siue

### VIRORVM ILLVSTRIVM

#### SECVNDVM ORDINEM HIE-

RARCHICVM.

#### Generales.

|                                                                                                                                         |      |    |    |
|-----------------------------------------------------------------------------------------------------------------------------------------|------|----|----|
| Fr. {  <i>Rater Marius à Foro Sarzanio, Generalis.</i> | 1581 | 57 | 2  |
| Fr. { <i>Ioannes Maria Tiffanensis. General.</i>                                                                                        | 1584 | 60 | 10 |
| Fr. { <i>Hieronymus à Monte Fiorum. gener.</i>                                                                                          | 1584 | 60 | 15 |
| Fr. { <i>Iacobus à Forosarzanio, gener.</i>                                                                                             | 1586 | 62 | 28 |
| Fr. { <i>Euangelista à Canobio, general.</i>                                                                                            | 1595 | 71 | 34 |

#### Procuratores Generales in Curia Romanâ.

|                                                           |      |    |    |
|-----------------------------------------------------------|------|----|----|
| Fr. { <i>Franciscus Mediolanensis. Procurat. Ordinis.</i> | 1583 | 59 | 37 |
| Fr. { <i>Syluester Roscianensis, Procurator Ord.</i>      | 1596 | 72 | 43 |

#### Definitores Generales.

|                                                         |      |    |    |
|---------------------------------------------------------|------|----|----|
| Fr. { <i>Fr. Ludonicus à Iuuenacio, Definit. gener.</i> | 1587 | 63 | 47 |
| Fr. { <i>Iacobus Superatensis, Definit. gener.</i>      | 1594 | 70 | 53 |
| Fr. { <i>Angelus Iosephus, Definit. general.</i>        | 1608 | 84 | 56 |
| Fr. { <i>Matthias Salodientis, Definit. gene.</i>       | 1611 | 87 | 66 |

#### Commissarij Generales.

|                                                             |      |    |     |
|-------------------------------------------------------------|------|----|-----|
| Fr. { <i>Dionysius Spoletanus, Commissar. gener.</i>        | 1582 | 58 | 75  |
| Fr. { <i>Franciscus ab Aquis Bormijs. Commissar. gener.</i> | 1583 | 59 | 75  |
| Fr. { <i>Hieronymus Mediolanensis, Commissar. general.</i>  | 1584 | 60 | 79  |
| Fr. { <i>Anselmus à Petra Molariâ, Commissar. general.</i>  | 1584 | 60 | 86  |
| Fr. { <i>Augustinus de Albintemelio, Commissar. gener.</i>  | 1585 | 61 | 90  |
| Fr. { <i>Cherubinus à Nucibus, Commissar. general.</i>      | 1592 | 68 | 92  |
| Fr. { <i>Lucas Eratuertiensis, Commissar. general.</i>      | 1598 | 74 | 97  |
| Fr. { <i>Archangelus Alarconius, Commissar. general.</i>    | 1598 | 74 | 100 |
| Fr. { <i>Marius à Piceleone, Commissar. general.</i>        | 1608 | 79 | 102 |
| Fr. { <i>Felix à Petra Honory, Commissar. general.</i>      | 1596 | 72 | 104 |

# INDEX.

|                                                    | Annus<br>Christi. | Annus<br>Religio. | Pagina |
|----------------------------------------------------|-------------------|-------------------|--------|
| Fr. { Appollonius Brixienſis, Commiſſar. gener.    | 1603              | 79                | 105    |
| { Bonaventura à Monte Regali. Comm. general.       | 1604              | 80                | 105    |
| Prouinciales.                                      |                   |                   |        |
| Fr. { Sebastianus Argyrenſis, Prouincialis.        | 1583              | 59                | 107    |
| { Iacobus Mediolanenſis, Prouincial.               | 1584              | 60                | 111    |
| { Zacharias à Trebiano, Prouincial.                | 1585              | 61                | 113    |
| { Ioannes Baptiſta Prattenſis, Prouincial.         | 1586              | 62                | 114    |
| { Iacobus à Petra Rubea, Prouincial,               | 1586              | 62                | 118    |
| { Ambroſius à Ciuitate Ducali, Prouinc.            | 1587              | 63                | 120    |
| { Petrus à Murro, Prouincial.                      | 1588              | 64                | 123    |
| { Bernardus Auximenſis, Prouincial.                | 1591              | 67                | 126    |
| { Bartholomæus Caſenas, Prouincial.                | 1592              | 68                | 130    |
| { Bernardinus Aragonenſis, Prouincial.             | 1593              | 69                | 135    |
| { Bernardinus à Colle Petraccio, Prouinc.          | 1594              | 70                | 138    |
| { Clemens à Grauiua, Prouincial.                   | 1595              | 71                | 144    |
| Fr. { Gabriel à Monte Nouo, Prouincial             | 1598              | 74                | 147    |
| { Franciſcus à Vico, Prouincial.                   | 1599              | 75                | 150    |
| { Laurentius à Monte Politiano, Prou.              | 1601              | 77                | 151    |
| { Spiritus Balmenſis, Prouincial.                  | 1602              | 78                | 155    |
| { Dominicus à Coſta, Prouincial.                   | 1606              | 82                | 158    |
| { Franciſcus Luſitanus, Prouincial.                | 1607              | 83                | 159    |
| { Coſmas Caulonenſis, Prouincial.                  | 1607              | 83                | 161    |
| { Franciſcus à Caſtellone. Prouincial.             | 1608              | 84                | 164    |
| { Cherubinus à Quilliano, Prouincial.              | 1612              | 88                | 167    |
| { Bernardinus à Cilento, Prouincial.               | 1586              | 62                | 174    |
| { Hieronymus Picens, Prouincial.                   | 1593              | 69                | 174    |
| { Hieronymus Aquarienſis, Prouinc.                 | 1595              | 71                | 174    |
| { Antonius à Petra Molaria, Prouinc.               | 1603              | 79                | 175    |
| { Angelicus Panormitanus, Prouinc.                 | 1605              | 81                | 175    |
| { Paulus Aletinus. Prouincial.                     | 1608              | 84                | 175    |
| Definitores Prouinciales.                          |                   |                   |        |
| Fr. { Fr. Seraphinus Neapolitanus, Defin. Prouinc. | 1593              | 69                | 177    |
| { Andreas à Gandefa, Definit. Prouincial.          | 1605              | 81                | 179    |
| { Archangelus Scotus, Defini. Prouincial.          | 1606              | 82                | 181    |
| { Clemens Apricinenſis, Definit. Prouinc.          | 1608              | 84                | 188    |
| Guardiani.                                         |                   |                   |        |
| Fr. { Fr. Hieronymus Nouarienſis, Guardian.        | 1582              | 58                | 191    |
| { Ioannes à Frentano, Guardian.                    | 1582              | 58                | 196    |
| { Baſilius Siracuſanus, Guardian.                  | 1582              | 58                | 198    |
| { Athanaſius Tiraceniſis, Guardianus.              | 1582              | 58                | 200    |

# VIRORVM ILLVSTRIVM

|                                                       | Annus<br>Christi. | Annus.<br>Religio- | Pagaa. |
|-------------------------------------------------------|-------------------|--------------------|--------|
| <i>Eliseus à Messana, Guardian.</i>                   | 1582              | 58                 | 201    |
| <i>Pacificus à Sestino, Guardian.</i>                 | 1584              | 60                 | 202    |
| <i>Cyprianus à Monte Coruino, Guardian.</i>           | 1584              | 60                 | 208    |
| <i>Albertus Bergomas, Guardian.</i>                   | 1585              | 61                 | 212    |
| <i>Ioannes à Nouocomo, Guardian.</i>                  | 1585              | 61                 | 214    |
| <i>Constantinus à Saluatore, Guardian.</i>            | 1586              | 62                 | 217    |
| <i>Iacobus à Belfortio, Guardian.</i>                 | 1586              | 62                 | 220    |
| <i>Isaias Mediolanensis, Guardian.</i>                | 1586              | 62                 | 222    |
| <i>Aurelius Mediolanensis, Guardian.</i>              | 1588              | 64                 | 225    |
| <i>Michael à Denia, Guardian.</i>                     | 1589              | 65                 | 227    |
| <i>Petrus Bessonius, Guardian.</i>                    | 1589              | 65                 | 231    |
| <i>Anselmus Bononiensis, Guardian.</i>                | 1590              | 66                 | 234    |
| <i>Ioannes à Colleamato, Guardian.</i>                | 1591              | 67                 | 236    |
| <i>Laurentius Ofensis, Guardian.</i>                  | 1591              | 67                 | 239    |
| <i>Andreas Taurinensis, Guardian.</i>                 | 1593              | 69                 | 242    |
| <i>Iustinus à Nursia, Guardian.</i>                   | 1594              | 70                 | 245    |
| Fr. <i>Andreas Cremonensis, Guardian.</i>             | 1594              | 70                 | 248    |
| <i>Raphael à Monferia, Guardian.</i>                  | 1595              | 71                 | 249    |
| <i>Andreas à Sestino, Guardian.</i>                   | 1597              | 73                 | 249    |
| <i>Stephanus Tyracinenfis, Guardian.</i>              | 1597              | 73                 | 250    |
| <i>Ambrosius Vrbinas, Guardian.</i>                   | 1600              | 76                 | 252    |
| <i>Marcellus Tripluminensis, Guardian.</i>            | 1601              | 77                 | 255    |
| <i>Franciscus Nouariensis, Guardian.</i>              | 1603              | 79                 | 263    |
| <i>Zacharias Mediolanensis, Guardian.</i>             | 1605              | 81                 | 266    |
| <i>Hilarion Vibonensis, Guardian.</i>                 | 1605              | 81                 | 269    |
| <i>Antonius Maria Astensis, Guardian.</i>             | 1605              | 81                 | 272    |
| <i>Augustinus Genuensis, Guardian.</i>                | 1606              | 82                 | 275    |
| <i>Constantinus Mutilensis, Guardian.</i>             | 1607              | 83                 | 275    |
| <i>Vincentius à Petramelia, Guardian.</i>             | 1608              | 84                 | 277    |
| <i>Benedictus Casfeldensis, Guardian.</i>             | 1610              | 86                 | 280    |
| <i>Rogerius Tiphernas, Guardian.</i>                  | 1610              | 86                 | 291    |
| <i>Bonaventura Calaritanus, Guardian.</i>             | 1611              | 87                 | 294    |
| <i>Iosephus à Leonissa, Guardian.</i>                 | 1612              | 88                 | 295    |
| <b>Magistri Nouitiorum.</b>                           |                   |                    |        |
| Fr. <i>Thomas Atriensis, Magist. Nouitior.</i>        | 1583              | 59                 | 341    |
| <i>Fabritius Camerinenfis, Magist. Nouitior.</i>      | 1584              | 60                 | 342    |
| <i>Ludovicus à Sulmona, Magist. Nouitior.</i>         | 1588              | 64                 | 342    |
| Fr. <i>Secundinus Astensis, Magist. Nouitior.</i>     | 1589              | 65                 | 344    |
| <i>Dionysius Aletinus, Magist. Nouitior.</i>          | 1589              | 65                 | 346    |
| <i>Bartholomaeus Casenas, Magist. Nouitior.</i>       | 1592              | 68                 | 347    |
| <i>Hilarius Cebenfis, Pedemontanus, Magist. Noui.</i> | 1598              | 74                 | 350    |

# INDEX.

|                                                      | Annus<br>Christi | Annus<br>Religio. | Pagina |
|------------------------------------------------------|------------------|-------------------|--------|
| <i>Matthias à Concha, magister nouitiorum.</i>       | 1599             | 75                | 352    |
| <i>Franciscus à Messapia, magister nouitiorum.</i>   | 1600             | 76                | 361    |
| <i>Antonius Camertes, magister nouitiorum.</i>       | 1601             | 77                | 362    |
| <i>Andreas à Villa Ecclesie, magist. nouit.</i>      | 1602             | 78                | 362    |
| <i>Benedictus Rhegiensis, magist. nouit.</i>         | 1602             | 78                | 366    |
| Fr. <i>Ioannes Baptista à S. Agatha, mag. nouit.</i> | 1603             | 79                | 367    |
| <i>Angelus à Monte Coruino, magist. nouit.</i>       | 1603             | 79                | 367    |
| <i>Michael Louaniensis, magist. nouit.</i>           | 1606             | 82                | 367    |
| <i>Sylvius Mediolanensis, magist. nouit.</i>         | 1608             | 84                | 369    |
| <i>Remigius Bergomas, magist. nouit.</i>             | 1610             | 86                | 374    |
| <i>Iulianus Camertes, magist. nouit.</i>             | 1611             | 87                | 375    |
| <i>Andreas ab Enna, magist. nouit.</i>               | 1612             | 89                | 376    |

## Prædicatores.

|                                                     |      |    |     |
|-----------------------------------------------------|------|----|-----|
| Fr. <i>Michael Angelus à Mediolano, Prædicator.</i> | 1582 | 58 | 377 |
| <i>Iosephus Barcinonensis, prædicat.</i>            | 1584 | 60 | 377 |
| <i>Franciscus à Concha, prædicat.</i>               | 1584 | 60 | 381 |
| <i>Augustinus à Luciniano, prædicat.</i>            | 1585 | 61 | 381 |
| <i>Petrus Placentinus, prædicat.</i>                | 1585 | 61 | 382 |
| <i>Angelus à Foroliuius, prædicat.</i>              | 1585 | 61 | 383 |
| <i>Marcus Terlitienfis, prædic.</i>                 | 1585 | 61 | 384 |
| <i>Michael Hispanus, prædicat.</i>                  | 1585 | 61 | 386 |
| <i>Marianus Ianenensis, prædic.</i>                 | 1585 | 61 | 387 |
| <i>Antonius à Cephalunio, prædicat.</i>             | 1585 | 61 | 387 |
| <i>Sylvius ab Hostabrich, prædicat.</i>             | 1586 | 62 | 387 |
| <i>Petrus Maceratensis, prædicat.</i>               | 1587 | 63 | 388 |
| <i>Cherubinus à Pescaria, prædicat.</i>             | 1587 | 63 | 388 |
| Fr. <i>Franciscus à Mazara, prædicat.</i>           | 1588 | 64 | 388 |
| <i>Marianus à Naso, prædicat.</i>                   | 1588 | 64 | 389 |
| <i>Dominicus à Buscetto, prædicat.</i>              | 1589 | 65 | 391 |
| <i>Petrus à Campis, prædicat.</i>                   | 1589 | 65 | 402 |
| <i>Iosephus Oxibienfis, prædic.</i>                 | 1589 | 65 | 404 |
| <i>Antonius à Mundulpho, prædicat.</i>              | 1590 | 66 | 404 |
| <i>Petrus à Montemagno, prædicat.</i>               | 1591 | 67 | 406 |
| <i>Angelus Bressonius, prædicat.</i>                | 1591 | 67 | 406 |
| <i>Syluester Albingensis, prædicat.</i>             | 1592 | 68 | 406 |
| <i>Hilarion à Iniois, prædicat.</i>                 | 1592 | 68 | 406 |
| <i>Alphonsus Lupus Hispanus, præd.</i>              | 1593 | 69 | 408 |
| <i>Ambrosius Senensis, prædicat.</i>                | 1593 | 69 | 415 |
| <i>Petrus Trigofius, prædicat.</i>                  | 1593 | 69 | 416 |
| <i>Archangelus Alimenfis, prædicat.</i>             | 1595 | 71 | 417 |
| <i>Maximus Messanenfis, prædicat.</i>               | 1596 | 72 | 419 |

# VIRORVM ILLVSTRIVM

|                                            | Annus<br>Christi. | Annus<br>Religio. | Pag. 02 |
|--------------------------------------------|-------------------|-------------------|---------|
| <i>Ruffinus Roffanensis, Prædicat.</i>     | 1597              | 73                | 49      |
| <i>Ambrosius Mediolanensis, Prædic.</i>    | 1601              | 77                | 49      |
| <i>Egidius à Portu S. Maria, prædic.</i>   | 1603              | 79                | 422     |
| <i>Ioannes Alarconius, prædicat.</i>       | 1603              | 79                | 423     |
| <i>Michael Perpinianensis, prædicat.</i>   | 1604              | 80                | 426     |
| <i>Fabianus à Centellas, prædicat.</i>     | 1604              | 80                | 426     |
| <i>Bonaventura à Nursiâ, prædicat.</i>     | 1607              | 83                | 426     |
| Fr. <i>Urbanus Frentanensis, prædicat.</i> | 1607              | 83                | 426     |
| <i>Michael Angelus Badensis, præd.</i>     | 1609              | 85                | 427     |
| <i>Syluerius Messanensis, prædicat.</i>    | 1609              | 85                | 428     |
| <i>Cherubinus Maurianensis, prædic.</i>    | 1609              | 85                | 429     |
| <i>Archangelus ab Auletâ, prædic.</i>      | 1609              | 85                | 430     |
| <i>Marcellus Curenfis, prædicat.</i>       | 1610              | 86                | 431     |
| <i>Michael Angelus, Venetus, prædic.</i>   | 1612              | 88                | 433     |
| <i>Ioannes à Fano, prædicat.</i>           | 1612              | 88                | 435     |

## Sacerdotes.

|                                             |      |    |     |
|---------------------------------------------|------|----|-----|
| Fr. <i>Vitalis Mediolanensis, Sacerdos.</i> | 1581 | 57 | 436 |
| <i>Raynerius Biturgiensis, sacerd.</i>      | 1581 | 57 | 437 |
| <i>Antonius à Lotito, sacerd.</i>           | 1582 | 58 | 438 |
| <i>Simon Butriensis, sacerd.</i>            | 1582 | 58 | 438 |
| <i>Angelus Brixiensis, sacerd.</i>          | 1583 | 59 | 439 |
| <i>Fulgentius Sculanus, sacerd.</i>         | 1584 | 60 | 439 |
| <i>Liberius à Cortonâ, sacerd.</i>          | 1585 | 61 | 440 |
| <i>Ioannes Maria à Maurettâ, sac.</i>       | 1585 | 61 | 44  |
| <i>Sebastianus Fauentinus, sacerd.</i>      | 1585 | 61 | 441 |
| <i>Antonius Montopolitianus, sacerd.</i>    | 1586 | 62 | 441 |
| Fr. <i>Angelus Solofrenfis, sacerd.</i>     | 1586 | 62 | 441 |
| <i>Gasparus à Baleari maiore, sacerd.</i>   | 1586 | 62 | 441 |
| <i>Antonius Siculus, sacerd.</i>            | 1586 | 62 | 441 |
| <i>Benedictus Valentinus, sacerd.</i>       | 1587 | 63 | 442 |
| <i>Gregorius à Prato Regum, sacerd.</i>     | 1587 | 63 | 442 |
| <i>Thomas Aletinus, sacerd.</i>             | 1587 | 63 | 442 |
| <i>Matthæus Calabei, sacerd.</i>            | 1587 | 63 | 442 |
| <i>Philippus Injiciensis, sacerd.</i>       | 1588 | 64 | 442 |
| <i>Ioannes Illyricus, sacerd.</i>           | 1588 | 64 | 443 |
| <i>Thomas à Carauiniâ, sacerd.</i>          | 1588 | 64 | 445 |
| <i>Lucas à Bardania, sacerd.</i>            | 1588 | 64 | 446 |
| <i>Guido Finariensis, sacerd.</i>           | 1589 | 65 | 446 |
| <i>Franciscus Perusinus, sacerd.</i>        | 1589 | 65 | 446 |
| <i>Bonaventura Rheginensis, sacerd.</i>     | 1589 | 65 | 446 |

# INDEX.

|                                       | Annus<br>Christi | Annus<br>Religio. | Pagina |
|---------------------------------------|------------------|-------------------|--------|
| Bernardus Cantuensis, sac.            | 1589             | 65                | 446    |
| Philippus à Ricineto, sac.            | 1589             | 65                | 446    |
| Pius Tuticensis, sac.                 | 1589             | 65                | 447    |
| Rochus Genuensis, sac.                | 1589             | 65                | 447    |
| Iosephus & Bernardus Celtiberi, sac.  | 1589             | 65                | 447    |
| Hieronymus à Biblinoua, sac.          | 1588             | 64                | 447    |
| Ludovicus ab Alcamo sac.              | 1590             | 66                | 449    |
| Ioannes à Petra flecta, sac.          | 1590             | 66                | 452    |
| Candidus Brixienfis, sac.             | 1591             | 67                | 453    |
| Iacobus Cremonensis, sac.             | 1591             | 67                | 454    |
| Marcus à Maraldo, sac.                | 1591             | 67                | 455    |
| Hieronymus Forolinienfis, sac.        | 1591             | 67                | 455    |
| Bonaventura Valentinus sac.           | 1591             | 67                | 455    |
| Vincentius Andriensis, sac.           | 1592             | 68                | 456    |
| Gabriel ab Insulis Balearibus sac.    | 1592             | 68                | 456    |
| Vincentius à Saludecio, sac.          | 1592             | 68                | 458    |
| Angelus à Burino, sac.                | 1592             | 68                | 459    |
| Seraphinus Nouocomensis, sac.         | 1592             | 68                | 459    |
| Chrysostomus Albidonensis, sac.       | 1593             | 69                | 460    |
| Cornelius à Salve sacerdos.           | 1593             | 69                | 460    |
| Benedictus Saluensis, sacerdos.       | 1593             | 69                | 460    |
| Fr. Augustinus à Siciniano, sacerdos. | 1594             | 70                | 460    |
| Felix Pongadiensis, sacerdos.         | 1594             | 70                | 460    |
| Modestus Mutinensis, sacerdos.        | 1595             | 71                | 461    |
| Benedictus à Venafro, sacerdos.       | 1595             | 71                | 462    |
| Ambrosius Zifoniensis, sacerdos.      | 1595             | 72                | 463    |
| Petrus Belga, sacerdos.               | 1595             | 71                | 464    |
| Emmanuel Taurinensis, sacerdos        | 1595             | 71                | 464    |
| Syluester Cingulanus, sacerdos.       | 1595             | 71                | 464    |
| Nicolaus Aurilotus, sacerdos.         | 1595             | 71                | 464    |
| Ioannes Lusitanus, sacerdos.          | 1597             | 73                | 464    |
| Franciscus à Paterno, sacerdos.       | 1598             | 74                | 466    |
| Obitius Brixianus, sacerdos.          | 1599             | 75                | 468    |
| Ioannes à Ferandina.                  | 1599             | 75                | 469    |
| Petrus Alensis, sacerdos.             | 1600             | 76                | 470    |
| Ioannes Alexanientis, sacerdos.       | 1600             | 76                | 470    |
| Dominicus Veronensis, sacerdos.       | 1600             | 76                | 470    |
| Egidius Enneus, sacerdos.             | 1602             | 78                | 472    |
| Laurentius, florentinus sacerdos.     | 1602             | 78                | 475    |
| Elias ab Antico, sacerdos.            | 1602             | 78                | 475    |
| Antonius à Francica, sacerdos.        | 1603             | 79                | 475    |
| Vincentius ab Interamnia, sacerdos.   | 1603             | 79                | 477    |

# VIRORVM ILLVSTRIVM

|                                                            | Aetas<br>Christi. | Aetas<br>Religio. | Pagina |
|------------------------------------------------------------|-------------------|-------------------|--------|
| <i>Cherubinus à Castro S. Petri, Sacerd.</i>               | 1603              | 79                | 479    |
| <i>Stephanus à Tiferno Metaurensis, sacerd.</i>            | 1603              | 79                | 483    |
| <i>Dionysius Mediolanensis, sacerd.</i>                    | 1603              | 79                | 486    |
| <i>Paulinus à Clusonio, sacerd.</i>                        | 1603              | 79                | 486    |
| <i>Bonaventura Aletinus, sacerd.</i>                       | 1603              | 79                | 486    |
| <i>Gerardus Venetus, sacerd.</i>                           | 1603              | 79                | 486    |
| <i>Ioannes Euangelista, Mechliniensis, sacer.</i>          | 1603              | 79                | 486    |
| <i>Gregorius Bruxellensis, sacerd.</i>                     | 1603              | 79                | 487    |
| <i>Bernardus Eccanensis, sacerd.</i>                       | 1603              | 81                | 487    |
| <i>Franciscus à Ripa, sacerd.</i>                          | 1606              | 82                | 487    |
| <i>Michael à Valentia, sacerd.</i>                         | 1606              | 82                | 490    |
| <i>Franciscus Tyrolensis, sacerd.</i>                      | 1606              | 82                | 491    |
| <i>Alexander à Lauro, sacerd.</i>                          | 1606              | 82                | 491    |
| <i>Bonaventura à Petrasica, sacerd.</i>                    | 1606              | 82                | 491    |
| <i>Liberatus Mylensis, sacerd.</i>                         | 1606              | 82                | 491    |
| <i>Augustinus à Tyraceno, sacerd.</i>                      | 1606              | 82                | 492    |
| Fr. <i>David à Gassaco, sacerd.</i>                        | 1607              | 83                | 492    |
| <i>Antonius Consentinus, sacerd.</i>                       | 1607              | 83                | 492    |
| <i>Mattheus &amp; eius socij, sacerdot.</i>                | 1608              | 84                | 494    |
| <i>Angelus à Visso, sacerd.</i>                            | 1608              | 84                | 494    |
| <i>Gregorius à Manfredonia, sacerd.</i>                    | 1608              | 84                | 495    |
| <i>Zacharias Montensis, Belga, sacer.</i>                  | 1608              | 84                | 495    |
| <i>Franciscus à Grandesa, sacerd.</i>                      | 1608              | 84                | 496    |
| <i>Ioannes Bergomas, sacerd.</i>                           | 1609              | 85                | 496    |
| <i>Antonius ab Ebolo, sacerd.</i>                          | 1609              | 85                | 499    |
| <i>Marcellus Pistoriensis, sacerd.</i>                     | 1610              | 86                | 502    |
| <i>Paulus à Vernia, sacerd.</i>                            | 1610              | 86                | 503    |
| <i>Ioannes Franciscus à Lodronio, sac.</i>                 | 1611              | 87                | 503    |
| <i>Philippus Constantiensis, sacerd.</i>                   | 1611              | 87                | 503    |
| <i>Angelus Tolentinus, sacerd.</i>                         | 1611              | 87                | 503    |
| <i>Augustinus Nursinus, sacerd.</i>                        | 1611              | 87                | 503    |
| <i>Clemens Velitienensis, sacerd.</i>                      | 1612              | 88                | 504    |
| <i>Hilarion Britannus, sacerd.</i>                         | 1612              | 88                | 504    |
| <b>Clerici.</b>                                            |                   |                   |        |
| <i>Ioannes Gerundensis, Cleric. Nouitius.</i>              | 1581              | 57                | 506    |
| <i>Nicolaus Hispanus, Cleric.</i>                          | 1581              | 57                | 508    |
| <i>Augustinus Brixienfis, Cleric.</i>                      | 1582              | 58                | 509    |
| Fr. <i>In Piceni Prouincia quidam cleric. Florentinus.</i> | 1582              | 58                | 509    |
| <i>Mauritius à Monte Montanario, cler.</i>                 | 1583              | 59                | 509    |
| <i>Sebastianus Vraniensis, cleric.</i>                     | 1583              | 59                | 510    |
| <i>Ludovicus Aletinus, cleric. nouitius.</i>               | 1584              | 60                | 510    |



# INDEX.

|                                         | Annus<br>Christi. | Annus<br>Religio. | Pagina. |
|-----------------------------------------|-------------------|-------------------|---------|
| Paulus Barcinonensis, cleric.           | 1584              | 60                | 513     |
| Matthaus à Basseto,                     | 1585              | 61                | 514     |
| Matthias Anesinus, cleric.              | 1586              | 62                | 515     |
| Ioannes ab Ameria, cleric.              | 1588              | 64                | 515     |
| Archangelus à Mediavilla, cler. Diacon. | 1589              | 65                | 515     |
| Paulus Dertrusanus, cler. Diacon.       | 1589              | 65                | 515     |
| Seraphinus Antuerpiensis, cleric.       | 1590              | 66                | 515     |
| Ioannes Franciscus Aesinus, cleric.     | 1590              | 66                | 516     |
| Hieronymus Larenfis, cleric.            | 1590              | 66                | 517     |
| Ioannes Franciscus Bononienfis, cler.   | 1594              | 70                | 519     |
| Angelicus à Castro veterano, cleric.    | 1594              | 70                | 521     |
| Damasceus à Riuello, cleric.            | 1594              | 70                | 522     |
| Clemens Panormitanus, cleric.           | 1595              | 71                | 523     |
| Clemens Placentinus, cler.              | 1597              | 73                | 523     |
| Ioannes Baptista à Bisfiniano, cler.    | 1598              | 74                | 524     |
| Fr. Franciscus Narenfis, cler.          | 1599              | 75                | 524     |
| Ioannes Maria Genuensis, cleric.        | 1599              | 75                | 525     |
| Michael Angelus Genuensis, cler.        | 1599              | 75                | 525     |
| Seraphinus Panormitanus, cler.          | 1599              | 75                | 525     |
| Augustinus Tyracienfis, cler.           | 1606              | 82                | 492     |
| Franciscus à Molliario, cler.           | 1601              | 77                | 525     |
| Petrus à Martina, cler.                 | 1602              | 78                | 525     |
| Basilus Genuensis, cler.                | 1603              | 79                | 525     |
| Franciscus Rhegiensis Galloligur, cle.  | 1604              | 80                | 526     |
| Iosephus Valentinus, cler.              | 1605              | 81                | 526     |
| Egidius Mediolanensis, cler.            | 1607              | 83                | 526     |
| Ioannes à Pressana, cler.               | 1607              | 83                | 526     |
| Bonaventura Barcinonensis, cler.        | 1609              | 85                | 526     |
| Angelus Valentinus, cler.               | 1609              | 85                | 527     |
| Ioannes à Versuchio, cleric.            | 1611              | 87                | 528     |
| Laici.                                  |                   |                   |         |
| Fr. Alexius à Viglebano,                | 1581              | 57                | 528     |
| Bonaventura Veronenfis, laic.           | 1581              | 57                | 530     |
| Seraphinus Rheginus, laic.              | 1581              | 57                | 532     |
| Vitus Hyrminienfis, laic.               | 1582              | 58                | 534     |
| Arsenius Mediolanensis, laic.           | 1583              | 59                | 541     |
| Fr. Antonius Veregranensis, laic.       | 1583              | 59                | 544     |
| Paulus à Caluello, laic.                | 1583              | 59                | 545     |
| Vitalis Herbitensis, laic.              | 1583              | 59                | 548     |
| Leo Matteolensis, laic.                 | 1583              | 59                | 556     |
| Benedictus à Colleamato, laic.          | 1584              | 60                | 557     |

# VIRORVM ILLVSTRIVM

|                                       | Annus<br>Christi | Ætate<br>Religio | Pagina |
|---------------------------------------|------------------|------------------|--------|
| Onuphrius Pistoriensis, laic.         | 1584             | 60               | 559    |
| Ioannes Pisanus, laic.                | 1584             | 60               | 560    |
| Franciscus à Nucibus, laic.           | 1584             | 60               | 560    |
| Philippus à Marsico veteri, laic.     | 1584             | 60               | 561    |
| Mansuetus à Nouellaria, laic.         | 1584             | 60               | 561    |
| Santus Montopolitanus, laic.          | 1585             | 61               | 561    |
| Lucidus à Cortona, laic.              | 1585             | 61               | 563    |
| Lucidus à Luciniano, laic.            | 1585             | 61               | 563    |
| Ludonicus Mediolanensis, laic.        | 1585             | 61               | 563    |
| Benedictus Manduriensis, laic.        | 1585             | 61               | 563    |
| Iacobus Rhegiensis, laic.             | 1586             | 62               | 564    |
| Gerardus Florentinus, laic.           | 1586             | 62               | 567    |
| Honorius à Sestino, laic.             | 1586             | 62               | 568    |
| Alexius à Butrio, laic.               | 1586             | 62               | 569    |
| Antonius Bergomensis, laic.           | 1586             | 62               | 569    |
| Constantinus Patricensis, laic.       | 1586             | 62               | 571    |
| Bernardinus à Cherio, laic.           | 1586             | 62               | 574    |
| Antonius Rheginus, laic.              | 1586             | 62               | 579    |
| Iuniperus à Samboy, laic.             | 1586             | 62               | 591    |
| Ventura Soncinates, laic.             | 1586             | 62               | 591    |
| Fr. Felix à Cantalicio, laic.         | 1587             | 63               | 593    |
| Rufinus à G. Ilarato, laic.           | 1587             | 63               | 630    |
| Christophorus Panormitanus, laic.     | 1587             | 63               | 636    |
| Thadæus Lucensis, laic.               | 1587             | 63               | 637    |
| Vincentius Perusinus, laic.           | 1587             | 63               | 637    |
| Pacificus Theanensis, laic.           | 1587             | 63               | 637    |
| Massæus Matteolensis, laic.           | 1587             | 63               | 638    |
| Bernardinus à Trebia, laic.           | 1588             | 64               | 638    |
| Onufrius à Colle Crucis, laic.        | 1588             | 64               | 639    |
| Raynerius à Burgo S. Sepulchri, laic. | 1589             | 65               | 641    |
| Valentinus ab Altomuro, laic.         | 1589             | 65               | 668    |
| Marianus à Concha, laic.              | 1589             | 65               | 668    |
| Antonius à Cruce, laic.               | 1589             | 65               | 668    |
| Petrus à Martina, laic.               | 1590             | 66               | 668    |
| Antonius à Conissa, laic.             | 1590             | 66               | 671    |
| Peregrinus Mediolanensis, laic.       | 1590             | 66               | 673    |
| Lazarus Apicensis, laic.              | 1590             | 66               | 673    |
| Massæus Rauennas, laic.               | 1590             | 66               | 673    |
| Franciscus Maria Ferrariensis, laic.  | 1590             | 66               | 673    |
| Eusebius Calaber, laic.               | 1590             | 66               | 673    |
| Guidus à Cortona, laic.               | 1591             | 67               | 673    |
| Labianus Bergomas, laic.              | 1591             | 67               | 673    |

# INDEX.

|                                 | Anno<br>Christi. | Annus<br>eligio | Pagina. |
|---------------------------------|------------------|-----------------|---------|
| Otto Cortonicensis, laic.       | 1591             | 67              | 673     |
| Bartholomæus Darrocensis, laic. | 1591             | 67              | 673     |
| Baptista Rotundanus, laic.      | 1592             | 68              | 674     |
| Samuel à S. Antimo, laic.       | 1592             | 68              | 675     |
| Marinus à Garitola, laic.       | 1592             | 68              | 676     |
| Andreas Castulensis, laic.      | 1592             | 68              | 677     |
| Thomas Rotundanus, laic.        | 1592             | 68              | 677     |
| Petronius Vercellensis, laic.   | 1592             | 68              | 677     |
| Franciscus Monopolitanus, laic. | 1593             | 69              | 677     |
| Ioannes Navarrens, laic.        | 1593             | 69              | 678     |
| Ioannes à Seminaria, laic.      | 1593             | 69              | 680     |
| Stephanus Claramontanus, laic.  | 1594             | 70              | 683     |
| Augustinus Senensis, laic.      | 1595             | 71              | 684     |
| Maximinus Mantuanus, laic.      | 1595             | 71              | 685     |
| Saluator Sardus, laic.          | 1596             | 72              | 685     |
| Conradus à Balneis, laic.       | 1596             | 72              | 687     |
| Pacificus Italus, laic.         | 1596             | 72              | 691     |
| Sebastianus Matteolensis, laic. | 1596             | 72              | 693     |
| Niccolus Rescianensis, laic.    | 1596             | 72              | 693     |
| Antonius à Thoro, laic.         | 1597             | 73              | 693     |
| Antonius à Vico, laic.          | 1597             | 73              | 695     |
| Fr. Laurentius Atinensis, laic. | 1598             | 74              | 695     |
| Saluator à Tiffa, laic.         | 1598             | 74              | 698     |
| Andreas à Catania, laic.        | 1598             | 74              | 702     |
| Humilis à Tyraceno, laic.       | 1598             | 74              | 703     |
| Philippus à Funiano, laic.      | 1598             | 74              | 704     |
| Franciscus Aprilianensis, laic. | 1598             | 74              | 704     |
| Moricus à Visso, laic.          | 1599             | 75              | 705     |
| Iuniperus à Gussaco, laic.      | 1599             | 75              | 705     |
| Onufrius à Sorbano, laic.       | 1599             | 75              | 706     |
| Michael à Moromanno, laic.      | 1599             | 75              | 707     |
| Anselmus à Serra, laic.         | 1599             | 75              | 707     |
| Antonius à Baërra, laic.        | 1599             | 75              | 707     |
| Lucas Calaber, laic.            | 1600             | 76              | 708     |
| Bonaventura Hispanus, laic.     | 1600             | 76              | 708     |
| Macbarius à Castrobono, laic.   | 1600             | 76              | 710     |
| Bartholomæus Mutinensis, laic.  | 1600             | 76              | 711     |
| Ludovicus à Lacu nigro, laic.   | 1600             | 76              | 711     |
| Dionysius à Taberna, laic.      | 1601             | 77              | 711     |
| Angelus Faentinus, laic.        | 1602             | 78              | 711     |
| Curatus Bergomas, laic.         | 1602             | 78              | 713     |
| Hilarius à Campo longo, laic.   | 1602             | 78              | 713     |

# VIRORVM ILLVSTRIVM

|                                    | Annus<br>Christi. | Religio<br>Annus | Page. |
|------------------------------------|-------------------|------------------|-------|
| Vincentius à Conileone, laic.      | 1603              | 79               | 714   |
| Bonaventura à Neto, laic.          | 1603              | 79               | 716   |
| Ioannes à Sarnano, laic.           | 1603              | 79               | 718   |
| Peregrinus a Bontia, laic.         | 1603              | 79               | 718   |
| Anastasius Antuerpiensis, laic.    | 1603              | 79               | 718   |
| Vincentius à Chio, laic.           | 1604              | 80               | 718   |
| Seraphinus à Monte granario, laic. | 1604              | 80               | 722   |
| Bernardinus à Monte Cardo, laic.   | 1604              | 80               | 753   |
| Matthaus Enneu, laic.              | 1604              | 80               | 756   |
| Hugo Blesensis, laic.              | 1605              | 81               | 756   |
| Cyprianus Sestiniensis, laic.      | 1605              | 81               | 756   |
| Saluator Canianensis, laic.        | 1606              | 82               | 758   |
| Franciscus Synopolitanus, laic.    | 1606              | 82               | 760   |
| Franciscus à Darocha, laic.        | 1607              | 83               | 760   |
| Mansuetus à Salsubio, laic.        | 1608              | 84               | 763   |
| Marcus à Scotoneto, laic.          | 1608              | 84               | 768   |
| Innocentius à Iuliano, laic.       | 1608              | 84               | 771   |
| Pacificus Gallus, laic.            | 1608              | 84               | 772   |
| Ludovicus à Pedacio, laic.         | 1608              | 84               | 774   |
| Illuminatus Placentinus, laic.     | 1608              | 84               | 776   |
| Antonius Nuceriensis, laic.        | 1609              | 85               | 776   |
| Antonius a Neapoli, laic.          | 1609              | 85               | 778   |
| Narcissus Dianensis, laic.         | 1609              | 85               | 787   |
| Iacobus à Manfredonia, laic.       | 1609              | 85               | 792   |
| Mansuetus à Valle Camunorum, laic. | 1610              | 86               | 795   |
| Theodorus Panormitanus, laic.      | 1610              | 86               | 795   |
| Leonardus à Monte alto, laic.      | 1611              | 87               | 799   |
| Alexius Miceratensis, laic.        | 1610              | 86               | 800   |
| Modestus à Nucibus, laic.          | 1611              | 87               | 802   |
| Iustinus Neapolitanus, laic.       | 1612              | 88               | 804   |
| Matthias à S. Agatha, laic.        | 1582              | 58               | 805   |
| Petrus Calaber, laic.              | 1582              | 58               | 805   |
| Franciscus Arelatensis, laic.      | 1589              | 65               | 805   |
| Ioannes à Manfredonia, laic.       | 1592              | 68               | 805   |
| Ludovicus Panormitanus, laic.      | 1595              | 72               | 805   |
| Hieronimus à Vigueria, laic.       | 1598              | 74               | 805   |
| Onufrius Pintizarenensis, laic.    | 1599              | 75               | 806   |

Fr.

# INDEX.

## INDEX ALPHABETICVS.

### A.

|                                            | Anno<br>Christi. | pagina. |
|--------------------------------------------|------------------|---------|
| <i>Egidius Enneus, Sacerdos.</i>           | 1602             | 472     |
| <i>Egidius à Portu S. Maria, conc.</i>     | 1603             | 422     |
| <i>Egidius Mediolanensis, cleric.</i>      | 1607             | 526     |
| <i>Alberius Bergomas, conc.</i>            | 1585             | 212     |
| <i>Alexander à Lauro, sacerd.</i>          | 1606             | 491     |
| <i>Alexius à Viglebano, laic.</i>          | 1581             | 528     |
| <i>Alexius à Butrio, laic.</i>             | 1586             | 569     |
| <i>Alexius Marceratensis, laic.</i>        | 1610             | 800     |
| <i>Alphonsus Lupus Hispanus, conc.</i>     | 1595             | 408     |
| <i>Ambrosius à Cinitate Ducali, conc.</i>  | 1587             | 120     |
| <i>Ambrosius Senensis, conc.</i>           | 1595             | 415     |
| <i>Ambrosius Zifoniensis, sacerd.</i>      | 1596             | 463     |
| <i>Ambrosius Urbinas, conc.</i>            | 1600             | 252     |
| <i>Ambrosius Mediolanensis, sacerd.</i>    | 1601             | 419     |
| <i>Anastasius Antuerpiensis, laic.</i>     | 1603             | 718     |
| <i>Andreas Castulensis, laic.</i>          | 1592             | 677     |
| <i>Andreas Taurinensis, sacerd.</i>        | 1595             | 242     |
| <i>Andreas Cremonensis, sacerd.</i>        | 1594             | 248     |
| Fr. <i>Andreas à Sestino, sacerd.</i>      | 1597             | 249     |
| <i>Andreas à Catania, laic.</i>            | 1598             | 702     |
| <i>Andreas à Gandesa, sacerd.</i>          | 1605             | 179     |
| <i>Andreas Ennensis, conc.</i>             | 1612             | 376     |
| <i>Andreas à Villa Ecclesia, sacerd.</i>   | 1602             | 362     |
| <i>Angelicus à Castroueterano, cleric.</i> | 1594             | 522     |
| <i>Angelicus Panormitanus, conc.</i>       | 1605             | 175     |
| <i>Angelus à Brixia, conc.</i>             | 1585             | 439     |
| <i>Angelus à Foroliuio, conc.</i>          | 1585             | 383     |
| <i>Angelus Solofrensis, cleric.</i>        | 1586             | 441     |
| <i>Angelus Foroliuiensis, sacerd.</i>      | 1585             | 383     |
| <i>Angelus Bressonius, conc.</i>           | 1591             | 406     |
| <i>Angelus à Burino, sacerd.</i>           | 1592             | 459     |
| <i>Angelus Fauentinus, laic.</i>           | 1602             | 711     |
| <i>Angelus à Montecoruino, sacerd.</i>     | 1603             | 367     |
| <i>Angelus Ioioscius, conc.</i>            | 1608             | 56      |
| <i>Angelus à Visso, sacerd.</i>            | 1608             | 494     |
| <i>Angelus Valentinus, cleric.</i>         | 1609             | 527     |
| <i>Angelus Tolentinus, sacerd.</i>         | 1611             | 505     |

# VIRORVM ILLVSTRIVM

|                                             | A.<br>Christi. | P. 6. |
|---------------------------------------------|----------------|-------|
| <i>Anselmus à Petramolaria, concion.</i>    | 1584           | 86    |
| <i>Anselmus Bononiensis, concion.</i>       | 1590           | 234   |
| <i>Anselmus a Serra, laic.</i>              | 1589           | 707   |
| <i>Antonius à Lotito, sacerd.</i>           | 1582           | 438   |
| <i>Antonius Veregransensis, laic.</i>       | 1583           | 544   |
| <i>Antonius à Cepalunio, concion.</i>       | 1585           | 387   |
| <i>Antonius Montopolitanus, conc.</i>       | 1586           | 441   |
| <i>Antonius Siculus, sacerd.</i>            | 1586           | 441   |
| <i>Antonius à Bergomo, laic.</i>            | 1586           | 569   |
| <i>Antonius a Cruce, laic.</i>              | 1589           | 668   |
| <i>Antonius à Mondulpho, conc.</i>          | 1590           | 404   |
| <i>Antonius a Leonissa, laic.</i>           | 1590           | 671   |
| <i>Antonius à Vico, laic.</i>               | 1597           | 695   |
| <i>Antonius à Bæza, laic.</i>               | 1599           | 707   |
| <i>Antonius à Petramolaria, concion.</i>    | 1603           | 173   |
| <i>Antonius à Neapoli, laic.</i>            | 1609           | 778   |
| <i>Antonius à Francia, sacerd.</i>          | 1603           | 475   |
| <i>Antonius Eholensis, sacerd.</i>          | 1609           | 499   |
| <i>Antonius Nuceriensis, laic.</i>          | 1609           | 776   |
| <i>Antonius Maria Astenfis, sacerd.</i>     | 1605           | 272   |
| Fr. <i>Antonius Rheginus, laic.</i>         | 1586           | 579   |
| <i>Antonius à Thoro, laic.</i>              | 1597           | 693   |
| <i>Antonius Camertes, sacerd.</i>           | 1601           | 362   |
| <i>Antonius Consentinus, sacerd.</i>        | 1607           | 492   |
| <i>Archangelus à Mediarvilla, cler.</i>     | 1589           | 515   |
| <i>Archangelus ab Arimino, sacerd.</i>      | 1595           | 417   |
| <i>Archangelus Alarconius, concion.</i>     | 1598           | 100   |
| <i>Archangelus ab Auleta, concion.</i>      | 1609           | 430   |
| <i>Archangelus Scotus, concion.</i>         | 1606           | 181   |
| <i>Apollonius à Brixia, sacerd.</i>         | 1603           | 105   |
| <i>Arsenius Mediolanensis, laic.</i>        | 1583           | 541   |
| <i>Athanasius Tyraceniensis, sacerd.</i>    | 1582           | 200   |
| <i>Augustinus Brixienfis, cleric.</i>       | 1582           | 509   |
| <i>Augustinus ab Albintemelio, concion.</i> | 1585           | 90    |
| <i>Augustinus à Luciniano, concion.</i>     | 1585           | 381   |
| <i>Augustinus à Siciniano, sacerd.</i>      | 1594           | 460   |
| <i>Augustinus Senensis, laic.</i>           | 1595           | 634   |
| <i>Augustinus Tyraceniensis, cleric.</i>    | 1605           | 492   |
| <i>Augustinus Genuensis, concion.</i>       | 1606           | 273   |
| <i>Augustinus à Tyraceno, sacerd.</i>       | 1606           | 492   |
| <i>Augustinus à Nursia, sacerd.</i>         | 1611           | 503   |
| <i>Aurelius Mediolanensis, sacerd.</i>      | 1588           | 225   |

# INDEX.

## B.

|                                                | Annus<br>Christi. | Pag.aa. |
|------------------------------------------------|-------------------|---------|
| Baptista à Rotunda, Laic.                      | 1592              | 674     |
| Bartholomaeus Darocensis, laic.                | 1591              | 673     |
| Bartholomaeus Casenae, sacerd.                 | 1592              | 130     |
| Bartholomaeus Casenae Eremita nuncupatus, sac. | 1592              | 347     |
| Bartholomaeus Mutinensis, laic.                | 1600              | 711     |
| Basilus Syracusanus, sacerd.                   | 1552              | 198     |
| Basilus Genuens, cleric.                       | 1603              | 515     |
| Benedictus à Colleamato,                       | 1584              | 537     |
| Benedictus Manduriensis, laic.                 | 1585              | 563     |
| Benedictus Valentinus, sacerd.                 | 1587              | 442     |
| Benedictus Saluens, sacerd.                    | 1593              | 460     |
| Benedictus à Venafro, sacerd.                  | 1593              | 462     |
| Benedictus Rhegiensis, concion.                | 1602              | 366     |
| Benedictus Canfeldensis, Anglus, con.          | 1610              | 280     |
| Bernardinus à Cileto, concion.                 | 1586              | 174     |
| Bernardinus à Cherio, laic.                    | 1586              | 574     |
| Fr. Bernardinus à Trebio, laic.                | 1588              | 658     |
| Bernardinus Aragonensis, sacerd.               | 1593              | 135     |
| Bernardinus à Colle Petraccio, conc.           | 1594              | 138     |
| Bernardinus à Monte Cardo, laic.               | 1604              | 753     |
| Bernardus Lusitanus, cleric.                   | 1591              | 453     |
| Bernardus Cantuensis, sacerd.                  | 1589              | 446     |
| Bernardus Celtiber, sacerd.                    | 1589              | 447     |
| Bernardus ab Auximo, concion.                  | 1591              | 126     |
| Bernardus Eccanen, sacerd.                     | 1603              | 487     |
| Bonauentura Veronensis, laic.                  | 1581              | 530     |
| Bonauentura Reggensis, sacerd.                 | 1589              | 446     |
| Bonauentura Valentinus, sacerd.                | 1591              | 455     |
| Bonauentura Hispanus, laic.                    | 1600              | 708     |
| Bonauentura Aletinus, sacerd.                  | 1603              | 486     |
| Bonauentura à Neto, laic.                      | 1603              | 716     |
| Bonauentura à Monteregali, conc.               | 1604              | 105     |
| Bonauentura à Petrascta, sacerd.               | 1606              | 490     |
| Bonauentura à Nursia, conc.                    | 1607              | 426     |
| Bonauentura Barcinonensis, cleric.             | 1609              | 526     |
| Bonauentura Calaritanus, sacerd.               | 1611              | 294     |

## C

|                                 |      |     |
|---------------------------------|------|-----|
| Candidus à Rezzato, sacerd.     | 1591 | 453 |
| Cherubinus à Pescaria, concion. | 1587 | 338 |
| Cherubinus à Nucibus, concion.  | 1592 | 92  |



# VIRORVM ILLVSTRIVM.

|                                         | Annus<br>Christi. | Page. |
|-----------------------------------------|-------------------|-------|
| [ Cherubinus à Castro S. Petri, Sacerd. | 1603              | 479   |
| [ Cherubinus Maurianensis, concion.     | 1609              | 429   |
| [ Cherubinus à Quilliano, sacerd.       | 1612              | 167   |
| [ Christophorus Panormitanus, laic.     | 1587              | 636   |
| [ Chrysostomus Albidonensis, sacer.     | 1593              | 460   |
| [ Clemens à Granina, sacerd.            | 1593              | 144   |
| [ Clemens Panormitanus, cler.           | 1593              | 523   |
| [ Clemens Placentinus, cler.            | 1597              | 523   |
| [ Clemens Apriciniensis, concion.       | 1603              | 188   |
| Fr. [ Clemens Velitrensis, sacerd.      | 1612              | 504   |
| [ Conradus à Balneis, laic.             | 1596              | 687   |
| [ Constantinus à Salvatore, sac.        | 1586              | 217   |
| [ Constantinus à Patricio, laic.        | 1586              | 571   |
| [ Constantinus Mutilensis, sacer.       | 1607              | 275   |
| [ Cornelius à Salut, sacerd.            | 1593              | 460   |
| [ Cosmas Caulonensis, sacerd.           | 1607              | 161   |
| [ Curatus Bergomas, laic.               | 1602              | 713   |
| [ Cyprianus à Montecornuino, sacer.     | 1584              | 203   |
| [ Cyprianus Sestiniensis, laic.         | 1605              | 756   |

## D.

|                                  |      |     |
|----------------------------------|------|-----|
| [ Damascenus à Rinello, Cleric.  | 1594 | 522 |
| [ David à Gussaco, sacerd.       | 1607 | 492 |
| [ Dionysius à Spoleto, concion.  | 1582 | 75  |
| [ Dionysius Aletinus, concion.   | 1589 | 343 |
| Fr. [ Dionysius à Taberna, laic. | 1601 | 711 |
| [ Dionysius Mediolanensis, sac.  | 1605 | 436 |
| [ Dominicus à Boschetto, conc    | 1589 | 391 |
| [ Dominicus Veronensis, sacerd.  | 1600 | 470 |
| [ Dominicus à Costa, concionat.  | 1606 | 158 |

## E.

|                                    |      |     |
|------------------------------------|------|-----|
| [ Elias ab Antico, Sacerd.         | 1502 | 475 |
| [ Eliseus à Messana, sacerd.       | 1582 | 201 |
| Fr. [ Emanuel Taurinensis, sacerd. | 1595 | 464 |
| [ Euangelista à Canobio, Gener.    | 1595 | 45  |
| [ Eusebius Calaber, laic.          | 1595 | 673 |

## F.

|                                      |      |     |
|--------------------------------------|------|-----|
| [ Fabianus Bergomas, Laic.           | 1591 | 673 |
| Fr. [ Fabianus à Centellas, concion. | 1604 | 426 |
| [ Fabricius Cameriniensis, sacer.    | 1584 | 542 |

# INDEX

|                                      | Annus<br>Christi. | pagina. |
|--------------------------------------|-------------------|---------|
| B. Felix à Cantalizio, laic.         | 1587              | 593     |
| Felix Pongadiensis, laic.            | 1594              | 460     |
| Felix à Petra Honorij, conc.         | 1596              | 104     |
| Franciscus ab Aquis Bormijs, conc.   | 1593              | 75      |
| Franciscus Mediolanensis, con.       | 1593              | 57      |
| Franciscus à Concha, concion.        | 1584              | 581     |
| Franciscus à Nucibus, laic.          | 1584              | 560     |
| Franciscus à Mazzara, conc.          | 1588              | 588     |
| Franciscus Perusinus, concion.       | 1589              | 446     |
| Franciscus Arclatenfis, laic.        | 1589              | 805     |
| Franciscus Monopolitanus, laic.      | 1593              | 677     |
| Franciscus à Paterno, sacer.         | 1598              | 466     |
| Franciscus Aprilianensis, laic.      | 1598              | 704     |
| Franciscus à Vico, sacer.            | 1599              | 130     |
| Fr. Franciscus à Naro, cleric.       | 1599              | 524     |
| Franciscus à Messapia, sacer.        | 1600              | 561     |
| Franciscus à Moliano, cleric.        | 1601              | 523     |
| Franciscus Nouariensis, sacer.       | 1603              | 263     |
| Franciscus Regiensis, cleric.        | 1604              | 526     |
| Franciscus à Ripa, sacer.            | 1606              | 487     |
| Franciscus Tyrolensis, sacer.        | 1606              | 491     |
| Franciscus Sinopolitanus, laic.      | 1606              | 760     |
| Franciscus Lusitanus, concion.       | 1607              | 759     |
| Franciscus à Darocha, laic.          | 1607              | 760     |
| Franciscus à Castellone, sacer.      | 1608              | 164     |
| Franciscus à Gandefin, sacer.        | 1608              | 495     |
| Franciscus Maria Ferrariensis, laic. | 1590              | 673     |
| Fulgentius Asculanus, sacer.         | 1582              | 459     |
| G.                                   |                   |         |
| Gabriel ab Insulis Balearib. sacer.  | 1592              | 456     |
| Gabriel à Montenouo, concion.        | 1598              | 147     |
| Gaspar à Balcarì maiori, sacer.      | 1586              | 441     |
| Gerardus Venetus, sacer.             | 1603              | 486     |
| Gerardus Florentinus, laic.          | 1586              | 567     |
| Fr. Gregorius à Prato Regum, sacer.  | 1587              | 442     |
| Gregorius Bruxellensis, sacer.       | 1603              | 487     |
| Gregorius à Manfredonia, sac.        | 1608              | 495     |
| Guidus Finariensis, sacer.           | 1589              | 446     |
| Guidus à Cortona, laic.              | 1591              | 673     |

# VIRORVM ILLVSTRIVM.

## H.

|                                          | Annus<br>Christi. | Pagina. |
|------------------------------------------|-------------------|---------|
| <i>Hieronimus Nouariensis, Sacerd.</i>   | 1582              | 191     |
| <i>Hieronimus à Monte florum, Gener.</i> | 1584              | 15      |
| <i>Hieronimus Mediolanensis, conc.</i>   | 1584              | 79      |
| <i>Hieronimus à Bibli noua, sacerd.</i>  | 1588              | 447     |
| <i>Hieronimus Lirensis, cleric.</i>      | 1590              | 517     |
| <i>Hieronimus Foroliuensis, sacerd.</i>  | 1591              | 455     |
| <i>Hieronimus Picens, sacerd.</i>        | 1593              | 174     |
| <i>Hieronimus Aquariensis, conc.</i>     | 1595              | 174     |
| Fr. <i>Hieronimus à Vigueria, laic.</i>  | 1598              | 803     |
| <i>Hilarion ab Iniois, fflisp. conc.</i> | 1592              | 406     |
| <i>Hilarion Vibonensis, sacerd.</i>      | 1605              | 269     |
| <i>Hilarion Britannus, sacerd.</i>       | 1612              | 504     |
| <i>Hilarius Cebensis, sacerd.</i>        | 1598              | 350     |
| <i>Hilarius à Campo longo, laic.</i>     | 1602              | 713     |
| <i>Honorius à Sestino, laic.</i>         | 1586              | 568     |
| <i>Hugo Blesensis, laic.</i>             | 1605              | 758     |
| <i>Humilis à Tyraceno, laic.</i>         | 1598              | 705     |

## I.

|                                           |      |     |
|-------------------------------------------|------|-----|
| <i>Iacobus Mediolanensis, sacerd.</i>     | 1584 | 111 |
| <i>Iacobus à Forosarz, inio, Gener.</i>   | 1586 | 28  |
| <i>Iacobus à Petrarubbia, sacerd.</i>     | 1586 | 118 |
| <i>Iacobus à Belfortio, sacerd.</i>       | 1586 | 220 |
| <i>Iacobus Regiensis, laic.</i>           | 1586 | 564 |
| <i>Iacobus Cremenensis, sacerd.</i>       | 1591 | 454 |
| <i>Iacobus Superatensis,</i>              | 1594 | 53  |
| <i>Iacobus à Manfredonia, laic.</i>       | 1609 | 792 |
| <i>Illuminatus Placentinus, laic.</i>     | 1608 | 776 |
| Fr. <i>Innocentius à Iuliano, laic.</i>   | 1508 | 771 |
| <i>Ioannes Gerundenensis, cler. noni.</i> | 1531 | 506 |
| <i>Ioannes à Frentano, sacerd.</i>        | 1532 | 196 |
| <i>Ioannes Pisanus, laic.</i>             | 1584 | 560 |
| <i>Ioannes Nouocomensis, conc.</i>        | 1585 | 214 |
| <i>Ioannes Illyricus, sacerd.</i>         | 1588 | 443 |
| <i>Ioannes ab Ameria, cleric.</i>         | 1598 | 515 |
| <i>Ioannes à Petrasicta, sacerd.</i>      | 1590 | 452 |
| <i>Ioannes à Colleamato, sacerd.</i>      | 1591 | 236 |
| <i>Ioannes à Manfredonia laic.</i>        | 1592 | 805 |
| <i>Ioannes Nauarreus, laic.</i>           | 1593 | 678 |
| <i>Ioannes à Seminaria, laic.</i>         | 1593 | 680 |

# INDEX.

|                                                   | Annus<br>Christi. | Pagina. |
|---------------------------------------------------|-------------------|---------|
| <i>Ioannes Iustitanus, sacerd.</i>                | 1597              | 464     |
| <i>Ioannes à Ferandina, sacerd.</i>               | 1599              | 469     |
| <i>Ioannes Alexianensis, sacerd.</i>              | 1600              | 470     |
| <i>Ioannes Alarconius, concion.</i>               | 1603              | 423     |
| <i>Ioannes à Sernano, laic.</i>                   | 1603              | 718     |
| <i>Ioannes à Pressana, cleric.</i>                | 1607              | 526     |
| <i>Ioannes à Bergamo, sacerd.</i>                 | 1609              | 496     |
| <i>Ioannes à Veruchio, cleric.</i>                | 1611              | 529     |
| <i>Ioannes à Fano Romuli, conc.</i>               | 1612              | 435     |
| <i>Ioannes Baptista Prattenfis, conc.</i>         | 1586              | 114     |
| <i>Ioannes Baptista à Bisliniano, cle.</i>        | 1598              | 524     |
| <i>Ioannes Baptista à S. Agatha, sac.</i>         | 1603              | 367     |
| <i>Ioannes Euangelista Mechliniensis, sacerd.</i> | 1603              | 486     |
| <i>Ioannes Franciscus Aesinus, cle.</i>           | 1590              | 516     |
| <i>Ioannes Franciscus Bononiensis, cler.</i>      | 1594              | 519     |
| Fr. <i>Ioannes Franciscus à Lodronio, sac.</i>    | 1611              | 503     |
| <i>Ioannes Maria à Tiffa, General.</i>            | 1584              | 10      |
| <i>Ioannes Maria à Mauretta, sacerd.</i>          | 1585              | 441     |
| <i>Ioannes Maria Genuensis, cleric.</i>           | 1599              | 525     |
| <i>Joseph Barcinonensis, concion.</i>             | 1584              | 377     |
| <i>Joseph Oxibienfis, concion.</i>                | 1589              | 404     |
| <i>Joseph Celtiber, sacerd.</i>                   | 1589              | 447     |
| <i>Joseph Valentinus, cleric.</i>                 | 1603              | 526     |
| <i>Joseph à Leonissa, conc.</i>                   | 1612              | 295     |
| <i>Isaias Mediolanensis, sacerd.</i>              | 1586              | 222     |
| <i>Julianus Camertes, sacerd.</i>                 | 1611              | 373     |
| <i>Iuniperus à Samboy, laic.</i>                  | 1586              | 591     |
| <i>Iuniperus à Gussaco, laic.</i>                 | 1599              | 703     |
| <i>Iustinus à Nursia, sacerd.</i>                 | 1594              | 245     |
| <i>Iustinus Neapolitanus, laic.</i>               | 1612              | 804     |

## L

|                                           |      |     |
|-------------------------------------------|------|-----|
| <i>Laurentius Oseensis, sacerdos.</i>     | 1591 | 239 |
| <i>Laurentius Atinensis, laic.</i>        | 1598 | 695 |
| <i>Laurentius à Montepolitiano, conc.</i> | 1601 | 151 |
| <i>Laurentius Florentinus, sac.</i>       | 1602 | 475 |
| <i>Lazarus Apuensis, laic.</i>            | 1590 | 673 |
| Fr. <i>Leo Matteolensis, laic.</i>        | 1583 | 556 |
| <i>Leonardus à Montealto, laic.</i>       | 1611 | 799 |
| <i>Liberatus Milensis, sacerd.</i>        | 1606 | 491 |
| <i>Liberius à Cortona, sacerd.</i>        | 1585 | 440 |
| <i>Lucas à Bardania, sacerd.</i>          | 1588 | 446 |

# VIRORVM ILLVSTRIVM

|                                         | Annus<br>Christi. | Pagina. |
|-----------------------------------------|-------------------|---------|
| Lucas Eratuertiensis, sacerdos.         | 1598              | 97      |
| Lucas Calaber, laic.                    | 1600              | 708     |
| Lucidus à Cortona, laic.                | 1585              | 563     |
| Lucidus à Luciniano, laic.              | 1585              | 563     |
| Ludouicus Aletinus, nouitius.           | 1584              | 510     |
| Ludouicus Mediolanensis, laic.          | 1585              | 563     |
| Fr. Ludouicus à Iuuenatio, conc.        | 1587              | 47      |
| Ludouicus à Sulmona, conc.              | 1588              | 342     |
| Ludouicus Alcamensis, sacerdos.         | 1590              | 449     |
| Ludouicus Panormitanus, nouitius. laic. | 1596              | 805     |
| Ludouicus à Lacunigro, laic.            | 1600              | 711     |
| Ludouicus à Pedacio, laic.              | 1608              | 774     |
| <b>M</b>                                |                   |         |
| Macharius à Castrobono, laic.           | 1600              | 710     |
| Mansuetus à Nouellaria, laic.           | 1584              | 161     |
| Mansuetus à Valle Camunorum, laic.      | 1610              | 795     |
| Mansuetus à Salubio, laic.              | 1608              | 765     |
| Marcellus Trifluminensis, sac.          | 1601              | 255     |
| Marcellus Curensis, conc.               | 1610              | 431     |
| Marcellus Pistoriensis, sacerdos.       | 1610              | 502     |
| Marcus Terlutiensis, conc.              | 1585              | 384     |
| Marcus à Maraddo, sacerdos.             | 1591              | 455     |
| Marcus à Scotoneto, laic.               | 1608              | 768     |
| Marianus Iauenensis, conc.              | 1585              | 387     |
| Marianus à Nasò, conc.                  | 1588              | 389     |
| Marianus à Concha, laic.                | 1589              | 668     |
| Fr. Marinus à Garitola, laic.           | 1592              | 675     |
| Marius à Forosarzinio. Generalis.       | 1581              | 2       |
| Marius à Piceleone, sacerdos.           | 1603              | 102     |
| Massaus, Matteolensis, laic.            | 1587              | 638     |
| Massaus Rauennas, laic.                 | 1590              | 673     |
| Matthaus Calaber, sacerdos.             | 1587              | 442     |
| Matthaus Enneus, laic.                  | 1604              | 756     |
| Matthias à S. Agatha.                   | 1582              | 805     |
| Matthias Anesinus, cleric.              | 1586              | 515     |
| Matthias à Bassio,                      | 1585              | 514     |
| Matthias à Concha, sacerdos.            | 1599              | 352     |
| Matthias à Salodio, conc.               | 1611              | 66      |
| Mauritius à Montemontanario, cler.      | 1583              | 509     |
| Maximinus Mantuanus, laic.              | 1595              | 685     |
| Maximus Messanensis, conc.              | 1596              | 419     |

# INDEX

|                                               | ANNO<br>Christi. | PAGINA. |
|-----------------------------------------------|------------------|---------|
| <i>Michael Hispanus, conc.</i>                | 1585             | 386     |
| <i>Michael à Denia, sacer.</i>                | 1589             | 227     |
| <i>Michael à Moromanno, laic.</i>             | 1599             | 707     |
| <i>Michael Perpinienfis, conc.</i>            | 1604             | 424     |
| <i>Michael à Valentia, sacer.</i>             | 1606             | 490     |
| <i>Michael Louanienfis, sacer.</i>            | 1606             | 367     |
| Fr. <i>Michael Angelus à Mediolano, conc.</i> | 1582             | 377     |
| <i>Michael Angelus Genuenfis, cleric.</i>     | 1599             | 525     |
| <i>Michael Angelus Venetus, conc.</i>         | 1612             | 433     |
| <i>Michael Angelus Badensis, conc.</i>        | 1609             | 427     |
| <i>Modestus Mutinenfis, sacer.</i>            | 1595             | 461     |
| <i>Modestus à Nucibus, laic.</i>              | 1611             | 802     |
| <i>Muricus à Viffo, laic.</i>                 | 1599             | 705     |

## N.

|                                       |      |     |
|---------------------------------------|------|-----|
|                                       |      |     |
| <i>Narcissus Dianenfis, laic.</i>     | 1609 | 787 |
| <i>Nicolaus Hispanus, cleric.</i>     | 1581 | 508 |
| Fr. <i>Nicolaus Aurilotus, sacer.</i> | 1595 | 454 |
| <i>Nicolaus Roscianenfis, laic.</i>   | 1596 | 693 |

## O.

|                                             |      |     |
|---------------------------------------------|------|-----|
|                                             |      |     |
| <i>Obitus Brixianus, sacer.</i>             | 1599 | 468 |
| <i>Onufrius Pistorienfis, laic.</i>         | 1584 | 559 |
| Fr. <i>Onufrius à Colle Crucis, laic.</i>   | 1588 | 639 |
| <i>Onufrius à Sorbano, laic.</i>            | 1599 | 706 |
| <i>Onufrius Pintizarenfis, nouit. laic.</i> | 1599 | 806 |
| <i>Otho Cortonienfis, laic.</i>             | 1591 | 673 |

## P.

|                                          |      |     |
|------------------------------------------|------|-----|
|                                          |      |     |
| <i>Pacificus à Sestino, sa.</i>          | 1584 | 202 |
| <i>Pacificus Theanenfis, laic.</i>       | 1587 | 637 |
| <i>Pacificus Italus, laic.</i>           | 1596 | 693 |
| <i>Pacificus Gallus, laic.</i>           | 1608 | 772 |
| <i>Paulinus à Clusonio, sacer.</i>       | 1603 | 486 |
| <i>Paulus à Calauello, laic.</i>         | 1583 | 545 |
| Fr. <i>Paulus Barcinonenfis, cleric.</i> | 1584 | 513 |
| <i>Paulus Detursanus, diacon.</i>        | 1589 | 515 |
| <i>Paulus Aletinus, sacer.</i>           | 1608 | 175 |
| <i>Paulus à Vernia, sacer.</i>           | 1610 | 503 |
| <i>Peregrinus Mediolanenfis, laic.</i>   | 1590 | 675 |
| <i>Peregrinus à Pontia, laic.</i>        | 1603 | 718 |
| <i>Petronius Vercellenfis, laic.</i>     | 1592 | 677 |

# VIRORVM ILLVSTRIVM.

|                                   | Annus<br>Christi. | pagina. |
|-----------------------------------|-------------------|---------|
| Petrus Calaber, Laic.             | 1582              | 805     |
| Petrus Placentinus. Concion.      | 1585              | 382     |
| Petrus Maceratenfis, concion.     | 1587              | 388     |
| Petrus à Campis, concion.         | 1589              | 402     |
| Petrus Bessonus,                  | 1589              | 251     |
| Petrus à Martina, laic.           | 1590              | 669     |
| Petrus à Montemagno, conc.        | 1591              | 405     |
| Petrus Trigofius, concion.        | 1593              | 416     |
| Petrus Belga, sacer.              | 1595              | 464     |
| Fr. Petrus Alenſis, sacer.        | 1600              | 470     |
| Petrus à Martina, cleric.         | 1602              | 525     |
| Petrus à Mureto, sacer.           | 1588              | 123     |
| Philippus à Nerſico, laic.        | 1584              | 561     |
| Philippus Inyconfis, sacer.       | 1588              | 442     |
| Philippus à Ricineto, sacer.      | 1589              | 446     |
| Philippus à Funia, laic.          | 1598              | 704     |
| Philippus Conſtantiensſis, sacer. | 1611              | 503     |
| Pius Tuticenfis, sacer.           | 1589              | 447     |

## R.

|                                       |      |     |
|---------------------------------------|------|-----|
| Raphael à Monſeria, concion.          | 1595 | 249 |
| Raynerius Biturgienſis, sacer.        | 1581 | 457 |
| Raynerius à Burgo S. Sepulchri, laic. | 1589 | 641 |
| Fr. Remigius Bergomas, sacer.         | 1610 | 374 |
| Rochus Genuenſis, sacer.              | 1589 | 447 |
| Rogerius à Tipherno, sacer.           | 1610 | 291 |
| Ruffinus Galaratenſis, laic.          | 1587 | 630 |
| Ruffinus Roſſanenſis, concion.        | 1597 | 419 |

## S.

|                                   |      |     |
|-----------------------------------|------|-----|
| Saluator Sardu, Laic.             | 1596 | 685 |
| Saluator à Tiffa, laic.           | 1598 | 698 |
| Saluator à Caniano, laic.         | 1606 | 758 |
| Samuel à S. Antimo, laic.         | 1592 | 673 |
| Sanctes à Montopoli, laic.        | 1585 | 561 |
| Fr. Sebastianus Argyrenſis, conc. | 1585 | 107 |
| Sebastianus Vranienſis, cleric.   | 1585 | 510 |
| Sebastianus Fauentinus, sacer.    | 1585 | 441 |
| Sebastianus Matteolenſis, laic.   | 1596 | 693 |
| Secundinus Aſtenſis, sacer.       | 1589 | 344 |
| Seraphinus Reginus, laic.         | 1581 | 932 |
| Seraphinus Antuerpienſis, cler.   | 1595 | 515 |

Sera-



# INDEX VIROR. ILLVSTR.

|                                      | Annus<br>Christi. | pagina. |
|--------------------------------------|-------------------|---------|
| Seraphinus Nouocomensis, Sac.        | 1592              | 459     |
| Seraphinus à Neapoli, sacerd.        | 1593              | 177     |
| Seraphinus Panormitanus, cler.       | 1599              | 525     |
| Seraphinus à Montegranario, laic.    | 1604              | 722     |
| Syluerius Messanenſis, concion.      | 1609              | 428     |
| Simon Butrienſis, sacerd.            | 1582              | 438     |
| Spiritus à Balma, concion.           | 1602              | 155     |
| Fr. Stephanus Claromontanus, laic.   | 1594              | 683     |
| Stephanus Tyraceniensis, sacerd.     | 1597              | 250     |
| Stephanus à Tiferno Metaurenſi, ſac. | 1608              | 483     |
| Sylueſter Albingenſis, concion.      | 1592              | 406     |
| Sylueſter Cingulanus, sacerd.        | 1595              | 464     |
| Sylueſter Roſcianenſis, concion.     | 1596              | 43      |
| Sylvius ab Hoſtrabich, concion.      | 1586              | 387     |
| Sylvius Mediolanenſis, sacerd.       | 1608              | 369     |
| T.                                   |                   |         |
| Thadæus Lucenſis, Laic.              | 1587              | 637     |
| Theodorus Panormitanus, laic.        | 1610              | 796     |
| Fr. Thomas Atrienſis, sacerd.        | 1583              | 341     |
| Thomas Aletinus, sacerd.             | 1587              | 442     |
| Thomas à Carauinia, sacerd.          | 1588              | 445     |
| Thomas Rotundanus, laic.             | 1592              | 677     |
| V.                                   |                   |         |
| Valentinus ab Alsomuro, laic.        | 1589              | 668     |
| Ventura Socinas, laic.               | 1586              | 595     |
| Vincenſius à Perusia, laic.          | 1587              | 637     |
| Vincenſius Andrienſis, sacerd.       | 1592              | 415     |
| Vincenſius à Saleducio, sacerd.      | 1592              | 458     |
| Fr. Vincenſius ab Interamnia, ſac.   | 1603              | 477     |
| Vincenſius à Conileone, laic.        | 1603              | 714     |
| Vincenſius à Chio, laic.             | 1604              | 718     |
| Vincenſius à Petramelia, ſac.        | 1608              | 277     |
| Vitalis à Mediolano, sacerd.         | 1581              | 436     |
| Vitalis Herbitenſis, laic.           | 1583              | 548     |
| Vitus Herminienſis, laic.            | 1582              | 534     |
| Vrbanus Frentanenſis, conc.          | 1607              | 426     |
| Z                                    |                   |         |
| Fr. Zacharias à Trebiano, sacerd.    | 1585              | 113     |
| Zacharias Mediolanenſis, ſac.        | 1603              | 266     |
| Zacharias Montenſis, sacerd.         | 1608              | 495     |

FINIS.



